


Cohãcjũ Yere
Yahuducuri Tju



New Testament in Piratapuyo (CO:pir:Piratapuyo)

Cohãcjã Yere Yahuducuri Tju

New Testament in Piratapuyo (CO:pir:Piratapuyo)

copyright © 2011 Wycliffe Bible Translators, Inc.

Language: Piratapuyo

Translation by: Wycliffe Bible Translators, Inc.

Piratapuyo [pir], Colombia

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Piratapuyo

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files dated 29 Jan 2022

ad83cef1-6eb5-5233-a8f3-356e47bbda0d

Contents

San Mateo	1
San Marcos	100
San Lucas	160
San Juan	264
Hechos	338
Romanos	431
1 Corintios	476
2 Corintios	520
Gálatas	548
Efesios	563
Filipenses	579
Colosenses	588
1 Tesalonicenses	598
2 Tesalonicenses	606
1 Timoteo	611
2 Timoteo	623
Tito	631
Filemón	636
Hebreos	639
Santiago	674
1 San Pedro	686
2 San Pedro	698
1 San Juan	706
2 San Juan	716
3 San Juan	718
San Judas	720
Apocalipsis	724

San Mateo

*Jesucristo Cohãcjã macũno
tiquiro acaye panopũ cjẽna
ijire*

(Lc 3.23-38)

1 Jesucristo acayere panopũ cjẽnare yahutja yũhũ. Tiquiro ñecũno mũnãno panopũ cjãno Davi wame tiriquire ijie tiahye. Tiquiro ijiato pano tiquina ñecũno mũnãno iji turiariquire Abrahã wame tiriquire ijie tiahye.

2 Abrahã Isaac pacũro iji-ahye. Isaac Jacob pacũro iji-ahye. Jacob Judã gãhũ pacũro iji-ahye.

3 Fare, Zara mehna tiquina pacũro Judã iji-ahye. Tiquina pacoro Tamar wame tiricoro iji-ahye. Fare Esrom pacũro iji-ahye. Esrom Aram pacũro iji-ahye.

4 Aram Aminadab pacũro iji-ahye. Aminadab Naasõn pacũro iji-ahye. Naasõn Salmõn pacũro iji-ahye.

5 Salmõn Booz pacũro iji-ahye. Tiquiro pacoro Rahab iji-ahye. Booz Obed pacũro iji-ahye. Tiquiro pacoro Rut iji-ahye. Obed Isai pacũro iji-ahye.

6 Isai Davi pacũro iji-ahye. Davi pehe Israe masa pũhtoro iji-ahye. Tiquiro Uria wame tiriquire mũnãno namonore tiquiro namo tiri bato Salomo wame tiriquire pohna tiahye.

7 Salomo Roboam pacũro iji-ahye. Roboam Abia pacũro

iji-ahye. Abia Asa pacũro iji-ahye.

8 Asa Josafat pacũro iji-ahye. Josafat Joram pacũro iji-ahye. Joram Uzia pacũro iji-ahye.

9 Uzia Jotam pacũro iji-ahye. Jotam Acaz pacũro iji-ahye. Acaz Ezequia pacũro iji-ahye.

10 Ezequia Manase pacũro iji-ahye. Manase Amõn pacũro iji-ahye. Amõn Josia pacũro iji-ahye.

11 Josia Jeconia gãhũ pacũro iji-ahye. Tiquina ijiri pjere Israe yehpa cjẽnare Babilonia cjẽna pehe ñehe cãhye tiquina ya yehpapũ.

12 Sa ye Babilonia yehpapũ tiquina esari bato, Jeconia Salatiere pohna tiahye. Salatiel Zorobabel pacũro iji-ahye.

13 Zorobabel Abiud pacũro iji-ahye. Abiud Eliaquim pacũro iji-ahye. Eliaquim Azor pacũro iji-ahye.

14 Azor Zadoc pacũro iji-ahye. Zadoc Aquim pacũro iji-ahye. Aquim Eliud pacũro iji-ahye.

15 Eliud Eleazar pacũro iji-ahye. Eleazar Matãn pacũro iji-ahye. Matãn Jacob pacũro iji-ahye.

16 Jacob Josã pacũro iji-ahye. Josã Mariã manũno iji-ahye. Mariã pehe Jesu pacoro ijiri. Jesu pehe masare yũhdũoatiquiro ijiro, Cristo tiquina ni pisuriquire ijiri.

17 Sa yeye Abrahãre mari queo mũhtagũ tee Davire mari queo bato tigũ ahriquina ijipihtiyequina tiquina panamena mehna

ijiye, catorce cururi waro ijiahye. Sa yeye mari pari turi Davire mari queo mahtagū tee Babiloniapu Israe masare tiquina neato pano mari queo bato tigū ijipihitiyequina tiquina panamena mehna ijiye, catorce cururi waro pari turi ijiahye. Sa ye tuhasa Babiloniapu tiquina esari bato mari queo mahtagū tee Cristo tiquiro masa bajuagūpu mari queo bato tigū ijipihitiyequina tiquina panamena mehna ijiye, catorce cururi waro ijiahye tja.

Jesucristo tiquiro masa bajuarire yahuahye
(Lc 2.1-7)

18 Sa ye ohō saha Jesucristo masa bajuari jiri. Tiquiro pacoro María pehe José mehna omoca dāhteaticoro ijiahye. Sa yero ticoro omoca dāhteato pano Espiritu Santo tutuaye mehna coā nijinogāre ne buca cāhtarō masiahye ticoro basi.

19 Sa yero José ticorore omoca dāhteatiquiro tire masino, poto ijiyere yeriquiro ijiro ticorore cohāno taro nimahye. Masa tiquina ihñono ticorore buoro ye dueraro, masa tiquina tuhoato pano yahuro marieno ticorore cohāno taro nimahye.

20 Tire tiquiro tuhoturi watoa Cohācjū yaquiro angel pehe quehēnopu Joséré bajuaro, ohō saha niahye:

—José, Davi mūnāno panami iji turiagu, María

mehna buē tiro marieno omoca dāhteya. Ticoro Espiritu Santo yedohoro mehna coā nijinogāre ne buca cāhtarō ijire. Sa yegu buē tiro marieno omoca dāhteya ticorore.

21 Ticoro pohna tirota. Tiquirota ticoro macunota tiquiro ya maca cjēnare pecapu wahaboriquinare yuhduatiquiro ijirota. Tiquiro sa yuhduatiquiro ijigū ihñagū Jesu wame yeguta mahū tiquirogāre, niahye angel Joséré.

22 Ahri ijipihitiye sa wahahye panopu cjūno Cohācjū yere yahu mahtariquiro tiquiro ni ojoariro sahata. Tire tiquirore Cohācjū ojoa dutiahye. Ohō saha ni ojoahye Cohācjū yere:

23 Nuhmino, nijinogāre bocaro pohna tirota ticoro macunogāre. Sa yero Emanuel wame tirota tiquirogā, ni ojoahye Cohācjū yere.

“Emanuel” nino “Cohācjū mari mehnata ijire”, nino niga.

24 Cohācjū yaquiro angel Joséré tiquiro ni yahuri bato José pehe wahcā, angel dutiro sahata María mehna omoca dāhteahye.

25 Tiquiro macunogāre ticoro pohna tiato pano José pehe ticoro mehna ijiera tiahye. Ticoro pehe pohna tia wahahye. Sa yero tiquiro pehe macunogāre Jesu wame yeahye.

2

Asū m̄ja taro cjēna Je-
sugāre ihñāne esahye

1 Herode Judea yehpa
cjēna p̄htoro tiqiro ijiri
pje ti yehpap̄ ijiri macap̄
Belēp̄ Jesu masa bajuahye.
Tiqiro sa masa bajuari bato
ñahpicohare buheyequina
ñahpicohare quehnoano
masiñequina asū m̄ja taro
cjēna ahta, Jerusalēp̄ wihi-
ahye.

2 Sa wihiye, masare to
cjēnare sinituahye:

—¿Judio masa p̄htoro
ijiatiqiro yojop̄re nohop̄
masa bajuagari tiqiro? Asū
m̄ja tarop̄ cjāna ijiaja. Sa
yena ñahpicoha coā bajua
wahā sagū ihñana “P̄htoro
masa bajuaro niaga”, ni
masii usā. Sa tia bajuagū
ihñana, usā ihcāno mehna
tiqirore ño peona ahta
ohōp̄, ni, yahuahye buheye-
quina masare.

3 Sa ye apequina Herodere
tire yahuahye. Tiquina sa
yahugū t̄horo Herode pehe
b̄j̄na witi t̄hotuahye. Sa
yeye ijipih̄tiyequina Jerusalē
cjēna gūh̄ tiqiro yero sa-
hata b̄j̄na witi t̄hotuahye
tiquina gūh̄.

4 Sa yero Herode pehe ijip-
ih̄tiyequina pahia p̄htoare,
mari judio masare buheye-
quina gūhare tiqiro piji cah-
mecoa peho, tiquinare sinitu-
ahye tiqiro:

—¿Nohop̄ masa bajuaboa-
gari Cristo pehe, masa
t̄hotugū? ni sinituahye
tiqiro.

5 Ohō saha ni yahuahye
tiqirore:

—Belēp̄, Judea yehpap̄
ijiri macap̄ Cristo masa
bajuarota. Ohō saha ni
ojoahye Cohācjū yere yahu
m̄htariqiro:

6 Belēp̄ yeequinare Israe
masare dutiatiqiro,
tiquinare cohtea-
tiqiro ahtarota. Sa
yero apeye macari
Judea yehpap̄ ijiye
macari yuh̄oro
ijire Belē pehe, ni
ojoahye Cohācjū yere,
ni yahuahye tiquina
Herodere.

7 Tiquina sa ni yahuri bato
Herode masa t̄hoerop̄ asū
m̄ja tarop̄ ahtariquinare
p̄j̄oahye. Tiqiro ca-
hap̄ tiquina esagū ihñano,
tiquinare sinituahye. Tiqiro
sa sinitugū t̄hoye, tiquina
ñahpicohare ihñari decore
yahuahye tiquina.

8 Tiquina sa yahuri bato
Herode pehe tiquinare
Belēp̄ ohoro, ohō saha
niahye tiquinare:

—Tiquirogāre quehnoano
macaña. Tiquirogāre bocana
yuh̄re tojoana yahu tojoaya.
Yuh̄ gūh̄ tiquirogāre ño
peou wah̄ t̄n̄ niaja, niahye
tiquinare Herode.

9 Tiqiro sa nidi bato,
tiquina wahahye. Tiquina
sa wahagū asū m̄ja tarop̄
tiquina ihñaria ñahpicoha
pehe tiquina pano uh̄m̄
t̄aducuahye. Sa yero nijinogā
tiqiro ijiro bui waro tojoa
wahā sahye tia ñahpicoha.

10 Sa yeye ñahpicohare ihñañe, tutuaro bucueahye tiquina.

11 Nijinogã tiquiro ijiri wuhup̄ esa, sajãa wahahye tiquina. Sa sajã saye, nijinogãre tiquiro pacoro mehna ijiriquirogãre ihñahye tiquina. Sa ihñañe tiquina dusepe curi mehna quehe sa, tiquirogãre ño peohaye. Ño peo tuhasa tiquina acarire p̄oahye. Urure, bueyere, mirra wame tiye ehme sitiye gũhure ne wio, tire tiquirogãre wapa marieno ohoahye.

12 Tire oho tuhasa carãa wahahye tiquina. Tiquina sa carĩgũ queh̄enop̄ Cohãcjũ yahuahye tiquinare: “Herode cahap̄ tojoeracãhña”, ni yahuahye Cohãcjũ tiquinare queh̄enop̄re. Tiquiro sa ni yahuri bato, tiquina pehe wahcãhye. Tiquina sa wahcãri bato ape mahap̄ tiquina ya dihtap̄ tojoaa wahahye.

José gũhũ Jesugãre Egip-top̄ ne duhti cãa wahahye

13 Tiquina sa wahari bato Cohãcjũ yaquiro angel queh̄enop̄ Josére bajuaro, ohõ saha niahye:

—Wahcãña. Herode pehe nijinogãre wejẽno taro, macano nine yojop̄re. Sa ye nijinogãre tiquiro pacoro gũhure Egip-top̄ umãñano ne duhti cãa wahaya. Top̄re yuhũ nidiro punota ijiya, tee yuhũ yahugũp̄, ni yahuahye angel Josére.

14 Tiquiro sa nigũ tũhoro, José pehe ñamita wahcã, nijinogãre, tiquiro pacoro gũhure Egip-top̄ ne duhti cãa wahahye.

15 Egip-top̄ esa, Herode catiro puno top̄re ijiahye tiquina. Sa yeahye panop̄ cjũno Cohãcjũ yere yahu mũhtariquiro tiquiro ni ojoariro sahata. Tire tiquirore Cohãcjũ ojoa dutiahye. Ohõ saha ni ojoahye Cohãcjũ yere: “Egip-top̄ ijiriquirore yuhũ macure pijiou”, ni ojoahye Cohãcjũ yere.

Herode macanagãre wejẽ dutiahye

16 Sa ye ñahpicohare buheyequina tiquina duhti yuhdũ cãgũ tũhoro Herode pehe usua yuhdũa wahahye. Sa usuaro, Belẽ cjẽnare, ti maca duhtũ caha cjẽna gũhure tiquina pohne ãmũagãre p̄a cãhma c̄oyequinagãre wejẽ bato ti dutiahye tiquiro. Coã warore ñahpicohare buheyequina ñahpicohare tiquina ihñari decore yahuahye Herodere. Tiquina sa nigũ tũhoro tiquiro wejẽ duariquirogã masa bajuari decore masino, “Ohõpe cãhmari c̄ore” nino, p̄a cãhma c̄oyequinagãre wejẽ bato ti dutiahye.

17 Panop̄ cjũno Jeremia Cohãcjũ yere yahu mũhtariquiro tiquiro ni ojoariro sahata wahahye. Ohõ saha ni ojoahye tiquiro:

18 “Ramã wame tirop̄ bisirota. Tutuaro

bajua witiye mehna utiye bisirota. Raquel panamena numia iji turiaye numiapu Israe masa namosãnumia tiquina pohnene tutuaro utieta. Tiquina pohnene apequina wejẽgũ ihñañe, ne bajua witi duhusi”, ni ojoahye panopu.

19 Sa ye Herode tiquiro yariari bato Egiptopu ijiriquirore Josere Cohãcjũ yaquiro angel quehẽnopu bajuahye. Sa bajuaro ohõ saha niahye Josere:

20 –Nijinogãre wejẽ duamediquina yariaa wahari. Sa yegu wahcãña. Tiquirogãre pacoro mehna Israe yehpapu ne tojoaa wahaya mahu, ni yahuahye angel Josere:

21 Tiquiro sa nidi bato José wahcã, nijinogãre pacoro mehnata Israe yehpapu ne tojoaa wahahye.

22 Sa yeperota Arquelao Herode macano pehe tiquiro pacuro comesariquiro ijigũ tuhoro José pehe Judea yehpapu tojoa duaro cueahye. Sa yero pari turi tja quehẽnopu tiquirore yahu nemoahye. Tiquirore pari turi Judea yehpapu iji dutierahye. Tiquiro sa ni yahuri bato, tiquina Galilea yehpapu wahaa wahahye.

23 Ti yehpapure Nazare wame tiri macapu ijiahye tiquina. Sa yeahye tiquina Cohãcjũ yere yahu mæhtariquina tiquina ojoariro sahata. Ohõ saha

ni ojoahye: “ ‘Cristo Nazare cjãnota ijire’, nieta masa”, ni ojoahye Cohãcjũ yere yahu mæhtariquina panopu cjẽna.

3

Ñu wame yeriquiro masare yahuahye

(Mr 1.1-8; Lc 3.1-9, 15-17; Jn 1.19-28)

1 Sa ye ti pjere Ñu Cohãcjũ yequinare wame yeriquiro ijiahye. Judea yehpapu masa marienopu tiquiro Cohãcjũ yere yahu ducahaye masare.

2 Ohõ saha ni yahuahye tiquinare:

–Musa ñañe yerire bajua witiya. Tire duhuya. Æhmuse cjãno Cohãcjũ masa puhtoro tiquiro ijiato mehenogã duhsare, ni yahuahye tiquiro.

3 Panopu cjãno Isaia Cohãcjũ yere yahu mæhtariquiro Ñu tiquiro buheatire ohõ saha ni ojoahye:

Masa marienopu yahuducu sañuducuriquiro ohõ saha ni buherota tiquiro: “Mari puhtoro ahtato pano mahare mari quehnoyuro saha quehnoana ijiyuya masa. Musa ñañe yerire bajua witiya”, ni sañuducurota, ni ojoahye Isaia Ñure.

4 Sa yero Ñu camello poari suhtirore sañariquiro, wahiquiro cahsero mehna tuã dihoriquiro ijiahye. Poreroare, nucu cjẽ umi gũhure ihyae tiahye.

⁵ Jerusalē cĵēna, ijipihtiro Judea yehpapu ijiyequina, Jordā wame tiri ma cahapu ijiyequina gāhu tiqiurore tuhoye ahtahye.

⁶ Wihi, tiqiurore tuho, tiquina ñañe yerire bujua witi, Cohācjūre tire yahu yuhduahye tiquina. Sa tiquina yahugū tuhoro Jordāpu Ñu tiquinare wame yeahye.

⁷ Sa yero peyequina fariseo masa, saduceo masa gāhu Ñure tiquina wame ye du-tiye ahtagū ihñano tiqiuro yahuahye tiquinare:

—Añaa yero saha ña yuhduana ijire masa. Masa ñañe yerire bujua witi duerana Cohācjū masa ñañe yeri buhiri tiqiuro buhiri dahreato pano duhti masiedare masa.

⁸ Sa yena potota masa ñañene bujua witiya. Quehnoañene comesaya. Sa yena quehnoañe pehere yeya masa.

⁹ Ohō saha ni tuhoutuercāhña: “Panopu cĵāno Abrahā mari ñecu mūnāno ijie tiahye. Sa yena tiqiuro panamena iji turiana ijina mari Cohācjū yequina iji-aja”, ni, tuhoutuercāhña masa. Musare niita niaja. Abrahā panamena iji turiana ijimene masa. Masa sa ijiepegūta ti masa sa ijiye duhseati ijierare. Cohācjū pehe ahri utā paca mehna Abrahā panamenare dojogū ye masine. Sa yero Abrahā panamena iji turiana masa

ijiye ihyo waro ijire utā paca ti paca ihyo waro ijiro sahata.

¹⁰ Ohō saha ijire: Masa yucari yero saha ijire. Cohācjū pehe yucarire quēatiare comeare cūoriqiuro yero saha ijire. Sa yero ñañe dūca tiye cĵure quē cohā, ti nuhcori gāhure dute surerota. Dute sure tuhāsa, pecapu ujūanota tiqiuro ti cĵure, nuhcori gāhure. Sata yerota masa gāhure tiqiurore cahmeeñequinare.

¹¹ Yuhu bato yuhu yuhduoro tutuariqiuro ahtarota. Quehnoa yuhduariqiuro ijire tiqiuro. Tiqiuro yero saha ijieraja yuhu pehe. Sa yegu tiqiurore tuhotugū, “Ihyo ijigu ijiaya yuhu”, ni tuhotuaja yuhu. Yuhu pehe masa ñañe yerire bujua witi duti, musare wame yegu aco mehna yemi. Tiqiuro pehe yuhu yuhduoro yerota. Espiritu Santore masa mehna ijiducugū yerota tiqiuro. Sa yero peca ñañene ujūa wero sahata tiqiuro ahtariqiuro pehe masa ñañe yerire cose werota.

¹² Yuhu bato ahtariqiuro cahseri cohāriqiuro yero saha ijire. Cahseri cohāriqiuro tiqiuro batiro mehna ijip-ihtiye trigo cahserire puti were. Tiqiuro sa puti weri bato trigo pehere tiqiuro ihbori wuhupu ihborota. Sata yerota tiquina ñañene bujua witiyequinare yuhu bato ahtariqiuro. Tiqiuro puti weye cahseri pehere tiqiuro ujūanota. Ti peca ujūari peca ne yatisi. Sata yerota tiqiuro yuhu bato

ahtariquiro tiquina ñañene bujua witieyequinare, ni yahuahye Ñu.

*Ñu Jesure wame yeahye
(Mr 1.9-11; Lc 3.21-22)*

13 Came Jesu Galileapɸ ijiriquiro waha, Jordā wame tiri mapɸ buha sahye Ñure wame ye dutiro.

14 Coā warore Ñu wame ye dueramahye.

—Yohou, mɸhɸ pehe yɸhɸ yɸhdɸoro tutuagɸ yɸhɸ pehere mɸhɸ wame yegū quehnoaboaga. Mɸhɸre wame yebogɸ ijieraja yɸhɸ, ni yɸhtimahye Ñu Jesure.

15 Jesu pehe yɸhtiahye tiquirore:

—Yɸhɸre wame yeya. Ohō saha yena, Cohācjū dutiro saha sohtoa tina niaja mari, niahye Jesu.

Tiquiro sa nigū tɸhoro,

—Aɸ, ni yɸhtiahye Ñu.

16 Sa ni tuhasa, Jesure wame yeahye. Tiquiro wame ye tuhasagū Jesu diapɸ ducuriquiro maja dɸcahye. Tiquiro maja dɸcagū, ɸhmɸanopɸ parī maahye. Cohācjū yaquiro Espíritu bujua yero saha tiquiro bui dijia tagū ihñahye.

17 Sa dijia tagū ɸhmɸanopɸ yahuducuye bisiahye:

—Ahriquiro yɸhɸ macɸ yɸhɸ cahñiquiro ijire. Tiquiro mehna tutuaro bucueja, niahye ɸhmɸanopɸ.

4

Watīno ñañene ye dutimahye Jesure

(Mr 1.12-13; Lc 4.1-13)

1 Sa ye Espíritu Santo pehe Jesure masa marienopɸ neahye, topɸ watīno tiquirore ñañene ye dutiatio saha.

2 Topɸ esaro cuarenta decori waro ihyaro marieno ijiahye Jesu. Sa yero ɸjua ahbahye.

3 Ƴjua tiquirore ahbagū ihñano watīno pehe tiquiro cahapɸ esaro, ohō saha niahye:

—Mɸhɸ Cohācjū macɸ ijigɸ, ahria utāre ihyaye dojomehneña, nimahye tiquiro Jesure.

4 Jesu ohō saha ni yɸhtiahye:

—Yeraja. Cohācjū yere tiquina ojoari pūpɸ ohō saha nine: “Masare ihyaye mehna dihita catieraro cahmene. Ijipihtiye Cohācjū tiquiro ye yahuye mehna ijiro cahmene”, nine Cohācjū, ni yɸhtiahye Jesu watīnore.

5 Tiquiro sa ni yɸhtiri bato watīno pehe Jerusalēpɸ “Cohācjū ya maca” tiquina nidi macapɸ Jesure neahye. Topɸ esa, Cohācjū ya wɸhɸ bui Jesure ne sahye tiquiro.

6 Ne sa tuhasa, tiquirore ohō saha nimahye:

—Cohācjū yere tiquina ojoari pū ohō saha nine:

“Cohācjū tiquiro yequina angelere mɸhɸre ihña ihbo dutirota. Sa yeye tiquina pehe mɸhɸre ihña ihboeta Ƴtāpɸ

paḥa tu maari,' niñe",
 nine tiquiro ojoari pũ.
 Tiquiro sa nidi poto ijigũ
 maḥa Cohãcjũ maca ijigũ
 yehpaḥu uhpu dijia ihñoña
 yuḥare. Maḥare tiquina
 yedohogũ ihñoña yuḥare,
 nimahye watĩno.

7 Jesu uhpu dijia ihño duer-
 aro ohõ saha ni yuhtiahye:

—Cohãcjũ yere tiquina
 ojoari pũ ohõ saha nine:
 “Musa puhtoro Cohãcjũ
 tiquiro nidire ‘¿Poto ijiajari?’
 ni masi duana Cohãcjũre
 ye ihño duti tuhueracãhña”,
 nine Cohãcjũ yere tiquina
 ojoari pũ, niahye Jesu.

8 Tiquiro sa ni yuhtiri
 bato uḥma yuḥdu cunaru
 Jesure ne maḥahye watĩno tja.
 Tu buiru ne maḥa sa pje, ijip-
 ihtiye macarine ihñodoque
 dijioahye Jesure. Tiquina
 caoye gũhare ihñoahye.

9 Sa ihñoño Jesure ohõ saha
 nimahye:

—Yuḥare dusepe curi
 mehna quehe sa, ño peoya
 maḥa. Maḥa sa yegũ ijipi-
 htiye ahri macarine maḥare
 ohoutja, ni yahumahye
 watĩno.

10 Tiquiro sa nigũ Jesu ohõ
 saha ni yuhtiahye:

—Satana, wahaya maḥa.
 Ohõ saha nine Cohãcjũ yere
 tiquina ojoari pũ: “Maḥa
 puhtoro Cohãcjũ dihitare ño
 peoya. Tiquiro ye dutiye
 dihitare yeya”, nine Cohãcjũ
 yere tiquina ojoari pũ, ni-
 ahye Jesu watĩnore.

11 Tiquiro sa nigũ tuhoro
 watĩno wahaa wahahye.
 Tiquiro wahari bato angele

pehe wihi, Jesure yedohoye
 ihyayere ohoahye angele.

*Galilea yehpaḥu Jesu buhe
 ducahye*

(Mr 1.14-15; Lc 4.14-15)

12 Sa ye Ñure peresupu
 tiquina yegũ tuhoro, wahaa
 wahahye Jesu. Waha, Galilea
 yehpaḥu esahye.

13 Topu ijiri macaru
 Nazarepu waha, yuḥdu cã,
 Capernau wame tiri macaru
 esahye. Galilea wame tiri
 ditara duḥtu caḥaru ijiri
 Capernau. Ti maca Zebulon
 yehpa caḥaru, Neftalí yehpa
 caḥaru ijiri Capernau. Topu
 esa, ijiahye Jesu.

14 Sata yeahye Jesu panoru
 cjũno Cohãcjũ yere yahu
 mahtariquiro Isaia tiquiro ni
 ojoariro sahata. Ohõ saha ni
 ojoahye:

15 Zebulon yehpa caḥaru,
 Neftalí yehpa caḥaru,
 ditararu wahari ma-
 ḥaru, Jordã wame tiri
 ma ape sie pahrepu
 Galilea yehpa ijire.
 Ti yehpa judio masa
 ijieyequina ya yehpa
 ijire.

16 To cjẽna Cohãcjũ yere
 quehnoano masiedare. Sa
 masiedapeta quehnoariquirore
 ihñañepu masieta. Tiquina
 pehe Cohãcjũre ne masiedare.
 Sa yeye pecaru waha-
 boriquina ijimahye. Sa
 yero ihcãquiro tiquinare
 Cohãcjũ yere masigũ yerota,
 ni ojoahye Isaia.

17 Topu ijiro, Cohãcjũ yere
 yahu ducahye Jesu:

—Musa ñañe yerire bujua witiya. Sa yena quehnoañene comesaya. Hmuse cjāno Cohācjū ijipihtiyequina pūhtoro tiquiro ijiato mehenogā dūhsare, ni yahu dūcahye tiquiro.

*Pititiaro wahi we-
jēñequinare tiquiro mehna cjēna
ijiatiquinare pijiahye Jesu
(Mr 1.16-20; Lc 5.1-11)*

18 Sa ye Galilea wame tiri ditara dūhtū cahapū esaro, Simore, tiquiro bahūro Andre mehna boca sahye Jesu. Simo tiquina Pedro ni pisuriquiro ijiahye. Tiquina pehe wahi wejēñequina ijiye, tiquina wēñecjūre doque ñoñe niahye ditarapū.

19 —Yūhū mehna cjāna ijianaja ahtaya mūsa. Yūhū mehna mūsa ahtagū mūsa wahire ñehe cahmecoana mūsa ijiro saha, Cohācjū yequina ijiatiquinare masare piji cahmecoana ijigū yeitja mū sare. Yūhū mehna mūsa ahtagū sa yeana jare cū tja mū sare, niahye tiquiro tiquinare.

20 Tiquiro sa nigū tūhoyeta tiquina wēñecjūre cū cā, tiquiro mehna wahahye.

21 Sa ye Jesu tiquina mehna yūhdū cā, Santiagore tiquiro bahūro Ņu gūhūre boca sahye tja. Tiquina Zebedeo pohne ijiri. Tiquina yaria yucūsapū tiquina pacūro mehna tiquina wēñecjūre quehnoñe niahye. Tiquina pūarore tiquiro pijioahye.

22 Tiquiro sa pijio gū tūhoye, tiquina pehe duita tiquina

pacūrore, yucūsa gūhūre cū, Jesu mehna wahahye.

*Peyequina masare
buheahye Jesu
(Lc 6.17-19)*

23 Sa ye ijipihtiropū Galilea yehpare Jesu buhe tinidi. Judio masa mari buheye wahūsepū quehnoañe buheyere, hmuse cjāno tiquiro pūhtoro ijiye tiyere buheri. Tiquinare buhe, dohatiyequinare quehnoa wahagū yero, ijipihtiye dohatiye yūhdūori tiquiro.

24 Tiquiro sa yegū tūhoye Siria yehpa cjēna ijipihtiropū ti yehpapū ijieyequina tiquirore masi dūcari. Sa masiñe, sijoro saha ijiye dohatiye cūoyequinare, watīare cūoyequinare, ñama yariaye cūoyequinare, tini masieñequina gūhūre ne sari. Sa yero ijipihtiyequina tiquinare yūhdūgū yeri Jesu.

25 Tiquiro sa yegū ihñañe, Galilea yehpa cjēna, Decapoli cjēna, Jerusalē cjēna, Judea yehpa cjēna, Jordā ape sie pahre cjēna peyequina masa tiquiro mehna wahari.

5

*Cūnpū mija, topū
buheahye Jesu masare
(Lc 6.20-23)*

1 Sa ye masa peyequina tiquiro cahapū tiquina esagū ihñano Jesu cūnpū mija wahahye. Mija sa, topū dujiahye. Topū dujigū tiquiro buheyequina tiquiro cahapū esahye.

2 Tiquina esagū ihñano ohõ saha ni buhe dũcahye.

3 —Tiquina ñañene bujua witiyequina Cohãcjũre cahmeñequina bucueyequina ijire. Æhmuse cjãno tiquiro puhtoro ijiropare wahaeta tiquina. Æhmuse cjẽ tiquina ye ijire.

4 'Utiyequina gũhu bucueyequina ijire. Tiquinare bucuegũ yerota mari Pacu.

5 'Apequinare yuhdũca dueyequina "Ihyo ijina iji-aja usã", ni tuhotuyequina bucueyequina ijire. Cohãcjũ "Ohoutja", tiquinare tiquiro nidi yehpare cœoeta tiquina.

6 'Cohãcjũ dutiro saha ye duayequina, quehnoañene ye duayequina bucueyequina ijire. Cohãcjũ tiquiro yedohogũ tiquina quehnoañene yeducueta.

7 'Apequinare paja ihñañequina bucueyequina ijire. Tiquina sa paja ihñagũ Cohãcjũ tiquina gũhare paja ihñanota.

8 'Tiquina ñañene cosenohriquina bucueyequina ijire. Cohãcjũre ihñæeta tiquina.

9 'Apequinare cahmequedagũ yeyequina bucueyequina ijire. Tiquinare "Yũhu pohna ijire", ninota Cohãcjũ.

10 'Cohãcjũ dutiyere tiquina yeri buhiri apequina ñano yere Cohãcjũ tiquiro dutiriquinare. Tiquina sa ñano yegũ bucueyequina ijire tiquina pehe. Æhmuse cjãno tiquiro puhtoro ijiropu tiquiro yere cœoeta tiquina.

11 'Yeere m̄usa yeri buhiri apequina m̄usare tiquina tuhtiepegũta bucuenta ijire m̄usa. M̄usare tiquina ñano yepegũta bucuenta ijire m̄usa. Yeequina m̄usa ijiri buhiri m̄usare ijipihtiye ñañe tiquina quitidojomehnepegũta tiquina ni mehoepegũta bucuenta ijire m̄usa.

12 Cohãcjũ yere yahu mahtariquinare m̄usa pano ijiriquinare tiquinapũreta ñano ye mahtahye. Tiquinare yeriro sahata m̄usa gũhare apequina sa yegũ bucueya. Quehnoano jeripohna tiya. Sa yero uhm̄usepu m̄usa esagũ pajiro quehnoano yerota m̄usare Cohãcjũ, ni yahuahye Jesu.

Moa yero saha, buhrioro yero saha ijire Jesu yequina (Mr 9.50; Lc 14.34-35)

13 Sa ye Jesu buhe nemoahye:

—Moa mehna wahiquiro dihire ti ñano wahaeragũ saha sahata m̄usa pehe yeequina pehe ijipihtiyequina apequinare ñañene tiquina ye dueragũ yere. Sa ijieperota moa pehe ti ñañe wahagũ pari turi quehnoañe ye masiedare. Ti moa ne quehnoaedare. Ti sa wahagũ ti moare cohãno cahmene. Ti moare cohãri bato ti bui masa cahta cũre. Ne dũhseati ijierare ti moa tiquiro cohãñe. (Ti dũhseati ijieraro saha ijieracãhña m̄usa. Cohãcjũ ye pehere cohãedacãhña,) ni yahuahye Jesu.

14 Sa ye tiquiro buhe nemoahye:

—Buhrioro marine ihñagū yero sahata mūsa pehe yeequina pehe ahri yehpa cjēnare Cohācjūre masigū yere. Cūnū bui ijiri macare nūono basioerare.

15 Sa ye sihāriare masa sihāñe, sutu docapū moha dapo masiedare. Tiare sihāriare ūhmūanopū duhu peore ti wāhū cjēna ijipihtiyequina tiquina ihñatiare.

16 Ohō sahata mūsa gūhū buhrioro yero saha ijina, quehnoañene yeya. Mūsa sa yegū ihñāñe masa mari Pacū ūhmūse cjānore ño peo, “Tutuagū, quehnoagū ijire”, nieta, ni yahuahye Jesu.

Cohācjū tiquiro dutiyere tiquiro ojoari gūhūre yahuahye Jesu

17 Sa ni tuhasa, tiquinare yahu nemoahye:

—Ahrire mūsa masigū cahmeaja yūhū. Cohācjū dutiyere Moiserē tiquiro cūrire, tiquiro yere yahu mūhtañequina tiquina ojoari gūhūre cohāgū tagū niedū. Ti dutiyere mū sare quehnoano yahu potou tūhū nīi. Ti dutiyere poto ijigū ihñou ahtaū. Ti dutiye nidiro sahata ye sohtori tii tūhū nīi.

18 Ijirota mū sare niaja. Pihtiri deco pano ijinigū Cohācjū dutiye Moiserē tiquiro cūrire ne mehenogā cohāsi mari. Ahri yehpa, ūhmūse gūhū ti ijiro puno tiquiro dutiye gūhū ijirota.

19 Sa yeye ti dutiyere ihquēquina yūhdūdcaye, apequinare sata ye dutiye, ūhmūse cjāno tiquiro pūhtoro ijiropū cahacjēna yero saha ijieta. Ihcā dutirogā ijiepegūta tiquina yūhdūdcaye, cahacjēna yero saha ijieta tiquina. Apequina ti dutiyere quehnoano yeye, apequinare tiquina yero saha ye dutiye, ūhmūse cjāno tiquiro pūhtoro ijiropū pūhtoa yero saha ijieta tiquina pehe.

20 Mū sare niita niaja yūhū. Judio masare buheyequina, fariseo masa gūhū Cohācjū cahmeñene queoro yerare. Tiquina yūhdūoro Cohācjū cahmeñene yeya mūsa. Mūsa sa yerana, tiquiro pūhtoro ijiropūre ne esasi mūsa, ni yahuahye Jesu.

*Usuayere yahuahye Jesu
(Lc 12.57-59)*

21 Sa ni tuhasa, tiquinare yahu nemoahye:

—Panopū cjēna ohō saha ni tiquina yahurire tūhori jimedi mūsa: “Masare wejēdacāhña. Masare wejēdiquirore tiquina buhiri dahreatiquiro ijire”, tiquina nidire tūhori jimedi mūsa.

22 Ahri tiquina yahuri yūhdūo cjūno mū sare ahri pehere yahu nemoutja. Tiquiro acayūro mehna usuariquiro pehe tiquina buhiri dahreatiquiro ijire masūnore wejēdiquiro yero saha. Tiquiro acayūrore tuhtiriquiro “Ne tūho masiñe

mariegu ijire mahu", nidiquireo buhiri dahre dutiyequina cahapu tiquina neatiquiro ijire. "Taho masiegu ijire mahu", tiquireo acayurore sa nidiquireore pecapu wahaboaga tiquireo.

23 MUSA acayuro musare tiquireo ihna tuhtigā ohō saha yeya. Cohācjū wuhapu Cohācjäre musa ño peoato pano, tiquireore wahiquirore musa ohoato pano ohō saha yeya.

24 Cohācjäre musa ohoatire duhu cū, musa acayuro cahapu waha, "Pari turi cahmequedacāhna. To punota duhuuhna tire", niña tiquireore. Musa sa nidi bato Cohācjäre oho, ño peona wahaya tiquireo ya wuhapu.

25 Apequireo mahare yahusā duaro, puhtoro masare beseriquiro cahapu mahare tiquireo nea duagū, tiquireo mehna usuaro marieno ijiya. Beseriquiro cahapu tiquireo neato pano tiquireo mehna quehnoano ijiya. Mahu sa yegū ihñano tiquireo mahare yahusāedaboaga. Mahu sa quehnoano ijieragū ihñano topare musa esagū tiquireo pehe mahare masare beseriquirore yahusānota. Tiquireo sa yahusāgū, beseriquiro pehe peresu yeyequinapare mahare ohorota. Sa yeye tiquina mahare peresu yeeta.

26 Ijirota niaja mahare. Topu ijiniita mahu. Tee tiquina wapa ye dutirire mahu wapa ye pehogapu

wijiaguta mahu, ni yahuahye Jesu.

Apequireo namono mehna ñano yeyere yahuahye Jesu

27 Ohō saha ni yahu nemoahye Jesu:

—Panopu cjēnare ohō saha tiquina ni yahurire tūhori jimedi musa: "Apequireo namono mehna ñano yeracāhña", tiquina nidire tūhori jimedi musa.

28 Ahri tiquina yahuri yuhduo cjūno musare ahri pehere yahu nemoutja. Numinore ñehedaperota, ihcāquireo ticorore ñano tutuaro cahmeno, ñano wacū tūhoturo, ñano ye tuhasari ticoro mehna.

29 Sa yegu mahu capea poto pehepu ijiria mehna ñano yegu, tiare ore we ne mahu cohāboriro sahata ti ñañene duhuya. Tire duhueragu pecapu wahaguta. Mahu capeare mahu cohāgū tia capea dihita butire. Mahu pehere pecapu mahu wahagū ña yuhduare. Sa yegu ti ñañene duhuya.

30 Sa yegu mahu omoca poto pehe ijiri omoca mehna ñano yegu, ti omocare mahu date cohāboriro sahata ti ñañene duhuya. Tire duhueragu pecapu wahaguta. Mahu omocare mahu cohāgū ti omoca dihita butire. Mahu pehe pecapu mahu wahagū ña yuhduare. Sa yegu ti ñañene duhuya, ni yahuahye Jesu.

Tiquiro namonore cohãñene, wame peoye gũhure yahuahye Jesu

(Mt 19.9; Mr 10.11-12; Lc 16.18)

³¹ Ohõ saha ni yahu nemoahye Jesu:

—Panopũ ahri gũhure niahye: “Tiquiro namonore cohã duariquiro tiquiro cohãtire yahuri pũ mehna ticorore cohã masine”, nimahye panopũ.

³² Ahri tiquina yahuri yũhdũo cjũno mũsare ahri pehere yahu nemoutja. Tiquiro namono apequiro mehna ñano yericoro ticoro ijierapegũta ticoro manũno ticorore cohãboaga. Ticoro sa cohãnohricoro apequiro mehna omoca dũhtero, ñano yero niaga ticoro apequiro mehna ijiro. Ticoro manũno ticorore tiquiro cohãri bato ticorore apequiro mehna ñano yegũ yere. Sa yero tiquiro bato namo tiriquiro gũhũ ticoro mehna ñano yero nine, ni yahuahye Jesu.

³³ Ohõ saha ni yahu nemoahye Jesu:

—Panopũ cjẽna ohõ saha tiquina ni yahurire tũhori jimedi mũsa: “Mũsa nidiro sahata yeya. ‘Cohãcjũ mehna poto sa yeitja’ mũsa nidiro sahata yeya”, tiquina ni yahurire tũhori jimedi mũsa.

³⁴ Ahri tiquina yahuri yũhdũo cjũno mũsare ahri pehere yahu nemoutja. “Uhmũse mehna poto nii niaja”, ni uhmũse mehna wame peoeracãhña. Uhmũse pehe Cohãcjũ mari pũhtoro

tiquiro ijiro ijire. Ihyo ijiro ijierare. Sa ijigũ ihñana sa niedacãhña.

³⁵ Ahri yehpa mehna ne wame peoeracãhña. Ahri yehpa Cohãcjũ ya yehpa ijire. Sa ijigũ ihñana sa niedacãhña. Jerusalẽ mehna ne wame peoeracãhña. Tutuariquiro mari pũhtoro ya maca ijire Jerusalẽ. Ihyo ijiri maca ijierare. Sa ijigũ ihñana sa niedacãhña ti wamene.

³⁶ “Yũhũ dapu mehna poto nii niaja”, ni wame peoeracãhña. Mũsa poari yehseye poari wahagũ ye masiedare mũsa. Ti poarire ñiñe wahagũ gũhure ye masiedare mũsa. Sa ye masiena “Yũhũ dapu mehna poto nii niaja”, ni wame peoeracãhña.

³⁷ “Yenatja”, nina wame peoro marieno ohõ saha dihita tire niducuya. “Yesi”, nina gũhũ wame peoro marieno niducuya. Mũsa wame peo nina, watĩno ñariquiro dutiro saha yena niaga, ni yahuahye Jesu.

Tiquina cahme ihña tuhtiyere yahuahye Jesu
(Lc 6.29-30)

³⁸ Ohõ saha ni yahu nemoahye Jesu:

—Panopũ ohõ saha tiquina ni yahurire tũhori jimedi mũsa. “Mũhũre apequiro mũhũ capeare tiquiro quẽ tihãriro sahata mũhũ gũhũ tiquirore quẽ tihã cahmeña. Mũhũ upiriare tiquiro quẽ nuhariro saha mũhũ gũhũ quẽ nuha cahmeña”, tiquina nidire tũhori jimedi mũsa.

³⁹ Tiquina yahuri yuhdno cjũno ahri pehere yahu nemoutja musare. Mũhare ñano yeriquirote sa ihña cãhña. Ihcã pehe mũhũ wahsupure tiquiro quẽgũ, ape sie gãhũre quẽ dutiya tiquirore.

⁴⁰ Apequiro buhiri dahre dutiriquirore mũhũre tiquiro yahusãgũ, dutiriquiro pehe mũhũ camisare mũhũre yahusãriquirote oho dutiboaga. Tiquiro oho dutigũ, tiquirore ohoya. Mũhũ bui cã suhtiro gãhũre oho nemoña tiquirore.

⁴¹ Apequiro surara apee borore ihcã kilómetro mũhũre tiquiro nea basa dutigũ, ape kilómetrore waha nemoña tja.

⁴² Mũhare sinidiquirore ohoya. Sa yegũ apequiro mũhũre waso dutigũ wasoya tiquirore, ni yahuahye Jesu.

Mũsare ihña tuhtiyequinare cahña

(Lc 6.27-28, 32-36)

⁴³ Ohõ saha ni yahu nemoahye Jesu:

—Masa ohõ saha nine: “Mũsa mehna cjẽnare cahña. Sa yena mũsare ihña tuhtiyequinare ihña tuhti cahmeña tja”, tiquina nidire tũhori jimedi mũsa.

⁴⁴ Tiquina yahuri yuhdno cjũno ahri pehere yahu nemoutja musare: Mũsare ihña tuhtiyequinare cahña. Mũsare ñano yeyequinare tiquina ye ijatire Cohãcjũre sini basaya.

⁴⁵ Mũsa sa yena mari Pacũ uhmũse cjũno pohna ijire mũsa. Cohãcjũ pehe ihcãno

saha yere masare. Ñãñequina gãhũre quehnoañequina gãhũre asũ asigũ yere tiquiro. Sa yero Cohãcjũ dutiyere yeyequina gãhũre, yeyequina gãhũre acoro ahtagũ yere tiquiro. Masare ihcãno saha tiquiro yeriro sahata mũsa gãhũ yeya.

⁴⁶ Mũsare cahñequina dihitare mũsa cahigũ ti ne dũhseati ijierare. Wapa ne cohteyequina gãhũ sata yere. Sa yena ijipihtiyequinare cahña.

⁴⁷ Mũsa acaye dihitare mũsa quehnoano piti cagũ ti ne dũhseati ijierare. Cohãcjũre masieñequina gãhũ sata yere. Sa yena ijipihtiyequinare quehnoano piti caya.

⁴⁸ Ñãñe mariena ijiya mũsa. Mari Pacũ uhmũse cjũno tiquiro ñãñe marieniquiro tiquiro ijiro sahata mũsa gãhũ ñãñe mariena ijiya, ni yahuahye Jesu.

6

Quehnoañe yeyere yahuahye Jesu

¹ Pari turi tiquiro yahu nemoahye:

—Cohãcjũ ye ijatire quehnoañene yena, tire masare “Ohõ saha ijigũ ijiaja yuhũ”, ni ye ihñoedacãhña apequinare. Mũsa sa ni ye ihñori buhiri quehnoañene mũsa yeri dũhseati ijierare. Sa yero Cohãcjũ uhmũse cjũno quehnoañene mũsa yeri wapa mũsare ohosi.

² Sa yena pejecũoyequinare yedohona, tire masare

ye ihñoedacãhña. Masa tiquina ihñenopu yedohoya tiquinare. Sata ihquẽquina ye ihñore mahapu ijiyequinare, judio masa mari buheye wuhusepu ijiyequina gãhare. Tiquina mari ihñoño dihita quehnoano iji mehoñequina ijire. Sa ye ihñore tiquina, “Quehnoañequina ijire ahriquina”, masare ni ihña dutiye. Tiquina sa ni ihñagũ sa ye ihñoñequina pehe bucue tuhasari. “Quehnoañequina ijire”, ni masa tiquina ño peogũ bucue tuhasari tiquina. Sa yero Cohãcjũ pehe ne bucue nemogũ yesi tiquinare.

³ Sa yena pejecuoyequinare yedohona, masa tiquina ihñenopu yedohoya tiquinare. Mũsa mehna cjẽna mehna ijina tiquina ihñeno pejecuoyequinare yedohoya.

⁴ Masa tiquina ihñenopu mũsa yedohoepegũta Cohãcjũ pehe ihñare. Sa ihñano mũsa sa yeri wapa ohorota mũsare, ni yahuahye Jesu.

Cohãcjũre siniñene yahuahye Jesu

(Lc 11.2-4)

⁵ Pari turi tiquiroye yahu nemoahye:

—Cohãcjũre sinina, masa ihñoño dihita quehnoano iji mehoñequina yero saha yeracãhña mũsa. Judio masa mari buheye wuhusepu ducu, mahapu gãhare ducu, Cohãcjũre sini ihñore tiquina masare. Sa sini ihñoñe poto masa tiquina ño

peoye mehna tiquina bucue tuhasari.

⁶ Cohãcjũre sinigu tagu, mahu ya tucũpu biha sajàña. Biha sajà, mari Pacu ihñamehneniquirore siniña. Mũsa sa yegũ masa marienopu mũsa siniepegũta mari Pacu mũsare tuhoro. Sa tuhoro mũsare quehnoano yerota tiquiroye.

⁷ Sa yena Cohãcjũre sinina, tuhuro marieno mũsa sinidireta pari turi sini majare tojoeracãhña. Ohõ sahata yere Cohãcjũre masieñequina. “Peye tahari ihcãno saha usã sinigũ Cohãcjũ usãre tuhoro”, ni tuhutumene tiquina.

⁸ Tiquina yero saha yeracãhña mũsa. Mũsa siniato pano mari Pacu mũsa cahmeñene masi tuhasare.

⁹ Sa yena ohõ saha ni siniña mũsa Cohãcjũre:

Usã Pacu, uhmuse cjũ mahu quehnoagu sa ijiducure.

¹⁰ Yojopure ijipihtiyequina puhto ijiya. Uhmusepu mahu dutiro sahata tiquina yeriro sahata ahri yehpa cjẽna gãhu yeahro.

¹¹ Sa yegu decoripe usã ihyatire ohoducuya usãre.

¹² Apequina usãre tiquina ñano yerire usã boaja. Sa yegu mahu gãhu usã ñano yerire boya.

¹³ Sa yegu usã ñañene ye duagũ usã tutuaro cahmegũ ihñagũ tire usãre ye dutieguta. Sa yegu usãre usã ñañene yeragũ yeya.

Muñu usã puhto tutuagu sa ijiducugata. Ijipihtiyequina muñure sa ño peoducuahro, ni siniña Cohãcjüre.

14 'Apequina musare tiquina ñano yerire musa bogũ ihñano, mari Pacu ãhmuse cjãno gũñu musa ñano yerire borota.

15 Sa boeperota apequina musare tiquina ñano yerire musa boeragũ mari Pacu gũñu musa ñano yerire bosì, ni yahuahye Jesu.

Sijiyere buheahye Jesu

16 Sa yero tiquiro tiquinare yahu nemoahye:

—Cohãcjüre ño peona tana sijina buña witiyequina yero saha ye ihñoedacãhña. Sata yere masa ihñoño dihita quehnoano iji mehoñequina. Tiquina wãhdoa paca buña witiyequina yero saha ijire. Tiquina sa ijiyequina ijigũ tiquina sijigũ ihña masine masa. Ijirota musare nii niaja. Masa tiquinare ño peogũ cahmene tiquina. Sa yeye tiquinare tiquina ño peogũ ihñañe bucue tuhasari. Cohãcjũ pehe tiquiore tiquina ño peori wapa tiquinare bucuegũ yesi. Sa yena tiquina yero saha ye ihñoedacãhña musa.

17 Musa sijina, musa poarire aco mehna wa peo wãhpo peoya. Sa yena musa wãhdoa pacare coseya.

18 Musa sa yegũ musa sijigũ ihña masisi masa. Cohãcjũ dihita musa sijiyere ihña masinota. Musa

sehsaro musa ijigũ tiquiro musa mehna sa ijiducure. Sa ihñano tiquiro musare quehnoano yerota tiquiore musa ño peori wapa, ni yahuahye Jesu.

Ëhmuse cjëne cão dutiahye Jesu

(Lc 12.33-34)

19 Sa yero tiquiro yahu nemoahye:

—Ahri yehpa cjëne ne cahmecoedacãhña. Ohõ cjë ahbaa wahaboaga. Ti ahbaeragũ yaqueriquiro neboaga tire. Tiquiro yaqueragũ mecasia tãaboaga. Sa yero ahri yehpa cjë butiaro cuarñe. Sa yena ahri yehpa cjëne tutuaro cahmedacãhña.

20 Ëhmuse cjë pehere cahmeña musa. Ëhmuse cjëne mecasia tãa masiedare. Topu musa cõoye ne ahbaerare. Topure yaqueriquiro ne masiedare. Sa yena ãhmuse cjëne cahmeña musa.

21 Topu musa cõoye ijigũ, ãhmuse cjëne Cohãcjũ yere tutuaro wacũre musa, ni yahuahye Jesu.

Masa tiquina tãhoturo sahata yere

(Lc 11.34-36)

22 Sa yero ohõ saha ni yahu nemoahye tiquinare:

—Sihãria quehnoano buhriogũ mari quehnoano ihña masino sahata quehnoañene tãhotuye mehna quehnoano ye masinata musa. Musa tãhoturo sahata yere musa. Quehnoañene tãhotuna quehnoano yere musa.

23 Quehnoañene tãhotuerana ñañene yere m̄sa. M̄sa ñañe dihitare m̄sa tãhotuducugũ ti ñañe pehe ña yãhd̄uye ijire, ni yahuahye Jesu.

*Niñerure cahĩñequina,
Cohãcjũ pehere cahĩedare
(Lc 16.13)*

24 Sa yero tiquiro yahu nemoahye tiquinare:

—Ihcãquiro Cohãcjũ pehere wacũno, tutua yãhd̄uaro niñeru pehere wacũedare. Niñeru pehere tutua yãhd̄uaro wacũno Cohãcjũ pehere wacũedare. Niñeru dihitare cahmediquiro ijiro Cohãcjũre bucuegũ yerare. Cohãcjũ gũhare, niñeru gũhare p̄narore cahme yãhd̄ud̄ucaro basioerare m̄sare.

*Cohãcjũ tiquiro pohne
ihña ihbore
(Lc 12.22-31)*

25 'Sa yegũ ahrire m̄sare nii niaja: M̄sa ihyayere, sihniñene, suhti gũhare pajiro b̄uj̄na witi tãhotueracãhña. M̄sare bajumehnenno ihyayere ihyatina dihitare suhti sañatina dihitare Cohãcjũ yerari m̄sare.

26 Minic̄j̄na parire Cohãcjũ tiquiro ihña ihboyere masiña m̄sa. Tiquina weseri marieñequina ijire. Sa yeye ihyayere tiquina ihboye wãh̄use tiquinare mariedare. Mari Pacũ pehe tiquinare tiquina ihyatire ohore. Minic̄j̄na yãhd̄uoro m̄sa pehere cahĩne Cohãcjũ. Sa yero m̄sa gũhare ihña ihborota tiquiro.

27 Pajiro m̄sa tãhotuye mehna ti m̄sare ihcã hora cati nemogũ yerare. Sa yero m̄sa pajiro tãhotuye d̄uhseati ijierare.

28 'Sa yena m̄sa suhti sañatire pajiro b̄uj̄na witi tãhotueracãhña. Nucũ cjẽ cohorì ti cohoyere tãhotuya. Ti cohorì ti basi suhtire yerare. Sa yerapeta ti cohorì quehnoañe suhti yero saha quehnoañe cohorì bajure.

29 Salomo m̄n̄ano quehnoañe suhtire sañariquiro tiquiro ijiepegũta ti cohorì pehe tiquiro yãhd̄uoro quehnoa yãhd̄uaye cohorì waro ijire.

30 Cohorire quehnoañe cohorì yere Cohãcjũ pehe. Ti cohorì pehe meheñe decorigã ijiducu ñai bora dijiaa wahare. Mehenogã iji, ape decor̄ũ pecar̄ũ ãj̄ũa wahare. Sa ijiepegũta cohorire quehnoañe cohorì ijigũ yere Cohãcjũ. Sa yero Cohãcjũ cohorire tiquiro quehnoañe cohorì tiquiro yeriro yãhd̄uoro m̄sa gũhare quehnoano yerota. Suhtire ohorota. Cohãcjũre mehenogã wacũ tutuare m̄sa.

31 Sa yena m̄sa ihyatire, m̄sa sihniatire, m̄sa suhti sañatire pajiro b̄uj̄na witi tãhotueracãhña.

32 Cohãcjũre cahmeeñequina pehe tire sa macaducuye nine. Mari Pacũ ãhm̄use cjãno ijipihtiye m̄sa cahmeñene masine. Tiquiro sa masigũ pajiro b̄uj̄na witi tãhotueracãhña.

33 Cohãcjũ m̄sa p̄h̄toro tiquiro ijiatore cahme

m̄htaña m̄sa. Ijipihtiye apee boro yuhduoro tiqiuore cahmeña m̄sa. Quehnoañene tiqiuo ye dutiye gũhure cahmeña. M̄sa sa yeri bato Cohãcjũ pehe m̄sa cahmeñe duhsagũ ohorota.

³⁴ Sa yena ñamiapure m̄sa duhsa wahatore pajiro bujua witi tuhotueracãhña. Ñamiare m̄sa ñano yuhdugũ Cohãcjũ yedohorota m̄sare. Miare m̄sa ñano yuhduato iji tuhasare. Sa yena mia cjẽ dihitare tuhotuya. Ape deco cjẽne pajiro bujua witi tuhotu nemoedacãhña. Cohãcjũ pehe m̄sare yedohorota, ni yahuahye Jesu.

7

Apequinare “Ñañequina ijire”, niedacãhña
(Lc 6.37-38, 41-42)

¹ Sa yero tiqiuo tiquinare yahu nemoahye:

—Apequinare “Ñañequina ijire”, niedacãhña m̄sa. M̄sa sa niedagũ Cohãcjũ m̄sare “Ñana ijire”, nisi.

² Apequinare “Quehnoano yerare”, m̄sa ni ihñano sahata Cohãcjũ pehe m̄sa gũhure sata ni ihñanota.

³ Mari queoye mehna mari buhegũ ohõ saha yena ijire m̄sa. M̄sa acayuro tiqiuo capearu meheni pohcarogã sajãgũ ti pohcarogãre quehnoano ihñare m̄sa. M̄sa ya capea pehere pajiri pjĩ ijiepegũta ti pjĩne ne ihñedare m̄sa. Meheni pohcarogãre m̄sa ihñano saha m̄sa acayuro tiqiuo

ñano yeye pehere quehnoano ihñare m̄sa. M̄sa basi m̄sa ñañene tutuaro yepenata tire masiedare m̄sa, pajiri pjĩne m̄sa ihñeno saha. ¿Duhse ijiro boro sa ijaajari m̄sa?

⁴ Ohõ saha nibona ijire m̄sa: “Yuhũ acayũ, ñañene yei nine m̄hũ. Sa yegu tire duhuya”, nibona ijire m̄sa. Sa nibona ijiepenata pajiro ñañene yere m̄sa. ¿Duhse m̄sa ñañene yepenata tire masiedajari m̄sa?

⁵ Masa tiquina ihñono dihita quehnoano iji mehona ijire m̄sa sa yena. Pajiri pjĩne m̄sa capearu ijiri pjĩne m̄sa ne m̄htaboriro sahata m̄sa ñano yeye pehere duhu m̄htaña. M̄sa sa yeri bato m̄sa acayuro tiqiuo ñano yeyere duhugũ ye masiboaga, meheni pohcarogãre m̄sa neboriro sahata.

⁶ ‘Diaye a yero saha ijieyequina, yesea yero saha ijieyequina gũhũ ñañequina Cohãcjũ yere quehnoa yuhduyere tiquina ño peorerare. Tiquina pehere yahueracãhña. “Tiquina bujape, ñano niari”, nina, yahueracãhña tiquinare, ni yahuahye Jesu.

Cohãcjũre mari siniñene yahuahye Jesu
(Lc 11.9-13; 6.31)

⁷ Sa yero tiqiuo tiquinare yahu nemoahye:

—Cohãcjũre siniña m̄sa. Sinina m̄sa nenata. M̄sa sinidire bocanata. Tiqiuore sa siniducuya m̄sa. M̄sa sa yegũ tiqiuo m̄sare ohorota.

⁸ Ijipihtiyequina Cohãcjũre siniñequina neeta. Sa yeye tiquina sinidire bocaeta. Sa yero ijipihtiyequina Cohãcjũre sa siniducuyequinare tiquiro tiquinare ohorota.

⁹ ¿Musa pohna pãgãre musare tiquina sinigũ utã pehere ohoboagari musa tiquinare? Ne ohosi.

¹⁰ ¿Musa pohna wahire musare tiquina sinigũ añã pehere ohoboagari musa tiquinare? Ne ohosi.

¹¹ Musa ñana ijiepenata musa pohñare quehnoañene ohoe tiri musa. Sa yero Cohãcjũ pehe musa yũhdũoro quehnoañene ohore musare tiquiro pohñare tiquirore sininare. Musa pohñare musa ohoriro yũhdũoro Cohãcjũ pehe tiquiro pohñene ohore.

¹² 'Apequina musare tiquina quehnoano yegũ cahmene musa. Tiquinare musa quehnoano yegũ cahmeno sahata quehnoano yeya tiquina gãhũre. Tiquina quehnoano yerapegũta musa pehe tiquinare quehnoano yeya. Sata ye dutire Cohãcjũ dutiye Moiserere tiquiro cũripũ, Cohãcjũ yere yahu mũhtariquina tiquina ojoari gãhũ, ni yahuahye Jesu.

*Meheni sopecahagã
quitire yahuahye Jesu
(Lc 13.24)*

¹³ Sa yero tiquiro yahu nemoahye tiquinare.

—Uhmũsepũ Cohãcjũ cahapũ waha duana tiquiro

yere yero cahmene musare. Sa yena tiquiro yere sa ye macaedacãno cahmene. Meheni sopecahagãpũ musa sajã duagũ mijorĩne. Sata mijorĩne Cohãcjũ cahapũ musa waha duagũ. Pecapũ masa tiquina wahagũ mijoedare. Pajiri sopecahapũ mari sajãgũ mijoedare. Ti sopecahapũ masa tiquina sajãboro saha pecapũ masa tiquina wahagũ mijoedare. Sa yeye peyequina masa topũ wahaye nine.

¹⁴ Cohãcjũ cahapũ musa waha duagũ mijorĩne. Meheñequinagã masa topũ wahaeta. Topũ wahayequina ijipihtiye decori Cohãcjũ mehna ijiducuenta, ni yahuahye Jesu.

*Yucũgũ dũcare masina, tu
padũ gãhũre masine musa
(Lc 6.43-44)*

¹⁵ Sa yero tiquiro yahu nemoahye tiquinare:

—Quehnoano yeya. “Cohãcjũ yere yahu mũhtana ijiaja”, ni mehoñequinare tũhoeracãhña musa. Tiquina oveja yero saha usueyequina saha bajumene. Tiquina tũhotuyepũ ñañequina ijire tiquina.

¹⁶ Tiquina ñano yegũ ihñana, ñañequina tiquina ijigũ masinata musa. Tiquina quehnoano yegũ ihñana quehnoañequina tiquina ijigũ masinata musa. Pota bucũgũ uñse tũhorine dũca tierare. Potagũ higuera pacare dũca tierare.

17 Quehnoadu yucugü quehnoañene dũca tire. Ñadu pehe ñañene dũca tire.

18 Quehnoadu yucugü ñañene ne dũca tierare. Sa yero ñadu quehnoañene dũca tierare.

19 Quehnoañene dũca tieye cjure dute cohã cã, pecarũ ujãanota. Sata yerota Cohãcjũ tiquiro cahmeñene yerariquinare.

20 Sa yena “Cohãcjũ yere yahu mũhtana iji-aja”, ni mehoñequinare ohõ saha masinata. Tiquina yerire ihñana, tiquina ni mehoñequina ijigũ masinata, ni yahuahye Jesu.

“Mũsare ne masiedaja”, ninota Cohãcjũ peyequina masare
(Lc 13.25-27)

21 Sa yero tiquiro yahu nemoahye tiquinare:

—Peyequina yahũre “Pũhto” niñequina ijiepetata uhmũse cjãno Cohãcjũ tiquiro pũhtoro ijiropũre wahasi tiquina. Yũhu Pacũ uhmũse cjãno tiquiro cahmeñene yeyequina dihita tiquiro pũhtoro ijiropũre wahaeta.

22 Decorĩ pihtigũpũre peyequina masa ohõ saha nieta yahũre: “Pũhto, mũhu yere usã buhei. Mũhu wame mehna watĩare cohãũ. Sa yena mũhu tutuaye mehna peye bajumehneñene yei usã”, yahũre niñequina ijietata.

23 Ohõ saha yũhtiitja tiquinare: “Mũsare ne masiedaja. Ñañene yena ijire mũsa. Yũhu caharũ

ahtaeracãhña”, niitja yũhu tiquinare, ni yahuahye Jesu.

Pũca wũhu yeyequina quitire yahuahye Jesu
(Mr 1.22; Lc 6.47-49)

24 Sa yero tiquiro yahu nemoahye tiquinare:

—Sa ye ijipihtiyequina ahri yũhu buherire tũhoriquina yũhu dutiyere yeyequina, quehnoano tũho masiniquiro wũhu dahreriquiro yero saha ijire tiquina. Tiquiro pehe uhcũãñe coperi sehe, wũhure doco dũcahye.

25 Ti wũhure peho tuhasari bato acoro tutuaro ahta, dia mini yũhdũca waha, tutuaro wihnono wẽahye. Sa ti tutuaro wẽpegũta ti wũhu uhcũãno tiquiro docori wũhu ijiro ne waha sa queherahye.

26 Sa yeye ijipihtiyequina yũhu buherire tũhoepeta yũhu dutiyere yerariquina, tũho masieniquiro wũhu dahreriquiro yero saha ijire. Tiquiro pehe ti wũhure padũro buigã doco, quehnoano ye dũcaerahye.

27 Ti wũhure peho tuhasari bato, acoro tutuaro ahta, dia mini yũhdũca waha, wihnono tutuaro wẽahye. Sa tutuaro wẽno ti wũhu pehere wẽdoque cũ cãhye. Sa yero ti wũhu tutuaro bora sa quehea wahahye, ni yahuahye Jesu.

28 Tiquiro sa ni buhegũ tũhoye, tũho maria wahahye masa.

29 “Tiquiro potota pũhtoro ijire. Sa yero quehnoano masi pehoriquire ijiro marĩne buhere tiquiro. Mari judio masare buheyequina

yero saha buherare”, ni tuhota uahye tiqina.

8

*Jesu cami b̄c̄ m̄na wihi-
ro yuh̄na wahaḡ yeh̄ye
(Mr 1.40-45; Lc 5.12-16)*

¹ Jesu c̄n̄p̄ buhe du-
jiriqiro dijaa wahahye.
Tiqiro dijiaḡ ih̄ñ̄ñe masa
peyequina tiqiro bato wa-
hahye.

² Tiqiro sa wahaḡ
ih̄c̄qiro cami b̄c̄ m̄na
wihiro tiqirore piti ca,
d̄sepe curi mehna quehe sa,
tiqirore siniahye.

—P̄hto, m̄h̄ ȳh̄re
yuh̄no duaḡ yuh̄noya,
niahye.

³ Tiqiro sa niḡ tuhoro
tiqiro omoca mehna Jesu
tiqirore ña peohye.

—Tire ye duaja. M̄h̄re
yuh̄ḡ yeitja, niahye Jesu
tiqirore.

Tiqiro sa niḡta cami b̄c̄
m̄na yatia wahahye.

⁴ Sa ni tuhasa Jesu tiqirore
niahye tja:

—Ȳh̄ m̄h̄re oh̄ saha
yerire ne apequinare
yahuerac̄h̄ñ̄. M̄h̄ paḡre
quehnoari paḡ waharire
pahire ih̄ñ̄oḡ wahaya. Moi-
sere Coh̄c̄j̄ tiqiro c̄riro
sahata pahire minic̄j̄are
ohoya m̄h̄ yuh̄r̄re
masa ijiptiyequina tiqina
masino quehnoano, niahye
Jesu.

*Surara p̄htoro tiqiro
cahac̄j̄no dohatiḡ Jesu
yuh̄noahye tiqirore
(Lc 7.1-10)*

⁵ Sa ye Jesu Capernau
wame tiri macap̄ tiqiro
esaḡ cien surara p̄htoro
tiqiro cahap̄ esa, tiqirore
tutuario oh̄ saha ni sinidi:

⁶ —P̄hto, ȳh̄ cahac̄j̄no
ne paḡ tutueriqiro waha
masiedaro tiqirore tutuario
pur̄ḡ ya w̄h̄p̄ cuñari
tiqiro, nidi tiqiro Jesure.

⁷ Tiqiro sa niḡ,
—Ā, tiqiro dohatiyere
yuh̄noḡ wahat̄ja, nidi
Jesu.

Tiqiro sa niḡ oh̄ saha
nidi surara p̄htoro:

⁸⁻⁹ —P̄hto, quehnoanota.
Wahaeḡta. Ȳh̄ yuh̄oro
quehnoa yuh̄aḡ ijire
m̄h̄. Ya w̄h̄p̄ m̄h̄re
saj̄ ta dutiboḡ ijieraja
ȳh̄. M̄h̄ masiñe mehna
yuh̄noya tiqirore. M̄h̄
sa yeḡ ȳh̄ cahac̄j̄no
quehnoa waharota. Ȳh̄re
ȳh̄ bui ijiyequina apequina
p̄htoa dutire. Ȳh̄ ḡh̄
surarare dutiaja. Ih̄c̄qirore
“Wahaya”, ȳh̄ niḡ tiqiro
wahare. Apeqirore “Ah-
taya”, ȳh̄ niḡ tiqiro
ahtare. Ȳh̄ cahac̄j̄nore
“Ahrire yeya”, ȳh̄ niḡ tire
yere. M̄h̄ ḡh̄ dutiḡta
ijire. Sa yero m̄h̄ dutiro
sahata tiqiro dohatiriqiro
yuh̄rota, nidi tiqiro.

¹⁰ Tiqiro sa niḡ tuhoro
maria waharo, peyequina
masa tiqiro mehna ijiye-
quinare oh̄ saha nidi Jesu:

—Ijirota m̄sare niita niaja.
Ahriqiro surara p̄htoro
Israe mas̄no ijieriqiro
Coh̄c̄j̄re tutuario wac̄
tutare. Tiqiro cahac̄j̄nore

yuhũ yuhdũgũ yeatire masi tuhasare. Ne Israe masare ahriquiro yero saha ijiyequinare ihñedaga yuhũ.

11 Mũsare niita niaja. Peyequina ahriquiro yero saha Cohãcjũre wacũ tutuayequina ijipihitiro cjẽna gũhũ uhmũse cjũno pũhtoro tiquiro ijiropũ esa, topũ ijiyequina mehna ihyaeta. Abrahã, Isaac, Jacob mehna ihyaeta tiquina.

12 Masa apequina pehe Cohãcjũ tiquiro pũhtoro ijiropũ wahaboriquina tiquina ijiepegũta ñanopũ nahitianopũ cohã cãnota tiquinare. Topũ tiquiro cohãriquina tutuaro uti, bũjũa witiye mehna bahque dihoeta, ni yahuri Jesu.

13 Tire sa ni tuhasa, surara pũhtorore nidi.

—Tojoahya mũhũ ya wũhũpũ. Mũhũ cahacjũno yuhdũrota. “Potota yuhdũrota”, ni mũhũ tũhoturiro sahata yuhdũrota, nidi Jesu.

Sa nigũta tiquiro cahacjũno pehe quehnoa wahari.

Pedro mareonore dohatiricorore yuhdũoahye Jesu
(Mr 1.29-31; Lc 4.38-39)

14 Sa ye Jesu Pedro ya wũhũpũ esa, Pedro mareono dohatigũ ihñahye tiquiro. Ujuaye tigũ cuñahye ticoro.

15 Ticoro sa ijigũ ihñano ticoro omocare ña peoahye. Tiquiro sa ña peogũta ujuaye surua wahahye. Surugũ tũhoturo ticoro pehe wahcãdũca, tiquinare ihyayere peoahye.

Jesu peyequina dohatiyequinare yuhdũoahye

(Mr 1.32-34; Lc 4.40-41)

16 Sa ye ñamicahapũ peyequina watĩare cũoyequinare masa ne wihiahye Jesu cahapũ. Tiquina sa ne wihigũ ihñano ihcã tahata tiquiro waha dutigũ watĩa wahaa wahahye. Sa yero ijipihitiyequina dohatiyequina tiquina ne sariquinare yuhdũo pehoahye Jesu.

17 Sata yeahye tiquiro panopũ cjũno Cohãcjũ yere yahu mũhtariquiro Isaia tiquiro nidiro sahata. Ohõ saha ni ojoahye: “Mari dohatiyere yuhdũo cãnota tiquiro. Mari duti tiyere cohã cãnota”, ni ojoahye Isaia Jesure.

Ihquẽquina Jesu mehna waha duamahye

(Lc 9.57-62)

18 Ape taha Jesu peyequina masa tiquiro cahapũ tiquina ijigũ ihñano, ohõ saha nidi.

—Ape sie pahrẽpũ isa pehãhũna, nidi.

19 Sa ušã pehãto pano mari judio masare buheriquiro Jesu cahapũ esa, ohõ saha nidi:

—Buhegũ, mũhũ mehna waha duaja noho mũhũ waharopũ, nidi.

20 Jesu ohõ saha ni yũhtiri:

—Ihquẽquina nũcũ cjẽna wahiquina tiquina coperi cũore. Minicjũa gũhũ tiquina suhti cũore. Yuhũ masũ Cohãcjũ ohorigũ pehe yuhũ carĩni wũhũ cũoeraja, ni yũhtiri Jesu.

21 Sa ye apequiro Jesu buheriquiro ohõ saha nidi:

—Puhto, yahu pacu tiquiro yariagũ yarĩgutja. Sa ya tuhasagu pũrita mahu mehna wahagutja, nidi tiquiro Jesure.

22 Jesu yuhtiri:

—Yuhure cahmeeñequina yariariquina yero saha ijire. Tiquina pehe yariariquinare yaahro. Sa yegu mahu pehe yahu mehna cju ijicaju ahtaya, nidi tiquiro.

*Jesu wihnonore yusu duti-
ahye*

(Mr 4.35-41; Lc 8.22-25)

23 Sa ni tuhasa yucasapu sajari. Sa yena usã tiquiro buhena gũhu tiquiro mehna waha, sajãhu.

24 Ti ditarapu usã pehãgũ waro wihnono tutuaro wẽdi. Sa yero pahcõri yucasare quẽ mio cãmedi. Sa wihnono wẽpegũta Jesu pehe carĩno nidi.

25 Sa wahagũ ihñana usã tiquirore wahcõu. Wahcõ ohõ saha nii:

—Puhto, yuhduoya. Mari minina tana niajã, nii usã.

26 Usã sa nigũ Jesu yuhtiri:

—¿Duhseña cue maca cãri musa? Yuhure wacũ tutuerare musa, nidi Jesu usãre.

Sa ninota wahcãduca sa, wihnonore pahcõri gũhure “Yusahya”, nidi. Tiquiro sa nigũ wihnono yuhduu wahari. Sa ye pahcõri gũhu yusu dijiaa wahari.

27 Tiquiro sa yegũ ihña acũana, ohõ saha nii usã:

—¿Yohou, duhse ijiriquiro boro masno ijiajari

ahriquiro? Ahri wihnono, pahcõri gũhu tiquiro dutigũ yuhduucaerare tiquirore, nii usã.

*Watia cuoyequinare
watiaare cohãhye Jesu*

(Mr 5.1-20; Lc 8.26-39)

28 To bato pehã sa, Gadara cjẽna ya yehrapu esau. Topu usã esagũ puaro mhu masa coperi cahapu ijiequina Jesure piti cari. Tiquina watiaare cuoyequina cuayequina ijiri. Sa yero topu masa tiquina wahamehnenno ijiri.

29 Tiquirore piti ca, sañuducuri:

—¿Mahu Cohãcju macu duhse yegu ahtajari mahu usã cahapure? ¿Usãre Cohãcju tiquiro buhiri dahreati pje ijierapegũta usãre buhiri dahrei ahtau niajari mahu? ni sañuducuri tiquina.

30 Tiquina cahapu peyequina yesea maca ihyaye nidi.

31 Tiquinare ihñañe, watia ohõ saha nidi Jesure:

—Usãre cohãgu sisequina cahapu waha dutiya usãre. Tiquina mehna iji dutiya usãre, ni sinidi watia Jesure.

32 —Ahu, wahaya, nidi Jesu.

Tiquiro sa nigũ watia puaro masa mehna ijiriquina waha, yesea cahapu esari. Tiquina mehna tiquina ijigũta yesea pari, pari cjẽpu oma maa buha, ditarapu bora ñojoa, mini yaria pihtia wahari.

33 Tiquina sa wahagũ ihñañe yeseare ihña ihboyequina pehe cuea waha, oma maa cãa wahari. Macapu

esa, yesea tiquina minidire yahu site pehoahye. Watĩare c̄aoriquinare Jesu watĩare tiquinap̄are ijiriquinare cohã wiori gũh̄are yahu pehoahye tiquina.

³⁴ Sa tiquina yahu siteri bato ti maca cj̄ena ijipihtiye-quina Jesure ihñañe ahtari. Sa ye tiquirore ihñañe, tutuaro mehna waha dutiri tiquirore.

9

Tini masieniquirore yuhd̄uohye Jesu
(Mr 2.1-12; Lc 5.17-26)

¹ Sa ye Jesu yuc̄sap̄u sajã, ditarap̄u pehã, tiquiro masari macap̄u esahye.

² Top̄u apequina tini masieniquirore tiquiro cuñari cahsero mehna yo w̄na wihiahye Jesu cahap̄u. “Jesu ahriquiroro dohatiyere yuhd̄ugũ yerota”, ni t̄hotuahye tiquina. Tiquina sa ni t̄hotugũ masino dohatiriquirore ohõ saha niahye Jesu:

—Bucueya m̄h̄u. M̄h̄u ñañe yeyere cohã tuhasa yuh̄u, niahye tiquiro.

³ Tiquiro sa nigũ t̄hoye ihquẽquina mari judio masare buheyequina ohõ saha ni t̄hotumahye. “Ahriquiroro ihyo ijiriquiro sa nino ‘Cohãcj̄u ijiaja’, nino nine. Sa nino Cohãcj̄ure ñano nino nine”, ni t̄hotumahye tiquina.

⁴ Tiquina sa ni t̄hotugũ masino, ohõ saha niahye Jesu:

—¿D̄ahsena sa ñano t̄hotuajari m̄sa?

⁵ “M̄h̄u ñañe yeyere cohã tuhasaja”, yuh̄u nigũ “Ni mehogu ijire”, nine m̄sa quehnoano masiedapenata. “Wahcãd̄uca, wahaya”, yuh̄u nigũ tiquiro tinigũ ihñana, yuh̄u nidi poto ijigũ duita m̄sa masinata.

⁶ Yuh̄u mas̄u Cohãcj̄u ohorigu ahri yehpap̄u masa tiquina ñañe yeyere cohã masiaja yuh̄u. Masa tiquina ñañe yeyere cohãcj̄ure c̄uri Cohãcj̄u yuh̄ure. Yuh̄u sa cohãr̄ire m̄sa masiato saha ohõ sahata ye ihñoutja m̄sa ihñatire, niahye Jesu.

Sa ni tuhasa tini masieniquirore ohõ saha niahye:

—Wahcãd̄ucaya. M̄h̄u cuñari cahserore ne cãhña m̄h̄u ya w̄h̄ap̄u, niahye tiquirore.

⁷ Tiquiro sa nigũ t̄horo tini masieniquiro wahcãd̄uca sa, tiquiro ya w̄h̄ap̄u tojoa wahahye.

⁸ Sa wahagũ ihñañe masa cueahye. Sa ye Jesure Cohãcj̄u tiquiro tutuayere tiquiro ohogũ ihñañe masa Cohãcj̄ure ño peo, quehnoano yahuducuahye.

Jesu Mateore pijiahye
(Mr 2.13-17; Lc 5.27-32)

⁹ Tiquina sa yeri bato Jesu top̄u ijiriquiro ahta, yuh̄ure Mateore boca sari. P̄h̄toa ye ijiatire masare wapa ne cohtegu ijimi. Sa yegu ti pjere yuh̄u dahrari tuc̄p̄u dujii. Top̄u yuh̄u dujigũ ihñano ohõ saha nidi yuh̄ure:

—Yuhū mehna cjū ijiajū ah-taya, nidi Jesu yuhūre.

Tiquiro sa nigū tūhogū wahcādūca tiquiro mehna wahaū.

¹⁰ Came ya wuhūpū Jesu gūhū ihyaye ahtari. Peyequina wapa ne cohteyequina, “Ñano yeyequina”, tiquina niñequina gūhū usā mehna ihyari.

¹¹ Tiquina mehna usā ihyagū ihñañe, fariseo masa usāre Jesu buhenare ohō saha nidi:

—¿Dūhse yero mūsare buheriquiro wapa ne cohteyequina mehna, ñano yeyequina mehna ihyajari? nidi tiquina usāre tiquiro buhenare.

¹²⁻¹³ Tiquina sa nigū tūhoro Jesu pehe queoye mehna buhero yūhtiri:

—Dohatieyequina duturure macaedare. Dohatieyequina dihita duturure macare. Ñañequina dohatieyequina yero saha ijire. Sa yegū ñañequina dihitare tiquina ñañene yerire bujūa witi duti, quehnoañe pehere comesagū yei ahtaū nū yuhū. Tiquina basi “Quehnoana ijiaja usā”, ni tūhotuyequinare yedohogū ahtaerū. Cohācjū tiquiro nidire tiquina ojoarire masiña mūsa. “Wahiquinare mūsa wejē, ujūa mūoñe mehna yuhūre mūsa ño peogū cahmedaja. Apequinare mūsa paja ihñagū pehere cahmeaja”, ni ojoahye. Ahri tiquiro ojoari dūhse nidire masiña mūsa. Tire quehnoano buhe nemona

wahaya, nidi Jesu fariseo masare.

Sijiyere sinituahye Ñū buheyequina Jesure

(Mr 2.18-22; Lc 5.33-39)

¹⁴ Came Ñū wame yeriquiro buheyequina Jesu cahapū esa, sinituri:

—Usā Ñū buhena pehe peye tahari Cohācjūre ño peona tana, sijiaja. Fariseo masa gūhū sata sijire. ¿Dūhse yeye mūhū buheyequina pehe sijierajari? nidi tiquina Jesure.

¹⁵ Jesu tiquiro tūhotuyē mehna queoye mehna buhero taro tiquinare ohō saha ni yūhtiri:

—Ohō saha ijire ti: Omoca dūhteropū tiquina pijioriquina omoca dūhteriquiro mehna ijieye, siji masiedare. Sata yuhū buheyequina gūhū yuhū mehna ijieye, siji masiedare. Yuhū omoca dūhteriquiro yero saha ijiaja. Omoca dūhteriquiro bose deco tiquiro yegū tiquiro mehna cjēna bujūa witiye mehna ijierare. Sa yeye ihyeyequina ijierare. Yuhū Pacū Cohācjū yuhūre tiquiro nedi bato pūritare yuhū buheyequina mehna ijisi yuhū. Sa yeye ti pjerpūta yuhū buheyequina gūhū sijieta, ni yūhtiri Jesu.

¹⁶ Panopū cjē buheye wahma buheye mehna tiquina buhe more duagū ihñano ohō saha ni nemori Jesu tiquinare queoye mehna buhero.

—Ne wahma cahsero suhtiro cahsero mehna mūnāno suhtirore sere ohōno

cahmedare. Sa yegū wahma cahsero mari coseri bato m̄n̄n̄ano suhtirore weje cahmecoa, paji ȳh̄d̄uaro t̄h̄n̄gū yere. (Ahri yero saha m̄n̄a buheyere wahma buheye mehna piti dahre buheraro cahmene.)

17 Sa yena ne ʔhse co bisiye core wahiquiro cahsero ajurore m̄n̄a ajurore pose yeraro cahmene. Sa yegū ʔhse co bisiye pahmuñer̄u m̄n̄a ajurore t̄hr̄ē cāhre. Sa t̄h̄n̄gū ʔhse co gūh̄u, ajuro gūh̄u cohāa wahare. Sa yena ʔhse co wahma core wahma ajurop̄u pose yero cahmene. Sa yegū ʔhse co cohāeda, ajuro gūh̄u cohāedare. (Sata wahma buheye m̄n̄a buheye mehna buhe moredaro cahmene,) ni yahuri Jesu tiquinare.

Jairo maconore maso, dii m̄n̄a dohatiducuricoro gūh̄ure ȳh̄d̄uohye Jesu

(Mr 5.21-43; Lc 8.40-56)

18 Tiquiro sa ni yahuri watoa mari judio masa p̄h̄toa mehna c̄j̄no Jesu cahap̄u wihiri. Wihi, d̄usepe curi mehna quehe sa, ohō saha nidi.

—Ȳh̄u maco mianogā yariaa wahari. Ticorore m̄h̄u omocare duhu peoḡu ahtaya. M̄h̄u sa yegū masanota, nidi tiquiro Jesure.

19 Tiquiro sa nigū t̄horo Jesu wahcād̄uca tiquiro mehna wahari. ʔsā tiquiro buhena gūh̄u wahau.

20 ʔsā mahap̄u waha-ducugū top̄u numino dii m̄n̄a dohatiducuricoro Jesu

batop̄u ahta, tiquiro suhtiro sohtoare dahra tuuahye. Doce c̄h̄mari waro decoripe dii m̄n̄a dohatiro niahye.

21 Ohō saha ni t̄h̄otuahye ticoro sa yero: “Ti suhtirore dahra tuhugo, quehnoa wahagota”, ni t̄h̄otuahye ticoro.

22 Ticoro sa yegū masino Jesu majared̄uca, ticorore nidi.

—Maco, bucueya m̄h̄u. M̄h̄u ȳh̄ure wacū tutuaye mehna quehnoago tojoare yojop̄ure, nidi tiquiro.

Tiquiro sa nigūta ȳh̄d̄ua wahari ticoro.

23 Sa ye tuhasa Jesu p̄h̄toro ya w̄h̄p̄u esari. Top̄u esa, ñehe quea utiyequinare weōḡu m̄te pohoro saha ijid̄ure putiyequinare ihñari. Peyequina masa tiquina ñano bisigū gūh̄ure t̄hori tiquiro.

24 Tiquina sa yegū ihñano masare ohō saha nidi:

—Wijiaya m̄sa. Yariere ticoro. Carño nine, nidi tiquinare.

Tiquiro sa nigū t̄hoye “Sa ni maca cāno nine ahriquirō”, niñe, masa b̄j̄ari tiquirore.

25 Sa yero w̄h̄u puhiap̄ure ijiequina masare tiquiro wio pehori bato yariaricoro cahap̄u esa, ticoro omocare ñeheahye. Tiquiro sa ñehēgū masa quehe sa, wahcād̄uca sahye ticoro.

26 Tiquiro sa yerire t̄hoye, to c̄j̄na masa ijipihtiyequina yahu siteri.

P̄uaro caperi bajueye-quinare ihñagū yeahye Jesu

27 Sa yero Jesu topu ijiriquiro wahagū, p̄aro caperi bajueyequina tiquiore pisu n̄n̄n̄ tāri:

—Davi panami iji turiagu, masare ȳhd̄uoac̄j̄, us̄āre paja ih̄ñaña m̄h̄h̄, ni sañuducuri tiquina.

28 Tiquina sa nigūta Jesu ape w̄h̄p̄u sajāri. Tiquiro sa sajāgū masiñe caperi bajueyequina tiquiore cahapu sajāa wahari. Tiquina sa sajā sagū ih̄ñano tiquiore pehe sinituri tiquinare:

—¿“Marine ih̄ñagū yerota tiquiore”, ni t̄hotuajari m̄sa ȳh̄re? nidi tiquiore.

—P̄hto, sata ni t̄hotuaja us̄ā, ni ȳhtiri tiquina.

29 Tiquina sa nigūta tiquina caperire ña peori. Ña peo ohō saha nidi:

—Ȳh̄re “Sa yerota”, m̄sa ni t̄hoturiro sahata sa yeaja m̄sare, nidi Jesu.

30 Tiquiro sa nigūta tiquina caperi pehe quehnoa wahari. Sa ye Jesu ohō saha nidi tiquinare:

—Ahri ȳh̄h̄ ohō saha yerire apequinare ne yahuerac̄h̄ña, nidi.

31 Tiquiro sa niepegūta waha, topu ijieyequinare yahu siteri tiquina tiquiore sa yerire.

Yahuducueriquiore yahuducugū yeahye Jesu

32 Ti w̄h̄re tiquina wi-jigū waro ihc̄aquiore yahuducueriquiore ne c̄htari masa. Wat̄no tiquiore mehna ijiriquiro tiquiore yahuducueragū yeahye.

33 Tiquina ne sagū ih̄ñano wat̄nore Jesu cohā wiori. Tiquiro sa cohāgū wat̄nore c̄uoriquiro pehe yahuducua wahari. Tiquiro sa yegū ih̄ñañe ijipihtiyequina ih̄ña maria pihtia wahari.

—Ne, ahri yehpa Israe yehpap̄are ohō saha yeyere ih̄ñedahti mari, ni yahuducuri tiquina basi.

34 Fariseo masa pehe sijoro saha ni yahuducuri:

—Wat̄ia p̄htoro tutu-aye mehna wat̄are cohāre ahriquiore, ni yahuducuri tiquina.

Masare paja ih̄ñahye Jesu

35 Sa ye ijipihtiye macari topu ijiye macarigāre, buj̄ye macari ḡh̄re buhe tinino wahari Jesu. Quehnoañe buheyere judio masa mari buheye w̄h̄sep̄u buhero wahari tiquiore. Sa yero Coh̄c̄j̄ p̄htoro tiquiore ijiatire yahuri. Ijipihtiye dohatiye ḡh̄re to c̄j̄nare ȳhd̄uori tiquiore.

36 Masa peyequina ñano ȳhd̄uoyequinare, pejec̄oro wahayequinare tiquina ijigū ih̄ñano Jesu tiquinare paja ih̄ñari. Tiquina oveja opana marieñequina yero saha tiquina ijigū ih̄ñano Jesu tutuaro paja ih̄ñari tiquinare.

37 Sa yero ohō saha nidi tiquiore us̄āre tiquiore buhenare, queoye mehna buhero:

—Trigo peye buc̄ua tuhasagū peye ijigū dahraye pajiro ijire. Sa ijiepegūta dahrayequina pehe meheñequinagā

ijire. Sata quehnoañe buheyere t̄hoatiquina peyequina ijiḡa pajiro ijire mari dahraye. Sa ijiepeḡata meheñequinaḡa dahrari masa yero saha quehnoañe buheyere buheatiquina ḡuh̄ meheñequinaḡa ijire.

³⁸ Sa yena quehnoañe buheyere buheatiquinare apequinare tiqiro ohoatire siniña Coh̄c̄j̄are, nidi Jesu.

10

Jesu doce waro beseahye tiqiro ohoatiquinare
(Mr 3.13-19; Lc 6.12-16)

¹ Came doce us̄are tiqiro buhenare Jesu pijio, tutuayere ohori us̄are. Wat̄iare us̄a coh̄a masiatire ijipihtiye dohatiyere us̄a coh̄a masiatire ohori us̄are.

² Oh̄o saha wame tii us̄a Jesu c̄urina: Simo ijiri. Tiquiroreta Pedro ni pisuri Jesu. Simo bah̄uro Andre ḡuh̄ ijiri. Santiago ḡuh̄ tiqiro bah̄uro Ñu mehna ijiri. Tiquina Santiago ḡuh̄ pac̄uro Zebedeo wame tiri.

³ Felipe, Bartolomé, Tomasu, yuh̄ Mateo ijii us̄a. Yuh̄ pehe p̄h̄toa ye ijiatire masare wapa ne cohtegu ijimi. Us̄a mehna Santiago ijiri. Tiquiro pehe Alfeo mac̄ano ijiri. Sa yero Tadeo ḡuh̄ ijiri.

⁴ Simo celote ya curua c̄j̄ano ijimediquiro, Juda Iscariote ḡuh̄ ijiri. Juda pehe Jesure ih̄ña tuhtiyequinare ih̄noatiquiro ijiri.

Jesu tiqiro buheyequinare buhe dutiro ohoahye
(Mr 6.7-13; Lc 9.1-6)

⁵ Sa ye us̄are doce tiqiro buhenare ohoro, “Oh̄o saha yeya”, ni yahuri us̄are Jesu:

—Judio masa ijieyequina cahap̄re wahaerac̄ah̄ña. Ne Samaria yehpap̄ ijie macarip̄ ḡuh̄re wahaerac̄ah̄ña.

⁶ Israe yehpa c̄j̄ena cahap̄ pehere wahaya. Coh̄c̄j̄are masieñequina ijire tiquina.

⁷ “Uhm̄se c̄j̄ano p̄h̄toro tiqiro ijianto mehenoḡa d̄hsare”, ni buheya tiquinare.

⁸ Sa yena cami buc̄a m̄ana wihare, apeye peye sijoro saha ijieyeh dohatiyere c̄oyequina ḡuh̄re yuh̄duḡu yeya. Yariariquinare masoña. Wat̄ia masa mehna ijieyehquinare coh̄ña tiquinare. M̄sare sa ohogu niaja ahri tutuayere. Sa yena masa ḡuh̄ yuh̄ sa ohoriro sahata masare yuh̄duḡu yeya wapa neno marieno.

⁹ M̄sa wahana niñerure ne nedac̄ah̄ña.

¹⁰ Ne m̄sa ajurore, p̄aro camisare, p̄a pa dahpo suhtire, tuaye c̄j̄a ḡuh̄re nedac̄ah̄ña. M̄sa sañano dihitare sañaa wahaya. Apeye suhtire nedac̄ah̄ña. M̄sa buhena waharop̄ ijieyequina tiquina pehe m̄sare pohe ijiatire ohoeta. Sata ohoro cahmene tiquinare.

¹¹ “Ti macarip̄ esana, m̄sare quehnoano piti catiquirore macaña. Sa yena ti wuh̄p̄ta tojoar̄ña. Tee, cōa wahanap̄ wijiaya ti wuh̄re.

12 Sa yena wahuḡu saǰāna, “ǰijajari mḡsa?” niña ti wahu cǰēnare. Mḡsare quehnoano tiquina cahmegū “Cohācǰū mehna quehnoano ijiya mḡsa”, niña tiquinare.

13 Mḡsare tiquina cahmedagū, mḡsa sa niborire niedacāhña.

14 Sa yena mḡsare tiquina cahmedagū, tiquina tūho dueragū ti wāhure wiji-aya. Wijiana, dahpocāri cǰē dihta esa wāhārire wejē site cūña mḡsa tiquinare tiquina ye buhirire masigū yena. Ti maca cǰēna mḡsare cahmedagū sata yeya tiquina gūhure.

15 Ijirota mḡsare niita niaja. Ahri deco pihḡgūpūre Sodoma cǰēna, Gomorra cǰēna gūhū tutuaro buhiri tiatiquinata ijire. Tiquina sa ijiepegūta tiquina yāhdūoro mḡsare cahmeeñequina buhiri tiatiquina ijieta, ni yahuri Jesu.

Jesu yequinare apequina ñano yeatire yahuahye Jesu

16 Sa ni tuhasa ohō saha ni nemori:

—Yūhure tūhoya mḡsa. Oveja yero saha ijinare mḡsare ñañequina watoa ohogū niaja. Tiquina ñañequina nūcū cǰēna yayia usuayequina yero saha ijire. Sa yena mḡsa pehe apequina wāhiquina wacū masiñequina yero saha ijiya. Sa ijina ijiepenata bujua yero saha ne usuena ijiya mḡsa.

17 Quehnoano yeya mḡsa. Mḡsare masa pūhtoare ohoeta. Judio masa mari

bueye wāhūsepū quēeta mḡsare.

18 Sa yeye yeequina mḡsa ijiri buhiri macari cǰēna pūhtoa cahapū tiquina bui ijiyequina pūhtoa cahapū gūhure neañeta mḡsare. Sa yena mḡsare topū tiquina neagū pūhtoare, judio masa ijiyequina gūhure quehnoañe buheyere buhen-ata mḡsa.

19-20 Mḡsare pūhtoare tiquina ohogū tiquinare mḡsa niatire “Yohou, masied-aboaga”, ni tūhotueracāhña. Mḡsare tiquina sinitugūta mḡsa niatire masinata. Sa masina tiquinare yahuna, mḡsa tire mḡsa esa tuhāro yahuducuna nisi. Cohācǰū pehe mari Pacū tiquiro yaquiro Espiritu mehna mḡsare yahuducugū yerota.

21 “Ti pjere tiquina wā- misūmūa tiquina bahanare wejē dutiye ohoeta pūhtoare yeequina tiquina ijiri buhiri. Tiquina pacūsumūa tiquina pōhnene wejē dutiye ohoeta pūhtoare. Tiquina pōhne pehe tiquina pacūsumūare wejē dutiye ohoeta pūhtoare.

22 Sa yeye yeequina mḡsa ijiri buhiri ihña tuhti-eta masa ijiptiyequina mḡsare. Tiquina sa yepegūta ahri yehpapū mḡsa catiro puno mḡsare tiquina ñano yerire ihcāno sahana yūhure duhuerana, yāhdūnata mḡsa.

23 Ihcā macapū mḡsare tiquina ñano yegū ape macapū duhti cāhña. Ijirota mḡsare niita niaja. Israe yehpapū ijiye macarine mḡsa pehoato pano, yūhū

masu Cohãcjũ ohorigu ahri yehpapu tojoa taũtja.

²⁴ Ne ihcãquiuro buheriquiro tiquiore yahuriquiuro buipũ ijierare. Sa yero cahacjãno gãhu tiquiuro puhtoro bui cjũno ijierare.

²⁵ Sa yero ohõ saha tuhoturo cahmene buheriquirore: ²⁹ 'Puaro siripia wapa mariedare. Tiquina sa wapa mariedapegũta ihcãquirogãre Cohãcjũ ne boerare. Cohãcjũ dutieragũ ne yarierare tiquiogã.

'Yũhũre buheriquiro yero sahata ijigũtja", ni tuhoturo cahmene. Cahacjãno gãhũre sata ni tuhoturo cahmene. "Yũhu puhtoro yero sahata ijigũtja", ni tuhoturo cahmene. "Tiquiro bui ijigũtja. Sa yegu yũhu puhtoro tiquiuro ñano yũhdũriro sahata ñano yũhdũsi yũhu pehe", ni tuhotueraro cahmene. Yũhu pehe wũhu cjũno yero saha iji-aja. Mũsa pehe ti wũhũpu dahrayequina yero saha ijire. Sa yeye masa yũhũre "Beelzebũ ijire", ni yahusãñe, mũsa gãhũre yeequinare ñano ni yahuducueta tiquina, ni yahuri Jesu.

"¿Noa pehere cuegũ quehnoajari?" ni yuahye Jesu

(Lc 12.2-7)

²⁶ Sa ni tuhasa ohõ saha ni nemori:

—Sa yena mũsare ñano yeyequinare cueracãhña. Masa tiquina yahuerarire came apequina masieta. Sa yeye tiquina nũori gãhũre apequina masieta.

²⁷ Mũsare tuhoerogã yũhu yahurire peyequina masa watoa buhe turiaya mũsa.

²⁸ Masũnore wejẽñequina tiquiuro pagũ dihitarẽ wejẽne.

Tiquiro jeripohna yarierare. Sa yena mũsare wejẽ duayequinare cueracãhña. Cohãcjũ pehere cueya. Tiquiro mũsa pagũrire, mũsa jeripohnari gãhũre pecapũ cohã masine. Sa yena tiquiuro pehere cueya.

'Puaro siripia wapa mariedare. Tiquina sa wapa mariedapegũta ihcãquirogãre Cohãcjũ ne boerare. Cohãcjũ dutieragũ ne yarierare tiquiogã.

³⁰ Sa yero mũsa poarire ne ihcã poa da dũhsaro marieno masi pehore Cohãcjũ. Sata mũsa ijiye tiye gãhũre masi pehore Cohãcjũ. Sa masino mũsare ihña ihboducure.

³¹ Siripiare tiquiuro cahĩno yũhdũoro, mũsa pehere cahĩne Cohãcjũ. Sa yena pajiro tuhotueracãhña mũsa.

Jesure mũsa wacũ tutuarire yahuya masare

(Lc 12.8-9)

³² 'Ihcãquiuro "Jesu yaquiuro ijiaja", masare tiquiuro ni yahugũ yũhu gãhu tiquiore "Yaquiuro ijire", ni yahugũtja yũhu Pacũre uhmũse cjũnore.

³³ Sa ijiepegũta ihcãquiuro "Jesu yaquiuro ijieraja", masare tiquiuro nigũ yũhu gãhu "Yaquiuro ijierare tiquiuro", ni yahugũtja yũhu Pacũre, ni yahuri Jesu.

Jesu masare tu wagũ yere

(Lc 12.51-53; 14.26-27)

³⁴ Sa ni tuhasa ohõ saha ni yahu nemori:

—¿Dũhse ni tuhotuajari mũsa yũhũre? ¿"Tiquiro masare tiquiuro buheri bato

apequina tiquinare ihña tuhtisi”, ni, tãhotuajari mûsa? Sa ijierare. Masare yãhã buheri bato ihquẽquina yeere tãhoeta. Apequina pehe tiquinare ihña tuhtietã. Ihcãno saha ijisi masa.

³⁵ Bũcũna yãhã buheyere tiquina tãhori buhiri tiquina pohne tiquinare ihña tuhtietã. Bũcũna numia gãhã yãhã buheyere tiquina tãhori buhiri tiquina pohna numia tiquinare ihña tuhtietã. Tiquina mareosãnumia yãhã buheyere tiquina tãhori buhiri tiquina macũ namosãnumia tiquinare ihña tuhtietã.

³⁶ Sa yeye masa tiquina acayere ihña tuhtiequina ijietã.

³⁷ Yãhãre tiquina cahĩboriro yãhdũoro tiquina pacũsumã pehere cahĩ yãhdũũcaye, yeequina ijisi tiquina. Yãhãre tiquina cahĩboriro yãhdũoro tiquina pohne pehere cahĩ yãhdũũcaye, yeequina ijisi tiquina.

³⁸ Sa yeye apequina curusapũ yariariro saha yeequina tiquina ijiri buhiri ñano yãhdũeta tiquina gãhã. Sata ñano yãhdũ dueyequina yeequina ijisi tiquina.

³⁹ Masa yãhãre wacũno marieno tiquina esa tuhãro yeye pecapũ wahaeta tiquina. Sa yeye yeere sa yeducuye ijipihtiye decori yãhã mehna ijietã tiquina, ni yahuri Jesu.

Mari wapatatire yahuahye Jesu
(Mr 9.41)

⁴⁰ Sa ni tuhasa ohõ saha ni yahu nemori:

—Mũsare yeequinare ihcãquiro quehnoano cahmeno, yãhã gãhãre cahmeno nine tiquiro. Sa yero tiquiro yãhãre quehnoano cahmediquiro yãhãre ohoriquiro gãhãre cahmeno nine.

⁴¹ Sa yero Cohãcjũ yere yahuriquiro wapatarota. Tiquirore quehnoano yerota Cohãcjũ. Sa yero tiquiro yere yahuriquiro tiquiro ijigũ ihñano apequiro pehe yahuriquirore quehnoano cahmeno, yahuriquiro yero sahata wapatarota tiquiro gãhã. Sa ye apequiro quehnoano yeriquiro wapatarota. Sa yero quehnoano yeriquiro tiquiro ijigũ ihñano apequiro pehe tiquirore quehnoano cahmeno, quehnoano yeriquiro yero saha wapatarota tiquiro gãhã.

⁴² Yaquirogã ihcãquiro tiquiro ijigũ ihñañe dũhse ijieyehina tiquirogãre acore mehenogã tiquina sihõpegeãta, potota tiquinare quehnoano yerota Cohãcjũ, ni yahuri Jesu.

11

Ñu wame yeriquiro tiquiro buheyehinare Jesure sinitu dutiro ohoahye
(Lc 7.18-35)

¹ Ûsãre tiquiro buhenare tiquiro sa ni yahuri bato to cahapũ ijieye macaripũ buhero wahari tiquiro.

² Sa ye tiquiro yerire Ñu peresupm ijiriquiro tũhooahye. Sa tũhoro Ñu tiquiro buheyequinare Jesure sinitu dutiro ohoahye.

³ Sa ye Jesu cahapm esa, sinituri tiquina Ñu buheyequina.

—¿Ñu “Yũhũ bato apequiro ahtarota”, tiquiro nidigm ijjajari mahũ? ¿Tiquiro nidigm mahũ ijieragũ apequirore cohtenatari usã? ni sinituri tiquina pehe Jesure.

⁴ Tiquina sa nigũ tũhoro Jesu yũhtiri:

—Yojopũre mũsa tũhorire, mũsa ihñarire Ñure yahuna wahaya:

⁵ “ ‘Caperi bajueyequina ihñare. Tini masieñequina tinine. Cami bũcũna quehnoa wahare. Cahmono tũhoeyequina tũhoa wahare. Yariariquina masaa wahare. Tiquina ijipihtieyequinare quehnoa wahagũ yei yũhũ. Sa yegũ pejecũoyequinare quehnoañe buheyere yahuaja.

⁶ Yũhũre tũhoriquire “Poto ijire”, niniquire tiquiro bucueriquiro ijire’, nidi”, ni, Ñure yahuna wahaya, nidi Jesu.

⁷ Ñu buheyequina tiquina wahari bato, Jesu pehe Ñu ijiye tiyere yahu dũcari peyequina masare:

—Masa marienopm taare wihnono wẽdoqueo mũjagũ ihñana eserari mũsa.

⁸ “Quehnoañe suhti tiriquire ihñana wahaũhna”, niedari mũsa masa marienopm

wahana. Quehnoañe suhti tiyequina wapa bũjũyere cũoyequina pũthoa ye wũhũsepũ ijire.

⁹ Masa marienopm esana Cohãcjũ yere yahu mũhtariquire ihñana esari mũsa. Ijirota ijire. Ñu Cohãcjũ yere yahu mũhtariquire ijire. Apequina Cohãcjũ yere yahu mũhtañequina yũhũoro ijiriquiro ijire tiquiro pehe.

¹⁰ Panopm Cohãcjũ yere tiquina ojoari pũpũ Ñure ohõ saha ni yahuahye:

Mari Pacm tiquiro macũnore ohõ saha niahye: “Mũhũ pano mũhũre yahuuatiquirore ohogũ niaja”, niahye, ni ojoahye panopũre Ñure.

¹¹ Mũsare ijirota niaja. Apequina ijipihtieyequina bui ijire Ñu wame yeriquiro. Ahri decoripũre tiquiro sa ijiepegũta uhmũse cjũno pũthoro ijiropũre ijipihtieyequina docapũ ijiriquiro pũrita Ñu bui ijire.

¹² Ñu wame yeriquiro tiquiro buhe, wame ye dũcagũ peyequina masa uhmũse cjũno pũthoro ijiropũ tiquina tutuaye mehna, tiquina esa tuhoro sajã duamedì.

¹³ Cohãcjũ yere yahu mũhtañequina tiquina ojoarire, Cohãcjũ Moisere tiquiro cũripũ gũhũre buhena Cohãcjũ tiquiro pũthoro ijiatore masiaja mari. Ñu gũhũ tireta yahuri.

14 “Elia ahtarota”, panopu tiquina nidiquirota ijire Ñu pehe. Panopu cjēna tiquina nidire “Poto ijire”, ni duana Ñu tiquina sa nidiquiro tiquiro ijigū masinata m̄sa.

15 Quehnoano t̄hoya m̄sa ahrire.

16 ‘¿Yojopu cjēna masa yabequina yero saha ijiajari tiquina, m̄sa t̄hotugū? Tiquina macanagā yero saha ijire. Apequina tiquina cahmeno saha tiquina yeragū bucuere tiquinagā. Doeri cjē duaropu ape dujiye, ohō saha ni pisupere tiquinagā basi:

17 “M̄sa basatire usā putipemi. ¿D̄hsena m̄sa basaerari usā tire putigū? Usā tutuaro ñehe quea utipe, sañuducupemi. ¿M̄sa pehe d̄hsena usā mehna utiperari?” niducuriquina yero sahata ijire yojopu cjēna gūhu. Yojopu cjēna tiquina cahmeno saha usā yeragū ihñañe bucuere tiquina gūhu.

18 Tiquina yero saha yena ohō saha yere m̄sa yojopu cjāna. Ñu wame yeriquiro Cohācjāre ño peoro taro sjiro, vinore sihniedari. Tiquiro sa sihniedagū ihñana “Watñore c̄oriquiro ijire”, nimesi m̄sa tiquiro pehere.

19 Ȳhu masu Cohācjū ohorigu ijigu ȳhu ihya, sihnija. Ȳhu sa yegū ihñana ohō saha nine m̄sa ȳhu pehere: “Ihñaña. Ahriquiro pajiro ihyariquiro, queheriquiro ijire. Wapa ne cohteyequina, ñano yeyequina gūhu tiquina

piti tiriquiro ijire tiquiro”, nine m̄sa ȳhure. Sa nina macanagā yero saha yahuducuna nine m̄sa. M̄sa cahmeno saha usā yeragū bucuere m̄sa. Sa masiedapenata usā ye ihñorire ihñana, Cohācjū yere usā masigū masinata m̄sa, nidi Jesu tiquinare.

Tiquina ñañene bujua witieyequina ye macari cjēnare tuhtiahye Jesu
(Lc 10.13-15)

20 Apeye macari cjēnare tuhtiri Jesu. Ti macarine apeye macari ȳhd̄oro Cohācjū tutuaye mehna ye ihñomedi tiquiro. Tiquiro sa ye ihñoepagūta tiquina ñañe yerire duhuerari tiquina. Sa yero ohō saha ni tuhtiri Jesu tiquinare.

21 —Corazín cjāna, m̄sa ñano ȳhd̄nata. Bet-saida cjāna, m̄sa gūhu ñano ȳhd̄nata. M̄sa ye macarip̄re Cohācjū tutuaye mehna ye ihñomi. Tiro wame tiri macare, Sidō wame tiri maca gūhare tiquiro tutuaye mehna ȳhu ye ihñogū ihñañe panopu to cjēna pehe tiquina ñañene bujua witiboaga. Sa yeye quehnoañene comesaboaga. Masa dija suhtire saña, peca cjē nujuare tiquina bui dahra site peoboaga tiquina ñañene bujua witiyere ihñoñe.

22 M̄sare niita niaja. Buhiri dahreati deco ijigū Cohācjū Tiro cjēna, Sidō cjēna ȳhd̄oro m̄sa pehere m̄sa

ñari buhirire ña yuhduaro buhiri dahrerota.

²³ Capernau cjāna, mūsa esa tuhara uhmūsepū waha duamedi. Mūsare Cohācjū pecapū cohānota. Mūsa ya macapū Cohācjū tutuaye mehna ye ihñomi. Mūsa yuhure tuhōerari. Sodoma wame tiri macare Cohācjū tutuaye mehna yuhū ye ihñogū ti maca pehe yojopure ijiboaga.

²⁴ Mūsare niita niaja. Buhiri dahreri deco ijigū Cohācjū Sodoma cjēna yuhduoro, mūsa pehere mūsa ñari buhiri ña yuhduaro buhiri dahrerota, nidi Jesu ti macari cjēnare.

—Yuhū cahapū sona taya, niahye Jesu

(Lc 10.21-22)

²⁵ Ti pjere ohō saha nidi Jesu tiqiuo Pacuro mehna yahuducuro:

—Yuhū Pacū, mūhū uhmūse cjēna pūhto, ahri yehpa cjēna pūhto ijire. Ahri mūhū buheyere “Quehnoano masina ijiaja usā”, niñequinare masigū yerare mūhū. Buhe pehoeyequina pehere mūhū yere masigū yere mūhū. Mūhū sa yegū, “Quehnoare”, niaja yuhū mūhūre.

²⁶ Sata ijire. Tiquina pehere masigū cahmedi mūhū, nidi Jesu tiqiuo Pacurore.

²⁷ Sa yero masare ohō saha ni yahu nemori:

—Yuhū Pacū ijiphtiyere yuhūre ohori. Tiquio dihita yuhūre quehnoano masine.

Sa yena usā dihita yuhū masi dutiyequina mehna yuhū Pacure masiaja usā.

²⁸ Mūsa ñañe apee boro nūcūñe yero saha ijire. Nūcūñene wūana mūsa tahrīno saha ñañene wahyia wahare mūsa. Sa wahyiarina ijina yuhūre cahmeña mūsa. Mūsare sogū yeitja. Mūsa ñañe yeyere duhugū yeitja.

²⁹ Yuhū dutiyere yeya. Yeere quehnoano masiña. Yuhū paja ihñagū ijiaja. Sa yegū yuhducaegū ijiaja. Yuhū sa ijigū yeere quehnoano masiña mūsa. Sa yena soye mehna quehnoano jeripohna tinata mūsa.

³⁰ Yeere mūsa yegū mi-joedare. Sa yero mūsa wūaye ti nūcūedaro sahata yuhū pehe mūsare mehenogā ye dutiaja, nidi Jesu.

12

Judio masa tiquina sori decore trigore peheahye Jesu buheyequina

(Mr 2.23-28; Lc 6.1-5)

¹ Mehenogā tiqiuo sa ni buheri bato saurū ijigū usā Jesu mehna trigo wesepū esau. Usā tiqiuo buhena ujuā ahbana, trigore pehe, ihya tuhasa, yuhdu cāa waha usā.

² Usā sa yegū ihñañe, fariseo masa Jesure ohō saha nidi:

—Tuhorīña usāre. ¿Duhse ye mūhū buheyequina saurū mari sori deco ijiepegāta dahrajari? Marine dutiyere yuhducaeye nine, nidi tiquina.

³⁻⁴ Jesu yūhtiri. “Yuhū buheyequina yuhducaeye

niedare”, ni yahuro taro ohõ saha ni yuhtiri:

—Davi tiqiro mehna cjenā mehna ujna ahbaro Cohācjū wuhuru sajā, Cohācjū ye pāre iyahye. Ti pāre pahia dihita iyae tiahye. Cohācjū dutiyere tiquina ojoari pū apeqinare ti pāre ihya dutierare. ¿Davi gūhu tire tiquina yerire Cohācjū ojoari pūrū buherari mūsa? (Ti pāre ihyaro Cohācjūre yuhduhucaro niedahye. Mi-are ahri pjerire iyayae yuhu buheyequina gūhu Cohācjūre yuhduhucaye niedare.)

⁵ Sa ye Cohācjū wuhuru dahrayequina pahia ne soerare mari soye decorire. Sa soerapeta Cohācjū dutiyere yuhduhucayequina ijierare. ¿Tire buherari mūsa Cohācjū Moiserē tiqiro cūri pūrū?

⁶ Mū sare niita niaja. Cohācjū wuhure ño peona ti wuhuru dahrayequina tiquina soeragū ihñāepenata “Quehnoanota”, nine mūsa. Ti wuhu yuhduoro yuhu pehere ño peoro cahmene.

⁷ Cohācjū yere tiquina ojoari pū ohõ saha nine: “Wahiqinare wejē, ujūa mūoñe mehna yuhure mūsa ño peogū cahmedaja. Apeqinare mūsa paja ihñagū pehere cahmeaja yuhu”, nine tiqiro yere tiquina ojoari pū. Tiqiro sa nidire mūsa quehnoano tuhona, yuhu buheyequinare tiquina buhiri mariedapegūta tiquinare tuhtieraboaga mūsa.

⁸ Yuhu masu Cohācjū

ohorigu ahri deco saurú decore masa tiquina yeatire yahugu ijigu puhto ijiaja, nidi Jesu fariseo masare.

Omoca buhariquiro quitijire

(Mr 3.1-6; Lc 6.6-11)

⁹ Tiqiro sa nidi bato waha, judio masa mari buheri wuhuru esau usā Jesu mehna.

¹⁰ Topu omoca buhariquiro ijiri. Sa yeye fariseo masa pehe Jesure yahusāñe tehe, tiqirore sinituri:

—Saurú decore mari sori decore masunore yuhduo dutierare Cohācjū. ¿Sata ijiajari, muhu tuhugū? ni sinituri tiquina.

¹¹ Jesu yuhtiri tiquinare:

—¿Mūsa yaquiro oveja saurú ijigū coperu tiqiro bora sajāgū tiqirore ne wioeraboagari mūsa? Ne wionata mūsa.

¹² Oveja yuhduoro ijire masuno pehe Cohācjū tiqiro ihñagū. Sa yero saurú ijigū quehnoañene mari yegū quehnoañene, ni yuhtiri Jesu tiquinare.

¹³ Tiqiro sa nidi bato omoca buhariquirore ohõ saha nidi:

—Muhu omocare siõ potoya, nidi tiqiro.

Tiqiro sa nigū omoca buhariquiro pehe siõ poto, omoca quehnoa wahari ape omoca quehnoari omoca yero saha.

¹⁴ Sori decore tiqiro sa yegū ihñañe, fariseo masa waha, tiquina basi ohõ saha niahye:

—¿Dahse Jesure wejēnatari mari? niahye tiquina basi.

Cohācjū yere yahu mahtariquiro panopu cjāno Jesure yahuahye

15 Jesu tiquina sa nidire masino, wahaa wahari. Tiquiro sa wahagū peyequina masa tiquirore nūnū tāri. Sa yero tiquiro pehe ijipihitiyequina tiquina mehna cjēnare dohatiyequinare yuhdugū yeri.

16 Sa yero dohatiyequinare tiquinare tiquiro yuhdūorire apequinare yahu site dutierari tiquiro.

17 Sa dohatiyequinare yuhdugū yero, Cohācjū yere yahu mahtariquiro Isaia panopu tiquiro ni ojoariro sahata yero nidi Jesu. Ohō saha ni ojoahye Isaia:

18 Ohō saha nine Cohācjū: “Ahriquiro yuhu cahacjāno ijire. Tiquiro yuhu beseriquiro ijire. Tiquirore cahāja. Sa yegu tiquiro mehna bucueaja. Yaquiro Espiriture tiquirore ohogutja. Sa yero yuhu tutuaye mehna ijipihtiyequina masare yuhu buheyere yahurota tiquiro.

19 Sa yahuro tiquiro ne purīno mehna yahusi. Sa yero sañuducusi. Sa yero maca cjā mahapu peyequina masa watoa tiquiro tutuaro sañuducu yahusi.

20 Wuhugū nuhrino cuadu tiquiro nuhriedagū yero saha masa gūhure quehnoano

yerota tiquiro. Mehenogā ujāri pecare tiquiro yatigū yeraro saha masa gūhure quehnoano yerota tiquiro. Sata yeducurota tiquiro wafīnore tiquiro yuhduducato pano.

21 Sa yeye peyequina masa tiquirore wacū tutueta”, nine Cohācjū, ni ojoahye Isaia.

—*Jesu watīno tutuayere cuore, ni yahusāhye masa*

(Mr 3.20-30; Lc 11.14-23; 12.10)

22 Ihcā deco watīno cuoriquirore masa ne cāhtari Jesu cahapu. Tiquiro pehe wafīnore cuoro yahuducu masiedari. Sa yero caperi ne bajuerari. Tiquina sa ne wihigū ihñano, yuhdugū yeri Jesu tiquirore. Tiquiro sa yegū watīno cuoriquiro ihña, yahuducuri.

23 Tiquiro sa wahagū ihñañe, masa ihña maria wahari.

—¿Ahriquiro Davi panamino iji turiariquiro masare yuhduoatiquiro ijiajari? nidi tiquina basi.

24 Jesu watīare tiquiro cohārire tūhoye fariseo masa ohō saha ni tūhoturi:

—Beelzebú watīa puhtoro tiquiro tutuaye mehna watīare cohāre Jesu, ni tūhoturi tiquina.

25 Tiquina sa ni tūhotugū masino, Jesu queoye mehna yahuri tiquinare, “Watīno ye tutuaye mehna watīare cohāgū niedaja”, nino taro:

—Ihcā yehpa cjēna tiquina basi cahmequeñe, ti yehpa

cjēna waha pihtia wahaboaga. Ihcā maca cjēna tiquina basi cahmequeñe ti maca cjēna waha pihtia wahaboaga. Ihcā wahu cjēna gūhu sata wahaboaga.

²⁶ Sa yeye Beelzebú watīa pūhtoro pehe watīare cohāno, tiquina watīa tiquina basi cahmequeñe niboaga. Sa ye tiquina gūhu waha pihtia wahaboaga.

²⁷ Ohō saha ni yahusāre mūsa yūhure: “Tiquiro Beelzebú yedohoye mehna watīare cohāre”, ni yahusāre mūsa. Mūsa mehna cjēna gūhu watīare cohāre. ¿Watīno tiquiro tutuaye mehna watīare cohājari tiquina gūhu, mūsa ihñagū? Sa cohāedare. Tire masine mūsa. Yūhu gūhu watīno tutuaye mehna watīare cohāedaja.

²⁸ Sa yegu yūhu pehe watīare cohāgu Cohācjū yaquiro Espiritu tutuaye mehna tiquinare cohāja. Yūhu sa cohāgū ihñana ohō saha masiña mūsa: Cohācjū masa bui pūhtoro ahri yehpapure iji tuhasare yojopure.

²⁹ Ohō sahata ijire queoye mehna mari buhegū: Tutuariquiro ya wūhupū apequiro sajā sa yaque masiedare. Tutuariquirore dūhteraro tiquiro ya wūhupū sajā sa yaque masiedare. Tutuariquirore tiquiro dūhteri bato sajā sa yaque masine, ni yahuri Jesu.

(Sa ni yahuri, watīnore tiquiro yūhdūdcarire yahuro. Watīno tutuariquiro tiquiro ijiepegūta

Jesu tiquirore yūhdūdcare watīare cohāno.)

Sa ni tuhasa ohō saha ni yahu nemori Jesu.

³⁰ —Ihcāquiro yūhure cahmedaro, yūhure ihña tuhtiriquiro ijire. Ihcāquiro yūhure yedohoeraro, yūhure wape tigū yero nine.

³¹ ‘Sa yegu mūsa poto niita niaja yūhu. Ijipihtiyē ñañene masa tiquina yegū, yahuducugū gūhure Cohācjū bo masine. Sa boeperota Espiritu Santore tiquina ñano ni yahuducugū ti pūritare ne bosī.

³² Yūhure masū Cohācjū ohorigure yūhure tiquina ñano ni yahuducurire bo masine Cohācjū. Espiritu Santo pehere tiquina ñano ni yahuducurire ne bosī Cohācjū. Yojopure, deco pihtigū gūhure tiquina sa nidire bosī tiquiro, ni buheri Jesu tiquinare.

Masa tiquina yahuducuyere tūhona tiquina ijiye tiyere masiaja mari

(Lc 6.43-45)

³³ Sa yero queoye mehna buhero ohō saha ni yahu nemori tiquinare:

—Quehnoadū yucūgu quehnoañene dūca tire. Ñadū yucūgu ñañene dūca tire. Yucūgu dūcare masina “Tū dūcata ijire”, ni masiaja mari. Mari sa masino saha masa tiquina yahuducuyere tūhona tiquina ijiye tiyere masiaja mari.

³⁴ Añaa yero saha ñana ijire mūsa. Mūsa ñana ijina, quehnoañene ni masiedare

masa. Mari wacũnepu mari tũhoturiro sahata mari duseropu wijiare.

³⁵ Quehnoariquiwo quehnoañene tũhoture. Sa yero quehnoañene yahuducure. Ñariquiwo ñañene tũhoture. Sa yero ñañene yahuducure.

³⁶ Quehnoano tũhotu yahuducuna ijiya masa. Quehnoano yahuducuerana, buhiri dahreati deco ijigũ masa sa ni maca cãrire Cohãcjũre yahu yũhdũnata.

³⁷ Queoro masa yahuducurire masino “Quehnoana ijire”, ninota Cohãcjũ. Sa yero ñano masa yahuducurire masino “Ñana ijire”, ninota tiquiro, nidi Jesu tiquinare.

Masa ñañequina Jesure Cohãcjũ tutuaye mehna ye ihño dutiahye

(Mr 8.12; Lc 11.29-32)

³⁸ Tiquiro sa nidi bato mari judio masare buheyequina, fariseo masa gũhu tiquirore ohõ saha nidi:

—Buhegu, Cohãcjũ ohorigu ijigu Cohãcjũ tutuaye mehna ye ihñoña usãre, nimesi tiquina.

³⁹ Jesu yũhtiri:

—Yojopu cjẽna ñañequina, Cohãcjũre cahmeeñequina Cohãcjũ tutuaye mehna yũhu ye ihñoğũ ihña duamene. Tiquina sa ihña duepegũta Cohãcjũ yere yahu mũhtariquiore Jona panopu cjãnore Cohãcjũ tiquiro tutuaye mehna tiquiro yeri dihitare ye ihñonota masare.

⁴⁰ Jona ihtia deco waro pajiriquiro wahi paa puhiapu

ijiahye. Tiquiro sa wahariro sahata yũhu gũhu masu Cohãcjũ ohorigu ihtia deco waro masa coperu ijigũta.

⁴¹ Nĩnive cjẽna pehe Jona Cohãcjũ yere tiquiro yahurire tũhoye tiquina ñañe yerire bujua witi-ahye. Sa bujua witiyequina ijiye buhiri dahreati deco ijigũ tiquina yojopu cjẽnare tiquina ñañene bujua witiyequinare “Ñañequina ijire”, ni, yahusãeta. Jona tiquinare Cohãcjũ yere tiquiro yahugũ tũhoye quehnoañene cahmeahye tiquina pehe. Sa cahmeñe quehnoano yeye ni-ahye yojopu cjẽna yũhdũoro. Sa yeye tiquina yojopu cjẽnare yahusãeta. Mũsare niita niaja. Yojopu mũsare yũhu buheye Jona tiquiro buheri yũhdũoro ijire.

⁴² Sa ye buhiri dahreati deco ijigũ pahtoro sur cjõno panopu cjõno ducu, yojopu cjẽnare “Ñañequina ijire”, ni yahusãnota ticoro gũhu. Ticoro Salomo panopu cjãno tiquiro masiñene tũho duaro yoaropu ahri yehpa ape siepu ijiricoro Salomore tũhoro ahtahye. Sa yero quehnoano yero niahye yojopu cjẽna yũhdũoro. Sa yero ticoro yahusãnota yojopu cjẽnare. Mũsare niita niaja. Yojopu mũsare yũhu buheri Salomo tiquiro buheri yũhdũoro ijire, nidi Jesu tiquinare.

Watĩno pari turi masũnore tiquiro sajãri quitire yahuahye Jesu

(Lc 11.24-26)

43 Sa yero pari turi Jesu tiquiro t̄hotuye mehna ohō saha ni quitu yahuri tiquinare:

—Watīno masano mehna ijiriquiro waha, aco marieni yehpap̄a tini, tiquiro ijiatore macamahye.

44 Sa bocaeraro, ohō saha ni t̄hotuahye tiquiro. “Masano yuh̄u cohāriquirō mehnata pari turi ijigū wahaat̄ja”, ni t̄hotuahye tiquiro. Sa ni t̄hoturo tojoaa waha, tiquiro cohāriquirōreta bocahye. Sa tiquiro bocagū masano pehe quehnoariquirō ijimahye.

45 Sa yero watīno apequina siete watīare tiquiro yuh̄d̄oro ñañequinare pi-jiro wahahye. Tiquiro sa pijigū tiquina ijipihtiyequina tiquiro mehna ijiahye. Masano pehe to pano ihcāquiro watīnore c̄oro, ñariquirō ijimahye. Camep̄a pehere peyequina watīare c̄oriquiro ijiro, to pano tiquiro ijiriro yuh̄d̄oro ña yuh̄d̄ariquirō ijiahye. Yojop̄a cjēna Cohācjūre c̄omediquina tiquirōre cohāñe, tiquina gūh̄u ña yuh̄d̄ayequina waro wa-haeta, nidi Jesu tiquinare.

Jesu acaye tiquirōre yahu duahye

(Mr 3.31-35; Lc 8.19-21)

46 Masare tiquiro sa ni yahuducuri watoa tiquiro pacoro tiquiro bahana mehna sopecahap̄a ducu, tiquirōre yahu duari.

47 Sa yero ihcāquiro Jesure yahuri:

—M̄h̄u paco m̄h̄u bahana mehna m̄h̄ure yahu duaye sopecahap̄a ducuri, nidi.

48 Tiquiro sa nigū t̄horo top̄a ijieequinare ohō saha nidi Jesu tiquinare buhero taro:

—¿Noa ijiajari yuh̄u paco, yuh̄u bahana gūh̄u, m̄sa ihñagū? nidi.

49 Sa nino, usāre tiquiro buhenare ñupuha, ohō saha nidi:

—Ahriquina ijire yuh̄u paco, yuh̄u bahana yero saha ijieequina.

50 Tiquina yuh̄u Pacu uhm̄use cjāno tiquiro cahmeñene yere. Sa yeyequina yuh̄u bah̄u, yuh̄u baho, yuh̄u paco yero saha ijire, nidi Jesu tiquinare.

13

Jesu oteriquiro quitire yahuahye

(Mr 4.1-9; Lc 8.4-8)

1 Ti decota Jesu w̄ahap̄a ijiriquiro wijiari. Wijia, ditarap̄a waha, ditara d̄ht̄u cahap̄a dujiri.

2 Tiquiro sa dujigū ihñañe peyequina masa tiquiro cahap̄a cahmecoa wahpaa waha, bihsaro yeri Jesure. Sa bihsagū ihñano yuc̄sap̄a sajā, tiap̄a dujiri tiquiro. Masa pehe pad̄rop̄a ducuri.

3 Sa yero tiquiro peye queoye mehna yahuri tiquinare, buhero taro. Ohō saha nidi tiquiro:

—Oteriquiro otero wahahye.

4 Tiquiro sa otero wahagũ apeye pjeri maha dũhtũ cahapũ bora quehe sahye. Topũ bora quehe saye pjerire minicjũa ahta, ihya cãhye.

5 Sa ye apeye pjeri utã paca watoa bora quehe sahye. Utã paca watoa dihta marieda cjũnopũ duita pihnimahye.

6 Sa pihnieperota asũ tutuaro asigũ, nũhcori marieda, ñaia wahahye.

7 Apeye pjeri taa watoa bora quehe sahye. Taa pehe dia yũhdũa waha, oteye pehere wejẽahye.

8 Apeye pjeri quehnoari yehpapũ bora quehe sahye. Quehnoano pihni, dũca tiahye. Apeye cjũ cien pjeri, apeye cjũ sesenta pjeri, apeye cjũ treinta pjeri dũca tiahye.

9 Ahrire quehnoano tũhoya mũsa, nidi Jesu.

Jesu queoye mehna tiquiro buherire yahuahye

(Mr 4.10-12; Lc 8.9-10)

10 Tiquiro sa nidi bato usã tiquiro buhena tiquiro cahapũ esa, sinituu usã tiquirore:

—¿Dũhse yegũ masare queoye mehna buheajari mũhũ? ni, sinituu usã.

11 Jesu yũhtiri:

—Uhmũse cjũno tiquiro pũhtoro ijiyere panopũ cjẽna tiquina masiedarire mũsare yũhũ buhenare masigũ yere Cohãcjũ. Apequina pehere sa yerare tiquiro.

12 Sa yero masiñequinare masi nemogũ yerota tiquiro. Sa yeye tiquina

pehe quehnoano masieta. Masiñequina pehe mehenogã tiquina masiepegãta tiquina pehere masiedagũ yerota tiquiro.

13 Sa yegũ queoye mehna buheaja. Ohõ saha ijire. Yojopũ cjẽna ihñæpeta, ihñedariquina yero saha tojoare. Sa yeye tũhoepeta masiedare. Tire tũhoeyequina yero saha ijire tiquina.

14 Sa ijiyequina ijiye Isaia panopũ cjũno tiquiro ni ojoariro sahata yere tiquina. Ohõ saha ni ojoahye:

Ohõ saha nine Cohãcjũ: “Cohãcjũ yere tũhonata mũsa. Sa tũhoepenata, ne masisi mũsa.

15 Ahriquina masa dapu paca bũtiyequina tojoare. Sa ye tiquina cahmo coperire bihare, ‘tũhoari’, niñe. Tiquina caperire ihmitihãre, ‘ihñari’, niñe. Sa yeraye quehnoano ihñañe, masiboaga tiquina. Sa ye tũhoye, masiboaga tiquina. Tiquina wacũñepũ quehnoano masiboaga. Sa masiñe yũhũre Cohãcjũre cahmeboaga tiquina. Sa yũhũre cahmegũ tiquina ñañene cohã, tiquinare pecapũ wahaboriquinare yũhdũgũ yeboaga yũhũ”, nine Cohãcjũ, ni ojoahye Isaia.

16 Mũsa pehe mũsa caperi mehna ihñana, masine. Mũsa cahmo mehna tũhona, masine. Sa yena bucuena ijire mũsa.

17 Mũsare niita niaja. Yojopũ mũsa ihñañene mũsa tũhoyere panopũ cjẽna

Cohãcǰũ yequina tutuaro ihña duamahye. Cohãcǰũ yere yahu mahtariquina gũhũ tire tutuaro ihña duamahye. Sa ihña duepeta ne ihñedahye. Yojopũ masa tũhoye gũhũre tutuaro tũho duamahye tiquina. Sa masi duepeta tire masiedahye, ni yahuri Jesu usãre tiquiro buhenare.

Jesu oteriquiro queoyere yahu pehoahye

(Mr 4.13-20; Lc 8.11-15)

¹⁸ Came Jesu usãre yahu nemori:

—Tũhoya masa. Oteriquiro queoyere masare yahutja. Yũhũre tũhona, quehnoano masiña.

¹⁹ Oteye pjeri quehnoañe buheye yero saha ijire. Sa yeye maha dũhtũ cahapũ borari pjeri quehnoañe buheye yero saha ijire. Sa yeye masa quehnoañe buheyere tũhoepeta ne masiedare. Sa yero masa quehnoañe buheyere tiquina tũhogũ ihñano watĩno pehe ahta, ti buheyere quehnoañe buheyere masi dutierare masare. Minicjũ ti pjerire tiquina dote nediro saha yere watĩno.

²⁰ Sa ye utã paca watoa borari pjeri quehnoañe buheye yero saha ijire. Sa yeye masa quehnoañe buheyere tũho, bucueye mehna duita tire tũho nene.

²¹ Sa tũho nepeta utã paca watoa ijiye cjũ nũhcori marieñe cjũ yero saha ahriquina masa gũhũ tutuerare. Sa tutueraye ñano yũhdũye, yeequina

tiquina ijiri buhiri apequina tiquinare ñano yegũ ihñañe yee pehere duhu cãhre. Apequina tiquinare ñano yegũ tire ihcãno sahaeraye, yeere duhu cãhre.

²² Sa ye taa watoa borari pjeri quehnoañe buheye yero saha ijire. Sa yeye masa quehnoañe buheyere tũhoepeta, ahri yehpa cjẽne pajiro bujũa witi tũhotuye, niñeru pehere cahĩne. Tiquina sa yegũ ti pehe quehnoañe buheyere cahmotare. Sa cahmotagũ masa quehnoañe pehere yerare.

²³ Sa ye quehnoari yehpapũ borari pjeri quehnoañe buheye yero saha ijire. Sa ye masa quehnoañe buheyere tũhoye, tire quehnoano masine. Sa masiñequina ijiye, Cohãcǰũ cahmeno sahata quehnoañene yere tiquina. Ihquẽquina pajiro quehnoañene yere cien pjeri dũca tiro saha. Apequina doca cjũnogã quehnoañene yere sesenta pjeri dũca tiro saha. Apequina mehenogã quehnoañene yere treinta pjeri dũca tiro saha, ni yahuri Jesu usãre.

Trigo watoa taa diari queoyere yahuahye

²⁴ Sa ye pari turi queoye mehna buheri Jesu:

—Uhmũse cjũno tiquiro pũhtoro ijiye ohõ saha ijire. Wese upũro tiquiro wesepũ quehnoañe pjerire tiquiro oteriro saha ijire uhmũse cjũno tiquiro pũhtoro ijiye.

25 Wese upuro ijipihtiyequina tiquiro mehna cjēna gūhū tiquina carīno watoa tiquirore ihña tuhtiriquiro ahtahye. Sa ahtarō trigore ti oteriropū taare oteahye. Ote tuhasa wahaa wahahye.

26 Came trigo pihniahye. Sa ye ti dūca tiro taro yegū waro diaa wahahye.

27 Sa ye wese upurore dahra cohteyequina tiquiro cahapū esa, yahuahye: “¿Pūhto, quehnoañe pjeri dihitare mūhū wesere mūhū otepegūta, dūhse ye taa gūhū diajari ti wesere?” nidi tiquina.

28 “Yūhare ihña tuhtiriquiro ijiaga ti taare oteriquiro”, niahye wese upuro. “¿Taare usā curegū cahmeajari mūhū?” nimahye tiquirore dahra cohteyequina.

29 “Taare cureracāhña, ‘Trigo pehere cureari’, nina.

30 Trigo taa mehnata būcuarīahdo. Dūca nedi pje ijigū neñequinare ohō saha niitja: ‘Taare cure mūhtaña. Tuhasa mūsa curerire ujāña. Came trigore peheya. Pehe peho, tire yūhū ihbori wūhūpū cūña’, niitja tiquinare”, niahye wese upuro, nidi Jesu, queoye mehna yahuro.

Mostaza pje queoyere yahuahye Jesu

(Mr 4.30-32; Lc 13.18-19)

31 Sa ye apeye queoye mehna usāre ohō saha ni buheri tja:

—Ūhmuse cjūno tiquiro pūhtoro ijiye mostaza pjegā

yero saha ijire. Ti pjegā meheni pjegā waro ijire.

32 Ti pjegāre wesepū tiquiro oteri bato, quehnoano pih-nine. Sa yero paji yūhdūadū wahare. Sa wahagū minicjūa pari ti dūpūripū suhti suhare, ni yahuri Jesu. (Sa nino ohō saha nino niahye. Mostaza pjegā pajidū tū būcuariro saha ūhmuse cjūnore mari pūhtoro masiñequina meheñequinagā tiquina iji māhtaepēgūta camerū peyequina wahaeta.)

Pāre pugū yeye queoyere yahuahye Jesu

(Lc 13.20-21)

33 Sa ye apeye queoye mehna usāre ohō saha ni buheri tja:

—Ūhmuse cjūno tiquiro pūhtoro ijiye pāre pugū yeye yero saha ijire. Tire numino ihcā ajuro trigore aco mehna quehnoano tire dahra morene pā būcūatire. Ticoro sa yegū pāre pugū yeye pehe trigore quehnoano sehśaa wahare, nidi Jesu. (Sa nino ohō saha nino niahye. Pāre pugū yeye trigore ti sehśaa wahariro saha ūhmuse cjūnore mari pūhtoro peyequina masa ijipihtiro cjēna masieta.)

Queoye mehna Jesu tiquiro buherire yahuahye

(Mr 4.33-34)

34 Ahri ijipihtiyere buhero, queoye mehna yahuri Jesu. Queoye marieno yahuerari tiquiro tiquinare.

35 Sata yeri tiquiro Cohācjū yere yahu māhtariquiro ni

ojoariro sahata. Ohō saha ni ojoahye panopu:

Queoye mehna yahutja. Cohācjū ahri yehpare tiquiro bajumehnedi bato ne masare tiquiro yahuerarire yahutja, ni ojoahye Cohācjū yere yahu mūhtariquiro mnanano.

Trigo watoa taa diari queoyere yahu pehoahye

³⁶ Sa ye masare cohe ti, wuhupū sajāa wahari Jesu. Sa yena usā tiquiro buhena tiquiro cahapu esa, sinituu usā:

—Trigo watoa taa diari queoyere yahu pehoya usāre, nii usā tiquirore.

³⁷ Jesu yūhtiri usāre:

—Wese upuro quehnoañe pjerire oteriquiro yero saha ijiaja yuhū. Yuhū masu Cohācjū ohorigū ijiaja.

³⁸ Wese pehe ahri yehpa yero saha ijire. Quehnoañe pjeri pihniñe ūhmuse cjūno pūhtoro ijiropū ijiatiquina yero saha ijire. Taa pehe watino yequina yero saha ijire.

³⁹ Wese upurore ihña tuhtiriquiro taare oteriquiro watino yero saha ijire. Tire nedi pje pihtiri deco yero saha ijire. Sa ye trigore neñequina angele yero saha ijire.

⁴⁰ Taare tiquina cure ūjūariro saha pihtiri deco ijigū watino yequinare pecapū cohāeta tiquinare.

⁴¹ Yuhū masu Cohācjū ohorigū yequina angelere

ohogutja. Yuhū ohogū angele pehe ñañene ye dutiyequinare, ñañene yeyequinare yuhū pūhtoro ijiropū neañeta.

⁴² Ne sa tuhasa pecapū cohāeta tiquinare. Topū tiquina tutuaro uti, bujua witiye mehna bahque dihoeta.

⁴³ Sa ye Cohācjū yequina tiquina Pacuro tiquiro pūhtoro ijiropū ijietā. Topū ijiye, asū deco cjūno yero saha quehnoano buhrioeta tiquina. Ahrire quehnoano tūhoya mūsa, ni yahuri Jesu.

Quehnoa yūhdūyere tiquiro nūorire tiquiro bocari queoyere yahuahye

⁴⁴ Sa ye apeye queoye mehna yahuri tja:

—Ūhmuse cjūno tiquiro pūhtoro ijiye niñeru tiquiro nūori yero saha ijire. Masano tire wesepū wacūeno mehna boca, pari turi tire nūo nemoahye. Sa bocaro tutuaro bucueahye tiquiro. Sa yero tiquiro bocarire neno taro, ti wesere dú duahye. Sa yero tiquiro yere dua peho, ti wesere dúahye, ni yahuri Jesu. (Sa nino ohō saha nino niahye. Ūhmuse cjūno tiquiro pūhtoro ijiye tiquiro bocari yero saha ijire. Tiquiro bocarire tiquiro tutuaro cahmediro sahata ūhmuse cjūnore masa pūhtorore tiquina masidi bato masa tutuaro cahmene tiquirore.)

Wapa bujuri pje queoyere yahuahye

⁴⁵ Sa ye apeye queoye mehna yahuri tja:

—Uhmuse cjāno tiquiro pũtoro ijiye wapa bujaye pjerire perla wame tiye pjerire dúriquiro yero saha ijire.

46 Ti pjerire macano quehnoa yahdũari pjere bocahye. Bocaro, ti pjere dú duaro, ijipihtiyere tiquiro yere dua pehoru wahahye. Sa dua tuhasa ti pjere wapa bujari pjere dúahye, nidi Jesu. (Sa nino ohõ saha nino niahye. Ti pjere perla pjere tiquiro cahmediro sahata uhmuse cjānore masa pũtorore quehnoano tiquina masidi bato masa tutuaro cahmene tiquirore.)

Wẽñanũ queoyere yahuahye

47 Sa ye apeye queoye mehna Jesu yahuri tja:

—Uhmuse cjāno tiquiro pũtoro ijiye wẽñanũ tiquina doque ñodu yero saha ijire. Tũ wẽñanũ mehna peyequina wahi sijoro saha ijieyquinare ñehene.

48 Tũ wahpaa wahagũ wahi wejẽñequina pehe tũre padũropũ weje nujua, quehnoañequina wahire besere. Quehnoañequinare tiquina puhũsepũ bese sajãre. Ñañequina wahire cohãre.

49 Pihtiri deco ijigũ ohõ saha ijirota. Angele pehe masare beseeta. Ñañequinare ne wioeta quehnoañequina cahapũ ijieyquinare.

50 Ne wio, tiquinare pecapũ cohãeta. Topũ tiquina uti, tutuaro bujua witiye mehna upiri bahque dihoeta

ñañequina pehe, ni yahuri Jesu.

Mũna buheyere, wahma buheye gũhũre yahuahye

51 Tiquiro sa ni yahuri bato sinituri usãre:

—¿Ahri ijipihtiyere tũhoajari masa? ni sinituri tiquiro.

—Tũhoaja usã, ni yũhtii usã.

52 Usã sa nigũ tiquiro yahuri usãre:

—Judio masare buheye-quina uhmuse cjāno tiquiro pũtoro ijieyere buheye, pũaro buheyere yahure. Mũna buheyere, wahma buheye gũhũre yahure. Tiquina wũhũ upũro yero saha ijire. Tiquiro wũhũpũ ijieyere quehnoañene ne wioro, wahmare, mũna gũhũre ne wioere tiquiro, nidi Jesu usãre.

Jesu Nazarepũ wahahye
(Mr 6.1-6; Lc 4.16-30)

53 Ti queoyere tiquiro buheri bato, wahau usã tiquiro mehna.

54 Waha, tiquiro masari macapũ esau. Topũ esa, judio masa mari buheye wahũsepũ buheri tiquiro. Tiquiro sa buhegũ tũhoye, tũho maria wahari tiquina.

—¿Ahriquiro nohopũ tũhoyari ahri buheyere? ¿Dũhsero quehnoano masi pehoajari tiquiro? Cohãcjũ tutuaye mehna ye ihũore tiquiro basi.

55 Ahriquiro taboa dahrariquiro macano ijire. Sa ye tiquiro pacoro María ijire. Sa ye Santiago, José,

Simo, Juda, tiquiro bahana ijire.

⁵⁶ Yojopare tiquiro bahana numia ahri macapɛ ijire. Sa yero tiquiro mari yero saha ijiriquiro ijire. ¿Sa ijieperota nohopɛ tɔhoyari tiquiro ahri buheyere? ni yahuducuri tiquina basi.

⁵⁷ Sa ye tiquina tiquirore cahmedari. Tiquina sa cahmedagũ ihñano ohõ saha nidi Jesu tiquinare:

—Cohãcjũ yere yahu mahtariquirore apequina ño peore. Tiquina sa ño peoepegũta tiquiro ya maca cjẽna, tiquiro acaye tiquirore ño peerare. Sa yena yahure ño peerare masa ohõpɛ yahu masarigɛ ijigũ, nidi tiquiro tiquinare.

⁵⁸ Sa yero tiquirore tiquina wacũ tutueragũ ihñano, ti macapɛ Cohãcjũ tutuaye mehna peye tahari ye ihñoedari Jesu.

14

Ñu wame yeriquiro manano yariarire yahuahye (Mr 6.14-29; Lc 9.7-9)

¹ Ti pjere Herode Galilea cjãno pãhtoro Jesu yerire tãhooahye.

² Sa tãhoro ohõ saha nimahye:

—Ñu wame yeriquiro ijiaga masatjiãno. Sa yero yojopare tiquiro masari bato ahri tutuayere cõore tiquiro bajumehneñene yero, nimahye Herode tiquiro cahacjẽnare. Jesure “Ñuta

ijire”, ni tãhotumahye tiquiro Ñure tiquina wejẽdi bato.

³⁻⁵ Sa yero Ñure tiquiro wejẽ dutiato pano Herode tiquiro bahuro Felipe namonore namo tiahye. Tiquiro sa yegũ ihñano Ñu wame yeriquiro Herode pehere ohõ saha nie timahye:

—Mahu bahu namonore namo tigɛ Cohãcjũ dutiyere yuhduɔcagɛ nine mahu, nie timahye Ñu.

Tiquiro sa nidi buhiri Herode tiquirore wejẽ duamahye. “ ‘Ñu Cohãcjũ yere yahu mahtariquiro ijire’, ni tãhoturi judio masa”, nino, tiquina pehere cueahye Herode. “Ñure yahu wejẽgũ tiquina usuaboaga”, nino tiquinare cueahye. Sa cuero Ñure wejẽ dueramahye. Sa wejẽ dueraperota Herode tiquirore ñehe dũhte duti, peresu yeahye. Tiquiro namono Herodia dutiro mehna sa yeahye Herode.

⁶ Sa ye Herode masa bajuari deco ijigũ bõse deco yeahye tiquiro. Topɛ Herodia macono bõse deco wihiyequina tiquina ihñonopɛ basa ihñoahye. Ticoro sa basa ihñogũ ihñano Herode bucueahye. Sa bucuero ticorore niahye:

⁷ —Cohãcjũ mehna poto niita niaja. Yahure mahu sinino punota ohogutja yahu mahure, niahye Herode pehe Herodia maconore.

⁸ Tiquiro sa nigũ tãhoro Herodia ticoro maconore ticoro siniatire yahuahye

ticorore. Ticoro sa yahugū ticoro macono pehe ohō saha ni siniahye Herodere.

—Ñu wame yeriquiro dapure dute sure dutiya. Sa yegu waparo mehna tiquiro dapure ohoya yuhure, niahye ticoro.

⁹ Ticoro sa nigū tūhoro Herode tutuaro bujua witi-ahye. Masa tiquina ihñonopu “Ohogutja mūhure”, niahye tiquiro. Sa yero tiquiro buē tiro “Mūhure ohoeraja”, ni masiedahye ticorore. Sa yero ticoro dutiro sahata Herode pehe tiquiro cahacjēnare Nure wejē dutiahye.

¹⁰ Sa yero Ñu dapure dute sure dutiahye.

¹¹ Sa dute sure tuhasa, waparo mehna tiquiro dapure ne cāhtahye tiquina. Herodia maconore tiquiro dapure tiquina ohogū, ticoro pehe ticoro pacorore yuhduoahye tja.

¹² Tiquina sa yeri bato Ñu buheyequina ahta, tiquiro pagure masa copepu nea cūahye. Sa cū tuhasa, tiquina tire Jesure yahuye wihiri.

Cinco mil masare ihyaye ohoahye Jesu

(Mr 6.30-44; Lc 9.10-17; Jn 6.1-14)

¹³ Tiquina sa ni yahugū tūhoro, Jesu usā mehna yucsapu sajā, masa marienopu siho wahari. Jesu topu wahagū tūhoye, masa tiquina ye macaripu ijiriquina ahta, mahapu tiquirore nenu tā cāa wahari.

¹⁴ Sa yero usā wahā sari bato tiquiro peyequina masare ihñano, paja ihñari tiquinare. Sa paja ihñano tiquina mehna cjēna dohatiyequinare yuhdugū yeri.

¹⁵ Ñamicahapu usā tiquiro buhena tiquirore ohō saha nii:

—Ñamicahapu waharo nine. Ohō masa marienopu ijire. Sa yegu macaripu masare tiquina ihyatire dú dutiya tiquina pohe tiatire, nimi usā tiquirore.

¹⁶ Jesu yūhtiri usāre:

—Wahaeracāhdo tiquina. Musa basita ihyayere ohoya tiquinare, nidi usāre.

¹⁷ —Ihcā omope paca pā paca, wahi puaro to punota ijire usāre, ni yūhtii usā.

¹⁸ —Tire yuhure ne cāhtaya mūsa, nidi usāre.

¹⁹ Tiquiro sa nigū tūhona neau usā. Usā ne sari bato taa bui masare tiquiro duji dutiri. Tiquina dujigū ihcā omope paca pā pacare, puaro wahire ne, uhmusepu ihña mūo, Cohācjūre “Quehnoare”, nidi. Sa ninota pā pacare nuhano, usāre tiquiro buhenare ohori. Tiquiro sa ohogū usā pehe tire masare itii.

²⁰ Sa ye ijipihtiyequina quehnoano ihya, yapi yuhduā wahari. Tiquina yapi wehorire doce puhuse waro ne cahmecoā, wahpo dapou usā tiquiro buhena.

²¹ Topu tire ihyariquina unūa dihitare queogū cinco mil unūa ijiri. Numia, macanagā gūhu ijiri.

Jesu aco bui tiniahye
(Mr 6.45-52; Jn 6.16-21)

22 Came usãre tiqairo buhenare Jesu ditara ape sie pahrêpê pehãyu dutiri masare tiqairo cohe tiri watoa.

23 Cohe ti tuhasa, cunapê mûja, Cohãcjêre sinino wahahye. Nãmîne topê tiqairo ihcãquirola ijiahye.

24 Ti pjeta ditara decopê yucûsa mehna pehãducuna nîmî usã. Wihnono tutuaro ahta, pahcõri bujaye wahcã, yucûsare quẽ sajãri.

25 Sa wahagû bohrea mûja tato pano Jesu aco bui tini cãhtari usã cahapê.

26 Usã cahapê tiqairo ahtagû ihñana cue nîi usã. Sa cuena sañuducumi usã.

—Yariariqairo mûnanao pagê ijire, ni sañuducumi usã.

27 Usã sa cwegû ihñano Jesu ohõ saha nidi:

—Ne yuhare ihña cueracãhña. Yuhata ijiaja, nidi usãre.

28 Tiqairo sa nigû tuhoro Pedro nidi tiqairore:

—Puhato, potota mûhuta ijigê, aco bui yuhare mûhê cahapê ducu cã dutiya, nidi tiqairo.

29 —Ahtaya, ni yuhtiri tiqairo pehe.

Tiqairo sa nigû Pedro yucûsare dijia, aco bui Jesu cahapê ducu cãmedi.

30 Wihnono tutuaro ahtagû ihñano cueri tiqairo. Sa cuero diha dijiaa wahamedi.

—Yuhare yedohoya puhato, ni sañuducuri tiqairo Jesure.

31 Tiqairo sa nigãta tiqairo omocare ñehe,

—Mehenogã wacû tutuare mûhê yuhare. ¿Duhsegû yuhare wacû tutuerajari mûhê? nidi tiqairo Pedrore.

32 Tiqairo sa nidi bato yucûsapê sajãri tiquina. Tiquina sa sajãri bato wihnono yuhdêa wahari.

33 Sa yena usã tiqairo buhena yucûsapê ijina Jesure ño peou.

—Potota mûhê Cohãcjê macata ijire, nîi usã tiqairore.

Genesare cjêna dohatiye-quinare yuhdêoahye Jesu
(Mr 6.53-56)

34 Sa yeri bato pehã, Genesare wame tiri yehpapê esau.

35 To cjêna Jesure ihña masidi. Sa masiñe tiqairo cahapê ijiyequinare dohatiyequinare ne cãhta dutiri. Sa ye tiquina dohatiyequinare tiqairo cahapê ne cãhtari.

36 —Mûhê suhtiro duhtê caha dihitare usãre ñehe tuhu dutiya, ni sinidi tiquina Jesure.

Sa ye tiqairo suhtirore ñehe tuhuriquinape topequinata quehnoa wahari.

15

Masa ñañequina wahagû yeyere yahuahye Jesu
(Mr 7.1-23)

1 Sa ye Jerusalê cjêna, fariseo masa, marine judio masare buheyequina mehna Jesu cahapê wihiye, sinituri tiqairore:

2 —¿Duhse ijiro boro mari acaye bûcûna mûnapê

tiquina dutirire yerajari m̄h̄h̄ buheyequina pehe? Tiquina ihyato pano tiquina dutiriro sahata omo coserare, nidi tiquina Jesure.

³ Jesu yuhtiri tiquinare:

—¿Duhse yena mari acaye panopu cjen̄a ye dutiye dihitare yena tana Cohãc̄jũ ye dutiye pehere yerajari m̄sa pehe?

⁴ Ohõ saha nine Cohãc̄jũ: “M̄sa pac̄sum̄are ño peoya”, nine. Sa yero “Ihcãquiro tiquiro pac̄sum̄are ñañene quit̄i dahreriquiro ijiro ti buhiri apequina tiquina wej̄eatiquiro ijirota”, nine Cohãc̄jũ.

⁵ Tiquiro sa niepegũta ohõ saha ye dutire m̄sa pehe tiquina pac̄sum̄are yedoho dutierana: Tiquina pac̄sum̄are ohoborire Cohãc̄jũ pehere oho dutire m̄sa. Sa ni buhemene m̄sa.

⁶ Sa buhena tiquina pac̄sum̄are ño peogũ yerare m̄sa. M̄sa sa yena Cohãc̄jũ dutiyere yuh̄d̄h̄c̄ana nine m̄sa, mari acaye panopu cjen̄a ye dutiye dihitare yena.

⁷ Masa tiquina ihñono dihita quehnoano iji mehona ijire m̄sa. Cohãc̄jũ yere yahu m̄htariquiro Isaia m̄sare potota yahu ojoahye panopure:

⁸ Ahriquina masa yuh̄re quehnoano yahuducuepeta yuh̄re ne ño peoreare.

⁹ Sa ye yuh̄re tiquina ñu buheye ne duhseati ijierare. “Cohãc̄jũ ye dutiye

ijire ahri”, ni meho buhere tiquina ye buheye pehere, ni ojoahye Isaia, nidi Jesu fariseo masare, mari judio masare buheyequina ḡuh̄re.

¹⁰ Sa ni tuhasa tiquiro cahapu masare pijio, ohõ saha nidi:

¹¹ —Tuhoya m̄sa. Yuh̄h̄ niñene quehnoano masiña m̄sa. M̄sa d̄serire sajan̄e pehe m̄sa ihyaye pehe m̄sare ñana ijigũ yerare. M̄sa ñañe yahuducuye pehe m̄sa d̄seri wijiaye pehe m̄sare ñana ijigũ yere, nidi Jesu.

¹² Tiquiro sa ni buheri bato usã tiquiro buhena pehe tiquirore yahuu.

—M̄h̄h̄ sa nigũ tuhoye fariseo masa usuari, ni yahuu usã tiquirore.

¹³ Tire tuho, ohõ saha ni yuhtiri usãre:

—Tiquina fariseo masa taa yero saha ijire. Yuh̄h̄ Pac̄ h̄m̄se cjen̄o ijipihtiye oteyere tiquiro oterarire n̄h̄cori mehnata cure, cohãnota. Sata yerota tiquinare.

¹⁴ Tiquinare sa ihña cãhña m̄sa. Tiquina caperi bajueyequina tiquina ihña masiedaro saha ne Cohãc̄jũ yere masiedare. Sa ye pecapu wahaeta. Sa masiedapeta apequina masieñequinare buhe duamedì. Sa ye caperi bajueyequina copapu tiquina boraboriro saha tiquina buhenohriquina ḡuh̄h̄ pecapu wahaeta, nidi Jesu.

15 Tiquiro sa nigũ tũhoro Pedro nidi:

—Ahri quitire masa tiquina dũseri wijiaye quitire yahu nemoña usãre tja, nidi tiquiro Jesure.

16 Jesu yũhtiri:

—¿Ne, yojopũ tũhoerajari mũsa?

17 Masa ihyayere ihyagũ tiquina dũseripũ sajãre. Sa ye tiquina paapũ sajã, yũhdũa wahare. Ihyo waro ijire. Mari ihyaye marine ñana wahagũ yerare. ¿Ahrire masiedajari mũsa?

18 Masa dũseripũ wijiaye, tiquina yahuducuye pehe tiquina tũhotuyepũ ahtare. Tiquina yahuducuye pehe ñañe ijiro, masare ñañequina ijigũ yere.

19 Ñañe tũhotuye, masare wejẽñe, apequiro namono mehna ñano yeye, ñano yeye numia mehna ñano yeye, yaqueye, ni mehoñe, masare ñañe quitĩ dahreye masa tũhotuyepũ ahtare.

20 Ti ñañe pehe masare ñañequina ijigũ yere. Sa yepegũta bũcũna yee tirirosahata masa omo coserapeta tiquina ihyagũ ti masare ñañequina ijigũ yerare, nidi Jesu.

Judio masono ijiericoro Jesure wacũ tutuahye
(Mr 7.24-30)

21 Sa ni buhe tuhasa, usãre siho wahari tja. Tiro wame tiri maca cahapũ Sidõ wame tiri maca cahapũ esah usã.

22 Usã topũ esagũ Canaa yehpa cjõno topũ ijiricoro Jesu cahapũ esa, sañuducuri:

—Puhto, Davi panami iji turiagu masare yũhdũoacjũ, yũhũre paja ihñaña mũhũ. Yũhũ maco wafĩnore cũoro, ña yũhdũaro yũhdũari ticoro, ni sañuducuri ticoro.

23 Ticoro sa niepegũta Jesu yũhtierari. Sa yegũ ihñana usã tiquiro buhena pehe tiquirore ohõ saha nimi.

—Waha dutiya ticorore. Ñano cariboro bisiaga, nimi usã.

24 Usã sa nigũ tũhoro yũhtiri ticorore:

—Israe masare Cohãcjũre masieñequina dihitare yedoho dutiro ohoŕi yũhũ Pacũ yũhũre, nidi tiquiro.

25 Tiquiro sa niepegũta Jesu dahpocãri cahapũ dũsepe curi mehna quehe sari ticoro.

—Puhto, yedohoya yũhũre, nidi ticoro.

26 Jesu yũhtiri ticorore.

—Ohõ saha ijire ahri: Coã warore wũhũ upũro pohne ye ihyayere diayeare oho mũhtagũ quehnoaedare. Israe masa yere ape yehpa cjẽnare yũhũ oho mũhtagũ quehnoaedare, nidi Jesu ticorore queoye mehna yahuro.

27 —Sata ijire puhto. Sa ijiepegũta diayea gũhũ wũhũ upũro mesa docapũ tiquina ihya site boroyere ihya cohtere tiquina gũhũ. Ape yehpa cjõ yũhũ ijiepegũta yũhũ gũhũre yedoho masine mũhũ, ni yũhtiri ticoro.

28 Ticoro sa nigũ tiquiro yũhtiri:

—Numio, mũhũ yũhũre tutuaro wacũ tutuare. Mũhũ

cahmeno sahata sa waharota, nidi Jesu ticorore.

Tiquiro sa nigāta duita quehnoa wahari ticoro macono.

Peyequina dohatiyequinare yuhdugā yehye Jesu

29 Sa ni tuhasa usāre siho waha, Galilea wame tiri ditara duhtu cahapu siho esari tja. Esa, mehenugā canure maha, tu buipū dujiri.

30 Topū tiquiro ijigū peyequina masa tini masieñequinare, caperi bajueyequinare, pari yuri wahayequinare, yahuducu masieñequinare, peyequina apequina dohatiyequinare tiquiro cahapu ne wihiri masa. Ne wihi tuhasa Jesu dahpocāri cahapu duhu cūri tiquina. Tiquina sa duhu cūri bato quehnoa wahagū yeri Jesu tiquinare.

31 Tiquiro sa yegū ihñañe masa ihña maria wahari. Yahuducu masieñequina tiquina yahuducugū ihñañe, pari yuri wahayequina tiquina quehnoa wahagū ihñañe, tini masieñequina tiquina tinigū ihñañe, caperi bajueyequina tiquina ihñagū ihñañe, ihña maria wahari tiquina. Sa ye ohō saha nidi:

—Israe masa usā puhto, Cohācjū tutuagu, quehnoagu ijire, ni ño peori tiquina Cohācjūre.

Cuatro mil masare ihyayere ohoahye Jesu (Mr 8.1-10)

32 Tiquiro sa yeri bato Jesu usāre tiquiro buhenare ohō saha nidi:

—Ahriquina masa yuhu mehna ihtia deco waro iji tuhasare. Sa ye pohe mariedare tiquinare. Pohe mariedagū ihñagu tiquinare paja ihñaja. “Tiquina uha ahbayequina, mahapu borari”, nigū tiquinare ihyaye marieno tiquina ye wuhusepu waha duti dueraja. Sa yegu tiquinare pohe oho duaja, nidi tiquiro.

33 Tiquiro sa nigū usā tiquiro buhena tiquirore sinituu:

—¿Duhse mari ohōre masa marienopure pāre boca ohoboagari mari? nii usā tiquirore.

34 —¿Nohope paca pā pacare choajari masa? nidi.

—Siete pā pacare, meheñequinagā wahire choaja, ni yuhtii usā.

35 Usā sa nigū tiquiro masare yehpapu duji dutiri.

36 Tuhasa siete pā pacare, wahigā gāhure ne, Cohācjūre “Quehnoare”, nidi. Sa ninota pā pacare nuha, usāre tiquiro buhenare oho. Sa yena usā pehe ti ihyayere masare itii.

37 Sa ye masa tire ihya, yapi yuhduha wahari. Tiquina yapi wehorire siete puhuse waro ne cahmecoa, wahpo dapou usā.

38 Topū ihyariquinare umua dihitare queogū cuatro mil waro umua ijiri. Numia, macanagā gāhu ijiri.

39 Tiquina sa ihya tuhasagū Jesu masare waha duti, yucsapu sajā, Magadán wame tiri yehpapu usāre siho esari.

16

Fariseo masa, saduceo masa gũhũ Cohãcjũ tutuaye mehna ye ihñogũ ihña duamahye

(Mr 8.11-13; Lc 12.54-56)

¹ Sa ye fariseo masa, saduceo masa mehna Jesu cahapũ wihiri. Tiquiro ñano yegũ ihña duamedi tiquirore yahusã duaye. Sa ye tiquina tiquirore Cohãcjũ tutuaye mehna ye ihño dutimedi tiquiro masiedagũ ihña duaye, “Cohãcjũ ohoriquiro ijierare”, ni duaye.

² Tiquina sa ye dutigũ Jesu yahtiri tiquinare:

—Ñamicahapũ umũano sohãgũ ihñana “Quehnoari ñami ijirota”, nine mũsa.

³ Sa yena bohrearo umũano sohãgũ, ñicuri deco ijigũ ihñana “Acoro ahtarota”, nine mũsa. Sa quehnoano masiepenata Cohãcjũ tutuaye mehna mũsare yũhũ ye ihñogũ ihñaepenata ne tire quehnoano masiedare mũsa.

⁴ Yojoꝛũ cjẽna ña yũhũyequina Cohãcjũre ño peo dueyequina Cohãcjũ tutuaye mehna ye ihñogũ ihña duamene. Ye ihñosi yũhũ. Cohãcjũ yere yahu mahtariquiro Jona tiquiro dahse waharire masi tuhasare mũsa. Ti dihitare ihñoutja mũsare, ni yahtiri Jesu.

Sa ni yahu tuhasa siho wahaahari tja.

Fariseo masa saduceo masa tiquina ñañe buheyere yahuahye Jesu

(Mr 8.14-21)

⁵ Ditarare usã pehãna, pãre bo cũ cã, pehã tari jii usã.

⁶ Sa yero Jesu usãre yahuri:
—Quehnoano yeya. Fariseo masa, saduceo masa tiquina ye pã pugũ yeyere ihñana quehnoano yeya. Cuarĩne ti, ni yahuri.

⁷ Tiquiro sa nigũ tũhona tũho masiedana, usã basi tire yahuducuu:

—Mari pãre mari ne cãhtaeragũ ihñano sa niaga ahriquiro, nimi usã basi.

⁸ Usã sa nidire masino, usãre sinituri:

—¿Dũhsena mũsa pã borire wacũajari mũsa? Mehenogã waro yũhũre wacũ tutuare mũsa.

⁹ ¿Yojoꝛũ masiedajari mũsa? ¿Cinco mil umũare ihcã omoꝛe pã pacare yũhũ nuha ohorire, numia gũhũre yũhũ ohorire wacũedagari mũsa? ¿Nohope puhũse waro mũsa ne cahmecoa wahpo daporire wacũedagari mũsa?

¹⁰ ¿Sa yegũ siete pã pacare nuha, cuatro mil umũare yũhũ ohorire, numia gũhũre yũhũ ohorire wacũedagari mũsa? ¿Nohope puhũse waro mũsa ne cahmecoa wahpo daporire wacũedagari mũsa?

¹¹ ¿Sa yena pã pugũ yeyere yũhũ yahugũ dahse yena quehnoano tũhoerajari mũsa? Sa nigũ pã warore nigũ niedaja. Fariseo masa, saduceo masa tiquina pã pugũ yeyere ihñana quehnoano yeya. Cuarĩne ti, ni yahuri usãre tiquiro.

¹² Tiquiro sa ni yahugũpũ usã masii. “Pã pugũ

yeye”, nino pã warore nino niedari. Sa nino fariseo masa, saduceo masa tiquina buheyere nino nidi. “Tiquina ye buheyere tãhoeracãhña”, nino nidi.

Jesu poto Cristo tiqiro ijiyere Cohãcjũ ohoriquiro tiqiro ijiyere yahuahye Pedro (Mr 8.27-30; Lc 9.18-21)

13 Sa ye Jesu mehna wahana, Cesarea Filipino wame tiri maca cahapũ ijiye macaripũ esau usã. Sa yero macapũ sajã sari bato Jesu usãre tiqiro buhenare sinituri:

—¿Noa boro ijiagari yuhũ, masa yuhũre tiquina tãhotugũ? ni sinituri tiqiro.

14 —“Ñu wame yeriquiro ijire”, nine mũhare. Apequina “Elia ijire”, nine. Apequina “Jeremia ijiboaga o apequiro Cohãcjũ yere yahu mũhtariquina mehna cjãno mũnanao ijiboaga”, nine, ni yũhtii usã tiqirore.

15 —¿Musa pehe musa tãhotugũ noa boro ijiagari yuhũ? ni, sinituri tiqiro.

16 Simo Pedro yũhtiri:

—Mũhu Cristo Cohãcjũ ohorigũ ijire. Cohãcjũ catiriquiro waro macũ ijire mũhu, ni yũhtiri Simo Pedro.

17 —Simo Ñu macũ mũhu bucuegũ ijire. Ohõ saha ni mũhu yuhũre yũhtiyere masa tiquina yahuri ijierare. Yuhũ Pacũ uhmũse cjãno pehe tire mũhare masigũ yerĩ.

18 Mũhare niita niaja. Mũhu Pedro wame tigũ ijire. (Pedro nino utã nino nine.) Ahri utã paa bui tutuari wũhare yuhũ

yeboriro saha yeequina pehere wacũ tutuayequina ijigũ yeitja yuhũ. Sa ye yeequina ne pecapũ wahasi.

19 Uhmũse cjãno mari pũhtoro ijiro cjã sawire mũhare ohoutja. Sa yegũ ahri yehpare mũhu ye dutieragũ uhmũsepũ gũhare ye dutisi. Ahri yehpare mũhu ye dutigũ uhmũsepũ gũhare ye dutiye ijietã, nidi Jesu.

20 Tiquiro sa nidi bato usãre tiqiro buhenare ohõ saha nidi:

—Yuhũre “Cristo ijire tiqiro”, ni yahu site-niedacãhña apequinare, ni, dutiri usãre.

Jesu tiqiro yaria masa wi-jiatire yahuahye

(Mr 8.31-9.1; Lc 9.22-27)

21 Ti pjeta Jesu usãre tiqiro buhenare quehnoano yahu peho dũcari:

—Jerusalẽpũ yuhũre waharo cahmene yojopũre. Topũ judio masa mari bucũna, mari pahia pũhtoã, marine judio masare buheyequina gũhu yuhũre ñano yeeta. Yuhũre wejẽeta. Sata ñano yũhdũro cahmene yuhũre. Sa yegũ ihtia deco wahaboro masa wijiagũta, ni yahuri usãre tiqiro.

22 Tiquiro sa nigũ tãhoro Pedro pehe ape sie cjũnogã Jesure ne sadũca, tiqirore ohõ saha nidi:

—Pũhto, mũhu nino saha sa wahaeracãhdo. Mũhare tiquina wejẽdacãhdo, nimesi tiqiro Jesure.

23 Tiquiro sa nigũ tuhoro Jesu majareduca, tiquirore ohõ saha nidi:

—Satana yero saha yahuducugũ nine mũhu. Sa niedacãhña. Mũhu tũhotuye masa ye ijire. Cohãcjũ ye ijierare. Sa yegũ yũhu yeatire cahmota duare mũhu, nidi Jesu Pedrore.

24 Tiquiro sa nidi bato usãre yahuri:

—Ihcãquiro yaquiro iji duaro, tiquiro cahmeno ye duamedire duhu cãnota. Sa yero yaquiro tiquiro ijiri buhiri ñano yũhdũeperota yũhũre duhusi. Sa yero yeere yeducuriquiro ijirota.

25 Masũno yũhũre wacũno marieno tiquiro esa tuharo tiquiro cahmeno sahata yero, pecapũ waharota. Sa yero yeere masũno sa yeducuriquiro ijipihtiye decori yũhu mehna uhmũsepeũ ijirota tiquiro.

26 ¿Ihcãquiro masũno ahri yehpa cjẽne ijipihtiyere cũoriquiro Cohãcjũre cahmedaro pecapũ waharo, yabere wapatajari tiquiro? Sa ijiriquiro ne wapataerare. Pecapũ tiquiro jeripohna wahagũ ne dahse wapa ye wioro basioerare.

27 Yũhu masũ Cohãcjũ ohorigũ yeequina angele mehna ahri yehpapũ tojoa tagũ yũhu Pacũ asi siteye mehna tojoa tagũ ijipihtiyequina masare tiquina ñaũe yeri buhiri buhiri dahre-itja. Tiquina quehnoañe pehere yegũ quehnoano yeitja tiquinare.

28 Ijirota mũsare yahutja. Ihquẽquina mũsa ohõpũre ijina mũsa yariato pano yũhũre yũhu pũhto sajãgũ ihñanata, ni yahuri Jesu.

17

Jesu tiquiro pagũre came-sahye

(Mr 9.2-13; Lc 9.28-36)

1 Sa ye seis decori bato Jesu Pedrore, Santiagore tiquiro bahũro Ñũ gũhũre uhmũanũ cũnũpũ tiquina dihitare piji mũjari.

2 Uhmũanopũ tiquina esari bato tiquina ihñonopũ tiquiro pagũre comesahye. Tiquiro wãhdoa asũ deco cjũno yero saha asi siteahye. Sa yero tiquiro suhtiro buhrioro yero saha yehsero wahahye.

3 Sa ye Jesu Moise mũnano, Elia mũnano mehna tiquina yahuducugũ ihñahye tiquina ihtiaro buheyequina.

4 Sa yero Pedro Jesure nimahye:

—Pũhto, mari ohõpũ ijigũ quehnoa duare. Mũhu cahmegũ ihtia wãhũgã yeitja. Mũhu ya wãhũgã, Moise ya wãhũgã, Elia ya wãhũgã yeitja, nimahye tiquiro.

5 Tiquiro sa ni yahuducuri watoa ehmeo quehnoano asiye ehmeo tiquinare cahmotahye. Sa wahagũ ehmeo watoapũ yahuducuye bisiro ca tahye.

—Ahriquiro yũhu macũ yũhu cahĩniquiro ijire. Tiquiro mehna bucueaja. Tiquirore tũhoya, ni yahuducuro ca tahye.

6 Sa nigũ tuhoye tiquiro buheyequina tũho maria waha, yehparũ doque quehe sahye.

7 Tiquina sa wahari bato Jesu tiquina caharũ esa, tiquinare bũacarero, ohõ saha niahye:

—Wahcãdũcaya mũsa. Yojopũre mũsa ihñarire, mũsa tũhori gãhũre cueracãhña, niahye tiquiro tiquinare.

8 Tiquiro sa nigũ tiquina ihña wahcõ, Jesu dihitare ihñahye. Tiquina ihñariquina pehe mariedahye.

9 Sa ye cunũrũ tiquina dijia tagũ Jesu tiquinare tutuaro mehna niahye:

—Mianogãta yũhũ sa waharire apequinare yahueracãhña. Yũhũ masũ Cohãcjũ ohorigũ yũhũ yaria masa wijiari batopũ tire apequinare yahuya mũsa, niahye Jesu.

10 Tiquiro sa nidi bato Pedro gãhũ tiquiore sinituahye:

—“Cristo masare yũhdũoatiquiro tiquiro ahtato pano Eliare ahta mũhtano cahmene”, nine marine judio masa buheyequina. ¿Dũhse ijiro boro sa niajari tiquina? ni sinituahye tiquina tiquiore.

11 Jesu yũhtiahye:

—Potota ijire. Eliare ahta mũhta dutiri Cohãcjũ, ijipihiyere quehno mũhtatiquiore

12 Ohõ saha nigũ mũsare nigũ niaja. Elia wihi tuhasari. Tiquiro sa wihiepegũta tiquina tiquiore ne ihña masiedari. Sa ye tiquina dũhse ye duaro yerĩ jiri

tiquiore. Sata yeeta yũhũ gãhũre. Yũhũ masũ Cohãcjũ ohorigũ ijiaja. Tiquina sa yegũ ñano yũhdũgũtja yũhũ, niahye Jesu.

13 Tiquiro sa ni yahugũ tiquina quehnoano tũhoahye. “Elia”, nino, Ñũ wame yeriquiore nino niahye. Tire masiahye tiquina.

Jesu watĩnore cũoriquiore yũhdũoahye

(Mr 9.14-29; Lc 9.37-43)

14 Sa ye peyequina masa caharũ tiquina dijia tagũ ihñano ihcãquiro mũmũno Jesu caharũ esa, dũsepe curi mehna quehe sari.

15 —Pũhto, yũhũ macũre paja ihñaña. Tiquiro ñama yariayere dohatiriquiro ijire. Sa yero ña yũhdũaro yũhdũre. Peye tahari pecarũ bora sa quehea mũjare tiquiro. Ihquẽ tahari diapũ bora ñojoa mũjare.

16 Sa yegũ mũhũ buheyequina caharũ tiquiore ne sani. Tiquina tiquiore yũhdũo masiedari, nidi tiquiro Jesure.

17 Jesu yũhtiri:

—Yojopũ cãña, ñana ijire mũsa. Yũhũre ne wacũ tutuerare. Yoa yũhdũari pje mũsare buhemi yũhũ. ¿Noho puno yoari pje yũhũre mũsa cariboajari? Tiquiore ne cãhtaya yũhũre, nidi Jesu.

18 Sa yero watĩnore tiquiro tuhtigũta watĩno pehe masũno mehna ijiriquiro wahaa wahari. Sa wahari batogãta quehnoa wahari tiquiro.

19 Came usã tiquiro buhena usã sehsaro ijina Jesure sinituu:

—¿Dũhsena usã pehe ahriquiro pehere watĩnore cohã masiedari, mũhũ tũhotugũ? ni sinituu usã.

20 Jesu yũhtiri:

—Yũhũre mehenogã wacũ tutuare mũsa. Poto mũsare yahugũta niája. Mostaza capegã meheni pjegã ijire. Ti yero saha Cohãcjũre mehenogã mũsa wacũ tutuana ohõ saha wahagũ ye masinata mũsa. Ahũ cũhũre “Sohõrũ wahaya”, mũsa nigũ, waharota. Cohãcjũre sata wacũ tutuana, ijipihtiyere ye masine mũsa. [

21 Sa ijiepegũta ahriquiro boro watĩnore mũsa cohã duana Cohãcjũre tutuaro sinino cahmene mũsare. Sa ye duana sijiro cahmene mũsare Cohãcjũre sinina tana,] nidi Jesu usãre.

Pari turi Jesu tiquiro yaria masa wijiatiye yahuahye

(Mr 9.30-32; Lc 9.43-45)

22 Sa ye Galilea yehparyũ usã tinigũ, Jesu usãre yahuri:

—Yũhũ masũ Cohãcjũ ohorigũ ijiaja. Masa yũhũre ñehe, apequinapũre yũhũre ohoeta.

23 Sa tiquina ohori bato yũhũre wejẽeta. Sa tiquina wejẽgũ ihtia deco wahaboro masa wijiagũta, ni yahuri tiquiro usãre.

Tiquiro sa ni yahugũ tutuaro bũjũa witii usã.

Cohãcjũ wũhũ cjẽ wapare sinituahye apequina

24 Sa yena Capernaupũ sajã sagũ, Cohãcjũ wũhũ cjẽ ijiatire wapa ne cohteyequina Pedro cahapũ esa, tiquirore sinituahye.

—¿Mũsare buheriquiro Cohãcjũ wũhũ cjẽ wapa ijiatire wapa yeajari tiquiro? ni sinituahye tiquina.

25 —Wapa yere tiquiro, ni yũhtiahye Pedro.

Tiquiro sa nidi bato wũhũrũ tiquiro sajãgũ Jesu sinitu mũhtahye Pedroro:

—¿Simo dũhse ni tũhotuajari mũhũ? ¿Ahri yehpa cjẽna pũhũa yabequina pehere wapa neajari, mũhũ tũhotugũ? ¿Tiquina mehna cjẽnare wapa neajari? ¿O ape yehpa cjẽna pehere wapa neajari, mũhũ tũhotugũ? ni sinituahye tiquiro Pedroro.

26 —Ape yehpa cjẽna pehere wapa nene, ni yũhtiahye Pedro.

Tiquiro sa nigũ Jesu yahuahye:

—Sa yero pũhũtoro tiquiro ya yehpa cjẽnare wapa nedari.

27 Sa ijiepegũta wapa ne cohteyequinare usuagũ ye dueraja mari. Sa yena wapa yenata. Ditarapũ wahaya. Topũ esa, yohyeri dare doque ñoña. Sa yegũ wahi mũhũre ihyariquirore weje nũoña. Tiquiro dũseropũ niñeru cjoere bocagũta mũhũ. Ti cjoere queoro wapa tiri cjoere ijirota. Yũhũre, mũhũ gũhũre Cohãcjũ wũhũ cjẽna tiquina wapa negũ quehnoano queoro esa tuharota ti cjoere. Ti cjoere bocagũ mari wapamonore

wapa yegũ wahaya, niahye Jesu Pedrore.

18

Jesu buheyequina tiquina mehna cjũnore pũhto sũ duamahye

(Mr 9.33-37; Lc 9.46-48)

1 Ti pjere usã tiquiro buhena Jesu cahapũ esa, sinituu tiquirore:

—¿Uhmuse cjũno pũhtoro ijiropare usã mehna cjũno noa wahaboagari pũhtoro? ni sinituu usã.

2 Usã sa nigũ Jesu nijinogãre pijio, tiquirogãre usã caha duhu docori. Duhu doco tuhasa, usãre nidi:

3 —Poto musare yahugutja. Ahriquina macanagã Cohãcjãre tiquina pũhtoro waro tũhoture. Sa yena musa gũhu tiquina yero saha tũhotuna, quehnoañene comesana, uhmuse cjũno pũhtoro ijiropare wahanata. Tiquina yero saha tũhotuerana pũhtoro tiquiro ijiropũ wahasi musa.

4 Sa yero uhmuse cjũno pũhtoro ijiropare sa tũhotu cãriquiroy ahriquiroy nijinogã yero saha tũhoturiquiroya apequina bui pũhtoro wahare.

5 Sa yena yeere yena tana ohõ saha ijiyequinagãre cahmena, yũhu gũhare cahmene musa, ni yahuri Jesu.

Ñañene yegũ cuarĩne

(Mr 9.42-48; Lc 17.1-2)

6 Sa yero tiquinare yahu nemori:

—Ahriquiroyã yero saha ijiroiquiroy yũhare wacũ tutu-ariquiroygãre yahutja musare. Apequiroy ahriquiroyã yero saha ijiroiquiroyre ñañene ye dutiroy tiquiroy ña yũhdũaro yũhdũarota. Tiquiroy wamũare pajiria utãre duhte yo, pajiri mapũ tiquiroyre cohãgũ ñano wahaboaga tiquiroy. Sa ijiyepegũta ahriquiroyã yero saha ijiroiquiroyre ñañene ye dutiroiquiroy tiquiroy pehe pajiri mapũ tiquina cohãriquiroy yũhdũoro ñano yũhdũarota.

7 Masare ñañene yegũ yeeye ijire. Tire yeeye ahri yehpa cjẽna ñano yũhdũare. Ñañene yeducure masa. Tiquina sa yegũ tiquinare ñañene yegũ yeyequina pehe ña yũhdũaro yũhdũeta.

8 'Mũhu omoca mehna ñano yegũ ti omocare mũhu dũte cohãboroy saha ti ñañene duhuya. Tire duhueragũ pecapũ wahagũta. Topũre ne peca yatierare. Mũhu omocare mũhu cohãgũ ti si dihita butiboaga. Sa yegũ mũhu pehe sa bajuri turu ijiyepegũta came Cohãcjũ mehna ijigũta. Pua omoca mehna pecapũ wahagũ mũhu sa wahagũ ña yũhdũaboaga. Sa yegũ ti ñañene duhuya. Mũhu dahpocã mehna ñano yegũ ti dahpocã gũhare mũhu dũte cohãboroy saha ti ñañene duhuya. Tire duhueragũ pecapũ wahagũta. Topũre ne peca yatierare. Mũhu dahpocãre mũhu cohãgũ ti si dihita butiboaga. Sa yegũ sa bajuri turu ijiyepegũta came Cohãcjũ mehna ijigũta.

Pua dahpocã mehna pecapu wahagu mũhu sa wahagũ ña yuhduaboaga. Sa yegu ti ñañene duhuya.

⁹ Mũhu capea mehna ñano yegu tiare ore we mũhu cohãboro saha ti ñañene duhuya. Tire duhueragu pecapu wahaguta. Topure ne peca yatierare. Tiare mũhu cohãgu tia dihita butiboaga. Ihcã pehe capea mariedapeguta came Cohãcjũ mehna ijiguta. Pua capea mehna pecapu wahagu mũhu sa wahagũ ña yuhduaboaga. Sa yegu ti ñañene duhuya, ni yahuri Jesu.

Oveja butiriquiro queoyere yahuahye Jesu
(Lc 15.3-7)

¹⁰ Sa ni tuhasa ohõ saha ni yahu nemori:

—Ne, ahriquinagãre macanagãre ihña tuhtier-acãhña. Mũsare niita niaja yuhu. Tiquinagã yeequina angele tiquinagãre cohteyequina umũsepu ijiyequina pehe yuhu Pacu cahapu sa ijiducure. [

¹¹ Yuhu masu Cohãcjũ ohorigu ahri yehpau pecapu wahaboriquinare yuhduogutu ni yahuri Jesu.] ni yahuri Jesu.

¹² Sa ni tuhasa tiquiro tuhohuyeh mehna ohõ saha ni queoye mehna buheri usãre.

—Ovejare cohteriquiro cien ovejare cõoriquiro ihcãquiro oveja butia wahagũ ohõ saha yerota tiquinare cohteriquiro pehe. Apequina ovejare noventa y nueve ovejare tiquina ihyaropu

duhu doco, butiriquirore macano waharota.

¹³ Ijirota nii niaja mũsare. Tiquirore bocaro bucueroa tiquiro. Apequina noventa y nueve duhsayequina mehna bucuero tiquiro. Tiquinare tiquiro bucuero yuhduoro butiriquiro pehere bocaro tutuaro bucueroa.

¹⁴ Sata mari Pacu umũse cjãno ahriquina ihyo ijiyequina gũhure pecapu tiquina wahagũ cahmedare, ni yahuri Jesu.

Mũhu acayuro mũhure ñano yegũ ohõ sahaye dutiahye Jesu
(Lc 17.3)

¹⁵ Sa ni tuhasa ohõ saha ni yahu nemori:

—Mũhu acayuro mũhure ñano tiquiro yegũ tiquiro mehna yahugu wahaya. Mũsa sehsaro tire yahuya. Mũhu sa yegũ tiquiro mũhure tuhoboaga. Tiquiro tuhogũ “Mũhure ne pari turi ohõ saha yesi yuhu”, tiquiro nigũ mũhu acayurore pari turi piti tigu niaga mũhu.

¹⁶ Mũhure tiquiro tãho dueragũ pũrita ihcãquiro mehna waha duagu o puaro mehna waha duagu tiquinare piti ti cã, pari turi tiquirore yahuna wahaya. Mũsa sa yena puana o ihtiana tiquirore mũsa yahusãgũ, “Poto tjire”, ni masieta apequina.

¹⁷ Sa yena mũhu mehna cjẽna gũhure tiquiro tãho dueragũ ijipihtiyequina Jesu yequina cahmecoañequinare yahusãna wahaya. Sa

yena Jesu yequina cahme-coañequinare tiquiro taho dueragũ ihñana Cohãcjũre ño peo dueriquiro tiquiro ijiro saha yeya tiquirore. Wapa ne coheriquiro tiquiro ijiro saha yeya tiquirore.

18 'Ijirota m̄sare niita niaja. Ahri yehpapu m̄sa Jesu yequina ñañene m̄sa ye dutieragũ um̄sepu gũhure ye dutisi. Ahri yehpapu m̄sa quehnoañene ye dutigũ um̄sepu gũhure ye dutiye ijirota.

19 'Pari turi m̄sare yahutja ahrire: M̄sa puana Cohãcjũre sinigũ, m̄sa puana m̄sa sinidire ihcãno saha m̄sa tuhutugũ yuhũ Pacu um̄se cjãno tire yerota.

20 P̄horo o ihtiaro yeequina, yeere yeatiquina tiquina cahmecoagũ yuhũ tiquina mehna ijiaja, ni yahuri Jesu.

Cahacjãno apequiro tiquiro wapamonore tiquiro bo duerari quitire yahuahye Jesu

21 Came Pedro Jesu cahapu esa, sinituri:

—¿P̄hato, yuhũ acayuro m̄hu yaquiro peye tahari yuhure ñano tiquiro yegũ ihñagu nohope tahari tire bogutari yuhũ? ¿Siete tahari bogutari yuhũ? ni sinituri Pedro.

22 Jesu yuhitiri:

—Siete taharita m̄hure apequiro ñano yerire m̄hu bogũ to wahaerare. Peye tahari m̄hure ñano tiquiro yegũ gũhure boya.

23 'Uhm̄se cjãno masa p̄horo tiquiro ijiye ahri

queoye yero saha ijire. Ijip-ihtiyequina masa p̄horo tiquiro cahacjẽnare tiquirore wapamoñequinare wapa ye peho duti duamahye.

24 Tiquina wapamorire tiquiro queo d̄cagũ, tiquirore dahra cohteyequina pehe pajiro wapamori-quirore tiquiro cahapu ne cãhtahye. Wapamori-quiro paji yuhd̄horo wapamoahye tiquiro p̄horo.

25 Sa yero tiquiro wapa ye masiedagũ tiquiro p̄horo tiquirore, tiquiro namonore, tiquiro pohnene cahacjẽna s̄o, tiquinare apequinare dua dutimahye. Sa ye ijipihtiye tiquiro c̄oye gũhure dua dutimahye, tiquiro wapamonore wapa ye peho dutiro.

26 Tiquiro sa dua dutigũ pajiro wapamori-quiro pehe d̄sepe curi mehna quehe sa, tiquiro p̄horo tutuaro siniahye: “P̄hato, yuhure paja ihñagu cohteniña. M̄hure wapa ye pehoutja”, niahye tiquiro p̄horo.

27 Tiquiro sa nigũ t̄horo, tiquirore paja ihñano tiquiro wapamonore sata bo cãhye.

28 Tiquiro sa yeri bato wapamori-quiro pehe waha, apequiro cahacjãnore tiquirore mehenogã wapamori-quirore boca sahye. Sa boca saro wam̄a ñeheahye tiquirore. “Yuhure m̄hu wapamonore wapa ye pehoya”, niahye tiquiro mehna cjãnore tiquiro yero saha ijiriquirore cahacjãnore.

29 Tiquiro sa nigũ apequiro cahacjãno pehe d̄sepe curi

mehna quehe sa, tiquiore tutuaro sinimahye. “Yuhare paja ihñagu mehenogã cohteniña. Mhare wapa ye pehoutja”, nimahye apequiro cahacjano tiquiore.

³⁰ Tiquiro sa ni siniepeguta yuhtierahye. Sa yero tiquiore apequiro cahacjanore peresu ye dutiahye. Tee tiquiore wapa ye pehogapu wioro taro niahye tiquiore.

³¹ Pajiro wapamoriquiro mehenogã wapamoriquirore tiquiore sa yegũ ihña, usua, apequina cahacjena pehe tiquina puhtorore yahusãne wahahye.

³² Tiquina sa ni yahusãgũ tũhoro tiquina puhtoro tiquina yahusãriquirore pijio, ohõ saha niahye: “Mũhũ ña yũhdũagu ijire. Mũhũ yuhare tutuaro sinigũ mũhũ wapamonore bo pehomi yũhũ.

³³ Mhare yũhũ sa yepeguta mũhũ pehe mhare wapamoriquirore boerañohti. Mũhũ wapamono pehere yũhũ boriro sahata tiquiore mhare wapamono gũhare mũhũ bogũ quehnoa yũhdũaboaga. ¿Dũhsegũ tiquiore paja ihñedari mũhũ, sa yegũ?” niahye puhtoro tiquiore.

³⁴ Sa nino tutuaro usua, peresu yeahye tiquiore cahacjanore. Tee tiquiore wapa ye pehogapu wioro taro niahye, ni yahuri Jesu.

³⁵ Sa yero ohõ saha ni ahri quitire yahu bato tiri:

—Sata yerota yũhũ Pacũ

ũhmũse cjũno mũsare. Mũsa ijipihina mũsa acaye mũsare tiquina ñano yerire quehnoano mũsa bo pehoeragũ tiquiore mũsare buhiri dahrerota, nidi Jesu.

19

Tiquina namosãnumiare cohãñene yahuahye Jesu

(Mr 10.1-12; Lc 16.18)

¹ Tire tiquiore sa ni yahuri bato tiquiore Galileapu ijiriquiro Judea yehpapu usãre siho wahari. Jordã wame tiri ma ape sie pahrẽpu esau usã.

² Topũ usã wahagũ peyequina masa usãre nũnũ tã cãri. Tiquina mehna cjẽnare dohatiyequinare yũhdũgũ yeri tiquiore.

³ Sa ye ihquẽquina fariseo masa Jesure yahusã duaye, ñano tiquiore yahuducugũ tũho duaye, tiquiore sinituri:

—¿Mari namosãnumiare cohãgũ quehnoaboagari? ¿Mari dutiye pehe sata ye dutiagari, mũhũ tũhotugũ? ni sinituri tiquina.

⁴ Jesu yuhtiri:

—¿Cohãcjũ yere tiquina ojoari pũpu ne ahrire buherari mũsa? Ohõ saha ni ojoahye: “Coã waropure ahri yehpare bajumehnediquiro mũnũno, numino gũhare yeahye”, ni ojoahye.

⁵ Sa yero ohõ saha ni ojoa nemoahye: “Sa yero mũnũno tiquiore pacũsumũare cohã wijia, tiquiore namono mehna ijirota. Sa ye tiquina puaro

ijiepetā ihcā pagu yero saha ijire.

⁶ Sa ye tiquina puaro yero saha ijierare. Ihcā pagu yero saha ijiye nine. Cohācjū tiquiro omoca duhte dutiyequina ijire. Sa ye tiquinare cahme duhueraro cahmene”, ni ojoahye, nidi Jesu tiquinare.

⁷ Tiquiro sa nigū fariseo masa sinituri tja:

—Muhu ohō saha ni yahuepegūta ohō saha ni ojoahye Moise pehe: “Muhu namonore cohā duagu pāpera pūre tire ojoaya. Sa ojoagu ti pūre muhu namonore muhu ohoṛi baṭo ticorore cohā masine muhu”, ni ojoahye Moise. ¿Muhu nino saha ijiepegūta Moise pehe duhsero ohō saha ni ojoayari? ni yuhtiri tiquina tiquirore.

⁸ Jesu yuhti cahmedi tiquinare:

—Cohācjūre masa űecusumuā panopu cjēna tiquina tuho dueragū ihñano tiquina namosānumiare tiquina cohāgū, “Sata wahacūnahdo”, niahye Moise. Tiquiro sa niepegūta coā waropare ahri yehpare sa ijierari.

⁹ Musare niita niaja. Masano tiquiro namono ticoro ñano yerapegūta ticorore cohāno, apecorore namo tiro, tiquiro apecoro mehna ñano yero nine. [Sa yero ahriquiro cohāricorore namo tiriquiro gūhu ticoro mehna ñano yeriquiro ijire,] nidi Jesu.

¹⁰ Tiquina sa nigū tuhona, usā tiquiro buhena pehe tiquirore ohō saha nii:

—Sata umano tiquiro namono mehna tiquina cahme cohāedagū mari pehere mari namo tieragū quehnoaboaga, nii usā.

¹¹ Jesu yuhtiri:

—Ihquēquinareta namo ti dutierare Cohācjū. Tiquiro namo ti dutiriquina dihita namo tieta.

¹² Umare namo ti dutieraye ihquēgā ijire. Ihquēquina umā numiare cahmeeñequina masa bājuare. Apequina umā masa tiquina apēni tōho tiquina weriquina pehe namo ti masiedare. Apequina umā umuse cjāno tiquina puhtoro yere yedoho duaye, namo tierare. Sa ye ahriquina namo ti dueyequina sata tuhotu cāhñequina, sata tiquina sohtori tigū quehnoare, nidi Jesu usāre.

Macanagā ye ijiatire Cohācjūre sini basahye Jesu (Mr 10.13-16; Lc 18.15-17)

¹³ Sa ye masa macanagāre Jesu cahapu ne wihiri. Sa ne wihiye, tiquina Jesure tiquiro omocare tiquinagā bui ña peo duti duamedī. Sa ye tiquinagāre Cohācjūre sini basa duti duamedī Jesure. Tiquina sa yegū ihñana usā tiquiro buhena tiquinare tuhtimi.

¹⁴ Usā sa tuhtigū ihñano, usāre Jesu ohō saha nidi:

—Macanagā yuhu cahapu ahtaahro. “Waharīsa”, niedacāhña tiquinagāre.

Tiquinagã Cohãcjãre tiquina pũhoro tũhoture. Sa ye tiquiro mũmuse cjũno pũhoro ijirorpũ ahriquinagã yero saha tũhotuyequina ijire topãre, nidi Jesu usãre.

15 Sa ninota tiquiro omocare tiquinagã bui ña peo tuhasa, wahaa wahari.

Doeri cjẽ upũro Jesure sinituahye

(Mr 10.17-31; Lc 18.18-30)

16 Tiquiro sa yeri bato ihcãquiro Jesu caharpũ wihi, sinituri tiquirore:

—¿Ne quehnoagu buhegu, ijipihtiye decori Cohãcjũ mehna iji duagu, quehnoañene ye duagu dũhse yeboagari yũhũ? nidi tiquiro.

17 —¿Dũhse ijiro boro yũhũre quehnoañene sinituajari mũhũ? Cohãcjũ dihita quehnoariquiro ijire. Ijipihtiye decori Cohãcjũ mehna iji duagu tiquiro dutiyere yeya, nidi Jesu.

18 —¿Dise boro dutiye pehere nigũ nijari? ni sinitu nemori tiquiro.

Jesu yũhtiri:

—Masare wejẽdacãhña. Wũana tieracãhña. Yaqueracãhña. Ni mehoedacãhña.

19 Mũhũ pacũsumũare ño peoya. Mũhũ basi mũhũ cahĩno saha mũhũ caharpũ ijiriquiro gũhũre cahĩña. Ahri dutiyere yero cahmene, nidi Jesu.

20 —Ahri dutiyere ne yũhdũdũcaera ti yũhũ. ¿Dũhse ye nemoagari yũhũ ijipihtiye decori Cohãcjũ

mehna iji duagu? nidi tiquiro Jesure.

21 Tiquiro sa nigũ tũhoro Jesu yahu nemori:

—Mũhũ ñañe mariegu iji duagu mũhũ ye ijipihtiyere duagu wahaya. Sa duagu ijipihtiye mũhũ wapatariniñerure pejecũoyequinare ohoya. Mũhũ sa yegũ pajiro mũhũ ye mũmũsepũ, Cohãcjũ caharpũ ijirota. Mũhũ sa yeri bato yũhũ mehna cjũ ijigũ ahtaya, ni yahuri Jesu.

22 Tiquiro sa nigũ tũhoro tutuaro bũjũa witiri. Tiquiro doeri cjẽ upũro ijipihtiye cũoriquiro ijiri. Sa yero Jesu yahugũ tũhoro tutuaro bũjũa witiri. Pejecũoyequinare oho dueraro wahaa wahari.

23 Tiquiro sa wahari bato Jesu usãre tiquiro buhenare yahu nemori:

—Ijirota mũsare niita niaja. Doeri cjẽ upũro Cohãcjũ pũhoro ijirorpũre tiquirore waharo basioera cjũre.

24 Mũsare yahu nemoutja: Camello pehe awia copepũ tiquiro sajã duagũ basioerare tiquirore. Tiquiro sa ijiro yũhdũoro doeri cjẽ upũro Cohãcjũre cahmedaro, Cohãcjũ pũhoro ijirorpũre waharo basioerare, nidi tiquiro.

25 Tiquiro sa nigũ tũhona usã tũho maria waha, usã basi ohõ saha nii:

—Aa, dũhse tiquiro nino sahata ijigũ, ne ihcãquiro masũno Cohãcjũ caharpũ waha masiedaboaga, nii usã basi.

26 ʘsā sa nigū Jesu ʘsāre ihñano, yahuri:

—Masa tiquina esa tuharo tiquina quehnoano yeri mehna Cohācjū cahapū waha masiedare. Cohācjū pehe masare pecapū waha haboriquinare yuhduo masine. Tiquiro ijipihtiyere quehnoano ye masi peho cāre, nidi tiquiro ʘsāre.

27 Tiquiro sa nigū Pedro tiquirore nidi:

—Tuhoriña. ʘsā pehe ʘsā ye ijipihtiyere cū cāu mahū mehna wahana tana. ¿ʘsā ohō saha yena, dahse ijiyere wapatanatari ʘsā? nidi tiquiro.

28 Tiquiro sa nigū tuhoro ohō saha nidi Jesu:

—Musare niita niaja: Pihitiri deco bato ijipihtiyere wahma dihita comesaeta. Ti pjepure yuhū masū Cohācjū ohorigū yuhū puhtoro yuhū dujiropū asi siteropū dujiitja yuhū. Topū yuhū dujigū mūsa gūhū doce dujiye pahtaripū puhtoa tiquina dujiye pahtaripū dujinata. Sa yena Israe masare doce cururi cjēnare besenata mūsa quehnoañequina gūhūre, ñañequina gūhūre.

29 Sa ye yeere yena tana mūsa wuhūserere, mūsa bahanare, mūsa pacusumūare, mūsa pohinare, mūsa wesserire cūrina ijina, pajiro wapatanata. Sa yena ijipihitije decori Cohācjū mehna ijinata.

30 Sa ijiepegūta yojopure peyequina puhtoa ijiriquina ti pjepure ihyo ijieyequina

tojoaeta. Sa ye yojopure peyequina ihyo ijieyequina ijimediquina ti pjepure puhtoa comesaeta, ni yahuri Jesu ʘsāre tiquiro buhenare.

20

ʘhse wesere dahrayequina queoyere yahuahye Jesu

1 Sa ye Jesu pari turi queoye mehna yahu nemori tja:

—ʘhmuse cjāno masa puhtoro ijire. Wese upuro queoye mehna tiquiro puhtoro ijiyere yahutja musare. Tiquiro wese upuro bohrea quehagū tiquiro ya wesere dahratiquinare pijiro wahahye.

2 “Ihcā cjoe niñeru cjoe wapa yegutja ihcā decore”, niahye tiquinare. “Añ”, niahye dahratiquina. Tiquina sa nigū wesepū dahra dutiro ohoahye tiquiro tiquinare.

3 Sa yero decopū nueve ijigū doeri cjē duaropū wahahye tiquiro. Topū esaro, apequina dahraeyequinare ihñahye.

4 Sa ihñano tiquinare niahye: “Mūsa gūhū ya wesere dahrana wahaya. Quehnoano wapa yegutja”, niahye tiquiro.

5 Sa ye tiquina wesepū dahraye wahahye. Sa ye wese upuro coheri pje ijigū, ñamicahapū tres ijigū gūhūre dahra dutiahye.

6 Sa ye ñamicahapū cinco ijigū doeri cjē duaropū tiquiro wahahye tja. Topū esa, apequina dahraeyequinare ihñano, tiquinare

niahye: “¿Musa dahse yena nijari dahraerapenata ohõpõre?” ni sinituahye tiquinare.

7 “Ne, usãre dahraye mariedare”, ni yuhtiahye tiquina. “Musa gũh ya wesere dahrana wahaya”, niahye tiquinare. Sa ye tiquiro nidiro sahata tiquiro ya wesere dahraye wahahye.

8 ‘Sa ye ñamicahapũ dahra duhuri pje ijigũ wese upũro tiquiro dahrayequinare cohteriquirore ohõ saha niahye: “Dahrayequinare pijiya. Tiquina wihigũ tiquinare wapa yeya. Camepũ yũhũ dahra dutiriquinare wapa ye mãhtaña. Tiquinare wapa ye tuhasa, apequina gũhũre wapa ye tuhasa, yũhũ dahra duti mãhtariquinare wapa ye bato tiya”, niahye tiquiro.

9 Sa yero cinco ijigũ dahra dũcayequinare ihcã cjoe niñeru cjoe wapa yeahye.

10 Tiquiro sa wapa yegũ ihñañe, “Usãre paji cjũnogã wapa yerota”, ni tũhotumahye tiquiro duti mãhtariquina pehe. Tiquina gũhũre ihcãno saha wapa yeahye.

11 Sa ye niñerure tiquiro wapa yegũ tiquina pũhtoro mehna usuaye, tiquina basi cahme niahye:

12 “Ahriquina usã batopũ tiquiro dahra dutiriquina pehe ihcã horata dahrari. Usã pehe ihcã deco quehnoano dahra nahña wahami. Ñano asũ asiri

usãre. Usã sa yoari pje dahraepẽgũta usã batopũ dahra dũcariquina gũhũre ihcãno saha wapa yeri tiquiro”, ni usuahye tiquina basi.

13 Ihcãquiro tiquina mehna cjũno tiquiro sa nigũ tũhoro, wese upũro yuhtiahye tiquirore: “Ne yũhũ acayũ, ‘Ihcã cjoe niñeru cjoe wapa yegũtja’, nimi musare. Yũhũ sa nigũ yuhtiri musa. Sa yegũ yũhũ nidiro sahata musare wapa yei yũhũ. Queoro wapa yei musare. Ne yaquerũ musare.

14 Sa yegũ yũhũ wapa yerire ne, mãhũ ya wũhũpũ tojoarĩsa. Ahriquirore came yũhũ dahra dutiriquiro gũhũre musare yũhũ wapa yeriro punota wapa yegũtja.

15 Yee niñeru ijire ahri. Sa yegũ yũhũ cahmeno sahata ahri mehna wapa yegũtja. ¿Apequinare bui cjũnogã yũhũ quehnoano wapa yegũ ihña tuhtiajari mãhũ?” niahye tiquiro wese upũro, ni yahuri ti queoyere Jesu.

16 Sa nino, yahu nemori tiquiro:

—Ahri queoye nidiro saha came cjã curua iji mãhtari curua ijirota uhmũsepũ. Sa ye iji mãhtari curua pehe tiquina camepũ cjã curua tojoarota uhmũsepũ, ni yahuri Jesu.

Pari turi Jesu tiquiro yaria masa wijiatire yahuahye

(Mr 10.32-34; Lc 18.31-34)

17 Sa ye Jerusalẽpũ wahaducu, usãre doce tiquiro buhenare pijio tuhasa, ape siepũ usãre usã sehsharo neari

Jesu. Ʋsã sehsaro Ʋsã ijigũ Ʋsãre yahuri:

18 —Tũhoya yũhũre. Yo-
jopũre Jerusalẽpũ wahana
niaja mari. Topũ yũhũre
masũre Cohãcjũ ohorigũre
ñehe, apequinarũre yũhũre
ohoeta. Pahia pũhtoare,
judio masare buheyequina
gũhũre yũhũre ohoeta. Sa ye
yũhũre wejẽ dutieta tiquina.

19 Sa wejẽ dutiye, judio
masa ijieyequinare yũhũre
ohoeta. Tiquina sa ohori bato
tiquina pehe yũhũre bujũre,
tana, curusapũ quẽ bihaeta
yũhũre. Sa yegũ yũhũ yariari
bato ihtia deco wahaboro
masa wijiagũtja, ni yahuri
Jesu Ʋsãre.

*Santiago, Ñu mehna
tiquina pacoro pehe tiquinare
sini basahye Jesure
(Mr 10.35-45)*

20 Sa ye Zebedeo namono
pũaro ticoro pohne mehna
Jesu cahapũ esa, dũsepe
curi mehna quehe sahye
tiquirore sinino taro.

21 —¿Dũhse yũhũ yegũ cah-
meajari mũhũ? niahye Jesu
ticorore.

—Mũhũ pũhto sajãgũ yũhũ
pohnare dutiyequina sũña.
Sa yegũ mũhũ pũa peheripũ
duji dutiya tiquinare, ni
siniahye ticoro.

22 Jesu ohõ saha niahye:

—Mũsa ñano yũhdũatire
masiedapenata sa sinine
mũsa. ¿Yojopũre yũhũ ñano
yũhdũato saha mũsa gũhũ
ñano yũhdũna ihcãno sa-
haboagari mũsa? niahye Jesu
ticoro pohnene.

—Ihcãno sahanata, ni
yũhtiahye Santiago, Ñu
mehna.

23 —Ijirota niita niaja
mũsare. Yũhũ ñano yũhdũato
saha ñano yũhdũnata mũsa
gũhũ. Sa ijiepegũta yũhũ
mehna dutiatiquinare, yũhũ
mehna dujiatiquinare bese
masiedaja yũhũ. Yũhũ Pacũ
pehe quehno tuhasari tire.
Sa ye tiquiro beseatiquina
dihita yũhũ poto pehe yũhũ
cũ pehe pehe dujieta, niahye
Jesu tiquinare.

24 Sa yena Ʋsã apequina
diez tiquiro buhena pehe
Santiago, Ñu ahriquina
pũaro mehna usuau Ʋsã.
Jesure tiquina pacoro ticoro
sini basarire tũhona usuau
tiquina mehna.

25 Ʋsã sa usuagũ ihñano,
Jesu Ʋsãre ijipihtina tiquiro
buhenare piji cahmecoa,
yahuri Ʋsãre:

—Cohãcjũre masieñequina
pũtoa pehe tiquina masare
dutiye, usuaro mehna dutire.

26 Mũsa pehe ne sa yesi
mũsa basi. Mũsa mehna
cjãno pũhtoro iji duaro,
ijipihtiyequina tiquiro
mehna cjẽna cahacjãno ijiro
cahmene tiquirore.

27 Sa yero ijipihtiyey-
quinare dutiriquiro iji duaro,
apequina cahacjãno ijiro
cahmene tiquirore.

28 Sata ijigũ ijiaja yũhũ
gũhũ. Yũhũ masũ Cohãcjũ
ohorigũ ahri yehpapũre
masare yedohogũ ahtaũ.
Sa yegũ peyequina masa
ye buhirire yariagũ ahtaũ
nii. Sa yegũ masare pecapũ

wahaboriquinare yuhduogu ahtaŋ nii. Masare dutipegu tagu niedu, nidi Jesu usāre.

Puaro caperi bajueye-quinare ihñagū yeahye Jesu
(Mr 10.46-52; Lc 18.35-43)

²⁹ Sa ye Jericópu ijirina usā wahagū peyequina masa Jesure nunu tāri.

³⁰ Sa ye Jesu tiquiro yuhduagū puaro caperi bajueyequina maha duhtu cahapu dujiyequina tuhori. Sa tuhoye, ohō saha ni sañuducuri:

—Puhto, Davi munano panami iji turiagu, masare yuhduocju, usāre paja ihñaña, ni sañuducuri.

³¹ Tiquina sa ni sañuducugū masa pehe tiquinare tuhtiri.

—Dihta mariaña, nidi masa tiquinare.

Tiquina sa tuhtigū tuhoye, to pano tiquina sañuducuriro yuhduoro sañuducu nemori tja.

—Usā puhto, Davi munano panami iji turiagu, usāre paja ihñaña, ni sañuducu nemori.

³² Tiquina sa nigū tuhoro Jesu esaduca, tiquinare pijio, sinituri:

—¿Duhse yuhu yegū cahmeajari musa? ni sinituri.

³³ —Puhto, usāre ihñagū yeya, ni yuhtiri tiquina.

³⁴ Tiquina sa nigū Jesu tiquinare paja ihñari. Sa paja ihñano tiquina caperire ña peori. Tiquiro sa ña peogūta tiquina pehe ihñaa wahari. Sa ihñañe, tiquiore nunu tā cāa wahari.

21

Jerusalēpu esahye Jesu
(Mr 11.1-11; Lc 19.28-40;
Jn 12.12-19)

¹ Sa ye Jerusalēpu esana tana Betfagé wame tiri macapu esa muhtaŋ usā Jesu mehna. Cunu Olivo wame tidu cahapu Betfagé ijiri. Topu esaro, usā tiquiro buhena mehna cjēnare puaro Jesu tiquiro pano oho muhtari.

² Ohō saha dutiri tiquinare:

—Si macapu burroare nena wahaya. Topu esana, duita burrore ticoro macunogā mehna tiquina duhte docoriorore bocanata. Tiquinare boca, yuta dare pā, ne cāhta basaya yahure.

³ Musa sa yegū ihñano, burroa upuro “¿Duhse tana burroare pajari musa?” tiquiro nigū tuhona ohō saha ni yuhtiya. “Mari puhtoro burroare cahmedi. Sa yero mianogā wiarota tiquiro”, ni yuhtiya tiquiore, ni duti ohori Jesu puaro tiquiro buheyequinare.

⁴ Sa yeri Cohācjū yere yahu muhtariquiro tiquiro ni ojoariro sahata. Ohō sahata ni ojoahye panopu:

⁵ Jerusalē cjēnare ohō saha ni yahuya:

“Ihñaña musa. Musa puhtoro musa cahapu ahtare. Tiquiro quehnoano masa quehnoariquiro ijire. Burro macunogā bui pesariquiro ahtarota”, ni yahuya

Jerusalē cjēnare, ni
ojoahye panopu.

6 Jesu tiquiro dutiriquina
puaro ti macapu esa, tiquiro
dutiriro sahata yeahye
tiquina.

7 Burrore, ticoro macanogā
gūhure ne cāhta, tiquina
bui sañañe suhtire tu we
ne, burrogā bui duhu peori
tiquina. Tiquina sa yeri bato
Jesu tiquirogā bui mąja pjeri,
waharo taro.

8 Mąja pje tuhasa, tiquirogā
bui Jerusalēpu wahari.
Tiquiro ahtagū ihñañe masa
peyequina tiquina bui cjē
suhtire tu we ne, seō cū
mąhtari tiquiro wahari
mahare, Jesure ño peoye.
Apequina pehe pūri tiye
dupurire mahapu cū mąhtari
tiquirore ño peoye.

9 Sa ye tiquiro pano wa-
hayequina, tiquiro bato nąnu
tāñequina mehna sañuducuri:

—Davi panamino iji
turiariquirore marine
yąhdąoatiquirore ño peouhna.
Ahriquiro Cohācjū ohoriquiro
quehnoano ijiahiro. Өhmąse
cjēnore “Tutuagu ijire”, ni ño
peouhna, ni sañuducuri masa.

10 Sa ye Jerusalēpu tiquina
esagū to cjēna pehe ihña
maria wahari.

—¿Noa ijiajari ahriquiro? ni
cahme sinituri tiquina.

11 Apequina masa yąhtiri:

—Ahriquiro Cohācjū yere
yahu mąhtariquiro Nazare
cjēno Jesu wame tiriquiro
ijire, ni yahuri tiquina
masare.

Cohācjū wąhupu esahye
Jesu

(Mr 11.15-19; Lc 19.45-48;
Jn 2.13-22)

12 Came Cohācjū wąhupu
esari Jesu. Ti wąhupu esa,
sajāa wahari. Ti wąhupu
duayequinare, dúyequina
gūhure cohā wiori tiquiro.
Sa yero niñeru comesaye
mesarire ne majare cū
mąjari. Bujuaare du-
ayequina tiquina dujiye
pahtari gūhure sata yeri.

13 Sa yero tiquinare ohō
saha nidi:

—Cohācjū yere tiquina
ojoari pūpu ohō saha nine:
“Ya wąhą Cohācjū mehna
yahuducuri wąhą wame
tirota”, nimene tiquiro ojoari
pūpu. Mąsa pehe ahri
wąhupu duana mąsa basi
cahme yaquere mąsa, nidi
tiquiro tiquinare.

14 Tiquiro sa yeri bato
caperi bajueyequina, tini
masieñequina gūhą Cohācjū
wąhupu tiquiro cahapu
wihiri. Tiquina sa wihigū
tiquinare yąhdągū yeri
tiquiro.

15 Sa quehnoañene tiquiro
yegū ihñañe, pahia pąhtoa,
marine judio masare
buheyequina gūhą usuari
tiquiro mehna. Sa ye
macanagā Jesure “Davi
panami iji turiagu, masare
yąhdąoacjū, tutuagu ijire
mąhą”, tiquina ni ño peogū
tąhoye usuari pari turi
tiquina.

16 Sa usuaye ohō saha nidi
Jesure:

—¿Tiquina sa nigũ tũhoerajari mũhũ? Sa niedacãhdo, ni tuhtiri tiquina Jesure.

—Tiquina sa nigũ tũhoaja. ¿Cohãcjũ ojoari pũpũ ahrĩre ne buherari mũsa?

Macanagãre Cohãcjũre quehnoano ño peogũ yeri mũhũ, nine Cohãcjũ yere tiquina ojoari pũpũ, nidi Jesu.

17 Sa ni tuhasa tiquinare cohã cã, Betania wame tiri macapũ esa, ti ñamine topũ ijiri.

Jesu higuerağure yaria dutiahye

(Mr 11.12-14, 20-26)

18 Ape deco bohrearopũ Jerusalẽpũ tojoaro, ujũa ahbari Jesu.

19 Sa ujũa ahbaro, maha duhtũ cahapũ ijidũ higuerağũ wame tidũre ihñano, tũ dũcare macano wahamedi. Dũca mariedari tũ pehe. Pũri dihita ijiri. Tũ sa ijigũ ihñano Jesu tũre ohõ saha nidi:

—Ahdũ ne pari turi dũca tisi, nidi tiquiro.

Tiquiro sa nigũta duita tũ pehe ñaia wahari.

20 Tũ sa wahagũ ihñana usã tiquiro buhena ihña maria wahaũ.

—¿Yohou, dũhsero ahdũ duita ñaia wahajari? ni sinituu usã.

21 Jesu yuhtiri:

—Ahrĩre wacũña mũsa. Cohãcjũre quehnoano wacũ tutuaya. “Potota sa yerota tiquiro”, nina, ahdũre yũhũ yeriro sahata ye masinata mũsa gũhũ. Sa yena ahdũre yũhũ yaria dutiriro yũhdũoro

ye masinata mũsa. Ahdũ canũre “Duha ne, pajiri mapũ cohãdũ ijiahro”, mũsa nigũ duha cohãdũ ijirota.

22 Cohãcjũre mũsa wacũ tutuagũ, “Yũhũ sinidiro sahata waharota”, mũsa ni wacũgũ mũsa sinidiro sahata waharota, nidi Jesu usãre.

Jesure dutiriquirore sinitu-ahye apequina

(Mr 11.27-33; Lc 20.1-8)

23 Sa ye Cohãcjũ wũhũpũ tojoa sa, buheri tiquiro. Tiquiro sa buhegũ pahia pũhtoa, mari judio masa bũcũna mehna tiquiro cahapũ wihi, sinituri:

—¿Dũhseğũ canũ ñamicahare sa yeari mũhũ? ¿Noa mũhũre tire sa ye dutiari? ni sinituri tiquina.

24 Tiquina sa nigũ Jesu yuhtiri:

—Mũsa pehere sinitu mũhtagũtja. Quehnoano yũhũre mũsa queoro yuhtigũ mũsare yahutja yũhũ gũhũ.

25 ¿Ñu masare tiquiro wame yegũ noa boro pehe tiquirore wame ye dutiyari, mũsa tũhotugũ? ¿O Cohãcjũ dutierayari? ¿O masa pehe dutiyari, mũsa tũhotugũ? ni sinituri Jesu tiquinare.

Tiquiro sa nigũ tiquina pehe tiquina basi ohõ saha nidi:

—¿Dũhse ni yuhtinatari mari? “Cohãcjũ Ñũre dutie tiahye”, mari nigũ, “¿Dũhsena Ñũ tiquiro dutiepegũta tũho duerari mũsa?” niboaga Jesu marine. Sa yena “Cohãcjũ

Ñure dutie tiahye”, ni yahti masiedaja mari.

²⁶ Ahriquina masa pehe “Potota Ñu Cohãcjũ yere yahu mahtariquiro ijiri”, ni tãhoturi tiquina. Sa ni tãhotuye “Ñu tiquiro wame yegũ Cohãcjũ pehe tiquirore dutierahye”, mari nigũ tãhoye masa usueta mari mehna. Sa yena ti gũhure yahu masiedaja mari, nidi tiquina basi.

²⁷ Tiquina sa nidi bato Jesure yahtiri tiquina.

—Ñure wame ye dutiriquireore usã masiedaga, nidi tiquina.

Tiquina sa nigũ tãhoro ohõ saha nidi Jesu:

—Ti pje pũrita yũhũ gũhũ mũsa sinitu mahtarire yahueraja mũsare. Yũhũ yerire dutiriquireore yahueraja mũsare, nidi tiquiro tiquinare.

Pũaro pacũro queoyere yahuahye Jesu

²⁸ Tiquiro sa nidi bato Jesu queoye mehna buhe nemori tiquinare:

—¿Ne, dũhse tãhotuajari mũsa ahri queoyere? Pũaro pacũro ijiahye. Wahmino pehere ohõ saha niahye tiquiro pacũro: “Macũ, wesepũ dahragũ wahaya”, niahye.

²⁹ “Wahaeraja”, ni yahtimahye tiquiro macũno coã warore. Sa nieperota camepũre wesepũ waha duaro ijiahye tiquirore. Sa yero wahahye tiquiro.

³⁰ Sa yero tiquina pacũro tiquiro macũno dũhsariquiro cahapũ esa, tiquiro wahminore tiquiro dutiriho sahata wesepũ waha dutimahye. “Aũ”, nimahye dũhsariquiro. Sa nieperota wahaerahye tiquiro.

³¹ ¿Diquiro pehe tiquiro pacũro dutiriho sahata yeari? ni sinituri Jesu.

—Tiquiro wahmino pehe yeahye, ni yahtiri tiquina.

Tiquina sa nigũ Jesu yahuri:

—Mũsare niita niaja. Wapa ne cohteyequina, umũa mehna ñano yeducuye numia tiquina buipũ waro mũsa pehe ña yũhdũana ijire. Sa ye Cohãcjũ pũhtoro ijiropũre mũsa esaboriquireore tiquina pehe mũsare esa mahtaboaga.

³² Ñu wame yeriquiro buhero mũsare “Quehnoano yeya”, ni yahumedi. Sa tiquiro yahugũ dũhsariquiro pacũrore tiquiro yahtierariho sahata tiquirore tãhoerari mũsa. Sa yena tiquirore yahtierari. Wapa ne cohteyequina pehe, umũa mehna ñano yeducuye numia gũhũ tiquirore tãhori. Tiquina sa tãhogũ ihñari mũsa. Mũsa sa ihñapenata tiquirore ne tãho duerari. Sa yena tãhoerari mũsa, nidi Jesu pahia pũhtoare, mari judio masa bũcũna gũhure.

Ñañequina dahra cohteyequina queoyere yahuahye Jesu (Mr 12.1-12; Lc 20.9-19)

33 Sa ye Jesu pari turi queoye mehna ohō saha ni tiquinare buhe nemori:

—Apeye queoyere tuhoya m̄sa. Dihta c̄oriquiro ijiahye. Tiquiro ya dihtap̄a ʷhse darire oteahye. Ote tuhasa, sahr̄n̄ore ye tuhasa, ʷhsere tiquina c̄ahta m̄toati copere sehe, ʷhm̄ari w̄h̄hḡa yeahye.

ʷSa yero ti wesere apequinare ihc̄a pehe pahr̄e pahma c̄uahye. Sa yero ti wesere tiquinare ihña ihbo duti, ape yehpap̄a wahaa wahahye tiquiro.

34 Sa ye ʷhse ñidi pje ijiḡa wese up̄aro tiquiro cahacj̄enare wesere ihña ihboyequina cahap̄a ohoahye. Wese cj̄e tiquiro oteri d̄ucare tiquiro ya pahr̄e cj̄e d̄ucare ne dutiro ohomahye.

35 Sa ye wesere ihña ihboyequina pehe tiquiro cahacj̄enare ñano yeahye. Ihc̄aquir̄ore tutuaro quē, apequir̄ore wej̄e, apequir̄ore ʷt̄a mehna doqueahye.

36 Came wese up̄aro pari turi tiquiro cahacj̄enare tiquiro oho m̄htariquina ȳhd̄o cj̄ūno ijiri curuare ohomahye tja. Sa ye wesere ihña ihboyequina tiquina ḡuh̄re m̄nanota yeahye tja.

37 ʷSa yero tiquiro oho bato tiriquire tiquiro mac̄no ijiahye. “Ȳh̄h̄ mac̄a pehere ño peota”, nino tiquirore ohomahye.

38 Tiquiro sa ni tuh̄otuepeḡuta wesere ihña ihboyequina tiquiro mac̄no ahtaḡū

ihñañe, ohō saha niahye: “Wese up̄aro mac̄no ijire ahriquire. Tiquirore wej̄eh̄na mari. Sa yero ahri wese mari ya wese tojoarota”, nimahye tiquina basi.

39 Sa niñeta tiquirore ñehe, wese d̄aht̄a cahap̄a ne c̄a, wej̄eahye tiquina tiquirore.

40 ʷ¿Ne, wese up̄aro ahtaro d̄ahse yerotari tiquiro wesere ihña ihboyequinare? ni sinituri Jesu pahia p̄ahtoare, buc̄na ḡuh̄re.

41 Tiquiro sa niḡa tiquina ȳhtiri:

—Tiquiro apequinare wesere ihña ihboatiquinare camesarota iji m̄htañequinare ña ȳhd̄ahyequinare wej̄eno taro. Tiquirore queoro d̄ucare tu watiquina pehere ihña ihbo dutirota, ni ȳhtiri tiquina.

42 Tiquina sa niḡata Jesu yahu nemori tiquinare:

—¿Coh̄acj̄ū yere tiquina ojoari p̄p̄a ahrire ȳh̄re tiquiro ni ojoarire ne buherari m̄sa?

Ahriquire Cristo ʷt̄a yero saha ijire. ʷt̄are w̄h̄h̄ dahreyequina tiquina coh̄no saha masa tiquirore coh̄eta. Tiquina sa yepeḡuta yojop̄are w̄h̄h̄ dahreyequina w̄h̄re yeye tiquina c̄ū m̄htaria ʷt̄are tiquina c̄ūno saha Coh̄acj̄ū tiquirore p̄ahtoro s̄ori. Coh̄acj̄ū pehe ahrire yeri.

Tiquiro sa yegū ihñana,
 “Quehnoa yuhdɛare”,
 ni, tɛhotuaja mari, ni
 ojoahye panopɛ.

¿Tire ne buherari mɛsa?

⁴³ Mɛsare niita niaja yuhɛ.
 Cohãcjũ tiquiro pɛhtoro ijiro
 mɛsa ijiato ijiboaga. Tiquiro
 pɛhtoro ijimore apequina
 pehere mɛsa ijiborirore
 ohorota Cohãcjũ. Apequina
 masa pehe tiquiro dutiro
 sahata yeeta. [

⁴⁴ Ijipihtiyequina tia utã
 bui doque queheyequinare
 mɛta sitea wahaeta. Sa yero
 tia utã pehe masɛno bui bora
 pjero mɛtaa wahagũ yerota
 tiquirore. Tiquiro pagɛ
 mɛnanore daye manarigã
 wahagũ yerota. (Sata yuhɛre
 ño peo dueyequina yuhɛ
 buhiri dahreatiquina ñano
 yuhdɛeta.)] nidi Jesu pahia
 pɛhtoare, mari acaye judio
 masa bɛcɛna gũhɛre.

⁴⁵ Ti queoyere tiquiro nigũ
 tɛhoye, “Sohõ tiquiro yahu
 mɛhtari queoye, wesere ihña
 ihboyequina queoye mehna
 marine nino niaga tiquiro”,
 ni tɛhoturi tiquina.

⁴⁶ Sa ni tɛhotuye, tiquirore
 ñehe duamedì. Masa pehe
 Jesure ño peo, “Cohãcjũ
 yere yahu mɛhtariquiro
 ijire tiquiro”, niñequina
 ijie tiri tiquina. Tire
 masiñe, pahia pɛhtoa, bɛcɛna
 mehna masare cueye, Jesure
 ñehedari.

22

*Pajiri bose deco cjẽ
 queoyere yahuahye Jesu
 (Lc 14.15-24)*

¹ Sa ye pari turi queoye
 mehna tiquinare buhe dɛcari
 Jesu.

² —Uhmɛse cjãno pɛhtoro
 ijiro ahri queoye yero saha
 ijire. Ihcã yehpa cjẽna
 pɛhtoro ijiahye. Sa yero
 tiquiro macɛno ya deco bose
 deco yeahye. Tiquiro omoca
 dɛhteri bose deco ijiahye.

³ Sa yero pɛhtoro tiquiro
 cahacjẽnare bose decore
 ihñañe ahtatiquinare piji
 dutiro ohomahye. Tiquina
 pehe ahta duerahye.

⁴ Sa yero apequinare
 piji dutiro ohomahye tja
 tiquiro cahacjẽnare. “Yuhɛ
 pijioriquinare ohõ saha ni
 yahuya. ‘Mari ihyatire dahre
 tuhasari. Wecɛare, wecɛagã
 dihi tiyequinagã gũhɛre wejẽ
 tuhasari. Sa yero ijipihtiro
 bose deco cjẽ ijiatire quehno
 tuhasari. Sa yena bose
 deco cjẽne ihyana ahtaya’,
 ni yahuya tiquinare”, ni
 ohomahye pɛhtoro tiquiro
 cahacjẽnare.

⁵ Tiquina sa yahuri bato
 tiquiro pijionhriquina
 sa tɛhotu cãhye. Bose
 decore ihñañe wahaerahye.
 Ihcãquiro tiquiro ya wesepɛ
 wahaa wahahye. Apequiro
 tiquiro dahrayere ihñano
 wahahye.

⁶ Apequina pehe tiquiro
 cahacjẽnare ñehe, tiquinare
 ñano ye, wejẽ cãhye.

⁷ Tiquina sa yegũ tɛhoro,
 pɛhtoro pehe usuahye. Usua,
 tiquina sa wejedi buhiri
 buhiri dahre dutiro tiquiro
 surarare ohoahye. Sa ye

surara tiquinare wejē peho, tiquina ya macare uñā cāhye.

⁸ Tiquina sa yeri bato, pūhtoro tiquiro cahacjēnare ohō saha niahye: “Bose deco cjē ijiatire quehno tuhasamedi. Sa ijiepegūta yūhū pijio mūhtariquina yūhū bose decore ihñaboriquina ijierare. Ñañequina ijiri tiquina.

⁹ Sa yena macare ijiye maharipū dūhse ijiyequina masa boca sayequinare bose decore ihñatiquinare pijiya”, niahye tiquiro cahacjēnare.

¹⁰ Tiquiro sa nigū tiquiro cahacjēna maharipū waha, ijipihtiyequinare tiquina boca sayequinare, ñañequina, quehnoañequina gūhure yahuahye. Tiquina sa pijiri bato esahye tiquina pari. Quehnoano ti bose deco tiquina yeri tucūre masa wahpa yūhdūa wahahye.

¹¹ “Topū tiquina dujigū pūhtoro pehe ihcāquiore omoca dūhteri deco cjā suhtirore sañeniquiore ihñahye.

¹² “¿Ne yūhū acayū, dūhse yegū omoca dūhteri deco cjā suhtirore sañedapegūta sañā tari māhū?” ni sinituahye pūhtoro.

“Tiquiro sa sinitugū masūno pehe yūhtierahye.

¹³ Tiquiro sa yūhtieragū ihñano tiquiro cahacjēnare ohō saha niahye: “Ahriquiore omocarine dūhteya. Tiquiro dahpocāri gūhure dūhteya. Dūhte tuhasa ne wijia, sopecahapū cohāña tiquirore

nahitianopū. Topū tiquiro tutuaro uti, buñūa witiro mehna bahque dihorota”, niahye pūhtoro, ni yahuri Jesu.

¹⁴ Tiquiro sa nidi bato ohō saha ni bato tiri tiquiro:

—Ahri queoye ijiro saha Cohācjū peyequina masa tiquiro pijioriquina ijiepetā meheñequinagā tiquiro mehna tojoaeta, ni yahu bato tiri Jesu.

*Pūhtoa ye wapare ape-
quina sinituahye Jesure*

(Mr 12.13-17; Lc 20.20-26)

¹⁵ Tiquiro sa nidi bato fariseo masa waha, tiquirore tiquina yahusātire tiquina basi yahuducuahye. Tiquiro ñano yūhtigū tūho duaye nimahye tiquirore yahusāñe tehe.

¹⁶ Sa yahuducuye tiquina mehna cjēnare, Herode ya curua cjēna gūhure Jesure sinitu dutiye ohoahye. Tiquina pehe Jesu cahapū wihi, tiquirore meje cū sinitumedi:

—Buhegū, poto yahuducugū ni mehoñe mariegū māhū ijigū masiaja ūsā. Cohācjū yere queoro māhū yahugū gūhure ūsā masiaja. Sa yegū ihcāquiore pūhtoro waro ijiepegūta tiquiro gūhure dóyaro marieno potota yahure māhū.

¹⁷ Sa yegū ūsāre yahuya. ¿Roma cjūno ijipihtiyequina pūhtoro yere marine wapa yero cahmeajari, māhū tūhotugū? ¿Mari dutiye wapa ye dutiajari, māhū tūhotugū? ni sinitumedi tiquina Jesure.

18 Tiquina sa nigũ tũhoro tiquirore tiquina ñano ye duayere masino ohõ saha nidi:

—Masa ihñono dihita quehnoano iji mehona ijire masa. ¿Dũhsena yahũ ñano yahuducugũ tũho duajari masa?

19 Yojopũre niñeru cjoere pũhtoare wapa yeati cjoere ne cãhtaya. Ti cjoere ihñauhna, nidi tiquiro.

Tiquiro sa nigũ tũhoye niñeru cjoere ne cãhtari tiquina.

20 Sa yero tiquiro sinituri tiquinare:

—¿Noa boro queoye wahñajari ahri cjoere? ¿Noa boro wame wahñajari? ni sinituri.

21 —César, masa ijipihitiyequina pũhtoro queoye, tiquiro wame gũhũ wahñare, ni yũhtiri tiquina.

Tiquina sa nigũ tũhoro Jesu yahuri:

—Ti pje pũrita masa ijipihitiyequina pũhtoro yere tiquiro pehere ohoya. Cohãcjũ yere Cohãcjũ pehere ohoya, nidi Jesu.

22 Tiquiro sa nigũ tũhoye, tũho maria waha, wahaa wahari.

Saduceo masa Cohãcjũ tiquiro masoñene sinituahye Jesure

(Mr 12.18-27; Lc 20.27-40)

23 Sa ye ti decota ihquẽquina saduceo masa Jesu cahapũ wihiri. Saduceo masa pehe “Cohãcjũ yariariquinare masosi”, ni tũhotuyequina ijiri. Sa ye ohõ saha nidi tiquina tiquirore:

24 —Buhegu, ohõ saha ni buheahye Moise: “Ihcãquiro wahmino namo tiquiro pohna mariedaperota yariagũ ihñano tiquiro bahũrore tiquiro wahmino namono ijiricorore nũoano cahmene. Sa yero wahmino mũnano tiquiro pohna tiboriro saha pohna tiro cahmene tiquiro bahũrore. Sa ye tiquiro pohne tiquiro wahmino mũnano pohne yero saha ijietta”, ni ojoahye Moise, nidi tiquina saduceo masa.

25 Tire sa ni yahu tuhasa ahri queoyere yahu nemori tiquina Jesure:

—Ihcãquiro masũno ijiahye. Seis bahana tiahye tiquiro. Tiquina wahmino pehe namo ti, pohna mariediquiro yariaa wahahye. Sa yero apequiro tiquiro bahũro gũhũ tiquiro wahmino namono ijiricorore nũoahye.

26 Sa nũoari bato tiquiro wahmino yero sahata pohna mariedaperota yariaa wahahye tja. Sa yero ahriquiro bahũro tiquiro wahmino mũnano yero sahata pohna mariedaperota yariaa wahahye. Sa dihita wahahye ihcãquiro pohne waro. Ne pohna mariedapeta yaria pihtia wahahye tiquina.

27 Tiquina namono ijiricoro gũhũ tiquina bato yariaa wahahye.

28 ¿Cohãcjũ ijipihitiyequinare yariariquina mũnare tiquiro masogũ diquiro boro namono pehe ijiboagari ticoro? Tiquina

ijipihtiyequina ticorore namo tiriquina m̄ana ijiahye. ¿Sa yero diquiro namono pehe ijiboagari ticoro pototi? ni sinituri tiquina.

29 Jesu yuhtiri tiquinare:

—Cohācjū yere tiquina ojoari pūre, tiquiro masiñe gūhure ne masiedare m̄asa. Sa ye m̄asa t̄ahotuye pehe ne poto ijierare.

30 Yariariquina m̄ana tiquina masa m̄ajari bato tiquina angele yero saha ijire. Namō marieñequina, man̄u marieñe numia ijire top̄are.

31 Yariariquina m̄ana tiquina masa wijiato pehere m̄asare yahutja. ¿Cohācjū m̄asare tiquiro nidire ne buherari m̄asa? Ohō saha niahye tiquiro.

32 “Yūhū Abrahā, Isaac, Jacob tiquina p̄h̄to ijiaja”, nine Cohācjū”, ni ojoahye panop̄are. Tiquina yariari bato “Tiquina p̄h̄to ijiaja”, ni yahuahye Cohācjū. Sa nieperota yariariquina m̄ana p̄h̄toro ijierare Cohācjū. “Tiquina p̄h̄to ijiaja”, tiquiro niñe mehna catiyequina tiquina ijigū masiaja mari. Tiquiro catiyequina p̄h̄toro ijire, ni yahuri Jesu tiquinare.

33 Tiquiro sa ni buhegū t̄ahoye peyequina masa t̄aho maria wahari.

Quehnoa yūhd̄ari dutirore yahuahye Jesu
(Mr 12.28-34)

34 Sa ye saduceo masa Jesure tiquina yuhti masiedagū t̄ahoye, fariseo

masa pehe tiquiro cahap̄u cahmecoari.

35 Sa yero tiquina mehna c̄j̄ano marine judio masare buheriquiro pehe Jesu tiquiro ñano nigū t̄aho duaro meje cū sinitumedi tiquirore.

36 —¿Buhegū, Cohācjū ye dutiro quehnoa yūhd̄ari dutiro noho pehe ijiajari, m̄ahū t̄ahotugū? ni sinituri tiquiro.

37 Jesu tiquirore yuhtiri:

—“Tutuaro m̄asa jeripohna mehna, m̄asa tutuaye mehna, quehnoano m̄asa wacūñe mehna Cohācjūre cahīña”, nine Cohācjū.

38 Ahri dutirota ijire quehnoa yūhd̄ari dutiro apeye dutiye yūhd̄oro.

39 Ahri dutiro bato apero dutiro quehnoa yūhd̄are: “M̄ahū basi m̄ahū cahīno saha m̄ahū cahap̄u ijieyequina gūhure cahīña”, nine Cohācjū.

40 Ahri p̄a dutirota apeye dutiye gūhure masi pehogū yere. Ahri p̄a dutirore yena, ijipihtiye apeye dutiyere ye pehona niaja mari. Cohācjū yere yahu m̄ah̄tariquina panop̄u tiquina ojoari gūhure yena niaja mari, ni yahuri Jesu.

Cristo Davi m̄n̄ano p̄h̄toro ijire

(Mr 12.35-37; Lc 20.41-44)

41 Sa ye fariseo masa top̄u cahmecoañequina tiquina ijigū Jesu tiquinare sinituri:

42 —“Cristo Cohācjū tiquiro ohoatiquiro ijire”, nine m̄asa. ¿Noa boro ijiajari tiquiro ñec̄no m̄n̄ano panop̄u c̄j̄ano, m̄asa t̄ahotugū? nidi tiquiro.

—Cristo Davi manano panamino iji turiariquiro ijirota, ni yahuri tiquina.

Jesu yahuri:

⁴³ —¿Cristo Davi manano panamino iji turiariquiro tiquiro ijigã dahse yero Davi pehe puhtoro tiyari Cristore? ¿Dahse yero sa puhtoro ti dutiyari Espiritu Santo tiquirore? Ohõ saha niahye Davi:

⁴⁴ Cohãcjũ yũhũ puhtorore ohõ saha nidi: “Ohõpu yũhũ potõ pehepu dujiya. Sa yegũ mahũre ihña tuhtiyequinare mahũre yũhdũdũca basantja yũhũ”, nidi Cohãcjũ yũhũ puhtorore, ni ojoahye Davi.

⁴⁵ Sa ni ojoarota Davi puhtoro tiahye Cristore. ¿Davi Cristo ñecano iji turiariquiro ijiro dahse yero tiquiro puhtoro tiyari Cristore? Cristo Davi puhtoro ijire, ni yahuri Jesu.

⁴⁶ Tiquiro sa ni yahugã tiquina tiquirore ne yuhti masiedari. Sa ye to punota sinitu duhu cãri tiquina tiquirore. Sa ye cueye, pari turi sinituerari tiquirore.

23

Judio masare buhये-quina, fariseo masa gũhũ tiquina ñano yeyere yahuahye Jesu

(Mr 12.38-40; Lc 11.37-54; 20.45-47)

¹ Sa ye peyequina masare, usã gũhũre Jesu yahuri tja.

² —Marine judio masare buhयेquina fariseo masa

gũhũ Cohãcjũ dutiye Moisere tiquiro cũrire yahuyequina ijire tiquina.

³ Tiquina sa yahuyequina ijigũ masare tiquina yahuriro sahata tire ye pehoya masa. Sa yepenata tiquinare ihña cũedacãhña masa. Tiquina buheriro sahata yerare tiquina.

⁴ Masare peye dutire tiquina. Sa dutiepeta tiquina dutiro saha masa yeragũ ihñañe tiquinare yedohoerare.

⁵ Masa tiquina ihñono dihita quehnoano ye ihñomene tiquina. Cohãcjũ yere tiquina ojoari pũre tiquina duhu sãñe acarigãre, bujũ cjũñe acarigãre tiquina wũhdoa bui dahte yori, masare ihña dutiye. Tiquina omocari gũhũre dahte yori. Sa ye tiquina suhti tu pjeri da bui tiquina ohõri da ehisa yũhdũari da ijire. Cohãcjũre tiquina ño peorire masa pehere ye ihñañe nimene tiquina. Ti queoro ijierare tiquina sa ye ihñañe.

⁶ Sa ye bõse decori ijigũ puhtoa tiquina dujiyepũ duji duare. Sa ye judio masa mari buhये wũhũsepũ gũhũre quehnoañe dujiye pahtari dihitare cahmene tiquina.

⁷ Sa ye doeri cjẽ duaropũ apequina puhtoare quehnoano ño peo tiquina sinino saha tiquina piti cagũ cahmene tiquina. Tiquinare “Buhegũ”, masa tiquina ni pisugũ cahmene.

⁸ Apequina masare pisuye “Buhegũ”, niedacãhdo. Masa

ijipihtina ihcāno saha ijina nine. Sa yegū mūsare buhegū ihcāta ijiaja.

⁹ Sa yena ahri yehpa cjēnare “Mari pacū”, nina tiquinare ño peona niaga. Ne sa niedacāhña. Uhmūse cjāno dihita mari Pacū ijire. Tiquiro dihitare ño peoro cahmene marine.

¹⁰ Sa yena masunore “Pūhto”, niedacāhña. Mūsa pūhto yūhū Cristo pehe ihcāta ijiaja.

¹¹ Cahacjāno yero saha mūsare yedohoriquiro tiquiro ijire mūsa pūhtoro ijiatiquiro.

¹² Ihcāquiro pūhtoro iji duaro tiquirore ihyo ijiriquiro yero saha ijiro cahmene. Sa yero “Ihyo ijigū ijiaja yūhū”, ni tūhoturiquiro pehe pūhtoro ijirota, ni yahuri Jesu.

Judio masare buheyequina, fariseo masa mehna tiquina ni mehoñene yahuahye Jesu

¹³ Tiquiro sa nidi bato tiquinare yahu nemori:

—Mūsa judio masare buhena, fariseo masa gūhū ñano yūhdūnata. Masa ihñono dihita quehnoano iji mehona ijire mūsa. Sijoro saha mūsa buhegū tūhoye masa pehe Cohācjū pūhtoro ijiropure wahasi. Mūsa gūhū topure wahasi. Sa yena topure waha duayequinare cahmotare mūsa.

¹⁴ Mūsa judio masare buhena, fariseo masa gūhū ñano yūhdūnata. Masa ihñono

dihita quehnoano iji mehona ijire mūsa. Wape wiha numia ye wūhūserere tiquina cūoye gūhūre ehmare mūsa tiquina numiare. Sa yena yoari pje masa ihñonopū Cohācjūre sini ihñomene mūsa masare. Mūsa sa yeri buhiri peyequina yūhdūoro Cohācjū buhiri dahrerota mūsare.]

¹⁵ Mūsa judio masare buhena, fariseo masa gūhū ñano yūhdūnata. Masa ihñono dihita quehnoano iji mehona ijire mūsa. Pajiri mapū pehā, yoaro cjē yehparipū wahare mūsa, mūsa dutiyere yeatiqirore macana tana. Mūsa dutiyere yeatiqirore boca, tiquirore buhere. Mūsa sa yegū tiquiro pehe mūsa yūhdūoro pecapū waha-tiquiro ijirota.

¹⁶ Mūsa ñano yūhdūnata. Caperi bajueyequina tiquina ihña masieno saha masiena ijire mūsa. Sa ijiepenata apequinare buhemene mūsa. Ohō saha ni buhemene mūsa: “ ‘Cohācjū wūhū mehna yūhū nino sahata yeitja’, nidiquiro, tiquiro nidiro sahata yerapegūta quehnoanota”, ni buhemene mūsa. “ ‘Cohācjū ya wūhū cjē uru mehna yūhū nino sahata yeitja’, nidiquiro tiquiro pehere tiquiro nidiro sahata ye sohtori tiro cahmene”, ni ti gūhūre buhemene mūsa.

¹⁷ Caperi bajueyequina tiquina ihña masieno saha masiena ijire mūsa. Tūho masiena ijire. ¿Dise boro pehere ño peoro cahmeajari? Urure ño peoeraro cahmene.

Cohācjũ pehe ti uru ti wuhapu ijigũ quehnoañe ijigũ yere tire. Sa yena ti wuhu pehere ño peoro cahmene m̄sare. Sa ye m̄sa buheye pehe queoro ijierare.

¹⁸ Ahri gũhure buhemene m̄sa: “ ‘Cohācjũ wuhu cjã altar mehna yuhu nino sahata yeitja’, nidiquiro tiquiro nidiro sahata yeragũ quehnoanota”, ni buhemene m̄sa. “ ‘Ti altar bui ijiye mehna Cohācjũre tiquina ohori mehna yuhu nino sahata yeitja’, nidiquiro tiquiro pehere tiquiro nidiro sahata ye sohtori tiro cahmene”, ni buhemene m̄sa.

¹⁹ Caperi bajueyequina tiquina ihña masieno saha masiena ijire m̄sa. ¿Dise boro pehe ti waro ijajari, m̄sa tuhutugã? Cohācjũre maseno tiquiro ohori ti waro ijiera cjũre. Ti altar bui Cohācjũre tiquiro ohogũ, quehnoañe wahare ti altar bui ijiye. Sa yero ti altar pehe ihyo ijiri altar ijierare. Cohācjũre tiquina ohori bui cjũnogã quehnoari altar ijire.

²⁰ Sa yero “Cohācjũ wuhu cjã altar mehna yuhu nino sahata yeitja”, ihcãquiro nino, ti altar bui cjẽ tiquiro ohori mehna sa nino niaga. Sa ye m̄sa buheye pehe queoro ijierare.

²¹ Sa yero “Cohācjũ wuhu mehna yuhu nino sahata yeitja”, ihcãquiro nino, potota Cohācjũ mehnata sa ninota niaga. Cohācjũ ti wuhu cjãno ijire.

²² Sa yero “Uhm̄use mehna

yuhu nino sahata yeitja”, ihcãquiro nino, Cohācjũ ijiropu mehnata sa nino niaga. Sa yero Cohācjũ mehnata sa nino niaga. Tiquiro pehe to cjãno ijire. Sa ye m̄sa buheye pehe queoro ijierare.

²³ ‘M̄sa judio masare buhena, fariseo masa gũhu ñano yuhd̄nata. Masa ihñono dihita quehnoano iji mehona ijire m̄sa. Moa yero saha ijiyere ihyayere ocagũ yeyere c̄ona mehenogã ohomene m̄sa. Cohācjũre ño peona tana pahiare ohomene m̄sa. Mehenogã ohomene m̄sa. Menta, anís, comino wame tiye ocagũ yeyere ohomene m̄sa. Sa ohoopenata quehnoañene yerare m̄sa. Sa yena masare paja ihñedare m̄sa. Sa yena Cohācjũre wacũ tutuerare m̄sa. Oteye d̄ncare m̄sa nedire mehenogã pahiare m̄sa ohogũ quehnoare. Sa ohona ohõ saha ye nemoña: Quehnoañene yeya. Sa yena paja ihñaña masare. Sa yena Cohācjũre wacũ tutuaya.

²⁴ Caperi bajueyequina tiquina ihña masieno saha masiena ijire m̄sa. Ohõ saha yere m̄sa: M̄sa ye dutiyere ye dutina, ihyo ijiyegã warore dutiyere yere m̄sa. Sa yepenata Cohācjũ pototi tiquiro dutiye warore yerare m̄sa.

²⁵ ‘M̄sa judio masare buhena, fariseo masa gũhu ñano yuhd̄nata m̄sa. Masa ihñono dihita quehnoano iji mehona ijire m̄sa. M̄sa

waparire, m̄sa sihniñe wajarire bui m̄sa cosero saha quehnoañene ye ihñore m̄sa buigã warona. Sa yepe-nata Cohãcjũ yere queoro yerare m̄sa. Apequina yere ehmana, m̄sa basi dihita buj̄yere ne duana ijire m̄sa. Sa dihita t̄hoture m̄sa.

²⁶ Caperi bajueyequina tiquina ihña masieno saha masiena ijire m̄sa fariseo masa. M̄sa jeripohnarine comesaya m̄sa. Quehnoañe pehere yeya. M̄sa sa yena masa tiquina ihñonop̄ quehnoana ijinata m̄sa.

²⁷ 'M̄sa judio masare buhena, fariseo masa gũhũ ñano yuhd̄nata. Masa ihñono dihita quehnoano iji mehona ijire m̄sa. Masa cope, yehs-eye mehna tiquina wisõri cope yero saha ijire m̄sa. Masa ti copere tiquina ihñagũ quehnoari cope bajure. Sa bajuepegũta, puh̄ap̄ ahbariquirore, tiquiro coh̄arine, ñañene ihñedare tiquina.

²⁸ Sata m̄sa gũhũ masa ihñonop̄ quehnoañequina yero saha bajumene m̄sa. Sa quehnoañequina yero saha bajuna m̄sa ijepegũta m̄sa t̄hotuyep̄ ñañe, ni mehoñe iji yuhd̄are ahbaye yero saha, ni yahuri Jesu.

Judio masare buheye-quina, fariseo masa gũhũre tiquiro buhiri dahreatire yahuahye Jesu

²⁹ Sa ni tuhasa ohõ saha ni yahu nemori tiquinare:

—M̄sa judio masare buhena, fariseo masa gũhũ

ñano yuhd̄nata. Masa ihñono dihita quehnoano iji mehona ijire m̄sa. Cohãcjũ yere yahu m̄htañequina panop̄ cjẽna tiquina masa coperire quehnoano quehnomene m̄sa, tiquinare ño peoro saha yena. Sa yena quehnoano yeyequina m̄na tiquina queoyere m̄sa yeri queoyere quehnoano quehnomene m̄sa.

³⁰ Sa yena ohõ saha niducumene m̄sa: “Panop̄re usã ñec̄sum̄na iji turiayequina m̄na tiquina yeriro saha usã pehe yeraboaga. Ti p̄ep̄ ijiyequinare Cohãcjũ yere yahu m̄htariquinare usã wejẽdaboaga”, niducumene m̄sa.

³¹ Sa nina m̄sa ñec̄sum̄na iji turiayequina Cohãcjũ yere yahu m̄htariquinare wejẽdiquina m̄na tiquina yerire ihñona nine. Tiquinare wejẽdiquina m̄na tiquina panamena iji turiana m̄sa ijiye gũhũre ihñona nine m̄sa.

³² M̄sa ñec̄sum̄na iji turiayequina m̄na tiquina yeriro sahata ye sohtori ticũnahña.

³³ 'Aña yero saha ña yuhd̄ana ijire m̄sa. M̄sa ñañe yerire buj̄na witi duerana Cohãcjũ m̄sa ñañe buhirire pecap̄ m̄sare tiquiro cohãto pano duhti masiedare m̄sa.

³⁴ Sa yeḡ m̄sare niita niaja. Cohãcjũ yere yahu m̄htariquinare, apequina quehnoano masiñequinare, apequina m̄sare buhea-tiquinare m̄sa cahap̄

ohoutja. Yuhū sa ohogū mūsa pehe ihquēquina tiquinare wejēnata.

Apequinare curusapū quē bihanata. Apequinare mūsa buheye wuhūsepu tananata. Sa yena macariperū tiquinare űano yena, oma nūnū tānata mūsa.

³⁵ Mūsa sa yena ijipihtiye-quina űaűe marieűequinare mūsa wejēdi buhiri buhiri tinata. Abe mūnanore Caī wejēdi buhiri ijipihitina mūsa gūhū buhiri tinata. Ijipihitiyequina tiquiro bato ijiyequinare quehnoaűequinare tiquina wejēdi buhiri gūhūre buhiri tinata mūsa gūhū. Sa yena Cohācjū wuhū cahapū wahiquinare mūsa ohori altar cahapū Zacariare wejēahye mūsa. Tiquiro pehe Berequia macūno ijiahye. Sa yena tiquiro gūhūre mūsa wejēdi buhiri buhiri tinata mūsa.

³⁶ Ijirota mū sare yahugūta niaja. Tiquina ijipihtiyequinare tiquina wejēdi buhiri yojopū cjēna gūhū buhiri tieta, ni yahuri Jesu.

Jerusalē cjēnare tutuaro cahīahye Jesu
(Lc 13.34-35)

³⁷ Sa ni tuhasa ohō saha ni nemori:

—Ahyou, Jerusalē cjāna, Cohācjū yere yahu mahtariquinare wejēdina ijire mūsa. Mūsa acaye panopū cjēna gūhū sata yeyequina mūna iji-ahye. Sa yena mūsa cahapū tiquiro ohoriquinare utā paca mehna doque wejēdina ijire mūsa. Canaca ticoro pohnene ticoro wūye

dūpūri mehna ticoro moha cuñano saha peye tahari cahīducumi mū sare. Mū sare cahmemi. Mūsa pehe yuhūre ne cahmedari.

³⁸ Yojopū mūsa ya maca cohōri maca ijirota.

³⁹ Ijirota mū sare niita niaja. Camepu ahtaūtja yuhū. Sa yuhū ahtagū ihñana mūsa yuhūre “Cohācjū tutuaye mehna ahtariquiro quehnoahdo”, ninata. Yuhūre mūsa tire niato pano yuhū tojoa tato pano pari turi yuhūre ihñasi mūsa, nidi Jesu tiquinare.

24

—Cohācjū wuhū cohāri wuhū ijirota, niahye Jesu
(Mr 13.1-2; Lc 21.5-6)

¹ Sa ye Cohācjū wuhūpu ijiriquiro Jesu tiquiro wijia wihigū usā tiquiro buhena ti wuhūre ti wuhū cahapū ijiye wuhūse gūhūre ihñana,

—Quehnoa yuhūdūye wuhūse ijicjoare. Ihñaña mahū gūhū, nii usā tiquirore.

² Jesu yuhūtiri:

—Ahri wuhūse yojopūre ihñamene mūsa. Mū sare yahugūta niaja. Ahri wuhūse ijipihtiye mūsa ihñari, ahri wuhūse cjē utā paca gūhūre cohā pehoeta. Ne ihcāria utā tojoasi, nidi tiquiro usāre.

Pihtiri deco ijiatire yahuahye Jesu
(Mr 13.3-23; Lc 21.7-24; 17.22-24)

³ Came Olivo wame tidū cūnūpu esa, topū dujiri Jesu. Topū dujigū usā tiquiro

buhena usã sehsaro tiquiro cahap̄ esau.

—Yahuya usãre. ¿Duhse ijigũ sa waharotari mah̄u nidiro saha waharo? ¿Ahri yehpap̄ mah̄u tojoa tati deco, pihtiatu deco panogã ijigũ duhse ti waha ducagũ ihñanataru usã? ni sinituu usã.

4 Jesu yuhtiri:

—Quehnoano yeya musa. Sa yena musare apequina tiquina ni mehoñene tuhoeracãhña.

5 Peyequina masa “Cristo ijiaja yuh̄u”, ni mehoñequina ahtaeta. Tiquina sa ni mehogũ tuhoye peyequina masa Cohãcjũ yere duhueta.

6 Musa cahagãp̄ masa apequina tiquina cahme wejẽgũ tuhonata musa. Sa yena yoarop̄ gũhure tiquina cahme wejẽgũ tuhoonata musa. Sa tuhoopenata ne tire pajiro wacũedacãhña. Sa waharota. Tiquina sa yegũ pihtiatu deco duhsarĩnota.

7 Ti pjere ihcã yehpa cjẽna ape yehpa cjẽna mehna cahme wejẽeta. Sa ye ihcãquiro puhtoro yequina apequiro puhtoro yequina mehna cahme wejẽeta. Sa ye peyequina masa ujua mehna yarieta. Sa yero peye yehparip̄ yehpa ñuhminota.

8 Sa wahagũ ahri yehpa cjẽnare tiquina ñano yuhdu nemoato duhsarota ti pjere. Ñano yuhdu nemoeta.

9 Ti pjere apequina musare ñehe, ñano ye dutiye ohoeta musare apequina puhtoap̄re. Tiquina sa

ohogũ musare wejẽeta. Yeequina musa ijiri buhiri ijipihtiyequina musare ihña tuhtietu.

10 Ti pjere peyequina yeequina ijimediquina yuhure cohãeta. Sa ye tiquina mehna cjẽnare tiquina ihña tuhtietu. Sa ye tiquina mehna cjẽna tiquina ijiepegũta tiquinare ñano yeatiquinare ohoeta tiquina.

11 Ti pjere peyequina “Cohãcjũ yere yahu mahtana ijiaja”, ni mehoñequina ijietu. Sa ye peyequina masa tiquina ni mehoñene tuhoeta.

12 Ti pjere ña yuhduaro yeeta masa. Sa ye tiquina mehna cjẽnare cahĩ nemosi.

13 Sa yena musa tutuana ijina, ahri yehpap̄ musa catinino puno ihcãno sahana, yuhduanata musa.

14 Sa yero ahri quehnoañe buheye ijipihtirop̄ ahri yehpap̄re tiquina yahuri buheye ijirota. Cohãcjũ puhtoro ijiyere yahuri buheye tiquina yahu siteri buheye ijirota, ijipihtiyequina ti buheyere tiquina masiata saha. Tiquina sa yahuri bato pihtiri deco ducarota.

15 Cohãcjũ yere yahu mahtariquiro Daniel manano panop̄ cjũno ña yuhduariquirore Cohãcjũ yere ñano yeriquirore yahue tiahye panop̄re. Ti pjere tiquiro ñariquiro pehe Cohãcjũ ya wuhap̄ tiquiro ducugũ ihñanata musa. Ahri yuh̄u nidire quehnoano masiña musa.

16 Top̄ tiquiro ducugũ

ihñañe, Judea yehpapu ijiye-
quina pehe cunu cahapu oma
duhtiaho.

17 Sojaro mehna oma
duhtiaho. Ti pjere tiquina
wuhuseri bui cje paaripu
ijiyequina wuhu puhiapu
ijiye tiquina yere neñe wa-
haeracãhdo tiquina umãñano
waharo.

18 Sa ye ti pjere apequina
weseripu ijiyequina tiquina
bui cje suhti wuhapu ijiye
suhtire neñe wahaeracãhdo
tiquina umãñano waharo.

19 Ti pjere niji pacosãnumia,
tiquina pohne apũoñe nu-
mia gũhu pejecuro wahaeta.

20 Sa yena Cohãcjũre ohõ
saha ni siniña: “Pohecũ ijigũ
judio masa usã soye decori
ijigũ gũhure usã oma duhtiatu
deco ijieracãhdo”, ni siniña
masa Cohãcjũre.

21 Ti decorire masa
ña yuhduaro wahaeta.
Ahri yehpare tiquiropu ba-
jumehnedi bato masa ñano
yuhduẽ tiahye. Tiquina
sa yuhduẽpegũta ijipihtiyẽ
ti puriñe yuhduoro pihtiri
deco panogã ña yuhduaro
yuhdueta masa. Sa ñano
tiquina yuhduari bato pari-
turi sata ñano yuhduasi ahri
yehpapu.

22 Cohãcjũ ti decorire
meheñe decorigã ijigũ
yerota. Tiquiro sa yeragũ
ne ihcãquiro masano
yuhdueraboaga. Sa yero
tiquiropu beseriquina tiquina
yuhduatire meheñe decorigã
cũnota Cohãcjũ.

23 Ti pjere apequina
masare “Ihñaña. Ohõpu

ijire Cristo”, tiquina nigũ
tiquinare tuhoeracãhña.
“Topu ijire Cristo”, tiquina
nigũ tiquinare tuhoeracãhña.

24 “Cristo ijiaja”, ni
mehoñequina, “Cohãcjũ yere
yahu mahtarina ijiaja”,
ni mehoñequina ijietu ti
pjere. Sa ye Cohãcjũ tiquiropu
beseriquinare ni mehoñe,
tiquina bajumehneñene
ye ihñoeta. Cohãcjũ
yequinare Cohãcjũre tiquina
cohãgũ ye duare tiquina ni
mehoñequina.

25 Ahri ijipihtiyere
yahuyuaia masare ti sa
wahato pano. Sa yena tuhoya
masa.

26 Apequina masa masare
“Ihñaña. Masa marienopu
ijire Cristo”, tiquina nigũ
topure ihñana wahaeracãhña.
Sa yena “Ohõpu ahri tucũripu
ijire tiquiropu”, tiquina nigũ
tiquinare tuhoeracãhña.

27 Yuhu masu Cohãcjũ
ohorigu wacũeno mehna
tojoa tautja. Upo miado-
queoro uhmusere asũ mwa
taropu, asũ sajãnopu wacũeno
mehna ti miadoqueoro saha
wacũeno mehna tojoa tautja
yuhu.

28 Masa tiquina ñañe
yeducuripopu topu Cohãcjũ
tiquina ñañe buhiri buhiri
dahrerota tiquinare, ni
yahuri Jesu.

*Cristo ahri yehpapu tiquiropu
tojoa tatire yahuahye tiquiropu
(Mr 13.24-37; Lc 21.25-33;
17.26-30, 34-36)*

29 Sa ye tiquinare yahu
nemori:

—Ti ñano yuhduye decori bato asũ deco cjãno, ñami cjãno gũhu buhrio duhueta. Tiquina sa wahagũ ñahpicoha paca uhmusepu ijiye paca bora dijia taeta. Sa ye uhmuse cjẽ yehpari, ñahpicoha gũhu ti sa wahaducurore comesaeta. Sa ye ñuhmieta.

³⁰ Ti pjeta yuhhu masu Cohãcjũ ohorigu uhmusepu yuhhu bajumehnenore yuhhu ihñogũ ihñaeta masa. Sa ye ijipihtiye cururi cjẽna utieta. Sa yegu yuhhu tutuaye mehna, yuhhu asi siteye mehna uhmũano cjẽ ehmeo cururi bui ahri yehpapure yuhhu tojoa tagũ ihñaeta tiquina.

³¹ Corneta bisirota. Sa yegu yeequina angelere ijipihropu ahri yehpapu ohoutja yuhhu. Sa ye ijipihropu yeequina yuhhu beseriquinare tiquina neeta.

³² 'Yojopure higeragure tahotuya masa. Tu queoye mehna musare buheitja. Tu yucugũ pũri tigũ ihñana, cahma mehenogã dahsagũ masine masa.

³³ Sata ahri ijipihtiye yuhhu nidire ti sa wahagũ ihñana, yuhhu tojoa tato mehenogã ti dahsagũ masinata masa.

³⁴ Ijirota niita niaja musare. Ti pje cjẽna tiquina yariato pano ijipihtiye yuhhu nidiro sahata sa waharota. Uhmuse, ahri yehpa gũhu pihtia waharota.

³⁵ Yuhhu yahuducuye pehe ne comesasi. Ijipihtiye yuhhu nidiro sahata sa waha sothori tirota.

³⁶ 'Ti decore yuhhu tojoa tati decore, ti hora gũhure

masiedaja yuhhu. Angele gũhu tire masiedare. Masa gũhu masiedare. Yuhhu Pacu dihita tire masine.

³⁷ 'Noé tiquiro ijiri pje cjẽna tiquina ijiriro sahata ahri yehpapu yuhhu tojoa tato panogãre sata ijietta masa.

³⁸ Yehpa miniato pano masa ihya, sihni, yeahye. Sa yeye umua, numia mehna omoca dahteahye. Noé gũhu yucsapu tiquina sajãto pano sa yee timahye masa.

³⁹ Duita tutuaro acoro ahta, wacũeno mehna yehpa minia wahahye. Masa gũhu mini pihtia wahahye. Wacũeno mehna tiquina minidiro saha yuhhu masu Cohãcjũ ohorigu ahri yehpapure wacũeno mehna tojoa taatja.

⁴⁰ Ti pjere wesepu puaro dahrayequina ijigũ ihcãquiro yuhure cahmediquirore neitja. Sa yero yuhure cahmeediquiro topu tojoarota.

⁴¹ Ti pjere puaro numia ihcãnopu tiquina trigore ña matõnequina numia ijigũ ihcãcoro yuhure cahmedicorore neitja. Sa yero yuhure cahmeedicoro topata tojoarota.

⁴² 'Quehnoano wacũ masi cohteya. Yuhhu masa puhto, yuhhu tojoa tati decore ne masiedare masa.

⁴³ Ahrire wacũña. Yaqueriquiro wuhupu tiquiro sajã yaqueato panore wuhu upuro masino, ti ñami tiquiro carĩedaboaga, yaqueriquirore cohtero. Sa yero yaqueriquirore tiquiro ya wuhupu sajã dutieraboaga. Yaque-

riquiuro tiquiro wacũeno mehna tiquiro ahtariro saha wacũeno mehna ahtaũtja yũhũ.

44 Sa yena yeere sa yeducuna yũhũre cohteya. Yũhũ masũ Cohãcũ ohorigũ ahri yehparũ tojoa tagũ wacũeno mehna ahtaũtja, nidi Jesu.

Apequiuro dahra cohteriquiro tiquiro pũhtorore ño peo, apequiuro ño peoerare (Lc 12.41-48)

45 Sa ye Jesu queoye mehna ohõ saha ni buhe nemori tja:

—Dahra cohteriquiro tiquiro pũhtorore ño peroriquiuro tũho masiniquiro ijire. Tiquiro sa ijigũ ihñano apequina dahra cohteyequina bui cũre tiquirore tiquiro pũhtoro pehe waharo taro. Sa tiquirore cũ tuhasa wahaa wahare pũhtoro. Sa yero ihyari pje ijigũ dahra cohteriquiro apequinare ihyayere itire.

46 Came pũhtoro tiquiro ya wũhũparũ tojoa wihire. Tiquiro tojoa wihigũ ihñano dahra cohteriquiro pehe tiquiro pũhtoro dutiriro sahata ye pehoriquiuro ijiro, bucueriquiro ijirota.

47 Ijirota musare niita niaja. Tiquiro sa yegũ ihñano tiquiro pũhtoro ijipihtiye tiquiro yere ihña ihboriquiro cũnota tiquirore.

48 Sa yepegũta ñariquiuro dahra cohteriquiro pehe “Yũhũ pũhtoro bajuerare”, nino,

49 apequina dahra cohteyequinare quẽpe, pajiro ihya,

sihni, queheyequina mehna queherota.

50 Came tiquiro pũhtoro wacũeno mehna tojoa tarota. Ti deco, ti hora gũhũre ne masiedare dahra cohteriquiro.

51 Pũhtoro pehe tojoa taro ñariquiuro tiquiro ñano yerire tũhoro, tiquirore tutuaro buhiri dahrerota. Sa yero ni mehoñequina tiquina waharopũ cohãnota tiquirore. Topũre tiquiro tutuaro uti, bujũa witiro mehna bahque dihorota, ni yahuri Jesu.

25

Pũa omope nuhmia queoye mehna buheahye Jesu

1 Sa ye Jesu pari turi queoye mehna ohõ saha ni buhe nemori tja:

—Uhmũse cãno pũhtoro tiquiro ijiye ahri queoye yero saha ijire: Pũa omope nuhmia ijiahye. Ihcã ñami tiquina sihõñe paca mehna omoca dũhteatiquiore piti caye wahahye.

2 Tiquina mehna ihcã omope numia tũho masieñequina numia ijiahye. Apequina numia pehe ihcã omope numia tũho masieñequina numia ijiahye.

3 Tũho masieñequina numia pehe tiquina sihõñe pacare, pose tiye pacare nemahye. Apee pacare uhsẽ pose tiye pacare ti pihtigũ tiquina pioborire nedahye.

4 Tũho masieñequina numia pehe tiquina sihõñe paca uhsẽ pose tiye pacare neahye.

Apee paca tiquina pioati paca gūhare neahye.

⁵ Sa ye omoca dūhteatiquiuro tiquiuro bajueragū tiquina numiare wūjūa purīgū carīa wahahye.

⁶ Sa yero űami decopū sañuducugū tūhoahye. “Tūhoya. Omoca dūhteatiquiuro ahtaro ca tare. Tiquiurore piti cana ahtaya”, ni sañuducugū tūhoahye.

⁷ Tiquiro sa nigū tūhoye numia wahcā, tiquina ye sihōñe pacare quehnoahye.

⁸ Sa ye tūho masieñequina numia pehe apee numia tūho masieñequina numiare ohō saha niahye: “Ŭsā sihōñe paca yatiro nine. Sa yena mehenogā mūsa ye űsere ohoya űsāre”, ni sinimahye tiquina numia.

⁹ Tiquina sa siniepegūta tūho masieñequina numia ohō saha yūhtiahye: “Ŭsā ye űhse mari ijipihtinare esa tuhaeraboaga. Sa yena űhse cūoyequinare mūsa basi dūna wahaya”, ni yūhtiahye tūho masieñequina numia pehe.

¹⁰ Sa ye tūho masieñequina numia dūye wahahye. Tiquina sa wahari bato omoca dūhteatiquiuro wihiahye. Tiquiro wihigū ihña tiquina yere quehno tuhasariquina numia tūho masieñequina numia tiquiurore piti cahye. Piti ca bose deco omoca dūhteri decopū tiquiro mehna ihñañe wahahye. Sa ye bose decore tiquina yeri wūhūpū apequina mehna numia tiquina

sajāri bato, sopechare biha cāhye.

¹¹ Camepū tūho masieñequina numia pehe wihimahye. “Pūhto, űsāre pōohña”, nimahye tiquina numia.

¹² “Ijirota mū sare niita nija. Mū sare masiedaja yūhū”, niahye tiquiro tiquina numiare.

¹³ Sa yena tūho masieñequina numia tiquina yere quehnoano quehno tuhasa, tiquina cohteriro saha quehnoana, űañe mariena ijī, cohteya mūsa gūhū. Yūhū tojoa tati decore ti hora gūhare ne masiedare mūsa, ni yahuri Jesu.

Niñeru cjoeri uru cjoeri queoyere yahuahye Jesu

¹⁴ Sa ni yahu tuhasa queoye mehna ohō saha ni buhe nemori tja:

—Ti pjere yūhū tojoa tati pje ahri queoye yero saha ijirota. Wūhū upāro ijiahye. Tiquiro ape siepū tinino waharo taro, tiquiurore dahra cohteyequinare pijioahye. Sa yero tiquinare tiquiro yere cohte dutiahye.

¹⁵ Sa cohte dutiro tiquina ihbo masino puno tiquinare niñeru cjoerire ohoahye. Ihcāquiurore ihcā omope cjoeri wapa bājūye cjoerire uru cjoerire ohoahye. Apequiurore pūa cjoerire ohoahye. Apequiurore ihcā cjoerire ohoahye. Tiquinare oho tuhasa, wahaa wahahye.

¹⁶ Sa ye ihcā omope cjoeri tiquiro ohoriquiro duita tiquiro wahari batota ti cjoeri mehna apee borore

dúahye. Tiquiro dúrire apequinare duahye. Tiquiro duari wapa pua omope cjoeri wapa yeahye tiquirore. Sa yero pua omope cjoeri caoahye.

17 Sa yero pua cjoer tiquiro ohoriquiro duita tiquiro wahari batota ti cjoeri mehna apee borore dúahye. Tiquiro dúrire apequinare duahye. Tiquiro duari wapa pititia cjoer wapa yeahye tiquirore. Sa yero pititia cjoer caoahye.

18 Ihcã cjoere tiquiro ohoriquiro pehe cope sehe, ti cjoere yahye, ti copepu nuono.

19 'Came yoari bato tiquina puhtoro wihiahye. Sa wihiro tiquiro niñeru cjoeri mehna tiquina ñehe nemorire queoro ahtaro tiquirore dahra cohteyequinare pijioahye.

20 Sa yero ihcã omope cjoeri tiquiro ohoriquiro puhtoro cahapu esa, pua omope cjoeri wiahye tiquirore. "Ihcã omope cjoeri yuhare ohori mahu. Ihñaña. Ti cjoeri mehna apeye cjoerire ñehe nemou", niahye tiquirore.

21 "Quehnoano yeaya mahu. Mahu quehnoagu, yuhu dutiriro saha yerigu ijire. Mehenogãre quehnoano yeaya mahu. Sa yegu yojopare mahare pajiro mah dahratire cõtja. Sa yegu yuhu mehna bucueya mahu", niahye tiquiro puhtoro.

22 Sa yero pua cjoere ñehediquiro puhtoro cahapu esa, yuahaye tiquirore: "Pua cjoer yuhare ohori mahu.

Ihñaña. Ti cjoeri mehna apeye cjoeri pua cjoer ñehe nemou", niahye tiquiro.

23 "Quehnoano yeaya mahu. Mahu quehnoagu, yuhu dutiriro saha yerigu ijire. Mehenogãre quehnoano yeaya mahu. Sa yegu yojopare pajiro mah dahratire cõtja. Sa yegu yuhu mehna bucueya mahu", niahye tiquiro puhtoro.

24 'Sa yero ihcã cjoere ñehediquiro puhtoro cahapu esa, yuahaye tiquirore: "Puhto, mahu apequina pehere tutuaro dahra dutigu ijire. Sa tutuaro dahra dutigu ijigu mahu basi oterapeguta ti ducare nene mahu.

25 Mahu sa ijigũ mahare cuei. Sa cuegu cope sehe, ti copepu mahu niñeru cjoere nuou. Ihñaña. Ohõpu ijire mahu ya cjoer niñeru cjoer", niahye tiquiro.

26 "Mahu ñagu, cape bujugu ijire. Yuhu basi oterapeguta ti ducare yuhu negu ijigũ masine mahu.

27 Yuhu sa ijigũ ihñaeppeguta yuhu niñeru cjoere niñeru ihbóri wuhup ihboboaya mahu. Mahu sa ihbogũ tiquina ti cjoere wiayperu apee niñeru oho nemoboaya tiquina", niahye puhtoro tiquirore.

28 Sa nino apequina tiquiro dahra cohteyequinare dutiahye tiquiro: "Niñeru cjoere ehmaña tiquirore. Pua omope cjoerire cuoriquiro pehere ohoya.

29 Cuoyequinare oho nemoutja. Sa ye pajiro

сuoeta. Cuoeyequina pehere mehenogã tiquina caoepegãta tire ehmautja.

30 Ahriquiro dahra cohteriquiro dahseatiquiro ijierare. Nahitianopu ñanopu cohã cãhña tiquirore. Topu tiquiro tutuaro uti, bujua witiro mehna bahque dihorota”, niahye puhtoro, ni yahuri Jesu.

Buhiri dahreatire yahuahye Jesu

31 Sa ye Jesu yahu nemori:

—Yuhu masu Cohãcjũ ohorigu ijipihtiyequina angele mehna puhto ijigu tagu, yuhu puhtoro dujiropu yuhu asi siteye mehna dujigutja.

32 Sa yuhu dujigũ, ahri yehpa cjëna ijipihtiyequina yuhu cahapu cahmecoeta. Tiquina sa cahmecoari bato puã curua tu wautja tiquinare. Ovejare ihña ihboriquiro ovejare, cabra gũhure tiquiro tu wariro saha masare tu wa docoutja.

33 Sa tu wagu oveja yero saha ijieyequinare quehnoañequinare yuhu poto pehe bese docoutja. Sa yegu cabra yero saha ijieyequinare ñañequinare yuhu cũ pehe pehepu bese docoutja.

34 Yuhu sa yeri bato yuhu ijipihtiyequina puhto pehe yuhu poto pehepu yuhu bese docoriquinare ohõ saha ni yahutja: “Yuhu Pacu musare quehnoano yere. Ahri yehpare bajumehnenopu musa ye ijiatire tiquiro puhtoro ijire quehnoyu tuhasari Cohãcjũ. Sa yena yojopure

tiquiro quehnoripopure ijina ahtaya.

35 Yuhu ujua ahbagũ musa pehe yuhure ihyayere ohori. Yuhu aco wuogũ yuhure musa sihõri. Musa cahapu yuhu tinigũ yuhure ihña masiedapenata yuhure quehnoano piti cari musa.

36 Suhti mariegu yuhu ijigũ ihñana musa pehe yuhure suhti sãari. Dohatigu yuhu ijigũ musa yuhure ihñana ahtari. Peresupu yuhu ijigũ gũhure yuhure ihñana ahtari musa”, niitja quehnoañequinare.

37 Yuhu sa nigũ tuhoye tiquina yuhure sinitueta: “¿Puhto, dahse ijigũ mahu ujua ahbagũ mähure ihyayere ohori usã? ¿Dahse ijigũ mahu aco wuogũ mähure sihõri usã?

38 ¿Dahse ijigũ mähure ihña masiedapenata mähure quehnoano piti cari usã? ¿Dahse ijigũ suhti mariegu mahu ijigũ mähure suhti sãari usã?

39 ¿Dahse ijigũ mahu dohatigũ o peresupu mahu ijigũ gũhure mähure ihñana esari usã?” nieta yuhure.

40 Tiquina sa ni sinitugũ tuhogu yuhu puhto tiquinare yahutja. “Ijirota musare niita niaja. Ahriquina yeequina mehna cjũno ihyo ijiriquiro tiquiro ijiepegãta, tiquirore musa sata yeri. Sa ijiriquirore sa yena, yuhure yero saha yena nidi musa tiquinare”, ni yahutja.

41 'Quehnoañequinare yuhu sa ni yahuri bato yuhu cũ pehe pehepu ducuyequinare

yuhu ijipihtiyequina puhto ohõ saha ni yahutja: “Cohãcjũ tiquiro buhiri dahreatina ijire mûsa. Yuhu mehna tojoeracãhña. Pecapû wahaya mûsa. Ti peca ne yatierare. Watino, tiquiro yequina angele gãhu tiquina ijiatire ti pecare yeri Cohãcjũ.

42 Yuhû ujua ahbagû mûsa pehe yuhure ihyayere ohoerari. Yuhû aco wûogû mûsa yuhure sihõedari.

43 Yuhure masiedana mûsa yuhure piti caerari. Sa ihña câri. Suhti mariegû yuhû ijiepegûta, yuhure suhti sãaedari mûsa. Dohatigû yuhû ijigû peresupû yuhû ijigû gãhure sa ihña câri mûsa yuhure”, ni yahutja tiquinare ñañequinare.

44 Yuhû sa nigû tuhoye tiquina yuhure sinitueta: “¿Puhto, mûhu ujua ahbagû, mûhu aco wûogû, usã masiedigû mûhu ijigû, suhti mariegû mûhu ijigû, dohatigû mûhu ijigû, peresupû mûhu ijigû dahse ijigû usã pehe mûhure yedohoerari?” ni sinitueta yuhure.

45 Tiquina sa ni sinitugû yuhû tiquinare ohõ saha ni yahutja: “Ijirota mûsare niita niaja. Ahriquina yeequina mehna cjãno ihyo ijiriquirore mûsa ne yedohoerari. Sa ijiriquirore mûsa yedohoerana, yuhureta sa yena nidi mûsa”, ni yahutja tiquinare.

46 Sa yero tiquinare sa buhiri dahreducurota Cohãcjũ. Ti buhiri dahreye ne pihiti. Sa ye,

quehnoañequina pehe ijipihtiyeye decori quehnoano ijietia, ni yahuri Jesu.

26

Pahia puhto, judio masa bucuna mehna Jesure wejẽ duahye

(Mr 14.1-2; Lc 22.1-2; Jn 11.45-53)

1 Ti ijipihtiyere tiquiro buheri bato Jesu usãre tiquiro buhenare yahuri:

2 —Pua deco bato pascua ijirota. Tire mûsa masine. Ti pjere yuhû masure Cohãcjũ ohorigure ñeheeta. Ñeheñe, yuhure curusapû wejẽeta, nidi tiquiro usãre.

3 Sa ye pahia puhto, judio masa bucuna gãhu cahme-coahye. Caifa pahia puhtoro ya wuhupû cahmecoahye tiquina.

4 Topû cahmecoa, tiquina ni mehoñe mehna Jesure ñehe tiquina wejẽatire cahme yahuye niahye.

5 —Bose deco ijigû tiquirore ñehedacũhna, “Masa usuari”, nina, niahye tiquina basi.

Numino ehme sitiye uhse mehna Jesure pio peohye

(Mr 14.3-9; Jn 12.1-8)

6 Ti pjere Simo cami bucuna wihiro ijimediquiro ya wuhupû ijiri Jesu. Tiquiro ijiri maca Betania wame tiri maca ijiri.

7 Ti wuhupû tiquiro ihyari watoa ihcãcoro numino ehme sitiye ne câhta, Jesu dapu bui pio peori. Ti ehme sitiye alabastro wame tiriapû pose tiri. Wapa bujuye co ijiri.

⁸ Ticoro sa pio peogũ ihñana usã Jesu buhena usuau.

—¿Dũhsero ahricoro ahri core wapa bujũyere sa ye siteajari?

⁹ Ti ehme sitiye duaboaya. Sa duaro pajiro wapa ñehaboaya. Sa ñeheno ti niñerure pejecũoyequinare ohoboaya ahricoro, nii usã tiquiro buhena.

¹⁰ Usã sa ni usuagũ ihñano, Jesu yahuri usãre:

—Sa niedacãhña ticorore. Yũhũre quehnoano yero nine.

¹¹ Pejecũoyequina pehe mũsa mehna sa ijiducueta. Sa yena tiquina pehere mũsa oho masine. Yũhũ pehe ahri yehpapũre mũsa mehna sa ijiducusi.

¹² Yũhũre tiquina yato pano yũhũ pagũre quehnoyuro, ticoro yahũre pio peori.

¹³ Ijirota mũsare niita niaja. Ijipihtiro ahri yehpapũ quehnoañe buheyere tiquina yahuropũ ahricoro yojopũre ticoro yerire yahueta. Tiquina sa yahugũ tuhoye ticorore masa peyequina wacũeta, ni yahuri Jesu usãre.

Juda Iscariote Jesure ihña tuhtiyequinare ihñoahe

(Mr 14.10-11; Lc 22.3-6)

¹⁴ Ti pjere ihcãquiro usã mehna cãno Juda Iscariote pahia pahtoa cahapũ esahye.

¹⁵ Esa, tiquinare sinituahye.

—¿Jesure mũsare yũhũ ihñogũ noho puno wapa yenatari mũsa? ni sinituahye tiquinare.

Tiquiro sa nigũ tiquina tiquirore treinta cjoeri plata cjoerire ohoahye.

¹⁶ Tiquina sa ohogũ Juda pehe Jesure tiquiro ihñoati ñamine cohtero niahye.

Jesu tiquiro buheyequina mehna tiquiro ihya bato tiri deco ijiahye

(Mr 14.12-25; Lc 22.7-23; Jn 13.21-30; 1 Co 11.23-26)

¹⁷ Sa ye pugũ yeye moremehneñe pãre tiquina ihyati deco bose deco iji dũcari deco usã tiquiro buhena Jesu cahapũ waha, sinituu tiquirore:

—¿Noho boropũ bose deco ijigũ mari ihyatire quehnoyuro dutigũ ohoutjari mũhũ usãre? nii tiquirore.

¹⁸ Usã sa nigũ tiquiro yũhtiri:

—Jerusalẽpũ wahaya. Topũ ijiritiquirore ohõ saha ni yahuya: “Marine buheriquiro tiquiro ñano yũhdũati deco mehenogã dũhsatjiãñohiti. Pascua ijigũ mũhũ ya wãhũpũ Jesu usãre tiquiro buhenare siho ihyati ijiñohiti”, ni yahuya ti wãhũ upũrore, ni ohori Jesu usãre.

¹⁹ Sa yena usãre tiquiro dutiriro sahata yena, pascua ijigũ usã ihyatire quehnou usã.

²⁰ Sa ye ti ñamine usã mehna doce tiquiro buhena mehna ihyaro nidi Jesu.

²¹ Usã ihyari watoa tiquiro usãre yahuri:

—Ijirota mũsare niita niaja. Ihcãquiro mũsa mehna cãno yũhũre ihña tuhtiyequinare

ihñonota yuhure, ni yahuri tiqiro usäre.

22 Tiquiro sa nigū tuhona tutuaro bujha witina, tiqirore sinitu ducan usä ijiphtina:

—¿Puhto, yuhuta ijajari mahure ihñoacju? ni sinituu.

23 Usä sa ni sinitugū tiqiro yuhtiri:

—Yuh ihyari papu yuh mehna soha ihyariquiro ijire yuhure ihña tuhtiequinare ihñoatiquiro.

24 Panopu yuhure tiquina ojoariro sahata yuh masu Cohäcjü ohorigu yariagutja. Sa yero yuhure ihña tuhtiequinare ihñoatiquiro ñano yuhdurota. Tiquiro pehe masa bajueraro quehnoa yuhduaboaya. Ñano yuhdueraboaya, nidi Jesu.

25 Tiquiro sa nigūta tiqirore ihñoatiquiro Juda sinituri:

—¿Buhegu, mahure ihñoacju ijajari yuh? ni sinituri tiqiro.

Jesu yuhtiri:

—Ehu. Mahuta ijire, nidi.

26 Sa ni yahu tuhasa usä tiqiro buhena mehna ihyaro taro nidi. Sa yero Jesu päre ne, Cohäcjüre “Quehnoare”, nidi. Sa ni tuhasa tire nuha, usäre tiqiro buhenare itiri.

—Ahrire ne, ihyaya. Ahri yuh pagu ijire, nidi tiqiro.

27 Sa ni tuhasa tiqiro sihnidi pare ne, Cohäcjüre “Quehnoare”, ni, usäre ohori.

—Musa ijiphtina ahrire sihniña.

28 Ahri yuh dii ijire. Peyequina masa tiquina ñaño yerire cohägū tagu yariutja. Sa yegu yuh diire cohäutja. Cohäcjü “Mhsare yuhduotja”, tiqiro nidiro esagū yuh yariaro mehna tiqiro nidiro sohtori tirota.

29 Mhsare niita niaja. Yuh Pacu tiqiro puhtoro ijiropu uhmusepu masa mehna wahma core uhse core sihniitja. Mari sa sihniato pano ahri core sihni nemosi yuh, nidi Jesu usäre.

30 Sa yena Cohäcjü yere basa tuhasana canupu Olivo wame tidupu wahan usä.

Pedro Jesure tiqiro cohätire yahuahye Jesu

(Mr 14.26-31; Lc 22.31-34; Jn 13.36-38)

31 Topu usä esagū Jesu pehe usäre yahuri:

—Mia ñami yuhure cohä cänata masa. Ohō sahata nine Cohäcjü tiqiro yere tiquina ojoari pūpu yuhure yahuro: “Ovejare ihña ihboriquiro yero saha ijiriquirore yuh Cohäcjü cohägutja. Yuh sa cohägū tiqiro yequina oveja yero saha ijiequina duhti site cāa wahaeta”, nine Cohäcjü tiqiro yere tiquina ojoari pūpu.

32 Sa yegu Cohäcjü yuhure tiqiro masori bato masa pano Galileapu wahayutja yuh, nidi tiqiro.

33 Tiquiro sa nigū tuhoro ohō saha nimesi Pedro:

—Yuh mehna cjēna ijiphtiequina mahure tiquina cohäpegūta yuh pehe

muhure ne cohāsi, nimesi Pedro tiquire.

³⁴ Jesu yuhitiri:

—Ijirota niita niaja muhare.

Mia nāmi canaca tiquire yahuato pano “Yuh Jesure masiedaga”, niita muh. Ihtia taha sa niita muh, nidi tiquire Pedore.

³⁵ Tiquire sa niepegūta Pedro ohō saha ni yuhitiri:

—Muh mehna yuhare tiquina wejē duepegūta “Jesure masiedaga”, ne nisi yuh, ni yuhitimi Pedro.

Sa yena usā gūh apequina tiquire buhena Pedro tiquire nidiro sahata nimi usā Jesure.

Getsemani wame tiri wesep Cohācjūre siniahye Jesu (Mr 14.32-42; Lc 22.39-46)

³⁶ Sa ye Getsemani wame tiri wesep Jesu usā tiquire buhena mehna waha, topu esa, usāre nidi:

—Ohō dujiyuya. Musa ohō dujiri watoa sohō cjūnogāpu Cohācjūre sinigū wahagū niaja, nidi tiquire usāre.

³⁷ Sa ni tuhasa, Pedore, puaro Zebedeo pohnene tiquina ihtiarore piji cāri. Sa yero tiquire tutuaro bujūa witi, nāno jeripohna tiahye.

³⁸ Sa bujūa witiro tiquire mehna cjēnare tiquire piji cāriquinare ohō saha niahye:

—Tutuaro nāno jeripohna tiaja yuh. Yuhare tutuaro purīno saha tūhotugū niaja. Sohō cjūnogā wahagū niaja. Ohōpu tojoaya. Sa yena yuh mehnata carīedacāhā mūsa gūh, niahye tiquire tiquire.

³⁹ Sa ni tuhasa mehenogā waha nemo, yehpap quehe sa, Cohācjūre niahye:

—Mai, yuh nāno yuhduatire ye dueragū yeracāhā. Yuh sa niepegūta yuh cahmeno saha yeracāhā. Muh pehe masine. Muh cahmeno saha yeya yuhare, ni siniahye tiquire Cohācjūre.

⁴⁰ Sa ni tuhasa, ihtiaro tiquire buheyequina cahapū wihiro, carīnequinare ihñahye. Tiquire ihñāno, Pedore ohō saha niahye:

—¿Ihcā hora waro yuh mehna carīegū iji masiedajari muh?

⁴¹ Quehnoano yeya mūsa. Sa yena Cohācjūre siniducuya mūsa, “Nāno yeari”, nina. Mūsa tūhotuye mehna quehnoañene ye duamene mūsa. Mūsa sehsaro sa ye duepenata tire ye masiedare mūsa, ni yahuahye Jesu.

⁴² Sa ni yahu tuhasa, pari turi waha, Cohācjūre siniahye:

—Mai, yuh nāno yuhduatire ye duagū yeya yuhare. Muh cahmeno saha yeya, ni siniahye tiquire.

⁴³ Ni, tiquire buheyequina ihtiaro buheyequina cahapū pari turi wihiahye tja. Sa wihiro carīnequinareta ihñahye tja. Wujūa purī yuhduahye tiquire.

⁴⁴ Sa yero tiquire cū cā, pari turi waha, Cohācjūre siniahye. To pano tiquire nidiro sahata niahye tja.

⁴⁵ Sa ni tuhasa tiquire buheyequina cahapū wihī, tiquire ohō saha niahye:

—¿Yojopu pūritare carīnina niajari mūsa? ¿Sorīna niajari mūsa? niahye tiqairo.

Sa ni tuhasa, masa tiquina ahtagū ihñano, ohō saha niahye.

—Tuhoya. Mianogāta yahu masare Cohācjū ohorigure ñañequinare ohoeta yuhare.

⁴⁶ Wahcāña. Isa wahana. Ihñaña. Yuhare ihña tuhtiyequinare ihñotiqairo ohōpu ahtare, niahye tiqairo.

Jesure ihña tuhtiyequina tiqairore peresu yeahye

(Mr 14.43-50; Lc 22.47-53; Jn 18.2-11)

⁴⁷ Tiquiro sa nino watoa usā mehna cjāno ijimediquiro Juda pehe wihiri. Masa peyequina ahtari tiqairo mehna. Tiquina pahia pūtoa, judio masa bucuna gūhu tiquina ohoriquina ijiri. Ñoseñe pñine, yucu tiāri gūhare caori.

⁴⁸ Coā warore Jesure ihña tuhtiyequinare ihñotiqairo masare ohō saha ni yahuyu tuhasahye:

—Yuhu wahsupu ihmidiqirota ijirota mūsa ñehetiquiro. Tiquirore yuhu ihmidi bato ñehēña tiqairore, niahye Juda tiquinare.

⁴⁹ Sa ye wihiro Jesu cahapu duita wahari.

—¿Buhegu, ijiajari mūhu? ni, tiqairore wahsupu ihmidi.

⁵⁰ Tiquiro sa ihmigū Jesu ohō saha nidi:

—Yuhu acayu, ohōpūre mūhu yei tuh ahtarire yeya mūhu, nidi tiqairo.

Sa ye tiquina Jesure ñehedi.

⁵¹ Tiquina sa yegū ihñano Jesu mehna cjāno tiqairo ñoseni pñine tuā we ne, pahia pūtoro cahacjūnore cahmonore date pahrē cāri.

⁵² Tiquiro sa yegū ihñano Jesu tiqairore yahuri.

—Mūhu ñoseni pñine ihboya. Apequinare mūhu ñosegū tiquina ñose cahmegū yariagata mūhu.

⁵³ Yuhu Pacure yuhare yuhu yedoho dutigū tiqairo pehe peyequina angelere doce cururire yuhu cahapu ohoboaya tiqairo. ¿Tire masiedajari mūhu?

⁵⁴ Sa yedohoboriquiro tiqairo ijiepegāta tiqairore yuhare yedoho dutisi yuhu. Yuhu sa dutieragū Cohācjū yere tiquina ojoari pū ti nidiro sahata sa waharota, nidi tiqairo.

⁵⁵ Sa ni tuhasa masare yahuri tiqairo:

—¿Duhse ijiro boro mūsa ñoseñe pñini mehna, yucu tiāri mehna yaque bucurore yero saha mūsa yuhare ñehena ahtajari? Decoripe Cohācjū wāhupu masare yuhu buhe dujigū, mūsa yuhare ne ñehedari.

⁵⁶ Sa ijiepegāta ahri ijipihitiye sa waharo nine Cohācjū yere yahu mūhтариquina tiquina ni ojoariro sahata, nidi Jesu.

Tiquirore tiquina sa ñehegū ihñana usā tiqairo buhena tiqairore cohā oma cāa wahau usā.

Judio masa pūtoa Jesure sinituahye

(Mr 14.53-65; Lc 22.54-55,

63-71; Jn 18.12-14, 19-24)

⁵⁷ Sa ye tiquirote ñehediquina pahia puhtoro Caifa wame tiquirote ya wuhuru ne sahye tiquirote. Ti wuhuruta marine judio masare buheyequina, bucuna gahu cahmecoahye.

⁵⁸ Topu Jesure tiquina neagu Pedro yoaropu tiquinare ihna nuna tãhye. Sa nuna tãno Caifa ya wuhure cahmotari sahrĩnore esa, ti sahrĩno puhiapu sajãa wahahye. Sajã sa, ti wuhure cohteyequina surara mehna dujahye. Jesure tiquina dahse yegu ihnano taro niahye.

⁵⁹ Sa ye pahia puhto, apequina puhto mehna Jesure wejẽ duti duaye, ni mehoñe mehna tiquirote tiquina ñano buhiri dahreatire wacu macamahye.

⁶⁰ Tiquina yahusãtire wacu bocaerahye. Sa wacu bocaerapeta peyequina masa tiquirote sa ni meho yahusã maca cãhye. Sa ye puaro tiquina bato wihiyequina tiquirote yahusãhye tja.

⁶¹ —Ahriquirote ohõ saha nidi: “Cohãcjũ wuhure cohã masiaja. Sa cohãgu ihtia deco wahaboro ti wuhure pari turi yeitja”, tiquirote nigũ tãhou usã, ni yahusã maca cãhye Jesure.

⁶² Tiquina sa nidi bato pahia puhtoro wahcãduca sa, Jesure sinituahye:

—¿Ahriquina mahure tiquina yahusãepẽgũta tiquinare yuhti cahmedajari mahũ? niahye puhtoro.

⁶³ Tiquirote sa nigũ tãhoeperotha Jesu sata tãhotu cãhye. Tiquirote sa yuhtieragu ihnano pahia puhtoro pari turi sinituahye tja:

—Cohãcjũ catiriquirote wame mehna poto niña mahũ. Mahũ sa niedagu tiquirote mahure buhiri dahrerota. Yahuya usãre. ¿Cristo Cohãcjũ macuta ijiajari mahũ? ni sinituahye tja.

⁶⁴ Tiquirote sa nigũputa Jesu yuhtiahye:

—Tiquirote ijiaja. Musare poto yahugata niaja. Came yuhũ masũ Cohãcjũ ohorigũ yuhũ Pacũ tutuariquirote caharu tiquirote poto pehepu yuhũ dujigu ihnanata masa. Sa yena uhmuse cjẽ ehmeo cururi bui yuhũ ahtagũ gũhure ihnanata masa, ni yuhtiahye Jesu.

⁶⁵ Tiquirote sa nigũ tãhoro pahia puhtoro tiquirote sañari suhtirote tãhrẽ cãhye apequnare “Usua yãhdũare”, ni ihna masi dutiro.

—Cohãcjũre pajiro ñano yahuducuro nine ahriquirote. Sa ye tiquirote ñano yahuducuyere tãho tuhasaja mari. Sa ye topequinata yahusãahdo ahriquirote. Ohõputa tiquirote ñano yahuducugũ tãhoaja mari basita.

⁶⁶ ¿Dahse yenatari mari yojopure ahriquirote? ni sinituahye tiquirote apequnata puhtoare.

—Tiquirote ñari buhiri wejẽ cãno cahmene tiquirote, ni yuhtiahye tiquina.

67 Tiquina sa nidi bato tiquiro wuhdoare sihco puti ohõ, tiquirore quẽpeahye tiquina.

68 Tiquirore quẽpe tuhasa, ohõ saha niahye tiquirore:

—¿Noa pehe mähure quẽajari? Cristo ijigũ ihñedapeguta yahuya usãre, ni bujapeahye tiquina.

—*Tiquirore masiedaga, niahye Pedro Jesure*

(Mr 14.66-72; Lc 22.56-62; Jn 18.15-18, 25-27)

69 Sa ye ti wuhũ cahapũ ijiri paapũ quehnoari paapũ Pedro pehe dujiahye. Tiquiro sa dujigũ ihñano pahia pũhtoro cahacjõno tiquiro cahapũ esaro, ohõ saha niahye:

—Mähũ gãhũ Jesu Galilea cjãno mehna ijiri, niahye ticoro.

70 Ticoro sa nigũ tũhoro, Pedro ohõ saha niahye:

—¿Dũhse ni maca cõo niajari mähũ? Mähũ nidiquirore ne masiedaga yuhũ, niahye Pedro ticorore ijipihtiyequina tiquina tũhoropũ.

71 Tiquiro sa nidi bato ti paa cjã sahrĩno sopecaha cahapũ wahahye Pedro. Topũ tiquiro ijigũ apecoro cahacjõno tiquirore ihñano, topũ ijিয়েquinare ohõ saha niahye:

—Jesu Nazare cjãno mehna ijiri ahriquirõ, niahye ticoro Pedrorẽ tja.

72 Ticoro sa nigũ tũhoro Pedro yũhtiahye:

—Cohãcjũ mehna potõ nii niaja. Tiquiro mähũ

nidiquirore ne masiedaga yuhũ, ni yũhtiahye Pedro.

73 Sa ye came cjũno topũ ducuyequina Pedro cahapũ waha, tiquirore ohõ saha niahye tja:

—Poto tjire. Jesu yequina mehna cjũ ijire mähũ gãhũ. Tiquina yero saha yahuducure mähũ, niahye tiquina Pedrorẽ.

74 Tiquina sa nigũ Pedro yũhtiahye:

—Poto Cohãcjũ mehna nii niaja mũsare. Yuhũ potõ yuhũ niedagũ Cohãcjũ yuhũre buhiri dahreahro. Tiquirore mũsa nidiquirore ne masiedaga yuhũ, ni yũhtiahye tiquiro tiquinare.

Tiquiro sa nigũta canaca yahuahye.

75 Tiquiro yahugũ tũhoro Jesu tiquirore nidire wacũahye. “Canaca tiquiro yahuato pano ‘Jesure masiedaga’, niita mähũ. Ihtia taha warõ sa niita mähũ”, Jesu tiquirore nidire wacũahye Pedro. Sa wacũno, ti sahrĩnore wijia, tutuaro utiahye.

27

Pilato cahapũ Jesure neahye

(Mr 15.1; Lc 23.1-2; Jn 18.28-32)

1 Sa ye bohrea quehagũpũ pahia pũhtõa mari judio masa bũcũna gãhũ Jesure tiquina wejẽ dutiatire cahme yahuducuahye.

2 Tiquina sa yeri bato tiquirore dãhte, Pilato cahapũ nea, tiquirore ohoahye

Pilatore. Pilato pehe ti yehpa cǵēna pǵhtoro ijiri.

Juda Iscariote yariaa wahahye

³ Sa yero Jesure tiquina wejē dutigū ihñano Juda pehe Jesure ihñoriquiro tiquirore tiquiro ihñorire tutuaro wacū bǵhna witiahye. Sa bǵhna witiro treinta cjoeri tiquiro ñehedi niñeru cjoerire wiaro waharo, pahia cahapǵ, bǵcǵna cahapǵ esa, ohō saha niahye:

⁴ —Jesu mǵsare yǵhǵ ihñoriquiro ñañe marieniquiro tiquiro ijiepegūta tiquina wejē dutiri tiquirore. Sa yegǵ mǵsare tiquirore ihñogǵ ñano yegǵ niaya yǵhǵ, ni yahuahye Juda tiquinare.

Tiquiro sa ni yahuri bato tiquina yǵhtiahye:

—Sata yecūnahdo. Ǵsāre dǵhseati ijierare ti mǵhǵ sa niñe. Mǵhǵ dihita sa ni tǵhoture tire, ni yǵhtiahye tiquina tiquirore.

⁵ Tiquina sa ni yǵhtiri bato Cohācǵū ya wǵhǵpǵ Juda tiquiro ye niñeru cjoerire doque site cūahye. Doque site cū, wahaa wahahye. Waha, yuta dare dǵhte ohō, tiquiro basi wamǵare tu suha, uhpu cǵū sa, yariaa wahahye.

⁶ Sa ye pahia pǵhtoa niñeru cjoerire ne, ohō saha niahye:

—Ahri niñerure Cohācǵū wǵhǵ cǵā acaropǵ niñeru ihbori acaropǵ mari cū masiedaja. Ahri niñeru mehnata masǵnore wejē dutiri. Sa ye mari ye dutiye marine sa ijiye niñerure ihbo

dutierare, niahye tiquina basi.

⁷ Tiquina sa nidi bato “Ohō saha yeihna”, tiquina ni yahuri bato dihi suturire yeriquiro ya yehpare dúahye. Ti cjoeri mehna dúahye. Ape sie cǵēna tiquina wihi tiquina yariagū tiquina yati yehpa ijiatore ti yehpare dúahye.

⁸ Sa ye ti yehpare “Dii yehpa”, wame yeri masa. Yojopǵ gǵhǵre sata wame tire.

⁹ Ahri ijipihtiye sa wahahye Jeremia panopǵ “Sa waharota”, tiquiro ni ojoariro sahata. Tiquiro Cohācǵū yere yahu mǵhtariquiro ijiahye. Ohō saha ni ojoahye tiquiro: “Treinta niñeru cjoerire plata cjoerire ‘To punota wapa yenata tiquirore ǵsā ñehetire’, nieta Israe masa.

¹⁰ Sa ye ti cjoeri mehna dihi suturire yeriquiro ya yehpare dúeta tiquina. Ohō sahata yǵhǵre ye dutiri Cohācǵū”, ni ojoahye Jeremia panopǵ.

Pilato Jesure sinituahye

(Mr 15.2-5; Lc 23.3-5; Jn 18.33-38)

¹¹ Sa ye Pilatore tiquina ohori bato tiquiro pehe Jesure sinituahye:

—ǵPotota judio masa pǵhtota ijiajari mǵhǵ? ni sinituahye Jesure.

—Mǵhǵ nino sahata ijiaja, ni yǵhtiahye Jesu.

¹² Sa ni yǵhtieperota, pahia pǵhtoa, bǵcǵna gǵhǵ tiquina tiquirore yahusǵgǵ yǵhtierahye Jesu.

13 Tiquiro sa yuhtieragũ ihñano Pilato sinituahye:

—¿Ahri ijipihtiye mahure tiquina yahusãrire tãhoerajari mahũ? ni sinituahye tiquiro Jesure.

14 Tiquiro sa ni sinituepegũta Jesu ne mehenogã yuhtierahye. Tiquiro sa yuhtieragũ ihñano Pilato ne dũhse ni masiedahye.

Jesure wejẽ dutiahye

(Mr 15.6-20; Lc 23.13-25; Jn 18.38-19.16)

15 Cũhmaripe pascua ijigũ masa yaquiro ijia-tiquirore ihcãquiro peresupũ ijiriquirore Pilato sa wio basaducue tiahye.

16 Ti pjere Barrabá wame tiriquire peresupũ ijiahye. Tiquirore masiahye masa.

17 Sa yero tiquina cahme-coagũ Pilato pehe sinituahye tiquinare:

—¿Diquiro pehere mũsare wio basaboagari yũhũ? ¿O Barrabá pehere o Jesure Cristo tiquina nidiquirore wio basaboagari yũhũ? ni sinituahye tiquiro.

18 Jesure masa cahĩgũ ihñañe judio masa mari pũhtoa tiquirore ihña tuhtiahye. Sa ihña tuhtiye tiquirore ohoahye Pilatore. Sa yero masa tiquina cahĩdi buhiri tiquina ihña tuhtirire masino Pilato Jesure wio duamahye.

19 Sa ye Pilato masare ñañe yeyequinare tiquiro beseri pahtapũ dujigũ tiquiro namono tiquirore quti ohoahye: “Mia ñamine

Jesure quehẽgo, tutuaro ñano yũhdũũ. Sa yegũ tiquirore ñañe marieniquirore ne sijoro saha yeracãhña mahũ”, ni yahudoqueoahye tiquiro namono Pilatore.

20 Sa ye coã waropũre pahia pũhtoa, bũcũna gũhũ masare ohõ saha ni duti tuhasahye. “Barrabá pehere wio duti, Jesu pehere wejẽ dutiya”, ni dutiahye masare.

21 Sa yero Pilato masare sinituahye:

—¿Ahriquina puarore diquiro pehere mũsare wio basaboagari yũhũ? ni sinituahye.

—Barrabá pehere wio basaya usãre, ni yuhtiahye.

22 —¿Ahriquiro Jesu Cristo tiquina nidiquiro pehere dũhse yeitari yũhũ, mũsa sa ni sañuducugũ? ni sinituahye tiquiro.

—Curusapũ quẽ biha wejẽña tiquirore, ni yuhtiahye masa ijipihtiyequina.

23 —¿Yabe borore ñañene yeari ahriquiro, mũsa sa nigũ? niahye tiquiro.

Tiquiro sa nigũ tãhoye tiquina tutuaro mehna sañuducuahye:

—Curusapũ quẽ biha wejẽña tiquirore, ni sañuducuahye masa tiquirore.

24 Tiquina sa ni sañuducugũ tãhoro, tiquirore tiquina tãho dueragũ ihñano “Masa usua, cahmequeboaga”, nino, yuhtiro ohõ saha yeahye Pilato. Masa tiquina ihñonopũ tiquiro omo coseahye. Sa omo cosero ohõ saha niahye.

—Ahriquiore wejēdi buhiri yee buhiri ijierare. M̄sa ye buhiri ijire, nino omo coseahye.

25 Tiquiro sa nigū tuhoye ijipihtiyequina masa ohō saha niahye.

—Ahriquiore wejēdi buhiri ʘsā, ʘsā pohna gūh̄ ʘsā ye buhiri ijiahro, niahye masa.

26 Tiquina sa nigū tūhoro Pilato Barrabāre p̄resup̄ ijiriquirote wio dutiahye masa tiquina cahmeniquirote. Sa ye tuhasa Jesu pehere yuta dari mehna tana duti, tiquirote curusap̄ wejē dutiro ohoahye surarare.

27 Tiquiro sa ohogū Pilato ya w̄h̄ap̄ tiquiro yequina surara Jesure neñe esahye. Sa ye tiquina surara ijipihiyequina Jesu cahap̄ cahmecoahye.

28 Sa ye tiquiro suhtire tu we ne, p̄h̄toro ya suhtiro saha bajuri suhtirote tiquirote s̄ahye.

29 Sa s̄a tuhasa, pota behotore ye tuhasa, tiquiro dapu bui duhu peoahye. Sa duhu peo tuhasa, yuc̄gure poto pehe dahra suhahye. Dahra suha tuhasa, d̄sepe curi mehna quehe sa, b̄j̄peahye tiquirote.

—Quehnoano ahtaya. Judio masa p̄h̄to, quehnoano ahtaya, ni b̄j̄peahye tiquirote.

30 Sa nieta tiquirote sihco puti ohō, tiquina dahra suhad̄re tiquirote t̄ā we

ne, tiquiro dapure quēahye tū mehnata.

31 Tiquina sa b̄j̄peri bato tiquina s̄ari suhtirote tu we ne, tiquiro ye suhti pehere s̄ahye tja. S̄a tuhasa, curusap̄ wejēñe tehe, tiquirote ne wijiahye.

Tiquina Jesure curusap̄ quē biha, wejēahye

(Mr 15.21-32; Lc 23.26-43; Jn 19.17-27)

32 Tiquirote ne c̄a, Simo wame tiriqirote Cirene c̄j̄nore piti ca, tiquirote Jesu w̄ari curusare w̄a c̄a dutiri.

33 W̄a c̄a Gólgota wame t̄rop̄ esari. “Gólgota”, nino “Dapu pehtoro”, nino nine.

34 Sa ye vinore s̄ēñe co mehna tiquina moreñe core Jesure ohomedi. Ti acore sihni tuhu, sihniedari tiquiro.

35 Sa ye Jesu ye suhtire tiquina tu we nedi bato tiquirote curusap̄ quē bihari tiquina. Sa quē biha tuhasa, tiquiro ye suhtire “¿Noa yaro ij̄rotari ohō?” ni, cahme doqueperi, ni ojoahye panop̄.

36 Doquepe tuhasa tiquirote ih̄ña dujiducuri tiquina.

37 Tiquiro dapu bui curusap̄ ohō saha ni ojoari p̄j̄ne duhu ohōri tiquina tiquiro ñañe buhirire yahu duaye. “AHRIQUIRO JESU JUDÍO MASA P̄HTORO IJIRE”, ni ojoari tiquina ti p̄j̄ne.

38 Came p̄aro yaque b̄c̄nare Jesu cahap̄ apeye curusarip̄ quē biha docori tiquina. Ih̄c̄aquirote tiquiro poto pehe, apequirote tiquiro

cũ pehe pehe quē biha docori tiquina.

39 Curusari cahapũ yũhdũ cãñequina Jesure ihña, tiquina dapu pacare yure, tiquiore ñano yahuducuri:

40 —¿Cohãcjũ wũhũre cohã, ihtia deco wahaboro pari turi ti wũhũre dahreborigũ ijiajari mũhũ? Cohãcjũ macũ ijigũ mũhũ basi dijia taya. Sa yegũ mũhũ basi yedohoya, nidi masa.

41 Sata ni bũjũperi tiquiore. Pahia pũhto gũhũ, marine judio masare buheyequina gũhũ, bũcũna gũhũ tiquiore sa ni bũjũperi.

42 —Tiquiro apequinare yũhdũoriquiro ijiro tiquiro basi gũhũ yũhdũoahro. “Ísrae masa pũhto ijiaja”, nimene tiquiro. Sa yena tiquiro basi dijia tagũ ihñana tiquiore wacũ tutuanata.

43 Tiquiro pehe Cohãcjũre wacũ tutuamene. Sa yero “Cohãcjũ macũ ijiaja”, nimene tiquiro. Tiquiro sa ijigũ Cohãcjũ pehe tiquiore yedohoahro, ni bũjũperi tiquina.

44 Yaque bũcũna tiquiro cahapũ tiquina quē bihanohriquina sata tiquiore bũjũpe, ñano yahuducuri tiquina gũhũ.

Jesu yariaa wahahye

(Mr 15.33-41; Lc 23.44-49; Jn 19.28-30; He 6.19-20; 10.19-20)

45 Sa ye coheri pje ijigũ ihtia hora waro ijipihtiropũ nahitiano ijiri.

46 Sa yero ti pjere nahitia yũhdũgũ waro Jesu tutuaro sañuducuri:

—¿Elí, Elí lema sabactani? nidi tiquiro. Sa nino ohõ saha nino niahye: “¿Yũhũ Pacũ, yũhũ Pacũ, dũhsegũ yũhũre cohãjari mũhũ?” nino nidi.

47 Tiquiro sa nigũ tũhoye ihquēquina topũ ducuyequina ohõ saha nimedi:

—Cohãcjũ yere yahu mahtariquiore Eliare pijoro niboaga, nimedi tiquina.

48 Sa yero ihcãquiro tiquina mehna cjũno oma cã, aco ihmini sũhte mehna vino sũẽñe core soha tuhasa, yucũgũ sohtoapũ dũhte ohõ, Jesu cahapũ esa, tiquiore sihõmedi.

49 Tiquiro sa yegũ ihñañe apequina sihõriquiore ohõ saha nidi:

—Cohteniña. Elia ahriquiore tiquiro yũhdũogũ ihñaũhna mari, nidi apequina.

50 Tiquina sa nidi bato pari turi sañuducu, Jesu pehe yariaa wahari.

51 Tiquiro yariagũta Cohãcjũ wũhũ cjã suhtiro cahsero, topũ tiquina cahmotari cahsero deco tũhũ maa dijia, cjũ saa wahahye. Sa yero yehpa gũhũ ñuhmidi. Sa ñuhmigũ utã paca bũjũye paca wahtia wahari.

52 Sa ye masa coperi parĩgũ, peyequina Cohãcjũ yequina mũna panorpũ yariariquina mũna masa wijiayehye.

53 Masa wija, Jesu masa wijiari bato ti coperire cohã cã, quehnoari macapũ

Jerusalēp_u wahari tiquina. Top_u tiquina wahagū peyequina masa ihñahye tiquinare.

54 Sa ye ti ijipihtiyere ihñañe, yehpa ñuhmigū ihñañe, surara p_uhtoro tiquiuro yequina surara mehna ihña maria wahari. Tiquina Jesure curusap_u ijiriquiuro cohteyequina ijiri. Ihña maria waha, ohō saha nidi:

—Ijirota ijire. Ahriquiuro Cohācjū mac_unota ijimeya, nidi tiquina.

55 Sa ye Galileap_u Jesu mehna ahtariquina numia tiquiurore yedohoriquina numia yoarop_u tiquiurore curusap_u ijiriquiurore ihñaducuye nidi.

56 Tiquina numia mehna María Magdalena ijiri. Apecoro María wame tiricoro gūh_u ijiri. Ticoro pehe Santiago, José gūh_u pacoro ijiri. Apecoro Zebedeo namono ijiri.

Jesu pag_ure masa copep_u cūahye José

(Mr 15.42-47; Lc 23.50-56; Jn 19.38-42)

57 Sa ye ñamicap_u José Arimatea cjāno doeri cjē up_uro top_u wihiahye. Tiquiro Jesu buheriquiro ijiri.

58 Wihi, Pilato capap_u esa, Jesu pag_ure siniahye. Tiquiro sa sinigū t_uhoro Jesu pag_ure tiquiurore oho dutiahye Pilato.

59 Tiquiro sa dutiri bato José pehe tiquiuro pag_ure ne dijio, quehnoari suhtiro

wete marieni suhtiro mehna tiquiuro pag_ure wahmeahye.

60 Wahme tuhasa, José tiquiuro ya masa copep_u cūahye Jesu pag_ure. Ti cope tiquina utāp_u seheri cope wahma cope ijiri. Ti copep_u ne sajā duhu cū tuhasa, pajiria utāre tu torē cāhye tia mehna biharo taro. Biha tuhasa, wahaa wahahye.

61 Sa ye María Magdalena, apecoro María mehna ti copere ihña dujiducuahye.

Jesure tiquina cūri copere surara cohteahye

62 Sa ye ape deco, pascua ijiatire tiquina quehnoari deco bato, saurū ijigū pahia p_uhtoa, fariseo masa gūh_u Pilato capap_u cahmecoahye.

63 Cahmecoahye tuhasa ohō saha niahye tiquina Pilatore:

—P_uhto, tiquiuro ni mehoriquiuro Jesu catiro ohō saha niahye: “Ihtia deco wahaboro masa wijiag_utja y_uh_u”, niahye tiquiuro.

64 Tiquiro sa nidiquiro ijigū tiquiuro buheyequina pehe tiquiuro pag_ure yaqueboaga. Sa yaqueye masare ohō saha niboaga: “Jesu masa wijiari”, niboaga tiquina. Tiquiro Jesu pehe masare ni mehono nidi. Sa ijiepegāta tiquiuro buheyequina pehe “Tiquiro masa wijiari”, niñe, ni mehoñe nieta. Sa yero Jesu tiquiuro ni mehoriro y_uhd_uoro tiquina ye ni mehoñe pehe ña y_uhd_uarota. “Sa yaqueari”, nig_u ihtia deco waro tiquiuro masa copere m_uh_u yequina surarare

cohte dutiya, niahye tiquina Pilatore.

⁶⁵ Pilato yãhtiahye:

—Ан. Ti copere cohteahro. Sa yena m̄sa ḡh̄ m̄sa ye masino puno ti copere quehnoano cohteya, niahye tiqiuo tiquinare.

⁶⁶ Tiquiro sa nigũ tiquina waha, ti copere biharia utã mehnãputa ñehogũputa wihtã ñeheahye masa tiquina sajãgũ ihña masiñe tehe. Sa ye surarare ti copere cohte dutiahye.

28

Jesu masa wijiahye

(Mr 16.1-8; Lc 24.1-12; Jn 20.1-10)

¹ Sa ye judio masa mari sori deco saurũ pehe yãhdugũ domingo ijigũ ñami cjũnogã ijigũ María Magdalena apecoro María mehna Jesu masa copere ihñañe wahahye.

² Sa yero duita yehpa tu-tuaro ñuhmiahye. Sa ñuhmigũ mari pãhtoro tiquiro yaquiro angel ãhm̄sep̄ ijiriquiro dijia ta, masa copere biharia utãre tu torẽ cã, tia bui dujiahye.

³ H̄po miadoqueoro yero saha quehnoano asi siteahye tiquiro. Sa ye tiquiro suhti ehmeo curua yero saha quehnoano yehseye suhti ijiahye.

⁴ Tiquiro sa bajuagũ ti copere cohteyequina surara cue yãhd̄ye, nanare yãhd̄na waha, buigã warona yaria yãhd̄na wahahye.

⁵ Sa yero angel pehe tiquina numiare ohõ saha niahye:

—Ȳh̄re cueracãhña. Curusap̄ tiquina quẽ bihariquiro, Jesure m̄sa macagũ masiaja yãh̄.

⁶ Tiquiro yojop̄re ohõre mariedare. Tiquiro nidiro sahata masa wijiaa wahari. Tiquiro paḡre tiquina cũrirore ihñana ahtaya.

⁷ Sa yena tiquiro buheyequina cahap̄ ãm̄ñano waha, ohõ saha ni yahuna wahaya: “Jesu masa wijiarĩ. Sa yero m̄sa pano Galileap̄ tiquiro wahayurota. Top̄ tiquirore ihñanata m̄sa”, ni yahuna wahaya m̄sa. Ahrita ijire m̄sare yãh̄ yahuri quiti, niahye angel tiquina numiare.

⁸ Tiquiro sa nidi bato tiquina numia masa copep̄ ijiye numia sojaro mehna wijia, tiquirore cuepeta bucue yãhd̄ye mehna Jesu buheyequinare yahuye oma cãa wahahye.

⁹ Sa wahayequina numiare Jesu piti ca, ohõ saha niahye:

—¿Quehnoano ijiajari m̄sa? niahye tiquiro.

Tiquiro sa nidi bato, tiquina pehe tiquiro cahap̄ esa, dahpocãrine ñehe, tiquirore ño peohye.

¹⁰ —Cueracãhña m̄sa. Ȳh̄ bahanare “Galileap̄ wahaya”, ni yahuna wahaya. Top̄ yãh̄re ihñaeta tiquina, niahye Jesu tiquinare.

Masa copere cohteyequina surara tiquina ihñarire yahuahye

11 Tiquiro sa nidi bato numia wahari watoa ihquēquina masa copere cohteriquina mehna cjēna surara, Jerusalēpū pahia pūhtoare ijipihtiyere yahu pehoye wahahye. Jesu tiquiro masa coperpū wijiaripe yahu peho cāhye.

12 Tiquina sa ni yahugū pahia pūhtoa, judio masa mari bucūna mehna cahme-coahye. Cahmecoahye, yahuducuahye. Sa yeye surarare ni meho dutiye niñerure wapa yeahye.

13 —Ohō saha niña mūsa masare: “Ñami usā carīdi bato tiquiro buheyequina pehe masa coperpū wihi, tiquiro pagure ne cāri jiri”, ni yahuya masare.

14 Mūsa sa ni yahugū Pilato pehe mūsa carī yūhdūarire tūhoboaga. Tiquiro sa tūhogū, “Mū sare tuhtiari”, nina, mū sare yahu basanata usā tiquirore, niahye tiquina surarare.

15 Tiquina sa nidi bato surara pehe niñerure ñehe, tiquinare tiquina ni meho dutiro sahata masare yahuye wahahye. Sa ye tiquina ni mehoriro sahata Jesu tiquiro masa copere wijiaripe yahuducuri judio masa. Yojopū gūhure sata nine tiquina.

Jesu tiquiro yere buhe dutiro ohoahye tiquiro buheyequinare

(Mr 16.14-18; Lc 24.36-49; Jn 20.19-23)

16 Sa ye usā Jesu buhena once buhena cūpūpū

Galileapū ijidūpū Jesu tiquiro waha dutidūpū wahaū usā.

17 Topū esa, Jesure ihñana, ño peou usā tiquirore. Sa ño peopenata, usā ihquēquina “Ahriquiro Cohācjū macūno ijieraboaga”, ni tūhotumi.

18 Usā sa ño peogū tiquiro pehe usā cahapū wihi, ohō saha nidi:

—Ahri yehparapūre, ūhmūserpū gūhure Cohācjū ijipihtiyequina bui tutuayere ohori yūhure.

19 Tiquiro sa ohogū ohō saha dutiaja mū sare: Ijipihtiro cjēnare yeere buhena wahaya. Yeequina tiquina wahatire buhena wahaya. Sa yena mari Pacū wame mehna, yūhū wame mehna, Espiritu Santo wame mehna tiquinare wame yeya.

20 Sa yena mū sare yūhū dutire tiquina ye pehoatire buheya tiquinare mū sa. Sa yena ahripe yūhū niatire wacūña: Ijipihtiyē decori ahri yehpa ijiro puno mū sa mehna sa ijiducugūtja. Mū sa mehna yūhū sa ijiducuatire wacūña mū sa, ni yahuri usāre Jesu.

San Marcos

Ñu wame yeriquiro buhe dñcahye

(Mt 3.1-12; Lc 3.1-9, 15-17; Jn 1.19-28)

1 Ahri pũpũ Jesucristo Cohãcjũ macũno tiquiro yerire quehnoañe buheyere yahu dñcaja.

2 Cohãcjũ yere yahu mũhtariquiro mũnano Isaia tiquiro ojoariro sahata yahuye ijire. Ohõ saha ni ojoahye tiquiro:

Cohãcjũ tiquiro macũnore ohõ saha niahye: “Mũhũ pano mahare yahuyuatiquirore ohoyugũ niaja.

3 Sa yero tiquiro masa marienopũ waharota. Tiquirore tũhoyequinare yahuro sañuducurota: ‘Mari pũhtoro tiquiro ahtato pano mahare mari quehnoyuro saha quehnoana ijiyuya mũsa. Mũsa ñaÑe yerire bujũa witiya,’ ni sañuducurota,” niahye Cohãcjũ, ni ojoahye Isaia.

4 Ñu wame yeriquiro masa marienopũ buhee tiahye.

–Mũsa ñaÑe yerire bujũa witiya. Yojobũre quehnoañe pehere comesaya. Sa yena wame yenohrina ijiya. Mũsa sa comesagũ ihñano Cohãcjũ mũsa ñaÑe yerire borota, ni buhee tiahye tiquiro.

5 Sa yero ijipihtiyequina Judea dihta cjẽ macari cjẽna Jerusalẽ cjẽna mehna tiquiro cahapũ esagũ ihñañõ Ñu pehe

Jordã wame tiri mapũ wame yeahye tiquinare. Tiquinare tiquiro wame yegũ tiquina pehe tiquina ñaÑe yerire yahu yũhdũahye Cohãcjũre.

6 Sa yero Ñu camello poari suhtirore sañariquiro wahiquina cahsero mehna tũã dihoriquiro ijiahye. Poreroare, umiquina nũcũ cjẽna umine ihyae tiahye.

7 Sa yero ohõ saha ni buhee tiahye.

–Yũhũ bato yũhũ yũhdũoro tutuariquiro ahtarota. Quehnoa yũhdũariquiro ijire tiquiro. Tiquiro yero saha ijieraja yũhũ pehe. Sa yegũ tiquirore tũhotugũ, “Ihyo ijigũ ijiaja yũhũ”, ni tũhotuaja yũhũ.

8 Mũsare wame yegũ aco mehna wame yei. Tiquiro pehe yũhũ yũhdũoro yerota. Espiritu Santore masa mehna ijiducugũ yerota, ni buhee tiahye Ñu.

Ñu Jesure wame yeahye

(Mt 3.13-17; Lc 3.21-22)

9 Sa ye ti pjere Jesu Nazarepũ Galilea yehpapũ ijiri macapũ ijiriquiro Jordã wame tiri mapũ esahye. Topũ tiquiro esagũ Ñu wame yeahye tiquirore.

10 Tiquiro wame ye tuhasagũ Jesu diapũ ijiriquiro maja sadũca uhmũanopũ ihñã mũoahye. Uhmũse parĩ maa wahahye. To parĩ maagũta Espiritu bujua yero saha Jesu bui dijia tahye.

11 Sa yero uhmũsepũ yahuducuro ca tahye:

—Muhu yahu macu yahu cahigu ijire. Muhu mehna tutuaro bucueaja, nino ca tahye umusepu.

Satana ñañene ye dutimahye Jesure

(Mt 4.1-11; Lc 4.1-13)

12 Ti pjere Jesure masa marienopu Espiritu Santo neahye.

13 Topure esaro cuarenta decori waro ijahye. Watino pehe Jesu tiquiro ñañene yegū ihña duaro ñañene ye dutimahye tiquirore. Sa yero Jesu wahuquina nucu cjēna mehna ijahye. Topu tiquiro ijigū ihñañe angele pehe tiquirore yedohoahye.

Jesu Galilea yehpapu buhe dhacahye

(Mt 4.12-17; Lc 4.14-15)

14 Sa ye Nure peresupu tiquina biha daporu bato Jesu pehe Galilea yehpapu quehnoañe buheyere Cohācjū puhtoro ijiyere yahuro wahahye.

15 Ohō saha ni yahuahye:

—YojoPURE ohō saha ijire. Cohācjū tiquiro puhtoro ijiato mehenogā dūhsare. MUSA ñañe yerire bujua witiya. Sa yena quehnoañene came-saya. Quehnoañe buheyere tuhoya mUSA, ni buhee tiahye Jesu.

Jesu pititiaro wahi yohyeyequinare “Yuhu mehna cjāna ijiana ahtaya”, niahye

(Mt 4.18-22; Lc 5.1-11)

16 Tire yahu tuhasaro Galilea wame tiri ditara dūhtu cahapu esaro, ihñahye

Simore, tiquiro bahuro Andre mehna. Tiquina wahi yohyeyequina ijahye. Sa ye tiquina wēñecjare doque ñoñe niahye ti ditarapu.

17 —Yuhu mehna cjāna ijiana ahtaya mUSA. Yuhu mehna mUSA ahtagū mUSA wahire ñehe cahmecoana mUSA ijiro saha Cohācjū yequina ijiatiquinare masare piji cahmecoana ijigū yeitja mUSA. Yuhu mehna mUSA ahtagū sa yeanajare cūtja mUSA, niahye Jesu.

18 Tiquiro sa nigū tuhoye tiquina wēñecjare cū cā, tiquiro mehna wahahye.

19 Sa ye tiquina mehenogā yuhdu cā, Santiagore, tiquiro bahuro Nū gūhure boca sahye tja. Tiquina pehe Zebedeo pohne ijahye. Tiquina yaria yucasapu wēñecjare quehnoñe niahye.

20 Sa yero tiquiro pijogū tiquina pehe tiquina pacurore, tiquirore yedohoyequina mehna yucasapu cū cā, Jesu mehna wahahye.

Watīare cūoriquiro Jesure piti cahye

(Lc 4.31-37)

21 Sa ye tiquina Capernau wame tiri macapu esahye. Sa yero saurū ijigū judio masa buheri wuhapu buhero esahye tiquiro.

22 Sa yero tiquiro quehnoano masi pehoriquiro buhero usā judio masare buheyequina yero saha ijierahye tiquiro. Tiquiro sa buhegū ti maca cjēna tuho maria wahahye.

23 Ti pjere ti wuhapu ijiriquiro watfare caoriquiro ijiahye. Sa yero ohō saha niahye Jesure:

24 —Muhu Jesu Nazare cjū cariboeracāhña usāre. ¿Duhse yei tūu niajari usāre? ¿Muhu usāre butigū yei tūu niajari? Cohācjū macu quehnoagu muhu ijigū yuhu masiaja, ni sañuducuahye tiquiro Jesure.

25 Tiquiro sa nigū tūhoro Jesu tuhtiahye watfare:

—Dihta mariahña. Duhuya tiquirore, niahye Jesu.

26 Sa yeye watfa tiquirore yehpamu doque quehe sa tunugū yeye, tiquiro tutuaro sañuducuri watoa duhuahye tiquirore.

27 Sa ye ijipihtiyequina ti wuhapu dujiyequina acua yuhdha waha, ohō saha niahye:

—Ahyou. ¿Ahri wahma buheye ijiajari? Tiquiro puhtoro yero saha dutire watfare. Tiquiro dutigū tiquina watfa pehe yuhdudcaerare tiquirore,

ni yahuducuahye ti wuhapu dujiyequina tiquina basi.

28 Sa ye meheñe decori batota duita ijipihtiyequina Galilea yehpa cjēna tire tiquiro sa yerire tūhoahye.

Jesu Simo Pedro mareonore duti yuhdugū yeahye
(Mt 8.14-15; Lc 4.38-39)

29 Sa ye Jesu gūhu judio masa buheri wuhapu ijiriquina wijiaa wahahye. Tiquina sa wijari bato Jesu, Santiago, Ńu, apequina tiquina mehna cjēna gūhare,

Simo, tiquiro baharo Andre mehna tiquina ya wuhapu siho sajā sahye.

30 Ti pjere Simo mareono ujuaye dohatiricoro cuñano bui ticoro cuñagū ihñañe yahuahye Jesure.

31 Tiquina sa ni yahugū tūhoro tiquiro pehe ticoro cahapu esaro, ticoro omocare ñehe, ticorore weje wahcō dapoahye. Tiquiro sa weje wahcō dapogūta ticorore ujuaye surua wahahye. Ti sa sururi bato ticorota ihyayere peoahye.

Jesu peyequina dohatiye-quinare yuhduoahye
(Mt 8.16-17; Lc 4.40-41)

32 Ńamicahapu asū sajāri bato masa peyequina dohatiyequinare, watfa cuoyequinare Jesu cahapu ne sahye.

33 Sa ye ijipihtiyequina ti maca cjēna cahmecoa dūca sahye ti wuhu sopecahapu.

34 Sa yero Jesu peyequina dohatiyequinare, peyequina watfa cuoyequinare quehnoa wahagū yeahye. Peyequina watfare cohāhye. Sa yero Jesure watfa tiquirore masigū ihñano Jesu pehe tiquinare yahuducu dutierahye.

Jesu buhe tinino wahahye
(Lc 4.42-44)

35 Sa ye ñami cjūno wahcā, nahitia cjūgū masa marienopu Cohācjūre sinino wahahye Jesu.

36 Tiquiro sa wahagū ihñañe Simo gūhu tiquirore macañe esahye.

37 Sa ye tiquirore piti caye, ohō saha niahye:

—Masa ijipihtiyequina mähure macañe nidi, niahye tiquina.

38 Tiquina sa nigū tūhoro ohō saha niahye Jesu:

—Ahri macarine buhegū ahtaṽ yūhū. Sa yena ap-eye macari ohō cahagā cĵē macaripū wahaūhna mari. Yūhū ti macari gūhure buheitja, niahye Jesu tiquinare.

39 Sa yero ijipihtiye Galilea yehpare buhe tiniahye. Sa yero macaripe judio masa buheye wūhūsepū buhero, wāñare masa mehna ijiyequinare cohā wioahye.

Jesu camī būcū mūna wihirore yūhdūoahye

(Mt 8.1-4; Lc 5.12-16)

40 Sa ye apequiro dohatiriquiro camī būcū mūna wihiro Jesure piti caro dūsepe curi mehna quehe sa siniahye:

—Mūhū yūhūre yūhdūo duagū yūhdūoya, niahye camī būcū mūna wihiro.

41 Tiquiro sa nigū tūhoro Jesu tiquirore paja ihñahye. Sa yero tiquiro omocare siōdoqueo tiquirore ña peoahye. Sa ña peoro ohō saha niahye:

—Tire ye duaja. Quehnoagu ijiya mūhū, niahye Jesu.

42 Tiquiro sa nigūta tiquiro camī ahbari yati maa wahahye. Quehnoa wahahye tiquiro.

43 Tiquiro sa wahagū ihñano Jesu tiquirore tutuaro mehna yahuahye:

44 —Apequinare ahrire yahu siteracāhña. Sa yahuerapegūta mūhū pagūre pahire ihñōña. Cohācĵū dutiye Moiserē tiquiro cūriro sahata yeya. Sa yegū minicjūare ohoya pahire mūhū quehnoagū mūhū waharire masare mūhū ihñōatire, niahye Jesu. Sa ni tuhasa “Wahaya”, niahye tiquirore.

45 Tiquiro sa yahu dutierapegūta tiquiro waha, ijipihtiye macari cĵēnare Jesu yerire yahuahye. Tiquiro sa yahuri bato Jesu masa peyequina ijiropūre waha masiedahye. Sa yero tiquiro meheñequinagā ijiropū iji-ahye. Topū tiquiro ijigū peye macari cĵēna tiquiro cahapū esahye.

2

Jesu tini masieniquirore tinigū yeahye

(Mt 9.1-8; Lc 5.17-26)

1 Meheñe decori bato Jesu Capernaupū tojoa wahahye. Wūhūpū tiquiro ijigū masa tūhoahye.

2 Sa ye topū masa peyequina cahmecoā, ti wūhūre wahpa wijiadūca saa wahahye. Sa yero Jesu tiquinare quehnoañe buheyere yahuahye.

3 Sa ye apequina gūhū ahta, pititiaro ūmūa tini masieniquirore ne wihiahye.

4 Tiquina masa peyequina ijigū ihñañe Jesu cahapū saĵā

masiedahye. Sa ye tiquina wuhū buipū muji pahmare ne wedoqueo, Jesu bui waro meheni copegā dahre, tini masieniquirote tiquiro cuñari cahsero mehna duhu dijioahye Jesu caha waro. “Jesu ahriquirote tiquiro dohatiyere yuhdugū yerota”, ni tūhotuahye tiquina.

⁵ Tiquina sa ni tūhotugū masino Jesu pehe dohatiriquirote ohō saha ni yahuahye:

—Yuhū macū, mūhū ñañe yerire cohā tuhasaū, niahye Jesu tini masieniquirote.

⁶ Tiquiro sa nigū tūhoye, usā acaye judio masare buheyequina topare dujiyequina tiquina basi ohō saha ni tūhotumahye:

⁷ “Ahriquirote sa ni yahuducueracāhdo. Cohācjūre ñano yahuducuro nine tiquiro. Masūno mari yero saha ijiriquiro ijire tiquiro gūhū. Sa yero tiquiro ahriquirote ñañe yerire cohā masiedare. Cohācjū dihita masa tiquina ñañe yerire cohā masine”, ni tūhotumahye tiquina.

⁸ Tiquina sa ni tūhotugū ihñano Jesu tiquina tūhotuyere masino ohō saha niahye:

—¿Dūhse yena mūsa sa ni tūhotuajari?

⁹ “Mūhū ñañe yerire cohā tuhasaja”, yuhū nigū, “Ni mehogu ijire”, yuhūre nina nine mūsa masiedapenata. Tiquiro tini masieniquirote “Wahcādūca, wahaya”, yuhū nigū, tiquiro tinigū ihñana yuhū nidi potota ijigū duita masinata mūsa.

¹⁰ Yuhū masū Cohācjū ohorigū ahri yehpapūre masa tiquina ñañe yerire cohā masiaja yuhū. Yuhū sa cohārire mūsa masiato saha ohō saha tiquiro wahagū yeitja, niahye Jesu judio masare buheyequinare.

Sa ni tuhasa tini masieniquirote ohō saha niahye:

¹¹ —Mūhūre niita niaja. Wahcādūcaya. Mūhū cuñari cahserore ne cāhñā mūhū ya wūhūpū, niahye Jesu tiquiro.

¹² Tiquiro sa nigūta tini masieniquiro wahcādūca sa, tiquiro cuñari cahserore ne, ijipihtiyequina tiquina ihñono wijiaa wahahye. Tiquiro sa yegū ihñañe tiquina ijipihtiyequina ihñā acūaa wahahye. “Cohācjū tutuariquirote ijire. Ne mari ohō saha yegūre ihñeda tii”, niahye tiquina basi.

Jesu Levíre “Yuhū mehna cjū ijiajū ahtaya”, niahye (Mt 9.9-13; Lc 5.27-32)

¹³ Sa ye pari turi Jesu ditara dūhtū cahapū wahahye. Sa yero masa peyequina tiquiro cahapū tiquina cahmecoagū ihñano tiquiro buheahye tiquinare.

¹⁴ Sa ye tuhasa topū ijiriquiro waharo Levíre Alfeo macūnore tiquiro dahrari tucūpū boca sahye. Apequina mehna pūhtoa ye ijiatire wapa ne cohteyequina ijiahye Leví gūhū. Tiquirore boca saro ohō saha niahye:

—Yuhū mehna cjū ijiajū ahtaya mūhū, niahye Jesu Levíre.

Tiquiro sa nigū Leví pehe wahcādūca sa, Jesu mehna wahahye.

15 Jesu mehna wahayequina peyequina ijiahye. Sa yero Leví ya wūhūpū mesa cahapū peyequina wapa ne cohteyequina mehna, “Ñano yeyequina”, tiquina niñequina mehna tiquiro buheyequina mehna dujiahye Jesu.

16 Topū tiquina dujiri bato apequina usā judio masare buheyequina, fariseo masa mehna Jesu tiquiro ihyagū ihñahye tiquina. Sa ihñañe ohō saha niahye:

—¿Dūhsero ñano yeyequina, wapa ne cohteyequina mehna ihyajari Jesu? ni sinituahye judio masare buheyequina Jesu buheyequinare.

17 Tiquina sa nigū tūhoro queoye mehna yūhtiahye Jesu:

—Dohatieyequina duturure macaedare. Dohatieyequina dihita duturure macare. Ñañequina dohatieyequina yero saha ijire. Sa yegū ñañequina dihitare tiquina ñañe yerire būjūa witi duti, quehnoañe pehere tiquinare comesagū yegū tagū nū yūhū. Tiquina basi “Quehnoana ijiaja usā”, ni tūhotuyequinare yedohogū tagū niedū yūhū, niahye tiquiro tiquinare.

Sijiyere Jesure sinituahye apequina

(Mt 9.14-17; Lc 5.33-39)

18 Ti pjere Ñū buheyequina, fariseo masa gūhū Cohācjūre ño peoye tehe, sijie tiahye. Sa ye masa Jesure sinituahye:

—Ñū buheyequina, fariseo masa buheyequina gūhū Cohācjūre ño peoye tehe sijire. ¿Dūhse ye mūhū buheyequina sijierajari? niahye tiquina Jesure.

19 Jesu tiquiro tūhotuyē mehna queoye mehna buhero tiquinare ohō saha ni yūhtiahye:

—Ohō saha ijire ti: Omoca dūhteriquiro bose deco ijigū tiquiro mehna cjēna būjūa witiro mehna ijierare. Sa ye sijiyequina ijierare. Sata yūhū buheyequina gūhū yūhū mehna ijiye, siji masiedare.

20 Yūhū Pacū Cohācjū yūhūre tiquiro neari bato pūritare pari turi yūhū buheyequina mehna ijisi yūhū. Sa ye ti pjepū yūhū buheyequina gūhū sijieta, niahye Jesu.

21 Panopū cjē buheye mehna tiquina buhe more duagū ihñano ohō saha ni nemoahye Jesu tiquinare queoye mehna buhero.

—Ne wahma cahsero suhtiro cahsero mehna mānāno suhtirore sere ohōno cahmedare. Sa yegū wahma cahsero mari coseri baō mānāno suhtirore weje cahmecoā, paji yūhdūaro tūhnūgū yere. (Sata māna buheye wahma buheye

mehna piti dahre buheraro cahmene.)

²² Sa yena ne uhse co bisiye core wahiquiro cahsero ajuropare muna ajuropare pose yeraro cahmene. Sa yegū uhse co bisiye pahmuñerū muna ajurore tahnū dijiaa wahare. Ti ajuro tahnugū uhse co gūhū ajuro gūhū cohāa wahare. Sa yena uhse co wahma core wahma ajuropū pose yero cahmene. (Sata wahma buheye muna buheye mehna buhe moredaro cahmene,) ni buheahye Jesu tiquinare.

Saurú ijigū Jesu buheyequina trigo parorire peheahye (Mt 12.1-8; Lc 6.1-5)

²³ Ape deco saurú ijigū Jesu gūhū trigo wesepū wahahye. Tiquiro buheyequina pehe trigo parorire pehe yuhdu cāhye.

²⁴ Tiquina sa yegū ihñañe ohō saha ni tuhtiahye fariseo masa Jesure:

—Tuhorīña usāre. ¿Dahse ye mūhū buheyequina saurú mari sori deco ijiepegūta dahrajari? Mari dutiyere yuhduhcaye nine, niahye tiquina Jesure.

²⁵⁻²⁶ Tiquina sa nigū tuhoro Jesu tiquinare yuhtiahye. “Yūhū buheyequina yuhduhcaye niedare”, nino taro ohō saha niahye:

—Davi mūnano tiquiro mehna cjēna mehna ujna ahbaro, Cohācjū wūhūpū sajā, Cohācjū ye pāre ihyahye. Sa yero tiquiro mehna cjēna gūhūre ti pāre ohoahye. Ti pāre pahia dihita ihyae

tiahye. Cohācjū dutiye tiquina ojoari pū apequinare ti pāre ihya dutierare. Ti pjere Abiatar wame tiriquire pahia pūhtoro ijiahye. ¿Davi gūhū tire tiquina yerire Cohācjū yere tiquina ojoari pūre buherari mūsa? (Ti pāre ihyaro Cohācjūre yuhduhcayo niedahye. Miare ahri pjerire ihyaye yūhū buheyequina gūhū Cohācjūre yuhduhcaye niedare,) niahye Jesu tiquinare.

²⁷ Sa ni tuhasa ohō saha ni nemoahye:

—Sa yero Cohācjū saurú decore tiquina sori deco cūno, masa ya deco cūno nidi dahra wahyariquinare so dutiro. Ti deco cahacjēna ijiatire cūno niedari masare.

²⁸ Sa yegū yūhū masū Cohācjū ohorigū ahri deco saurú decore masa tiquina yeatire yahugū ijigū pūhto ijiaja, niahye Jesu tiquinare.

3

Omoca bhariquire quiti ijire

(Mt 12.9-14; Lc 6.6-11)

¹ Sa ye Jesu usā judio masa buheri wūhūpū esaro, sajāhye tja. Sa yero omoca bhariquire gūhū topū ijiahye. Sa ye ti wūhūpū ijiyequina Jesu dihitaro ihñadoque ohōahye.

² Saurú ijigū Jesu omoca bhariquire tiquiro yuhduhogū ihña duahye tiquina. Tiquiro sa yegū ihñañe tiquirore yahusā duahye. “Mari sori decore

Jesu dahraro nine”, ni yahusã duahye tiquina.

³ Sa yero ohõ saha niahye Jesu omoca buhariquirore:

—Wahcãdũca saya. Ohõpũ ahtaya, niahye.

Sa ni tuhasa ti wũhũpũ ijiyequinare yahuahye:

⁴—¿Saurú ijigũ quehnoañene yegũ quehnoaedajari? ¿O ñañe yegũ pehere quehnoajari, mũsa tũhotugũ? Saurú ijigũ masũnore masogũ quehnoarĩne. Masũnore wejẽgũ pehere quehnoaedare, ni yahuahye Jesu tiquinare.

Tiquiro sa niepegũta tiquina pehe ne yũhtierahye.

⁵ Tiquina sa yũhtieragũ ihñano Jesu tiquina mehna usuahye. Tiquina tũho dueragũ ihñano Jesu bujũa witiahye.

—Mũhũ omocare siõ potoya, niahye tiquiro omoca buhariquirore.

Tiquiro sa nigũ tũhoro tiquiro omocare siõ potohye. Tiquiro siõ potogũta omoca quehnoa wahahye.

⁶ Sa omoca quehnoa wahagũ ihñañe fariseo masa wijiaa wahahye. Wijia, Herode mehna cjẽna mehna cahmecoa, “¿Dũhse ye Jesure wejẽnatari mari?” niahye tiquina basi.

Masa peyequina ditara duhtũ cahapũ ijiahye

⁷⁻⁸ Sa ye Jesu tiquiro buheyequina mehna ditara cahapũ wahahye. Tiquina sa wahagũ ihñañe Galilea cjẽna masa peyequina tiquiro

bato esahye. Sa ye Judea yehpa cjẽna, Jerusalẽ cjẽna, Idumea yehpa cjẽna, Jordã wame tiri ma ape sie pahrẽ cjẽna, Tiro wame tiri maca cjẽna, to cahapũ ijiyequina, Sidõ wame tiri maca cjẽna, to cahapũ ijiyequina mehna masa peyequina ijiptiyequina tiquiro yerire tũhoye, tiquiro cahapũ esahye.

⁹ Sa ye masa peyequina ijiye, Jesu cahare bihsa dũca sahye. Sa yero Jesu yucũsare quehno pahsa dutiahye tiquiro buheyequinare.

¹⁰ Peyequina dohatiyequinare tiquiro yũhdũogũ ihñañe apequina dohatiyequina gũhũ Jesure piha duaye, bihsa dũca sahye.

¹¹ Sa ye watĩare cũoyequina pehe Jesure ihñañe tiquiro cahapũ dũsepe curi mehna quehe sahye.

—Mũhũ Cohãcjũ macũ ijire, ni sañuducuahye tiquina tiquirore.

¹² Sa yero tiquinare Cohãcjũ macũno tiquiro ijiyere tutuaro mehna apequinare yahu dutierahye Jesu.

Jesu tiquiro buheyequinare doce tiquiro ohoatiquinare bese docoahye

(Mt 10.1-4; Lc 6.12-16)

¹³ Sa ye Jesu cũũpũ mũja, tiquiro cahmeñequinare pijiahye. Tiquiro pijigũ tũhoye, tiquiro cahapũ esahye tiquina.

¹⁴ Sa yero doce mũũare tiquiro mehna cjẽnare, tiquiro ohoatiquinare, apeye

macaripure tiquiro yere buheatiquinare bese do-coahye Jesu. Sa ye tiquina ya curua Jesu cūriquina wame tiahye.

¹⁵ Sa yero dohatiyequinare yuhduoatire, watīare cohāti gūhure cūahye tiquinare.

¹⁶⁻¹⁹ Ahriquina ijiahye doce amua Jesu tiquiro bese docoriquina: Simo, Santiago Zebedeo macno, Ñu Santiago bahuro, Andre, Felipe, Bartolomé, Mateo, Tomasu, Santiago Alfeo macno, Tadeo, Simo celote ya curua cjāno ijimediquiro, Juda Iscariote, ahriquina ijiahye tiquiro bese docoriquina. Jesu Simore Pedro wame yeahye. Santiagore, Ñu mehna Boanerges wame yeahye. Boanerges “Ūpo cjēna”, nino nine. Juda Iscariote Jesure ihña tuhtiyequinare ihñoatiquiro ijiahye.

—Jesu watīno tutuayere core, ni yahusāhye masa

(Mt 12.22-32; Lc 11.14-23; 12.10)

²⁰ Tiquinare bese doco tuhasa, dijia, Jesu tiquiro buheyequina mehna wuhapū sajāa wahahye. Sa ye topū pari turi masa peyequina cahmecoañe, bihsaa wahahye. Tiquina sa bihsagū ihñano Jesu ihya masiedahye. Sa ye tiquiro buheyequina gūhū ihya masiedahye.

²¹ Sa ye apequina Jesu acaye tire tūhoye tiquiro cahapū esaye, tiquirore ñehemahye. “Tiquiro tūho

masieniquiro waharo nine”, nimahye tiquina.

²² Apequina ohō saha nimahye:

—Beelzebú tiquirore sa wahagū yero niaga. Tiquiro watīare cohāno, Beelzebú watīa pūhtoro tutuaye mehna tiquinare cohāre, nimahye Jerusalēpū ahtariquina usā judio masare buheyequina.

²³ Tiquina sa nigū tūhoro Jesu pehe tiquinare piji, tiquiro tūhotuye mehna queoye mehna yahuahye tiquinare, “Watīno ye tutu-aye mehna watīare cohāgū niedaja”, nino taro.

²⁴ —Watīa tiquina basi cohā masiedare. Sa ye ihcā yehpa cjēna tiquina basi cahme wejē, ti yehpa cjēna yaria pihtia wahaboaga.

²⁵ Sa ye ihcā wūhū cjēna tiquina basi cahmequeñe ti wūhū cjēna waha pihtia wahaboaga.

²⁶ Sa yero Satana watīa pūhtoro pehe watīare cohāno tiquina basita cahmequeñe niaboaga. Sa ye tiquina waha pihtia wahaboaga.

²⁷ ‘Ohō sahata ijire mari queoye mehna buhegū. Tutuariquiro ya wūhūpū apequiro sajā sa yaque masiedare. Tutuariquirore dūhteraro tiquiro ya wūhūpū sajā sa yaque masiedare. Tutuariquirore tiquiro dūhteri bato sajā sa yaque masine, ni yahuahye Jesu.

(Ohō saha ni yahuahye watīnore tiquiro yuhduducarire

yahuro. Watĩno tutu-
ariquiro tiquiro ijiepegũta
Jesu tiquirore yũhdũdcare
watĩare cohãno.)

28 Sa ni tuhasa ohõ saha ni
yahu nemoahye Jesu:

—Poto niita niaja mũsare.
Ijipihtiye ñañe masa tiquina
yegũ tiquina yahuducugũ
gũhare Cohãcjũ bo masine.

29 Sa boeperota Espĩritu
Santore tiquina ñano
yahuducugũ ti pũritare ne
bosi. Tiquina sa nidi buhiri
sa buhiri tiducuyequina
ijjeta, niahye Jesu tiquinare.

30 Jesu Espĩritu Santo
tiquiro tutuaye mehna
watĩare tiquiro cohãepẽgũta
“Tiquiro watĩno tutuaye
mehna watĩare cohãno nine”,
nimahye masa. Tiquina sa
nigũ tũhoro ti quitire Espĩritu
Santo quitire yahuahye Jesu
tiquinare.

*Jesu acaye tiquirore piji-
ahye*

(Mt 12.46-50; Lc 8.19-21)

31 Sa ye Jesu bahana tiquiro
pacoro mehna wihiahye. Sa
wihiey sopecahapũ ijiahye.
Apequinare piji dutiahye
tiquirore.

32 Sa ye masa tiquiro ca-
hapũ dujiyequina yahuahye
tiquirore.

—Mũhũ paco, mũhũ bahana
mehna sopecahapũ mũhare
pjjiri, niahye.

33 Tiquina sa nigũ tũhoro
ohõ saha niahye Jesu
tiquinare buhero taro:

—¿Noa ijiajari yũhũ paco,
yũhũ bahana gũhũ, mũsa

ihñagũ? niahye tiquiro
tiquinare buhero.

34 Sa nino tiquiro caha du-
jiyequinare ihñano ohõ saha
niahye:

—Ahriquina ijire yũhũ
paco, yũhũ bahana yero
saha ijiyequina. Cohãcjũ
cahmeñene yere ahriquina.

35 Sa yeyequina yũhũ bahũ,
yũhũ baho, yũhũ paco yero
saha ijire, ni buheahye Jesu
tiquinare.

4

*Jesu oteriquiro quitire
buheahye*

(Mt 13.1-9; Lc 8.4-8)

1 Sa ye pari turi ditara
dũhtũ cahapũ Jesu buhe
ducahye. Sa ye topũre buhe
ducaro masa peyequina
tiquiro cahapũ tiquina cah-
mecoagũ ihñano Jesu pehe
yucũsapũ buhe pahsahye. Sa
ye masa pehe ditara dũhtũ
cahapũ ducuahye.

2 Sa yero Jesu peye tiquiro
tũhotuye mehna piti dahre
yahuahye tiquinare buhero.

3 —Ahri quitire tũhoya
mũsa, niahye tiquiro.

—Oteriquiro otero wa-
hahye.

4 Tiquiro sa otegũ apeye
pjeri maha dũhtũ cahapũ
bora quehe sahye. Sa bora
quehe saye pjerire minicjũa
ahta, ihya cãhye.

5 Sa ye apeye pjeri utã
pjeri watoa bora quehe
sahye. Utã pjeri watoa dihta
marieda cjũno ijiepegũ duita
pihnimahye.

6 Sa pihnididi ijieperota, asã tutuaro asigũ nũhcori marieda, ñaia wahahye.

7 Apeye pjeri taa watoa bora quehe sahye. Taa pehe dia yũhdũa waha, oteri pehere wejẽ cãhye. Sa yero dũca mariedahye.

8 Apeye pjeri quehnoari dihtare bora quehe sahye. Quehnoano pihniñe ijiro quehnoano dũca tiahye. Apeye cju treinta pjeri, apeye cju sesenta pjeri, apeye cju cien pjeri dũca tiahye.

9 Ahrire quehnoano tãhoya mũsa, niahye Jesu.

Jesu quti mehna tiquiro buherire yahuahye

(Mt 13.10-17; Lc 8.9-10)

10 Sa ye tiquina sehsaro ijiye doce buheyequina, apequina Jesu mehna ijiyequina ti quitire masi duaye, Jesure sinituahye.

11 Tiquina sa sinituri bato Jesu ohõ saha ni yahuahye:

—Cohãcjũ masa pũhtoro tiquiro ijiyere, panopũ apequina tiquina masiedarire mũsare masigũ yere Cohãcjũ. Apequina pehere sa yerare tiquiro. Tiquinare quti mehnata buheitja.

12 Sa ye tiquina ihñaepeta ihñedariquina yero saha tojoare. Sa ye tũhoepeta masisi. Tiquina masiñe quehnoañe pehere comesaboaya. Tiquina sa comesagũ ihñano tiquina ñañe yerire boboya Cohãcjũ. (Sa ijiepegũta tiquina pehe ne tũho duerare,) niahye Jesu.

Jesu oteriquiro quitire yahu pehoahye

(Mt 13.18-23; Lc 8.11-15)

13 Tiquiro sa nidi bato ohõ saha ni yahu nemoahye tiquinare:

—¿Ahri quitire tũhoena niajari mũsa? ¿Mũsa ahri quitire tũhoerana, dũhse apeye quitire tũhonatari mũsa? niahye Jesu tiquinare.

Sa ni tuhasa ohõ saha ni yahu nemoahye tiquinare:

14 —Oteriquiro tiquiro oteri pjeri quehnoañe buheye yero saha ijire.

15 Sa yero maha dũhtũ caha bora quehe sari pjeri quehnoañe buheye yero saha ijire. Sa yero masa quehnoañe buheyere tiquina tũhogũ ihñano Satana pehe ahta, ti buheye quehnoañe buheyere masi dutierare tiquinare, minicjũa ti pjerire tiquina dote nediro saha yero.

16 Sa ye utã pjeri watoa bora quehe sari pjeri quehnoañe buheye yero saha ijire. Sa ye masa quehnoañe buheyere tũho, bucueye mehna duita tire tũho ñehe maa wahare.

17 Sa tũho ñehepeta utã pjeri watoa ijiye cju nũhcori marieñe cju yero saha ahriquina masa gũhũ tutuerare. Sa tutueraye, ñano yũhdũye, yeequina tiquina ijiri buhiri apequina tiquinare ñano yegũ ihñañe yee pehere duhu cãhre. Apequina tiquinare ñano yegũ tire ihcãno sahaeraye, yeere duhu cãhre.

18 Sa ye taa watoa bora quehe sari pjeri quehnoañe buheye yero saha ijire.

19 Sa ye masa quehnoañe buheyere tuhoepeeta, ahri yehpa cjēne pajiro bujua witi tuhotuye, niñeru pehere cahñe. Apee boro gūhare peye tutuaro cahmene. Tiquina sa ni tuhotugū ti pehe quehnoañe buheyere cahmotare. Ti sa cahmotagū masa quehnoañe pehere yerare.

20 Sa ye quehnoari yehpapu bora quehe sari pjeri quehnoañe buheye yero saha ijire. Sa ye masa quehnoañe buheyere tuhoye tire cahmene. Sa masiñequina ijiye, Cohācjū tiquiro cahmeno sahata quehnoañene yere tiquina. Ihquēquina mehenogā quehnoañene yere treinta pjeri dūca tiro saha. Apequina bui cjūno quehnoañene yere sesenta pjeri dūca tiro saha. Apequina pajiro quehnoañene yere cien pjeri dūca tiro saha, ni yahuahye Jesu tiquinare.

Jesu sihāria quitire buheahye

(Lc 8.16-18)

21 Sa ni tuhasa ohō saha ni nemoahye:

—Ne sihāriare dihi sutu docapu cūedare. Sa ye tiare cumuno docapu cūedare. Ūhmānopu duhu peore quehnoano buhrio dutiye.

22 Ijipihtiye tiquina masiedarire came masa masieta. Sihāria buhriogū mari ihña masino saha

panopare tiquina masiedarire masieta masa.

23 Ahrire quehnoano tuhoya masa.

24 Mehenogā masi duana mehenogā masinata. Pajiro masi duana pajiro masinata. Sa yena masa tuhona quehnoano tuhō nūnñña.

25 Quehnoano tuhō nūnñriquiuro quehnoano masinota. Tuhō nūnñeniquiro, “Mehenogā tuhōaja”, tiquiro niepegūta ti pehe butia waharota, niahye Jesu tiquinare.

Jesu trigore oteriquiro quitire buheahye

26 Sa ni tuhasa ohō saha ni yahu nemoahye:

—Cohācjū masa puhtoro tiquiro ijiye trigore oteriquiro yero saha ijire.

27 Ote tuhasa bohrearo tiquiro oteri pihniñene ihñare tiquiro. “¿Duhse pihni wijia ta dūcajari?” ni ihña masiedare oteriquiro tiquiro basi.

28 Ti oteri ti basi dūca tire. Pari pūgā wijia mahtare. Came pari paro wijia, bucuare.

29 Ti parori bucuare tuhasagū ihñano, pehere peheri pje ijigū. (Tiquiro ote, ti bucuarire tiquiro masiedaro saha Cohācjū yequina masa tiquina wahari gūhare yahu peho masiedare masa,) ni buheahye Jesu.

Mostaza pje quitire yahuahye Jesu

(Mt 13.31-32; Lc 13.18-19)

30 Sa ni tuhasa ohõ saha ni buhe nemoahye queoye mehna buhero:

—¿Ne Cohãcjũ masa pũhoro tiquiro ijiye yabe boro yero saha ijiajari, m̄sa tahotugũ? ¿Dise quti mehna tire yahunatari?

31 Mostaza p̄jegã yero saha ijire Cohãcjũ pũhoro ijiye. Ti p̄jegã tiquiro otegũre meheni p̄jegã waro ijire.

32 Sa ijieperota ti p̄jegã quehnoano pihnine. Sa yero pajidũ wahare. Sa ye tũ dũpũri bũjũye dũpũri bũcũagũ ihñañe minicjũa ti dũpũripũ suhti suhare, niahye Jesu. (Sa nino ohõ saha nino niahye. Mostaza p̄jegã pajidũ tũ bũcũariro saha uhmũse cjũnore mari pũhoro masiñequina meheñequinagã tiquina iji m̄htaepẽgũta camepũre peyequina wa-haeta.)

Quti mehna tiquiro buherire yahuahye Jesu (Mt 13.34-35)

33 Sa yero ti quti tiquiro nidiro saha peye quitire tiquina tũho ñeheno puno quehnoañe buheyere buheahye tiquinare.

34 Quti marieno yahuerahye tiquinare. Sa yero tiquina sehsharo ijiyequinare Jesu quehnoano yahu pehoahye tiquiro buheyequinare.

Jesu wihnonore yũsũ duti-ahye (Mt 8.23-27; Lc 8.22-25)

35 Sa ye ti decore ñamicahapũ Jesu tiquiro

buheyequinare ohõ saha niahye:

—Isa, si pahrẽpũ pehãuhna, niahye tiquinare.

36 Tiquiro sa nigũ tũhoye yucũsapũ sajã, masare yehpapũ ducuyequinare tota cũ, tiquiro buheyequina dihita Jesure ne pehã wahahye. Sa ye apeye yucũsari mehna apequina tiquina bato pehãhye.

37 Tiquina sa pehãgũ wihnono tutuaro wẽahye. Sa wẽno yucũsare tutuaro pahcõri quẽ sajãhye. Mehenogã dũhsamahye tiquina miniboriro.

38 Sa wahari watoa Jesu yucũsa ohoturopũ suhti puti buipũ carĩno niahye. Sa ye tiquina tiquirore wahcõahye.

—¿Buhegũ, mũhũ cuerajari? Mari minina tana niajũ, niahye tiquina tiquirore.

39 Tiquina sa nigũta Jesu pehe wahcã, wihnonore,

—To punota wẽ duhuya, niahye.

Sa ninota pahcõri gũhũre,

—Yũsũahya, niahye.

Tiquiro sa nigũta wihnono yũhdũa wahahye. Sa ye pahcõri gũhũ yũsũ dijiaa wahahye.

40 —¿Dũhse yena cue maca cãna niajari m̄sa? ¿M̄sa yũhũre wacũ tutuerajari? niahye Jesu.

41 Sa wahagũ ihñañe acũa yũhdũa wahahye.

—¿Yohou, dũhse ijiriquiro boro masũno ijiajari ahriquirio? Ahri wihnono, pahcõri gũhũ tiquiro dutigũ

yuhducaerare tiquireore,
niahye tiquina pehe.

5

Watĩare cœoriquiõre
yuhduoahye Jesu
(Mt 8.28-34; Lc 8.26-39)

¹⁻² Sa ye tiquina si pahrẽpũ Gerasa cjẽna ya yehpapũ pehã sahye. Sa yero Jesu pehe yucsapũ sañariquiõro maja saducahye. Tiquireõro sa maja saducari bato watĩa cœoriquiõro masa coperi utã coperi watoapũ ijiriquiõro wijia ta, tiquireõro cahapũ ahtahye.

³ Watĩa cœoriquiõro masa coperi watoa ijiriquiõro ijiahye. Apequina pehe tiquireõro come da pajiri da mehna ñehe dũhte masiedahye.

⁴ Sa ye peye tahari masa tiquireõro dahpocãri apõñe behtori mehna, come dari mehna dũhtemahye. Tiquireõro omocari gũhure dũhtemahye. Sa yero tiquireõro pehe come darire nuha, dahpocãri apõñe behtori gũhure nuha site mujahye. Sa ye tutu-ariquiõro tiquireõro ijiro mehna masa pehe tiquireõro ñehe masiedahye.

⁵ Ñami ijigũ, deco ijigũ utã coperi watoapũ cunũpũ sa sañuducue tiahye tiquireõro. Sa yero utã mehna tiquireõro basi tiquireõro pagure quẽe tiahye.

⁶ Sa yero yoaropũ Jesure ihñadoqueo tiquireõro cahapũ oma maa cãhta, dũsepe curi mehna quehe sahye tiquireõro ño peoro taro.

⁷⁻⁸ —Watĩa duhuya tiquireõro, niahye Jesu.

Tiquireõro sa nigũ tahoro watĩa cœoriquiõro ohõ saha niahye:

—¿Jesu, Cohãcjũ tutu-ariquiõro macũ, yabere yegũ tũũ nijari mũhũ yũhure? Cohãcjũ tiquireõro ihñonopũ siniaja yũhũ mũhure. Yũhure ñano yer-acãhña, ni sañuducuahye watĩa cœoriquiõro Jesure.

⁹ —¿Dũhse wame tiajari mũhũ? niahye Jesu tiquireõro.

—Ûsã peyequina ijiaja. Sa yena “Peyequina watĩa” wame tiaja.

¹⁰ Ûsã ahri dihtapũ ijinare ape siepũ waha dutieracãhña, niahye watĩa cœoriquiõro.

¹¹ Ti pjere yesea peyequina tiquina cahapũ canũ dahpoto-
topũ ihyaye niahye.

¹² Topũ tiquina ihyaducugũ ihñañe, ohõ saha ni siniahye watĩa:

—Sisequina yesea cahapũ waha dutiya ùsãre. Tiquina mehna iji dutiya ùsãre, ni siniahye watĩa tiquireõro.

¹³ Tiquina sa nigũ tahoro tiquinare waha dutiahye Jesu. Tiquireõro sa waha dutigũ watĩa masũno mehna ijiriquina waha, yesea dos mil yesea cahapũ esahye. Tiquina cahapũ tiquina esari bato yesea pehe ijipihtiyequina ditara dũhtũ cahapũ oma buha, ti ditarapũ bora ñojoa, mini yaria pihtia wahahye.

¹⁴ Tiquina sa minigũ ihñañe, yeseare cohteyequina pajiri macapũ, daye

macarigãpũ gũhare tire yahuye waha, oma cãa wahahye. Tiquina sa yahugũ tũhoye masa pehe peyequina tiquiro yerire ihñañe wahahye.

15 Sa ye Jesu cahapũ wihiye, watĩa cũoriquiro tiquiro suhti tiriquire, tũho masiniquiro tiquiro dujigũ ihñañe, ihña maria waha, cueahye.

16 Sa ye watĩa cũomediquire, yesea gũhare tiquina sa waharire ihñariquina apequinare yahu pehoahye.

17 Tiquina sa yahu pehogũ tũhoye, Jesure tutuaro mehna ape siepũ waha dutiahye.

18 Sa yero yucũsapũ Jesu tiquiro sajãgũ ihñano, “Mũhũ mehna waha duaja”, ni tutuaro sinimahye watĩare cũomediquire Jesure.

19 Tiquiro sa nigũ Jesu tiquirore yahuahye:

—Yũhũ mehna wahaeracãhña. Mũhũ ya wũhũpũ mũhũ caha ijiequina cahapũ yũhũ mũhũ pũhto mũhare yũhũ yerire yahugũ wahaya. Mũhare yũhũ paja ihñarire yahugũ wahaya tiquinare, niahye tiquirore.

20 Tiquiro sa nigũ watĩa cũomediquire pehe Decapoli wame tiri macapũ Jesu tiquirore yũhdũorire yahu dũcahye. Tiquiro sa ni yahugũ tũhoye ijipihtiequina masa tũho maria wahahye.

Jairo maconore yũhdũoro, dii mũna wihoro dohatidu-

curicoro gũhare yũhdũoahye Jesu

(Mt 9.18-26; Lc 8.40-56)

21 Sa ye pari turi Jesu tiquiro majare pehã sagũ masa peyequina tiquiro cahapũ ditara dũhtũ cahapũ cahmecoahye.

22 Sa yero usã judio masa buheri wũhare ihña ihboriquiro Jairo wame tiriquire ahta, Jesure ihña, tiquiro dahpocãri cahapũ dũsepe curi mehna quehe saro, ohõ saha niahye:

23 —Yũhũ macogã yariaro nidi. Sa yegũ ticorore mũhũ omoca mehna ña peogu, yũhdũogu ahtaya. Mũhũ sa yegũ ticoro masanota, niahye tiquiro Jesure.

24 Tiquiro sa nigũ Jesu gũhũ pehe tiquiro mehna wahahye. Mahapũ tiquiro wahagũ masa peyequina tiquirore nũnũ tã cã bihsaro esadũca sahye.

25 Sa yero numino doce cũhmari waro decoripe dii mũna dohatiducuricoro topũ ijiahye. To pano peyequina duturuu ticorore ñano yũhdũgũ yeahye.

26 Sa yero duturuare ijipihitiye ticoro niñeru mehna wapa yemahye ticoro aco ye dutiro. Tiquina sa yepegũta ticoro mũnanota ijiducu cãhye. Sa yero ticoro tiquinare ihñari bato to pano ijiriro yũhdũoro ñano wahahye.

27 Ticoro sa ñano yũhdũari bato Jesu yeyere tũhoye, apequina yahuahye ticorore. Sa yero ticoro Jesu bato masa

peyequina watoa ahta, Jesu suhtirore ñehe tuhuahye.

28 “Yũhũ tiqiro suhtiro dihitare ñehe tuhugo quehnoa wahagota”, ni tãhotuahye.

29 Sa yero ticoro sa ñehe tuhuri bato ticoro dii muna dohatiyere yũhdũgũ ticoro pagũre quehnoari pagũ tãhotuahye.

30 Sa yero Jesu tiqiro tutuaye mehna dohatiyere tiqiro cohãrire masino, masa watoa majaredũca sa ihñahye.

—¿Noa yũhũ suhtirore ñehe tuhuajari? niahye tiqiro.

31 Tiqiro sa nigũ tãhoye tiqiro buheyequina ohõ saha niahye:

—Bihsarĩne. Sa ye masa peyequina mũhũre pihare. “¿Noa yũhũre ñehe tuhuajari?” nigũ, ¿dũhse nigũ sa nijari mũhũ? niahye tiquina pehe tiqirore.

32 Sa yero Jesu tiqirore ñehe tuhuricorore macahye.

33 Tiqiro sa macano watoa ticoro pehe ticoro pagũ quehnoa wahagũ tãhoturo, cue nanare dũsepe curi mehna quehe sahye tiqiro caha tiqirore ño peoro.

34 Sa yero ticoro potota yahu pehoahye tiqirore. Ticoro sa ni yahuri bato Jesu ticorore yahuahye:

—Maco, yũhũre mũhũ wacũ tutuaye mehna quehnoago tojoare yojopũre. Bucueye mehna wahaya. Dohatiye mariego ijiya, niahye Jesu ticorore.

35 Tiqiro sa ni yahuducuri bato judio masare buheri

wũhũre ihña ihboriquiro ya wũhũ cjeña yahuye wihiahye.

—Mũhũ maco yaria wahari. Sa yegũ buheriquirore piji cãhteracãhña, niahye tiquina.

36 Tiquina sa niepegãta sa tãhotu cãhno, Jesu ti wũhũre ihña ihboriquirore ohõ saha ni yahuahye:

—Bũjũa witieracãhña. Yũhũre wacũ tutuaya. Ti dihitare yeya, niahye ti wũhũre ihña ihboriquirore.

37 Sa ni tuhasa Santiago, tiqiro bahũro Ñũ, Pedro tiquina dihitare “Yũhũ mehna ahtaya”, niahye Jesu.

38 Sa yero judio masa buheri wũhũre ihña ihboriquiro ya wũhũre esahye. Ti wũhũre masa peyequina ñano bisi ñehe quea utigũ, tiquina sañuducugũ tãhoahye Jesu.

39 —Ñano ni, ñehe quea utieracãhña mũsa. Ticorogã mũsa sa ni utigũ yariere. Carĩno nine, niahye Jesu tiquinare.

40 Tiqiro sa nigũ tãhoye “Sa ni maca cãhno nine ahriquiri”, ni bũjũahye tiquina pehe tiqirore.

Sa yero tiqiro tiquinare sopecahũre wio peho cãhye. Sa wio tuhasaro ticorogã pacũsumũare, tiqiro mehna cjeña gũhũre ticorogã cahũre neahye Jesu.

41 Sa yero Jesu ticoro omocare ñehe, “Talita cum”, niahye tiqiro. “Talita cum”, nino, “ ‘Mehenicorogã wahcãña’, niaja yũhũ”, nino nine.

42 Tiquiro sa nigũ ticorogã wahcãdaca sa, tiniahye. Doce cahmari cãoricoro ijiahye ticoro. Ticorore tiquiro sa yegũ ihñañe tiquina ihña maria wahahye.

43 Sa yero Jesu tutuaro mehna tiquiro sa yerire yahu site dutierahye. Sa ye tuhasa ticorore ihyayere oho dutiahye.

6

Nazare cjëna Jesure cahmedahye

(Mt 13.53-58; Lc 4.16-30)

1 Sa ye topu ijiriquiro Jesu waha, tiquiro buheyequina mehna tiquiro ya dihtapu tojoa sahye.

2 Sa yero Jesu saurú ijigũ judio masa buheri wãhãpã buhe dãcahye. Tiquiro sa buhegũ masa peyequina tiquirore tãhoye, acãa wahahye.

—¿Ahriquiro nohopu tãhoyari ahri buheyere? ¿Dãhse yero quehnoano masi pehoajari ahriquiro? Cohãcjũ tutuaye mehna ye ihñore ahriquiro masare.

3 Ahriquiro taboa dahrari masãno María macãno, Santiago, José, Juda, Simo tiquina wahminota ijimederõ. Sa ye tiquiro bahana numia mari ya macapã ijinimedi. Sa yero tiquiro gãhã mari yero saha ijiriquiro ijire, niahye tiquina Jesure tãhoriquina.

Sa ye Jesure ihña tuhtiyẽ, tiquirore cahmedahye.

4 Tiquina sa cahmedagũ ihñano ohõ saha niahye Jesu:

—Cohãcjũ yere yahu mãhtariquirore apequina ño peore. Tiquina sa ño peoepẽgãta tiquiro ya maca cjëna, tiquiro acaye tiquiro ya wãhãpã ijieyequinata ño peoerare tiquirore. Sa yena yãhãre ño peoerare mãsa ohõre bãcãarigã yãhã ijigã, niahye Jesu tiquinare.

5 Sa yero ti macapã ijiriquiro Jesu Cohãcjũ tutuaye mehna ye ihño masiedahye. Sa ye ihñoedaperota ihquẽquina dohatieyquina bui tiquiro omocare duhu peo, yãhdãoahye tiquiro.

6 Sa yero to cjëna Jesure tiquina wacũ tutueragũ ihñano, “¿Dãhse ijiro boro yãhãre cahmedajari?” ni tãhotuahye tiquiro. Sa yero Jesu ti maca cahapã ijieye macaripã buhero wahahye.

Jesu doce buheyequinare buhe dutiro ohoahye

(Mt 10.5-15; Lc 9.1-6)

7 Sa ye Jesu doce tiquiro buheyequinare pijio, pãeyequina dihita ohoahye tiquinare macaripãre buhe dutiro. Sa yero tiquiro tutuayere ohoahye tiquinare wãfiare tiquina cohãtire.

8 Sa ohoro apee boro, ihyayere, ajurire, niñerure tiquiro ne cã dutierahye tiquinare. Tiquina tuaye cã dihitarẽ ne cã dutiahye tiquinare. Ihcãnota suhtirore saña dutiahye tiquinare. Pãaro saña dutierahye.

9 Sa yero cãhta cũñe cahserire saña dutiahye

tiquinare. Ihcã suhtirota saña dutiahye tiquinare. P̄uaro saña dutierahye.

¹⁰ Sa yero ohõ saha ni yahuahye tiquinare:

—Ijipihtiye macarip̄ure m̄sare tiquina carĩno ohogũ ti w̄h̄up̄uta tojoarĩña. Coã wahanap̄u wijiaya ti w̄h̄ure.

¹¹ Sa yena ape maca cjẽna m̄sare tiquina cahmedagũ tiquina t̄ho dueragũ ti macare ȳhd̄ana dahpocãri cjẽ dihta esa wahãire wejẽ site cũña m̄sa tiquinare tiquina ye buhirire masigũ yena, ni yahuahye Jesu tiquinare.

¹² Sa ye doce buheyequina masare tiquina ñañe yerire buj̄ua witi dutiye, quehnoañe pehere ye dutiye, buheye wahahye.

¹³ Sa wahaye peyequina watĩare cohãñe, dohatiye-quinare ahse mehna wisõñe ȳhd̄ugũ yeahye.

Ñu wame yeriquirote ape-quina wejẽahye

(Mt 14.1-12; Lc 9.7-9)

¹⁴ Sa ye Jesure masa peyequina masiahye. Sa yero tiquiro yerire p̄h̄toro Herode t̄hooahye. Sa t̄hoooro ohõ saha ni t̄hotumahye tiquiro: “Ñu wame yeriquiro yariariquiro pari turi bajuaro niaga. Sa bajuariquiro ijiro tiquiro tutuaye mehna tire yero niaga”, ni t̄hotumahye Herode. “Jesu Ñuta ijire”, ni t̄hotumahye.

¹⁵ Apequina pehe ohõ saha ni t̄hotumahye: “Elia ijire”,

ni t̄hotumahye. Apequina pehe “Cohãcjũ yere yahu m̄htariquiro panop̄u cjẽna yero saha ijire tiquiro”, ni t̄hotumahye tiquina Jesure.

¹⁶ Tiquina sa ni t̄hotuepegãta Herode pehe Jesu tiquiro yerire t̄horo ohõ saha ni t̄hotumahye. “Ñu ȳh̄u dapu d̄ate sure dutiriquiro bajuaro niaga”, ni t̄hotumahye.

¹⁷⁻¹⁸ Ñure tiquina wejẽato pano Herode tiquirore ñehe duti, peresu ye dutiahye. Herode tiquiro bah̄ro Felipe namonore Herodia wame tiricorore ehma, namo tiahye.

—M̄h̄u bah̄u namonore namo tiḡu Cohãcjũ dutiyere ȳhd̄ud̄caḡu nine m̄h̄u, ni yahuahye Ñu Herodere.

Tiquiro sa nidi buhiri Herode namono Herodia Ñure peresu tiquina yegũ cahmeahye.

¹⁹ Sa yero ticoro pehe Ñure ihña tuhtiro, tiquirore wejẽ duti duamahye. Sa ye dueperota ticoro tiquirore wejẽ duti masiedahye.

²⁰ Herode Ñure cuero “Ñu quehnoañene yeriquiro, quehnoariquiro ijire”, ni t̄hotuahye. Sa yero Herodere cariboro yeahye Ñu pehe tiquirore yahuro. Sa cariboepegãta tiquiro bucueye mehna t̄homahye Ñure.

²¹ Tiquiro sa bucueye mehna t̄hoepegãta Herodia tiquirore ticoro wejẽ dutiati deco um̄u sahye. Ti pje Herode masa bajuari

deco ijigū tiquiro bose deco dahreahe. Sa ye tiquiro yequina gobierno cjēna, surara pūhtoa, Galilea cjēna pūhtoa gūhū tiquiro ya bose decore ihñañe wihiahe.

22 Sa yero Herodia macono bose decore ihñano wihiro tiquina ihñonopū basa ihñoahe. Ticoro sa basa ihñogū ihñañe, Herode tiquiro pijioriquina gūhū bucueahe. Tiquina sa bucuegū ihñano ohō saha niahe Herode:

—Mūhū cahmeñene siniña yūhure. Sa yegū ohogūtja mūhure mūhū cahmeñene.

23 Cohācjū mehna potoniaja mūhure. Mūhū sinino puno yeere deco mehna ohogūtja mūhure, niahe tiquiro ticorore.

24 Tiquiro sa nigū ticoro Herodia macono pehe ticoro pacoro cahapū waha, sinituahye:

—¿Yabere sinigotari yūhū? ni sinituahye ticoro pacorore.

—Ñu wame yeriquiro dapure siniña, niahe ticoro pacoro pehe.

25 Ticoro sa nigūta Herodia macono mūhñano pūhtoro Herode cahapū waha, sinituahye:

—Mianogāta Ñu wame yeriquiro dapure waparo mehna ohoya yūhure, niahe ticoro.

26 Ticoro sa nigū tūhoro pūhtoro Herode pehe tutuaro būjūna witiahe. Masa tiquina ihñonopū “Ohogūtja mūhure”, niahe tiquiro. Sa yero bue

tiro, tiquiro “Mūhure ohoeraja”, ni masiedahe ticorore.

27 Sa yero duita surarare peresupū ijiyequinare cohteriquirore Ñu dapure dute sure ne cāhta dutiahe.

28 Tiquiro sa dutigū tūhoro surara pehe waha, tiquiro dapure dute sure, waparo mehna ne cāhtahe. Ne cāhta nuhminore Herodia maconore ohoahye. Sa yero ticoro tiquiro dapure ñehe, ticoro pacorore oho yūhdūoahe.

29 Sa ye Ñu buheyequina ijiriquina pehe tire tūhoye, topū esa, tiquiro pagure masa copere ne cā, cūahe.

Jesu cinco mil masare ihyaye ohoahye

(Mt 14.13-21; Lc 9.10-17; Jn 6.1-14)

30 Sa ye Jesu ohoriquina tiquiro cahapū tojoa saye, tiquina yerire, tiquina buherire yuahye tiquirore.

31 Ti pjere masa peyequina sa majareducuye, tiquinare ne ihyaro ohoerahye. Sa yero ohō saha niahe Jesu tiquinare.

—Masa marienopū mari sehsaro sona wahaūhna, niahe tiquinare.

32 Sa ye tiquina sehsaro yucūsa mehna masa marienopū wahahye.

33 Tiquina sa wahagū ihñañe masa peyequina tiquinare masiahe. Sa masiñe peye macari cjēna mahapū waha, Jesu tiquiro

esatopu tiquina masa pehe oma cã esa mahtahye.

34 Tiquina sa esagũ Jesu tuha sa paha, yuc̄sapu sañariquiro maja d̄caro, tiquiro masa peyequina ijigũ ihñahye. Oveja coheriquiro marieñequina yero saha ijiahye masa, tiquiro ihñagũ. Sa yero Jesu tiquinare paja ihñano, peye quehnoañe buheyere buheahye.

35 Ñamicahapu doce buheyequina Jesu cahapu esa, ohõ saha niahye:

—Ohõ masa marienopu ijire. Ñamicaha waharo nine.

36 Ohõ cahagã ijiye wuh̄seripu, macaripu gũhare tiquina ihyatire dú dutiya masare tiquina pohe tiatire, niahye tiquina Jesure.

37 —Ihyayere ohoya tiquinare, nimahye Jesu tiquiro buheyequinare.

Tiquiro sa nigũ ohõ saha ni yuhtiahye:

—¿Dos cientos niñeru cjoeri mehna tiquina ihyati pãre dúnatari usã? niahye tiquina Jesure.

38 —¿Nohope paca pã ijiajari? Ihñana wahaya, niahye tiquiro.

Tiquiro sa nigũ tiquina pehe ihyayere bocaye, ohõ saha niahye:

—Ihcã omope paca pã paca, puaro wahi ijire, niahye tiquina pehe.

39 Tiquina sa nigũ tuhoro Jesu pehe pe cururi taa bui duji dutiahye masare.

40 Tiquiro sa duji dutiri bato tiquina pe cururi dujiahye. Ihquẽ cururire cincuenta masa ijiahye. Apeye cururi pehere cien masa ijiahye.

41 Tiquina sa duji tuhasagũ ihñano Jesu pehe ihcã omope paca pã pacare, puaro wahi mehna ne, uhm̄sepu ihña m̄oahye. Sa ihña m̄ono Cohãc̄jũre “Quehnoare”, nino niahye. Tiquiro sa nidi bato pã pacare nuha, tiquiro buheyequinare masare iti duti ohoahye. Sa yero puaro wahire iti dutiahye ijipihtiyequinare.

42 Sa ye ijipihtiyequina ihya, yapi yuh̄duwa wahahye.

43 Tiquina ihya d̄harire doce pūh̄use waro pãre, wahi gũhare ne cahmecoa wahpo dapoahye tiquina.

44 Sa ye pãre ihyariquina um̄a dihitare tiquina queogũ cinco mil um̄a ijiahye.

Jesu aco bui tiniahye
(Mt 14.22-27; Jn 6.16-21)

45 Ti pjeta Jesu tiquiro buheyequinare yuc̄sapu sajã duti, ape sie pahr̄epu Betsaidapu tiquiro pano pehãyu dutiahye. Sa yero tiquina pehãri watoa Jesu pehe masare cohe tiahye.

46 Cohe ti tuhasa can̄pu Cohãc̄jũre sinino wahahye.

47 Came ñamipu yuc̄sa mehna ditarapu tiquina pehãducugũ Jesu ihcãquirola tiquina pehã tar̄iropu ijiahye.

48 Sa yero tiquina ñano yuh̄duwajagũ, tiquina

pano wihnono wēgū ihñadoqueoahye tiquiro. Sa yero bohrea m̄ja tato pano tiquina cahap̄ esaro, aco bui tini c̄a wahahye. Tiquinare tiquiro ȳhd̄ c̄a duamahye.

49 Tiquiro ȳhd̄ c̄a duepegāta tiquirore aco bui ahtagū ihñañe, cue niahye. “Yariariquiro iji-boaga”, ni ihñamahye tiquina. Sa ni t̄hotuye tiquina sañuducuahye.

50 Ijipihtiyequina tiquirore ihñañe, ihña maria wahahye. Tiquina sa ihña mariagū ihñano Jesu tiquinare yahuahye:

—Wacū tutuaya m̄sa. Ne, ȳh̄re cuerac̄hña. Ȳh̄ta ijiaja, niahye tiquinare.

51 Sa ni tuhasa tiquiro tiquina mehna yuc̄sap̄ sajāhye. Tiquiro sajāri batogāta wihnono ȳhd̄ wahahye. Sa wahagū tiquina pehe ac̄a ȳhd̄ wahahye.

52 Tiquiro p̄re peye yerire wac̄edahye tiquina. Tire quehnoano masiedahye.

Jesu Genesare cjēnare, do-hatiyequinare ȳhd̄oahye
(Mt 14.34-36)

53 Sa ye tiquina pehā sa, Genesare dihtar̄ pehā sa, tiare d̄hte poho, d̄ht̄ ca-hap̄ pahsahye.

54 Sa ye yuc̄sap̄ ijiriquina tiquina majagūta masa pehe Jesure ihña masiahye.

55 Sa ihña masiñe ijipih-tiro tiquina ya yehpap̄ oma maja, dohatiyequinare tiquina cuñañe cahseri mehna yo cāhtahye. “Jesu

top̄ ijiri”, masa nigū t̄hoye top̄re esahye tiquina.

56 Sa ye ijipihtiyē macari tiquiro esaye macarip̄, b̄j̄hye macarip̄, daye macarigāp̄, meheñe w̄h̄segā ijiye cahap̄ gūh̄re masa dohatiye-quinare Jesu cahap̄ nea cūahye. Sa top̄ maharip̄ tiquina cūnop̄ Jesure tiquiro suhtiro d̄ht̄ cahare ñehe tuhu duaye, tutuaro siniahye tiquina:

—M̄h̄ suhtiro d̄ht̄ caha dihitare us̄are ñehe tuhu du-tiya, ni siniahye.

Sa ye tiquiro suhtirore ñehe tuhuriquinape quehnoa wahahye tiquina.

7

Masa ñañequina wahagū yeyere yahuahye Jesu
(Mt 15.1-20)

1 Sa ye Jerusalēp̄ ahtariquina us̄a acaye judio masare buheyequina, fariseo masa gūh̄ Jesu cahap̄ cahmecoahye.

2-4 Fariseo masa ijipihtiyequina apequina judio masa mehna panop̄ cjēna tiquina dutiriro saha tiquina omocarine omo coserape ihyera tiahye. Sa ye doeri cjē du-ayequina cahap̄ esayequina tiquina ye w̄h̄sep̄ wihiye tiquina dutiriro saha tiquina omocarine omo coserape ihyera tiahye. Sa ye peye apeye dutiyere panop̄ cjēna judio masa tiquina dutiyere yee tiahye. Sihniñe parire coseye, dihi suturire coseye, come suturire coseye, yee

tiahye tiquina judio masa, “Cohãcjũ sa cahmene”, niñe. Sa ye Jesu cahapũ cahme-coañe Jesu buheyequina judio masa tiquina dutiriro saha tiquina omo coseragũ ihñahye fariseo masa.

⁵ Sa ihña tuhasaye Jesure sinituahye:

—Mũhũ buheyequina ihyaye mari ñecũsumũa mũna tiquina dutiriro sahata tiquina omocarine omo coserare. ¿Dũhse yeye mari dutiyere yerajari? niahye tiquina Jesure.

⁶ Tiquina sa nigũ tũhoro Jesu yahuahye tiquinare.

—Masa tiquina ihñono dihita quehnoano iji mehona ijire mũsa. Cohãcjũ yere yahu mũhtariquiro mũnana Isaia mũsare panopũre potota yahue tiahye. Ohõ saha niahye:

Ahriquina masa yũhũre quehnoano yahuducuepeta yũhũre ne ño peoerare.

⁷ Sa ye yũhũre tiquina ñũ buheye dũhseati ijierare. “Cohãcjũ ye dutiye ijire ahri”, ni meho buhere tiquina buheye, ni ojoahye Isaia.

⁸ Ti ijirota ijire. Panopũ cjẽna ye dutiye pehere yena tana Cohãcjũ ye dutiyere yerare mũsa.

⁹ Cohãcjũ ye dutiyere cohãna, mũsa acaye ye dutiye pehere yere mũsa.

¹⁰ Ohõ saha yena Cohãcjũ ye pehere yũhdũdcana nine mũsa. Panopũre ohõ saha niahye Cohãcjũ tiquiro dutiyere Moisere

cũno: “Mũsa pacũsumũare ño peoya. Ihcãquiro tiquiro pacũsumũare ñano quitidahreriquiro ijiro ti buhiri tiquina wejẽatiquiro ijirota”, niahye Cohãcjũ Moisere tiquiro cũri dutiye.

¹¹ Tiquiro sa niepegũta ohõ saha ye dutire mũsa tiquina pacũsumũare yedoho dutierana: Tiquina pacũsumũare tiquina ohoborire Cohãcjũ pehere oho dutire mũsa. Sa ni buhemene mũsa.

¹² Sa buhena tiquina pacũsumũare ño peogũ yerare mũsa tiquinare.

¹³ Sa yena Cohãcjũ dutiyere yũhdũdcana nine mũsa mari acaye panopũ cjẽna ye dutiye pehere yena. Apequinare mũsa ye buheye dihitare tũho dutire mũsa. Peye sa ijiyere yere mũsa, niahye Jesu tiquinare.

¹⁴ Sa ni tuhasaro apequinare pijioahye. Ohõ saha niahye:

—Mũsa ijipihtina tũhoya yũhũre. Yũhũ niñene quehnoano masiña mũsa.

¹⁵ Mũsa dũserire sajãñe pehe mũsa ihyaye pehe mũsare ñana ijigũ yerare. Mũsa ñañe yahuducuye pehe mũsa dũseri wijiaye pehe mũsare ñana ijigũ yere. [

¹⁶ Yũhũre quehnoano tũhoya,] niahye Jesu.

¹⁷ Sa ni tuhasa Jesu masa cahapũ ijiriquiro waha, wũhũpũ sajãa wahahye. Sa sajã sagũ ihñañe tiquiro buheyequina pehe tiquiro buherire sinituahye. Tiquina

sa sinitugū tūhoro ohō saha niahye tiquiro:

18 —¿Ne tūho ñehedajari mūsa? Mūsa dūserire sajàñe pehe mūsa ihyaye pehe mū sare ñana ijigū yerare.

19 Ti mūsa tūhotuyepure sajàedare. Mūsa paapu sajà yūhdūa wahare, niahye Jesu.

Sa nino “Ijipihtiye ihyaye quehnoañe ijire”, nino niahye.

20 Ohō saha ni nemoahye:

—Mūsa ñañe yahuducuye pehe mūsa dūseri wijiaye pehe mū sare ñana ijigū yere.

21-22 Ñano tūhotuye, wūana tiye, numia mehna ñano yeducuye, ūmūa mehna ñano yeducuye, masare wejēñe, yaqueye, apequiro yere tutuaro cahme yūhdūye, ñano yeye, ni mehoñe, peye ñañene yeducuye, apequiro yere coo ihña tuhtiye, ñano quitu dahreye, “Apequinare yūhdūdūcaja”, ni tūhotuye, tūho masieñequina ijiye, ti ijipihtiye mū sare mūsa tūhotuyepū ahtare.

23 Ijipihtiye ahri ñañe mūsa tūhotuyepū ahta, mū sare ñana ijigū yere, niahye Jesu.

Judio masono ijiericoro Jesure wacū tutuahye (Mt 15.21-28)

24 Sa yero Tiro wame tiri maca cahapu esaro, to cja wūhūpu sajàa wahahye. Sa yero apequinare tiquiro ijiri wūhūre yahu dutierahye. Sa yahu dutieraperta tiquinare tiquiro duhti masiedahye.

25 Ti pjereta numino ticoro macono watīno cūoricoro tiquiro cahapu ijiahye. Sa ye Jesu yerire ihñañe apequina ticoro pacorore yahuahye. Tiquina sa yahuri bato ticoro pacoro pehe waha, Jesu dahpocāri cahapu dūsepe curi mehna quehe sahye tiquirore ño peoro.

26 Ticoro Siria yehpapū ijiri yehpa Fenicia wame tiri yehpa cjoño ijiahye.

—Watīnore cohārīña yūhū macore, ni siniahye ticoro Jesure.

27 Ticoro sa sinigū tūhoro ohō saha niahye Jesu:

—Wahmanore wūhū upūro pohne ye ihyayere diayeare yūhū oho mūhtagū to wahaerare. (Israe masa yere ape yehpa cjenare yūhū oho mūhtagū to wahaerare,) niahye Jesu ticorore queoye mehna yahuro.

28 —Sa tjire pūhto. Sa ijiepegūta diayea gūhū mesa doca tiquina pohne ihya site dijioyere ihya cohtere tiquina gūhū. (Ape yehpa cjo yūhū ijiepegūta yūhū gūhūre yedoho masine mūhū,) ni yūhtiahye ticoro.

29 —Mūhū sa ni yūhtigū mūhū macore watīno duhu tuhasari. Ihñago wahaya, niahye Jesu ticorore.

30 Tiquiro sa nigū tūhoro waha, ticoro wūhūpu esaro, ticoro maconore watīno marienicoropūre cuñanopū ijiricorore ihñahye.

Cahmono tūhoeriquirore, yahuducu masieniquirore yūhdūoahye Jesu

31 Ti pjere Jesu Tiro wame tiri maca cahap̄ ijiriquiro waha, Sidō wame tiri macare esa ȳhd̄ cā, Decapoli wame tiri macare esa ȳhd̄ cā, Galilea wame tiri ditarap̄ esahye.

32 Sa ye cahmono t̄hoeriquirore, yahuducu masieniquirore Jesu cahap̄ ne cāhtahye apequina.

—M̄h̄ omoca mehna ña peoya tiquirore, ni siniahye tiquina tiquirore.

33 Tiquina sa nigūta Jesu pehe t̄hoeriquirore ne cā, masa marienop̄ siho esahye. Tiquina sehsharo ijiahye. Sa yero Jesu tiquiro omo piri mehna t̄hoeriquirore cahmo coperire ohbe sōahye. Sa ye tuhasa, sihco puti, tiquiro ñehmenore ña peoahye.

34 Sa ye tuhasa ah̄m̄sep̄ ihña m̄o, jeri ne, ohō saha niahye:

—Efata, niahye Jesu. “Efata”, nino “Pōohña”, nino nine. Sa nino tiquirore t̄ho dutiro niahye. Sa yero yahuducu dutiro niahye.

35 Tiquiro sa nigūta tiquiro pehe t̄ho boca, tiquiro ñehmeno cahbiro wahagū t̄hoturo quehnoano yahuducuahye.

36 Sa yero Jesu tiquinare tire apequinare yahu site dutierahye. Tiquiro sa yahu site dutieraripe taharita tja tiquina apequinare yahu site nemoahye.

37 Sa ye masa t̄ho maria wahaye, ohō saha niahye:

—Ijipihtiyere tiquiro quehnoano yere. T̄hoeyequinare quehnoano t̄hogū yere. Yahuducu masieñequina gūh̄re quehnoano yahuducugū yere Jesu, niahye masa.

8

Cuatro mil masare ihyayere ohoahye Jesu (Mt 15.32-39)

1 Ti pjere pari turi masa peyequina cahmecoari bato ihyaye marieñequina tiquina ijigū ihñano Jesu tiquiro buheyequinare pijioahye:

2 —Ahriquina masa ihtia deco waro ȳh̄ mehna iji tuhasari. Sa ye tiquinare pohe mariedare. Tiquina pohe mariedagū ihñagū tiquinare paja ihñaja ȳh̄.

3 Apequina tiquina mehna cjēna yoarop̄ ahtari. “Tiquinap̄ uj̄a ahbayequina mahap̄ borari”, nigū tiquinare ihyaye marieno tiquina ye w̄h̄sep̄ waha duti dueraja. Sa yegū tiquinare pohe oho duaja, niahye Jesu tiquiro buheyequinare.

4 —¿Duhse ye mari ohōre masa marienop̄re p̄re boca ohoboagari mari? niahye Jesu buheyequina tiquirore.

5 —¿Nohope paca p̄ pacare c̄oajari m̄sa? ni sinituahye Jesu.

—Siete p̄ paca ijire, niahye tiquina.

6 Sa yero tiquiro masare yehpap̄ duji duti, siete p̄ pacare ne, Coh̄cj̄re “Quehnoare”, niahye. Sa ni tuhasa, ti pacare nuha,

tiquiro buheyequinare oho, masare iti dutiahye. Tiquiro sa dutiri bato tiquiro buheyequina pehe pãre masare itiahye.

7 Sa ye wahi gũhure meheñequinagã c̣uoahye tiquina. Sa yero tiquinare Cohãcjũre “Quehnoare”, ni, wahi gũhure iti dutiahye.

8 Tiquina iti tuhasagũ tiquina ihyaye, yapi yũhdũa wahahye. Tiquina ihya dũharire siete pũhuse waro ne cahmecoah wãhpo dapoahye tiquina. Tiquina cuatro mil masa ijiahye.

9-10 Sa ye tuhasa Jesu masare cohe tiahye. Cohe ti tuhasa tiquiro buheyequina mehna yuc̣sapũ sajãhye. Sajã tuhasa Dalmanuta wame tiri maca cahapũ wahahye.

Fariseo masa Jesure Cohãcjũ tutuaye mehna ye ihño dutiahye

(Mt 16.1-4; Lc 12.54-56)

11 Sa ye fariseo masa wihi, Jesu mehna cahme dũse tutuahye. Tiquina Jesure Cohãcjũ tutuaye mehna ye ihño dutiye, tiquiro ye ihño masiedagũ ihña duamahye.

12 Tiquina sa dutigũ tũhoro Jesu tutuaro bũjũa witi pihopũri, jeri sajãedaro, ohõ saha niahye:

—¿Mũsa yojopũ cjãna dũhse yena mũsa Cohãcjũ tutuaye mehna ye ihñoñene ihña duajari? Potota niita niaja mũsare. Yojopũ cjãnare mũsare Cohãcjũ tutuaye

mehna ne ye ihñosi yũhũ, niahye Jesu.

13 Sa ni tuhasa waha, pari turi yuc̣sapũ sajã, ape sie pãhrẽpũ pehãa wahahye.

Fariseo masa, Herode mehna cjẽna gũhure tiquina ñãñe buheyere yahuahye Jesu (Mt 16.5-12)

14 Sa wahaye, pãre bo cũ, yuc̣sapũ ihcãriata pãre c̣uoahye tiquina.

15 Sa yero Jesu cua pesaro mehna yahuahye tiquinare.

—Quehnoano yeya. Fariseo masa, Herode mehna cjẽna gũhũ tiquina ye pãre pugũ yeyere ihñana quehnoano yeya. Cuarĩne ti, ni yahuahye.

16 Tiquiro sa nigũ tũhoye tiquiro buheyequina pehe tire tiquina basi yahudu-cuahye.

—Mari pãre mari ne cãhtaeragũ ihñano sa niaga ahriquiri, nimahye tiquina.

17 Tiquina sa nidire masino tiquinare sinituahye Jesu:

—¿Dũhse yena mũsa pã borire wacũajari mũsa? ¿Mũsa masiedajari? ¿Tũhoerajari? ¿Tũho duerajari mũsa?

18 ¿Caperi tina ijiepenata ihñedajari mũsa? ¿Sa yena cahmono tina ijiepenata tũhoerajari mũsa? ¿Mũsa ahrire wacũedajari?

19 ¿Yũhũ ihcã omope paca pã pacare nuha, cinco mil masare yũhũ ohorire wacũedajari mũsa? ¿Tiquina ihya dũharire nohope pũhũsere pã pacare mũsa ne cahmecoah wãhpo dapori

pūhūserē neari mūsa? niahye Jesu tiquinare.

—Doce pūhūse nei, niahye tiquina tiquiore.

²⁰ —¿Sa ye yūhū siete pā pacare cuatro mil masare yūhū ohori bato nohope pūhūserē pā pacare mūsa wahpo daporī pūhūserē neari mūsa? niahye Jesu.

—Siete pūhūse nei, niahye tiquina tiquiore.

²¹ —¿Sa ihñāepenata quehnoano masiedajari mūsa? niahye Jesu tiquinare.

Jesu caperi bajueriquiore ihñāgū yeahye

²² Sa ye Betsaidapū tiquina esagū ihñāñe, masa pehe caperi bajueriquiore ne cāhtahye.

—Tiquiore ña peoya, ni tutuaro siniahye tiquina Jesure.

²³ Sa yero Jesu caperi bajueriquiō omocare ñehe, ti maca dūhtū cahapū tiquiore tūā cāhye. Topū ne sa, tiquiō caperire sihco puti, tiquiō omocari mehna tiquiore ña peohye.

—¿Mūhū ihñāgū bajuajari? ni sinituahye Jesu.

²⁴ Tiquiō sa nigū tiquiō pehe ihñāno ohō saha niahye:

—Ūmūare ihñaja. Yūhū sa ihñāepēgūta tiquina yucari tiniñe cju yero saha bajure, niahye caperi bajueriquiō.

²⁵ Tiquiō sa nigū tūhoro Jesu pehe tiquiō omocari mehna tiquiō caperire ña peohye tja. Tiquiō sa ña peori bato caperi bajueriquiō tutuaro tiquiō ihñāgū caperi

quehnoano bajuahye. Sa yero ijipihtiyere quehnoano ihñahye tiquiō.

²⁶ Sa yero Jesu tiquiore tiquiō ya wūhūpū ohohahye.

—Macapū pūritare wahaeracāhñā, niahye Jesu tiquiore.

Jesu potota Cristo tiquiō ijiyere Cohācjū ohoriquiō tiquiō ijiyere yahuahye Pedro (Mt 16.13-20; Lc 9.18-21)

²⁷ Sa ye Jesu tiquiō buheyequina mehna Cesarea Filipino wame tiri maca cahapū ijīye macaripū waha nemoahye. Topū waharo Jesu sinituahye tiquiō buheyequinare:

—¿Noa boro ijiagari yūhū, masa yūhūre tiquina tūhotugū? ni sinituahye tiquiō.

²⁸ Tiquiō sa sinitugū tūhoye yūhtiahye tiquina:

—“Ñu wame yeriquiō ijire”, nine. Apequina “Elia ijire”, nine. Apequina “Cohācjū yere yahu māhtariquina mehna cjāno ijīboaga”, nine, ni yūhtiahye tiquiō buheyequina tiquiore.

²⁹ Tiquiō sa nidi bato Jesu sinitu nemoahye:

—¿Mūsa pehe tūhotugū noa boro ijiagari yūhū? ni sinituahye tja.

—Mūhū Cristo Cohācjū ohorigū ijire, ni yūhtiahye Pedro.

³⁰ Tiquiō sa nigū tūhoro Jesu ohō saha niahye:

—Yūhūre “Cristo ijire tiquiō”, ni yahu site

niedacãhña apequnapure,
niahye tiquinare.

*Jesu tiquiro yaria masa wiji-
atire yahuahye*

(Mt 16.21-28; Lc 9.22-27)

³¹ Sa ye tiquiro buhe
ducayhe tiquinare.

—Yuhũ masũ Cohãcjũ
ohorigũ ijiaja. Sa yegũ tutu-
aro ñano yũhdũgũta. Sata wa-
haro cahmene yũhũre. Judio
masa bucũna, pahia puhtoã,
mari judio masare buheye-
quina yũhũre cahmedaye,
yũhũre wejẽeta. Tiquina sa
wejẽgũ ihtia deco wahaboro
masa wijiagũtja, niahye Jesu
tiquinare.

³² Sa nino ne tuhõ wisiagũ
yero marieno yahuro niahye
tiquinare. Tiquiro sa nigũ
tuhõro Pedro pehe yoa
cjũnogã Jesure ne sadũca,
tiquirore sa ni dutierahye.

³³ Tiquiro sa ni dutieragũ
tuhõro Jesu tiquiro buheye-
quinare majare ihña, tuhti-
ahye Pedrore.

—Satana yero saha
yahuducugũ nine mũhũ. Sa
niedacãhña. Mũhũ tuhõtuye
masa ye ijire. Cohãcjũ
ye ijierare, niahye tiquiro
Pedrore.

³⁴ Sa ni tuhasa masare
tiquiro buheyequina mehna
tiquiro cahapũ pijio ohõ saha
niahye:

—Ihcãquiro yaquiro iji
duaro, tiquiro esa tuharo
ye duamedire duhu cãnota.
Sa yero yaquiro tiquiro ijiri
buhiri ñano yũhdũeperota
yũhũre duhusi. Sa yero yeere
yeducuriquiro ijirota.

³⁵ Masũno tiquiro esa
tuharo tiquiro cahmeno
sahata yeriquiro pecapũ
waharota. Sa yero
masũno, yeere sa yeducuro,
quehnoañe buheyere sa
yeducuro, ijipihtiye decori
yũhũ mehna hũmũsepũ ijidu-
curota.

³⁶ ¿Ihcãquiro masũno ahri
yehpa cjẽne ijipihtiyere
cũoriquiro pecapũ waharo
yabere wapatajari tiquiro?
Sa ijiriquiro ne wapataerare.

³⁷ Pecapũ tiquiro jeripohna
wahagũ ne dũhse wapa ye
wioro basioeraga. Masũno
jeripohna ihyo waro ijierare.

³⁸ Yojopure, ñañequina
Cohãcjũre cahmeeñequina
tiquina esa tuharo yeri deco
ijiro nine. Ihquẽquina yũhũre,
yũhũ buheye gũhũre bue
tisãboaga. Tiquina sa yegũ
ihñagũ yũhũ masũ Cohãcjũ
ohorigũ quehnoañequina
angele mehna yũhũ Pacũ
asi sitero mehna tojoa tagũ
yũhũre bue tisãñequinare
bue tisãgũtja yũhũ gũhũ, ni
yahuahye Jesu.

9

¹ Sa ni tuhasa ohõ saha ni
nemoahye Jesu:

—Potota niita niaja mũsare.
Ihquẽquina mũsa ohõpũre
ijina mũsa yariato pano
Cohãcjũ tiquiro puhtoro
ijiorũre yũhũ sajãgũ yũhũre
ihñanata, niahye Jesu
tiquinare.

*Jesu tiquiro pagũre came-
sahye*

(Mt 17.1-13; Lc 9.28-36)

² Sa ye seis decori bato Jesu Pedrore, Santiagore, tiquiro bahuro Ñu gũhare h̄m̄h̄an̄ c̄n̄ur̄h̄ tiquina dihitare piji m̄jahye. Ūh̄m̄an̄op̄h̄ esari bato tiquina ih̄nop̄h̄ tiquiro pagure comesaa wahahye.

³ Tiquiro suhtiro asi sitero yero saha yehsero wahahye. Ahri yehpa c̄j̄na numia suhti coseyequina numia sa yehs-eye ye masiedare.

⁴ Sa ye Jesu Elia manano, Moise manano mehna tiquina yahuducugã ih̄nahye tiquina ihtiaro tiquiro buheyequina.

⁵⁻⁶ Sa ye tiquina tutuaro cueahye. Sa cuero dahse ni masiedamehno ohõ saha nimahye Pedro:

—Pũhto, mari ohõ ijigũ quehnoa duare. Ihtia w̄h̄ugã yematja. M̄h̄h̄ ya w̄h̄ugã, Moise ya w̄h̄ugã, Elia ya w̄h̄ugã yematja, nimahye tiquiro Jesure.

⁷ Sa yero tiquina bui ehmeo curua cahmotahye. Sa cahmotagũta ehmeo watoap̄h̄ nino ca tahye:

—Ahriquiro ȳh̄h̄ mac̄h̄ ȳh̄h̄ cah̄n̄iquiro ijire. T̄h̄h̄oya tiquirore, nino ca tahye.

⁸ Sa nigũta Pedro gũh̄h̄ ih̄nahye. Jesu dihitare ih̄nahye. Tiquina ih̄n̄ariquina pehe mariedahye.

⁹ Sa yero c̄n̄ur̄h̄ tiquina dijia tagũ Jesu tiquinare yahuahye:

—Mianogã ȳh̄h̄re sa w̄h̄h̄ire apequinare yahuer-acãh̄ña. Ȳh̄h̄ mas̄h̄ Cohãcjũ ohorigũ ȳh̄h̄ yaria masa wijiari bato tire apequinare

yahuya m̄sa, ni yahuahye tiquiro.

¹⁰ Sa ye tiquiro dutiriro sahata tiquina ih̄n̄arire yahuerahye apequinare. Sa ye tiquina basi ohõ saha ni sinitu yahuducuahye:

—¿“Ȳh̄h̄ yaria masa wijiari bato”, nino dahse nino niari tiquiro? ni, yahuducuahye tiquina.

Sa ye Jesure ohõ saha ni sinituahye:

¹¹ —“Cristo tiquiro ahtato pano Eliare ahta mahtano cahmene”, nine mari acaye judio masare buheyequina. ¿Dahse ijiro boro sa niagari tiquina? ni sinituahye tiquina tiquirore.

¹²⁻¹³ Jesu ȳh̄htiahye:

—Ijirota ijire. Eliare ahta mahta dutiri Cohãcjũ, ijipih̄tiyere quehno mahtatiquirore. Ȳh̄h̄ mas̄h̄ Cohãcjũ ohorigũ peye tahari ñano ȳh̄d̄uḡta. Apequina ȳh̄h̄re cahmedaye, ñano yeeta. ¿Dahse ijiro boro tire sa ni ojoari, m̄sa tahotugũ? Sa yegũ ahrire niitja masare: Elia wihi tuhasari. Tiquiro sa wih̄iepegũta tiquina cahmediro saha tiquirore ñano yeahye. Sata ni ojoahye tiquirore, niahye Jesu tiquinare.

Jesu coã wahm̄a cãhtariquirore ȳh̄d̄oahye

(Mt 17.14-21; Lc 9.37-43)

¹⁴ Sa ye dijia ta, apequina buheyequina cahap̄h̄ esa, peyequina masare ih̄nahye. Tiquiro buheyequina pehe judio masare buheyequina

mehna cahme duse tutuaye niahye.

15 Sa ye Jesu gāhu tiquina dijia tagū ihñañe, ijipihtiyequina masa acua waha, tiquiro cahapu oma cāa wahahye. Tiquiro cahapu esaye,

—¿Ahtajari? niahye tiquirore.

16 —Ahtaja, ni tuhasa,

—¿Duhse ni cahme duse tutuana niari masa tiquina mehna? ni sinituahye Jesu tiquiro buheyequinare.

17 Tiquiro sa ni sinitugū tūhoro, masa watoa ducuriquiro yahuahye tiquirore:

—Buhegu, yahu macure watño cūoriquirore mahure ne cāhtami. Watño pehe tiquirore yahuducu dutiare.

18 Yahu macure tiquiro ñehegū yehpahu bora, bahque diho, buhaa wahae tiri tiquiro. Sa waharo sahpo tua wahae tiri. Sa yegu mahu buheyequinare watñore cohā dutimi. Yahu sa dutiepegūta tiquina cohā masiedari watñore, ni yahuahye Jesure.

19 Tiquiro sa nigū tūhoro Jesu ohō saha niahye tiquinare:

—Ne, yuhure wacū tutuerare masa. Yoari pje musare buhemaja yahu. ¿Noho puno yoari pje yuhure masa cariboajari? Tiquirore ne cāhtaya yuhure, niahye Jesu.

20 Tiquiro sa nigū tūhoye watño cūoriquirore Jesu caha ne cāhtahye. Tiquina ne

wihigū ihñano watño pehe coā wahmua cāhtariquirore yehpahu doque quehe sa, tunu nanaregū yeahye. Sa yero sahpo tuua wahahye.

21 —¿Noho puno yoari pje watñore cūoajari ahriquiro? ni, sinituahye Jesu pehe tiquiro pacurore.

—Nijnogā ijiroputa tiquirore cūo ducari.

22 Sa yero watño pehe tiquirore pecapu, acopu cohā wejēmedi. Sa yegu mahu ye masigu usāre paja ihña, yedohoya, niahye tiquiro pacuro Jesure.

23 Tiquiro sa nigū tūhoro ohō saha niahye Jesu:

—¿“Mahu ye masiegu ijire”, niajari mahu yuhure? Yuhure mahu wacū tutuagū ihñano, Cohācjū ijipihtiyere ye peho masine, mahure yedohoro, niahye Jesu.

24 Tiquiro sa nigūta coā wahmua cāhtariquiro pacuro ohō saha ni sañuducuahye:

—Muhure wacū tutuaja. Yahu wacū tutueragū ihñagu yuhure yedohoya mahure yahu wacū tutuato saha, niahye tiquiro.

25 Sa yero masa peyequina tiquina cahapu oma cāhta, tiquina cahmecoagū ihñano, Jesu watñore ohō saha ni tuhtiahye:

—Mahu yahuducu dutiegu, tūho dutiegu ahriquiro mehna ijirigu wahaya. Sa wahagu tiquirore pari turi cariboeracāhña, niahye Jesu.

26 Tiquiro sa nigū tūhoro watño sañuducu, coā

wahm_{ua} cāhtariquirore yehpap_u doque quehe sa tunu nanaregū ye, wahahye. Tiquiro sa yegū coā wahm_{ua} cāhtariquiro yariariquiro yero saha wahahye.

27 —Tiquiro yariaa wahare, nimahye masa peyequina.

Tiquina sa niepegūta Jesu pehe tiquiro omocare ñehe, tiquirore wahcōahye. Tiquiro sa wahcōgū wahcāhye tiquiro pehe.

28 Came Jesu gūh_u wahap_u tiquina sajā sagū tiquiro buheyequina tiquirore sinituahye:

—¿Duhse yena usā pehe watīnore cohā masiedayari, mah_u tūhotugū? ni sinituahye tiquina.

29 —Ahriquiro boro watīnore cohā duana Cohācjāre tutuaro sinino cahmene m_usare, ni yūhtiahye Jesu tiquinare.

Pari turi Jesu tiquiro yaria masa wijiature yahuahye

(Mt 17.22-23; Lc 9.43-45)

30 Sa ye top_u ijiriquina waha, Galilea yehpap_u esa, yūhd_{ua} wahahye. Top_u tiquina waharire apequina masigū cahmedahye Jesu tiquiro yequinare buhero taro.

31 Top_u esaro tiquiro buheyequinare buheahye. Ohō saha ni buheahye:

—Yūh_u mas_u Cohācjū ohorig_u ijiaja. Masa yūh_ure ñehe, apequinap_ure yūh_ure ohoeta. Tiquina sa ohori bato yūh_ure wejēeta. Tiquina sa wejōrig_u ijiepegūta ihtia deco

wahaboro masa wijiagūtja, niahye tiquinare.

32 Tiquiro sa nigū tūhoye tiquina quehnoano tūho ñehedahye. Sa ye cuye, tiquirore tire sinitu nemoedahye.

Jesu buheyequina tiquina mehna cjānore pūhto sō duaye nimahye

(Mt 18.1-5; Lc 9.46-48)

33 Sa ye Capernaup_u tiquina esari bato wahap_u tiquina ijigū Jesu pehe sinituahye tiquinare.

—¿Mahap_ure ahtana, duhse ni yahuducu cāhtana niari m_usa? ni, sinituahye tiquinare.

34 Tiquiro sa sinitugū tiquina yūhtierahye. Mahap_ure ahtaye, cahme ohō saha ni yahuducu cāhtaye niahye:

—¿Mari mehna cjānore diquiro pehere mari pūhtoro sōnatari mari? ni yahuducuye niahye mahap_ure ahtaye.

35 Sa ye tiquina sa nidire bue tiye Jesure yūhtierahye. Tiquina sa yūhtieragū ihñano Jesu nuju sa, tiquiro buheyequinare doce buheyequinare pijio ohō saha niahye:

—M_usa pūhtoa iji duana ijipihtiequina masa tiquina cahacjāna ijiro cahmene m_usare. Sa yena ihyo ijina ijipihtiequina docap_u ijinata m_usa, niahye Jesu tiquinare.

36 Sa nino nijinogāre tiquina watoa duhu do-coahye. Duhu doco tuhasa

tiquirogãre ne wua, ohõ saha ni yahuahye:

37 —Yeere ye duana ahriquiogãre m̄sa cahmena, yuh̄u gũh̄ure cahmene m̄sa. Sa yena yuh̄ure cahmena, yuh̄ure ohoriquiromo mari Pac̄u gũh̄ure cahmene m̄sa, niahye Jesu tiquinare.

Marine ihña tuhtiriquiro ijieraro, mari mehna cjãno ijire

(Mt 10.42; Lc 9.49-50)

38 Came Ñu ohõ saha niahye Jesure:

—Buhegu, m̄uh̄u wame mehna wat̄iare coh̄ariquiore usã ihñau. Mari mehna cjãno tiquiro ijieragũ ihñana tire tiquirore ye dutierahti usã, niahye tiquina.

39 Tiquina sa nigũ tãhoro Jesu tiquinare yahuahye:

—Sa niedacãhña m̄sa tiquirore. Ihcãquiromo yuh̄u wame mehna Cohãcjũ tutuaye mehna yero, came yuh̄ure ñano ni yahuducu masiedare.

40 Marine ihña tuhtiriquiro ijieraro, tiquiro mari mehna cjãno ijire.

41 M̄sare potota nii niaja. Yeequina m̄sa ijigũ ihñañe apequina m̄sare tiquina yedohogũ ihñano Cohãcjũ tiquinare quehnoano yerota. Acore m̄sare tiquina mehenogã sihõgũ tiquinare quehnoano yerota Cohãcjũ tiquina sa yeri wapa, niahye Jesu tiquinare.

Ñañene yegũ cuarĩne

(Mt 18.6-9; Lc 17.1-2)

42 Sa yero Jesu yahu nemoahye:

—Ahriquiogã yero saha ijiriquirore yuh̄ure wacũ tutua d̄cariquiore yahugut̄ja m̄sare. Apequiromo ahriquiogã yero saha ijiriquirore ñañene ye dutiro tiquiro ña yuh̄uaro yuh̄urota. Ihcãquiore tiquiro wam̄ap̄u pajiria ut̄are d̄hte yo, pajiri map̄u tiquirore tiquina cohãgũ ñano wahaboaga tiquiro. Sa ijiepegũta ahriquiogã yero saha ijiriquirore ñañene ye dutiriquiro tiquiro pehe pajiri map̄u tiquina coh̄ariquiromo yuh̄uro ñano yuh̄urota.

43-44 M̄uh̄u omoca mehna ñano yegu ti omocare m̄uh̄u d̄te coh̄aboriro saha ti m̄uh̄u ñano yeye pehere duhuya. Tire duhueragu pecap̄u wahaguta. Top̄ure ne peca yatierare. Sa ye becoa ne yarierare. M̄uh̄u omocare cohãgũ ti si dihita butiboaga. Sa yegu m̄uh̄u pehe sa bajuri turu ijiepegũta came Cohãcjũ mehna ijiguta. P̄ua omoca mehna pecap̄u wahagu m̄uh̄u sa wahagũ ña yuh̄uaboaga. Sa yegu ti m̄uh̄u ñano yeye pehere duhuya.

45-46 M̄uh̄u dahpocã mehna ñano yegu ti dahpocã gũh̄ure m̄uh̄u d̄te coh̄aboriro saha ti m̄uh̄u ñano yeye pehere duhuya. Tire duhueragu pecap̄u wahaguta. Top̄ure ne peca yatierare. Sa ye becoa ne yarierare. M̄uh̄u dahpocãre m̄uh̄u cohãgũ ti si dihita butiboaga. Sa yegu sa bajuri turu ijiepegũta

came Cohācjū mehna ijiguta. Pua dahpocā mehna pecapū wahagū mūhū sa wahagū ña yūhdūaboaga. Sa yegū ti mūhū ñano yeye pehere duhuya.

47-48 Mūhū capea mehna ñano yegū tiare ore we mūhū cohāboriro saha ti mūhū ñano yeye pehere duhuya. Tire duhueragū pecapū wahaguta. Topure ne peca yatierare. Sa ye becoa ne yarierare. Tiare mūhū cohāgū tia dihita butiboaga. Ihcā capea mariedapegūta came Cohācjū mehna ijiguta. Pua capea mehna pecapū wahagū mūhū sa wahagū ña yūhdūaboaga. Sa yegū ti mūhū ñano yeye pehere duhuya.

49 Ahri yehparū ijina ñano yūhdūnata mūsa. Pecapū mari ujūgū marine purīno saha ñano yūhdūnata mūsa.

50 Moa quehnoano ocare. Moa ocaeragū ti moare ocagū yero basioerare. Moa ocaeraro ti moa ne quehnoaedare. Ti moare duhsero basioerare. Sa ijigū ihñana ti moare cohāno cahmene. Moa quehnoano ti ocaro saha mūsa gūhū masa quehnoana ijiya. Sa yena apequina mehna quehnoano mehna ijiya, ni yahuahye Jesu tiquinare.

10

Tiquina namosānumiare cohāñene yahuahye Jesu
(Mt 19.1-12; Lc 16.18)

1 Sa ye tiquiro topū ijiriquiro waha, Judea yehpa cahapū esa, Jordā wame

tiri ma ape sie pahrēpū esahye. Topū tiquiro esagū ihñañe masa peyequina tiquiro cahapū cahmecoahye tja. Tiquina sa cahmecoagū ihñano to pano tiquiro buheriro sahata pari turi buheahye tja.

2 Tiquiro sa buheri watoa fariseo masa wihiahye. Jesure ñano tiquiro yahuducugū tūho duamahye tiquina. Sa tūho duaye tiquina Jesure sinituahye.

—¿Mari namosānumiare cohāgū quehnoaboagari? ¿Mari dutiye pehe sata ye dutiajari, mūhū tūhotugū? ni sinituahye tiquina.

3 —¿Duhse ye dutiajari to Moise mū sare tiquiro cūri? ni yūhtiahye Jesu.

4 —“PAPERa pūre mūsa cohāñene yahuyere ojoana mūsa namosānumiare cohā masine”, niahye Moise, ni yūhtiahye fariseo masa pehe.

5 Tiquina sa nigū tūhoro ohō saha ni yahuahye Jesu:

—Cohācjū dutiyere mūsa ye dueragū ihñano sa ni ojoahye Moise.

6 Tiquiro sa ni ojoari ijiepegūta ahri yehpare bajumehnediquiro umūno, numino gūhūre yeahye.

7 Sa yero umūno tiquiro pacūsumūare cohā wijia, tiquiro namono mehna ijirota.

8 Sa ye tiquina pūaro ijiepetā ihcā pagū yero saha ijire. Sa ye tiquina pūaro yero saha ijierare. Ihcā pagū yero saha ijiye nine.

9 Cohãcjũ tiquiro omoca dũhte dutiriquina ijire. Sa ye tiquinare cahme duhueraro cahmene, niahye Jesu tiquinare.

10 Sa ni tuhasa tiquiro buheyequina mehna wũhũpũ sajãa wahahye. Wũhũpũ sajã sa, tiquina namosãnumiare cohãñene tiquiro buheyequina sinituahye tja tiquirore.

11 Tiquina sa sinitugũ tiquiro yũhtiahye:

—Tiquiro namonore cohãriquiroro apecorore namo tiro, apecoro mehna ñano yeriquiro ijire. Sa yero tiquiro cohãricorore ñano wahagũ yero nine.

12 Sa yero numino pehe ticoro manũnore cohãno, apequiroro manũ tiro, tiquiro mehna ñano yericoro ijire, niahye Jesu tiquinare.

Macanagã ye ijiatire Cohãcjũre sini basahye Jesu (Mt 19.13-15; Lc 18.15-17)

13 Sa ye macanagãre Jesure ña peo dutiye tehe tiquinagãre Jesu cahapũ ne cãhtaye niahye. Tiquina sa yegũ ihñãne tiquiro buheyequina pehe tiquinagãre ne cãhtayequinare tuhtiahye.

14 Tiquina sa tuhtigũ ihñano Jesu usuaro, ohõ saha niahye tiquinare:

—Macanagã yũhũ cahapũ ahtaahro. “Waharĩsa”, niedacãhña tiquinagãre. Tiquinagã Cohãcjũre tiquina pũhtoro tũhoture. Sa ye Cohãcjũ tiquiro pũhtoro ijirorpũre ahriquinagã yero

saha tũhotuyequina ijire topũre.

15 Ijirota niita niaja mũsare. Ahriquinagã Cohãcjũre tiquina cahmeno saha mũsa pehe cahmedana, tiquiro cahapũ wahasi mũsa. Mũsa wahaeragũ mũsa pũhtoro ijisi tiquiro, niahye Jesu.

16 Sa ni tuhasa Jesu macanagãre ne wũa, tiquinagãre ña peoro ohõ saha niahye:

—Ahriquinagã quehnoañequina wahaahro, ni sini basahye Cohãcjũre.

Doeri cjẽ upũro Jesure sinituahye

(Mt 19.16-30; Lc 18.18-30)

17 Sa ye Jesu mahapũ tiquiro wahaducugũ apecquiroro pehe oma cã, tiquiro dahpocãri cahapũ dũsepe curi mehna quehe sahye tiquirore ño peoro.

—¿Ne, quehnoagũ buhegũ, yũhũ ijipihtiye decori Cohãcjũ mehna iji duagũ dũhse yegũtari yũhũ? niahye tiquiro Jesure.

18 Tiquiro sa nigũ Jesu yũhtiahye:

—¿Dũhse ijiro boro yũhũre “Quehnoagũ”, ni pisuajari mũhũ? Cohãcjũ dihita quehnoariquiroro ijire.

19 Ahri Cohãcjũ dutiyere masine mũhũ: Masare wejẽdacãhña. Wũana tieracãhña. Yaqueracãhña. Ni mehoedacãhña. Apequina yere ni meho nedacãhña. Mũsa pacũsumũare ño peoya. Ahri dutiyere yero cahmene

masare, ni yahuahye Jesu tiqiurore.

20 —Buheg_u, tire ijipihiyere coã wahm_{ua} cãhtag_u ijigup_{uta} yuhdud_{caera} tii yuh_u, niahye tiqiuro Jesure.

21 Tiquiro sa nigũ tuhoro Jesu pehe tiqiurore ihñadoque ohõ, cahĩahye. Sa yero ohõ saha niahye:

—Mehenogã d_{uhsare} m_{uhure} m_{uh} ye pehoato. Ijipihiyere m_{uh} yere duagu wahaya. Sa yeg_u ijipihiyere m_{uh} wapatari niñerure pejec_{oyequinare} ohoya. M_{uh} sa yegũ pajiro m_{uh} ye uhm_{usep}, Cohãcjũ cahap_u ijirota. M_{uh} sa yeri bato yuh_u mehna cjẽ ijia_{cj} ah-taya, niahye Jesu tiqiurore.

22 Tiquiro sa nigũ tuhoro tiqiuro pehe peye doeri cjẽ c_{uoriqiuro} ijiro tire pejec_{oyequinare} oho dueraro, buj_{ua} witi, coera, wahaa wahahye.

23 Tiquiro sa buj_{ua} witi_{gũ} ihñano Jesu majared_{ca} sa, tiqiuro buheyequinare ihñadoque ohõ, ohõ saha niahye:

—Doeri cjẽ c_{uoyequina} Cohãcjũ p_{uhtoro} ijirop_{ure} tiquinare waharo basioera cjũre, niahye tiquinare.

24 Tiquiro sa nigũ tuhoye tiquina pehe tiqiurore tuho maria wahahye. Sa ni tuhasa Jesu pari turi yahuahye tiquinare:

—Yuh_u acaye, ijipihiyequina doeri cjẽ opana Cohãcjũre wacũno marieno Cohãcjũ p_{uhtoro} ijirop_u

tiquinare waharo basioerare.

25 Camello pehe awia copep_u tiqiuro sajã duagũ basioerare. Tiquiro sa ijiro yuhd_{uoro} doeri cjẽ c_{uoriqiurore} Cohãcjũre wacũno marieno Cohãcjũ p_{uhtoro} tiqiuro ijirop_{ure} tiqiurore waharo basioerare, ni yahuahye tiquinare.

26 Tiquiro sa nigũ tuhoye to pano tiquina tuho mariariro yuhd_{uoro} tuho maria waha, tiquina basi ohõ saha niahye:

—Yohou, tiqiuro nino sahata potota ijigũ ne ihcãquiro mas_uno_{re} yuhd_uoeraboaga Cohãcjũ, niahye tiquina basi.

27 Tiquina sa nigũ tuhoro Jesu tiquinare ihñadoque ohõ, ohõ saha niahye:

—Masa tiquina esa tuharo quehnoano yeri mehna Cohãcjũ cahap_u waha masiedare. Cohãcjũ pehe masare pecap_u waha-boriquinare yuhd_uo masine. Tiquiro ijipihiyere quehnoano ye masi peho cãhre, niahye Jesu tiquinare.

28 Tiquiro sa nigũ Pedro tiqiurore ohõ saha niahye:

—Tuhorĩña. Usã pehe ijipihiyere usã yere cũ cã_u m_{uh} mehna wahana tana, niahye tiqiuro Jesure.

29 Tiquiro sa nigũta Jesu ohõ saha niahye:

—Ijirota niita niaja m_usare. Quehnoañe buheyere, yeere yena tana yuh_ure ño peona tana m_usa wuh_usere, m_usa bahanare, m_usa pac_usum_uare, m_usa poh_unare, m_usa weserire cũrina ijina,

pajiro wapatanata m̄sa
yojop̄re.

³⁰ Sa yena m̄sa w̄h̄sere,
m̄sa bahanare, m̄sa pa-
cos̄anumiare, m̄sa poh̄nare,
weserire, to pano m̄sa
c̄uoriro ȳhd̄uoro yojop̄re
peye c̄uonata m̄sa. Sa
ye apequina m̄sare ñano
yeeta. Sa yena camer̄re
ape tjurop̄ ijiptiye decori
Coh̄c̄j̄ mehna ijinata.

³¹ Yojop̄re peyequina
p̄h̄toa ijiptiye ti p̄j̄p̄re
ihyo ijiptiye tojoaeta.
Sa ye yojop̄re peyequina
ihyo ijiptiye ijiptiye
ti p̄j̄p̄re p̄h̄toa came-
saeta tja, ni yahuahye Jesu
tiptiye.

*Pari turi Jesu tiptiye yaria
masa wijiatiye yahuahye*

(Mt 20.17-19; Lc 18.31-34)

³² Sa ye tiptiye mahap̄
maja, Jerusal̄p̄ m̄jañe
niahye. Jesu tiptiye panoḡ
ūhm̄ t̄ahye. Sa tiptiye
ūhm̄ t̄aḡ ih̄ñañe tiptiye
buheyequina ih̄ña maria
wahahye. Sa ye tiptiye bato
n̄n̄ t̄ariquina pehe cuero
mehna n̄n̄ t̄ahye. Sa yero
Jesu tiptiye buheyequinare
tiptiye sehsaro neahye tja.
Sa yero masa tiptiye d̄h̄se
yeatiye Jesu yahu d̄cahye
tiptiye.

³³ —T̄ahoya ȳh̄re. Yo-
jop̄re Jerusal̄p̄ wahana
niaja mari. Top̄ masa ȳh̄
mas̄re Coh̄c̄j̄ ohoriḡre
ñehe, apequinap̄re ȳh̄re
ohoeta. Pah̄a p̄h̄toare, mari
acaye judio masare buheye-
quina ḡh̄re ȳh̄re ohoeta.

Sa ye ȳh̄re wej̄e dutieta
tiptiye. Sa wej̄e dutiye judio
masa ijiptiye pehere
ȳh̄re ohoeta.

³⁴ Tiptiye sa ohori bato
tiptiye pehe ȳh̄re buj̄p̄e,
sihco puti oh̄, tana, wej̄eeta.
Sa yeḡ ȳh̄ yariari bato
ihtia deco wahaboro masa
wijiatiye, ni yahuahye Jesu
tiptiye.

*Santiago, Ñu mehna Jesu
siniptiye*

(Mt 20.20-28)

³⁵ Sa ye Santiago, Ñu
mehna Jesu cahap̄ esaye,
siniptiye tiptiye. Tiptiye
Zebedeo poh̄ne ijiptiye. Sa ye
oh̄ saha ni siniptiye:

—Buheḡ, ūs̄ sinino saha
ūs̄re yeya m̄h̄, niahye
tiptiye Jesu.

³⁶ —¿D̄h̄se ȳh̄ yeḡ cah-
meajari m̄sa? niahye Jesu
tiptiye.

³⁷ —Ijiptiyequina
p̄h̄toro ijiptiye ūs̄re m̄h̄
mehna duji dutiye. Ihc̄qui-
ro m̄h̄ poto pehe, apequi-
ro m̄h̄ c̄u pehe pehe duji
dutiye ūs̄re, m̄h̄ mehna
p̄h̄toa ūs̄ ijiato saha, niahye
tiptiye Jesu.

³⁸ Tiptiye sa niḡ t̄ahoro
oh̄ saha ni yahuahye Jesu
tiptiye:

—M̄sa ñano ȳhd̄atore
masiedapenata sa sinine
ȳh̄re. ¿Yojop̄re ȳh̄
ñano ȳhd̄ato saha m̄sa
ḡh̄ ñano ȳhd̄ana ihc̄ano
sahaboagari? ni sinitu-
ahye tiptiye.

³⁹ Tiptiye sa sinituḡ
t̄ahoye tiptiye ȳh̄tiptiye:

—Ihcāno sahanata, ni yuhtiahye tiquina.

Tiquina sa nigū Jesu ohō saha ni yahuahye:

—Yuhū ñano yuhduato saha ñano yuhduanata masa gūhū.

⁴⁰ Mh̄sa sa yuhduanaja mh̄sa ijiepegūta, yuhū mehna dutiatiquinare, yuhū mehna dujiatiquinare bese masiedaja yuhū. Ahrire yuhū Pacū pehe quehno tuhasari. Sa ye tiquiro beseatiquina dihita yuhū poto pehe yuhū cū pehe pehe dujieta, niahye Jesu tiquinare.

⁴¹ Sa ye apequina p̄ha omopequina buheyequina Santiago, Ñu ahriquina p̄h̄aro mehna usuahye tiquina sa sinidire t̄hoye.

⁴² Tiquina sa usuagū ihñano Jesu tiquiro buheyequinare pijio ohō saha niahye:

—Cohācjūre masieñequina p̄h̄toa pehe tiquina masare dutiye, usuaro mehna dutire.

⁴³ Mh̄sa pehe ne sa yesi mh̄sa basi. Mh̄sa mehna c̄j̄no p̄h̄toro iji duaro, ijipihtiequina tiquiro mehna c̄j̄na cahacj̄no ijiro cahmene tiquirore.

⁴⁴ Sa yero ijipihtiequinare dutiriquiro iji duaro, apequina cahacj̄no ijiro cahmene tiquirore.

⁴⁵ Sata ijigū ijiaja yuhū gūhū. Yuhū masū Cohācjū ohorigū ijiepegūta ahri yehpapū masare yedohogū ahtaū. Sa yegū peyequina masa ye buhirire yariagū ahtagū nii. Sa yegū peyequina masare pecapū wahaboriquinare yuhduogū ahtagū nii. Masare

dutipegū ahtagū niedū, ni-ahye Jesu tiquinare.

Bartimeore, caperi bajueriquirore ihñagū yeahye Jesu

(Mt 20.29-34; Lc 18.35-43)

⁴⁶ Sa ye tiquina Jericórp̄h̄ esahye. Sa yero Jesu tiquiro buheyequina, masa peyequina mehna ti macapū ijieyequina tiquina wahagū Bartimeo pehe maha duhtū cahapū dujahye. Tiquiro Timeo macūno caperi bajueriquiro ijiro, decoripe masare niñerure siniducuriquiro ijiahye.

⁴⁷ Sa yero topū Jesu Nazare c̄j̄no tiquiro cahapū ahtagū t̄horo Bartimeo ohō saha ni sañuducuahye:

—Jesu, Davi m̄n̄ano panami iji turiagū, masare yuhduoacjū, paja ihñaña yuh̄re, ni sañuducuahye Jesure.

⁴⁸ Tiquiro sa nigū t̄hoye masa peyequina Bartimeore “Dihta mariaña”, ni tuhtiahye tiquina tiquirore. Tiquina sa tuhtigū t̄horo Bartimeo to pano tiquiro sañuducuro yuhduo c̄j̄no sañuducu nemoahye tja:

—Jesu, Davi m̄n̄ano panami iji turiagū, masare yuhduoacjū, paja ihñaña yuh̄re, ni sañuducuahye tiquiro.

⁴⁹ Tiquiro sa ni sañuducugū t̄horo Jesu pehe esadūca, “Pijiohya tiquirore”, niahye. Tiquiro sa nigū tiquina pehe caperi bajueriquirore pijio cāhye:

—Bucueya. Wahcãducaya. Tiquiro mähare pijiore, ni ahye tiquina Bartimeore.

⁵⁰ Tiquina sa nigũ tãhoro tiquiro bui cjã suhtirore tu we cũ, uhpu yãhdũ cã, Jesu cahapũ esadũcahye.

⁵¹ Sa yero Jesu sinituahye tiquirore.

—¿Dũhse yãhũ yegũ cahmeajari mãhũ? niahye Jesu tiquirore.

—Yãhũ pãhto, yãhũre ihñagũ yeya, niahye caperi bajueriquiro.

⁵² —Wahaya. Mãhũ yãhũre wacũ tutuagũ quehnoa wahare, niahye Jesu tiquirore.

Tiquiro sa nigũta caperi bajueriquiro ihñaa wahahye. Sa quehnoa waharo Jesu mehna mahapũ wahaa wahahye.

11

Jerusalẽpũ esahye Jesu

(Mt 21.1-11; Lc 19.28-40; Jn 12.12-19)

¹ Sa ye Jerusalẽpũ tiquina esato panogã Betfagã wame tiri maca cahapũ, Betania wame tiri maca cahapũ ijidũpũ, Olivo wame tidũ cãhũpũ esa mãhtahye. Topũ esaro pãarore tiquiro buheyequina mehna cjẽnare Jesu ohoro ohõ saha niahye:

² —Si macapũ wahaya. Topũ esana duita burrogãre tiquina dũhte docoriquirogãre bocanata. Apequina pesamehnediquirogã ijiaga. Tiquirogãre bocana, yuta dare pã, ne cãhta basaya yãhũre.

³ Mũsa sa yegũ ihñano burrogã upãro “¿Dũhsena burrogãre pãjari?” tiquiro nigũ tãhona, ohõ saha ni yãhtiya tiquirore: “Mari pãhtoro burrogãre cahmedoqueo nidi. Sa yero mianogãta wiarota tiquiro”, ni yahuya tiquirore, ni yahu duti ohoahye tiquiro buheyequinare pãarore.

⁴ Tiquiro sa nigũ waha, wãhũ cahapũ ijiri mahapũ sopecaha cahapũ burrogãre tiquina dũhte docoriquirogãre bocahye.

⁵ Sa ye tiquirogãre yuta dare tiquina pãgũ ihñãñe topũ ducuyequina sinituahye tiquinare:

—¿Dũhse yena tana mũsa yuta dare pãjari burrogãre? ni sinituahye tiquina.

⁶ Tiquina sa nigũ tãhoye, tiquina pehe Jesu tiquiro ni diro sahata yahuahye topũ ducuyequinare. Tiquina sa yahugũ tãhoye topũ ducuyequina pehe “Neahña”, niahye tiquinare.

⁷ Sa ye tiquina burrogãre Jesu cahapũ ne sahye. Tiquina ne sari bato tiquirogã bui tiquina suhtire duhu peo tuhasagũ ihñano, Jesu pehe tiquirogã bui mãja pjeahye, waharo taro.

⁸ Sa ye masa peyequina tiquina bui sañañe suhtire tu we ne, mahapũ seõ cũ mãhtahye, Jesure ño peoye. Apequina pehe pũri tiye dũpũrĩre weseripũ tiquina ne cãhtari dũpũrĩre mahapũ cũahye.

9 Sa ye tiqairo pano wahayequina, tiqairo bato ah-tayequina mehna ohõ saha ni sañuducuahye:

—Ahriquiroro ño peouhna. Ahriquiroro Cohãcjũ tiqairo ohoriquiro quehnoano iji-ahro.

10 Mari ñesca iji turiariquiro Davi manano puhtoro tiqairo ijiriro saha ahtariquiro quehnoano ijahro. Uhmuse cjanore “Tutuagũ ijire”, ni ño peouhna, ni sañuducuahye tiquina.

11 Sa yero Jesu Jerusalẽpu esaro Cohãcjũ ya wuhũpu sajã saro, ti wuhũpu ijiyere ijipihtiyere ihña peho cãhye. Ihña tuhasa “Ñamicahapũ ijire. Deco cjũnota wahaũhna”, nino, Jesu tiqairo buheyequina doce buheyequina mehna Betaniapũ wahahye.

Jesu higuerağure yaria dutiahye

(Mt 21.18-19)

12 Sa ye ape deco tiquina Betaniapũ ijiriquina wahaa wahahye. Sa yero Jesu pehe ujuã ahbaa waha, yoaropũ higuera wame tidũre quehnoano pũri tidũre ihñano tu dũcare macano wahamahye.

13 Dũca mariedahye. Dũca tiri pje ijieraro pũri dihita iji-ahye.

14 Sa yero dũca mariedagũ ihñano ohõ saha niahye:

—Ahdũ dũcare masa ne pari turi ihyeracãhdo. Ne dũca tieracãhdo, niahye Jesu.

Tiqairo sa nigũ tiqairo buheyequina pehe tãhoahye.

Jesu Cohãcjũ wuhũre Cohãcjũ mehna yahuducuri wuhũ ye dutiahye

(Mt 21.12-17; Lc 19.45-48; Jn 2.13-22)

15 Tiqairo sa yeri bato tiquina Jerusalẽpu esahye. Topũ esaro, Jesu Cohãcjũ ya wuhũpu sajã saro apee boro duayequinare, dũyequina gũhũre cohã wioahye. Sa yero niñeru comesaye mesarire yo wahcõ, ne majare cũ mujahye. Bujuaare duayequina tiquina dujiye pahtari gũhũre sata yeahye.

16 Sa yero apee borore ne sajã dutierahye masare.

17 Sa yero Jesu ohõ saha ni buheahye tiquinare:

—Ohõ saha nine Cohãcjũ yere tiquina ojoari pũ: “Ya wuhũ Cohãcjũ mehna yahuducuri wuhũ wame tirota. Sa yero ijipihtiro cjẽna ya wuhũ ijirota”, ni ojoahye Cohãcjũ yere tiquina ojoari pũ. Ti pũ sa niepegũta mũsa pehe ahri wuhũpu duana, mũsa basi cahme yaquere mũsa, ni buheahye tiquinare.

18 Tiqairo sa ni buhegũ ijipihtiyequina masa pehe tũho maria wahahye. Sa ye pahia puhtoã, usã judio masa buheyequina mehna tiquiroro cue niahye. Sa ye tiquina tiquiroro wejẽatire wacũ macamahye.

19 Tiquina sa yegũ ñamicahapũ Jesu tiqairo buheyequina mehna ti macapũ ijiriquina wahaa wahahye.

Higueragũ ñaia wahahye
(Mt 21.20-22)

20 Sa ye bohrearo mahapu maja taye, higueragure ihñahye. Tũ nũhcoripũ ñai ãuca, ñaia wahahye tũ.

21 Tũre ihñano Pedro pehe wacũ, ohõ saha niahye:

—Buhegũ, ihñaña. Higueragũ mahũ yaria dutidũ yaria wahaya, niahye Pedro.

22 Tiquiro sa nigũta Jesu yahuahye tiquinare:

—Cohãcjũre wacũ tutuaya mũsa.

23 Ijirota niita nijaja mũsare. Ahdũ cãũre pajiri mapũ mũsa cohã dutigũ mũsa nidiro saha sa waharota. Cohãcjũre quehnoano mũsa wacũ tutuagũ “Yũhũ sinidiro saha waharota”, mũsa ni tũhotugũ mũsa nidiro saha waharota.

24 Sa yegũ ahrire yahugũtja mũsare. Cohãcjũ mehna yahuducuna, tiquirore sinina, “Yũhũ sinidiro saha ohorota yũhũre”, ni tũhotuya. Mũsa sa yegũ ihñano Cohãcjũ mũsa siniñene ohorota.

25 Sa yena Cohãcjũ mehna mũsa yahuducuatõ pano mũsare apequina tiquina ñano yegũ mũsa usarire duhuya. Mũsa sa yegũ ihñano mari Рачũ uhmũse cjũno mũsa ñañe yeri pehere tiquiro gũhũ usua duhurota. [

26 Mũsare ñano yeriquinare mũsa usua duhueragũ mari Рачũ gũhũ uhmũse cjũno mũsa ñañe yeri pehere usuario ne duhusi tiquiro gũhũ,] niahye Jesu.

Pahia puhtoã, judio masare buheyequina, bucũna mehna Jesu mehna cahme ãuse tini wiahye

(Mt 21.23-27; Lc 20.1-8)

27 Tiquiro sa nidi bato tiquina Jerusalẽpũ wahahye tja. Sa ye Jesu Cohãcjũ wũhũpũ tiquiro tinigũ ihñañe pahia puhtoã, usã judio masare buheyequina, bucũna gũhũ tiquiro cahapu esaye, tiquirore sinituahye:

28 —¿Dũhsegũ canũre sa yeari mahũ? ¿Noa mahũre tire sa ye dutiari? ni sinituahye tiquina Jesure.

29 Tiquina sa nigũ Jesu yũhtiahye:

—Mũsa pehere sinitu mãhtagũtja. Quehnoano yũhũre mũsa yũhtigũ mũsare yahugũtja yũhũ gũhũ.

30 ¿Ñũ masare tiquiro wame yegũ noa boro pehe tiquirore wame ye dutiyari, mũsa tũhotugũ? ¿O Cohãcjũ dutierayari? ¿O masa pehe tiquirore dutiyari, mũsa tũhotugũ? ni sinituahye tiquinare.

31 Tiquiro sa nigũ tiquina pehe tiquina basi ohõ saha niahye:

—¿Dũhse ni yũhtinatari mari? “Cohãcjũ Ñũre dutiri jiri”, mari nigũ, “¿Dũhsena Cohãcjũ Ñũre tiquiro dutiepegũta tiquirore tũho duerari mũsa?” niboaga Jesu marine.

32 Sa yero “Ñũ tiquiro wame yegũ Cohãcjũ pehe tiquirore dutierari jiri”, mari

nigū masa pehe usueta mari mehna, niahye tiquina basi.

“Potota Ñu Cohācjū yere yahu mūhtariquiro ijire”, ni tūhotue tiahye masa pehe. Sa ye pahia pūhtoa, usā judio masare buheyequina, bucuna mehna tiquinare cue niahye.

³³ Sa ye tiquina Jesure ohō saha ni yahtiahye:

—Ñure wame ye dutiriquirore usā masiedaga, niahye tiquina Jesure.

—Ti pje pūrita yahu gūhū ahrire yahu yerire dutiriquirore yahueraja māsare, niahye Jesu tiquinare.

12

Ñañequina dahra cohteyequina quitire yahuahye Jesu (Mt 21.33-46; Lc 20.9-19)

¹ Sa ye Jesu tiquiro tūhotuye mehna ohō saha ni queoye mehna buhe dūcahye tiquinare.

—Wese upūro ūhse darire oteahye. Ote tuhasa, sahrīnōre doco, ūhsere tiquina cūhta mūtoati copere sehe, ūhmūari wūhūgā dahreahye tiquiro. Sa yero ti wesere apequinare ihcā pehe pahma cūno, ti wesere cohte dutiahye. Cohte duti tuhasa ape siepū wahaa wahahye tiquiro.

² Came ūhse ñidi pje ijigū wese upūro tiquiro cahacjānōre wese cjē tiquiro ya pahma cjē dūcare ne dutiro ohomahye.

³ Sa ye wesere cohteyequina pehe tiquiro cahacjānōre ñehe, quēahye tiquirore. Sa ye tuhasa tiquiro cahacjānōre ūhse tōhorine ohoerapeta tojoa dutiahye tiquirore.

⁴ Sa yero wese upūro apequiro tiquiro cahacjānōre ohomahye tja. Sa ye cohteyequina pehe tiquiro dapure cami dahre, ñano yeahye tiquina tiquirore.

⁵ Sa yero apequiro pehere tiquiro ohogū cohteyequina tiquirore wejēahye. Peyequina apequina gūhūre sa dihita ye mūjahye. Apequina pehere quē, apequina pehere wejēahye tiquina.

⁶ 'Sa yero wese upūro macūno dihita dūhsahye. Tiquiro cahīniquiro ijiahye. Sa yero tiquiro macūnōre ohoahye, “Yahu macū pehere ño peoeta”, nino.

⁷ Tiquiro sa ni tūhotuepegūta cohteyequina tiquina basi ohō saha ni yahuducuahye: “Wese upūro macūno ijire ahriquiro. Tiquirore wejēihna mari. Sa yero ahri wese mari ya wese tojoarota”, nimahye tiquina basi.

⁸ Sa niñe tiquirore ñehe, wejē, wese dūhtū cahapū ne cā, cohā cāhye tiquina tiquirore.

⁹ '¿Ne wese upūro ahtaro dūhse yerotari tiquiro wesere cohteyequinare, mūsa tūhotugū? Ohō saha yerota tiquinare: Tiquiro tiquinare wejēno, apequina pehere wesere cohte dutirota.

10-11 ¿Cohãcjũ yere tiquina ojoari pũre ahrire buherari m̄sa? Ohõ saha ni ojoahye:

Ahriquiroy Cristo utã yero saha ijire. Utãre wãhũre dahreyequina tiquina cohãno saha masa tiquiore cohãeta. Tiquina sa cohãepẽgũta yojopũre wãhũre dahreyequina wãhũre yeye, tiquina cũ m̄htaria utãre tiquina cũno saha Cohãcjũ tiquiore pãhtoro sõri. Cohãcjũ pehe ahrire yeri. Tiquiro sa yegũ ihñana, “Quehnoa yãhdũare”, ni tãhotuaja mari, ni ojoahye panopũre.

¿Tire ne buherari m̄sa? ni-ahye Jesu tiquinare.

12 Tiquiro sa nigũ tãhoye pahia pãhtoa, usã acaye judio masare buheyequina, bũcũna mehna ohõ saha ni tãhotuahye: “Jesu wesere cohteyequina quti mehna marine tuhtiro nine”, ni tãhotuahye. Sa ni tãhotuye Jesure ñehe duamahye. Sa ñehe duepeta masare cue niahye. Sa cueye tiquiore cohã cãa wahahye.

Fariseo masa, Herode ya curua cjẽna mehna gobierno cjẽ wapare sinituahye Jesure
(Mt 22.15-22; Lc 20.20-26)

13 Waha, tiquina fariseo masare, Herode ya curua cjẽna gãhũre Jesure sinitu dutiye ohoahye tja. Jesu ñano tiquiroy yãhtigũ ye duamahye tiquina, tiquiore yahusãñe tehe.

14 Sa ye Jesu cahapũ esaye, tiquiore niji sio sinitumahye:

—Buhegũ, poto yahuducugũ, ni mehoñe mariegũ mãhũ ijigũ masiaja usã. Cohãcjũ yere queoro mãhũ yahugũ gãhũre masiaja usã. Sa yegũ ihcãquiroy pãhtoro waro ijiepegũta tiquiroy gãhũre dõyaro marieno potota yahure mãhũ. Sa yegũ usãre yahuya. ¿Roma cjũno ijipihtiyequina pãhtoro yere marine wapa yero cahmeajari, mãhũ tãhotugũ? ¿Mari dutiye wapa ye duti-ajari, mãhũ tãhotugũ? ni sinituahye tiquina Jesure.

15 Tiquina sa sinitugũ tãhoro tiquina ñano ye duayere masino Jesu ohõ saha ni sinituahye tiquinare:

—¿Dũhse yena yãhũ ñano yahuducugũ tãho duajari m̄sa? Yojopũre niñeru cjoere ne cãhtaya. Ti cjoere ihñãhũna, niahye Jesu tiquinare.

16 Tiquiro sa nigũ tãhoye tiquina pehe ihcã cjoey ne cãhtahye. Tiquina ne wihigũ Jesu sinituahye tiquinare:

—¿Noa boro queoye wahñajari ahri cjoere? ¿Noa boro wame wahñajari? ni sinituahye tiquiroy.

—César, masa ijipihtiyequina pãhtoro queoye, tiquiroy wame gãhũ wahñare, ni yãhtiahye tiquina.

17 Tiquina sa nigũ Jesu yahuahye tiquinare:

—Ti pje pũrita masa ijipihtiyequina pãhtoro

yere tiquiro pehere ohoya. Cohãcjũ yere Cohãcjũ pehere ohoya, ni yahuahye Jesu.

Tiquiro sa nigũ tũhoye tũho maria wahahye.

Cohãcjũ tiquiro masoatire yahuahye Jesu saduceo masare

(Mt 22.23-33; Lc 20.27-40)

18 Sa ye ihquẽquina saduceo masa Jesu cahapũ wihiahye. Saduceo masa pehe “Cohãcjũ yariariquinare masosi”, ni tũhotuyequina ijiahye.

19 Sa ye tiquina ohõ saha niahye tiquirore:

—Buhegũ, ohõ saha ni buheahye Moise: “Ihcãquiro wahmino namo tiriquiro pohna mariedaperota yariagũ ihñano tiquiro bahũrore tiquiro wahmino namono ijiricorore nũoano cahmene. Sa yero wahmino mũnano tiquiro pohna tiboro saha pohna tiro cahmene tiquiro bahũrore. Sa ye tiquiro pohne tiquiro wahmino mũnano pohne yero saha ijjeta”, ni ojoahye Moise, niahye tiquina Jesure.

20 Tire ni tuhasa, ahri quitireta yahu nemoahye Jesure:

—Ihcãquiro masũno ijiahye. Seis bahana tiahye. Tiquiro wahmino pehe namo ti, pohna mariedaperota yariaa wahahye.

21 Sa yero apequiro tiquiro bahũro gũhũ tiquiro wahmino namono ijiricorore cũomahye. Tiquiro sa nũoari bato tiquiro wahmino yero saha pohna mariedaperota yariaa wahahye tja. Sa yero

ahriquiro bahũro tiquiro wahmino mũnano yero saha pohna mariedaperota yariaa wahahye.

22 Sa dihita wahahye ihcãquiro pohne waro. Ne pohna mariedapeta yaria pihtia wahahye tiquina. Tiquina namono ijiricoro gũhũ tiquina batota yariaa wahahye.

23 ¿Ne, Cohãcjũ ijipihitiyequinare yariariquina mũnare tiquiro masogũ diquiro namono pehe ijiritari ticoro? Tiquina ijipihitiyequina ticorore namo tiriquina mũna ijiahye. ¿Sa yero diquiro namono pehe ijiboagari ticoro pototi? ni sinituahye tiquina.

24 Jesu yũhtiahye tiquinare:

—Cohãcjũ yere tiquina ojoari pũre, tiquiro masiñe gũhũre ne masiedare mũsa. Sa yero mũsa tũhotuye pehe ne pototo ijierare.

25 Yariariquina mũna tiquina masa mũjari bato angele yero saha ijire. Namu marieñequina, manũ marieñe numia ijire topũre.

26 Yariariquina mũna tiquina masa wijiato pehere mũsare yahugũtja: Tire Moise quehnoano yahu pehoahye. Mehenũgã ujũri quitire ohõ saha ni yahuahye tiquiro: “ ‘Yũhũ Abrahã, Isaac, Jacob tiquina pũhto tjiaja’, ni yahuri Cohãcjũ yũhũre”, ni ojoahye Moise tiquiro ojoari pũrũ.

27 Tiquina yariari bato “Tiquina pũhto tjiaja”, ni

yahuahye Cohācjǎ. Sa nieperota yariariquina mǎna pǎhtoro ijierare Cohācjǎ. “Tiquina pǎhto tjiaja”, tiquiro niñe mehna catiyequina tiquina ijigǎ masiaja mari. Tiquiro catiyequina pǎhtoro ijire. Sa yena “Yariariquina masasi”, ni tǎhotuna potota tǎhotuerare mǎsa, niahye Jesu tiquinare.

Quehnoa yǎhdǎro dutirore yahuahye Jesu
(Mt 22.34-40)

28 Sa ye ihcǎquiroy usǎ acaye judio masare buheyequina mehna cjǎno tiquina cahapǎ wihi, tiquina cahme yahuducugǎ tǎhoahye. Jesu quehnoano yǎhtiyere tǎhorosinituahye tiquirore.

—¿Cohācjǎ ye dutiro quehnoa yǎhdǎri dutiro noho pehe ijiajari, mǎhu tǎhotugǎ? ni sinituahye tiquiro Jesure.

29 Jesu tiquirore yahuahye:

—Ahri dutiro ijire apeye dutiye bui quehnoa yǎhdǎri dutiro: “Israe masa, tǎhoya. Cohācjǎ mǎsa pǎhtoro yǎhu ihcǎta ijiaja.

30 Tutuaro mǎsa jeripohnari mehna, quehnoano mǎsa wacǎñe mehna, mǎsa tutuaye mehna yǎhǎre cahĩña”, nine Cohācjǎ.

31 Ahri dutiro bato apero dutiro quehnoano ijire. “Mǎhu basi mǎhu cahĩno saha mǎhu cahapǎ ijieyequina gǎhǎre cahĩña”, nine Cohācjǎ. Ahri pǎaro dutirota ijipihtiye apeye dutiye yǎhdǎro ijire, ni yahuahye Jesu tiquirore.

32 Tiquiro sa nigǎ judio masare buheriquiro ohō saha niahye:

—Sa tjire. Buhegǎ, potota nine mǎhu. Cohācjǎ ihcǎquiroya ijire. Apequiroy tiquiro yero saha ijiriquiro mariedare. Mǎhu niñe potota ijire.

33 Cohācjǎre tutuaro mari jeripohnari mehna, mari wacǎñe mehna, mari tutuaye mehna tiquirore cahĩno cahmene marine. Yǎhu caha ijieyequinare yǎhu basi yǎhu cahĩno saha tiquina gǎhǎre cahĩno cahmene yǎhǎre. Wahiquinare wejǎ ǎjǎ mǎo mari ohori mehna mari ño peogǎ quehnoarĩmene. Ahri yǎhdǎro Cohācjǎre, masa gǎhǎre mari cahĩne quehnoa yǎhdǎre. Mǎhu sa niñe ijirota ijire, niahye judio masare buheriquiro Jesure.

34 Tiquiro sa quehnoano yǎhtigǎ tǎhorosinituahye tiquirore:

—Mehenogǎ dǎhsare mǎhǎre Cohācjǎre mǎhu quehnoano masiato, niahye tiquirore.

Tiquiro sa nigǎ tǎhoye apequina cueye, ne sinituerahye Jesure.

Cristo Davi mǎnano pǎhtoro ijire
(Mt 22.41-46; Lc 20.41-44)

35 Sa ye Cohācjǎ wǎhǎpǎ buhero ohō saha niahye Jesu: —“Cristo Davi mǎnano panamino iji turiariquiro ijire”, ni buhere mari acaye judio masare buheyequina. ¿Dǎhse niñe sa ni buheajari tiquina?

³⁶ Davi tiquiro basi Espíritu Santo tiquiro dutiriro sahata ohõ saha ni yahuahye:

Cohãcjũ yũhũ pũhtorore ohõ saha nidi: “Ohõpũ yũhũ poto pehe dujiya. Sa yegũ mahũre ihña tuhtiyequinare mahũre yũhdũdũca basagũtja yũhũ”, nidi Cohãcjũ yũhũ pũhtorore, ni ojoahye Davi mũnano.

³⁷ Sa ni ojoaro Davi mũnano pũhtoro tiahye Cristore. ¿Davi mũnano Cristo ñecũno mũnano iji turiariquiro ijieperota dũhsero Davi pehe pũhtoro tiyari Cristore? Cristo Davi mũnano pũhtoro ijire, ni yahuahye Jesu.

Tiquiro sa ni buhegũ peyequina masa bucueye mehna tũhoahye tiquirore.

Jesu judio masare buheyequina tiquina ñañene yahuahye

(Mt 23.1-36; Lc 11.37-54; 20.45-47)

³⁸ Sa yero tiquiro buhe nemono ohõ saha niahye:

—Mari acaye judio masare buheyequina tiquina ñañe yeyere quehnoano ihñaña. Sa yena tiquina yero saha yeracãhña. Tiquina yoaye suhti saña, masa tiquina ihñonopũ majare, doeri cjẽ duaropũ apequina pũhtoare quehnoano ño peo tiquina sinino saha tiquina piti ca sinigũ cahmene tiquina.

³⁹ Sa ye mari judio masa buheye wũhũsepũ quehnoañe dujiye dihitare

duji duare. Sa ye bose deco ijigũ topũ gũhũre quehnoañe dujiye dihitare cahmene tiquina.

⁴⁰ Tiquina wape wiha numia ye wũhũsere tiquina cũoye gũhũre ehmare ti numiare. Sa ye tiquina masa ihñonopũ yoari pje Cohãcjũre siniducumene masare ihña dutiye. Tiquina sa yeri buhiri apequina bui cjũno tiquinare Cohãcjũ pajiro buhiri dahrerota, niahye Jesu tiquinare.

Wape wihoro ticoro ohorire yahuahye Jesu (Lc 21.1-4)

⁴¹ Sa yero Jesu Cohãcjũ wũhũ cjẽ niñeru tiquina sãri acaró cahapũ dujiahye. Topũ masa tiquina niñeru duhu sãgũ ihña dujiro niahye. Sa ye niñeru opana ti acaropũ pajiro duhu sãhye.

⁴² Sa yero wape wihoro pejecũoricoro ti acaropũ ahta, pũa cjoegã duhu sãhye. Pũa cjoie ihcã centavo pose ijire.

⁴³ Ti cjoeri ticoro duhu sãgũ ihñano tiquiro buheyequinare pijioahye:

—Ijirota niita niaja mũsare. Ahricoro wape wihoro pejecũoricoro pehe niñeru ihbori acaropũ duhu sãno apequina ijipihtiyequina tiquina ohori yũhdũoro ohori ticoro pehe.

⁴⁴ Apequina doeri cjẽ opana pajiro tiquina ohoepegũta tiquina ye pajiro dũhsare. Ahricoro pehe pejecũoricoro ijieperota ijipihtiyé ticoro ihyatire

dúborigãre oho pehori, ni-
ahye Jesu.

13

—Cohãcjũ wuhũ cohãri
wuhũ ijirota, niahye Jesu
(Mt 24.1-2; Lc 21.5-6)

¹ Sa ye Cohãcjũ wuhũpũre
tiquina wijiagũ ihcãquiro
buheyequina mehna cjãno
ohõ saha niahye:

—Buhegũ, ihñaña. Ahri
wuhũse quehnoañe utã paca
mehna tiquina yeri wuhũse
quehnoa yuhduaye wuhũse
ijicjoare, niahye tiquiro.

² Tiquiro sa nigũ Jesu
yahuahye tiquinare:

—Ahri ijipihtiye mari ihñari
wuhũse, ahri wuhũse cjẽ utã
paca gũhare cohã pehoeta.
Ne ihcãria utã tojoasi, niahye
Jesu tiquinare.

*Decoripihitiatire yahuahye
Jesu*

(Mt 24.3-28; Lc 21.7-24;
17.22-24)

³ Sa ye Jesu Olivo wame
tidũ canũpũ Cohãcjũ wuhũ
potopũ ijidũpũ esahye. Tũ
buiũpũ dujiahye. Topũ Pedro,
Santiago, Ñũ, Andre mehna
tiquina sehsaro ijiye, tiquina
tiquirore sinituahye:

⁴ —Yahuya usãre. ¿Duhse
ijigũ sa waharotari mũhũ ni-
diro saha waharo? ¿Deco pi-
htiato panogã ijigũ duhse ti
waha dũcagũ ihñanatarĩ usã?
ni sinituahye tiquina Jesure.

⁵ Jesu yuhthiahye:

—Quehnoano yeya mũsa.
Sa yena apequina tiquina
ni mehoñene tuhøeracãhña
mũsa.

⁶ Peyequina masa “Cristo
ijiaja yuhũ”, ni mehoñequina
ahtaeta. Tiquina sa ni
mehogũ tuhoye peyequina
masa Cohãcjũ yere duhueta.

⁷ Mũsa cahagã masa
apequina tiquina cahme
wejẽgũ tuhõnata mũsa. Sa
yena yoaropũ gũhare tiquina
cahme wejẽgũ tuhõnata
mũsa. Sa tuhøopenata ne
tire pajiro tuhøtuercãhña.
Sa waharota. Tiquina sa yegũ
pihtiati deco dũhsarĩnota.

⁸ Ti pjere ihcã yehpa cjẽna
ape yehpa cjẽna mehna
cahme wejẽeta. Sa ye
ihcãquiro pũhtoro yequina
apequiro pũhtoro yequina
mehna cahme wejẽeta.
Sa yero ijipihtiri yehpa
ñuhminota. Sa ye peyequina
masa ujuã mehna yarieta. Sa
wahagũ ahri yehpa cjẽnare
tiquina ñano yuhdu nemoato
dũhsarĩnota. Ñano yuhduĩeta.

⁹ Sa wahagũ ihñana mũsa
basi quehnoano yeya. Ape-
quina mũsare ñehe, ñano
ye dutiye ohoeta apequina
pũhtoapũre. Sa ye judio
masa mari buheye wuhũsepũ
mũsare quẽeta. Tiquina sa
yegũ bujuye macari cjẽna
pũhtoã, tiquina bui pũhtoã
gũhũ mũsare buhiri dahr-
eye tehe sinitueta mũsare.
Yeequina mũsa ijiri buhirire
apequina mũsare yahusãeta.
Sa yena yeere yahunata mũsa
tiquinare.

¹⁰ Sa ye pihtiati deco pano
quehnoañe buheye ijipihtiye
yehparĩ cjẽnare buheripũ
ijirota.

11 Sa yena m̄sare buhiri dahre dutiye, buhiri dahre dutiatiquiro cahap̄u tiquina neaḡu tiquiore m̄sa niatire “Yahu masiedaboaga”, ni t̄hotuerac̄h̄ña m̄sa. Ti pjere m̄sa niatire m̄sare Esp̄ritu Santo yahurota. Tiquiro sa yahurire yahuya m̄sa. M̄sa esa tuharo yahuducusi m̄sa. Esp̄ritu Santo m̄sare yahuducu basarota.

12 Ti pjere tiquina wah-mis̄m̄sa tiquina bahanare wej̄e dutiye ohoeta p̄htoare, yeequina tiquina ijiri buhiri. Tiquina pac̄s̄m̄sa tiquina pohne ne wej̄e dutiye ohoeta p̄htoare. Tiquina pohne pehe tiquina pac̄s̄m̄sare wej̄e dutiye ohoeta p̄htoare.

13 Sa ye yeequina m̄sa ijiri buhiri m̄sare masa ijip̄htiyequina ih̄ña tuhtiet̄a. Tiquina sa yepeḡuta ahri yehpap̄u m̄sa catiro puno m̄sare tiquina ñano yerire ihc̄ano sahana yah̄re duhuerana, yah̄nata m̄sa.

14 Sa yena ña yah̄nariquiro Coh̄c̄j̄u yere ñano yeriquirore ih̄ñanata m̄sa. Coh̄c̄j̄u ya w̄h̄p̄u tiquiro ducuḡu ih̄ñanata. Top̄u tiquiore ijieraro cahmene. Top̄u tiquiro ducuḡu ih̄ñañe Judea yehpap̄u ijyequina c̄n̄u c̄p̄u duhti oma m̄jaa wahaahro. Ahri yah̄u nidire quehnoano masiña m̄sa.

15 Sojaro mehna oma duhtiahro. Ti pjere tiquina w̄h̄se bui c̄j̄e paarip̄u ijyequina w̄h̄u puhiap̄u ijyere tiquina yere neñe

wahaerac̄h̄do tiquina waha madoqueoato saha.

16 Sa ye ti pjere apequina tiquina weserip̄u ijyequina tiquina bui c̄j̄e suhtire w̄h̄p̄u ijyere suhtire neñe wahaerac̄h̄do tiquina waha madoqueoato saha.

17 Ti pjere niji pacos̄numia, tiquina pohne ap̄oñe numia ḡh̄u pejec̄oro wahaeta.

18 Sa yena oh̄o saha ni siniña Coh̄c̄j̄ure: “Pohec̄u ijiḡu sa wahaerac̄h̄do”, ni siniña tiquiore.

19 Ti decorire masa ña yah̄d̄aro wahaeta. Ahri yehpare tiquiro bajumehnedi bato masa ñano yah̄d̄e tiahye. Ti sa ijiepeḡuta ijip̄htiyete ti puriñe yah̄d̄oro pihtiat̄i deco ijiḡure ña yah̄d̄aro masa yah̄d̄eta. Sa ñano tiquina yah̄d̄ari bato pari turi sa ña yah̄d̄aro yah̄d̄asi ahri yehpap̄u.

20 Sa yero Coh̄c̄j̄u ti decorire meheñe decoriḡa ijiḡu yerota. Tiquiro sa yeraḡu ne ihc̄aquiore mas̄no yah̄d̄eraboaga. Sa yero tiquiro beseriquina tiquina yah̄d̄atire meheñe decoriḡa c̄n̄ota Coh̄c̄j̄u.

21 Ti pjere apequina m̄sare “Ih̄ñaña. Ahriquiro ijire Cristo”, tiquina niḡu tiquinare t̄hoerac̄h̄ña. “Top̄u ijire Cristo”, tiquina niḡu ḡh̄are t̄hoerac̄h̄ña.

22 “Cristo ijiaja”, ni mehoñequina, “Coh̄c̄j̄u yere yahu m̄htana ijiaja”, ni mehoñequina ijiet̄a ti pjereta. Sa ye Coh̄c̄j̄u beseriquinare ni mehoñe, tiquina tutuaye

mehna ye ihñoeta. Cohãcjũ yequinare Cohãcjũre tiquina cohã duagũ ye duare tiquina mehoñequina.

²³ Ahrire yahuyuaja m̄sare sa wahato pano. Sa yena quehnoano yeya m̄sa, ni yahuahye Jesu.

Jesu ahri dihtap̄re tiquiro tojoa tatire yahuahye

(Mt 24.29-35, 42-44; Lc 21.25-36)

²⁴ Sa ni tuhasa ohõ saha ni yahuahye Jesu:

—Ti decori ijigũ tiquina ñano yũhd̄ri bato asũ deco cjãno, ñami cjãno gũhu buhrio duhu cãeta.

²⁵ Tiquina sa wahagũta ñahpicoha paca uhm̄sep̄u ijiye paca bora dijiaa wahãeta. Sa ye uhm̄se cjẽ yehpari, ñahpicoha gũhu ti sa wahaducurore camesaeta. Sa ye ñuhmieta.

²⁶ Ti pjeta yũhu masu Cohãcjũ ohorigu ahtagutja. Sa ye uhm̄sep̄u yũhu tutuaye mehna yũhu asĩ siteye mehna uhm̄se cjẽ ehmeo cururi buip̄u ahri yehpap̄re yũhu tojoa tagũ ihñaeta masa.

²⁷ Sa yegu yeequina angelere ijipihtirop̄u ahri yehpap̄u ohogutja. Sa ye ijipihtirop̄u yeequina yũhu beseriquinare tiquina neeta.

²⁸ 'Yojop̄re higuerağure tũhotuya m̄sa. Tu quti mehna m̄sare queoye mehna buheğutja. Tu yucuḡu pũri tigũ ihñana cũhma mehenogã dũhsagũ masine m̄sa.

²⁹ Sata ahri ijipihtiye yũhu nidi sa wahagũ ihñana, yũhu

tojoa tato mehenogã dũhsagũ masinata m̄sa.

³⁰ Ijirota niita niaja m̄sare. Ti pje cjẽna tiquina yariato panore ijipihtiye yũhu nidiro sahata sa waharota.

³¹ Uhm̄se, ahri yehpa gũhu pihtia waharota. Yũhu yahuducuye pehe ne came-sasi. Ijipihtiye yũhu nidiro sahata sa waha sohtori tiarota.

³² 'Ti decore yũhu tojoa tati decore, ti hora gũhure masiedaja yũhu. Angele gũhu tire masiedare. Masa gũhu ne masiedare. Yũhu Pacu dihita tire masine.

³³ 'M̄sa gũhu ti decore masiedare. Sa yena quehnoano yeya. Quehnoano cohteya. Cohãcjũre siniña m̄sa.

³⁴ Ohõ saha cohteya m̄sa. Ahri quti mehna m̄sare queoye mehna buheğutja. Wũhu up̄ro yoarop̄u tiquiro tinino saha ijire ahri. Tiquiro wahato pano tiquiro cahacjẽnare wũhure cohte dutiahye. Tiquinape tiquina dahrayere cũahye. Sa yero wũhure cohteriquirore tiquiro tojoa tatore cohte dutiahye.

³⁵ Sa yena m̄sa gũhu quehnoano wacũ masi cohteya. Wũhu up̄ro tiquiro tojoa tatore tiquina masiedariro saha yũhu m̄sa pũhto tojoa tati decore masiedare m̄sa gũhu. Ñamicahap̄u, ñami deco, canaca tiquiro yahuri pje ijigũ bohrearop̄u ahtaboaga.

³⁶ Yũhu sa wacũeno mehna yũhu wihiatore masina,

yeere sa yeducuya. Sa yena yuhure quehnoano cohteya.

³⁷ Sa yegũ musare yahu nino sahata ijipihtiyequinare sa niaja: Quehnoano wacũ masi cohteya, niahye Jesu tiquinare.

14

Pahia puhto, judio masare buheyequina mehna Jesure wejẽ duahye

(Mt 26.1-5; Lc 22.1-2; Jn 11.45-53)

¹ Sa ye ti pjere pascua wame tiri bosc deco pano pugũ yeye moremehneñe pãre tiquina ihyati deco pano, pua deco dũhsarĩahye. Ti pjere pahia puhto, usã acaye judio masare buheyequina mehna Jesure tiquina ni mehoñe mehna tiquina ñehe wejẽatire cahme yahuducuye niahye.

² —Bosc deco ijigũ tiquirore ñehedacũhna “Masa usuari”, nina, niahye tiquina basi.

Numino ehme sitiye uhse mehna Jesure pio peohye
(Mt 26.6-13; Jn 12.1-8)

³ Sa ye Jesu gũhu Betaniapũ, Simo cami bucũ muna wihiro ijimediquiro ya wuhupũ ijiahye. Sa yero tiquina ihyari watoa numino pehe alabastro mehna yeriare ehme sitiye nardo wame tiye uhserc pose tiriare ne wihiahye. Ti uhse pehe wapa bujũye ijiahye. Sa yero ticoro tiare pohadoqueo, Jesu dapu bui pio peohye.

⁴ Ticoro sa yegũ ihñañe apeqũna usuaa wahahye.

—¿Dũhse yero ahricoro ahri ehme sitiye co wapa bujũyere sa ye siteajari?

⁵ Tire ticoro duaboaya. Tire duaro tres cientos niñeru cjoerire wapataboaya. Sa yero ti niñerure pejecũoyequinare ohoboaya ticoro, ni cohteahye apeqũna pehe ticoro sa yegũ ihñañe.

Sa ye tiquina ticorore tuhti-ahye.

⁶ Tiquina sa nigũ tãhoro Jesu tiquinare yahuahye:

—Sa niedacãhña ticorore. Yuhure ticoro quehnoano yero nine.

⁷ Pejecũoyequina pehe musa mehna sa ijiducueta. Sa yena musa cahmedi pje tiquinare oho masine. Yuhũ pehe ahri yehpare musa mehna sa ijiducusi.

⁸ Ticoro cũoro puno mehna ticoro yuhure sa yeri. Yuhure tiquina yato pano yuhũ pagũre quehnoyuro, ehme sitiycere pio peori ticoro.

⁹ Sa yegũ potota niita niaja musare. Ijipihtiro ahri yehpapũ quehnoañe buheyere tiquina yahuatopũ ahricoro yojopũre ticoro yerire yahueta. Tiquina sa yahugũ tũhoye ticorore masa peyequina wacũeta, ni yahuahye Jesu.

Juda Iscariote Jesure ihña tuhtiyequinare tiquiro ihñaotire yahuahye pahia puhtoare

(Mt 26.14-16; Lc 22.3-6)

¹⁰ Ti pjereta Juda Iscariote doce buheyequina mehna cãno Jesure tiquiro ihñaotire

yahuro wahahye tiquirore ihña tuhtiyequinare, pahia pũtoare.

11 Sa ye pahia pũtoa tire tũhoye bucueahye.

—Mũhũre niñerure ohonatja, niahye tiquina Judare.

Sa yero Jesure ihña tuhtiyequinare tiquiro ihñaotire wacũ macahye.

Jesu tiquiro buheyequina mehna tiquina ihya bato tiri deco ijiahye

(Mt 26.17-29; Lc 22.7-23; Jn 13.21-30; 1 Co 11.23-26)

12 Pugũ yeye more-mehneñe pãre tiquina ihyati bose deco iji dũcari deco, ovejare pascua deco ijigũ ihyatiquirore tiquina wejẽati deco ijiahye. Ti pjere tiquiro buheyequina pehe sinituahye Jesure:

—¿Noho boropũ bose deco ijigũ mari ihyatire quehnoyu dutigũ ohoutjari mũhũ usãre? niahye tiquirore.

13 Tiquina sa nigũta Jesu pehe pũaro tiquiro buheyequina mehna cjẽnare ohoahye.

—Jerusalẽpũ wahaya. Topũ mũsa esagũ aco suture wũariquiro mũsare piti carota. Tiquiro piti cagũ tiquiro mehna wahaya.

14 Sa wahana tiquiro siho sajãri wũhũpũ esana wũhũ upũrore ohõ saha ni yahuya: “¿Nohopũ yũhũ buheyequina mehna pascua cjẽ ihyayere ihyanatari?” nidi buheriquiro”, niña wũhũ upũrore.

15 Mũsa sa nigũ tũhoro mũhũmano cjã tũcũre pajiri tũcũre mari cahmeñe mehna tiquina quehnoiri tũcũre ihñonota wũhũ upũro. Topũ mari ihyatire dahreya mũsa, niahye Jesu tiquinare.

16 Tiquiro sa nigũ tũhoye tiquina tiquiro buheyequina ti macapũ wahahye. Topũ esagũ tiquinare tiquiro ni-diro sahata wahahye. Sa ye tiquina pascua cjẽ ihyayere dahreahye.

17 Sa ye nahitia cãhtagũ Jesu doce tiquiro buheyequina mehna topũre esahye.

18 Sa yero tiquina mehna mesapũ ihyaro Jesu tiquinare yahuahye:

—Poto niita niaja mũsare. Ihcãquiro mũsa mehna cjãno yũhũ mehna ihyariquirota yũhũre ihña tuhtiyequinare ihñonota, ni yahuahye Jesu tiquinare.

19 Tiquiro sa nigũ tũhoye tiquina pehe bũjũna witiyahye.

—¿Yũhũta ijiajari mũhũre ihñaocjũ? ni sinitu pihtiahye tiquina Jesure.

20 —Mũsa mehna cjãnota ijire tiquiro. Yũhũ ihyari rapũ yũhũ mehna soha ihyariquirota ijire yũhũre ihña tuhtiyequinare ihñaotiquiro.

21 Panopũ yũhũre tiquina yahu ojoariro sahata yũhũ masũ Cohãcjũ ohorigũ yariagũta. Sa yero yũhũre ihña tuhtiyequinare ihñoriquiro pe-jesũoro yũhdũrota. Tiquiro pehe masa bajueragũ, quehnoa yũhdũaboya. Ñano

yuhdueraboya, niahye Jesu tiquinare.

22 Sa ni yahu tuhasaro tiquiro buheyequina mehna ihyaro taro niahye. Sa yero Jesu pãre ne, Cohãcjũre “Quehnoare”, niahye. Sa ninota tiare nuha, itiahye tiquinare.

—Ahrire ne ihyaya. Ahri yuhũ pagũ ijire, niahye tiquiro tiquinare.

23 Sa ni tuhasa tiquiro sihnini pare ne, Cohãcjũre “Quehnoare”, ni tuhasa, ohoahye tiquinare. Tiquiro oho tuhasagũ tiquina ijipitiyequina tire sihniahye.

24 —Ahri yuhũ dii ijire. Peyequina masa tiquina ñaŋe yerire cohãgũ tagũ yariagatja. Sa yegũ yuhũ diire cohãgatja. Mari Pacũ “Mũsare yuhduogutja”, tiquiro nidiro esagũ yuhũ yariaro mehna tiquiro nidiro sohtori tirota.

25 Poto niita niaja mũsare. Cohãcjũ tiquiro pũhtoro ijirorpũ wahma core uhse core yuhũ sihniato pano, ahri dihtapũre uhse core pari turi sihnisi yuhũ, niahye Jesu tiquinare.

Pedro Jesure tiquiro cohãtire yahuahye Jesu

(Mt 26.30-35; Lc 22.31-34; Jn 13.36-38)

26 Sa ye tiquina ihcã taha Cohãcjũ ye basayere basa tuhasa, cunũpũ Olivo wame tidũpũ wahaa wahahye.

27 Topũ siho esaro Jesu tiquinare yahuahye:

—Yojopũre mũsa ijipihitina yuhũre cohãnata. Ohõ sahata nine Cohãcjũ yere tiquina ojoari pũpũ yuhũre yahuro: “Ovejare ihña ihboriquiro yero saha ijiriquirore Cohãcjũ cohãnota. Sa tiquiro cohãgũ tiquiro yequina oveja yero saha ijieyequina duhti site cãa wahaeta”, nine Cohãcjũ yere tiquina ojoari pũpũ.

28 Sa yegũ Cohãcjũ yuhũre tiquiro masori bato mũsa pano Galileapũ wahayugutja yuhũ, niahye Jesu tiquinare.

29 Tiquiro sa nigũ Pedro ohõ saha niahye:

—Yuhũ mehna cjẽna ijipitiyequina tiquina cohã cãepẽgũta yuhũ pehe mũhũre ne cohãsi, nimahye Pedro tiquirore.

30 Jesu yũhtiahye:

—Potota niita niaja mũhũre. Mia ñamita canaca pũa taha tiquiro yahuatato pano “Yuhũ Jesure masiedaja”, nigũta mũhũ. Ihtia taha sa nigũta mũhũ, niahye Jesu Pedrorre.

31 Tiquiro sa niepegũta Pedro ohõ saha ni tutuaro bisiro yũhtiahye:

—Mũhũ mehna yuhũre tiquina wejẽ duepegũta “Jesure masiedaja”, ne nisi yuhũ, ni yũhtimahye tiquiro Jesure.

Pedro sa nigũ tũhoye tiquiro mehna cjẽna gũhũ sa dihita ni yũhtiahye.

Getsemaní wame tiri we-sepũ Jesu Cohãcjũre siniahye
(Mt 26.36-46; Lc 22.39-46)

32 Sa ye tiquina Getsemani wame tiri wesepu wahahye. Topu esaro ohō saha niahye Jesu:

—Yuhu Cohācjüre yuhu sinino watoa ohō dujiyuya, niahye tiquiro buheyequinare.

33 Sa ni tuhasa Pedrore, Santiagore, Ñure tiquinare ihtiarore piji cāhye. Tiquinare sa piji cāno, pajiro tūhotu dūcahye tiquiro. Sa yero ñano jeripohna tiahye.

34 Sa bujua witiro tiquiro mehna cjēnare tiquiro piji cāriquinare ohō saha niahye:

—Yuhu ñano jeripohna tiaja. Yuhure tutuaro purīno saha tūhotugū niaja. Ohō tojoaya. Sa yena yuhu mehnata carīedacāhña mūsa gūhu, niahye Jesu tiquinare.

35-36 Sa ni tuhasa tiquiro topu mehenogā waha nemo, yehrapu quehe saro, Cohācjüre niahye:

—Mai, mūhu ijipihiyere ye masine. Sa yegu yuhu ñano yūhdūatire ye dueragu yeracāhña. Yuhu sa niepegūta yuhu cahmeno saha yeracāhña. Mūhu pehe masine. Mūhu cahmeno saha yeya yuhure, ni siniahye tiquiro Cohācjüre.

37 Sa ni tuhasa, ihtiaro tiquiro buheyequina cahapu wihiro, carīnequinare ihñahye. Tiquinare ihñano Pedrore niahye:

—¿Simo, carīgū niajari mūhu? ¿Ihcā hora waro yuhu ihcāno mehna carīegū iji masiedajari mūhu?

38 Quehnoano yeya mūsa. Sa yena Cohācjüre siniducuya mūsa, “Ñano yeari”, nina. Mūsa tūhotuye mehna quehnoañene ye duamene mūsa. Mūsa sehsaro sa ye duepenata tire ye masiedare mūsa, niahye Jesu Pedrore.

39 Sa ni yahu tuhasa pari turi waha, Cohācjüre siniahye. To pano tiquiro sinidiro sahata siniahye tja.

40 Sa sini tuhasaro pari turi tiquina cahapu wihiahye tja. Sa wihiro carīnequinare ihñahye tja. Wujua quehe yūhdūahye tiquina. Sa ye tiquina Jesure dūhse ni masiedahye.

41 Sa yero pari turi Cohācjüre tiquiro sinidi bato tiquina cahapu wihi, tiquinare niahye:

—¿Yojopu pūritare carīnina niajari mūsa? ¿Sorīna niajari mūsa? To punota umu saro taro nine. Mianogāta yuhure Cohācjū ohorigure ñañequinare tiquina ohoati pje umu saro nine.

42 Wahcāña. Isa waha. Ihñaña. Yuhure ihña tuhtiyequinare ihñootiquiro ohō ahtare, niahye Jesu tiquinare.

Jesure ihña tuhtiyequina tiquirore peresu yeahye

(Mt 26.47-56; Lc 22.47-53; Jn 18.2-11)

43 Tiquiro sa nino watoata Juda, doce buheyequina mehna cjāno ijimediquiro wihiahye. Sa ye masa peyequina ñoseñe pjīni, yucu tiāri cūoyequina tiquiro mehna

wihiahye. Pahia p̄h̄toa, judio masare buheyequina, b̄uc̄na, tiquina ohoriquina masa pehe ijiahye.

44 Coã warore Jesure ihña tuhtiyequinare ihñoatiq̄uiro masare ohõ saha ni yahu queo tuhasahye.

—Wahsupure ȳh̄u ihmidiquiro tiq̄uirota ijirōta m̄sa ñehēatiq̄uiro. Tiquirore ȳh̄u ihmidi bato ñehēña tiq̄uirore. Sa yena quehnoano ñehēña tiq̄uirore “Duhtiarī”, nina, ni yahu tuhasahye Juda pehe.

45 Sa yero wihirota Jesu cahap̄ duita waha madoqueohye.

—Buheḡu, ninota wahsupure ihmiahye tiq̄uirore.

46 Tiquiro sa yeḡu ihñañe tiquina Jesure ñehēahye.

47 Tiquina sa yeḡu ihñano to cahap̄ ducuyequina mehna c̄j̄no tiq̄uiro ñoseni p̄j̄ne t̄ñã we nedoqueo, pahia p̄h̄toro cahac̄j̄nore tiq̄uiro cahmonore d̄ate pahr̄e c̄ahye.

48 Sa yero Jesu ohõ saha ni ahye:

—¿D̄uhse ijiro boro m̄sa ñoseñe p̄j̄ni mehna, yuc̄u tiãri mehna ahtana, yaqueriq̄uirore yero saha ȳh̄ure ñehena ahtajari?

49 Decoripe Cohãc̄j̄ w̄h̄ap̄ m̄sare ȳh̄u buhe dujiḡu, m̄sa ȳh̄ure ne ñehedari. Sa ijiepeḡuta ahri ijipihtiyē sa waharo niaga Cohãc̄j̄ yere tiquina ni ojoariro sahata, niahye Jesu masare.

50 Sa ye Jesu buheyequina tiq̄uirore cohã cã, ijipihtiyequina oma site cã wahahye.

51 Sa yero wahm̄no suhti mariediquiro ihc̄ano coma c̄j̄no dihita comariq̄uiro Jesu bato n̄n̄u t̄mahye. Tiquiro sa n̄n̄u t̄ḡu ihñañe tiq̄uirore ñehemahye.

52 Tiquirore tiquina ñehē duaḡu ihñano tiq̄uiro coma c̄j̄nore cohã cã, suhti mariediquiro oma cã wahahye.

P̄h̄toa cahap̄ neahye Jesure

(Mt 26.57-68; Lc 22.54-55, 63-71; Jn 18.12-14, 19-24)

53 Sa ye pahia p̄h̄toro cahap̄ Jesure ne c̄ahye. Sa ye ijipihtiyequina pahia p̄h̄toa, b̄uc̄na, ʉsã acaye judio masare buheyequina ḡh̄u cahmecoahye.

54 Sa yero Pedro pehe Jesu bato yoarop̄ n̄n̄u t̄ahye. Sa n̄n̄u t̄ano pahia p̄h̄toa ya w̄h̄u cahap̄ esahye. Sa yero tiq̄uiro ti w̄h̄ure cohteyequina surara mehna peca d̄ah̄ta cahap̄ sohma dujiahye.

55 Pahia p̄h̄toa, ijipihtiyequina apequina p̄h̄toa ḡh̄u Jesure wej̄e duti duaye, ni mehoñe mehna tiq̄uirore tiquina ñano buhiri dahreatore wac̄u macañe nimahye. Tiquina yahus̄atire wac̄u bocaerahye.

56 Sa wac̄u bocaerapeta peyequina masa tiq̄uirore sa yahus̄a maca c̄ahye. Tiquina yahus̄añe poto ijierahye.

Apequiro sijoro saha ni, apequiro sijoro saha niahye.

⁵⁷ Sa ye apequina topu esaye, Jesure yahusāhye.

⁵⁸ —Ahriquiro ohō saha nidi: “Yuhū ahri wuhūre Cohācjū wuhūre masa tiquina dahreri wuhūre cohāgūtja. Sa cohāgū ihtia deco wahaboro ti wuhūre pari turi yegūtja. Ti wuhū masa tiquina dahreri wuhū ijisi”, tiquiro nigū usā tuhō, niahye ni meho yahusānequina.

⁵⁹ Tiquina sa ni yahusānepegūta tiquina yahusāne gūhū poto ijierahye. Apequiro sijoro saha ni, apequiro sijoro saha niahye.

⁶⁰ Tiquina sa nigū tuhoro pahia pūhtoro tiquina watoa ducuriquiro wahcādūca sa, Jesure sinituahye:

—¿Ahriquina mūhūre tiquina yahusānepegūta tiquinare yūhti cahmedajari mūhū? ¿Mūhūre tiquina yahusārire dūhse ni yūhti cahmeajari mūhū? niahye tiquiro Jesure.

⁶¹ Tiquiro sa nigū tuhōeperota Jesu sata tuhōtu cāhye. Tiquiro sa yūhtieragū ihñano pahia pūhtoro tiquirore sinituahye tja:

—¿Cristota ijiajari mūhū? ¿Quehnoariquiro Cohācjū macu warota ijiajari mūhū? niahye tiquiro Jesure.

⁶² —Tiquiro tjiaja. Sa yena yuhūre masūre Cohācjū ohorigūre yuhū Pacū tutu-ariquiro poto pehepū yuhū dujigū ihñanata mūsa. Sa yena ūhmūse cjē ehmeo cururi

watoa yuhū ahtagū gūhūre ihñanata mūsa, niahye Jesu tiquirore.

⁶³⁻⁶⁴ Tiquiro sa nigūta pahia pūhtoro pehe tiquiro sañari suhtirore tiquiro basi tuhūre cāhye, apequinare “Usua yuhūre”, ni ihña masi dutiro.

—Cohācjūre ñano yahuducuro nine ahriquiro. Sa yena tiquiro ñano yahuducuyere tuhō tuhasaja mari. Sa ye topequinata yahusāhdo ahriquirore. ¿Sa yena dūhse yenatari mari yojopūre ahriquirore? niahye pahia pūhtoro apequina pūhtoare.

—Tiquiro ñari buhiri wejēno cahmene tiquirore, ni yūhtiahye apequina pūhto.

⁶⁵ Sa ye tiquina mehna cjēna Jesure sihco puti, tiquiro caperire dūhte biha, tiquirore quēpeahye. Quēpe tuhasa ohō saha nipeahye:

—¿Noa pehe mūhūre quēari? Ihñedapegūta yahuya usāre, ni bujūpeahye tiquina.

Sa ye pūhtoro yequina surara pehe Jesure quēpe tuhasa, neahye.

—*Tiquirore masiedaga, niahye Pedro Jesure*

(Mt 26.69-75; Lc 22.56-62; Jn 18.15-18, 25-29)

⁶⁶ Sa yero wuhū caha ijiri paapu quehnoari paapu Pedro ijigū pahia pūhtoro cahacjōno wihiahye.

⁶⁷ Pedro tiquiro sohmagū ihñano ticoro tiquiro dihitare ihñaducuahye.

—Nazare cjāno mehna, Jesu mehna m̄h̄h̄ ḡh̄h̄ ijiri, niahye ticoro Pedrore.

⁶⁸ Ticoro sa nigū t̄horo tiqiro ohō saha niahye:

—¿D̄h̄se ni macago niajari m̄h̄h̄? M̄h̄h̄ nidiquirore ne masiedaja ȳh̄h̄, niahye Pedro ticorore.

Tiqiro sa nidi bato Pedro sahr̄no sopecaha cahap̄ wahahye. Sa yero top̄ tiqiro ducugū canaca yahuahye.

⁶⁹ Top̄ tiqiro ijigū ih̄n̄ano cahacjōno pehe ticoro cahap̄ ducuyequinare yahuahye tja:

—Ahriqiro ḡh̄h̄ Jesu buheyequina mehna cjāno ijire, niahye ticoro.

⁷⁰ Ticoro sa nigū t̄horo Pedro pari turi ohō saha niahye tja:

—Tiqirore masiedaja ȳh̄h̄, niahye tja.

Sa yero came cj̄n̄op̄ top̄ ducuriquina Pedrore ohō saha niahye:

—Ijirota ijire. M̄h̄h̄ Galilea cjū ijire. Sa yeḡh̄ tiquina mehna cj̄ta ijire m̄h̄h̄, niahye tiquina tiqirore.

⁷¹ Tiquina sa nigū t̄horo tiqiro ȳhtiahye:

—Potota Coh̄cjū mehna niaja m̄sare. Potota ȳh̄h̄ niedagū Coh̄cjū ȳh̄h̄re buhiri dahreahro. Tiqirore m̄sa nidiquirore ne masiedaga ȳh̄h̄, ni ȳhtiahye Pedro tiquinare.

⁷² Tiqiro sa nigūta canaca yahuahye tja. Tiqiro sa yahugū t̄horo Jesu tiqirore nidire wacūahye Pedro: “Canaca p̄ha taha tiqiro

yahuato pano m̄h̄h̄ ȳh̄h̄re ‘Jesure masiedaga’, nigūta m̄h̄h̄. Ihtia taha sa nigūta m̄h̄h̄”, Jesu tiqiro nidire wacūahye Pedro pehe. Tiqiro sa nidire wacūno, tutuaro utiahye Pedro.

15

Pilato Jesure sinituahye

(Mt 27.1-2, 11-14; Lc 23.1-5; Jn 18.28-38)

¹ Sa ye bohrearop̄ pahia p̄h̄toa, b̄c̄na, h̄s̄a judio masare buheyequina, ijipihtiequina apequina p̄h̄toa mehna cahmecoa, yahuducuahye tiquina yeatire masiñe tehe. Tiquina basi yahuducu tuhasa, Jesure d̄hte, ne c̄a, Pilatore ohoahye tiqirore.

² Tiquina ne sagū ih̄n̄ano Pilato tiqirore sinituahye:

—¿Potota judio masa p̄htota ijjajari m̄h̄h̄? niahye tiqiro Jesure.

—M̄h̄h̄ nino sahata ijjaja, ni ȳhtiahye Jesu.

³ Sa ye pahia p̄h̄toa peye yahus̄ahye tiqirore.

⁴ Tiquina sa ni yahus̄agū t̄horo Pilato tiqirore sinituahye tja:

—Ahriquina m̄h̄h̄re peye yahus̄añe nine. ¿Tiquina sa yahus̄apegūta ȳhtierajari m̄h̄h̄? niahye tiqiro.

⁵ Tiqiro sa niepegūta Jesu ne pari turi ȳhti nemoedahye. Sa yero Pilato ne d̄h̄se ni masiedahye.

Jesure wejē dutiahye

(Mt 27.15-31; Lc 23.13-25; Jn 18.38-19.16)

6 Cuhmaripe pascuar-
ipe masa yaquiro ijia-
tiquirore ihcãquiro pere-
supu ijiriquirore tiquina
cahmediquirore Pilato wio
basaducue tiahye.

7 Ti pjere Barrabá wame
tiriquiro peresupu ijiahye.
Tiquiro puhtoare cohã
duayequina, masare we-
jẽnequina mehna cjãno iji-
ahye.

8 Sa ye masa peyequina Pi-
lato cahapu esaye, tiquirore
siniahye:

—Cuhmaripe usãre mahu
yeducuriro sahata yeya
usãre. Ihcãquiro peresupu
ijiriquirore usãre wio basaya,
niahye tiquina.

9 Tiquina sa niguta Pilato
tiquinare sinituahye:

—¿Masa yaquiro ijia-
tiquirore masa judio masa
puhtoro wio basaboagari
yahu? ni sinituahye masare
Jesure wio duaro.

10 Jesure masa tiquina
cahigũ ihñañe pahia puhto
gãhu tiquirore ihña tuhtia-
hye. Sa ihña tuhtiyehye
tiquirore ohoahye Pi-
latorẽ. Sa yero masa
tiquina cahĩdi buhiri tiquina
ihña tuhtirire masino Pilato
Jesure wio duamahye.

11 Tiquiro sa wio duepegũta
pahia puhto Jesu mehna
masare usuagũ yeahye. Ohõ
saha ni dutiahye tiquinare:
“Barrabá pehere wioya.
Jesure wejẽ dutiya”, ni
dutiahye masare.

12 Sa yero Pilatore
Barrabãre tiquina wio dutiri

bato Pilato tiquinare sinitu-
ahye tja:

—¿Ahriquiro judio masa
puhtoro masa nidiquiro
pehere dahse yegutari yahu,
masa sa nigũ? ni sinituahye
tiquiro.

13 —Curusapu quẽ biha
wejẽña tiquirore, ni
sañuducuahye masa.

14 —¿Yabe borore ñañene
yeari ahriquiro, masa sa ni
sañuducugũ? ni sinituahye
tiquinare.

Tiquiro sa nigũ tuhoye
tiquina sañuducu nemoahye
tja:

—Curusapu quẽ biha
wejẽña tiquirore, ni
sañuducuahye tiquina.

15 Tiquina sa ni sañuducugũ
tuhoro Pilato pehe masare
bucuegũ ye duaro Barrabá
pehere peresupu ijiriquirore
wio dutiahye masa tiquina
cahmediquirore. Sa yero
Jesu pehere yuta dari mehna
tana duti, curusapu quẽ
biha wejẽ dutiro ohoahye
surarare.

16 Sa ye surara Pilato
ya wãhãpu pretorio wame
tiri wãhãpu tiquirore ne
sahye. Ne sa tuhasa tiquina
apequina surarare tiquina
mehna cjẽnare cahmecoañe
tehe pijioahye.

17 Sa ye tiquina puhtoro
ya suhtiro yero saha bajuri
suhtirore Jesure sãa, pota
behtore dahre, ti behtore
tiquiro dapu bui duhu
peohye.

18 Sa ye tuhasa ohõ
saha ni bujũpeahye tiquina
tiquirore:

—Quehnoano ahtaya. Judio masa p̄h̄to, quehnoano ahtaya, ni b̄j̄p̄eahye.

19 Sa nieta yuc̄ḡm̄ mehna tiq̄iuro dapure quē, tiq̄iurore sihco puti wisō, cua p̄saro yeyequina yero saha tiq̄iurore quehe sa, ño peoro saha yeahye. Tiq̄iurore ñano yeye niahye. Sa ye b̄j̄p̄eये niahye.

20 Sa yepe tuhasa tiq̄iuna s̄ari suhtirore tu we nedoqueo, tiq̄iuro ye suhti pehere tiq̄iurore s̄a, tiq̄iurore curusap̄m̄ quē biha wejēñe wahaye, nea wahahye tiq̄iuna.

Tiq̄iuna Jesure curusap̄m̄ quē biha wejēahye

(Mt 27.32-44; Lc 23.26-43; Jn 19.17-27)

21 Sa ye top̄m̄ wahariq̄iuro, Simo Cirene c̄j̄no ih̄quē w̄h̄use ijirop̄m̄ esariq̄iuro, tiq̄iuna cahap̄m̄ wihiḡū ih̄ñañe surara pehe tiq̄iurore Jesu ya curusare w̄a c̄a dutiahye. Alejandro, Rufo pac̄uro ijiahye Simo pehe.

22 Waha, Gólgota wame tirop̄m̄ esahye. Gólgota nino “Dapu pehtoro”, nino nine.

23 Sa ye vinore mirra wame tiye co mehna tiq̄iuna moredi core Jesure ohomahye. Sa yero ti core sihni duerahye tiq̄iuro.

24 Sa ye curusap̄m̄ Jesure quē bihahye tiq̄iuna. Quē biha tuhasa tiq̄iuro suhti ijiirire “¿Noa yaro ijirotari ohō?” ni cahme doquepeahye tiq̄iuna.

25 Jesure curusap̄m̄ tiq̄iuna quē bihaḡū ihtia hora d̄h̄sahye coheri p̄je esato.

26 Sa ye curusap̄m̄ ohō saha ni ojoari p̄j̄ñe duhu ohōahye tiq̄iuna tiq̄iuro ñañe buhirire yahu duaye. “AHRIQUIRO JUDIO MASA P̄HTORO IJIRE”, ni ojoahye tiq̄iuna ti p̄j̄ñe.

27 Sa ye p̄h̄aro yaque b̄c̄una Jesu caha apeye curusarip̄m̄ tiq̄iuna quē biha ohōriq̄iuna ijiahye tiq̄iuna. Ih̄c̄aquiuro poto pehe, apequiuro c̄ū pehe pehe quē biha ohōahye tiq̄iuna ḡh̄are. [

28 Tiq̄iuna sa yeḡū panop̄m̄ Coh̄c̄j̄ū yere tiq̄iuna yahu ojoariro sahata waharo niahye. Ohō saha ni ojoahye: “‘Dutiyere ȳhd̄m̄c̄ayequina mehna c̄j̄no ijire’, ni, t̄hoturi masa tiq̄iurore”, ni ojoahye panop̄m̄.]

29 Sa ye curusari cahap̄m̄ ȳhd̄m̄ c̄añequina Jesure ih̄ña, tiq̄iuna dapu pacare yuredoqueo, tiq̄iurore ñano ni yahuducuahye:

—Quehnoare. Quehnoare. ¿Coh̄c̄j̄ū w̄h̄ure coh̄a, ihtia deco wahaboro pari turi ti w̄h̄ure dahreac̄j̄m̄ ijiajari m̄h̄m̄?

30 M̄h̄m̄ basi dijahya. Sa yeḡm̄ m̄h̄m̄ basi yedohoya. Sa yeḡm̄ ȳhd̄m̄ witiḡuta m̄h̄m̄, ni b̄j̄p̄eahye tiq̄iuna.

31 Tiq̄iuna yero sahata pahia p̄h̄toa ḡh̄m̄ us̄a judio masare buheyequina ḡh̄m̄ tiq̄iurore sa ni b̄j̄p̄eahye. Sa ni b̄j̄p̄eये ohō saha niahye tiq̄iuna basi:

—Tiq̄iuro apequinare ȳhd̄m̄oriq̄iuro ijiemper-

ota tiquiro basi yuhduo masiedare.

³² “Israe masa pũhto, Cristo ijiaja”, nimesi tiquiro. Sa yena tiquiro basi dijia tagũ ihñana tiquirore wacũ tutuana, ni bujapeahye tiquina.

Sa ye yaque bucuna tiquiro caha tiquina quẽ biha ohõriquina gũhu sata ñano ni bujapeahye tiquirore tja.

Jesu yariaa wahahye

(Mt 27.45-56; Lc 23.44-49; Jn 19.28-30; He 6.19-20; 10.19-20)

³³ Sa ye coheri pje ijigũ ihtia hora waro ijipihtiropũ nahitiaa wahahye.

³⁴ Sa yero nahitia yuhdugũ waro Jesu tutuaro sañuducuahye:

—¿Eloi, Eloi lema sabac-tani? niahye tiquiro.

Sa nino ohõ saha nino niahye. “¿Yuhũ Pacũ, yuhũ Pacũ, duhsegu yuhũre cohãjari mahũ?” nino niahye.

³⁵ Tiquiro sa nigũ tuhoye ihquẽquina topũ ducuriquina ohõ saha nimahye:

—Cohãcjũ yere yahu mahitariquirore Elia mananore pijioro niboaga, nimahye tiquina.

³⁶ Sa yero ihcãquiro tiquina mehna cjãno oma cã, aco ihmĩni sahtere vino sũẽñe core tiquiro sohari sahtere ne cã, yucũgu sohtoapũ duhte ohõ, Jesure sihõmahye. Sa sihõno ohõ saha nimahye:

—Cohteniña. Elia manano ahriquirore tiquiro yuhduogũ ihñarĩhna mari, nimahye tiquiro apeqinare.

³⁷ Tiquiro sa nidi bato Jesu pehe tutuaro sañuducu, yariaa wahahye.

³⁸ Tiquiro yariagũta Cohãcjũ wũhu cjã suhtiro cahsero tore tiquina cahmotari cahsero deco mehna bui pehe tuhũ dijia ta, tuhũ maa cjũ saa wahahye.

³⁹ Tiquiro sa yariagũ ihñano surara pũhtoro Jesu caha ducuriquiro ohõ saha niahye:

—Ijirota ijire. Ahriquiro Cohãcjũ macunota ijire, niahye tiquiro.

⁴⁰ Sa ye yoaropũ ducuye numia Jesure ihñaducuye niahye. Tiquina numia mehna María Magdalena ijiahye. Apecoro María wame tircoro gũhu ijiahye. Ticoro pehe José, tiquiro bahuro Santiago, tiquina pacoro ijiahye. Apecoro Salomé ijiahye.

⁴¹ Tiquina numia Jesu yere quehnoano tuhoyequina numia ijiye, Galilea yehpapũ tiquiro ijigũ tiquirore yedohoe tiahye. Tiquina numia mehna peyequina apeqina numia gũhu Jerusalẽpũ Jesu mehna ahtariquina numia ijiahye.

Jesu pagure masa copepũ cũahye

(Mt 27.57-61; Lc 23.50-56; Jn 19.38-42)

⁴²⁻⁴³ Sa ye ti deco tiquiro yariari deco saurũ pano judio masa usã sori deco pano ijiri deco ijiahye. Sa yero pascua cjẽ ijiatire tiquina quehnoyuri deco ijiahye. Ti

ñamita José Arimatea cjāno cuero marieno Pilato cahap̄ esahye Jesu paḡure sinino esaro. José judio masa usā p̄htoa mehna cjāno, p̄htoa tiquina cua pesaro ihñariquiro waro ijahye. Sa yero Cohācjū masa bui tiquiro p̄htoro sajātore cohtero niahye.

⁴⁴ Sa yero José Pilatore tiquiro sini tuhasagū t̄horo t̄ho maria wahahye Pilato pehe. “¿Jesu yaria tuhasayari?” ni t̄hoturo, t̄ho maria wahahye. Sa yero surara p̄htoro pijio ohō saha niahye tiquirore:

—¿Jesu yariaa wahari? ni, sinituahye tiquirore.

⁴⁵ Tiquiro sa nigū surara p̄htoro ȳhtiahye:

—Yariaa wahari, niahye.

Tiquiro sa nigū Pilato Jesu paḡure oho dutiahye Joséré.

⁴⁶ Tiquiro sa oho dutiri bato José quehnoari suhtirore dúahye. Dú tuhasa, Jesu paḡure ne dijio, suhtiro mehna wahme, masa copep̄ ut̄ap̄ tiquina seheri copep̄ tiquiro paḡure cūahye. Cū tuhasa, ti cope caha ijiria ut̄āre pajiria ut̄āre tu torē cā, ti copere bihahye.

⁴⁷ Sa ye María Magdalena, María José pacoro Jesure tiquina cūrirore ihñahye.

16

Jesu masa wijiahye

(Mt 28.1-10; Lc 24.1-12; Jn 20.1-10)

¹ Sa ye saurú ȳhdugū María Magdalena, María Santiago pacoro, Salomé mehna wisōñe co ehme sitiyaere dúahye tiquiro paḡure wisōñe tehe.

² Sa ye domingo bohrea queharo Jesure tiquina cūri copep̄ wahahye tiquina.

³ Wahaducuye, ohō saha niahye:

—¿Ti copere biharia ut̄āre noa marine p̄o basarotari na? niahye tiquina basi.

⁴ Ti copep̄ esaye, ti copere biharia ut̄āre pajiria ut̄āre tiquina p̄o cūriare ihñahye tiquina.

⁵ Sa ihñañe ti copep̄ sajā sahye. Sa sajā saye, wahmanore poto pehe dujiriquire yehseye suhti tiriquire ihña, ac̄aa wahahye.

⁶ Tiquina sa ac̄agū ohō saha niahye tiquiro:

—Ȳh̄are ihña ac̄erac̄hña. Jesu Nazare cjāno tiquina quē biha wejēdiquire m̄sa macariquire masa wijia tuhasari. Ohōre mariedare. Tiquirore tiquina cūrirore ihñaña.

⁷ “Tiquiro m̄sa pano Galileap̄ waharota”, ni yahuna wahaya tiquiro buheyequinare, Pedro gūh̄are. Top̄ tiquiro ni-diro sahata m̄sa tiquirore ihñanata, ni yahuahye wahmano tiquinare.

⁸ Tiquiro sa nigū t̄hoye tiquina cueye, nanare, masa cope cahap̄ ijiriquina oma cāa wahahye. Sa cueye apequinare yahuerahye.

*Jesu María Magdalenare
bajuahye*

(Jn 20.11-18)

[
9 Sa ye domingo ijigū Jesu tiquiro masa wijiari bato María Magdalenare bajua mūhtahye. Ticoro siete watīare cūmedicoro ijimahye. Sa yero Jesu tiquiro yariato pano watīare tiquiro cohānohricoro ijiahye. Sa yero ticoro pehere bajua mūhtahye tiquiro masa wijiari bato.

10 Sa ye Jesu mehna cjēna tiquiro yariagū ihñañe tutuaro bujua witi, utiye ni-ahye. Sa tiquina utiri watoa ticoro pehe tiquirore ihñarire yahumahye tiquinare.

11 “Cristo catiri. Ihñau”, ticoro ni yahuepegūta taho duerahye.

*Jesu tiquiro buheye-
quinare bajuahye*

(Lc 24.13-35)

12 Came puaro tiquina mehna cjēna wahuse marienopu tiquina tinigū Jesu sijoro saha bajuriquiro tiquinare bajuahye.

13 Tiquiro sa bajuagū ihñañe tiquina tojoaa waha, apequinare Jesu yequinare tire yahuahye. Tiquina sa ni yahuepegūta tiquina pehe taho duerahye.

*Jesu tiquiro yere buhe du-
tiro ohoahye tiquiro buheye-
quinare*

*(Mt 28.16-20; Lc 24.36-49;
Jn 20.19-23)*

14 Came doce tiquiro buheyequinare mesa cahapu

tiquina dujigū tiquinare bajuahye tiquiro. Sa yero tiquirore ihñariquinare tiquina yahugū taho dueyequinare masino Jesu tiquinare tuhtiahye. Tiquirore tiquina quehnoano wacū tutuerari buhirire tuhtiahye tiquinare.

15 Sa tuhti tuhasaro tiquinare ohō saha niahye:

—Ahri yehpa ijipihtiropu quehnoañe buheyere ijipih-
htiequina masare buhena
wahaya.

16 Yuhare wacū tutu-
ayequinare tiquina wame
yenohriquinare pecapu wa-
haboriquinare yuhdorota
Cohācjū. Sa ye yuhare wacū
tutueyequina Cohācjū tiquiro
buhiri dahreatiquina pecapu
wahatiquina ijietā.

17 Sa ye yuhare wacū
tutuayequina yahu tutuaye
mehna ohō saha yeeta: Yuhu
tutuaye mehna, yuhu wame
mehna watīare cohāeta. Sa
ye wahma yahuducuyere
yahuducueta.

18 Sa ye añaaare tiquina
ñehegū, ijipihtiye nima dahse
ijiye nimare tiquina sih-
nigū, tiquinare ne purīsi.
Sa ye dohatiyequina bui
tiquina omocarine tiquina ña
peogū dohatiyequina pehe
quehnoa wahaeta, niahye
Jesu tiquiro buheyequinare.

*Jesu uhmusepu mājaa wa-
hahye*

(Lc 24.50-53)

19 Sa ni yahu tuhasa mari
puhtoro Jesu uhmusepu
mājaa wahahye. Topu esaro

Cohãcjã poto pehe dujiahye
tiquiro mehna pãhtoro ijiro.

²⁰ Sa ye Jesu buheyequina
ijipihtiropã quehnoañe
buheyere buheye wahaa
wahahye. Tiquina sa buhegã
mari pãhtoro tiquinare
yedohoahye. Tiquiro tutuaye
mehna ye ihño, masigã
yeahye tiquinare, masare
tiquiro ye buheyere tãho
dutiroti. To punota ijire.]

San Lucas

1-2 Pũhto Teófilo, ahrire mũhũ buheatire mũhũre ojoa ohogũ niaja. Jesu usã mehna ijinino tiquiro yerire apequina ojoa dũca tuhasari jiri. Coã waropũre Jesure ihñariquina, tiquiro yere buheriquina tiquina ni yahuriro sahata apequina tire ojoa dũca tuhasari jiri.

3 Sa yegũ ahri ijiphtiyere quehnoano masi peho duagũ buhei. Sa yegũ yũhũ gũhũ tire quehnoano ojoa duaja mũhũ buheatire yegũ.

4 Jesu yere yahuyequina mũhũre buhe tuhasari. Tire quehnoano mũhũ masi nemoatire ahri pũre mũhũre ojoa ohogũ niaja.

Ñu wame yeatiquiro tiquiro masa bajuatire angel yahuahye

5 Jesu masa bajuato pano, Herode Judea yehpa cjẽna pũhtoro tiquiro ijigũ Zacaria wame tiriquire pehe pahi ijiahye. Sa yero Zacaria tiquiro ya curua cjẽna pehe pahia curua Abia mũnano ya curua cjẽna ijiahye. Zacaria namono gũhũ pahi Aaron mũnano panameono iji turiaricoropũ ijiahye. Ticoro pehe Elisabe wame tiricoro ijiahye.

6 Tiquina pũaro Cohãcjũ du-tiyere quehnoano ye pehoyequina tiquina ijigũ ihñano, "Decoripe quehnoañene yere", ni ihñahye Cohãcjũ tiquinare.

7 Elisabe ne pohna marienico ijahye. Ticoro Zacaria mehna sata muhũ cãhye pohna mariedape.

8 Pahia dahrayere dahraye tehe, decoripe tiquina came-sae tiahye. "Zacaria ya curua cjẽna ijire", tiquina nidi bato tiquiro pahia decoripe tiquina yeducuriro saha Cohãcjũ ya wũhũpũ dahraro taro niahye Zacaria.

9 Pahia sa yeducuriro saha tiquina "¿Noare ijirrotari ujũa mũoatiquiro?" niñe, doquer-eye mehna bueyere ehme sitiye ujũa mũoatiquirore beseahye. Cohãcjũre ño peori altarũ tiquina beseriquiro Zacaria ehme sitiye ujũa mũoatiquiro ijiahye. Sa yero tiquiro Cohãcjũ wũhũpũ sajãa wahahye ujũa mũono waharo.

10 Wũhũpũ ijiro ehme sitiye tiquiro ujũa mũono watoa ijiphtiyequina masa pehe sopecharũ Cohãcjũre sinie tiahye.

11 Ti pjere Cohãcjũ yaqui-ro angel Cohãcjũre ño peori altar poto pehe bajuadũca sahye Zacariare.

12 Tiquiro sa bajuagũ ihñano Zacaria tiquirore ihña maria, cuea wahahye.

13 Sa tiquiro cuezũ ihñano angel tiquirore yahuahye:

—Zacaria, cueracãhña. Cohãcjũ mũhũ sinidire tãhori. Sa yena mũsa pohna tinata. Mũsa macũ masa bajarota. Tiquiro bajuagũ Ñu wame yeya tiquirogãre.

14-17 "Tiquiro quehnoariqui-ro, tutuariqui-ro ijire", ni,

ihñanota Cohãcjũ mahu macare. Tiquiro masa bajuari bato vinore, sihbiorire sihnisi. Sa yero tiquiro masa bajuari bato Espiritu Santo nidiro sahata yeriquiro ijirota tiquiro. Sa yero peyequina mahu acaye Israe masare Cohãcjũ mari pãhtorore quehnoano cahmegũ yerota mahu macu. Sa yero tiquiro Cohãcjũ yere buhero Elia manano Cohãcjũ yere yahu mahitariquiro tiquiro buheriro sahata Espiritu Santo yedohoro mehna Cohãcjũ tutuaye mehna mahu macu gãhu buherota. Sa buhero tiquina pacusumna tiquina pohne mehna quehnoano cahme cahĩgũ yerota. Sa yero dutiyere yahuducariquinare quehnoano tiquina ño peoye mehna yãhtigũ yerota. Sa buhero mari pãhtoro Cohãcjũ yequina ijiatire yerota tiquiro. Sa yegu tiquiro masa bajuari bato mahu bucueguta. Peyequina apequina gãhu bucueeta, niahye angel Zacariare.

18 Tiquiro sa nigũ tãhoro Zacaria pehe sinituahye angelre:

—Usã bucuna ijiaja. ¿Sa yegu mahu nidi poto ijigũ dahse masigutari yahu? niahye tiquiro.

19 Tiquiro sa nigũ angel pehe tiquirore yahuahye:

—Yahu Gabriel wame tigu ijiaja. Cohãcjũ cahacjũ tiquiro caharu ducugu ijiaja yahu. Cohãcjũ ahri quehnoañe

quitire yahu dutiro, mahu caharu yahure ohori.

20 Yahu yahuriro sahata potota waharota. Yahu sa niepegũta yahure mahu poto tãhoerari. Sa yegu yojopare mahu yahuducuegu wahaguta. Mahu macu tiquiro bajuari bato yahuducuguta tja, niahye angel Zacariare.

21 Sopencaharu ijiequina masa Zacariare cohteye niahye. “¿Dahse ijiro boro tiquiro Cohãcjũ wãharu ijiro, sojaro wijia taerajari?” ni, cohteye niahye masa tiquirore.

22 Sa yero ti wãharu ijiriquiro wijia wihi, tiquina mehna yahuducu masiedahye. Tiquiro sa yahuducu masiedagũ ihñañe “Tiquiro Cohãcjũ wãharu bajuanohno niaya”, ni, tãhotuahye tiquina. Sa yero yahuducu masiedaro tiquiro omocari mehna masare yahuducuahye.

23 Cohãcjũ wãharu tiquiro dahraye pihtigũ, tojoaa wahahye tiquiro ya wãharu.

24 Tiquiro sa wahari bato tiquiro namono Elisabe coã nijinore cuo cãhtaro niahye. Sa yero ticoro ihcã omope asũri waro masa caharu waherahye.

25 Ohõ saha niahye ticoro: “Yojopare yahure Cohãcjũ yedohori. Yahu pohna mariego ijigo tutuaro buoro tãhotuu yahu. Cohãcjũ yedohoro mehna nijinogãre bocagota”, ni tãhotuahye ticoro.

*Jesu tiquiro masa baju-
atire yahuahye angel*

26-27 Elisabe seis asūri ticoro niñi pacoro ticoro ijiri bato Cohācjū pehe angel Gabriel wame tiriquireore nuhmino cahap̄m ohoahye. Ticoro Nazarep̄m Galilea yehp̄ap̄m ijiri macap̄m ijiahye. María wame tircoro ijiahye. José wame tiriquireore ijiahye ticoro mehna omoca duhteatiquiro. Tiquiro panop̄m cjūno Davi m̄n̄ano panamino iji turiariquireore ijiahye.

28 Sa yero María cahap̄m esaro, angel yahuahye:

—¿Ne, ijiajari m̄h̄m, María? Cohācjū m̄h̄m mehna ijiro nine. Sa yero m̄h̄m̄re quehnoano yero nine. [Ijipihtiye numia apequina numia ȳhd̄m̄oro quehnoano yere m̄h̄m̄re,] niahye angel ticorore.

29 Tiquiro sa nigū t̄h̄oro, ticoro tutuaro wacū t̄hotuahye. Angel tiquiro yahurire t̄hoturo “¿D̄h̄se nino ȳh̄m̄re sa niagari?” ni wacūahye ticoro.

30 Ticoro sa ni wacūgū ihñano angel yahuahye ticorore:

—María, Cohācjū m̄h̄m̄re tutuaro cahīne. Sa yego m̄h̄m̄re ȳh̄m̄ yahuatire t̄ho ac̄erac̄h̄ña.

31 Quehnoano t̄h̄oya. Nijinore bocagota m̄h̄m̄. Sa yero m̄h̄m̄ mac̄m̄ masa bajarota. Tiquirore Jesu wame yegota m̄h̄m̄.

32-33 Tiquiro tutua ȳhd̄m̄ariquireore ijirota. Sa ye

tiquirore “Cohācjū uhm̄use cjūno mac̄no ijire”, nieta masa. Sa yero m̄h̄m̄ mac̄m̄ ñec̄no iji turiariquireore m̄n̄anop̄m Davi m̄n̄ano Israe masa tiquina p̄h̄toro tiquiro ijiriro sahata m̄h̄m̄ mac̄m̄ ḡh̄m̄re cūnota Cohācjū. Sa yero ijipihtiye decori tiquiro Israe masare dutirota. Sa yero tiquiro p̄h̄toro ijiye pehe ne pihtisi, niahye angel.

34 Tiquiro sa nigū María pehe sinituahye:

—¿D̄h̄se ȳh̄m̄ man̄m̄ mariedapegota pohna tiboagari ȳh̄m̄? niahye ticoro.

35 Ticoro sa nigū angel pehe yahuahye:

—Esp̄ritu Santo m̄h̄m̄re pohna tigū yerota. Sa yero Cohācjū tiquiro tutuaye ehmeo curua yero saha ahtarota m̄h̄m̄re. Sa ye “Cohācjū mac̄no ijire”, nieta masa m̄h̄m̄ mac̄m̄re ñañe yerariquireore.

36-37 Cohācjū ijipihtiyere ye masine. Sa yero m̄h̄m̄ acayoro Elisabe b̄m̄m̄oro ijieperota nijinogāre bocari ticoro ḡh̄m̄. Ticoro pohna tirota am̄n̄ogāre. Masa ticorore “Pohna marienico-ro ijire”, tiquina nidicoro, yojop̄m̄re seis asūri waro wahare nijino ticoro bocari bato, niahye angel Mariare.

38 Tiquiro sa nigū María ȳh̄tiahye:

—Ȳh̄m̄re t̄h̄oya. Mari p̄h̄toro tiquiro cahacjō ijiaja ȳh̄m̄. M̄h̄m̄ nidiro saha ȳh̄m̄re sa wahaahro, niahye ticoro.

Ticoro sa nidi bato angel wahaa wahahye.

María Elisabere ihñano wahahye

39 Tiquiro sa nidi bato María canu cju ijiri yehparu Judea yehparu ijiri macaru sojaro mehna wahaa wahahye.

40 Topu esaro, Zacaria ya wuharu sajanu, “¿Ne, ijiajari?” niahye ticoro Elisabere.

41 Ticoro sa nigü Elisabe tuhogüta, ticoro macano pehe niji suhtiroru ijiriquiro ñuhmiahye. Elisabe Espiritu Santo dutiriro sahata ye pehoricoro ijiro, tiquiro tutuayere cuoricoro ijiyahye.

42 Sa yero tutuaro bucueye mehna ticoro tutuaro yahuducuahye.

—Ijipihtiequina nu-mia yuhduro mahare quehnoano yeri Cohäcjü. Mähü macu gühüre quehnoano yeri Cohäcjü.

43 Cuehi, yuhu puhtoro racoro yuhu caharu ahtagü quehnoano yeri yuhare Cohäcjü.

44 Mähü yuhare “¿Ne, ijiajari?” mahü nigü yuhu macu pehe niji suhtiroru ijiriquiro bucueye mehna ñuhmiahti yuhare.

45 Cohäcjü tiquiro nidiro sahata yerota. Sa yego tiquiro yahurire tuhorigo ijigo bucueyo ijire mahü, niahye Elisabe.

46 Ticoro sa nigü María yuhthahye:

“Cohäcjü quehnoariquiro, tutuariquiro ijire”, niaja. Yuhu quehnoano jeripohna tiaja.

47 Cohäcjü yuhare pecaru wahaborigore yedohoriquiro ijire. Sa yero yojopare yuhare quehnoano bucueye mehna ijigü yere.

48-49 Yuhare tiquiro cahacjöre wacüri jiri. Cohäcjü tutua yuhduariquiro quehnoañe dihitare yuhare yedohori. Sa ye yojopare “Ticorore Cohäcjü quehnoano yeri”, ijipihtiequina masa sa ni, yahuducuenta yuhare. Cohäcjü ñañe marieniquiro ijire.

50 Ijipihtie decori ijipihtiequina tiquirore ño peoyequinare tiquiro paja ihñariquiro ijire.

51 Cohäcjü tiquiro tutuaye mehna yehye. “Apequinare masi yuhducaja”, niñequinare yuhducahye tiquiro.

52 Puhtoare cohähye tiquiro. Sa yero cahacjena pehere puhto yero saha cüahye tiquinare.

53 Ujua ahbayequinare tiquiro quehnoañe ihyayere ohoahye. Sa yero peye doeri cje cuoyequinare doeri cje cuoeragü yehye tiquiro.

54-55 Mari ñecusuma iji turiayequina manare tiquiro yahu cüriro sahata ye pehoahye Cohäcjü. “Pecaru wahaboriquinare yuhduoutja”, tiquiro ni yahu cüriro sahata ye pehoahye. Sa yero tiquiro cahacjenare Israe masare

tiquiro yedohoahye. Abrahã mananore mari ñecusumua manare ijipihtiyequina tiquiro acaye tiquiro bato ijieyehina gũhure Cohãcjũ ijipihtiye decori sa paja ihñaducuriquiro ijie tiahye. Tiquinare tiquiro yahu cũrire boerahye Cohãcjũ, niahye María.

⁵⁶ Ihtia asũ waro Elisabe mehna ijiahye. To puno ticoro ijiri bato ticoro ya macapũ tojoaa wahahye María.

Ñu masa bajuahye

⁵⁷ Elisabe ticoro niji wahcõ, pohna tiahye. Ticoro macũno masa bajuahye.

⁵⁸ Sa yero Cohãcjũ ticorore tiquiro sa yegũ ticoro ya maca cjẽna ticoro acaye gũhũ ticoro mehna bucueahye.

⁵⁹ Ocho decori tiquiro masa bajuari bato, tiquiro pacusumua tiquirogãre cuhnucunũ sohtoa cahserogãre yũhre ne dutiye tee niahye. Sa yeye tiquina mehna cjẽna tiquina cahapũ esahye tiquina yũhre negũ ihñañe tehe. Tiquina mehna cjẽna Zacaria tiquiro pacũro wamene tiquirogãre wame ye duamahye.

⁶⁰ Tiquina sa wame ye duepegũta tiquiro pacoro ohõ saha niahye:

—Tiquiro pacũro wamene wame yeraja. Ñu wame yenatja tiquirogãre, niahye ticoro.

⁶¹ —Mũhũ acaye ne ihcãquiro Ñu wame tiriquiro mariedare, niahye tiquina ticorore.

⁶² Sa ye tiquina omocari mehna yahuducu, Zacariare sinituahye tiquina:

—¿Mũhũ waro dahse wame ye duajari mũhũ macũre? ni, sinituahye tiquirore.

⁶³ Tiquina sa nigũ tiquiro pehe ojoari pjĩne sini, ñehe, ojoahye: “Yũhũ macũ Ñu wame tirota”, ni, ojoahye Zacaria. Tiquiro sa ni ojoagũ tiquina pehe tũho maria wahahye.

⁶⁴ Tiquiro sa ni ojoari bato tiquirore yahuducugũ yeahye Cohãcjũ. Sa yero tiquiro yahuducua wahahye.

—Cohãcjũ tutuariquiro, quehnoariquiro ijire, niahye tiquiro.

⁶⁵ Tiquiro sa ni yahuducugũ tũhoye to cjẽna tũho maria wahahye. Sa ye ahri ijipihtiyere Judea yehpa cjẽnare cunũ cjũ watoa ijieyehinare masa yahu siteahye. Sa ye masa to cjẽna quehnoano masi pihtia wahahye.

⁶⁶ Ijipihtiyequina tire tũhoye wacũahye. “Cohãcjũ tutuayere ahriquirogã cũore. Sa yero ihyo ijiriquiro ijisi tiquirogã”, ni, tũhotuahye masa.

Zacaria Cohãcjũre ño peoahye

⁶⁷ Sa yero tiquiro pacũro Zacaria Espiritu Santo dutiro sahata ye pehoriquiro ijiro tiquiro tutuayere cũoriquiro ijiro Cohãcjũ yere yahuahye:

⁶⁸ Cohãcjũre ño peouhna mari. Mari Israe masa

tiquiro yequina ijiaja mari. Sa yero mari cahap_u wihiro, marine yedohoro quehnoano y_uhd_ug_u yerota.

69 Sa yero Coh_uc_uj_u tutu-
ariquirore marine pecap_u
wahaborinare quehnoano
y_uhd_ug_u yeatiquirore ohori
jiri. Marine quehnoano
y_uhd_uoatiquiro tiquiro
acay_uro m_unano Davi ijire.
Davi m_unano pehe marine
y_uhd_uoatiquiro cahacj_uno
ijire.

70 Panop_u tiquiro yere yahu
m_uhtariquinare Coh_uc_uj_u oh_u
sahata ni ahrire yahu duti-
ahye.

71 Marine ih_una tuhtiequina
marine ñano tiquina ye duag_u
ih_uno “M_usare yedohoutja”,
ni, c_uahye Coh_uc_uj_u marine.

72 Mari ñec_us_um_una m_unare
“M_usare paja ih_uag_u, yedo-
houtja. M_usare y_uh_u yahu
c_urire wac_utja”, niahye
Coh_uc_uj_u mari ñec_us_um_una iji
turiayequina m_unare. Ti
pjer_ure tiquiro nidiro sahata
marine yojop_ure yere.

73-75 Oh_u saha ni c_uahye
Coh_uc_uj_u panop_ure Abrah_ure:
“M_uh_u acaye camer_u ijiye-
quinare ih_una tuhtiequina
tiquina ijig_u coh_uutja. Sa
yeg_u m_uh_u acayere yedo-
houtja. Sa ye tiquina cuero
marieno y_uh_u dutiyere ye
masieta. Sa yeg_u tiquina
ñañene y_uh_u coh_ug_u, tiquina
y_uh_u ih_uonop_u ijipihtiye
decori quehnoañequina ijidu-
cueta”, ni, yahu c_uahye
panop_u Coh_uc_uj_u mari acay_uro
m_unano Abrah_ure, niahye

Zacaria.

Sa ni tuhasa tiquiro
mac_uno oh_u saha niahye:

76-77 Mac_u, m_uh_ure oh_u saha
nieta masa: “Coh_uc_uj_u
tutua y_uhd_uariquiro
tiquiro yere yahu
m_uhtariquiro ijire”,
nieta m_uh_ure. Sa
yeg_u m_uh_u mari
p_uhtoro Cristo pano
wahayug_uta m_uh_u.
Sa wahag_u oh_u saha
ni yahug_uta m_uh_u.
“Coh_uc_uj_u m_usa ñañene
coh_uno, pecap_u waha-
borinare y_uhd_uorota
m_usare”, ni, yahug_uta
m_uh_u. Sa ni yahug_u
mari p_uhtoro tiquiro
ahtatire yahuyug_u
nig_uta m_uh_u.

78 Coh_uc_uj_u pehe marine
tuturo paja ih_uariquiro ma-
rine quehnoano yeriquiro
ijiro, tiquiro marine pecap_u
wahaborinare y_uhd_uo duare.
Marine y_uhd_uoro ahtaro
Cristo mari cahap_u ahtarota.

79 Ijipihtiyequina marine
pecap_u wahaborinare
y_uhd_uo duare tiquiro. Sa
yero Coh_uc_uj_ure masiena mari
ijig_u ih_uno marine masig_u
ye duare tiquiro. Sa yero
mari quehnoano ihc_uno
mehna mari ijiatire yahurota
marine, niahye Zacaria.

80 Sa yero Zacaria mac_uno
quehnoano pag_u tiriquiro
masahye. Sa yero Coh_uc_uj_ure
tuturo ño peohye. Sa yero
yoari pje masa marienop_u
ijie tiahye. Israe masare
buhe d_ucaro top_uta ijie
tiahye.

2

*Jesu masa bajuahye**(Mt 1.18-25)*

1 Ti pjere ijipihtiye yehpari cjēna pūhtoro Augusto ijie tiahye. Sa yero ijipihtiyequinare queo dutiahye.

2 Ahriquina masare tiquina coã queo ducagū Siria yehpa cjēna pūhtoro Cirenio wame tiriquireo ijiahye.

3 Sa ye ijipihtiyequina tiquina ñecusamna panopū cjēna ye macaripū tiquina wamene ojoa ohōñe wahahye.

4 José gāhū Nazarepū Galilea yehpapū ijiri macapū ijiriquina waha, Judea yehpapū Belē wame tiri macapū esahye. Pūhtoro Davi manano panopū cjāno tiquireo masa bajuariro ijiahye Belē. José Davi manano panamino iji turiariquireo ijiro Belēpū tiquireo wamene ojoa ohō dutiro wahahye.

5 Sa yero María tiquireo omoca duhteaticoro mehna topū tiquireo wamene ojoa ohō dutiro esahye. Ticoro pehere meheñe decorigā dūhsahye nijino bajuato.

6 Sa yero Belēpū esaro ticoro niji wahcōahye.

7 Topūre masa tiquina carñi wāhū ne esa tuhaerahye tiquinare. Sa yero ticoro pohna ti tuhasa, tiquireogāre suhtiro mehna coma, wecna tiquina ih-yari cohropū, taa bui tiquireogāre duhu peoahye. Tiquireogā ticoro coã macū ti mūhtariquireogā ijiahye.

Angele ovejare ihña ihboyequinare bajuahye

8 Ti ñamine oveja tiquina ijiropū ovejare ihña ihboyequina tiquina yequina ovejare ihña ihboye niahye.

9 Sa yero Cohācjū ohoriquireo angel tiquinare bajuahye. Tiquireo sa bajuagū Cohācjū asi siteye tiquinare buhrioahye. Tiquireo sa asi sitegū ihñañe, ovejare ihña ihboyequina cuea wahahye.

10 Tiquina sa wahagū angel tiquinare yahuahye:

—Quehnoañe quitire masare yahugū ahtaja. Ijipihtiyequinare masare bucuegū yerota ahri quti. Sa yena yūhare cueracāhña mūsa.

11 Mia ñamine pūhtoro Davi manano ya macapū masare pecapū waha-borinare yūhdūoatiquiro, Cristo Cohācjū ohoriquireo mari pūhtoro masa bajua tuhasari.

12 Sa yero suhtiro mehna comariquireogā wecna ih-yari cohro bui tiquina duhu peoriquireogā mūsa ihñatiquirogā tiquireo ijirota, ni yahuahye angel tiquinare.

13 Tiquireo sa nigūta peyequina ūhmūse cjēna iji mūhtariquireo angel mehna Cohācjūre ño peoahye. Ohō saha ni ño peoahye tiquina:

14 Cohācjūre ūhmūse cjānore ño peouhna. Sa ye Cohācjū tiquireo cahñequina cuero marieno cahmequeno marieno quehnoano

ijiahro, ni, ño peohaye
angele pari.

15 Sa ni tuhasa aħmusepħ
tiquina mħjari bato ove-
jare ihña ihboyequina pehe
tiquina basi cahme yahudu-
cuahye:

—Ahrire Cohãcjũ marine
tiqiro yahurire Belẽpħ isa
ihñaahna, niahye tiquina
basi.

16 Sa niñe sojaro mehna
wahaa wahahye. Tiquina
Mariare, Josere boca sa,
nijinogãre wecħa ihyari
cohropħ tiquina duhu pe-
oriqirogãre ihñahye tiquina.

17 Ovejare ihña ihboye-
quina tiqirogãre ihña
tuhasa nijinogãre angel
tiqiro yahurire yahuahye
apequinare.

18 Tiquina sa ni yahugũ
ijipihtiequina tiquinare
taħo maria wahahye.

19 Ahri ijipihtiyere María
wacũ taħotuahye.

20 Sa yeye ovejare ihña
ihboyequina pehe angel
tiqiro yahuriro saha ijigũ
ihñañe, “Cohãcjũ tutu-
ariqiro ijire”, ni bucueahye.
Sa ni bucueye tojoaa wa-
hahye.

*Cohãcjũ wħħpħ Jesu
pacħsmħa tiqirogãre neahye*

21 Ihcã semana bato ni-
jinogã tiqiro cuhnucunħ
soħtoa cahserogãre yħhre ne
tuhasa tiqirogãre tiquina
Jesu wame yeahye. Jesure
coã waro ticoro bocato
pano angel pehe “Jesu
wame yeya tiqirogãre”,
ni yahu tuhasahye. Sa

yeye tiqirogãre Jesu wame
yeahye.

22-24 Cohãcjũ dutiye Moise
tiqiro yahuriro saha yeye
tehe, Josẽ, María mehna
Jerusalẽpħ wahahye. Topħ
wahahye María ticoro pohna
tiri bato pagħ quehnoari-
coro ticoro tojoarire ihño-
no taro. Cohãcjũ dutiriro
sahata tiquina minicjũare
ohoye wahahye Cohãcjũre ño
peoye. Ohõ saha dutiahye
Cohãcjũ: “Bujuaare pħaro
ohoya yħħre. O tiquina
mariedagũ apeqina boro
minicjũare ohoya yħħre
ñõ peona”, ni dutiahye
Cohãcjũ. Tiqiro dutiriro
sahata yeahye tiquina ticoro
pagħ quehnoari pagħ ticoro
waharire ihñoñe taye.

Topħ wahaye tiquina Je-
sugãre neahye. Tiqirogãre
Cohãcjũre “Ahriqirogã
mħħ yaqiro ijiatiqirogã
ijire”, ni ihñoñe wahahye.
Ohõ saha yeahye Cohãcjũ
yere tiquina ojoari pũpħ
tiqiro ye dutiriro sa-
hata. “Ijipihtiequina
mħsa pohna coã bajua
mħhtañequinagãre Cohãcjũre
ihñoña. ‘Ahriqirogã mħħ
yaqirogã ijiatiqiro ijire’, ni
ihñoña”, ni dutiahye Cohãcjũ.
Sa ye tiqiro dutiriro sahata
yeahye tiquina, Jerusalẽpħ
ijije.

25 Ti macapħ Simeo wame
tiriqiro ijiahye. Tiqiro
quehnoariqiro, Cohãcjũre
ñõ peoriqiro ijiro, Israe
masare Cohãcjũ yedohatire
coheriqiro ijiahye. Sa yero

Simeo Espíritu Santo tiquiro nidiro saha yeriquiro ijiahye.

²⁶ Sa yero tiquiro yariato pano Cohãcjũ tiquiro ohoatiquirore Cristore tiquiro ihñatire yahuahye Espíritu Santo tiquirore Simeore.

²⁷ Sa yero Espíritu Santo tiquirore dutigũ Cohãcjũ wuhapũ sajãa wahahye. Tiquiro sajã sari bato Jesu pacusumua tiquina macunogãre ne sajãhye. Cohãcjũ tiquiro dutiriro sahata yeye niahye.

²⁸ Simeo pehe tiquirogãre wua ne, Cohãcjũre ño peo, "Quehnoare", ni, tiquiro mehna yahuducuahye.

Ohõ saha niahye tiquiro Cohãcjũre:

²⁹⁻³² Yojopũ pũritare pũhto, mũhu nidiro sahata masare pecapũ wahaboriquinare yuhduoatiquirore ohori jiri mũhu. Tiquiro judio masa ijieyequinare buhero mũhure quehnoano masigũ yerota tiquinare. Masare yuhduoatiquiro Israe masunore mũhu cũahye. Usã acayurore Israe masunore mũhu cũgũ ijipihtiyequina masiñe, "Israe masare quehnoano yere Cohãcjũ", nieta masa. Ahriquirogã usãre yuhduoatiquiro ijire. Sa yegũ ahriquirogãre ihña tuhasagũ, yojopũre quehnoano bucwegũ yariutja, niahye Simeo.

³³ Simeo tiquirogãre tiquiro sa nigũ tiquirogã pacusumua pehe tũho maria wahahye.

³⁴ Sa yero Simeo tiquinare "Quehnoano ijiya mũsa", nino tiquiro María Jesu pacorore yahuahye:

—Cohãcjũ ahriquirogãre beseahye. Sa beseriquirogã tiquiro ijiepegũta judio masa peyequina tiquirore yuhducaeta. Sa ye tiquina pecapũ wahaeta. Sa yero judio masare peyequina tiquiro yuhduoatiquiro gũhure Cohãcjũ beseri tiquirogãre. Tiquiro Cohãcjũ yere yahuriquiro tiquiro ijiepegũta masa peyequina tiquirore ñano ni yahuducueta.

³⁵ Tiquina sa yegũ apequina tiquina ñano wacũñene masieta. Sa yego mũhu tutuaro purĩno yero saha bũjua witigota, niahye Simeo Marĩare.

³⁶ Topũ Cohãcjũ yere yahu mũhtaricoro Ana wame tircoro ijiahye. Ticoro Fanuel macono ijiro, Aser manano ya curua cjõno ijiahye. Bũcũoro waro ijiahye. Ticoro nuhmino ijiro manũ tiahye. Sa yero siete cũhmari waro ticoro manũno mehna ijiahye. To puno tiquiro ijiri bato ticoro manũno yariaa wahahye.

³⁷ Sa yero ochenta y cuatro cũhmari waro wape wihoro ijie tiahye ticoro. Sa yero ticoro deco gũhure ñami gũhure Cohãcjũ yere yero taro siji, Cohãcjũ mehna

yahuducu, Cohãcjũ wahũre ne wijaera tiahye.

38 Simeo tiquiro yahuducuri watoa ticoro tiquina cahapũ wihiro, bucuero, Cohãcjũre “Quehnoare”, niahye. Sa yero Jerusalẽ cjẽnare pecapũ wahaboriquinare yũhdũoatiquirore cohteyequinare ticoro Jesugãre yahuahye peyequina masare.

José, María, Jesu mehna Nazarepũ tojoaa wahahye tja

39 Cohãcjũ dutiriro sahata ye tuhasaye, tiquina ya macapũ Nazarepũ tojoaa wahahye. Galilea yehpapũ ijiahye ti maca Nazare.

40 Sa yero Jesu quehnoano masa, tutuariquiro wahahye. Sa yero tiquiro quehnoano tũho masiniquiro ijiahye. Sa yero tiquirore Cohãcjũ quehnoano yeahye.

Jesu coã wahũna dũcaro, Cohãcjũ ya wũhũpũ judio masare buheyequina mehna yahuducuro niahye

41 Cũhmaripe Jesu pacũsumũa Jerusalẽpũ pascua decorire bose decorire ihñañe wahae tiahye.

42 Jesu doce cũhmari tiquiro cũogũ tiquina yeducuriro sahata tiquina ijipihitiyequina Jerusalẽpũ wahahye.

43 Sa yeye bose decorire ihña tuhasa tiquina ya macapũ tojoaa wahahye tja. Tiquina sa tojoepegũta Jesu pehe Jerusalẽpũ tojoa cãhye. Tiquiro pacũsumũa tiquiro tojoa queherire masiedahye.

44 “Tiquiro mari mehna cjẽna mehna ijiaga”, ni tũhotumahye tiquina. Sa ye tiquina ihcã deco waro Jesu marieno wahamahye. Sa ye tiquina Jesure tiquina acaye watoa macamahye.

45 Ne bocaerahye. Sa ye tiquina Jerusalẽpũ tiquirore macañe wahahye.

46 Ihtia deco bato Cohãcjũ wũhũpũ tiquirore boca sahye. Sa yero Jesu judio masare buheyequinare tũho, tiquinare sinituro niahye. Sa ye cahme yahuducuye niahye.

47 Tiquina ijipihitiyequina Jesure tũhoye quehnoano masiniquirogã tiquiro ijigũ ihñañe, tiquina tũho maria wahahye.

48 Tiquiro pacũsumũa gũhũ Jesure ihñañe, ihña maria wahahye. Sa yero tiquiro pacoro tiquirore ohõ saha niahye:

—¿Мачũ, dũhsegũ sa yea-jari mũhũ usãre? Мũhũ pacũsumũa ohõ saha ni tũhotuu usã. “Tiquiro butia wahaga”, ni macaja usã mũhũre, niahye ticoro macũnore.

49 Ticoro sa nigũ tiquiro pacũsumũare yahuahye:

—¿Dũhsena yũhũre macajari mũsa? Yũhũ Pacũ yũhũre tiquiro dutiriro saha yegũ niaja. ¿Tire masiedajari mũsa? niahye tiquiro.

50 Tiquiro sa niepegũta tiquina tũho ñehedahye.

51 Sa yero Jesu Nazarepũ tojoaa waha, tiquiro pacũsumũare ne yũhdũdũcaerahye.

Ahri ijipihitiye tiqiro yerire María quehnoano wacūahye.

⁵² Sa yero Jesu буса, quehnoano tūho masiniquiro wahahye. Sa ye Cohācjū, masa gūhū “Quehnoariquiro ijire”, ni ihñahye tiquirore.

3

Ñu wame yeriquiro masare Cohācjū yere yahuahye

(Mt 3.1-12; Mr 1.1-8; Jn 1.19-28)

¹ Ti pjere tiquina pūhtoro Tiberio wame tiriquiro pūhtoro ijiri bato quince cahmari wahahye. Sa yero Poncio Pilato wame tiriquiro Judea yehpa cjēna pūhtoro ijiahye. Sa yero Herode wame tiriquiro Galilea yehpa cjēna pūhtoro ijiahye. Tiquiro bahuro Felipe Iturea yehpa cjēna, Traconite yehpa cjēna gūhū tiquina pūhtoro ijiahye. Sa yero Lisania wame tiriquiro Abilina yehpa cjēna pūhtoro ijiahye.

² Sa ye Anás, Caifa mehna ijipihitiyequina pahia pūhtoa ijiahye. Ahriquina ijipihitiyequina tiquina ijiri pjere Ñu Zacaria macno masa marienopū ijiriquirore Cohācjū pehe tiquirore tiquiro yere yahu dutiahye.

³ Sa yero Jordā wame tiri ma dūhtū cahapū ijiri yehpapū ijipihitiropū Ñu buhero wahahye.

—Musa ñaño yeyere bujua witiya. Yojoḡre quehnoañe pehere comesaya. Sa yena wame yenohrina ijia. Musa

sa comesagū ihñano Cohācjū mūsa ñaño yerire borota, ni, buhee tiahye tiquiro.

⁴ Isaia mūnano panopū cjūno Cohācjū yere yahu mūhtariquiro ojoariro sahata ahriquiro yojoḡre yero niahye. Ohō saha ni ojoahye Isaia Ñu tiquiro buheatire:

Masa marienopū yahuducu sañuducuriquiro ohō saha ni buherota: “Mari pūhtoro ahtato pano mahare mari quehnoyuriro saha quehnoana ijiyuya mūsa. Musa ñaño yerire bujua witiya.

⁵ Pe wūhtūri, pe buhuari gūhūre quehnoari paa mari yeriro saha, pari yawi ijiye maharine potoye mahari mari yeriro saha, ñaño maharine quehnoañe maharine mari yeriro saha, wetere mūsa coseriro saha mūsa ñaño yeyere duhuya.

⁶ Musa sa yegū Cohācjū mū sare pecapū waha borinare tiquiro yūhdūogū ihñāeta ijipihitiri yehpa cjēna”, ninota tiquiro sañuducu yahuriquiro pehe, ni ojoahye Isaia mūnano panopūre.

⁷ Masa peyequina Ñu cahapū wihiye tiquiro tiquinare wame yegū cahmeahye tiquina. Sa yero tiquiro tiquinare yahuahye:

—Añaa pari yero saha ña yūhdūna, cue duhti duana ijire mūsa. Musa ñaño yerire bujua witi duerana Cohācjū mūsa ñaño buhirire tiquiro buhiri dahreato pano duhti masiedare mūsa.

8 Sa yena potota m̄sa ñañene b̄j̄a witina ijina, quehnoañene comesana ijina, quehnoañe pehere yeya m̄sa. Ohõ saha ni t̄hotueracãh̄ña. “Panop̄ c̄j̄no Abrahã mari ñecu m̄n̄ano ijie tiahye. Sa yena tiq̄iro panamena ijina mari Cohãc̄j̄ yequina ijiaja”, ni t̄hotueracãh̄ña m̄sa. M̄sare niita niaja. Abrahã panamena iji turiana ijimene m̄sa. M̄sa sa ijiepeḡta ti m̄sa sa ijiye d̄h̄seati ijierare. Cohãc̄j̄ pehe ahri utã paca mehna Abrahã acayere dahre masine. Sa ye Abrahã acaye m̄sa ijiye ihyo waro ijire utã paca ihyo waro ti ijiro saha.

9 Ohõ saha ijire: Masa yuc̄ri yero saha ijire. Cohãc̄j̄ pehe yuc̄r̄ire quẽatiare comeare c̄or̄iq̄iro yero saha ijire. Sa yero ñañe d̄ca tiye c̄j̄are d̄te cohã, ti nah̄cori ḡh̄are d̄te sure peho cãnota. D̄te sure tuhasa, pecap̄ uj̄ãnota tiq̄iro ti c̄j̄re, nah̄cori ḡh̄are. Sata yerota masa ḡh̄are tiq̄irore cah̄meeñequinare, niahye Ñu masare.

10 Tiq̄iro sa niḡ t̄hoye masa pehe tiq̄irore sinitu-ahye:

—¿D̄h̄se yenatari usã? niahye tiquina Ñure.

11 —P̄na suhtiro c̄or̄iq̄iro suhti mariediq̄irore ihcãno ohoya. Sa yena m̄sa ihyaye c̄ona apeq̄ina ḡh̄are ohoya, niahye Ñu.

12 Meheñequinagã puhto-ye ijiatire wapa ne cohteyequina wame yenohriquina iji duahye tiquina ḡh̄u. Sa yeye Ñu cahap̄ wihyie, tiq̄irore sinituahye:

—¿Buheḡu, usã pehe d̄h̄se yenatari usã? niahye tiquina tiq̄irore.

13 —M̄sa puhto tiquina dutiro punota masare wapa neña. Ni meho wapa ne nemoedacãh̄ña, ni yahuahye Ñu tiquinare.

14 Apeq̄ina surara tiq̄irore sinituahye tja:

—¿Usã pehe d̄h̄se yenatari? niahye tiquina tiq̄irore tja.

—Masa yere niñerure ehmedacãh̄ña. Sa yena tiquina ye niñerure ni meho nedacãh̄ña. M̄sare tiquina wapa yero punota bucueya, ni, yahuahye Ñu.

15 Masa Cristore Cohãc̄j̄ tiq̄iro ohoatiq̄irore cohteye niahye. Sa yeye ohõ saha ni t̄hotu d̄cahye tiquina Ñure. “Ahriq̄iro Ñu pehe Cristo ijiboaga”, ni t̄hotumahye tiquina.

16 Tiquina sa niḡ t̄horo Ñu ijipihtiyequinare yahuahye:

—Ȳh̄u bato ȳh̄u ȳhd̄oro tutuariq̄iro ahtarota. Quehnoa ȳhd̄ariq̄iro ijire tiq̄iro. Tiq̄iro yero saha ijieraja ȳh̄u pehe. Sa yeḡu tiq̄irore t̄hotuḡu, “Ihyo ijiḡu ijiaja”, ni t̄hotuaja ȳh̄u. Ȳh̄u pehe m̄sare wame yeḡu aco mehna wame yemi. Tiq̄iro pehe ȳh̄u ȳhd̄oro

yerota. Espíritu Santore masa mehna ijiducugã yerota. Sa yero pecarũ ñañene tiquiro ujãa wero saha tiquiro ahtariquiro pehe m̄sa ñano yeyere cose werota.

17 Yũhũ bato ahtariquiro trigo cahseri cohãriquiro yero saha ijire. Ti cahserire cohãriquiro tiquiro batiro mehna ijipihtiye trigo pjeri cahserire puti were. Sa ye tuhasa trigo pehere tiquiro ihbori wũhũpũ cũnota. Sata yerota tiquina ñañene bujãa witiyequinare yũhũ bato ahtariquiro. Tiquiro puti weri cahseri pehere ujãanota. Ti peca tiquiro ujãari peca ne yatisi. Sata yerota tiquiro yũhũ bato ahtariquiro tiquina ñañene bujãa witiyequinare, ni yahuahye Ñu.

18 Peye tiquiro sa ni yahuye mehna masare quehnoañe buheyere yahuahye Ñu.

19 Sa yero puhtoro Herode pehe tiquiro bahũro Felipe namonore tiquiro namo tiri buhiri, pajiro ñañene tiquiro yeri buhiri gũhũre Ñu tiquirore yahumahye.

20 Tiquiro sa ni yahuri buhiri Herode pehe Ñure peresu yeahye, pari turi ñañene yero.

*Ñu Jesure wame yeahye
(Mt 3.13-17; Mr 1.9-11)*

21 Ñure tiquina peresu yeato pano apequina masare Ñu pehe wame yero niahye. Tiquinare wame yero Jesu gũhũre wame yeahye. Sa

yero Jesu diapũ ducuriquiro Cohãcũre tiquiro sinino watoa uhmũse parĩ maa wahahye.

22 Sa parĩ maari bato Espíritu Santo bujua yero saha bajuriquiro Jesu buipũ dijia tahye. Tiquiro ahtagũ uhmũsepũ yahuducuro ca tahye:

—Mũhũ yũhũ macũ yũhũ cahĩgũ ijire. Mũhũ mehna tutuaro bucueaja, nino ca tahye uhmũsepũ.

*Jesu acaye panopũ cjẽna iji-
ahye*

(Mt 1.1-17)

23 Jesu buhe dũcari cũhmare treinta cũhmari cũoahye tiquiro. “Tiquiro José macũno ijire”, ni, tũhotumahye masa. José pehe Elí macũno ijiahye.

24 Elí Matat macũno ijiahye. Matat Leví macũno ijiahye. Leví Melqui macũno ijiahye. Melqui Jana macũno ijiahye. Jana José macũno ijiahye.

25 José Matatía macũno ijiahye. Matatía Amós macũno ijiahye. Amós Nahúm macũno ijiahye. Nahúm Esli macũno ijiahye. Esli Nagai macũno ijiahye.

26 Nagai Maat macũno ijiahye. Maat Matatía macũno ijiahye. Matatía Semei macũno ijiahye. Semei Josec macũno ijiahye. Josec Judá macũno ijiahye.

27 Judá Joanán macũno ijiahye. Joanán Resa macũno ijiahye. Resa Zorobabel macũno ijiahye. Zorobabel

Salatiel macuno ijiahye.
Salatiel Neri macuno ijiahye.

28 Neri Melqui macuno ijiahye. Melqui Adi macuno ijiahye. Adi Cosam macuno ijiahye. Cosam Elmadam macuno ijiahye. Elmadam Er macuno ijiahye.

29 Er Josué macuno ijiahye. Josué Eliezer macuno ijiahye. Eliezer Jorim macuno ijiahye. Jorim Matat macuno ijiahye.

30 Matat Leví macuno ijiahye. Leví Simeo macuno ijiahye. Simeo Judá macuno ijiahye. Judá José macuno ijiahye. José Jonam macuno ijiahye. Jonam Eliaquim macuno ijiahye.

31 Eliaquim Melea macuno ijiahye. Melea Mena macuno ijiahye. Mena Matata macuno ijiahye. Matata Natán macuno ijiahye.

32 Natán Davi macuno ijiahye. Davi Isaí macuno ijiahye. Isaí Obed macuno ijiahye. Obed Booz macuno ijiahye. Booz Salmón macuno ijiahye. Salmón Naasón macuno ijiahye.

33 Naasón Aminadab macuno ijiahye. Aminadab Admin macuno ijiahye. Admin Arni macuno ijiahye. Arni Esrom macuno ijiahye. Esrom Fare macuno ijiahye. Fare Judá macuno ijiahye.

34 Judá Jacob macuno ijiahye. Jacob Isaac macuno ijiahye. Isaac Abrahã macuno ijiahye. Abrahã Taré macuno ijiahye. Taré Nacor macuno ijiahye.

35 Nacor Serug macuno ijiahye. Serug Ragau macuno

ijiahye. Ragau Peleg macuno ijiahye. Peleg Heber macuno ijiahye. Heber Sala macuno ijiahye.

36 Sala Cainán macuno ijiahye. Cainán Arfaxad macuno ijiahye. Arfaxad Sem macuno ijiahye. Sem Noé macuno ijiahye. Noé Lamec macuno ijiahye.

37 Lamec Matusalē macuno ijiahye. Matusalē Enoco macuno ijiahye. Enoco Jared macuno ijiahye. Jared Mahalaleel macuno ijiahye. Mahalaleel Cainán macuno ijiahye.

38 Cainán Eno macuno ijiahye. Eno Sete macuno ijiahye. Sete Adán macuno ijiahye. Adán Cohãcjü yeriquiro ijiahye.

4

Watĩno ñañene ye dutimahye Jesure

(Mt 4.1-11; Mr 1.12-13)

1 Jesu Espĩritu Santo dutihiro saha ye pehoriquire ijiro, Jordã wame tiri ma caharũ ijiriquire tojoaa wahahye. Tiquiro sa tojoaa wahagũ Espĩritu Santo pehe tiquirore masa marienopũ neahye.

2 Topũ esaro cuarenta decori ijiahye. Sa yero watĩno pehe Jesure ñañene yegũ cahmemahye. Sa yero ñañene ye dutimahye tiquirore. Ti decorire ne Jesu ihyerahye. Sa yero ti decori pihtigũ waro tiquiro uña ahbahye.

3 Tiquiro sa uña ahbagũ ihñano watĩno ohõ saha nimahye Jesure:

—Muhū Cohācjū macu ijigū, ahria utāre ihyaye dojomehneña, nimahye Jesure.

4 Jesu ohō saha ni yuhtiahye:

—Yeraja. Cohācjū yere tiquina ojoari pūpu ohō saha nine: “Masare ihyaye mehna dihita catieraro cahmene. Ijipihtiye Cohācjū ye yahuye mehna ijiro cahmene”, nine Cohācjū, ni yuhtiahye Jesu watīnore.

5 Tiquiro sa nidi bato watīno pehe tiquirore cūnu uhmuanu buipū ne mija saro, duita ijipihtiye macarine ihño dijioahye Jesure.

6 Sa ihñono Jesure yahuahye:

—Ijipihtiye ahri macari yuhure tiquiro ohoi ijire. Sa yegu yuhū cahmediquirore oho masiaja. Sa yegu ahri macarine, ahri macari cjēnare dutiati gūhure, tiquina caoye mehna mahure ohoutja.

7 Yuhure mahū ño peogū ahri macari ijipihtiye macarine mahure ohoutja, niahye watīno Jesure.

8 Jesu ohō saha ni yuhtiahye tiquirore:

—Mahure ño peoeraja. Ohō saha nine Cohācjū yere tiquina ojoari pū: “Mahū puhtoro Cohācjū dihitare ño peoya. Tiquiro ye dutiye dihitare yeya”, ni ojoahye Cohācjū yere, niahye Jesu watīnore.

9-11 Tiquiro sa nidi bato Jerusalēpu watīno pehe tiquirore ne cā, Cohācjū wahu

buipu ne sahye. Ne sa tuhasa tiquirore ohō saha nimahye:

—Cohācjū yere tiquina ojoari pū ohō saha nine: “Cohācjū tiquiro yequina angelere mahure ihña ihbo dutirota. Sa yeye tiquina pehe mahure ihña ihboeta, ‘Muhūpu utāpu puhari’, niñe”, ni ojoahye Cohācjū yere tiquina ojoari pūpu. Tiquiro sa nidi poto ijigū mahū Cohācjū macu ijigū, yehpapu uhpu dijia ihñoña yuhure. Mahure tiquina yedohogū ihñoña yuhure, nimahye watīno Jesure.

12 Jesu uhpu dijia ihño dueraro ohō saha ni yuhtiahye tiquirore:

—Cohācjū yere tiquina ojoari pū ohō saha nine: “Musa puhtoro Cohācjū tiquiro nidire ‘¿Poto ijiajari?’ ni masi duana, Cohācjūre ye ihño duti tuhueracāhña”, nine Cohācjū yere tiquina ojoari pūpu, niahye Jesu watīnore.

13 Sa yero watīno ijipihtiye ñañene Jesure ye dutimahye. Sa duti tuhasaro mehenogā duhu cārīahye.

Galilea yehpapu Jesu buhe ducahye

(Mt 4.12-17; Mr 1.14-15)

14 Came Jesu Galileapu tojoaa wahahye. Sa yero tiquiro Espiritu Santo tutuaye mehna yeahye. Topu ijipihropu masa tiquirore quitiahye.

15 Judio masa buheye wuhusepu Jesu gūhu buheetiahye. Sa ye ijipihtiyequina

masa tiqirore quehnoano yahuducuahye.

Nazare cjēna Jesure ne cahmedahye

(Mt 13.53-58; Mr 6.1-6)

16-17 Came Nazarep_u Jesu tiqiro masarirop_uta esahye. Top_u esa, saurú ijigū tiqiro sa yeducuriro saha judio masa tiquina buheri w_uh_up_u sajā sahye. Top_u tiqiro Cohācjū yere tiquina ojoari pūre buhero taro top_u ducuahye. Tiqiro sa ducugū ihñañe to cjēna pehe Cohācjū yere yahu māhtariqiro Isaia m_unano tiqiro ojoari pūre tiqirore ohoahye. Ti pūp_u Jesu ahri yahuyere bocaro buheahye:

18 Cohācjū yaqiro Espíritu y_uh_u mehna ijiro, y_uh_ure dutiri. Tiqiro pejec_uoyeqinare quehnoañe buheyere yahu dutiro ohori y_uh_ure. Sa yero peresup_u ijieyequina gūh_ure tiquinare tiqiro y_uhd_uoatire yahu dutiro ohori y_uh_ure. Caperi bajueyequina tiquina quehnoano ihñatire ohori y_uh_ure. Sa yero masa ñano tiquina yenhriquinare wioacj_ure y_uh_ure ohori.

19 Mari p_uhtoro Cohācjū tiqiro yeqinare pecap_u wahaboriqinare tiqiro y_uhd_uoatire y_uh_ure yahu dutiro ohori, ni buheahye Jesu.

20 Sa ni buhe tuhasa Jesu ti pūre quehnoari tunu torē, w_uh_u cjānore wia tuhasa, nuju sahye. Tiqiro nuju sagū ihñañe top_u ijieyequina ijipihtieyequina tiqiro dihitare ihñahye.

21 Tiquina sa yegū tiqiro tiquinare yahu d_ucahye:

—Ahri mianogāta y_uh_u buhero saha Cohācjū tiqiro nidiro sahata waharo nine, niahye Jesu.

22 Tiqiro sa nigū t_uhoye “Ahriqiro quehnoariqiro ijire”, ni t_uhotuahye tiquina. Sa yeye tiquina tiqiro quehnoano yahuducugū t_uhoye, t_uho maria wahahye. Sa yeye ohō saha niahye tiquina basi:

—¿Yohnah, José mac_uno ijierajari ahriqiro? niahye tiquina basi.

23 Tiquina sa nigū masino Jesu yahuahye tiquinare:

—Y_uh_u buheyere t_uho duerana, ohō saha ni t_uhoture m_usa y_uh_ure: “Duturu dohatiro tiqiro basi aco ti masine duturu waro tiqiro ijieyere ihñono. M_uh_u gūh_u duturu tiqiro ye ihñono saha m_uh_u nidiro saha ijig_u Cohācjū tutuaye mehna ye ihñoña *usāre*. Capernaup_ure Cohācjū tutuaye mehna ye ihñoñoh_uti m_uh_u. *Usā gūh_ure sa ye ihñoña, m_uh_u buheyere ‘Poto tjire’, usā niato saha*”, ni duare m_usa y_uh_ure.

24 Ahrire yahutja m_usare. Cohācjū yere yahu māhtariqirore tiqiro ya maca cjēna ño peerare. Sa yena y_uh_ure ño

peoerare m̄sa ohõp̄u yah̄u masariḡu ijiḡu.

25 Sata ijiahye panop̄re. Panop̄u Elia tiquiro ijiri pjere ihtia c̄hma ape c̄hma deco waro ne acoro ahtaerahye. Sa yero ijipihtirop̄ta ne ihyaye mariedahye.

26 Ti pjere peyequina wape wiha numia Israe yehpap̄u tiquina ijiepeḡta Cohãcj̄u Elia m̄nanore tiquinare yedoho dutiro ohoerahye. Tiquiro ya macare sa ye dutieraperota ape yehpap̄u Sidõ cahap̄u ijiri macap̄u Sarepta wame tiri maca cjõno wape wihorore yedoho dutiro Elia m̄nanore ohoahye Cohãcj̄u.

27 Came Cohãcj̄u yere yahu m̄htariquiro Eliseo m̄nanao tiquiro ijiri pjere Israe yehpap̄u peyequina cam̄i b̄sc̄u m̄na wiha tiquina ijiepeḡta ihcãquiro Israe mas̄nore ne quehnoa wahaḡu yerahye Eliseo m̄nanao. Tiquiro ya yehpa cj̄enare yeraperota Naamán wame tiriquiro Siria yehpa cj̄ãno dihitare quehnoa wahaḡu yeahye tiquiro. Sa yero Israe masare yedohoeraro, Israe masa ijieyequina pehere yedohoahye Cohãcj̄u, niahye Jesu tiquinare.

28 Tiquiro sa niḡu t̄hoye ijipihtiyequina ti w̄h̄ap̄u ijieyequina usua ȳhd̄na wahahye.

29 Sa yeye tiquina wahcãd̄ca, Jesure ne wijia, ti maca d̄ht̄u cahap̄u ijiri c̄n̄ap̄u tiquirore tudoque dijio duamahye.

30 Tiquina sa ye duepeḡta Jesu tiquina watoata wahaa wahahye.

Wat̄nore c̄oriquiro Jesure piti cahye

(Mr 1.21-28)

31 Came Jesu Galilea yehpap̄u ijiri macap̄u Capernau wame tiri macap̄u esa, saurú ijiḡu masare buheahye.

32 Quehnoano masi pehoriquiro tiquiro buheḡu t̄hoye masa t̄ho maria wahahye.

33 Ti w̄h̄ap̄u wat̄nore c̄oriquiro ijiahye. Tutuaro sañuducuahye:

34 —M̄h̄u Jesu Nazare cj̄u us̄are cariboeracãh̄na m̄h̄u. ¿D̄h̄se yeḡu taḡu niajari us̄are? ¿M̄h̄u us̄are butiḡu yeḡu taḡu niajari? Cohãcj̄u mac̄u, quehnoaḡu m̄h̄u ijiḡu yah̄u masiaja, ni sañuducuahye Jesure.

35 Tiquiro sa niḡu t̄horo Jesu tuhtiahye wat̄nore:

—Dihta mariah̄na. Duhuya tiquirore, niahye Jesu.

Tiquiro sa nidi bato mas̄nore wat̄no pehe yehpap̄u doque quehe sa tunuḡu yeahye. Tiquiro sa yeri bato tiquiro pehe quehnoa wahahye.

36 Top̄u ijieyequina ijipihtiyequina tiquiro sa wahaḡu ih̄ñañe, ih̄ña maria wahahye. Sa ye tiquina basi ohõ saha ni yahuducuahye:

—¿Yabe boro buheye ijiajari ahri sa wahaḡu yeye? Yohnah. Tutuaro mehna p̄htoro yero saha ahriquiro wat̄fare dutire. Sa yeye

tiquiro dutiro sahata tiquina masare duhure, ni yahudu-cuahye tiquina basi.

³⁷ Tiquiro sa yegū ihñañe ti yehpap_u ijipihrop_u masa Jesure quti dahreahye.

Jesu Simo Pedro mare-onore dutire y_uhd_uoahye
(Mt 8.14-15; Mr 1.29-31)

³⁸ Judio masa tiquina buheri wahure wijia, Simo ya wahap_u sajã sahye Jesu. Top_u Simo mareono dohatiro niahye. Tutuaro ujuaye tiahye. Sa ye tiquina ticoro dohatigū yahuahye Jesure.

³⁹ Tiquina yahuri bato tiquiro ticoro cahap_u esa, ujuayere suru dutiahye. Tiquiro sa suru dutiri bato ticorore ujuaye surua waha, duita quehnoa wahahye. Ticoro sa waharo wahcã nuju sa, ticorota tiquinare ihyayere peoahye.

Peyequina dohatiyequinare y_uhd_uoahye Jesu
(Mt 8.16-17; Mr 1.32-34)

⁴⁰ Asū sajãri bato ijipih-tiyequina masa tiquiro cahap_u ijiyequina dohatiyequinare Jesu cahap_u ne sahye. Dohatiyequina peyequina sijoro saha ijiye dohatiyere c_uoahye. Sa yero Jesu tiquiro omocari mehna tiquina bui ña peo, ijipih-tiyequina dohatiyere quehnoano y_uhd_uoahye.

⁴¹ Watã gāhure Jesu duhu dutigū tiquina duhuye sañuducuahye:

—M_uh_u potota Cohācjū mac_u ijire, niahye tiquina Jesure.

Jesu Cohācjū ohoriquiro tiquiro Cristo ijigū watã masiahye. Sa yero Jesu tiquinare yahuducu dutierahye, “ ‘Cristo ijire’, ni yahu siteari”, nino.

Galilea yehpap_u buheahye Jesu
(Mr 1.35-39)

⁴² Bohrea m_uja tagū Jesu ti macap_u ijiriquiro waha, masa marienop_u esahye. Tiquiro sa esari bato masa tiquirore maca cã, boca saye, ohō saha niahye:

—Ĥsã ya macap_u tojoaya _usã mehna. Ape sie wahag_uta, nimahye tiquina Jesure.

⁴³ Tiquina sa niepegūta tiquiro pehe ohō saha ni y_uhtiahye:

—Cohācjū tiquiro p_uhtoro ijiyere quehnoañe buheyere apeye macarip_u gāhure buhe duaja y_uh_u. Cohācjū y_uh_ure ohori tire yahucj_ure, niahye Jesu tiquinare.

⁴⁴ Sa yero Judea yehpap_u ijiye wah_usep_u, judio masa tiquina buheye wah_usep_u tiquiro buhe tiniahye.

5

Jesu tiquiro buheyequinare peyequina wahi wejēgū yeahye

(Mt 4.18-22; Mr 1.16-20)

¹ Ape deco Jesu Genesare wame tiri ditara d_uht_u cahap_u esahye. Top_u tiquiro ijigū ihñañe peyequina masa Cohācjū yere t_uho duaye tiquirore n_un_u tã sahye.

Quehnoano wahpa dũca saa wahahye masa pari.

² Pũa yucũsa padũropũ pahsaye yucũsarire Jesu ihñahye. Ti yucũsari cjẽna yohyeyequina maja sadũca, tiquina wẽñecjũre coseye niahye.

³ Sa yero Jesu Simo yariapũ sajãhye. Sajã tuhasa tia yucũsare dia dũhtũ cahapũ cuñariare weje buho duti-ahye. Sa yero yucũsapũ duji, masare buheahye.

⁴ Buhe tuhasa, Jesu Simore ohõ saha niahye:

—Deco cjũnogã tu wioya. Sa yena mũhũ mehna cjẽna mehna mũsa wẽñecjũre doque ñoña wahi ñeheanaja, niahye Jesu.

⁵ Tiquiro sa nigũ tuhoro Simo Jesure yũhtiahye:

—Pũhto, wahi wejẽ bohreami usã mia ñamine. Bohreepenata ne ihcãquirogã wejẽdahti usã. Sa wejẽdapenata mũhũ dutiro saha doque ño tuhunata, ni yũhtiahye Simo.

⁶ Sa ni tuhasa tiquina doque ñoahye. Sa tiquina doque ñogũ tiquina wẽñecjũre peyequina wahi sajãhye. Peyequina tiquina sajãgũ wẽñecjũ tuhũna wahamahye.

⁷ Sa wahagũ ihñañe aperia cjẽnare tiquina mehna cjẽnare pijioahye.

—Mũsa gũhũ yedohona ah-taya usãre, ni pijioahye Simo gũhũ.

Tiquina sa yedohori bato pũaria yucũsa quehnoano miniparo bocahe wahire.

⁸ Simo Pedro sa wahi peye-quina tiquina sajãgũ ihñano, Jesu cahapũ dũsepe curi mehna quehe sa, tiquiore niahye:

—Yũhũ pũhto, mũhũ mehna ijibogũ ijieraja yũhũ. Ñagũ ijiaja yũhũ. Sa yegũ yũhũre duhuya, niahye Simo Jesure.

⁹ Tiquiro, ijipihtiyequina tiquiro mehna cjẽna gũhũ peyequina wahi sajãgũ ihñañe, ihña maria wahahye tiquina gũhũ.

¹⁰ Pũaro Simo mehna cjẽna Zebedeo pohne Santiago, tiquiro bahũro Ñu mehna, tiquina gũhũ ihña maria wahahye. Tiquina sa ihña mariagũ ihñano Jesu Pedrore yahuahye:

—Ihña mariedacãhña. Yojopũre mũhũ wahire ñehe cahmecoagũ mũhũ ijiro saha Cohãcjũ yequina ijia-tiquinare piji cahmecoagũ ijigũta mũhũ, niahye Jesu Simore.

¹¹ Tiquiro sa nidi bato tiquina yucũsarire ditara dũhtũ cahapũ weje mo cũ cã, tiquina ye ijipihtiyere topũta cũ cã, Jesu mehna wahaa wahahye.

*Jesu cami bũcũ mũna wihi-
rore cami yatigũ yeahye
(Mt 8.1-4; Mr 1.40-45)*

¹² Jesu ape macapũ tiquiro ijigũ cami bũcũ mũna wihiro tiquirore piti cahye. Sa piti caro tiquiro Jesure ihña, dũsepe curi mehna quehe sa, tutuaro siniahye:

—Pũhto, mũhu yahũre yũhdũo duagu yũhdũoya, ni siniahye.

13 Tiquiro sa nidi bato Jesu tiquirore ña peoro ohõ saha niahye:

—Tire ye duaja. Yojopũ quehnoagu ijiya mũhu, ni-ahye.

Tiquiro sa nigũta tiquiro camĩ ahbari yatia wahahye.

14 Sa yero Jesu tiquirore dutiahye:

—Ahri yũhu ohõ saha yerire apequinare yahueracãhña. Pahi cahapũ wahaya yojopũre. Sa yegu mũhu pagũre quehnoari pagũ waharire ihñoña tiquirore. Cohãcjũ dutiye Moisere tiquiro cũri nidiro saha yeya. Sa yegu pahire pũaro minicjũare ohoya mũhu camĩ yũhdũũre ijipihitiyequinare ihñogũ tũhu, niahye camĩ bũcũ mũna cũomediquirore.

15 “Yahueracãhña”, tiquiro sa niepegũta ijipihitropũ masa Jesure quti dahre nemoahye. Tiquina sa quti dahregũ tũhoye masa peyequina tiquiro cahapũ esahye. Dohatiyequina yũhdũ duaye, tiquina gũhu tiquiro cahapũ esahye.

16 Tiquina sa esaepegũta Jesu masa marienopũ Cohãcjũre sinino wahaa wahahye.

Jesu tini masieniquirore yũhdũoahye

(Mt 9.1-8; Mr 2.1-12)

17 Ape deco Jesu buhegũ fariseo masa, judio masare

buheyequina gũhu topũ dujahye. Tiquina peye macari Galileapũ ijiye macari cjẽna, Judeapũ ijiye macari cjẽna, Jerusalẽ cjẽna ijiahye. Sa yero Jesu Cohãcjũ tutuaye mehna dohatiyequinare yũhdũoahye.

18 Meheñequinagã mũmũa tini masieniquirore tiquiro cuñari cahsero mehna yo wũa wihiahye. Sa yeye tiquirore Jesu cahapũ cũ duaye, wũhapũ yo sajà duamahye tiquina tiquirore.

19 Sa sajà duepeta masa peyequina ijigũ tiquina tiquirore yo sajà masiedahye. Sa yeye tiquirore wũhu buipũ yo mũjahye. Yo mũja sa, mehenogã põo we, ti copepũ tini masieniquirore tiquiro cuñari cahsero mehna duhu dijioahye Jesu cahapũ ijiyequina watoa.

20 “Jesu ahriquiroro tiquiro dohatiyere yũhdũgũ yerota”, ni tũhotuahye tiquina. Tiquina sa ni tũhotugũ masino Cohãcjũre tiquina wacũ tutuayere masino, Jesu tini masieniquirore ohõ saha ni yahuahye:

—Yũhu acayũ, mũhu ñañe yeyere yũhu cohã tuhasaũ, ni-ahye Jesu tiquirore.

21 Tiquiro sa nigũ tũhoye fariseo masa, judio masare buheyequina gũhu tiquina basi ohõ saha ni tũhotumahye: “Ahriquiroro sa ni yahuducueracãhdo. Masũno mari yero saha ijiro, tiquiro ñañe yeyere cohã masiedare. Cohãcjũ

dihita masa tiquina ñañe yeyere cohã masine”, ni, tãhotumahye tiquina.

22 Jesu tiquina tãhotuyere masino, ohõ saha niahye:

—¿Dũhse yena sa ni tãhotuajari m̄sa?

23 “Mũhũ ñañe yeyere yũhũ cohã tuhasaja”, yũhũ nigũ, “Ni mehogũ ijire”, yũhũre nine m̄sa quehnoano masiedapenata. “Wahcãdũca wahaya”, yũhũ nigũ tiquiropo tinigũ ihñana yũhũ nidi potopoto jigũ duita masinata.

24 Yũhũ masũ Cohãcũ ohorigũ ahri yehparũ ñañe yeyere cohã masiaja yũhũ. Masa tiquina ñañe yeyere cohãcũre cũri Cohãcũ yũhũre. Yũhũ sa cohãrire m̄sa masiato saha ohõ saha ye ihñoutja m̄sa ihñatire, niahye Jesu.

Sa ni tuhasa tini masieniquirope ohõ saha niahye:

—Mũhũre niita niaja. Wahcãdũcaya. Mũhũ cuñari cahserore ne cãhñã mũhũ ya wũhũpũ, niahye tiquiropo.

25 Tiquiropo sa nigũ tãhorota ijipihtiyequina tiquina ihñonopũ wahcãdũca, tiquiropo cuñari cahserore ne, tiquiropo ya wũhũpũ tojoa wahahye. Sa waharo tiquiropo Cohãcũre ño peoro, bucueye mehna quehnoano yahuducuahye.

26 Tiquiropo sa yegũ ihñañe masa pehe ijipihtiyequina ihñã maria wahahye. Tiquina ihñã maria waha, Cohãcũre ño peoye, bucueye mehna quehnoano yahuducuahye:

—Miare sijoro saha ijiyere ihñã mari, niahye tiquina.

Jesu Levĩre pijiahye
(Mt 9.9-13; Mr 2.13-17)

27 Sa ye tuhasa waha, Levĩ wame tiriquiropo tiquiropo dahrari tucũpũ ijiriquiropo boca sahye Jesu. Levĩ pehe pũtoa ye ijiatire masare wapa ne cohteriquiro ijiyahye. Sa boca saro tiquiropo ohõ saha niahye:

—Yũhũ mehna cũ ijiaacũ ah-taya, niahye tiquiropo Levĩre.

28 Tiquiropo sa nigũ Levĩ pehe ijipihtiye tiquiropo dahrayere duhu cã, Jesu mehna wahaa wahahye.

29 Came Levĩ ya wũhũpũ Jesu ya bose deco yeye niahye. Topũ peyequina wapa ne cohteyequina, apequina Levĩ gũhũ mehna dujiahye.

30 Tiquina mehna Jesu gũhũ dujigũ ihñañe meheñequinagã fariseo masa, judio masare buheyequina mehna usua, Jesu buheyequinare sinituahye.

—¿Dũhsena ñano yeyequina, wapa ne cohteyequina mehna ihyajari m̄sa? ni tuhtiahye tiquina.

31 Tiquina sa nigũ tãhoro Jesu yũhtiahye tiquinare. Ohõ saha ni queoye mehna buheahye:

—Dohatiyequina duturure macaedare. Dohatiyequina dihita duturure macare. Ñañequina dohatiyequina yero saha ijire.

32 Sa yegũ ñañequina dihitaro tiquina ñañene bũjũ witi dutigũ, quehnoañe

pehere comesagū yegū tūu nii yūhū. Tiquina basi “Quehnoana ijiaja usā”, ni tūhotuyequinare yedohogū ahtaerū yūhū, niahye Jesu.

Sijiyere Jesure sinituahye apeqina

(Mt 9.14-17; Mr 2.18-22)

³³ Sa yeye meheñequinagā masa Jesure ohō saha ni sinituahye:

—Ñu buheyequina peye tahari Cohācjüre ño peoye tehe, sijire. Sa yeye, tiquina peye tahari Cohācjüre sinine. Fariseo buheyequina gūhū tiquina yero saha yere. Tiquina sa yepegūta mūhū buheyequina pehe ihya, sihnine. Sa ye Cohācjüre ño peoye tehe, sijierare. ¿Dahse yeye sa yerajari tiquina? niahye tiquina Jesure.

³⁴ Tiquina sa nigū Jesu tiquiro tūhotuye mehna quti dahre buhero taro tiquinare ohō saha ni yūhtiahye:

—Ohō saha ijire ti: Omoca dūhteropū tiquina pijioriquina omoca dūhteriquiro mehna ijiye, siji masiedare. Sata yūhū buheyequina gūhū yūhū mehna ijiye, siji masiedare. Yūhū omoca dūhteriquiro yero saha ijiaja. Omoca dūhteriquiro bose deco tiquiro yegū tiquiro mehna cjēna ihyeyequina ijierare.

³⁵ Yūhū Рачū Cohācjū yūhūre tiquiro nedi bato pūritare yūhū buheyequina mehna ijisi yūhū. Sa yeye ti pjerpata yūhū buheyequina gūhū sijieta, niahye Jesu.

³⁶ Panopū cjē buheye wahma buheye mehna tiquina buhe more duagū ihñano ohō saha ni nemoahye Jesu tiquinare queoye mehna buhero.

—Ne wahma suhtirore meheni cahserogā tūhrē ne, mūna suhtirore sere ohōno cahmedare. Mari sa sere ohōna wahma cahserore tūhrē cohāna niaja. Sa yero wahma cahsero mūna suhtiro mehna ihcāno saha bajuerare.

³⁷ Sa yena ne ahse co bisiye core wahiquiro cahsero ajuropūre mūna ajuropūre pose yero cahmedare. Sa yegū ahse co bisiye pahmuñerū mūna ajurore tūhrē cāhre. Sa tūhnūgū ahse co gūhū, ajuro gūhū cohāa wahare.

³⁸ Sa yena ahse co wahma core wahma ajuropū pose yero cahmene. (Sata wahma buheye mūna buheye mehna buhe moredaro cahmene.)

³⁹ Mūna core masa tiquina sihnidi bato, wahma core cahmedare tiquina. Ohō saha nine masa. “Mūna co wahma co bui cjūnogā quehnoañe ijire”, nine masa, niahye Jesu tiquinare.

6

Judio masa tiquina sori decore trigore peheahye Jesu buheyequina

(Mt 12.1-8; Mr 2.23-28)

¹ Ape deco saurū ijigū Jesu gūhū trigo wesepū esahye. Topū esa, tiquiro buheyequina pehe trigo parorire pehe, ti pjerire sahquē site

dijio, ti pjerire ihya cã wahaa wahahye tiquina.

² Tiquina sa yegũ ihñañe meheñequinagã fariseo masa tiquinare sinituahye:

—¿Dũhse yena mũsa saurú mari sori deco ijiepegũta Cohãcjũ tiquiro dutierari decore dahrajari mũsa? niahye fariseo masa.

Tiquina sa nigũ tũhoro Jesu tiquinare yũhtiahye “Yũhũ buheyequina yũhdũdũcaye niedare”, nino taro:

³⁻⁴ —Davi mũnano tiquiro mehna cjẽna mehna ɸjũa ahbaro, Cohãcjũ wũhũpũ sajã, Cohãcjũ ye pãre ihyahye. Sa ihyaro tiquiro mehna cjẽna gũhure ti pãre ihya dutiro ohoahye. Ti pãre pahia dihita ihyae tiahye. Cohãcjũ dutiye ti pãre apequinare ihya dutierare. ¿Davi mũnano tire tiquiro yerire buherari mũsa? (Ti pãre ihyaro Cohãcjũre yũhdũdũcaro niedahye. Miare ahri pjerire ihyaye yũhũ buheyequina gũhũ Cohãcjũre yũhdũdũcaye niedare.)

⁵ Yũhũ masũ Cohãcjũ ohorigũ ahri deco saurú decore masa tiquina yeatire yahugũ ijigũ pũhto ijiaja, niahye Jesu.

*Omoca bũhariquiro quitu
(Mt 12.9-14; Mr 3.1-6)*

⁶ Ape deco saurú ijigũ Jesu judio masa tiquina buheri wũhũpũ sajã saro, buheahye masare. Topũ omoca potõ pehe bũhariquiro ijiahye.

⁷ Meheñequinagã judio masare buheyequina,

fariseo masa gũhũ Jesure yahusã duamahye. “Saurú decore masũnore dohatiyere yũhdũdũboaga Jesu”, ni, ihña nũnũ yahusã duamahye tiquina Jesure.

⁸ Jesu tiquina tũhotuyere masino, omoca bũhariquirore ohõ saha niahye:

—Wahcãdũcaya. Ohõpũ ah-taya, niahye tiquiro.

Tiquiro sa nidi bato omoca bũhariquiro pehe wahcãdũca, topũ ducuahye.

⁹ Sa yero Jesu tiquinare sinituahye.

—Musare sinitutja: ¿Saurú ijigũ yabere ye duti-ajari Cohãcjũ dutiye? ¿Quehnoañene yegũ quehnoaedajari? ¿Ñañene yegũ pehere quehnoaboagari, mũsa tũhotugũ? Saurú ijigũ masũnore masogũ quehnoarĩne. Saurú ijigũ masũnore wejẽgũ pehere quehnoaedare. Ñarĩne, niahye Jesu tiquinare.

¹⁰ Sa nino Jesu tiquinare ijipihtiyequinare ihñadoqueo, omoca bũhariquirore ohõ saha niahye tja:

—Mũhũ omocare siõ potõya, niahye tiquiro.

Tiquiro sa nigũta omoca bũhariquiro pehe siõ potõgũta, omoca quehnoa wahahye.

¹¹ Tiquiro sa yegũ ihñañe tiquina tiquiro mehna tutu-aro usuahye.

—¿Dũhse yenatari mari ahriquirore? niahye tiquina basi.

*Jesu tiqiro buheye-
quinare docere tiqiro ohoa-
tiquinare bese docoahye*

(Mt 10.1-4; Mr 3.13-19)

12 Ti decorire Jesu cɔnɔpɔ Cohācjüre sinino mɔjāa wahahye. Topɔ ijiro, ñamine Cohācjü mehna yahuducu bohreahye.

13 Bohrearopɔ tiqiro buheyequinare tiqiro cahapɔ pijioahye. Pijio tuhasa, tiquina mehna cjēnare doce waro tiqiro ohoatiquinare bese docoahye. Sa ye tiqiro cūriquina wame tiahye.

14-15 Ahriquina ijiahye Jesu tiqiro bese docoriquina: Simo ijiahye. Simore Pedro ni pisuahye Jesu pehe. Simo bahɔro Andre, Santiago, Ñu, Felipe, Bartolomé, Mateo, Tomasu, Santiago ijiahye. Santiago pehe Alfeo macɔno ijiahye. Sa ye Simo celote ya curua cjūno ijimediquiro,

16 Juda Santiago bahɔro, Juda Iscariote tiquina ijiahye tiqiro bese docoriquina. Juda Iscariote pehe Jesure ihña tuhtiyequinare ihñootiqiro ijiahye.

*Jesu peyequina masare
buheahye*

(Mt 4.23-25)

17 Sa ye Jesu tiqiro buheyequina mehna cɔnɔ buipɔ ijiriquina dijia taye, peyequina apequina tiqiro buheyequina mehna dijia wihidɔca, quehnoari paapɔ ducuahye tiquina. Ijipihtiropɔ Judea yehpapɔ ijiye macari cjēna, Jerusalē cjēna, Tiro wame tiri maca cjēna,

Sidō wame tiri maca cjēna pajiri ma dɔhtɔ cahapɔ ijiye macari cjēna masa peyequina tiqiro cahapɔ wihiahye.

18 Tiquina Jesu buheyere tahoye tehe, tiquina dohatiyere cohāgū cahmeahye. Watia cɔoyequina gūhɔ tiqiro cahapɔ wihi, quehnoa wahahye.

19 Jesu tiqiro tutuaye mehna yɔhdɔgū yeahye tiquinare. Sa ye tiquina ijipihtiyequina tiqirore dahra tuhuye ahtahye.

*Jesu bucueye, bɔjɔna witiye
gūhɔre buheahye*

(Mt 5.1-12)

20 Came Jesu tiqiro buheyequinare ihña, yahuahye:

—Mɔsa pejecɔna, (mɔsa ñañene bɔjɔna witina), Cohācjü tiqiro pɔhtoro ijiropɔ wahanata mɔsa. Sa yena mɔsa bucuenata.

21 'Yojoɔpɔre mɔsa ɔjɔna ahbana, yapina ijinata. Sa yena bucuenata.

'Yojoɔpɔ utina ijina, came mɔsa bɔjɔnata. Sa yena mɔsa bucuenata.

22 'Yɔhɔ masɔ Cohācjü ohorigɔ ijiaja. Sa yena yeere yena mɔsa ijiri buhiri apequina mɔsare tiquina ihña tuhtiepegūta bucuena ijire mɔsa. Mɔsare tiquina cohāepēgūta bucuenata. Mɔsare tiquina ñano yahuducuepegūta “Ñana ijire”, mɔsare tiquina niepegūta mɔsa pehe bucuenata.

23 Mɔsare tiquina sa yegū ihñano ɔhmɔsepɔ mɔsa

esagũ pajiro quehnoano yerota Cohãcjũ m̄sare. Sa yena tutuaro bucuena ijiya. Quehnoano jeripohna tina ijiya. M̄sare ihña tuhtiyequina tiquina acaye panop̄m̄ cjẽna sata ñano yeahye Cohãcjũ yere yahu m̄htariquina gũh̄ure.

24 'Sa yena m̄sa yojop̄m̄ peye c̄ona ahri yehpap̄m̄ m̄sa quehnoano iji cã tuhasari. Sa yena ñano yũhd̄nata ijinata m̄sa.

25 'Yojop̄m̄ yapina m̄sa ɱj̄na ahbanata. M̄sa sa ijinata ñano yũhd̄nata.

'Yojop̄m̄re m̄sa b̄j̄rina ijinata camer̄ure utinata. Sa yena ñano yũhd̄nata.

26 ' "Cohãcjũ yere yahu m̄htana ijiaya", ni mehoñequinare "Quehnoañequina ijiire", nimahye peyequina panop̄m̄ cjẽna. Sa nimediquina tiquina acaye yojop̄m̄ cjẽna gũh̄m̄ sata "Quehnoañequina ijiire", niboaga ihquẽquina m̄sa mehna cjẽnare. Tiquina sa ninohrina m̄sa ijinata ñano yũhd̄nata m̄sa gũh̄m̄, ni buheahye Jesu.

M̄sare ihña tuhtiyequina tiquina ijiepegũta tiquina gũh̄ure cahña

(Mt 5.38-48; 7.12)

27 Sa yero ohõ saha ni buhe nemoahye Jesu:

—Yũh̄ure tũho duanare, m̄sareta niḡm̄ niaya. M̄sare ihña tuhtiyequina tiquina ijiepegũta tiquina gũh̄ure cahña. M̄sare ihña tuhtiyequinare quehnoano yeya.

28 M̄sare "Ñano yũhd̄naro", niñequina tiquina ijiepegũta quehnoa dutiya tiquinare. M̄sare ñano yeyequina tiquina ijiepegũta "Tiquina gũh̄m̄ quehnoano ijiaro", ni sini basaya Cohãcjũre.

29 Ihcãquiro m̄sa wahsupure tiquiro quẽgũ, ape sie gũh̄ure quẽ dutiya tiquirore. M̄sa bui cjã suhtirore tiquiro ehmagũ m̄sa camisa gũh̄ure sa oho cãhña tiquirore.

30 M̄sare sinidiquirore tiquiro sinino punota ohoya tiquirore. M̄sa yere tiquiro negũ tiquirore sinitueracãhña pari turi tire.

31 Apequina m̄sare tiquina quehnoano yegũ cahmene m̄sa. Tiquinare m̄sa quehnoano yegũ cahmeno saha quehnoano yeya tiquina gũh̄ure. Tiquina quehnoano yerapegũta m̄sa pehe tiquinare quehnoano yeya.

32 'M̄sare cahñequina dihitare m̄sa cahĩgũ ti ne dũhseati ijierare apequina pehere m̄sa cahĩedagũ. Ñañequina gũh̄m̄ sata yere.

33 Sa yena m̄sare quehnoano yeyequina dihitare m̄sa quehnoano yegũ ti gũh̄m̄ ne dũhseati ijierare apequina pehere m̄sa quehnoano yeragũ. Tire ñañequina gũh̄m̄ yere.

34 Sa yero "Yũh̄ure wiaya tire", m̄sa niñequina dihitare m̄sa wasogũ ne ti dũhseati ijierare. Ñañequina gũh̄m̄ apequinare "Yũh̄ure wiaya tire",

tiquina niñequinare wasore.

³⁵ Sa yena m̄sa pehe m̄sare ihña tuhtiyequina gūhure cahña. Sa yena tiquinare quehnoano yeya. Apequirore wasona “Yuhure ne wiasi ahriquiuro”, ni t̄hotuenata tiquiore wasoya. Cohācjū pehe tiquiore “Quehnoare”, nieñequina gūhure, ñañequina gūhure quehnoano yere. Tiquiuro yero saha yeya m̄sa gūh. M̄sa sa yegū Cohācjū tutuaro quehnoano yerota m̄sare. Sa yena Cohācjū tutua ȳhd̄ariquiuro uhm̄se cjāno pohna ijinata.

³⁶ Mari Pac̄u uhm̄se cjāno tiquiuro paja ihñariro sahata m̄sa gūh masare paja ihñaña, ni yahuahye Jesu.

Apequina gūhure “Ñañequina ijire”, niedacāhña

(Mt 7.1-5)

³⁷ Sa yero tiquinare yahu nemoahye:

—Apequinare “Ñañequina ijire”, niedacāhña m̄sa. M̄sa sa niedagū Cohācjū m̄sa gūhure “Ñana ijire”, nisi. Apequina m̄sare tiquina ñano yerire tiquina ñano nidi gūhure boya m̄sa. M̄sa sa bogū ihñano Cohācjū m̄sa gūhure m̄sa ñañe yerire borota.

³⁸ Apee borore c̄ona apequinare ohoya. M̄sa sa ohogū Cohācjū gūh m̄sare ohorota. Sa ohoro quehnoano queoro m̄sare pajiro ohorota. Quehnoano wahpa ȳhd̄uro ohorota. Apequinare m̄sa ohoriro

punota Cohācjū gūh m̄sa gūhure ohorota, niahye Jesu tiquinare.

³⁹ Sa ni tuhasa Jesu quitu mehna buhero ohō saha ni yahu nemoahye:

—Caperi bajueyequina sehsaro tiquina basi quehnoano t̄ã cã masiedare. Sa t̄ã cãñe, tiquina p̄arop̄u bora maa sajãa wahaeta copep̄u. (Sata Cohācjū yere masieñequina apequinare buhe masiedare. Sa ye tiquina ijipihtiyequina pecap̄u wahaeta.)

⁴⁰ Buheyequina tiquinare buheriquirore masi ȳhd̄ud̄ucaera Sa ijiepetā ijipihtiyequina buheyequina tiquina quehnoano buhe pehori bato tiquinare buheriquiro yero saha ijietta, niahye Jesu.

⁴¹ Sa ni tuhasa apeye quitu mehna yahu nemoahye:

—Mari queoye mehna buhegū ohō saha yena ijire m̄sa: M̄sa acayuro tiquiuro capeap̄u meheni pohcarogã tiquiore bora sajāgū ti pohcarogãre quehnoano ihñare m̄sa. M̄sa ya capeap̄u pajiri pjī ijiepegūta ti pjīne ne ihñedare m̄sa. Meheni pohcarogãre m̄sa ihñano saha m̄sa acayuro tiquiuro ñano yeye pehere quehnoano ihñare m̄sa. M̄sa basi m̄sa ñañene tutuaro yepenata tire masiedare m̄sa pajiri pjīne m̄sa ihñedaro sahata. ¿Duhse yena sa yeajari m̄sa?

⁴² Ohō saha nina yero saha ijire m̄sa: “Yuh̄u acaȳu, ñañene yeḡu nine m̄h̄u. Sa yeḡu tire duhuya”, nina yero

saha ijire m̄sa. Sa nina ijiepenata pajiro ñañene yere m̄sa pehe. ¿D̄hse yena m̄sa ñañene yepenata tire masiedajari m̄sa? Masa ih̄ono dihita quehnoano iji mehona ijire m̄sa sa yena. Pajiri p̄j̄ne m̄sa capear̄u ijiri p̄j̄ne m̄sa ne m̄htaboriro saha m̄sa ñano yeye pehere duhu m̄htaña. M̄sa sa yeri bato m̄sa acaȳro tiquiro ñano yeyere duhuḡu ye masiboaga meheni pohcaroḡare m̄sa neboriro saha, ni buheahye Jesu.

Masa yahuducuyere t̄hona tiquina ijiye tiyere masiaja mari
(Mt 7.17-20; 12.34-35)

43 Sa yero queoye mehna buhero oh̄o saha ni yahu nemoahye tiquinare:

—Quehnoad̄u yuc̄ḡu ñañene d̄ca tierare. Sa yero ñad̄u quehnoañene d̄ca tierare.

44 Yuc̄u d̄care masina t̄re masine m̄sa. Potaḡu higuera pacare d̄ca tierare. Sa yero pota b̄c̄ḡu uhse t̄horine d̄ca tierare.

45 Sata ijire masa ḡh̄u. Quehnoariquiro tiquiro t̄hotuyep̄u quehnoañene ijire. Sa yero tiquiro quehnoañene yere quehnoad̄u quehnoañene d̄ca tiro saha. Ñariquiro tiquiro t̄hotuyep̄ure ñañene ijire. Sa yero tiquiro ñañene yere ñad̄u ñañene d̄ca tiro saha. Mari t̄hotuyep̄u marine ti ijiro saha yahuducujaja mari, ni yahuahye Jesu.

P̄ua w̄h̄u yeyequina quitire yahuahye Jesu
(Mt 7.24-27)

46 Sa yero tiquinare yahu nemoahye:

—M̄sa ȳh̄are “P̄h̄to”, nine. Sa niepenata ȳh̄u dutiye pehere yerare m̄sa. ¿D̄hse ijiro boro sa yerajari?

47 Ijipihtiyequina ȳh̄are cahmeñequina ȳh̄u yahuyere t̄hore. Sa yeye ȳh̄u dutiyere ȳhd̄d̄caerare. Oh̄o sahata ijire ȳh̄are ȳhd̄d̄caeyequina:

48 W̄h̄u dahreriquiro yero saha ijire tiquina. Tiquiro uh̄c̄añe coperire sehe, w̄h̄are doco d̄care. Ti w̄h̄u quehnoano tiquiro yeri w̄h̄u ijiro dia miniḡu tutuaro aco tutuepeḡata ti w̄h̄u quehnoano tojoare.

49 Sa yeye ȳh̄u dutiyere t̄hoepeta ȳhd̄d̄cayequina pehe w̄h̄are quehnoano yerariquiro yero saha ijire. Ti w̄h̄are buiḡa doco, quehnoano ye d̄caerare. Tiquiro sa yeri w̄h̄u ijiro dia miniḡu aco tutuaḡu duita ti w̄h̄u coh̄o b̄r̄na wahare. Sa yero ti w̄h̄u tutuaro bora quehea wahare, niahye Jesu.

7

Surara p̄h̄toro cahacj̄nore tiquiro dohatiḡu Jesu ȳhd̄oahye tiquirore
(Mt 8.5-13)

1 Ti quitire masare yahu tuhasa Jesu ḡh̄u Capernaup̄u esahye.

2 Top̄u ijiriquiro cien surara p̄h̄toro tiquiro cahacj̄nore tutuaro cah̄ahye.

Tiquiro cahacjāno pehe tutuaro dohatiro, yariaropu niahye.

³ Sa yero Jesu yeyere tūhoro, judio masa bucnare Jesu cahapu ohoahye puhtoro pehe.

—Dohatiriquirore yuhdugogū ahtaya, ni, yahu dutiro bucnare ohoahye puhtoro.

⁴ Tiquina Jesu cahapu esa, ohō saha ni tutuaro mehna yahuahye tiquirore:

—Surara puhtoro usāre ohori. Tiquiro cahacjānore dohatiriquirore yuhdugū cahmedi tiquiro. Tiquiro puhtoro pehe quehnoariquiro ijire. Tiquiro sa ijigū yedohoya tiquirore.

⁵ Mari ya maca cjēnare tiquiro cahīne. Sa yero tiquiro usā buheri wahare tiquina yeri wapare wapa yere, niahye bucnā Jesure.

⁶ Tiquina sa ni yahugū tūhoro Jesu pehe tiquina mehna wahahye. Surara puhtoro ya wahu cahagāpu tiquiro esagū puhtoro pehe tiquiro mehna cjēnare Jesure ohō saha ni yahu dutiro ohoahye:

—Puhto, quehnoanota. Ahtaeracāhña. Quehnoagu ijieraja yuhu. Ya wuhapu mahure sajā ta dutibogu ijieraja yuhu.

⁷ Sa yegu mahu cahapu wa haeraja. Yuhu sa ijiepegūta mahu masiñe mehna yuhdu dutiya mahu tiquirore. Mahu sa yegū yuhu cahacjāno quehnoanota.

⁸ Yuhure yuhu bui ijiequina apequina puhto dutire. Sa yegu yuhu gūhu

surarare dutiaja. Ihcāquirore “Wahaya”, yuhu nigū tiquiro wahare. Apequirore “Ahtaya”, yuhu nigū tiquiro ahtare. Yuhu cahacjānore “Ahrire yeya”, yuhu nigū tire tiquiro yere. Mahu gūhu dutigata ijire. Sa yero mahu dutiro saha tiquiro dohatiriquiro yuhdurota, ni yahu dutiahye surara puhtoro.

⁹ Tiquiro sa nigū tūho maria waharo, peyequina masa tiquiro mehna ijiequinare majareduca sa, yahuahye:

—Musare niita niaja. Tiquiro surara puhtoro Israe masano ijieriquiro Cohācjāre tutuaro wacū tutuare. Tiquiro cahacjānore yuhu yuhdugū yeatire masi tuhasare. Israe masare ne ahriquiro yero saha ijiequinare ihñeda tiru yuhu, niahye Jesu.

¹⁰ Tiquiro sa nidi bato surara puhtoro Jesu cahapu tiquiro ohoriquina tiquina puhtoro ya wuhapu tojoaa wahahye. Tojoa sa dohatiriquiro yuhduriquiropure ihñahye tiquina.

Jesu wape wihoro macnare masoahye

¹¹ Came cjūnogā Nai wame tiri macapu Jesu tiquiro buheyequina mehna peyequina masa mehna wahahye.

¹² Ti macare sajāri sopecaha cahapu tiquiro esagū yariariquirore masa ne wijia taye niahye. Yariariquiro pacoro wape wihoro ijiahye.

Ihcãquirola ijiriquiro yari-
ahye. Sa ye to cjēna masa
peyequina ticoro mehna
wahahye.

13 Tiquina sa wahagū
ihñano Jesu ticorore paja
ihñahye.

—Utieracãhña, niahye Jesu
ticorore.

14 Sa nino yariariquiro
tiquiro masa putire ña
peoahye. Tiquiro sa ña peogū
ihñañe ti putire wñayequina
pehe esaducahye.

—Macu, yuhū mñahure ohō
saha niaja. Wahcã nujuña,
niahye Jesu.

15 Tiquiro sa nidi bato
yariariquiro mñanano wahcã
nuju, yahuducuahye. Sa
yero Jesu tiquirore tiquiro
pacorore wiahye.

16 Tiquiro sa yegū ihñañe
tiquina ijipihtiequina cuea
wahahye. Sa yeye tiquina
Cohãcjũre ño peo, ohō saha
niahye:

—Cohãcjũ yere yahu
mñhtariquiro masi yuhdñariquiro
yojopu pñritare mari watoa
ijire, niahye tiquina.

—Cohãcjũ marine tiquiro
yequinare yedohoro wihi
tuhasare, niahye apequina.

17 Sa yeye ijipihtiequina
Judea yehpa cjēnare ti yehpa
dñhtu cahapu ijiye macari
cjēnare Jesu yerire masa yahu
site pehoahye.

*Ñu wame yeriquiro tiquiro
buheyequinare Jesure sinitu
dutihaye*

(Mt 11.2-19)

18 Sa ye Jesu yerire ihñañe
Ñure yahuahye tiquiro

buheyequina. Sa tiquina
yahugū tñhoro pñarore
tiquiro cahapu pijio,

19 Jesure sinitu dutiro
ohoahye Ñu. Ohō saha ni
sinitu dutiahye:

—¿Ñu “Yuhū bato apequiro
ahtarota”, tiquiro nidiguta
ijiajari mñhū? ¿Tiquiro nidigū
mñhū ijieragū apequirore
cohtenatari usã? ni sinitu
dutihaye Ñu pñaro tiquiro
buheyequinare.

20 Sa ye tiquina Jesu cahapu
esa, sinituahye tiquirore:

—Ñu wame yeriquiro
mñhure sinitu dutiro ohori
usãre. ¿Ñu “Yuhū bato
apequiro ahtarota”, tiquiro
nidiguta ijiajari mñhū?
¿Tiquiro nidigū mñhū ijieragū
apequirore cohtenatari usã?
ni sinituahye tiquina Jesure.

21 Ti pjeta peyequina
dohatiyequinare, watña
cñoyequinare, caperi ba-
jueyequinare yuhdugū
yehye Jesu.

22 Sa yero Ñu ohoriquinare
Jesu yñtihaye:

—Yojopure masa ihñarire
masa tñhorire Ñure yahuna
wahaya: Ohō saha niña:
“Caperi bajueyequina ihñare.
Tini masieñequina tinine.
Cami ahbariquina quehnoa
wahare. Tñhoerariquina
tñhoa wahare. Yariariquina
masaa wahare. Tiquina
ijipihtiequinare quehnoa
wahagū yei yuhū. Sa yegu pe-
jecnoyequinare quehnoañe
buheyere yahuaja.

23 Yuhure tñhoriquiro
‘Poto ijire’, nidiquiro tiquiro

bucueriquiro ijire”, Ñure ni yahuna wahaya, niahye Jesu.

24 Ñu buheyequina tiquina wahari bato Jesu pehe Ñu tiquiro ijiye tiyere yahu dũcahye peyequina masare:

—Masa marienopũ esana, taare wihnono wẽdoqueo mũjagũ ihñana eserari mũsa.

25 “Quehnoañe suhti sañariquirore ihñana wahaũhna” niedari mũsa masa marienopũ wahana. Quehnoañe suhti sañañequina wapa bũjũyere cũoyequina pũthoa ye wũhũsepũ ijire. Masa marienopũ ijierare.

26 Masa marienopũ esana Cohãcjũ yere yahu mũhtariquirore ihñana esari mũsa. Ijirota ijire. Ñu Cohãcjũ yere yahu mũhtariquiro ijire. Apequina Cohãcjũ yere yahu mũhtariquina yũhdũoro jiriquiro ijire tiquiro pehe.

27 Panopũ Cohãcjũ yere tiquina ojoari pũpũ Ñure ohõ saha ni yahuahye:

Mari Pacũ tiquiro macũnore ohõ saha niahye: “Mũhũ pano mũhũre yahuyuatiquirore ohogũtja. Mũhũ wihiatore quehnoyurota tiquiro”, niahye Cohãcjũ, ni ojoahye panopũre Ñure.

28 ’Mũsare poto niita nija. Apequina masa ijipihitiyequina bui ijire Ñu. Ahri decoripũre tiquiro sa ijiepegũta Cohãcjũ tiquiro pũthoro ijiropũre ijipihitiyequina docapũ ijiriquiro pũrita

Ñu bui ijire, niahye Jesu masare.

29 Tiquiro sa nigũ tũhoye ijipihitiyequina masa, wapa ne cohteyequina mehna Ñu tiquiro wame yenohriquina ijiye ohõ saha ni tũhotuahye Cohãcjũre.

“Cohãcjũ poto yeriquiro ijire”, ni tũhotuahye tiquina.

30 Fariseo masa pehe, judio masare buheyequina gũhũ Ñu wame yenohriquina iji duerahye. Sa ye tiquinare Cohãcjũ yequina tiquiro ye duagũ cahmedahye tiquina.

31 Sa yero Jesu pari turi yahuahye:

—¿Yojopũ cjẽna masa disequina yero saha ijiajari tiquina, mũsa tũhotugũ?

32 Tiquina macanagã yero saha ijire. Apequina tiquina cahmeno saha yeragũ bucuerare tiquinagã. Doeri cjẽ duaropũ apepe dujiye, ohõ saha ni pisuducure tiquinagã basi: “Mũsa basatire usã putipemi. ¿Dũhsena mũsa basaerari usã putipegũ? Usã tutuaro ñehe quea utipe, sañuducumi. ¿Mũsa pehe dũhsena usã mehna utiperari?” niducuyequina yero sahata ijire yojopũ cjẽna gũhũ. Yojopũ cjẽna tiquina cahmeno saha usã yeragũ ihñañe bucuerare tiquina gũhũ.

33 Ñu wame yeriquiro Cohãcjũre ño peoro taro sijiro, vinore sihniedare. Tiquiro sa sihniedagũ ihñana, “Wafĩnore cũore. Sa yero tũho masieniquiro ijire”, nimesi mũsa tiquirore.

34 Yũhũ masũ Cohãcjũ ohorigũ ijigũ, yũhũ ihya sihni-aja. Yũhũ sa yegũ ihñana ohõ saha nine mũsa yũhũ pehere. “Ihñaña. Ahriquiro pajiro ihyariquiro, queheriquiro ijire. Wapa ne cohteyequina, ñano yeyequina gũhũ tiquina mehna piti tiriquiro ijire tiquiro”, nine mũsa yũhũre. Sa nina macanagã yero saha yahuducuna ijire mũsa. Mũsa cahmeno saha usã yeragũ bucuere mũsa.

35 Sa masiedapenata usã ye ihñorire ihñana, Cohãcjũ yere usã masigũ masinata mũsa, ni yahuahye Jesu.

Simo wame tiriquiro fariseo masũno ya wũhũpũ ijiahye Jesu

36 Fariseo masũno tiquiro ya wũhũpũ ihya dutiro pijiahye Jesure. Tiquiro sa pijigũ Jesu tiquiro ya wũhũpũ esa, tiquina ihyari mesa cahapũ nuju sahye.

37-38 Ti macapũre ñañe yericoro ijiahye. Jesu fariseo masũno ya wũhũpũ tiquiro dujigũ ticoro tũhoahye. Sa tũhoro alabastro mehna yeriare ehme sitiye pose tiriare ne cãhta, Jesu behero peherũ wihidũca, utiahye. Sa utiro, Jesu dahpocãrine ticoro yahco co mehna weo, ticoro poari mehna wũoahye. Tiquiro dahpocãri wũagũ ihñano ticoro tiquiro dahpocãrine ihmi, ehme sitiye mehna pio peoahye.

39 Ticoro sa yegũ ihñano fariseo masũno Jesure pijiriquiro tiquiro basi ohõ

saha ni tũhotumahye: “Ahricoro tiquire ñehe tuhuricoro ñañe yericoro ijire. Ahriquiro Jesu Cohãcjũ yere yahu mũhtariquiro ijiro tire masiboaga”, ni, tũhotumahye.

40 Tiquiro sa ni tũhotuyere masino Jesu yahuahye tiquire:

—Simo, yojopũ pũritare mũhũre yahu duaja, niahye Jesu.

—¿Buhegũ, yũhũre dũhse ni yahu duajari mũhũ? niahye Simo.

41 Tiquiro sa nigũ Jesu ohõ saha ni queoye mehna buhe yahuahye:

—Pũhtorore pũaro wapamoñequina ijiahye. Ihcãquiro wapamoriquiro quinientos niñeru cjoerire wapamoahye. Apequiro pehe cincuenta niñeru cjoerire wapamoahye.

42 Sa ye tire tiquina wapa ye masiedagũ ihñano tiquiro tiquina wapamoñene wapa ye dutierahye. ¿Yojopũ pũritare diquiro pehe wapamoriquiro tiquiro pũhtorore cahĩ yãhdũrotari? ni sinituahye Jesu.

43 Simo yũhtiahye:

—Õbah, pajiro wapamoriquiro mehenogã wapamoriquiro yãhdũoro tiquiro pũhtorore cahĩboaga, niahye Simo.

—Poto yũhtiri mũhũ yũhũre, niahye Jesu.

44 Sa ni tuhasa tiquire pio peoricorore majare ihña, Jesu Simore yahu nemoahye:

—Ahricorore ihñaña mahu. Mahu ya wahuꝑu yuhu saǰā wihiri bato yuhu dahpocārine coseati acore yuhure ohorerari mahu. Ahricoro pehe ticoro yahco co mehna yuhu dahpocārine weo, ticoro poari mehna wꝛori yuhure.

45 Mahu pehe yuhure piti ca ihmiedari. Ahricoro pehe ohōꝑu yuhu dujiro puno yuhu dahpocārine ihmidi.

46 Mahu pehe yuhu dapure uhse mehna pio peoerari. Ticoro pehe yuhu dahpocārine ehme sitiye mehna pio peori.

47 Sa nigꝛ mahu᝛eta yahugꝛta niaja. Ahricoro ticoro ña᝛e yeye pe yuhduaye ijire. Sa ijieperota ticoro tutuaro cah᝛ne yuhure. Sa yegꝛ ticoro ña᝛ene bou. Sa yeye tiquina ña᝛ene mehenogā yuhu bonohriquina mehenogā cah᝛ne yuhure, niahye Jesu Simore.

48 Sa ni tuhasa tiquiꝛo ticorore yahuahye:

—Yojopꝛ pūritare mahu ña᝛e yeyere bou, niahye Jesu.

49 Tiquiꝛo sa nigū tꝛhoye Jesu mehna dujiyequina tiquina basi ohō saha ni yahuducuahye:

—Ahriquiꝛo potota ña᝛e yeyere boriquiꝛo ijire. ¿Duhse ijiriquiꝛo boro ijiajari ahriquiꝛo ña᝛ene boriquiꝛo? niahye tiquina basi.

50 Sa yero Jesu numinore ohō saha ni yahuahye:

—Yuhure mahu wacū tuuagū mahu᝛e pecapꝛ waha-borigore yuhduoaja. Cuero

marieno mahu ya wahuꝑu tojoaa wahaya, niahye Jesu ticorore.

8

Numia Jesure yedohoahye

1 Came bujꝛye macariꝑꝛ, daye macarigāꝑꝛ gūhure esa, Cohācjū tiquiꝛo pꝛhtoro ijiyere quehnoa᝛e buheyere yahuahye Jesu. Doce tiquiꝛo buheyequina pehe tiquiꝛo mehna ijiahye.

2 Sa ye numia gūhꝛ watīa cꝛomediquina numia, dohatimediquina numia Jesu quehnoa wahagū tiquiꝛo yeriquina numia tiquiꝛo mehna tiniahye. “María”, tiquina nidicorore “Magdalena”, ni pisue tiahye ticorore. Ticorore siete watiare Jesu cohāhye to pano. Sa yero ticoro gūhꝛ Jesu mehna tiniahye.

3 Chuza wame tiriquiꝛo Herodere yedohomediquiꝛo namono Juana gūhꝛ Jesu mehna tiniahye. Susana wame tiricoro gūhꝛ apequina numia mehna peyequina tiquina cꝛoye mehna Jesu gūhꝛe yedohoahye.

Jesu oteriquiꝛo quitire yahuahye

(Mt 13.1-9; Mr 4.1-9)

4 Sa ye peye macari cjēna Jesu cahapꝛ cahmecoahye. Tiquina sa cahmecoari bato Jesu tiquiꝛo tꝛhotuye mehna queoye mehna tiquinare yahuahye buhero taro:

5 —Oteriquiꝛo otero waha-hahye. Tiquiꝛo sa otegū apeye pjeri maha duhtꝛ

cahapu bora quehe sahye. Sa yeye ti pjerire masa cãhta diho cũahye. Sa ye minicjua pari pehe ti pjerire ihyahye.

⁶ Sa ye apeye pjeri utã paca watoa bora quehe sahye. Topu yehpau aco mariedahye. Sa ye ti pjeri pihni wahcãduca ñaia wahahye.

⁷ Apeye pjeri taa watoa bora quehe sahye. Taa pehe ti oteye mehna pihniahye. Taa pehe dia yuhduwa waha, oteyere wejãahye.

⁸ Apeye pjeri quehnoari yehpau bora quehe sahye. Quehnoano pihni, duca tiahye. Sa ye peye duca tiahye, niahye Jesu.

Sa ni tuhasa ohõ saha tutuaro ni nemoahye:

—Ahrire quehnoano tuhoya musa, niahye tiquiro.

Jesu queoye mehna tiquiro buherire yahuahye

(Mt 13.10-17; Mr 4.10-12)

⁹ Came tiquiro buheyequina ti queoyere masi duaye, Jesure sinituahye:

—¿Ahri queoye mehna duhse ni yahugu niajari mahu? ni, sinituahye tiquina.

¹⁰ Tiquina sa nigũ Jesu yãhtiahye:

—Cohãcjũ masa puhtoro tiquiro ijyere panopu apequina tiquina masiedarire musare masigũ yerota Cohãcjũ. Apequina pehere sa yerare tiquiro. Tiquinare queoye mehnata buheitja. Yuhu sa yegũ tiquina yuhu buheyere tuhoepeta masisi,

niahye Jesu tiquiro buheyequinare.

Jesu oteriquiro quitire yahu pehoahye

(Mt 13.18-23; Mr 4.13-20)

¹¹ Sa ni tuhasa tiquinare yahu nemoahye:

—Ohõ saha ni yahure ahri quiti: Oteye pjeri quehnoañe buheye yero saha ijire.

¹² Sa ye maha duhtu cahapu borari pjeri pehe quehnoañe buheye yero saha ijire. Sa yero masa quehnoañe buheyere tiquina tuhogũ ihñano watino pehe ahta, ti buheyere masi dutierare masare. Minicjua ti pjerire tiquina dote nediro saha yere. Tiquiro sa yeragũ tiquina Cohãcjũre wacũ tutuaboa. Tiquina sa wacũ tutuagũ ihñano Cohãcjũ pehe tiquinare pecapu waha-boriquinare yuhduwoboa.

¹³ Utã pjeri watoa borari pjeri quehnoañe buheye yero saha ijire. Sa ye masa quehnoañe buheyere tuho, bucueye mehna tire tuho nene. Sa tuho nepeta utã watoa ijiye cju nuhcori marieñe cju yero saha ahriquina masa gũhu tutuerare. Sa tutueraye yeequina tiquina ijiri buhiri apequina tiquinare ñano yegũ ihñañe yee pehere duhu cãhre.

¹⁴ Sa ye taa watoa borari pjeri quehnoañe buheye yero saha ijire. Sa ye masa quehnoañe buheyere tuhoepeta, ahri yehpa cjẽne pajiro bujua witi tuhotu, niñeru pehere cahĩ, ahri

yehpa cjěne bucuere tiquina. Sa yeye ti pehe quehnoañe buheyere cahmotagã, masa pehe quehnoañe pehere yerare.

¹⁵ Sa ye quehnoari yehpapu borari pjeri quehnoañe buheeye yero saha ijire. Sa yeye masa quehnoañe buheyere tãhoye, quehnoano mehna ti buheyere yũhdũdũcaerare. Sa ye yucũgũ dũca tiro saha quehnoañe buheyere tãhoyequina pehe Cohãcjũ tiquiro cahmeno saha quehnoañene yere, niahye Jesu.

Jesu sihãria quitire buheahye

(Mr 4.21-25)

¹⁶ Sa ni tuhasa apeye queoye mehna buheahye tiquiro:

—Ne sihãriare dihi sutu docapu cũedare masa. Sa ye tiare cumuno docapu cũedare. Ʋhmũanopũ tiare duhu peore wãhũpũ sajã tayequina tiquina quehnoano ihña sajã tato saha.

¹⁷ Ijipihtiye tiquina masiedarire came masa masieta. Sihãria buhriogũ mari ihña masino saha panopũ tiquina masiedarire masieta masa.

¹⁸ 'Sa yena mũsa tũhona quehnoano tũho nũnũña. Quehnoano tũho nũnũriquiro, quehnoano masinota. Tũho nũnũmediquiro "Mehenogã tũhoaja", tiquiro niepegãta ti pehere boaa waharota, niahye Jesu.

Jesu acaye tiquirore piji-ahye

(Mt 12.46-50; Mr 3.31-35)

¹⁹ Came Jesu bahana tiquina pacoro mehna tiquiro cahapũ wahaye nimahye. Masa peyequina ijigũ tiquiro cahapũ eserahye.

²⁰ Sa yero ihcãquiro Jesure yahuahye:

—Mũhũ paco mũhũ bahana mehna sopecahapũ ducuri. Mũhũre ihñañe taye niñõhti, niahye tiquiro Jesure.

²¹ Tiquiro sa nigũ Jesu ohõ saha ni yahuahye ijipihtiyequinare:

—Cohãcjũ buheyere tãhoyequina, tire yũhdũdũcaeyequina tiquinata yũhũ paco yũhũ bahana yero saha ijire, niahye Jesu tiquinare.

Jesu wihnonore yũsũ duti-ahye

(Mt 8.23-27; Mr 4.35-41)

²² Ape deco Jesu tiquiro buheyequina mehna yucũsapũ sajãhye.

—Isa, pehãhna, ni, tiquina ijipihtiyequina tia mehna ditarapũ pehãa wahahye.

²³ Sa pehãno carĩa wahahye Jesu. Tiquina sa pehãducuropũ tutuaro wihnono wẽahye. Wihnono wẽgũ bujũye pahcõri wahcã, tiquinare mio cãmahye. Sa waharo miono cua yũhdũahye tiquinare.

²⁴ Sa wahagũ ihñañe, acũaa waha, Jesu cahapũ waha, tiquirore wahcõahye.

—Buhegũ, mari yariana tana niajũ, niahye tiquina.

Tiquina sa nigū Jesu pehe wahcā, wihnonore,

—To punota wē duhuya, ni-ahye.

Sa nino pahcōri gūhure,

—Yūsa wahaya, niahye.

Tiquiro sa nigūta wihnono yūhdūa wahahye. Sa ye pahcōri gūhū yūsa dijiaa wahahye.

²⁵ Sa wahari bato Jesu tiquinare ohō saha niahye:

—¿Musa yūhure wacū tutuerajari? niahye tiquiro.

Tiquiro sa nigū tiquina pehe cue, acūaa waha, tiquina basi ohō saha ni yahuducuahye:

—¿Yohou, dūhse ijiriquiro boro masūno ijiajari ahriquirō? Ahri wihnono, pahcōri gūhū tiquiro dutigū yūhdūdūcaerare tiquirore, niahye tiquina basi.

Watīa cūoriquirore yūhdūoahye Jesu

(Mt 8.28-34; Mr 5.1-20)

²⁶ Sa ye tiquina ape sie pahrēpū Gerasa cjēna ya yehpapū pehā sahye. Ti yehpa Galilea yehpa poto ijiahye.

²⁷ Topū Jesu tiquiro maja sadūcagū waro to cjēno watīa cūoriquiro tiquiro cahapū ah-tahye. Tiquiro yoari pje suhti marieniquiro ijiro, tiquiro ya wūhūpūre ne ijierahye. Sa yero masa coperi utāpū tiquina seheri coperi cahapū ijie tiahye tiquiro.

²⁸⁻²⁹ Sa ye peye tahari watīa tiquirore űeheahye. Sa yero tiquiro peresupū ijigū tiquiro omocarine, dah-pocārine come dari mehna

dūhteriquiro ijieperota, ti darire tūā sure mūjahye. Sa ye watīa pehe tiquirore masa marienopū ne cā mūjāe tiahye. Sa yero tiquiro Jesure ihñadoqueo, tutuaro sañuducu, Jesu cahapū dūsepe curi mehna quehe sahye. Tiquiro sa yegū ihñano Jesu pehe tiquirore dutiahye:

—Ahriquirō mehna ijier-acāhña. Wahaya watīa, niahye.

Tiquiro sa nigū tūhoro watīa cūoriquiro tutuaro sañuducu, sinituahye Jesure:

—¿Jesu, űhmūse cjū Cohācjū macū yabere yei tūū nijari mūhū yūhure? Yūhure űano yeracāhña, niahye watīa cūoriquiro.

³⁰ Tiquiro sa nigū Jesu pehe sinituahye tiquirore:

—¿Dūhse wame tiajari mūhū? niahye.

Peyequina watīa tiquiro mehna ijiahye. Sa yero ohō saha niahye tiquinare cūoriquiro.

—Watīa peyequina wame tiaja űsā, ni, yūhtiahye watīa cūoriquiro.

³¹ —űhcūāri coperū űsāre waha dutieracāhña, ni, tutu-aro siniahye watīa pehe.

³² Ti pjere topū cūnū dahpo-topū yesea peyequina ihyaye niahye. Tiquina topū ihyagū ihñañe watīa ohō saha ni sini-ahye Jesure:

—Sisequina yesea cahapū waha dutiya űsāre. Tiquina mehna iji dutiya űsāre, ni, siniahye watīa.

Tiquina sa nigū tūhoro Jesu tiquinare yesea cahapū waha dutiahye.

³³ Tiquiro sa waha dutiri bato watīa pehe masuno mehna ijimediquina waha, yesea cahapū esahye. Tiquina cahapū tiquina esari bato yesea pehe pari cjūpū oma maa buhaa waha, ditarapū bora ñjoa mini yaria pihtia wahahye.

³⁴ Yeseare cohteyequina yesea tiquina sa minigū ihñañe, cue, oma cāa wahahye. Sa oma cā macapū esa, ti maca cjēnare, ihquē wahuse ijiro cjēna gūhure tiquina ihñarire yahu siteahye.

³⁵ Tiquina sa yahu siteri bato masa ihñañe wahahye. Sa ye Jesu cahapū esa, watīa cūomediquirore suhti sañariquiro tūho masiniquiro tiquiro dujigū ihñahye tiquina. Tiquina ijipihtiyere ihñañe, tiquina cue niahye.

³⁶ Watīa cūomediquiro tiquiro quehnoa waharire ihñañequina apequinare tiquina ihñarire yahuahye.

³⁷ Ti pjeta Gerasa yehpa cjēna peyequina Jesure tutuaro cueye, tiquirore waha dutiahye. Tiquina sa waha dutigū Jesu yucsapū sajā, waharo taro niahye.

³⁸ Watīa cūomediquiro Jesu wahato pano tutuaro sinimahye tiquirore:

—Mūhū mehna waha du-
aja, ni sinimahye.

³⁹ Tiquiro sa nigūta Jesu tiquirore yahtiahye:

—Mūhū ya macapū wahaya. Sa wahagū Cohācjū mūhure tiquiro yerire yahuya apequinare, niahye Jesu.

Tiquiro sa nidi bato waha, tiquiro ya macapū esaro, masuno pehe Jesu tiquirore yerire ijipihtiyequina tiquiro ya maca cjēnare yahuahye.

Jairo maconore yūhdūoro, dii mūna wihoro dohatiducuricoro gūhure yūhdūoahye Jesu

(Mt 9.18-26; Mr 5.21-43)

⁴⁰ Ape sie pahrēpū Jesu pari turi tiquiro pehā sagū ihñañe masa peyequina tiquirore cohte, bucueye mehna piti cahye tiquirore.

⁴¹⁻⁴² Topū judio masa buheri wūhū cohteriquiro Jairo wame tiriquiro Jesu cahapū esa, tiquiro dahpocāri cahapū dūsepe curi mehna quehe sahye tiquirore ño peoro. Tiquiro macono yariaro niahye. Ticoro ihcācorota ijiricoro doce cūhmari cūoricoro ijiahye. Sa yero tiquiro ya wūhūpū Jesure piji cāhye. “Añ”, ni, tiquiro mehna wahahye Jesu gūhū.

Mahapū tiquina sa wahagū pe yūhdūayequina masa ijiye, wahpa yūhdūahye.

⁴³ Sa yero apecoro numino doce cūhmari waro dii mūna dohatiducuricoro topū ijiahye. To pano duturuare ijipihtiyē ticoro ye niñeru mehna wapa yemahye ticoro aco ye dutiro. Tiquina sa aco yepegūta mūnanota ijiducu cāhye ticoro.

44 Sa yero ticoro Jesu behero pehepua ahta, tiqiro suhtiro sohtoare ticoro ñehe tuhugūta ticoro dohatiye pihtia wahahye.

45 Ticoro sa ñehe tuhugū tūhoturo Jesu sinituahye.

—¿Noa yūhū suhtirore ñehe tuhuajari? niahye tiqiro.

Ijipihtiequina “Ñehe tuhueru”, niahye. Sa ye Pedro gūhū ohō saha niahye:

—Buhegū, bihsarīne. Sa yeye masa peyequina mūhūre ñehe tuhure. ¿Dūhsegū sa ni sinituajari mūhū? niahye tiquina Jesure.

46 Tiquina sa nigū Jesu yūhtiahye:

—Mianogāta yūhū yūhdugū yei ihcācorore. Sa yegū yūhūre ticoro ñehe tuhugū masiaja, niahye tiqiro.

47 Tiquiro sa nigū tūhoro ticoro duhti masiedaro, nanarericoro Jesu cahapū dūsepe curi mehna quehe sahye tiqirore ño peoro. Sa ye ijipihtiequina masa tiquina tūhoropū ticoro dohatiyere, Jesure ticoro ñehe tuhurire, ticoro quehnoa waharire yahuahye ticoro.

48 Ticoro yahu tuhasagū Jesu ticorore yahuahye:

—Maco, yūhūre mūhū wacū tutuaye mehna quehnoago tojoare yojopūre. Bucueye mehna wahaya, niahye ticorore.

49 Tiquiro sa nini watoa Jairo ya wūhūpū ijiriquiro yahuro wihiahye:

—Mūhū macogā yariaa wahari. Sa yegū buheriquirore

piji cāhtaeracāhña, niahye tiqiro.

50 Tiquiro sa nigū tūhoro, Jairore ohō saha ni yahuahye Jesu:

—Būjūa witi tūhotueracāhña. Yūhūre wacū tutuaya. Ti dihitare yeya. Mūhū sa yegū ticorogā masaa waharota, niahye Jesu.

51 Sa ni tuhasa tiqiro ya wūhūpū esa, Pedro, Ńū, Santiago, dohatiricoro pacūsumūa topequinata ne sajāhye. Apequina pehere Jesu sajā dutierahye.

52 Topū ijipihtiequina masa tiquina ñehe quea utiri watoa sajā sahye Jesu.

—Utieracāhña. Ticorogā yariere. Carīno nine, niahye tiqiro.

53 Tiquiro sa nigū tūhoye tiquina pehe ticoro yariaricoro ijigū masiñe, Jesure būjūahye. “Sa ni maca cāno nine”, ni būjūahye.

54 Sa yero Jesu ticorogā omocare ñehe, pisuahye:

—Mehenicorogā wahcāña, niahye.

55 Tiquiro sa nigūta yariaricoro masaa waha, wahcādūca sahye ticorogā. Ticoro wahcādūcari bato Jesu ticorore ihyayere oho dutiahye.

56 Ticoro sa masagū ihñaña ticoro pacūsumūa ihñña maria wahahye. Sa yero Jesu tire apequinare yahu dutierahye.

9

Jesu doce tiquiro buheyequinare buhe dutiro ohoahye
(Mt 10.5-15; Mr 6.7-13)

1 Sa ye Jesu docere tiquiro buheyequinare pijio, tiquiro tutuayere ohoahye tiquinare. Watĩare tiquina cohãtire, dohatiyequinare yãhdũgũ yeati gãhũre tiquiro tutuayere ohoahye tiquinare.

2 Sa ye tuhasa tiquinare Cohãcjũ tiquiro pãhtoro ijiyere buhe dutiro, dohatiyequinare yãhdũo dutiro ohoahye tiquinare.

3 Ohõ saha ni dutiahye Jesu tiquinare:

—Musa wahana apee borore nedacãhña. Tua dũre, ajurore, ihyayere, niñerure nedacãhña. Musa sañano dihitare saña cãhña. Apeye suhtire nedacãhña.

4 Ijipihtiyẽ macaripũ mũsare tiquina carĩno ohogũ ti wãhũpũta ijiniña. Coã wahanapũ wijiaya ti wãhũre.

5 Apeye macari cjẽna mũsare tiquina cahmedagũ ihñana ti macarine yãhdũ cãa wahaya. Sa wahana musa dahpocãri cjẽ dihta esa wahãrire wejẽ site cũña musa tiquinare tiquina ye buhirire masigũ yena, niahye Jesu.

6 Tiquiro sa nidi bato tiquiro buheyequina pehe waha, ijipihtiyẽ macaripũ quehnoañe buheyere yahu tiniahye. Sa ye dohatiyequinare yãhdũoe tiahye.

Jesu tiquiro yerire Herode tãhoahye

(Mt 14.1-12; Mr 6.14-29)

7 Sa ye Herode Galilea yehpa cjẽna pãhtoro Jesu yerire tãhoahye. “¿Noa boro ijiajari tiquiro Jesu?” nieperota ne masiedahye. Ihquẽquina ohõ saha nimahye Jesure. “Ñu wame yeriquiro mũnano masa mãjahye. Sa yero ‘Jesu’, tiquina nidiquiro tiquirota ijire”, nimahye ihquẽquina. Tiquina sa nigũ tãhoro Herode Jesure dũhse ni masiedahye.

8 Sa ye apequina “Tiquiro Elia mũnano yojopũ bajuaro nine”, nimahye. Apequina pehe “Cohãcjũ yere yahu mãhtariquina panopũ cjẽna mehna cjãno yojopũ masa bajuaro nine”, nimahye Jesure.

9 Tiquina sa ni yahuducuepegũta ohõ saha ni tãhotuahye Herode: “Ñu dapure dũte sure duti tuhasaũ yãhũ. ¿Yojopũre ijiriquiro masa tiquina yahuriquiro noa boro ijiboagari tiquiro pehe?” ni, tãhoturo tiquiro Jesure ihña duamahye.

Jesu cinco mil masare ihyayere ohoahye

(Mt 14.13-21; Mr 6.30-44; Jn 6.1-14)

10 Sa ye Jesu tiquiro ohoriquina tiquiro cahapũ tojoa sa, tiquina yerire yahuahye Jesure. Tiquina yahu tuhasagũ Jesu tiquina dihitare Betsaida wame tiri macapũ siho wahahye.

11 Tiquina waharire masiñe, masa peyequina tiquinare nanu tã cãa wahahye. Jesure tiquina umu sagũ ihñano piti cahye Jesu tiquinare. Sa yero tiquiro Cohãcjũ pũhoro ijyere tiquinare yahu, dohatiyequinare yãhdũgũ yeahye.

12 Ñamicahapũ doce tiquiro buheyequina tiquiro cahapũ esa, Jesure yahuahye:

—Ohõ masa marienopũ ijire. Ohõ majano cjẽ wãhũsepũ ahriquina masare ohoya. Cariato, tiquina ihyati gũhũre maca dutiya tiquinare, niahye tiquina Jesure.

13-14 Tiquina sa nigũ Jesu yãhtiahye tiquinare:

—Sa niedacãhña. Ihyayere ohoya tiquinare, niahye.

Tiquiro sa nigũ tãhoye tiquina yãhtiahye:

—Ihcã omope paca pã paca, pũaro wahi to punota cãoaja mari. ¿Ahriquina peyequina masa tiquina ihyatire dũboagari hũã? niahye tiquiro buheyequina.

Peyequina masa tiquina ijigũ ihñañe sa niahye tiquiro buheyequina. Topũre cinco mil umũa ijiahye. Sa yero Jesu yahuahye tiquiro buheyequinare:

—Cincuenta masare ihcã curua duji dutiya. Apeye cururi gũhũre topequinata duji dutiya, niahye Jesu tiquiro buheyequinare.

15 Tiquiro sa nigũ buheyequina tiquiro dutiro sahata ye, ijipihtiyequina masare duji dutiahye.

16 Duji duti tuhasa Jesu ihcã omope paca pã pacare pũaro wahire ne, umũanopũ ihña mũoahye. Sa ihña mũono Cohãcjũre “Quehnoare”, niahye. Tiquiro sa nidi bato pã pacare nuha, tiquiro buheyequinare masare iti dutiro ohoahye.

17 Sa ye tiquina ijip-
ihtiyequina masa ihya, yapi yãhdũa wahahye. Tiquina yapi wehorire doce pũhũse ne cahmecoahapo dapoahye tiquiro buheyequina.

Jesu potota Cristo tiquiro ijyere Cohãcjũ ohoriquiro tiquiro ijyere yahuahye Pedro (Mt 16.13-19; Mr 8.27-29)

18 Ihcã deco Jesu ihcãquirola ijiro, Cohãcjũre sinino niahye. Tiquiro sinini watoa tiquiro buheyequina tiquiro cahapũ esahye. Sa yero Jesu sinituahye tiquinare:

—¿Noa boro ijiagari yãhũ, masa yãhũre tiquina tãhotugũ? ni sinituahye.

Tiquiro sa sinitugũ tãhoye tiquiro buheyequina yãhtiahye:

19 —“Ñu wame yeriquiro ijire”, nine mũhũre. Apequina “Elia ijire”, nine. Apequina “Cohãcjũ yere yahu mũhtariquina mehna cjũno panopũ cjũno masa bajuaro nine yojopũre”, nine, ni yãhtiahye tiquiro buheyequina pehe tiquirore.

20 Tiquina sa nidi bato Jesu tiquinare sinituahye tja:

—¿Musa pehe musa tuhohugã, noa boro ijiagari yuhũ? ni, sinituahye tja.

—Muhũ Cristo Cohãcjũ ohorigũ ijire, ni yũhtiahye Pedro.

Jesu tiquiro yaria masa wi-jitire yahuahye

(Mt 16.20-28; Mr 8.30-9.1)

21 Sa ye Pedro “Cristo ijire muhũ”, tiquiro nidire ape-quinare Jesu yahu site dutier-ahye tiquiro buheyequinare.

22 Sa ni yahu site du-tera tuhasa ohõ saha ni nemoahye:

—Yuhũ masũ Cohãcjũ ohorigũ tutuaro ñano yuhdũta. Sata yuhdũro cahmene yuhũre. Sa ye mari judio masare buheyequina, bucũna, pahia pũhtoa mehna yuhũre cahmeda, yuhũre wejẽeta. Tiquina wejẽdi bato ihtia deco wahaboro masa wijiagũtja, niahye Jesu tiquinare.

23 Came ijipihtiyequinare ohõ saha ni yahuahye Jesu:

—Ihcãquiro yaquiro iji duaro, tiquiro cahmeno ye duamedire duhu cãnota. Sa yero yaquiro tiquiro ijiri buhiri ñano yuhdũeperota yuhũre duhusi. Sa yero yeere yeducuriquiro ijirota.

24 Masũno yuhũre wacũno marieno tiquiro esa tuhoro tiquiro cahmeno saha yero, pecapũ waharota. Sa yero yeere sa yeducuriquiro ijipihtiye decori yuhũ mehna uhmũseperũ ijiducurota.

25 ¿Ihcãquiro masũno ahri yehpa cjẽne ijipi-htiyere cũoriquiro Cohãcjũre

cahmedaro pecapũ waharo, yabere wapatajari tiquiro? Sa ijiriquiro ne wapataerare.

26 Ihquẽquina yuhũre, yuhũ buheye gũhũre bue tisãboaga. Tiquina sa yegũ ihũagu yuhũ gũhũ yuhũre sa yeyequinare bue tisãgũtja. Yuhũ masũ Cohãcjũ ohorigũ quehnoañequina angele mehna usã asi siteropũ, yuhũ Pacũ tiquiro asi siteropũ tojoa tagũ tiquinare bue tisãgũta.

27 Poto niita niaja musare. Yojopũre ihquẽquina musa ohõpũre ijieyequina musa yariato pano Cohãcjũ ijip-ihthiequina bui pũhtoro tiquiro iji dũcagũ ihũanata musa, niahye Jesu tiquinare.

Jesu tiquiro pagũre came-sahye

(Mt 17.1-8; Mr 9.2-8)

28 Sa ye ocho decori tire tiquiro yahuri bato Jesu Pedrore, Ñure, Santiagore tiquina dihitare pijiahye. Sa ye waha, Cohãcjũre siniñe waha, cũnũpũ mũjaa wa-hahye tiquina.

29 Cohãcjũre tiquiro sinini watoa Jesu ya wũhdoa came-sahye. Sa yero tiquiro suhtiro asi siteri suhtiro quehnoano yehseri suhtiro wahahye.

30 Tiquiro sa wahari watoa pũaro umũa tiquiro mehna yahuducuye niahye. Yahuducuyequina pehe Elia mũnanano, Moise mũnanano gũhũ ijiahye.

31 Tiquina uhmũse cjẽ asi siteye mehna bajuahye. Jesu camegãta Jerusalẽpũ tiquiro

yariatire tiquina Jesu mehna yahuducuye niahye.

³² Pedro gũhare wajũa purĩ yũhdũahye. Sa carĩepeta acũa, wahcã wihi, Jesu tiquiro asi siteyere ihñañe, pũaro tiquiro mehna ducuyequina gũhare ihñañe.

³³ Moise mũnano gũhu tiquina wahato panogã Pedro Jesure ohõ saha nimahye:

—Pũto, mari ohõre ijigũ quehnoa duare. Ihtia wũhũgã yematja. Mũhu ya wũhũgã, Moise ya wũhũgã, Elia ya wũhũgã yematja, nimahye Pedro.

Sa nieperota tiquiro nidire ne masiedahye.

³⁴ Tiquiro sa ni yahuducuri watoa tiquinare ehmeo curua cahmotahye. Sa cahmotagũ ihñañe tiquina cuea wahahye.

³⁵ Sa yero ehmeo puhiapũ yahuducuye bisiro ca tahye:

—Ahriquiro yũhu macũ, yũhu beseriquiro ijire. Quehnoano tũhoya tiquirore, nino ca tahye ehmeo curua puhiapũre.

³⁶ Tiquiro sa nidi bato Jesu dihitaro ihñañe tiquina. Came tiquina ihñarire apequinare yahuerahye. Ne ihcãquirore yahuerahye.

Jesu watĩno cũoriquirogãre yũhdũoahye

(Mt 17.14-21; Mr 9.14-29)

³⁷ Ape deco tiquina cũnũrũ tiquina dijia tagũ peyequina masa Jesure piti cahye.

³⁸ Sa yero tiquina mehna cãno Jesure pisuahye:

—Buhegũ, mũhũre tutuaro ahrire sini duaja yũhu. Yũhu macũ ihcãquirota ijire. Sa yegũ tiquirore ihña basaya mũhũ.

³⁹ Watĩno tiquirore ñehe, sañuducu tunu nanaregũ ye, sahpo tua wahagũ yee tire. Sa yero watĩno yũhu macũre ñano yũhdũgũ ye, ne duhu duerare.

⁴⁰ Mũhu buheyequinare watĩnore cohã dutigũ tutuaro sinimi. Yũhu sa siniepegũta tiquina tiquirore cohã masiedari, niahye tiquiro Jesure.

⁴¹ Tiquiro sa nigũ Jesu pehe ohõ saha niahye tiquiro buheyequinare:

—Yojopũ cãena mũsa ñana ijire. ¿Yũhũre ne wacũ tutuerabutiajari? Yoabutiari pje mũsare buhemi yũhu. ¿Noho puno yoari pje yũhũre mũsa cariboboagari? ni tuhtiahye Jesu.

Sa ni tuhasa watĩa cũoriquiro pacũrore ohõ saha niahye:

—Mũhu macũre ne cãhtaya, niahye.

⁴² Tiquiro sa nidi bato tiquiro macũno Jesu cahapũ tiquiro ahtari watoa watĩno pehe tiquirore yehpapũ doque quehe sa, tunu nanaregũ yeahye. Tiquiro sa yegũ Jesu watĩnore waha dutiahye. Tiquiro sa dutigũ watĩnore cũoriquirogã yũhdũa wahahye. Sa yero Jesu pehe tiquirogãre wiahye tiquiro pacũrore.

⁴³ Ijipihtiyequina masa Cohãcã tutuaye mehna

tiquiro quehnoa wahagũ ihñañe, ihña maria wahahye.

Pari turi Jesu tiquiro yaria masa wijiatiye yahuahye

(Mt 17.22-23; Mr 9.30-32)

Masa Jesu tiquiro yerire tiquina ihña, ihña maria wahagũ Jesu pehe tiquiro buheyequinare ohõ saha ni yahuahye:

44 —Mianogãta yũhũ yahuatire boeracãhña m̄sa. Yũhũre Cohãcjũ tiquiro ohorigure apequiro yũhũre ñehe dutiro ohorota masare, niahye Jesu.

45 Tiquiro sa niepegãta tiquina pehe tiquiro yahuyere quehnoano tũhoerahye. Tiquiro yahurire tiquinare masino basioerahye. Ti pjeta Cohãcjũ tiquinare tire tũho dutiero niahye. Sa ye tiquina cueye, tire tiquirore sinituerahye.

Jesu buheyequina tiquina mehna cjãnore pũhto sõ duamahye

(Mt 18.1-5; Mr 9.33-37)

46 Came Jesu buheyequina cahme sehña soye niahye:

—¿Mari mehna cjãno diquiro pehe pũhtoro sajãnotari? niñe niahye tiquina basi.

47 Tiquina sa nigũ Jesu pehe tiquina tũhotuyere masino, nijinogãre tiquiro cahapũ ducu duti, tiquiro buheyequinare yahuahye:

48 —Yeere yena tana ahriquirogãre cahmena, yũhũ gũhũre cahmene m̄sa. Sa yena yũhũre cahmena, yũhũre ohoriquiro gũhũre

cahmene m̄sa. M̄sa mehna cjãno m̄sa cahacjãno ijiro tiquiro gũhũ pũhtoro ijirota, niahye Jesu.

Marine ihña tuhtiriquiro ijieraro, mari mehna cjãno ijire

(Mr 9.38-40)

49 Came Ñũ Jesure ohõ saha ni yahuahye:

—Buhegũ, mũhũ wame mehna watĩare cohãriquiore usã ihña. Mari mehna cjãno tiquiro ijieragũ ihñana tire tiquirore ye dutierũ usã, niahye Ñũ Jesure.

50 Tiquiro sa nigũ Jesu Ñũre apequina buheyequina gũhũre ohõ saha ni yahuahye:

—Sa niedacãhña m̄sa tiquirore. Marine ihña tuhtiriquiro ijieraro, tiquiro mari mehna cjãno ijire, niahye Jesu tiquiro buheyequinare.

Jesu Santiagore, Ñũ gũhũre tuhtiahye

51 Ti pjere Jesu ahmũsepũ tiquiro wahato panogã, “Jerusalẽpũ wahautja”, niahye tiquiro. Sa nino topũ waharo niahye.

52 Sa ye Jesu tiquiro pano ohoriquina waha, Samaria yehpa cjã macapũ esa, topũ Jesu tiquiro ijiatire quehno duamahye.

53 Jesu Jerusalẽpũ waharo taro niahye. Topũ waha-tiquiro tiquiro ijigũ tũhoye, to cjẽna tiquirore cahmedahye.

54 Tire tũhoye Santiago, Ñũ mehna yahuahye Jesure:

—Pũhto, mũhu cahmegũ
ũhmũse cjã peca mehna
tiquinare wejẽ dutinata,
nimahye tiquina tiquirore.

⁵⁵ Tiquina sa nigũ Jesu ma-
jare ihña, tuhtiahye tiquina
pũarore.

⁵⁶ Sa tuhti tuhasa, ape
macapũ Jesu gũhu wahaa
wahahye.

*Apequina Jesu mehna wa-
hamahye*

(Mt 8.19-22)

⁵⁷ Ti mahapũ tiquina
wahagũ, ihcãquiro Jesure
yahuahye:

—Mũhu mehna waha du-
aja noho mũhu waharopũ,
niahye tiquiro.

⁵⁸ Tiquiro sa ni tuhasagũ
Jesu yũhtiahye:

—Ihqũẽquina nũcu cjẽna
wahiquina tiquina coperi
cũore. Minicjũna gũhu tiquina
suhti cũore. Yũhu masũ
Cohãcjũ ohorigũ pehe yũhu
carĩni wũhu cũoeraja, niahye
Jesu.

⁵⁹ Came apequirore Jesu pi-
jiahye:

—Yũhu mehna cjũ ijiajũ ah-
taya, niahye.

Tiquiro sa nigũ yũhtiahye
Jesure:

—Pũhto, yũhu pacũ tiquiro
yariagũ yarĩgutja. Sa ya
tuhasagũ pũrita mũhu mehna
wahagũtja, niahye tiquiro.

⁶⁰ Tiquiro sa nigũ Jesu
yahuahye:

—Yũhũre cahmeeñequina
yariariquina yero saha ijire.
Tiquina pehe yariariquinare
yaahro. Sa yegũ mũhu
pehe Cohãcjũ tiquiro pũhtoro
ijiyere quehnoañe buheyere

buhegũ ahtaya, niahye Jesu
tiquirore.

⁶¹ Sa yero apequiro Jesure
ohõ saha niahye:

—Pũhto, mũhu mehna
wahaũtja. Mũhu mehna yũhu
wahato pano yũhu acayere
cohe tini wahaũtja, niahye
tiquiro Jesure.

⁶² Tiquiro sa nigũ Jesu
yahuahye tiquirore:

—Dahrariquiro dahra
dueraro tiquiro dũhseatiquiro
ijierare. Tiquiro yero sa-
hata ijiriquiro ohõ saha
ijire: “Cohãcjũ yere ye du-
aja”, nieperota tire yerare.
Tiquiro Cohãcjũ yaquiro
ijiboriquiro ijierare, niahye
Jesu.

10

*Jesu setenta y dos buheye-
quinare buhe dutiro ohoahye*

¹ Came Jesu apequina
buheyequinare setenta y
dos buheyequinare bese,
macaripũ tiquiro wahato
pano ohoyuahye. Ti
macarine pũeyequina dihita
ohoyuahye tiquiro.

² Sa ohoyuro ohõ saha ni
yahuahye tiquinare queoye
mehna buhero:

—Trigo peye ti bucuã
tuhasagũ peye ijigũ dahraye
pajiro ijire. Sa ijiepegũta
dahrayequina pehe meheñequinagã
ijire. Sata quehnoañe
buheyere tãhoatiquina peye-
quina ijigũ pajiro ijire mari
dahraye. Sa ijiepegũta
meheñequinagã dahrari masa
yero sahata quehnoañe
buheyere buheatiquina gũhu
meheñequinagã ijire. Sa yena

quehnoañe buheyere buhea-
tiquinare apequinare tiquiro
ohoatire siniña Cohãcjüre
musa.

3 Wahaya musa. Musare
yuhu ohogũ musa oveja
pohne yayia watoa tiquina
ijiro sahata musa gũhu
ñañequina usuayequina wa-
toa ijinata.

4 Niñeru ajurore, paji cjũri
ajuro gũhure, dahpo suhtire
nedacãhña. Musa mahapu
tinina apequinare boca sa
yahuducueracãhña. Poto wa-
haya.

5 Ijipihtiye musa sajàne
wãhusepu sajàna, “Ahri wãhu
cjëna quehnoano ijiahro”, ni
mãhtaña.

6 Ti wãhu cjëna quehnoano
mehna ijieyequina cahme-
queno marieñequina tiquina
ijigũ, tire niña tiquinare.
Quehnoano mehna tiquina
ijieragũ ihñana ti wãhu cjënare
sa niedacãhña.

7 Ihcã wãhupu sajà
saducana tiquina quehnoañequi-
hãre ijigũ ti wãhuputa to-
joaya. Topu tiquina duhu
peorire ihya, sihniña.
Dahrayequinare tiquina
wapatayere neno cahmene.
Sa yena tiquina wapatayere
tiquina neno sahata tiquina
duhu peorire neña musa
gũhu. Sa yena ihcã wãhuputa
musa esari wãhuputa ijina,
ti maca cjë wãhusepu carĩ
tiniedacãhña.

8 Macapure musa esana
to cjëna pehe musare
tiquina cahmeñequina ijigũ
ti ihyayere tiquina duhu
peorire ihyaya.

9 To cjëna dohatiyequinare
yuhduoya. Sa yena ohõ saha
niña to cjënare: “Cohãcjũ yo-
jopure mari pãhtoro tiquiro
ijiatu mehenogã dãhsare”,
niña tiquinare.

10 Ape macapu musa
esagũ tiquina pehe musare
cahmedaboaga. Tiquina
cahmedagũ ihñana ti maca
decopu waha, ohõ saha niña
tiquinare.

11 “Ahri maca cjë dihtare
dahpocãri cjë dihtare wejë
site cohãna niaja usãre musa
cahmedari buhiri ihñona. Sa
yena ahrire wacũña. Cohãcjũ
mari pãhtoro yojopure
tiquiro ijiatu mehenogã
dãhsare”, niña tiquinare.

12 Musare poto niita
niaja. Sodoma cjëna ña
yuhduyeyequina ijiahye.
Tiquina sa ijiepegũta pihtiatu
deco ijigũ Cohãcjũ tiquiro
buhiri dahreati deco ijigũ
Sodoma cjëna yuhduoro
musare cahmeeñequina pe-
hãre buhiri dahrerota, ni-
ahye Jesu.

*Apeye macari cjëna
Cohãcjüre yuhduycayequina
ijire*

(Mt 11.20-24)

13 Came Jesu ohõ saha ni-
ahye macari cjënare:

—Corazín cjãna, musa ñano
yuhduñata. Betsaida cjãna,
musa gũhu ñano yuhduñata.
Musa ye macaripure Cohãcjũ
tutuaye mehna ye ihñomi.
Tiro wame tiri macare,
Sidõ wame tiri maca gũhure
tiquiro tutuaye mehna yuhu
ye ihñogũ ihñañe panopu to

cyjēna pehe tiquina ñañene bujua witiboaga. Sa ye quehnoañene comesaboaga. Duita tiquina masa dija suhtire saña, tiquina basi peca cjē nujuare tiquina bui dahra site peoboaga tiquina ñañene bujua witiyere ihñoñe.

14 Cohācjū tiquiro buhiri dahreati deco ijigū Tiro cjēna, Sidō cjēna yuhdūoro mūsa pehere mūsa ñari buhiri mū sare tutuaro buhiri dahrerota tiquiro.

15 Capernau cjāna, mūsa esa tuharo ūhmūsepū waha duamene. Mūsa sa waha duepegūta mūsa ñari buhiri mū sare Cohācjū pecapū cohānota, niahye Jesu.

16 Sa ni tuhasa Jesu tiquiro buheyequinare yahuahye:

—Mū sare tūhoyequina yūhū gūhūre tūhore. Mū sare cahmeeñequina, yūhū gūhūre cahmedare. Sa ye ye yūhūre cahmeeñequina, tiquina yūhūre ohoriquiro gūhūre cahmedare, niahye Jesu tiquinare.

Setenta y dos buheyequina tojoa wihiahye

17 Came setenta y dos buheyequina bucueye mehna tojoa wihiahye:

—Pūhto, mūhū wame mehna mūhū tutuaye mehna watīare ūsā dutigū tiquina pehe ūsāre yuhdūdūcaerare, niahye tiquina Jesure.

18 Tiquina sa nigū Jesu yūhtiahye tiquinare:

—Ūhmūsepū mia sitedoque dijioro sahata, watīno tiquiro bora dijia tagū ihñān.

19 Quehnoano tūhoya. Mū sare yūhū tutuayere ohou yūhū. Sa yegū añāa parire, cutipa parire, watīnore marine ihñā tuhtiriquirore mūsa yūhdūdūcatire ohou yūhū. Sa ye tiquina mū sare ñāno ye masiedare.

20 Yūhū sa ohoepegūta watīa mū sare tiquina yūhdūdūcaeragū ihñāna ti dihitare bucueracāhñā. Ahri pehere bucueya. Ūhmūsepū Cohācjū yequina tiquina wamene tiquiro ojoa ohōri tjpū mūsa wamene tiquiro ojoa ohōgū ihñāna, ti pehere bucueya mūsa, niahye Jesu tiquinare.

Jesu bucueahye

(Mt 11.25-27; 13.16-17)

21 Ti pjere Espīritu Santo Jesure tutuaro bucuegū yeahye. Sa yero Jesu ohō saha niahye:

—Mai, mūhū ūhmūsepū gūhūre yehpapū gūhūre pūhto ijire. Masi yūhdūdūcayequina mūhū yahuerarire ihyo ijieyequina pehere yahuri mūhū. Mūhū sa yegū ihñāgū “Quehnoa yūhdūare”, ni-aja. Sata ijire mai. Mūhū ye duariro sahata, mūhū cahmediro sahata tiquinare mūhū yere yahuri mūhū, niahye Jesu.

Sa ni tuhasa apequinare ohō saha niahye:

22 —Yūhū Pacū ijipihtiyere yūhūre ohori. Yūhū Pacū dihita yūhūre masine. Yūhū gūhū tiquirore masiaja. Yūhū beseriquina gūhū tiquirore masine, yūhū masi dutiyequina ijieye. Topequinata

yuhũ Pacure masiaja usã, niahye Jesu.

23 Tiquiro sa nidi bato tiquina sehsaro ijigũ Jesu tiquiro buheyequinare ohõ saha niahye:

—Ahri ijipihtiyere mũasa ihñana bucuena ijire.

24 Ijirota ijire. Peyequina Cohãcjũ yere yahu mahtariquina, ihquẽ yehpari cjẽna pũhtoa gãhũ yojopũ mũasa ihñarire ihña duamahye tiquina gãhũ. Sa ye mũasa tũhori gãhũre tũho duamahye, niahye Jesu.

Quehnoariquiro Samaria cjãno quitire yahuahye Jesu

25 Ti pjeta judio masare buheriquiro Jesu cahapũ wihi, Jesure tiquiro ñano yahuducugũ ye duamahye:

—¿Buhegũ, yuhũ ijipihtiyere decori Cohãcjũ mehna iji duagũ dahse yeboagari yuhũ? ni, sinituahye tiquiro Jesure.

26 Tiquiro sa nigũ Jesu yũhtiahye tiquirore:

—¿Dũhse ni yahujari Cohãcjũ yere tiquina ojoari pũpũ? ¿Cohãcjũ tiquiro ni ojoarire dahse ni tũhotujari mũahũ? niahye Jesu tiquirore.

27 Jesu sa nigũ tiquiro yũhtiahye:

—Ohõ saha niahye Cohãcjũ: “Tutuario mũasa jeripohnari mehna, quehnoano mũasa tutuaye mehna, mũasa wacũñe mehna Cohãcjũre cahĩña. Sa ye mũahũ basi mũahũ cahĩno saha mũahũ cahapũ ijyeyequina gãhũre cahĩña”, niahye tiquiro Jesure.

28 Tiquiro sa nigũ Jesu yũhtiahye:

—Potota nine mũahũ. Tire yeya. Sa yegũ ijipihtiyere decori Cohãcjũ mehna ijigũta mũahũ, niahye tiquirore.

29 “Ahriquiro Cohãcjũ dutiyere ye pehoriquiro ijire”, masa tiquirore tiquina ni ihñagũ cahmeahye judio masare buheriquiro. Sa cahmeno tiquiro Jesure ohõ saha ni sinituahye:

—¿Noa boro ijiboagari yũhũre mũahũ cahĩ dutiquiro? niahye tiquiro.

30 Tiquiro sa nigũ Jesu ohõ saha ni queoye mehna piti dahre buheahye:

—Ihcã deco Jerusalẽpũ ahtariquiro Jericõpũ wahariquirore mahapũ tiquiro tinigũ yaqueyequina tiquirore ñeheahye. Sa ñeheñe, tiquiro suhtirore tu we ne, tiquirore tutuaro quẽahye. Sa tutuaro quẽ, tiquiro yariaro taro yegũ duhuahye tiquina tiquirore.

31 Ti pjeta pahi ti mahapũ ahtahye. Sa ahtaro tiquina quẽdiquirore ihñaeperota maha ape sie dũhtũ cahapũ yũhdũ cãa wahahye.

32 Sa ye Cohãcjũ wũhũpũ dahrariquiro gãhũ pejecũoriquiro cahapũ esa, tiquirore ihña, maha ape siepũ yũhdũ cãa wahahye.

33 Sa ye Samaria cjãno pehe topũ waha, yoa cjũnopũ pejecũoriquirore ihña, tiquirore paja ihñahye.

34 Sa yero tiquiro pejecũoriquiro cahapũ esa, uñse, vino mehna moredire tiquiro camine pio peoahye.

Pio peo tuhasa suhtiro cahsero mehna d̄ahteahye tiqiro camine. Tuhasa, pejec̄oriquirore tiqiro yaqiro burro bui duhu peo, car̄ni w̄ah̄p̄ ne c̄ahye tiqirore. Top̄ ij̄iro, Samaria c̄j̄ano quehnoano ih̄na ih-boahye tiqirore.

35 Ape deco tiqiro car̄ni w̄ah̄ up̄ore p̄a c̄joe niñeru c̄joe oho, oh̄ saha niahye: “Ahriquiroro ih̄na ihboya. Ahri esa tuhaeraḡu pari turi tojoa taḡu wapa ye pehoutja”, niahye Samaria c̄j̄ano w̄ah̄ up̄ore, niahye Jesu.

36 Sa ni tuhasa judio masare buheriquirore sini-tuahye Jesu:

—¿Ahriquina ihtiaro um̄a diquiro pehe ijiajari pe-jec̄oriquirore cah̄diquiro? niahye Jesu.

37 Tiquiro sa niḡu t̄horo buheriquiro pehe Jesure yuhtiahye:

—Pejec̄oriquirore yedohoriquiro ijiaga tiqirore cah̄diquiro, niahye tiqiro Jesure.

—Wahaya. M̄ah̄ ḡuh̄ masare sata yei wahaya, niahye Jesu buheriquirore.

Marta, María ḡuh̄ cahap̄u tiniahye Jesu

38 Sa ye Jesu tiqiro buheyequina mehna tiquina wahaḡu, ape macap̄u tiquina tiniḡu, Marta wame tir̄icoro tiquinare ticoro ya w̄ah̄p̄ saj̄a ta dutiahye.

39 Ticoro bahoro María tiqiro dahpoc̄ari cahap̄u

duji, tiqiro buheyeret̄hoahye.

40 Ticoro sa yeḡu ih̄n̄ano Marta ticoro dahraye peye ijiḡu usuahye. Sa yero ticoro Jesure yahuahye:

—¿P̄h̄to, ȳh̄ ihc̄ōta dahraḡu ȳh̄re ȳh̄ baho ticoro yedohoeraḡu m̄ah̄re quehnoajari, m̄ah̄ ih̄n̄aḡu? Ticorore ȳh̄re yedoho dutiya, niahye Marta Jesure.

41 Ticoro sa niḡu Jesu yuhtiahye:

—Marta, dahraye peye c̄oḡo pajiro t̄hoture m̄ah̄.

42 Coh̄c̄j̄u tiqiro yere t̄ho dutire. María quehnoañene yero taro, tire cahmene. Sa yeḡu ȳh̄re ticoro t̄hoḡu “Yedohogo wahaya”, niedaja ticorore, niahye Jesu Martare.

11

Jesu Coh̄c̄j̄ure siniñene buheahye

(Mt 6.9-15; 7.7-11)

1 Ihc̄a deco Jesu Coh̄c̄j̄ure sinino niahye. Tiquiro sini tuhasaḡu, ihc̄aquiroro tiqiro buheyequina mehna c̄j̄ano tiqirore oh̄ saha niahye:

—P̄h̄to, Ñu tiqiro buheye-quinare tiqiro buheriro sahata Coh̄c̄j̄ure siniñene us̄a ḡuh̄re buheya m̄ah̄, niahye tiqiro Jesure.

2 Tiquiro sa niḡu t̄horo Jesu tiquinare yahuahye:

—Oh̄ saha Coh̄c̄j̄ure siniña: “Us̄a Pac̄, uhm̄use c̄j̄u m̄ah̄ quehnoaḡu sa ijiducure. Yojōp̄re

ijipihtiyequina puhto
ijiya.

³ Sa yegu decoripe usã ihy-
atire ohoducuya usãre.

⁴ Apequina usãre tiquina ñañe
yerire usã boaja. Sa yegu
mahu gũhu usã ñañe yerire
boya. Sa yegu usã ñañene
ye duagũ usã tutuaro cah-
megũ ihñagu tire usãre ye du-
tieguta”, ni siniña Cohãcjũre,
niahye Jesu tiquinare.

⁵ Came Jesu quitu mehna
tiquiro buheyequinare ohõ
saha ni buheahye:

—Ihcãquiroy ñami decoru
tiquiro acayuro ya wuhuru
waha, tiquirore siniahye:
“Yuhu acayu, ihtiaría pã
pacare ohoya yuhare.

⁶ Apequiroy yuhu acayuro
tinino ahtariquiroy mianogãta
ya wuhuru wihiri. Sa
yegu tiquirore yuhu nuati
mariedare”, niahye tiquiro
acayurore.

⁷ Tiquiro sa nigũ tiquiro
acayuro wuhu puhiaru
ijiriquiro yuhthiahye: “Yuhare
cariboeracãhña. Sopecaha
bihariro ijire. Yuhu, yuhu
pohna mehna carina niaja.
Wahcãno pjeraga yuhare
muhare ihyayere ohoborigu”,
niahye tiquiro acayuro.

⁸ ¿Duhse waharotari sini-
diquirore? Poto niaja
musare. Tiquiro acayuro
ijieperota, ihyaye oho-
boriquiro wahcã duerahye.
Tiquiro wahcã duerapegũta
ihyaye sinidiquiro pehe bu-
tiro marieno tiquiro yoari pje
siniducugũ ijipihtiye tiquiro
sinidiro sahata ohorota.

⁹ Sa yegu ahrire musare
ni yahugu niaja: Cohãcjũre
siniña. Sa sinina musa
nenata. Musa sinidire
bocanata. Tiquirore sa
siniducuya. Musa sa yegũ
tiquiro ohorota.

¹⁰ Ijipihtiyequina Cohãcjũre
siniñequina neeta. Sa ye
tiquina sinidire bocaeta.
Sa yero ijipihtiyequina
Cohãcjũre sa siniducuye-
quinare tiquiro tiquinare
ohorota.

¹¹ ¿Musa pohna musare
wahire tiquina sinigũ añare
ohoboagari musa tiquinare?

¹² ¿Musa pohna canaca
duere tiquina sinigũ cutipare
ohoboagari musa tiquinare?
Ne ohosi.

¹³ Musa ñana ijiepenata
musa pohnare quehnoañene
ohoe tiri musa. Sa yero
Cohãcjũ pehe musa ohori
yuhduoro quehnoañene
ohore musare. Tiquiro mari
Pacu uhmuse cjãno Espiritu
Santore ohorota tiquirore
siniñequinare, niahye Jesu
tiquiro buheyequinare.

—Jesu watino tutuayere
chore, ni, yahusãhye masa
(Mt 12.22-30; Mr 3.20-27)

¹⁴ Ti pjere Jesu watinore
cohãno niahye. Watino pehe
yahuducu masiedagũ yeahye
masanore. Sa yero watino
masanore tiquiro duhuri
bato masano pehe yahuducu
ducahye. Tiquiro yahudu-
cugũ tuhoye masa peyequina
taho maria wahahye.

¹⁵ Tiquina sa taho
mariepegũta apequina pehe
ohõ saha niahye:

—Ahriquiuro Jesu watĩare tiquiro cohãgũ Beelzebú wame tiriquiuro watĩa pũhoro pehe tiquirore yedohore, niahye apequina.

16 Apequina “¿Jesu Cohãcjũ tiquiro ohoriquiuro ijiajari?” ni masi duaye tiquirore Cohãcjũ tutuaye mehna ye ihño dutimahye.

17 Tiquina sa dutigũ tũhoro “Watĩno tutuaye mehna watĩare cohãre”, ni, tiquina tũhotuyere masino, tiquinare ohõ saha ni yahuahye Jesu, “Watĩno ye tutuaye mehna watĩare cohãgũ niedaja”, nino taro:

—Ihcã yehpa cjẽna tiquina basi cahmequeñe, ti yehpa cjẽna yaria pihtia wahaboaga. Sa ye ihcã wũhũ cjẽna tiquina basi cahmequeñe, ti wũhũ cjẽna waha pihtia wahaboaga.

18 Sa ye, watĩno yequina watĩa tiquina basi cahmequeñe, tiquina watĩa gũhũ waha pihtia wahaboaga. Ihcã curua iji masiedaboaga. Mũsa yũhũre ohõ saha nine. “Tiquiro watĩno tutuaye mehna watĩare cohãre”, mũsa yũhũre nina niaga.

19 ¿Yũhũre mũsa nidi pototo ijigũ mũsa mehna cjẽna watĩare cohãñe watĩno tutuaye mehnata cohãjari tiquina gũhũ, mũsa ihñagũ? Mũsa mehna cjẽna watĩare cohãñe, watĩno tutuaye mehna cohãñe niedare. Ahrire masina watĩno tiquiro tutuaye mehna watĩare yũhũ cohãedagũ masinata mũsa.

20 Sa yegũ yũhũ pehe watĩare cohãgũ Cohãcjũ tutuaye mehna cohãja. Ahrire masina, Cohãcjũ tiquiro pũhoro iji dũcayere masinata mũsa.

21 Tutuariquiuro tiquiro ye wamoamehna tiquiro ya wũhũre tiquiro ihña ihbogũ tiquiro yere apequina yaque masiedare.

22 Tiquiro sa ihña ihboepẽgũta apequiuro tutuaye yũhdũriquiuro tiquiro mehna cahmeque, tiquirore yũhdũdũca, tiquiro ye wamoamehna cã, tiquiro yere ehma cãhre. Ohõ sahata ye yũhdũdũcaro cahmene watĩare.

23 Ihcãquiuro yũhũre cahmedaro, yũhũre ihña tuhtiriquiro ijire. Ihcãquiuro yũhũre yedohoeraro yũhũre ñano yero nine, ni buheahye Jesu.

Watĩno pari turi masũnore tiquiro sajãri quitire yahuahye Jesu

(Mt 12.43-45)

24 Sa yero tiquiro tũhotuyeme mehna ohõ saha ni queoye mehna buheahye tiquinare:

—Watĩno masũno mehna ijiriquiro waha, tiquiro aco marieni yehpũ tinino, tiquiro ijiatore macamahye. Bocaeraro, ohõ saha ni tũhotuahye: “Masũno yũhũ duhuriquiuro mehna pari turi ijigũ wahaũtja”, ni, tũhotuahye tiquiro.

25 Sa nino tiquiro tojoa waha, masũnore bocahye. Sa tiquiro bocagũ masũno pehe quehnoariquiuro ijimahye.

26 Sa yero watĩno ape-
quina siete watĩare tiquiro
yũhdũoro ñañequinare pijiro
wahahye. Tiquiro sa pijigũ
tiquina ijipihtiyequina watĩa
masũno mehna ijiahye. Sa
yero masũno pehe to pano
ihcãquiro watĩnore cũoro,
ñariquiro ijimahye. Camerũ
pehere peyequina watĩare
cũoriquiro ijiro, to pano
tiquiro ijiriro yũhdũoro
ña yũhdũariquiro ijiahye,
niahye Jesu.

Jesu bucueyere yahuahye

27 Tire tiquiro sa nigũ
masa watoa ijiricoro numino
Jesure yahuahye:

—Mũhare pohna tiricoro,
mũhare apũoricoro bucueri-
coro ijire, niahye Jesure.

28 Ticoro sa ni tuhasagũ
tũhoro Jesu ticorore
yũhtiahye:

—Cohãcjũ yahuducuyere
tũhoyequina tiquiro dutiyere
yeyequina tiquinata ijiağa
bucueyequina, niahye Jesu
ticorore.

*Masa ñañequina Jesure
Cohãcjũ tutuaye mehna ye ihũo
dutihaye*

(Mt 12.38-42; Mr 8.12)

29 Sa ye peyequina masa
Jesu caharũ tiquina wi-
higũ, tiquiro tiquinare yahu
nemoahye:

—Yojorũ cjẽna ñañequina
ijire. Yũhare poto nigũ yũhũ
ijiyere tiquina masi duaye,
Cohãcjũ tutuaye mehna yũhũ
ye ihũogũ ihũa duamene.
Tiquina sa ihũa duepegũta
Jona panorũ cjũno Cohãcjũ
tutuaye mehna tiquiro yeri

dihitare ihũonota Cohãcjũ
tiquinare.

30 Jona Cohãcjũ yere yahu
mũhtariquiro ijiro, tiquiro
Nĩnive wame tiri maca cjẽnare
Cohãcjũ yere tiquiro masigũ
yeriro sahata yũhũ masũ
Cohãcjũ ohorigũ masigũ yeaja
yojorũ cjẽnare.

31 Buhiri dahreati deco
ijigũ pũhtoro sur cjũno
panorũ cjũno ducu, yo-
jorũ cjẽnare “Ñana ijire
mũsa”, ni, yahusãnota ticoro.
Ticoro Salomo panorũ cjũno
tiquiro masiñene tũho duaro
yoarorũ ahri yehpa ape sierũ
ijiricoro Salomore tũhoro
ahtahye. Sa yero quehnoano
yero niahye yojorũ cjẽna
yũhdũoro. Sa yero ticoro
yahusãnota yojorũ cjẽnare. Sa
nigũ mũsare poto niita niağa.
Yojorũ mũsare yũhũ bu-
eye Salomo tiquiro buheri
yũhdũoro ijire.

32 Buhiri dahreati deco
ijigũ Nĩnive wame tiri maca
cjẽna gũhũ ducu, yojorũ
cjẽnare “Ñana ijire mũsa”,
ni yahusãeta tiquina. Jona
tiquinare Cohãcjũ yere
tiquiro yahugũ tũhoye,
tiquina ñañene bujũna witi,
quehnoañene cahmeahye
tiquina pehe. Sa cahmeñe
quehnoano yeye niahye
yojorũ cjẽna yũhdũoro. Sa
ye tiquina gũhũ yojorũ
cjẽnare “Ñana ijire mũsa”,
ni yahusãeta. Mũsare poto niita
niağa. Yojorũ mũsare yũhũ
buheye Jona tiquiro buheri
yũhdũoro ijire, ni yahuahye
Jesu.

*Masa tiquina t̄hoturo sa-
hata yere*

(Mt 5.15; 6.22-23)

³³ Sa yero queoye mehna buhero ohō saha ni yahu nemoahye tiquinare:

—Masa sihāriare sihāñe n̄oedare. Tiare sihāñe dihi sutu docap̄ duhu dapoerare. Tiare uhm̄sep̄ duhu peore wuh̄p̄ sajā tayequina tiquina quehnoano ihña sajā tafore yeye.

³⁴ Sihāria quehnoano buhriogū mari quehnoano ihña masino sahata quehnoañene t̄hotuyeh̄ mehma quehnoano ye masinata m̄sa. M̄sa t̄hoturo sahata yere m̄sa. Quehnoañene t̄hotuna quehnoano yere m̄sa. Quehnoañene t̄hotuerana ñañe pehere yere m̄sa.

³⁵ Sa yena quehnoano yeya. M̄sa t̄hotuyep̄ ñañene wac̄uedac̄hña. Ñañene ne cahmedac̄hña.

³⁶ Tuhasa m̄sa t̄hotuyep̄ quehnoañe ijigū, ñañe ne mariedagū quehnoañe dihitare t̄hotunata, ni buheahye Jesu.

Fariseo masare, judio masare buheyequina gūh̄re Jesu tuhti yahuahye

(Mt 23.1-36; Mr 12.38-40; Lc 20.45-47)

³⁷ Jesu tiquiore buhe tuhasagū ihña, fariseo mas̄no tiquiore tiquiore ya wuh̄p̄ ihya dutiro pijiahye. Sa yero Jesu tiquiore ya wuh̄p̄ sajā sa, tiquina ihyarop̄ tiquina mehna nuju sahye.

³⁸ Tiquiro sa nuju sagū fariseo mas̄no pehe Jesure ihña n̄n̄no judio masa tiquina omo coseduro sahata tiquiore omo coseragū ihñano ohō saha ni t̄hotuahye: “Yohou. ¿Ahriquiore d̄hsero omo coserajari us̄a yero saha?” ni t̄hotuahye.

³⁹ Tiquiro sa ni t̄hotugū masino Jesu tiquiore yahuahye:

—M̄sa fariseo masa sihniñe parire, wapari gūh̄re sui pehe dihitare m̄sa cosero sahata quehnoañene ye ihñore m̄sa buigā warona. Sa yepenata Cohācjū yere queoro yerare. Apequina yere ehma m̄jare m̄sa. Sa yena ñañe dihitare t̄hoture m̄sa.

⁴⁰ Tuho masiedare m̄sa. Cohācjū m̄sa pagurire yeriquiro m̄sa tuho masiñe gūh̄re yeahye. ¿Tire masiedajari m̄sa?

⁴¹ Sa yena m̄sa yere pech̄oyequinare ohoya m̄sa. M̄sa sa yena quehnoañene t̄hotuna ijinata.

⁴² M̄sa fariseo masa ñano yuh̄dn̄ata. Moa yero saha ijiyere ihyayere ocagū yeyere c̄ona mehenogā ohomene m̄sa. Cohācjūre ño peona tana pahiare ohomene m̄sa. Sa ohoepenata quehnoañene yerare m̄sa. Sa yena masare paja ihñedare m̄sa. Sa yena Cohācjūre ño peoerare m̄sa. Oteye d̄ucagāre m̄sa nedire mehenogā Cohācjūre m̄sa ohogū quehnoañene. Sa ohona ohō saha ye nemoña:

Quehnoañene yeya. Sa yena paja ihñaña masare. Sa yena Cohãcjüre ño peoya m̄sa.

43 'M̄sa fariseo masa ñano ȳhd̄nata. Buheri w̄h̄p̄u ijina, quehnoañe dujiye dihitare duji duare m̄sa. Doeri cjẽ duarop̄u apeq̄uina p̄htoare quehnoano ño peo tiq̄uina sinino saha m̄sare piti cagũ cahmene m̄sa.

44 'Ñano ȳhd̄nata m̄sa. Masa cope n̄ori cope yero saha ijire m̄sa. Ti cope cahagã masa ijiye, puhiap̄u cjãno ahbariquirore ihñedare tiq̄uina. (Sata masa m̄sa cahagã ijiye, m̄sa t̄hotuyep̄ure ñañe ijiyere masiedare tiq̄uina,) niahye Jesu tiq̄uina.

45 Tiquiro sa nigũ t̄horo judio masare buheyequina mehna cjãno Jesure yahuahye:

—Buhegu, tire nigũ usã ḡh̄ure ñano nii niaga m̄h̄u, niahye tiquiro Jesure.

46 Tiquiro sa nigũ Jesu ȳhtiahye:

—Ijirota ijire. Judio masare buhena m̄sa ḡh̄u ñano ȳhd̄nata. M̄sa apeq̄uina tiq̄uina ye masiedarire ye dutire m̄sa tiq̄uina. Sa ye dutiepenata m̄sa pehe tiq̄uina ne mehenogã yedoherare ti dutiyere tiq̄uina yeati pehere.

47 'Sa yena m̄sa ñano ȳhd̄nata. Cohãcjũ yere yahu m̄htariquina panop̄u cjẽna tiq̄uina masa coperire quehnoano quehnomene m̄sa tiq̄uina ño peoro

saha yena. M̄sa sa yep̄eḡuta panop̄u cjẽna m̄sa acaye pehe tiq̄uina wejẽahye.

48 M̄sa acaye panop̄u cjẽna pehe Cohãcjũ yere yahu m̄htariquinare tiq̄uina wejẽdiro sahata m̄sa ḡh̄u yeboaga. Sa yena yojop̄ure ti masa coperire quehnomene m̄sa. Sa quehnona m̄sa acaye tiq̄uina tiq̄uina wejẽdire wacũre m̄sa. Sa tiq̄uina wejõr̄ire wacũna "Quehnoa cãhre", ni wacũre m̄sa.

49 'Cohãcjũ tiquiro masiñe mehna ohõ saha ni yahuahye: "Yeere yahu m̄htariquina ḡh̄ure ȳh̄u buhe duti c̄uriquina ḡh̄ure ohoutja tiq̄uina. Sa yeye tiq̄uina ȳh̄u ohoriquinare apeq̄uina wejẽ, apeq̄uina ñano yeeta", niahye Cohãcjũ.

50-51 Ahri yehpare Cohãcjũ tiquiro bajumehnedi bato Caĩ pehe Abere wejẽahye. Sa ye Cohãcjũ yere yahu m̄htariquinare Abe bato ijiyequina ḡh̄ure ñañequina wejẽahye. Came Zacariare Cohãcjũ w̄h̄p̄u Cohãcjüre ño peori altar cahap̄u m̄sa acaye wejẽahye. Ijipihtiyequina tiq̄uina tiq̄uina wejẽdi buhiri yojop̄u cjẽnare Cohãcjũ buhiri dahrerota. Sata ijire. M̄sare nigũta nija. Ijipihtiyequina tiq̄uina tiq̄uina wejẽdi buhirire yojop̄u cjẽnare Cohãcjũ buhiri dahrerota.

52 'M̄sa judio masare buhena m̄sa ñano ȳhd̄nata. Cohãcjũ masiñene tiq̄uina

ojoari pūrine cūopenata apeqinare yahuerare m̄sa. M̄sa basi Cohācjū yere tūhoerare. Sa yena apeqina tiqiro yere tiquina tūho duepegūta tire m̄sa tiquinare tūho dutierare, niahye Jesu tiquinare.

53-54 Tiquiro sa nigū tūhoye judio masare buheyequina, fariseo masa gūhū tiqiro mehna usua, tiqirore ñano yahuducuahye. Sa ye Jesu tiqiro ñano yahtigū tūho duaye, tiquina peye ni meho cū sinitumahye tiqirore, tiqirore yahusā duaye.

12

Tiquina ni mehoducurire Jesu yahuahye

(Mt 16.6; 10.26-27; Mr 8.15)

¹ Sa ye Jesu cahapū masa peyequina cahmecoa, wahpa yūhdūahye. Topū Jesu tiqiro buheyequinare ohō saha ni yahu dūcahye:

—Quehnoano wacū masiña m̄sa. Fariseo masa tiquina ye pāre pugū yeyere ihñana quehnoano wacū masiña. Tiquina ni mehoducurire nigū niaja “Pāre pugū yeye”, nigū.

² Ijipihtiyē apeqina tiquina masiedarire came masieta.

³ Sa yero ñamipūre tiquina nūo yahuducurire buhri-oropū bajugū yero sahata Cohācjū yahurota. Bihari tucūpū apeqirore cahmono caha tiquina nidire masa peyequina watoa yahurota Cohācjū, ni yahuahye Jesu.

Masa tiquina cuea-tiqirore yahuahye Jesu
(Mt 10.28-31)

⁴ Sa yero Jesu yahu nemoahye tiquinare:

—Poto niita niaja m̄sare. Masare wejēñequina wejē tuhasa pari turi tiquina wejōriquina m̄nare ñano ye nemo masiedare. Sa yena m̄sare wejē duayequinare cueracāhña.

⁵ Yojopūre m̄sa cuea-tiqirore m̄sa ño peoat-tiqirore yahutja. Cohācjū pehere cue, ño peoya. Tiquiro m̄sa yariari bato pecapū cohā masine m̄sare. Sata ijire. Poto nigū niaja. Cohācjū pehere cue, ño peoya.

⁶ Ihcā omopequina siripia wapa mariedare. Sa wapa mariedapegūta ihcāquirogāre Cohācjū ne boerare.

⁷ Sa yero m̄sa poarire ne ihcā poa da dūhsaro marieno masi pehore Cohācjū. Sata m̄sa ijiye tiye gūhūre masi pehore Cohācjū. Sa masino m̄sare ihñā ihboducure. Siripia yūhdūoro Cohācjū cahñe m̄sa pehere. Sa yena tiqirore ño peona, cueracāhña m̄sa, niahye Jesu.

Jesu yequina m̄sa ijiyere yahuya masare

(Mt 10.32-33; 12.32; 10.19-20)

⁸ Sa ye Jesu yahu nemoahye:

—M̄sare niita niaja. Ihcāquiō “Jesu yaquiō iji-aja”, masare tiqiro nigū ihñagū, yūhū masū Cohācjū ohorigū “Tiquiro yaquiō

ijire”, ni yahutja Cohãcjũ yequina angelere.

⁹ Ihcãquiro “Jesu yaquiro ijieraja”, masare tiquiro nigũ, yũhũ gãhũ “Tiquiro yaquiro ijierare”, ni, yahutja Cohãcjũ yequina angelere.

¹⁰ Ihcãquiro yũhũre ñano tiquiro ni yahuducugũ ti ñañene Cohãcjũ bo masine. Sa boeperota ihcãquiro Espíritu Santo pehere tiquiro ñano ni yahuducugũ ti ñañene ne Cohãcjũ bosì.

¹¹ ‘Mari judio masa buheri wũhũpũ pũhũa cahapũ apequina mũsare ne sajã “Ñañequina ijire”, ni yahusãeta. Tiquina sa yahusãgũ mũsa yahuducuatire “Acuehi, masied-aboaga”, ni tũhotueracãhña.

¹² Tiquina mũsare yahusãgũta Espíritu Santo mũsa yahuducuatire yahurota, niahye Jesu.

Doeri cjẽ upũro quitire yahuahye Jesu

¹³ Sa ye masa mehna cjũno Jesure ohõ saha ni yahuahye:

–Buhegũ, usã pacũ tiquiro yariari bato tiquiro ye usãre tojoare. Sa yegũ yũhũ wahmine tire yũhũ gãhũre queoro tu wa dutiya, niahye tiquiro Jesure.

¹⁴ Tiquiro sa nigũ Jesu yũhtiahye:

–Ne ti borore tu wabogũ ijieraja yũhũ, niahye Jesu tiquirore.

¹⁵ Sa ni tuhasa Jesu ijipihtiyequinare yahuahye:

–Quehnoano yeya mũsa. Doeri cjẽne, apee boro

gũhũre cahĩedacãhña. Peye cũoepenata ti mehnata bucueducueraja mari, niahye Jesu.

¹⁶ Sa ni tuhasa Jesu quitimehna yahuahye tiquinare:

–Doeri cjẽ upũro quehnoari yehpare cũoahye. Sa ye ti yehpũ tiquiro otegũ quehnoano dũca tiahye.

¹⁷ Sa yero tiquiro basi ohõ saha ni tũhotumahye: “Dũca ihboye wũhũse ne esa tuhaerare.

¹⁸ Yojopũre ohõ saha yeitja: Yojopũ yũhũ ihboye wũhũsere cohã cã, mũna wũhũse yũhdũoro wahma wũhũse yeitja. Ti wũhũsepũ yũhũ oteye dũcare, ijipihtiyere yeere ihboutja.

¹⁹ Yũhũ sa yeri bato, ohõ saha ni, tũhotutja yũhũ basi: ‘Yũhũ peye apee boro cũogũ ijiaja. Quehnoano soutja. Sa yegũ ihya, sihni, bucueitja’, ni tũhotutja yũhũ basi”, ni tũhotumahye tiquiro.

²⁰ Tiquiro sa ni tũhotugũ Cohãcjũ tiquirore yahuahye: “Mũhũ ne tũho masiegũ ijire. Mia ñamita mũhũ yariagũta. Mũhũ sa wahagũ mũhũ ye, mũhũ cahĩdi butia waharota”, niahye Cohãcjũ tiquirore, niahye Jesu masare.

²¹ Tire nino, masare ohõ saha ni yahuahye Jesu:

–Sata wahaeta doeri cjẽ opana Cohãcjũre wacũeñequina. Sa yero peye doeri cjẽne, niñerure tiquiro ye ijiasi dihitare ihboriquiro Cohãcjũre wacũedarõ, tiquiro pejecũoriquiro yero saha ijirota, Cohãcjũ tiquiro

ihñagã. Sa yero Cohãcjũ tiquirore ihña bucuere, niahye Jesu.

*Cohãcjũ tiquiro pohne
ihña ihbore*

(Mt 6.25-34)

²² Sa ye Jesu tiquiro buheyequinare ohõ saha ni yahuahye:

—Ahrire m̄sare nigu niaja: M̄sa ihyatire, m̄sa suhti sañatire, pajiro bujua witi tuhhotueracãhña.

²³ Cohãcjũ m̄sare baje mehneno, ihyatiquina dihitare yerari m̄sare. Sa yero suhti sañatiquina dihitare yerari m̄sare tiquiro.

²⁴ Minicjua p̄aire Cohãcjũ tiquiro ihña ihboyere masiña. Tiquina weseri marieñequina ijire. Sa ye ihyayere tiquina ihboye wuhuse tiquinare mariedare. Tiquina sa ijigũ ihñano tiquinare Cohãcjũ tiquina ihyatire ohore. Minicjua yuhduoro m̄sa pehere cahñe Cohãcjũ.

²⁵ Pajiro m̄sa tuhhotuye mehna ti m̄sare ihcã hora cati nemogũ yerare. Sa yero m̄sa pajiro tuhhotuye dahseati ijierare.

²⁶ Sa ye pajiro m̄sa tuhhotuye mehna ne mehenogã ye masiedare m̄sa. ¿Sa yena pajiro m̄sa tuhhotuye ti dahseati ijierapegãta dahse yena m̄sa ihyatire, m̄sa sihniatire, m̄sa sañatire pajiro bujua witi tuhhotuajari?

²⁷ 'Nucũ cjẽ cohore tuhhotuya. Ti cohoi ti basi suhtire yerare. Sa yerapeta quehnoañe suhti sañañequina

yero saha quehnoano bature ti cohoi. Salomo manano quehnoañe suhtire sañariquiro tiquiro ijiepegãta ti cohoi pehe tiquiro yuhduoro quehnoa yuhduaye cohoi waro ijire.

²⁸ Cohore quehnoañe cohoi yere Cohãcjũ pehe. Tiquiro sa yepegãta cohoi pehe meheñe decorigã ijiducume ñai bora dijiaa wahare. Mehenogã iji, ape deco pecaru ujua wahare. Ti sa ijiepegãta cohore quehnoañe cohoi ijigũ yere Cohãcjũ. Sa yero Cohãcjũ cohore tiquiro quehnoañe cohoi tiquiro yeriro yuhduoro m̄sa gũhure quehnoano yerota. Suhtire ohorota. Mehenogã Cohãcjũre wacũ tutuare m̄sa.

²⁹ Sa yena m̄sa ihyatire, m̄sa sihniatire pajiro bujua witi tuhhotueracãhña.

³⁰ Cohãcjũre cahmeñequina pehe ahri yehpa cjẽna pehe tire sa macaducuye nine. Mari Pacu uhmuse cjãno ijipihitiye m̄sa cahmeñene masine. Tiquiro sa masigũ pajiro bujua witi tuhhotueracãhña.

³¹ “Cohãcjũ yuhũ p̄htoro ijire”, ni tuhotu, tiquirore cahmeña m̄sa. M̄sa sa yeri bato Cohãcjũ pehe m̄sa cahmeñe dahsagũ ohorota, ni yahu nemoahye Jesu.

Uhmusepũ mari peye cuo masiaja

(Mt 6.19-21)

³² Sa yero tiquinare yahu nemoahye:

—Yuhũ cahña, meheñequinagã ijiepenata, cueracãhña m̄sa.

Cohãcjũ tiquiro pãhtoro ijiropãre tiquiro mehna m̃sa ijigũ cahmene tiquiro.

33 Sa yena m̃sa yere dua pehoya. Tire dua, ti niñerure ne, pejecuoyequinare ohoya. Sata m̃sa yegũ ãhm̃se cjẽ m̃sa wapataye ne pihtisi. Ëhm̃sepe m̃sa ye ijiro ne pihtierare. Topãre m̃sa yere nea masiedare yaqueriquiro. Sa ye mecasia gãhũ tire tã masiedare.

34 Ëhm̃sepe m̃sa ye ijigũ ãhm̃se cjẽ dihitare tãhotunata m̃sa, niahye Jesu.

Jesu tiquiro tojoa tatire cohte dutiahye tiquiro yequinare

35-36 Sa ni tuhasa tiquinare yahu nemoahye:

—M̃sa yere quehnoyu tuhasariquina yero saha yeere sa yeducuna ijina yãhãre cohteya. Dahra cohteyequina tiquina pãhtoro omoca dãhteri bõse decopũ tiquiro wahagũ tiquiro tojoa tatire tiquina cohtere. Tiquina sa cohteriro saha yãhũ tojoa tatire cohteya m̃sa gãhũ. Pãhtoro tiquiro wãhãpe wihi, sopechare tiquiro dotegũ tãhoye tiquina duita põo sõre tiquirore.

37 Dahra cohteyequina tiquina pãhtoro wihigũ tiquiro cahmeno sahata yeducuyequina ijiye, bucuyequina ijieta. Tiquina sa yegũ ihñano pãhtoro pehe dahra cohteriquiro yero saha comesarota. Sa yero dahra cohteyequinare duji dutiro,

tiquiro tiquina ihyayere peorota.

38 Tiquiro wihiri pje ñami decopũ, o bohreagũpe ijiepegũta dahra cohteyequina pehe tiquiro wihiri pjere tiquirore quehnoano cohteyequina ijiye, bucuyequina ijieta tiquina.

39 Ahrire wacũña. Yaqueriquiro wãhãpe tiquiro wihiato pano ti wãhũ cjãno masiedare. Wãhũ cjãno yaqueriquiro tiquiro wihiatore masino, yaqueriquirore sajã ta dutieraboaga. Sa yero wacũeno mehna ahtare yaqueriquiro.

40 Sa yena m̃sa gãhũ cohteya. Yãhũ masũ Cohãcjũ ohorigũ wacũeno mehna ahtautja. Sa yena yeere sa yeducuna ijina cohteya m̃sa, niahye Jesu tiquinare.

Apequiro dahra cohteriquiro tiquiro pãhtorore tiquiro ño peogũ, apequiro pehe ño peerahye
(Mt 24.45-51)

41 Tiquiro sa nigũ Pedro pehe sinituahye Jesure:

—¿Ahri quitire yahugũ ãsãre nigũ niajari? ¿O ijipihtiyequinare sa nigũ niajari? niahye Pedro.

42 Tiquiro sa nigũ Jesu tiquiro tãhotuye mehna ohõ saha ni queoye mehna buheahye tiquinare:

—Dahra cohteriquiro tiquiro pãhtorore ño peoriquiro tãho masiniquiro ohõ sahata ijire. Pãhtoro tinino waharo, dahra cohteriquirore tiquiro ya wãhãre cũre. Tiquiro

cũnohriquiuro pehe dutiriquiuro ijirota. Sa yero tiquiuro ihyari pje ijigã apequina dahra cohteyequinare ihyayere itire.

⁴³ Came pãhtoro tiquiuro wihigã dahra cohteriquiuro pehe tiquiuro pãhtoro tiquiuro dutiuro sahata ye pehoriquiuro ijiro, tiquiuro bucueriquiuro ijirota.

⁴⁴ Poto niguta niaja masare. Tiquiuro sa yegã tiquiuro pãhtoro ijipihtiye tiquiuro yere ihña ihboriquiuro cũnota tiquiuro.

⁴⁵ Apequiuro dahra cohteriquiuro pehe “Yũhũ pãhtoro yoari pje bajuerare”, ni boaga. Sa nino apequina dahra cohteyequinare amare, numia gũhare quẽ mija, pajiro ihya, sihni, queheboaga.

⁴⁶ Tiquiuro sa yeri bato wacũeno mehna tiquiuro pãhtoro wihirota. Sa wihiro tiquiuro ñano buhiri dahrerota. Sa yero Cohãcjũre yãhdũdcayequinare tiquiuro cohãnopũ tiquiuro cohãnota.

⁴⁷ Sa yero dahra cohteriquiuro tiquiuro pãhtoro cahmeñene masiniquiuro ijieperota tire tiquiuro yeragã, tiquiuro quehnoano dahraeragã tiquiuro pãhtoro pehe tiquiurore yuta da mehna tananota.

⁴⁸ Apequiuro pehe dahra cohteriquiuro tiquiuro pãhtoro cahmeñene masieniquiuro ijiro quehnoano yeragã ihñano tiquiuro pãhtoro pehe derogã tiquiurore tananota. Cohãcjũ pajiro masare ohoro

pajiro tiquinare apequinare oho dutirota. Sa yero tiquiuro cahmeñene masigã yere masare. Quehnoano tiquiuro masigã yenohriquinare quehnoano yãhti dutire tiquiuro, niahye Jesu.

Jesu masare cahme tu wagã yere

(Mt 10.34-36)

⁴⁹ Sa ni tuhasa Jesu tiquinare yahuahye tja:

—Peca wãjũa weriro sahata yũhũ ahri yehpapũre masa tiquina ñaãe yeyere cose wegũ ahtagũ nii. Yojopũ pũrita peca wãjũa wero saha ñaãe marieñequina masa tiquina ijigã tutuaro cahmeaja yũhũ.

⁵⁰ Yũhũ ñano yãhdũtja. Yũhũ sa ñano yãhdũatire cohtegũ, ñano jeripohna tiaja yũhũ.

⁵¹ ¿Dãhse ni tãhotuajari masa yũhare? ¿“Tiquiuro masare tiquiuro buheri bato apequina tiquina basi ihña tuhtisi”, ni tãhotuajari masa yũhare? Sa ijierare. Masare yũhũ buheri bato ihquẽquina yeere tãhoeta. Apequina pehe tiquinare ihña tuhtieta. Ihcãno saha ijisi masa. Masare niguta niaja. Masa yũhũ buheyere tãhoye, pãa curua cahme tu waeta.

⁵² Yojopũre ihcã wãhũ cjẽna ihcã omopequina masa yũhũ buheyere tãhoye, pãa curua tiquina basi cahme tu waeta. Ihcã curua ihtiaro, ape curua pãaro ijietã.

⁵³ Tiquiuro pacũro tiquiuro macũnore ihña tuhtirota yaquiuro tiquiuro ijiri buhiri. Tiquiuro macũno gũhũ tiquiuro

pacurore ihña tuhtirota yaquiro tiquiro ijiri buhiri. Sa yero ticoro pacoro maconore ihña tuhtirota yacoro ticoro ijiri buhiri. Sa yero apecoro macono gũhũ ticoro pacorore ihña tuhtirota yacoro ticoro ijiri buhiri. Sa yero ticoro mareono ticoro macũ namonore ihña tuhtirota yacoro ticoro ijiri buhiri. Sa yero apecoro macũ namono gũhũ ticoro mareonore ihña tuhtirota yacoro ticoro ijiri buhiri. Sa waharota, yũhũ buheyere tiquina tũhogũ, niahye Jesu.

Quehnoari deco ijiatire, ñari deco ijiatire masa tiquina masiñene yahuahye Jesu
(Mt 16.1-4; Mr 8.11-13)

⁵⁴ Sa ye Jesu masare ohõ saha ni yahuahye tja:

—Ahrie pehepũ acoro cururire ihñana, duita “Acoro ahtarota”, nine mũsa. Mũsa sa nidi bato acoro ahtare.

⁵⁵ Sa yena surpũ wihnono ahtagũ “Asiri deco ijirota”, nine mũsa ahri yehpapũ ijina. Mũsa sa nidi bato cũhmari deco ijire.

⁵⁶ Mũsa masa ihñonopũ quehnoano iji mehoducuna ijire. Mũsa ahri yehpare uhmũse gũhare ihñana, quehnoari deco ijiatire, ñari deco ijiasi gũhare masine mũsa. ¿Sa yena yojopũ cje decorire masiepenata dũhsena ahri yehpa cjana yojopũre mũsa dũhse wahatire masiedajari mũsa? niahye Jesu.

Mũsare ihña tuhtiriquiro mehna mũsa cahmequedire cahmeque duhuya
(Mt 5.25-26)

⁵⁷ Sa ni tuhasa ohõ saha ni yahu nemoahye:

—¿Mũsa poto yeatire yojopũ masiedajari mũsa?

⁵⁸ Apequiro mũhare yahusãno waharo buhiri dahre dutiri wũhũpũ waha dutiboaga. Topũ wahana “Pari turi mũhare sa yesi”, nigũ cahmeque duhuya. Mũhũ sa duhueragũ tiquiro buhiri dahre dutiriquiro cahapũ neaboaga mũhare. Sa yero buhiri dahre dutiriquiro pehe mũhare surarare tiquiro ohogũ, mũhare surara peresu yeeta.

⁵⁹ Mũhare nigũ niaja. Topũ ijiniita mũhũ. Tee tiquina wapa ye dutirire mũhũ wapa ye pehogũpũ wijiagũta mũhũ, niahye Jesu.

13

Mũsa ñañe yerire bũjũa witi, quehnoañe pehere came-saya

¹ Ti pjere meheñequinagã masa Jesure ohõ saha ni yahue tiahye:

—Galilea cjeña wahiquirore wejẽ ujuã mũo Cohãcjũre tiquina ño peori watoa Pilato pehe tiquinare wejẽahye. Tiquiro sa wejẽgũ wahiquiro dii mehna masa dii moreahye, ni, yahuahye tiquina Jesure.

² Tiquina yahu tuhasagũ Jesu yũhtiahye:

—¿Galilea cjeña Pilato tiquiro wejẽgũ wejõriquina

mānare dahse ni tūhotuajari māsa? ¿Tiquina sa yariagū apequna Galilea cǵēna yūhdūoro ñañequina tiquina ijiri buhiri sa yeyari Cohācǵū tiquinare, māsa tūhotugū?

³ Ijierare. Māsare niita ni-aja. Māsa pehe māsa ñañene būjūa witierana, quehnoañe pehere comesaerana, māsa gūhū yariana pecapū wahanata.

⁴ Sa ye sohō ijiriquina diez y ocho masa Siloé wame tiri wūhū ūhmūari wūhū tiquina bui wihnoa dijiaro, tiquinare wejē pehoahye. ¿Sa waha yariaye, apequna Jerusalē cǵēna yūhdūoro ñañequina ijiriyari tiquina, māsa tūhotugū?

⁵ Ijierare. Māsare niita ni-aja. Māsa ñañene būjūa witierana quehnoañe pehere comesaerana, māsa gūhū yarianata. Sa yena pecapū wahanata, niahye Jesu tiquinare.

Higueragū dūca mariedū quitire yahuahye Jesu

⁶ Sa ni tuhasa apeye queoye mehna piti dahre yahuahye tiquinare:

—Wese upūro tiquiro wesepepū higuerağūre cūoahye. Sa yero tiquiro tū dūcare macano wahamahye. Bocaerahye.

⁷ Bocaeraro tiquiro wese dahrariquirore yahuahye. “Tūhoya yūhūre. Ihtia cūma waro higuerağū dūcare macamaja. Dūca mariedare. Tū dūca mariedagū tūre quē cohā cāhñā. Tū ya wesepū ijigū apedūre otero

basioerare. Apedū tū ihyaborire ihyaboaga tū dūca mariedū pehe”, niahye wese upūro tiquirore dahra cohteriquirore.

⁸ Tiquiro sa nigū tūhoro dahra cohteriquiro ohō saha niahye: “Pūhto, ahdū ihcā cūhma waro ducurīahdo. Tū nūhcoripū yūhū seheğatja. Tuhasa, wahiquiro cūhta mehna ti copere yaūtja.

⁹ Yūhū sa yeri bato tū ape cūhma dūca tiro dūca tiboaga. Tū dūca mariedagū mūhū quē cohā dutigūta”, niahye dahra cohteriquiro wese upūrore, ni, yahuahye Jesu.

Saurū deco ijigū Jesu dohatiricorore yūhdūoahye

¹⁰ Ti pjere saurū deco ijigū Jesu judio masa buheri wūhūpū buhero niahye.

¹¹ Topū watīno cūoricoro ijiahye. Watīno pehe diez y ocho cūhmari waro dohatigū yeahye ticorore. Sa yero pari tǵū ducuricoro ijiro, poto ducu masiedahye.

¹² Ticoro sa ijigū ihñano Jesu ticorore ihñā, pisuahye:

—Numio, mūhū dohatiye pihtia wahare, ni, pisuahye Jesu.

¹³ Tiquiro pisuri bato ticorore tiquiro ñā peogū duita ticoro quehnoano poto dūca sahye. Sa waharo “Cohācǵū tutuagū, quehnoagū ijire mūhū”, ni ño peoahye ticoro.

¹⁴ Jesu ticorore saurū deco ijigū tiquiro yūhdūogū ihñano judio masa buheri wūhū cohteriquiro pehe tiquiro

mehna usuahye. Sa usuaro tiquiro masare ohõ saha niahye:

—Seis decori ijire mari dahraye decori. Sa yena masa dohatiyequinare yãhdno duana, ti decorire tire yeya. Saurú mari sori decore tire yeracãhña, niahye ti wãhãre cohteriquiro.

¹⁵ Tiquiro sa nigũ Jesu ohõ saha ni yãhtiahye:

—Masa ihñono dihita quehnoana iji mehona ijire masa. Masa wecãre, burro gãhãre cãona saurú decore tiquina dãhteri dare pã, tiquinare ne buha, sihni dutiboaga.

¹⁶ Yojopã ahricorore Abrahã manano acayorore watño diez y ocho cãhmari waro ticorore dohatigã yere. ¿Saurú deco ijigũ ticorore yãhdno dutierajari masa? niahye Jesu.

¹⁷ Tiquiro sa nigũ tãhoye, tiquina bõoro wahahye. Sa ye apequina pehe ijipihtiyequina Jesu yerire ihña, bucueahye.

Mostaza pje queoyere yahuahye Jesu

(Mt 13.31-32; Mr 4.30-32)

¹⁸ Sa ye Jesu queoye mehna buheahye masare:

—¿Ne Cohãcjũ masa pãhtoro tiquiro ijiye yabe boro yero saha ijiajari? Ahri quitu mehna tire tiquiro pãhtoro ijiyere yahutja yãhã.

¹⁹ Mostaza pjegã yero saha ijire. Ti pjegãre oteriquiro tiquiro ya wesere otere. Tiquiro oteri bato ti pjegã

pihnine. Sa ye tã bucãagũ minicjãa pari ti dãpãripũ suhti suhare, niahye Jesu. (Sa nino ohõ saha nino niahye. Mostaza pjegã pajidũ tã bucãariro saha ãhmãse cjãnore mari pãhtorore masiñequina meheñequinagã tiquina iji mãhtaepegãta camepũ tiquina peyequina wahaeta.)

Pã pugũ yeye queoyere yahuahye Jesu

(Mt 13.33)

²⁰ Sa yero pari turi Jesu queoye mehna buheahye:

—¿Ne Cohãcjũ masa pãhtoro tiquiro ijiye yabe boro yero saha ijiajari?

²¹ Pãre pugũ yeye yero saha ijire. Tire numino ihcã ajuro trigore aco mehna quehnoano tire dahra morene pã bucãatire. Ticoro sa yegũ pãre pugũ yeye pehe trigore quehnoano sehãa wahare, niahye Jesu. (Sa nino ohõ saha nino niahye. Pãre pugũ yeye trigore ti sehãa wahariro saha ãhmãse cjãnore mari pãhtorore peyequina masa ijipihtiro cjẽna masieta.)

Meheni sopecahagã quitire yahuahye Jesu

(Mt 7.13-14, 21-23)

²² Sa ye Jesu bũjũye macaripũ, daye macarigãpũ gãhãre buhe cã, Jerusalẽpũ esaro taro niahye.

²³ Tiquiro sa wahari watoa masãno Jesure ohõ saha ni sinituahye:

—¿Pũhto, meheñequinagã masare pecapũ waha-boriquinare yũdũorotari Cohãcjũ? niahye tiquiro Jesure.

Tiquiro sa nigũ Jesu queoye mehna buhero ohõ saha ni yahuahye:

24 —Peyequina masa Cohãcjũ cahapũ waha duaye, sajã duamene. Meheni sopecahagãre mũsa sajã duagũ mijorĩne. Sata Cohãcjũ cahapũ mũsa waha duagũ mijorĩne. Masa sa sajã duepeta sajã masiedare. Sa yena mũsa pehe meheni sopecahagãre mũsa tutuaro sajã duaboro sahata Cohãcjũ pehere tutuaro masiña.

25 Ohõ saha yerota Cohãcjũ peyequina masare. Tiquiro wũhũ upũro yero saha ijire. Wũhũ upũro wahcã, sopecahagãre biharota. Tiquiro sa yegũ sopecahagãpũ ducuna, dotenata. Dotena ohõ saha ninata. “Pũhto, sope pahmare põohña”, mũsa nigũ wũhũ upũro pehe yũhtirota. “Mũsare, mũsa ahtariro gũhũre ne masiedaja yũhũ”, ni yũhtirota.

26 Tiquiro sa nigũ mũsa yũhtinata. “Mũhũ mehna usã ihya, sihni. Usã ya macapũ buheri mũhũ”, ninata mũsa.

27 Mũsa sa nigũ tiquiro pehe yũhtirota. “Mũsare, mũsa ahtariro gũhũre ne masiedaja. Ijipihtina mũsa ñañe yerina yũhũ cahapũ ahtaeracãhña”, ninota wũhũ upũro.

28 Sa ye Abrahãre, Isaare, Jacore, ijipihtiy-

quina Cohãcjũ yere yahu mũhtariquinare Cohãcjũ tiquiro pũhtoro ijimore tiquina ijigũ ihñana, mũsa pehe sopecahapũ cohõrina ijina tutuaro utinata. Sa yena mũsa tutuaro bũjũna wõtina, bahque dihonata.

29 Ti pjere ijipihtiro cjẽna Cohãcjũ tiquiro pũhtoro ijimore esa, tiquiro mehna ihya dujieta.

30 Yojojure ihyo ijieyequina ijiriquina ti pjere pũhtoa ijietta. Sa yeye yojojure pũhtoa ijiriquina ti pjejure ihyo ijieyequina ijietta, niahye Jesu.

Jerusalẽ cjẽnare tutuaro cahĩahye Jesu
(Mt 23.37-39)

31 Ti pjere meheñequinagã fariseo masa Jesu cahapũ esa, tiquirore yahuahye:

—Herode mũhũre wejẽ duare. Sa yegũ ape sierũ waha mũhũ, niahye tiquirore.

32 Tiquina sa nigũ Jesu pehe yũhtiahye:

—Herode ni mehoñe pe-yariquiro ijire tiquiro. Ohõ saha ni yahuya tiquirore: “Jesu watĩare cohãno nine. Sa yero dohatiyequinare yũdũoro nine. Tire miare, ñamia gũhũre yerota. Sa yero ñamia bohrearo dahra bato tirota”, ni yahuya Herodere.

33 Sa yegũ miare waha, ñamia gũhũre waha, ñamia bohrearo gũhũre waha, Jerusalẽpũ esautja. Cohãcjũ yere yahu mũhtagũre yũhũre wejẽeta masa. Cohãcjũ yere yahu mũhtariquinare

tiquina wejĕgũ Jerusalĕpu ijiro cahmene tiquinare. Sa yegũ yahũ gũhare Jerusalĕpu ijiro cahmene.

³⁴ 'Ahyou, Jerusalĕ cjãna, m̄sa Cohãcjũ yere yahu m̄htariquinare wejĕ, m̄sa cahapũ tiquiro ohoriquinare utã paca mehna doque wejĕdi m̄sa. Canaca ticoro pohnene w̄ye d̄puri mehna ticoro moha cuñano saha peye tahari m̄sare cahĩducumi. M̄sare cah-memi. M̄sa pehe yũhare ne cahmedari.

³⁵ Yojobũ m̄sa ya maca cohõri maca ijirota. Ijirota niita niaja m̄sare. Cohãcjũ mari p̄htoro tiquiro tutu-aye mehna ahtaũtja yũhũ. Yũhũ ahtagũ m̄sa yũhare "Cohãcjũ tutuaye mehna ahtariquiro quehnoahdo", ninata. Yũhare m̄sa tire niato pano pari turi yũhare ihñasi m̄sa, niahye Jesu.

14

Dohatiriquirore yũhdũoahye Jesu

¹ Ape deco saurũ ijigũ fariseo masa p̄htoa mehna cjãno ya w̄hũpũ Jesu ih-yaro wahahye. Ti w̄hũpũ ijiiyequina tiquirore ihña nũnahye.

² Sa yero omoca, ñecu gũhũ ipinohriquiro tiquiro cahapũ esahye.

³ Sa yero Jesu judio masare buheyequinare, fariseo masa gũhare sinituahye:

—¿Saurũ ijigũ dohatiriquirore yũhdũo dutiajari Cohãcjũ

yere tiquina ojoari pũpu? niahye Jesu.

⁴ Tiquiro sa ni sinituepegũta tiquina yũhtierahye. Tiquina yũhtieragũ ihñano Jesu dohatiriquirore yũhdũo, "Wahaya", niahye tiquirore.

⁵ Sa ye tuhasaro, tiquinare sinituahye tja:

—¿Ihcãquiro m̄sa mehna cjãno tiquiro macũno saurũ deco mari sori deco ijigũ aco ijiri copepũ tiquiro bora sajãgũ ne wioeraboagari, m̄sa tuhutugũ? ¿Tiquiro yaquiro wecũ gũhare ne wioeraboagari, m̄sa sa nina? Ne wioboaga tiquiro, niahye Jesu.

⁶ Tiquiro sa niepegũta tiquina tiquiro siniturire yũhti masiedahye tja.

Omoca dũhteri bose deco ijigũ pijioriquinare yahuahye Jesu

⁷ Fariseo masũno ya w̄hũpũ ijiro ti w̄hũ cjãno tiquiro pijioriquina quehnoañe dujiyere tiquina besegũ ihñahye Jesu. Sa ihña tuhasa ohõ saha ni yahuahye ijipihtiyequinare:

⁸ —Omoca dũhteri bose deco m̄sare tiquiro pijiogũ, quehnoañe dujiyere bese dujieracãhña. M̄sa yũhdũoro cua pesayequinare pijioboaga ahri w̄hũ upũro.

⁹ Tiquiro sa yegũ m̄sa quehnoañe dujiyepũ dujigũ "Ahriquina cua pesayequina pehere m̄sa dujiyere ohoya", niboaga w̄hũ upũro m̄sare. Tiquiro sa nigũ m̄sa

pehe b̄oro wahana, ñaño dujiyep̄ dujiboaga.

10 Sa yena w̄h̄u up̄ro m̄sare tiqiro pijioḡ, ñaño dujiyep̄ duji m̄htaña. M̄sa sa yeḡ w̄h̄u up̄ro m̄sare “Quehnoañe dujiye pehere dujina ahtaya”, ninota m̄sare tiqiro. M̄sa sa wahaḡ apequina tiqiro pijoriquina pehe m̄sare ño peoye mehna ihñaeta.

11 Ihcãquiro tiqiro basi “P̄htota ijiaja”, ni t̄hoturiquiro cahacj̄no ijirota. Sa yero apequiro “Cahacj̄ ijiaja”, ni, t̄hoturiquiro, apequinare ȳhd̄d̄ca d̄ueriquiro tiqiro pehe p̄htoro ijirota, niahye Jesu tiquinare.

12 Sa ni tuhasa Jesu w̄h̄u up̄rore yahuahye:

—M̄h̄u b̄ose deco dahreḡ m̄h̄u cahap̄ ijiequinare, m̄h̄u bahanare, m̄h̄u acayere, doeri c̄j̄ opanare pijioeracãhña. M̄h̄u tiquinare pijioḡ m̄h̄u ḡh̄are tiquina ḡh̄u piji cahmeeta. Sa piji cahmeñe m̄h̄u tiquina wapamonore wapa yeefa.

13 M̄h̄u b̄ose deco dahreḡ pejec̄oyequinare, tini masieñequinare, pari yuri wahayequinare, caperi bajueyequinare pijiohya.

14 M̄h̄u sa yeḡ ihñano Cohãc̄j̄ m̄h̄u quehnoano yerota. Tiquina pehe m̄h̄u tiquina wapamonore wapa ye masiedare. Sa yero quehnoañequina yariariquina tiquina masa m̄jari pje ijiḡ Cohãc̄j̄ pehe quehnoano m̄h̄u yeri wapa

m̄h̄u quehnoano yerota, niahye Jesu w̄h̄u up̄rore.

Pajiri b̄ose deco queoyere yahuahye Jesu

(Mt 22.1-10)

15 Tiquiro sa niḡ t̄horo apequiro ihyari mesa cahap̄ dujiriqiro, Jesure yahuahye:

—Cohãc̄j̄ tiqiro p̄htoro ijiorp̄ tiqiro ihyari mesa cahap̄ dujiyequina tutuaro bucueyequina ijiet̄a, niahye tiqiro Jesure.

16 Tiquiro sa niḡ Jesu ahri queoyere yahuahye tiqirore:

—Pajiri b̄ose deco dahreriquiro peyequina masare pijioahye.

17 Tiquiro pijiori bato b̄ose deco tiqiro cahacj̄nore tiqiro pijoriquinare yahu dutiro ohoahye. “Isa, ijipih̄tiyere b̄ose deco c̄j̄ ijiatire quehno tuhasari. Sa yero m̄sare pijiori”, ni, yahu dutiahye tiqiro cahacj̄nore.

18 Tiquiro cahacj̄no tiqiro sa ni yahuepeḡta, tiqiro pijionhriquina pehe “Waha masiedaja”, niahye tiquina. Tiquiro pijio m̄htanohriquiro oh̄o saha ni yahuahye tiqiro cahacj̄nore. “Mianoḡta yehpare dúu. Sa yeḡ ti yehpare ihñaḡ wahaḡ niaja. Sa yero waharo basioeraga. Ño peo c̄j̄ña m̄h̄u ȳh̄u. Ȳh̄u basioerare”, niahye tiqiro pijio m̄htanohriquiro pehe tiqiro cahacj̄nore.

19 Apequiro pehe oh̄o saha niahye: “Wec̄uare p̄ca omoca pihtieyequinare mianoḡta

dúu. Buhe tuhugũ wahau tũn niaja ti weje cãtore. Sa yegũ wecũare ‘¿Quehnoano dahrajari?’ ni ihñagũ wahagũ tũn niaja. Sa yegũ wahasi. Yũhũre basioerare”, niahye tiquiro gũhũ.

²⁰ Apequiro pehe ohõ saha niahye: “Yũhũ mianogãta omoca dũhteĩ. Sa yero bose decopũ waharo basioeraga yũhũre”, niahye tiquiro cahacjãnore.

²¹ Tiquiro sa nigũ cahacjãno pehe tojoa waha, tiquiro pũhtoropũre tiquina nidire yahu peho cãhye. Tiquiro sa ni yahugũ tiquiro pũhtoro tutuaro usua, ohõ saha niahye tiquiro cahacjãnore. “Wũhũse watoa cjẽ maharipũ wahaya. Pejescũoyequinare macarĩsa. Sa yegũ pejecũoyequinare, tini masieñequinare, caperi bajueyequinare, pari yuri wahayequinare amũñano ne cãhtaya tiquinare”, niahye pũhtoro.

²² Came cjũnogã tiquiro cahacjãno yahuahye tiquiro pũhtorore: “Pũhto, mũhũ dutiro saha yei. Yũhũ sa yepegũta apequina gũhũ esa tuhaeta”, niahye tiquiro cahacjãno.

²³ Tiquiro sa nigũ pũhtoro tiquirore dutiahye: “Ihquẽ wũhũse ijiropũ wahaya. Topũ bũjũye maharipũ, daye maharigãrũ gũhũre masare ya wũhũrũ ahta dutiya, ya wũhũrũ tiquina wahpagũ.

²⁴ Poto niita niaja mũhũre. Ahriquina yũhũ pijio

mũhtamediquina yũhũ ihyayere ne mehenogã ihyasi”, niahye pũhtoro, ni yahuahye Jesu.

Jesu mehna wahagũ mijorĩne

(Mt 10.37-38)

²⁵ Ti pjere peyequina masa Jesu mehna wahahye. Sa yero Jesu tiquinare majare ihña, yahuahye:

²⁶ —Ihcãquiro yũhũ buheriquiro iji duaro apequina yũhdũoro yũhũ pehere cahĩno cahmene. Tiquiro pacũrore, tiquiro pacorore, tiquiro namonore, tiquiro pohnene, tiquiro bahanare, tiquiro pagũ gũhũre tiquiro cahĩno yũhdũoro yũhũ pehere cahĩno cahmene.

²⁷ Ihcãquiro yũhũ buheriquiro iji duaro yeere sa yeducuriquiro ijirota. Sa yero yaquiro tiquiro ijiri buhiri ñano yũhdũeperota yũhũre ne duhusi.

²⁸ Ahrire masiyuro cahmene mũsare. Ohõ saha ijire ti: Wũhũ dahreriquiro tiquiro ahmũari wũhũre yeato pano wũhũ wapa tiatire queo mũhtare. Sa yero, ti wũhũre tiquiro pehoatire masine tiquiro.

²⁹ Wapa tiyere queoeraro ti wũhũre yero pehoeraboa. Sa ye tiquirore ihñañequina bũjũpeboa.

³⁰ “Ahriquiru ti wũhũre yero, tutuerare”, ni, bũjũpeboa.

³¹ Pũhtoro apequiro pũhtoro yeequina mehna tiquina cahmequeato pano, tiquiro yequina surarare

15

tiquiro cahme wejē du-
tiato pano, tiquiro yequina
surarare queorota. “¿Yuhū
diez mil surara mehna
apequiro veinte mil surara
c̄oriquiro mehna cahme
wejēgū tutueraboagari
yuhū?” ni, t̄hoturo queorota
tiquiro.

32 Sa queoro, tiquiro
tutueratire mašinota. Sa
masino apequiro p̄htoro
tiquiro yequina surara
mehna cahme wejēno
ahtariquiro yorop̄ tiquiro
ijigūta, tutueriquiro pehe
“Cahme wejēdacūhna”, ni
dutiho ohoboaga dahra co-
hteriquirore.

33 Sa yena yuhū buhena iji
duana, m̄sa yeatire m̄sare
masino cahmene. M̄sa ye
duaye pehere duhu duerana,
yuhū buhena iji masiedare, ni
yahuahye Jesu.

*Moa ocayere yahuahye
Jesu*

(Mt 5.13; Mr 9.50)

34 Sa yero tiquinare yahu
nemoahye:

—Moa quehnoano ocare. Ti
ocaeragū ocaye yero basioer-
are.

35 Moa ocaeraro ti moa ne
quehnoaedare. Ti moare
d̄hsero basioerare. Ti
sa ijigū ti moare cohāno
cahmene. Ne d̄hseati
ijierare ti moa. (Ti d̄hseati
ijieraro saha ijieracāhña
m̄sa. Cohācjū ye pehere
cohāedacāhña.) Ahrire
quehnoano t̄hoya m̄sa,
niahye Jesu.

*Oveja butiriquiro queoyere
yahuahye Jesu*
(Mt 18.10-14)

1 Sa ye ape deco peyequina
wapa ne cohteyequina ape-
quina “Ñañequina”, tiquina
niñequina mehna Jesure
t̄hoye ahtahye.

2 Tiquina sa yegū ihñañe
fariseo masa, judio masare
buheyequina gūhū Jesure
ihña tuhtiye, ohō saha niahye
tiquina basi:

—Ahriquiro ñañequinare
piti tire. Sa yero tiquina
mehna ihyare, ni, yahudu-
cuahye tiquina basi.

3 Tiquina sa ni yahuducugū
Jesu tiquiro t̄hotuye mehna
ohō saha ni, queoye mehna
buheahye tiquinare:

4 —¿Cien oveja c̄oriquiro
ihcāquiro oveja butigū ihñano
d̄hse yerotari tiquiro? Ohō
saha yerota. Tiquiro noventa
y nueve ovejare tiquina
ihyarirop̄ cū, butiriquirore
macano waharota. Ovejare
bocarop̄ duhurota.

5 Tiquirore bocaro bu-
cuerota. Sa yero tiquiro
butiriquirore w̄a peo,
tiquiro ya w̄h̄p̄ ne tojoaa
waharota.

6 Ne tojoa sa, tiquiro
cahap̄ ijiyequinare, tiquiro
acayere piji cahmecoanota.
“Yaquiro oveja butiriquirore
boca tuhasa. Sa yena yuhū
mehna bucueya”, ninota
tiquiro tiquinare.

7 Poto niita niaja m̄sare.
Noventa y nueve oveja peye-
quina tiquina ijiro sahata,

peyequina masa ohō saha ni tūhoture: “Ñano yeraja. Sa yegū yūhū ñañene bñjūa wītisi. Quehnoañe pehere comesasi yūhū”, ni, tūhoture peyequina masa. Tiquina sa ni tūhotugū ihñañe ūhmūse cjēna Cohācjū cahapū ijiyequina bucuere. Apequiro pehere bucuere. Butiriquiro oveja ihcāquirota butiriro sahata tiquiro upūro tiquirore bocariro sahata ihcāquiro ñariquiro tiquiro ñañene bñjūa wītīgū, quehnoañe pehere comesagū ihñañe, Cohācjū cahapū ijiyequina tutuaro bucuere, niahye Jesu.

Niñeru cjoer butiri queoyere yahuahye Jesu

8 Sa ni yahu tuhasa, queoye mehna yahu nemoahye tja:

—¿Pūa omope cjoeri niñeru cjoeri cūoricoro ihcā cjoer butīgū dūhse yerotari ticoro? Ohō saha yerota ticoro. Sihāriare sihā, wūhūre coha, quehnoano maca pehorota. Ti cjoere bocaropū duhurota.

9 Ti cjoere boca tuhasa, ticoro cahapū ijiyequinare, ticoro mehna cjēnare pijī cahmecoanota. “Niñeru cjoer yūhūre butiri cjoere boca. Sa yena yūhū mehna bucueya”, ninota ticoro.

10 Potota niita niaja mū sare. Sata ihcāquiro ñariquiro tiquiro ñañene bñjūa wītīgū quehnoañe pehere comesagū Cohācjū yequina angele pehe tutuaro bucueeta, niahye Jesu.

Tiquiro macno butiri queoyere yahuahye Jesu

11 Sa ni yahu tuhasa Jesu queoye mehna yahu nemoahye tja:

—Būcūro pohne pūaro ūmūa ijiahye.

12 Dūhsariquiro pehe ohō saha niahye tiquiro pacūrore: “Mai, mūhū yariari bato mūhū ohoatire yūhūre ohoya”, niahye tiquiro pacūrore. Tiquiro sa nigū tiquina pacūro pūaropūreta tiquiro pohnene itiahye tiquiro cūorire.

13 Meheñe decorigā bato dūhsariquiro tiquiro yere ijipihtiyere ne, yoaropū ape yehpapū wahaa wahahye. Topū esaro tūho masieniquiro yero saha ye, tiquiro niñerure, tiquiro yere ye site peho cāhye.

14 Tiquiro ye site pehori bato ti yehpapūre ne ihyaye mariedi pje iji dūcahye. Sa yero tiquiro ūjūa ahbahye.

15 Sa yero ti yehpa cjē dahrayere macahye. Tiquiro bocagū tiquiro pūhtoro yesea cohteriquiro sōahye tiquirore.

16 Sa yero tiquiro yeseare nu, tiquina ihyayere ihya duamahye. Tiquiro sa ihya duepegūta ti ihyayere to cjēna ohoerahye tiquirore.

17 Sa ye tiquiro topū wacūahye. “Yūhū pacūre dahra cohteyequina pehe bñjūye ihyayere ihyare. Tiquina ihya dūhari gūhū bñjūye dūhsare. Tiquina sa quehnoano yūhdūri watoa yūhū pehe ohōpū ijīgū, ūjūa ahbagū niaga.

18 Yojoɓure yuħu paɓu caħapu tojoagutja. Yuħu paɓu caħapu esagu ohõ saha nitja tiqurore: ‘Mai, Cohãcjüre ñano yei. Muħu gũħure ñano yei.

19 Ñagu ijiaja yuħu. Muħu macu yero saha ijibogu ijieraja yuħu. Muħure dahra cohteriquiro yero saha yeya yuħure’, niitja yuħu paɓure”, ni tãhotuahye tiquro.

20 Sa ni tãhoturota wahcãɗuca, tiquro paɓuro caħapu tojoaa wahahye. Topu tiquro esariquiro tojoa tagũ tiquro paɓuro pehe yoaroputa tiquro macunore ihñahye.

‘Tiquro sa wihigũ ihñano macunore paja ihñahye. Paja ihñano tiquro caħapu oma cã, tiqurore quẽ suhsu maa, tiquro wahsupure ihmiahye paɓuro tiquro macunore.

21 “Mai, Cohãcjüre ñano yei. Muħu gũħure ñano yei. Ñagu ijiaja yuħu. Muħu macu yero saha ijibogu ijieraja yuħu”, ni ahye tiquro paɓurore.

22 Tiquro sa nigũ tãhoro paɓuro pehe dahra cohteyequinare pijiahye. “Sojaro mehna, quehnoa yuħɗari suhtirore ne cãhtaya. Sa yena yuħu macure sãaña. Sãa tuhasa, tiquro omoca sañari behtore sãa, dahpo suhti gũħure sãaña.

23 Sãa tuhasa, dihi tiriqirogãre wecugãre wejẽña. Bose deco yeihna mari.

24 Ahriquiro yuħu macu yariariquiro yero saha wahariquiro ijire. Sa wahaerper-

ota yojoɓure catire tiquro. Tiquro butimediquirore pari turi bocaɓ. Sa yena bose deco yeihna mari”, niahye tiquro paɓuro. Tiquro sa nidi bato bose deco dahre ducahye tiquina.

25 ‘Ti pjere tiquro wahmino pehe wesepu ijiahye. Wesepu ijiriquiro cohe tojoa taro wuħu caħapu esaro, tiquina basayere tãhoahye tiquro.

26 Tãhoro, ihcãquiro dahra cohteriquirore pijio, tiqurore sinituahye tiquro: “¿Dũhse ijiro boro basaye niari?” niahye tiquro dahra cohteriquirore.

27 “Muħu baħu coheri. Tiquro quehnoariquiro, catiriquiro tiquro cohegũ muħu paɓu dihi tiriqirogãre wecugãre wejẽ dutiri”, ni yuhtiahye dahra cohteriquiro.

28 Tiquro sa ni yahugũ tiquro wahmino pehe tutuaro usuaro, wuħupu sajãedahye. Tiquro sajãedagũ ihñano tiquro paɓuro sopecahapu wijia ta, “Sajã taya”, ni, pijimahye tiquro macunore.

29 Tiquro sa pijigũ macuno yuhtiahye. “Tãhoya mai. Yoari pje muħure dahra cohteriquiro yero saha muħure yedohomi. Sa yegu muħu dutiyere ne ihcã taha yuħɗaducaeru. Yuħu muħure dahra cohtepegũta yuħure ne ohoerari muħu. Ne ihcãquiro wahiquirogãre ne ohoerari muħu yuħure yuħu piti tiyequina mehna yuħu bose deco dahreatire.

³⁰ Sa yero ahriquiroyo mahũ macũ pehe ñaÑequina numia mehna mahũ yere ye site pehoñohti. Tire ye site peho tuhasa, wãhũpũ tiquiro tojoa wihigũ dihi tiriquireogãre wecũgãre wejẽ dutiñohti mahũ tiquiro ihyatiquirore”, niahye tiquiro wahmino pehe pacũrore.

³¹ “Macũ, yũhũ mehna ijip-ihtiyey decori mahũ ijigũ ijip-ihtiyey yũhũ cũoye mahũ ye ijire.

³² Mũhũ bahũ pehe yari-ariquiroyo yero saha wahari marine. Sa ye yojopũre tiquiro catiriquiro ijire. Tiquiro butiriquiro yero saha ijiri. Tiquiro sa wahari bato yojopũre tiquirore bocaũ. Sa yero tiquiro tojoa wihigũ mari bose deco ye bucuegũ quehnoare”, niahye tiquiro macũnore, niahye Jesu tiquinare.

16

NiÑeru cohteriquiro tũho masiniquiro quitire Jesu yahuahye

¹ Sa ye ahri quitire tiquiro buheyeyquinare yahuahye Jesu:

—Doeri cję upũro ye niÑerure cohteriquiro niÑerure quehnoano tiquiro ihboeragũ ihñano apequiroyo pehe yahusãhye doeri cję upũrore. “Mahũ ye niÑerure ye sitero nine”, ni yahusãhye tiquirore.

² Tiquiro yahusã tuhasari bato niÑeru cohteriquirore pijioahye. Sa yero tiquiro

wihigũ ihñano, tiquirore pũhtoro yahuahye. “Yee niÑerure mahũ ye siterire apequiroyo yũhũre yahuri. Sa yegũ yeere cohtegũ iji nemosi mahũ. Sa yegũ yeere mahũ yerire yahu peho ojoaya. Mũhũre cohãgũ niaja”, ni-ahye pũhtoro tiquirore.

³ Tiquiro sa nidi bato ohõ saha ni tũhotuahye cohteriquiro tiquiro basi: “Yũhũ pũhtoro yũhũre cohãno taro niaga. Yũhũ tutuer-aja. Sa yegũ tutuaro dahra masiedaja. Sa yegũ ape-quinare yũhũ niÑerure sinigũ buoro yũhdũboaga yũhũ. ¿Sa yegũ dahse yeitari yũhũ?

⁴ Yojopũ pũritare yũhũ yeatire masiaja yũhũ. Ohõ saha yũhũ yegũ yũhũ dahraye mariedagũ yũhũ pũhtoro wapamoÑequina yũhũre cahĩeta. Sa ye tiquina ye wãhũsepũ sajã dutieta yũhũre”, ni tũhotuahye tiquiro.

⁵ Sa ni tũhoturo tiquiro ijipihtiyeyquina tiquiro pũhtoro wapamoÑequinare pijioahye. Pijio tuhasa, cohteahye. Wihi mahtariquirore ohõ saha ni sinituahye tiquiro. “¿Yũhũ pũhtoro noho puno wapamoajari mahũ?” niahye tiquiro.

⁶ Tiquiro sa nigũ wapamor-iquiro pehe yũhtiahye. “Cien tambores ãhsere olivo dũca mehna tiquina yeri ãhsere wapamoaja tiquirore”, ni, yũhtiahye. Tiquiro sa ni yahugũ cohteriquiro pehe ohõ saha ni yahuahye.

“Ohõpũ ijire mũhũ wapa-monore ojoa ohõri pũ. Du-jiya. Sa yegũ mũhũ wapa-monore deco mehna ne, deco mehna ojoa quehnoña”, niahye cohteriquiro wapamoriquire.

7 Sa ni tuhasa apequiro wapamoriquire sinitu-ahye tiquiro. “¿Mũhũ waro, noho puno wapamoajari?” niahye tja. “Cien ajuri trigo pjeri ajurire wapamoaja yũhũ”, niahye wapamoriquire niñerure cohteriquiro. “Ohõpũ ijire mũhũ wapamonore ojoa ohõri pũ. Mũhũ wapamonore ochenta ojoa quehnoña”, niahye cohteriquiro.

8 Tiquiro sa quehnoano ni meho mihñigũ ihñano “Ahriquiro ni mehoriquiro quehnoano masidiquiro ijiaga”, ni tũhotuahye tiquiro pũhtoro niñerure cohteriquiro. Ahri deco cjẽna, Cohãcjãre cahmeeñequina tiquina yere quehnorire tiquina niñeru ihborire Cohãcjũ yequina yũhdũoro masiaga tiquina, niahye Jesu.

9 Sa ni tuhasa Jesu yahu nemoahye:

—Sa yegũ mũsare niita niaja. Mũsa cũoyere, pe-jecũoyequinare mũsa ohogũ, tiquina pehe mũsare cahĩeta. Mũsa sa yegũ mũsa cũoye pihtiaro bato mũsa ahmũsepu esagũ mũsare cahĩeta topũre.

10 Ihyo ijiyequina ye dahrayere poto yena, pũhtoa ye dahraye gũhũre poto yenata. Ihyo ijiyequina ye dahrayere queoro yerana,

pũhtoa ye dahraye gũhũre queoro yesi mũsa.

11 Sa yena ahri yehpapũ mũsa cũoye mehna mũsa quehnoano yerana Cohãcjũ mũsare tiquiro ye buheye gũhũre quehnoano yesi mũsa. Sa yero ti buheyere cũsi tiquiro.

12 Sa yena apequiro yere mũsa quehnoano ye basaeragũ ihñano mũsa ye ijiatire ohosi mũsare.

13 Ihcãquiro Cohãcjũ pehere wacũno, tutua yũhdũaro niñeru pehere wacũedare. Niñeru pehere tutua yũhdũaro wacũno Cohãcjũ pehere wacũedare. Niñeru dihitare cahmediquiro ijiro Cohãcjãre bucuegũ yerare. Cohãcjũ gũhũre, niñeru gũhũre pũarore cahme yũhdũadũcaro basio-erare mũsare. Niñerure cahme yũhdũariquiro Cohãcjũre quehnoano ño peo masiedare, niahye Jesu.

14 Tiquiro sa nigũ tũhoye fariseo masa pehe tiquirore bũjũpeahye. Tiquina pehe niñerure cahĩahye. Sa ye bũjũpeahye.

15 Tiquina bũjũpegũ tũhoro Jesu tiquinare yahuahye:

—Masa tiquina ihñonore mũsa quehnoano yemene. Mũsa sa yegũ “Quehnoañequina, poto yeyequina ijire”, nimene masa mũsare. Cohãcjũ pehe mũsa tũhotuyere masine. Masa “Quehnoa yũhdũare”, tiquina nidire Cohãcjũ pehe sijoro saha ni tũhoture. Tire ihña yabire, niahye Jesu.

Cohãcjũ dutiyere, tiquiro pũhtoro ijyere yahuahye Jesu

16 Sa ni tuhasa ohõ saha ni nemoahye Jesu:

—Ñu wame yeriquiro tiquiro ijiato pano Moiserere tiquiro cūri dutiye mehna Cohãcjũ marine dutiri. Cohãcjũ yere yahu mũhtariquina tiquina ojoari mehna gãhũ marine dutiri. Yojopũ pehere Ñu tiquiro buhe dũcari bato quehnoañe buheyere, Cohãcjũ tiquiro pũhtoro ijiye gãhũre masi dũcare masa. Sa masiñe masa tiquina esa tuharo tiquina tutuaye mehna Cohãcjũ tiquiro pũhtoro ijire sajà duamene.

17 Moiserere tiquiro cūri dutiyepũ Cohãcjũ nidiro sahata ye pehorota tiquiro. Ʋhmũse gãhũ ahri yehpa gãhũ pihtia wahaepegũta Cohãcjũ nidiro sahata ye pehorota, niahye Jesu.

Namonore cohãñene yahuahye Jesu

(Mt 19.1-12; Mr 10.1-12)

18 Sa ni tuhasa ohõ saha ni nemoahye Jesu:

—Masũno tiquiro namonore cohãno, apecoro mehna omoca dũhtero, ticoro mehna ñano yero nine. Apequiro tiquiro cohãricoro mehna omoca dũhtero, tiquiro gãhũ ticoro mehna ñano yero nine, niahye Jesu.

Doeri cjẽ upũro, pejecũoriquiro queoyere yahuahye Jesu

19 Sa ye queoye mehna yahuahye Jesu:

—Ti pjepũre doeri cjẽ upũro ijie tiahye. Tiquiro suhti pehe wapa bũjũ yũhdũahye. Sa yero decoripe quehnoañe dihitare ihyaro, peye cũoahye tiquiro.

20 Sa yero ti pjere apequiro pejecũoriquiro, Lázaro wame tiriquire ijie tiahye. Tiquiro pagũ peye cami tiriquire ijiyahye. Sa ye apequina pehe tiquirore doeri cjẽ upũro ya wũhũ cjã sahrĩno cahapũ ne sae tiahye.

21 Sa yero pejecũoriquiro pehe doeri cjẽ upũro tiquiro ihyari mesa docapũ yehrapũ dujiro tiquiro ihya site dijioyere ihya timahye. “Tiquiro ihya site dijiorire ihyagũ yapiguta yũhũ”, ni, tũhotue timahye tiquiro. Sa ye diayea tiquiro camine nehneñe ahtae tiahye.

22 'Sa yero pejecũoriquiro tiquiro yariaa wahagũ, Abrahã cahapũ paraíso wame tiropũ angele tiquirore ne mũjahye. Sa yero doeri cjẽ upũro gãhũ tiquiro batogãta yariaa wahahye. Tiquiro yariagũ tiquirore yahye.

23 Sa yero doeri cjẽ upũrore tutuaro peca mũjũahye. Sa yero pecapũ ijiro Ʋhmũsepũ ijiriquirore Abrahãre ihñahye. Lázaro gãhũre ihñahye.

24 Ihña tuhasa, tiquiro Abrahãre pisuahye. “Yũhũ acayũ Abrahã, raja ihñaña yũhũre. Pecapũ yũhũ ñano yũhdũgũ niaja. Yũhũ sa wahagũ Lázaro yũhũre ohoya. Sa yero acore tiquiro omo piriapũ soha, yũhũ ñehmenore

aco mehna nehono ahtaahro. Tire yusnoahro tiqiro”, niahye doeri cjē upuro.

²⁵ Tiquiro sa nigū Abrahā tiqirore yahuahye: “Yuhū acayū, catigūm mūhū ijipihiyere quehnoañene cūori. Lázaro pehe decoripe ñano yūhdūri. Yojorū pehere mūhū ñano yūhdūgū tiqiro pehe ohōpūre bucueye mehna ijiro nine.

²⁶ Sa ye mari watoa uhcūāri cope ijire. Sa ye ohōre ijiequina topūre waha masiedare. Sa ye topū ijiequina ohōpūre ahta duayequina ahta masiedare”, niahye Abrahā doeri cjē upurore.

²⁷ Tiquiro sa nigū doeri cjē upuro ohō saha ni nemoahye: “Yuhū acayū, tutuaro siniaja mūhūre. Lázaro yehū pacū ya wūhūpū ohoya.

²⁸ Yuhū ihcā omopequina bahana tii. Lázaro tiquinare yahuahro. Tiquina ohōre ñano yūhdūropūre ahtaeracāhdo”, niahye tiqiro.

²⁹ Sa nigū Abrahā pehe yūhtiahye: “Cohācjū dutiyere Moise marine cūrire, Cohācjū yere yahu mūhtariquina tiquina ojoarire cūore mūhū bahana. Sa ye mūhū bahana tireta tūhoahro”, niahye Abrahā.

³⁰ Tiquiro sa nigū doeri cjē upuro pehe yūhtiahye: “Yuhū acayū Abrahā, tire cūoepeta quehnoano tūhosi. Lázaro yariariquiro masa bajua, tiquina cahapū esagū ihñāñe tiquina pehe ñāñene bñjūa witi, quehnoañe pe-

here comesaeta. Sa ye quehnoañene yeeta yuhū bahana pehe”, niahye doeri cjē upuro mūnano.

³¹ Tiquiro sa nigū Abrahā pehe yahuahye: “Mūhū bahana Moise cūri pū tiqiro yahuyere, Cohācjū yere yahu mūhtariquina mūna tiquina yahuyere tūho dueyequina ijire. Sa ye Lázaro yariariquiro mūnano masa bājuepegūta tiquina Cohācjūre tūho duasi”, niahye Abrahā, ni, yahuahye Jesu.

17

*Ñañene yegū cuarīne
(Mt 18.6-7, 21-22; Mr 9.42)*

¹ Sa ye Jesu yahuahye tiqiro buheyequinare:

—Masare ñāñe yegū yeye peye ijire. Sa yeye masa ñāñene yere. Ti sa ijiepegūta masūnore ñāñene yegū yeriquiro pehe ña yūhdūaro yūhdūrota.

² Masūnore tiqiro wamūpū pajiria utāre dūhte yo, pajiri mapū tiqirore cohāgū ñano wahaobaaga tiqiro. Apequiro pehe ahriquinagā mehna cjūnogāre ñāñene yegū yero pajiri mapū tiquina cohāriquiro yūhdūoro ñano yūhdūrota. Tiquirore tutuaro buhiri dahrero cahmene.

³ Quehnoano yeya mūsa. Mūsa acayūro ñano tiqiro yegū ihñāna “Yeracāhña”, niña tiqirore. Sa yena tiqiro ñāñene bñjūa witi, quehnoañene comesagū mūsa pehe tiqiro ñāñe yeyere boya.

4 Sa yero m_{usa} acayaro ihcã decota siete tahari m_{usare} ñano tiquiro yegũ m_{usare} tiquiro bo dutigũ boya. “Pari turi mahare ñano yesi”, siete tahari tiquiro nigũ tope taharita tiquiro ñano yerire boya, niahye Jesu.

Cohãcjäre wacũ tutuayere yahuahye Jesu

5 Sa ye Jesu buheyequina tiquirore ohõ saha niahye:

—Cohãcjäre _{usãre} quehnoano wacũ tutua nemogũ yeya, niahye tiquina Jesure.

6 Tiquina sa nigũ Jesu yuhtiahye:

—Mostaza capegã meheni pjegã ijire. Ti yero saha Cohãcjäre mehenogã wacũ tutuana, ohõ saha wahagũ ye masinata m_{usa}: Ahd_u yuc_ug_ure ohõ saha ni masine: “M_uh_u yuc_ug_u m_uh_u basi duhtu cã, pajiri map_u bora ñojoañã”, ni masine m_{usa}. M_{usa} sa nigũ t_u yuc_ug_u pehe m_{usa} dutiro sahata waharota, niahye Jesu.

Dahra cohteriquiro tiquiro dahrayere yahuahye Jesu

7 Came ahri quitire yahuahye Jesu:

—M_{usare} dahra cohteriquiro ijiro wesep_u tanare. Sa yero ovejare ihña ihbore. ¿Dahra cohteriquiro tiquiro tojoa wihigũ dahse niboagari m_{usa} tiquirore? ¿“Sojaro mehna ahtaya. M_uh_u ihyaye ohõp_u ijire”, niboagari m_{usa}?

8 Sa niedare m_{usa}. Tiquirore ohõ saha nine m_{usa}: “Y_uh_u ihyayere doha

quehnoña. Sa yeg_u y_uh_u ihya sih_{nigũ} y_uh_ure cohteya. Y_uh_u bato m_uh_u g_uh_u ihya sih_niña”, nine m_{usa} dahra cohteriquirore.

9 Dahra cohteriquiro m_{usa} dutiyere tiquiro yegũ tiquirore “Quehnoare”, niedare m_{usa}. Tiquiro dahraye dihitare yero niaga tiquiro.

10 M_{usa} g_uh_u tiquiro yero saha ijire. Cohãcjũ dutiriro sahata ye pehona ohõ saha ni, t_uh_ut_uya m_{usa}. “U_{sã} g_uh_u dahra cohtena dihita ijiaja. Ihyo ijina ijiaja _{usã}. U_{sã} dahraye dihitare yei _{usã}”, ni, t_uh_ut_uya m_{usa}, niahye Jesu tiquiro buheyequinare.

P_ua omopequina cami b_ucu m_una wihare y_uh_ud_uoahye Jesu

11 Ape deco Jerusalẽp_u Jesu waharo niahye. Top_u waharo Samaria yehpa, Galilea yehpa, ti p_ua yehpa watoa y_uh_ud_u cãhye.

12-13 Ape macap_u wahari mahap_u tiquiro tinigũ p_ua omopequina cami b_ucu m_una wiha pehe tiquirore piti cahye. Sa ye yoa cjũnop_u ducuye pisuahye:

—Jesu, p_uhto, _{usãre} paja ihñaña, niahye tiquina.

14 Sa nigũ tiquinare ihña, yahuahye Jesu:

—Pahire m_{usa} pagurire quehnoañe pagur_i m_{usa} waharire ihñaona wahaya, niahye tiquinare.

Sa nidi bato tiquina wahari watoa quehnoa wahahye.

15 Sa yero ihcãquiro tiquina mehna cjũno quehnoano

tiquiro pagu wahagũ ihñano, Jesu cahapu majare tojoa tahye. Sa tojoa taro tutuaro mehna Cohãcjũre ño peohaye. “Cohãcjũ tutu-
ariquiro, quehnoariquiro ijire”, ni, ño peohaye tiquiro.

16 Sa nino tiquiro Jesu dahpocãri caha dusepe curi mehna quehe sa, “Quehnoare”, niahye tiquiro. Samaria cjẽno ijiahye.

17 Tiquiro sa yeri bato Jesu ohõ saha ni sinituahye:

—Pua omopequina ijiri masa quehnoa wahariquina. ¿Apequina nueve dũhsayequina pehe nohopu ijiagari tiquina?

18 Ahriquiri ape yehpa cjẽno dihita Cohãcjũre “Quehnoare”, nino taro tojoa tari. ¿Dũhse ijiro boro apequina ahtaerajari? niahye Jesu.

19 Sa ni tuhasa Jesu yahuahye dusepe curi mehna quehe sariquiri.

—Wahcãducaya. Wahaya. Mũhu Cohãcjũre wacũ tutuagu, yũhdũre mũhu, niahye Jesu tiquirore.

Cohãcjũ tiquiro pũhtoro ijire yahuahye Jesu

(Mt 24.23-28, 36-41)

20 Ti pjere meheñequinagã fariseo masa Jesure sinituahye:

—¿Dũhse ijigũ Cohãcjũ pũhtoro iji dũcarotari? niahye tiquina.

Tiquina sa nigũ Jesu yũhtiahye:

—Cohãcjũ tiquiro pũhtoro iji dũcagũ masa ihña masiedare.

21 “Cohãcjũ pũhtoro ijire ohõru ijire”, ni masiedare. “Sohõru ijire”, ni masiedare. Cohãcjũ tiquiro pũhtoro ijire masa tiquina tũhotuyepu ijire, niahye Jesu fariseo masare.

22 Sa ni tuhasa Jesu tiquiro buheyequinare ohõ saha ni yahuahye:

—Came yũhu masu Cohãcjũ ohorigu ahri yehpau yũhu tojoa tatire tutuaro cahmenata masa. Mehenogã yũhure ihña duepenata yũhure ihñasi masa. Masa yũhure sa ihña duepegũta ti pjere ahtasi yũhu.

23 Apequina masare ohõ saha nieta. “Tiquirore ihñaña. Cristo ijire. Ahriquiri ihñaña. Cristo ijire”, nieta masare. Tiquina sa niepegũta tiquinare tũhoeracãhña.

24 Upo miadoqueoro wacũeno mehna ti mia sitedoqueoro sahata yũhu gũhu masu Cohãcjũ ohorigu wacũeno mehna tojoa tautja.

25 Ahrire yũhu yeato pano yũhu tutuaro ñano yũhdũta. Sa ye yojopu cjẽna yũhure cahmesi.

26 Noé tiquiro ijiri pje cjẽna tiquina ijiriro sahata yũhu masu Cohãcjũ ohorigu yũhu tojoa tagũ sata ijieta masa.

27 Noé tiquiro ijiri pjere ijipihtiyequina masa sa ihyaducue tiahye. Sa ye sihniducue tiahye. Umuã, numia mehna omoca dũhtee tiahye. Noé pajiria yucũsapu tiquiro sajãto pano Cohãcjũ tiquinare tiquiro mioato pano ti ijipi-

htiyere masa yeducue tiahye. Sata ijirota yuhū tojoa tagū gūhure.

²⁸ Lote tiquiro ijiri pje cĵēna tiquina ijiriro sahata yuhū tojoa tagū ijieta masa. Lote tiquiro ijie tiri pjere masa ihya, sihni, dú, dua, weserire ote, wuhuse yeahye.

²⁹ Tiquina sa yeri watoa Sodoma wame tiri macapū ijiriquiro Lote tiquiro wahari deco uhmuse cĵā peca, peca asiye paca utā pjeri gūhū acoro ahtaro saha tiquina bui bora pje, tiquinare wejē pehoe tiahye.

³⁰ Yuhū masū Cohācjū ohorigū wacūeno mehna yuhū tojoa tagū tiquina yero sahata yeyequina ijieta masa ti pjere.

³¹ 'Ti pjere ihcāquiro tiquiro ya wuhū bui cĵā paapū quehnoari paapū ijiriquiro wuhū puhiapū tiquiro ye ijigū tire neno wahaeracāhdo tiquiro sojaro mehna wahato saha. Sa yero wesepū ijiriquiro gūhū ti pjere tiquiro ya wuhūpū piheracāhdo tiquiro sojaro mehna wahato saha.

³² Lote namono ticoro waharire wacūña mūsa.

³³ Masano yuhūre wacūno marieno tiquiro esa tuharo tiquiro cahmeno saha yero, pecapū waharota. Sa yero yeere sa yeducuriquiro ijipihtiye decori yuhū mehna uhmūsepeū ijirota.

³⁴ 'Ti űamine pūaro ihcā cuñanopū carĵnequinare ihcāquiro yuhūre cahmeniquirore neitja. Sa yero

yuhūre cahmedariquiro topū tojoarota.

³⁵ Ti pjere pūaro numia ihcānopū tiquina trigore tu matoñe numiare ihcācoro yuhūre cahmenicorore neitja. Sa yero yuhūre cahmedaricoro topūta tojoarota.

³⁶ [Sa ye wesepū pūaro dahrayequina tiquina ijigū ihcāquirota neitja. Ihcāquiro topū tojoarota,] niahye Jesu.

³⁷ Sa nigū tiquiro buheyequina pehe sinituahye tiquirore.

—¿Nohopū sa waharotari? ni sinituahye tiquina.

Tiquina sa nigū Jesu yuhtiahye:

—Masa tiquina űano yeducuriropū, topū Cohācjū buhiri dahrerota tiquinare, niahye Jesu.

18

Wape wihoro ticoro buhiri dahre dutiye queoyere yahuahye Jesu

¹ Sa ye Jesu tiquinare Cohācjūre siniñene yahuro ohō saha niahye:

—Mūsa Cohācjūre sinina, cohteya tiquiro yuhtiatire. Yoari pje cohtepenata bujūa witieracāhña. Tiquirore sinina duhueracāhña, niahye Jesu.

² Tiquiro sa nidire buhero taro ahri queoye mehna yahuahye tiquinare:

—Ape macapū tiquina buhiri dahre dutiriquiro ijiahye. Tiquiro Cohācjūre űo peerahye. Sa yero masa gūhūre űo peerahye.

³ Sa yero wape wihoro gũhu topu ijiahye. Ticoro tiquiro cahapu sa majareno ohõ saha niahye: “Yũhure ihña tuhtiriquirore buhiri dahre dutiya mũhu. Yũhure ni cahmota basaya”, ni siniducua hye ticoro tiquirore.

⁴ Ticoro sa nigũ peye tahari tiquiro “Yesi yũhu”, nimahye ticorore. Tiquiro sa niepegũta ticoro peye tahari sa siniducuro tiquirore ni cariboro ye cãmahye. Ticoro caribogũ, ohõ saha niahye tiquiro basi. “Yũhu Cohãcjũre, masa gũhure ño peeraja.

⁵ Yũhu sa ño peogũ yũhu ijiepegũta ahricoro pehe yũhure caribo ye cãmaga. Yũhure sa cariboro yũhure caributigũ yerota ticoro. Sa ni yahusãducugũ ticorore ihña tuhtiriquirore buhiri dahre dutiitja”, niahye buhiri dahre dutiriquiro, niahye Jesu.

⁶ Sa nino Jesu tiquinare yahu nemoahye:

—Sa niahye ñariquiro buhiri dahre dutiriquiro. Tiquiro nidire wacũña mũsa.

⁷ Tiquiro yũhdũoro Cohãcjũ pehe tiquiro yequina tiquiro beseriquinare ñamipũ, decopũ tiquirore sinidiquinare yũhtiro, yedohorota.

⁸ Mũsare niita niaja. Cohãcjũre tiquina sinidiro sahata duita tiquinare yedohorota. ¿Tiquiro sa yũhtiriquiro ijiepegũta yũhu masũ Cohãcjũ ohorigũ ahri yehrapũ tojoa tagũ Cohãcjũre wacũ tutuayequinare bocaboagari yũhu? niahye Jesu.

Puaro masa Cohãcjũre tiquina siniñe quitire yahuahye Jesu

⁹ Sa ye apeye quti mehna ohõ saha ni yahuahye Jesu: “Ûsã pehe quehnoana ijiaja. Apequina pehe ñano yeyequina ijire”, ni, tuhotuyequinare ahri quitire yahuahye:

¹⁰ —Cohãcjũ ya wũhũpu puaro mũha Cohãcjũre siniñe wahahye. Ihcãquiro fariseo masũno ijiahye. Apequiro wapa ne cohteriquiro ijiahye.

¹¹ Sa yero fariseo masũno pehe ducu, ohõ saha ni yahuahye Cohãcjũre: “Yũhu yaquerigũ, ñañene yerigũ, numia mehna ñano yerigũ ijieraja. Apequina yero saha ijieraja. Ahricoro wapa ne cohteriquiro yero saha ñagũ ijieraja. Sa yegũ mũhure ‘Quehnoare’, niaja Cohãcjũ.

¹² Yũhu semanaripe puã decore mũhu yere yegũ sijiaja. Sa yegũ puã omope cjoeri niñeru cjoerire wapatagũ ihcã cjoere mũhure ohoaja”, niahye fariseo masũno Cohãcjũre.

¹³ Sa yero wapa ne cohteriquiro pehe yoaropũ muhri yo ducu, tiquiro ñañene bũjũa witi, mũmũsepũre ihñedahye. Tiquiro ñañene bũjũa wiritiquiro ijiro tiquiro cutirore quẽ ohõ, siniahye Cohãcjũre: “Cohãcjũ, yũhu ñagũ ijiaja. Sa yegũ mũhu paja ihñaña yũhure”, niahye tiquiro Cohãcjũre.

14 Musare niita niaja. Ahriquiro wapa ne cohteriquiro pehere tiquiro ya wahuꝑu tojoagũ Cohãcjũ pehe “Mũhũ ñañene cohã tuhasaũ”, niahye tiquirore. Apequiro fariseo masunore “Mũhũ ñañene cohãũ”, niedahye Cohãcjũ. “Yũhũ quehnoagũ ijiaja”, nidiquiro Cohãcjũ ihñagũ ñariquiro ijire. “Yũhũ ñagũ ijiaja. Sa yegũ yee ñañene bujua witiaja”, nidiquirore Cohãcjũ quehnoariquiro ijigũ yerota tiquirore, niahye Jesu.

Macanagãre tiquina ye ijiatire Cohãcjũre sini basahye Jesu

(Mt 19.13-15; Mr 10.13-16)

15 Sa ye masa tiquina pohnene macanagãre Jesure ña peo dutiye tehe, tiquiro cahapũ ne wihiahye. Tiquina sa yegũ ihñañe Jesu buheyequina tiquinagãre ne wihiyequinare tuhtiahye.

16 Tiquina sa tuhtigũ ihñano Jesu macanagãre pijioahye tiquiro cahapũ. Pijio tuhasa ohõ saha niahye tiquiro buheyequinare:

—Macanagã yũhũ cahapũ ahtaahro. “Waharĩsa”, niedacãhña tiquinagãre. Tiquinagã Cohãcjũre tiquina pũhtoro tuhoture. Sa ye Cohãcjũ pũhtoro ijiropure ahriquinagã yero sahata tuhotuyequina ijire topure.

17 Potota niita niaja musare. Ahriquinagã Cohãcjũre tiquina cahmeno saha musa pehe cahmedana, tiquiro cahapũ wahasi musa.

Musa wahaeragũ musa pũhtoro ijisi tiquiro, niahye Jesu.

Doeri cjẽ upũro Jesure sinituahye

(Mt 19.16-30; Mr 10.17-31)

18 Tiquiro sa nidi bato judio masa pũhtoa mehna cjũno Jesure sinituahye:

—¿Ne, quehnoagũ, buhegũ, ijipihtiye decori Cohãcjũ mehna iji duagũ, dũhse yeboagari yũhũ? niahye tiquiro.

19 Tiquiro sa nigũ Jesu yũhtiahye:

—¿Dũhse ijiro boro yũhũre “Quehnoagũ”, ni pisuajari mũhũ? Cohãcjũ dihita quehnoariquiro ijire.

20 Ahri Cohãcjũ dutiyere masine mũhũ. “Wũana tieracãhña. Masare wejẽdacãhña. Yaqueracãhña. Ni mehoedacãhña. Musa pacusumũare ño peoya”, ni, sa ye dutire Cohãcjũ. Sa yegũ tire yeya mũhũ, niahye Jesu.

21 Tiquiro sa nigũ Jesure yũhtiahye:

—Tire ijipihtiyere yũhũ coã wahmũa cãhtagũ ijigũpũta yũhdũdũcaerahti, niahye tiquiro.

22 Tiquiro sa nigũ tuhororo, Jesu tiquirore ohõ saha ni yahuahye:

—Mehenogã dũhsare mũhũre mũhũ ye pehoati. Ijipihtiyere mũhũ yere duagũ wahaya. Sa yegũ ijipihtiye mũhũ wapatarĩ niñerure pejecũoyequinare ohoya. Mũhũ sa yegũ peye mũhũ ye uhmũseꝑũ, Cohãcjũ cahapũ ijirota. Sa ye tuhasagũ yũhũ

mehna cǰū ijiacǰu ahtaya, niahye Jesu tiquirore.

23 Tiquiro sa nigū tuhoro tiquirō pehe peye doeri cǰē cǰoriquirō ijiro tire pe-jecǰoyequinare oho dueraro, tutuaro buǰua witi, wahaa wahahye.

24 Tiquiro sa buǰua witiǰū ihñano Jesu ohō saha ni yahuahye apequinare:

—Doeri cǰē opana Cohācǰū tiquirō puhtoro ijiropure tiquinare waharo basioera cǰūre.

25 Camello pehe awia coperu tiquirō sajā duagū basioerare tiquirōre. Tiquiro sa ijiro yuhduoro doeri cǰē upuro Cohācǰūre cahmedaro, Cohācǰū tiquirō puhtoro ijiropure waharo basioerare, niahye Jesu.

26 Tiquiro sa nigū tiquirōre tuhoyequina ohō saha niahye:

—Aa, duhse tiquirō nino saha poto ijigū, ne ihcāquiro masuno Cohācǰū cahapu waha masiedaboaga, niahye tiquina basi.

27 Tiquina sa nigū Jesu yuhtiahye:

—Masa tiquina esa tuharo quehnoano yeri mehna Cohācǰū cahapu waha masiedare. Cohācǰū pehe masare pecapu waha-boriquinare yuhduo masine. Tiquiro ijipihtiyere quehnoano ye masi peho cāre, niahye Jesu tiquinare.

28 Tiquiro sa nigū Pedro tiquirōre ohō saha niahye:

—Tuhoriña. Usā pehe ijipihtiyē usā yere cū cāu māhu mehna wahana, niahye tiquirō Jesure.

29 Tiquiro sa nigū Jesu ohō saha niahye:

—Potota musare niita niaja. Musa Cohācǰū yere yena tana musa wuhusere, musa pacusumhare, musa bahanare, musa namosānumiare, musa pohnare cūrīna ijina pajiro wapatanata musa yojopure.

30 Musa cūrī yuhduoro wapatanata. Sa yena musa yariari bato ijipihtiyē decori Cohācǰū mehna ijinata musa, niahye Jesu tiquinare.

Pari turi Jesu tiquirō yaria masa wijiatiye yahuahye

(Mt 20.17-19; Mr 10.32-34)

31 Sa ye Jesu doce tiquirō buheyequinare neahye. Sa neano tiquinare yahuahye:

—Tuhoya yuhare. Yojopure mari Jerusalēpu wahana niaja. Topu yuhare masure Cohācǰū ohorigure Cohācǰū yere yahu māhtariquina panopu tiquina yahuriro sahata sa yeeta yuhare.

32 Topu masa yuhare ñeheñe, judio masa ijieyequinare ohoeta yuhare. Yuhare tiquina ohori bato tiquina yuhare buǰupe, ñano ni, yuhare sihco puti ohōeta.

33 Sa ye yuta dari mehna tana tuhasa wejēeta yuhare. Sa yegu ihtia deco wahaboro masa wijiaguta yuhu, niahye Jesu tiquinare.

34 Tiquiro sa ni yahurire quehnoano masiedahye

tiquiro buheyequina.
Cohãcjũ tire tiquinare
quehnoano masigũ yerani-
ahye.

*Caperi bajueriquirore
ihñagũ yeahye Jesu*

(Mt 20.29-34; Mr 10.46-52)

35 Sa ye Jesu gũhũ Jericó
wame tiri maca cahagãpũ
esahye. Topũ caperi ba-
jueriquiro maha dũhtũ caha
duji, niñeru sinino niahye.

36 Sa yero masa peyequina
tiquiro caha yũhdũagũ tũhoro
sinituahye tiquinare:

—¿Dũhse ijiro boro masa
peyequina yũhdũajari? ni
sinituahye tiquiro.

37 —Jesu Nazare cjãno wa-
haro nine, ni, yahuahye ape-
quina tiquirore.

38 Tiquina sa ni yahugũ
tũhoro tiquiro sañuducuahye:

—Jesu, Davi mũnano
panami iji turiagũ, masare
yũhdũoacjũ, yũhũre paja
ihñaña, ni sañuducuahye
Jesure.

39 Tiquiro sa nigũ tiquiro
caha ihñaducuyequina pehe,
“Dihta mariahña”, ni tuhti-
ahye tiquirore. Tiquina sa ni
tuhtiepegũta to pano tiquiro
sañuducuriro yũhdũoro
sañuducu nemoahye tja:

—Davi mũnano panami iji
turiagũ, masare yũhdũoacjũ,
yũhũre paja ihñaña, ni
sañuducuahye tiquiro.

40 Tiquiro sa ni sañuducugũ
tũhoro, Jesu pehe esadũca,
“Pijioya tiquirore”, niahye.
Tiquiro sa nigũ tiquina pehe
caperi bajueriquirore piji
cãhye. Tiquina sa piji cãgũ

Jesu cahapũ esagũ Jesu pehe
tiquirore sinituahye:

41 —¿Dũhse yũhũ yegũ cah-
meajari mũhũ? niahye Jesu.

—Yũhũ pũhto, yũhũre
ihñagũ yeya, ni yũhtiahye
caperi bajueriquiro.

42 —Ihñaña. Yũhũre wacũ
tutuagũ, quehnoa wahare
mũhũ, niahye Jesu tiquirore.

43 Tiquiro sa nigũta ca-
peru bajueriquiro ihñaa wa-
hahye. Sa quehnoa waharo,
tiquiro Jesu mehna wa-
hahye. “Cohãcjũ tutuariquiro
ijire”, niahye tiquiro. Sa
ye masa peyequina caperi
bajueriquiro ihñagũ ihñañe
“Cohãcjũ quehnoariquiro,
tutuariquiro ijire”, niahye
tiquina gũhũ.

19

Zaqueo Jesure piti cahye

1 Sa ye Jesu Jericópũ esa, ti
macapũ yũhdũ cãno taro ni-
ahye.

2 Doeri cjẽ upũro Zaqueo
wame tiriquiro wapa ne co-
hteyequina pũhtoro topũ iji-
ahye.

3 Sa yero tiquiro Jesure
“¿Diquiro boro ijiagari?” ni
ihña masino taro Jesure ihña
duamahye. Sa tiquiro ihña
duepegũta uhmũediquirogã
ijigũ masa peyequina
tiquirogãre cahmotahye.

4 Sa yero tiquiro masare
oma yũhdũ cã, sicómoro
wame tidũ yucũgũpũ mũjahye
Jesure ihñano taro. Came
cjũnogã tũ cahapũ Jesu
yũhdũaro taro niahye. Sa

yero Zaqueo t̄p̄ cohtero niahye.

5 Tiquiro sa cohte pesari watoa Jesu pehe t̄ dahpo-top̄ esad̄ca, Zaqueore ih̄na m̄ho, tiquirore pisuahye:

—Zaqueo yojop̄re m̄h̄ya ya w̄h̄p̄ tojoagt̄ja. Sa yeḡ sojaro mehna dijia taya, niahye Jesu.

6 Tiquiro sa niḡ Zaqueo pehe sojaro mehna dijia ta, tutuaro bucueye mehna tiquiro ya w̄h̄p̄ waha dutiahye Jesure.

7 Tiquiro sa piti caḡ ih̄ñañe, ijipihtiequina masa tiquina basi oh̄ saha ni yahuducuahye:

—Ahriquiro Jesu ñariquiro ya w̄h̄p̄ tinino waha duare, ni, yahuducuahye ijipihtiequina tiquina basi.

8 Zaqueo pehe piti ca tuhasa top̄ ducuro, Jesure yahuahye:

—P̄hto, t̄hoya ȳh̄re. Ijipihtie yeere deco mehna pejec̄oyequinare ohoutja. Sa yeḡ ȳh̄ apequiore cien niñeru cjoerire ni meho ehmariḡ ijiḡ, cuatro cientos niñeru cjoerire wapa ye bui peoutja tiquirore, niahye Zaqueo Jesure.

9 Tiquiro sa niḡ Jesu pehe yahuahye tiquirore:

—Miare m̄h̄re m̄h̄ya ya w̄h̄p̄ ijiequina ḡh̄re pecap̄ wahaboriquinare Coh̄c̄j̄ ȳhd̄o tuhasare. M̄h̄ ḡh̄ Abrah̄a m̄n̄ano acaȳ ijire.

10 Ȳh̄ mas̄ Coh̄c̄j̄ ohoriḡ pecap̄ waha boriquinare macaḡ ahtaḡ nii. Top̄ wahaboriquinare quehnoano ȳhd̄oḡ ahtaḡ nii, niahye Jesu Zaqueore.

Niñeru cjoeri uru cjoeri quitire yahuahye Jesu (Mt 25.14-30)

11 Sa ye tiquirore t̄hoyequinare Jesu apeye queoye mehna yahuahye. Mehenoḡ d̄hsahye Jerusal̄p̄ tiquiro esato. Sa ye tiquirore t̄hoyequina oh̄ saha ni t̄hotuahye: “Coh̄c̄j̄ p̄htoro yojop̄re iji d̄caro taro nine”, ni, t̄hotuahye tiquina.

12 Tiquina sa ni t̄hotuḡ Jesu yahuahye tiquinare:

—Ihc̄aquirop̄ p̄htoro mac̄no p̄htoro saj̄tiquiro yoarop̄ ape yehp̄p̄ waha taro niahye. Top̄re esaḡ ih̄ñano tiquina tiquirore p̄htoro s̄ñe tee niahye. Came tiquiro ya w̄h̄p̄ tojoa wihiro taro niahye.

13 Coã warore tiquiro wahato panore p̄htoro p̄a omopequina dahra cohteyequinare pijioahye. Sa pijioro, tiquiro tiquinare tiquinape cjoeri niñeru cjoeri wapa buj̄ye cjoeri uru cjoerire ohoahye. Oho tuhasa, yahuahye tiquinare: “Ȳh̄ mariedaḡ ahri niñeru mehna m̄sa wapata nemoatire macañ̄a”, niahye tiquiro dahra cohteyequinare.

14 Sa ye tiquiro ya maca cjēnata tiquirore cahmedahye. Sa cahmedaye, apequinare tiquirore p̄h̄torore yahu dutiye ohoahye. “M̄h̄h̄ ḥsã p̄h̄to ijigũ cahmedaja ḥsã”, niahye tiquina yahu dutiriquina pehe.

15 Sa tiquina cahmedapegũta came tiquina p̄h̄toro sajãh̄ye tiquiro. P̄h̄toro sajã tuhasa tiquiro ya w̄h̄h̄p̄h̄ tojoa tahye.

‘Sa tojoa wihiro dahra cohteyequinare tiquiro ye niñeru mehna tiquina wapata nemorire masino taro, tiquinare pijioahye.

16 Tiquiro pijiori bato, wihi m̄h̄tariquiro tiquirore yahuahye: “P̄h̄to, m̄h̄h̄ niñeru cjoe, ȳh̄h̄re m̄h̄h̄ ohori cjoe mehna p̄h̄a omope cjoeri wapata nemou ȳh̄h̄”, niahye dahra cohteriquiro p̄h̄torore.

17 “Quehnoano yeaya m̄h̄h̄. M̄h̄h̄ quehnoagu dahra cohtegũ ijire. M̄h̄h̄ mehenogã mehna ȳh̄h̄ dutiriro sahata ye pehogũ ijigũ yojop̄h̄ p̄h̄a omope macari cjēna tiquina p̄h̄to ijiacj̄h̄ wahagũta m̄h̄h̄”, niahye p̄h̄toro dahra cohteriquirore.

18 Tiquiro bato wihiriquiro tiquiro mehna cjũno ohõ saha niahye: “P̄h̄to, m̄h̄h̄ ya cjoe niñeru cjoe ȳh̄h̄re m̄h̄h̄ ohori cjoe mehna ihcã omope cjoeri wapata nemou ȳh̄h̄ gũh̄”, ni yahuahye tiquiro p̄h̄torore.

19 “Ihcã omope macari cjēna p̄h̄to ijiacj̄h̄ wahagũta m̄h̄h̄”, niahye p̄h̄toro tiquirore.

20 Tiquiro sa nidi bato apequiro dahra cohteriquiro wihi, yahuahye: “P̄h̄to, m̄h̄h̄ niñeru cjoe ohõ ijire. Suhtiro cahsero mehna coma, ti cjoere ihbou.

21 M̄h̄h̄ tutuaro dahra dutigũ ijire. Sa tutuaro dahra dutigũ ijigũ m̄h̄h̄ basi oterapegũta ti d̄ucare nene m̄h̄h̄. Sa yegũ m̄h̄h̄re cue nii”, niahye tiquiro p̄h̄torore “Ti cjoe mehna wapataerũ ȳh̄h̄”, ni yahuro.

22 Tiquiro sa nigũ tiquiro p̄h̄toro ohõ saha niahye: “M̄h̄h̄ sa nigũ ñagũ ijire m̄h̄h̄. Ȳh̄h̄re m̄h̄h̄ sa nidi buhiri m̄h̄h̄re buhiri dahregũtja ȳh̄h̄. Ȳh̄h̄ m̄h̄h̄re tutuaro dahra dutigũ ȳh̄h̄ ijigũ masine m̄h̄h̄. Apequina yere ȳh̄h̄ negũ ȳh̄h̄ oterarigũ ijiepegũta d̄ucare negũ ȳh̄h̄ ijigũ masine m̄h̄h̄.

23 Ȳh̄h̄ sa ijigũ ihñaepegũta ya cjoere niñeru ihbori w̄h̄h̄p̄h̄ cũedahya m̄h̄h̄. Tire tiquina wasori wapa wapata nemoboaya m̄h̄h̄. ¿D̄ahsegũ sa yerari m̄h̄h̄? Tire m̄h̄h̄ yegũ tojoa wihigũ wapata nemoboaya ȳh̄h̄”, niahye tiquina p̄h̄toro.

24 Sa ni tuhasa tiquiro cahap̄h̄ ducuyequinare duti-ahye: “Niñeru cjoere ehmaña tiquirore. P̄h̄a omope cjoerire c̄uoriquirore ohoya”, niahye p̄h̄toro.

25 Tiquiro sa nigũ tiquina pehe yahuahye tiquirore:

“Pũhto, pũa omope cjo-eri cœoriquiro peye cœo tuhasare”, niahye tiquina.

²⁶ Tiquina sa nigũ pũhtoro yũhtiahye: “Mũsare nita niaja. Ijipihtiye-quina cœoyequinare oho nemoutja. Cœoeriquiro pehere mehenogã tiquiro cœoepegũta tire ehmagũtja.

²⁷ Yojopũ pũritare yũhure ihña tuhtiyequinare yũhure tiquina pũhtoro iji dutierariquinare yũhũ cahapũ ne cãhtaya. Sa yena yũhũ ihñonopũ wejẽña tiquinare”, niahye pũhtoro dahra cohteyequinare, ni, buheahye Jesu.

Jerusalẽpũ esahye Jesu

(Mt 21.1-11; Mr 11.1-11; Jn 12.12-19)

²⁸ Sa ni tuhasa Jesu apequina pano Jerusalẽpũ wahahye.

²⁹ Tiquiro Betfagé wame tiri maca cahapũ Betania wame tiri maca cahapũ esa, cãnũ Olivo wame tidũ cahapũ esa mũhtahye. Jerusalẽpũ tiquiro esato mehenogã dũhsatjiãhye. Sa yero pũaro tiquiro buheyequinare Jesu ohoro ohõ saha niahye:

³⁰ —Si macapũ burrogãre nena wahaya. Topũ esana, burrogãre tiquina dũhte docoriquirogãre boca sanata. Apequina pesamehnediquirogã ijiaga. Tiquirogãre bocana, yuta dare pã, ne cãhta basaya yũhure.

³¹ Mũsa sa yegũ ihñano, burrogã upũro “¿Dũhsena burrogãre pãjari?” tiquiro nigũ tũhona ohõ saha ni yũhtiya tiquirore: “Mari pũhtoro burrogãre cahmedoqueo nidi”, ni, yahuya tiquirore, ni yahu duti ohoahye tiquiro buheyequinare pũarore.

³² Tiquiro sa nigũ tiquina pũaro pehe tiquiro nidiropũ esahye. Tiquina sa esagũ ijipihtiye Jesu tiquiro nidiro sahata ijiyahye.

³³ Sa ye tiquirogãre tiquina pãgũ ihñañe tiquirogã opana tiquinare sinituahye:

—¿Dũhse yena tana mũsa yuta dare pãjari burrogãre? ni, sinituahye tiquina.

³⁴ —Mari pũhtoro burrogãre cahmedoqueo nidi, ni yũhtiahye tiquina.

³⁵ Sa ni yahu tuhasa tiquirogãre Jesu cahapũ ne sahye. Ne sa tuhasa tiquina bui cję suhtire tiquirogã bui seõ peo, tiquirogã buipũ Jesu mũja pjegũ yedohoahye tiquina.

³⁶ Jesu tiquirogã bui pesagũ tiquiro wahato pano masa tiquina bui cję suhtire tu we ne, mahapũ seõ cũ mũhtahye Jesure ño peoye.

³⁷ Sa ye tiquina Jerusalẽ cahagãpũ esa, Olivo wame tidũpũ dijia tari mahapũ esahye. Topũ Jesu buhegũ tũhoyequina peyequina ijipihtiye Cohãcjũ tutuaye mehna tiquiro ye ihñonire, tiquiro quehnoañe yerire tiquina ihñarire wacũñe, Cohãcjũre “Quehnoagũ, tutuagũ ijire”,

ni sañuducuahye. Sa ye tutuaro sañuducu, Cohãcjũre ño peoye, ohõ saha niahye:

38 —Ahriquiuro Cohãcjũ tiquiro ohoriquiore, mari puhtorore Cohãcjũ quehnoano yeahro. Uhmuse cjẽna quehnoano ijiahro. Cohãcjũ tiquiro tutuariquiuro ijigũ ijipihtiyequina masi-ahdo, ni ño peohye tiquina.

39 Tiquina sa nigũ tahoye fariseo masa meheñequinagã tiquina watoa ijiyequina Jesure yahuahye:

—Buhegũ, mũhũ buheyequinare dihta maria dutiya, niahye tiquina.

40 —Mũsare niita niaja. Tiquina sañuducueragũ utã paca pari pehe sañuducuboaga, niahye Jesu fariseo masare.

41 Sa ni tuhasa Jesu Jerusalẽ cahagãpũ esa, ti macare ihãano, utiahye.

42 Ohõ saha niahye tiquiro:

—Jerusalẽ cjãna yojopũ pũritare mũsare pecapũ wahaborinare Cohãcjũ tiquiro yũhdũoatire mũsa masigũ quehnoa yũhdũaboaga. Sa ijipegũta yojopũre mũsa tire ne tũho duerare. Sa yero Cohãcjũ tire mũsare masi dutierare.

43 Mũsare ihãa tuhtiyequina mũsa ijiri macare cahmota sotoa peho quẽheeta. Sa ye, mũsare tiquina wijia dutisi.

44 Ti pjeta tiquina mũsa ya macare cohã pehoeta. Mũsa gũhũre wejẽeta. Mũsare ihãa tuhtiyequina quehnoano cohã pehoeta mũsa ya

macare. Cohãcjũ pecapũ wahaborinare mũsare tiquiro yũhdũoatire mũsa masi duerari. Mũsa masi duerari buhiri mũsare ihãa tuhtiyequinare Cohãcjũ mũsare cohã dutirota, niahye Jesu Jerusalẽ cjẽnare.

Cohãcjũ wũhũpũ Jesu esahye

(Mt 21.12-17; Mr 11.15-19; Jn 2.13-22)

45 Sa ye Jerusalẽpũ esaro, Jesu Cohãcjũ wũhũpũ sajãa wahahye. Sa yero apee boro duayequinare ti wũhũpũ ijiyequinare boca saro, tiquinare cohã wio cãhye. Ohõ saha niahye tiquinare:

46 —Cohãcjũ yere tiquina ojoari pũpũ ohõ saha nine: “Ya wũhũ Cohãcjũ mehna yahuducuri wũhũ wame tirota”, niahye tiquiro yere tiquina ojoari pũpũ. Tiquiro sa niepegũta mũsa pehe ahri wũhũpũ duana, mũsa basi cahme yaquere mũsa, niahye Jesu.

47 Sa ye decoripe Cohãcjũ wũhũpũ Jesu buheahye. Sa ye pahia puhto, judio masare buheyequina, masa puhto gũhũ tiquirore tiquina wejẽatire wacũ macahye.

48 Masa ijipihtiyequina tiquirore sa tahoducuye, tiquiro buheyere quehnoano tũho nũnũñequina ijiahye. Tiquina sa quehnoano tũho nũnũgũ Jesure wejẽ duayequina pehe tiquirore tiquina wejẽatire bocaerahye.

20

Pahia pũhtoa, judio masare buheyequina, bũcũna gũhu Jesu mehna cahme tuhtiyehiahye

(Mt 21.23-27; Mr 11.27-33)

¹ Ape deco Cohãcjũ wũhũpũ Jesu masare quehnoañe buheyere buhero niahye. Tiquiro sa buhegũ pahia pũhtoa, judio masare buheyequina, bũcũna mehna tiquiro cahapũ wihiye, sinituahye:

² —Yahuya usãre. ¿Dũhsegu canũre sa yeari mũhu? ¿Noa mũhũre tire sa ye dutiari? niahye tiquina Jesure.

³ Tiquina sa nigũ Jesu yũhtiahye tiquinare:

—Mũsa pehere sinitu mũhtagũtja. Yahuya yũhũre.

⁴ ¿Ñu masare tiquiro wame yegũ noa boro pehe tiquirore wame ye dutiyari, mũsa tũhotugũ? ¿O Cohãcjũ dutierayari? ¿O masa pehe dutiyari, mũsa tũhotugũ? ni sinituahye Jesu tiquinare.

⁵ Tiquiro sa nigũ tiquina pehe tiquina basi ohũ saha niahye:

—¿Dũhse ni yũhtinatari mari? “Cohãcjũ Ñure dutie tiahye”, mari nigũ, “¿Dũhsena Ñure Cohãcjũ dutiepegũta tiquirore tũho duerari mũsa?” niboaga Jesu marine. Sa yena “Cohãcjũ Ñure dutiye tiahye”, ni yũhti masiedaja mari.

⁶ Ahriquina masa pehe “Potota Ñu Cohãcjũ yere yahu mũhtariquiro ijire”, ni tũhoture tiquina. Sa ni

tũhotuye “Ñu tiquiro wame yegũ Cohãcjũ tiquirore dutierahye”, mari nigũ tũhoye marine masa utã paca mehna doqueeta. Sa yena ti gũhũre yũhti masiedaja mari, ni yahuducuahye tiquina basi.

⁷ Sa ni yahuducu tuhasa tiquina Jesure yũhtiahye:

—Ñure wame ye dutiriquirere usã masiedaja, niahye tiquina.

⁸ Tiquina sa nigũ Jesu yũhtiahye:

—Ti pje pũrita yũhu gũhu mũsa sinitu mũhtarire yahueraja mũsare. Ahrire yũhu yerire dutiriquirere yahueraja mũsare, niahye tiquinare.

Ñañequina dahra cohteyequina queoyere yahuahye Jesu
(Mt 21.33-44; Mr 12.1-11)

⁹ Sa ye Jesu tiquiro tũhotuye mehna queoye mehna ohũ saha ni buhe dũcahye masare:

—Wese upũro uhsẽ darire oteahye. Ote tuhasa, ti wesere apequinare ihcã pehe pahma cũahye. Pahma cũno ti wesere tiquinare ihña ihbo dutiahye. Sa duti tuhasa ape yehpũ waha, yoari pje ba-juerahye.

¹⁰ Sa yero uhsẽ ñidi pje ijigũ wese upũro tiquiro cahacjũnore wesere ihña ih-boyequina cahapũ ohoahye. Wese cjẽ oteri dũcare tiquiro ya pahrẽ cjẽne ne dutiro ohomahye. Sa ye ihña ihboyequina pehe tiquiro cahacjũnore piti ca quẽahye tiquirore. Sa ye tiquina

tiquirore ducare ohoerapeta tojoa dutiahye.

11 Sa yero wese upuro apequiro tiquiro cahacjanore ti wese cje oteri ducare ne dutiro ohomahye tja. Sa ye wesere ihña ihboyequina tiquiro gahure que, ñano yeahye tiquirore. Sa ye tuhasa tiquirore ti ducare ohoerapeta tojoa dutiahye tja.

12 Tiquina sa yeri bato wese upuro apequiro cahacjanore ohomahye tja. Sa ye wesere ihña ihboyequina pehe tiquiro gahure cami dahre, ti wese daktu cahapu cohã cãhye tiquirore.

13 "Tiquina sa yeri bato wese upuro ohõ saha ni tahotumahye: "¿Dahse yegutari yahu? Ohõ saha yegutja. Yahu macare yahu cahñiquirore ohogutja. Ijirota ijire. Tiquina tiquirore ño peoeta", ni tahotumahye wese upuro pehe.

14 Sa ye tiquiro macunore tiquiro ohoriquirore esagũ ihñañe ihña ihboyequina pehe tiquina basi ohõ saha ni, yahuducuahye. "Ahriquiro wese upuro macuno ijire. Tiquirore wejẽihna. Sa yero ahri wese mari ya wese tojoarota", nimahye tiquina basi.

15 Sa ni tuhasa wese upuro macunore wese daktu cahapu nea, wejẽ cãhye tiquirore. ¿Tiquina sa yegũ ihñano dahse yerotari wese upuro wesere ihña ihboyequinare? niahye Jesu.

16 —Ti wesere ihña ihboyequinare wejẽno taro, apequinare wesere ihña ihbo dutirota, ni yãtiahye Jesu tiquiro basi.

Tiquiro sa nigũ tãhoye masa pehe ohõ saha niahye:

—Marine sa wahaeracãhdo, niahye tiquina.

17 Tiquina sa nigũ Jesu pehe tiquinare sinituahye:

—¿Cohãcjũ yere tiquina ojoari pũre ohõ saha ni yahuducuye, dahse nino niajari, masa tahotugũ?

Ahriquiro Cristo utã yero saha ijire. Utãre wãhu dahreyequina tiquina cohãno saha masa tiquirore cohãeta. Tiquina sa yepegãta yojopare wãhu dahreyequina wãhure yeye tiquina cũ mãhtaria utãre tiquina cũno saha Cohãcjũ tiquirore pãhtoro sõri, ni ojoahye.

18 'Ijipihtiyequina tia utã bui doque queheyequinare mata sitea wahaeta. Sa yero tia utã masuno bui bora pjero, mataa wahagũ yerota tiquirore. Tiquiro pagu mnanore daye manarigã wahagũ yerota, niahye Jesu. (Sa nino tiquirore cahmedariquina, tiquiro buhiri dahreatiquina tiquina ñano yãhdãatire yahuro niahye.)

Pãhtoa ye wapare apequina sinituahye Jesure

(Mt 21.45-46; 22.15-22; Mr 12.13-17)

19 Tiquiro sa nigū tūhoye judio masare buheyequina, pahia pūhtoā gūhū, “Jesu wesere ihña ihboyequina queoye mehna marine tuhtiro nine”, ni, tūhotuahye tiquina.

Sa ni tūhotuye tiquina Jesure ñehe duamahye. Sa ñehe duepeta tiquina masare cue niahye.

20 Sa cueye, Jesure tiquina ñeheatī pjere cohteahye tiquina. Sa ye “Poto ijiyequina yero saha ye meho ijiya mūsa”, niahye tiquina apequinare. Tiquiro ñano ni yūhtigū ye duaye nimahye tiquirore yahusā duaye. Sa ye Jesure sinitu dutiye ohoahye ni mehoñequinare. Jesu ñano ni yahuducugū tūhoye ti yehpa cjēna pūhtorore peresu ye dutiye tee nimahye.

21 Sa ye tiquina Jesure ni meje cū sinituye nimahye:

—Buhegū, poto yahuducugū, ni mehoñe mariegū mūhū ijigū usā masiaja. Sa yegū ihcāquiro pūhtoro waro tiquiro ijiepegūta tiquiro gūhūre dōyaro marieno potota yahure mūhū. Mūhū Cohācjū yere poto mūhū buhegū gūhūre usā masiaja.

22 Yahuya usāre. ¿Ne, Roma cjānore ijipihtiyequina pūhtorore gobierno cjēne marine wapa yero cahmeajari, mūhū tūhotugū? ¿Mari dutiye wapa ye dutiajari, mūhū tūhotugū? ni sinituahye tiquina Jesure.

23 Tiquina sa nigū tūhoro

Jesu tiquina ñano ye duayere masino, tiquinare yūhtiahye:

24 —Yojopure niñeru cjoere pūhtoare wapa yeati cjoere ne cāhtaya. Ti cjoere ihñauhna, niahye.

Ti cjoere tiquina ne wihigū ihñano ohō saha niahye Jesu:

—¿Noa boro queoye wahñajari ahri cjoere? ¿Noa boro wame wahñajari? niahye Jesu tiquinare.

—César, masa ijipihtiyequina pūhtoro queoye, tiquiro wame gūhū wahñare, ni yūhtiahye tiquina.

25 Tiquina sa nigū Jesu yahuahye:

—Ti pje pūrita masa ijipihtiyequina pūhtoro yere tiquiro pehere ohoya. Cohācjū yere Cohācjū pehere ohoya, niahye Jesu tiquinare.

26 Sa ye masa tiquina ihñonopū Jesure ñano ni yahuducugū ye masiedahye tiquina. Sa ye Jesu yūhtiyere tūhoye, tiquina tūho maria wahahye. Sa tūho maria waha, dihta maria wahahye.

Cohācjū tiquiro masoatire yahuahye Jesu saduceo masare

(Mt 22.23-33; Mr 12.18-27)

27 Sa ye meheñequinagā saduceo masa Jesu cahapū wihiahye. “Cohācjū yariariquinare masosī”, ni tūhotuyequina ijiahye saduceo masa. Sa ye tiquina ohō saha niahye tiquirore:

28 —Buhegū, ohō saha ni buheahye Moise: “Ihcāquiro tiquiro wahmino namo

tiriqiro pohna mariedaperota tiquiro yariagũ ihñano tiquiro bahurore tiquiro wahmino namono ijiricorore nũoano cahmene. Sa yero tiquiro wahmino mũnano tiquiro pohna taboriro sahata pohna tiro cahmene tiquiro bahurore. Sa ye tiquiro pohne tiquiro wahmino mũnano pohne yero saha ijietã”, ni, ojoahye Moise, niahye tiquina.

29 Tire ni tuhasa ahri quitire tja yahu nemoahye Jesure:

—Ihcãqiro masũno ijiahye. Seis bahana tiahye. Tiquina wahmino pehe namo ti, pohna mariediquiro yariaa wahahye.

30 Sa yero apequiro tiquiro bahuro gũhũ tiquiro wahmino namono ijiricorore nũoahye. Tiquiro sa nũoari bato tiquiro wahmino yero sahata pohna mariedaperota tiquiro gũhũ yariaa wahahye.

31 Sa yero ahriqiro bahuro gũhũ tiquiro wahmino mũnano yero sahata pohna mariedaperota yariaa wahahye. Sa dihita wahahye ihcãqiro pohne waro. Ne pohna mariedapeta yaria pihtia wahahye.

32 Tiquina namono ijiricoro gũhũ tiquina batota yariaa wahahye.

33 ¿Ne, Cohãcjũ ijipihitiyequinare yariariquina mũnare tiquiro masogũ diquiro namono pehe ijiboagari ticoro pototi? Tiquina ijipihtiyequina ticorore namo tiriquina mũna ijiahye.

¿Sa yero diquiro namono pehe ijirrotari? ni sinituahye tiquina.

34 Tiquina sa nigũ Jesu yũhtiahye:

—Yojopũ cjẽna omoca dũhtere.

35 Tiquina sa dũhtepegũta apequina pehe topũ cjẽna pehe sa ijierare. Apequina umũare, numia gũhũre poto yeyequinare Cohãcjũ quehnoañequina ijigũ yerota. Tiquina yariari bato masa mũjaeta. Sa ye tiquina topũ omoca dũhterare.

36 Sa ye tiquina angele yero sahata ne yarias. Tiquina Cohãcjũ masoriquina ijiye, Cohãcjũ pohne ijire.

37 Yojopũre yariariquina mũna tiquina masa wijiatu pehere mũsare yahutja. Tire Moise quehnoano yahu pehoahye. Tiquiro mehenagã ujũri quitire ohõ saha ni yahuahye: “Abrahã, Isaac, Jacob tiquina pũhtoro ijire Cohãcjũ,” ni ojoahye Moise.

38 Tiquina yariari bato “Tiquina pũhto ijiaja”, ni yahuahye Cohãcjũ. Sa nieperota yariariquina mũna pũhtoro ijierare Cohãcjũ. “Tiquina pũhto ijiaja”, tiquiro niñe mehna catiyequina tiquina ijigũ masiaja mari. Tiquiro catiyequina pũhtoro ijire. Ijipihtiyequina masa catire, Cohãcjũ ihñagũ, niahye Jesu tiquinare.

39 Tiquiro sa nigũ meheñequinagã judio masare buheyequina ohõ saha niahye:

—Buhegu, maha quehnoano yahrtiri, niahye tiquina Jesure.

⁴⁰ Sa ye pari turi Jesure sinitu duerahye tiquina.

Cristo pehe Davi manano pughtoro ijire

(Mt 22.41-46; Mr 12.35-37)

⁴¹ Came Jesu ohō saha ni yahu nemoahye tiquinare:

—“Cristo Davi manano panamino iji turiariquiro ijirota”, ni buhere apequina. ¿Dahse ye tiquina sa ni buheajari?

⁴² Davi manano tiquiro basi Salmopu tiquiro ojoari pūpu ohō saha ni, ojoahye:

Cohācjū yahu pughtorore ohō saha nidi: “Ohōpu yahu poto pehepu dujiya.

⁴³ Sa yegu mahare ihña tuhtiyequinare mahare yuhduca basautja yahu”, nidi Cohācjū yahu pughtorore, ni, ojoahye Davi manano.

⁴⁴ Sa ni ojoaro Davi manano Cristore “Yahu pughtoro”, ni pisuahye. Davi manano Cristo ñecno iji turiariquiro ijieperota Cristore “Yahu pughtoro”, ni pisuahye. ¿Davi manano Cristo ñecno iji turiariquiro ijieperota dahse ijiro boro tiquiro “Yahu pughtoro”, ni pisuyari Cristore? Cristo pehe Davi manano pughtoro ijire, ni yahuahye Jesu.

Judio masare buheyequina tiquina ñahe yeyere yahuahye Jesu

(Mt 23.1-36; Mr 12.38-40; Lc 11.37-54)

⁴⁵ Masa peyequina Jesure tiquina tūhori watoa Jesu pehe tiquiro buheyequinare ohō saha ni yahuahye:

⁴⁶ —Mari judio masare buheyequina tiquina ñahe yeyere ihñana quehnoano wacū masiña. Sa yena tiquina yero saha yeracāhña. Tiquina yoaye suhti saña, masa tiquina ihñonopu tini, doeri cjē duaropu apequina pughtoare quehnoano ño peo tiquina sinino saha tiquina piti ca sinigū cahmene tiquina. Sa ye tiquina mari judio masa buheye wuhasepu quehnoañe dujiye dihitare duji duare. Sa ye bose deco ijigū topu gūhare quehnoañe dujiye dihitare cahmene.

⁴⁷ Tiquina wape wiha numia ye wuhasere tiquina cuoye gūhare ehmare ti numiare. Sa ye tiquina masa ihñonopu yoari pje Cohācjūre siniducumene masare ihña dutiye. Tiquina sa yegū apequina bui cjūno tiquinare Cohācjū buhiri dahrerota, niahye Jesu tiquinare.

21

Wape wihoro Cohācjū wuhapu ticoro ohorire yahuahye Jesu

(Mr 12.41-44)

¹ Sa ni yahu tuhasa Cohācjū wahu cjē niñeru tiquina sãri acarore niñeru opana tiquina ye niñerure duhu sãgū ihña dujiro niahye Jesu.

² Sa ihñano wape wihoro pejecuoricoro puã cjoegãre ticoro duhu sãgū gūhare ihñahye.

³ Tire ihña tuhasa ohõ saha ni yahuahye:

—Potota niita niaja musare. Ahricoro wape wihoro pejecuoricoro pehe niñeru sãri acaropu duhu sãno apequina ijipihtiyequina ohori yuhduoro ohori ticoro pehe.

⁴ Apequina niñeru opana pajiro tiquina ohoepegũta tiquina ye pajiro duhsare. Ahricoro pehe pejecuoricoro ijieperota ijipihtiyequina ticoro ihyatire ticoro dũborigãre oho pehori, niahye Jesu.

—Cohãcjũ wuhũ cohõri wuhũ ijirota, niahye Jesu
(Mt 24.1-2; Mr 13.1-2)

⁵ Sa ye apequina Cohãcjũ wuhũre ohõ saha niahye:

—Quehnoañe utã paca mehna yeri wuhũ, quehnoa yuhduari wuhũ ijicjoare. Masa Cohãcjũ ya wuhũ ijiatire tiquina ohori gũhũ ti wuhũpare quehnoano cũri jire, ni, yahuducuye niahye.

Tiquina sa nigũ Jesu yahuahye tiquinare:

⁶ —Ahri ijipihtiyequina mari ihñari wuhũsere, ahri utã paca gũhũre cohã pehoeta. Ne ihcãria utã tojoasi, niahye Jesu tiquinare.

Pihtiati deco ijiatire yahuahye Jesu
(Mt 24.3-28; Mr 13.3-23)

⁷ Tiquiro sa nigũ tuhoye tiquina pehe sinituahye tiquirore:

—¿Buhegu, duhse ijigũ mahu nidiro saha sa waharotari? ¿Pihtiati deco panogã ijigũ duhse ti waha ducagũ

ihñanatarari usã? ni sinituahye tiquina Jesure.

⁸ Jesu yuhthiahye tiquinare:

—Quehnoano yeya musa. Sa yena musare apequina tiquina ni mehoñene tuhoeracãhña. Peyequina masa “Cristo ijiaja yuhũ”, ni mehoñequina ahtaeta. Sa niñe, “Yojopure pihtiati deco ijiato mehenogã duhsare”, nieta. Tiquina sa nigũ tuhoeracãhña.

⁹ Sa ye apequina “Cahme wejẽne nine”, musare nieta. “Yojopure puhtoare masa cohãñe nine”, nieta. Musa tire tuhona cueracãhña. Pihtiati deco pano ohõ saha waha muhtanota. Sa wahagũ pihtiati deco wahato duhsarĩnota, niahye Jesu.

¹⁰ Sa ni tuhasa ohõ saha ni yahu nemoahye:

—Ihcã yehpa cjẽna ape yehpa cjẽna mehna cahme wejẽeta.

¹¹ Sa yero tutuaro yehpa ñuhmi, masa peyequina ujuua mehna yaria, ijipihtiro cjẽna dohatieta. Sa ye uhmuse cjẽna pesaye bajuagũ ihñañe, masa ihña maria wahaeta.

¹² Ahri ijipihtiyequina sa wahato pano, apequina musare ñehe, ñano yeeta. Sa ye mari judio masa buheye wuhũsepu tiquina musare yahusã, peresu yeeta musare. Tiquina sa yegũ peye yehpari cjẽna puhtoahũ, peye macari cjẽna puhtoahũ ducunata musa tiquina yahusãnohina. Yeequina musa ijiri buhiri sa yeeta.

13 Tiquina sa yahusāgū m̄sa pehe quehnoañe buheyere tiquinare yahunata.

14 Ti pjere m̄sare tiquina yahusāgū puhtorore m̄sa yuhtiatire “Yahu masied-aboaga”, ni tuhotueracāhña m̄sa.

15 Yuh̄u m̄sare yahu basautja. M̄sare sa yedohogū tuho masiñene, quehnoañe yahuducuyegūh̄ure m̄sare yahugū yeitja. M̄sa sa yegū m̄sare ihña tuhtiyequina pehe m̄sa yahuducuyere tuho, “Ti pototi pierare”, ni, yuhti masisi.

16 Ti pjere m̄sa pac̄sum̄na, m̄sa bahana, m̄sa acaye, m̄sa mehna c̄jēna gūh̄u m̄sare ihña tuhtiyequinare ohoeta m̄sare, yeequina m̄sa ijiri buhiri. Tiquina sa yegū m̄sare ihña tuhtiyequina m̄sa mehna c̄jēnare apequinare wejēeta.

17 Sa ye yeequina m̄sa ijigū ihñañe, ijipihtiyequina m̄sare ihña tuhtieta.

18 M̄sare sa ihña tuhtiepeta ne mehenogā m̄sare ñano yesi.

19 Sa yena m̄sa wacū tutuana ijiya. M̄sa sa yena, Cohācjū mehna sa ijiducunata.

20 Sa ye peyequina surara Jerusalēpu tiquina cahmota sotoa peho cāgū ihñana, Jerusalēne tiquina cohāto mehenogā d̄hsagū masinata m̄sa.

21 Ti sa wahagū ihñañe Judea yehpapu ijiyequina c̄n̄u c̄j̄u cahapu oma duhtiahro. Sa ye Jerusalēpu ijiye-

quina wahaahro. Sa ye wesaripu ijiyequina Jerusalēpu tojoeracāhdo sojaro mehna tiquina wahato pehe.

22 Ti decoripu buhiri dahreye decoripu ijipihtiyeh Cohācjū tiquiro ojoari pū tiquiro nidiro sahata sa wahaarota.

23 Ijipihtiropu ahri yehpapu ñano yuh̄dueta. Ti sa wahagū, niji wahcōñe numia, tiquina pohne apūñe numia gūh̄u pejec̄oro wahaeta.

24 Apequina ahri maca c̄jēna mehna cahme wejēeta. Sa ye apequina ahri maca c̄jēnare ijipihtiyeh yehparipu ne cā, peresu yeeta. Sa ye judio masa ijieyequina Jerusalēne ñano ye, tiquinare yuh̄ducaeta. Judio masa ijieyequina ya deco pih̄tigūpu Jerusalē c̄jēnare ñano ye duhueta, ni yahuahye Jesu.

Jesu ahri yehpapu tiquiro tojoa tatire yahuahye

(Mt 24.29-35, 42-44; Mr 13.24-37)

25 Sa yero tiquinare yahu nemoahye:

—Ti pjere asū deco c̄jāno, ñami c̄jāno, ñahpicoha gūh̄u sijoro saha ijieyequina wahaeta. Ijipihtiyequina ahri yehpa c̄jēna “Acuehi, yarianata”, ni tuhotuyequina pajiri ma c̄jē pahcōri cua yuh̄duaro ti pahcōri bisi cāhtagū tuhoye tutuaro cueeta.

26 Ti pjere uhm̄use c̄jē yehpari, ñahpicoha gūh̄u ti sa wahaducurore camesaeta. Sa ye ñuhmieta. Ti sa wahagū ihñañe, masa pehe ahri

yehpa pihtiatire cohteye, tutuaro cueeta.

²⁷ Ti pjeta yuhū masū Cohācjū ohorigū Cohācjū tutuaye mehna tiquiro asi siteye mehna ehmeo curua buipū yuhū ahtagū ihñæta masa.

²⁸ Ahri sa waha dūcagū ihñana, wacū tutuana ijiya. Sa yena uhmūsepū ihñañ. Ti pjere Cohācjū mū sare pecarū wahaborinare tiquiro yuhdūoato mehenogā dūhsarota, niahye Jesu.

²⁹ Sa ni tuhasa ahri queoye mehna buheahye Jesu:

—Higueragūre, apeye cju gūhūre tūhotuya masa.

³⁰ Tu yucūgū pūri tigū ihñana, cūhma mehenogā dūhsagū masine masa.

³¹ Sata ahri ijipihtiye yuhū nidire ti sa wahagū ihñana, Cohācjū tiquiro pūhtoro ijiati pje mehenogā dūhsagū masinata masa.

³² Mū sare poto niita niaja. Ti pje cjēna tiquina yariato pano ijipihtiye yuhū nidiro sahata sa waharota.

³³ Uhmūse, ahri yehpa gūhū pihtia waharota. Yuhū yahuducuye pehe ne came-sasi. Ijipihtiye yuhū nidiro sahata sa waha sohtori tirota.

³⁴ Yuhū tojoa tati decore ne masiedare masa. Sa yena quehnoano yeya. Bose decorire queheye decorire yeducueracāhña. Sa yena queheracāhña. Ahri yehpa cjēne pajiro tūhotueracāhña. Masa yuhū nidiro sahata yena, wacūeno mehna ahri yehparū yuhū ahtagū masa ne acūasi.

³⁵ Wahiquirore yuri da wacūeno mehna ti da tūā suharo saha wacūeno mehna ahtaūtja yuhū. Ijipihtiye-quina ahri yehpa cjēna tiquina masiedi watoa ti deco wacūeno mehna sa waharota.

³⁶ Quehnoano wacū masi cohteya. Sa yena Cohācjūre ahri sa siniducuya: “Ahri pihtiatu decore sa wahagū yuhūre yedohoya. Tutu-ayere ohoya yuhūre ahri quehnoano yuhū yuhdūatire. Sa yegū Cristore mūhū ohoriquirore cuero marieno yuhūre piti cagū yeya”, ni, siniña Cohācjūre, niahye Jesu.

³⁷ Sa ye ti decorire Cohācjū wuhūpū Jesu buhee tiahye. Naminipe buhe tuhasaro Olivo wame tidū cūnūpū waha, topū iji bohreaye tiahye.

³⁸ Bohreayepe tahari ijipihtiyequina masa Cohācjū wuhūpū tiquirore tūhoje wahae tiahye.

22

Pahia pūhtoa, judio masare buheyequina mehna wejē duahye Jesure

(Mt 26.1-5, 14-16; Mr 14.1-2, 10-11; Jn 11.45-53)

¹ Sa ye ti pjere pugū yeye moremehneñe pāre tiquina ihyati bose deco mehenogā dūhsahye. Ti bose deco pas-cua wame tiahye.

² Sa ye pahia pūhtoa, judio masare buheyequina mehna Jesure wejē duaye, tiquina wejēatire wacū macahye. Jesure wejē duepeta, masa

pehere cueahye, “Usuari”, niñe.

³ Sa ye watĩno Juda Iscariotere ñano tiquiro ye dutigũ Juda pehe yũhtiahye tiquirore. Juda doce buheyequina mehna cjãno ijimahye.

⁴ Sa yero tiquiro pahia pũhtoare, Cohãcjũ wũhũ cjẽna surara pũhtoa mehna gãhũre yahuro wahahye. Tiquina cahapũ esa, tiquinare Jesure tiquiro ihñoatire yahuahye tiquinare.

⁵ Tiquiro sa nigũ tũhoye, tiquina bucue, “Mũhũre niñerure wapa yenatja”, niahye tiquina Judare.

⁶ Tiquina sa nigũ Juda “Aũ, tiquirore mũsare ihñoutja”, ni, masa tiquina ihñeno watoa Jesure ihña tuhtiyequinare tiquiro ihñoati ñamine cohtero niahye.

Jesu buheyequina mehna tiquiro ihya bato tiati deco ijiahye

(Mt 26.17-29; Mr 14.12-25; Jn 13.21-30; 1 Co 11.23-26)

⁷ Pugũ yeye moremehneñe pãre ihyati bose deco iji dũcari deco ijiahye. Sa yero pascua cjẽ ijiatire ovejare tiquina ihyatiquinare tiquina wejẽdi deco ijiahye.

⁸ Ti pjeta Pedrore, Ñũ gãhũre Jesu yahuahye:

—Bose decopũ mari ihyatire quehnona wahaya, niahye Jesu tiquinare.

⁹ —¿Noho boropũ mari ihyatire quehnoyu dutigũ ohoajari mũhũ usãre? ni sinituahye tiquina tiquirore.

¹⁰ Tiquina sa nigũ Jesu yũhtiahye:

—Jerusalẽpũ mũsa esagũ aco sutu wũariquiro mũsare piti carota. Tiquiro piti cagũ tiquiro mehna wahaya.

¹¹ Sa wahana tiquiro siho sajãri wũhũpũ esana wũhũ upũrore ohõ saha ni yahuya. “¿Nohopũ yũhũ buheyequina mehna pascua cjẽ ihyayere ihyanatari?” nidi buheriquiro”, niña wũhũ upũrore.

¹² Mũsa sa nigũ tũhoro uhmũano cjã tũcũre pajiri tũcũre mari cahmeñe mehna tiquina quehnoni tũcũre ihñonota wũhũ upũro. Topũ mari ihyatire dahreya mũsa, niahye Jesu tiquinare.

¹³ Tiquiro sa nigũ tiquina ti macapũ wahahye. Topũ tiquina esagũ tiquinare tiquiro nidiro sahata wahahye. Sa ye tiquina pascua cjẽ ihyatire dahreahye.

¹⁴ Ihyari pje ijigũ Jesu doce tiquiro buheyequina mehna ihya dujiahye.

¹⁵⁻¹⁶ Topũ ihyaropũ dujiro Jesu tiquinare yahuahye:

—Mũsare niita niaja. Ahri pascua bose decore mari dahreaja Cohãcjũ tiquiro yequinare tiquiro yũhdũotire wacũna. Came Cohãcjũ tiquiro pũhtoro ijiropũ tiquiro yequinare yũhdũo tuhasarota. Tiquiro sa yũhdũoato pano ahri deco cjẽne pari turi ihyasi yũhũ. Sa yegũ yojopũre yũhũ ñano yũhdũato pano ahri pascua cjẽ ihyayere mũsa mehna

tutuaro ihya duahti yuhũ, niahye Jesu.

17-18 Sa ninota Jesu sihnidi pare ne, Cohãcjũre “Quehnoare”, ni sini, tiquinare yahuahye:

—Mũsare niita niaja. Cohãcjũ ijipihtiyequina pũhtoro tiquiro ijiato pano ahri vinore ne pari turi sihnisi yuhũ. Sa yena ahri vinore ne, mũsa basi iti sihniña, niahye Jesu.

19 Sa ni tuhasa pãre ne, Cohãcjũre “Quehnoare”, niahye. Sa yero tiare nuha, itiahye tiquinare. Tiare itiro, tiquinare yahuahye:

—Ahri yuhũ pagũ ijire. Yuhũ pagũ yuhũre ihña tuhtiyequinare tiquina ohori pagũ ijirota mũsare yuhũ yuhũoati. Sa yena yuhũre mũsa wacũatire ahrire ihyaya, niahye Jesu.

20 Sa ihya tuhasa sata tiquiro tiquinare sihnidi pa gãhũre ohoahye. Sa ohoro, tiquinare yahuahye:

—Mũsa ñañe yeyere cohãgũ tagũ yariũtja. Sa yegũ yuhũ diire cohãũtja. Cohãcjũ “Mũsare yuhũoutja”, tiquiro nidiro esa tuhagũ yuhũ yariaro mehna tiquiro nidiro sohtori tirota.

21 Yojopũre tũhoya mũsa. Yuhũre ihña tuhtiyequinare yuhũre ihñootiquiro yojopũre yuhũ mehna ohõ dujire.

22 Cohãcjũ tiquiro dutiro sa hata yuhũ masũ Cohãcjũ ohorigũ yariũtja. Tiquiro sa yaria dutiepegũta yuhũre ihña tuhtiyequinare ihñootiquiro pũrita ña

yuhũaro yuhũarota, niahye Jesu tiquinare.

23 Tiquiro sa nigũ tiquina pehe tiquina basi ohõ saha ni sinituahye:

—¿Jesure ihña tuhtiyequinare ihñootiquiro mari mehna cjũno diquiro boro ijiagari? ni, yahuducuahye tiquina basi.

—¿Mari mehna cjũno diquiro pehe ijiagari pũhtoro? ni yahuducuahye Jesu buheyequina tiquina basi

24 Came Jesu buheyequina ohõ saha ni yahuducuahye:

—¿Mari mehna cjũno diquiro pehe ijiagari pũhtoro? ni yahuducuahye tiquina basi.

25 Tiquina sa ni yahuducugũ tũhoro Jesu tiquinare yahuahye:

—Cohãcjũre cahmeeñequina pũtoahye pehe tiquina masare dutiye, purĩno mehna dutire. Sa ye pũtoare “Tiquina masare yedohoyequina ijire”, nimene apequina masa tiquinare.

26 Mũsa pehe sa yesi mũsa basi. Mũsa mehna cjũno mũsa wahmi pehere tiquiro bahũro yero saha ijiro cahmene. Mũsa mehna cjũno pũhtoro iji duaro cahacjũno yero saha ijiro cahmene tiquirore.

27 ¿Diquiro ijiagari pũhtoro? ¿Ihya dujiriquiro pehe pũhtoro ijiagari? ¿O ihyayere itiriquiro pehe pũhtoro ijiagari? Ihya dujiriquiro ijiaga pũhtoro. Tiquiro sa ijiepegũta yuhũ pehe

cahacjāno yero saha mūsare yedohogū ahtaū.

²⁸ 'Masa yūhūre tiquina ñano yepegūta mūsa pehe yūhūre duhuerare.

²⁹ Sa yegū yūhū Pacū yūhūre tiquiro pūhtoro sōriro sahata mūsa gūhūre pūhtoa sōgūtja yūhū.

³⁰ Yūhū pūhto yūhū ijigū yūhū ihyari mesapū mūsa gūhū ihya, sihninata. Sa yena mūsa pūhtoa dujiyere dujinata. Mūsa topū dujina Israe masare doce cururi cjēnare besenata mūsa ñañequinare, quehnoañequinare, niahye Jesu tiquiro buheyequinare.

Pedro Jesure tiquiro cohātire yahuahye Jesu

(Mt 26.31-35; Mr 14.27-31; Jn 13.36-38)

³¹ Sa ni tuhasa Pedrore Jesu ohō saha ni yahuahye:

—Simo Pedro yūhūre tuhoya. Mūsare ijipihtinare watīno yūhūre cohāgū ye duare. Trigo wese cjūno trigore tiquiro wejē site cohāriro sahata mūsare ijipihtinare watīno ñano ye duare. Sa ye duaro, Cohācjūre sinidi.

³² Tiquiro sa sinigū ihñagū yūhū pehe Cohācjūre sini basapū mūhūre. Yūhūre mūhū wacū tutua duhueratire sini basapū mūhūre. Sa yegū mūhū yūhū mehna cjū pari turi ijigū yeequinare yedohoya mūhū, yūhūre tiquina wacū tutua nemoati, niahye Jesu Pedrore.

³³ Tiquiro sa nigū Pedro yūhtiahye:

—Pūhto, yūhūre tiquina peresu yepegūta, yūhūre

tiquina wejē duepegūta mūhū mehna cjū ijūtja, niahye Pedro.

³⁴ Jesu yūhtiahye:

—Pedro, mūhūre niita niaja. Mia ñami canaca tiquiro yahuato pano “Jesure masiedaja”, nigūta mūhū apequinare. Ihtia taha sa nigūta mūhū, niahye Jesu Pedrore.

Jesure tiquina ñano ye dūcato mehenogā dūhsahye

³⁵ Sa ni tuhasa Jesu tiquiro buheyequinare yahuahye:

—¿Sohō ijiri pje niñeru ajuro mariena, pajiri ajuro mariena, dahpo suhti mariena mūsare yūhū ohogū apee boro dūhsari mūsare? ni sinituahye Jesu.

—Ne usāre yabe dūhsaerari, ni yūhtiahye tiquina.

³⁶ —Ti pjere mūsare dūhsaerapegūta yojopū pehere niñeru ajurore cūona tire neña. Pajiri ajurore cūona gūhū neña. Sa yena mūsare ñoseni pjī mariedagū mūsa suhtire duana ti pjīne dūya.

³⁷ Ahrire mūsare nii niaja. Cohācjū yere tiquina ojoari pūpū tiquina nidiro sahata yūhūre sa waharo cahmene. Ohō saha niahye ti pūpū: “‘Tiquiro dutiyere yūhdūdcayequina mehna cjūno ijire’, nieta masa”, ni, ojoahye, niahye Jesu.

³⁸ —Ihñaña pūhto. Pūa pjī ñoseñe pjīnine cūoaja usā, niahye tiquiro buheyequina.

—To punota ijire, ni yūhtiahye Jesu.

Getsemaní wame tiri wesepe Jesu Cohãcjüre siniahye
(Mt 26.36-46; Mr 14.32-42)

39 Sa ye Jesu tiquiro sa yeducuriro sahata Olivo wame tidu cunupu wahahye. Tiquiro sa wahagũ tiquiro buheyequina tiquiro mehna wahahye.

40 Topu esaro tiquiro tiquinare yahuahye:

—Cohãcjüre siniña musa ñano yeratire, niahye Jesu tiquinare.

41 Sa ni tuhasa tiquiro dihita mehenogã waha nemo, dusepe curi mehna quehe sa, Cohãcjüre siniahye:

42 —Mai, yuhu ñano yuhduatire ye dueragu yeracãhña. Yuhu sa niepegũta yuhu cahmeñe pehere yeracãhña. Muhu pehe masine. Muhu cahmeno saha yeya yuhure, ni siniahye Jesu Cohãcjüre.

43 Tiquiro sa sinigũ ahmusepu ahtariquiro angel Jesure bajua, yedohoahye tiquirore.

44 Sa yero Jesu ñano jeripohna ti, tutuaro mehna Cohãcjüre siniahye. Sa yero tiquiro asi ti cuhsaye dii pjeri yero saha tiquirore wijia, yehparu bora quehe sahye.

45 Cohãcjüre sini bato ti, wahcãdaca sa, tiquiro buheyequina cahapu wihihaye. Tiquiro wihigũ tiquiro buheyequina tutuaro bujua witiyequina ijiye, carĩne niahye.

46 Sa yero Jesu tiquinare ohõ saha ni yahuahye:

—¿Duhseña carĩajari musa? Wahcãña. Cohãcjüre siniña musa, “Ñano yeari”, nina, niahye Jesu tiquinare.

Jesure ihña tuhtiyequina tiquirore peresu yeahye
(Mt 26.47-56; Mr 14.43-50; Jn 18.2-11)

47 Tiquiro sa ni yahuducuri watoa masa peyequina wihiahye. Juda doce buheyequina mehna cjãno ijimediquiro masare ahmu tã cãhtariquiro ijiahye. Sa yero tiquiro Jesu cahapu wihi, wahsupu ihmiahye tiquirore.

48 Tiquiro sa ihmigũ Jesu tiquirore sinituahye:

—¿Juda, yuhu masure Cohãcjũ ohorigure yuhure ihña tuhtiyequinare ihñogu yuhure wahsupu ihmĩne mehna sa yeajari muhu? niahye Jesu.

49 Tiquiro sa nidi bato Jesu buheyequina masa Jesure tiquina ñeheatire masiñe, tiquirore sinituahye:

—¿Puhto, usã ñoseñe pjĩni mehna tiquina mehna cahmequema? niahye tiquina.

50 Tiquina sa nidi bato ihcãquiro Jesu buheyequina mehna cjãno pehe pahia puhtoro cahacjãnore tiquiro ñoseni pjĩ mehna tiquiro cahmonore poto pehe ijiri cahmonore dute pahrẽ cãhye.

51 Tiquiro sa yegũ ihñano Jesu tiquirore ohõ saha niahye:

—Sa yeracãhña, niahye.

Ni, cahacjãno cahmono ijiriorpu ña ohõahye. Tiquiro

ña ohõgũta cahmono m̄n̄n̄ano
sahata ijiahye tja.

52 Sa ye tuhasa pahia
pũhtoare Cohãcjũ wũhũ cjẽna
surara pũhtoare, bũcũna
gũhũre tiquirote ñehẽñe
ahtariquinare Jesu sinitu-
ahye:

—¿Dũhse ijiro boro m̄sa
ñoseñe pjĩni, yucũ tiãri mehna
yaqueriquirote tiquina
yeriro saha m̄sa yũhũre
ñehena ahtajari?

53 Decoripe Cohãcjũ
wũhũpũ m̄sa mehna yũhũ
ijigũ, m̄sa yũhũre ñehedari.
Sa ijiepegũta yojopũre m̄sa
ya deco yũhũre m̄sa ñano
yeati deco ijire. Yojopũ
watĩno tiquiro ñano yeati
deco gũhũ ijire, niahye Jesu.

—*Tiquirote masiedaja, ni-
ahye Pedro Jesure*

(Mt 26.57-58, 69-75; Mr
14.53-54, 66-72; Jn 18.12-18,
25-27)

54 Tiquina Jesure ñehẽ
tuhasa pahia pũhtoro ya
wũhũpũ neahye tiquina
tiquirote. Tiquina topũ
neagũ Pedro yoaropũ
tiquinare ihña nũnũ tãhye.

55 Pũhtoro ya wũhũpũ esa,
topũ wũhũ cahapũ ijiri paarpũ,
quehnoari paa decopũ peca
wijiãhye apequina. Tiquina
wijiãgũ ihñano Pedro peca ca-
hapũ dujiyequina mehna du-
jiahye.

56 Tiquiro dujiri bato
ihcãcoro cahacjõno tiquirote
quehnoano ihña, apequinare
ohõ saha ni yahuahye:

—Ahriquirote gũhũ tiquiro
mehna ijiri, niahye ticoro.

57 Ticoro sa nigũ tuhoro Pe-
dro yũhtiahye:

—Numio, tiquirote ne
masiedaja yũhũ, nimahye
tiquiro.

58 Came cjũnogã apequirote
Pedrore ihña, ohõ saha ni
yahuahye:

—Mũhũ gũhũ tiquina
mehna cjũ ijire, niahye
tiquiro.

—Ne ijieraja, nimahye Pe-
dro.

59 Ihcã hora bato apequirote
apequinare ohõ saha ni
yahuahye:

—Ijirote ijire. Ahriquirote
Galilea cjãno ijire. Sa
yero potota Jesu mehna
ijiri ahriquirote gũhũ, niahye
tiquiro apequinare.

60 Tiquiro sa nigũ Pedro
yũhtiahye:

—Ne, mũhũ nidiquirote
masiedaja yũhũ, ni yũhtiahye
Pedro.

Tiquiro sa ni yahuducuri
watoa canaca yahuahye.

61 Tiquiro yahugũta Jesu
wũhũ cahapũ ijiriquirote Pe-
drore majare ihñadoqueohye.
Tiquiro sa yegũ Pedro pehe
Jesu tiquiro nidire wacũahye.
“Mia ñami canaca tiquiro
yahuato pano, ‘Yũhũ Jesure
masiedaja’, nigũta mũhũ.
Ihtia taha sa nigũta mũhũ”,
Jesu tiquiro nidire wacũahye
Pedro.

62 Sa wacũno Pedro topũ wi-
jia ta, tutuaro utiahye.

*Jesure bũjũpe, quẽahye
tiquina*

(Mt 26.67-68; Mr 14.65)

63 Sa ye Jesure cohteyequina surara tiqirore bujape, quēpeahye.

64 Sa quēpeye, tiqiro caperire duhte cahmota, tiqirore sinituahye:

—¿Diquiro mūhare quēari? Ihñedapeguta yahuya usāre, ni sinitupeahye tiquina.

65 Sa ye peye ñano ni yahuducuahye tiquina tiqirore.

Jesure puhto sinituahye

(Mt 26.59-66; Mr 14.55-64; Jn 18.19-24)

66 Bohrearopu judio masa bucuna, pahia puhto, judio masare buheyequina gūhu cahmecoahye. Tiquina sa cahmecoanopu apequina tiquina cahapu Jesure ne cāhtahye.

67 —Yahuya usāre. ¿Cristota ijiajari mūhu? ni sinituahye tiquina Jesure.

Tiquina sa nigū Jesu yuhtiahye:

—Musare yūhu yahugū, yūhure tuhosi mūsa.

68 Musare yūhu sinitugū yūhure yuhtisi mūsa. Sa yena yūhure wiosi mūsa.

69 Mūsa wioerapegūta came cjūnogā ijipihtiyē decori yūhu masu Cohācjū ohorigu Cohācjū tutuariquiro tiqiro poto pehepu dujigtja, niahye Jesu.

70 Tiquiro sa nigū tiquina ijipihtiyequina sinituahye tja pari turi:

—¿Sa nigū Cohācjū macuta ijiajari mūhu? niahye tiquina.

—Mūsa nino sahata ijiaja, ni yuhtiahye Jesu tiquinare.

71 Tiquiro sa nigū tiquina ohō saha ni yahuducuahye tiquina basi:

—Ahriquiro Cohācjūre pajiro tiqiro ñano yahuducugū mari basi tūhou. Sa ye topequinata yahusāhdo ahriquirore, niahye tiquina basi.

23

Pilato Jesure sinituahye

(Mt 27.1-2, 11-14; Mr 15.1-5; Jn 18.28-38)

1 Sa ni tuhasa tiquina ijipihtiyequina wahcādca, Jesure Pilato cahapu neahye.

2 Ne esa, Jesure yahusā dūcahye:

—Ahriquiro mari ya yehpa cjēnare tiqiro ñano ye dutigū usā tūhou. Mari puhtorore ahriquiro wapa ye dutierare. Sa yero tiqiro “Puhto ijiaja. Cristo masare yūhdūoacjū ijiaja yūhu”, ni yahuducure tiqiro basi, ni yahusāhye tiquina Jesure.

3 Tiquina sa ni yahusāri bato Pilato Jesure sinituahye:

—¿Judio masa puhtota ijiajari mūhu? niahye tiqiro Jesure.

—Mūhu nino sahata ijiaja, ni yuhtiahye Jesu.

4 Tiquiro sa nigū Pilato pahia puhtoare, masa gūhure yahuahye:

—Ahriquiro buhiri mariedare, niahye tiqiro.

5 Tiquiro sa niepegūta tiquina tutuaro yahusā nemoahye:

—Tiquiro buheye mehna masare cahmequegū yere. Galilea yehpapu tiquiro tire ye ducari. Sa ye dūca tuhasa ijipihitiro Judea yehpapu tire tiquiro yere. Sa yero yojopu ohōpu gūhure tire yero taro nine, ni, yahusāhye tiquina.

Herode Jesure sinituahye

⁶ Tiquina sa ni yahusāgū tūhoro Pilato pehe sinituahye:

—¿Ahriquirō Galilea cjāno ijiajari? niahye tiquiro.

⁷ —To cjānota ijire, ni yūhtiahye apequina.

Tiquina sa ni yūhtigū tūhoro Pilato pehe Jesu tiquiro ijiri yehpare masino pūhtoro Herode ya yehpa cjāno Jesu tiquiro ijigū masiahye. Tire masino Jesure Herode cahapu ohoahye. Ti pjere Herode Jerusalēpu ijiahye.

⁸ To pano Herode Jesure tūho tuhasahye. Tiquiro sa tūhori bato yoari bato tiquirore ihña duahye. Jesu Cohācjū tutuaye mehna tiquiro ye ihñogū ihña duamahye tiquiro. Sa yero tiquiro Jesure ihñano, bucueahye.

⁹ Sa yero peye tahari sinituahye Jesure. Tiquiro sa sinituepegūta Jesu ne yūhtierahye tiquirore.

¹⁰ Pahia pūhtoā, judio masare buheyequina gūhu Herode cahapu esa, tutuaro Jesure yahusāhye.

¹¹ Tiquina yahusāri bato, Herode tiquiro yequina surara mehna bujūpe, Jesure

ñano yeahye. Sa bujūpeye, quehnoari suhtirore pūhtoro tiquiro sañari suhtiro yero saha bajuri suhtirore sāahye tiquina Jesure. Sa bujūpe tuhasa, tiquirore Pilato cahapu ohoahye tja.

¹² Ti decore Herode, Pilato mehna quehnoano tiquina basi cahme yeyequina iji dūcahye. To panore tiquina basi cahme ihña tuhtiyequina ijinimahye.

Masa Jesure wejē dutiahye
(Mt 27.15-26; Mr 15.6-15; Jn 18.39-19.16)

¹³ Sa ye Pilato pahia pūhtoare, apequina pūhtoare, masa gūhure tiquiro pijioḡ, cahmecoahye.

¹⁴ Tiquina cahmecoā pihitigū ihñano ohō saha niahye Pilato tiquinare:

—Ahriquirōre yūhure ne cāhtana, “Tiquiro masare ñano ye dutiri”, nimesi masa yūhure. Yojopu masa ihñonopu ahriquirōre quehnoano sinitu pehou tja. Yūhu sa sinituri bato masa tiquirore sa yahusāducugū tiquirore ñañe buhiri ne mariedare, yūhu ihñagū.

¹⁵ Herode gūhu tiquirore “Ne, ñañe buhiri mariedare”, nidi. Sa nino ahriquirōre pari turi usāre oho majare tojore tja. Sa yena ahriquirōre tiquiro ñañe buhiri mariedagū tiquirore masa wejē duti masiedare.

¹⁶ Sa yegu tiquirore yuta dari mehna tana dutiitja yūhu. Sa tiquina tanari bato tiquirore wioutja, nimahye Pilato masare.

[
 17 Cuhmaripe pascua bose decorire masa yaquiro ijia-tiquirore ihcãquiro peresupũ ijiriquirore Pilato wio basaducue tiahye.]

18 Sa ye Pilato “Jesure wioutja”, tiquiro nigũ tãhoye ijipihtiyequina masa ohõ saha ni sañuducuahye:

–Tiquirore Jesure wejẽña. Barrabá pehere usãre wio basaya, ni sañuducuahye masa.

19 To pano Barrabá pehere Jerusalẽpũ pũhtoare tiquiro cohã dutiri buhiri, masare tiquiro cahmeque dutiri buhiri, tiquiro wejẽdi buhiri, peresu yeahye tiquirore. Sa ye camepare tiquirore masa wio dutiye niahye.

20 Pilato Jesu pehere wio duamahye. Sa yero tiquiro masare sinituahye tja.

21 Tiquiro sa wio duepegũta tiquina tiquirore niahye tja:

–Curusapũ quẽ biha wejẽña tiquirore. Wejẽña tiquirore, ni sañuducuahye tiquina.

22 Tiquina sa nigũ Pilato ihtia taha waro ohõ saha nimahye tiquinare:

–¿Yabere ñano yeri tiquiro mũsa sa ni sañuducugũ? Ne tiquirore ñañe buhiri mariedare. Sa yegũ tiquirore wejẽ duti masiedaja. Tiquirore yuta dari mehna tana dutiitja. To punota ye dutiitja. Sa yegũ wioutja tiquirore, nimahye Pilato.

23 Tiquiro sa niepegũta tiquina tutuaro mehna sañuducu nemo, Jesure

curusapũ wejẽ dutiahye. Tiquina sa ni sañuducugũ tãhoro tiquina cahmediro sahata Pilato yeahye.

24 Sa yero tiquina sinidiro sahata Pilato Jesure wejẽ dutiahye.

25 Sa dutiro tiquiro peresupũ ijiriquirore masare cahmequegũ yeriquirore, masare wejẽdiquirore masa tiquina sinidiro sahata Pilato Barrabá pehere wioahye. Sa yero Pilato Jesure curusapũ wejẽ dutiahye.

Tiquina Jesure curusapũ quẽ biha wejẽahye

(Mt 27.32-44; Mr 15.21-32; Jn 19.17-27)

26 Sa ye tiquina Jesure wejẽñe wahaye, neahye. Ti pje tiquina sa yeri watoa Simo wame tiriquire Cirene cjãno ihquẽ wahũse ijirorpũ esariquire tojoa taro niahye. Jerusalẽpũ tiquiro wihigũ ihñañe Jesure neañequina tiquirore piti ca, ñehe, curusare tiquirore wũa cã dutiahye Jesu bato pehe.

27 Sa ye masa peyequina Jesure ihña nũnũ tãhye. Sa ye masa watoa ijiyequina numia tiquirore tiquina sa yegũ ihñañe tutuaro utiahye.

28 Tiquina utigũ tãhoro, tiquina numiare Jesu majare ihña, ohõ saha niahye:

–Jerusalẽ cjãna numia, yũhũre utieracãhña. Mũsa ye ijiatire, mũsa pohna ye ijiasi gũhũre utiya.

29 Apeye decori ijigũ ña yũhdũaro yũhdũnata mũsa. Ti pjere masa ohõ saha

nieta. “Pohna mariena numia, pohna tiena numia, apũoedari numia yojopu mari ijigũ quehnoa yuhduaboaga”, nieta numia.

³⁰ Ti pjere canure ohõ saha ni yahuducueta masa. “Muhu canu usã buipu bora dijia taya. Usãre nuõña”, nieta masa cueye.

³¹ Masa yuhure buhiri marieure ohõ saha tiquina yegũ, ñaÑe buhiri cuoyequina pehe ña yuhduaro wahaeta, niahye Jesu.

³² Apequina puaro dutiyere yuhducayequina tiquina ijigũ tiquina gũhure Jesu mehna tiquina wejãtiquinare neahye tiquina.

³³ Tiquinare nea, “Dapu pehtoro”, wame tiropu esa, curusapu Jesure quẽ biha ohõahye. Sa ye puaro yuhducayequina gũhure apequiro tiquiro pototo pehe, apequirore tiquiro cũ pehe pehe quẽ biha ohõahye.

³⁴ Tiquina sa yegũ Jesu ohõ saha niahye:

—Mai, ahriquina yuhure wejãtiquina yojopu tiquina ñano yerire boya tiquinare. Tiquina duhse yerire masiedare tiquina. Sa yegũ tiquina ñano yerire boya, niahye Jesu.

Sa ye Jesu suhtire cahme itiyey, tiquina doquepeahye. Tiquiro suhtire “¿Noa yaro ijiroitari ohõ?” ni cahme doquepeahye tiquina.

³⁵ Sa ye masa topu ducuyequina tiquina ihñaducuri watoa judio masa puhto Jesure bujapeahye:

—Tiquiro apequina masare yariaboriquinare yuhduoñhti. Sa yero tiquiro Cristo Cohãcjũ beseriquiro ijiro, yojopu yariaboriquiro ijiro, tiquiro basi yuhduoahro, ni, bujapeahye tiquina.

³⁶ Surara gũhu tiquirore bujapeahye. Jesu cahapu esa, tiquina tiquirore ñaÑe co vinore ohomahye.

³⁷ Tire yeye ohõ saha niahye tiquina:

—Muhu judio masa tiquina puhto ijigũ mahu basi yuhduya. Sa yegũ yuhdu witigata mahu, ni, bujapeahye tiquina.

³⁸ Sa ye tiquiro bui ohõ saha ni ojoa ohõahye. “AHRIQUIRO JUDIO MASA PUHTORO IJIRE”, ni, ojoa ohõahye.

³⁹ Apequiro tiquiro mehna tiquina quẽ biha ohõriquiro yuhducariquiro pehe ñano yahuducuahye Jesure:

—¿Muhu Cristo masare yuhduoacju ijierajari? Muhu basi, usã gũhure yedohoya, niahye tiquiro Jesure.

⁴⁰ Tiquiro sa nigũ tãhoro apequiro yuhducariquiro Jesu pototo pehepu tiquina quẽ biha ohõriquiro pehe tiquirore ohõ saha niahye:

—Mari gũhure pototo ijiye mehna buhiri dahrere tiquina. ¿Duhsegu Cohãcjũre ne ño peerajari mahu?

⁴¹ Marine ñaÑe buhiri ye, pototo yeye nine tiquina. ÑaÑene mari yeri buhiri marine buhiri dahrere tiquina.

Ahriquiro pehe ñañene yerare, niahye tiquiro apequiro yuhduɔcariquirore.

42 Sa nino, tiquiro Jesure ohō saha niahye:

—Jesu, mahɔ pɔhto ijigɔ tojoa tagɔ, yuhɔre wacũña, niahye tiquiro Jesure.

43 —Muhɔre ahrire nii nija. Miare paraíso wame tirorɔ mahɔ yuhɔ mehna ijiita, niahye Jesu tiquirore.

Jesu yariaa wahahye

(Mt 27.45-56; Mr 15.33-41; Jn 19.28-30; He 6.19-20; 10.19-20)

44 Sa ye coheri pje ijigũ asũ asi duhuahye. Sa yero ijipihitiro ti dihtapure ihtia hora waro quehnoano nahitiahye.

45 Nahitiari watoa, Cohãcjũ wuhɔ cjã suhtiro cahsero, tiquina tore cahmotari cahsero decorɔ ti cahsero ahmɔserɔ tuhɔ dɔca, tuhɔ yojoa saa wahahye.

46 Sa yero Jesu tutuaro sañuducuahye:

—Mai, yuhɔ jeripohnare mahɔre wiaja mahɔ ihña ihboatire, ni, sañuducuahye Jesu.

Sa ni tuhasa yariaa wahahye.

47 Tiquiro sa yariagũ ihñano, surara pɔhtoro pehe “Cohãcjũ tutuariquiro ijire”, nino, “Ahriquiro Jesu manano potota quehnoariquiro ijimeya”, niahye surara pɔhtoro.

48 Sa ye tiquina wejẽgũ ihñañe ahtariquina Jesu tiquiro yariagũ ihñañe, tiquina ye wuhɔserɔ tojoaa

wahahye. Tojoaa waha, tiquina ñañe yerire bujɔa witiye mehna tiquina cutiro bui quẽ ohōahye.

49 Ijipihtiyequina Jesu yequina tiquiro mehna cjẽna Galilearɔ tiquiro mehna ahtariquina numia gũhɔ Jesure yoarorɔ ihñaducuahye.

Jesu pagure masa copere cũahye

(Mt 27.57-61; Mr 15.42-47; Jn 19.38-42)

50-51 Ti pjere José wame tiriquiro torɔ ijiahye. Judea yehpa cjã maca Ari-matea wame tiri maca cjãno ijiahye. Sa yero tiquiro quehnoariquiro, poto yeriquiro ijiro, Cohãcjũ pɔhtoro iji dɔcatire cohteriquiro ijiahye. Sa yero tiquiro judio masa pɔhtoa mehna cjãno ijieperota Jesure tiquina wejẽ dutigũ cahmedamahye tiquiro.

52 Sa yero Pilato caharɔ esa, Jesu pagure siniahye.

53 Sini tuhasa, Jesu pagure ne dijio, quehnoari suhtiro mehna tiquiro pagure wahmeahye. Sa wahme tuhasa, masa copere utãrɔ tiquina seheri copere cũahye tiquiro pagure. Ti copere ne apequina yariariquinare cũedarĩahye.

54 Ti deco saurú deco ijiatire tiquina quehnoyuri deco ijiahye. Saurú tiquina sori deco ijiasi mehenogã duhsahye.

55 Sa ye Galilearɔ Jesu mehna ahtariquina numia masa copere José mehna wahahye. Masa copere esa,

ti copere ihña, Jesu pagure tiquina cūrire ihñahye.

⁵⁶ Came tiquina ye wñhusepñ tojoaa waha, ehme sitiye co, wisōñe mehna quehnoahye tiquina. Sa ye saurú ijigū Cohācjū dutiye Moiserē tiquiro cūri dutiye nino sahata tiquina soahye.

24

Jesu masa wijiahye

(Mt 28.1-10; Mr 16.1-8; Jn 20.1-10)

¹ Domingo ijigū bohrearopñ tiquina numia ehme sitiye tiquina quehnorire Jesu masa copere ne cāmahye.

² Ti copere esa, ti copere bihariare utāre tiquina pōo duhu cūria utāre ihñahye.

³ Sa ihñañe tiquina ti copere sajāa wahahye. Jesu pagure bocaerahye tiquina.

⁴ Tiquiro pagure bocaera, “¿Dñhse wahayari?” ni tñhotuahye tiquina. Tiquina sa ni tñhotu yahuducuri watoa pñaro umña asi siteye suhti sañañequina tiquina cahapñ ducuahye.

⁵ Topñ tiquina ducugū ihña, numia cueye, dñsepe curi mehna quehe sahye. Sa ye umña pehe tiquinare yahuahye:

—¿Dñhsena yariariquiro ijirore Jesure macajari mñsa? Yojopare tiquiro catiriquiro ijire.

⁶ Tiquiro ohōre mariedare. Masa wijia tuhasari. ¿Sohō ijiri pjere tiquiro Galileapñ mñsa mehna ijiro mñsare

tiquiro nidire wacūajari mñsa?

⁷ “Yñhure Cohācjū ohorigure apequiro ohorota ñañequinare. Tiquiro ohori bato yñhure curusapñ quē biha wejēeta tiquina. Sa yegñ yñhñ yariari bato ihtia deco wahaboro masa wijiajutja yñhñ”, nidi mñsare. ¿Tiquiro sa nidire wacūajari mñsa? niahye umña pehe.

⁸ Tiquina sa nigū tñhoye, numia pehe tiquiro nidire wacūahye.

⁹ Tiquina sa nidi bato tiquina tojoaa waha, once buheyequinare apequina gñhure tire yahu pehoahye.

¹⁰ Tiquina numia pehe María Magdalena, Juana, María Santiago pacoro ijiahye. Tiquina numia apequina numia gñhñ ijiahye Jesu buheyequinare yahuri numia.

¹¹ Tiquina sa ni yahuepegāta Jesu buheyequina pehe “Poto niñe niedaga. Ni mehoñe niaga ahriquina numia”, ni tñhotumahye. Sa ye tiquina numiare tñho duerahye.

¹² Tiquina sa nigū tñhoro, Pedro pehe masa copere oma cā, ihñano wahahye. Ti copere esa, tiquiro muhri ihña sōahye. Jesure tiquina wahmedi suhtiro dihitare ihñahye. “¿Dñhse wahayari?” ni, tñhotu, tiquiro ya wñhupñ tojoaa wahahye.

Emau wame tiri maca cjā mahapñ Jesu bajuahye

(Mr 16.12-13)

¹³ Ti decota pñaro Jesu buheyequina mehna cjēna

Emau wame tiri macapũ wahaye niahye. Jerusalẽ once kilómetro yoaro ijire Emaupũ esato.

14 Emaupũ waha, ijipihitiye Jerusalẽpũ ti pjere Jesu tiquiro sa waharire tiquirore tiquina ñano yerire yahuducu cãñe niahye.

15 Tiquina sa ni yahuducuri watoa Jesu pehe tiquina cahapũ esa, tiquina mehna wahahye.

16 Sa ye tiquirore ihñaepeta tiquina tiquirore ihña masiedahye.

17 —¿Dũhse ni yahuducu cãna niajari mũsa? ni, sinituahye Jesu.

Tiquiro sa nigũ tiquina bujma witiyequina esadũcahye.

18 Cleofa wame tiri tiquiro pehe Jesure yũhtiahye:

—¿Yojopũre Jerusalẽpũ tiquina yerire mũhũ dihita masiedajari? ni sinituahye tiquiro.

19 —¿Dũhse wahari Jerusalẽpũre? niahye Jesu.

Tiquiro sa nigũ Cleofa yũhtiahye:

—Jesure Nazare cjãnore tiquina yerire nina niaja. Tiquiro Cohãcjũ yere yahu mũhtariquiro ijimedi. Sa ye tiquiro yahuducurire tũhoye, tiquiro yeri gãhũre ihñañe, “Tutuariquiro ijire”, ni, tũhotumedi masa. Cohãcjũ gãhũ sata ni tũhotuaga.

20 Mari pahia pũhtoa, apequina pũhtoa mehna tiquirore wejẽ dutiye, apequinare ohori. Tiquina sa ohogũ apequina pehe

tiquirore curusapũ quẽ biha wejẽdi.

21 “Roma cjẽnare cohãtiquiro Israe masa pũhtoro ijia-tiquiro ijire”, ni, tũhotumi usã tiquirore. Mia mehna ihtia deco wahare tiquiro yariari bato.

22 Meheñequinagã numia usã mehna cjẽna numia usãre acũagũ yeri. Bohrearopũ Jesu tiquiro masa copepũ tiquina numia esa,

23 tiquiro pagure bocaerañohti. Tiquiro pagure bocaeraye, tiquina tojoa wihi yahuri. “Usãre angele bajuari. Jesu catiñohti”, ni yahuri usãre numia pehe.

24 Tiquina sa nigũ apequina usã mehna cjẽna ti copepũ esa, numia tiquina nidiro sahata ihñañohti. Tiquina gãhũ Jesure ihñedañohti, niahye tiquiro Jesure.

25 Tiquiro sa nidi bato Jesu yahuahye tiquinare:

—Mũsa ne tũho masiedare. ¿Cohãcjũ yere yahu mũhtariquina mana tiquina nidire quehnoano tũhoerari mũsa?

26 Cristore tiquiro pũhtoro ijiato pano uhmũsepũ tiquiro mũjato pano tiquirore ñano yũhdũro cahmedi. ¿Tire masiedajari mũsa? niahye Jesu tiquinare.

27 Sa nino Cohãcjũ Cristore tiquiro ni yahu tiquina ojoarire Jesu yahu peho cãhye tiquinare. Moise manano tiquiro ojoarire Jesu yahu dũcahye. Sa yero ijipihitiyequina Cohãcjũ yere yahu mũhtariquina Cristore

tiquina ojoari gũhure yahu peho cãhye tiquiro.

28 Tiquina wahari macapũ tiquina esaye taye yegũ, Jesu pehe tiquinare yũhdũ cãa wahamahye.

29 Tiquiro sa yepegũta tiquina tiquiore waha dutierahye:

—Usã mehna tojoaya. Ñamicahapũ ijire. Nahinopũ nine, niahye tiquina tiquiore.

Sa yero Jesu tiquina mehna wũhũpũ sajãa wahahye.

30 Wũhũpũ sajã sa, tiquiro tiquina mehna ihyari mesapũ nuju sa, pãre ne, Cohãcjũre “Quehnoare”, niahye. Sa nino ti pãre nuha ne, tiquinare ohoahye.

31 Tiquiro sa yegũ ihñañe tiquina Jesure ihña masiahye. Tiquina ihña masi dũcagũta tiquiro buti maa wahahye.

32 Tiquiro sa buti maa wahagũ ihñañe tiquina basi ohõ saha ni yahuducuahye:

—Mahapũ tiquiro marine tiquiro yahuducuri watoa Cohãcjũ tiquiro ojoarire tiquiro yahuri watoa mari jeripohnari mehna quehnoano bucueye mehna tũhotuu mari, niahye tiquina basi.

33 Sa ni tuhasa tiquina duita Jerusalẽpũ majare tojoaa wahahye tja. Topũ esa, once buheyequinare apequina mehna cahme-coañequinare bocahye.

34 Tiquina esagũ, once buheyequina ohõ saha niahye:

—Potota mari pũhtoro masa wijiañõhti. Simo Pedro tiquiore ihñañõhti, niahye once buheyequina.

35 Tiquina sa nigũ pũaro Emau cjẽna mahapũ Jesure tiquina ihñarire yahuahye:

—Jesu pãre tiquiro nuhagũ usã ihña masii tiquiore, ni, yahu pehoahye tiquina apequinare.

Jesu tiquiro buheyequinare bajuahye

(Mt 28.16-20; Mr 16.14-18; Jn 20.19-23)

36 Tiquina sa ni yahuri watoa tiquina cahapũ iji tuhasahye Jesu pehe.

—¿Ijjajari mũsa? niahye tiquiro tiquinare.

37 Tiquiro sa nigũ tũhoye tiquina “Mari yariariquiro mũnanore ihñana niaja”, ni tũhotuye, tutuaro cueahye.

38 Tiquina sa cuezũ ihñano tiquiro tiquinare yahuahye:

—¿Dũhsena cueajari mũsa? ¿Dũhsena “Ahri poto ijierare”, niajari mũsa?

39 Yũhũ omocarine, yũhũ dahpocãri gũhure ihñaña. Mũsa yũhũre ihñana, ihña masinata. Yũhũre ñehe tuhuya. Ñehe tuhuna masinata mũsa. Yariariquiro mũnanopũ pagũ mariedare. Yũhũ pehe pagũ tiaja, niahye Jesu.

40 Sa nino tiquiro omocari gũhure, tiquiro dahpocãri gũhure ihñaohye tiquinare.

41 Tiquiro sa ihñoepegũta tiquina tutuaro bucue, ihña maria waha, “Ahri potu ijieraga”, ni tãhoturĩahye. Tiquina sa tãhotugũ masino Jesu tiquinare sinituahye:

—¿Ohõpũ ihyaye ijiajari? ni ahye tiquiro.

42 Tiquiro sa nigũ tãhoye wahi dohariquirore ohoahye tiquirore.

43 Tire ne, tiquina ihñonopũ Jesu ihyahye.

44 Ihya tuhasa, Jesu yahuahye tiquinare:

—Sohõ ijiri pje mũsa mehna ijigũ mũsare yũhũ yahuriro sahata yojopũ yũhũ sa wahau. Cohãcjũ dutiye Moise marine tiquiro cũri tiquiro sa ni ojoariro sahata yũhũre sa wahari. Cohãcjũ yere yahu mũhtariquina, Salmo ojoari pũre ojoayequina gũhũ ranopũ yũhũre tiquina ni yahuriro sahata yojopũre yũhũre sa wahari. Sa wahacjũta ijii yũhũ, niahye Jesu.

45 Sa ni tuhasa Cohãcjũ yere tiquina yahu ojoarire tiquiro buheyequinare masigũ yeahye Jesu:

46 —Cohãcjũ yere tiquina ojoari ohõ saha nine: “Cristore ñano yũhdũro cahmene. Sa yero ihtia deco wahaboro tiquiro yariari bato tiquiro masa wijiariota.

47 Tiquiro masa wijiari bato ijipihtiye yehparipũ tiquiro yequina Cristo yere yahueta. Masa tiquina ñañene tiquina bũjũa witiatire, quehnoañene tiquina

comesatire Cohãcjũ tiquina ñañene tiquiro cohãtire yahueta tiquiro yequina. Sa yahuye taye, Jerusalẽpũ yahu dũcaeta”, niahye Cohãcjũ yere tiquina ojoari pũpũ, niahye Jesu.

48 Sa ni tuhasa ohõ saha ni yahu nemoahye:

—Mũsa pehe ahri ijipihtiye ihñarina ijire. Sa yena apequinare yahunata.

49 “Espĩritu Santore mũsare ohoutja”, Cohãcjũ tiquiro nidiquirore yũhũ pehe mũsare ohoutja. Tiquiro uhmũse cjẽ tutuayere ohoatiquiro ijire. Sa yena Jerusalẽpũ tiquiro wihiatire cohteya mũsa, niahye Jesu tiquiro buheyequinare.

Jesu uhmũsepũ mũjaa wahahye

(Mr 16.19-20)

50 Sa ni tuhasa Jesu tiquinare Jerusalẽpũ ijieyequinare Betania cahapũ neahye. Topũ esa, Jesu tiquiro omocarine ne mũo, “Quehnoano ijia”, niahye tiquinare.

51 Sa ni tuhasa, tiquinare cũ, uhmũsepũ mũjaa wahahye.

52 Tiquiro mũjari bato tiquina tiquirore ño peo, Jerusalẽpũ tutuaro bucueye mehna tojoaa wahahye.

53 Topũ iji, decoripe tiquina Cohãcjũ wũhũpũ Cohãcjũ mehna yahuducu, “Quehnoare”, ni ño peohye tiquina tiquirore. To punota ijire.

San Juan

Cohãcjũ ye yahuducuyere yahuriquiroy masãnota iji dũcahye

¹ Duitapũta ahri yehpa to ijiato panopũta Cohãcjũ ye yahuducuyere yahuriquiroy Cristo masare yũhdũoatiquiroy duita iji tuhasae tiahye. Tiquiroy Cohãcjũ mehna ijiahye. Sa yero tiquiroy Cohãcjũta iji cãhno niahye.

² Duitapũta coã waropũre Cristo Cohãcjũ mehna ijiahye.

³ Sa yero coã waropũre ne mariedarire bajumehneahye. Ahri yehpare, ahmũsere, ijipihtiyere, masa gãhũre bajumehne dutiahye Cohãcjũ tiquiroy. Sa yero ahrire bajumehne pehoahye tiquiroy. Ahrire yojopũre mari ihñañene, mari ihñedari gãhũre tiquiroy bajumehnedagũ ne maried-aboya.

⁴ Cristo catiyere ohoriquiroy ijiroy nine. Buhriroy marine to quehnoano ihña masigũ yero saha mari Pacũre quehnoano masigũ yere. Sa yero mari Pacũre masigũ yere masare.

⁵ Ahri yehpa cjẽna ñañene wacũ, tiquina tutuaro cahmeñe nahitiano yero saha ijiye nine. Buhriroy quehnoano marine to ihña masigũ yero saha Cohãcjũ ye yahuducuyere yahuriquiroy masare masigũ yere. Sa yero nahitiano

buhriorore to yũhdũducaero sahata Cristore ne ñañe yũhdũducaerare.

⁶⁻⁷ Cohãcjũ Ñu wame tiriquiroy pehere ohoahye, Cristo buhriroy yero saha ijiriquiroy masare yahu mahta dutiroy. Tiquiroy ohogũ Ñu pehe masare yahuro ahtari tiquiroy yahuriquiroy Cristore ijipihtiyequina tiquina wacũ tutuatire.

⁸ Ñu pehe Cristo ijierari. Sa ijieraro tiquiroy Cristo pehere masare yahu mahtano ahtari.

⁹ Cristo buhriroy yero saha ijiriquiroy ijipihtiyequina masare Cohãcjũre masigũ yeatiquiroy pehe ahri yehpapũ ahtari jiri. Ijiroyta ijire ahri. Tiquiroy buhriroy yero saha ijiriquiroy warota ijire.

¹⁰ Sa yero Cristo ahri yehpapũ ijiri jimedi. Ahri yehpare bajumehnediquiroy ijiahye. Tiquiroy sa ijiepegũta tiquiroy ya yehpa cjẽna tiquiroy ne masiedari.

¹¹ Tiquiroy ya yehpapũ masa bajuari jimedi. Tiquiroy ya yehpapũ tiquiroy masa bajuariquiroy ijiepegũta tiquiroy ya yehpa cjẽna pehe ne tiquiroy cahmedari jiri.

¹² Tiquina sa cahmedapegũta apequina pehere ijipihtiyequina tiquiroy cahmeñequina pehere tiquinare Cohãcjũ tiquiroy pohne ijigũ yeri jiri. Tiquiroy wacũ tutuayequina pũrita potota tiquiroy pohne warota ijire.

¹³ Tiquina Cohãcjũ pohneta ijiye nine. Sa ye masa tiquina

masa bajariro saha ijierare, Cohācjū pohne tiquna wahagū.

14 Sa yero Cristo masuno tiqiro iji ducari bato mari mehnata ijire tiqiro. Tiqiro sa ijigū ihñana masare cahñiqiro, potota yahuriqiro tiqiro ijigū usā masii. Tiqiro dihita Cohācjū macuno ijiro tutuariqiro quehnoariqiro ijiri. Tiqiro sa ijiriqiro ijigū usā masii.

15 Ñu Cristore yahu mahtano ohō saha ni sañuducuri masare yahuro:

—Siquiro ahtare yahu ohō saha ni yahuriqiro: “Tiqiro yahu bato ahtariqiro ijire. Sa ijieperota tiqiro yahu yuhdoro tutuariqiro ijire. Tiqiro yahu masa bajuato panopu iji tuhasahye. Sa yero tiqiro yahu yuhdoro tutuariqiro ijire”, masare yahu ni yahuriqiro ahriquiota ijire, nidi Ñu Jesure masare yahuro.

16 Tiqiro Cristo pehe quehnoano tutuaro masare cahñiqiro ijiro marine ijip-ihinare quehnoano yeducuri.

17 Cohācjū dutiyere Moise pehe cū mahtahye marine. Jesucristo pehe Cohācjū masare tiqiro cahñene buhero ahtari. Cohācjū tiqiro potota yahuducuye gūhure buhero ahtari.

18 Masa ne Cohācjūre ihñedare. Tiqirore mari ihñedapegāta tiqiro macuno ihcāquiota ijiriqiro tiqiro Pacuro mehna sa ijuducure.

Sa yero tiqiro Pacurore marine masigū yeri.

Apequina Ñu wame yერიqirore sinituahye

(Mt 3.3, 11-12; Mr 1.2-3, 7-8; Lc 3.4-6, 15-17)

19 Usā acaye judio masa puhto Jerusalēpu ijiye-quinare pahiare, Cohācjū wuhupu dahrayequina gūhure Ñu cahapu ohori jiri. “¿Noa boro ijiajari mahu?” ni sinitu dutiye ohori jiri tiquinare. Tiquna sa sinitugū ohō saha ni yahuri Ñu pehe.

20 Yeero boro marieno yahuri. Potota yahuri:

—Yahu Cristo Cohācjū masare yuhduo dutiro tiqiro ohorigu ijieraja, nidi tiqiro.

21 Tiqiro sa nigū tiquna pehe tiqirore pari turi sinituri tja:

—¿Mahu Cristo ijieragu Elia pehe ijiajari mahu? nidi tiquna.

—Ijieraja yahu, nidi tiqiro.

—¿Usā cohterigu Cohācjū yere yahu mahtacju pehe ijiajari mahu? nidi tiquna.

—Tiqiro ijieraja yahu, nidi Ñu pehe.

22 Tiqiro sa nigū tiquna tiqirore pari turi sinituri tja:

—Usāre sinitu dutiriquinare usā yahuro quehnoano pota usāre yahu madoqueohya. ¿Noa boro pehe ijiajari mahu? ¿Mahu basita duhse ijigu ijiajari mahu? “Sa ijigu ijiaja yahu”, ni yahuya usāre, nidi tiquna Ñure.

23 Tiquina sa nigũ ohõ saha ni yũhtiri tiquiro:

—Masa marienopũ ohõ saha ni sañuducugũ iji-aja yũhũ, Cohãcjũ yere yahu mũhtariquiro Isaia mũnanao tiquiro ni yahuriro sahata: “Mari pũhtoro tiquiro ahtato pano mahare mari quehnoyuro saha quehnoana ijyuya mũsa”, ni masare yahu sañuducugũ ijiaja yũhũ, nidi Ñu tiquinare.

24 Ñure sinituyequina fariseo masa tiquina ohoriquina ijiri.

25 Sa ye tiquina Ñure sini-turi tja:

—¿Mũhũ Cristo, Elia, Cohãcjũ yere yahu mũhtagũ usã cohterigũ ijierapegũta duhsegũ masare wame yea-jari mũhũ? nidi tiquina.

26 Tiquina sa nigũ tũhoro yũhtiri tiquiro:

—Yũhũ aco mehna masare wame yeaja. Apequiro pehe mũsa masieniquiro pehe mũsa watoa iji tuhasare.

27 Tiquiro pehe yũhũ bato ahtariquiro yũhũ yũhdũoro tutuariquiro ijire. Quehnoa yũhdũariquiro ijire. Tiquiro yero saha ijieraja yũhũ pehe. Sa yegũ tiquirore tũhotugũ, “Ihyo ijigũ ijiaja yũhũ”, ni tũhotuaja yũhũ, nidi Ñu tiquinare.

28 Sa ni yahuducuri tiquina, Betaniapũ Jordã wame tiri ma ape sie pahrẽpũ, Ñu masare tiquiro wame yeriropũ.

Jesu Cohãcjũ ohoriquiro tiquiro yaquiro cordero yero saha ijiriquiro ijire

29 Ape decopũ Jesu Ñu cahagã cjũno tiquiro ahtagũ Ñu tiquirore ihñano ohõ saha nidi:

—Ihñaña. Ahriquiro Cohãcjũ ohoriquiro tiquiro yaquiro cordero yero saha ijiriquiro ijire. Corderore mari wejẽdiro sahata masa ahriquiro gãhare wejẽeta. Sa yariaro ahri yehpa cjẽnare tiquina ñaña yerire cohãnota tiquiro.

30 Ahriquirota ijire yũhũ ohõ saha nidiquiro: “Yũhũ bato ahtariquiro yũhũ yũhdũoro tutuariquiro ijire. Yũhũ masa bajuato pano tiquiro iji tuhasahye. Sa yero tiquiro yũhũ yũhdũoro tutuare”, yũhũ nidiquiro ahriquirota ijire.

31 Yũhũ pehe ahriquirore masiedahti. Sa masiedapegũta aco mehna wame yei ahtaũ nii yũhũ acaye Israe masa ahriquirore tiquina masia-tore, nidi Ñu.

32 Sa ni tuhasa Ñu yahu nemori:

—Espíritu Santo ahmusepũ bujua yero saha Cristo bui di-
jia ta, tiquiro bui wihiducagũ ihñanũ.

33 Cohãcjũ yũhare tiquiro yahueragũ tiquirore ne masiedaboaga yũhũ. Tiquiro yũhare mũsare aco mehna wame ye dutiro ohoriquiro Cohãcjũ pehe ohõ saha ni yahu mũhta tuhasari yũhare: “Espíritu Santo dijia ta tiquiro bui wihiducanohriquiro

tiquirota ijirota. Tiquiro pehe Espiritu Santore masa mehna ijiducugū yerota”, nidi Cohācjū yuhure.

34 Yojoꝛꝛ pūritare tiquirore ihña tuhasa yuh. Sa ihñagu “Potota Cohācjū macano ijire”, nii yuh musare, ni yahuri Ñu usāre.

Jesu buheyequina tiquiro piji m̄htariquina ijire

35-36 Ape decopꝛ Ñu mehna usā pꝛana tiquiro buhena usā ducugū, Jesu usā cahapꝛ yuhdu cāno nidi. Tiquiro sa yuhdu cāgū Ñu tiquirore ihñano, pari turi ohō saha nidi usāre:

—Ihñaña. Ahriquiro Cohācjū yaquiro cordero yero saha ijiriquiro ijire, nidi Ñu.

37 Tiquiro sa nigū usā pꝛana tiquiro buhena pehe tire tuhona Jesure nꝛnu tān.

38 Usā sa nꝛnu tāgū ihñano Jesu usāre majare ihña, sini-turi:

—¿Yabere macana niajari m̄sa? nidi tiquiro.

Tiquiro sa nigū usā gūhu sinituu tiquirore:

—¿Buhegu, nohopꝛ ijiajari m̄hu? nii usā tiquirore.

39 —Yuh mehna ahtatjiāna ihñana taya, nidi Jesu usāre.

Tiquiro sa nigū usā pehe tiquiro ijioꝛꝛ ihñana waha. Ti pjere ñamicahapꝛ cuatro hora ijiri. Sa yena ti decore tiquiro mehna tojoa usā.

40 Usā pꝛana Ñure tuhorina, Jesure nꝛnu tārina yuh piti Andre mehna ijii. Andre pehe Simo bahuro ijiri.

41 Sa yero duita tiquiro wahminore Simore maca, boca, tiquirore ohō saha ni yahuahye:

—Mesiare Cohācjū marine yuhdu dutiro tiquiro ohoriquirore usā boca, niahye Andre Simore. Mesia usā ye mehna nina, Cristo nina niaja.

42 Sa ni tuhasa tiquiro Simore Jesu cahapꝛ neari. Tiquiro cahapꝛ esagū ihñano Jesu pehe Simore ohō saha nidi:

—Muh Simo wame tigu, Ñu maca ijire. Yojoꝛꝛ m̄hure Cefa wame yeitja, nidi Jesu Simore. Cefa usā ye mehna nina, Pedro nina niaja.

Felipere, Natanae gūhure pijiahye Jesu

43 Ape decopꝛ Jesu Galilea yehpapꝛ waha duari. Sa yero tiquiro wahato pano Felipere piti ca ohō saha nidi:

—Yuh mehna cjū ijiajari ah-taya, nidi Jesu.

44 Felipe pehe Betsaida cjāno ijiri. Tiquiro Andre, Pedro mehna ihcā maca cjēna ijiri tiquina.

45 Sa yero Felipe Natanaene maca, tiquirore bocaro ohō saha ni yahuri:

—Cohācjū dutiyere Moise tiquiro ojoari pūꝛꝛ tiquiro yahuriquirore apequina Cohācjū yere yahu m̄htariquina gūhu tiquina yahuriquirore usā boca. Jesu Nazare cjāno, José macnota ijire, nidi tiquiro Natanaene.

46 —Nazarepure ne ihcãquiro quehnoariquiro mariedare, nidi Natanae.

—Ihñagu taya mahu, nidi Felipe.

47 Sa ye Jesu cahapu tiquiro esagũ ihñano Jesu pehe ohõ saha nidi Natanaene:

—Ahriquiro yojopu ahtariquiro potota quehnoariquiro judio masuno warota ijire. Tiquirore mehoñe ne mariedare, nidi Jesu Natanae pehere.

48 Tiquiro sa nigũ tãhoro Natanae pehe tiquirore sinituri:

—¿Duhsegu yuhure quehnoano masiajari mahu? nidi.

—Felipe mahure tiquiro pijiato pano, higuerau docapu mahu ijigũ ihñau yahu mahure, nidi Jesu.

49 Tiquiro sa nigũ Natanae pehe ohõ saha nidi tja:

—Buhegu, potota mahu Cohãcjũ macu ijire. Mahu Israe masa usã puhto ijicaju ijire, nidi Natanae.

50 Tiquiro sa nigũ tãhoro ohõ saha ni yuhtiri Jesu:

—Higuerau docapu yahu mahure ihñarire masigu yuhure “Cohãcjũ macu ijire”, ni wacũ tutuare mahu. ¿Tita mahure sa masigũ yeajari? Ahri mahure yahu ihñari yuhdoro Cohãcjũ tutuaye mehna ye ihñogutja yahu mahure. Yahu sa ye ihñogũ ihñaguta mahu, nidi Jesu Natanaene.

51 Sa ninota ohõ saha ni yahu nemori:

—Potota mahure niita niaja. Yahu masu Cohãcjũ

ohoriguta ijiaja. Uhmusepu parĩ maagũ Cohãcjũ tiquiro yequina angele yahu bui tiquina dijia tagã, tiquina majagũ gũhure ihñaguta mahu, nidi Jesu tiquirore.

2

Caná wame tiri macapu tiquina omoca duhteropu Jesu wahahye

1 Ihtia deco bato Canápu Galilea yehapu ijiri macapu omoca duhteri bose deco ijiri. Sa yero Jesu pacoro ti wuhapu ijiri.

2 Jesu mehna usãre tiquiro buhena gũhure omoca duhteropu pijiori tiquina.

3 Ti bose deco cjẽ vino pihutigũ Jesu pacoro tiquirore yahuri:

—Yojopure vino pihtia wahari, nidi ticoro Jesure.

4 Ticoro sa nigũ tãhoro Jesu ohõ saha nidi:

—¿Iño, duhsego tago tire yuhure yahuajari mahu? Masa yuhure tiquina masiatio duhsarĩne, nidi Jesu tiquiro pacorore.

5 Tiquiro sa nidi bato tiquiro pacoro pehe tiquina cahacjẽnare dutiri:

—Yahu macu tiquiro dutiro sahata yeya, nidi ticoro.

6 Ti pjepure usã acaye judio masa Cohãcjũ yere yeye tehe masare tiquina pagarire sa coseducu dutie tiri. Sa ye ti wuhapure seis suturi utã mehna tiquina yeri suturi aco pose tiye suturi ijiri. Ti suturi Cohãcjũ yere yeye tehe tiquina coseye aco pose

tiye suturi ijiri. Ti suturi cincuenta o setenta litro pose esa tuhari.

⁷ Sa yero tiquina cahacjênare dutiri Jesu:

—Ahri suturire acore pio sã nemoña. Quehnoano wahpo dapoya, nidi Jesu.

Tiquiro sa nigũ tiquina pehe quehnoano wahpo dapo peho cãhri ti suturire.

⁸ Tiquina sa yeri bato Jesu tiquinare dutiri tja:

—Yojopure ti acore wa ne, wuhũ cjãnore ohoya, nidi.

Tiquiro sa nigũ tũhoye ti acore wa ne, wuhũ cjãnore ohori.

⁹ Tiquina sa ohogũ tiquiro pehe ti acore vino wahagũ yeri acore sihni tuhuri. Ti acore tiquiro dahse yerire masiedari tiquiro. Tiquiro sa masiedapegũta tiquiro cahacjêna ti acore wayequina pehe masidi. Wuhũ cjũno sa masiedaro omoca dahteriquirore pijio, ohõ saha ni yahuri:

¹⁰ —Apequina masa quehnoañe vinore sihõ mũhtare. Masa tiquina quehnoano sihnidi batopũ ña cjũñe core sihõri tiquina. Mũhũ pehe quehnoañe core ihbo, came cjũno ti core sihõri usãre, nidi wuhũ cjũno omoca dahteriquirore.

¹¹ Canápu Galileapu ijiri macapu Jesu acore vino tiquiro wahagũ yero, topũ Cohãcjũ tutuaye mehna coã ye dũcari. Sa yero apequinare tiquiro tutuayere ihñori Jesu. Tiquiro sa ihñori

bato usã tiquiro buhena tiquirore wacũ tutuau.

¹² Came Jesu tiquiro pacorore, tiquiro bahanare, usãre tiquiro buhena gũhure Capernaupu siho esari. Topũ esana, meheñe decorigã tojoarĩ usã.

Jesu Cohãcjũ wuhũpure esahye

(Mt 21.12-13; Mr 11.15-18; Lc 19.45-46)

¹³ Pascua ijigũ judio masa usã bose deco ijiato mehenogã dahsatjiãri. Sa yero Jesu Jerusalẽpu esari.

¹⁴ Topũ esaro tiquiro Cohãcjũ wuhũpu sajã saro, wecũare, ovejare, bujuaare duayequinare boca sari. Sa yero niñerure comesayequina mesaripu dujigũ tiquina gũhure boca sari.

¹⁵ Sa boca saro yuta dari mehna tanari da ye, tiquinare ijipihtiyequinare sopecahapu tana nũnũ wiori. Oveja, wecũa gũhũ tana nũnũ wio cãri tiquiro. Sa yero niñeru comesayequina ye mesarire ne majaredoqueo, doque cũ cãri. Ti niñeru cjoeri gũhure doque site cãri.

¹⁶ Sa ye tuhasa bujuaare duayequinare ohõ saha nidi:

—Musa bujuaare ne wijiaya. Yuhũ Pacũ ya wuhũre apee boro duari wuhũ yeracãhña, nidi Jesu tiquinare.

¹⁷ Tiquiro sa yegũ ihñana usã tiquiro buhena pehe Cohãcjũ yere tiquina ojoari pũpu tiquiro nidire wacũu: “Cohãcjũ, mũhũ ya wuhũre tutuaro cahãaja. Sa cahũgũ

ti wuhare ñano tiquina yegũ ihñagũ tutuaro bujua witiája yahũ, ni ojoahye Cohãcjũ yere tiquina ojoari pũrũ, ni wacũ usã Jesu buhena.

18 Jesu tiquiro sa yeri bato usã acaye judio masa pũtoa tiquirore sinituri:

—¿Duhsegu mahũ ahriquinare quehnoano Cohãcjũ wuhũrũre ijiyequinare cohã wioari? Cohãcjũ mahũre tire ye dutiriquiro tiquiro ijigũ Cohãcjũ tutuaye mehna ye ihñofña mahũ usã ihñatire, nidi tiquina Jesure.

19 Tiquina sa nigũ Jesu yuhtiri:

—Ahri wuhare masa cohãgũ ihtia deco wahaboro tuhasautja yahũ, nidi Jesu tiquinare.

20 —Ihtia deco ahri wuhare yesi mahũ. Cuarenta y seis cahmari waro tiquina yeri wuhũ ijire ahri wuhũ, nidi tiquina pehe Jesure.

21 Tiquiro sa nigũ tiquina tiquirore quehnoano tũhoerari. Jesu “Ahri wuhare”, nino tiquiro pagure nino nidi jimedi.

22 Sa ye tiquiro yariari bato, tiquiro masa wijiari bato usã tiquiro buhena pehe tiquiro nidire wacũna, Cohãcjũ yere tiquina ojoari pũre Jesu tiquiro yahuri gũhare “Ti ijirota ijire”, ni wacũ usã.

Ijipihtiyequina tiquina wacũñene Jesu masine

23 Pascua bose deco ijigũ Jesu Jerusalẽrũ ijiri. Topũ tiquiro ijigũ masa peyequina Cohãcjũ tutuaye mehna

tiquiro ye ihñogũ ihñañe tiquirore wacũ tutuari.

24 Tiquina sa wacũ tutuepegũta Jesu masa tiquina wacũñene quehnoano masino, “Yuhare sa wacũ tutuaducueta”, ni tũhotuerahye.

25 Masa tiquina tũhotuyere quehnoano masidi tiquiro. Sa masino masa tiquina tũhotuyere apequinare ne sinituerari.

3

Jesu Nicodemore yahuahye

1 Ti macare Nicodemo wame tiriquire, judio masa pũtoa mehna cjãno ijiri. Tiquiro fariseo masa ya curua cjãno ijiri.

2 Sa yero ihcã ñami tiquiro Jesu caharũ ahta, tiquiro mehna yahuducuahye:

—Buhegu, mahũ Cohãcjũ buhe dutiro tiquiro ohorigũ mahũ ijigũ usã masiaja. Cohãcjũ mahũre tiquiro yedohoeragũ mahũ pehe tiquiro tutuaye mehna ne ye ihñoedaboaga. Mahũ peye tahari Cohãcjũ tutuaye mehna ye ihñore, niahye Nicodemo Jesure.

3 Tiquiro sa nigũ Jesu pehe yahuahye:

—Ijirota mahũre niita niaja. Wahma masa bajuariquire yero saha pari turi masa bajuariquire dihita Cohãcjũ yaquiro iji masine, niahye Jesu.

4 —Yohnah. ¿Bũcũro pehe duhse ye pari turi masa bajuaboari tiquiro? Tiquiro pacoro niji suhtiropũ majare sajã, pari turi bajua

masiedaboaga tiqairo, ni-
ahye Nicodemo.

Tiqairo sa nigū Jesu
yāhtiahye:

5 —Ijirota niita niaja
māhure. Wahma masa
bajuariquiro yero saha aco
mehna, Espiritu Santo tiqairo
tutuaye mehna pari turi
masa bajuariquiro dihita
Cohācjū yaquiro iji masine.

6 Numia niji pacosānumia
ijiye, macanagāre masa ba-
juagū yere. Espiritu Santo
pehe masare Cohācjū pohne
ijigū yere.

7 “Wahma masa ba-
juariquiro yero saha pari
turi masa bajuariquiro dihita
Cohācjū yaquiro iji masine”,
yūhū nigū, tūho wisieracāhña.

8 Espiritu Santo masare
Cohācjū pohne tiqairo yegū ti
wihnono yero saha ijire. Wi-
hnono to ahtariropū ahtare.
To ahtarō ca tagū mari
tūhoaja. Sa tūhoepenata to
ahtarirore, to waharirore ne
masiedaja. Sata yere Espiritu
Santo masare Cohācjū pohne
yero, niahye Jesu Nicode-
more.

9—Mūhū niñene quehnoano
masiedaga, niahye Nicodemo.

10 Tiqairo sa nigū tūhoro
ohō saha niahye Jesu:

—¿Mūhū judio masare
buhegū ijiepegūta, dahsegu
yūhū niñene tūhoerajari?

11 Ijirota niita niaja
māhure. Ūsā masidire ūsā
ihñarire ūsā yahuaja. Ūsā sa
yahuepegūta ne mūsa acaye
judio masa ne tūho duerare.

12 Ahri yehpa cjē mehna
masa tiquina masa bajuari

mehna mū sare queoye
mehna yūhū buhe māhtarire
“Ijirota ijire”, niedare mūsa.
Sa niedana queoye mehna
buhero marieno Cohācjū
yere yūhū yahugū gūhure
“Ijirota ijire”, nisi mūsa.

13 'Ne ihcāquiro ūhmūsepū
Cohācjū cahapū wahariquiro
ne pari turi tojoa tasi. Yūhū
masū Cohācjū ohorigū yūhū
dihita ūhmūsepū ijirigū ahri
yehpapū ahtaū. Sa yegū yūhū
dihita Cohācjū yere mū sare
yahu masiaja.

14 Panopūre masa marienopū
Moise mūnāno bronze wame
tiri come mehna tiquina
yeriquirore añare yucūgū
tiquina docodūpū duhu
yoahye. Yucūgūpū tiquina
duhu yoriro sahata yūhūre
masare Cohācjū ohorigūre
tiquirore tiquina yeriro
sahata yūhū gūhure duhu
yoeta.

15 Yūhūre tiquina sa yeri
bato ijipihtiyequina yūhūre
wacū tutuayequina ijipihtiye
decori Cohācjū mehna ijidu-
cueta, niahye Jesu.

*Cohācjū ijipihtiyequinare
cahñe*

16 Sa ni tuhasa ohō saha ni
nemoahye:

—Cohācjū ijipihtiyequina
ahri yehpa cjēnare tutuaro
cahñe. Sa yero yūhūre
tiqairo macare ihcūta ijigūre
Cohācjū ohori ijipihtiyequina
yūhūre wacū tutuayequina
pecapū tiquina “Wahaer-
acāhdo”, nino. Sa ye ijipihtiye
decori Cohācjū mehna ijieta
tiquina.

17 Cohãcjũ yũhare tiquiro macũre masare buhiri dahre dutiro ohoerari yũhare ahri yehparũre. Sa yero masare pecarũ wahaboriquinare yũhũoacjũre yũhare ohori.

18 Yũhare Cohãcjũ macũre wacũ tutuayequinare ne buhiri dahresi Cohãcjũ. Yũhare wacũ tutueyequina pũritare Cohãcjũ buhiri dahre duti tuhasari. Masa yũhare Cohãcjũ macũre ihcũta ijigũre tiquina wacũ tutuerari buhiri, buhiri dahrerota tiquinare.

19 Yũhũ, Cohãcjũ macũ ahri yehparũ ahtagũ buhrioro quehnoano marine to ihña masigũ yero sahata Cohãcjũ yere quehnoano masigũ yeaja. Yũhũ sa masigũ yegũ ihñañe yũhare wacũ tutueyequina yũhare cahmedare. Tiquina ñañe yeye pehere quehnoano cahmene. Tiquina sa cahmedi buhiri tiquinare buhiri dahrerota.

20 Ijipihtiyequina ñañene yeyequina tiquina ñañe yeyere duhu duerare. Sa ye buhrioro to bajumehmeno sahata tiquina ñañe yerire “Bajumehneari”, niñe, yũhare cahmedari tiquina.

21 Quehnoañene yeyequina pehe yũhare, yũhũ buheye gũhare cahmene. Cohãcjũ yere tiquina yeyere yũhũ quehnoano bajuro dahregũ bũe tierare tiquina. Sa ye yũhare buhrioro yero saha ijigũre cahmene, ni yahuahye Jesu.

yერიკირო შესურე ყაუაჲე

22 Came Jesu usãre tiquiro buhenare Judea yehparũ siho wahari. Topũ esaro to cjẽna mehna meheñe decorigã tojoa, wame yeri tiquinare.

23 Ñũ gũhũ masare wame yero niahye Enón wame tiri macarũ. Enón Salim wame tiri maca caharũ ijiri. Topũ dia ijiri. Sa yero Ñũ topũ wame yero niahye masare.

24 Tiquina peresu yeato pano Enórũ wame yero niahye Ñũ.

25 Ti pjere Ñũ buheyequina mehna cjẽna meheñequinagã judio masũno mehna wame yeyere yahuducuye niahye.

26 Sa ye tiquina Ñũ caharũ esa, tiquiore yahuahye:

—Buhegũ, Jordã si pahrẽpũ mũhũ mehna ijiriquiro “Tiquirota ijiaga”, mũhũ nidiquiro pehe yojopũre masare wame yero nine. Tiquiro sa yegũ ijipihtiyequina tiquiro caharũ dihita wahare, niahye tiquina Ñũre.

27 Tiquina sa nigũ tũhoro Ñũ yũhtiahye:

—Tiquiro tutuariquiro ijigũ Cohãcjũ pehe tiquiore sa ijigũ yere.

28 “Cristo ijieraja”, yũhũ nigũ mũsa tũhori. Sa ijierapegũta tiquiro pano ohonoho mũhtarigũ ijiaja yũhũ.

29 Cristo mehna masa tiquina wahagũ ihñagũ tutuaro bucueaja. Ohõ saha ijire ti: Omoca dũhtericoro ticoro manũno mehna ijiro wahare.

Pari turi Ñũ wame

Omoca dũhtegũ cohteriquiro pehe dũhteatiquiro namo tigũ ihñano tiquiro yahuducugũ tũhoro tutuaro bucuere. Sa yegũ yũhũ omoca dũhtegũ cohteriquiro tiquiro bucuero saha Cristo mehna masa tiquina wahagũ ihñagũ tutuaro bucuera.

³⁰ Cristo pehere wacũ tutuaro cahmene masare. Yũhũ pehere wacũ tutuero cahmene masare, ni yũhtiahye Ñu.

Cohãcjũ macũno uhmũsepũ ahtariquiro ijire

³¹ Sa ni tuhasaro ohõ saha ni nemoahye Ñu:

—Uhmũsepũ ahtariquiro ijipihtiequina yũhdũoro tutuariquiro ijire. Ahri yehpapũ masarina ijina ahri yehpa cjãna ijiaja mari. Sa yena ahri yehpa cjẽne yahuducuaja mari. Uhmũsepũ ahtariquiro pehe ijipihtiequina yũhdũoro tutuariquiro ijire.

³² Tiquiro ihñarire, tiquiro tũhorire tiquiro yahure. Tiquiro sa yahuepegũta tiquiro yahuyere masa pehe ne tũho duerare.

³³ Uhmũsepũ ahtariquiro tiquiro yahuyere masa tũhoye, “Cohãcjũ potota nidiquiro ijire”, niñe nine tiquina.

³⁴ Ahriquiro Cristore Cohãcjũ ohoriquirore Espiritu Santo ye tutuayere oho pehore Cohãcjũ. Sa yero tiquiro Cohãcjũ ye yahuducuyere yahure.

³⁵ Cohãcjũ tiquiro macũnore tutuaro cahñe. Sa yero

ijipihtiequina pũhoro iji dutiri tiquiro macũnore. Ijipihtieye upũro iji dutire tiquirore.

³⁶ Cohãcjũ macũnore wacũ tutuayequina pehe ijipihtieye decori Cohãcjũ mehna ijietã. Tiquiro macũnore yũhdũũcayequina pehe Cohãcjũ cahapũ wahasi. Sa ye ijipihtieye decori uhmũsepũ ijisi. Sa yero Cohãcjũ tiquinare tutuaro buhiri dahrerota, niahye Ñu.

4

Jesu Samaria cjõno mehna yahuducuro niahye

¹ Jesu Ñu yũhdũoro peyequina buheyequinare tiquiro cũogũ, Ñu yũhdũoro masare tiquiro wame yegũ fariseo masa tũhoahye.

² Tiquina sa tũhoepegũta Jesu pehe tiquiro basi masare wame yerari. Ušã tiquiro buhena pehe masare wame yei.

³ Fariseo masa tiquina sa masigũ tũhoro Jesu pehe Judea yehpapũ ijiriquiro Galilea yehpapũ ušãre siho tojoaa wahari.

⁴ Topũ wahana Samaria yehpare esa yũhdũ cãna tana nii ušã.

⁵ Sa yũhdũ cãna Samaria yehpapũ ijiri macapũ Sicar wame tiri macapũ esau. Ti maca cahapũ panopũ cjũno Jacob mũnãno tiquiro macũno José mũnãnore tiquiro ohori yehpa ijiri.

⁶ Topũ Jacob mũnãno tiquiro sihnidi cope ijiri.

Sa yero Jesu pehe yoaropu ahtariquiro ijiro, tiquiro wahyia yuhduaro ti cope duhtu cahapu nuju sari. Ti pje tiquiro nuju sari pje coheri pje waro ijiri.

7-8 Usã tiquiro buhena pehe macapu ihyayere usã dúna wahari bato ihcãquirola tiquiro topu tojoa nuju sari. Sa yero Samaria cjõno ti coperu aco waro wihigũ Jesu ticorore acore siniahye:

—Acore ohoya yuhure, niahye.

9 —Muhu judio masu ijire. Yuhu pehe Samaria cjõ ijiaja. ¿Duhsegu yuhure acore siniajari muhu? niahye ticoro Jesure.

Judio masa Samaria cjẽnare ihña tuhtiyequina ijire. Sa yero ticoro sa niahye.

10 Ticoro sa nidi bato Jesu ticorore yahuahye:

—Muhure Cohãcjũ tiquiro yedoho duayere masigo, muhure acore sinigure masigo, muhu yuhu pehere siniboaya. Muhu sa sinigũ apeye aco pehere ohoboaya yuhu. Ti aco pehe catigũ yere, niahye Jesu ticorore.

11 Tiquiro sa nigũ tãhoro ticoro yuhtiahye tiquirore:

—Ne muhure sutu mariedare. Sa yero ahri cope uhcuãrĩne. ¿Sa yegu ahri catigũ yeye acore nohoru wa neboagari muhu?

12 Mari ñecu manano Jacob panoru cjãno ahri copere marine cũe tiahye. Tiquiro, tiquiro pohne, nuñequina gũhu ahri acore sihnie tiahye. ¿“Apeye acore ohoboaya

yuhu”, muhu nigu, Jacob yuhduoro tutuagu ijiajari muhu, sa ni tãhotugu? niahye ticoro.

13 Ticoro sa nigũ Jesu yuhtiahye:

—Ijipihtiyequina ahri acore sihniñequina, pari turi aco wuõeta.

14 Yee aco pehere sihniñequina ne pari turi aco wuõsi. Sa ye, yee acore sihniñequina Cohãcjũ mehna sa ijiducueta. Ma pohteru aco to sa wijiaducuro sahata yee aco ne pihtisi, niahye Jesu.

15 Tiquiro sa nigũ tãhoro numino pehe ohõ saha niahye:

—Ti acore ohoya yuhure pari turi yuhu aco wuõeraro quehnoano. Sa yego pari turi ne ohõpũre aco wasi yuhu, niahye ticoro.

16 Ticoro sa nigũ Jesu ticorore yahuahye:

—Ti pje pũrita muhu manunore pijigo wahaya. Piji tuhasa ohõpu ahtaya tiquiro mehna, niahye Jesu ticorore.

17-18 —Manu mariego ijiaja yuhu, niahye ticoro.

—Ijirola nimene muhu. Ihcã omope tahari manu ti tuhasamedi muhu. Sa yero yojopũre muhu mehna ijiriquiro muhu manuno ijierare. Sa ye “Manu mariego ijiaja”, nigo potota nimene muhu, niahye Jesu ticorore.

19 Tiquiro sa nigũ tãhoro ohõ saha niahye ticoro:

—Ãa, Cohãcjũ yere yahu muhtagu ijire muhu, yuhu tãhotugũ.

20 Ʋsã ñecusumua iji turi-
ayequina m̄na ahdu c̄n̄p̄u
Cohãcj̄re ño peoe tiahye. Sa
yena m̄sa pehe judio masa
“Jerusal̄p̄u Cohãcj̄re ño pe-
oro cahmene masare”, nie
tiri m̄sa judio masa, niahye
ticoro.

Ticoro sa nigũ Jesu
yãhtiahye:

21 —Numio, ȳh̄u pehere
t̄horĩña. Camer̄u ahdu
c̄n̄p̄u, Jerusal̄p̄u ḡh̄ure
mari Pac̄re ño peosi m̄sa.

22 M̄sa pehe m̄sa ño
peoriquirore masiedare.
Masare ȳhd̄oatiquiro judio
mas̄nota ijire. Sa yena
usã judio masa pehe usã ño
peoriquirore masiaja.

23 Yojoḡ̄re, camer̄u ḡh̄ure
Cohãcj̄re potota ño peoye-
quina tiquina quehnoano
t̄hotuye mehna tiquirore ño
peoeta. Sa mari ño peogũ
cahmene Cohãcj̄.

24 Cohãcj̄re, paḡu
marieniquiro tiquiro ijigũ
masa tiquirore ihñedare. Sa
ye tiquirore ño peoye, tiquina
quehnoano t̄hotuye mehna
tiquirore quehnoano potota
ño peoro cahmene masare,
niahye Jesu.

25 Tiquiro sa nigũta ticoro
yãhtiahye:

—Mesia, “Cristo” tiquina
nidiquiro pehe masare
ȳhd̄oatiquiro tiquiro ah-
tatre masiaja ȳh̄u. Tiquiro
ahtaro marine ijipihtiyere
buhe peho cãnota, niahye
ticoro.

26 —Ȳh̄uta ijiaja Cristo, ni-
ahye Jesu ticorore.

27 Tiquiro sa nigũ waro wi-
hii usã. Sa yena usã tiquiro
buhena pehe Jesu numino
mehna tiquiro yahuducugũ
ihñana, ihña maria wahau.
Sa ihña mariepenata, “¿D̄h̄se
cahmeajari m̄h̄u? ¿D̄h̄se
niari m̄h̄u ticorore?” ni
sinituer̄u tiquirore.

28 Sa yero numino ticoro ya
suture duhu dapo cã, macap̄u
wahaa wahari. Top̄u esaro
masare yahuro, ohõ saha ni-
ahye:

29 —Ȳh̄u yerire yahu
pehoriquirore ihñana ahtaya
m̄sa. Tiquiro potota Cristo
ijiboaga, ape taha yero,
niahye ticoro.

30 Ticoro sa nigũ t̄hoye
ti maca cj̄na pehe Jesure
ihñañe ahtari.

31 Ti pjere usã Jesu buhena
pehe tiquirore tutuaro ihya
dutimi:

—Buheḡu, ihyaya, nimi usã.

32 —Sijoro ijiye ihyayere
c̄oaja ȳh̄u. Tire m̄sa
masiedare, nidi tiquiro.

33 Tiquiro sa nigũ t̄hona
usã basi ohõ saha ni yahudu-
cuu:

—¿Apequina tiquirore
ihyaye oho tuhasayari? nii
usã basi.

Ʋsã sa nigũ Jesu yahuri:

34 —Masa pehe ihya coare.
Ȳh̄ure ohoriquiro tiquiro
cahmeñe pehere ye coaja
ȳh̄u pehe.

35 “Pititia asũ d̄hsare
mari d̄ca duha neato”,
wese up̄ro tiquiro ni-
diro saha m̄sa pehe ni
t̄hotueracãhña. “Cohãcj̄
yere usã yahuato d̄hsarĩne”,
ni t̄hotueracãhña. Ijirota

niita niaja m̄sare. Yojoꝑu p̄ritare masare ihñaña. D̄ucare neni pje to ijiro sahata, yojoꝑu p̄rita masa yahu buheyere tiquina t̄hoati pje ijiro nine.

³⁶ Oteye d̄ucare neñequinare tiquina wapa yeriro sahata yeere buheriquinare, yeequina ijiatiquinare pijiyequinare, tiquina sa yeri wapa tiquinare quehnoano yeitja yahu. Tiquina sa buhegū t̄hoye yahu buheyere t̄hoyequina yeequina pehe Cohācjū mehna ijipihtiye decori ijiducuetā. Sa ye tiquinare buhe m̄htañequina, came yeequina wahagū yeequina gūhu ihcāno saha bucueducuetā.

³⁷ “Ihcāquiroye ote m̄htariquiroye ijire. Apequiroye pehe d̄ucare neniquiroye ijire”, nie tiahye panopu. Ti ijirota ijire. Tiquina sa nidiro sahata ihquēquina yeere yahu m̄htañequina ijire. Apequina pehe yeere buheye, yeequina wahagū yere.

³⁸ Wese up̄aro yequina dahra cohteyequina oterariquina tiquina ijiepegū tiquiroye oteye d̄ucare tiquinare ne dutiro ohore. Sa masare buhe m̄htaedarina m̄sa ijiepegūta yeequina wahatiquinare buhe dutigu ohoaja m̄sare. Apequina pehe tiquinare buhe m̄hta tuhasari. Tiquina buheriquinap̄are pari turi buhe nemonā, yeequina wahagū yenata m̄sa pehe. Sa ye buhe m̄htañequina

pehe tiquina yedohoro mehna apequinare yeequina wahagū yenata m̄sa, nidi Jesu.

³⁹ Ti pjere Samaria cjōno “Yahu yerire tiquiroye yahu pehori”, ticoro sa nigū t̄hoye Samaria cjēna peyequina Jesure cahmeahye.

⁴⁰ Sa ye Samaria cjēna Jesu cahap̄u esaye, “Usā mehna tojoarñā”, nidi tiquiroye. Tiquina sa nigū usā gūhu tiquiroye mehna p̄a deco tojoarñi.

⁴¹ Apequina gūhu peyequina Jesure t̄hoye, cahmedi tiquiroye.

⁴² Ohō saha nidi masa numinore:

—Coā warop̄are m̄hu yahurire t̄hona, Jesure cahmei. Yojoꝑu p̄ritare tiquiroye yahuducuyere t̄hona tiquiroye cahmeaja. Sa yena tiquiroye pehere t̄hona ahri yehpa cjēnare pecap̄u wahaboriquinare yuhd̄oriquiroye potota tiquiroye ijigū yojoꝑu usā masiaja, nidi masa Samaria cjōnore.

Puhtoro macunore dohatiriquiroye yuhd̄uohaye Jesu

⁴³ P̄a deco bato Jesu usāre Galilea yehpap̄u siho wahari.

⁴⁴ Coā warop̄are ohō saha nie tiri tiquiroye: “Cohācjū yere yahu m̄htariquiroye tiquiroye ya yehpa cjēna tiquiroye ño peerare. Sa ye yahare ño peerare ohō cjēna ohōꝑu yahu bucuarigu ijigū”, nie tiri Jesu.

⁴⁵ Sa ye Galileap̄u tiquiroye esagū to cjēna tiquiroye

quehnoano piti cari. To pano Jerusalēp_u bose deco Jesu tiquiro yerire ihñariquina ijiri tiquina.

46 Sa ye Caná_p Galileap_u ijiri macap_u acore tiquiro uhse co bajumehnedi macap_u waha_u usã tiquiro mehna. Caná cahap_u ijiri macap_u Capernau wame tiri macap_u p_uhtoro mac_uno dohatiro niahye.

47 Sa yero Jesu Judeap_u ijiriquiro tiquiro Galileap_u esagū p_uhtoro t_uhoahye. Tire t_uhoro Jesu cahap_u wihiri:

—Y_uh_u mac_u yariaro nidi. Sa ye tiquirore y_uhd_uog_u ahtaya, ni tutuaro mehna pijiri tiquirore.

48 Tiquiro sa nigū t_uhoro Jesu y_uhtiri:

—Cohãcjū tutuaye mehna y_uh_u yegū ihñedana, ne y_uh_ure wacū tutuerare m_usa, nidi Jesu tiquirore.

49 Tiquiro sa nigū p_uhtoro pehe ohō saha nidi:

—P_uhto, y_uh_u mac_u tiquiro yariato pano ahtaya, nidi tiquiro Jesure.

50 —Tojoahya. M_uh_u mac_u catiaga, nidi Jesu.

Tiquiro sa nigū t_uhoro, “Tiquiro nidiro sahata catirota y_uh_u mac_u”, nino, p_uhtoro tojoaa wahari.

51 Sa tojoaducuriquirore tiquiro cahacjēna tiquirore piti ca, yahuahye:

—M_uh_u mac_u catiri, ni yahuahye tiquina tiquirore.

52 —¿Noho asū ijigū y_uhd_uari y_uh_u mac_u? ni sinituahye tiquiro cahacjēnare.

—Can_ure coheri pje batogā ujuaye sururi tiquirore, ni ahye tiquina.

53 Tiquina sa nigū t_uhoro ohō saha ni t_uhotuahye tiquiro: “Jesu y_uh_ure tiquiro sa ni yahuri pjeta ujuaye suruaya”, ni t_uhotuahye p_uhtoro pehe. “Poto ninota niaya y_uh_ure”, nino, tiquiro ijipihtiyequina tiquiro acaye mehna Jesure wacū tutu-ahye.

54 Jesu Judea yehpap_u ijiriquiro Galilea yehpap_u tiquiro esari bato p_uhtoro mac_uno tiquiro y_uhd_uorire mari queogū p_ua taha Cohãcjū tutuaye mehna ye ihño tuhasari Jesu.

5

Tini masieniquirore y_uhd_uoahye Jesu

1 Came judio masa Cohãcjūre usã ño peori bose deco ijigū Jesu Jerusalēp_u esari tja.

2 Top_u oveja wame tiri sopecaha cahap_u cuhsari cope ijiri. Usã judio masa ye mehna niñe Betzata wame tiri cope ijiri. Ti cope cahap_u ihcā omope tihamehneñe tucūri ijiri.

3 Ti tucūrip_u peyequina dohatiyequina cuñari. Caperi bajueyequina, pari yuri wahayequina, tini masieñequina tiquina ti cope cahap_u ijiri. [Top_u ijije aco ñuhmi maanore cohteye nidi.

4 Top_u buharo ti cope cjē acore ihquē tahari ñuhmigū ye m_ujahye angel. Ti cope

cjē aco ñuhmīdi bato ña mio māhtariquiro pehe dāhse ijiyere dohatiyere cāoriquiro quehnoa wahahye.]

⁵ Sa yero tore treinta y ocho cāhmari waro dohatiriquiro ijiri.

⁶ Topu tiquiro cuñagū ihñano tiquiro sa yoari pje dohatiriquiro ijigū masidi Jesu tiquirore. Sa masino tiquirore sinituri:

—¿Pagu dohatiye mariegu iji duajari māhu? nidi Jesu.

⁷ Tiquiro sa nigūta dohatiriquiro yūhtiri:

—Ti aco ñuhmigū yūhure aco ijiri copepu neaboriquiro mariedare. Ti copepu yūhu ña mio duepegūta apequina pehe yūhu pano sa ña mio māhtaducure, nidi tiquiro Jesure.

⁸ —Wahcādūcaya. Māhu cuñari cahserore ne cāhña, nidi Jesu tiquirore.

⁹ Tiquiro sa nigūta dohatiriquiro pehe tiquiro cuñari cahserore ne, tini dūcari. Ti deco saurū judio masa ūsā sori deco ijiri.

¹⁰ Ti decore Jesu sa yegū ihñañe judio masa ūsā pūhtoa pehe dohatimediquirore ohō saha ni yahuahye:

—Miare saurū deco mari sori deco ijiepegūta māhu cuñari cahserore neare māhu. Sa yegu mari dutiyere yūhdūcagu nine māhu, niahye tiquina tiquirore.

¹¹ —Yūhure yūhu dohatiyere cohāriquiro pehe ohō saha nidi yūhure: “Māhu cuñari cahserore ne cāhña”,

nidi tiquiro yūhure, ni yūhtiahye dohatimediquiro.

¹² —¿Tire māhure sa nidiquiro pehe noa boro ijiari tiquiro? ni sinituahye tiquina.

¹³ Topu masa peyequina tiquina ijigū ihñano Jesu pehe waha tuhasari. Sa yero dohatimediquiro pehe tiquirore yūhdūoriquiro wamene masiedahye.

¹⁴ Came Cohācjū wūhūpu Jesu tiquirore piti ca yahuri:

—Tūhorīña māhu yūhure. Yojopure quehnoano pagu tire māhu. Ñañene ye nemoedacāhña. Pari turi ñañene ye nemogu māhu dohatiriro yūhdūoro wahagūta māhu, nidi Jesu tiquirore.

¹⁵ Tiquiro sa nidi bato dohatimediquiro pehe ūsā judio masa pūhtoa tiquirore sinituriquina cahapu esaro yahuahye tiquinare:

—Jesu wame tiriquiro yūhure yūhdūgū yeri, ni yahuahye tiquiro.

¹⁶ Sa ye saurū ijigū dohatiriquirore tiquiro dohatiyere Jesu cohāgū masiñe, judio masa ūsā pūhtoa pehe tiquirore ñano ye dūcari.

¹⁷ Sa ñano tiquirore tiquina ye duagū masino Jesu pehe yahuri tiquinare:

—Yūhu Pacu yojopure dahrarīno nine. Yūhu gūhu dahrarī niaja, ni yahuri tiquirore ñano ye duayequinare.

¹⁸ Tiquiro sa nigū judio masa ūsā pūhtoa pehe tiquiro mehna tutuaro usuaye, to pano tiquina

nidiro yǎhdǎoro tiqirore wejē duari. Saurú decore tiquina sori decore ihcǎquiरो dohatiriquirore tiqiro yǎhdǎogū ihñañe tiquina usuari. Sa usuaye tiqiro Cohǎcjǎre “Yǎhǎ Pacǎ”, nigū tǎhoye, tiquina pehe to pano tiquina nidiro yǎhdǎoro usua nemoahye tja. “ ‘Yǎhǎ Pacǎ’, nino Jesu tiqiro basi ‘Cohǎcjǎ mehna ihcǎno saha ijiaja’, ni wacūaga tiqiro”, ni tǎhoturi judio masa usǎ pǎhtoa.

Jesu Cohǎcjǎ ohoriquiro ijire

19 Sa ye Jesu tiquinare yahuari:

—Ijirota niita niaja mǎsare. Yǎhǎ Cohǎcjǎ macǎ, yǎhǎ esa tuharo yeraja. Yǎhǎ Pacǎ tiqiro yerire ihñagū, tire yeaja.

20 Yǎhǎ Pacǎ yǎhǎre tiqiro macǎre cahñe. Sa yero tiqiro yerire yǎhǎre ihño pehore. Ahri yojorǎ tiqiro tutuaye mehna yǎhǎ yeri yǎhdǎoro tiqiro apeyere ye dutirota yǎhǎre. Tiqiro sa ye dutigū tiqiro tutuaye mehna ye ihñoutja yǎhǎ. Sa yena ihña maria wahanata mǎsa.

21 Yǎhǎ Pacǎ yari-riquinare tiqiro masoriro sahata yǎhǎ gǎhǎ yǎhǎ cah-meñequinare masoutja.

22-23 Ne yǎhǎ Pacǎ pehe masa tiquina ñañe buhirire buhiri dahreriquiro ijierare. Yǎhǎ pehere tire tiquina ñañe buhirire buhiri dahreacjǎre

cūri yǎhǎ Pacǎ. Ijipihtiyequina masa tiqirore tiquina ño peoriro sahata yǎhǎ gǎhǎre tiquina ño peoatire buhiri dahreacjǎre cūri yǎhǎre. Yǎhǎre tiqiro macǎre ño peoerana yǎhǎ Pacǎ gǎhǎre ño peoerare mǎsa. Tiqiro ijire yǎhǎre ohoriquiro, nidi Jesu.

24 Sa ni tuhasa ohō saha ni yahu nemori:

—Ijirota niita niaja mǎsare. Yǎhǎ yahuducuyere tǎhoyequina, yǎhǎre ohoriquirore wacū tutu-ayequina ijipihtiyē decori ǎhmǎseperǎ sa ijiducueta. Sa yegǎ tiquinare buhiri dahresi yǎhǎ. Sa ye tiquina pecarǎ wahaboriquina yǎhdǎeta.

25 Ijirota niita niaja mǎsare. Pecarǎ wahatiquina yǎhǎre Cohǎcjǎ macǎre tiquina tǎhoati pje yojorǎ ijire. Camerǎ gǎhǎre yǎhǎre tiquina tǎhoeta tja. Sa tǎhoye tǎho nǎnñequina pehe Cohǎcjǎ mehna sa ijiducueta.

26 Cohǎcjǎ yǎhǎ Pacǎ pehe sa ijiducugū yeriquiro ijire. Sa yero yǎhǎre tiqiro macǎre sa ijiducugū yeacjǎ iji dutiri tiqiro yǎhǎre.

27 Sa yegǎ yǎhǎ masǎ Cohǎcjǎ tiqiro ohorigǎ yǎhǎ ijigū tiqiro masare buhiri dahreacjǎre cūri yǎhǎre.

28 Ahrire tǎhona, tǎho mariedacǎhña mǎsa. Ape decopǎre ijipihtiyequina yariariquina masa coperipǎ ijiequina yǎhǎ yahuducugū tǎhoeta.

29 Sa tuhoye, quehnoañene yeriquina ijipihtiye decori Cohãcjũ mehna ijiatiquina masa m̃jaeta. Ñañene yeriquina pehe ñañene tiquina yeri buhiri pecap̃ wahaeta, ni yahuri Jesu.

30 Sa ni tuhasa ohõ saha ni yahu nemori:

—Ỹh̃h̃ esa tuharo ne yeraja. Ne ỹh̃h̃ basi ỹh̃h̃ cahmeno ye dueraja. Ỹh̃h̃re ohoriquiro tiquiro dutiriro sahata ye duaja. Sa yeg̃u tiquiro nidiro sahata buhiri dahreaja. Sa yeg̃u ỹh̃h̃ masare buhiri dahreg̃u queoro yeaaja.

31 “Ỹh̃h̃ tutuag̃u ijiaja”, ỹh̃h̃ ni yahug̃u “M̃h̃h̃ yahuye ne poto ijierare”, ni masiboaga m̃sa.

32 Apequiro ijire ỹh̃h̃re yahuriquiro. Tiquiro Ñu pehe masare yahure ỹh̃h̃re. Masare ỹh̃h̃re tiquiro yahuri ijirota ijire. Tire ỹh̃h̃ quehnoano masiaja.

33 M̃sa apequina pehere Ñup̃re ỹh̃h̃re sinitu dutina ohori. Sa yero potota yahure tiquiro m̃sare.

34 “Cohãcjũ mac̃no ijire ahriquiro”, ỹh̃h̃re ni yahuatiquinare macaedaja. Sa macaedapeg̃ta Ñu mas̃no tiquiro ijiepeg̃ta ỹh̃h̃re “Cohãcjũ mac̃no ijire”, tiquiro ni yahurire yahug̃u niaja. M̃sa ỹh̃h̃re wacũ tutuatire, m̃sa pecap̃ wahaborina m̃sa ỹh̃h̃re ỹh̃h̃re Ñu tiquiro yahurire yahug̃u niaja.

35 Sihãria meheñe decorigã

ihña masigũ yero sahata Ñu m̃sare buhe mahtano mehenogã tiquiro catiro puno m̃sare masigũ yeri. Tiquiro sa buhegã tuhona meheñe decorigã bucueri m̃sa.

36 Ỹh̃h̃ ijiepegiere tiquiro sa buhepeg̃ta Cohãcjũ pehe ỹh̃h̃ ijiepegiere quehnoano yahure. Tiquiro sa yahug̃u Ñu ỹh̃h̃ ijiepegiere tiquiro yahuye ỹh̃h̃re ijiepegiere Cohãcjũ ye yahuye. Sa yeg̃u Cohãcjũ tiquiro tutuaye mehna ỹh̃h̃re tiquiro ye dutirire yojop̃ yei niaja. Ahrire ỹh̃h̃ yeg̃u ihñana potota Cohãcjũ ohorig̃u ỹh̃h̃ ijiepegiere masine m̃sa.

37 Sa yero ỹh̃h̃ Pac̃ ỹh̃h̃re ohoriquiro tiquiro basi “Tiquiro ỹh̃h̃ ohoriquiro ijiepegiere”, ni yahure m̃sare. Tiquiro sa ni yahuepeg̃ta tiquiro yahuducuyere ne tuhorerari m̃sa. Sa yena m̃sa tiquirore ne masiedari.

38 Ỹh̃h̃re Cohãcjũ ohorig̃u m̃sa ne taho duerari. Sa yena m̃sa Cohãcjũ yere ne cahmedari.

39 Cohãcjũ yere tiquina ojoari p̃re m̃sa buhena, “Mari ahri p̃re buhena ijipihtiye decori Cohãcjũ mehna sa ijiducunata”, nine m̃sa. Ti p̃ta ỹh̃h̃re yahure.

40 Ti p̃ta ỹh̃h̃re ti yahuepeg̃ta m̃sa pehe ỹh̃h̃re cahmedare. Ijipihtiye decori Cohãcjũ mehna m̃sa sa ijiducuatire ỹh̃h̃re sini duerare m̃sa, ni yahuri Jesu.

41 Sa ni tuhasa ohõ saha ni nemori:

—Yuhare masa ño peoeragũ ihñagu usueraja yuhũ pehe.

⁴² Mũsa pehe Cohãcjũre masa cahĩedagũ masiaja yuhũ.

⁴³ Cohãcjũ yuhũ Pacu tiquiuro yuhare dutiriro sahata yuhũ ahtaepẽgũta masa yuhũre cahmedari. Apequiuro pehere Cohãcjũ ohoeriquiuro tiquiuro ijiepegũta tiquiuro pehere cahmenata masa.

⁴⁴ Apequina masa mũsare tiquina ño peogũ cahmene masa. Cohãcjũ masa mehna tiquiuro bucuegũ cahmedare masa. Tiquiuro dihita Cohãcjũ waro ijire. Sa cahmedana yuhũ gũhare tuhoerare masa. Yuhũre wacũ tutuerare.

⁴⁵ Mũsare yuhũ Pacure ne yahusãsi yuhũ. Tire masiña masa. Moise tiquiuro ojoari pũ pehe mũsare yahusãnota. “Ti pũ cjẽ dutiyere mari ye pehona, Cohãcjũ cahapũ wahanata”, masa nidi pũ pehe mũsare yahusãnota.

⁴⁶ Moise tiquiuro ojoari pũpũ yuhũ pehere yahuahye. Sa yena ti pũre “Ijirota ijire”, nina, yuhũ yahuye gũhare “Ijirota ijire”, niboaya masa.

⁴⁷ Moise tiquiuro ojoari pũre “Ijirota ijire”, niedana, yuhũ yahuducuye gũhare “Ijirota ijire”, nisi masa, nidi Jesu tiquinare.

6

Cinco mil masare ihyayere ohoahye Jesu

(Mt 14.13-21; Mr 6.30-44; Lc 9.10-17)

¹ Sa tiquiuro buheri bato Galilea wame tiri ditara ape sie pahrẽpũ usã Jesu mehna

pehãa wahau. Ti ditara pajiri ditara Tiberia wame tiri.

² To pano Galilea yehpapũ Jesu dohatiyequinare tiquina dohatiyere tiquiuro cohãgũ masa ihñae tiri. Tiquina sa ihñari bato Jesu pehãgũ ihñañe masa peyequina tiquiore nanũ tã cãri.

³ Topũ esana usã tiquiuro buhena pehe tiquiuro mehna cunpũ mija sa, tũ buipũ dujii.

⁴ Ti deco pascua wame tiri bose deco ijiato judio masa usã ya bose deco mehenogã duhsari.

⁵⁻⁶ Topũ dujiro, Jesu peyequina masa tiquiuro cahapũ tiquina ahtagũ ihñadoqueori. Sa ihñadoqueoro Felipere sinituri:

—¿Ahriquina masa tiquina ihyatire nohopũ dúnatari mari? nidi Felipere.

Jesu tiquiuro basi tiquiuro yeatire masieperota Felipere sinituri, “¿Duhse yuhtitrotari?” nino.

⁷ Tiquiuro sa sinitugũ tuhororo Felipe yuhtiri:

—Doscientos niñeru cjoeri pose ihyayere mari dúepẽgũta masare dayegã ihyayere mari itiepegũta ne esa tuhasi, nidi Felipe Jesure.

⁸ Usã mehna cjãno Andre, Simo Pedro bahuro pehe Jesure yahuri:

⁹ —Ihcã omope pã pacare, pũaro wahire nijino ohõ core. To punogãta tiquiuro cuoepẽgũta masa pehe peyequina waro ijire. Sa yero ahri mehenogã ihyaye ne esa tuhasi, nidi Andre.

10 —Masare duji dutiya m̄sa, nidi Jesu us̄are tiquiro buhenare.

Top̄u taa dayegã ijero ijiri. Us̄a duji dutigũ masa nuju sa pihtiaru taa buip̄u. Um̄a dihitare mari queogũ cinco mil ijiri.

11 Tiquina sa nuju sagũ ihñano Jesu pehe p̄are ne, Cohãcjũre “Quehnoare” nidi. Sa ni tuhasarota us̄are tiquiro buhenare iti dutiri. Tiquiro sa dutigũ us̄a pehe dujiyequinare iti cãu. P̄aro wahi gũhare iti cãu. Ijip-ihtiyequinare quehnoano tiquina esa tuharo ihyayere tiquinare itii.

12 Sa ye masa pehe yapia wahari. Tiquina sa yapigũ ihñano Jesu us̄are nidi:

—Tiquina ihya d̄uharire quehnoano ne peho cãhña. Sa yena tiquina ihya d̄uharire ne bosu, nidi.

13 Tiquiro sa nigũ us̄a pehe ihcã omope p̄a paca d̄uharire us̄a ne cahmecoagũ doce p̄uhuse waro wijiari.

14 Sa ye masa ti bajumehnenore Jesu tiquiro yegũ ihñañe, ohõ saha nidi:

—Ijirota ijire. Ahriquiroy Cohãcjũ yere yahu m̄htariquiroy ahri yehpap̄u ahtariquiroy mari cohteriquirota ijire, nidi tiquina.

15 Tiquina Jesure tiquina p̄hutoro ijiatiquiro ñehe sõ duamedu. Jesu tire masino pari turi ihcãquiroyta canap̄u wahaa wahari.

*Jesu aco bui tiniahye
(Mt 14.22-27; Mr 6.45-52)*

16 Ñamicahap̄u us̄a tiquiro buhena ditarap̄u buhaũ.

17 Top̄ure buha sa, yuc̄sap̄u sajã, Capernau wame tiri macap̄u pehãu. Us̄a pehãri pje ñamip̄u ijiri. Sa yero Jesu us̄a cahap̄u ahtaeranidi.

18 Wihnono tutuaro wẽgũ, pajiri ma pahcõri wahcãri.

19 Ihcã omope kilómetro esaboro waro us̄a esagũ waro Jesu us̄a cahap̄u wihiri. Aco bui tiquiro ahtagũ ihñau us̄a. Sa us̄a cahap̄u tiquiro ahtagũ ihñana us̄a cuei.

20 Sa us̄a cuegũ ihñano tiquiro us̄are yahuri:

—Ne yahure ihña cueracãhña. Yuhuta ijiaja, nidi Jesu.

21 Tiquiro sa nigũ tuhona us̄a bucueye mehna tiquirore piti ca sajã dutii. Tiquiro sajãri batogãta us̄a wahari yehpap̄ure pehã sa tuhasau.

Masa pehe Jesure macahye

22 Ti ñamine masa top̄u tojoariquina pehe ihcãriata us̄a pehãtiare ihñahye. Tia mehna us̄a pehãgũ ihñari tiquina. Jesu us̄a mehna tiquiro wahaeragũ gũhare ihñari tiquina. Sa ye ape decore tiquirore cohteyenimahye.

23 Tiberia wame tiri macap̄u ahtaye, Jesu Cohãcjũre “Quehnoare”, tiquiro nidiro cahagã cjũnop̄u, masare tiquiro ihyaye itiriro caha cjũnop̄u wahã sahye tiquina yuc̄sa mehna.

24 Sa ye ape deco us̄a Jesu mehna ijirirore us̄a

mariedagũ ihñañe, masa yuc̄sapũ sajã, Capernaupũ usãre nunũ tã pehã sari. Jesure maca saye nidi tiquina.

Jesu catiyere oho, ihyaye yero saha ijiriquiro ijire

²⁵ Ditarapũ pehã, Jesure boca saye, masa sinituri tiquirore:

—¿Buhegũ, dũhse ijigũ ahtari mũhũ ohõpũre? ni sinituri tiquina.

²⁶ Tiquina sa sinitugũ Jesu tiquinare yahuri:

—Ijirota niita niaja mũsare. Bajumehnedire yũhũ yepegũta yũhũ pehere wacũ tutuerare mũsa. Yũhũre wacũ tutuerapenata yũhũre macare mũsa. Yũhũ mehna bujũye ihyana, mũsa yapirina yũhũre maca cãhtari tja.

²⁷ Ihyaye ne sa ijiducuerare. Camepũ pihtia wahare. Sa yena tire wacũducueracãhña. Apeye ihyaye sijoro saha ijiye ihyaye pehere macaña mũsa. Ti ihyayere bocana ijipihtiyede decori Cohãcjũ mehna ijinata. Sa ye ti ihyaye pũrita ne pihtierare. Ti ihyayere yũhũ masũ Cohãcjũ ohorigũ mũsare ohoutja. Cohãcjũ yũhũ Pacũ yũhũre tire oho dutiriquiro ijire. Cohãcjũ tiquiro ohorigũ yũhũ ijiyere ihño tuhasari mũsare, nidi Jesu.

²⁸ Tiquiro sa nigũ tiquina sinituri tiquirore:

—¿Cohãcjũ tiquiro ye duiyere yena tana dũhse

yenatari usã? ni sinituri tiquina.

²⁹ —Ahrire Cohãcjũ mũsare ye dutire: “Yũhũ ohoriquirore wacũ tutuaya”, nino mũsare ye dutire Cohãcjũ, nidi Jesu.

³⁰ Tiquiro sa nigũ tãhoye tiquina ohõ saha nidi tja:

—Cohãcjũ ohorigũ ijigũ tiquiro tutuaye mehna ye ihñoña usãre mũhũre usã quehnoano wacũ tutuatire. ¿Yabe borore yeitjari mũhũ?

³¹ Mari ñecũsumũna mũnapũ panopũ cjẽna masa marienopũ maná wame tiye pacare ihyae tiahye. Cohãcjũ yere tiquina ojoari pũpũ ohõ saha ni yahuahye: “Tiquiro tiquinare uhmũse cjẽ ihyayere ohoe tiahye tiquina ihyatire”, ni ojoahye Cohãcjũ yere tiquina ojoari pũpũ. ¿Tiquiro sa yeriro sahata yeitjari mũhũ gũhũ? nidi tiquina.

³² Tiquina sa nigũ Jesu yahuri tiquinare:

—Ijirota niaja mũsare. Moise uhmũse cjẽ ihyayere ohocerari mũsare. Yũhũ Pacũ pehe uhmũse cjẽ ihyaye potota ijiyere mũsare ohoriquiro ijire.

³³ Cohãcjũ ye ihyaye uhmũsepũ dijia taye, ijipihtiri yehpa cjẽnare catiyere oho masine, nidi Jesu tiquinare.

³⁴ —Pahto, decoripe ti ihyayere ohoya usãre, nidi tiquina.

³⁵ Tiquina sa nigũ tãhoro Jesu yahuri tiquinare:

—Yũhũ pehe catiyere oho, ihyaye yero saha ijigũ

ijiaja. Mari ye ihyayere mari ihyari batota duita ujuu ahbaa wahaja mari tja. Sihniñe gũhure mari sihnidi batota aco wũoa wahaja tja. Sa ijiepegãta yũhure cahmediquiro, yũhure wacũ tutuariquiro ujuu ahbaerariquiro yero saha tiquiro bucueye tiquirore pihtisi.

36 Musa pehe yũhure ihñaepenata yũhure wacũ tutueranine. Tireta musare yahue timi yũhũ.

37 Ijipihtiyequina yeequina ijiatiquinare yũhure yũhũ Pacu tiquiro cũriquina pehe yũhure cahmeeta. Sa ye yũhure cahmeñequinare ne cohãsi yũhũ.

38 Uhmũsepu ahtagu yũhũ cahmeno yei ahtagu niedu yũhũ. Yũhure ohoriquiro tiquiro cahmediro sahata yei ahtagu nii yũhũ.

39 Ahrita ijire yũhure ohoriquiro tiquiro cahmeñe waro: Ijipihtiyequina yeequina yũhure tiquiro ohoriquinare yũhũ boeragũ cahmene yũhure ohoriquiro pihtiri deco ijigũ tiquina masa mũjatire.

40 Ijipihtiyequina yũhure Cohãcjũ macũre ihñañequina, yũhure wacũ tutuayequina ijipihtiye decori tiquiro mehna tiquina ijigũ cahmene yũhũ Pacu. Sa yegu pihtiri decoru tiquinare masoutja, nidi Jesu.

41 “Yũhũ uhmũsepu ahtaye ihyaye yero saha ijigũ ijiaja”, tiquiro nigũ tũhoye judio masa usã puhtoah pehe tiquiro

mehna usua, tiquina basi Jesure ñano ni yahuducuri.

42 —¿Ahriquiro Jesu José macũno ijierajari? Tiquiro pacuro, pacoro gũhure mari masiaja. Sa yero mari yero saha pagu tiriquireta ijire. ¿Sa ijieperota dũhsero “Uhmũsepu ahtau”, niajari tiquiro? ni usuari tiquina.

Tiquina sa nigũ tũhoro Jesu yahuri tiquinare:

43 —Musa yũhure ñano ni yahuducueracãhña.

44 Yũhũ Pacu yũhure ohoriquiro pehe masare yũhũ pehere cahmegũ yere. Tiquiro sa yeragũ masa pehe yeequina iji masiedaboaya. Pihtiri deco ijigũ yeequinare masoutja yũhũ.

45 Cohãcjũ yere yahu mũhtariquina pehe ohõ saha ni ojoahye: “Cohãcjũ tiquinare buherota”, ni ojoahye Cohãcjũ yere yahu mũhtariquinapu. Ijipihtiyequina yũhũ Pacu ye buheyere tũhoyequina, tiquirore yũhtiyequina yũhure cahmene. Sa yeye yeequina ijire.

46 Yũhũ Pacu ne ihcãquiro masũno ihñedare. Yũhũ Cohãcjũ ohorigu dihita yũhũ Pacu ihña.

47 Ijirota niaja musare. Yũhure wacũ tutuariquiro ijipihtiye decori yũhũ Pacu mehna sa ijiducurota.

48 Yũhũ catiyere oho, ihyaye yero saha ijigũ ijiaja.

49 Musa ñecusumua mũna iji turiayequina masa marienopu manãre ihyae

tiahye. Sa tire ihyaepecta yariaa wahae tiahye.

50 *Uhmusepu* ahtari ihyayere *yuhu* niñe ihyayere masano ihyaro, ne pecapu wahasi.

51 *Yuhu* *uhmusepu* ahtari ihyaye catiyere oho, ihyaye yero saha ijigu ijiaja *yuhu*. Ahri ihyayere ihyariquiro ijipihitiye decori *yuhu* *Pacu* mehna sa ijiducurota. Ahri ihyaye catigū yere. Ahri ihyaye yero saha ijiye *yuhu* paguta ijire. Ijipihitiri yehpa cjeña *Cohācjū* mehna tiquina sa ijiducuatire *yuhu* pagure ohogutja. Sa ohogu yariagutja, nidi Jesu.

52 Tiquiro sa nigū tūhoye usā acaye judio masa pehe tire ohō saha ni yahuducuri tiquina basi:

—¿Ahriquiro dahse ye tiquiro pagure ihyatire ohorotari? nidi tiquina basi.

53 Tiquina sa nigū tūhoro Jesu yahuri:

—Ijirota niaja masare. *Yuhu* masu *Cohācjū* ohorigu ijiaja. *Yuhu* pagure ihyeriquiro, *yuhu* diire sihnieniquiro *uhmusepu* wahasi.

54 Sa *yuhu* pagure ihyariquirore, *yuhu* diire sihnidiquirore pihtiri deco ijigū masoutja. Sa yero *uhmusepu* sa ijiducurota tiquiro.

55 *Yuhu* pagu potota ihyaye waro yero saha ijire. *Yuhu* dii potota sihniñe yero saha ijire.

56 *Yuhu* pagure ihyariquiro *yuhu* diire sihnidiquiro *yuhu* mehna bucueye mehna ijiducurota. Sa yegu *yuhu*

gūhu tiquiro mehna bucueye mehna ijiducujaja.

57 *Yuhu* *Pacu* *yuhure* ohoriquiro sa ijiducure. Sa ijiducuro, *yuhu* *gūhure* sa ijiducugū yere. Sa yeye *yuhure* sa ijiducugure masa ihyaye, *Cohācjū* mehna *uhmusepu* sa ijiducuenta tiquina *gūhu*.

58 Ahri tjire *uhmusepu* ahtari ihyaye. Mari *ñecusumna* muna iji turiayequina tiquina ihyari yero saha ijierare ahri ihyaye. Tiquina pehe ti ihyayere ihyaepecta yaria pihtia wahae tiahye. Ahri ihyaye pehere ihyariquiro *uhmusepu* sa ijiducurota, nidi Jesu.

59 Capernaup judio masa usā buheri wahupu Jesu buhero, sata ni yahuri.

Jesu ye buheyere tūhona *uhmusepu* sa ijiducunata mari

60 Peyequina Jesure cahmeñequina tiquiro sa ni buheyere tūhoye, ohō saha ni yahuducuri:

—Ahri buheye tutuaro mijore. Sa yena mari tūho duera *cjūaja*, ni yahuducuri tiquina basi.

61 Tiquina sa nigū Jesu pehe tiquina yahuducurire masidi. Sa masino tiquiro sinituri tiquinare:

—¿Ahri buheyere tūhona usuajari masa?

62 ¿*Yuhu* masu *Cohācjū* ohorigu *uhmusepu* *yuhu* tojoaa wahagū ihñana dahse ni tūhotunatari masa? ¿To *gūhure* usuanatari masa?

63 Masano tiquiro jeripohnare caoro catire. Tiquiro pagu pehe tiquirore catigã yerare. Masano tiquiro jeripohna tiquirore catigã yero saha yãhã buheye pehe musare Cohãcjã mehna sa ijuducugã yere.

64 Apequina mûsa mehna cjẽna ne yãhãre wacũ tutuerare, nidi Jesu.

Coã waropure Jesu tiquirore wacũ tutueyequinare masidi. Sa yero tiquirore ihña tuhtiyequinare ihñaotiquiro gãhãre masi tuhasari. Sa tiquirore wacũ tutueyequinare masino “Apequina mûsa mehna cjẽna yãhãre wacũ tutuerare”, nidi Jesu.

65 Sa ni tuhasa ohõ saha ni nemori:

—Ohõ saha ni yahumi musare: “Yãhã Pacu masare yãhã pehere cahmegã yere. Tiquiro sa yeragã masa pehe yeequina iji masiedaboaya”, musare nie timi, nidi Jesu.

66 Tiquiro sa ni buhegã tãhoye peyequina Jesure cahmemediquina tiquirore cohã, tiquiro mehna pari turi wahaerari.

67 Tiquina sa yegã ihñano Jesu usãre doce tiquiro buhenare sinituri:

—¿Mûsa gãhã yãhãre cohãnatjari? ni sinituri usãre.

68 Tiquiro sa nigã Simo Pedro yãhtiri tiquirore:

—Puhto, usãre apequiro buheriquiro mariedare. Mũhã ye buheyere tãhona Cohãcjã mehna sa ijuducunatja usã. Mũhã ye buheye dihita tire yahure usãre.

69 Sa yena usã mũhãre wacũ tutuaja. Sa yena mũhã quehnoagu, Cohãcjã macu tiquiro ohorigu mũhã ijigã usã masiaja. Sa yena mũhãre cohãsi usã, nidi Simo Pedro Jesure.

70 Tiquiro sa nigã tãhoro Jesu yahuri usãre:

—Yãhã pehe musare doce besei. Sa ijiepegãta ihcãquiro mûsa mehna cjãno watino yaquiro ijiatiquiro ijire, nidi usãre tiquiro buhenare.

71 Sa nino Judare Simo Iscariote macunore nino nidi. Juda pehe doce usã mehna cjãno Jesure ihña tuhtiyequinare ihñaotiquiro ijiri.

7

Jesu acaye tiquirore “Cohãcjã macuno ijire”, ni, ne masiedahye

1 Came Jesu Galilea yehpapu tinino wahari. Judea yehpapu judio masa tiquirore wejẽ duari. Tiquina sa wejẽ duagã masino tiquiro ti yehpapu wahaerari.

2 Judio masa daye wãhãsegã usã yeati bose deco mehenogã dũhsatjiãri.

3 Sa ye Jesu bahana tiquirore yahuri:

—Judeapu wahaya. Topu mũhã yequinare mũhã bajumehneñene ihñogu wahaya mũhã.

4 Masare mũhã bajumehneñene ihño duagu ne nũosi mũhã. Ye ihõno cahmene. Potota ahri bajumehneñene ye masigã ijigã

tire masare ihñoña, nimesi tiquina.

⁵ Tiquiro bahana ijiepetata Jesure “Cohãcjũ macano ijire”, niedari. Sa yeye sa nidi tiquina tiquirore.

⁶ Tiquina sa nidi bato Jesu yahuri tiquinare:

—Masa yuhare tiquina quehnoano masiati pje dũhsarĩne. Mũsa ihña duana bese deco ijigũ waha masine.

⁷ Ahri yehpa cjẽna mũsa pehere ihña tuhtierare. Tiquina ñaãe yerire yuhũ yahugũ tiquina yuhũ pehere ihña tuhtire.

⁸ Bese deco ijigũ wahaya mũsa sehsaro. Yuhũ pehere yuhũ wahati pje dũhsarĩne. Sa yegũ yuhũ pehe bese decore mianogãre ihñaũ waharĩsi, nidi Jesu tiquinare.

⁹ Sa nino tiquiro Galileapũ tojoari.

Jesu daye wuhũsegã tiquina yeri bese deco ijigũ wahahye

¹⁰ Bese decopũ Jesu bahana tiquina wahari bato Jesu gũhũ tiquina bato wahari. Sa waharo masa tiquina ihñeno watoa wahari.

¹¹ Bese deco ijieyequina judio masa usã puhtoata tiquirore macari:

—¿Nohopũ ijiagari tiquiro? ni sinituahye tiquina.

¹² Sa ye masa gũhũ Jesure peyequina yahu wahahye. Apequina “Tiquiro quehnoariquiro ijire”, ni ahye. Apequina “Tiquiro ñariquiro ijire. Masare mehoriquiro ijire”, ni yahu wahahye tiquina.

¹³ Sa niepetata judio masa usã puhtoata cueye masa tiquina ihñenopũ Jesure yahu wahahye.

¹⁴ Bese decori deco mehna dũhsagũ Cohãcjũ wuhũpũ Jesu sajã saro, buheri.

¹⁵ Tiquiro sa buhegũ usã acaye judio masa tũho maria waha, ohõ saha nidi:

—¿Ahriquiro buheropũ buhemehnediquiro ijieperotata dũhsero quehnoano masi pehoajari? nidi tiquina basi tiquirore.

¹⁶ Tiquina sa nigũ Jesu yahuri tiquinare:

—Yuhũ buheri yee yahuducueye ijierare. Yuhare ohoriquiro ye yahuducueye pehe ijire ahri buheye.

¹⁷ Cohãcjũ cahmeñene ye duayequina yuhũ buheye pehere Cohãcjũ ye yahuducueye ti ijigũ masieta. Yuhũ esa tuharo yuhũ buheragũ gũhare masieta tiquina.

¹⁸ Ihcãquiro tiquiro esa tuharo tiquiro masiñe mehna buhero “Yuhũ dihitare ño peoya”, nino nine tiquiro. Sa ijiepegũta yuhare ohoriquiro pehere mũsa ño peogũ cahmeaja yuhũ pehe. Yuhũ sa nigũ tũhona “Potota ni yahuducure tiquiro. Ne mehoedare”, ni masinata mũsa.

¹⁹ Cohãcjũ dutiyere Moise manano pehe cũahye masare. Tiquiro sa cũiepegũta mũsa ijipihtina ti dutiye pehere ne yuhtierari. ¿Dũhsena yuhare wejẽ duajari mũsa? nidi Jesu usã acaye judio masare.

20 —Tuhō masiedare m̄h̄h̄. Wat̄inore c̄ore m̄h̄h̄. M̄h̄h̄are wejē duayequina mariedare, ni ȳhtiri tiquina Jesure.

Tiquina sa nigū Jesu ȳhtiri:

21 —Mari judio masa mari sori deco saurū ijigū ihcā tahata Cohācjū tutuaye mehna dohatiriquiro tiquiro dohatiyere ȳh̄h̄ cohāgū m̄sa ih̄na maria wahari.

22 Mari ñec̄sum̄na m̄na panop̄h̄ cjēna pehe tiquina paḡare cuhnucun̄ sohtoa cahserogāre ȳh̄re neñequina tiquina yeriro sahata Moise ȳh̄re ne dutiahye. Potota Moise pehe ti dutirore cūedahye. Mari ñec̄sum̄na m̄na iji turiayequina pehe tire cū, yahu turiahye. Tiquiro sa dutigū saurū sori deco ijiepegūta mas̄nore tiquiro cuhnucun̄ sohtoa cahserogāre ȳh̄re nene m̄sa.

23 Saurū ijigū mas̄nore tiquiro cuhnucun̄ sohtoa cahserogāre ȳh̄re nene m̄sa, Moise dutiyere yena tana. ¿M̄sa gūh̄h̄ saurū decore tire yepenata ti decop̄h̄ dohatiriquirore ȳh̄h̄ ȳh̄d̄hogū d̄hsena ȳh̄h̄ mehna usuajari m̄sa?

24 Ȳh̄h̄ yerire m̄sa quehnoano masiedapenata, ȳh̄h̄re ñano t̄hotueracāh̄ña. M̄sa quehnoano masidi bato ȳh̄h̄re m̄sa t̄hotugū potota ijirota. Ȳh̄h̄ yerire masina, queoro masiña m̄sa, nidi Jesu.

Jesu coã warop̄h̄ tiquiro

ahtaritore yahuahye

25 Tiquiro sa ni yahuri bato meheñequinagā Jerusalē cjēna tiquirore ohō saha ni yahu wajari:

—¿Ahriquiroy judio masa p̄h̄toa tiquina wejē duariquiro ijierajari?

26 Sa yero tiquirore tiquina wejē duepegūta ijipihtiyequina ih̄no masare buhero nine tiquiro. Sa ye tiquirore wejē duayequina ijiepetata sa ih̄na cāre. ¿“Tiquiro potota Cristo ijire”, ni, t̄hotuagari p̄h̄toa pehe?

27 Sa ijiepegūta ahriquiroy Jesu tiquiro ahtaritore mari masiaja. Cristo pehe masare ȳh̄d̄hoatiquiro tiquiro ah-tagū tiquiro ahtariro pehere masimehnedare. Sa yero masare ȳh̄d̄hoatiquiro Cristo waro ijierare Jesu, ni yahu wajari tiquina Jerusalē cjēna.

28 Tiquina sa niñene masino, Jesu ohō saha ni tutuaro sañuducu buheri Cohācjū w̄h̄h̄p̄h̄:

—Ȳh̄h̄are ohō saha ni t̄hoture m̄sa: “Tiquirore masiaja. Sa yena tiquiro ahtariro gūh̄h̄re masiaja”, ni t̄hotumene m̄sa. M̄sa sa ni t̄hotuepenata ȳh̄h̄re ohoriquirore ne masiedare m̄sa. Ȳh̄h̄are ohoriquiro poto niniquiro, poto yeriquiro ijire. Tiquirore ne masiedare m̄sa.

29 Tiquirota ȳh̄h̄are ohori. Sa yeḡh̄ tiquiro cahap̄ta ahta. Sa yeḡh̄ ȳh̄h̄ pehe tiquirore masiaja, nidi Jesu judio masare.

30 Tiquiro sa nigũ tũhoye tiquirore ñehe duamedi. Tiquina sa ñehe duepegũta Jesu tiquiro ñano yũhdũati pje dũhsarĩdi. Sa ye tiquina tiquirore ñehe masiedari.

31 Apequina masa pehe peyequina tiquirore wacũ tutuaye, ohõ saha nidi:

—“Cristo peye tahari Cohãcjũ tutuaye mehna ye ihñonota”, panopũ tiquina ni yahu mũhtariro sahata ahriquiuro Jesu pehe peye tahari Cohãcjũ tutuaye mehna ye ihñore. Ijipihtiyequina apequina yũhdũoro Cohãcjũ tutuaye mehna ye ihñore tiquiro. Sa yero Cristo Cohãcjũ ohoriquirota ijire ahriquiuro Jesu, nidi Jesure wacũ tutua dũcayequina.

Fariseo masa Jesure peresu ye dutiahye

32 Masa Jesure tiquina sa ni yahuducugũ tũhoahye fariseo masa. Sa ye tiquina, pahia pũhtoa mehna Jesure ñehe dutiye ohoahye surarare, Cohãcjũ wũhũre cohteyequinare.

33 Sa yero Jesu judio masare ohõ saha nidi:

—Meheñe decorigã mũsa mehna ijiniitja. Sa yegũ mehenogã bato yũhũre ohoriquiro cahapũ wahaũtja.

34 Yũhũ ijiatore mũsa waha masiedare. Sa yena yũhũre macaepenata ne bocasi mũsa, nidi Jesu judio masare.

35 Tiquiro sa nigũ tũhoye tiquina basi ohõ saha ni yahuducuri:

—¿Ahriquiuro sa nino nohopũ waharotari, mũsa tũhotugũ? ¿Griego masa cahapũ judio masa waha siteriquina tiquina ijiye macaripũ griego masapũre buhero wahaboagari ahriquiuro?

36 ¿“Yũhũ ijiatore mũsa waha masiedare. Sa yena mũsa yũhũre macaepenata ne bocasi”, tiquiro nigũ dũhse nino boro ahriquiuro sa niajari? ni yahuducuri judio masa tiquina basi.

Catigũ yeye mĩrine yahuahye Jesu

37 Bose deco bato tiri deco ti deco waro ijiro nidi. Ti decore Jesu topũ ducuro, tutuaro mehna sañuducu yahuri:

—Aco wũoyequina acore tiquina tutuaro cahmeno saha ijipihtiye decori Cohãcjũ mehna mũsa ijiatire tutuaro cahmena yũhũre siniña. Mũsa sa sinigũ tiquiro yequina mũsare iji dutiitja.

38 Yũhũre wacũ tutuayequinare ohõ saha ni ojoahye Cohãcjũ yere tiquina ojoari pũpũ: “Mĩri pũhteripũ catigũ yeye aco sa wijiaducuro sahata catigũ yeriquiro tiquina mehna sa ijuducurota”, ni ojoahye Cohãcjũ yere tiquina ojoari pũpũ, ni yahuri Jesu judio masare.

39 Sa catigũ yeriquirore wame peo yahuro “Yũhũre wacũ tutuayequina Espĩritu Santore cũoeta”, nino nidi Jesu. Tiquiro aũmũsepũ tiquiro mũjaedarĩgũ Espĩritu Santo pehe wihieraniahye.

Judio masa tu wahye pua curua

40 Jesu tiquiro sa nigū tūhoye, masa peyequina ohō saha ni yahuducuri:

—Ahriquiroy potota Cohācjū yere yahu māhtariquiroy mari cohteriquiroy ijire, nidi masa.

41 Ohō saha nidi apequina gūhū:

—Ahriquiroy Cristo marine yūhdūoatiquiroy ijire, nidi.

Apequina pehe ohō saha nidi:

—Cristo ahtaroy, Galilea yehpa cjāno ijisi tiquiroy. Ahriquiroy Jesu pehe to cjānota ijire.

42 Cristo Davi mānāno panamino ape tjuro cjāno ijiatiquiroy ijirota. Sa yero Davi ya maca ijiriropū Belēpū Cristo masa bajarota. Ohō saha ni yahure Cohācjū yere tiquina ojoari pūpū. Ahriquiroy Jesu pehe Belēpū masa bajarahye. Sa yero tiquiroy Cohācjū ohoriquiroy Cristo waro ijierare, nidi tiquina.

43 Sa ye Jesure tūhomediquina pua curua tu wari tiquina basi.

44 Meheñequinagā masa pehe Jesure ñehe duamedi. Sa ñehe duepeta tiquiroy ñehedari.

Judio masa puhtoa Jesure ne wacū tutuerahye

45 Sa ye surara pahia puhtoa cahapū fariseo masa cahapū tojoaa wahahye. Tiquina tojoa sagū ihñañe tiquina surarare sinituahye:

—¿Dūhsena Jesure ñehedari masa? ni sinituahye tiquina pehe.

46 —Tiquiroy quehnoa yūhdūaro yahuducuriquiroy ijiri. Apequina tiquiroy yero saha yahuducuyequina ne mariedare, ni yūhtiahye surara tiquinare.

47 Tiquina sa nigū fariseo masa pehe ohō saha ni yahuahye:

—¿Mūsare tiquiroy mehogū “Potota nino niaga”, niajari masa gūhū?

48 Mari puhtoa Jesure wacū tutueyequina ijiye ne tiquiroy cahmedare. Ūsā gūhū sa ijina tiquiroy cahmedaja.

49 Ahriquina masa pehe Cohācjū dutiyere Moisere tiquiroy cūrire masiedare. (Sa masieñequina ijiye Jesure wacū tutuayequina ijiye, tiquiroy cahmene.) Tiquina sa cahmedi buhiri tiquinare mari Pacū buhiri dahrerota, niahye fariseo masa.

50 Fariseo masūno Nicodemo Jesure yahuducuro esariquiroy topū ijiahye tiquina mehna. Tiquina sa nigū tūhoro ohō saha niahye tiquiroy tiquinare:

51 —Jesu ñāno yerire masiedaja mari. Sa masiedana marine tiquiroy yahuato pano tiquiroy buhiri dahre masiedaja mari. Sa masiedapenata tiquiroy buhiri dahrena, mari ye dutiyere yūhdūdcana nijaja mari, niahye Nicodemo tiquinare.

52 Tiquiro sa nigũ tuhoye ohõ saha ni yuhtiahye tiquina:

—¿Mũhũ gãhũ tiquiro yero saha Galilea cjũta ijiajari? Cohãcjũ yere tiquina ojoari pũre buhe pehoya. Sa buhegũ “Cohãcjũ yere yahu mũhtariquina ne ihcãquiro mariedare Galileare”, ni buhe masiita mũhũ. (Sa yero sa ni maca cãno nine Jesu,) ni yuhtiahye tiquina Nicodemore.

[
53 Tiquina sa nidi bato tiquina ye wũhũsepu tojoaa wahahye.

8

Ɛmũno mehna ñano yericorore judio masa pũhtoa wacũeno mehna esa pjeahye

1 Jesu cũnũpu Olivo wame tidũpu wahari.

2 Sa yero bohrearo Cohãcjũ wũhũpu tiquiro esari tja. Tiquiro esagũ ihñañe masa peyequina tiquiro cahapu cahmecoari. Tiquina sa cahmecoagũ ihñaño tiquiro pehe dujitjiãno tiquinare buhe dũcari.

3 Tiquiro sa buheri watoa usã acaye judio masa buheyequina, fariseo masa mehna ti wũhũpu numinore ne cãhtari. Ticoro Ɛmũno mehna ñano yegũ waro wacũeno mehna esa pjeahye tiquina ticorore. Sa esa pjeje ticorore Cohãcjũ wũhũpu ne sajãri tiquina. Ne sajã sa tuhasa ijipihtiyequina ihñoño ticorore duhu docoye ohõ saha nidi:

4 —Buhegũ, ahricoro Ɛmũno mehna ñano ticoro yegũ waro wacũeno mehna ticorore esa pjei.

5 Cohãcjũ dutiyere Moise mũnanopũ marine tiquiro cũri ohõ saha nine: “Ɛmũno mehna ñano yericorore utã paca mehna doque wejẽña”, niahye Cohãcjũ dutiye. ¿Mũhũ waro dũhse ni tuhotuajari ahrire? ni sinituri tiquina Jesure.

6 Jesu ñano nigũ taho duaye nimedi tiquina tiquirore yahusãñe tehe. Tiquina sa sinituepegũta Jesu muhri quehe, yehpũpũ tiquiro omo piria mehna ojoari.

7 Sa tiquina ni sinitudu-cugũ Jesu pehe wahcã nuju sa, tiquinare yahuri:

—Mũsa mehna cjãno ñano yerariquiro ticorore utã mehna doque mũhtaahdo, nidi Jesu.

8 Sa ni tuhasa pari turi muhri quehe, yehpũpũ ojoari tja.

9 Tire tuhoye tiquina ñañe yerire wacũñe, tiquina wahmisũmũa pehe wijia mũhtari. Tiquina bato tiriquina mehna cjẽna gãhũ wijia pihtia wahari. Sa yero numino topũ ducuricoro Jesu mehna tojoari.

10 Sa yero Jesu wahcã nuju sa ticorore sinituri:

—¿Nohopũ wahajari tiquina? ¿Mũhũre buhiri dahre duamediquina mariedajari yojopũre? nidi ticorore.

11 —Mariedare pũhto, ni yuhtiri ticoro.

—Yuhū gūhū buhiri dahreraja mūhure. Wahaya. Sa yego ñañene ye nemoedacāhña, nidi Jesu titorore.]

Buhrioro marine ihña masigū yero saha Jesu ahri yehpa cjēnare mari Pacure masigū yere

12 Pari turi Jesu ti wūhupū ijiyequinare yahuri:

—Buhrioro marine to ihña masigū yero sahata yuhū ahri yehpa cjēnare Cohācjūre masigū yeaja. Yuhūre wacū tutuariquiro ijipihtiye decori Cohācjū mehna sa ijiducurota. Sa yero tiquiro quehnoañene wacūnota. Sa yero tiquiro ñañene wacū duerare, ni yahuri Jesu.

13 Tiquiro sa nigū tiquirore fariseo masa ohō saha nidi:

—Mūhū basi mūhū ijiye tiyere sa ni yahuducugū nine. Sa ye mūhū ohō saha ni mūhū esa tuharo mūhū ni yahuducu maca quēhe ne dūhseati ijierare, nidi tiquina Jesure.

Tiquina sa nigū Jesu yūhtiri:

14 —Yuhū ahtarirore masi-aja yuhū. Yuhū wahato gūhūre masiaja yuhū. Mūsa ne tire masiedare. Mūsa ohō saha niepegūta yuhū ijiye tiyere mūsare yuhū yahuri poto tjire.

15 Mūsa esa tuharo mūsa ihñari dihitare masine mūsa. Sa yena quehnoano masiedare mūsa. Sa masiedapenata yuhūre ñano ni yahuducure mūsa. Yuhū pehe yuhū esa tuharo masare ne sa niedaja.

16 Sa yegū masa tiquina ijiye tiyere ihña masigū yuhū esa tuharo ihña masiedaja. Yuhū pūrta yuhūre ohoriquiro mehna ihña masiaja. Sa yegū masa tiquina ijiye tiyere yuhū ihña masiñe poto tjire.

17 Mūsare dutiye tiquina ojoari pū ohō saha ni yahure. “Pūaro masa ihcāno saha tiquina yahugū ohō saha tiquina yahuye poto tjire”, ni yahu ojoari jiri.

18 Yuhūre yahuriquiro mehna usā pūana tjiaja. Yuhū ijiye tiyere yahuaja yuhū. Sa yero yuhū Pacū gūhū yahure yuhū pehere. Tiquiro tjire yuhūre ohoriquiro, nidi Jesu.

19 —¿Nohopū ijiagari mūhū pacū? ni sinituri tiquina.

—Yuhūre mūsa masiedare. Yuhū Pacū gūhūre masiedare mūsa. Yuhūre masina, yuhū Pacū gūhūre masiboaga mūsa, ni yūhtiri Jesu tiquinare.

20 Jesu tiquinare buhero sa ni yahuducuri Cohācjū wūhupū tiquina niñeru sññe acari cahapū. Tiquiro ñano yūhdūati pje ijieranidi. Sa ye tiquina mehna tiquiro ijiepegūta tiquina tiquirore ñehedari.

—Yuhū wahatopūre mūsa pehe waha masisi, niahye Jesu

21 Pari turi Jesu tiquinare yahuri tja:

—Yuhū ahtaripopū wahautja. Yuhū wahari bato mūsa yuhūre macanata. Sa yena mūsa ñañe buhiri tiye mehna yarianata. Yuhū wahatopūre

musa pehe waha masisi, ni yahuri Jesu.

²² —“Yuhū wahatopure musa pehe waha masisi”, tiquiro nigū tūhoye, “¿Ahriquiro tiquiro basi wejē yariarotari, sa nino?” nidi usā acaye judio masa tiquina basi.

²³ Tiquina basi sa nigū Jesu yahuri tiquinare:

—Musa pehe ahri yehpa cjāna ijire. Yuhū pehe ūhmuse cjū ijiaja. Ahri yehpapū bajarina ijire musa pehe. Ūhmusepū ahtarigū ijiaja yuhū pehe.

²⁴ Musa yuhū ijiye tiyere yuhū nidire “Poto ijierare”, nina, musa ñañe buhiri tiye mehna yarianata musa. Sa yegū “Musa ñañe buhiri tiye mehna yarianata musa”, nimi musare, nidi Jesu tiquinare.

²⁵ —¿Noa boro ijiajari mūhū? ni sinituri tiquina.

—Coā waropure yuhū niducuriro sahata ijiaja yuhū.

²⁶ Musare yuhū yahuati pajiro dūhsarīne. Sa yero musa ñano yeri buhirire musare yuhū yahuati pajiro dūhsarīne. Sa yegū yuhūre ohoriquiro tiquiro yahurire ahri yehpa cjēnare yahuaja. Tiquiro yahuri poto tjire, nidi Jesu tiquinare.

²⁷ “Yuhūre ohoriquiro”, tiquiro nigū tūhoye, “Mari Pacū ijiaja”, ni tūhotuerari tiquina.

²⁸ Tiquina sa ni tūhotueragū ihñano Jesu yahuri tiquinare.

—Yuhūre masare Cohācjū ohorigūre musa yucū teō

mehna wahcō doconata. Musa sa yena, “Tiquiro Cohācjū ohoriquiro tjire”, ni masinata musa yuhūre. Sa yena yuhū esa tuharo yuhū yerarigū ijigū masinata musa. Sa yena yuhū Pacū yuhūre tiquiro buheri dihitare yahurigū yuhū ijigū gūhūre masinata musa.

²⁹ Sa yero yuhūre ohoriquiro pehe yuhū mehna ijire. Tiquiro cahmeñene ijipihtiye decori yeducuaja. Sa yero yuhūre tiquiro ne cohāedare, nidi Jesu.

³⁰ Tiquiro sa nigū tūhoye, tiquirore masa peyequina wacū tutuari.

Cohācjū pohne, ñañe yeyequina gūhūre yahuahye Jesu

³¹ Sa ye apequina judio masa Jesure wacū tutuari. Sa yero Jesu tiquinare yahuri:

—Yuhū dutiyere ye pehona, potota yuhū buhena ijire musa.

³² Sa yena poto masinata musa. Poto ijiyere masina, ñañe yeyere duhu masinata. Sa yena cahacjēna yero saha iji nemosi musa, nidi Jesu tiquinare.

³³ Tiquiro sa nigū tūhoye ohō saha ni yūhtiri tiquina:

—Usā pehe panopū cjāno Abrahā mūnano panamena iji turiana ijiaja. Sa yena ne apequina tiquina cahacjāna ijieraja usā. ¿Sa yegū “Cahacjēna yero saha iji nemosi”, nigū, dūhse ijiro boro usāre sa niajari mūhū? ni sinituri tiquina Jesure.

34 Tiquina sa nigũ tuhoro ohõ saha nidi tiquiro:

—Ijirota niaja m̄sare. Ijipihtiequina ñañene yeyequina pehe tiquina ñañene ye duhu masiedare. Sa yero ñañe pehe tiquina p̄htoro yero saha ijire. Sa ijiyequina ijiye cahacjēna yero saha ijire tiquina.

35 Cahacjāno pehe tiquiro p̄htoro ya curua cjāno ijipih̄tiye decori iiducuerare. Ti w̄h̄h̄ cjāno mac̄no pehe ijipih̄tiye decori potota ti curua cjāno ijire tiquiro. (Ȳh̄h̄ pehe Cohācjū mac̄ ijiaja. Sa yeḡ dutiḡ ijiaja. M̄sa ñañe yeyere duhu dutiitja.)

36 Sa yena ȳh̄h̄ Cohācjū mac̄ ñañene ȳh̄h̄ duhugū yenohrina ijina potota ñañene duhurina ijire m̄sa.

37 Abrahā m̄nano panamena iji turiana m̄sa ijigū masiaja. Sa ijiepenata ȳh̄h̄ yahuye pehere t̄ho duerare m̄sa. Sa yena yah̄re wejē duare m̄sa.

38 Ȳh̄h̄ Pac̄ yah̄re tiquiro masigū yerire yahuaja m̄sare. Ȳh̄h̄ sa yahuepegūta m̄sa pac̄ wat̄no m̄sare tiquiro dutiyere yere m̄sa ḡh̄h̄, nidi Jesu tiquinare.

39 —Abrahā m̄nano panop̄h̄ cjāno us̄ā ñec̄ m̄nano ijie tiahye. Sa yero wat̄no us̄ā pac̄ ijierare, ni ȳhtiri tiquina.

Tiquina sa nigũ Jesu ȳhtiri:

—Abrahā panamena iji turiana ijina, tiquiro yeriro sahata yeboaga m̄sa.

40 Cohācjū yah̄re poto tiquiro yahuyere m̄sare ȳh̄h̄ yahuepegūta yah̄re wejē duare m̄sa. Abrahā m̄nano pehe ne sa yera tiahye.

41 M̄sa pac̄ tiquiro yeriro sahata yere m̄sa, nidi Jesu tiquinare.

Tiquiro sa nigũ tiquina ȳhtiri:

—Omoca d̄h̄temehneñequina pohna ijieraja us̄ā. Ihcāquirola ijire us̄ā Pac̄. Tiquirota ijire Cohācjū, nidi tiquina.

42 Tiquina sa nigũ Jesu ȳhtiri:

—Cohācjū mehna cjū ijiḡh̄, ohōp̄re ahtā. Sa yena Cohācjū m̄sa Pac̄ tiquiro ijigū yah̄re cah̄boya m̄sa. Ȳh̄h̄ esa tuharo ahtaer̄h̄ ȳh̄h̄ p̄rita. Cohācjū tiquiro ohogū ahtā ohōp̄re.

43 ¿D̄hsena ȳh̄h̄ yahuducuyere t̄hoerajari m̄sa? Ȳh̄h̄ yahuyere t̄ho duerare m̄sa. Sa yena t̄hoerare m̄sa.

44 M̄sa pac̄ pehe wat̄no ijire. Sa yena wat̄no cahmeñe pehere ye duare m̄sa. Ahri yehpa coā warop̄h̄ to iji d̄cagūp̄h̄, yojop̄h̄ ḡh̄re tiquiro masare wejēdiquiro ijire. Tiquirore poto yahuducuye mariedare. Sa yero tiquiro ne poto yahuducuerare. Tiquiro coā warop̄re ni meho m̄hta d̄cariquiro ijie tiahye. Sa yero tiquiro sa ni mehoducuriquiro ijiro, ni mehoñene yah̄re.

45 Ȳh̄h̄ pehe m̄sare poto yahuaja. Sa ȳh̄h̄

yahuepegāta yahure tahoerare mūsa.

⁴⁶ “Mūhū ñano yegū ijire”, yahure ni masiedare mūsa. ¿Poto mū sare yūhū yahuepegāta dahsena tahoerajari mūsa?

⁴⁷ Cohācjū pohne pehe tiquiuro yahuducuyere tahore. Tiquiuro pohne ijierana, tiquiuro yahuducuyere taho duerare mūsa, nidi Jesu tiquinare.

Abrahā tiquiuro ijiato pano Cristo pehe iji tuhasae tiahye

⁴⁸ Tiquiuro sa nigū tahoye judio masa tiquiore ohō saha nidi:

—“Mūhū Samaria cjū ijire. Sa yegū watīnore cūore mūhū”, usā nidi poto tjire, nidi tiquina Jesure.

⁴⁹ Tiquina sa nigū tahoro ohō saha ni yahtiri Jesu:

—Watīnore cūoeraja yūhū. Yūhū Pacūre ño peoaja. Mūsa pehe yahure ño peoerare.

⁵⁰ Yūhure masa tiquina ño peogū cahmedaja yūhū. Yūhū Pacū pehe yahure ño peogū cahmene masare. Tiquiuro pūrta yūhū ijiye tiyere quehnoano ihña masino, sata ño peo dutire. Sa yero yahure tiquina cahmedari buhiri, buhiri dahreatiquiuro ijirota tiquiuro.

⁵¹ Ijirota niaja mū sare. Yūhū dutiyere yeriquiuro ijipihtiye decori Cohācjū mehna sa ijiducurota, nidi Jesu.

⁵² Tiquiuro sa nigū tahoye ohō saha nidi tiquina:

—Yojopū pūrta watīnore cūogū mūhū ijigū usā

quehnoano masiaja. Abrahā mūnano yariaa wahahye. Cohācjū yere yahu māhtariquina gūhū yaria pihtia wahahye. ¿Sa yegū “Yūhū dutiyere yeriquiuro ijipihtiye decori Cohācjū mehna sa ijiducurota”, nigū dahse nigū sa niajari mūhū?

⁵³ ¿Usā ñecū mūnano Abrahā yūhdūoro tutuajari mūhū? Tiquiuro, Cohācjū yere yahu māhtariquina gūhū yariaa wahahye. ¿Mūhū pehe noa boro ijiajari mūhū, sa ni yahuducugū? Mūhū sa nibogū ijierare, nidi tiquina.

⁵⁴ Tiquina sa nigū tahoro Jesu yahu nemori:

—Yūhū basi “Tutuagū ijiaja yūhū”, yūhū nigū, tutuagū ijieraboaga yūhū. Yūhū Pacū pehe “Tiquiuro tutuariquiuro ijire”, nine yahure. “Usā Pacū”, mūsa nidiquiuro pehe yūhū Pacū tjire.

⁵⁵ Mūsa pehe yūhū Pacūre ne masiedare. Yūhū pehe tiquiore masiaja. “Tiquiore masiedaja”, nigū mūsa yero saha ni mehoñe peyagū iji-boaga yūhū. Potota tiquiore masiaja. Sa yegū tiquiuro dutiyere yeaja.

⁵⁶ Ahri yehrapū yūhū ahtatore mari ñecū Abrahā mūnano masie tiahye. Sa masino tiquiuro bucuee tiahye, nidi Jesu.

Tiquiuro sa nigū tiquina yahtiri:

⁵⁷ —Cincuenta cūhmari cūoeraga mūhū. Abrahā mūnano panopū cjūno ijiri. ¿Yojopūre tiquiuro mūnanore

mahu dulse masiboagari?
nidi judio masa Jesure.

58 —Ijirota niaja masare.
Abrahã tiquiropã ijiato pano
yahu pehe iji mahãta tuhasae
tii, nidi Jesu tiquinare.

59 Tiquiropã sa nigã tãhoye
tiquina pehe tãta pacare ne,
tiquiropã doque duamedii.
Tiquina sa doque duepegãta
Jesu pehe Cohãcjũ wãhãpã
ijiriropã duhti wijiaa wa-
hari.

9

*Caperi bajueriquiropã
ihãagã yeahye Jesu*

1 Sa yena Jesu usã tiquiropã
buhena mehna mahãpã
wahana, apequiropã ca-
peri bajueriquiropã boca
sã. Tiquiropã wahma masa
bajuaropãta caperi ba-
jueriquiropã ijie tiahye.

2 Usã gãhã tiquiropã ihãana,
sinituu Jesure:

—¿Buhegã, ahriropã
dãhsero caperi bajueriquiropã
masa bajuayari? ¿Ñãñene
yeyari tiquiropã sa waharo?
¿O tiquiropã pacusãmã pehe
ñãñene yeyari tiquiropã sa
wahagã? ni sinituu usã pehe
Jesure.

3 Usã sa nigã tãhoro ohõ
saha ni yãhtiri tiquiropã:

—Ahriropã ñãñene yeri
buhiri caperi bajueriquiropã
wahaerari. Tiquiropã
pacusãmã gãhã ñãñene
tiquina yeri buhiri caperi
bajueriquiropã wahaerari.
Cohãcjũ tiquiropã caperi
bajueragã yeri tiquiropã

ihãagã yero taro, masare
tiquiropã ihãoatire.

4 Yahãre ohoriropã
tiquiropã cãrãre yojopãre yero
cahmene marine. Ñãmãpã
mari dahra masieno sahãta
camepã yahãre ohoriropã
tiquiropã cãrãre ye masiedaja
mari.

5 Ahri yehpãpã buhriropã
marine to ihãa masigã yero
saha ijigã ahri yehpã cjẽnãre
Cohãcjũ yere masigã yeaja
yãhã, nidi Jesu.

6 Sa ni tuhasarota yehpãpã
sihco puti cãri. Tiquiropã
sa sihco puti cãrãre dihta
mehna dahra more, caperi
bajueriquiropã tiquiropã ca-
perire wisõri.

7 Sa wisõno ohõ saha nidi
Jesu:

—Siloé wame tiri copepã
cuhsari copepã mahu ca-
perire cosegã wahaya, nidi
Jesu.

Siloé usã ye mehna niñe
“Ohori cope”, niñe nidi.

Jesu tiquiropã caperire cose
dutiropã pehe waha, cose,
caperi ihãariropã tojoa wi-
hiri.

8 Tiquiropã tojoa wihigã
tiquiropã cahãpã ijieyãquina
tiquiropã ihãari. To pano
niñeru sinimediquiropã tiquiropã
ijigã ihãariropã tiquiropã ohõ
saha nidi tiquina basi:

—¿Ahriropã sohõ ijiriropã
niñeru sinidiquiropã ijierajari?
nidi tiquina.

9 —Tiquirota ijire, nidi ape-
quina pehe.

—Tiquiro ijierare. Tiquiropã
saha bajuriropã ijire, nidi
apequina pehe.

Tiquina sa nigū tūhoro caperi bajueramediquiro pehe ohō saha nidi:

—Tiquiro tjajaja yūhū, nidi tiquinare.

¹⁰ Tiquiro sa nigū masa tiquirore sinituri.

—¿Caperi bajuegū ijirigū dūhse waha ihñari māhū? ni sinituri tiquina tiquirore.

¹¹ —Jesu wame tiriqiroro sihco co mehna dihta mehna dahra more, yūhū caperire wisōri. Yūhūre wisō tuhasa “Siloé wame tiri copepū māhū caperire cosegū wahaya”, tiquiro nigū cosegū esau yūhū. Yūhū sa coseri bato yūhū caperi quehnoano bajuri yūhūre, ni, yahuri tiquiro masare.

¹² —¿Mūhūre sa yeriquiro nohopū ijiagari tiquiro? nidi tiquina.

—Ōbah. Noho ijiro ijiaga, nidi tiquiro.

Caperi bajueramediquirore fariseo masa sinituahye

¹³ Sa ni yahuducu tuhasa tiquina caperi bajueramediquirore fariseo masa cahapū neari.

¹⁴ Ti deco Jesu dihtare sihco co mehna dahra more caperi bajueriquirore tiquiro ihñagū yeri deco saurū deco ijiri. Ti deco usā sori deco ijiri.

¹⁵ Sa ye fariseo masa pehe tiquirore sinituahye tja.

—¿Dūhse ye māhū ihñari? ni sinituahye tiquina.

—Dihta mehna yūhū caperire wisōri. Sa yegū yūhū caperire yūhū coseri bato

ihña dūcaū yūhū, ni yahuahye tiquiro tiquinare.

¹⁶ —Tiquiro saurū decore mari sori decore mari dahra dutieri decore dahraya. Sa yero tiquiro Cohācjū yaquiro ijierare, niahye apequina fariseo masa pehe.

Apequina pehe ohō saha niahye:

—Ñañene yeriquiro ohō saha yūhdūo masiedare. Sa yero tiquiro quehnoariquiro ijiboaga, niahye apequina.

Sa ye tiquina pūa curua tu wahye tiquina basi.

¹⁷ Sa ye pari turi tiquina caperi bajueramediquirore sinituahye tja.

—¿Mūhūre caperire quehnoano yeriquirore māhū waro dūhse ni tūhotuajari Jesure? niahye tiquina tiquirore.

—Tiquiro potota Cohācjū yere yahu māhtariquiro ijire, niahye caperi bajueramediquiro.

¹⁸ Coā waropūre judio masa ohō saha ni tūhotumahye. “Ahriquiro caperi bajueramediquiro ijierare”, ni tūhotumahye tiquina. Sa ni tūhotuye caperi bajueramediquiro pacūsumūare pijioahye tiquina.

¹⁹ Pijio, tiquiro pacūsumūare sinituahye fariseo masa pūhtoā.

—¿Ahriquiro potota mūsa macū ijiajari? ¿Duita tiquiro caperi bajueriquiro masa bajuari? ¿Potota caperi bajueriquiro ijieperota dūhsero ihñajari yojopūre?

ni sinituahye tiquina tiquiroy pacusumhare.

20 —Ahriquiroy usã macuta ijire. Sa yero duita caperi bajueriquiroy masa bajue tiri tiquiroy.

21 Tire masiepenata tiquiroy ihñarire, tiquiroy ihñagũ yeriquiroy gũhare masiedaja usã. Usã macure sinituya. Bucuro ijire tiquiroy. Tiquiroy basi yahu masine, niahye tiquiroy pacusumha.

22 Judio masa usã pũtoa coã waropare ohõ saha nie tiahye.

—“Jesuta Cristo Cohãcjũ ohoriquiroy ijire”, niñequinare mari buheye wũhusepũ sajã dutisi usã, nie tiahye judio masa pũtoa.

Tiquina sa nigũ tũhoye caperi bajueramediquiroy pacusumha judio masa pũtoare cue niahye.

23 Sa cueye, “Bucuro ijire tiquiroy. Tiquiroy sinituya”, niahye tiquina judio masa pũtoare.

24 Came judio masa pũtoa pari turi pijioahye caperi bajueramediquiroy tja. Pijio ohõ saha niahye tiquiroy:

—Cohãcjũ mehna potoy yahuya mũhũ. Jesure ni mehoriquiroy tiquiroy ñaũe yeriquiroy ijigũ usã masiaja. Sa yegũ potoy yahuya usãre, niahye judio masa caperi bajueramediquiroy.

25 Tiquina sa nigũ tũhoro ohõ saha nie yũhtiahye tiquiroy:

—Jesure tiquiroy ñaũe yeriquiroy ijigũ masiedaja yũhũ. Ihcãnota masiaja yũhũ.

Panopare caperi bajuegũ ijie tii yũhũ. Yojopare ihñaja yũhũ. Ti dihitare masiaja yũhũ, nie yũhtiahye caperi bajueramediquiroy tiquinare.

26 —¿Dũhse yeri mũhare tiquiroy? ¿Mũhũ caperi ihñatire dũhse yeri tiquiroy mũhare? nie sinituahye tiquina.

27 —Tireta mũsare yahu tuhasami yũhũ. Yũhũ sa niepegũta mũsa ne tũho duerare yũhare. ¿Dũhse ye duana pari turi yũhũ yahugũ tũho duajari mũsa? ¿Mũsa gũhũ tiquiroy buhena iji duajari? niahye tiquiroy tiquinare.

28 Tiquiroy sa nigũ tũhoye tiquina tuhtiahye tiquiroy:

—Mũhũ Jesu buherigũ ijire. Usã pehe Moise buhena ijiaya.

29 Potota Cohãcjũ Moise yahuducue tiahye. Jesu tiquiroy ahtarirore usã masiedaja, niahye tiquina caperi bajueramediquiroy.

30 Tiquina sa nigũ yũhtiahye tiquiroy:

—¿Tiquiroy ahtarirore mũsa masiedagũ yũhare ihñagũ yeriquiroy ijio, Cohãcjũ ohoriquiroy ijieraboagari tiquiroy?

31 Cohãcjũ ñaũe yeyequinare tiquina siniñene tũhoerare. Ti pũritare mari masiaja. Tiquinare tũhoeraperota Cohãcjũre ño peoriqiroy, tiquiroy dutiyere yeriquiroy tiquiroy siniñene tũhore Cohãcjũ.

32 Coã waropare ahri yehpa iji dũcagũpare ne

coã masa bajaropu caperi bajariquirore ne ihcãquiro ihñagũ yeriquiro marieda tiahye.

33 Sa yero Jesu Cohãcjũ ohoriquiro ijieraro yahure ihñagũ yeraboaya tiquiro, niahye tiquiro tiquinare.

34 —Mũhu duita ñagu ijie tiahye. ¿Sa ijiepeguta usãre buhe duajari mũhu? niahye judio masa pãtoa tiquirore.

Sa ni tuhasayeta tiquina tiquirore cohã wio cãhye.

Jesu yere cahmeeñequina caperi bajueyequina tiquina ihña masieno saha mari Pacure masiedare

35 Sa yero caperi bajar-amediquirore tiquina cohã wiorire Jesu tãhori. Sa tãhoro caperi bajaramediquirore boca saro tiquirore sinituri:

—¿Masũnore Cohãcjũ ohoriquirore wacũ tutuajari mũhu? nidi Jesu.

36 —¿Pãhto, noa ijiajari tiquiro? Tiquirore masigũ wacũ tutuagũtja tiquirore, nidi caperi bajar-amediquiro Jesure.

37 —Tiquirore ihña tuhasari mũhu. Yojopure mũhu mehna yahuducugũ tiquirota ijiaja yahũ, nidi Jesu caperi bajar-amediquirore.

38 —Pãhto, mũhure wacũ tutuaja, nidi caperi bajar-amediquiro.

Sa nino tiquiro Jesu caha dusepe curi mehna quehe sa, tiquirore ño peori.

39 Tiquiro sa ño peogũ ihñano ohõ saha nidi Jesu:

—Quehnoañequina, ñañequina gũhu tiquina yerire masigũ yei ahtaũ ahri yehpãpãre. Caperi bajueyequina tiquina ihña masieno saha tiquina yero saha ijieyequina yahũ Pacure masiedare. Sa masieñequinare yahũ Pacure masigũ yei ahtaũ yahũ. “Usã quehnoano masi-aja”, ni tãhotumediquina quehnoano tiquina masiedarire masigũ yei ahtaũ yahũ, nidi Jesu.

40 Tiquiro sa nigũ tãhoye meheñequinagã fariseo masa tiquirore ohõ saha nidi:

—¿“Caperi bajueyequina tiquina ihña masieno saha quehnoano masiedare mũa gũhu”, nii niajari mũhu usãre? nidi fariseo masa Jesure.

41 Tiquina sa nigũ ohõ saha nidi Jesu:

—Caperi bajueyequina tiquina ihña masieno saha poto mũa quehnoano masiedagũ, mũsare buhiri mariedaboaya. “Usã quehnoano masina ijiaja”, mũa nidi buhiri, buhiri tina ijinine mũa yojopure, nidi Jesu tiquinare.

10

Ovejare cohteriquiro quitire yahuahye Jesu

1 Came queoye mehna buhero ohõ saha nidi Jesu:

—Ijirota niaja mũsare. Ovejare cohteri sahrĩno sopecaha sajãedariquiro, sopecaha marienopũ sajãriquiro pehe yaque bucuro ijire.

2 Sopecaha sajãriquiro pehe ovejare cohteriquiro ijire.

³ Sopecahare cohteriquiro sopecahare pōore ovejare cohteriquiro sajātoṛe. Ovejare cohteriquiro yahuducugū taho cāhtare tiquiro nuñequina oveja pari. Tiquinare pijioro tiquina wame mehna pisuducure tiquiro. Sa yero tiquinare sahrīnopṛ ijiriquinare piji wiodocore sopecahapṛ.

⁴ Tiquiro yequinare ijipihtiequinare piji wio tiquinare sa ṽhmṽ tāducure. Oveja pehe tiquiro yahuducuyere taho masiñe tiquiro baṭo nṽnṽ tāre.

⁵ Apequirore tiquina ihña masieniquirore nṽnṽ tāedare tiquina. Sa ye apequina tiquina yahuducuyere taho ye, cue oma sitea wahare, nidi Jesu tiquinare.

⁶ Ahri queoyere tiquiro sa yahuepegūta tiquiro yahuyere masiedari tiquina.

Jesu ovejare quehnoano cohteriquiro yero saha tiquiro yequinare quehnoano cohtere

⁷ Pari turi Jesu tiquinare yahuri tja:

—Ijirota niaja mṽsare. Ovejare cohteri sahrīno sopecaha yero saha ijiaja yṽhṽ.

⁸ Ijipihtiequina yṽhṽ pano ahtayequina ni mehoñene buheyequina yaqueyequina yero saha ijire. Tiquina sa ijiepegūta oveja yero saha ijiequina yeequina pehe apequinare ne taho cāedare.

⁹ Yṽhṽ ovejare cohteri sahrīno sopecaha yero saha ijiaja. Sopecaha sajāñequina yero saha ijire yṽhṽre wacū

tutuayequina. Sa yegṽ tiquinare pecapṽ waha boriquinare yṽhdṽoutja. Ovejare cahmotari sahrīno tiquinare cahmotariro sahata yṽhṽ yṽhdṽoyequinare cahmotaṽtja. Sa ye tiquina cahmeñene cṽoeta tiquina, nidi Jesu.

¹⁰ Sa ni tuhasa ohō saha ni nemori:

—Mṽsare ni meho buheyequina ovejare yaqueyequina yero saha ijire. Apequina yaque duaye, apequina wejē duaye ahtare. Oveja yero saha ijieyequinare, yeequina ijipihtie decori Cohācjū mehna ijiatiquinare yegṽ ahtaṽ yṽhṽ. Sa yegṽ yeequina decoripe tiquina bucueatire ahtaṽ yṽhṽ.

¹¹ Ovejare quehnoano cohteriquiro yero saha ijiaja yṽhṽ. Ovejare quehnoano cohteriquiro yariatiquiro ijieperota tiquiro yequina ovejare cohtere, “Sijoro wahari”, nino. Yeequina Cohācjū mehna tiquina sa ijiducuatire yegṽ yariatja yṽhṽ.

¹² Oveja upṽro cahacjāno pehe oveja upṽro ijierare. Sa yeye oveja tiquiro yequina ijierare. Sa yero yairo ovejare tiquiro ihyaro ahtagū ihñano tiquiro cahacjāno pehe ovejare cohā doco cā, oma cāa wahare. Tiquiro sa cohā docori bato, yairo ovejare tiquiro ñehēgū ihñañe oveja pari oma site cāa wahare.

¹³ Tiquiro cahacjāno pehe tiquiro wapataye dihitare

cahmene. Sa yero tiquiro ovejare quehnoano cohte coerare, nidi Jesu.

14 Sa ni tuhasa ohō saha ni nemori:

—Ovejare quehnoano cohteriquiro yero saha ijiaja yuhū. Sa yegū yeequinare masiaja yuhū. Sa yeye yeequina pehe yuhūre masine.

15 Sata yuhū Pacū gūhū yuhūre masine. Sa yegū yuhū gūhū yuhū Pacūre masiaja. Oveja yero saha ijiequina yeequina Cohācjū mehna tiquina sa ijiducuatire yariūtja yuhū.

16 Apequina oveja ape sahrīno cjēna yero saha ijiequina apequina masa gūhū yeequina ijieta. Tiquina gūhūre neagūtja. Sa ye yuhū yahuducugū tūho cāeta tiquina gūhū. Sa ye yeequina ijipihtiequina ihcā curuata ijieta. Sa yegū yuhū dihita yeequinare cohteitja, nidi Jesu.

17 Sa ni tuhasa ohō saha ni nemori:

—Yeequina Cohācjū mehna tiquina sa ijiducuatire yariūtja yuhū. Yuhū yariari bato masa mūjagūtja. Sa yeacjū yuhū ijigū yuhū Pacū yuhūre cahīne.

18 Yuhū wejē dutieragū yuhūre wejē masiedaboaya tiquina. Yuhū cahmeno sahata yuhūre wejēeta. Sa yegū yeequina Cohācjū mehna tiquina sa ijiducuatire yariūtja. Yaria masiaja yuhū. Sa yegū masa mūja masiaja. Yuhū Pacū yuhūre tireta ye dutiri, nidi Jesu.

19 Tiquiro sa nigū tūhoye judio masa pūa curua tu wari. Apequina sijoro tūhotu, apequina gūhū sijoro tūhoturi.

20 —Tiquiro watīno cūore. Sa yero tūho masiedare. ¿Dūhsena tiquirore pari turi tūhoajari masa? nidi apequina peyequina judio masā.

21 Apequina pehe ohō saha nidi:

—Watīno cūoriquiro ijero sa ni yahuducueraboaya. Caperi bajueriquirore ihñagū ye masiedare watīnore cūoriquiro. Sa yero watīnore cūoerare Jesu, nidi apequina judio masa.

Judio masa Jesure cahmedahye

22 Ape deco ūsā acaye judio masa Jerusalēpū bose deco yeye nidi pari turi. Cohācjū wūhūre panopū Cohācjūre tiquina ohorire tiquina wacūati deco ijiri. Ti pjere pohecū ijiri.

23 Ti decore Salomo wame tiri tucūpū Cohācjū wūhūpū ijiri tucūpū Jesu ihña tinino nidi.

24 Ti tucūpū tiquiro ijigū ihñañe ūsā acaye judio masa tiquiro cahapū cahmecoa, tiquirore sinituri.

—Yoabutiari pje ūsāre quehnoano yahueraga mūhū. Poto ūsāre quehnoano yahu madoqueohya mūhū. ¿Cohācjū ohorigū Cristota ijiajari mūhū? nidi tiquina Jesure.

25 Tiquina sa nigū tūhoro ohō saha ni yūhtiri Jesu:

—Musare yahu tuhasama-jagu. Yuhū sa yahuepegūta yuhūre taho duerare mūsa. Yuhū Pacū yuhūre tiqiro dutiro sahata tiqiro tutuaye mehna ye ihñōaja. Sa yegū yuhū Cristo ijiereta musare ihñōgū niaja.

²⁶ Yuhū sa ihñōepēgūta yuhūre taho duerare mūsa. Mūsa pehe yeequina ijierare. Sa yena apequiro yequina oveja yero saha ijina, yuhū pehere tahoerare mūsa.

²⁷ Ovejare cohteriquirore tiqiro yequina tiquina tūhoriro saha yuhūre yeequina tūhore. Sa yegū tiquinare masiaja yuhū. Sa ye tiquina yuhū mehna wahare.

²⁸ Sa yegū ijipihtiye decori Cohācjū mehna ijigū yeaja tiquinare. Sa ye tiquina pecarū wahasi. Sa yegū yeequinare yuhū cohtegū apequina pehe ne yuhūre ehma masiedare yeequinare.

²⁹ Yuhū Pacū yuhūre yeequinare ohoriquiro ijipihtiyequina yuhūoro tutuariquiro ijire. Sa ye yuhū Pacū pehe yeequinare tiqiro cohtegū apequina pehe tiqiro gūhare ne ehma masiedare tiquinare.

³⁰ Yuhū, yuhū Pacū mehna ihcūta ijiaja, nidi Jesu judio masare.

³¹ Tiquiro sa nigū tūhoye judio masa pehe tiqirore tiquina doque wejēati utā pacare pari turi nemedi tja.

³² Tiquina sa yegū ihñāno Jesu sinituri tiquinare:

—Yuhū Pacū tutuaye mehna peye tahari ye ihñomi

musare. ¿Dise boro pehere yuhū yeri buhiri yuhūre utā paca mehna doque wejē duajari mūsa? ni sinituri Jesu.

³³ Tiquiro sa nigū tūhoye ohō saha nidi tiquina:

—Cohācjū tutuaye mehna mūhū ye ihñōri buhiri mūhūre utā mehna doque wejē dueraja ūsā. Cohācjūre mūhū ñāno yahuducuri buhiri mūhūre utā paca mehna doque wejē duaja ūsā. Masū ijiepegūta “Cohācjū ijiaja yuhū”, mūhū niñe buhiri mehna mūhūre utā paca mehna doque wejē duaja ūsā, ni yūhtiri tiquina.

³⁴ Tiquina sa ni yūhtigū tūhoro Jesu tiquinare yahuri:

—Mūsa gūhare “Cohāmana”, ni pisuri Cohācjū. Sata ni ojoahye tiqiro dutiyere tiquina ojoari pūrū.

³⁵ Cohācjū yere tiquina ojoari pū potota ijigū mari masiaja. “Ni mehoñe ijire”, ti pūre ni masiedaja mari. Sa yero tiqiro yere tūhoyequinare potota tiqiro “Cohāmana”, ni pisure.

³⁶ Cohācjū yuhūre besetjiāno, ahri yehpapure ohori. Sa yegū yuhū “Cohācjū macū ijiaja”, yuhū nidi buhiri “Cohācjūre ñāno yahuducuro nine Jesu”, nine mūsa yuhūre. ¿Dūhsena yuhūre sa niajari mūsa?

³⁷ Yuhū Pacū tiqiro cahmediro sahata tiqiro tutuaye mehna yuhū ye ihñōedagū pūritare yuhū buherire “Poto tjire” niedaboaga mūsa.

38 Yahu Pacu tiquiro tutuaye mehna yahu ye ihñoepéguta yahu pehere taho duerare musa. Sa taho duerapenata tiquiro tutuaye mehna yahu ye ihñogū ihñana yahu yerire “Poto tjire”, niña musa. Musa sa nina, yahu Pacu mehna usã ihcãno saha ijigū masinata musa. Sa yena tathonata musa, nidi Jesu tiquinare.

39 Tiquiro sa nigū tiquina pari turi tiquirore ñehe duamedi. Tiquina sa ñehe duagū ihñano tiquiro duhti wijiaa wahari.

40 Sa wijiariquiropata Ñu masare tiquiro wame ye m̄htariorp̄ Jordã asū m̄ja taro pehep̄ pari turi Jesu wahari tja. Top̄ esaro tojoa cãri tiquiro.

41 Sa ye masa peyequina tiquirore ihñañe esari. Ohõ saha nidi tiquina basi:

—Ñu pehe Cohãcjũ tutuaye mehna ye ihñoedari. Sa ye ihñoedapéguta ijipihtiye Jesure tiquiro yahuri pehe queorota ijire, nidi masa tiquina basi.

42 Sa ye top̄re masa peyequina wacũ tutua d̄cari Jesure.

11

Lázaro wame tiriquire yariaa wahahye

1 Sa ye Betania wame tiri maca cjũno Lázaro wame tiriquire dohatiro niahye. Ti macap̄ tiquiro wahmiosãnumia gũhu María, Marta mehna ijiri.

2 María pehe Jesure ehme sitiye pio wisõaticoro, ticoro poari mehna tiquirore tu coseaticoro ijire. Ticoro bahuro Lázaro pehe dohatiro niahye.

3 Sa ye tiquina numia apequinare Jesure yahu dutiye ohoahye.

—P̄hto, m̄hu cahñiquiro dohatiro nine, ni yahu dutiye ohoahye Lázaro wahmiosãnumia.

4 Ti quitire t̄horo ohõ saha nidi Jesu:

—Yojop̄re Lázaro tiquiro dohatiye tiquiro yariati ijierare. Cohãcjũ tutuayere masare ihñoatire yojop̄re tiquiro dohatire. Sa ye yahu tutuagu yahu ijigū gũhure masa ihñaeta, nidi Jesu.

5 Jesu Martare, ticoro bahoro gũhure, Lázaro gũhure tutuaro cahĩdi.

6 Sa nino Lázaro tiquiro dohatigū t̄hoeperota top̄ Jesu p̄a deco tojoari.

7 P̄a deco bato Jesu ohõ saha nidi usãre tiquiro buhenare:

—Pari turi Judea yehpap̄ tojoa wahañna tja, nidi usãre.

8 —Buhegu, canagãta judio masa m̄hure utã paca mehna doque wejẽ duamedi. ¿Duhseḡu pari turi tojoaa waha duajari m̄hu? niĩ usã pehe.

9 Usã sa nigū t̄horo tiquirore tiquina wejẽ masiedarĩne yahuro, queoye mehna buhero ohõ saha nidi usãre:

—Pajiro t̄hotueracãhña. Ihcã decore doce horari waro

ijire. Asū deco cjāno ijigū quehnoano ihñaja mari. Sa yena decore tinina, ne paha boraeraja mari.

10 Nahitianopu tiniñequina paha boraahare. Asū deco cjāno mariedagū quehnoano ihñedare tiquina, nidi Jesu. (Sa nino ohō saha nino niahye: “Yojopure yahu Pacu yere yahu yahu pehoato dūhsarīne. Sa ye yuhare wejē masiedarīne”, nino niahye.)

11 Sa nino usāre yahu nemori tja:

—Mari mehna cjāno Lázaro, carīno niaga. Tiquiro sa carīpegūta yahu tiquirore wahcōgū wahaŭtja, nidi usāre.

12—Pūhto, Lázaro carīniquiro jiro, yuhdūrota, nii usā.

13 Usā sa niepegūta Jesu “Carīno niaga”, nino “Yariaa wahare”, nino nidi jimedi. Tiquiro sa nigū tūhona “Lázaro soro niaga”, ni tūhotumi usā pehe.

14 Usā sa ni tūhotugū masino Jesu poto yahuri usāre:

—Lázaro yariaa wahaga.

15 Yuhū marieno tiquiro yariagū quehnoarīne. Sa yena masa yuhare wacū tutua nemonata. Isa mari ihñana wahaūhna tiquiro cahapu, nidi Jesu.

16 Tomasu sūhdūariquiro tiquina ni pisuriquiro ohō saha nidi usāre:

—Mari gūhū Jesu mehna wahaūhna. Tiquirore wejēñe, mari gūhure wejēahdo, nidi Tomasu.

Jesu sa ijiducugū yeriquiro masare masoriquiro ijire

17 Sa ye topure usā esari bato to cjēna ohō saha ni yahuri Jesure:

—Pititia deco wahare Lázaro mūnanore masa copepu tiquina cūri bato, ni yahuri tiquirore.

18 Betania pehe Jerusalē cahapu ihtia kilómetro yoaro ijiri.

19 Sa ye usā acaye judio masa peyequina Martare, María gūhure ñehe quea utiye ahtahye Lázaro yariari bato.

20 Sa yero Jesu mehna usā esana tana yegū tūhoro Marta pehe usāre piti caro ahtari jiri. Ticoro sa piti caro wahagū María pehe tiquina ya wahuapu tojoahye.

21 Sa piti caro Marta ohō saha nidi Jesure:

—Pūhto, yahu bahū tiquiro yariato pano mahū ohōpu ijigū tiquiro yarieraboaya.

22 Yojopu gūhure Cohācjūre mahū sini basagū tiquiro mahū sinino sahata yerota, nidi Marta Jesure.

23 —Mūhū bahū masa wijiatarota, nidi Jesu ticorore.

24 —Ahri yehpa pihtiatu deco tiquiro masa wijiatore masiaja yahu, nidi ticoro.

25 Ticoro sa nigū Jesu yahuri tja:

—Yuhū masa wijiagū yegū tjiaja. Yuhū sa ijiducugū yegū tjiaja. Yuhure wacū tutu-ariquiro yarieperota sa ijiducurōta.

26 Sa ye ijipihtiyequina Cohācjū mehna ijiducuyequina yuhure wacū tutuayequina ne pecapū wahasi. ¿Ahrire masiajari mūhū? nidi Jesu ticorore.

27 —Puhto, masiaja yuhū. Cristo Cohācjū macū, “Ahri yehpapū ahtarota”, tiquina nidigū mūhū ijigū masiaja yuhū, nidi Marta Jesure.

Lázaro masa cope cahapū esaro Jesu utiahye

28 Marta sa ni tuhasa ticoro bahoro Mariāre pijiro wahari.

—Marine buheriquiro mari ya macapūre wihiri. Mūhure pijire, derogā ni yahuahye Mariāre.

29 Ticoro sa nigū tūhoro Mariā sojaro mehna wahcādūca, ūsā cahapū ahtahye Jesure ihñano taro.

30 Tiquina ya macapū esera nii ūsā. Marta ticoro piti carigopū ijini ūsā.

31 Judio masa ti wūhūpū Mariāre ñehe quea utiye niahye. Sa ye ticoro wahagū ihñañe, tiquina ticorore nūnū tā cāhye. “Ticoro bahūro mūnanore tiquina cūri copepū utiro waharo nine ticoro”, ni tūhotumahye tiquina. Sa ni tūhotuye ticorore nūnū tā cāhye.

32 Sa yero Mariā ūsā cahapū wihiro, Jesure ihña, tiquiō dahpocāri cahapū dūsepe curi mehna quehe sari.

—Puhto, yuhū bahū tiquiō yariato pano mūhū ohōpū ijigū tiquiō yariēaboaya, nidi ticoro Jesure.

33 Sa yero judio masa ticoro mehna ahtariquina gūhū tiquina utigū ihñano Jesu pehe tutuaro būjūa witi ñano jeripohna tiri.

34 —¿Lázaro mūnanore nohopū cohāri mūsa? ni sinituri Jesu.

—Ihñāu taya, ni piji cāri tiquina.

35 Tiquina sa nigū tūhoro Jesu utiri.

36 —Lázaro mūnanore Jesu tutuaro cahīmeyari, nidi judio masa tiquina basi.

37 Apequina pehe ohō saha nidi:

—Caperi bajueriquirore ihñagū yeriquiro ijire ahriquiō Jesu. ¿Sa yero Lázaro tiquiō yariato pano tiquiōre yūhdūoeraboayari? nidi tiquina.

Lázaro masa wijiahye

38 Sa yero Jesu pari turi tutuaro būjūa witiri. Sa yena ūsā ijipihina Lázaro masa copepū esā. Ūtāpū tiquina seheri cope ijiri. Sa yero tiquiō pagūre tiquina siō sāa cūri cope ijiri. Sa yero ti cope pajiria ūtā mehna tiquina bihari cope ijiri.

39 —Ūtā bihariare neña, nidi Jesu.

Tiquiō sa nigū tūhoro Marta yariariquiō mūnāno wahmionō ohō saha nidi:

—Puhto, yojopū pititia deco waha tuhasare tiquiō yariari bato. Sa yero tiquiō pagū ijiriro ūrī yūhdūaga, nidi Jesure.

40 —“Yuhure wacū tutuago Cohācjū tutuayere ihñagota”,

muhare nimigu, nidi Jesu Martare.

41 Tiquiro sa nidi bato tiquina utã bihariare ne wiori. Tiquina sa nedi bato Jesu pehe umusepu ihña mho, Cohãcjüre ohõ saha nidi:

—Mai, yuhare muhu tuho tuhasari. Tire muhu yegũ masigu bucueaja muhare.

42 Yuhare muhu decoripe tuhoducure. Tire masiaja. Sa masiepeguta yuhu muhu ohorigu yuhu ijigũ ohõre ducuyequina tiquina masiatire muhare sa niaja. Tire “Potota ijire”, tiquina nino quehnoano sa nigũ niaja, nidi Jesu tiquiro Pacurore.

43 Sa ni tuhasa Jesu tutuaro sañuducuri:

—Lázaro ahtaya, ni sañuducuri tiquiro.

44 Tiquiro sa nigũ yariariquiro manano omocarine tiquiro dahpocãri gũhare suhti cahseri mehna tiquina dahtemediquiro, tiquiro dapure suhtiro mehna tiquina wahmemediquiro, masa copepu wijia tari.

—Tiquina dahterire pãña tiquirore, nidi Jesu.

Judio masa puhto pehe Jesure ñehe duamahye

(Mt 26.1-5; Mr 14.1-2; Lc 22.1-2)

45 Tiquiro sa masogũ ihñañe peyequina judio masa mehna cjëna María mehna ahtariquina Jesure wacũ tutua, cahmedi.

46 Apequina tiquina mehna cjëna pehe fariseo masa

cahapu esaye, Jesu yerire yahuahye tiquinare.

47-48 Sa ye pahia puhto, fariseo masa puhto gũhu cahmecoa, tiquina basi ohõ saha ni yahuducuahye:

—Jesu peye tahari Cohãcjũ tutuaye mehna ye ihñore. Tiquiro sa ye ihñogũ “Tire yeracãña”, mari niedagũ ijipihtiyequina masa tiquirore cahmeñe, tiquiro mehna wahaboaga. Sa ye Roma cjëna puhto Cohãcjũ wuhare cohã dutiye ohoeta tiquina yequina surarare. Mari ya dihta gũhare ehmaeta tiquina. (Mari ya dihta cjëna Jesure tiquina puhtoro cũgũ ihñañe Roma cjëna puhto “Marine cohãñe nine”, ni usua ñano yeeta marine.) ¿Sa yena dahse yenatari yojopure? ni yahuducuahye tiquina basi.

49 Tiquina sa niepegũta apequiro Caifa wame tiriquire ti cahmare pahia puhtoro ijiro, tiquinare yahuahye:

—Musa pehe ne masiedare.

50 Judio masa ijipihina mari ye ijiatire ihcãquiro masano tiquiro yariagũ quehnoare. Tiquiro yari-eragũ marine ijipihina judio masare cohã peho cãboaga. Tire musa masiedare, niahye Caifa tiquinare.

51 Sa nino tiquiro esa tuharo sa nino niedahye. Pahia puhtoro tiquiro ijigũ judio masa ye ijiatire Jesu yariatire mari Pacu pehe Caifare sa ni yahu dutiahye.

12

⁵² Jesu yariaro judio masa dihitare yuhduoro taro niedare. Sa yariaro ijipihitiyequina Cohãcjũ pohnene ahri yehpapũ iji siteyequina gãhũre ihcã curuata ijigũ yeatire yariatiquiro ijiri Jesu.

⁵³ Sa ye ti decota tiquina “¿Jesure duhse ye wejēnatari mari?” ni yahuducuye, tiquiore wejēne tee niahye.

⁵⁴ Tiquina sa wejē duagũ masino Jesu peyequina judio masa watoa pari turi tinino wahaerari. Sa yero masa marieno cahagã Efraĩ wame tiri macapũ usãre siho wahari. Usãre ti maca siho tojarĩdi Jesu.

⁵⁵ Ti pjere pascua bose decori usã judio masa usã bose decori ijiato mehenogã duhsatjiãri. Sa ye bose deco panogã masa peyequina ap-eye macari cjēna Jerusalēpu cahmecoari. Pascua cjēne tiquina ihyato pano Cohãcjũ yere yeye tehe, tiquina cahmomohnore cohoro saha tiquina ñañene cosee tee nidi.

⁵⁶ Sa ye tiquina Jesure macañe niahye. Sa ye Cohãcjũ wuhũpũ ijiyequina ohõ saha ni yahuducuahye:

—¿Bose decore ihñano ahtaeraboari Jesu, musa tuhhotugũ? niahye tiquina basi.

⁵⁷ Sa ye pahia puhtoã, fariseo masa gãhũ ohõ saha ni yahu dutiahye masare:

—Jesu wihigũ ihñana, yahuya usãre. Tiquiore ñehena tana niaja, niahye puhtoã masare.

María Jesu dahpocãrine ehme sitiye mehna pio peoahye

(Mt 26.6-13; Mr 14.3-9)

¹ Jesu, usã tiquiore buhena mehna Betaniapũ usã esari bato pascua deco esato seis decori waro duhsarĩdi. Lázaro Jesu masoriquiro ti maca cjãno ijiri.

² Usã esari bato Jesu gãhũ usã ihyatire dahreri apequina. Sa ye Lázaro, Jesu, usã mehna mesa cahapũ nuju sau. Usã sa nuju sari bato Marta ihyayere peori usãre.

³ Sa yero María ehme sitiye uhsere nardo wame tiye co-hori uhsere kilo deco mehna ne cãhta Jesu dahpocãrine pio peori. Ti uhsere wapa ti yuhduari. Pio peo tuhasa ticoro poari mehna wũori. Ticoro sa pio peori bato ti wuhũ quehnoano ehme siti sehsoa wahari.

⁴ Usã mehna cjãno, Jesure ihña tuhtiyequinare ihñootiquiro Juda Iscariote pehe ohõ saha nidi:

⁵ —¿Duhse yero ahricoro sa ye siteajari? Tire ticoro duaboaya. Tire duaro tres cientos niñeru cjoerire wapataboaya. Sa yero ticoro ti niñerure pejecũoyequinare ohoboaya, nidi tiquiore.

⁶ Juda pehe pejecũoyequinare yedoho duerari. Tiquiro usã niñerure ihbo basariquiro ijieperota yaqueriquiro ijiri. Sa yero tiquiore usã niñerure ihquẽ tahari ne mũjari. Sa yero “Ti niñerure neitja”, nino, sa nidi Marĩare tiquiore.

⁷ Tiquiro sa nigũ tũhoro ohõ saha nidi Jesu:

—Sa niedacãhña ticorore. Ticoro ehme sitiyyere yũhũre ticoro dũharire yũhũre pio peori, yũhũre tiquina yato pano yũhũ pagũre quehnoyuro. Pe-jecũoyequina pehe mũsa mehna sa ijiducueta. Sa yena tiquinare oho masine mũsa.

⁸ Yũhũ pehe ahri yehpapũre mũsa mehna sa ijiducusi, nidi Jesu.

Pahia pũhtoa Lázarore wejẽ duahye

⁹ Sa ye Jesu Betaniapũ tiquiro ijigũ tũhoye, usã acaye judio masa peyequina tiquirore ihñañe ahtari. Tiquiro dihitare ihñañe ahtaye niedari. Lázaro yariamediquirore Jesu masoriquirore tiquiro gũhũre ihñañe ahtaye nidi.

¹⁰ Tiquina ihñañe esarire masiñe, pahia pũhtoa Lázaro gũhũre wejẽ duari.

¹¹ Lázaro yariamediquiro Jesu masoriquiro ijigũ ihñañe peyequina masa Jesure wacũ tutuari. Tiquiro sa masogũ ihñañe peyequina judio masa tiquina pahia ye buheye pehere duhu cãri. Tiquina sa duhugũ ihñañe pahia pũhtoa pehe usua yũhdũye Lázarore wejẽ duari.

Jerusalẽpũ esahye Jesu

(Mt 21.1-11; Mr 11.1-11; Lc 19.28-40)

¹² Pascua bose decore tiquina yegũ peyequina masa Jerusalẽpũ ihñañe wahari

jiri. Ape deco Jerusalẽpũ Jesu ahtatire masa tũhori.

¹³ Sa ye iqui pohnarine ne cã, tiquirore piti caye wahari. Sa piti caye ohõ saha ni sañuducuri tiquina:

—Ahriquiore ño peouhna. Ahriquiore Cohãcjũ ohoriquiro quehnoano ijiahro. Ahriquiore judio masa mari pũhoro tjire, ni sañuducuri tiquina.

¹⁴ Jesu burrogã tiquiro bocariquioregã bui pesari. “Ohõ sahata yerota”, ni ojoahye Cohãcjũ yere tiquina ojoari pũpũ:

¹⁵ Jerusalẽ wame tiri maca cjãna, cueracãhña mũsa. Ihñaña. Mũsa pũhoro burrogã bui pesa cãhtare, ni yahuahye Cohãcjũ yere tiquina ojoari pũpũ.

¹⁶ “Tiquina sa ni ojoari Jesure nino niaga”, ni, usã tiquiro buhena quehnoano masiedarĩi. Sa masiedapenata uhmũsepũ Jesu mũjari bato usã ti ojoarire wacũ boca tũho masii. Ohõ saha ni tũhotuu: “Cohãcjũ yere tiquina ojoari pũ pehe Jesure yahuro nimeya. Sa ye Cohãcjũ yere tiquina ojoari pũ nidiro sahata yeri masa Jesure”, ni tũhotu, masii usã.

¹⁷ Lázarore masa copepũ ijiriquirore Jesu pisu masogũ ihñariquina pehe yahuri masare.

¹⁸ Sa ye Lázarore Jesu masorire tũhori bato masa peyequina Jesure ihñañe ahtari.

19 Tiquina sa ahtagũ ihñañe fariseo masa tiquina basi ohõ saha niahye:

—Ijipihtiyequina Jesu yequina dihita wahaye nine yojopure. Sa yena mari dahse ye masiedaga tiquinare, niahye fariseo masa tiquina basi.

*Meheñequinagã griego
masa Jesure maca cãhtahye*

20 Sa ye bose deco Cohãcjũre ño peoye ahtayequina mehna cjẽna meheñequinagã griego masa ijiri.

21 Sa ye tiquina Felipe cahapũ wihiahye. Felipe pehe Betsaida wame tiri maca Galilea yehpapũ ijiri maca cjãno ijiri. Sa ye tiquiro cahapũ wihiriquina ohõ saha niahye tiquirore:

—Jesure ihña duaga usã, niahye tiquina.

22 Tiquina sa nigũ tuhoro Felipe Andrepure tire yahuro wahahye. Sa ye tiquina puraro Jesure yahuri.

23 Tiquina sa ni yahuri bato Jesu tiquinare yahuri:

—Yũhũ masũ Cohãcjũ ohorigũ ijiaja. Yũhũre ijipihtiyequina tiquina ño peoati pje yojopure ijirota nine. Yojopure yũhũ yariati pje ijirota nine.

24 Potota musare yahugũ niaja. Oteri pjere yehpapũ mari yaeragũ, ti pjere mari oteragũ ihcã pjeta tojoarota. Sa yero ti pjere mari yari bato pihni, dũca tirota. (Sata yũhũ yariari bato yũhũre tiquina yari bato peyequina masare

Cohãcjũ mehna sa ijiducua-tiquina ijigũ yeitja yũhũ.)

25 Ahri yehpapũ musa ijiyere pajiro tuhhotuboaga musa. Sa tuhhotuna Cohãcjũre wacũedana, pecapũ wahanata musa. Ahri yehpapũ musa ijiyere sa tuhhotu cãna, Cohãcjũ mehna sa ijiducunata.

26 Yeere ye duana yũhũ buheyere quehnoano tuhoya musa. Musa sa yena musa gũhũ yũhũ ijiropũ ijinata. Yeere yeriquirore yũhũ Pacũ pehe ño peorota, nidi Jesu.

*Jesu tiquiro yariatore
yahuahye*

27 Sa ni tuhasa ohõ saha ni nemori:

—Yojopure yũhũ ñano jeripohna tiaja. ¿Yũhũ Pacũre dahse nigutari yũhũ? ¿“Mai, yũhũ ñano yũhdũatire yeracãhña yũhũre”, niboagari yũhũ? Tire niedaja yũhũ. Ñano yũhdũacjũta ahri yehpapũ ahtaũ. Sa yero yũhũ ñano yũhdũati pje yojopure ijirota nine, ni yahuri usãre tiquiro buhenare.

28 Sa yero ohõ saha nidi tiquiro Pacũrore:

—Mai, mũhũ tutuagũ ijiyere yojopure ihñaña masare, nidi Jesu tiquiro Pacũrore.

Tiquiro sa nigũ uhmũsepũ yahuducuro ca tari:

—Tutuagũ yũhũ ijiyere masare ihña tuhasaũ. Yojopure sa yegũ pari turi ihñoutja masare, nino ca tari.

29 Tiquiro sa nigũ tuhoye topũ ducuyequina masa peyequina ohõ saha nidi:

—Upo ijiaja sa bisiro, nidi masa.

—Angel Jesure yahuro nidi, nidi apeqina masa.

30 Ohō saha nidi Jesu pehe:

—Uhmusepū sa bisiro yūhure tūho dutiro niedari. Mūsa pehere tūho dutiro sa bisiro ca tari.

31 Yojoḡure ahri yehpa cjēna tiquina ñaṅe yeri buhirire buhiri dahrerota tiquinare. Ahri yehpa cjēna pūhoro watīnore cohānota Cohācjū.

32 Sa yegū yūhure curusapū tiquina wahcō docogū peyequina masare yeequina ijiatiquinare yeitja yūhū, nidi Jesu.

33 Sa nino curusapū tiquiō yariatire yahuro nidi Jesu masare.

34 Tiquiō sa nigū tūhoye masa pehe tiquiōre ohō saha nidi:

—Cohācjū yere tiquina ojoari pūpū ohō saha nine: “Cristo ijipihtiye decori ijirota”, ni ojoahye. ¿Tiquiō sa ni ojoagū mūhure masare Cohācjū ohorigure dūhse yeye curusapū wahcō docoetari masa mūhure? ¿Masūno Cohācjū ohoriquiō noa ijiajari tiquiō? ni sinituri tiquina.

35 Tiquina sa nigū ohō saha ni yūhtiri Jesu:

—Buhriōre mehna mari ihña masigū yero saha masare Cohācjū yere quehnoano masigū yeaja yūhū. Came cjūnogā mūsa mehna ijisi yūhū. Mū sare yūhū buhegū yojoḡure tūhoya mūsa “Ñaṅe yeari”, nina, Cohācjū mehna mūsa sa

ijiducuatire. Yūhū buheyere tūhoeyequina nahitiano tiniṅequina yero saha tiquina wahatore masiedare.

36 Sa yegū buhriōre yero saha ijigū ijiaja yūhū. Sa yegū mū sare buhegū Cohācjū yere quehnoano masigū yeaja mū sare. Yojoḡure yūhū wahato pano yūhure wacū tutuaya. Sa wacū tutuana yeequina ijinata mūsa, nidi Jesu.

Sa ni yahu tuhasa duhti cāa wahari.

Judio masa Jesure cahmedahye

37 Peye tahari Cohācjū tutuaye mehna tiquinare Jesu tiquiō ye ihñoepegūta peyequina judio masa tiquiōre ne tūho duerari.

38 Cohācjū yere tiquina ojoari pūpū Isaia mūnāno tiquiō ojoariro sahata yeye nidi tiquina. Ohō saha ni ojoahye Isaia mūnāno:

Cohācjū, mūhū buheyere usā yahugū masa ne tūho duerare. Mūhū tutuayere tiquinare mūhū ye ihñoepegūta, tire “Poto ijierare”, nidi tiquina, ni ojoahye Isaia mūnāno.

39 Tiquina sa tūho dueragū ihñāno Cohācjū tiquinare masiedagū yeri. Ti gūhure Isaia mūnāno ohō saha ni ojoahye:

40 Caperi bajueyequina yero saha ijigū yee tiahye Cohācjū tiquinare. Sa yero tiquiō yere masiedagū yee tiahye tiquinare. Sa ye

tiquiro tutuayere wacũ tutuerare. Yuhure
ihñaepeta tiquina ohoriquiro gũhare wacũ
ihñarire masiedare. Sa tutuare tiquiro.

ye tiquiro buheyere tũhoepeta tire masiedare yuhure ohoriquiro gũhare
tiquina. Cohãcjũ masine.

ye buheyere masiñe 46 Buhrioro mehna mari
tiquina ñañe yerire ihña masigũ yero saha ahri
cohã dutiboaya. yehpapũ Cohãcjũ yere masigũ
Sa yero tiquinare yei ahtau nii yuhũ. Sa yegũ
yuhduoboya tiquiro, Cohãcjũ yere masare masigũ
ni ojoahye Isaia yeaja. Ihcãquiro nahitiano
mũnano Cohãcjũ yere wahariquiro yero saha
tiquina ojoari pũpũ. ñañene yeducure. Yuhure

41 Sa ni ojoaro Isaia Cristo wacũ tutuariquiro tiquiro
tutuayere masino tiquiro yero saha yesi. Yuhure wacũ
nidiro sahata Cristore yahu tutuariquiro potota tũhorota.

42 Apequina Jesure yuhũ yahuyere tũhoepeta yuhũ nidiro
cahmedapegũta judio masa saha yerare. Tiquina sa
usã pũhtoa mehna cjẽna peye- yerapegũta tiquina yerari
quina Jesure wacũ tutua, buhirire buhiri dahresi
cahmedi. Sa cahmepeta yuhũ pehe tiquinare. Ahri
tiquina fariseo masare cueye yehpapũre buhiri dahregũ
apequinare “Jesu yequina ahtagũ niedũ yuhũ. Ahri
wahau usã”, ni yahu duerari. yehpa cjẽnare pecapũ wa-
Tire tiquina yahugũ tũhoye haboriquinare yuhduoacjũ
Jesure tiquina cahmedi ahtagũ nii yuhũ.

43 Cohãcjũre bucuẽgũ 48 Yuhure cahmeeñequina,
ye duepeta ti yuhduoro yuhũ yahuye gũhare cah-
fariseo masa pehere bu- meeñequina buhiri dahreno-
cuẽgũ ye duari Jesure cahme hatiquina ijietã. Tiquina
ducayequina. Sa ye tiquina yuhũ yahuyere tiquina
“Jesu yequina wahau”, ni tũhoerari buhiri ahri yehpa
apequinare yahu duerari. pihtiri deco ijigũpũ buhiri
tieta.

49 Yuhũ esa tuharo yeraja. Yuhũ Pacũ yuhure ohoriquiro
pehe yuhure yahu dutiri. Sa yero yuhũ yahuye pehe
tiquiro ye yahuducuye ijire.

50 Tiquiro ye yahudu- 50 Tiquiro ye yahudu-
cuyere tũhona Cohãcjũ cuyere tũhona Cohãcjũ
mehna sa ijiducunata masa. Sa yegũ yuhũ Pacũ tiquiro
yahu dutiriro sahata yahuaja

*Jesu yahuyere tiquina tũho
duerari buhiri masa buhiri ti-
eta*

44 Sa ye Jesu tutuaro
sañuducu, yahuri:

—Yuhure wacũ tutu-
ariquiro yuhũ dihitare

masare, nidi Jesu.

13

Jesu buheyequina dahpocārine coseahye tiquiro

¹ Sa ye pascua deco bose deco panogā ahri yehpare tiquiro cohā cātore tiquiro Pacuro cahapū tiquiro wahatore masidi Jesu. Sa yero ahri yehpa cjēnare tiquiro yequinare tiquiro tutuaro cahīdi tiquina mehna tiquiro ijiro puno. Sa cahīducure tiquiro yequinare.

² Ti ñamine Jesu usā tiquiro buhena mehna usā ihyagū Juda Iscariotere Simo macunore Jesure ihña tuhtiyequinare ihño duti tuhasari jiri watīno pehe.

³ Sa yero mari Pacū Cohācjū Jesure ijipihtiyequina bui tiquiro pūhtoro sōrire masidi Jesu. Sa yero Cohācjū cahapū tiquiro ahtarire came ūhmūsepū tiquiro mūjati gūhure masidi.

⁴ Sa masino wahcādūca, tiquiro suhtiro bui cjānore tu we ne, tore cū tuhasa, suhtiro cahsero mehna tiquiro pari yūju dūhteri.

⁵ Dūhte tuhasa, waparopū acore pio sāa, usā tiquiro buhena dahpocārine cose dūcari. Ūsāre cose tuhasa tiquiro dūhteri cahsero mehna wūori usā dahpocārine.

⁶ Apequina buheyequinare cose cā, Simo Pedropūre esari. Tiquiro dahpocārine tiquiro coseato pano Pedro pehe tiquirore ohō saha nidi:

—¿Pūhto, yūhū dahpocārine cosegū tūū niajari māhū? nidi Pedro Jesure.

⁷ —Mianogā māhūre yūhū yeatire masiedare māhū. Sa masiedapegūta camepū masiita māhū, nidi Jesu tiquirore.

⁸ —Yūhū dahpocārine ne cosesi māhū, nidi Pedro.

—Mūhūre yūhū coseragū yaquiro ijisi māhū, nidi Jesu.

⁹ —Pūhto, yūhū dahpocāri dihitare coseracāhña. Yūhū dahpocārine, yūhū omo-carine, yūhū dapu gūhure coseya, nidi Pedro.

¹⁰ Tiquiro sa nigū Jesu queoye mehna buhero ohō saha nidi:

—Ihcāquiro masano cuhsaro tiquiro pagūre quehnoano tu cose pehore. Sa yero pari turi tiquirore tu cosero cahmedare. Tiquiro dahpocāri dihitare tu cosero cahmene. Ijipihina mūsa ñañe yerire coserina mūsa ijiepegūta ihcāquiro mūsa mehna cjāno tiquiro ñañene cosemehnediquiro ijire, nidi Jesu.

¹¹ Jesu tiquirore ihña tuhtiyequinare ihñootiquirore masidi: Sa masino “Ihcāquiro mūsa mehna cjāno tiquiro ñañene cosemehnediquiro ijire”, nidi.

¹² Ūsā dahpocārine cose tuhasa, tiquiro suhtirore saña tuhasa, nuju sari tiquiro dujirirōpūta.

—¿Mianogā mū sare yūhū yerire masiajari mūsa?

¹³ Mūsa yūhūre “Buhegū”, ni pisuna, “Pūhto”, ni pisuna

poto ninata nine m̄sa yuh̄re. M̄sare buheḡu, m̄sa p̄hto m̄sa p̄hto potota ijiaja yuh̄u.

14 Sa yena yuh̄u m̄sare buheḡu, m̄sa p̄hto ijiepeḡuta m̄sa dahpoc̄arine yuh̄u coseḡū ih̄ñana m̄sa ḡuh̄u m̄sa mehna cjēna dahpoc̄arine coseya.

15 Mianoḡā m̄sa yeatire m̄sare ih̄ñou. M̄sa mehna cjēnare m̄sa yedohoatire ih̄ñou. M̄sare yuh̄u yeriro sahata m̄sa ḡuh̄u yeya.

16 Ijirota niaja m̄sare. M̄sa yuh̄u cahacjēna yero saha ijina yuh̄u bui ijierare. M̄sare buhe duti yuh̄u ohorina ijire m̄sa. Sa yena yuh̄u bui ijierare m̄sa. Sa yeḡu “Yuh̄u yeriro sahata yeya”, nii m̄sare.

17 Ahrire masina, yuh̄u dutiyere yena, bucuena ijinata m̄sa.

18 M̄sare ijipihtinare sa niedaja. Yuh̄u beseriquinare masiaja yuh̄u. Coh̄c̄jū tiquiro yere tiquina ojoari p̄p̄u tiquiro ni ojoariro sahata waharota. “Yuh̄u mehna ihyariquirola yuh̄re wejē duari”, ni ojoahye Coh̄c̄jū yere tiquina ojoari p̄p̄u.

19 Tiquiro sa yeato pano ahrire yahuyuḡu niaja m̄sare. Yuh̄re tiquiro sa yeri bato, “Jesuta Cristo Coh̄c̄jū ohoriquirola ijire”, m̄sa niatire ahrire m̄sare yahuyuḡu niaja yuh̄u.

20 Ijirota m̄sare niaja. Yuh̄u ohoriquinare cahmediquiro yuh̄u ḡuh̄re cahmene tiquiro. Sa yero

yuh̄re cahmediquiro yuh̄re ohoriquirola ḡuh̄re cahmene tiquiro, nidi Jesu us̄are tiquiro buhenare.

Juda Jesure ih̄ña tuhtiyequinare tiquiro ih̄ñoatore yahuahye Jesu

(Mt 26.20-25; Mr 14.17-21; Lc 22.21-23)

21 Sa ni yahu tuhasa Jesu tutuaro buj̄ua witiri. Sa buj̄ua witiro yahuri tiquiro us̄are.

—Ijirota m̄sare niaja. Ihc̄aquirola m̄sa mehna cjāno yuh̄re ih̄ña tuhtiyequinare yuh̄re ih̄ñonota, nidi Jesu.

22 Tiquiro sa niḡū tahona Jesure ih̄ñoatiquirore masiedana, us̄ā basi cahme ih̄ñau.

23 Jesu buheyequina mehna cjū yuh̄u, Jesu cah̄idiḡu ijii. Sa yeḡu tiquiro cahap̄u pari paha dujii.

24 Sa yero Simo Pedro yuh̄re tiquiro omoca mehna sinituri:

—¿Jesure ih̄ñoatiquiro noa pehere nino niajari Jesu? Yahuya us̄are, nino, tiquiro omoca mehna sinituri Pedro.

25 Tiquiro sa niḡū yuh̄u pehe Jesu cahap̄u dujiriḡu sinituu tiquirore:

—¿P̄hto, noare niḡu niajari mah̄u? nii yuh̄u.

26 —Ahrira p̄re dahra waha ne, yuh̄u ña mio yuh̄u ohoatiquiro pehe tiquirota ijire yuh̄re ih̄ñoatiquiro, nidi Jesu.

Sa ni tuhasa p̄re tiquiro dahra waha nedirore ña mio tuhasa tire Simo Iscariote macanore Judare ohori.

27 Sa yero p̄re tiquiro ñehedi bato wat̄no pehe

Judare ñano ye dutiri jiri. Sa yero Jesu tiqirore ohõ saha nidi:

—Mũhũ yeatore sojaro mehna ye madoqueohya mũhũ, nidi Jesu Judare.

²⁸ Tiquiro sa nigũ tuhona usã mesapũ dujina, Jesu Judare tiqiro nidire quehnoano masiedũ.

²⁹ Ihquẽquina ohõ saha ni tuhotumi: “Juda usã niñerure ihboriquiro ijire. Sa yero bose deco usã ihyatire dú dutiro ohori Jesu Judare. O pejeyoyequinare niñerure oho dutiro niboaga Jesu”, ni tuhotumi usã ihquẽquina.

³⁰ Sa yero Juda ti pãre ñehe tuhasa, wijiaa wahari. Tiquiro wijiaro pje ñami ijiri.

Wahma dutirore yahuahye Jesu

³¹ Tiquiro wijiaro bato ohõ saha nidi Jesu:

—Yojopũ pũritare yũhũ masũ Cohãcjũ ohorigũ yũhũ tutuagũ yũhũ ijiye tiyere ihñonota Cohãcjũ masare. Sa yegũ Cohãcjũ tiqiro tutuariquiro ijiyere ihñoutja yũhũ pehe.

³² Sa yegũ Cohãcjũ tiqiro tutuayere yũhũ ihñogũ tiqiro pehe yũhũ tutuaye gũhũre yojopũ pũritare ihñõ madoqueorota.

³³ Yũhũ pohna yũhũre tuhoya. Meheñe decorigã mũsa mehna ijinigtja. Yũhũ wahari bato yũhũre macanata mũsa. Sa yegũ mari acaye judio masare yũhũ nidiro sahata mũsa gũhũre niaja. “Yũhũ wahatore mũsa pehe waha

masiedare”, tiquinare yũhũ nidiro sahata mũsa gũhũre yahujaja.

³⁴ Wahma dutirore mũsare yahugutja. Mũsa mehna cjẽnare cahĩña mũsa. Mũsare yũhũ cahĩdiro sahata, mũsa mehna cjẽnare cahĩña.

³⁵ Sa yena mũsa mehna cjẽnare mũsa cahĩgũ ihñãñe, yeequina mũsa ijiyere masieta apequina, nidi Jesu usãre.

“Jesure masiedaja”, Pedro tiqiro niatire yahuahye Jesu (Mt 26.31-35; Mr 14.27-31; Lc 22.31-34)

³⁶ Tiquiro sa nigũ Simo Pedro Jesure sinituri:

—¿Pũhto, nohopũ wahahtjari mũhũ? nidi Pedro.

—Yũhũ wahatopũre yojopũre yũhũ mehna waha masiedare mũhũ. Yojopũre waha masiedapegũta came yũhũ cahapũ wahaũta mũhũ, nidi Jesu Pedore.

³⁷ —¿Pũhto, duhsegũ yojopũre mũhũ mehna waha masiedaboari yũhũ? Yũhũre tiquina wejẽ duepegũta mũhũre ne duhusi yũhũ, nidi Pedro Jesure.

³⁸ —¿Yũhũre ne duhueragũtari mũhũ? Poto mũhũre yahutja. Canaca tiqiro yahuatõ pano “Jesure masiedaja”, niita mũhũ apequinare. Ihtia taha sa niita mũhũ, nidi Jesu Pedore.

14

Jesu Cohãcjũ cahapũ wahari maha yero saha ijire

¹ Came Jesu usãre ohõ saha ni yahuri:

—Ne bujua witi, pajiro wacüedacãhña. Cohãcjüre wacü tutuaya. Sa yena yuhu gühure wacü tutuaya.

2 Yuhu Pacu tiqiro ijiropure peye wuhuse ijire. MUSA ijatore quehnoyugu wahagutja. Ti ijirota ijire. Sa yegu musare tire yahuaja.

3 Sa yegu musa ijatore quehno tuhasa, tojoa taütja yuhu. Sa yegu yuhu cahapu musa ijatire musare negu ahtaütja yuhu.

4 Sa yena yuhu wahati mahare masine musa, nidi Jesu usãre tiqiro buhenare.

5 —Puhto, muhu wahatore masiedaja usã. ¿Sa yena duhse ye muhu wahati mahare masinatari usã? ni sinituri Tomasu Jesure.

6 Tiquiro sa ni sinitugũ Jesu yuhtiri:

—Cohãcjũ cahapu wahagũ yegu ijiita niaja yuhu. Sa yegu poto ijiyere yahugu ijiita niaja yuhu. Sa yegu uhmusepure catiducugũ yegu ijiita niaja yuhu. Sa ye yeequina dihita yuhu Pacu cahapu wahaeta.

7 Yuhure masina, yuhu Pacu gühure masiboya musa. Yojopure tiqirore ihñari musa. Sa yena tiqirore masi tuhasare musa, nidi Jesu usãre.

8 Tiquiro sa nigũ Felipe ohõ saha nidi:

—Puhto, mari Pacure ihñoña usãre. To punota ihña duaja usã, nidi tiqiro.

9 Tiquiro sa nigũ Jesu yahuri:

—¿Felipe, yoari pje yuhu mehna ijepeguta, muhu masiedajari yuhure? Yuhure ihñariquiro yuhu Pacu gühure ihña tuhasari. ¿Sa yegu “Mari Pacure ihñoña usãre”, nigu duhsegũ sa niajari muhu yuhure?

10 Yuhu, yuhu Pacu mehna puana ijeepenata ihcãta ijiaja. ¿Tire “Poto ijierare”, niimeje niajari muhu? Musare yahugu yuhu esa tuharo yahugu niedaja. Yuhu Pacure yahu basagu niaja. Sa yero tiqiro yuhu mehna ijiriquiro tiqiro tutuaye mehna ye ihñore.

11 Yuhu, yuhu Pacu mehna puana ijeepenata ihcãta iji-aja. Tire “Ijirota ijire”, ni wacũña musa. Tire “Ijirota ijire”, niedana, Cohãcjũ tutu-aye mehna yuhu ye ihñorire wacũna, yuhu Pacu mehna yuhu ihcãta ijiyere “Ijirota ijire”, ni wacũña musa.

12 Ijirota musare niaja. Yuhure wacü tutuariquiro yuhu yeriro sahata yerota. Sa yero tiqiro pehe yuhu yuhduoro yerota. Yuhu Pacu cahapu tojoa wahan tuu niaja yojopure. Sa yero yuhure wacü tutuariquiro yuhu yuhduoro Cohãcjũ tutuaye mehna ye ihñonota.

13 Sa yegu yuhure wacü tutuayequina tiquina sinino punota yeitja. Sa yegu yuhu Pacu tiqiro tutuariquiro ijiyere ihñoutja.

14 Yuhure wacü tutuana musa ijigũ musa sinino punota yeitja, nidi Jesu.

—Espíritu Santore m̄sare ohoutja, ni yahuahye Jesu

15 Sa ni tuhasa ohō saha ni nemori:

—Yuh̄ure m̄sa cah̄ina, yuh̄u dutiyere quehnoano ye pehonata.

16 Yuh̄u Pac̄re siniitja. Yuh̄u sa sinigū yuh̄u Pac̄u pehe apequiore m̄sare yedohoatiquiore m̄sare ohorota. Sa yero tiquiro m̄sare yedohoatiquiro pehe ijipihtiye decori m̄sa mehna ijirota.

17 Tiquiro poto yahuriquiore Espiritu Santota ijire. Ahri yehpa cjēna pehe Espiritu Santore masiedare. Sa ye tiquiore c̄ho masiedare. Tiquirota m̄sa mehna ijirota. Sa yena m̄sa pehe tiquiore c̄onata. Sa yena tiquiore masine m̄sa.

18 M̄sare coh̄asi yuh̄u. M̄sa mehna ijigū taḡu, tojoa tautja yuh̄u.

19 Sa ijiepegūta mehenogā d̄hsare yuh̄u wahato. Yuh̄u wahari bato ahri yehpa cjēna yuh̄ure wacū tutueyequina yuh̄ure pari turi ih̄nasi. M̄sa pehe yuh̄ure ih̄anata. Yuh̄u catigū ijigū m̄sa gūh̄u ijipihtiye decori Coh̄c̄j̄ mehna catinata.

20 Ti deco yuh̄u tojoa tati deco yuh̄u Pac̄u mehna ih̄cūta us̄a ijigū masinata m̄sa. Sa yegū yuh̄u mehna cjāna m̄sa ijigū m̄sa mehna cjū yuh̄u ijigū gūh̄ure masinata m̄sa.

21 Yuh̄u dutiyere yeriquiro yuh̄ure cah̄iniquirota ijire. Sa yero yuh̄ure cah̄iniquiore yuh̄u Pac̄u pehe cah̄inota. Sa

yegū yuh̄u gūh̄u tiquiore cah̄itja. Sa ye yuh̄ure quehnoano masigū yeitja tiquiore, nidi Jesu us̄are tiquiro buhenare.

22 Us̄a mehna cjāno apequiore Juda wame tiquiro ijiri. Juda Iscariote Jesure ih̄na tuhtiyequinare ih̄noatiquiro ijierari tiquiro. Apequiore Juda ijiri. Sa yero tiquiro Jesure sinituri:

—¿P̄hto, d̄hse yeitjari m̄hu us̄are sa nigū? ¿Ahri yehpa cjēnare m̄hure masigū yeragū, yabere yeitari m̄hu us̄a dihitare m̄hure masigū yegū? ni sinituri Juda.

23 Tiquiro sa nigū t̄horo Jesu tiquiore yahuri:

—Yuh̄ure cah̄iñequina, yuh̄u dutiyere quehnoano yeye nine. Tiquina sa yegū yuh̄u Pac̄u pehe tiquinare cah̄inota. Sa yena tiquina mehna ijina ahtanatja us̄a.

24 Yuh̄ure cah̄eniquiro yuh̄u dutiyere yerare. Sa ye yuh̄u yahuye m̄sa t̄hori pehe yee yahuye ijierare. Yuh̄ure ohoriquiro ye yahuye pehe ijire. Tiquiro yuh̄u Pac̄ata ijire.

25 'M̄sa mehna ijinigū ahrire m̄sare yahugū niaja.

26 Came yuh̄u sinigū yuh̄u Pac̄u Espiritu Santore ohorota m̄sare. Sa yero Espiritu Santo pehe m̄sare yedohoatiquiro ijiro, m̄sare buhe pehorota tiquiro. Sa yero m̄sare yuh̄u yahurire m̄sare wacūgū yerota tiquiro.

27 'Mūsare quehnoano ijigū yeitja yuhū. Yuhū quehnoano ijiriro sahata quehnoano ijigū yeitja yuhū mūsare. Ahri yehpa cjēna tiquina ni mehoriro sahata yesi yuhū mūsare. Yuhū pūrta potota quehnoano ijigū yeitja mūsare. Bujna witi pajiro wacūedacāhña mūsa. Sa yena cueracāhña mūsa.

28 "Yuhū wahaŋtja. Sa yegu mūsa mehna ijigū tagū tojoa taŋtja", mūsare yuhū sa ni yahugū tūho tuhasari mūsa. Tire tūhona, bucueboaya mūsa. Yuhūre mūsa pototo cahña, bucueboaya mūsa. Yuhū Pacu pehe yuhū yuhdūoro tutuare. Sa yena tiquiro caharu yuhū wahatore mūsa masidi bato yuhūre cahña, bucueboaya mūsa.

29 Mūsa yuhūre wacū tutuatire yuhū wahatore yahuyuguŋ niaja mūsare.

30 'Ahri yehpa cjēna pūhtoro watīno pūhtoro ijiro taro nine yojopure. Tiquiro sa ijiro tagū yuhū mūsa mehna yuhū yahuducu bato tiati pje mehenogā dūhsare. Tiquiro pehe yuhūre yuhdūdūca masiedare.

31 Sa yegu yuhūre yuhū Pacu tiquiro dutiriro sahata yeaja yuhū. Sata yeaja yuhū, yuhū Pacure yuhū cahñene ahri yehpa cjēna tiquina masiatire. Wahcādūcaya. Isa wahana, nidi Jesu ūsāre tiquiro buhenare.

15

Jesu ūhse da yero saha

ijiriquiro ijire

1 Came queoye mehna buhero ūsāre ohō saha nidi Jesu:

—Yuhū potota ūhse da yero saha ijigū ijiaja. Yuhū Pacu pehe ūhse dare ihña ihboriquiro yero saha ijire.

2 Yeequina ūhse da dūpuri yero saha ijiyequina yuhū mehna cjēnata ijire. Ūhse da dūpuri dūca marieñe dūpurire ihña ihboriquiro tiquiro pehe cohāriro saha yuhū Pacu tiquiro cahmeñene yerariquinare cohāre. Dūca tiye dūpurire ihña ihboriquiro tiquiro quehnoriro saha yuhū Pacu tiquiro cahmeñene yeyequinare yedohorota tiquiro, "Yuhū cahmeñene ye nemoahdo", nino.

3 Yeere tūhona, "Ijirota ijire", nidi mūsa. Sa yero yuhū Pacu mūsa ñañe yerire cohā tuhasari.

4 Yuhū mehna cjāna ijiya mūsa. Sa yegu mūsa mehna ijiitja. Ūhse da dūpuri ūhse da mehna wahñaedaye dūpuri ijiye, ti dūpuri pehe dūca mariedare. Sata yuhū mehna cjāna ijierana, yuhū Pacu cahmeñene ye masiedare mūsa.

5 'Yuhū ūhse da yero saha ijigū ijiaja. Mūsa pehe ti da dūpuri yero saha ijina ijire. Yuhū mehna cjāno mehna yuhū ijigū dūca tiye dūpuri yero saha tiquiro yuhū Pacu cahmeñene yere. Yuhū mehna cjāna ijierana yuhū Pacu cahmeñene ye masiedare mūsa.

6 ÑaÑe dũpũrĩre tiquiro cohãboriro saha yũhũ mehna cǵẽna ijieyequinare yũhũ Pacũ cohãnota. Ti dũpũri ñai dijiaa wahagũ hũse dare ihña ihboriquiro ti dũpũrĩre ne cahmecoa pecapũ uǵũa cohãnota. Sata yerota Cohãcǵũ yũhũ mehna cǵẽna ijieyequinare.

7 'Yũhũ mehna cǵãna ijina, yũhũ buheyere boeraboaga mũsa. Sa boerana, mũsa cahmeno punota siniña. Sa yegũ mũsa sinino punota ye basautja.

8 Yũhũ Pacũ cahmeñene yena mũsa ijigũ ihñaÑe "Jesu yequina ijire ahriquina", ni masieta masa. Sa ye mũsare ihñaÑe yũhũ Pacũre ño peota.

9 Yũhũ Pacũ yũhũre tiquiro cahĩdiro sahata mũsare yũhũ gũhũ cahĩe tii. Yũhũ cahĩna ijiducuya mũsa.

10 Yũhũ cahĩÑequina ijiducuyequina yũhũ dutiyere yere. Yũhũ Pacũ ye dutiyere yeaja yũhũ. Sa yegũ tiquiro cahñogu ijiducujaja yũhũ. Sata mũsa gũhũ yũhũ dutiyere yena yũhũ cahĩna ijiducunata mũsa.

11 'Ahrĩre mũsare yahuu yũhũ mehna mũsa quehnoano bucueatire. Sa yena tutuaro bucuenata mũsa.

12 Ohõ saha dutiaja mũsare: Mũsare yũhũ cahĩdiro sahata mũsa mehna cǵẽna gũhũre cahĩña.

13 Ihcãquiro masũno tiquiro mehna cǵãno ye buhiri yariaro tiquiro mehna cǵãnore tutuaro cahĩne, apequina

tiquina cahĩdiro yũhdũoro.

14 Sa yena yũhũ dutiyere yena yũhũ mehna cǵãna ijire mũsa.

15 Potota yũhũ mehna cǵãna waro ijire mũsa. Mũsa sa ijigũ ijipihtiyere yũhũ yerire yahuaja mũsare. Cahacǵãno tiquiro pũhũto yerire masiedare tiquiro. Sa yegũ "Yũhũ cahacǵãna ihyo ijina ijire mũsa", mũsare niedaja. Yũhũ Pacũ yũhũre tiquiro yahurire mũsare yahu pehou. Sa yahugũ "Yũhũ mehna cǵãna ijire mũsa", mũsare niaja yojopũre.

16 Mũsa pehe yũhũre ne beserari. Yũhũ pehe mũsare besei yũhũ Pacũ cahmeñene mũsa yeatire. Mũsa sa yegũ mũsa yeye ne ihyo waro ijisi. Ahri deco yoaro punota sa ijiducuati ijire mũsa yeye. Mũsa sa yegũ yũhũre mũsa wacũ tutuagũ yũhũ Pacũre mũsa sinino punota tiquiro mũsare ohorota.

17 Ahrĩre mũsare dutiaja yũhũ: Mũsa mehna cǵẽnare cahĩña mũsa, ni yahuri Jesu.

Jesure tiquiro yequina gũhũre ahri yehpa cǵẽna ihña tuhtire

18 Sa yero tiquiro yahu nemori:

—Ahri yehpa cǵẽna mũsare tiquina ihña tuhtigũ ihñana ahrire wacũña mũsa: Mũsare tiquina ihña tuhtiatu pano yũhũ pehere ihña tuhtimahtari tiquina.

19 Cohãcũre cahmedana mũsa ijigũ, ahri yehpa cǵẽna tiquina cahme cahĩdiro sahata mũsa gũhũre cahĩboaya

tiquina. Ahri yehpa cjãna m̄sa ijigũ m̄sare besei. Sa yena yojop̄are ahri yehpa cjãna waro ijierare m̄sa. M̄sa sa ijieragũ ihñañe ahri yehpa cjẽna m̄sare ihña tuhtire.

20 “Yeequina ijina m̄sa yũhũ bui ijierare”, m̄sare yũhũ nidire wacũña m̄sa. Sa yena yũhũ docapũ ijina yũhũ ñano yũhdũriro sahata ñano yũhdũnata m̄sa gũhũ. Yũhũre ñano yeriquinata m̄sa gũhũre ñano yeeta. Yũhũ buhegũ yũhtiriquinata m̄sa buhegũ gũhũre yũhtieta tiquina.

21 Ahri yehpa cjẽna yũhũre ohoriquire masiedare. Sa ye yũhũre wacũ tutuana m̄sa ijigũ ihñañe tiquina ñano yeeta m̄sare.

22 Tiquinare yũhũ buhegũ ahtaeragũ yũhũre tiquina cahmedari buhiri, buhiri mariedaboaya. Yojop̄are tiquinare yũhũ buheri bato “Ñañe buhiri mariedare usãre”, ni masiedare tiquina.

23 Yũhũre ihña tuhtiriquiro yũhũ Pacũ gũhũre ihña tuhtire.

24 Cohãcjũ tiquiro tutuaye mehna apequina tiquina ne yerarire ye ihñou. Sa ye tiquinare tire yũhũ ye ihñoedagũ tiquinare ñañe buhiri mariedaboaya. Cohãcjũ tutuaye mehna yũhũ ye ihñorire tiquina ihñari bato yũhũre yũhũ Pacũ gũhũre ihña tuhtire tiquina.

25 Sa ihña tuhtie Cohãcjũ yere tiquina ojoari pũpũ duitap̄ata tiquiro ni ojoariro

sahata yeye nidi tiquina. Ohõ saha ni ojoahye: “Tiquinare yũhũ ñano yerapegũta yũhũre ihña tuhtire tiquina”, ni ojoahye duitap̄ata Cohãcjũ yere tiquina ojoari pũpũ.

26 Yũhũ batopũ m̄sare yedohoatiquiro, yũhũ Pacũ mehna ijiriquiro m̄sare yũhũ ohoatiquiro Espiritu Santota ijire. Tiquiro potota yahuriquiro ijire. Sa yero tiquiro ahtaro, yũhũ ijiye tiyere yahurota m̄sare.

27 Masare yũhũ buhe ducagũp̄ata m̄sa gũhũ decoripe yũhũ mehna ijiducuri. Sa yena m̄sa gũhũ yũhũ ijiye tiyere yahunata apequinare, ni yahuri Jesu.

16

1 Sa ni tuhasa usãre ohõ saha ni yahu nemori:

—Came yũhũ buheyere yũhũ gũhũre m̄sa cohãedatire ahrire ijipihtiyere yahuu m̄sare.

2 Judio masa mari buheye wũhũsepũ m̄sa sajã duagũ m̄sare sajã dutisi yeequina m̄sa ijiri buhiri. Sa ye ape tahapũ m̄sare wejẽ, “Cohãcjũ cahmeñene yena niaja”, ni tuhuetamaga apequina.

3 Sa ye yũhũ Pacũre, yũhũ gũhũre tiquina masiedare. Sa masiedaye m̄sare ñano yeeta tiquina.

4 Sa yena m̄sare ñano tiquina yegũ ihñana “Tiquina ohõ saha yeato panota Jesu yahu tuhasari usãre”, ni wacũnata m̄sa. M̄sa sa ni wacũntire yojop̄are ahrire

yahu m̄h̄tagu niaja m̄sare,
ni yahuri Jesu.

*Espíritu Santo tiquiro
yeatire yahuahye Jesu*

Sa ni tuhasa ohō saha ni
yahu nemori:

—Coã waropure m̄sa
mehna ijigū ahrire m̄sare
yahueru.

⁵ Yojoṛu pehere yuhure
ohoriquiro caharu wahautja.
“¿Nohoru wahautjari m̄hu?”
yuhure ni, ihcãquiro borota ne
sinituerari m̄sa.

⁶ Sa sinituerapenata yuhu
wahatire m̄sare yuhu yahu
m̄jagū m̄sa ñano jeripohna
tire.

⁷ M̄sare ijirota yahuguta
niaja. Yuhu wahari bato
m̄sare quehnoanota.
Yuhu uhm̄sepu wahaeragū
m̄sare yedohoatiquiro pehe
ahtaeraboaya. Wahagu
m̄sare tiquirore oho di-
jioutja yuhu.

⁸ Yuhu sa oho dijiogū
tiquiro ahtarota. Sa wi-
hiro ahri yehpa cjenā ñañe
yeyequina tiquina ijiyere
tiquinare masigū yerota
tiquiro. Sa yero quehnoano
ijiye tiye gūhure buherota
tiquiro masare. Sa yero
Cohãcjū masare tiquiro
buhiri dahreato gūhure
yahurota masare yedohoat-
iquiro pehe.

⁹ Yuhure wacū tutueye-
quina ijire ahri yehpa cjenā.
Sa yero yedohoatiquiro pehe
masa ñañe yeyequina tiquina
ijiye tiyere tiquinare masigū
yerota.

¹⁰ Yuhu Pacu caharu
wahautja. Yuhu sa wahari

bato masa yuhure ihñasi. Sa
yero quehnoano ijiye tiye
gūhure buherota yedohoat-
iquiro pehe.

¹¹ Ahri yehpa cjenā
puhtorore watinore Cohãcjū
buhiri dahre duti tuhasari.
Sa yero Cohãcjū masare
tiquiro buhiri dahreati
gūhure yahurota yedohoat-
iquiro pehe.

¹² Pajiro ijire m̄sare yuhu
yahuatī. Yuhu sa yahu nemo
duepegūta tire yuhu yahugū
yojoṛu masinisi m̄sa. Sa
yena yojoṛure quehnoano
tuhoṣi m̄sa.

¹³ Yuhu sa yahu nemoedagū
Espíritu Santo pehe m̄sare
yahu nemono ahtarota.
Tiquiro esa tuharo m̄sare
yahusi. Tiquirore yuhu
Pacu yahu dutirire tiquiro
yahurota m̄sare. Sa yero
m̄sare poto yahu pehorota.
Sa yero “Camepu ohō saha
waharota”, ni yahurota
tiquiro m̄sare.

¹⁴ Sa yero yeere m̄sare
tiquiro yahurota. Sa yahuro
yuhure ño peogū yerota
masare.

¹⁵ Ijipihtiye yuhu Pacu
ye, yee gūhu ijire. Sa
yegu “Espíritu Santo pehe
yeere yahurota m̄sare”, ni
m̄sare, ni yahuri Jesu.

*—Bujna witina ijiepenata
came bucuenata m̄sa, ni
yahuahye Jesu*

¹⁶ Sa ni tuhasa ohō saha ni
yahu nemori:

—Mehenogā bato m̄sa
yuhure ihñasi. Sa yena
mehenogā bato m̄sa yuhure

ihñanata tja, nidi Jesu usãre tiquiro buhenare.

¹⁷ Tiquiro sa nigũ tãhona, usã pehe meheñequinagã ohõ saha ni yahuducu usã basi:

—¿“Mehenogã bato m̄sa yũhure ihñasi. Sa yena mehenogã bato m̄sa yũhure ihñanata tja”, nino dũhse nino sa niajari marine? ¿Sa yero “Yũhũ Pacũ cahapũ wahaũtja”, nino dũhse ijiro boro marine sa niagari tiquiro?

¹⁸ ¿“Mehenogã bato”, nino dũhse nino sa niajari ahriquiro? Tiquiro ni yahurire quehnoano masiedaja mari, ni yahuducu usã basi.

¹⁹ Usã sa ni yahuducugũ Jesu tiquirore usã sinitu duarire masino, usãre yahuri:

—¿“Mehenogã bato m̄sa yũhure ihñasi. Sa yena mehenogã bato yũhure ihñanata tja”, yũhũ nidire sinitu duajari m̄sa? ¿Tire yũhũ nidire masiedajari m̄sa?

²⁰ Ijirota m̄sare nigũ ni-aja. Yũhũ yariagũ ihñana m̄sa utinata. Sa yena tutuaro bũjũa witinata. Sa ye yũhure ño peoyequina pehe bucueeta. M̄sa pehe bũjũa wita ni ijiepenata, came bucuenata m̄sa.

²¹ Ohõ saha ijire ti: Numino niji wahcõno, ticoro ñano yũhdũato pano ijire. Sa yero ticoro tutuaro bũjũa witiire. Sa bũjũa witiereperota ticoro pohna tiri bato ticorore purĩdire wacũedare ticoro. Nijinogã ahri yehpapũ

tiquiro masa bajuagũ ticoro bucuere. Sa yero ticorore purĩdire wacũedare.

²² Sata m̄sa yojopũre bũjũa witinata. Came m̄sare ihñautja. Sa yena m̄sa tutuaro bucuenata. M̄sa sa bucuegũ apequina m̄sare bũjũa witiagũ ye masisi.

²³ “Ti deco m̄sa yũhure ihñari deco yũhure sinitusi m̄sa. Masi tuhasarinapũ ijinata. Ijirota m̄sare nigũ ni-aja. Yũhure m̄sa wacũ tutuagũ ihñano yũhũ Pacũre m̄sa siniñene tiquiro m̄sare ohorota.

²⁴ Ahri deco pano yũhũ tutuaye mehna Cohãcjũre siniedarĩdi m̄sa. Yũhure wacũ tutuatjiãna Cohãcjũre siniña. M̄sa sa sinigũ m̄sa sinidire m̄sare ohorota, m̄sa quehnoano bucueatire, nidi Jesu usãre.

Ñañequinare Jesu pehe yũhdũũcahye

²⁵ Sa ni tuhasa ohõ saha ni nemori:

—Queoye mehna m̄sare yahue tii. Sa yahuepegũta came m̄sare queoye mehna yahusi yũhũ. Sa yahueragũ yũhũ Pacũ pehere quehnoano poto yahutja m̄sare.

²⁶ Ti decore m̄sare yũhũ Pacũre sini basasi yũhũ. Yũhure wacũ tutuana, m̄sa basi tiquirore sininata.

²⁷ M̄sa yũhure cahĩne. Sa yena yũhũ Pacũ cahapũ yũhũ ahtarigũ ijigũ “Ijirota ijire”, nine m̄sa. Sa nina m̄sa ijigũ ihñano yũhure cahĩna m̄sa ijigũ ihñano yũhũ Pacũ pehe m̄sare cahĩne. Tiquiro sa

cahīgũ tiquirore m̄sa sini-
nata.

²⁸ Ȳh̄h̄ Pac̄u cahap̄u ijiriḡu
ahri yehpap̄ure ahtāu ȳh̄h̄.
Sa yeḡu yojop̄ure ahri yeh-
pap̄u ijiriḡu ȳh̄h̄ Pac̄u cahap̄u
wahātja, nidi Jesu.

²⁹ Tiquiro sa nigũ us̄a
tiquiro buhena oh̄o saha nii:

—Yojop̄u p̄rita queoye
marieno yahuducuḡu
quehnoano bajuro yahuḡu
nine m̄h̄h̄ us̄are.

³⁰ M̄h̄h̄ quehnoano masi
pehoḡu m̄h̄h̄ ijigũ yojop̄u
p̄ritare us̄a masiaja. Sa
ye apequina m̄h̄h̄re buhe
masiedare. Tire yojop̄ure
us̄a quehnoano masiaja. Us̄a
quehnoano masina, Coh̄ãcjũ
cahap̄u ahtariḡu m̄h̄h̄ ijigũ
“Ijirota ijire”, niaja us̄a, nii
us̄a Jesure.

³¹ Us̄a sa nigũ Jesu yuhtiri
us̄are:

—¿Yojop̄ure “Ijirota ijire”,
niajari m̄sa?

³² Came cjũno ijipih̄tina
m̄sa w̄h̄usep̄u waha sitena,
ȳh̄h̄re coh̄ãnata m̄sa. M̄sa
sa coh̄ãpegũta ȳh̄h̄ Pac̄u
pehe ȳh̄h̄ mehna ijire. Sa
yeḡu ȳh̄h̄ ihcũta ijieraja.

³³ Ahrire m̄sare yahu
m̄htāu, ȳh̄h̄re m̄sa
wacũ tutuaye mehna
m̄sa quehnoano ijiatore.
Coh̄ãcjũre cahmeeñequina
cahap̄u m̄sa ijigũ ñano yeeta
m̄sare tiquina. Tiquina
sa yep̄egũta bucueya m̄sa.
Ahri yehpa cjẽna tiquina ñañe
yerire ȳh̄d̄ud̄ucaḡu ijiaja
ȳh̄h̄. Sa yena ȳh̄h̄re wacũ
tutuana bucueya m̄sa, nidi
Jesu us̄are tiquiro buhenare.

17

*Jesu tiquiro buheye-
quinare Coh̄ãcjũre sini
basahye*

¹ Sa ni yahu tuhasa
Jesu uhm̄anop̄u ih̄ña m̄o,
Coh̄ãcjũre oh̄o saha ni
yahuducuri:

—Mai, yojop̄ure m̄h̄h̄ yahu
queoriro sahata ȳh̄h̄re ñano
tiquina yeati pje esarota
nine. Ȳh̄h̄re m̄h̄h̄ mac̄ure
masare ño peogũ yeya. M̄h̄h̄
sa yegũ m̄h̄h̄re masare ño
peogũ yeitja ȳh̄h̄ gũh̄.

² Ijipih̄tiyequina p̄hto
ȳh̄h̄re c̄uri m̄h̄h̄. Sa yegũ
ȳh̄h̄re m̄h̄h̄ ohoriquinare
m̄h̄h̄ mehna sa ijiducugũ
yeitja ȳh̄h̄. Sa yegũ m̄h̄h̄re
masare ño peogũ yeitja ȳh̄h̄.

³ M̄h̄h̄ dihita Coh̄ãcjũ
waro ijire. Ȳh̄h̄ Jesucristo
m̄h̄h̄ ohoriḡu ijiaja. Sa
ye ijipih̄tiyequina m̄h̄h̄re
masiñequina, ȳh̄h̄ gũh̄re
masiñequina uhm̄usep̄u mari
mehna sa ijiducuet̄a, nidi
Jesu.

⁴ Sa ninota oh̄o saha ni
nemori mari Pac̄ure:

—Ahri yehpap̄ure m̄h̄h̄
ye dutirire ye peho tuhasa
ȳh̄h̄. Sa yegũ m̄h̄h̄re masare
ño peogũ yei ȳh̄h̄.

⁵ Ahri yehpa ijiato pano
m̄h̄h̄ mehna ȳh̄h̄ ijigũ ijip-
ih̄tiyequina ȳh̄h̄re tiquina
ño peo m̄htariro sahata
yojop̄ure ȳh̄h̄re tiquina ño
peogũ yeya tja.

⁶ ‘Ahri yehpap̄u ijiye-
quinare ȳh̄h̄re m̄h̄h̄
ohoriquinare m̄h̄h̄re masigũ
yei. M̄h̄h̄ ohoriquina m̄h̄h̄
yequina ijire. Sa yegũ

tiquinare ohori mahu yuhare. Sa ye mahu dutiyere yeri tiquina.

7-8 Yuhare mahu yahurire tiquinare buhei. Yuh sa buhegū tuhoye yuh buheyere cahmedi tiquina. Sa ye potota mahu cahapu ahtarigu yuh ijigū masine tiquina. Sa ye mahu ohorigu yuh ijigū “Ijirota ijire”, ni tuhature tiquina. Sa ye ijipihtiye yee mahu ye ti ijigū masine tiquina.

9 ‘Tiqinare mahare sini basagu niaja. Apequina pehere sini basagu niedaja yuh. Yuhare mahu ohoriquina mahu yequina ijire. Sa yegu tiquinare sini basagu niaja mahare.

10 Tiquina ijipihtiyequina mahu yequina ijire. Sa ye mahu yequina pehe yeequina ijire. Yuhare wacū tutuaye yuh tutuagu ijiyere masigū yere tiquina masare.

11 ‘Yojopare ahri yehpare tojoasi yuh. Mahu cahapu wahau tuh niaja. Yuh sa wahaepēgūta yojopare yuhare mahu ohoriquina ahri yehpare tojoare. Mai, mahu quehnoagu ijire. Yuhare mahu ohoriquinare mahu tutuaye mehna ihña ihbo basaya. Mahu sa ihña ihbogū mari ihcāta mari ijiro saha tiquina gūhu ihcā curuata ijahro.

12 Tiquina mehna ijigū mahu tutuaye mehna tiquinare quehnoano ihña ihbou. Ihcāquiro pūrita pecapu waharota mahu yere

tiquina ojoari pūpu yahuriro sahata.

13 ‘Yojopare mahu cahapu wahau tuh niaja. Sa yegu ahri yehpare ahri ijipihtiye yeequinare yahuaja yuh mehna tiquina quehnoano bucueatire.

14 Mahu yere yahuu tiquinare. Tiquina gūhu yuh yero sahata ahri yehpare iji dojatiquina ijierare. Sa ye ahri yehpa cjenā pehe tiquinare ihña tuhtire.

15 “Ahri yehpare ijiyequinare, yeequinare neahña”, niedaja. Yuh sa niedapēgūta tiquinare quehnoano ihña ihboya. “Watino ñañene tiquinare ye dutiari”, nigū, quehnoano ihña ihboya tiquinare.

16 Ahri yehpa cje ijieraja. Tiquina gūhu yuh yero sahata ahri yehpare iji dojatiquina ijierare.

17 Yeequinare mahu buheye mehna quehnoañequina yeya tiquinare. Mahu yahuye pehe ijirota ijire.

18 Ahri yehpare yuhare mahu ohoriro sahata yuh pehe yeequina gūhure mahu yere buhe dutigu ohou.

19 Mahu cahmeñene yegu tagu yariacju ijigu yuh pagure ohoaja. Sa yeaja yuh, yeequina gūhu mahu cahmeñene poto tiquina quehnoano yeatire.

20-21 ‘ “Yeequina yojopare ijiyequina dihitarē yedohoya”, ni sini basaeraja yuh. Yeequina apequina gūhure yeere tiquina buheri bato tiquina gūhu yuhare

wacũ tutuaeta. Tiquina gũhure yedohoya, yeequina ijipihtiequina ihcã curua tiquina ijiro quehnoano. Yũhũ mũhũ mehna mari puana ijiepenata ihcũta ijiaja. Ihcũta mari ijiro sahata tiquina gũhũ mari mehna ihcã curuata ijiahro. Ihcã curuata ijiahro, mũhũ ohorigũ yũhũ ijiyere ijipihtiequina masa "Ijirota ijire", tiquina niatire.

²² Yũhũre mũhũ tutuaye ohorire yeequinare ohou. Ti tutuayere cũoye, ihcũta mari ijiro sahata tiquina gũhũ ihcã curuata ijieta.

²³ Yũhũ tiquina mehna ijiaja. Sa yegũ mũhũ yũhũ mehna ijire. Mari sa ijigũ yeequina potota ihcã curuata quehnoano ijieta. Ihcã curuata tiquina ijigũ ihñañe mũhũ ohorigũ yũhũ ijiyere ahri yehpa cjẽna masieta. Sa ye yũhũre mũhũ cahĩdiro sahata yeequina gũhũre mũhũ cahĩñene masieta masa.

²⁴ 'Mai, ahri yehpa iji dũcato pano yũhũre cahĩe tiri mũhũ. Sa cahĩgũ yũhũ tutuagũ ijiyere ihñori mũhũ. Sa yegũ yũhũre mũhũ ohoriquinare yũhũ mehna tiquina ijigũ cahmeaja, yũhũ tutuagũ ijiyere tiquina masiatire.

²⁵ Mai, mũhũ quehnoagũ ijire. Ahri yehpa cjẽna ñañequina mũhũre masiedare. Yũhũ pehe mũhũre masiaja. Sa ye mũhũ ohorigũ yũhũ ijigũ masine yeequina.

²⁶ Tiquinare mũhũre masigũ yei. Came gũhũre mũhũre tiquinare masigũ

yeitja, yũhũre mũhũ cahĩdiro sahata apequinare tiquina cahĩtire. Sa yegũ yeequina mehna ijigũtja, nidi Jesu mari Pacũre.

18

Jesure peresu yeahye

(Mt 26.47-56; Mr 14.43-50; Lc 22.47-53)

¹ Tiquiro sa nidi bato Jesu, usã gũhũ tiquiro buhena Cedrõ wame tiri mare pehã, olivo wame tiye cjũ wesepũ esã.

² Peye tahari ti wesepũ Jesu mehna cahmecoae ti. Sa yero Juda Jesure ihña tuhtiequinare ihñaotiquiro ti wesere masidi.

³ Sa masino puã curua surarare uhmũ tã cãhtari ti wesepũ Jesure ihñono taro. Ihcã curua surara waro ijiri. Ape curua surara Cohãcjũ wũhũre cohteyequina ijiri. Tiquina pahia puhtoã, fariseo masa tiquina ohoriquina ijiri surara, Cohãcjũ wũhũre cohteyequina mehna. Sa ah-taye sihãñe pacare, sihãñe cjũ gũhũre sihã cãhtari. Tiquina wamoã gũhũre ne cãhtari tiquina.

⁴ Ti wesepũ tiquina wihiri bato Jesu tiquiro ñano yũhdũatire masino, tiquinare piti ca, sinituri:

—¿Noare macana niajari mũsa? nidi Jesu.

⁵ —Jesu Nazare cjãnore macaja usã, ni yũhtiri tiquina.

—Tiquiro tjiaja yũhũ, nidi Jesu.

Juda pehe Jesure ñehe dutiro ihñoriquiro tiquina mehna ijiri.

6 Sa ye “Tiquiro tjiaja yuhū”, Jesu nigūta tiquina pehe tūho maria waha, du siti maa, yeh-papū bora quehe sari.

7 Tiquina sa wahagū ihñano pari turi sinituri tiquinare Jesu:

—¿Noare macana niajari mūsa? nidi.

—Jesu Nazare cjānore macana niaja ūsā, ni yūhtiri tiquina tja.

8 —“Yuhū tjiaja”, ni tuhasamigū yuhū mū sare. Sa yena yuhūre ñehena ahriquinare yuhū mehna cjēnare peresu yeracāhña mūsa, nidi Jesu.

9 Sa ūsāre cahño ne ihcāquiore butigū yerari. Sa yero to pano Cohācjūre tiquiro nidiro sahata yero nidi tiquiro. “Yuhūre mūhū ohoriquinare ne ihcāquiore boerū”, tiquiro nidiro sahata yero nidi Jesu.

10 Sa ye Simo Pedro ñoseni pjīne cūoro, ti pjīne tūā we nedoqueo, pahia pūhtoro cahacjāno Malco wame tiriquire cahmonore dūte pahrē cāri. Poto pehe cjā cahmonore dūte pahrē cāri.

11 Tiquiro sa dūte pahrēgū ihñano Jesu tiquiore ohō saha nidi:

—Mūhū ñoseni pjīne ihboya. Yuhū Pacū yuhūre tiquiro ñano yūhdū dutiriro sahata ñano yūhdū tja yuhū, nidi Jesu Pedrore.

Pahia pūhtoro cahapū Jesure neahye tiquina

(Mt 26.57-58; Mr 14.53-54; Lc 22.54)

12 Tiquiro sa ni tuhasagūta surara, tiquina pūhtoro mehna, Cohācjū wuhūre cohteyequina surara gūhū Jesure ñehē, tiquiore dūhteri.

13 Dūhte tuhasa Anās cahapū nea mūhtari tiquina. Anās pehe Caifa mareino ijiri. Caifa pehe ti cūhmare pahia pūhtoro ijiri.

14 “Judio masa ye ijiatire ihcāquiore masūno yariagū quehnoanota”, nidiquiro boro ijiri Caifa pehe.

—Jesure masiedaja, niahye Pedro

(Mt 26.69-70; Mr 14.66-68; Lc 22.55-57)

15 Sa yena yuhū Simo Pedro mehna Jesure yoa cjūnopū ihña nūnū tūhū. Caifa ya wuhūpū neañe nidi Jesure. Yuhū pehe pahia pūhtoro tiquiro ihña masinohgū ijigū Jesu bato pūhtoro ya wuhū ijiri sahrīnopū sajā wahaū.

16 Yuhū sa sajāgū Pedro pehe sahrīno sopecahapū tojoadūca sari. Sa yegū majare wijia ta, sopecahare cohtericorore sinituu. Yuhū sa sinitu tuhasagū ticoro Pedrore sajā ta dutiri. Ticoro sajā ta dutiri bato yuhū Pedrore ne sajāa wahaū.

17 Yuhū sa ne sajāgū ihñano sopecahare cohtericoro pehe Pedrore sinituri:

—¿Jesu buheyequina mehna cjū ijierajari mūhū? nidi ticoro Pedrore.

—Ijieraja yuhū, ni yūhtiri Pedro pehe.

18 ūsā esato pano to cjēna pūhtoa cahacjēna, surara

mehna tiquina sohmati pecare wijiã tuhasari jiri. Yũsarĩdi. Sa ye tiquina ti peca dũhtũ caha ducuye, sohmañe nidi. Tiquina sa sohmagũ ihñano Pedro gũhũ ahta, sohmani.

Pahia pũhtoro Jesure sinituahye

(Mt 26.59-66; Mr 14.55-64; Lc 22.66-71)

¹⁹ Sa ye pahia pũhtoro Jesu buherire, usã tiquiuro buhena gũhũre sinituahye Jesure.

²⁰ Tiquiuro sa sinitugũ Jesu pehe yũhtiahye tiquiore:

—Ijipihtiyequinare buhegu tiquina ihñono ducuu. Sa buhegu judio masa mari buheye wũhũsepũ Cohãcjũ wũhũpũ gũhũre sa buheducuu yũhũ. Duhtitjiãgu buherũ yũhũ.

²¹ ¿Dũhsegũ yũhũre sinituajari mũhũ? Sinitu duagu yũhũ buheyequinare sinituya. Yũhũ buherire tiquina masine, ni yũhtiahye Jesu.

²² Tiquiuro sa nigũ tũhoro topũ ducuriquiuro surara pehe tiquiuro omoca mehna Jesure quẽahye.

—Sa niedacãhña pahia pũhtorore, niahye surara pehe Jesure.

²³ Tiquiuro sa nigũta Jesu ohõ saha niahye:

—Ñano yũhũ ni yahuducurire yahuya yũhũre. ¿Poto masare yũhũ yahuepegũta, dũhsegũ tagũ yũhũre quẽajari mũhũ? niahye Jesu surarare.

²⁴ Came Anás Jesure tiquina dũhteriquiore

Caifa pahia pũhtoro cahapũ ohoahye.

—Jesure masiedaja, parituri niahye Pedro

(Mt 26.71-75; Mr 14.69-72; Lc 22.58-62)

²⁵ Sa ye Simo Pedro peca dũhtũ cahapũ ducuro, sohmano nidi. Tiquiuro sa sohmaducugũ ihñañe to cjẽna tiquiore sinituri:

—¿Mũhũ gũhũ Jesu buheyequina mehna cjũ mũhũ ijierajari? nidi tiquina Pedrore.

—Ijieraja yũhũ, ni yũhtiri Pedro.

²⁶ Sa yero pahia pũhtoro cahacjẽna mehna cjũno Pedro tiquiuro cahmono dũte pahrẽdiquiro acayũro pehe Pedrore sinituri:

—¿Jesure tiquina ñehedi wesepe yũhũ ijigũ mũhũ gũhũ tiquiuro mehna ijieracoachte? ni sinituri tiquiuro Pedrore.

²⁷ —Yũhũ tiquiuro mehna ijierũ, nidi Pedro.

Tiquiuro sa nigũta canaca yahuri.

Jesure Pilato sinituahye

(Mt 27.1-2, 11-14; Mr 15.1-5; Lc 23.1-5)

²⁸ Ñami cjũno ijigũ Caifa ya wũhũpũ ijiriquina Jesure ne wijia, Roma cjẽna pũhtoro Pilato ya wũhũpũ nea wahari tiquina. Sa wahaepeta tiquiuro ya wũhũpũ sajãedari. Pascua deco ijigũ tiquina ihyatiquina ijiye, ohõ saha nidi: “Judio masano ijierare Pilato. Tiquiuro sa ijiriquiro ijigũ tiquiuro ya wũhũre sajãna, mari dutiyere yũhdũdcana niboaga. Sa yena mari

sajāgū marine bose deco cjē ihyayere ihya dutieraboaga”, nidi. Sa niñe pūhtoro Pilato ya wūhure sajāedari Jesure neariquina pehe.

²⁹ Tiquina sa sajāedagū ihñano Pilato tiquina cahapū wūhū sopecahapū esadūcaro, tiquinare sinituri:

—¿Yabe buhirire ahriquiroro yahusā duajari mūsa? nidi Pilato tiquinare.

³⁰—Ahriquiro quehnoariquiro ijigū mūhure usā ohoeraboaya. Ñariquiro ijire tiquiro, ni yūhtiri tiquina.

³¹ Tiquina sa nigū Pilato ohō saha nidi:

—Mūsa basita tiquiroro neaña. Sa yena mūsa ye dutiye ti nidiro sahata tiquiroro buhiri dahreya, nidi Pilato tiquinare.

—Mūsa ye dutiye pehe usāre masūnore wejē dutierare, nidi tiquina Pilatore.

Sa niñe Jesure wejē dutiye tee nidi.

³² Tiquina sa wejē dutigū Jesu pehe curusapū tiquiro yariatire to pano tiquiro yahuriro sahata wahari.

³³ Tiquina sa nidi bato, Pilato pehe wūhūpū majare sajā, Jesure pijioahye. Pijio tuhasa, tiquiroro sinituahye:

—¿Judio masa tiquina pūhto tjiajari mūhū? ni sinituahye Pilato.

³⁴—¿Mūhū esa tuharota sa ni sinituajari mūhū yūhure? ¿O apequina pehe yūhure tiquina yahusāri bato tire sinituajari mūhū? niahye Jesu Pilatore.

³⁵—Judio masū ijieraja yūhū. Mūhū ya yehpa cjēna, pahia pūhto gūhū mūhure ohori usāre. ¿Yabere ñano yeari mūhū tiquina sa buhiri dahre duagū? niahye Pilato.

³⁶—Ahri yehpa cjū pūhto ijieraja yūhū. Ahri yehpa cjū pūhto yūhū ijigū, yūhū buheyequina yūhure yedohoboaya. Judio masare ñehe dutieraboaya. Yūhū pūhto ijiye ahri yehpa cjē ijierare, niahye Jesu Pilatore.

³⁷—¿Sa yegū pūhto ijiajari mūhū sa nigū? niahye Pilato.

—Mūhū nino sahata pūhto ijiaja. Masa tiquina pūhto ijigū tagū masa bajūhū yūhū. Sa yegū ahri yehpapū ahtau tiquina pūhto ijii tūhū, poto ijiyere yahugū tūhū. Ijipihtiyequina poto ijiyere tūho duayequina, yūhū yahuyere tūhore, niahye Jesu.

³⁸—¿Yabe boro ijiajari poto ijiye? niahye Pilato.

Judio masa Jesure wejē dutiahye

(Mt 27.15-31; Mr 15.6-20; Lc 23.13-25)

Sa ni tuhasa Pilato judio masa caha majare tojoa tiquinare yahuri:

—Ahriquiro Jesure ne buhiri mariedare.

³⁹ Cūhmaripe pascua ijigū ihcāquiro peresu ijiriquiroro mūsa wio dutiducure. ¿Sa yegū ahriquiro Jesureta mūsa pūhtoro ijiatiquiro mūsa wio basagari yūhū? nidi Pilato judio masare.

⁴⁰ Tiquiro sa nigū tūhoye judio masa ohō saha ni sañuducuri:

—Tiquirore wioeracãhña. Barrabá pehere usãre wio basaya, ni sañuducuri judio masa Pilatore.

Barrabá pehe yaque buçuro ijiri.

19

¹ Tiquina sa ni sañuducuri bato Pilato Jesure tana duti-ahye. Sa ye tiquiro yequina surara pehe tiquirore tanahye.

² Tana tuhasa tiquina pota behto ye tuhasa, Jesu dapu buipũ duhu peohaye. Duhu peo tuhasa, puhto ye suhti borore tiquirore sãa tuhasa, tiquiro cahapũ esa dũca, ohõ saha ni bujũpeahye tiquina:

³ —Quehnoano ahtaya. Judio masa puhto, quehnoano ahtaya, ni bujũpe, Jesu wũhdoare quẽ mũjahye.

⁴ Sa yero Pilato pari turi judio masa cahapũ waha, tiquinare yahuri:

—Tũhoya mũsa. Ahriquiro ne buhiri mariediquiro ijire. Sa yegũ tire mũsa masiatire mũsa cahapũ tiquirore ne cãhtaũ, nidi Pilato.

⁵ Tiquiro sa ni tuhasagũ Jesu pota behto pesariquiro, puhto ye suhti borore sañariquiro wũhũpũ ijiriquiro wijia tari. Tiquiro sa wijia tagũ Pilato tiquinare ohõ saha nidi:

—Ihñaña. Ahriquiro ijire tiquiro, nidi Pilato.

⁶ Tiquiro sa ni tuhasagũ tũhoye, pahia puhto, surara gũhũ Jesure ihñañe, sañuducuri:

—Curusapũ quẽ biha wejẽña tiquirore. Curusapũ quẽ biha wejẽña tiquirore, ni sañuducuri tiquina.

—Tiquiro ne buhiri mariedare. Sa yena mũsa basita tiquirore neahña. Sa yena mũsata tiquirore curusapũ quẽ biha wejẽña, nidi Pilato tiquinare.

⁷ —Tiquiro basi “Cohãcjũ macũ ijiaja”, nie tiri. Tire tiquiro sa nigũ usã dutiye pehe tiquirore wejẽ dutire, nidi tiquina Pilatore.

⁸ Tiquina sa nigũ tũhoro cue yũhdũa wahari Pilato pehe.

⁹ Sa yero pari turi wũhũpũre majare sajã, Jesure sinituahye tja:

—¿Noho cjũ ijiajari mũhũ? ni sinituahye tiquiro Jesure.

Tiquiro sa ni sinituepegãta Jesu tiquirore yũhtierahye.

¹⁰ Tiquiro sa yũhtieragũ ihñaño Pilato tiquirore sinitu nemoahye:

—¿Yũhũre yũhtierajari mũhũ? Yũhũ mũhũre perezupũ ijirigũre wio masiaja. Sa yegũ mũhũre curusapũ gũhũre quẽ biha wejẽ duti masiaja yũhũ. ¿Tire masiedajari mũhũ? niahye Pilato Jesure.

¹¹ —Cohãcjũ mũhũre tiquiro dutieragũ yũhũre ñano ye dutieraboaya mũhũ. Yũhũre ihña tuhtiyequinare ihñoriquiro pehe mũhũ yũhdũoro ñano buhiri tire, niahye Jesu Pilatore.

¹² Tiquiro sa nigũ tũhoro Pilato pehe tiquirore wio

duamahye. Tiquiro sa wio duepegūta pari turi judio masa sañuducuri:

—Jesu “Pūhto ijiaja”, nino mari ijipihina pūhtoro Roma cjanore ihña tuhtiriquiro ijire tiquiro. Sa yegū tiquirore wioḡū mūhū ḡūhū mari pūhtoro ihña tuhtigū ijiaga mūhū, ni sañuducuri judio masa Pilatore.

¹³ Tiquina sa nigū tūhoro Jesure wūhūpū ijiriquirore ne wijia ta, buhiri dahre dutiro taro tiquiro dujiri pah-tapū nuju sari Pilato. Tiquiro buhiri dahre dutiri paa utā mehna tiquina yeri paa judio masa ye mehna Gabata wame tiri.

¹⁴ Ti deco pascua bose deco usā ihyatire usā quehno deco ijiri. Ti pjere coheri pje waro ijiri. Nuju sa tuhasa Pilato masare ohō saha ni yahuri:

—Ahriquirō tjire mūsa pūhtoro, nidi tiquiro.

¹⁵ Tiquiro sa nigū tūhoye judio masa sañuducuri:

—Yariahro tiquiro. Yariahro tiquiro. Curusapū quē biha wejēña tiquirore, ni sañuducuri tiquina.

—¿Mūsa pūhtoro tiquiro ijiepegūta tiquirore curusapū quē biha wejē dutiajari mūsa? nidi Pilato.

Tiquiro sa nigū ohō saha ni yūhtiri pahia pūhto:

—Mari ijipihina pūhtoro Roma cjanota tiquiro usā pūhtoro ijire. Apequirō pūhtoro usāre mariedare, ni yūhtiri pahia pūhto.

¹⁶ Tiquina sa ni yahuducuri bato Pilato Jesure curusapū quē biha wejē dutiro, tiquirore ohori tiquinare.

Jesure quē biha wejēahye tiquina

(Mt 27.32-44; Mr 15.21-32; Lc 23.26-43)

Sa ye tiquina Jesure ne wijari.

¹⁷ Tiquina ne wijagū Jesu pehe tiquiro ya curusare tiquiro basi wūa ne, dapu pehtoro wame tiropū esari. Usā judio masa ye mehna Gólgota wame tiri.

¹⁸ Topū esaye tiquina Jesure quē biha ohōri. Sa ye apequina pūarore ihcāquirō tiquiro poto pehe, apequirō tiquiro cū pehe pehe quē biha ohōri tiquina. Sa yero Jesu tiquina deco curusapū wahñari.

¹⁹ Tiquina quē biha tuhasagū Pilato taboa pjñe ojoa duti, Jesure tiquina quē biha ohōri curusapū quē biha ohō dutiri jiri ti pjñe. Ohō saha ni ojoa dutiri jiri tiquiro: “AHRIQUIRO JESU NAZARE CJENO, JUDIO MASA PŪHTORO IJIRE”, ni ojoa dutiri jiri Pilato ti pjñe.

²⁰ Ti pjñe ojoaro judio masa ye mehna, Roma cjenā ye mehna, griego masa ye mehna ojoari jiri apequirō. Sa yero Jesure curusapū tiquina quē biha ohōriro maca cahagā ijiri. To cahagā ijiequina peyequina judio masa Pilato ojoa dutirire ihña, buheri.

21 Sa buhe tuhasa judio masa usã pahia pãhtoa ohõ saha nidi Pilatore:

—“Ahriquiro judio masa pãhthora ijire”, ni ojoa dutier-acãhña. Usã pãhthora ijierare ahriquiro. Sa yegũ ohõ saha ni ojoa quehno dutiya mũhũ. “Ahriquiro ‘Judio masa pãhto ijijaja’, ni ihcãquirota tiquiro basita sa ni tãhoturiquiro ijiri”, ni ojoa quehno dutiya, nidi pahia pãhtoa.

22 —Yũhũ ojoa duti mũhtariro sahata ijirota, nidi Pilato tiquinare.

23 Jesure tiquina quẽ bihari bato pititari surara pehe Jesu suhtire tiquina basi itiri. Tiquina sa iti duepegũta ihcã suhtiro yoari suhtiro dohori marieni suhtiro ijiri. Ti suhtiro suhari suhtiro ijiri.

24 Ti suhtiro sa ijigũ ohõ saha nidi tiquina basi:

—Ahri suhtirore tãhrẽdacũhna. Ahri suhtirore neatiquirore masi duana, doquepeihna mari, nidi tiquina basi.

Sa doquepeye, Cohãcjũ yere tiquina ojoari pũpũ tiquina ni ojoariro sahata yeye nidi tiquina. “Yũhũ suhtire tiquina basi itiri. Sa ye yũhũ suhtire neatiquinare masi duaye, doqueperi tiquina”, ni ojoahye Cohãcjũ yere tiquina ojoari pũpũ. Tiquiro sa ni ojoariro sahata sa yeye nidi tiquina.

25 Surara tiquina sa yegũ, Jesu pacoro, Jesu mũono, María Cleofa namono, María Magdalena mehna Jesu curusa cahagã ihñaducuri tiquina.

26 Sa yero tiquiro pacoro yũhũ tiquiro cahñogũ gũhũ tiquiro cahapũ usã ducugũ ihñano tiquiro pacorore yahuri Jesu:

—Yojopũre ahriquiro mũhũ macũ ijire, nidi Jesu tiquiro pacorore.

27 Sa ni tuhasa, yũhũre ohõ saha ni yahuri tiquiro:

—Yojopũre ahricoro mũhũ paco ijire, nidi Jesu yũhũre.

Tiquiro sa nidi bato Jesu pacorore ya wãhũpũ iji dutii.

Jesu yaria wahahye

(Mt 27.45-56; Mr 15.33-41; Lc 23.44-49)

28 Tiquiro sa ni yahuri bato ohõ saha ni tãhotu, masiahye Jesu: “Ijipihtiye Cohãcjũ yũhũre dahra dutiro tiquiro cũrire ye pehou”, ni tãhotu, masiahye Jesu. Sa masino Cohãcjũ yere tiquina ojoari pũpũ tiquiro ni yahuriro sahata ohõ saha nidi Jesu:

—Aco wũoaga yũhũ, nidi Jesu.

29 Sa yero topũ vino suẽñe co pose tiri sutu dujiri. Sa yero topũ ijiriquiro aco ihmini suhtere suẽñe co mehna tiquina sohari suhtere yucũgũ hisopo wame tidũ sohtoapũ dũhte ohõri. Sa yero Jesu dũseropũ siõ ohõri.

30 Ti core Jesu ihmi tuhasa ohõ saha nidi:

—To punota ijiaga, ninota tiquiro dapure muhri yo, yariaa wahari.

Surara Jesu pati pahma batogã ñoseahye ñosenũ mehna

31 Ti deco pascua bosc deco pano ijiri. Bose deco cjẽne

usã ihyatire quehñori deco ijiri. Sa ye ape deco saurú ijigũ tiquina bõse deco ijigũ curusaripũ yariariquinare cũ duerari. Ti deco Cohãcjũre tiquina ño peori bõse deco ijiri. Sa ye ti decopũ tiquina quẽ biha ohõriquinare curusaripũ tiquina wahñagũ cahmedari tiquina. Sa ye tiquina quẽ biha ohõriquinare tiquina ñecũ cohãrine quẽ nuha dutiye tehe, judio masa siniahye Pilatore, “Tiquina yaria madoqueoahro”, niñe. Tiquina sa yeri bato tiquina pagurire ne dijio madoqueoye tee nidi.

³² Tiquina sa dutigũ surara pehe curusari cahapũ esa, ihcãquiro yaqueriquiro ñecũ cohãrine quẽ nuhari. Apequiro gũhũre sata yeri tiquina.

³³ Sa ye Jesu ñecũ cohãrine quẽ nuhae tee yemehe, tiquiro yariariquiro ijigũ ihñãñe, quẽ nuhaedari.

³⁴ Sa quẽ nuhaedaye ihcãquiro surara tiquiro pati pahma batogã ñosenũ mehna ñosedĩ. Tiquiro sa ñosegũ duita tiquiro dii, aco mehna wijiari.

³⁵ Ti sa wahagũ ihñau yũhũ. Yũhũ ahri pũre ojoarigũ mũsare poto yahuaja. Poto yũhũ yahuye ijigũ masiaja yũhũ. Mũsare yahuaja mũsa gũhũ Jesure mũsa wacũ tutuato saha.

³⁶ Cohãcjũ yere tiquina ojoari pũ ti nidiro sahata sa wahari: “Tiquiro cohãrine ne ihcã cohãre quẽ nuhaedari”, tiquiro ni ojoariro sahata

Jesu ñecũ cohãrine ne ihcã cohãre quẽ nuhaedari.

³⁷ Sa yero ape pũpũ Cohãcjũ yere tiquina ojoari pũpũ ohõ saha nine. “Tiquirore tiquina ñosediquirore ihñãeta tiquina”, ni ojoahye Cohãcjũ yere tiquina ojoari pũpũ.

Jesu pagure masa copepũ cũahye

(Mt 27.57-61; Mr 15.42-47; Lc 23.50-56)

³⁸ Tiquiro yariari bato José Arimatea cjũno Jesu pagure ne dijioro taro, Pilatore siniahye. José pehe apequina judio masare cuero, Jesure wacũ tutuariquiro tiquiro ijiyere yahu duerahye. Sa yero tiquiro pagure sinidi bato Pilato pehe Jesu pagure nea dutiahye. Tiquiro nea dutigũ José curusa cahapũ esa, Jesu pagure nea wahahye.

³⁹ Nicodemo gũhũ José mehna wahahye. Tiquiro yucũgũ cjẽ ehme sitiye, mirra wame tiye ehme sitiye yucũgũ cjẽ mehna dahra moredire ne cãhye. Jesu pagure tiquina cohãto pano tiquina quehnoati ijiahye ti ehme sitiye. Tiquiro ne cãhtari treinta kilo nũcũahye. Nicodemo sohõ ijiri pje Jesu mehna tiquiro coã yahuducuri pje ñamipũ Jesu cahapũ esariquiro ijiahye.

⁴⁰ Sa ye tiquina pũaro Jesu pagure ne, judio masa yariariquinare usã cohãducuro sahata tiquiro pagure ehme sitiye mehna suhti mehna wahmeahye.

41 Curusapɛ Jesure tiquina wejēdiro cahapɛ wese ijiri. Ti wesepɛ masa cope utāpɛ wahma tiquina seheri cope ijiri. Ti copere ne ihcāquiro yariariquirore cohāedarīdi.

42 Pascua bose deco judio masa bose deco usā ihyatire quehnoiri deco ijiri. Sa ijiri deco ijigū ti cope cahagā tiquiro curusa ijigū, topɛ cūahye tiquina Jesu pagure.

20

Jesu masa wijiahye

(Mt 28.1-10; Mr 16.1-8; Lc 24.1-12)

1 Domingo ñami cjūnogā ijigū, bohreato panogā María Magdalena Jesu masa copepɛ esahye. Topɛ esaro ti copere tiquina tu biharia utāre yoa cjūnopɛ tiquina pōo cūria utāre ihñahye ticoro.

2 Sa ijigū ihñano, usā cahapɛ oma tojoa tari ticoro. Simo Pedro mehna yuhɛ usā pɛana ijii. Wihi ohō saha ni yahuri usāre ticoro:

—Mari pɛhtoro pagure ne cāri jiri. Nohopɛ ne cā cūcoayaye mari masiedaja, nidi ticoro usāre.

3 Ticoro sa nigɛ tuhona, Pedro mehna masa copepɛ ihñana wahau usā.

4 Sa ihñana wahana usā pɛana oma cāɛ. Sa oma cāna, yuhɛ Pedrore oma yuhdu cāgɛ masa copepɛ esa mɛhtau.

5 Topɛ esagɛ muhri ihña sōu ti copepɛre. Muhri ihña sōgɛ tiquirore tiquina wahmedi suhtiro dihitare ihñau. Sa ye ti copere sajāedɛ.

6 Yuhɛ sa ihñari batopɛ Simo Pedro yuhɛ batopɛ wihiri. Wihi masa copepɛ sajā, tiquiro pagure tiquina wahmedi suhtirore ihñari tiquiro.

7 Sa yero Jesu dapure tiquina wahmedi cahsero gūhure ihñari tja. Ti cahsero sijoro cuñano tiquiro torēdi cahsero ijiri.

8 Sa yegɛ yuhɛ gūhɛ masa copepɛ esa mɛhtarigɛ ti copepɛ sajāɛ. Jesu sa mariedagū ihñagɛ “Potota Jesu masa wijiahya”, ni tuhutu yuhɛ.

9 Ti copepɛ usā wahato pano Cohācjū yere tiquina ojoari pūpɛ Cristo tiquiro yariatire yahurire, tiquiro masa wijiatire yahuri gūhure usā quehnoano masiedarīmi. Ti copere yuhɛ ihñari bato, “Ijirota Jesu masa wijiahya”, ni, tuhutu yuhɛ.

10 Sa ihña tuhasa usā ye wuhusepɛ tojoaa wahaɛ.

Jesu María Magdalenare bajuahye

(Mr 16.9-11)

11 Sa ye masa copepɛ María majare tojoa ta, ti cope sopecahapɛ wihi, ducuro, utiro niahye. Sa utieperota ticoro muhri ihña sōahye masa copepɛre.

12 Sa ihña sōno pɛaro angelere, yehseye suhti sañañequinare Jesu tiquiro cuñamediropɛ tiquina dujigū ihñahye ticoro. Ihcāquiro tiquiro dapu timediropɛ dujiahye. Apequiro tiquiro

dahpocãri timediropũ duji-
ahye.

¹³ Tiquinare ticoro ihñagũ
tiquina pehe ticorore sinitu-
ahye:

—¿Numio, dahse yego utia-
jari mũhũ? niahye tiquina.

—Yũhũ pũtoro pagũre
ne cãri jiri. Sa yego
tiquiro pagũre tiquina cũrire
masiedaga yũhũ, niahye
ticoro.

¹⁴ Sa ni tuhasa, ma-
jaredũcameno Jesure topũ
ducuriquirore ihñahye
ticoro. Sa ihñaeperota Jesure
masiedahye ticoro.

¹⁵ —¿Numio, dahse yego uti-
ajari mũhũ? ¿Noare macago
niajari? niahye Jesu ticorore.

“Ahriquirõ ahri we-
sere cohteriquiro ijire”, ni
tũhotumahye ticoro Jesure.
Sa ni tũhoturo, ohõ saha
niahye ticoro:

—Mũhũ tiquiro pagũre
nedigũ ijigũ mũhũ cũrirõre
yahuya yũhũre. Mũhũ yahuri
bato tiquiro pagũre negotja,
niahye ticoro tiquirore.

¹⁶ Ticoro sa nidi bato Jesu
ohõ saha niahye:

—María, niahye.

Tiquiro sa ni pisugũ tũhoro
majare ihñadoqueo ticoro he-
breo ye mehna ohõ saha ni-
ahye:

—Rabuni, niahye ticoro
Jesure. “Rabuni”, nino,
“Buhegũ”, nino niahye.

¹⁷ —Yũhũ Pacũ cahapũ
mũjaedarĩaja yũhũ. Yũhũ
sa mũjaedarĩgũ yũhũre
ñehedacãhña. Sa yego ape-
quina yeequina cahapũ
wahaya. Tiquina cahapũ

esago ohõ saha ni yahuya
tiquinare: “Yũhũ Pacũ
cahapũ wahapũ tũhũ niaja.
Mũsa Pacũ gũhũ ijire tiquiro.
Yaquiro Cohãcjũ cahapũ
wahapũ tũhũ niaja. Mũsa
yaquiro Cohãcjũ gũhũ ijire
tiquiro’, nidi Jesu”, ni
yahuya tiquinare, niahye
Jesu Marĩare.

¹⁸ Tiquiro sa nidi bato
María Magdalena usã Jesu
buhena cahapũ wihi, yahuri
usãre:

—Mari pũtorore ihñapũ
yũhũ, ni, Jesu tiquiro yahu
dutirire yahuri usãre ticoro.

*Jesu tiquiro buheye-
quinare bajuahye*

(Mt 28.16-20; Mr 16.14-18;
Lc 24.36-49)

¹⁹ Ti deco domingo
ñamicahapũ usã Jesu buhena
usã acaye judio masare
cuena, wũhũpũ biha sajã,
dujii usã. Sa usã dujigũ Jesu
usã watoapũ bajuadũca saro
ohõ saha nidi:

—¿Ne, ijiajari mũsa?
Quehnoano ijia mũsa, nidi.

²⁰ Sa ni tuhasa, tiquiro
omocarine, tiquiro pati
pahma bato gũhũre usãre
ihñori. Sa yena usã tiquirore
usã pũtorore ihñana bucuei.

²¹ Pari turi Jesu usãre ohõ
saha nidi:

—Quehnoano ijia mũsa.
Yũhũ Pacũ yũhũre tiquiro
ohoriro sahata, mũsa gũhũre
yee buheyere buheanare
ohoaja, nidi Jesu usãre.

²² Sa ni tuhasa tiquiro
usãre puti peori. Sa puti
peoro Espĩritu Santore usã

ñeheatire ihñono nidi usãre. Ihño tuhasa ohõ saha nidi:

—Yojopu Espiritu Santore ñeheña musa, musa mehna ijiatiquirore.

²³ Apequina tiquina ñañe yerire musa bogã, sata ijietã. Sa ye apequina tiquina ñañe yerire musa boeragũ ti bori ijisi, nidi Jesu usãre tiquiro buhenare.

Jesure masa wijariquirore Tomasu ihñahye

²⁴ Jesu usã watoapu tiquiro bajuagũ Tomasu sahduariquiru tiquina ni pisuriquiro usã mehna mariedari.

²⁵ Tiquiro sa mariedagũ usã mehna cjẽna tiquirore yahumedi.

—Mari puhtorore usã ihñau, ni yahumi usã Tomasure.

Usã sa ni yahuepegũta ohõ saha nidi Tomasu:

—Tiquiro omocarine tiquina quẽ bihari coperire ihñedagu, ti coperire yuhu omo piria mehna ohbe tuhueragu “Ijirota masa wijiahya”, nisi yuhu. Sa yegu tiquiro pati pahma bato ijiri copere yuhu omoca mehna siõ sõedagu, “Ijirota masa wijiahya”, nisi yuhu tiquirore, nidi Tomasu.

²⁶ Ocho decori bato pari turi usã tiquiro buhena usã wuhupu ijii. Ti pjere Tomasu usã mehna ijiri. Ti wuhu bihari wuhu ijiri. Bihari wuhu ijiepegũta Jesu wuhupu sajã taro, usã watoapu bajuaduca saro ohõ saha nidi:

—¿Ne, ijiajari musa? Quehnoano ijia musa, nidi.

²⁷ Sa ni tuhasa, tiquiro Tomasure yahuri:

—Ihñaña yuhu omocarine. Sa ye mahu omo piria mehna yuhu omocarine tiquina quẽ bihari coperire ohbe tuhuya. Sa yegu mahu omoca mehna yuhu pati pahma bato ijiri copere siõ sõ tuhuya. “Poto ijierare”, niedacãhña. “Ijirota ijire”, niña mahu, nidi Jesu Tomasure.

²⁸ Tiquiro sa nidi bato Tomasu yuhtiri:

—Mahu yuhu puhto ijire. Yaquiro Cohãcjũ ijire mahu, nidi Tomasu Jesure.

²⁹ —Yuhure mahu ihñari bato yuhure wacũ tutuare mahu. Apequina pehe yuhure ihñedapeta yuhure wacũ tutuaeta. Sa ye tiquina mahu yuhduoro bucueeta, nidi Jesu Tomasure.

Jesure mari masiatire ahri pũre ojoahye Ñu

³⁰ Sa yero peye apeye gũhure Cohãcjũ tutuaye mehna ye ihñori Jesu usã mehna ijiro. Tire tiquiro yerire ahri pũpu ojoa pehoerad yuhu.

³¹ Sa ojoa pehoerapegũta ahri pũpu yuhu yahurire ojoau “Jesuta Cristo Cohãcjũ ohoriquiro ijire. Tiquiro potota Cohãcjũ macano ijire”, musa ni masiatire. Sa yena musa tiquirore wacũ tutuana Cohãcjũ mehna musa sa ijiducuatire ojoau ahri pũre.

21

Jesu siete tiquiro buheye-quinare bajuahye

1 Came Tiberia wame tiri ditara dũhtũ cahapũ usãre tiqiro buhenare Jesu pari turi bajuari tja. Usãre bajuaro ohõ saha yeri tiqiro.

2 Simo Pedro, Tomasu sahũariqiro tiquina niniqiro, Natanae Galilea yehpapũ ijiri maca, Caná wame tiri maca cjũno, apequina pũaro buheyequina, Zebedeo pohna pũana usã ohõpequinata cahmecoan.

3 Sa usã cahmecoari bato Simo Pedro usãre ohõ saha nidi:

—Wahi wejẽgũ wahaũ ni-
aja, nidi tiqiro.

—Usã gũhũ mũhũ mehna wahanatja, nii usã tiqirore.

Sa ni tuhasa buhaa wahaũ. Sa yena yucusa mehna wahaũ. Ti ñamine usã quehnoano wahi wejẽ bohreepenata ne ihcãqiro wahi wejẽdadũ.

4 Bohrea parĩ quehagũ Jesu padũropũ ducugũ tiqirore ihñami usã. Sa ihñapenata tiqirore ihña masiedũ usã.

5 Sa yero tiqiro pehe usãre sinituri:

—¿Ne wahi wejẽajari mũsa? nidi Jesu.

—Ne wejẽdabutiaga usã, ni yũhtii usã.

6 —Yucusa poto pehe pahrẽ pehe doque ñoña. Tie pehe doque ñona wahi wejẽnata mũsa, nidi usãre.

Tiqiro sa nigũ tahona usã tiqiro nidirota doque ñou. Usã doque ño tuhasagũta peyequina wahi sajãri. Peyequina wahi sajãgũ wẽñanũre yucsapũ weje sãana cũedadũ usã.

7 Sa yegũ yũhũ Jesu cahñogu Pedrore yahuu:

—Mari pũhtorota ijire siqiro padũropũ ducuriqiro, nii yũhũ Pedrore.

Yũhũ sa nigũ tahoro Jesuta tiqiro ijigũ masino, Simo Pedro tiqiro suhtirore sañari. Wahi wejẽno taro tiqiro suhtirore tu weriqiro ijinidi. Tiqiro suhtirore saña tuhasa, diapũ uhpu ñojoaa wahari.

8 Sa yena usã apequina buhena yucsapũ ijina, cien metro yoaro diapũre pahsau usã. Sa yena wẽñanũre wahi peyequina sajãdũre yucusa mehna weje nũjuaũ usã.

9 Dũhtũ cahapũ usã wahã sagũ, topũ peca niti dihita asi cuñari peca ijiri. Ti peca bui tiqiro pũhõ cũriqirore wahire ihñau usã. Pã gũhũre ihñau usã.

10 Sa usã ihñagũ ihñano Jesu usãre ohõ saha nidi:

—Mianogã mũsa wejẽdiquinare meheñequinagã ne cãhtaya, nidi usãre.

11 Tiqiro sa nigũ Simo Pedro pehe Jesu mehna ijiriquiro yucsapũ sajã, wẽñanũre, bujũyequina wahi ciento cincuenta y tres wahi sajãdũre weje majari. Peyequina wahi sajãepeta wẽñanũre tũhrẽdari.

12 —Ihyana ahtaya, nidi Jesu usãre.

“¿Noa boro ijiajari mũhũ?” ni sinituerũ usã tiqirore. Usã pũhtoro tiqiro ijigũ masii usã.

13 Sa yero Jesu peca cahapu esaro, pãre ne, usãre itiri. Wahi gãhure itiri.

14 Sa yero Jesu tiquiro masa wijiari bato paduropu bajuaro ihtia taha usãre tiquiro buhenare bajuaro nidi.

Jesu Simo Pedro mehna yahuducuahye

15 Usã ihyari bato Jesu Simo Pedrore sinituri:

—¿Simo Ñu macu, ahriquinare mahu cahino yuhdoro yuhure cahijari mahu? nidi Jesu Simo Pedrore.

—Puhto, mahure cahijaja yahu. Mahure yahu cahigũ masine mahu, ni yahrtiri Simo Pedro.

16 —Sa yegu ovejagãre tiquina nuno saha yeequinare buheya mahu, nidi Jesu.

Sa ni tuhasa pari turi tiquiro Simo Pedrore sinituri:

—¿Simo Ñu macu, yuhure cahijari mahu? nidi Jesu.

—Puhto, mahure cahijaja yahu. Mahure yahu cahigũ masine mahu, ni yahrtiri Simo Pedro.

—Ovejare cohteriquiro ovejare tiquiro quehnoano cohtero saha, yeequinare quehnoano buhe cohteya, nidi Jesu Pedrore.

17 Sa ni tuhasa pari turi Simo Pedrore sinituri:

—¿Simo Ñu macu, yuhure cahijari mahu? nidi Jesu tja.

Ihtia taha sa ni tiquiro sinitugũ tãhoro Simo Pedro tutuaro bujua witiri:

—Puhto, mahu masi pehore. Mahure yahu cahigũ masine mahu, ni yahrtiri Simo Pedro.

—Ovejare tiquina nuno saha yeequinare buheya mahu.

18 Ijirota mahure ni-aja. Mahu wahmu ijigu mahu suhtire saña, mahu cahmediropu tinie tiahye mahu. Sa yerigu mahu ijiepegũta came mahu bucũ ijigũ, mahu omocarine mahu siõdoqueogũ apequiro mahure suhtiro sãanota. Sa yero mahu waha dueropu mahure neanota, nidi Jesu Simo Pedrore.

19 Sa nino Simo Pedrore duhse waha tiquiro yariatire yahuro nidi. Camedu bucuro tiquiro wahagũ sa yeye taye niahye apequina tiquirore. Cohãcjũ yere Pedro yeri buhiri apequina tiquirore wejẽne taye niahye. Sa yero Pedro yariatire yahuro nidi Jesu. Sa ni yahu tuhasa, ohõ saha ni nemori Pedrore:

—Poto yahu buheriro sahata yeya mahu, nidi Jesu Pedrore.

Jesu tiquiro cahniquiro buheriquiro ahri pũre ojoariquiro ijire

20 Tiquiro sa nigũta Pedro pehe majare ihãadoqueo, yuhure Ñure Jesu tiquiro cahnogũ buherigure tiquinare yahu nũnũ tãgũ ihãano Pedro Jesure sinituri. Yahu pehe Pedro ihãarigu to pano ohõ saha nidigu ijii. “¿Puhto, mahure ihãa tuhtiyequinare ihãoatiquiro pehe noa boro

ijiagari tiquiro?” ni Jesure siniturigu ijii yahu. Ti pjere Jesu tiquiro pari paha ihya dujii yahu. Sa yero yahure ihñano Pedro Jesure sinituri:

²¹ —¿Puhato, ahriquiore pehe duhse waharotari? ni sinituri.

²² —Tire mahure yahueraja. Ahri yehpapu yahu tojoa tato pano ahriquiore ijiducugū yahu yeatire masiedare mahū. Sa yegu mahure yahueraja. Poto yahu buheriro sahata yeya mahū, nidi Jesu Pedore.

²³ Tire tiquiro yahurire ijipihtiequina Jesu yequina tiquina basi yahu sitemedi. Tire yahu siteye ohō saha nimedi tiquina pehe: “Jesu tiquiro cahñiquiro buheriquiro yariasi”, ni yahu sitemedi yahure Jesu yequina tiquina basi. Tiquina sa niepegūta “Tiquiro yariasi”, nino niedari jimedi Jesu. “Ahri yehpapu yahu tojoa tato pano ahriquiore ijiducugū yahu yeatire masiedare mahū. Sa yegu mahure yahueraja”, nidi Jesu Pedore.

²⁴ Jesu buherigu ahrire yahurigu, ahri pūre ojoarigu ijiaja yahu. Sa yena ahri yahu yahuye poto ijigū masiaja mari.

²⁵ Peye apeye gūhare Jesu yeri. Tiquiro yerire mari ojoa pehogū ti pūri ojoari pūri peye waro wahaboaga. Sa ye ti pūrine mari ihbogū esa tuhaeraboaga ahri yehpa. Wahpaa wahaboaga, yahu tuhhotugū. To puno tjire.

Jesu buhe dutiro tiquiro cūriquina tiquina yerire yahuri pũ ijire

—Espíritu Santo ahtarota,
niahye ahri pũre ojoariquiro

1-2 Teófilo, ahri quitire
mahure ojoagu niaja. To
pano yũhũ oja mæhtari pũre
Jesu yerire, tiquiro buheyere
mahure yahu tuhasaũ. Tee
ũhmũsepũ tiquiro mæjarire
yũhũ yahu bato tii. Jesu
tiquiro mæjato pano Espiritu
Santo tutuaye mehna duti-
ahye tiquiro bese cūriquinare.

3 Sa ye Jesu curusapũ
tiquiro yariari bato ihquẽ
tahari pagũ tiriquiro ba-
juahye tiquiro cūriquinare.
Cuarenta decori bato ba-
jua bato tiahye. Sa yero
tiquiro basi catiriquiro
ijiyere ihñoahe tiquinare.
Sa bajuaro mari Pacũ
tiquiro pæhtoro ijiyere
quehnoañe buheyere
yahuahye tiquinare.

4 Jesu tiquiro cūriquina
mehna ijinino tiquinare ohõ
saha ni yahuahye:

—Jerusalẽputa ijiniña yo-
jopare. “Espíritu Santore
mũsare ohogutja”, yũhũ
Pacũ tiquiro nidiquirore
cohteniña. Tire tiquiro nidire
mũsare yahuu yũhũ.

5 Ñũ mũsare wame yero
aco mehna wame yemedi.
Yũhũ pehe ti yũhdũoro yeitja
mũsare. Mehenogã bato

Espiritu Santore mũsa mehna
ijiducugũ yeitja mũsare,
niahye Jesu.

Jesu ũhmũsepũ mæjaa wa-
hahye

6 Sa ye ape taha cũnũpũ
Olivo wame tidũpũ Jesu
tiquinare tiquiro bajuagũ
ihñañe tiquina sinituahye
tiquirore:

—¿Pæhto, Israe yehpare
tiquina ehmari yehpare
dũhse ijigũ ũsãre pari turi
cũgutjari mũhũ? ¿Dũhse ijigũ
mari acaye warore pæhtoro
sõgutjari mũhũ? niahye
tiquiro yequina.

7 Tiquina sa nigũ tahoro
Jesu ohõ saha niahye:

—Mari Pacũ dihita ti
decore mũsa ya yehpare
mũsa quehnoano ijiatire cũ
masine. Ti decore mũsare
masino basioerare.

8 Sa masiedapenata
mũsare Espiritu Santo tiquiro
wihigũ Cohãcjũ ye tutuayere
cũonata mũsa. Tiquiro ye tu-
tuayere mũsa cõona Jerusalẽ
cjẽnare, ijipihtiyequina Judea
yehpa cjẽnare, Samaria yehpa
cjẽnare, sa ye ijipihtiye
yehpari cjẽnare quehnoañe
buheyere buhenata mũsa.
Yũhũ yariarire, yũhũ masa
mæjarire tiquinare buhenata
mũsa, ni yahuahye Jesu
tiquinare.

9 Sa ni yahu tuhasa, Jesu
ũhmũsepũ mæjaa wahahye.
Tiquina tiquirore ihña nũnũ
tã mũogũta ehmeo curua
puhiarũ sajã, buti mæjaa
wahahye.

10 Sa ye tiquina Jesu
mæjariquirore tiquina ihña

m̄ori watoa p̄aro angele yehseye suhti sañañequina Jesu tiquiro cūriquina watoa bajuaduca sahye.

11 Sa ye tiquinare ohō saha niahye:

—¿M̄sa Galilea cjāna, d̄hse ijiro boro ihña m̄oducuna niajari m̄sa? Ahriquiro Jesu ̄hm̄sep̄ m̄ajariquiro, tiquiro m̄ajariro saha ahtarota, ni yahuahye angele.

Jesu cūriquina Juda m̄nanore comesatiquirore beseahye

12 Sa ye Jesu yequina c̄n̄p̄ Olivo wame tid̄p̄ ijiriquina dijia ta, Jerusal̄p̄ tojoa sahye. T̄ c̄n̄p̄re ihcā kilómetro yah̄do cjūno yoaro ijiahye Jerusal̄ d̄ht̄ cah̄p̄re.

13 Tojoa sa, ̄hm̄anop̄ tiquina ijiri tuc̄p̄ m̄jaa wahahye. Ahriquina ijiahye: Pedro, Ñu, Santiago, Andre, Felipe, Tomasu, Bartolomé, Mateo, Santiago, Simo, Juda ijiahye. Santiago pehe Alfeo mac̄no ijiahye. Simo pehe celote wame tiri curua cjāno ijimediquiro ijiahye. Juda pehe Santiago acaȳro ijiahye.

14 Peye tahari ahriquina ijipihtiyequina, numia mehna, María Jesu pacoro mehna, Jesu bahana mehna quehnoano cahmecoa, tutuaro mehna mari Pac̄re sinie tiahye.

15 Sa ye ti decorire masa peyequina cahmecoahye. Ciento veinte ijiye ijiyoaya.

Sa yero Pedro pehe tiquiro mehna cjēna Cristo yequina watoa ducu, yahuahye tiquinare:

16 —Ȳh̄ acaye, Coh̄cj̄ panop̄ tiquiro nidiro sahata waharo nidi. Tire Esp̄ritu Santo Davire yahu dutiahye Juda m̄nanore. Juda m̄nano Jesure ñeheatiquinare ihñoriquiro ijiri.

17 Sa yeatiquiro ijieperota mari mehna Jesu yere yeriquiro ijimedi. Sa yero ̄s̄ mehna cj̄nota ijimedi, niahye Pedro.

18 Jesure ihño dutiye tiquina wapa yerire Juda m̄nano pehe wiari bato tiquiro basita wej̄ yariaa wahahye. Sa yero boraa waha, tiquiro c̄hta misi da t̄h̄na waha, yariaa wahahye. Tiquiro wiari mehna apequina mehenoḡa yehpare dúahye.

19 Ijipihtiyequina Jerusal̄ cjēna masi pihti c̄ari jiri Juda m̄nano tiquiro ñano yerire. Sa masiñe tiquiro ye niñeru mehna tiquina dúri yehpare Acéldama wame yeri jiri tiquina ye yahuducuye mehna. Acéldama niñe, “Dii yehpa”, niñe nine.

20 Came ohō saha ni nemoahye Pedro:

—Panop̄ tiquina ojoariro sahata sa wahari Juda m̄nano. Salmo tiquiro ojoari p̄p̄ ohō saha ni ojoahye:

Tiquiro w̄h̄ coh̄ri w̄h̄ iji-ahro. Sa ye apequina ti w̄h̄re ijierac̄hdo, ni, ojoahye.

Ohõ gãhure ohõ saha ni ojoahye:

Apequiro tiquiro dahrayere comesariquiro ijirota, ni, ojoahye Salmop̄.

21-22 'Sa yena mari ihcãquiro beseihna. Ñu wame yeriquiro m̄n̄ano masare tiquiro buheri watoa ihquẽquina Jesu yequina mari mehna wahari. Tiquina mehna c̄j̄n̄ore ihcãquiro bese neno cahmene mari mehna c̄j̄n̄o ijiatiquirore. Jesu mehna mari ijigã mari mehna sa ijiducuriquirore besero cahmene. Sa mari beseri bato Jesu tiquiro masa m̄jarire mari mehna buherota, ni yahuahye Pedro tiquiro acayere Cristo yequinare.

23 Tiquiro sa nigũ tuhoye p̄arore bese bocahe tiquina. Ihcãquiro José Justo wame tiriquirore beseahye. Tiquiro Barsaba tiquina ni pisuriquiro ijiahye. Sa ye apequirore Matia wame tiriquirore beseahye.

24-25 Tiquinare bese boca tuhasa, tiquina mari Pac̄re ohõ saha ni siniahye:

—M̄h̄h̄ usã p̄h̄to, ijipihtiequina masa tiquina tuhoyere masine. Ahriquina p̄aro usã beseriquina ijire. Juda m̄n̄anore comesatiquirore diquiro m̄h̄h̄ cahmeniquirore beseya. Jesure cohãtjiano Juda m̄n̄ano pehe pecap̄h̄ wahahye. Tiquirore comesariquiro Jesu tiquiro c̄riquiro ijirota. Sa yero usã mehna quehnoañe buheyere

buherota, niahye tiquina mari Pac̄re.

26 Sa niñeta Juda m̄n̄anore comesatiquirore beseye tehe utã paca mehna doque c̄i m̄jahye “Noa pehe sajãnotari”, niñe. Matia tiquiro quehnoano wijiagã, tiquiro pehe Jesu c̄riquina once c̄riquina mehna c̄j̄n̄o tojoahye.

2

Esp̄ritu Santo Jesu yequina mehna iji d̄cahye

1 Sa ye Pentecoste wame tiri deco ijigã tiquina ijipihtiequina ihcã w̄h̄p̄h̄ cahmecoahye.

2 Ti pjereta wihnono tutuaro wẽno saha ùhm̄anop̄h̄ bisiro ca tahye. Sa bisiro ca tagũ t̄hoahye ijipihtiequina ti w̄h̄p̄h̄ ijiriquina.

3 Sa ye peca pohna yero saha ijiye tiquina ijipihtiequina dapu paca bui bajaahye. Ti peca pohnarigã ñehmeno yero saha bajaahye.

4 Sa yero Esp̄ritu Santo wihiahye tiquinare tiquiro tutuayere ohoro taro. Esp̄ritu Santo tiquinare yedohoro puno tiquina pehe apequina ye mehna quehnoano yahuducuahye.

5 Ti decorire Jerusalẽp̄h̄ peyequina judio masa ijiahye. Mari Pac̄re ño peoyequina ijiahye. Tiquina macaripe c̄j̄na ijiahye.

6 Sa ye ùhm̄sep̄h̄ bisigũ tuhoye Jesu buheyequina cahap̄h̄ peyequina cahmecoahye. Masape ye

yahuducuyere Jesu buheye-
quina tiquina yahuducugũ
tũhoahye. Sa tiquina
yahuducugũ tũhoye, tiquina
tũho maria wahahye.

7-8 —Ahyou, ¿Dũhse
yeye ahriquina Galilea
cjẽna ijiepetã quehnoano
mari yere yahuducujari?
Tiquina mari masa ba-
juariropũ ahtariquina yero
sahata yahuducuye ca tare,
niahye tiquina pehe.

9-10 —Ijipihtiyequina mari
yere yojopũre yahuducuye
nine: Partia cjãna, Media
cjãna, Elã cjãna, Mesopotamia
cjãna, Judea cjãna, Capadocia
cjãna, Ponto cjãna, Asia cjãna,
Frigia cjãna, Panfilia cjãna,
Egipto cjãna, Libiapũ ijiiye
macaripũ Cirene cahapũ
ijina, Romapũ ahtarina ijiaja
mari. Ihquẽquina judio masa
ijiaja mari. Apequina mari
judio masa ijiena, judio masa
ye buheyerẽ buhenapũ ijiaja
mari.

11 Creta cjẽna gãhũ, Arabia
cjẽna gãhũ ijire mari mehna.
Sa yena ahriquina mari
yere tiquina yahuducugũ
tũhoaja mari. Tiquina mari
ye mehna Cohãcjũ tutuaye
mehna tiquiro yerire yahuye
nine, ni yahuducuahye masa
tiquina basi.

12 Sa niñeta tiquina tũho
acũaa waha, tiquina ihñarire
tiquina tũhorire quehnoano
masiedahye.

—¿Ahri dũhse ijiro boro
ahriquina apequina ye
mehna Cohãcjũ yere sa
quehnoano yahuducujari,

mũsa tũhotugũ? ni cahme
sinituahye tiquina basi.

13 Tiquina sa ni tũhotuepegũta
apequina tiquina mehna
cjẽna bujũpeahye:

—¿Dũhse ahriquina sih-
biori sihni, queheye niajari?
ni bujũpeahye apequina
tiquina basi.

Pedro masare yahuahye

14 Sa yero Pedro once
Jesu cũriquina mehna ducu,
masare yahuahye:

—Mũsa Judea yehpa cjãna,
ijipihtina Jerusalẽpũ ijina,
ahrire masiña mũsa. Yũhũ
yahugũ tũhoya mũsa.

15 Mũsa tũhotuye poto ijier-
are. Yojopũta nueve hora
ijire. Sa ye ahriquina que-
herare.

16 Ahriquina Cohãcjũ
panopũ tiquiro nidiro sa-
hata yeye nine. Ti pjepũre
Joere Cohãcjũ yere yahu
mũhtariquiore, ahrire yahu
dutihye Cohãcjũ pehe:

17 Iji bato tiye decori ijigũ ohõ
saha ijirota: Yaquiro
Espiriture masare
ijipihtiyequinare
ohogũtja. Sa ye
mũsa pohnapũ yeere
yahueta. Sa ye mũsa
mehna cjẽna wahma
pjia bajumehneñene
ihñæta. Sa ye mũsa
mehna cjẽna bũcũna
quehẽnopũ quehẽeta.

18 Sa yegũ yũhũ cahacjẽnare,
yũhũ cahacjẽna numia gãhũre
yaquiro Espiriture ohogũtja.
Sa ye tiquina yahueta yeere.

19 Sa yegũ yũhũ tutuaye
mehna bajumehneñene

ye ihñogutja uhmuanopu. Yehpapu gāhure yuhu bajumehneñene ihñogutja: Diire, pecare, peca ohmeore ihñogutja.

20 Sa yero asū deco cjäno nahitiaa waharota. Nami cjäno dii yero saha sohāriquiromo comesarota. Ohō saha waharota Cristo mūsa puhtoro tiquiromo ahtati deco, yuhu nidi deco pano. Ti decopu ihña maria wahaeta masa. Sa yero ihyo ijiri deco ijisi. Ti deco quehnoari deco ijirota.

21 Sa yero ohō saha ijirota. Ijipihtiyequina masa Cristore tiquina ñañene cohā duti siniñequinare tiquiromo tiquinare pecapu wahaboriquinare yuhduorota, nine Cohācjū, ni ojoahye Joel.

22 Mūsa Israe masa yuhu yahugū tuhoya: Jesu Nazare cjäno pehe Cohācjū ohoriquiromo ijiri. Jesure tiquiromo ohorire masa tiquina masiato saha tiquiromo tutuaye mehna ye ihñori mū sare. Mūsa tire masine.

23 Jesure ohori mū sare apequiromo. Panopu Cohācjū “Sa waharota”, tiquiromo nidiro sahata sa yeri apequiromo. Sa yena mūsa Jesure curusapu wejē dutiri masa ñañequinare.

24 Cohācjū pehe Jesure yariariquiromo mūnanore masori. Pari turi ne yariasi tiquiromo. Tiquiromo yaria dojoerare. Sa catiducuatiquiromo ijire.

25 Ohō saha niahye Davi panopu cjäno Cristo tiquiromo niboriro sahata:

Yuhu puhto, yuhu mehna ijire

mūsa. Ijipihtiye decori Cohācjū yuhu puhto yuhu caha mūsa ijigū ihñae tii yuhu cuerato saha.

26-27 Mūsa Cohācjū yuhu jeripohnare yariayequina tiquina ijipore ne cohāsi. Yuhure ñanopu yuhu jeripohnare cohāsi mūsa. Yuhu mūsa cahacjū mūsure ño peogu ijiaja. Yuhu pagure ahba dutisi mūsa. Sa yegu tutuaro bucueaja. Bucueye mehna yahuducuaaja. Sa yegu mūsure Cohācjūre quehnoano wacū tutuagu ijigu cuero marieno quehnoano iji cjä.

28 Yuhure pari turi catigū yeguta mūsa. Yuhu mehna mūsa ijigū tutuaro bucueaja, ni, ojoahye Davi mūnanao Cristo tiquiromo niboriro sahata.

29 ‘Acaye, ohō saha quehnoano yahugutja mū sare Davire mari acayuro, panopu cjänore. Tiquiromo yariaa wahahye. Sa yero tiquiromo tiquina yari cope yojopore ijire. Sa yero “Yuhu pagure ahba dutisi mūsa”, ni ojoaro tiquiromo basi wame peo yahuro niedahye.

30-31 Panopu Cohācjū Davi mūnanore ohō saha niahye: “Poto niita niaja. Mūsa panamena iji turiayequina mehna cjäno mūsa yero saha ahri yehpa cjäna puhtoro ijirota”, niahye Cohācjū Davire. Davi Cohācjū yere yahu mūhtariquiromo ijiahye. Sa yero Cristore Cohācjū tiquiromo puhtoro

sōatire masino, Cristo tiquiro masa m̄ajatiye yahu m̄ahta tuhasahye Davi pehe. Ohō saha niahye: “Tiquiro yari-ayequina ijirop̄are iji dojoasi. Tiquiro paḡa top̄a ahbasi”, niahye Davi.

³² Ahriquirore Jesure Cohācjū masori. Ūsā ijipihina ihñaa.

³³ Cristo mari Pac̄a poto pehep̄a ijire dutiriquiro ijiro. Sa yero tiquiro Pac̄uro “Esp̄iritu Santore yehpap̄a ohogutja”, niahye tiquirore. Sa yero Cristo pehe ahriquinare Esp̄iritu Santore oho. Yo-rop̄are Esp̄iritu tiquiro yeyere m̄sa ihñana nine. Sa yena m̄sa t̄hore.

³⁴ Davi m̄nana pehe Jesu tiquiro m̄jariro sahata ahm̄sepe m̄jaedahye. Sa yero tiquiro basi ohō saha niahye:

Cohācjū nidi yuh̄a p̄htorore:
“Yuh̄a poto pehep̄a du-
jiya m̄uh̄a.

³⁵ M̄uh̄are ihña tuhtiyequinare m̄uh̄are yuh̄d̄uca basautja yuh̄a”, nidi Cohācjū yuh̄a p̄htorore, niahye Davi m̄nana.

³⁶ ‘Sa yena ijipihina Israe masa ahrire quehnoano masiña m̄sa: Ahriquirore Jesure m̄sa curusap̄a wejēdiquirore m̄sa p̄htoro sōri Cohācjū pehe. Tiquirore m̄sare yuh̄d̄oatiquirore Cristore cūri Cohācjū, ni yahuahye masare Pedro.

³⁷ Tiquiro sa nigū t̄hoye tutuaro buj̄aa witiye, cueye masa pehe Pedro ḡah̄are sinituahye:

—¿Ūsā acaye, d̄uhse yenatari ūsā? ni sinituahye tiquina.

³⁸ Tiquina sa ni sinitugū yuh̄tiahye Pedro ḡah̄a:

—M̄sa ñañe yeyere buj̄aa witina ijiya. Quehnoañe pehere comesaya. Sa yena Jesu wame mehna wame yenohrina ijiya m̄sa ijipihina. M̄sa sa yegū m̄sa ñañene borota Cohācjū. M̄sa sa yegū Esp̄iritu Santo m̄sa mehna ijirota. Cohācjū yaquiro Esp̄iritu Santore sa ohō cānota m̄sare.

³⁹ M̄sare, m̄sa pohnare, m̄sa panamena iji turiayequinare, yorop̄a cjēnare, ijipihiyequina Cohācjū mari p̄htoro tiquiro beseriquinare, “Potota yuh̄d̄ogutja m̄sare”, ni, cūahye Cohācjū, niahye Pedro.

⁴⁰ Sa ni tuhasa peye yahu nemoahye tiquiro. Sa yero tutuaro mehna yahuahye tiquinare:

—Ahri yehpa cjēnare tiquina ñano yeri buhirire buhiri dahrerota Cohācjū. Sa yena m̄sa pehe Cohācjū yequina ijiya. M̄sa sa ijigū tiquiro m̄sare buhiri dahresi, niahye Pedro masare.

⁴¹ Tiquiro sa nigū t̄hoye peyequina tiquiro yahuducuyere quehnoano t̄hoahye. Sa yero tiquinare tiquiro wame yeahye. Sa ye Cohācjū yequina mehna cjēna tres mil masa waha nemoahye.

⁴² Sa ye tiquina masa Cristo cūriquina mehna decoripe

ijie tiahye. Sa ye tiquina ti buheyere decoripe tãhoe tiahye. Tiquina ihyayere cahme iti, Cohãcjũre sini, Cristo cũriquina mehna quehnoano ijie tiahye.

Jesu yequina coã iji ducayequina tiquina ijie tiyere yahuahye

⁴³ Sa ye Cohãcjũ tutuaye mehna ye ihñaohye Jesu cũriquina. Tiquina sa yegũ ihñañe masa ijipihtiyequina ihña maria wahae tiahye.

⁴⁴ Sa ye ijipihtiyequina Jesure wacũ tutuayequina cahmecoa, quehnoano ijie tiahye. Sa ye tiquina yere cahme itie tiahye.

⁴⁵ Tiquina yere dua, ijipihitiyequinare apee boro marieñequinare tiquinape ohoe tiahye tiquina.

⁴⁶ Sa ye decoripe tiquina Cohãcjũ wãhãpũ cahmecoae tiahye. Ijipihtiyequina tiquina ye wãhãsepũ bucuyeye mehna cahmecoa, ihyae tiahye.

⁴⁷ Tiquina sa cahmecoa, "Cohãcjũ quehnoariquiroye ijire", ni ño peoe tiahye. Sa ye apequina masa tiquinare cahme yãhdãe tiahye. Sa yero decoripe Cohãcjũ apequinare tiquiroye yequina wahagũ yee tiahye.

3

Tini masieniquiroye yãhdãoahye mari Pacã

¹ Ñamicahãpũ tres ijigũ Cohãcjũ mehna yahuducuri pje ijigũ Pedro, Ñu mehna

Cohãcjũ wãhãpũ wahaye niahye.

² Decoripe ti wãhã cjã sopecaha quehnoari sopecaha wame tiri sopecahãpũ apequina ihcãquiroye masãno ne cãhta, duhu dapoe tiahye. Tiquiroye masãno pehe wahma masa bajaropũta tini masiedahye. Sa yero tiquiroye ti sopecaha caha niñerure sini dujie tiahye ti wãhãpũ sajãñequinare.

³ Sa ye Pedro, Ñu mehna ti wãhãpũ tiquina esaducagũ tini masieniquiroye pehe tiquinare ihña, niñerure siniahye.

⁴ Sa ye Pedro gãhã tiquiroye ihña, Pedro pehe ohõ saha niyahye:

—Usãre ihñaña mãhã, niyahye Pedro tiquiroye.

⁵ Tiquiroye sa nigũ tãhoro "Ahriquina mehenogã yãhãre niñerure ohoeta", ni tãhoturo ihñadoque ohõ, tãhoahye tiquinare.

⁶ Tiquiroye sa ni tãhotuepegãta Pedro tiquiroye ohõ saha niyahyahye:

—Niñerure cãoeraja yãhã. Cãoerapeita, ahrire yeitja mãhãre. Jesucristo Nazare cjãno tiquiroye tutuaye mehna tiniña mãhã, niahye Pedro tini masieniquiroye.

⁷ Sa ninota tiquiroye omocare poto pehe cjã omocare ñehe, tiquiroye weje wahcõ docoahye. Ti pjeta tini masieniquiroye tiquiroye ñecari tutuaa wahahye.

⁸ Tiquiroye sa wahari bato tiquiroye wahcãdãca sa, waha

ducahye. Sa yero tiquiro waha, uhpu maa, “Cohãcjũ quehnoariquiro ijire”, ni bucueahye. Sa bucuero tiquina mehna Cohãcjũ wuhupũ sajã wahahye.

⁹ Tiquiro sa tinigũ “Cohãcjũ quehnoariquiro ijire”, tiquiro nigũ masa ijipihtiyequina tiquirore ihñahye.

¹⁰ Sa ye masa tiquirore ihña masiahye. Tiquiro Cohãcjũ wuhũ cjã sopecaha quehnoari sopecaha caha niñerure tiquiro sini dujirire masiahye masa. Sa ye tiquiro tinigũ ihñañe, ihña maria wahahye.

Cohãcjũ wuhupũ Pedro masare buheahye

¹¹ Sa ye tini masieniquiro Pedro gũhure tiquiro ñeheni watoa, masa ijipihtiyequina ihña maria waha, quehnoari paapũ Salomo wame tiri paapũ oma cã, cahmecoahye.

¹² Tiquina sa cahmecoari bato Pedro pehe yahuahye tiquinare:

—¿Musa Israe masa, dahse yena ahriquirore ihña maria-jari? ¿Dahse yena usãre musa ihña nũnũajari? Usã pehe usã ye tutuaye mehna Cohãcjũre usã wacũ tutuaye mehna usã esa tuharo ahriquirore tinigũ yerũ usã.

¹³ Abrahã, Isaac, Jacob mari ñecũsumã panopũ cjẽna Cohãcjũre ño peoe tiahye. Tiquiro Cohãcjũ pehe tiquiro cahacjãnore Jesure tutu-ariquiro, quehnoariquiro tiquiro ijigũ musare ihñoe tiri.

Musa Jesure tiquirore ihña tuhtiyequinare ohori. Sa yena Pilato tiquirore peresu wio duepegũta musa pehe tiquirore wiogũ cahmedari. Pilatore Jesure ohori musa.

¹⁴ Pilato tiquirore wio duamedi. Tiquiro sa wio duepegũta musa Jesure quehnoariquirore, quehnoano yeriquirore cahmedana, apequirore masa wejẽdiquiro pehere wio dutiri musa.

¹⁵ Sa yena Jesure marine catigũ yeriquirore wejẽdi musa, usã acaye judio masa. Tiquiro yariagũ Cohãcjũ tiquirore masori. Tire usã ihñan.

¹⁶ Sa yena usã tiquirore wacũ tutuana ijiaja. Usã sa wacũ tutuagũ ihñano ahriquirore musa yojopũ ihñariquirore musa ihña masiniquirore Jesu pehe tiquiro tutuaye mehna tinigũ yeri.

¹⁷ Yuhũ acaye, mari pũthoa mehna Jesure quehnoano masiedapenata tiquirore wejẽdi musa. Tire masiaja yuhũ.

¹⁸ Sa ye panopũ cjẽna Cohãcjũ yere yahu mũhtariquina Cohãcjũ tiquinare tiquiro yahu dutiriro sahata yahuahye tiquina. “Cristo ñano yũhdũrota”, ni yahuahye tiquina. Tiquina sa ni yahuriro sahata sa wahari yojopũre.

¹⁹ Sa yena yojopũre musa ñaño yerire bũjũa witina ijiya. Quehnoañe pehere comesaya. Cristore wacũ

tutuaya. Sa yero m̄usa ñaÑe yerire borota Cohãcjũ. Sa yero m̄sare bucueye decori c̄nnota tiquiro. Sa yena quehnoano jeri sajãnata.

²⁰ Sa yero Cohãcjũ Cristore tiquiro beseriquirore m̄sare ohorota. Cristo Jesuta ijire.

²¹ Cohãcjũ cahap̄u iji nine Jesu. Panop̄u Cohãcjũ tiquiro yere yahu m̄htariquinare yahuyu dutiahye. Masare ahri yehpa gũh̄ure tiquiro yeatire yahuyu dutiahye. Sa yero tiquiro yahuriro sahata yojop̄ure ijipihtiyere quehnono nine. Quehno tuhasaro pari turi Cristore ahri yehpap̄u ohorota.

²² Moise tire yahuro ohõ saha niahye: “Mari mehna cj̄nore mari acayurore Cohãcjũ yere yahu m̄htariquiore Cohãcjũ mari p̄h̄toro ohorota m̄sare. Ȳh̄ure tiquiro ohoriro saha ohorota tiquiro gũh̄ure. Sa yena m̄sare tiquiro yahugũ t̄ho pihti cãh̄ña m̄sa.

²³ Ohõ saha ijirota. Ijipihtiequina tiquirore t̄hoerariquinare, tiquiro dutiyere yerariquinare tiquiro cohãnota. Cohãcjũ yequina mehna cj̄na ijisi tiquina”, niahye Moise.

²⁴ Ijipihtiequina Cohãcjũ yere yahu m̄htariquinape Samuel, tiquiro bato ijiequina gũh̄u ahri decorire yahuahye.

²⁵ Mari ñecusum̄ure panop̄u cj̄nare yahuahye Cohãcjũ. Mari gũh̄ure sa ni yahuro niahye. Abrahãre tiquiro nidiro sahata mari

gũh̄ure ni yahuro niahye. Ohõ saha ni yahuahye Cohãcjũ Abrahãre: “Ijipihtiri yehpa cj̄nare quehnoano yeitja. Ohõ saha tire yeitja: Camep̄u iji nan̄u tãriquiore mah̄u acayuro pehe masare quehnoano ye basarota ȳh̄ure”, niahye Cohãcjũ Abrahãre.

²⁶ Sa yero Cohãcjũ tiquiro mac̄nore mari cahap̄u oho m̄htari mari ñaÑe yeyere duhu dutiatiquirore. Sa yero marine tiquiro quehnoano yeri, niahye Pedro tiquinare.

4

Pedro, Ñu mehna p̄h̄toare yahuducuahye

¹⁻³ Masa mehna tiquiro yahuducuri watoa pahia, Cohãcjũ w̄h̄ure cohteyequina surara p̄h̄toro, saduceo masa gũh̄u tiquinare t̄hoahye. Ohõ saha ni buheahye Pedro Ñu mehna masare:

—Jesu tiquiro yariari bato masa m̄jaa wahari. Tiquiro sa masagũ ih̄ñana mari gũh̄u came mari tiquiro yequina mari masa m̄jatire masiaja mari, ni yahuahye Pedro gũh̄u.

Tiquina sa nigũ t̄hoye p̄h̄toa pehe tiquina mehna usuahye. Sa usuaye nahi quehagũ ih̄ñaÑe tiquina Pedrore, apequina Jesu c̄riquina gũh̄ure ñehe, peresu yeahye.

⁴ P̄h̄toa tiquina sa cahmedapegãta peyequina Cohãcjũ yere t̄hoyequina pehe “Ijirota ijire”, ni

tuhotuahye. Sa ye Jesu yequina peyequina sajahye. Tiquinare m̄m̄a sehsarore mari queogū Jesure wacū tutuayequina cinco mil masa ijiahye.

⁵ Sa ye ape decop̄u ti maca cjēna p̄h̄toa, b̄uc̄na, judio masa buheyequina mehna Jerusalēp̄u cahmecoahye.

⁶ Sa yero pahia p̄h̄torio, Anás wame tiriquireo top̄u ijiahye. Tiquiro acaye ḡāh̄u ijiahye. Caifa, Ñu, Alejandro, apequina mehna Anás acaye ḡāh̄u ijiahye.

⁷ Sa ye tiquina Pedro ḡāh̄ure tiquina cahmedoqueogū, surara pehe p̄h̄toa watoap̄u tiquinare ne wihi docoahye. Tiquina sa yeri bato p̄h̄toa sinituahye Pedro ḡāh̄ure:

—¿Noa ye tutuaye mehna m̄sa tiquireore tinigū yeari? ¿Noa ijiajari m̄sare tire ye dutiriquireo? ni, sinituahye tiquina.

⁸ Tiquina sa nigū tūhoro Espiritu Santo tutuaye mehna yahuahye Pedro tiquinare:

⁹ —¿M̄sa p̄h̄toa, m̄sa b̄uc̄na, usā tini masieniquirore quehnoa wahagū usā yerire sinituna niajari m̄sa?

¹⁰ Ahrire masiña m̄sa ijipih̄tina, Israe masa. Ahrire Jesucristo sa yeri. Jesu Nazare cjūno, m̄sa curusap̄u wejēdiquireo, Cohācjū tiquiro masoriquireo pehe ahriquireo tini masieniquirore quehnoa wahagū yeri. Sa yena ahriquireore yojop̄ure m̄sa ihñonop̄u tiquiro tinigū ihñare

m̄sa. Ohō saha nine Cohācjū yere tiquina ojoari p̄p̄u Cristore yahuro:

¹¹ “Ahriquireo utā yero saha ijiriquireo ijire. Utāre w̄h̄u dahreatiquina tiquina cohāno saha masa tiquireore cohāri. Tiquina sa yepegūta yojop̄ure w̄h̄u dahreriquina w̄h̄ure yeye tiquina cū m̄htari utāre tiquina cūno saha Cohācjū tiquireore p̄h̄torio sōri. Tiquiro Cristo pehe mariedagū Cohācjū yequina wahaeraboaya masa. Tiquiro sa ihyo ijiriquireo ijierapegūta m̄sa mari p̄h̄toa mehna tiquireore cahmedari. M̄sa sa cahmedapegūta Cohācjū pehe tiquireore mari p̄h̄torio sōri”, ni ojoahye panop̄ure.

¹² Ne, apequireo masare pecap̄u wahaboriquinare ȳhd̄oriquiro ne mariedare. Ahri yehpap̄ure Jesu di-hita masare ȳhd̄oriquiro ijire. Ne apequina tiquiro yero saha ijiyequina ne mariedare, ni yahuahye Pedro tiquinare.

¹³ Tiquiro sa ni yahuri bato Pedro, Ñu mehna buhemehneñequina tiquina ijigū ihñañe, cuero marieno tiquina buhegū ihñañe, p̄h̄toa, b̄uc̄na, judio masa buheyequina mehna tūho maria wahahye. Sa ye Jesu yero saha tiquina buhegū ihñañe, ohō saha masiahye tiquina: “Pedro, Ñu ḡāh̄u potota Jesu mehna cjēna ijire ahriquina”, ni, masiahye tiquina.

¹⁴ Sa yero tini masieniquiro ijimediquiro Pedro gũhũ mehna ijiahye. Tiquiro quehnoariquiro ijigũ ihñahye pũhtoa, bũcũna, judio masa buheyequina mehna. Sa ye tiquina Pedro gũhũre “Ñano yeye nine”, ni yahusã masiedahye.

¹⁵ Sa yahusã masiedaye, pũhtoa tiquina cahmecoari tucũpũ ijieyquinare Pedro gũhũre wijia dutiahye.

¹⁶ Tiquina wijiaro bato tiquina basi ohõ saha ni yahuducuahye:

—¿Ahriquinare dũhse yenatari mari? ni, yahuducuahye tiquina.

Ohõ saha ni yahuducu nemoahye:

—Pedro, Ñu mehna Cohãcjũ tutuaye mehna tini masieniquirore tinigũ yeri jiri. Sa ye Jerusalẽ cjẽna ijipihtiequina tiquina sa yerire masidi. Sa yena mari pehe “Sa yerari tiquina”, ni masiedaja mari.

¹⁷ Sa yena Jesu tiquiro buherire apequinare buhe dutieracãhna tiquinare, “Apequina ti buheyere cahmeari”, nina, ni yahuducuahye tiquina basi.

¹⁸ Sa ni yahuducu tuhasa Pedro gũhũre pijio, ohõ saha niahye:

—Jesu tiquiro buherire ne buheracãhña apequinare. Tire ne yahuducuercãhña, nimahye tiquinare.

¹⁹ Tiquina sa nigũ tũhoye Pedro, Ñu mehna ohõ saha niahye tiquinare:

—Musa ohõ saha nigũ musare yũhtina, Cohãcjũ pehere yũhdũducana niboaga usã. ¿Noa pehere usã yũhtigũ cahmeajari musa? ¿Musa pehere usã yũhtigũ cahmeajari musa? ¿O Cohãcjũ pehere usã yũhtigũ cahmedajari musa?

²⁰ Usã pehere usã ihñarire, usã tũhorire usãre nuono basioerare, ni yũhtiahye Pedro, Ñu mehna.

²¹ Tiquina sa nigũ tũhoye pũhtoa pehe pari turi dutimahye tiquinare tja:

—Jesu tiquiro buherire musa buheri buhiri ñano yũhdũnata musa, nimahye pũhtoa tiquinare.

“Ñu, Pedro mehna ñano yeye nine”, ni masiedari jiri tiquina. Sa ye masa pehe tini masieniquiro tiquiro yũhdũgũ ihñañe, “Cohãcjũ potota quehnoariquiro ijire”, niahye masa. Tiquina sa nigũ tũhoye pũhtoa pehe Pedro gũhũre buhiri dahre masieda, tiquinare wioahye.

²² Tini masieniquiro, tiquina yũhdũoriquiro cuarenta cũhmari cũoriquiro ijiahye.

Jesu yequina tiquina cueratire siniahye Cohãcjũre

²³ Sa ye Pedro, Ñu mehna tiquina mehna cjẽna cahapũ esa, pahia pũhtoa, bũcũna tiquinare tiquina nidire yahuahye.

²⁴ Tiquina sa nigũ tũhoye tiquina ijipihtiequina mari Pacũre Cohãcjũre siniahye:

—Usã pũhto, mũhũ uhmũsere, yehpare, mări

gũhare yerigu, ijipihtiyequina catiyequinare yerigu ijire mahũ.

²⁵ Mũhũ yaquiro Espĩritu Santo usã ñecũ mũnano Davire mahũ cahacjãnore ahrire yahu dutiahye mahũ nidiro sahata:

¿Dũhse ye Israe masa ijieyequina usuajari? Tũho masieñequina ijire masa.

²⁶ Peye yehpari cjẽna pũhtoa cahmecoa, mari pũhtoro Cohãcjũre, tiquiro pũhtoro sõriquiro Cristo gũhare ihña tuhti, ñano ye duare tiquinare, ni yahu dutiahye mahũ Davire panopũre.

²⁷ 'Sa tjire. Ahri macapũ Herode, Poncio Pilato, judio masa ijieyequina, judio masa mehna mahũ beseriquirore Jesure quehnoariquiro mahũ cahacjãnore wejẽ duaye, cahmecoari.

²⁸ Ti pje mahũ cahmediro sahata "Sa waharota", mahũ nidiro sahata yeri tiquina. Mũhũ masiñe mehna sa ni yahuahye mahũ.

²⁹ Sa yegũ usã pũhto, tiquina usãre "Mũsa buheri buhiri ñano yũhdũnata", tiquina nidire wacũña mahũ. Usãre yũhdũoya. Sa yegũ usãre mahũ cahacjãnare cuero marieno mahũ buheyere yahu dutiya usãre.

³⁰ Mũhũ tutuaye mehna dohatiyequinare yũhdũoya. Sa yegũ mahũ buheyere cuero marieno yahu dutiya usãre. Sa yegũ Jesu quehnoariquiro mahũ cahacjãno tiquiro tutuaye mehna ye ihño

dutiya usãre. Sa yegũ dohatiyequinare usã yũhdũ dutigũ tiquiro tutuaye mehna yedohoya usãre, ni siniahye tiquina mari Pacũre.

³¹ Tiquina sa ni sinidi bato, tiquina cahmecoari wũhũ ñuhmia wahahye. Sa ñuhmigũta Espĩritu Santo tiquiro tutuaye mehna wacũ tutuayequina wahagũ yeahye tiquinare. Sa wahaye, Espĩritu Santo tiquiro dutiriro sahata yeye, cuero marieno Cohãcjũ yere yahuahye tiquina.

Jesu yequina tiquina yere itie tiahye

³²⁻³³ Sa ye Cohãcjũ tiquiro tutuaye mehna tiquina Jesu cũriquina ohõ saha ni yahue tiahye masare: "Jesu tiquiro masarire usã ihña", ni, yahue tiahye tiquina masare. Sa yero tiquinare ijipihtiyequinare Cohãcjũ quehnoano yedohoducue tiahye. Sa ye Jesure wacũ tutuayequina peyequina ijiye, tiquina ihcãno saha tũhotuyequina ijie tiahye. Sa ye tiquina yere, tiquina doeri cjẽne "Yee dihita ijire", ne nieda tiahye. Tiquina ijipihtiyequina tiquina yere apee boro marieñequinare tiquina mehna cjẽnare itie tiahye.

³⁴ Sa ye tiquina mehna cjẽna pejecũoyequina marieda tiahye. Tiquina mehna cjẽna dihta cũoyequina, wũhũse cũoyequina tiquina yere duae tiahye.

35 Sa duaye tiquina wapatarire ne cãhta, Jesu cūriquinare ohoe tiahye. Sa ye tiquina pehe tire tiquina mehna cĵēnare itie tiahye. Ijipihtiyequina cħoeyequinare itie tiahye.

36 Ti pjere ihcãquiro tiquina mehna cĵãno José wame tiriquiro ijiahye. Jesu cūriquina Josére Bernabé wame yeahye. Tiquiro wame Bernabé “Masare bucueriquiro ijire”, nine griego ye mehna. Tiquiro Leví ya curua cĵãno Chipre nħcħo cĵãno ijiahye.

37 Sa yero tiquiro wese cħoriquiro ijiro tire duahye. Sa yero tiquiro wapatarire Jesu cūriquinare ohoahye tiquiro apequinare iti dutiro.

5

Anania tiquiro namono Safira mehna ni mehoahye

1 Apequina gũħu Bernabé yero saha yemahye. Tiquina Anania wame tiriquiro, tiquiro namono Safira wame tiricoro ijiahye. Tiquina ya wesere duahye tiquiro.

2 Sa dueperota tiquiro wapatarire tiquiro basi neahye. Tiquiro namono gũħu tiquiro sa yerire masiahye. Sa yero tiquina wapatarire tiquina dħharire ne cãhta, Jesu cūriquinare ohoahye Anania pehe. Sa ohoro “Oho pehogu niaja”, nimahye tiquiro.

3 Tiquiro sa yegũ ihñano Pedro tiquirore yahuahye:

—Anania, watĩno mħħure ni meho dutiri jiri Espĩritu Santore. Sa yegũ mħħu ya yehpare dua, mħħu wapatarire mħħu basi nedi jiri.

4 Mħħu duato pano mħħu ya wese ijiri. Sa yero mħħu duari bato mħħu ye wapata ijiri. ¿Sa yegũ dħhse ijiro boro sa ni mehoari mħħu? Mħħu usã dihitare ni mehoedari. Cohãcĵũ gũħure ni mehoari mħħu, niahye Pedro tiquirore.

5 Tiquiro sa nigũ tħhorota, Anania pehe doque quehe sa, yariaa wahahye. Sa ye ijipihtiyequina tiquiro sa wahagũ masiñe, tutuaro cueahye.

6 Tiquiro yariari bato wahma pjia ahta, tiquiro pagũre suhtiro cahsero mehna wahme, sopecahapũ ne wijia, yahye tiquirore.

7 Sa ye ihtia hora bato Anania mħnanano namono, tiquiro yariarire masiedaro Pedro cahapũ sajãhye.

8 Sa yero Pedro ticorore ohõ saha niahye:

—¿Musa ya wesere duatĵiãna noho puno wapatarĩ musa? niahye tiquiro.

Sa yero ticoro manano mħnanano tiquiro nidiro punota, “To punota wapataũ usã”, ni yahumahye ticoro.

9 Sa yero Pedro yahuahye ticorore:

—¿Dħhse yena musa ihcãno saha Cohãcĵũ yaquiro Espĩriture ni meho dua-jari? Tħhoya yojopũre. Mħħu manano mħnanore yariquina ahtare. Mħħu

gũhure mũhũ pagure neñe taye nine, niahye Pedro.

10 Tiquiro sa ni yahugũta ticoro doque quehe sa yariaa wahahye. Sa ye wahma pjia ti wũhure sajã wihi, ticoro pagure ne wijiaa wahahye. Ne wijia ticorore ne cãa wahahye. Ne cã, ticoro manũno manano pari paha yahye.

11 Sa ye Jesu yequina ijipihtiyequina apequina tire tũhoye cue yũhdũahye.

Jesu cũriquina Cohãcjũ tutuaye mehna ye ihñeahye

12 Sa ye masa watoapũ Jesu cũriquina peye tahari Cohãcjũ tutuaye mehna ye ihñoe tiahye. Sa ye tiquina Salomo wame tiri tucũpũ quehnoari tucũpũ cahmecoae tiahye.

13 Sa ye apequina tiquinare cueye, tiquina cahapũ wahaera tiahye. Sa cuepeta tiquinare Jesu cũriquinare, "Quehnoañequina ijire ahriquina", nie tiahye masa.

14 Sa ye mũmũ, numia peyequina Jesure wacũ tutua dũcahye.

15 Sa ye tiquina dohatiyequinare ne cãhta, coma cjũñe mehna pũ ta, duhu cũe tiahye mahapũ tiquinare. Sa ye Pedro tiquinare tiquiro ña peogũ cahmeahye tiquinare ne cãhtariquina pehe dohatiyequina tiquina yũhdũgũ cahmeñe. Tiquinare tiquiro ña peoeragũ Pedro tiquina bui watidoque peogũ cahmeahye tiquina. Ti dihitare cahmeahye tiquina yũhdũato saha.

16 Sa ye Jerusalẽ caha ijiye macari cjẽna gũhũ dohatiyequinare, watĩa mehna ijiyequina gũhure ne cãhtae tiahye. Ijipihtiyequina tiquina paguri quehnoa wahahye.

Jesu cũriquinare apequina ñano yee tiahye

17 Tiquina sa yegũ ihñañe pahia pũhtoro, tiquiro mehna cjẽna mehna Pedro gũhure ihña tuhtiahye. Pahia pũhtoro mehna cjẽna saduceo masa ijiahye.

18 Sa ye tiquina usua yũhdũa, Jesu cũriquinare ñehe, peresu yeahye.

19 Sa yero ñamipũ Cohãcjũ yaquiro angel pũoahye tiquinare peresupũ dujiyequinare. Sa ye tiquinare wijia ta dutiro yahuahye angel:

20 —Cohãcjũ wũhũpũ wahaera. Ti wũhũpũ ijina Cohãcjũ tiquiro masorire ahri quehnoañe buheyere yahuya masare, niahye angel tiquinare.

21 Tiquiro sa nigũ tũhoye, ñami cjũno Cohãcjũ wũhũpũ sajã, masare buheahye tiquina. Ti decota pahia pũhtoro, tiquiro mehna cjẽna, Israe masa pũhtoa mehna cahmecoa, Jesu cũriquinare peresupũ ijiyequinare ne cãhta dutimahye surara pũhtoare.

22 Sa niepegũta surara pũhtoa peresu tiquina yeri wũhũpũ waha, ihñahye. Tiquinare bocaerahye. Bocaera, tojoaa wahahye.

Tojoa sa yahuahye tiquina pũhtoare:

23 —Peresupũ ijiye sope pahmari bihari pahmari dihita ijiri. Sa ye ti pahmari cahapũ tiquina peresu yeriquinare cohteyequina ducuri. Sa ihñau usã. Usã sa ihñaepegũta pũo sãa, usã ihñagũ, tiquina peresu yeriquina mariedari, ni yahuahye tiquina.

24 Tiquina sa nigũ tũhoye, surara Cohãcjũ wũhũre cohteyequina pũhtoro, pahia pũhtoa mehna tire tũho, tũho maria wahahye. “¿Dũhse waha sohtori tiroitari ahri, tiquina sa yeye?” ni, tũhotuahye tiquina.

25 Sa yero tiquina cahapũ apequiro ahta, tiquinare yahuahye:

—Mũsa peresu yeriquina Cohãcjũ wũhũpũ ijiri. Ihñana wahaya. Ti wũhũpũ masare buheye nidi tiquina, ni yahuahye.

26 Tiquiro sa nigũ tũhoro, surara pũhtoro tiquiro yequina surara mehna waha, Jesu cũriquinare pari turi ñehe cãhtahye tja. Sa ñehepeta tiquinare surara tuhtierahye. Sa ye tiquinare quẽboriquina ijiepetã, masare cueye quẽdahye tiquinare. “Ahriquinare mari quẽgũ apequina masa pehe utã paca mehna doqueeta marine”, ni, tũhotuahye tiquina surara pehe.

27 Sa ye tiquinare ne cãhta, pũhtoa caha duhu docoahye tiquina. Tiquina sa ne wihi

duhu docogũ pahia pũhtoro tiquinare tuhtiahye:

28 —Mũsare usã tutuaro dutimi. “Jesu yere buher-acãhña”, nimi usã mũsare. Usã sa niepegũta mũsa pehe ijipihtiyequina Jerusalẽ cjẽnare buheri mũsa. Jesu tiquiro yariari buhiri, usãre buhiri tigũ ye duana niaga mũsa, niahye pũhtoro pehe.

29 Tiquiro sa nigũ tũhoro Pedro pehe apequina Jesu cũriquina mehna yũhtiahye:

—Cohãcjũ dutiri pehere ye mũhtanatja. Sa yena came Cohãcjũ cahmegũ masa tiquina dutiyere yematja.

30 Cohãcjũ, mari acaye panopũ cjẽna pũhtoro Jesure masori jiri. Tiquirota ijire mũsa curusapũ quẽ biha wejẽdiquiro.

31 Jesure “Quehnoagũ ijire”, ni, tiquiro poto pehe duji dutiri Jesure tiquiro Pacũro pehe. Sa yero Jesu masa pũhtoro, masare masoriquiro ijiro, Israe masare tiquina ñañe yerire bũjũna witiyequina iji dutiro, tiquina ñañene cohã duare Jesu.

32 Sa yena usã pehe Jesu tiquiro yerire ihñarina ijina tire yahuaaja usã. Espĩritu Santo tire ihñariquiro ijiro yahure tiquiro gũhũ. Tiquirore Espĩritu Santore Cohãcjũ ohori. Ijipihtiyequina Cohãcjũ dutiyere yeyequinare tiquiro Espĩritu Santore ohori, ni yahuahye tiquinare.

33 Tiquiro sa nigũ tũhoye pũhtoa pehe usua

yuhduahye. Sa ye tiquina Jesu cūriquinare wejē duamahye.

³⁴ Sa wejē duepegāta Gamalie, fariseo masano topu ijiriquiro tiquinare “Wejēari”, nino tiquinare yahuro taro niahye. Tiquiro puhtoahye mehna cjāno, dutiyere buheriquiro ijigū, masa tiquirore ño peoe tiahye. Tiquiro Jesu cūriquinare mehenogā cohte dutiro ape siepu tiquinare ne cā dutiahye surarare. Tiquina sa ne cāri bato tiquiro yahuahye masare:

³⁵ —Musa Israe masa, ahriquinare musa yeatire quehnoano tuhotuya “Musapu wejēari”, nina.

³⁶ Wacūña Teuda mananore. Tiquiro basi “Masare yuhduahcagu ijiaja yuh”, nidi masare. Sa ye masa peyequina cuatro cientos masa tiquiro mehna cjēna tojoari. Sa ye apequina pehe tiquirore wejēdi jiri. Tiquiro buheyere buheriquina pehe waha sitea wahari jiri. Sa ye tiquina mana yojopure mariedare.

³⁷ Came masare tiquina queori pje ijigū Galilea cjāno Juda wame tiriquireo manano masare tiquiro buhegū tiquiro mehna masa peyequina tojoari. Tiquiro gūhu yariaa wahari jiri. Sa ye tiquiro yequina ijipihtiyequina waha sitea wahari jiri.

³⁸ Sa nigū musare yojopu ahrire yahugū niaja. Sa ihña cāhña ahriquinare Jesu yere yahuequinare. Sa ye ahri

buheye, ahriquina ye buheye Cohācjū ye buheye ijieraro, pihtia waharota Teuda gūhu tiquina ye buheye ti pihtiriro sahata.

³⁹ Sa ijiepegāta ahri Cohācjū ye buheye ijero, ne pihtisi. Ahri buheye Cohācjū ye ijigū ne ahrire butigū ye masiedare musa. Musa ahrire butigū ye duana Cohācjū mehna cahmequena niboaga musa, niahye Gamalie tiquinare.

⁴⁰ Tiquiro sa ni yahugū tuhoye, “Ijirota ijire”, ni tuhotuahye masa. Sa ye tiquina Jesu cūriquinare pijio, tiquina wihigū ihñañe, tiquinare tanahye. “Jesu yere buheracāhña musa”, ni tuhasa, tiquinare waha dutiahye.

⁴¹ Tiquina sa waha dutigū tuhoye tiquina puhtoahye cahapu ijiriquina wahaa wahahye. Jesu yere tiquina yeri buhiri ñano yuhduye tutuaro bucueahye Jesu cūriquina.

⁴² Sa ye decoripe Cohācjū wuhapu, tiquina ye wuhasepu Cristo Jesu ye buheyere yahue tiahye tiquina.

6

Siete yedohoyequinare be-seahye Jesu yequina

¹ Ti decorire Jesu buheyequina peyequina wahahye. Sa ye judio masa tiquina quehnoano yeragū ihñañe griego masa pehe tiquina mehna cahme tuhtiahye Jesu yequina dihita ijiepetā. Griego masa wape wiha

numiare decoripe tiquina
ihyayere quehnoano tiquina
itieragū ihñañe, judio masare
tuhtiahye.

² Sa ye doce Jesu cūriquina,
peyequina Jesu buheye-
quinare tiquina cahapū pijio,
ohō saha ni yahuahye:

—Ūsā Cohācjū yere buhena
ijiaja. Ihyayere itiborina
ijieraja ūsā.

³ Mūsa ūsā acaye, siete
umūare, “Quehnoañequina”,
apequina tiquina niñequinare,
quehnoano tūho masiñequinare,
Espíritu Santo cūoyequinare
macaña. Tiquinare ihyayere
iti dutiya mūsa.

⁴ Sa yena ūsā pehe decoripe
Cohācjūre sini, Cohācjū yere
buhematja, niahye tiquina
Jesu cūriquina.

⁵ Tiquina sa nigū tūhoye,
“Au, sata yeihna”, niahye
tiquina ijipihyeyequina Jesu
yequina. Sa ye Estebāre Cri-
store wacū tutuariquiore,
Espíritu Santo tutuayere
pajiro cūoriquiore beseahye
tiquina. Apequina gūhare be-
seahye. Felipere, Prócorore,
Nicanore, Timore, Par-
menare, Nicolare ihyaye iti-
atiquinare beseahye tiquina.
Nicola pehe judio masūno
ijieriquiro Antioquía cjāno
judio masa ye buheyere
cahmeno, tiquina mehna
sajāmediquiro ijiahye.

⁶ Tiquina beseriquinare
Jesu cūriquina cahapū ne
wihiahye apequina Jesu
yequina pehe. Tiquina sa
ne wihigū ihñañe tiquina
Cohācjūre sini basaye,

tiquina beseriquina bui
omocarine duhu peohye.

⁷ Sa ye ti yehpa cjēna
Cohācjū yere masi pihti cjūñe
niahye. Sa ye Jerusalēpū
ijiyequina Jesu buheyequina
peyequina wahahye. Sa ye
pahia gūhū peyequina Jesu
yequina wahahye.

Apequina Estebāre ñeheahye

⁸ Sa yero Estebā Cohācjū
tutuayere cūoriquiro ijiahye.
Tiquiro Cohācjū quehnoano
yenhriquiore ijiahye. Sa
yero tiquiro Cohācjū tutuaye
mehna ye ihñohye masa
tiquina ihñono.

⁹ Tiquiro sa yepegūta
judio masa tiquina buheri
wahū cjēna tiquiore ihña
tuhtiahye. Sa ye tiquiro
mehna cahme dūse tini wiaye
niahye. Cahacjēna ijrيره
yūhdū wiritiquina wame
tiyequina ijiahye tiquina.
Cirene cjēna, Alejandria
cjēna, Cilicia cjēna, Asia cjēna
mehna peyequina ijiahye
tiquina.

¹⁰ Sa ye Estebā quehnoano
masiniquiro Espiritu San-
tore pajiro cūoriquiro
tiquiro yahuducugū tūhoye
tiquina “Mūhū nidi poto
ijierare”, tiquiore ni ihñō
masiedahye.

¹¹ Sa tūho dueraye tiquina
apequinare ni meho dutiye,
wapa yeahye tiquinare.
Tiquina sa ni meho dutigū
ohō saha ni yahūsāmahye
tiquina:

—Ahriquiore Cohācjūre
tiquiro ñano yahuducugū,

Moisere tiqairo ñano yahuducugū gūhare usā tūhou, ni yahusāmahye ni mehoñequina pehe apeqinare.

¹² Tiquina sa nigū tūhoye masa, judio masa buheyequina, b̄uc̄na gūh̄u tiqairo mehna usuahye. Sa ye tiquina Estebāre ñehe, tiquina p̄h̄toa cahap̄u neahye tiqairore.

¹³⁻¹⁴ Sa ye tiquina apeqinare ni meho dutiahye:

—Ahriqairo decoripe Cohācjū wūhare, tiqairo dutiye gūhare ñano yahuducuriqairo ijire. Tūhou usā tiqairore tiqairo ohō saha nigū: “Jesu Nazare cjāno Cohācjū wūhare cohānota. Sa yero tiqairo Moise dutiyere marine yahurire comesarota Jesu”, nidi Estebā usā tūhogū, ni meho yahusāmahye tiquina.

¹⁵ Sa ye ijipihtiequina top̄u dujiyequina Estebāre quehnoano ihñadoque ohō, tiqairo wūhdoare ihñahye tiquina. Angel yero saha bajuahye tiqairo wūhdoa.

7

Estebā Jesu yere yahuahye

¹ Sa ye pahia p̄h̄toro sinituahye Estebāre.

—¿Ahriquina niñe potota iji-ajari? ni, sinituahye tiqairo Estebāre.

² Tiquiro sa nigū tūhoro, Estebā pehe tiquinare ohō saha ni yahuahye:

—Yūh̄u acaye, b̄uc̄na, usā pac̄us̄m̄na tūhoya. Abrahā mari ñec̄u m̄n̄ano panop̄u

cjāno Mesopotamiap̄u tiqairo ijigū, Harāp̄u tiqairo ijiato pano, Cohācjū tutuariqairo asi siteriqairo pehe tiqairore Abrahāre bajuahye.

³ Sa bajuaro Cohācjū yahuahye tiqairore. “Mūh̄u ya yehpare mūh̄u acaye mehna ijieracāhña. Sa yegū ape yehpap̄u wahaya. Mūh̄u sa wahagū mūhare ti yehpare ihñogutja yūh̄u”, niahye Cohācjū Abrahāre.

⁴ Tiquiro sa nigū tūhoye, Abrahā gūh̄u Caldea yehpa cjēna ya yehpap̄u ijiriquina wahahye. Sa yero Harāp̄u esahye. Top̄u esa, ijiahye. Sa yero tiqairo pac̄uro yariari bato ahri yehpa yojop̄u m̄sa ijiri yehpap̄u Cohācjū ahta dutiahye Abrahāre.

⁵ Cohācjū Abrahā tiqairo ijiri yehpare quehnoano waro cūedarīahye tiqairore. Ne mehenogā cūedarīahye. Sa yero Abrahā pohna marieniquiro ijiepegūta Cohācjū pehe tiqairore ohō saha ni yahuahye. “Mūhare, mūh̄u panamena ape tjuro cjēnap̄ure ahri yehpare ohogutja”, niahye Cohācjū Abrahāre.

⁶ Sa ninota ohō saha ni yahu nemoahye Cohācjū. “Mūh̄u panamena ape tjuro cjēna ape yehpap̄u wahaye, top̄u apeqina cahap̄u ijiye, tiquina cahacjēna ijieta tiquina. Sa ye cuatro cientos cahmari waro to cjēna ñano yeeta mūh̄u panamena iji turiayequinare.

⁷ Sa yegū to cjēnare tiquina sa yeri buhiri buhiri

dahregutja yuhũ. Yuhũ sa yeri bato mũhũ panamena iji turiayequina ahri yehpapũ wihieta tja. Sa ye ahri yehpapũ yuhũ cahacjẽna ijieta tiquina”, niahye Cohãcjũ Abrahãre.

8 Sa nino Cohãcjũ “Yuhũ nidiro sahata yegutja”, nino Abrahã tiquiro wacũatire ohõ saha cũahye tiquirore. Cuh-nucunũ sohtoa cahserogãre yuhre ne dutiahye tiquirore, tiquiro ni yahuripũre wacũ dutiro. Sa ye Abrahã Isaare pohna tiahye. Ocho decori bato cuhnucunũ sohtoa cahserogãre yuhre neahye Isaare. Came Isaac Jacore pohna tiahye. Sa yero Jacob doce waro pohna tiahye. Tiquina doce pehe mari ye cururipe mari dahpoto cjẽna ijiatiquina ijiahye.

9 'Sa ye tiquina mari ñecusũmũa mũna panopũ cjẽna Josere cooye ihña tuhtiyẽ, tiquirore dua cãhye Egiptopũ wahayequinare. Sa yero Josere Cohãcjũ yedo-hoahye.

10 Tiquiro ñano yuhdũgũ ihñano Cohãcjũ tiquirore yedohoahye. Tiquiro sa yedohogũ José pehe quehnoano tuho masiniquiro wahahye. Sa yero faraõ Egipto cjẽno pũhtoro pehe Josere cahmeahye. Tiquirore cahmegũ yeahye Cohãcjũ pehe. Tiquiro sa yegũ faraõ pehe Josere pũhtoro sũahye tiquiro yequina masare dutiatiquirore. Tiquiro faraõ ya wuhũ gũhũre pũhtoro ijiahye.

11 'Sa ye ti pjere Egiptopũ, Canaapũ ne acoro ahtaerahye. Sa ye ñano yuhdũahye to cjẽna. Sa ye mari ñecusũmũa mũna panopũ cjẽna ihyayere bo-caerahye.

12 Sa bocaeraro Egiptopũ trigo ijigũ tũhoro, Jacob tiquiro pohnene mari ñecusũmũa mũnare topũ coã ohoro niahye.

13 Came Egiptopũ tiquina esagũ José tiquiro wah-misũmũare yahuahye. “Mũsa bahũta ijiaja yuhũ”, niahye tiquinare. Sa yero José acayere coã ihñano niahye pũhtoro faraõ.

14 Came José tiquiro wah-misũmũare tiquiro pacũro Jacore piji dutiro ohoahye. Tiquiro acaye setenta y cinco masa ijiahye.

15 Tiquiro macũno pijiogũ tũhoro Jacob wahahye Egiptopũ tiquiro macũno cahapũ. Tiquiro macũno cahapũ ijiro, came yariaa wahahye. Sa ye mari ñecusũmũa mũna gũhũ topũ yaria phtia wahahye.

16 Sa ye Siquẽ wame tiropũ tiquina pagũrire nea, masa coperire sehe tuhasa cohãhye tiquina pagũrire. Abrahã tiquiro dúri yehpa ijiahye ti yehpa. Panopũ Abrahã ti yehpare Hamor pohnene dúahye niñeru mehna.

17 'Sa yero Cohãcjũ Abrahãre “Ahri yehpare ohogutja mũhũre”, niahye. Ti yehpare “Ohogutja”, tiquiro nidi pje mũmũ sagũ tiquiro acaye Israe masa peyequina masa wahahye.

18 EgiptopɁ tiquina ijinigũ, apequiro pɁhtoro sajãhye. Sa yero tiquiro pɁhtoro pehe Josére masiedahye.

19 Tiquiro mari acayere ñano ye dua, tiquina pohne wejê dua, cohã dutiahye tiquinare. Sa yero mari ñecusumna muna iji turi-ayequinare ñano yeahye pɁhtoro faraõ pehe.

20 Tiquiro sa yeri watoa Moise manano pehe masa bajuahye. Tiquiro quehnoariquiro, Cohãcã tiquiro quehnoano ihña coariquiro ijiahye. Sa ye ihtia asũ waro quehnoano ihboahye tiquirogãre tiquiro pacusumna.

21 Sa yero Moiserere tiquina nno nemoedagũ faraõ macono tiquirogãre ihña boca, ne maja, ticoro macunore yero saha cnoahye tiquirogãre.

22 Sa ye Egipto cjëna quehnoano masiñequina yere buheahye Moiserere. Sa yero cuero marieno yahuducuriquiro pɁhtoro yero saha yeriquiro ijiahye Moise.

23 'Sa ijieperota tiquiro cuarenta cãhmari curo tiquiro acayere Israe masare ihña duaro tiquina cahapũ tinino wahahye.

24 Sa tinino esaro Egipto cjãno Moise acayurore tiquiro ñano yegũ Moise ihñahye. Sa ihñano tiquiro acayurore yedohoahye Moise. Tiquiro acayurore yedohoro, Egipto cjãno pehere wejêahye tiquiro.

25 Sa yero Moise ohõ saha

ni tãhotumahye. "Yũhũ acaye tiquina acayurore yũhũ yedohogũ ihñañe 'Cohãcã marine quehnoano yedohogũ ye dutiro ohoari ahriquirore', ni tãhotueta yũhũ acaye", ni tãhotumahye Moise. Tiquiro sa ni tãhotuepegũta tiquina pehe ne sa ni tãhotuerahye.

26 Ape decopũ Moise tiquiro acayere pũaro tiquina basi cahmequeñequinare ihñahye. Sa yero tiquiro tiquinare yahumahye. "¿Musa basi ijiepenata cahmequeajari musa?" nimahye Moise tiquinare.

27 Tiquiro sa nigũ tãhoro ihcãquiro tiquiro acayurore ñano yeriquiro Moiserere tudoqueoahye. "Mũhũ usã pũhto ijierare. Usãre dutigũ ijierare mũhũ.

28 ¿Canũre Egipto cjãnore mũhũ wejẽdiro sahata yũhũre wejẽ duagũ nijari mũhũ?" niahye tiquiro Moiserere.

29 Tiquiro sa nigũ tãho maria waha, Moise oma duhti cãa wahahye. Madiã yehpapũ waha wahahye. Topũre numino boca pũaro pohna tiahye.

30 'Sa ye Moise cuarenta cãhmari waro topũ tiquiro ijiri bato Sinaí wame tidũ cunũ caha masa marienopũ tiquiro ijigũ angel tiquirore bajuahye. Angel pehe yucũgũ mehenũgã ujãri peca pohnapũ bajuahye.

31 Tũ sa ujũgũ ihñano Moise ihña maria wahahye. Ti pecare cahagã quehnoano tiquiro ihñano wahagũ waro

Cohācjū tiquirote yahuahye.

32 “Cohācjū ijiaja yuhū. Mūhū ñecusumūa Abrahā, Isaac, Jacob tiquina ño peorigū ijiaja”, niahye Cohācjū Moisere. Tiquiro sa nigū tuhoro Moise pehe nanarea wahahye. Ne ihña wahcōedahye.

33 Sa yero Cohācjū yahuahye tiquirote. “Mianogāta yuhū cahapū ducugū nine mūhū. Sa yegū cua pesaro mehna mūhū dahpo suhtire tu weya.

34 Yeequina masa Egiptopū tiquina ñano yuhdugū ihñān. Tiquina utiyere tuhō. Sa yegū tiquinare yedohogū ahtaū. Tiquina sa wahagū ihñagū wahaya mūhū gūhū. Egiptopū mūhūre ohogūtja tiquinare yedoho dutigū”, niahye Cohācjū Moisere.

35 Tiquina pehe mari acaye Israe masa Moisere cahmedahye. “Mūhū usā pūhto ijierare. Mūhū usāre dutigū ijierare”, Moisere sa niñe cahmedaye niahye tiquina. Tiquina sa cahmedapegūta Cohācjū tiquirote Egiptopū ohoahye, mari acayere Israe masare yedohoatiquirote, pūhtoro ijiatiquirote. Angel tiquirote yucūgūpū bajuariquiro pehe oho basahye tiquirote.

36 Moise mari acayere Israe masare Egiptopū ijiyequinare wioahye. Sa yero Egiptopū ahriquiro Moise Cohācjū tutuaye mehna ye ihño dūcahye. Sa yero pajiri ma sohāri mapū sa yeahye

tja. Camepū masa marienopū gūhūre cuarenta cūhmari waro Cohācjū tutuaye mehna ye ihñoahye tiquiro.

37 Ahriquiro Moise pehe mari acayere Israe masare yahuahye. “Yuhū yero saha ijiriquirote Cohācjū yere yahu mūhtariquiro Cohācjū ohorota. Sa yero tiquiro mūsa mehna cjāno mūsa acayūro ijirota”, niahye Moise tiquinare.

38 Moise masa marienopū mari acaye Israe masa mehna ijiahye. Sa yero Sinaí wame tidū cūnūpū tiquirote yahuriquiro angel mehna ijiahye. Sa yero mari ñecusumūa panopū cjēna mehna ijiahye tiquiro. Cohācjū tiquiro dutiyere cūriquiro ijiahye Moise.

39-40 ‘Sa ye ti dutiyere cūnūpū Moisere tiquiro cūri watoa mari ñecusumūa panopū cjēna Egiptopū tojoaa duahye, Moisere yuhdūdūcaye. Tiquina tiquirote cahmedahye. Sa cahmedaye, tiquina Moise bahūro Aarōre ohō saha niahye: “Cohāmana queoyere yeya mari yequina ijiatiquinare. Sa ye tiquina mūhū yeriquina marine dutiye mari waha duari mahapū marine neaeta. ¿Tiquiro Egiptopū ijiyequinare marine ne cāhtariquiro Moise dūhse wahayari tiquiro? Masiedaja usā”, niahye tiquina.

41 Sa ye ti decorire tiquina wecū queoyere uru mehna yeahye. Sa ye tuhasa, tiquina

wahiquinare wejē, tiquina yeriquiro cahapꝰ ne cāhta, ño peohaye tiquiore. Sa ye tiquina yeriquiro wecare ihña, bucue, bose deco yeahye.

⁴² Cohācjū wecare tiquina ño peogū ihñano tiquinare cohā cāa wahamahye. “Yuhure cohā, ñahpicoha pehere ño peocūnahdo”, nino cohā cāa wahamahye. Cohācjū yere yahu mūhtariquina sa ni, ojoahye.

Musa yuhure ña yuhduaro yeri. Israe masa masa marienopꝰ cuarenta cūhmari waro ijina, wahiquinare musa wejēñequinare musa ujāñequinare ohona, yuhure musa ño peoboriro sahata yemedi musa. Sa yepenata yuhū pehere musa ño peoerari.

⁴³ Sa yena musa Molo wame tiriquiore ño peona ijina, tiquiore ño peori wuhure cuori musa. Ñahpicoha aperiquire cohācjū Rejā wame tiria queoyere musa yeriare musa ño peori tja. Ti queoyere musa yeriquinare musa ño peori. Musa sa yeri buhiri musare Babilonia aperse pahreꝰ cohāgutja yuhū, ni, yahu ojoahye Cohācjū yere yahu mūhtariquina.

⁴⁴ Sa ye masa marienopꝰ Cohācjū masa mehna tiquiore ijiri wuhure wahiquina cahseri wuhure cuohaye mari ñecusumua panopꝰ cjēna. Ti wuhū Cohācjū masa

mehna tiquiore yahuducuri wuhū ijiahye. Ti wuhupꝰ Cohācjū dutiye tiquiore ojoari pñini utā pñini ijiahye. Ti wuhure Cohācjū tiquiore yahuriro sahata Moiseretiquiore ihñoriro sahata dahre dutiahye Cohācjū Moisereti.

⁴⁵ Sa ye mari ñecusumua panopꝰ cjēna Josué mehna ti wuhure wahiquina cahseri mehna tiquina yeri wuhure ne cāhtahye ahri yehpapꝰ mari ijiri yehpapꝰ. Tiquinare mari acaye Israe masare Cohācjū tiquiore cūati yehpapꝰ ahri yehpapꝰ tiquina wihiato pano ahri yehpapꝰ iji mūhtariquina Canaa cjēna mūnare Cohācjū cohā cāhye. Ti pjere Cohācjūre ño peori wuhure wahiquina cahseri wuhure cuohaye mari ñecusumua. Tee Davi mūnano tiquiore ijigūꝰ cuo bato tiahye ti wuhure.

⁴⁶ Sa yero Davi mūnano Cohācjūre bucuegū yeahye. Sa yero Cohācjū ya wuhū ijiatire Davi pehe ye duaro, sinimahye Cohācjūre.

⁴⁷ Tiquiore sa siniepegūta Salomo pehe Cohācjū ya wuhure yeahye.

⁴⁸ Tiquiore sa yepegūta Cohācjū pehe masa tiquina yeri wuhupꝰre ijierare. Ohō saha niahye Cohācjū yere yahu mūhtariquiore.

⁴⁹ “Uhmuse yuhū dujiro ijire. Topꝰ dujigū dutiaja yuhū. Sa yero yehpa pehe yuhū dahpocārine duhu peoro yero saha ijire.

Yahu tutua yuhduagu
ijiaja. Ya wahu ijiatore
ye masiedare musa.
Cohācjū yahu ijigū yahu
ijiatī wāhure musa ye
masiedare.

50 Yahu basi ahri yehpare
ijipihitiro yei yahu”, niahye
Cohācjū, ni ojoahye Cohācjū
yere yahu māhtariquiro.

51 MUSA ne yuhti duena
ijire. Cohācjū yere
tahoepenata, tiquirore yuhti
duerare. Espiritu Santore
yuhduca yuhduare musa.
Musa ñecusumna tiquina
yeriro sahata yere musa.

52 MUSA ñecusumna ijip-
ihtiyequina Cohācjū yere
yahu māhtariquinare ñano
yeahye. Tiquina Cohācjū
yere yahu māhtariquina
pehe “Came quehnoariquiro
Cohācjū yere yahu māhtariquiro
ahtarota”, tiquina ni yahuye-
quina ijigū tahoeye musa
ñecusumna mana sa ni
yahuriquinare wejē tiahye.
Sa yena “Quehnoariquiro”,
tiquina nidiquirore musa
gāhu yojopare tiquiro ya cu-
rua cjana ijiepenata tiquirore
wejēdi.

53 Cohācjū dutiyere angele
pehe yahumahye musare.
Sa yena musa ti dutiyere
cumahye. Sa yena ti du-
tiyere yuhduca cari musa,
niahye Estebā.

*Tiquina Estebāre utā paca
mehna doque wejēahye*

54 Tiquiro sa nigū tahoeye
tiquina pehe tutuaro
usuahye. Sa tutuaro usuaye,
cuayequina wahahye.

55 Tiquina sa usuepegāta
tiquiro Espiritu Santo du-
tiro sahata ye pehoriquiro
ijiro, tiquiro tutuayere
quehnoano cōriquiro ijiro,
ahmusepu ihñadoque mo,
Cohācjū asi siteyere ihñahye
Estebā. Jesu Cohācjū poto pe-
hepu ducugū ihñahye tiquiro.

56 Sa ihñano ohō saha ni-
ahye:

—Hmusepu mehenogā
parī we maagū Jesu Cohācjū
ohoriquiro Cohācjū poto
pehepu tiquiro ducugū ihñaja
yahu, niahye Estebā.

57 Tiquiro sa nigū tahoeye
tiquina tutuaro sañuducu,
tiquina cahmo coperire biha
cā, ihcāno mehna tiquiro ca-
hapu oma maa cā, tiquirore
ñeheahye.

58 Ñehe tuhasa, tiquirore
ne cā, ti maca duhtu cahapu
cohāhye tiquirore. Sa ye utā
paca mehna doque wejēahye
tiquirore. Tiquina sa wejēato
pano tiquirore yahusāriquina
tiquirore utā paca mehna do-
queatiquina tiquina suhtire
tu we, wahmanore Saulo
wame tiriquire tiquina
suhtire cōo basa dutiahye.

59 Sa yero Estebāre tiquina
wejēato pano ohō saha ni-
ahye tiquiro:

—Jesu yahu puhto, yahu
jeripohnare neña, niahye
tiquiro.

Tiquiro sa nino watoa
tiquina pehe utā paca mehna
doqueye niahye tiquirore.

60 Sa yero tiquiro dusepe
curi mehna quehe sa, ohō
saha niahye:

—Pũhto Jesu, ahriquina vojopũ ñano yũhũre tiquina yeyere tiquinare buhiri dahreracãhña mũhũ, niahye Estebã.

Sa nidi bato tiquiro yariaa wahahye.

8

1 Sa yero Estebã tiquiro yariagũ ihñano, “Quehnoare”, niahye Saulo pehe.

Saulo Jesu yequinare ñano yeahye

Sa ye ti decoreta Jesu yequinare Jerusalẽpũ ijiyequinare ñano ye dũcahye apequina pehe. Tiquina sa ye dũcagũ Jesu yequina Judea yehpapũ, Samaria yehpapũ, yoaropũ duhti site cãa wahahye. Jesu cũriquina dihita wahaerahye.

2 Sa ye apequina Cohãcjũre ño peoyequina Estebãre ya, tutuaro utiahye tiquina.

3 Sa yero Saulo pehe Jesu yequinare ña yũhdũaro yee timahye. Tiquiro tiquina ye wũhũsepũ sajà, mũũare, numiare ñehe, peresupũ biha docoe tiahye.

Samariapũ Jesu yere buheahye Felipe

4 Sa yeye yoaropũ waha siteriquina Jesu yere buheahye.

5 Sa yero Felipe Samaria wame tiri macapũ esa, Cristo yere buheahye ti maca cjẽnare.

6 Tiquiro sa buhegũ ti maca cjẽna quehnoano tãhoe tiahye. Sa ye Cohãcjũ tutuaye mehna tiquiro ye ihñogũ

ihñahye tiquina. Sa ihñañe tiquirore quehnoano tãhoe tiahye.

7 Peyequina watĩare cũoyequina tiquiro cahapũ tiquina wihigũ ihñano watĩa pehere waha dutie tiahye tiquiro. Watĩa pehe tutuaro sañuducu, duhu cãa wahahye tiquina. Sa yero peyequina tini masieñequinare, pari yuri wahayequinare quehnoano pagũ tiyequina wahagũ yeahye.

8 Tiquiro sa yegũ ihñañe ti maca cjẽna peyequina masa bucueahye.

9 Ti pjere Simo wame tiriquiro ti maca cjẽno yairo ijiahye. Sa yero yayia tiquina yerire ye ihñoe tiahye Samaria cjẽnare. Tiquiro sa ye ihñogũ ihñañe, ti maca cjẽna ihña maria waha, tiquirore cua pesaro ihñae tiahye.

—Yũhũ masi pehogũ iji-aja, nimahye Simo pehe tiquinare.

10 Tiquiro sa yegũ ihñañe masa pehe ohõ saha nie timahye:

—Ahriquiro Cohãcjũ ye tutuayere cũoriquiro ijire. Cohãcjũ yero saha tutu-ariquiro ijire, nie timahye tiquirore masa, pũhto mehna.

Tiquina ijipihtiyequina quehnoano tũhoahye tiquirore.

11 Tiquiro yayia tiquina yeye mehna yoari pje ye ihñoe tiahye tiquinare. Tiquiro sa ye ihñogũ ihñañe

tiquina ihña maria wahaeh tiahye. Sa ye tiquina tiquirote ño peoe tiahye.

12 Tiquina sa ño peoepegūta Felipe pehe Cohācjū tiquiro pūhtoro ijijere, Jesucristo yere quehnoañe buheyere yahuahye. Tiquiro sa yahugū tiquina tiquirote quehnoano tūhoahye. Tiquina sa quehnoano tūhogū ihñano mñu, numia gūhure wame yeahye Felipe.

13 Sa yero Simo gūhu Felipere quehnoano tūhoe tiahye. Sa yero tiquiro gūhure wame yeahye. Tiquiro sa wame yeri bato Felipe mehna tojoae tiahye tiquiro. Felipe pehe Cohācjū tutuaye mehna tiquiro ye ihñogū ihñano, dohatiyequinare tiquiro yūhdūogū ihñano Simo ihña maria wahahye.

14 Sa ye Samaria cjēna Cohācjū yere tiquina tutuaro cahmegū Jesu cūriquina Jerusalēru ijijequina tūhooahye tiquinare. Sa tiquina cahmegū tūhooye Pedrore, Ñu gūhure ohoahye Samariaru.

15 Topu esaye Pedro gūhu Cohācjūre siniahye. “Ahriquina Samaria cjēna mūhure ño peoyequina mūhu yaquiro Espiritu Santore cūoahro”, ni, sini basahye tiquina Cohācjūre.

16 Tiquina Samaria cjēna Jesucristo wame mehna wame yeriquina ijiahye. Ti dihitare masiahye tiquina. Sa ye Espiritu Santore cūoera

tiahye ti pjere tiquina.

17 Sa ye Pedro, Ñu mehna Samaria cjēnare tiquina omocarine tiquina bui duhu peori bato Espiritu Santore cūo dūcae tiahye tiquina.

18 Sa yero Pedro gūhu tiquina omocari mehna tiquina duhu peogū ihñahye Simo. Espiritu Santore tiquina ñehegū gūhure ihñahye tiquiro. Sa ihñariquiro ijiro, ti tutuayere cahmeno, niñeru mehna wapa ye duamahye. Ohō saha nimahye Simo:

19 —Yūhu gūhure ohoya ahri tutuayere. Yūhu gūhu yūhu omocari mehna masa bui duhu peo yegu tūu niaja Espiritu Santore tiquina ñeheatō saha. Sa yegu ahri yūhu yeati wapare wapa ye duaja, nimahye Simo tiquinare.

20-21 Tiquiro sa nigū tūhoro Pedro ohō saha niahye:

—Mūhu niñeru mehna Cohācjū ye tutuayere mūhu dú duari buhiri mūhu niñeru mehnata pecaru wahaya mūhu. Cohācjū mūhu tūhotuyere masine. Mūhu ñagu ijinine. Sa yegu ahrire usā yeyere ye masiedare mūhu. Ahrire yebogu ijierare mūhu.

22-23 Tutuaro ihña coore mūhu. Sa yegu ñañe yeyere ne duhu masiedare mūhu. Sa yegu ahrire mūhu ñañe yerire bñu witiya mūhu. Cohācjūre mūhu ñañe tūhotuyere bo dutigu siniña mūhu. Mūhu sa yegu ihñano tiquiro mūhu

ñañene borota, niahye Pedro tiqirore.

24 Tiquiro sa nigū tūhoro Simo yūhtiahye tiqirore.

—Yūhure sini basaya mūsa Cohācjūre mūhū nidiro saha yūhū wahaeragū. Ti buhiri pecapū waha dueraja yūhū, niahye Simo tiqirore.

25 Came Pedro Ņu mehna Cohācjū yere yahuahye. “Jesu tiqiro masa mūjagū ihñau ḡsā”, ni, Samaria yehpapū ijiye macari cjēnare quehnoañe buheyere buheahye. Tiquinare Cohācjū yere buhe tuhasa Jerusalēpū tojoaa wahahye.

Felipe Etiopía yehpa cjānore buheahye

26 Sa ye Cohācjū tiqiro yaqiro angel Felipere yahuahye:

—Yojoḡure sur pehepū waha. Jerusalē caha ijiri mahapū Gazapū wahari mahapū wahaya, ni yahuahye angel Felipere.

Ti maha masa marienopū ijire.

27 Tiquiro sa nigū tūhoro tiqiro pehe ti mahapū wahahye. Came ti mahapū ihcāquiro masūnore piti caro taro niahye. Tiquiro piti catiquiro ijiahye Etiopía yehpa cjāno pūhtoro. Sa yero Candace wame tiri-coro Etiopía cjōno pūhtoro yere, niñerure ijipihtiyere ihña ihboriquiro ijiahye. Sa yero tiqiro Jerusalēpū mari Pacure ño peoro waha tuhasahye.

28 Tiquiro ya macapū tunuria mehna tojoa taro tiapū wahaeperota buhero niahye. Cohācjū yere yahu māhtariquiro Isaia tiqiro ojoari pūre buhero niahye.

29 Sa yero Espiritu Santo pehe Felipere ohō saha ni yahuahye:

—Siquiro tunuriapū waha-riqiro cahapū waha-haya, niahye Espiritu Santo tiqirore.

30 Tiquiro sa nigū tūhoro Felipe pehe tunuria cahapū oma cā, Isaia ojoarire Etiopía cjāno buhegū tūhoahye. Sa tūhoro Felipe sinituahye tiqirore:

—¿Mūhū buheyere tūho masiajari mūhū? niahye tiqiro.

31 Tiquiro sa nigū tūhoro Etiopía cjāno ohō saha ni yūhtiahye:

—Apequiro yūhure yahu yūhdūoatiquiro mariedagū quehnoano masiedaga yūhū. Ohō yūhure yahu dujigū ahtaya yūhū pari paha, ni yūhtiahye tiqiro Felipere.

—Añ, ni, nuju sahye tiqiro caha.

32 Sa ye Cohācjū yere Etiopía cjānore tiqiro buheri pū ohō saha niahye:

Ovejare tiquina ñehe wejēdiro saha tiqiro gūhure ñehe wejēeta masa. Sa yero ovejagāre tiqiro poarire tiquina segū tiqiro dihta marieno saha tiqiro masūno gūhū dihta marieno ijirota.

³³ Tiquiروه tiquina bujapeeta. Sa ye tiquiro ñano yerapeguta tiquina pehe ñano yeeta tiquiروه. Tiquiro ahri yehpapu ijigũ tiquina tiquiروه wejẽeta. Sa yero tiquiro pohna marieniquiro yariaa waharota, ni ojoahye ti pũpũre.

³⁴ Ti pũ sa ni yahugũ ihñano, Etiopía cjãno sinituahye:

—Yahuya yũhũre. ¿Ohõ saha Isaia tiquiro nidiquiro noa boro ijiajari ahriquiro? ¿Isaia tiquiro basi yahuro niagari? ¿O apequirore yahuro niagari? ni, sinituahye Etiopía cjãno.

³⁵ Tiquiro sa ni sinitugũ tuhoru Felipe pehe ti pũre ihña, Jesu yere yahuahye Etiopía cjũnore.

³⁶ Sa ye tiquina tia mehna waha, mágãpu esahye.

—Ihñaña, ohõ mágã ijire. Ahri mágãpu yũhũre wame yeya, niahye Etiopía cjãno.

[³⁷—Jesure mahũ quehnoano wacũ tutuagũ ihñagũ mahũre wame yeitja, niahye Felipe tiquiروه.

—Jesure wacũ tutuaja yũhũ. Tiquiro Cristo Cohãcjũ macũno ijire. Tire quehnoano masiaja yũhũ, niahye Etiopía cjãno.]

³⁸ Sa ninota tunuria ohoturiquirore yũsũo dutiahye. Tia yũsũ quehe sari bato wijiahye tiquina. Wijia, ti mágãpu esa, ñumudũca sahye tiquina. Topũ ñumudũca sa, Felipe pehe tiquiروه wame yeahye.

³⁹ Wame ye tuhasa tiquina majadũca sagũ Cohãcjũ yaquiro Espĩritu Felipere nea wahahye. Tiquiro sa wahari bato Etiopía cjãno quehnoano bucueriquiro tiquiro ya yehpapu tojoaa wahahye. Tiquiro sa yeri bato tigũ ne pari turi Felipere ihña nemoedahye.

⁴⁰ Sa ye tuhasa Azotopũ esahye Felipe pehe. Sa yero peye macarine quehnoañe buheyere buheahye masare. Cesareapu buhe bato tiahye.

9

Saulo Jesucristore ihñano tiquiروه wacũ tutua dũcahye (Hch 22.6-16; 26.12-18)

¹ Ti pjere Saulo Jesu yequinare ihña tuhtiriquiro, “Tiquinare wejẽgutja”, nino, tiquiro pahia pũtoro cahapu wahahye.

² Topũ esaro tiquiro ojoari pũrine siniahye pahia pũtorore. Ohõ saha niahye:

—Damasco cjẽ wũhũsepũ judio masa mari buheye wũhũsepũ Jesu yequinare amũare, numiare boca sagũ, tiquinare ñehe dũhte, Jerusalẽpu ne cãhtagutja. Ti wũhũsepũ ijiyequinare yũhũ ñeheatire papera pũre ohoya, ni siniahye Saulo pahia pũtorore.

³ Ti pũre ne tuhasa, waha, Damasco cahagã tiquiro esagũ waro amũanopũ asi sitedoque dijioahye tiquiروه.

4 Sa asi sitedoque dijiogãta tiquiro yehpapu bora quehe saro, yahuducugã tãhoahye:

—¿Saulo, dahsegu mahu yuhure ñano yeajari? nino ca tahye.

5 —¿Puhto, noa boro ijiajari mahu? niahye Saulo pehe.

—Yuhu Jesu, mahu ñano yehohrigu ijiaja. [Mahu yuhu mehna usuagu yuhure yuhtieragu, mahu basita ñano yuhdure, niahye Jesu Saulore.

6 Tiquiro sa nigã Saulo cue nanare, ohõ saha ni sinitu-ahye:

—¿Puhto, dahse yuhu yegã cahmeajari mahu? niahye Saulo.

Tiquiro sa nigã ohõ saha niahye Jesu:]

—Wahcãdũcaya mahu. Si macapu wahaya. Ti macapu mahu esagã ti maca cãno mahu yeatire yahurota mahure, niahye Jesu Saulore.

7 Tiquiro sa nigã Saulo mehna cãna pehe tiquiro yahuducuye dihítare tãhoahye. Jesu pehere ihñedahye. Tiquiro sa wahagã ihñañe, cueye, tiquina yahuducu masiedahye.

8 Sa yero Saulo yehpapu cuñariquiro wahcãdũca, tiquiro ihñagã tiquiro caperi bajuerahye. Sa ye tiquina tiquiro omocare ñehe, Damascopu tãã cãa wahahye tiquirore.

9 Sa yero tiquiro ihtia deco waro ne ihñeda, ihyera, ne siñnedahye.

10 Sa ye Jesu buheriquiro Anania wame tiquiro Damascopu ijiahye. Sa yero Jesu bajuahye Ananiare. Sa bajuaro pisuahye tiquirore:

—¿Anania, ijiajari mahu? niahye Jesu.

—Ijiaja, ni, yuhtiahye Anania tiquirore.

11 Tiquiro sa nigã Jesu yahuahye tiquirore:

—Poto wame tiri mahapu wahaya. Topu wahagu Juda ya wuhapu Tarso cãnore Saulo wame tiquirore macaña. Tiquiro Cohãcjũre sinino niaga.

12 Sa yero quehẽno saha tiquiro ihñarire ihñano niaga topure. Ohõ saha ijiyere ihñano niaga tiquiro: Mahu omocare tiquiro bui duhu peo, tiquiro caperi quehnoa wahagã ihñano niaga tiquirore bajarire, niahye Jesu Ananiare.

13 Tiquiro sa nigã tãhoro Anania ohõ saha niahye:

—Puhto, tiquiro mahu yequinare quehnoañequinare Jerusalẽ cãnare ñano yeñohti. Peyequina masa yuhure sa ni yahuri.

14 Sa yero ohõre tiquiro ijipihtiyequina mahure cahmeñequinare peresu yero taro niñohti. Pahia puhtoa tiquirore sa ye dutiñohti, niahye Anania Jesure.

15 Tiquiro sa nigã Jesu pehe yahuahye tiquirore:

—Tiquiro Saulo pehe yuhu beseriquiro ijire. Tiquiro yee buheyere peye macari

cjēnare, Israe masa ijieye-quinare, tiquina p̄h̄toare, Israe masa ḡh̄are buherota. Sa yeḡu wahaya m̄h̄u.

16 Sa yero peye tahari yeere tiquiro yeri buhiri tiquiro ñano ȳhd̄urota. Tire tiquirore masiḡu yeḡutja, niahye Jesu Ananiare.

17 Tiquiro sa nidi bato Anania pehe waha, esa, Saulo tiquiro ijiri w̄h̄p̄u sajāhye. Sajā sa, tiquiro omocare Saulo bui duhu peo, yahuahye tiquirore.

—Ȳh̄u acaȳu Saulo, mari p̄h̄toro Jesu pehe mahap̄u m̄h̄are bajuariquiro ȳh̄are ohori, m̄h̄u caperire ih̄ña dutiro, Esp̄ritu Santore m̄h̄are c̄uo dutiro, tiquiro dutiriro sahata m̄h̄are ye dutiro, ni yahuahye Anania Saulore.

18 Tiquiro sa niḡuta tiquiro caperire wahi n̄tari saha bajuyere tiquiro caperire pahna dijiaḡu ih̄ñahye Saulo. Tiquiro sa ih̄ña tuhasari bato wahc̄ad̄uca saḡu apequiro pehe wame yeahye tiquirore.

19 Sa yero tiquiro ihyari bato paḡu tutuariquiro wahahye.

Saulo Damascop̄u Jesu yere buhe d̄ucahye

Sa ye meheñe decorigā Damasco cjēna Jesu yequina mehna ijiahye Saulo.

20 Sa yero ti pjereta tiquiro judio masa buheye w̄h̄sep̄u Jesu yere buheahye masare. Jesu Coh̄c̄j̄ mac̄no tiquiro ijiyere yahuahye Saulo.

21 Tiquiro sa yahuḡu ih̄ñañe ijipihtiyequina tiquirore t̄h̄oyequina ac̄uaa wahahye.

—Ahriquiro Coh̄c̄j̄ yequinare Jesure cah-meñequinare ñano yee tiriquiro ijire. Sa yero tiquiro tiquinare ñehe, d̄ahte, pahia p̄h̄toare oho duari jimedi. Sa ye duaro oh̄p̄are ahtari jimedi tiquiro, niahye masa tiquirore t̄h̄oyequina.

22 Tiquina sa ni t̄h̄otuepeḡuta Saulo cuero marieno tutuaro mehna buhe d̄ucahye. Judio masare Damasco cjēnare quehnoano yahuahye. “Ahriquiro Jesu potota Cristo marine ȳhd̄oriquiro ijire”, tiquiro ni yahuḡu tiquina pehe tiquirore “Ni mehono nine ahriquiro”, ni masiedahye tiquirore.

23 Sa ye peye decori bato judio masa tiquirore wejē duaye, tiquina basi yahudu-cuahye.

24 Sa yero Saulo tiquina wejē duaḡu masiahye tiquiro basi. Sa ye ti maca cjē sopecaharire decop̄are, ñamip̄u ḡh̄are cohtee tiahye tiquirore wejē duaye.

25 Tiquina sa wejē duaḡu ih̄ñañe ñamip̄u Saulo buheye-quina tiquirore p̄h̄aro pajiri p̄h̄dup̄u ne s̄aa, ti maca cjā sahr̄ño behero pehep̄u duhu dijioahye tiquirore.

Saulo Jerusalēp̄u ijiahye

26 Sa ye Saulo Jerusalēp̄u esaro, top̄u Jesu yequina mehna tiquiro iji duamahye. Tiquiro sa iji duepeḡuta tiquina tiquirore “Jesu

buheriquiro ijierare ahriquiro” quina wahahye.
niñe, tiquirore cue niahye.

27 Tiquina sa cuepegūta Bernabé pehe tiquirore ne cāhye Jesu cūriquina cahap̄. Sa yero Saulo mahap̄ Jesure tiquiro ihñarire, Jesu mehna tiquiro yahuducurire, Damascop̄ cuero marieno Jesu yere tiquiro buhe d̄carire yahuahye Bernabé pehe.

28 Tiquiro sa ni yahuri bato Saulo tiquina mehna sajāno, Jerusalēp̄ tiquina mehna ijie tiahye.

29 Sa yero tiquiro cuero marieno Jesu yere buhee tiahye. Sa yero tiquiro judio masare Jesu yere yahu ȳhd̄d̄caro niahye. Tiquina judio masa griego masa yere yahuducuyequina ijiahye. Sa ye Saulo tiquiro sa yahu ȳhd̄d̄cari buhiri tiquina tiquirore wejē duamahye.

30 Tiquina sa wejē duagū ihñañe, Saulo mehna cjēna Jesu yequina pehe tiquirore Cesareap̄ ne duhti cāa wahahye. Top̄ tiquirore siho ijiducume Tarsop̄ ohoahye tiquirore.

31 Sa ye ijipihtirop̄, Judea yehpap̄, Galilea yehpap̄, Samaria yehpap̄ Cohācjū yequina quehnoano ijie tiahye. Ti pjere ne masa ñano yera tiahye tiquinare. Sa ye quehnoano buheahye tiquina. Sa ye tiquina Cohācjūre cua pesaro ihñahye. Espíritu Santo tiquinare tiquiro yedohogū tiquina pehe masa peye-

Pedro Eneare quehnoa wahagū yeahye

32 Sa ye Pedro ijipihtiye macarip̄ waharo, Jesu yequina Lida maca cjēna cahap̄ gūhure esahye tiquiro.

33 Top̄ esaro Enea wame tiquirore boca sahye. Enea tini masieniquiro ijiro, ocho cūhmari waro cuñari cahsero mehna cuñae tiahye tiquiro.

34 Sa yero Pedro pehe tiquirore ohō saha niahye:

—Enea, Jesucristo mūhure quehnoa wahagū yere. Wahcād̄caya. Mūh̄ eō tu cuñari cahserore quehnoña, niahye Pedro tiquirore.

Tiquiro sa nigūta tiquiro wahcād̄ca wahaa wahahye.

35 Sa ye ijipihtiyequina Lida cjēna, Saronā cjēna tiquirore ihñañe, tiquina ñañe yerire duhu, Jesure wacū tutuahye.

Dorca wame tiricorore masoahye Pedro Jesu tutuaye mehna

36 Sa ye Jope wame tiri macap̄ Jesure ño peoricoro Tabita wame tiricoro ijiahye. Ticoro wame Tabita griego ye yahuducuye mehna Dorca ijire. Ticoro quehnoañene yero, peye ohoe tiahye pe-jec̄oyequinare.

37 Sa yero ti pjere ticoro dohati wahcō, yariaa wahahye. Ticoro yariagū ihñañe, tiquina ticorore quehnoano cose, ūhm̄ano cǎ tucūp̄ cūahye ticorore.

38 Lida wame tiri maca Jope cahagāp̄ ijiri. Sa

ye Jesu buheyequina Jope cĵēna Pedro Lidap_u tiquiro ijigū t_uhoahye. Sa t_uho_uye, p_uaro ohoahye Pedro cahap_u. Tiquiro cahap_u esaye, Pedrore yahuahye tiquina.

—Sojaro mehna _usā ijirop_u wahaya, ni yahuahye tiquina.

³⁹ Tiquina sa nigū t_uhoro tiquina mehna wahaa wahahye tiquiro. Top_u tiquirore tiquina ne sari bato _uhm_uano cĵā tucūp_u ne m_ujaa wahahye tiquirore. Sa ye ijipihtiyequina wape wiha numia tiquiro cahap_u esad_uca, utiahye. Tabita tiquina mehna ijininop_u peye suhtire yee tiahye. Sa ye tiquina ticoro yeri suhti i_urire ih_uoahye Pedrore.

⁴⁰ Tiquina sa ih_uoepēgūta Pedro tiquinare ti tucūp_u ijieyequinare wijia dutiahye. Tiquina wijari bato tiquiro d_usepe curi mehna quehe sa, Cohācĵāre ticorore sini basahye. Sa yero ticoro pag_ure majare ih_uahye.

—Tabita wahcāña, niahye tiquiro.

Tiquiro sa nigūta ticoro pehe ih_uña wahcō, Pedrore ih_uña, wahcā nuju sahye.

⁴¹ Ticoro wahcā nuju sagū ih_uña, tiquiro ticoro omocare ñehe, t_uā wahcō docoahye ticorore. Sa yero tiquiro to cĵēnare Jesu yequinare, wape wiha numiare pijio, ticorore catiricorore wiahye tiquinare.

⁴² Tiquiro sa yeri bato ijipihtiyequina Jope cĵēna

tire masiñe peyequina masa Jesure wacū tutua d_ucahye.

⁴³ Came Joper_u Simo wahiquina cahserire quehnoriquiro mehna peye decori Pedro tiquiro mehna ijiahye.

10

*Pedro Cornelio*re Jesu yere yahu d_ucahye

¹ Ti pjere Cesareap_u Cornelio wame tiri_uquiro ijiahye. Tiquiro cien surara p_uhtoro ijiahye. Tiquina surara pehe tiquina ya curua Italiano wame tiahye.

² Cornelio tiquiro ya w_uh_u cĵēna mehna mari Pac_ure ño peoyequina, cua pesaro ih_uñañequina ijie tiahye. Sa yero tiquiro judio masa pejec_uoyequinare yedohoro, peye ohoahye. Sa yero decoripe tiquiro mari Pac_ure sinie tiahye.

³ Sa ye ñamicahap_u tres hora ijigū Cohācĵū yaquiro angel tiquirore bajuahye. Sa bajuaro Cornelio cahap_u sajāhye.

—Cornelio, niahye angel tiquirore.

⁴ Sa yero Cornelio tiquirore ih_uña cuero ohō saha niahye:

—¿P_uhto, yabere cahmeajari? niahye tiquiro.

—Pejec_uoyequinare m_uh_u ohorire, mari Pac_ure m_uh_u sinidire tiquiro wacūno niaga.

⁵ Sa yeg_u Joper_u m_uh_u cahacĵēnare ohoya. Top_u Simo Pedro wame tiri_uquiro

ijire. Tiquirote ne cãhta dutiya m̃h̃u cahacjẽnare.

⁶ Tiquiro apequiro Simo wahiquina cahseri quehnoquiro cahap̃u, pajiri ma d̃h̃tu cahap̃u ijiri w̃h̃ap̃u ijire, niahye angel Corneliore.

⁷ Angel sa ni tuhasa, wijiaa wahahye. Tiquiro sa wijiaari bato Cornelio p̃aro tiquirote yedohoyequinare ihcãquiro surara mehna cjãnore pijahye. Surara pehe mari Pac̃are ño peoriquiro ijiro, decoripe Corneliore yedohoe tiahye.

⁸ Sa yero Cornelio tiquinare yahu peho, Jopep̃u ohoahye tiquinare.

⁹ Sa ye ape deco Jopep̃u tiquina wahari watoa coheri p̃je ijigũ Pedro pehe w̃h̃u buip̃u Cohãcjũre sinino wahahye.

¹⁰ Sa yero tiquiro ẽjua ahbagũ ihya duahye. Sa ihya duaro apequina tiquiro ihyayere tiquina dahreri watoa tiquiro pehe bajuagũ ihñahye.

¹¹ Ɔhm̃anop̃u parĩ maagũ, pajiri cahsero ti cahsero sohtorip̃u d̃h̃teri cahsero dijia tagũ ihñahye.

¹² Ti cahsero puhiap̃u peyequina wahiquina ñc̃u cjẽna, yehp̃ap̃u b̃ua tiniñequina, minicj̃na pari ijiahye.

¹³ Tire tiquiro ihñari bato, Pedro yahuducugũ t̃hoahye.

—Pedro, wahcãd̃caya. Ahriquinare wejẽ ihyaya, ni yahuducugũ t̃hoahye tiquiro.

¹⁴ Tiquiro sa niepegũta Pedro ohõ saha niahye:

—P̃h̃to, ne tiquinare ihyeraja ỹh̃u. Ñañequinare, Cohãcjũ tiquiro ihya dutieriquinare ne ihyera tii ỹh̃u, niahye Pedro.

¹⁵ Sa yero Pedro pari turi yahuducugũ t̃hoahye:

—Cohãcjũ “Quehnoañequina ijire”, tiquiro nidiquinare “Ñañequina ijire”, niedacãhña m̃h̃u tiquinare, ni yahuducugũ t̃hoahye Pedro.

¹⁶ Sa ye ihtia taha tiquina sa ni yahuducuri bato ti cahsero ẽhm̃anop̃u m̃j̃aa wahahye tja.

¹⁷ Sa yero Pedro tutuaro wacũ “¿D̃h̃se ni yahu duaro nijari sa bajuaro?” ni t̃hotuahye tiquiro basi. Tiquiro sa t̃hoturi watoa Cornelio ohoriquina pehe Pedro ijiri w̃h̃ap̃u esahye. “¿Simo ya w̃h̃u nohop̃u ijiajari?” ni, tiquina sinituri bato ti w̃h̃ap̃u esahye tiquina.

¹⁸ Sa ye tiquina sinitu madoqueoahye. “¿Simo Pedro wame tiriquire ahri w̃h̃are ijiajari?” ni sinituahye tiquina.

¹⁹ Sa yero Pedro tiquiro t̃hoturi watoa Espiritu Santo tiquirote yahuahye:

—Ihñaña. Ihtiaro ẽm̃ua m̃h̃are macañe nine.

²⁰ Wahcãd̃caya. Dijiahya. Tiquina mehna wahaya. Yabiro marieno wahaya quehnoano mehna. Ỹh̃u pehe tiquinare ohõp̃are ahtagũ yei, niahye Espiritu Santo Pedrore.

21 Tiquiro sa nigū tūhoro Pedro tiquina cahapū dijiaa wahahye.

—Ihñaña. Ohōpū ijiaja yūhū mūsa maca cāhtarigū. ¿Dūhse yena tana niajari mūsa yūhū cahapūre? niahye Pedro tiquinare.

22 Tiquiro sa nigūta tiquina pehe ohō saha niahye:

—Cornelio cien surara pūhoro, quehnoañene yeriquiro, mari Pacūre cua pesaro ihñariquiro, ijp-ihtiyequina judio masa “Quehnoariquiro”, tiquina nidiquiro māhure piji dutiro ohori usāre. Cohācjū quehnoariquiro yaquiro angel Cornelio māhure piji dutiñohti. Ohō saha niñohti: “Pedrore māhū ya wūhūpū ne cāhta dutiya māhū cahacjēnare. Sa ye tiquiro māhure yahurota”, ni piji dutiñohti angel Cornelio, ni yahuahye Cornelio Pedrore tiquiro piji dutiriquina pehe.

23 Tiquina sa nigū Pedro pehe tiquinare sajā ta duti, ihyaye oho, tiquiro ijiri wūhūpū carī dutiahye tiquinare. Sa yero ape deco Pedro wahcā, tiquina mehna wahaa wahahye. Sa ye apequina Cristo yequina Jope cjēna Pedrore piti ti cāhye.

24 Ape deco tiquina Cesareapū esahye. Sa yero Cornelio pehe tiquiro acayere, tiquiro mehna cjēna gūhure piji cahmecoā, Pedrore cohteahye.

25 Sa yero Pedro Cornelio ya wūhū cahapū tiquiro ahtagū ihñano Cornelio pehe

tiquirore piti ca wijia, tiquiro dahpocāri cahapū quehe sahye.

26 Sa yepegūta Pedro tiquirore ne wahcō doco ohō saha niahye:

—Ducuya māhū. Yūhū gūhū māhū yero saha ijigū ijiaja. Cohācjū ijieraja yūhū, niahye Pedro tiquirore.

27 Tiquiro sa ni tuhasari bato Cornelio tiquirore ne sajāa wahahye tiquiro ya wūhūpū. Topū sajā saro masa pari ti wūhūpū cahmecoā, tiquirore cohteyequinare ihñahye Pedro.

28 Sa yero Pedro tiquinare yahuahye:

—Judio masū ijiepegūta ape curua cjēna mehna ijigū usā dutiyere yūhdūdcagū niaja yūhū. Tire quehnoano masine mūsa. Sa ijiepegūta ape curua cjēnare “Ñañequina ijire”, yūhure ni dutierari Cohācjū. Sa ni yahuri yūhure tiquiro.

29 Tiquiro sa nigū tūhogū ohōpūre mūsa cahapūre ahtā. Mūsa yūhure pijiogū “Ne wahaeraja”, niedū yūhū. “¿Dūhse ijiro boro yūhū ohōpū ahtagū cahmeari mūsa?” niahye tiquinare Pedro.

30 Tiquiro sa nigū tūhoro Cornelio pehe ohō saha niahye:

—Tres hora ijigū waro mari Pacū yaquiro angel yūhure bajuari. Pititia deco wahare yūhure tiquiro bajuari bato. Ti decota mari Pacūre yūhū sinini watoa angel asi siteri

suhtiro sañariquiro yuhũ cahapũ ducuri.

³¹ Sa yero tiquiro yahũre ohõ saha nidi: “Cornelio, mahũ mari Pacũre mahũ sinigũ tiquiro tũhori. Sa yero pejecũoyequinare tiquina cahmeñene mahũ ohogũ ihñano mari Pacũ wacũno mahũre yedohorota.

³² Sa yegũ Jopepũ mahũ cahacjẽnare ohoya, Simore, Pedro wame tiriquirore mahũ cahapũ tiquina ne cãhtagũ. Tiquiro apequiro Simo wahiquina cahseri quehnoriquiro ya wãhãpũ pajiri ma dũhtũ cahapũ ijiri wãhãpũ ijire tiquiro”, ni yahuri yahũre tiquiro.

³³ Tiquiro sa nigũ tũhogũ yuhũ cahacjẽnare mahũre ne cãhta dutigũ ohou yuhũ. Sa yegũ quehnoano yegũ ahtari jiri mahũ usã cahapũre. Sa yena usã ijipihtina ohõre mari Pacũ tiquiro ihñonopũ ijina niaja usã. Ijipihtiyere mari Pacũ mahũre tiquiro yahu dutirire tũho duana, cohteĩ usã, niahye Cornelio Pedrore.

Pedro Jesu yere yahuahye

³⁴ Tiquiro sa nigũ tũhoro, Pedro ohõ saha ni yahuahye: —Yojopũ masiaja. Ijirota ijire. Cohãcjũ ihcãno saha quehnoano yere marine.

³⁵ Sa yero ijipihtiyere macari cjẽna Cohãcjũre cua pesaro tiquina ihñagũ, quehnoañene tiquina yegũ Cohãcjũ pehe tiquina mehna bucuere.

³⁶ Cohãcjũ usã judio masa cahapũ Jesucristore ohori. Masare Cohãcjũ mehna

quehnoano iji dutiro Jesu pehe quehnoañene buheyere yahuri. Ti buheyere mũsa masine. Jesucristo pehe ijipihtiyequina masa pũhtoro ijire.

³⁷ Ñu wame yeriquiro ohõ saha ni yahuri: “Mũsa ñañene bũjũa witiya. Sa yena wame yenohrina ijiya”, ni, yahuri Ñu. Masare tiquiro sa ni yahuri bato Galileapũ quehnoañene buheyere Jesu pehe yahu dũcari. Came Judea yehpapũ ti buheyere yahu pehori.

³⁸ Ahriquiro Jesu Nazare cjũnore Cohãcjũ pehe tiquiro tutuayere, Espĩritu Santo mehna tiquiro ye masiatire ohori Jesure. Sa yero Jesu quehnoano yero wahari. Sa waharo watĩare cũoyequinare ñano yãhdũyequinare ijipihtiyequinare quehnoa wahagũ yeri. Mari Pacũ Jesu mehna ijiri.

³⁹ Judea yehpapũ, Jerusalẽpũ gũhũre ijipihtiyere tiquiro yerire usã ihñau. Came tiquina curusapũ wejẽdi tiquirore.

⁴⁰ Sa yero ihtia deco wahaboro Cohãcjũ tiquirore masori jiri. Sa yero Jesure apequinare bajuagũ yeri jiri mari Pacũ.

⁴¹ Ti pjere Jesure ijipihtiyequina ihñedari. Meheñequinagãre bajuari tiquiro. Mari Pacũ tiquiro cahmenare, Jesure ihñatinare panopũ usãre mari Pacũ beseahye. Usã pehe Jesu tiquiro masari bato tiquiro

mehna ihya, sihnii.

42 Sa yero usāre tiquiro dutiri. “Masare yahuya. Yuhū Jesu ijipihtiyequina catiyequinare, yariariquina gūhure buhiri dahreacjū yūhure ijigū yeri mari Pacū. Sa yena tire masare yahuya”, ni dutiri Jesu usāre.

43 Ijipihtiyequina Jesure tiquina wacū tutuagū ihñano Cohācjū tiquina ñañene borota. Tire ijipihtiyequina Cohācjū yere yahu māhtariquina panopū cjēna yahuyuahye, ni yahuahye Pedro.

Judio masa ijieyequina Espiritu Santore cūo dūcahye

44 Ti ijipihtiyere tiquiro sa ni yahuri watoapū, ijipihtiyequina tire tūhoyequina mehna Espiritu Santo iji dūcahye.

45-46 Sa ye judio masa ijieyequina tūhomehneñe yahuducuye mehna bu-cueye mehna yahuducu dūcahye. Ti yahuducuye mehna Cohācjūre “Tutuagū, quehnoagū ijire”, niñe niahye. Tiquina sa nigū tūhoahye Pedro acaye judio masa Jesu yequina. Sa ye Espiritu Santo judio masa ijieyequina mehna tiquiro iji dūcagū ihñañe judio masa pehe ihña maria wahahye. Sa yero Pedro ohō saha ni yahuahye judio masare:

47 —Mari yero sahata Espiritu Santore cūore ahriquina gūhū. ¿Tiquina sa ijigū ihñana ahriquinare

wame yeraboagari mari? niahye Pedro tiquinare.

48 Sa ni tuhasa Jesu wame mehna judio masa ijieyequinare wame ye dutiahye Pedro. Tiquina sa yeri bato “Usā mehna meheñe decorigā tojoarīña”, niahye tiquina Pedro gūhure.

11

Pedro Jerusalē cjēnare Jesu yequinare yahuahye

1 Sa ye judio masa ijieyequina gūhū Cohācjū yere tiquina quehnoano cahmegū Jesu cūriquina pehe tiquina acaye Judeapū ijieyequina mehna tūhooahye.

2 Sa ye Pedro Jerusalēpū tiquiro tojoa sagū ihñañe judio masa Jesu yequina meheñequinagā tiquirore ohō saha niahye:

3 —¿Judio masa ijieyequinare dūhse ijiro boro ihñagū esari māhū? ¿Dūhse ijiro boro tiquina mehna ihyari māhū? ni, tuhtiahye Pedrore tiquina.

4 Tiquina sa nigū tūhoro Pedro tiquiro yerire yahu peho cāhye tiquinare.

5 Ohō saha ni yahuahye:

—Yuhū Jopepū ijigū Cohācjūre sinigū nii. Sa yero yūhure ohō saha bajuari. Pajiri cahsero ti cahsero sohtoripū dūhteri cahsero ūhmūanopū yuhū cahapū dijia tagū ihñān.

6 Sa yegū ti cahserore quehnoano ihñān, “¿Yabe boro ti cahseropūre ijiajari?” nigū. Sa yegū ihñān ti

cahseropure ijiyequinare: Wahiquinare n̄c̄c̄ cjēnare, yehpar̄ b̄na tiniñequinare, minic̄j̄na parire ih̄ñaa.

7 Sa yeḡu ȳh̄are tiquiuro yahuducuyere t̄hou. “Pedro, wahc̄ād̄c̄aya. Wejē ih̄yaya ahriquinare”, nino ca tari ȳh̄are.

8 Tiquiuro sa niḡu t̄hogu ohō saha nii ȳh̄u. “P̄h̄to, ne tiquinare ih̄yeraja ȳh̄u. Ñañequinare, Coh̄ācj̄u tiquiuro ih̄ya dutieyequinare ne ih̄yera tii ȳh̄u”, nii ȳh̄u.

9 Ȳh̄u sa niepeḡata ah̄m̄anop̄u pari turi ȳh̄are yahuducuro ca tari t̄ja. “Coh̄ācj̄u ‘Quehnoañequina ijire’, tiquiuro nidiquinare ‘Ñañequina ijire’, niedac̄h̄ña m̄h̄u”, nino ca tari ȳh̄are.

10 Sa yero ihtia taha us̄ā sa ni yahuducuri bato ti cahsero ah̄m̄anop̄u m̄j̄aa wahari t̄ja.

11 Ȳh̄u sa ih̄ñari watoa ihtiaro am̄aa us̄ā ijiri w̄h̄ap̄u esari jiri. Tiquina Cesarea cj̄ano ohoriquina ijiri.

12 Sa yero Esp̄ritu Santo pehe ȳh̄are tiquina mehna waha dutiro “ ‘Tiquina ñañequina ijire’, niedac̄h̄ña tiquinare”, ni yahuri ȳh̄are tiquiuro. Sa ye ahriquina seis ȳh̄u acaye mehna Cesarea cj̄ano ya w̄h̄ap̄u saj̄aa us̄ā.

13 Sa yero tiquiuro us̄āre ohō saha ni yahuri. “Angel ȳh̄u w̄h̄ap̄u ducuḡu ih̄ñaa ȳh̄u. Ohō saha ni yahuri ȳh̄are: ‘Jop̄ep̄u Simore Pedro wame tiriquiurore ne c̄hta dutiya.

14 Tiquiuro m̄h̄are m̄h̄u

acaye mehna m̄sare ijiphtinare pecap̄u waha borinare m̄sa ȳh̄d̄atire yahurota’, nidi angel ȳh̄are”, ni, yahuri Cesarea cj̄ano ȳh̄are.

15 Sa ye ȳh̄u yahuducuri watoa Esp̄ritu Santo pehe tiquina mehna iji d̄c̄ari, marine tiquiuro ye m̄htariro sahata.

16 Sa yeḡu Jesu tiquiuro yahurire wac̄ūu ȳh̄u. Ohō saha ni yahuri tiquiuro: “Ñu m̄sare wame yero aco mehna wame yemedi. Ȳh̄u pehe tiquiuro ȳh̄d̄oro yeitja m̄sare. Came Esp̄ritu Santore m̄sa mehna ijiducuḡu yeitja”, ni yahuri.

17 Sa yero Jesucristo mari p̄h̄torore mari wac̄ū tutuaḡu ih̄ñano Coh̄ācj̄u yaquiuro Esp̄ritu Santore ohori marine. Sa yero Coh̄ācj̄u marine Esp̄ritu Santore tiquiuro ohoriro sahata judio masa ijieyequina ḡh̄are tiquiuro ohori. Coh̄ācj̄u tiquiuro sa yeḡu ih̄ñagu tiquiore ȳh̄d̄ad̄ca masiedaja ȳh̄u, niah̄ye Pedro tiquinare, judio masare Jesu yequinare.

18 Tiquiuro sa niḡu t̄hoye, tiquina tiquiore ne ni nemoedah̄ye. Tiquiurore tuhti masiedah̄ye. Sa ye tiquina,

—Coh̄ācj̄u quehnoariquiuro, tutuariquiuro ijire, niah̄ye.

Ohō saha ni nemoah̄ye:

—Judio masa ijieyequina ḡh̄u tiquina ñañene b̄j̄aa witiyequina ijiye, Coh̄ācj̄u yequina ijieta. Sa tiquiuro yequina ijiye, tiquina ḡh̄u ijiphtiyē decori tiquiuro

mehna ijjeta, ni nemoahye tiquina.

Antioquíarᵐ apequna Jesu yequina ijiahye

19 Sa ye Estebãre tiquina wejēdi bato masa Jesu yequinare ñano yeahye. Tiquina sa yegū ihñañe Jesu yequina duhti sitea wahahye. Sa ye tiquina Feni-ciārᵐ, Chiprepᵐ, Antioquíarᵐ waha, judio masa dihitare Cohãcjū yere yahue timahye tiquina.

20 Tiquina sa yepegūta apequna pehe Jesu yequina mehna cjēna Chipre cjēna, Cirene cjēna, Antioquíarᵐ esa, judio masa ijieye-quinare Jesu yere buheahye Cohãcjū tiquinare tiquiro yãhdᵐoatire.

21 Sa yero mari pãhtoro tiquinare yedohoahye. Sa ye masa peyequina Jesure wacū tutuaye, quehnoañe pehere comesahye.

22 Sa ye “Antioquía cjēnarᵐ Jesure cahmeaga”, ni tãhooahye Jerusalē cjēna Jesu yequina. Tiquina sa tãhoori bato Jerusalē cjēna Bernabé wame tiriquirore Antioquíarᵐ ohoahye.

23 Sa yero tiquiro Antioquíarᵐ esaro, Cohãcjū yedohoye mehna judio masa ijieyequina tiquiro yequina tiquina wahagū ihñano, tutuaro bucueahye. Sa yero tiquiro to cjēnare ohō saha ni yahuahye:

—Jesure sa wacū tutuaducuya. Tiquiro yere ne duhueracãhña, ni yahuahye

tiquiro ijipihtiyequina tiquinare.

24 Bernabé quehnoariquiro ijiro, Espíritu Santore pajiro cãoriquiro ijiro, tiquiro dutiriro sahata yeriquiro ijiro, Jesure quehnoano wacū tutuahye tiquiro. Sa ye tiquiro buheri bato masa peyequina wacū tutuahye Jesure.

25 Came tiquiro Tarso wame tiri macarᵐ Saulore macano wahahye.

26 Topᵐ tiquirore boca sahye. Tiquiro boca sari bato Antioquíarᵐ ne cãhye Saulore. Topᵐ tiquina esari bato ihcã cãhma waro tiquina Cohãcjū yequina mehna cahmecoa, peyequina masare buhee tiahye tiquina. Sa ye Antioquíarᵐ Cristo yequina Cristiano wame ti dũcahye.

27 Ti pjere Cohãcjū yere yahu mãhtariquina Jerusalēᵐ ijiriquina waha, Antioquíarᵐ esahye.

28 Sa yero tiquina mehna cjãno Agabo wame tiriquiro Jesu yequina watoarᵐ ducuro, Espíritu Santo tutuaye mehna yahuahye tiquinare. “Ijipihitiri yehpapᵐre tutuaro ẽjũa wãharota”, ni yahuahye tiquiro. Ti pjere ihyaye mariedi pje ijigū ijipihtiyequina pãhtoro Claudio ijiahye.

29 Sa ye Cristo buheyequina, ijipihtiyequina tiquina cãoro puno tiquina acayere oho duaye, tiquina basi cahme yahuducuahye. “Judea yehpa cjēna

Jesu yequinare niñerure ohouhna”, niahye tiquina basi.

³⁰ Tiquina sa nidi bato Bernabé, Saulo mehna ti niñerure ne cã basahye. Topu esaye Judea yehpa cjênare Jesu yequina pãhtoare wiahye ti niñerure.

12

Pedrore peresu yeahye

¹ Ti pjere pãhtoro Herode ihquẽquinare Jesu yequinare ñano ye dũcae tiahye.

² Sa yero tiquiro Ñu wahminore Santiago pehere ñoseni pjĩ mehna tiquiro wejẽ dutigã apequina pehe tiquirore wejẽahye.

³ Santiagore tiquiro wejẽgã judio masa bucueahye. Tiquina bucueyere Herode masino, “Sa dihita cahmene tiquina”, nino Pedro gãhare peresu yeahye. Ti decorire pugã yeye moremehneñe pãre tiquina ihyati bose deco pascua ijiahye.

⁴ Sa ye Herode ñehe dutiriquina Pedrore ñehe, peresu yeahye. Sa yero diez y seis surarare cohte dutiahye tiquirore. Pititiaro surara cohteahye tiquirore. Came pititiaro tiquina came-sayequina tiquirore cohte mãjãe tiahye. Sata yeahye tiquina diez y seis surara. Herode pehe pascua bato Pedrore peresupũ ijiriquirore masa ihñonopũ duhu doco duamahye tiquirore wejẽ dutiro taro.

⁵ Sa yero Pedro peresupũ ijiahye. Topũ tiquiro ijigã

Jesu yequina pehe Cohãcjũre tutuaro sini basae tiahye tiquirore.

Peresupũ ijiriquirore Pedrore Cohãcjũ wioahye

⁶ Sa ye ñamine Pedro come dari pũa da mehna tiquina dãhteriquiro pũaro surara watoapũ carĩno niahye. Sa ye surara sopecahapũ cohteducue tiahye tiquirore. Sa yero ti deco bohrearo Herode Pedrore judio masa ihñonopũ duhu doco duamahye tiquirore wejẽ dutiro taro.

⁷ Sa yero Cohãcjũ yaquiro angel pehe Pedro cahapũ tiquiro ducugã peresupũ tiquiro ijiri tucũ buhrio pihtia wahahye. Sa yero angel Pedro cahapũ ducuro Pedro pati pahmapũ ohbe careahye.

—Sojaro mehna wahcãña, niahye tiquiro Pedrore.

Tiquiro sa nigãta tiquiro omocarine tiquina dãhteri dari come dari suru site dijiaa wahahye.

⁸ Sa yero angel tiquirore yahuahye:

—Weje dihoya mãhũ weje dihori dare. Mãhũ dahpo suhti gãhare sañaña, niahye tiquiro.

Tiquiro sa nigã Pedro pehe tiquiro nidiro saha yeahye.

—Mãhũ bui cjã suhtirore sañaña. Yũhũ mehna wahaya, niahye angel.

⁹ Tiquiro sa nigã ti tucũpũ ijiriquiro wijia, angel bato wahaa wahahye tiquiro. Sa wahaeperota ohõ saha ni

tahotumahye tiquiro. “¿Ahri poto ijieragari? ¿Quehēgū niagari yuhū?” ni, tahotumahye tiquiro.

¹⁰ Sa ye tiquina tiquiro ijiri tucū sopecaharū ducuyequina surarare yūhdū cā, apequina yoa cjūno ducuyequina gūhure yūhdū cā, pajiri sopecaharū esahye. Ti sope pahma macarū wahari mahare cahmotari pahma ijiahye. Ti sope pahma esa tuharo parīgū tiquina wijiaa wahahye. Wijiaa waha, tiquina maharū wahaa wahahye. Mehenogā tiquina waha nemogū angel pehe wahaa wahahye. Sa yero Pedro ihcāquirola tojoahye.

¹¹ Sa tiquirore angel tiquiro wahari bato tiquiro yerire Pedro masiahye. Ohō saha ni tahotuahye tiquiro. “Angel Cohācjū ohoriquiro peresupū yuhū ijigū yūhure wioro wihiri. Yojopū tire masiaja tiquiro sa yerire. Judio masa pehe yūhure tiquina ye duarire Cohācjū pehe tiquinare ye dutierari. Sa yero yūhure, Herode tiquiro peresu yerigure wiori”, ni, tahotuahye Pedro.

¹² Tiquiro sa ni tahoturi bato María Ńu pacoro ya wūharū esahye Pedro. Ńu pehe Marco wame tiriquire ijiri. Ti wūharū masa peyequina cahmecoa, Cohācjūre siniñe niahye.

¹³ Sa yero Pedro sope pahmare doteahye. Rode wame tiricoro cahacjōno tiquiro dotegū tahoro ihñano

esahye ticoro.

¹⁴ Sa yero Pedro ticorore tiquiro pisugū tahoro tiquiro yahuducuyere taho masi, tutuaro bucue, sopecahare pōedahye. Sa bucuemeno tiquirore pōoborico boaa wahahye. Pedro topū tiquiro ducugāta ticoro majaredūca oma sajāa wahahye.

—Pedro sopecaharū wihiri, ni, yahuro sajāhye.

¹⁵ Sa ye tiquina wūharū ijiequina ticoro sa nigū tahoye,

—Sa nicōo niaga mūhū. Sa ni macacōo nine mūhū, niahye tiquina ticorore.

—Poto tjire. Poto nigota ni-aja, niahye ticoro.

Ticoro sa nigū tahoye,

—Tiquiro ijieraga. Tiquiro jeripohna wihiro niaga, niahye tiquina pehe.

¹⁶ Tiquina sa nini watoa Pedro sope pahmare sata doteducuro niahye. Tiquiro sa yegū tahoye, tiquina sopecahare pōo, tiquirore ihña, ihña maria wahahye.

¹⁷ Sa yero Pedro tiquiro omoca mehna “Dihta mari-ahña”, nino, Cohācjū peresupū tiquirore wiorire yahuahye tiquinare.

—Ahrire yahuya Santiagore, apequina Jesu yequina gūhure, niahye tiquiro.

Sa ni yahu tuhassa tiquiro ape sie pahrēpū yūhdū cāa wahahye.

¹⁸ Sa ye bohrea quehagū surara Pedro tiquiro dahse ye wijiarire ne masiedahye. Sa masiedaye acūaa wahahye.

19 Sa yero Herode Pedroro maca dutimahye. Sa yero tiquiro surarare peresu cohteriquinare tiquiro sinituri bato tiquinare wejẽ dutiahye Herode pehe. Sa yero Herode Judeap_u ijiriquiro waha, Ceseareap_u ijiro wahahye.

Herode yariaa wahahye

20 Sa yero Tiro wame tiri maca cjẽna mehna, Sidõ cjẽna mehna Herode pehe usuahye. Tiquiro sa usuagũ ihñañe ti macari cjẽna pehe Herode tiquina mehna tiquiro usarire quehnoñe waha, tiquiro mehna yahuducuye wahahye. Sa ye tiquiro cahacjãnore Blasto wame tiriquire piti tiahye tiquina. Sa ye tiquina Blasto yedohoro mehna Herode cahap_u esahye. Tiquiro cahap_u esa, ohõ saha niahye:

—Mari quehnoano iji-ihna. Mari basi ihña tuhtieracũhna, ni siniahye tiquina Herodere.

Tiquina ya yehpa cjẽna Herode ya yehpap_u ihyayere bocaeh tiahye. Sa ye Herode tiquinare ihña tuhtigũ cahmedahye tiquina.

21 Sa yero Herode tiquiro queori decop_u, pũhtoro tiquiro sañañe suhti quehnoañe suhtire sañahye tiquiro. Sa yero tiquiro dujirop_u dujitjiãno, masare yahuducu ihñoahye.

22 Tiquiro sa yahuducu ihñoagũ tũhoye masa pehe sañuducuahye:

—Ahriquiro yahuducuriquiro masano ijierare. Cohãcjũ ijire, ni sañuducumahye tiquina Herodere.

23 Tiquina sa nigãta Cohãcjũ yaquiro angel Herodere dohatiyere ohoahye. “Cohãcjũ ijieraja yãhũ”, ne niedahye Herode. Tiquiro sa niedari buhiri angel tiquirore dohatigũ yeahye. Tiquiro sa dohatigũ tiquirore becoa ihya wejẽ cãhye.

24 Sa ye Jesu yequina peyequina masare Jesu ye buheyere buhee tiahye.

25 Sa ye Bernabé, Saulo mehna buhe peho, Jerusalẽp_u ijiyequina Antioquíap_u tojoaa wahahye. Sa ye Nũ Marco wame tiriquire tiquina ne cãhye tiquina mehna.

13

Jesu yequina Bernabére Saulo mehna Cohãcjũ yere buhe dutiye ohoahye

1 Ti pjere Antioquíap_u Cohãcjũ yequina mehna cjẽna, Cohãcjũ yere yahu mũhtariquina ijiahye. Masare buheyequinata ijiahye tiquina gãhũ. Bernabé, Simo Negro wame tiriquire, Ludio Cirene cjãno, Manae, Saulo mehna tiquina ijiahye. Manae pehe pũhtoro Herode mũnano mehna tiquina pũaro ihcãno mehna bucariquina ijimahye.

2 Sa ye tiquina Cohãcjũre tiquina ño peori watoa, tiquina sijiri watoa, Espiritu

Santo pehe yahuahye tiquinare.

—Bernabé, Saulo mehna cūña yuhū cahmeno saha yeatiquinare. Tire yeatiquinare bese cūgh̄ niaja tiquinare, ni-ahye Espiritu Santo.

³ Tiquiro sa nigū tiquina pehe siji Cohācjūre sini, Bernabé bui Saulo bui tiquina omocarine duhu peohaye. Sa duhu peoye tiquinare buhe dutiye ohoahye.

Chiprepū Jesu cūriquina buheahye

⁴ Sa ye tiquina Saulo, Bernabé mehna Espiritu Santo tiquiro ohoiquina ijiye, Seleuciapū esa, ti macare yuhdu cā, Chipre wame tiri nūcūopū esahye tiquina.

⁵ Sa ye Salamina wame tiri petamahapū esahye. Ti macapū judio masa buheye wuhūsepū, Cohācjū yere yahu dūcahaye tiquina. Sa yero Ņu Marco gūhū tiquina mehna waha, tiquinare yedohoahye.

⁶ Sa ye tiquina ti nūcūo sohtoapū maja, ti nūcūo torepū ijiri macapū Pafō wame tiri macapū esaye, yairore boca sahye tiquina. Tiquiro judio masūno, Barjesu wame tiri tiquiro ijiahye. Barjesu griego ye mehna niñe Elima tiquina ni pisuriquiro ijiahye. “Cohācjū yere yahu mūhtagū ijiaja yuhū”, ni, masare ni mehoducuriquiro ijiahye tiquiro.

⁷ Sa yero tiquiro Sergio Paulo wame tiri tiquiro mehna cjāno ijiahye. Sergio Paulo pehe ti nūcūo cjēna pūhtoro

masi pehoriquiro ijiahye. Sa yero Cohācjū yere tūho duaro tiquinare Bernabé, Saulo mehna pijioahye tiquiro.

⁸ Tiquiro sa pijioepēgūta Elima, yairo pehe tiquinare buhe dutierahye. Tiquiro Sergio Paulo Jesu yere tiquiro ño peogū cahmesāedahye yairo pehe. Sa yero yairo pehe Sergio Paulore Cohācjū yere cohā dutiro nimahye.

⁹⁻¹⁰ Tiquiro sa cohā dutiepegūta Saulo, Pablo tiquina nidiquiro Espiritu Santore cūoriquiro ijiro, yairore quehnoano ihña diho cū tiquirore yahuahye:

—Mūhū ni mehoñe peyagū, ñagū, watīno tiquiro dutiyere yegū, quehnoañene ihña yabigū ijire mūhū. ¿Duhse yegū Cohācjū yere “Ni mehoñe ijire”, sa niducujari mūhū?

¹¹ Mūhū sa nigū Cohācjū caperi bajueragū yerota mūhūre. Sa yegū meheñe decorigā mūhū ihñasi, niahye Pablo.

Tiquiro sa nigūta yairo pehe bueri yero saha ijiyere ihña mūhtano, nahitiano dihitare ihñahye. Sa yero tiquirore tūātiquirore macahye tiquiro.

¹² Tiquiro sa wahagū ihñano, Sergio Paulo pehe Jesu yere “Ijirota ijire”, ni masiahye. Mari pūhtoro yere tiquiro tūho, tūho maria waha, Jesure wacū tutua dūcahye.

Pablo Bernabé mehna Antioquiapū Pisidia yehpapū ijiri macapū ijiahye

13 Sa ye Pablo gũhũ Pafopũ ijiriquina yucũsa mehna waha, Pergepũ esahye. Perge Panfilia yehparũ ijire. Topũ esa, Ñu Marco tiquinare cohã cã, Jerusalẽpũ wahaa wahahye.

14 Sa ye tiquina Pergepũ ijiriquina waha, Antioquíapũ esahye. Antioquía Pisidia yehparũ ijire. Topũ esaye, saurú deco ijigũ tiquina judio masa buheri wũhũpũ sajã sa, topũ dujahye.

15 Sa ye ti wũhare cohteyequina Cohãcjũ dutiyere, Moiserũ marine tiquiõ cũrire, Cohãcjũ yere yahu mũhtariquina tiquina ojarire tiquina buheri bato tiquina pijiahye Pablo gũhare.

—¿Usã acaye, masare mũsa yahu duaye ijiajari? Tire yahu duana yahuya mianogãta, niahye ti wũhare cohteyequina.

16 Tiquina sa nigũ tũhoro, Pablo wahcãduca sa, “Yahuducueracãhã”, nino tiquiõ omoca mehna quẽ dijioahye. Tiquina dihta mariagũ ihãano, tiquiõ ohõ saha niahye:

—Israe masa, Israe masa ijiena gũhũ mari Pacũre ño peona, tũhoya mũsa.

17 Mari ñecũsumã mũna panopũ cjẽna Cohãcjũre ño peoe tiahye. Tiquina mũnare Cohãcjũ besee tiahye. Sa ye mari ñecũsumã mũna yoari pje Egiptopũ ijie tiahye ape yehpa cjẽna ijiepetã. Topũ tiquina ijigũ Cohãcjũ quehnoano yee

tiahye tiquinare. Sa ye peyequina masaputiahye tiquina. Ohõ saha yeahye tiquinare. Tiquinare Egip-topũ ijiriquinare tiquiõ tutuaye mehna wioahye Cohãcjũ.

18 Tiquiõ sa wiori bato tiquina cuarenta cũhmari waro masa marienopũ tinie tiahye. Topũ tiquiõre tiquina yũhdũducagũ Cohãcjũ sata tũhotu cãhye.

19 Sa yero Canaa wame tiri yehpare siete cururi cjẽnare cohã tuhasa, Cohãcjũ ti yehpare ohoahye Israe masa pehere.

20 Ti ijipihtiyere tiquina yegũ cuatrocientos cincuenta cũhmari waro yũhdũahye. Camepũ masare dutia-tiquinare cũahye Cohãcjũ Israe masare. Cohãcjũ tiquiõ cũriquina Samuel tiquiõ ijigũpũ iji bato tie tiahye. Samuel pehe Cohãcjũ yere yahu mũhtariquiõ ijie tiahye.

21 Came Israe masa pehe tiquina pũhoro ijia-tiquiõre macae tiahye. Sa ye Cohãcjũre sinie tiahye. Tiquina sa sinigũ ihãano Cohãcjũ Saulore cũahye tiquinare. Saulo Cis macũno ijio, Benjami ya curua cjũno ijiahye. Sa yero cuarenta cũhmari waro tiquina pũhoro ijiatiquiõ cũahye Cohãcjũ tiquiõre.

22 Sa yero Cohãcjũ Saulore tiquiõ cohãri bato Davire cũahye tiquiõ. Ohõ saha niahye Cohãcjũ Davire: “Davĩ Isã macũnore bocaũ yũhũ.

Tiquiro mehna bucueaja yuhh. Tiquiro yuhh cahmeñene yerota”, niahye Cohãcjũ.

23 'Ahriquiro Davi panamino iji turiariquiro ijire Jesu. Cohãcjũ Jesure cūri jiri Israe masare yuhdhoatiquiro. “Masare quehnoano yeitja”, niahye Cohãcjũ. Tiquiro nidiro sahata yeri tiquiro.

24 Tiquiro sa yeato pano Jesu wihiato pano Ñu ohõ saha ni buheri jiri: “Musa ñañene bujña witiya. Quehnoañe pehere came-saya. Sa yena wame yenh-rina ijiya”, ni buheri jiri Ñu ijipihtiequina Israe masare.

25 Sa yero Ñu tiquiro buhe bato tiato pano, tiquiro yariato pano ohõ saha ni yahue tiri jiri: “¿Noa boro ijiajari yuhh, m̄sa tahotugũ? Cristo ijieraja yuhh. Apegũ ijiaja. Yuhh sa ijiepegũ tahoya yuhh̄re. Yuhh bato yuhh yuhdhooro tutuariquiro ahtarota. Tiquiro quehnoa yuhd̄riiquiro ijire. Tiquiro yero saha ijieraja yuhh”, ni yahuahye Ñu masare.

26 'Yuhh acaye, Abrahã panamena iji turiana, Israe masa ijiena gũh̄ ijipihtina mari Pac̄re ño peona, marine ahri tiquiro yuhdhoatire yahuri buheyere ohori jiri mari Pac̄.

27 Jerusalẽ cjẽna tiquina p̄h̄toa mehna saurũ decori ijigũ Cohãcjũ yere yahu m̄htariquina tiquina ojoarire buhepeta quehnoano

masiedari jiri. Sa masie-daye, Jesu tiquinare yuhdhoatiquiro tiquiro ijigũ gũh̄re masiedari jiri. Tiquina sa masiedapeta Jesure wejẽ dutiahye. Sa yeye Cohãcjũ yere yahu m̄htariquina tiquina ojoariro sahata yeye niahye.

28 Tiquirore tiquina wejẽato pano tiquina Jesure yahusãmahye. Sa ye tiquiro ñañene yerapegũta tiquina Pilatore Jesure wejẽ dutiye tee, siniahye.

29 Sa ye panop̄u tiquina ojoariro sahata Jesure ye tuhasa, tiquirore curusap̄u ijiriquirore ne dijio, masa coper̄u utãre tiquina seheri coper̄u cũahye tiquirore.

30 Sa ijiepegũta tiquiro yari-ari bato Cohãcjũ masori jiri tiquirore.

31 Sa ye Galileap̄u ahtariquina Jerusalẽp̄u tiquiro mehna esariquina peye decori tiquirore yaria masa bajuariquirore ihñae tiahye. Sa ye yojop̄re tiquirore tiquina ihñarire masare yahuri tiquina.

32-33 'Sa yena quehnoañe buheyere yahuaja usã m̄sare. Cohãcjũ mari ñec̄sm̄h̄re

“Masare quehnoano yeitja”, panop̄u tiquiro nidiro sahata yojop̄re marine tiquina acayere yeri. Tire tiquiro yahurire ohõ saha yeri tiquiro. Cohãcjũ Jesure masori jiri. Sa yena Jesure tiquiro masorire yahuaja m̄sare. P̄h̄aro Salmop̄u panop̄u tiquina ojoariro

sahata sa wahari jiri. “Mũhu yũhu macũ ijire. Miare mũhũre bajuagũ yei’, nine Cohãcjũ tiquiro macũnore”, ni ojoahye panopũre.

³⁴ Sa yero Cohãcjũ Jesure tiquiro masoatire pari turi tiquiro yarieratire yahuyuro ohõ saha ni, yahu ojoahye Salmore ojoariquiro. “

‘Davire yũhu paja ihñariro sahata tiquirore yũhu nidiro sahata potota quehnoano yegũtja mũhu gãhũre’, nidi Cohãcjũ”, ni ojoahye.

³⁵ Sa yero ape Salmo gãhũre ohõ saha ni, yahuahye: “Cohãcjũ mũhu cahacjãno quehnoariquiro tiquiro pagũre ahba dutierare mũhu”, ni, ojoahye.

³⁶ Sa yero Davi Cohãcjũ tiquiro cahmediro sahata tiquiro ijiri pje cjẽnare yedoahye. Came tiquiro yariaa wahahye. Tiquiro yariari bato tiquiro pacũsumũare tiquina yeriro sahata yahye tiquiro gãhũre. Sa yero tiquiro ahbaa wahahye.

³⁷ Tiquiro sa ahbaepẽgũta ahriquiro, Cohãcjũ tiquiro masoriquiro pehe ne ahbaerari.

³⁸ Sa yena mũsa yũhu acaye ahrire masiña: Cohãcjũ mũsa ñañene tiquiro cohãtire mũsare yahuaja usã. Jesu pehe ñañene cohãtiquiro ijire.

³⁹ Sa yero tiquirore wacũ tutuayequinare tiquiro tiquina ñañe yerire borota. Moiserre Cohãcjũ cũri dutiyere mũsa yeri mehna Cohãcjũ cahapũ wahasi mũsa. Sa yero dutiyere yeye mehna

yũhũ duayequinare tiquina ñañene cohãsi Cohãcjũ.

⁴⁰ Sa yena quehnoano yeya. Mũsa quehnoano yeragũ Cohãcjũ yere yahu mũhtariquina tiquina ojoariro sahata mũsare wahaboaga. Ohõ saha ni ojoahye:

⁴¹ Tũhoya mũsa. Ñano ni bujũpena, yũhũre ihña tuhtina ijire mũsa. Yũhu ohõ saha yegũ cueya mũsa. Sa yena butia wahaya. Mũsa ijiye decorire Cohãcjũ tutuaye mehna mũsare ye ihñogũtja. Yũhu sa ye ihñogũ ihñaepenata “Ijirota ijire”, nisi mũsa. Apequiro tire mũsare tiquiro quehnoano yahuepẽgũta “Ijirota ijire”, nisi mũsa, ni ojoahye Cohãcjũ yere yahu mũhtariquiro, ni yahuahye Pablo tiquinare.

⁴² Tiquiro sa ni yahuri bato judio masa buheri wũhũpũ tiquina wijiari bato masa tiquirore tũhoriquina pehe tiquinare siniahye:

—Ape semanapũ saurũ ijigũ usãre ahrire buheya tja, ni siniahye tiquina Pablo gãhũre.

⁴³ Sa ye ti wũhũpũ ijiriquina wijia, judio masa peyequina, judio masa ijieyequina gãhũ Pablo gãhũ mehna wahahye. Judio masa ijieyequina judio masa yere buheyequina

ijiahye. Tiquina sa wahagū Pablo, Bernabé mehna quehnoano yahuahye tiquinare. “Cohācjū mūsare cahñe. Sa yena tiquirore ño peoducuya”, ni buheahye tiquina.

44 Sa ye ape semanare saurú ijigū ijipihtiyequina Jesu yere tūho duayequina cahmecoahye.

45 Sa yepegūta judio masa pehe peyequina masare Jesu yere tūho duayequinare ihñañe, ihña tuhtiahye. Sa ihña tuhtiye tiquina sijoro ni yahuducu, Pablōre ñano quti dojomehneahye. “Mūsare tiquiro buheye poto ijierare”, niahye tiquina.

46 Tiquina sa nigū tūhoye, Pablo, Bernabé mehna tiquinare quti dojomehnediquinare cuero marieno yahuahye:

—Cohācjū tiquiro dutiro sa hata mūsare buhe mūhtami usā. Usā sa buhepegūta mūsa pehe tire cahmeda tuhasari. Ijipihtiye decori Cohācjū mehna ijiye gūhure cahmeda tuhasari mūsa. Sa yena usā pehe judio masa ijieyequina pehere buhe dūcanatja.

47 Sata dutiahye mari pūhtoro usāre:

“Mūsa judio masa ijieyequinare buhena tiquinare Cohācjū yere quehnoano masigū yenata mūsa. Sa yegū mūsa yoaropū ijieyequinare mūsa buhegū tūhoyequinare tiquina pehere pecapū

wahaboriquinare yahduogutja yūhū”, ni yahuahye usāre Cohācjū, ni yahuahye Pablo, Bernabé mehna.

48 Tiquina sa nigū tūhoye judio masa ijieyequina pehe bucueahye. “Cohācjū ye pehe quehnoañe ijire”, niahye tiquina. Sa ye Cohācjū tiquiro cahmeñequina ijipihtiye decori tiquiro mehna tiquina ijiatire tiquiro oho duariquina Jesure wacū tutua dūcahaye.

49 Sa ye mari pūhtoro Cristo yere ti yehpapūre yahu pehoahye.

50 Tiquina sa yahugū ihñañe judio masa coerahye. Topū mari Pacūre ño peoye numia, quehnoañe numia ijiahye. Sa ye judio masa Pablo gūhure ñano ni yahu wajahye. Tiquina sa ni yahu wajagū tūhoye ti numia Pablo mehna, Bernabé mehna gūhure usuahye. Sa ye ti maca cjēna pūhtoa gūhū tiquina mehna usuahye. Sa usuaye to cjēna ñano yeahye Pablo gūhure. Tiquina sa yeri bato Pablo gūhure tiquina ya yehpapū ijieyequinare cohā wioahye.

51 Tiquina sa yegū ihñañe Pablo, Bernabé mehna tiquina dahpocāri cjē dihta wahārire wejē site boro cūahye ti maca cjēna tiquina ñañe buhirire ihñoñe. Sa ye tuhasa tiquina Iconiopū wahaa wahahye.

52 Sa ye tiquina Jesu yequina pajiro bucueye,

Espíritu Santo pajiro cayo, tiquiro dutiro sahata yeyequina ijiahye.

14

Pablo, Bernabé mehna Iconiopu ijiahye

¹ Sa ye Pablo, Bernabé mehna judio masa buheri wuhupu sajā, Jesu yere yahuahye. Sa ye judio masa peyequina Jesure wacū tutua ducahye. Sa ye judio masa ijieyequina gāhu Jesure wacū tutua ducahye.

² Sa ijiepegūta judio masa Jesure cahmedariquina gāhu tiquina mehna ijiahye. Tiquina judio masa ijieyequinare usuagū yehye. Jesu yequina mehna tiquinare usuagū yehye judio masa pehe. Tiquina sa yegū judio masa ijieyequina ñano tūhotuahye Jesu yequinare.

³ Tiquina sa tūhotugū ihñañe Jesu yequina Pablo, Bernabé mehna topu yoari pje ijiye, cuero marieno mari pūhoro yere quehnoano buheahye. Cohācjū masare tiquiro cahñene buheahye. Tiquina sa buheri watoa Cohācjū tutuaye mehna ye ihñoahye, “Ahri buheye ijirota ijire”, niñe.

⁴ Sa ijiepegūta ti maca cjēna deco mehna judio masa yere cahmeñequina tojoahye. Deco mehna Jesu yere cahmeñequina gāhu tojoahye. Tiquina puā curua tojoahye.

⁵ Sa ye judio masa ijieyequina, judio masa,

tiquina pūhota mehna Jesu cūriquinare ñano yemahye. Utā paca mehna doque wejē duamahye tiquinare.

⁶ Tiquina sa ye duarire masiñe, Pablo, Bernabé mehna Licaonia yehpapu duhti cāa wahahye. Ti yehpapu ijiri maca Listra wame tiri macare yūhdū cā, Derbepu esahye.

⁷ Topu esaye, quehnoañe buheyere buheahye tiquina.

Listrapu Pablora utā paca mehna doqueahye

⁸ Sa ye Listrapu tini masieniquiro ijiahye. Tiquiro wahma masa bajaroputa tini masieniquiro ijiahye.

⁹⁻¹⁰ Sa yero tiquiro Pablo buhegū tūhoahye. Tiquiro tūhori watoa Pablo pehe tiquiro dihitare ihñahye.

—Ahriquirō Jesure wacū tutuare. Sa yero tiquiro quehnoariquirō waha duare, ni tūhotuahye Pablo.

Sa ni tūhoturo tutuaro mehna ohō saha niahye Pablo tiquirore:

—Wahcādūcaya, niahye Pablo tiquirore.

Tiquiro sa nigū tūhorota tini masieniquiro pehe uhpuđca sa, wahaa wahahye.

¹¹ Pablo sa yegū ihñañe masa sañuducuahye. Tiquina Licaonia ye mehna sañuducuahye.

—Cohāmana, masa saha bajuyequina ūhmūsepū ijiyequina mari cahapu dijia tari jiri, ni sañuducuahye tiquina.

¹² Sa ye tiquina Bernabé “Zeus”, ni, pisuahye. Sa ye

Pablo buhe m̄htariquiro p̄hutoro yero saha tiquiro ijigū ihñañe “Hermes”, ni, pisuahye tiquina tiquirore.

13 Sa yero Zeure ño peoyequina ya w̄h̄h̄ ti maca d̄ht̄h̄ cahap̄h̄ ijiahye. Sa yero Zeus yequina tiquina yaquiro pahi pehe wec̄h̄are, cohorī mehna macap̄h̄ sajā tari sopecaha cahap̄h̄ ne cāhtahye. Zeure ño peo duaro wec̄h̄are oho duamahye. Sa yero tiquiro wec̄h̄are ʷj̄h̄a m̄h̄oñe mehna Pablōre, Bernabére ño peo duamahye tiquiro, masa mehna.

14 Tiquina sa yegū ihñañe Pablo, Bernabé mehna tiquina basi tiquina ye suhtire t̄hr̄ēdoqueohaye tiquina b̄j̄h̄a witiyere masare ihñoñe tehe. T̄hr̄ēdoqueo tuhāsa masa watoa oma cā, sañuducuahye tiquina:

15 —M̄h̄sa ohō saha yeracāhña. ʷsā ḡh̄h̄ m̄h̄sa yero sahata masa ijiaja. M̄h̄sa ohō saha yeye ne d̄h̄seati ijierare. Sa yena m̄h̄sare buhena ahtāh̄ m̄h̄sa ohō saha yeyere duhu dutina tana. Ahriquina cohāmanare m̄h̄sa yeriquinare ñañequinare cohāña. Sa yena Cohācj̄ure catiriquiro pehere ño peoya. Cohācj̄ū pehe ʷhm̄sere, yehpare, pajiri mare ijipihtiyere yeriquiro ijire.

16 Sa yero tiquiro panop̄h̄ ijipihtiyē macari cj̄ēna tiquina yerire sa ihña cāhye.

17 Sa yeperota tiquiro ijiye tiyere ihñore masare. Tiquiro masare quehnoañene ye,

acoro ahtagū ye, d̄h̄ca tigū ye, masare ihyayere ohoducure. Tiquiro sa ohogū masa bucuere. Sata tiquiro ijiye tiyere ihñore masare, niahye Pablo, Bernabé mehna.

18 Tiquina sa nigū t̄h̄hoepeta masa wec̄h̄are wejē ʷj̄h̄a m̄h̄o, tiquinare ño peo duamahye. Sata tiquina ño peo duagū ihñañe tiquinare sa ye dutierahye Pablo ḡh̄h̄. Tiquina sa yeyere duhu duerapeta duhuahye.

19 Sa ye apequina judio masa Antioquía cj̄ēna, Iconio cj̄ēna ḡh̄h̄ Listrap̄h̄ esahye. Top̄h̄ esaye, Pablōre ñano yahuducuahye judio masa. Tiquina sa ni yahuducugū t̄h̄oye, masa tiquiro mehna usuahye. Sa usuaye ʷt̄ā paca mehna doqueahye tiquirore. ʷt̄ā paca mehna tiquirore doque tuhāsa “Ahriquiro yariaa wahare”, niñe, ti maca d̄ht̄h̄ cahap̄h̄ tiquirore weje sa cū cā, wahaa wahahye.

20 Tiquina sa yeri bato Jesu yequina Pablōre ihñañe esahye. Tiquiro cahap̄h̄ tiquina cahmecoadāca sagū waro Pablo wahcād̄h̄ca, tiquina mehna macap̄h̄ tojoaa wahahye. Sa ye ape decop̄h̄ tiquiro Bernabé mehna Derbep̄h̄ wahahye.

21 Sa ye top̄h̄ tiquina quehnoañe buheyere peyequina masare yahuahye. Sa ye peyequina Jesu yequina tiquina wahari bato, Pablo ḡh̄h̄ Listrap̄h̄ esa, ti macare ȳh̄d̄h̄ cā, Iconiop̄h̄ esa,

ti macare yuhdu cã, Antioquíapũ Pisidia yehpapũ ijiri macapũ esa, ti macapũ tojoahye.

²² Ti macaripũ esaye to cjẽna Jesu yequinare quehnoañe buheyere yahuye, tiquinare quehnoano jeripohna tigũ yeahye. Sa Jesure wacũ tutuaducu dutiye ohõ saha ni yahuahye tiquinare:

—Cohãcjũ ijiropũre mari waha duana, tutuaro marine ñano yuhduro cahmene, ni yahuahye Pablo gũhũ.

²³ Sa ye macaripe cjẽnare Jesu yequinare tiquina pũhtoa ijiatire cũahye Pablo, Bernabé mehna. Sa ye tiquina sijiri bato Cohãcjũre siniahye:

—Pũhto, ahriquina mũhũ yequinare ihña ihboya, ni sini basahye tiquina Cohãcjũre, tiquina wacũ tutuariquirore.

Pablo Bernabé mehna Antioquíapũ tiquina iji mũhtari macapũ tojoaa wahahye

²⁴ Tiquina sa yeri bato tiquina Pisidia yehpapũ ijiriquina waha wahahye Panfilia yehpapũ.

²⁵ Sa ye Pergepũre tiquina buhe tuhassa, Atalia wame tiri macapũ waha wahahye.

²⁶ Sa ye ti macapũ esa, Antioquíapũ tojoaye, yucusa mehna waha wahahye. Ti macapũta panopũ tiquina ijinigũ Jesu yequina Cohãcjũ yere buhe dutiye Pablo gũhũre ohoahye. Sa ohoye, ohõ saha niahye:

—Cohãcjũ mũhũ cahñe mehna ahriquinare ihña ihboya, ni ohoahye tiquina.

Sa ye tiquina buhe dutirire buhe pehoahye Pablo, Bernabé mehna.

²⁷ Sa ye tiquina Antioquíapũ tiquina tojoa sari bato Jesu yequina mehna cahmecoa, Cohãcjũ tutuaye mehna tiquina yerire yahu pehoahye tiquina. Judio masa ijieyequina gũhũ Cohãcjũ yequina tiquina waharire yahuahye tiquina.

²⁸ Sa ye Pablo gũhũ topũre Jesu yequina mehna yoari pje ijie tiahye.

15

Jerusalẽpũ Jesu yequina cahmecoahye

¹ Sa ye Judea yehpa cjẽna meheñequinagã Antioquíapũ esaye, Jesu yequinare ohõ saha ni buhe dũcahye tiquina:

—Cohãcjũ dutiyere Moisere cũno ohõ saha ni cũahye. Ijipihtiequina tiquina cuhnucunũ sohtoa cahserogãre tiquina yũhre neatire yahu cũahye Moisere. Mũsa tire yeragũ Cohãcjũ mũsare yuhduosi, ni buheahye tiquina to cjẽnare.

² Sa ni buheye Judea yehpa cjẽna pehe cahme dũse tini wiahye Pablo, Bernabé mehna. Tiquina sa cahme dũse tini wiari bato Jesu yequina pehe Pablora, Bernabére apequina to cjẽna gũhũre Jerusalẽpũ ohoahye. Judea yehpa cjẽna tiquina buherire Jesu cũriquinare,

Jesu yequina p̄h̄toa ḡh̄ure sinitu dutiye ohoahye Pablo ḡh̄ure.

3 Sa ye Jesu yequina tiquinare ohogū waha, Fenicia yehpare esa, ȳh̄d̄m̄ cā, Samaria yehpap̄m̄ esahye. Ti macarip̄m̄ esaye, judio masa ijieyequina Cohācjū yere tiquina cahme d̄m̄carire yahuahye tiquina to cjēnare. Tiquina sa yahugū t̄h̄oye to cjēna Jesu yequina tutuaro bucueahye.

4 Sa ye tiquina Jerusalēp̄m̄ esagū ihñāne to cjēna Jesu yequina tiquiuro cūriquina, tiquiuro yequina p̄h̄toa mehna bucueye mehna quehnoano piti cahye tiquinare. Sa ye Pablo, Bernabé mehna Cohācjū tutuaye mehna tiquina yerire yahuahye tiquina Jerusalē cjēnare. Judio masa ijieyequina Jesu yequina tiquina wahari ḡh̄ure yahuahye tiquinare.

5 Sa ijiepegūta top̄m̄ fariseo masa Jesu yequina meheñequinagā ijiahye. Sa ye tiquina top̄m̄re wahcād̄m̄ca, ohō saha ni yahuahye:

—Tiqinare judio masa ijieyequinare tiquina cuhnucun̄m̄ sohtoa cahserogāre ȳh̄re neno cahmene. “Cohācjū Moiserere tiquiuro dutirire yeya m̄sa ḡh̄m̄”, nino cahmene tiquinare, niahye tiquina fariseo masa ḡh̄m̄.

6 Tiquina sa nigū t̄h̄oye Jesu cūriquina, Jesu yequina

p̄h̄toa mehna tiquina sa ni-dire quehnoñe tehe, cahme-coahye.

7 Sa ye peye tiquina yahuducuri bato Pedro wahcād̄m̄ca yahuahye tiquinare:

—Ȳh̄m̄ acaye, panop̄m̄ ȳh̄m̄re m̄sa mehna ijiriḡm̄re Cohācjū ohō saha ye dutiro ȳh̄m̄re cūri. Tiquiuro ȳh̄m̄re quehnoñe buheyere judio masa ijieyequinare yahu dutiro cūri. Tiquinare Jesure wacū tutua dutiro ȳh̄m̄re tiquinare buhe dutiri.

8 Sa yero Cohācjū masa t̄h̄otuyere masine. Sa yero tiquiuro judio masa ijieyequinare tiquiuro yequina tiquiuro yerire ihñono taro Espiritu Santore ohori tiquinare, marine tiquiuro yeriro sahata.

9 Sa ohoro tiquiuro marine tiquina ḡh̄ure ihcāno saha quehnoano yeri. Tiquiore tiquina wacū tutuagū tiquina ñañene bori tiquiuro.

10 Mari pehe Cohācjū Moiserere tiquiuro cūri dutiyere ye peho masiedaja. Sa ye mari ñecus̄m̄m̄a m̄na ḡh̄m̄ ti dutiyere ye peho masiedahye. ¿Sa mari ye masiedapegūta d̄h̄se yena Jesu yequinare judio masa ijieyequinare tire ye duti duajari m̄sa? Sa ye dutina Cohācjū tiquinare tiquiuro yerire “Queoro wa-haerare”, nina niaga m̄sa.

11 M̄sa sa niepegūta ohō saha ḡs̄a t̄h̄otuaaja. Yojoḡm̄re judio masa ijieyequina yero sahata mari ḡh̄ure mari

pūhtoro Jesu cahĩñe mehna Cohācjū yahũdorota, niahye Pedro tiquinare.

12 Tiquiro sa nigū tuhoye ijipihtiyequina dihta maria wahahye. Sa ye Pablo, Bernabé mehna judio masa ijieyequina watoa Cohācjū tutuaye mehna tiquina ye ihñorire yahuahye tiquinare.

13 Sa tiquina yahu tuhasari bato Santiago yahuahye.

—Acaye, tuhoya yahũre.

14 Cohācjū judio masa ijieyequinare tiquiro yequina wahagū yeahye. Coā tiquinare sa wahagū yeahye. Tire yahu tuhasari marine Pedro pehe.

15 Panopũ cjēna Cohācjū yere yahu mūhtariquina tiquina yahuriro sahata sa wahari judio masa ijieyequinare. Ohō saha ni mari Pacũ yere ojoahye tiquina:

16 Panopũ Davi mūnano ya curua cjēna tiquina pūhtoa tiquina ijiri pihitia wahari. Came tojoa taũtja yahũ. Sa yegũ pari turi Davi ya curua cjūnore pūhtoro sōutja.

17 Yahũ sa yeri bato ijipihtiyequina apequina judio masa ijieyequina yahũre tiquina pūhtore cahmeeta tiquina. “Yeequina ijiya”, yahũ ni pisuriquina pehe yahũre cahmeeta.

18 Sata nine mari pūhtoro. Panopũ tiquiro ahrire masare yahue tiri jiri, ni ojoahye Cohācjū yere yahu mūhtariquina.

19 ‘Sa yegũ ohō saha tuhotaaja yahũ. Judio masa ijieyequinare Cohācjū yere wahma cahme dũcayequinare peye ye dutieracāhna mari.

20 Sa dutierapenata tiquinare ojoa ohouhna mari. Ohō saha ni, ojoa ohouhna. “Ñañe ihyayere, ‘Cohācjū ijire’, tiquina nimesi queoyere ño peo tiquina duhu peori ihyayere ihyeracāhña. Sa yena wũana tieracāhña. Sa yena wamũa tiquina ñehe wejēdiquinare wahiquinare ihyeracāhña. Diire sihniedacāhña”, ni yahu ojoa ohouhna.

21 Yoari pje judio masa buheye wahũsepũ saurú ijigũ Cohācjū Moiserere tiquiro cūri dutiyere buhee tiri masa. Sa ye ijipihtiyē macaripũ Moise tiquiro yahuyere buhee tiri. Sa yena yahũ nidiro sahata judio masa ijieyequinare Jesu yequinare ojoa ohouhna, judio masa pehe tiquina mehna “Usuari”, nina, niahye Santiago.

Judio masa ijieyequinare Jesu yequina pūhtoa ojoa ohoahye

22 Ti pjere Jesu cūriquina, Jesu yequina pūhtoa ijipihtiyequina Jesu yequina mehna pũaro tiquina mehna cjēnare beseahye tiquina ohoatiquinare. Antioquíapũ Pablo, Bernabé mehna wahatiquinare tiquinare bese ohoahye. Sa ye tiquina Judare, Sila mehna ohoahye. Juda pehe Barsaba pũaro

wame wame tiahye. Tiquina acaye Jesu yequina tiquinare ño peohye.

²³ Tiquinare tiquina beseri bato Jesu yequina ojoari pũre ohoahye tiquina mehna. Ohõ saha ni ojoahye tiquina:

—Jesu cũrina, tiquiro yequina pũtoa, m̄sa acaye Jesu yequina mehna us̄a quehnoa dutiaja m̄sare. Ijipihina judio masa ijenare Antioquíap̄u, Siriap̄u, Ciliap̄u ijinare m̄sare Jesu yequinare quehnoa dutiaja us̄a.

²⁴ Us̄a mehna cj̄ena m̄sa cahap̄u esaye, m̄sare peye dutiyere ye dutiñohti. Sa ye m̄sare cariboñohti. Tiquina sa dutiepeḡta us̄a pehe tiquinare tire buhe dutina ohoer̄u.

²⁵⁻²⁶ Sa yena us̄a ijipihina ihc̄ano mehna m̄sa cahap̄u ohoatiquinare us̄a besei. Mari cahĩnequinare Pablo, Bernabé mehna Cristo Jesu mari pũtoro yere cuero marieno tiquina buheḡu peye tahari apequina tiquinare wej̄mahye. Tiquina sa wej̄ duaḡu mehenoḡa mehna yah̄duahye tiquina. Tiquina mehna us̄a beseriquinare yojop̄are ohoaja.

²⁷ Sa yena Judare, Sila mehna m̄sa cahap̄u ohoaja. Us̄a ojoarire tiquina pehe m̄sare yahueta.

²⁸ Esp̄ritu Santo wacũno sahata us̄a ḡuh̄u tũhotuaja. Ohõ saha ijire ti: Apeye dutiyep̄are cũedaja m̄sare. Ahri dutiye dihitare cũnatja

m̄sare:

²⁹ Ñāne ihyayere, “Coh̄ac̄jũ ijire”, tiquina nimed̄i queoyere ño peo tiquina duhu peori ihyayere ihyerac̄ah̄ña. Diire sih-niedac̄ah̄ña. Wam̄ua tiquina ñehe wej̄ediquinare wahiquinare ihyerac̄ah̄ña. Sa yena w̄hana tierac̄ah̄ña. Ahri yuh̄u ye dutierarire yerana quehnoañene yena ninata m̄sa. To puno tjire m̄sare us̄a yahu duaye, ni ojoa ohoahye Jesu yequina Jerusal̄ep̄u ijiyequina.

³⁰ Ti pũre ojoa tuhasa, ohoahye Antioquíap̄u wahayequinare. Tiquina ohoi bato waha, Antioquíap̄u esahye. Top̄u tiquina esari bato peyequina masare cah-mecoa duti, tiquina ojoari pũre wiahye tiquinare.

³¹ Ti pũre tiquina buheri bato quehnoañene tiquina yahuḡu tũhoye, quehnoano bucueahye.

³² Sa ye Juda, Sila mehna Coh̄ac̄jũ yere yahu mahtariquina ijiye, yoari pje Jesu yequinare Coh̄ac̄jũ yere yahuahye. Tiquina sa yahuḡu tũhoye, Jesu yequina pehe bucue, quehnoano jeripohna tiahye.

³³ Sa ye Juda, Sila mehna top̄u meheñe decoriḡa tiquina ijiri bato tiquina tojoa taḡu to cj̄enare tiquina cohe tiḡu, “Quehnoano wahaya m̄sa”, niahye Antioquía cj̄ena. Sa ye Juda ḡuh̄ure ohoriquinare quehnoa dutioahye. Tiquina sa nidi bato Juda pehe tojoaa wahahye.

34 Sa ijiepegūta Sila pehe topata tojoa cāhye Antioquíapata.

35 Sa ye Pablo, Bernabé gūhū meheñe decorigā tojoarīahye ti macapū. Sa ye tiquina apequina peyequina mehna Jesu yere buheahye.

Pari turi Pablo quehnoañe buheyere buhe tinino wahahye

36 Sa ye meheñe decorigā bato Pablo, Bernabé mehna yahuducuahye:

—Ijipihtiyequinare mari buhe ducariquinare ihñana wahañhna tja, niahye Pablo gūhū tiquina basi.

37 Sa yero Bernabé pehe Ñure tiquina mehna nea duamahye. Ñu Marco pūaro wame wame tiriquireo ijiahye.

38 To pano tiquireo tiquina mehna Panfiliapū esaro tiquina mehna tojoerahye. Tiquireo yerire ihcāno sahaeraro, tojoaa wahahye. Tiquireo ihcāno sahaeragū ihñano Pablo pari turi tiquireo nea duerahye.

39 Tiquireo nea dueragū ihñano Bernabé Pablo mehna pūaro tiquina basi cahme yahuducu cahme tu wahye. Bernabé pehe Chipre wame tiri nucupū Marco mehna pehāa wahahye.

40 Pablo pehe Sila mehna piti ti cā, wahahye. Sa ye tiquina buheye wahato pano Jesu yequina tiquireo ohoye, “Cohācjū musare quehnoano ihña ihboahro”, niahye. Tiquireo sa nidi bato

Pablo, Sila mehna wahaa wahahye.

41 Sa wahaye, Siria yehpapū, Cilicia yehpapū gūhūre esaye, topū Jesu yequireo quehnoano jeripohna ti bucugū yeahye tiquireo.

16

Timoteo Pablo mehna wahahye

1 Tiquireo sa yeri bato Pablo gūhū Derbepū, Listrapū esaye, Timoteo boca sahye. Timoteo Jesu yaquireo ijero, judio masono macāno ijiahye tiquireo. Tiquireo pacoro gūhū Jesu yacorota ijiahye. Tiquireo pacuro pehe griego masāno ijiahye.

2 Sa ye Litra cjēna, Iconio cjēna Jesu yequina ohō saha niahye Timoteo: “Timoteo masa quehnoariquireo ijire”, ni yahue tiahye.

3 Sa yero Pablo Timoteo nea duahye. Sa ijiepegūta ti yehpa cjēna judio masa pehe Timoteo pacuro griego masāno tiquireo ijigū masiahye. Sa yero Pablo judio masare “Usuari”, nino, Timoteo cuhnucunū sohtoa cahserogāre yahre neahye. Judio masa dutiye nidiro sahata yeahye.

4 Tiquireo sa yeri bato tiquireo esari macari cjēnare tiquireo dutiyere ojoari pū cjēne yahuahye. Ti pū Jesu cūriquina, tiquireo yequina pūhtoa mehna Jerusalēpū ijieyehna tiquireo ojoari pū ijiahye. Sa ye ti dutiyere quehnoano yahuahye to cjēnare Jesu yequireo.

⁵ Tiquina sa yahugũ tuhoye Jesu yequina pehe Jesure wacũ tutua nemoahye. Sa ye Jesu yequina decoripe peyequina wahaducuahye.

Pablo quehẽnopu Macedonia cjãnore ihñahye

⁶⁻⁷ Sa yero Asia yehparu pehere quehnoañe buheyere buhe dutierahye Espiritu Santo tiquinare. Sa ye tiquina Frigia yehpare yũhũa, Galacia yehpare yũhũa, Misia yehpa dũhtũ cahapu esahye. Bitinia yehpa pehe waha duamahye. Tiquina waha duepegũta Espiritu Santo pehe tiquinare topure waha dutierahye.

⁸ Tiquiro sa nidi bato tiquina pehe Misia yehpare yũhũa, Troapu wihiri.

⁹ Topu tiquiro wihiri bato ohõ saha quehẽahye Pablo. Macedonia yehpa cjãno tiquiro caha ducugũ ihñahye tiquiro. “Usãre Macedonia yehpa cjãnare yedohogu ahtaya”, ni, pijiahye tiquiro Pablore.

¹⁰ Tiquiro quehẽdi bato wahcã, usã yere quehno tuhasa, Macedoniaru waha wahau usã. “Cohãcjũ ti yehpare quehnoañe buheyere buhe dutiro nine marine”, ni tuhottuu usã.

Pablo, Sila mehna Filiporu ijiahye

¹¹ Sa yena usã Troapu ijina yucusa mehna Samotracia wame tiri nũcũopu pehã sau usã. Sa yena ape deco Neapolipu wahan usã.

¹² Ti macare yũhũ cãna Filiporu Roma cjẽna ya macapu esau usã. Ti maca Macedonia yehparu ijiri maca ijiri. Ihyo ijiri maca ijierari. Topure meheñe decorigã usã ijii.

¹³ Sa yena saurũ ijigũ usã ti maca dũhtũ cahapu, dia dũhtũ cahapu esau. Topu Cohãcjũ mehna tiquina yahuducuro ijiri. Topu dujina topu cahme-coañe numia mehna yahuducuu usã.

¹⁴ Ihcãcoro usãre tuhoricoro Tiatira cjõno Lidia wame tiricoro ijiri. Sa yero ticoro quehnoañe suhti wapa tiye suhtire duaricoro, mari Pacure ño peoricoro ijiri. Sa yero Pablo yahuyere quehnoano tuhogũ yeri Cohãcjũ ticorore.

¹⁵ Sa ye ticorore, ticoro ya wũhũ cjẽna mehna wame yeri Pablo. Tiquiro sa wame yeri bato ohõ saha nidi ticoro:

—“Jesu yacoro tjire mahũ gũhũ”, nine mũsa yũhũre. Sa yena ya wũhũru sajã tariña mũsa. Yũhũ mehna tojoarĩna, nidi ticoro usãre.

Ticoro sa nigũ tuhona ticoro ya wũhũru tojoarĩ usã.

¹⁶ Ape deco Cohãcjũ mehna tiquina yahuducuroru usã wahagũ watĩnore cũoricoro piti cari usãre. Ticoro apequina cahacjõno ijiri. Sa yero ticoro masare “Ohõ saha waharota mũsare”, ni, yahuyuricoro ijiri. Sa yahuro pajiro wapata basari ticoro puhtoare.

¹⁷ Sa yero Pablo mehna usã wahagũ, usãre nũnũ tã, sañuducuri ticoro:

—Ahriquina Cohãcjũ tu-tua yũhdũariquiro yedo-horiquina ijire. Mari yariari bato Cohãcjũ marine tiquiro quehnoano yũhdũoatire yahure tiquina, ni sañuducuri ticoro.

¹⁸ Peye decori sa ni cariboducuri Pablöre. Sa yero pari turi ticoro sa ni sañuducugũ tũhoro Pablo majare ihña, ohõ saha nidi watĩnore:

—Jesucristo tutuaye mehna dutiaja mũhũre. Ticorore duhuya. Waharĩsa mũhũ, nidi Pablo.

Tiquiro sa nigũta watĩno pehe wahaa wahari.

¹⁹ Tiquina sa yeri bato ticoro pũhũa pehe niñeru ticoro wapataericoro wahagũ ihñañe, tiquina Pablöre, Sila mehna ñehedi. Ñehe tuhasa, tiquinare neari ti maca decorũ pũhũa cahapũ.

²⁰ Sa ne cã, buhiri dahre dutiyequina cahapũ cũri tiquinare.

—Ahriquina judio masa mari ya maca cjẽnare cariboye nine.

²¹ Tiquina mari dutiyere cohã dutiye, apeye buheyere buheye nine. Mari ye dutiyere yũhdũdcagũ ye duaye nine. Mari Roma cjãna ijina ahriquina yahuye pehere ye masiedaja mari. Sa yena tiquina buheyere mari cahmedaja, nidi ticoro pũhũa buhiri dahre dutiyequinare.

²² Tiquina sa nigũ tũhoye masa peyequina Pablo gũhũ mehna usua yũhdũa wahahye. Sa ye buhiri dahre

dutiyequina pehe Pablo gũhũ suhtire tiquina tũhrẽ cohãri bato daye cjũgã mehna tana dutiri tiquinare.

²³ Tutuaro tana tuhasa peresu yeri tiquinare. Tiquina sa peresu yeri bato peresu ijiyequinare cohteriquirore quehnoano ihña ihbo dutiahye tiquina.

²⁴ Tiquina sa dutiri bato tiquinare cohteriquiro pehe ti wũhũ puhia cjã tucũpũ tiquinare cũ, taboa mehna tiquina dahpocãrine biha cũahye.

²⁵ Ñami deco Pablo, Sila mehna Cohãcjũre sini, tiquirore basa peoahye. Tiquina sa basagũ tũhoahye apequina peresupũ ijiyequina.

²⁶ Tiquina sa ni basagũta ti wũhũ tutuaro ñuhmiahye. Sa ñuhmigũ ihcãno mehna ijipihitiye sope pahmari parĩa wahahye. Sa ye peresupũ ijiyequinare tiquina dũhteri dari come dari suru site dijiaa wahahye.

²⁷ Sa wahagũ ihñano ti wũhũre cohteriquiro pehe “Peresu ijiyequina duhti tuhasari jiri”, ni tũhotumahye. Sa ni tũhoturo tiquiro ñoseni pjĩne nedoqueo tiquiro basi ñosemahye.

²⁸ Tiquiro sa yegũ ihñano Pablo tiquirore tutuaro sañuducu ohõ saha niahye:

—Mũhũ basi ñano yeracãhña. Ijipihtina ohõre ijiaja usã, niahye tiquiro tiquinare cohteriquirore.

²⁹ Tiquiro sa nigũ tũhoro

tiquinare cohteriquiro pehe sihã duti, tiquina cahapũ oma cã, Pablo, Sila tiquina dah-pocãri cahapũ nanare doque quehe sahye tiquiro.

³⁰ Sa yero tiquiro tiquinare ti tucũpũ ijiyequinare ne wijia, sinituahye:

—¿Dũhse yeagari yãhũ Cohãcjũ yaquiro iji duagũ? ni, sinituahye tiquiro.

³¹ —Jesucristore wacũ tutu-aya mũhũ. Mũhũ acaye gãhũ tiquirore wacũ tutuahro. Mũsa sa yegũ mũsare pecapũ wahaborinare Cohãcjũ yãhdũorota, ni, yahuahye tiquina.

³²⁻³³ Tiquina sa nidi hora ñami deco batogã iji-ahye. Tiquina sa nidi bato tiquinare cohteriquiro ya wãhũpũ neahye tiquinare. Tiquiro ya wãhũpũ ne sa, tiquina camine coseahye tiquiro. Tiquiro sa cose tuhasari bato tiquiro cohteriquiro acaye mehna ijigũ Cohãcjũ yere buheahye Pablo gãhũ. Tiquina buheri bato wame yeahye tiquinare.

³⁴ Tiquina wame ye tuhasari bato tiquinare cohteriquiro Pablo gãhũre ihyaye peoahye. Sa ye tiquiro acaye mehna quehnoañe buheyere tiquina tãhori bato tutuaro bucueahye, Cohãcjũre masi dũcaye.

³⁵ Bohrea parĩ cãhtagũ ihñañe pũhtoa pehe surarare peresu yeri wãhũpũ ohoahye Pablo gãhũre wio dutiye.

³⁶ Tiquina sa wio dutiri bato ti wãhũre cohteriquiro

Pablo gãhũre yahuahye:

—Pũhtoa mũsare wio dutiri. Sa yena cuero marieno wijiaya, niahye tiquiro Pablo gãhũre.

³⁷ Tiquina sa wio duepegũta Pablo yahuahye surarare:

—Usã ñano yerũ. Sa yena usã ne buhiri mariedaja. Ihyo warota tiquina pũhtoa pehe masa ihñonopũ yucãri mehna tanari usãre, usã Roma cjãna usã ijipegũta. Tana tuhasa peresu yeri usãre. Sa ye yojopũ masa tiquina ihñeno wio duare usãre, usãre ñano tiquina yerire “Bũoro yãhdũari”, niñe. Pũhtoa tiquina basita wioye ahtaahro usãre, niahye Pablo surarare.

³⁸ Tiquiro sa nigũ tãhoye surara pehe pũhtoare yahuye wahahye. Tiquina sa ni yahuri bato Pablo, Sila mehna Roma cjẽna tiquina ijigũ masiñe pũhtoa pehe cue niahye.

³⁹ Sa ye tiquina Pablo gãhũ cahapũ esa, ohõ saha niahye:

—Ñano yehti usã mũsare. Ne pari turi sa yesi, niahye pũhtoa Pablo gãhũre.

Sa ni tuhasa pũhtoa tiquinare peresupũ ijiyequinare wio, tiquinare ape siepũ waha dutiahye.

⁴⁰ Tiquina sa nidi bato Pablo, Sila mehna peresupũ ijiriquina wijia, Lidia wame tiricoro ya wãhũpũ wahahye. Ti wãhũpũ tiquina esari bato Jesu yequinare piti cahye. Sa ye tiquina Jesu

yequinare quehnoano buh-eye, quehnoano jeripohna tigã yeahye tiquinare. Tiquina sa yeri bato Pablo, Sila mehna wahaa wahahye.

17

Tesalónica cjēna usuahye Jesu yequina mehna

¹ Sa ye tiquina Anfipolip̄ esa, yuhduaye, Apoloniap̄ esa, yuhduaye, Tesalonicap̄ esahye tiquina. Top̄ judio masa buheri wuh̄ ijiahye.

² Semanaripe tiquiro yeriro sahata Pablo buheri wuh̄ap̄ wahae tiahye. Top̄ esa, ihtia semana waro saurú decorire tiquiro panop̄ cjē tiquina ojoarire Cohãcjū yere masare buhe, tire tiquina basi cahme yahuducue tiahye Pablo.

³ Sa yero tiquiro Cohãcjū yere yahuahye:

—Judio masa, m̄sa p̄htoro m̄sa cohteriquiro Cristo ahtahye ñano yuhduatiquiro. Sa yero tiquiro yariaa wahahye masa m̄jano taro. Sa yero ahriquirō Jesu, yuh̄ yahuriquiro, tiquiro Cristo warota ijire marine yuhduoatiquiro. Tiquirota ijire m̄sa cohteriquiro. Ohō sahata nine Cohãcjū yere tiquina ojoari p̄, ni yahuahye Pablo.

⁴ Tiquiro sa nigū t̄hoye meheñequinagã top̄ ijiyequina “Pototã ijire”, niahye. Sa ye tiquina Pablo ḡh̄ mehna wahahye. Sa ye apequina ḡh̄ griego masa peyequina mari Pac̄re ño

peoyequina pehe Pablōre t̄hoye, tiquina mehna cjēna numia ḡh̄ peyequina p̄htoa numia ḡh̄ tiquirore t̄hoye Jesu yequina tojoahye. Sa ye Pablo ḡh̄ mehna wahahye.

⁵ Sa ijiepegãta apequina judio masa pehe tiquina sa wahagū ihñañe, ihña cooahye. Sa ye tiquina ñañequina dahraeyequinare peyequinare piji cahmecoa ohō saha ni dutiahye: “Ahriquina ñano yeye nine”, ni sañuducu dutiahye tiquinare. Sa sañuducuye ijipihtiyequina ti maca cjēnare usuagū yeahye Pablo ḡh̄ mehna. Sa ye judio masa Jasō ya wuh̄ap̄ sajã, Pablo ḡh̄re macamahye, tiquinare masap̄re ohoye tehe.

⁶ Sa macaepeta tiquinare bocaerahye. Sa ye Jasōre, apequina Jesu yequina ḡh̄re ñehe, weje wijiaa wahahye tiquinare. P̄htoa yahusãhye tiquina.

—Pablo ḡh̄ masare ijip-ihtirop̄re caribo yuhduare. Sa ye yojop̄re tiquina mari ya macare wihi tuhasari.

⁷ Sa yero ahriquirō Jasō tiquinare tiquiro ya wuh̄ap̄ sajã ta dutiri. Tiquina ijipihtiyequina mari p̄htoro Roma cjēno tiquiro dutiyere yuhduacare. “Apequirō m̄sa p̄htoro ijire. Jesu tiquirota ijire”, niñe, mari p̄htoro dutiyere yuhduacare tiquina, ni yahusãhye judio masa pehe p̄htoare.

8 Tiquina sa ni yahusãgũ tũhoye, ijipihtiyequina masa, pũhtoa gãhũ usua, tutuaro sañuducuahye.

9 Tiquina sa sañuducuepegũta pũhtoa Jasõre, tiquiro mehna cjẽna gãhũre, niñerure wapa ye duti, wioahye.

Pablo Sila mehna Bereapũ esahye

10 Ti pjeta ñamipũ Pablo gãhũre Jesu yequina nũo ohoahye Bereapũ. Topũ esa tiquina judio masa buheri wũhũpũ sajãa wahahye.

11 Berea cjẽna pehe Tesalónica cjẽna yũhdũoro Jesu yere quehnoano tũhoyequina ijiahye. Sa ye tiquina Jesu yere tũhori bato “¿Potota ijiajari?” ni masi duaye, decoripe tiquiro yere tiquina ojoari pũre sa buheducue tiahye tiquina.

12 Sa ye tiquina peyequina Jesure wacũ tutuayequina ijiahye. Griego masa gãhũ, Ʃmũa, pũhtoa numia mehna Jesure wacũ tutuayequina ijiahye.

13 Sa ijiepegũta Pablo Bereapũ Cohãcjũ yere tiquiro buhegũ gãhũre tũhoye, Tesalónica cjẽna judio masa topũ esahye. Topũ esaye, Berea cjẽnare quiti dojomehneñe, Pablo gãhũ mehna usuagũ yeahye tiquina.

14 Tiquina sa yegũ ihñañe Jesu yequina Pablöre sojaro mehna pajiri ma dũhtũ cahapũ ohoahye. Tiquina sa ohoepẽgũta Sila, Timoteo mehna Bereapũ tojoahye.

15 Sa ye apequina Pablöre Atenapũ ne cã soahye. Tiquirore so tuhasa, majare tojoaa wahahye Bereapũ tja.

—Sojaro mehna waha, piti tina wahaya Pablöre, ni yahuahye Silare, Timoteo gãhũre.

Sa ni yahu dutiahye Pablo tiquinare.

Pablo Atenapũ ijiahye

16 Sa yero Pablo Atenapũ cohtero niahye Sila, Timoteo gãhũre. Sa yero Atena cjẽna “Cohãcjũ ijire”, tiquina niñe queoyere peye tiquina cũogũ ihñano Pablo tutuaro bũjũa witiyahye tiquina mehna.

17 Sa bũjũa witiro judio masa buheri wũhũpũ judio masa mehna yahuducuahye. Sa yero tja judio masa ijieyequina gãhũre yahuducuahye tiquiro. Tiquina ihquẽquina mari Pacũre ño peoyequina ijiahye. Sa yero Pablo ti maca decopũ decoripe tiquiro cahapũ sa tini majare sajãñequina mehna yahuducuahye.

18 Apequina Epicúreo yere buheyequina, Estoico yere buheyequina gãhũ Pablo mehna yahuducuahye.

—¿Ahriquiro yahuducuye peyariquiro dũhse ni yahuducuro niajari tiquiro? niahye tiquina.

Pablo Jesu yere, tiquiro masa mũjarire tiquiro yahugũ tũhoye ohõ saha ni tũhotumahye masa. “Tiquiro apequina cohãmanare yahuro niaga”, ni, tũhotumahye tiquina.

19 Tiquina tūhori bato Areópago wame tiropu Pablore nea wahahye.

—Ahri buheye, wahma buheyere yojopu mahu yahurire masi duaja usā.

20 Mahu buheye sijoro saha ijire. Sa yena usā tire masi duaja, niahye tiquina Pablore.

21 Ijipihtiyequina Atena cjēna decoripe wahma buheyere yahuducuducu duahye. Sa ye tire tūho duahye. Ape yehpa cjēna gūhu Atenapu ijiye, sata ye duahye. Sa ye Pablo yahuyere tūho duahye tiquina.

22 Sa yero Pablo Areópago wame tiropu wahcādusa, ohō saha ni yahuahye:

—Atena cjāna, peyequina musa cohāmanare musa tutuaro ño peona musa ijigū masi-aja yuhu.

23 Ahri maca musa ya macare cohāmanare musa ño peorire ihña tini yuhu. Sa ihña tinigu yuhu ihcā cuhtupu, cohāmanare ño peona musa ohoyere musa cūnopu ahrire buhei. “Cohācjū, mari masimehnediquiro ya cuhtu ijire”, ni, ojoari jiri musa tire musa cūnopu. Musa tiquirore masiedapenata tiquirore ño peori jiri musa. Tiquiroreta musa masiediquirore yahugu niaja yuhu musare.

24 'Cohācjū ijipihtiri yehpare, ijipihtiyeere bajumehnediquiro ijire. Tiquiro uhmusere, yehpapure, puhtoro ijiro, tiquiro masa tiquina yeri wahuapu ijierare.

25 Sa yero tiquiro mari ijiyere, mari jeri neñe gūhare, ijipihtiye marine apee borore ohoriquiro ijiro, mari yedohoyere cahmedare. Tiquiro pejecuoriquiro ijierare.

26 'Tiquiro ihcāquiro umanore ye ducahye. Tiquiro mehnata ijipihtiri yehpa cjēnare masare yeahye. Sa yero ijipihtiri yehpapure marine cūahye tiquiro. “Ohō puno yoari pje ohōpore catieta”, nino queo cūahye marine.

27 “Tiquina yūhare macañe, bocaeta”, ni tūhotuahye Cohācjū. Sa yero Cohācjū yoaropu ijierare. Mari mehnata ijire. Ohō saha ni ojoahye.

28 “Marine ijigū yere tiquiro. Sa yero masa mehna sa ijiducure tiquiro”, ni ojoahye. Musa mehna cjēna panopu cjēna basayere quehnoano ojoayequina tiquina ojoariro sahata nii niaja. “Mari gūhu Cohācjū pohna ijiaja”, ni ojoahye tiquina.

29 Sa yena tiquiro pohna ijina ohō saha ni tūhotueracāhña musa. Queoyere, uru, plata, utā mehna musa esa tuhoro musa yeriquinare “Cohāmana ijire”, ni tūhotueracāhña musa.

30 Panopu masa tiquina masieñequina injinigū tiquina ñañene yepegūta Cohācjū sa ihña cāhriahye. Sa yeperota yojopure ijipihtiri yehpa cjēnare tiquina ñañene bujua witi dutire Cohācjū.

31 Came Cohãcjũ tiquiro queori decopũ ijipihtiri yehpa cjênare queoro beserota quehnoañequinare, ñañequinare. Tiquiro bese duti cūriquiroy Jesu pehe beserota. Jesure yariariquiroy masoahye tiquiro. Sa masono “Ahriquiroy yahũ cūriquiroy ijire”, ni, ihñono niahye Cohãcjũ masare, ni yahuahye Pablo Atena cjênare.

32 Tiquiro sa nigũ masa mñjarire tiquiro yahuducugũ tũhoye apequina tiquirore bujũpeahye. Sa ye apequina pehe ohõ saha niahye:

—Pari turi ahrire mahũ yahugũ usã tũho duaja, niahye tiquina Pablore.

33 Tiquina sa nidi bato Pablo wahaa wahahye.

34 Sa ye meheñequinagã tiquiro mehna ijiye, Jesure wacũ tutua dũcahye. Dionisio Areópago cjũno pũhto mehna cjũno Jesure wacũ tutua dũcahye. Damari wame tiricoro gũhũ, apequina mehna Jesure wacũ tutua dũcahye.

18

Pablo Corintopũ ijiahye

1 Sa ye, Pablo Atenapũ ijiriquiro waha, Corinto wame tiri macapũ esahye.

2 Topũ esaro, judio masũno Aquila wame tiriquirore boca sahye tiquiro. Ijipihthiyequina pũhtoro Claudio wame tiriquiro judio masare Romapũ ijieyequinare tiquiro cohãgũ, Aquila pehe tiquiro

namono Priscila mehna waha, Corintopũ esahye. Aquila pehe Ponto wame tiri yehpapũ masa bajuariquiroy ijiahye. Sa ye tiquina Corintopũ tiquina ijigũ, Pablo tiquina cahapũ esahye.

3 Aquila gũhũ carpa cahseri wahũsere yeyequina ijiahye. Pablo gũhũ carpa cahseri wahũsere yeriquirota ijiahye. Sa yero tiquiro tiquina mehna dahra, topũ tojoahye.

4 Sa yero Pablo saurũ ijigũ semanaripe judio masa tiquina buheri wahũpũ judio masare, judio masa ijieyequina gũhare Cohãcjũ yere yahuahye. Tiquiro sa ni yahugũ tũhoye, “Ijirota ijire”, niahye tiquina ihquẽquina.

5 Sa ye Sila, Timoteo mehna Macedoniapũ ijiriquina, Pablo cahapũ esahye. Topũ tiquina esari bato Pablo pehe ijipihtiyey decori judio masare quehnoano buheetiahye:

—Jesu, Cristo marine yuhdũoatiquiro mari cohteriquiro ijire, ni yahue tiahye tiquiro.

6 Tiquiro sa ni buhepegũta, judio masa pehe tiquirore tũho duerahye. Sa ye tiquina ñano ni quti dojomehneahye tiquirore. Tiquina sa yegũ Pablo tiquinare tiquiro tuhtiboriro sahata, tiquiro suhtirore dihta wahãriry wejẽ site cũahye.

—Mũsa ye buhiri pecapũ wahanata. Cohãcjũ tiquiro dutiriro sahata mũsare buhemi yahũ. Sa buhepegũta

masa yahure taho duerari. Yojopure judio masa ijieyequina pehere buhegu wahautja, niahye Pablo judio masare.

7 Tiquiro sa nidi bato tiquiro topu ijiriquiro waha, Ticio Justo wame tiriquire ya wuhupu esahye. Justo Cohacjare ño peoriquiro ijiahye. Tiquiro ya wahu pehe judio masa buheri wahu cahapu ijiahye.

8 Sa ye Crispo wame tiriquire buheri wuhare cohteriquiro, tiquiro namono, tiquiro pohne gahu Jesure wacu tutuayequina ijiahye. Sa ye apequina Corinto cjena peyequina Cohacju yere tahoje, Jesure wacu tutuayequina ijigu tiquinare wame yeahye.

9-10 Ihca ñami Cohacju quehenopu yahuahye Pablore. Tiquirore ohõ saha niahye:

—Muhu mehna ijiaja. Ahri macare yeequina peyequina ijire. Sa ye apequina masa mahare ñano ye masiedare. Sa yegu cueracahnã mahu. Sa cueragu yeere tutuaro yahuya. Sa tãhotueracahnã, ni yahuahye Cohacju Pablore.

11 Sa ye ihca cãhma quehnoano, ape cãhma deco waro to cjenare Cohacju yere buhe, ijie tiahye Pablo.

12 Tiquiro sa ijiri watoa Galiõ wame tiriquire Acaya yehpa cjena pahoro tiquiro ijigu judio masa ijipihtiequina ihcãno mehna Pablore yahusãne taye, tiquirore

buhiri dahre dutiyequina cahapu neahye tiquina.

13 —Ahriquire masare Cohacjare ño peo dutiro ahri yehpa cjẽ dutiye pehere cohã dutiro nine, ni yahusãhye judio masa buhiri dahre dutiyequinare.

14 Tiquina sa ni yahusãgu tãhoro Pablo pehe tiquinare yahu duamahye. Sa yahu duepegãta Galiõ pehe judio masare yahuahye:

—Ahriquire usã Roma cjãna ye dutiyere yãhdãdãcariquire tiquiro ijigu masare yãhtiboaya yahu.

15 Sa yena masa judio masa ye dutiye pehere ahriquire yãhdãdãcariquire ijigu masa basi quehnoã. Ahrire masa mehna masino pjerare yuhare, ni yahuahye tiquiro judio masare.

16 Sa ninota tiquinare judio masa yahusãne ah-tamediquinare tiquiro ya tucũpu ijiriquinare cohã wioahye tiquiro.

17 Tiquiro sa cohã wiori bato ijipihtiequina ti wãhupu ijiriquina Sostenene judio masa buheri wuhare cohteriquirore Jesu yaquirore ñehe, buhiri dahre dutiyequina cahapu queãhye tiquirore. Tiquina sa quẽgu ihãno Galiõ sa ihã cãhye.

Pablo Antioquiãpu tojoaa wahahye

18 Sa yero Pablo Corintopu yoari pje ijiriquiro “Wahan niaja”, ni cohe tiahye tiquiro Jesu yequinare. Tiquiro sa nidi bato tiquiro Priscila,

Aquila mehna Siria yehpapu ijiri macapu pehãa wahahye. Cencrea wame tiri petamahapu tiquina esari bato Pablo Cohãcjüre “Ohõ saha mahure ye basatja”, tiquiropu ijiahye. Sa yero sa yeriquina judio masa tiquina yeducuriro sahata tiquiropu poarire waha peho dutiahye.

¹⁹ Sa yero tiquina Efeso wame tiri macapu pehã sa, Priscilare, Aquila gũhure cũahye Pablo. Tiquinare topu cũ, judio masa tiquina buheri wãhãpu wahahye. Ti wãhãpu esa, Cohãcjũ yere yahuahye. Sa yahuro judio masa mehna yahuducuahye.

²⁰ Tiquiropu sa yahuducuri bato tiquiropu tiquina mehna tojoa dutimahye. Tiquina sa dutiepegãta ohõ saha niahye Pablo:

—Tojoeraja masa mehna, niahye Pablo tiquinare.

²¹ Sa ninota,

—Wahãgũ niaja. Cohãcjũ cahmegũ pari turi tojoa taboaga, niahye tiquinare Pablo.

Sa ni tuhasa Efesopu ijiriquiro pehãa wahahye tiquiropu.

²² Sa yero Cesareapu pehã sa, yãhdũ cã, Jerusalẽpu esahye. Topu esa, to cjẽna Jesu yequinare “¿Ne ijiajari masa?” ni, tiquinare ihña yãhdũna Antioquiãpu esahye.

²³ Topu meheñe decorigã ijiahye. Topu ijiriquiro yãhdũnahye. Galacia yehpapu ijiye macaripu, Frigia yehpapu ijiye macaripu pari turi

esa, ti macari cjẽnare Jesu yequinare buhero, bucuegũ yeahye.

Apolo wame tiriquiropu Efesopu buheahye

²⁴ Ti pjere, judio masano Apolo wame tiriquiropu, Alejandria cjẽno Efesopu esahye. Tiquiropu quehnoano yahu mihnidiquiro ijiahye. Sa yero tiquiropu Cohãcjũ ojoarire quehnoano masiahye.

²⁵ Apequiropu tiquiropu Cohãcjũ yere yahu tuhasae tiahye. Sa yero tiquiropu Ñu wame yeriquiro ye buheye dihitare masiahye. Sa ijieperota tiquiropu tutuaro bucueye mehna Cohãcjũ yere quehnoano buheahye.

²⁶ Sa yero judio masa tiquina buheri wãhãpu tiquiropu cuero marieno tiquinare buhe dũcahye. Tiquiropu sa buhegũ tiquina tãhori bato Priscila, Aquila mehna tiquiropu tiquina mehna neahye. Cohãcjũ yere tiquiropu quehnoano poto yahu pehoeragũ ihñañe quehnoano poto yahu pehoahye tiquina tiquiropu.

²⁷⁻²⁸ Sa ye tiquiropu Apolo pehe Acaya yehpapu tiquiropu waha duagũ Jesu yequina tiquiropu “Quehnoano wahaaya”, ni, ojoari pũrine ohoahye tiquiropu. Ti pũri Acayapu ijiyequina Jesu yequinare Apolore quehnoano piti ca dutiye pũri ijiahye. Sa yero Apolo topu esaro, to cjẽnare Jesure wacũ tutuayequinare Cohãcjũ cahñe mehna quehnoano

yedohoahye. Judio masare ti macap_m ijiyequinare ohō saha ni yahuahye:

—Cohācjū ohoriquiro m_{usa} cohteriquiro ijire Jesu. Cristo waro ijire tiquiro, ni yahuahye judio masare apequina masa tiquina ihñonop_m.

Cohācjū yere tiquina ojoari mehna tiquiro quehnoano queoro yahugū tūhoye tiquina “Poto ijierare”, ni masiedahye. Sa yero Cohācjū cahñe mehna tiquirore wacū tutuayequinare quehnoano yedohoahye Apolo.

19

Pablo Efesop_m wahahye

¹ Corintop_m Apolo tiquiro ijiri watoa, Pablo pehe c_{an}_m c_{jp}_m m_{ja} y_{hd}_{na}, Efesop_m esahye. Top_m esaro ihquēquina Jesu yequinare bocahye.

² Tiquinare boca saro tiquiro tiquinare sinituahye:

—¿M_{usa} Jesure wacū tutu-ari bato m_{usa} pehe Espíritu Santore c_{ho} d_{ncari}? ni, sinituahye Pablo.

Tiquiro sa nigū tūhoye tiquirore ohō saha ni yahuahye tiquina:

—“Espíritu Santo ijire”, ni yahuerari usāre, ni yahuahye tiquina.

³ Tiquina sa ni yahuri bato Pablo tiquinare sinituahye tja:

—¿Noa ye buheyere m_{usa} tūhori bato wame yeri m_{sare}? niahye tiquiro tja.

—Ñu ye buheyere usā tūhori bato wame yeri usāre, ni yahuahye tiquina.

⁴ Tiquina sa nigū tūhoro ohō saha niahye Pablo:

—Masa tiquina ñañe yerire tiquina duhugū ihñano wame yeahye Ñu. Sa yero tiquiro wame yeye pehe tiquina ñañe yerire tiquina duhurire masare ihñoati ijire. Sa yero apee boro gūhure yahu nemoahye Ñu. “Y_{hu} bato ahtariquiro pehere wacū tutuaya m_{usa}”, ni yahuahye tiquiro. Sa nino Jesure yahuro niahye, ni yahuahye Pablo tiquinare.

⁵ Tiquiro sa nigū tiquina tūhori bato, Jesu wame mehna wame yeahye tiquinare.

⁶ Sa yero Pablo tiquina ihquēquina bui tiquiro omoca duhu peogū, Espíritu Santo pehe wihiahye tiquinap_{are}. Tiquiro sa wihiri bato tiquina pehe tūhomehneñe yahuducuye mehna yahuducu, Cohācjū yere yahuahye.

⁷ Tiquina ijipihituequina doce m_{na} ijiye ijiboaga.

⁸ Came Pablo judio masa tiquina buheri w_{hup}_m sajā, ihtia asū waro decoripe cuero marieno Cohācjū pūhtoro tiquiro ijiyere yahuducuahye tiquina mehna. Tiquirore tiquina sa tūhori bato “Ahri ijirota ijire”, niahye tiquina.

⁹ Sa niepegūta apequina pehe tūho duerahye. Sa ye tiquina masa tūhoro quehnoañe buheyere ñano

niahye. Tiquina sa nigū tūhoro Pablo pehe Jesu yequinare piji wijia, ape siepū wahahye. Waha, Tirano wame tiri wūhū buheri wūhūpū decoripe masare Cohācjū yere yahuahye tiquiro.

10 Pūa cūhma waro buhee tiahye tiquinare. Tiquiro sa buhegū ijipihtiequina Asia yehpa cjēna judio masa, judio masa ijieyequina mehna mari pūhtoro Jesu yere tūhoahye.

11 Sa yero Cohācjū tutuaye mehna Pablo peye tahari ye ihñoahe.

12 Suhti cahseri Pablo tiquiro pagare pihari cahserire, tiquiro pihari suhti gūhure ne cā, dohatiyequinare ohoahye. Ti suhtire ohogū tire ñehēne tiquina dohatiye yūhdūa wahahye. Sa ye watīa tiquina mehna ijiriquina wahaa wahahye ti suhtire tiquina ñehedi bato.

13 Sa ijigū apequina judio masa, sa tiniducuequina, watīare cohāñequina judio masa yayia ijiahye. Sa ye Pablo tiquiro yeriro sahata Jesu tutuaye mehna watīare cohā duamahye. Sa ye watīare duhu dutimahye tiquina.

—Pablo yahuriquiro, Jesu tiquiro tutuaye mehna dutiaja mū sare. Wahaya. Ahriquirō mehna pari turi ijieracāhña, nimahye tiquina watīare ohoye.

14 Esceva wame tiriquiro siete tiquiro pohne pehe sata

yemahye. Esceva pehe judio masano pahia pūhtoro ijiahye.

15 Tiquiro pohne watīnore tiquina waha dutiri bato, watīno pehe ohō saha niahye tiquinare:

—Jesure masiaja. Pablo gūhure masiaja. Mūsa pehere masiedaja, niahye watīno tiquinare.

16 Tiquiro sa nigūta watīnore cūoriquiro pehe tutuaro tiquinare ñehē maa wahahye. Sa yero tiquinare ña yūhdūaro yeahye. Tiquiro sa yeri bato suhti marieñequina, cami tiyequina oma wijiaa wahahye tiquina ti wūhure.

17 Tiquina sa yeri bato ijipihtiequina Efeso cjēna, judio masa, judio masa ijieyequina mehna tire tūhoye, cue yūhdūahye tiquina. Sa ye mari pūhtoro Jesu yere būjūpero marieno yahuducuahye masa pehe.

18 Sa ye masa peyequina Jesure wacū tutuayequina tiquina ñano yerire yahuye ahtahye.

19 Tiquina mehna cjēna peyequina yayia masare ujuayequina yero saha yeyequina ijiahye. Sa ye tiquina ojoari pūrine yayia tiquina yerire yahuye pūrine topū ne cāhta, masa ihñonopū ti pūrine ūjūa cohā cāhye tiquina. Ti pūri wapa tirire tiquina queogū, ijipihtie pūri cincuenta mil cjoeri niñeru cjoeri wapa timahye ti pūri.

20 Sa ye Cohãcjũ yere cahmeñequina peyequina wahahye. Cohãcjũ tutuaye mehna tiquiro yequina wahahye.

21 Tiquina sa wahari bato Pablo ohõ saha ni tuhohuahye: “Macedonia yehparũ esa mũhta, ti yehpare yũhdũa, Acaya yehpare esautja. Ti yehpare yũhũ esari bato Jerusalẽpũ wahaũtja. Ti macare yũhũ esari bato Romapũ wahaũtja”, ni tuhohuahye Pablo.

22 Pũaro tiquirore yedohoyequinare tiquiro pano oho mũhtahye Macedonia yehparũ. Timoteo, Erasto gũhũ ijiahye tiquina. Sa yero Pablo pehe ihcãquirola tojoa nũnũ tãrĩahye Asia yehparũ.

Efesopũ masa usua, sañuducuahye

23 Ti pjere Efesopũ Jesu yere apequina cahmedaye, Pablo gũhũre tuhtiahye.

24 Plata mehna dahrariquiro Demetrio wame tiriquiro plata mehna cohãcjõno Artemisa wame tiricoro ya wũhũ queoyere yeriquiro ijiahye. Sa yero tiquiro apequina plata mehna dahrayequina mehna ti queoyere dua, pajiro wapatahye tiquina.

25 Sa yero Demetrio apequina plata mehna dahrayequinare piji cahmecoa yahuahye tiquinare.

—Tũhoya mũsa. Ahri dahraye mehna pajiro mari wapatarire masine mũsa.

26 Ahriquiro Pablo yerire tiquiro buheri gũhũre masine mũsa. Ohõ saha ni buhere tiquiro. “Cohãmana queoye masa tiquina yequequina catiyequina ijierare”, ni yahue tiri tiquiro. Tiquiro sa nigũ tuhoye peyequina Efeso cjẽna, ijipihtiropũ apequina Asia yehpa cjẽna gũhũ ti buheyere “Ijirola ijire”, nie tiri.

27 Sa niñe mari dahrayere masa ñano yahuducuboaga. Sa ye mari yacoro cohãcjõno Artemisa ya wũhũre masa cohãboaga. Sa yero ticoro ijipihtiyequina Asia yehpa cjẽna, ijipihtiri yehpa cjẽna tiquina ño peoricoro ticoro ijiepegũta ticoro tutuaye butiarota. Sa ye masa ticorore masiedaboaga, ni ahye Demetrio tiquinare.

28 Tiquiro sa nigũ tuhoye tiquina pehe tutuaro usua, sañuducuahye:

—Artemisa Efeso cjãna mari yacoro cohãcjõno tutu-aricoro ijire, ni, sañuducuahye tiquina.

29 Sa ye Efeso cjẽna ijipihtiyequina sañuducu yũhdũa, tũho masiñe pihitia wahahye. Sa wahaye, Gayore, Aristarco gũhũre ñehe, masa tiquina cahmecoanopũ tiquinare weje cãhye. Gayo, Aristarco mehna Macedonia cjẽna ijiye, Pablo mehna tiniñequina ijie tiahye.

30 Sa ye Pablo masa cahapũ tiquiro waha duagũ, Jesu yequina pehe tiquirore waha dutierahye.

31 Sa ye apequina ti yehpa cjēna pūhtoa, Pablo mehna cjēna ijiye, tiquina cahacjēnare yahu dutiahye Pablore:

—Masa tiquina cahme-coanopū wahaeracāhña, ni yahu duti ohoahye pūhtoa tiquina cahacjēnare Pablopure.

32 Sa ye topū cahme-coañequina mehna cjēna pehe peyequina “¿Dūhsena tana mari cahmecoana nijari?” ni, masiedahye. Sa ye tiquina sañuducu nemoahye. Ahrie pehepū ijiyequina sijoro ni, sañuducuahye. Apequina gūhū sijoro ni sañuducuahye.

33 Sa ye judio masa pehe Alejandro wame tiriquire masare yahu dutimahye. Sa yero Alejandro “Dihta mariahña”, nino tiquire omoca mehna quē dijioahye. “Ahriquina usāre judio masare tuhtiye nine”, ni tūhoturo judio masare cahmota duaro, yahuducumahye.

34 Tiquire sa niepegūta judio masano tiquire ijigū ihñañe masa ijipihtiyequina ihcāno mehna pūa hora waro sañuducuahye:

—Artemisa, Efeso cjāna mari yacoro cohācjōno tutu- aricoro ijire, ni, sañuducuahye tiquina.

35 Tiquina sa ni sañuducugū ihñano, Efeso cjēna pūhtoare yedohoriquiro masare, “Dihta mariahña”, ni, yuahye tiquire.

—Musa Efeso cjāna tūhoya. Efeso cjāna mari yacoro tutu- aricoro cohācjōno Artemisa ya wūhū cohtena mari ijigū ijipihtiri yehpa cjēna masine. Sa ye ūhūmūsepū bora dijia tari queoyere cohtena mari ijigū gūhūre masine masa.

36 Sa ye apequina “Ahri poto ijierare”, ni masiedare. Sa yena usueracāhña mūsa. Quehnoano tūhotuya mūsa.

37 Ahriquina mūsa ñehe tariquina mari cohācjōnore ñano ni yahuducuerari. Sa ye tiquina cohāmana wūhūsepūre sajā, yaquerari. Sa yena quehnoano yeya mūsa.

38 Sa ye Demetrio, plata mehna dahrayequina mehna ahriquinare mūsa ñehediquinare yahusā duaye, buhiri dahre dutiyequina pehere yuahro tiquina. Tiquina buhiri dahre dutiye- quinare ahriquinare yahusā masine.

39 Pari turi cahmecoana quehnoano mehna cahme- coaña. Yojopūre mūsa yeriro saha yeracāhña.

40 Miare mūsa ihyo waro usua, sañuducurire mari pūhtoa tūhoye, “Marine cohāñe niaga”, ni tūhotueta tiquina. Sa yena mūsa sa ni sañuducurire tiquire quehnoano poto yahu masiedaja mari, niahye pūhtoare yedohoriquiro masare.

41 Sa ni yahu tuhasa, “To puno tjire. Wahaya”, niahye tiquire masare.

20

Macedonia yehpapu
gūhure, Grecia yehpapu
gūhure Pablo esahye

¹ Ti sa wahari bato, Pablo pehe Jesu yequinare piji cahmecoa yahuahye. Yahu tuhasa, tiquinare cohe tiahye. Cohe ti tuhasa, Macedonia yehpapu wahaa wahahye.

² Topu esa, buhe, to cjēna Jesu yequinare bucuegū yeahye tiquiro. Tiquinare buhe tuhasa, Grecia yehpapu esahye tiquiro.

³ Topu tiquiro ihtia asū waro ijiahye. Topu ijiro Siria yehpapu pehāa waha duamahye. Tiquiro sa waha duepegūta judio masa duhti queahye, tiquirore ñehe duaye. Sa yero Pablo ape mahapu, Macedoniapu wahari mahapu wahahye.

⁴ Sa waharo Asiaputa esahye. Topu Berea cjūno Pirro macuno Sópater wame tiriquiro pehe Pablöre piti ti cāhye. Sa ye Tesalónica cjēna Aristarco, Segundo gūhu tiquirore piti ti cāhye. Sa ye Asia cjēna Tíquico, Trófimo gūhu Asiapu tiquirore piti ti cāhye. Derbe cjūno Gayo wame tiriquiro Timoteo gūhu tiquiro mehna wahahye.

⁵ Tiquiro mehna cjēna tiquiro pano waha, Troa wame tiri macapu tiquirore cohteri jiri.

⁶ Tiquina sa cohtegū pugū yeye moremehneñe pāre tiquina ihyari bose deco bato usā pehe Filipopu ijinina

yucsa mehna waha, ihcā omope decori pehā, Troapu usā esau. Siete decori waro ijii topure.

Troapu Pablo tinino wahahye

⁷ Domingo ijigū Jesu yequina cahmecoa, pāre duhu peori Santa cena yeye tehe. Tiquina sa yeato pano Pablo tiquinare buheri. Sa yero Pablo ape decopu wahatiquiro ijiro yoari pje tiquiro buheri. Ñami decopu buhe duhuro taro nimedi.

⁸ Sa yena uhmmano cjā tucūpu peye paca sihāñe paca ijiri tucūpu cahmecoau usā.

⁹ Pablöre tiquiro tūhori watoa wahmano Eutico wame tiriquiro meheni sopecahagā buipu mūja pje dujiri. Sa yero Pablo tiquinare yoari pje tiquiro buhe nemogū wahmanore wūjua ahtari. Sa yero tiquiro carī maa, ihtia casario buipu dujiriquiro majare maa dijiaa wahari. Tiquiro bora dijiri bato tiquina tiquirore yariariquiropare tu wahcō daporī.

¹⁰ Tiquina sa yegū ihñano Pablo dijia, wahmanore quē suhsuri. Tiquiro sa yeri bato Jesu yequinare yahuri tiquiro:

—Jeripohna ñaedacāhña. Yarierare ahriquiro. Catire, nidi Pablo pehe.

¹¹⁻¹² Tiquiro sa nigū wahmano yariamediquiro masaa wahari. Tiquiro sa masagū ihñañe tiquina bucue yūhdhari. Sa bucueye

uhmmano cjã tucũpũ maja, pãre duhu peori Santa cena yeye tehe. Tiquina sa yeri bato yoari pje Pablo tiquinare buheri. Tee bohreato panogãpũ tiquinare buhe duhuri. Tiquiro buhe tuhasagũ waha wahaũ usã.

Pablo Troapũ ijiriquiro waha, Miletopũ esahye

13 Pablo pano yucusa mehna Asõpũ usã pehe esa mũhtaũ. Pablo pehe mahapũ waha duari. Pablo tiquiro nidiro sahata Asõpũ tiquirore usã piti cau.

14 Tiquirore usã piti cagũ, usã mehna tiquiro sajãri yucũsapũ. Tia mehna waha, Mitilenerũ usã esau.

15 Topũre esa yũhdũa, ape decopũ Quĩore yũhdũaũ usã. Ape decopũ Samopũ esau usã. Ape deco pehere Miletopũ esau usã.

16 Pablo Pentecoste deco ijigũ, Jerusalẽpũ esa duari. Sa yero Asia yehpapũ yoari pje iji duerari. Sa yero Efesore poto yũhdũa, Miletopũ wahã sau usã.

Pablo Efeso cjẽnare Jesu yequina pũhtoare yahuahye

17 Sa yero Pablo Miletopũ ijiro, Efeso cjẽnare Jesu yequina pũhtoare pijiori tiquiro.

18 Sa tiquiro pijiori bato tiquina Pablo cahapũ wihiri. Tiquina wihigũ ihãno tiquinare Pablo yahuri:

—Asiapũ coã wihigũ mũsa mehna yũhũ yerire masine mũsa.

19 Mũsa mehna ijigũ ne si-joro nino marieno Jesu, mari

pũhtoro yere yee tii yũhũ. Sa yegũ mũsare paja ihãna. “Mũsare yũhdũdũcaja”, niedũ yũhũ. Judio masa yũhũre tiquina ñano yepegũta Cohãcjũ yere yee tii yũhũ.

20 Sa yegũ mũsa quehnoano wahatire cahmegũ mũsare yahu peho cãũ yũhũ. Masa tiquina ihãnopũ mũsa wahũsepu gãhũre buhei yũhũ.

21 Sa yegũ judio masare, judio masa ijieyequina gãhũre ihcãno mehna buhei yũhũ. “Mũsa ñañene bujũa witina, Cohãcjũ ye pehere comesaya. Sa yena Jesu mari pũhtoro wacũ tutuaya”, ni yahuu yũhũ.

22 Sa yegũ Espĩritu Santo tiquiro dutiro sahata yojopũre Jerusalẽpũ wahaũ ni-aja. Yũhũ topũ wahagũ yũhũ dũhse wahatire masiedaja yũhũ.

23 Ohõ saha nidi Espĩritu Santo yũhũre: “Jerusalẽpũ mũhũ ñano yũhdũta. Sa ye mũhũre peresu yeeta”, nidi Espĩritu Santo yũhũre. Yojopũre yũhũ macaripe yũhũ esagũ sa ni yahuri yũhũre. Jerusalẽpũ wahagũ Espĩritu Santo tiquiro yahuri dihitare masiaja.

24 Tiquiro sa yahuepegũta quehnoañe buheyere, Cohãcjũ tiquiro cahĩne buheyere yahuacjũ ijiaja. Jesu mari pũhtoro tiquiro ye dutire ye peho duaja. Ahrire yerigũ ijigũ, yũhũ yariatire cueraja yũhũ.

25 'Sa yegũ mũsa mehna ijigũ Cohãcjũ tiquiro pũhtoro

ijiyere yahue tii y_uh_u m_usare. Ne m_usare pari turi ihñasi y_uh_u. Ahrire masiaja y_uh_u.

26-27 Sa masig_u miare ahrire yahuaja m_usare. Ijipihtiye Cohãcjũ yere yahuu y_uh_u m_usare. Sa yero ijipihtiyequina m_usa mehna cjẽna Cohãcjũ yere cahmeeñequina tiquina ijigũ yee buhiri ijierare.

28-29 M_usa basi quehnoano yeya. Sa yena Jesu yequinare Espíritu Santo m_usare ihbo dutigũ, tiquiro ihbo dutiriquinare quehnoano ihboya. Ovejare ihboyequina ovejare tiquina ihboro saha Jesu yequina gũh_ure ihboya m_usa. Cohãcjũ mac_uno tiquiro yariaro tiquiro dii cohãno mehna Cohãcjũ tiquinare tiquiro yequina ijiatiquinare yeri. Y_uh_u ohõre wahari bato apequina ñañequina pehe yaquiore ovejare tiquina wejẽno saha Jesu yere m_usa yeborire dojomehneeta. Sa yena Jesu yequinare quehnoano ihboya.

30 Camer_ure apequina m_usa mehna cjẽna pehe Jesu yequinare ni meho, apeye buheyere tũho dutieta. Tiquina sa dutigũ tiquina tũhoeta.

31 Sa yena quehnoano yeya m_usa. Decoripe, ñaminipe paja ihñañe mehna buhei y_uh_u m_usare. Ihtia cahma waro quehnoano buhei y_uh_u m_usare ijipihinare. Tire quehnoano wacũña m_usa.

32 'Yojop_ure y_uh_u wahari bato Cohãcjũ m_usare

ihña ihborota. Tiquiro cahñe buheyere buhena quehnoano ijinata m_usa. Cohãcjũ tiquiro buheye mehna m_usare tiquiro yequinare quehnoano yedoho masine. Sa yero tiquiro yequina dihitare tiquiro ye duariro sahata m_usa pũritare quehnoano yerota.

33 M_usa niñeru c_uoyere, m_usa suhti c_uoye gũh_ure "Y_uh_ure ohoya", nied_u.

34 Y_uh_u basi dahra wapata_u ye ijiatire. Sa yeg_u y_uh_u cahmeñene, y_uh_u mehna cjẽna tiquina cahmeñe gũh_ure y_uh_u dahra wapatar_u mehna nei. Y_uh_u sa yerire masine m_usa.

35 Mari ohõ saha tutuaro dahrana apee boro c_uoyequinare yedohoro cahmene marine. Ahrire m_usare ye ihñou y_uh_u. Jesu mari pũtoro tiquiro nidire wacũña m_usa. "Tiquiro ohogũ ñehediquiro yahd_uoro ohoriquiro pehe bucuere", nidi jiri Jesu tiquiro basi, ni yahuri Pablo Jesu yequina pũtoare.

36 Sa nidi bato Pablo tiquina mehna dusepe curi mehna quehe sa, Cohãcjũre sinidi.

37 Tiquiro sa sinidi bato tiquina ijipihtiyequina Pabl_ure quẽ suhsu, wahsupure ihmi, utiri.

38 "M_usare pari turi ihñasi y_uh_u", to pano tiquiro nigũ tũhoye tutuaro b_uj_ua witiri tiquina. Sa ye tiquirore tu n_un_u tã buhari petamah_ure. Top_u usãre ihña n_un_u tãri usã

wahagũ.

21

Pablo Jerusalēp̄m pari turi wahahye

¹ Jesu yequinare “Wahana niaja”, ni, yuc̄sa mehna, Cos wame tiri n̄c̄op̄m poto waha, pehã sau usã. Ape decop̄m Roda wame tiri n̄c̄op̄m pehã sa, yuhd̄na, Pátara wame tiri macap̄m esau usã.

² Pátarap̄m ijina, Feniciap̄m wahatiare yuc̄sare bocām usã. Sa yena tia mehna wahau usã.

³ Sa wahana Chipre wame tiri n̄c̄op̄re poto ih̄na yuhd̄m usã. Cũ pehe pehe ijiri ti n̄c̄op̄o. Ti n̄c̄op̄re yuhd̄na, Siria wame tiri yehpar̄m esau usã. Sa yena yuc̄sa cj̄e doeri cj̄ene yuc̄sa cj̄ano Tiro wame tiri macap̄m tiquiro dure mogũ top̄m pahsar̄i.

⁴ Top̄m Jesu yequinare ih̄nana, siete decori waro tojoar̄i usã ti macap̄m. Sa ye to cj̄ena Jesu yequinare Esp̄ritu Santo tiquiro yahuriro sahata tiquina Pablöre Jerusalēp̄m waha dutier-amedi.

⁵ Tiquina sa niepegũta ti macare siete decori usã ijiri bato, wahau usã. Usã wahato panogã ijipihtiyequina Jesu yequina, tiquina namosãnumia mehna, tiquina pohne mehna, maca d̄ht̄m cahap̄m usãre ih̄na tojoari. Sa yena ijipihtina usã pad̄rop̄m esa, d̄sepe curi mehna quehe sa, Cohãcj̄ure sinii.

⁶ Usã sa sinidi bato, “Wahana niaja”, ni, tiquinare quẽ suhsu bato ti wahau usã. Usã wahagũ ih̄na n̄n̄m tã, tiquina pehe majaa wahari tiquina ye w̄h̄usep̄m.

⁷ Tiro wame tiri macare maja yuhd̄m usã. Sa yena Tolemaidap̄m wahã sau usã. Top̄ta pajiri mare waha bato tii usã. Ti macap̄m esa, Jesu yequinare “¿Usã acaye, iji-ajari?” ni, ih̄cã deco usã tiquina mehna ijinii.

⁸ Sa yena ape decop̄m tja Pablo mehna mahap̄m wahau usã Cesarea wame tiri macap̄m wahana. Top̄m esa, quehnoañe buheyere yahuriquiro Felipe wame tiriquiro ya w̄h̄up̄m esau. Sa yena tiquiro mehna tojoau usã. Felipe Jesu yequina tiquina siete besenohriquina mehna cj̄ano ijiri.

⁹ Sa yero tiquiro pititiaro numia pac̄ro ijiri. Tiquina numia pehe Cohãcj̄ũ yere yahuye numia ijiri. Nuhmia ijiri.

¹⁰⁻¹¹ Top̄m usã meheñe decorigã usã ijiri bato, Agabo wame tiriquiro Cohãcj̄ũ yere yahu m̄htariquiro Judeap̄m ijiriquiro usãre ih̄nana wihiri. Sa yero tiquiro Pablo ya dare jeri turi dare ne, tiquiro dahpocãrine, tiquiro omocarine d̄htero, queo yahuri:

—Ohõ saha nidi Esp̄ritu Santo. “Ahri dare c̄oriquiro Jerusalēp̄m tiquiro esagũ, judio masa sa d̄hteeta tiquirore. D̄hte tuhasa, judio masa ijieyequinare ohoeta tiquina tiquirore”,

nidi Espiritu Santo, ni yahuri Agabo.

12 Tiquiro sa nigū tahoma, usā Cesarea cjēna mehna Pablōre tutuaro cahīi usā. Tiquirore Jerusalēpū waha dutierami.

13 Usā sa nigū Pablo pehe yahrtiri:

—¿Duhse ni utina niajari mūsa? Yūhū pehere bujua witigū yeaga mūsa. Tiquina yūhure peresu tiquina yegū quehnoanota. Yūhū Jerusalēpū Jesu mari puhtoro yere yūhū yeri buhiri yūhū yariagū quehnoanota, nidi Pablo usāre.

14 “Wahaeraja”, tiquiro nigū taho duana nimi usā. Tiquiro “Wahahrtja”, tiquiro nigū, sa taho tu cāhū usā. Ohō saha nii:

—Mari puhtoro tiquiro cahmeno sahata yeahro, nii usā.

15 Tire yahu bato ti, usā yere quehno, waha wahau usā Jerusalēpū wahana.

16 Topū usā wahagū meheñequinagā Cesarea cjēna Jesu yequina pehe usā mehna wahari. Sa yena tiquina mehna cjūno Chipre cjūno Mnasō wame tiquiro ya wūhūpū esau usā. Tiquiro yoari pje Jesu buheriquiro ijiri. Sa yero tiquiro ya wūhū usā ijiati wūhū ijiri. Sa yena Jerusalēpū esau usā.

Pablo Santiagore ihñano wahahye

17 Jerusalēpū usā esagū, to cjēna Jesu yequina pehe “¿Wihajari?” ni, bucueye mehna piti cari usāre.

18 Ape decopū Pablo usā mehna Santiagore ihñano esari. Usā topū esagū topū ijipihtiyequina Jesu yequina puhto a ijiri.

19 Sa yero Pablo tiquinare tiquiro omoca ñehedi bato judio masa ijieyequinare tiquiro buherire yahu pehori Jesu yequinare. Cohācjū tiquiro yedohoye mehna tiquiro yerire yahu pehori.

20 Tiquiro sa ni yahugū tahoye, “Cohācjū quehnoagu, tutuagu ijire mūhū”, ni ño peori tiquina pehe Cohācjūre. Sa ni tuhasa tiquina Pablōre ohō saha ni yahuri:

—Usā acayū, yojopure peyequina judio masa Jesure wacū tutuayequina ijire. Tire masine mūhū. Sa ye tiquina ohō saha ni tūhoture: “Cohācjū dutiyere, Moiseputa marine tiquiro cūrire marine ye pehoro cahmene”, niñe nine.

21 Ohō saha ni nemore tiquina. “Ape sierū ijieyequinare judio masa ijieyequina watoapū ijieyequinare judio masare Cohācjū Moiserere tiquiro cūrire cohā dutiahye Pablo”, nimesi ohō cjēna judio masa mūhūre. “Pablo judio masa pohnene cuhnucunū sohtoa cahserogāre yūhure ne dutierare”, nimesi mūhūre tiquina. “Judio masa tiquina yee tiyere Pablo duhu dutire”, ni ahri gūhūre ni yahu wajare mūhūre.

22 Sa ye mūhū ohōre wihigū tahoye tiquina cahmecoeta mūhūre tuhtiyē tehe. Sa

yegũ ohõ saha yero cahmene mũhũre.

²³ Mũhũre usã dutiro sahata yeya. Yojoũre ohõre pititiaro mũna Cohãcjũre wacũñequina “Ohõ saha yenatja”, niñequina ijire.

²⁴ Tiquina mehna wahaya. Sa ye Cohãcjũ Moiserere tiquiro dutiriro sahata tiquina basi Cohãcjũ yere yee tehe tiquina ñano yeyere coseye nine. Mũhũ gãhũ sata yeya. Sa yegũ tiquina sa yeati wapare wapa yeya mũhũ pehe. Mũhũ sa wapa yeri bato tiquina poarire wũha peho duti masine tiquina. Mũhũ sa yegũ ihñañe masa mũhũre tiquina niñe ni mehoru ijigũ masieta ijipihtiyequina. Cohãcjũ Moiserere tiquiro cũri dutiyere yegũ mũhũ ijigũ masieta tiquina.

²⁵ 'Sa yena judio masa ijieyequina Jesu yequina pehere usã ojoari pũre oho tuhasau. Ohõ saha ni, ojoau usã. “Cohãcjũ ijire’, tiquina niñe queoyere ño peo tiquina duhu peori ihyayere, diire, wamũa tiquina ñehe wejẽdiquinare wahiquinare ihyeracãhña mũsa. Sa yena wũana tieracãhña”, ni, yahu ojoau usã ojoari pũre, nidi tiquina Pablore.

Cohãcjũ wũhũpũ judio masa Pablore ñeheahye

²⁶ Tiquina sa ni yahuducuri bato ape deco Pablo pehe pititiaro mũna mehna tiquina basi Cohãcjũ yere yeye tehe tiquina ñano yerire coseye tehe, Cohãcjũ wũhũpũ sajãa

wahahye. Ti wũhũpũ sajã saro, tiquinare yahuahye Pablo: “Ohõpe decori dũhsare mũsa coseato”, ni yahuahye tiquiro pititiarore. Sa ye tiquina cose bato tiri deco pũ tiquinapequina Cohãcjũre wahiquinare tiquina ohoati deco ijiri.

²⁷ Sa ye tiquina cose pehoboriro mehenogã dũhsagũ waro Cohãcjũ wũhũpũ Pablo tiquiro ijigũ Asia yehpa cjẽna judio masa pehe ihñahye tiquirore. Sa ihñañe Pablore quiti dojomehne, apequinare tiquiro mehna usuagũ yeahye tiquina. Sa usua, judio masa Pablore ñehe, sañuducuahye:

²⁸ —Mũsa usã acaye, Israe masa usãre yedohona ahtaya. Ahriquiuro ijire. Ahriquiuro Cohãcjũ Moiserere tiquiro cũri dutiyere, ahri wũhũ gãhũre cohã duti, buhere ijipihtiyequinare. Sa ye marine judio masare ñano ni yahuducure. Sa yero tiquiro Cohãcjũ wũhũpũre judio masa ijieyequinare ne sajãri. Sa yero ahri wũhũre ñaña mariedi wũhũre tiquiro dojomehnedi, ni, sañuducuahye judio masa Asia yehpa cjẽna to cjẽnare.

²⁹ To pano Jerusalẽpũ Pablo Trófimo mehna tiquiro ijigũ judio masa ihñae tiahye. Trófimo Efeso cjũno judio masano ijieriquiuro ijiri. Tiquiro sa ijigũ masiñe ohõ saha ni tũhotuahye tiquina: “Pablo Trófire Cohãcjũ wũhũre ne sajãno niaga”, ni tũhotuahye judio masa.

30 Masare sa ni yahu tiquina sañuducuri bato ti maca cjëna peyequina tu-tuaro usuahye. Peyequina oma cãhta, Cohãcjũ wãhãpã ijiriquirote Pablöre ñehe weje wijiaa wahahye. Sa ye ti wãhã sopecaharire bihahye tiquina.

31 Sa ye tiquina tiquirote wejẽne tee nimahye. Tiquina sa yegũ ihñañe “Ijipihtiye-quina Jerusalẽ cjëna usua, sañuducuye nidi”, ni, ape-quina pehe yahuye wahahye surara pãhtoro.

32 Tiquina sa nigũ tãhoro pãhtoro pehe tiquirote yequina surarare, tiquina dutiyequina gãhãre cahme-coadoqueo, tiquina mehna Pablöre wejẽ duayequina cahãpã oma cã esahye. Surara tiquina esagũ ihñañe Pablöre quẽmediquina quẽ duhu cãhye.

33 Sa yero surara pãhtoro Pablo cahãpã esa, pã da come dari mehna tiquirote dũhte dutiahye. Tiquina dũhte tuhasagũ ihñano, pãhtoro Pablöre sinituahye:

—¿Noa boro ijiajari ahriquirote? ¿Yabe buhiri tiquirote sa yejari mãsa? ni, sinituahye tiquirote tiquinare.

34 Tiquirote sa sinitugũ tãhoye masa pehe “Ohõ saha yeri tiquirote”, ni, apequina gãhã sijoro saha ni sañuducu, yahuahye surara pãhtoro. Sa ni tiquina sañuducugũ surara pãhtoro quehnoano tãhoerahye. Sa yero tiquirote surara ya wãhãpã Pablöre

nea dutiahye.

35 Ti wãhãpã esa, Pablo mãjari escarerapã tiquirote mãjano taro yegũ masa pehe tiquirote quẽ duaye nimahye. Tiquina sa yegũ surara pehe tiquirote ne wã mãjaa wahahye.

36 Masa tiquinare peye-quina nãnã tã, sañuducu nãnã tãhye.

—Tiquirote wejẽ cãhña, ni, sañuducuahye tiquina Pablöre.

Pablo “Ne masare ñano yer-aja yãhã”, ni, yahuahye

37 Sa ye ti wãhãpã tiquina peresu yeato pano, Pablo pehe pãhtoro sinituahye:

—Yãhã mãhã mehna yahuducu duaga, ni sinituahye Pablo.

—¿Mãhã griego masa yere yahuducujari?

38 ¿Sohõ ijirigã, Egipto cjũ ijierajari mãhã? Tiquirote masare tiquina pãhtoare cohã dutiriquirote, cuatro mil masa wejẽñequina pehere masa marienopã neari jiri. ¿Tiquirote ijierajari mãhã? ni-ahye surara pãhtoro Pablöre.

39 Tiquirote sa nigũ tãhoro Pablo yãhtiahye:

—Tiquirote ijieraja yãhã. Judio mãsã ijiaja. Tarsopã Cilicia yehpãpã ijiri macãpã masa bajũ yãhã. Ihyo ijiri maca cjũ ijieraja yãhã. Yãhã ahriquina masa mehna yahuducu duaga yãhã, ni-ahye Pablo tiquirote.

40 Tiquirote sa nigũ tãhoro pãhtoro pehe tiquirote yahuducu dutiahye masa

mehna. Sa yero Pablo m̄jari escarerap̄ ducuro tiquiro omocari mehna “Dihta mariahña”, niahye masare. Tiquiro sa yegū ihñañe, dihta mari pihia wahahye. Tiquina dihta mariahgū ihñano, Pablo judio masa ye mehna yahuahye tiquinare.

22

1 —Ȳh̄h̄ acaye, ȳh̄h̄ yerire yahutja m̄sare. Ȳh̄h̄ yahugū tahoya m̄sa, niahye Pablo.

2 Tiquiro sa nigū Pablo judio masa ye mehna tiquiro yahuducugū tahoye masa pehe dihta mari dojoa wahahye. Sa yero Pablo tiquinare yahuahye:

3 —Ȳh̄h̄ judio mas̄ta ijiaja. Tarso wame tiri macap̄, Cilicia yehrap̄ ijiri macap̄ masa bajuu ȳh̄h̄. Sa ijiepeḡta ahri maca Jerusalēp̄ta b̄c̄na ȳh̄h̄. Sa yero ȳh̄h̄re Gamalie wame tiriquiro buhee tiri. Sa yeḡ ȳh̄h̄ mari ñec̄s̄m̄na m̄na panop̄ cjēna dutiyere quehnoano buhei. Yojop̄re mari Pac̄re m̄sa yero sahata ȳh̄h̄ gūh̄ ño peoe timi.

4 Sa yeḡ Jesu yequinare ñano yee tii ȳh̄h̄. Ihquēquina tiquinare wejēe tii ȳh̄h̄. Ɛ̄m̄are, numia gūh̄re ñehe, peresu yee tii ȳh̄h̄.

5 Pahia p̄h̄toro, judio masa b̄c̄na mehna tiquina ojoaye p̄rine Jesu yequinare ñehe dutiye p̄rine ȳh̄h̄re ojoa basari.

Mari acayere Damasco cjēnare ti p̄rine ihñogu t̄h̄ nimi Jesu yequinare ñehei t̄h̄. Tiquinare ñehe, ne c̄hta peresu yei t̄h̄ nimi. Jerusalēp̄ tiquinare ne c̄hta duami buhiri dahrei t̄h̄. Ohō saha ȳh̄h̄ nigū pahia p̄h̄toro, judio masa b̄c̄na gūh̄ quehnoano masine, ni yahuahye Pablo.

Pablo Jesu yaquiro tiquiro waha d̄carire yahuahye (Hch 9.1-19; 26.12-18)

6 Sa ni tuhasa ohō saha ni yahu nemoahye:

—Sa yero coheri pje ijigū Damascop̄ ȳh̄h̄ esa quehegū waro ̄hm̄anop̄ asi sitedoque dijiori ȳh̄h̄re.

7 Sa wahagū ȳh̄h̄ yehrap̄ bora quehe saa wahar̄ ȳh̄h̄. Ȳh̄h̄ bora quehe sari bato yahuducuro ca tari ȳh̄h̄re. “¿Saulo, d̄h̄seḡ ȳh̄h̄re ñano yeajari?” nino ca tari ȳh̄h̄re.

8 “¿P̄h̄to, noa boro ijiajari m̄h̄?” ni, sinituu ȳh̄h̄. “Ȳh̄h̄ Jesu Nazare cjū, m̄h̄ ñano yenohriḡ ijiaja ȳh̄h̄”, ni, yahtiri ȳh̄h̄re tiquiro.

9 Ȳh̄h̄ sa wahagū ȳh̄h̄ mehna cjēna buhriorore ihñari. Sa ihñaepeta ȳh̄h̄ mehna tiquiro yahuducugū t̄hoerari tiquina.

10 “¿P̄h̄to, d̄h̄se yeḡtari ȳh̄h̄?” ni sinituu Jesure. “Wahc̄d̄caya. Damascop̄ wahaya. Top̄ m̄h̄ wahagū, m̄h̄re ijipihtiye ȳh̄h̄ ye dutiatire apequiro yahurota m̄h̄re”, nidi tiquiro ȳh̄h̄re.

11 Tutuaro tiquiro asi site- doqueogū, ȳh̄h̄ caperi opoa

waharu yahu. Sa ye, yahu mehna cjēna yahu omocare ñehe, Damascoru tã cãri yahure.

12 Topu Anania wame tiriquire, Cohãcjũre ño peoriquire marine Cohãcjũ dutiyere ye pehoriquire ijiri. To cjēna judio masa ijipihtiyequina tiquina ño peoriquire ijiri.

13 Sa yero tiquire yahu caharu wihiduca yahure yahuri. “Yuhu acayu Saulo, ihñaña pari turi tja”, nidi tiquire. Tiquire sa nidi bato pari turi ihña yahu. Sa yegu tiquire ihña yahu.

14 Yuhu sa ihñagũ tiquire Anania yahure yahuri. “Mari Pacu tiquire cahmeñene quehnoano masiacjũre panoru bese tuhasahye mũhure. Sa yero ‘Yuhu macu quehnoariquire ihña, tãhorota’, ni yahuahye mũhure mari Pacu panoru. Tiquire ijire mari ñecusumna mna tiquina ño peoriquire.

15 Sa yegu mũhũ ihñarire, mũhũ tãhorire yahuguta mũhũ ijipihtiyequinare.

16 Sa yena yojopure yoari pje ijieracũhna. Wahcãducaya. Sa yegu wame yenohtigũ ijiya. Jesure mũhũ sinigũ mũhũ ñañene cohãnota”, nidi yahure tiquire, niahye Pablo tiquire wejẽ duariquinare.

Pablo judio masa ijieyequinare tiquire buherire yahuahye

17 Sa ni tuhasa Pablo yahu nemoahye:

—Sa ye tuhasa yahu Jerusalẽru tojoa ta, Cohãcjũ wũhũru Cohãcjũre sinigu esau.

18 Yuhu topu ijigũ Jesu yahure bajue tiri. Sa bajoaro yahure yahuri. “Jerusalẽ cjēna yeere mũhũ yahugũ tãho duerare. Sa yegu umãñano ape siepu wahaya”, nidi Jesu yahure.

19 Tiquire sa nigũ tãhogũ yahuu tiquire: “Pũhto, mũhũ yequinare judio masa buheye wũhũsepu ijiyequinare yahu ñehe, quẽdire masine Jerusalẽ cjēna.

20 Sa yegu mũhure yahuriquire Estebã pehere tiquina wejẽgũ ihñagu ‘Quehnoano yeye wejẽne’, nimi. Tiquire tiquina wejẽgũ tiquina suhtire cão basau yahu. Ti gũhure masine ahri maca cjēna. Sa ye yahu yahugũ tãhoboaga yahure”, ni yahuu yahu Jesure.

21 Yuhu sa nigũ tãhoro Jesu yahure yahuri: “Yoaropũ judio masa ijieyequinare buheacjũre ohoutja mũhure. Sa yegu wahaya mũhũ”, nidi yahure yahu pũhtoro, niahye Pablo masare.

Surara pũhtoro Pablo mehna yahuducuahye

22 Tiquire yahu mũhtari dihitare quehnoano tãhomahye masa. Sa tãhoepeta judio masa ijieyequina caharu Jesu Pablure tiquire ohoatire tiquire yahugũ tãhoye tiquina sañuducu dũcahye tja:

—Ahriquire yojopũ pũritare yariacũnahdo, ni sañuducuahye tiquina.

23 Sa ye tiquina sañuducu nemo, usuaye mehna tiquina suhtire wahba siteduca, dihta mehna doque maoahye.

24 Surara pãhtoro surara ya wãhãpã Pablöre ne sajã dutiahye tiqiro yequina surarare. Sa yero surara pãhtoro “¿Dãhse ijiro boro Pablo mehna usua ñano sañuducuye nijari masa?” ni sinitu duamahye. Pablöre tire sinituro taro, yuta dari mehna tana dutimahye tiqirore.

25 Sa tana dutiepegãta tiqirore tiquina dãhteri bato, tiqiro cahapã ijiriquirore surarare yahuahye Pablo:

—Yũhũ Roma cjũ ijiaja. Sa yena “Ñano yeriquiro ijire ahriqiro”, yahũre ni masiedare masa. Sa yena yuta dari mehna yahũre tana masiedare masa, niahye Pablo tiqirore.

26 Tiquiro sa nigũ tãhoro surara tiqiro pãhtorore yahuro wahahye:

—Ahriqiro Roma cjãno ijire. Sa yegũ quehnoano yeya tiqirore, ni yahuahye tiqiro pãhtorore.

27 Tiquiro sa nidi bato surara pãhtoro pehe Pablöre sinituro wahahye:

—¿Potota mãhũ Roma cjũ ijiajari? Yahuya yahũre tire, niahye tiqiro.

—To cjãta ijiaja yahũ, ni yahũtiahye Pablo.

28 Tiquiro sa nigũ tãhoro pãhtoro pehe tiqirore yahuahye:

—Yũhũ Roma cjũ iji duagũ niñeru pajiro wapa yei, niahye tiqiro.

—Yũhũ Roma cjã macapũ masa bajũ. Sa yegũ Roma cjũ ijiaja yahũ pehe, niahye Pablo.

29 Tiquiro sa nigũ tãhoye tiqirore tanaboriquina wahaa wahahye. Sa yero Pablo Roma cjãno tiqiro ijigũ masino, tiqirore come dari mehna tiquina dãhterire wacũno, cue niahye pãhtoro pehe.

Pablo judio masa pãhtorore yahuahye

30 Sa yero surara pãhtoro judio masa Pablöre tiquina yahusãrire quehnoano masi duahye. Sa masi duaro ape decopũ come darire tiqirore pã dutiri bato, pahia pãhtoare, judio masa bũcũna mehna cahmecoã dutiahye surara pãhtoro. Tiquiro sa cahmecoã dutiri bato tiqiro topã Pablöre ne cã, tiquina ihũono duhu docoahye tiqirore.

23

1 Sa yero Pablo judio masa bũcũnare ihña piti ca ducu, yahuahye:

—Yũhũ acaye, Cohãcjũ tiqiro ihũonopũ ijipihtiye decori quehnoano yeducuaja yahũ, niahye Pablo.

2 Tiquiro sa nigũ tãhoro ijipihtiyequina pahia bui ijiriquiro Anania pehe Pablo dãserore quẽ dutiahye.

3 Tiquiro cahapũ ducuyequinare quẽ dutiahye.

Tiquirore tiquina quēdi bato Pablo Ananiare tuhtiahye:

—Masa ihñono dihita quehnoano iji mehogu ijire m̄h̄h̄. “Cohãcjũ dutiyere ȳhd̄hd̄caḡh̄ nine”, ȳh̄h̄re niepeḡta ȳh̄h̄re quē dutire m̄h̄h̄. Sa quē dutiḡh̄ m̄h̄h̄ pehe dutiyere ȳhd̄hd̄caḡh̄ niaga, niahye Pablo tiquirore.

4 Tiquiro sa nigũ t̄hoye Pablo cahap̄h̄ ducuyequina ohõ saha niahye tiquirore:

—Cohãcjũ tiquiro beseriquiro pahia p̄htorore ñano yahuducueracãhña m̄h̄h̄, niahye tiquina Pablöre.

5 Tiquina sa nigũ t̄horo Pablo ni nemoahye tja:

—Ȳh̄h̄ acaye, tiquiro pahia p̄htoro ijiyere masied̄h̄ ȳh̄h̄. Sa yeḡh̄ sa ni maca cãhti ȳh̄h̄. Cohãcjũ yere tiquina ojoari ohõ saha ni yahure tiquirore: “M̄h̄h̄ ya maca cjēna p̄htorore ñano ni, yahuducueracãhña”, ni ojoahye, niahye Pablo tiquinare “Boya”, nino.

6 Sa ye top̄h̄ p̄h̄a curua cjēna ijiahye. Ihcã curua saduceo masa ijiahye. Ape curua pehe fariseo masa ijiahye. P̄h̄a curua tiquina ijigũ masino, Pablo judio masa buc̄nare tutuaro sañuducu yahuahye:

—Ȳh̄h̄ acaye, ȳh̄h̄ fariseo mas̄h̄ ijiaja. Fariseo mas̄h̄no mac̄ta ijiaja ȳh̄h̄ ḡh̄h̄. “Yariariquina masa m̄jaeta”, ȳh̄h̄ sa nidi buhiri ȳh̄h̄re ñano ye duare m̄h̄sa, niahye Pablo.

7 Tiquiro sa nigũ t̄hoye fariseo masa, saduceo masa tiquina basi cahme tuhtiahye. Sa ye tiquina basi p̄h̄a curua tu wahye.

8 Saduceo masa ohõ saha niñequina ijiahye: “Yariariquina masa m̄jasi. Espiritua, angele ḡh̄h̄ ne mariedare”, niñequina ijiahye. Sa ye fariseo masa pehe tiquina yero saha niedahye. Sa ye Pablo “Yariariquina masa m̄jaeta”, tiquiro nigũ tiquina basi cahme tuhtiahye.

9 Sa cahme tuhtie, tutuaro sañuducuahye. Sa ye fariseo masa mehna cjēna judio masa buheyequina wahcãd̄h̄ca, tuhti, yahuahye:

—Ahriquiro Pablo ñano yerari. Sa yero espíritu o angel, poto tiquiro mehna yahuducuriquiro ijiboaga, niahye tiquina.

10 Tiquina sa nidi bato tiquina ijipihtiyequina cahme tuhti, tutuaro usuahye. Pablöre tiquina wejē duagũ ihñano cuesãhye surara p̄htoro pehe. Sa yero Pablöre tiquiro ya w̄h̄h̄p̄h̄ ne cã dutiro, tiquiro masa watoap̄h̄ surarare ohoahye.

11 Ape ñami Jesu mari p̄htoro Pablo cahap̄h̄ ducuro, yahuahye tiquirore:

—Cueracãhña. Yojop̄h̄re ohõre Jerusalēp̄h̄ yee buheyere yahuri m̄h̄h̄. Sa yeḡh̄ Romap̄h̄ ḡh̄h̄re ohõ sahata yei wahaya, niahye mari p̄htoro Jesu Pablöre.

Judio masa Pablore wejē duamahye

12-13 Ape decopu ñami cjũno ijigũ judio masa cahme-coahye.

—Ohõ saha yeihna. Pablore wejēihna. Tiquiروه mari wejēato pano sihniedacũhna. Ihyeracũhna. Tiquiروه wejēdana ujna mehna yariuhna. Sa yero Cohãcjũ mari pehere wejēahdo, niahye tiquina.

Tiquina cuarenta bui cjũno judio masa ijiahye.

14 Tiquina sa nidi bato tiquina pahia pũhtoare, bucuna gũhare yahuye wahahye:

—Pablore usã wejēato pano ihyayere usã ihyeraja.

15 Sa yena msa, bucuna mehna ohõ saha ni pijioya. “Pablore pari turi sinitu duaja”, niña surara pũhtorore. Msa sa nidi bato surara pũhtorore ne cãhta dutiya Pablore. Sa yena Pablo ohõ cahagã tiquiro wihigũ waro tiquiروه wejēnatja usã, niahye tiquina pahia pũhtoare.

16 Sa ye Pablo pacjũno tiquina sa ni yahuducugũ tũhoahye. Tiquina sa nigũ tũhoro waha, surara ya waharu Pablore yahuro sajãhye.

17 Tiquiro sa yahuri bato Pablo pehe ihcãquiro surarare pijio yahuahye tiquiروه:

—Ahriquiro wahmũnore pũhtoro caharu neahña. Ahriquiro mũhu pũhtorore

yahu duaro nine, niahye Pablo.

18 Tiquiro sa nigũ tũhoro surara pehe Pablo pacjũnore tiquiro pũhtoro caharu ne sa, yahuahye:

—Peresupu ijiriquiro Pablo pehe yũhare pijio, ahriquiro wahmũnore mũhu caharu ne cã dutiri. Ahriquiro mũhare yahuro taro niñohti, niahye surara tiquiro pũhtorore.

19 Tiquiro sa nigũ tũhoro pũhtoro pehe wahmũno omocare ñehe tũã cã, masa marienopu tiquiروه sinituahye:

—¿Dũhse nigũ tũu niari mũhu yũhare? niahye tiquiro Pablo pacjũnore.

20 Tiquiro sa sinitugũ tũhoro ohõ saha ni yahuahye:

—Judio masa ihcãno mehna “Ohõ saha yeihna”, ni, ñamiaru judio masa bucuna caharu mũhare Pablore nea dutieta. “Bucuna Pablore pari turi sinitu duare”, ni mehoeta.

21 Sa niepegũta cuarenta bui cjũno masa tiquiروه wejē duayequina duhti, cohte duare. Tiquina tiquiروه wejēato pano ihyayere ihyasi. Sa ye sihnisi. “Tiquiروه mari wejēdagũ Cohãcjũ marine wejēahdo”, nidi tiquina basi. Sa ye yojopure mũhare Pablore ne cãhta dutiye tiquina pehe duhti, cohte tuhasari, Pablore wejēñe tehe. Sa yegu tiquina yahuye wihigũ tiquinare yũhtieracãhña mũhu, ni yahuahye wahmũno surara pũhtorore.

22 Tiquiro sa nigũ tũhoro surara pũhtoro ohõ saha ni ahye:

—Yũhũre mũhũ yahurire apequinare yahueracãhña, ni yahuahye wahmũnore.

Sa ni tuhasa wahmũnore “Waharĩsa”, niahye tiquiro.

Pablöre pũhtoro Feli wame tiriqũiro cahapũ ohoahye

23 Sa yero surara pũhtoro pũaro tiquiro yequina cien surara pũhtoare piji cã, tiquinare dutiahye:

—Dos cientos surarare, setenta caballoa bui pesayequinare, dos cientos doqueye cju cũoyequina mehna Cesareapũ wahatiquinare tiquina yere quehno dutina wahaya. Sa yena mũsa mia ñami nueve ijigũ mũsa wahatore cohteya.

24 Sa yena Pablöre caballore tiquiro pesatiquinare quehno basaya. Pũhtoro Feli cahapũ, Cesareapũ, quehnoano soya tiquirore, niahye surara pũhtoro.

25 Sa ni tuhasa papera ojoahye. Ohõ saha ni ojoahye tiquiro:

26 “Yũhũ Claudio Lisia mũhũre tutuagũ pũhto Felire quehnoa dutiaja.

27 Judio masa ahriqũiro Pablöre ñehe, wejẽmedi. Sa yegũ Roma cjãno tiquiro ijigũ masigũ, yequina surara mehna tiquirore yedohou esã.

28 Sa yegũ tiquirore tiquina yahusãrire masi duagũ judio masa bũcũna cahapũ ne sau tiquirore.

29 Sa yegũ tiquiro judio masa ye dutiye dihitare tiquiro yũhdũdcagũ mari ye dutiyere tiquiro yũhdũdcaeragũ ihñagũ, tiquirore peresupũ cũ duerũ. Yabe buhiri yariaro mariedare tiquirore.

30 Sa yero judio masa tiquirore wejẽ dua, tiquina bũca quehegũ ihñano apeqũiro yahuri yũhũre. Tiquiro sa yahuri bato Pablöre yojopũre mũhũ cahapũ ohogũ niaja. Sa yegũ tiquirore yahusãriquinare tiquiro ñaÑe yerire mũhũre yahu duti tuhasã yũhũ”, ni, ojoahye surara pũhtoro.

31 Sa ye surara tiquina pũhtoro tiquiro dutiriro sahata yeahye. Ti ñamine Antipatri wame tiri macapũ Pablöre ne sahye.

32 Ape decopũ apequina surara caballoa bui pesaerariquina ti macapũ tojoa tahye tiquina ya macapũ. Apequina surara caballoa bui pesayequina dihita tiquirore ne yũhdũ cãhye.

33 Tee Cesareapũ ne sahye Pablöre. Sa ye surara pũhtoro tiquiro ohori pũre pũhtoro Felire wiahye. Sa ye Pablöre ne sahye pũhtoro cahapũ.

34 Tiquina sa wiari bato pũhtoro ti pũre tiquiro ihñari bato apequinare sinituahye:

—¿Di yehpa cjãno ijiajari ahriqũiro Pablo? ni sinituahye tiquiro.

—Cilicia yehpa cjãno ijire, ni yahuahye tiquirore.

35 Tiquinare sinitu tuhasa, Feli Pablöre yahuahye:

—Muhure yahusãriquina ohõre tiquina wihigũ muhũ yahugũ tãhoutja, niahye Feli Pablöre.

Tiquiro sa nidi bato Herode ya wuhũpũ tiquirore cũahye. Sa yero tiquiro yequina surarare Pablöre cohte dutiahye pãhtoro.

24

Pablo “Ñano yerũ yuhũ”, ni yahuahye Felire

1 Ihcã omope decori bato, Anania pahia pãhtoro, apeqũna judio masa bucũna, dutiyere mihnidiquiro Tertulo wame tiriquire mehna Cesareapũ esahye. Sa ye tiquina Pablöre yahusã duaye pãhtoro Feli cahapũ esahye.

2 Sa yero Pablöre topure tiquina ne sari bato Tertulo tiquirore yahusã dũcahye. Sa yahusã dũcaro ohõ saha ni yahusãhye Felire:

—Muhũ quehnoano masigũ, usã pãhto muhũ quehnoano dutigũ usã ahri yehpa cjãna quehnoano iji cjã usã cahmequeno marieno. Muhũ dutiye mehna quehnoañe pehere comesaro nine ahri yehpa.

3 Sa yena usã quehnoano iji cãna bucueaja. Sa yena muhũ mehna quehnoano bucueaja.

4 Yojopure mehenogã muhure cariboutja yuhũ. Mehenogã muhũ mehna yahuducu duaja. Usãre tãhodoqueorĩna muhũ.

5 Ahriquiro usãre caribo yuhdũare. Ijipihtiye yehpari cjẽnare judio masare tiquina usua sañuducugũ yere ahriquiro. Sa yero masa tiquina basi cahme tuhtigũ yere ahriquiro. “Pũhtoare cohãhna”, niñequina mehna cjãno ijire ahriquiro. Sa yero nazareno wame tiri curua pãhtoro ijire.

6 Sa yero Cohãcjũ wuhure ñano tiquiro ye duagũ ihñana usã ñehai ahriquirore. [Usã ñehedi bato usã ye dutiyere tiquiro yuhdũdũcariquiro ijigũ tiquirore buhiri dahre duami usã.

7 Usã sa ye duepegũta surara pãhtoro Lisia wame tiriquire tiquirore usãre tutuaro mehna ehma cãri.

8 Came tiquirore yahusãriquinare muhũ cahapũ waha dutiri Lisia. Tiquiro sa nigũ tãhona ahtaũ usã.] Muhũ pũrita ahriquirore sinitugũ, ijipihtiye tiquiro ye buhirire masigũta muhũ, niahye Tertulo Felire.

9 Tiquiro sa nidi bato apeqũna judio masa “Tertulo tiquiro nidiro sahata pote ijire”, niahye tiquina gũhũ.

10 Tiquina sa ni yahusãri bato pãhtoro Feli Pablöre yahu dutiahye. Ohõ saha ni yahuahye Pablo:

—Peye cãhmari ahri yehpa cjẽnare muhũ dutirire masi-aja yuhũ. Sa yegũ yuhũ yerire muhure yahugũ bucueaja.

11 Doce decorita wahare Jerusalẽpũ Cohãcjũre yuhũ ño peori bato. Muhũ ahri pote ijigũ masi duagũ apeqũnare

sinituya.

¹² Judio masa yuhure Cohãcjũ wuhupure boca tiquina ñehegũ masare ni sañuducugũ niedũ. Sa yegũ “Musa puhtoare cohãña”, nigũ niedũ. Sa yegũ judio masa buheye wuhusere, tiquina ya maca gũhure ne ñano yera tii.

¹³ Sa ye yuhure yahusãriquina pehe tiquina yahusãrire “Ohõ saha yeri ahriquiuro”, ni, yahu masiedare mũhure.

¹⁴ Yojoꝛũ yuhũ yerire yahutja mũhure. Duita usã ñecusũmũa tiquina ño peoriquiurore mari Pacure ño peoaja yuhũ gũhũ. Sa yegũ tiquiuro yere yeaja Jesu ye quehnoañe buheye nidiro sahata. “Jesu ye ni mehoñe ijire”, ni yahuducure ahriquina judio masa. Tiquina sa niepegũta Cohãcjũ dutiye, Moisepure tiquiuro cũriire ti gũhure ño peoaja yuhũ. Sa yegũ Cohãcjũ yere yahu mũhtariquina tiquina ojoari gũhure ño peoaja yuhũ.

¹⁵ Ahriquina apequina judio masa tiquina tũhoturo sahata Cohãcjũ ijipihtiyequina masare yariariquinare quehnoañequina, ñañequina mehna tiquina masa mũjagũ yerota. Yuhũ gũhũ sata ni tũhotuaja.

¹⁶ Sa yegũ buhiri mariedaja yuhũ. Cohãcjũ tire masine. Sa ye masa gũhũ tire masine. Sa ye potota yahuaja yuhũ mũhure. Sa yegũ quehnoano tũhotuaja.

¹⁷⁻¹⁸ 'Peye cãhmarine ape sieꝛũ tinidigũ ijigũ Jerusalẽne

tojoa wihi, yuhũ acayere judio masa pejecũoyequinare niñerure ohogũ tũũ nii yuhũ. Tojoa wihi Cohãcjũre ño peogũ tũũ, tiquiuro ya wuhupũ sajãmi. Sa yegũ Cohãcjũ tiquiuro cose dutiuro sahata yuhũ basi yuhũ ñañene coseri bato wahiquiurore oho duami tiquiurore ño peogũ tũũ. Topũ yuhũ ijigũ ahriquina judio masa yuhure bocari. Tiquina bocagũ apequina yuhũ mehna mariedari. Usua, sañuducuyequina mariedari.

¹⁹ Sa ye apequina judio masa Asia yehpa cjẽna topũ ijiri. Tiquina yuhũ ñano yegũ ihñariquina ijiye, yahusãñe ahtaahro.

²⁰ Ahriquina ohõꝛure ijieyequina pehe judio masa bũcũna mehna yuhũ ijigũ ihñariquina yuhũ ñano yerire masiñe, tiquina gũhũ yahusãahdo.

²¹ Ihcãnogã pũritare yuhure tiquina yahusã masine: Ti pje tiquina mehna ijigũ ohõ saha ni tutuaro sañuducuu yuhũ. “‘Yariariquina masa mũjaeta’, yuhũ nidi buhiri, buhiri dahrere mũsa”, nii tiquinare, ni yahuahye Pablo Felire.

²² Tiquiuro sa ni yahuri bato Feli ohõ saha ni yahuahye Pabloure:

—Yojoꝛũ to puno tjire. Surara puhtoro Lisia tiquiuro wihiri bato mũhure yuhũ yeatore masiitja yuhũ, niahye Feli Pabloure.

Feli pehe Jesu yequina tiquina yerire quehnoano masi pehoriquiuro ijiahye.

23 Sa ni tuhasa, Pablöre cohteriquiro surarare Feli quehnoano ihña nũnũ dutiahye “Peresupũ ijiriquiro duhtiari”, nino. Sa ijieperota mehenogã ohori tiquiro tiniatore. Pablo mehna cjẽnare tiquirore peresupũ ijiriquirore yedoho dutiro sa dutiahye Feli.

24 Meheñe decorigã bato Feli, tiquiro namono Drusila wame tiricoro mehna ahta, Pablöre pijiahye. Feli namono pehe judio masono ijiahye. Pablöre tiquina pijiri bato, Jesucristore tiquiro wacũ tutuayere Pablo pehe yahuahye tiquinare.

25 Sa yahuro quehnoañene, quehnoano wacũ masiñene, ñañene cahmedare, pihtiri deco ijigũ Cohãcjũ masare tiquiro buhiri dahreatore yahuahye Pablo. Tiquiro sa ni yahugũ tũhoro Feli cuero, Pablöre yahuahye:

—Yojopũre waharĩsa. Came yũhũre dahraye mariedagũ mahũre pijitja tja, niahye Pablöre.

26 Sa nino Pablo tiquiro niñeru ohogũ cahmemahye Feli. Sa yero tiquiro niñerure cahmeno, peye tahari Pablöre piji, tiquiro mehna yahuducue timahye Feli. Niñerure tiquiro wapa yegũ Pablöre wioboaga, ape taha yero.

27 Pũa cũhma bato Porcio Festo wame tiriquire Feli comesariquire ijiahye. Sa ijiepegũta Feli pehe pũhtoro ijiro, judio masare bucuẽgũ ye duahye. Sa yero tiquiro

Pablöre peresupũ iji dutiniahye.

25

Pablo Festore tiquiro yerire yahuahye

1 Sa ye Festo ti yehpapũ ihtia deco tiquiro ijiri bato, Cesareapũ ijiriquiro waha, Jerusalẽpũ esahye.

2 Topũ tiquiro ijigũ pahia pũhtoa, judio masa pũhtoa mehna Pablöre tiquina yahusãrĩre yahuahye Festore.

3 Pablo mahapũ wahagũ tiquirore bũca quehe, wejẽ duaye nimahye tiquina. Sa ye tiquina Festore tutuaro sinimahye:

—Pablöre Jerusalẽpũ ohoya, ni, sinimahye tiquina Festore.

4 Tiquina sa nigũ tũhoro, Festo yahuahye tiquinare:

—Yojopũre Pablo Cesareapũ peresu ijire. Yojopũre yũhũ topũ wahau tũta niaja.

5 Pablo tiquiro ñano yeriquiro ijigũ, masa pũhtoa Cesareapũ yũhũ mehna waha, tiquirore yahusãahdo, niahye Festo.

6 Sa yero Festo ocho o diez decori tiquina mehna tiquiro ijiri bato Cesareapũ tojoaa wahahye. Ape decopũ tiquiro buhiri dahre dutiri wahapũ dujiro, Pablöre ne cãhta dutiahye.

7 Sa ye Pablo Festo cahapũ tiquiro wihigũ, judio masa Jerusalẽpũ ahtariquina pehe Pablo cahapũ ducu, tiquirore tutuaro mehna yahusã

ducahye. Sa yahusãepeta “Ahriquiroy tiquiro ñano yegũ ihña”, ni, masiedahye.

⁸ Tiquina sa ni yahusãri bato Pablo tiquiro yerire yahuahye:

—Judio masa tiquina dutiyere, Cohãcjũ wahu cjẽ dutiyere, Roma cjãno puhtoro tiquiro dutiyere yuhducaeru, niahye Pablo.

⁹ Festo pehe judio masare bucuegũ ye duaro, Pablory sinituahye:

—¿Jerusalẽru waha duajari mahu? Mahu yerire yahure toru yahuta mahu, niahye Festo Pablory.

¹⁰ Tiquiro sa nigũ tuhoro Pablo yahuahye:

—Ijipihtiyequina puhtoro tiquiro ya wuhuru buhiri dahre dutiry wuhuru ijiaja yojopure. Ahri wahu boropu yahu yerire tuhoya. Judio masare yahu ñano yerariry quehnoano masine mahu.

¹¹ Dutiyere yuhducarigu ijigu “Yahure wejẽdacãhña”, niedaboaya yahu. Sa yegu ahriquina yahusãri pehe ni mehoñe ijigũ yahure yahusãriquinare yahure oho masiedare mahu. Yahu yerire ijipihtiyequina puhtorore Césare yahu duaja, niahye Pablo.

¹² Tiquiro sa nigũ tuhoro Festo pehe quehnoano masi yahuyequinare sinitu tuhasa, yahuahye Pablory:

—Mahu ijipihtiyequina puhtorore mahu yerire mahu yahu duagũ tiquiro caharu ohonatja mahure, niahye Festo Pablory.

Festo puhtoro Agripary Pablo tiquiro ijyey tyere yahuahye

¹³ Camesu puhtoro Agripa, Berenice wame tircoro mehna Cesarearu Festore ihñañe esahye.

—¿Ne, ijiajari mahu? niahye tiquina Festore piti caye.

¹⁴ Toru peyey decori tiquina ijiry bato Festo yahuahye Agripary Pablo tiquiro ijyey tyere:

—Ohõre Feli tiquiro peresy yeriquiro ijyey.

¹⁵ Sa yey Jerusalẽru yahu wahagũ judio masa tiquina pahia puhtoa, tiquina bucuna mehna ahriquiroy yahusãri. “Tiquiro yey buhiriry wejẽña tiquirore”, ni, sinidy tiquina yahure.

¹⁶ Tiquina sa ni sinigũ tuhogu yahu tiquinare ohõ saha ni yahu. “Roma cjẽna pehe peresy tiquina yeriquinare masare ohoerare. Sa yegu tiquirore ohoeraja masare. Usã ñehediquirore tiquirore yahusãriquinare tiquiro ihñato pano tiquirore buhiri dahre masiedaja usã. Tiquiro basi tiquiro yeriry tiquiro yahueragũ tiquirore buhiri dahre masiedaja usã”, ni tiquinare.

¹⁷ Sa yegu ohõre tiquina wihigũ ihñagu yoyary pyey yahu. Sa yegu apyey decoru buhiri dahre dutiry wuhuru dujigu, tiquina yahusãriquiroy pijiy.

¹⁸ Sa yey ty wuhuru tiquiro wihigũ ihñañe tiquirore ihña tuhtiyequina wahcãducary. Tiquina sa wahcãducagũ

ihñagu “Ña yuhduaro ni yahusãeta”, ni, tãhotumi yãhũ tiquinare. Tiquirore yahusã duepeta yahusã masiedari tiquina.

19 Sa ye ahriquiore Cohãcjã yere tiquiro yahuri buhiri judio masa tiquirore tuhtiri. Jesu wame tiquiro tiquiro yaria masa m̃jarire tiquiro yahuri buhiri yahusãri ahriquiore. Ahri dihitare yahusãri.

20 Tire masiedagu tiquirore quehnoano sinituu. “¿Jerusalẽpũ wejẽboagari mari tiquirore? waha duajari m̃hũ yãhũ mehna? Topũ yahuya m̃hũ yerire yãhũre”, nimi tiquirore.

21 Yãhũ sa niepegãta tiquiro waha duerari. “Yãhũ yerire ijipihiyequina pãhtorore yahu duaja”, nidi tiquiro yãhũre. Tiquiro sa nidi bato ohõpũta tiquirore cohte dutii, ijipihiyequina pãhtoro cahapũ tiquirore yãhũ ohoato pano, niahye Festo Agripare.

22 —Yãhũ basi tãho duaja tiquirore, niahye Agripa Festore.

—Ñamiapũ tiquirore tãhoya m̃hũ, ni yahuahye Festo.

23 Ape decopũ Agripa, Berenice mehna tiquina buhiri dahre dutiri wãhupũ esa, “Pãhtoa ijiaja usã”, niñe cua pesaro ye ihñohaye tiquina, surara pãhtoa, ti maca cjẽna pãhtoa mehna. Sata ye sajãhye ti wãhupũ. Tiquina sajã sari bato Pablöre pijiahye Festo.

24 Sa yero Festo ohõ saha ni yahuahye:

—Pãhto Agripa, masa ijipihytina ahri wãhũre cahmecoana, tãhoya. Ohõre ahriquiore peyequina judio masa tiquina yahusãriquiore ijire. Jerusalẽpũ, Cesareapũ gũhũre tiquina tiquirore yahusãri. “Tiquirore wejẽña”, sa niducuye nine tiquina.

25 Tiquina sa niepegãta ohõ saha tãhotuaja yãhũ. Ahriquiore ne ñano yeriquiro ijierare. ¿Yabe buhiri Sa yegũ ijipihiyequina pãhtorore César Augustore ahriquiore yerire tiquiro yahu duagũ ijipihiyequina pãhtoro cahapũ ohogũtja tiquirore.

26-27 Sa yegũ ahriquiore yerire tãho, quehnoano masiedarĩaja yãhũ. Sa masiedagu mari pãhtorore yahu ojoa masiedaja. Sa yegũ masare tiquiro yahugũ tãho dutigũ niaja yojopũre. Pãhto Agripa, yojopũ pũritare ahriquiore ijire m̃hũ sinituatiquiro. M̃hũ sinitu tuhasa, mari masidi bato ahriquiore tiquina yahusãrire quehnoano yahu ojoautja. Ahriquiore ñano yerire yãhũ masiedapegãta mari pãhtoro cahapũ tiquirore yãhũ ohogũ quehnoaedare. Sa yegũ yojopũre tiquina yahusãrire quehnoano masi duagũ niaja, niahye Festo tiquinare.

26

Pablo Agripare tiquiro

yerire yahuahye

¹ Tiquiro sa nidi bato Agripa Pablöre yahuahye:

—Mũhũ basita yahuya, ni-ahye tiquiro Pablöre.

Tiquiro sa nidi bato Pablo pehe, “Dihta mariahña”, nino tiquiro omocarine siõ mũo, tiquiro yerire yahuahye:

² —Pũhto Agripa, yũhũre judio masa tiquina yahusãrĩre, yũhũ yerire mũhũre yahugũ, yojopũre quehnoano jeripohna tiaja.

³ Mũhũ judio masa usã yee tiyere, usã buheye gãhũre mũhũ quehnoano masigũ pũritare bucueaja yũhũ. Sa yegũ mũhũ yũhũre quehnoano tũhoya, ni ðũcahye Pablo.

Pablo Jesu yaquiro tiquiro ijato pano tiquiro ijie tirire yahuahye

⁴ Sa ni tuhasaro ohõ saha ni nemoahye tiquiro:

—Wahmũ yũhũ ijie tirire ijipihtiyequina judio masa masine. Ijipihtiye decori yũhũ masa bajuari bato yũhũ ya dihtapũre, Jerusalẽpũ gãhũre yũhũ ijirire masine tiquina.

⁵ Coã waropũre fariseo masũ ijimi. Sa yegũ fariseo masa tiquina dutiyere, tiquina yeye borore ye pehogũ yũhũ ijigũ tiquina masine. Tiquina mũhũre yahu duaye, tire yahu masine tiquina.

⁶ Ahri buhiritã yũhũre yahusã mũjare. Usã ñecusũmũa iji turiayequinare “Yariariquinare masoutja”,

Cohãcjũ tiquiro ni cũrĩre “Poto tjire”, yũhũ nidi buhiri ahriquina yũhũre yahusã mũjare.

⁷ Yũhũ acaye judio masa ijipihtiyequina doce cururi cjẽna Cohãcjũ masare tiquiro masoatire bucue, cohteducure. Sa ye Cohãcjũre ño peoducure. Sa cohteducuyequina ijiye usã yero saha yere tiquina. Pũhto Agripa, sa ihcãno saha yena usã ijiepegũta tiquina pehe tiquiro masoatire yũhũ cohteri buhiri yũhũre yahusã mũjare judio masa.

⁸ ¿Mũsa judio masa pehe ðũhse yena Cohãcjũ tiquiro masorire tiquina yahugũ tũho duerajari mũsa, judio masa? ni yahuahye Pablo.

Pablo Jesu yequinare tiquiro ñano yee tirire yahuahye Agripare

⁹ Sa ni tuhasa ohõ saha ni yahu nemoahye:

—Jesure Nazare cjãnore ihñedarĩgũ, ñañe dihitare ye duami tiquiro yequinare.

¹⁰ Sa yegũ Jerusalẽpũ sa yee timi yũhũ. Pahia pũhtoã yũhũre tiquina dutirĩ bato peyequina Jesu yequinare peresu yee tii. Sa yegũ pũhtoã tiquinare wejẽ dutigũ, wejẽ dutii yũhũ gãhũ.

¹¹ Peye tahari ijipihtiye judio masa buheye wãhũsepũ Jesu yequinare ñano ye dutie tirũ. Sa yegũ Jesu yequina Jesure tiquina cohãgũ ye duagũ nimi. Tiquina mehna tutuaro usuã yũhũ. Sa yegũ apeye macaripũ gãhũre

tiquinare ñano yegũ esae tii yũhũ, ni yahuahye Pablo.

Pablo Jesu yaquiro tiquiro waharire yahuahye
(Hch 9.1-19; 22.6-16)

¹² Sa ni tuhasa ohõ saha ni yahu nemoahye:

—Damascopũ Jesu yequinare ñano ye duagũ esami. Tiquinare ñano yũhũ ye duagũ ihñañe pahia pũtoa yũhũre waha dutiri.

¹³ Ohõ saha ijiri pũhto Agripa: Coheri pje ijigũ waro mahapũ yũhũ wahagũ uhmũano cjẽ asi siteye, asũ deco cjũno yũhdũoro, yũhũre yũhũ mehna wahayequina gũhũre asi siteri.

¹⁴ Ušã ijipihtina yehpapũ bora quehe sa, judio masa ye mehna yũhũre tiquiro yahuducugũ tũhou. “¿Saulo, dũhse yegũ mũhũ yũhũre ñano yeajari? Mũhũ yũhũ mehna usuagũ yũhũre yũhtieragũ, mũhũ basi ñano yũhdũre”, nidi yũhũre.

¹⁵ “¿Pũhto, noa boro iijajari mũhũ?” ni, sinituu yũhũ. “Yũhũ Jesu, mũhũ ñano yenohrigũ iijaja.

¹⁶ Wahcãdũcaya mũhũ. Mũhũre yũhũ cahacjũ iijiacjũ yegũ tagũ, yojopũ bajuaja yũhũ. Miare yũhũre mũhũ ihñarire, came mũhũre yũhũ ihñaoti gũhũre apequinare yahugũta mũhũ.

¹⁷ Judio masare, judio masa ijieyequina gũhũre mũhũre buhe dutigũ ohogũtja. Tiquina cahapũ mũhũ ijigũ, mũhũre tiquina ihña tuhtigũ mũhũre yedohogũtja.

¹⁸ Yeere tiquinare masigũ yeya mũhũ. Sa yegũ tiquinare ñañene duhugũ yeya. Quehnoañe pehere comesagũ yeya tiquinare. Watĩnore cahmedagũ yeya mũhũ. Sa yegũ Cohãcjũ ye pehere yegũ yeya mũhũ tiquinare. Mũhũ sa yegũ tiquina yũhũre wacũ tutuaeta. Tiquina sa wacũ tutuagũ ihñagũ tiquina ñañe yerire boutja. Sa ye tiquina Cohãcjũ tiquiro beseriquina mehna cjẽna iijeta. Tiquiro ohoatire cũoatiquina iijeta tiquina”, nidi Jesu yũhũre, ni yahuahye Pablo.

Pablo tiquiro yerire tiquiro dahrayere yahuahye

¹⁹ Sa ni tuhasa ohõ saha ni yahu nemoahye:

—Pũhto Agripa, uhmũano cjẽ yũhũ tũhoyere yũhdũdũcaerũ.

²⁰ Damascopũ buhe mũhtau. Came Jerusalẽpũ buhei tja. Came Judea yehpapũ, judio masa ijieyequina cahapũ gũhũre masare tiquina ñañe yerire bujũa witi dutii, Cohãcjũ yere cahme dutigũ. “Quehnoañene mũsa yegũ ihñañe ñañene mũsa bujũa wiritire apequina masieta”, nigũ, tiquinare quehnoañene ye dutigũ buhei.

²¹ Cohãcjũ ya wãhũpũ yũhũ ijigũ yũhũ sa ni yahuri buhiri judio masa yũhũre ñehe, wejẽ duamedĩ.

²² Tiquina sa yepegũta decoripe Cohãcjũ tiquiro yedohoro mehna sa buheducuaaja. Sa yegũ yojopũre mũsa ijipihtina pũtoare,

ihyo ijina gāhare tiquiro yere yahugm niaja. Panopm cjēna Cohācjū yere yahu māhtariquina, Moise mehna tiquina yahuyuro sahata yahuaja yhm gāhm. Ohō saha ni yahuyuahye tiquina.

23 “Cristo Cohācjū ohoriquiro pehe ñano yhdurota. Sa yero yariaro masa mja māhtariquiro waharota tiquiro. Sa yero masare tiquiro yhdmoatire judio masare, judio masa ijieyequina gāhare masigū yerota”, ni yahuyu ojoae tiahye panopm cjēna. Yhm gāhm tiquina yero sahata yahuaja, ni yahuahye Pablo Agripare.

Pablo Agripare Jesu yaquiro wahagū ye duamahye

24 Tiquiro sa ni yahuri bato Festo tiquirore tutuaro sañuducu yahuducuahye:

—Pablo, mhm taho masiegm ijire. Mhm peye buhegm cohto tia wahare, ni sañuducuahye tiquiro Pablore.

25 Tiquiro sa nigū tūhoro Pablo yūhtiahye Festore:

—Pūhto, tūho masiegm ijieraja yhm. Yhm yahuye ijirota ijire. Sa yegm yhm ahrire cua pesaro mehna quehnoano niaja.

26 Pūhtoro Agripa pehe ahri yhm yahurire quehnoano masine. Sa yegm yhm tiquirore cuero marieno yahuaja. Ahri yahuyere ijipihtiequina masa masine. Sa yegm ijipihtie ahrire yhm nidire pūhtoro Agripa tiquiro masigū masiaja yhm, niahye Pablo Festore.

Sa ni tuhasa ohō saha niahye Agripare:

27 —Pūhto Agripa, Cohācjū yere yahu māhtariquina tiquina yahue tirire tūhore mhm. Tiquina yahue tirire mhm tūhogū masiaja yhm, niahye Pablo Agripare.

28 —¿Ahrire yūhare yahugm mehenogā mhm yahuye mehna Jesu yaquiro yhm wahagū ye duagm nijari mhm? niahye Agripa Pablore.

Tiquiro sa nigū Pablo yūhtiahye:

29 —Mehenogā yahuducugm o yoari pje yahuducugm masa ijipihtinare “Yhm ijiro sahata Jesu yequina ijiahiro”, ni sini basaja Cohācjūre. Sa siniepegm yhm yero saha peresupm masa ijigū cahmedaja yhm, niahye Pablo Agripare.

30-31 Tiquiro sa nidi bato Agripa, Festo, Berenice ijipihtiequina apequina mehna wahcādūca, wijia, tiquina basi yahuducuahye:

—Ahriquiro buhiri mariedare. Sa yena tiquirore ne peresu ye masiedaja mari. ¿Sa yena mari yabe buhiri tiquirore wejēboagari? ni, yahuducuahye tiquina basi.

32 —Ahriquiro “Ijipihtiequina pūhtorore César pehere yhm yerire yahu duaja”, tiquiro niedagū mari wioboaya tiquirore peresupm ijiriquire, niahye Agripa Festore.

27

Pablo tiquirore tiquina yahusārire Romapm yahuro

wahahye

1 Pablöre Italiar_u yuc_usa mehna ohoye tehe, tiquirore apequina mehna tiquina peresu yeriquina mehna Julio wame tiriquireo mehna cūri tiquina. Julio cien surara p_uhtoro ijiro, tiquiro ya curua “Augusto yequina surara”, wame tiri.

2 Sa yena Adramitio wame tiro c_uria yuc_usar_u saj_u us_u. Tia Asiarp_u wahatia ijiri. Saj_u tuhasa, tia mehna wahau. Aristarco Tesalónica wame tiri maca c_uno us_u mehna wahari. Tesalónica Macedonia yehpar_u ijire.

3 Ape decop_u us_u Sidōr_u esau. Top_u esaro Julio Pablöre quehnoano yeri. Sa yero Pablöre tiquiro mehna c_una cahar_u ih_uano waha dutiri. Sa yero Pablo mehna c_una tiquirore tiquiro cahmeñene tiquina ohog_u “Quehnoanota”, nidi Julio.

4 Yuc_usa mehna us_u peh_ug_u tutuaro wihnono us_ure ape sier_u w_udoque pehōri. Sa yena Chipre wame tiri n_uc_uo cahmotarop_u poto peher_u wahau us_u.

5 Tee Ciliciare y_uhd_u, Panfilia g_uh_ure y_uhd_u, Mira wame tiri macar_u Licia yehpar_u ijiri macar_u peh_u sau.

6 Top_u esana, Alejandrīar_u ahtariare, Italiar_u wahatiare yuc_usare bocau. Sa yero us_ure tiar_u waha dutiri surara p_uhtoro.

7 Peye decori dero dero waha, “Wape c_uo y_uhd_uare”,

ni, waha, Gnido wame tiri maca potop_u esau us_u. Top_u esa y_uhd_u, wihnono tutuaro w_ug_u, us_u waha duarirōp_u us_ure w_u ohōdari. Sa yena us_u c_u pehe peher_u majare peh_u wahau. Sa yena Creta wame tiri n_uc_uo cahmotari pahr_u pehe us_u peh_u waha, Salmōn wame tiri ñoare y_uhd_u wahau us_u.

8 Top_u y_uhd_u, ti n_uc_uo d_uht_u cahar_u waha, “Wape c_uo y_uhd_uare”, ni, waha, Quehnoari petamaha wame tirop_u wah_u sau. Petamaha Lasea wame tiri maca cahar_u ijiri.

9 Top_u yoari pje us_u ijiri bato, us_u wahato pehe cua y_uhd_uari. Sa yero tiquina si-jiri deco bose deco y_uhd_uari bato, Pablo tiquinare yahuri:

10 —T_uhoya m_usa. Sijiri deco bose deco bato mari wahag_u marine minino cua y_uhd_uare. Ahria yuc_usa, yuc_usa c_u, m_usa doeri c_u g_uh_u mari mehna c_una g_uh_u mari butiboaga mari wahana, nidi Pablo.

11 Tiquiro sa niepeg_uta surara p_uhtoro yuc_usa up_urore t_uhoro, ohoturiquireo g_uh_ure t_uhoro, Pablo yahuye pehere t_uho duerari waha duaro.

12 Tiquina pahsari petamaha quehnoari petamaha pohec_u ijig_u tiquina pahsari petamaha ijierari. Sa ijiri petamaha ijig_u yuc_usa c_una peyequina waha dua, Fenicep_u yojoa duamedī. Fenice Creta wame tiri n_uc_uo c_u petamaha ijiro, wihnono ahtaro pehe,

asū sajāno pehe cū pehe pehep_u, poto pehep_u gūh_ure ihñadoqueo, wihnono ahtagū quehnoano cahmotari maca ijiri. Sa ijiri petamaha ijigū masiñe tiquina top_u ihcā pohec_u iji duamedī.

Pajiri map_u wihnono, acoro mehna pajiro wē cāhtahye

13 Sa ye sur pehe derogā wihnono ahta ducari. “Miare quehnoari deco mari wahati deco ijire”, ni tūhotumahye tiquina. Sa wihnono wēgū yuc_usa mehna waha duc_a, Creta n_uc_uo d_uht_u cahagā yoj_uas_u.

14 Sa yoj_uaepegūta came cjūno wihnono noreste wame tiri wihnono tutuaro wēdi.

15 Sa yero yuc_usare wihnono tutuaro wahā wihiri. Wihnono ahtarō pehere waha masiedana, majare paha, wihnono wēonop_u wah_uas_u.

16 Cauda wame tiri n_uc_uogā cahap_u sur pehep_u waha, ti n_uc_uogā usāre mehenogā cahmotari. “Marine wape c_uo y_uhd_uare”, nina tore pajiria yuc_usa cjāria meheniagā yuc_usagāre quehnoano weje peo d_uhteī usā.

17 Tiagāre yuc_usap_u usā weje peo d_uhteri bato pajiria yuc_usap_u pajiri da mehna tiquina wahme ñehe peori. Sirte wame tiri pad_urore “Tia yuc_usa doque wahā sari”, niñe, cue nidi tiquina. Sa ye wihno ñeheñe suhtire tiquina ne dijiori bato yuc_usa dihitare wihnono wēdoqueori.

18 Wihnono, acoro mehna tutuaro ahtari. Ape deco gūh_ure wihnono mānanota ahtagū ihñañe tiquina doeri cjēne diap_u duredoque ño tuhasa, pehāa wah_uas_u.

19 Ape deco yuc_usa cjēne diap_u cohāri tiquina basi.

20 Peye decori ñicuñe decori ijigū, asū deco cjūno ñahpicoha paca gūh_u ne bajuerari. Sa yero tutuaro wihnono wēdi. Sa yena “Minia wahaja mari. Sa yena yariaa wahanata”, ni tūhotumi usā.

21 Sa ye tiquina yoari pje tiquina sijiri bato Pablo tiquina poto ducu, yahuri tiquinare:

—To pano m_usare y_uh_u yahugū tūhoerari m_usa. “Cretap_u ijinina mari wahagū cuarīaga”, y_uh_u nigū tūhoerari m_usa. Y_uh_ure tūhona, ahria cjē ijipihtiyere boeraboaya m_usa.

22 Sa niepegūta yojop_u m_usare yahuaja. Cueracāhña. Ijipihtina mari y_uhd_unata. Ahria yuc_usa dihita marine wahtia waharota.

23 Mia ñamine Cohācjū yaquiro angel y_uh_ure bajuari. Cohācjū yaquiro ijiaja y_uh_u. Sa yeg_u tiquirore ño peoaja y_uh_u. Angel pehe y_uh_u cahap_u ahtarō, yahuri.

24 “Pablo, cueracāhña. Ijipihtiyequina p_uhtorore m_uh_u yerire m_uh_ure yahuro cahmene. Cohācjū quehnoariquiro ijire. Sa yero tiquirore m_uh_u sinidiro sahata yojop_ure m_uh_u mehna cjēna gūh_ure yedohorota”,

nidi yuhure angel.

25 Sa yena cueracãhña mûsa. Angel yuhure tiquiuro nidiro sahata waharota. Cohãcjãre wacũ tutuaja yuhũ. Sa yegũ tiquiuro yahuriro sahata "Ijirota ijire", ni tahotuaja yuhũ.

26 Yuhũ sa niepegũta marine nũcũopũ wihnono wẽdoque ohõnota, ni yahuri Pablo tiquinare.

27 Ihcã ñami pũa semana bato pajiri ma Adria wame tiri mapũ wihnono usãre tutuaro wẽdi. Ti pjere ñami decopũ yucũsa cjẽna umũa pehe "Dũhtũ cahapũ ijiaja mari", ni tahoturi tiquina.

28 Sa ni tahotuye nũcũria comea yuta da mehna dũhte, duhudoque dijio, queori. Treinta y seis metro waro uhcũãri. Mehenogã waha, queori tja. Ti pjere veintisiete metro waro uhcũãri.

29 Sa ye utã pacare "Doque wahã sari", niñe yucũsa ohoturopũ pititia pjĩne dũhte pohoye pjĩnine duhudoque dijiori diapũ. Sa ye "Sojaro mehna bohreahro", ni, tutuaro sinidi tiquina.

30 Yucũsa cjẽna umũa pehe duhtimedĩ. Tiquina meheniagãre yucũsa cjãriare diapũ weje boro poho, yucũsa ehquẽapũ dũhte pohoye pjĩnine tiquina dijioriro sahata yeri tiquina meheniagãre "Marine ihñari", niñe.

31 Tiquina sa yepegũta Pablo surara pũhtorore, tiquiuro yequina surara mehna yahuri:

—Ahriquina umũa meheniagã yucũsa mehna tiquina wahagũ mũsa ijipihtina yari-anata, nidi Pablo.

32 Tiquiuro sa nigũ tahoye surara pehe meheniagãre dũhteyẽ darire yuhre sure, tiare cohãri.

33 Bohreato panogã Pablo tiquinare tutuaro ihya dutiri:

—Pũa semana waro mũsa dũhse wahatire masi duana, cohtena, ne ihyerari mũsa.

34 Sa yena yojopũre ihyana taya. Tutuaro mũsare ihya dutiaja. Mũsa cati duana ihyaya. Ijipihtina mũsa yuhdũnata, nidi Pablo tiquinare.

35 Tiquiuro sa nidi bato Pablo pãre ne, ijipihtiyequina tiquina ihñonopũ Cohãcjũre "Quehnoare", ni duhu peo, tire ihya dũcari tiquiuro.

36 Tiquiuro sa ihyagũ ihñañe tiquina cuero marieno waha, ijipihtiyequina tiquina gũhũ ihyari.

37 Usã ijipihtina doscientos setenta y seis masa yucũsapũ ijii usã.

38 Tiquina ijipihtiyequina yapia waha "Ahria yucũsa nũcũ niaga", ni, peye trigo ihyayere diapũ cohãri.

Yucũsa padũropũ doque quehe sahye

39 Bohreagũ yucũsa cjẽna umũa nũcũore ihñañe, "Ohõ saha wame tiri nũcũo ijire ahri nũcũo", ni, ihña masiedari. Sa masiedapeta tiquina pari tucũpũ padũro ijigũ ihñañe, "Mari ti tucũpũ wahana, topũre doque pje

saboaga paduropu", nidi tiquina.

⁴⁰ Sa niñe duhte pohoye pjiñine duhteye darire yahre sure dijioahye. Ohoturi pji duhteye dari gũhare yahre sure cãri tiquina. Tiquina sa yeri bato yucusa ehquẽa cã suhtirore wahcõ docori, poto wihnono wẽdoqueogũ cahmeñe.

⁴¹ Sa yepegũta yucusa ehquẽa pehe ape paduropu quehe sa, nuña masiedari. Sa yero ohoturore tutuaro pahcõri quẽ ohõgu tia ohoturo wahtia wahari.

⁴² Tia sa wahagũ ihñañe ohõ saha nidi surara:

—Ahria minigũ mari peresu yeriquina duhtu cahapu ba nuña duhtieta. Sa yena tiquinare wejẽ pehouhna, nidi surara.

⁴³ Sa niepegũta surara puhtoro pehe Pablora wejẽ dueraro, ijiptiyequina peresu ijiyequinare wejẽ duerari. Sa yero ijiptiyequina ba masiñequinare surara puhtoro poto duhtu cahapu ba nuña dutiri.

⁴⁴ Sa ye apequna yucusa cje pjiñi wahti siteri pjiñi mehna bora ñojoa, ti pjiñi bui pesa ba nuñari. Usã sa yena usã ijiptitina duhtu cahapu wahã sa.

28

Pablo, Malta wame tiri nuñopu ijiyahye

¹ Sa ye ti nuñopu usã ijiptitina majaduca sana, ti nuño wamene masii. Malta wame tiri nuño ijiri.

² Ti nuño cjeña masa usãre quehnoano yeri. Sa yena usã acoro weri bato yucusa yuhduri usãre. Sa ye to cjeña pehe peca wijiã tuhasa, usãre sohma dutiri.

³ Pablo pecare ne cãhta, tu tiãri. Tiquiro tu tiãri bato ti peca puhiapu sañariquiro aña tutuaro asigũ wijia taro, Pablo omocapu bahque wahã sari yaha wero marieno.

⁴ Tiquiro bahque wahã sagũ ihñañe ti nuño cjeña tiquina basi ohõ saha ni yahuducuri:

—Ahriquiro masa wejẽdiquiro ijiboaga. Sa yero tutuari-coro buhiri dahrerico ruhuẽ cjoño tiquirore buhiri dahrero, cati dutiare. Tiquiro pajiri mapu minino yuhdu tuhasari jimedi. Yojopure ticoro pehe tiquirore cati dutiare, nimedi tiquina basi.

⁵ Sa niepegũta Pablo aña pecapu wejẽ sitedoqueori. Tiquirore aña puriedari.

⁶ "Ipirota", niñe, cohtemedi tiquina. Ne ipierari tiquirore. "Tiquiro yariaa waharota", niñe tiquina cohtemedi. Tiquirore puriedari. Yoari pje bato tiquirore ipieragũ ihñañe, tiquirore puriedagũ ihñañe, sijoro tuhoturi tiquina. "Ahriquiro cohãmana mehna cjeño iji-boaga" nimedi tiquina.

⁷ Tiquina ba wahã sariro cahagãpu Publio wame tiriquiro ye weseri ijiri. Tiquiro ti nuño cjeño puhtoro ijiri. Sa yena usãre tiquiro quehnoano yegũ ihtia

deco waro tiquiro ya wuhapɩ ijinii usã.

8 Publio pacɩro yojoa mehna, ujuaye dohatiriquiro ijiri. Sa yero tiquiro cuñanopɩ cuñari. Sa yero Pablo dohatiriquiro ya tucũpɩ sajã, Cohãcjũre sini, tiquiro omocarine tiquiro bui duhu peo, quehnoa wahagũ yeri tiquirore.

9 Tiquiro quehnoa wahagũ ihñañe ijipihtiyequina apequina ti nɩcɩo cjẽna dohatiyequinare Pablo cahapɩ ne cãhtari. Tiquina sa ne cãhtagũ ihñano Pablo quehnoa wahagũ yeri tiquina gũhure.

10 Came tiquina peyequina usãre wapa marieno ohori. Usã wahato panogã ijipihtiye usã cahmeñene, usã wahana ihyatire yucɩsapɩ dure sãri tiquina.

Pablo Romapɩ esahye

11 Ihtia asũ ti nɩcɩopɩ usã ijiri bato yucɩsa mehna wahapɩ usã. Tia yucɩsa ehquẽapɩ pɩaro cohãmana Cástor, Pólux wame tiyequina tiquina queoye ducuri. Alejandriapɩ ahtaria ijiri tia. Pohecɩ ijiro puno ti nɩcɩopɩ tia yucɩsa pahsari.

12 Waha, Siracusa wame tiri macapɩ esana, ihtia deco waro ti macare ijii usã.

13 Ti macare wijia, waha, Regio wame tiri macapɩ usã esapɩ. Ape decopɩ surpɩ wihnono ahta, usãre wẽdoqueori. Pua deco bato Puteoli wame tiri macapɩ esapɩ.

14 Topɩ Jesu yequina meheñequinagã usãre piti cari.

—Ihcã semana waro usã mehna tojoaya, nidi tiquina usãre.

Tiquina sa nigũ tãhona ihcã semana waro tiquina mehna tojoarĩ. Came mahapɩ maja, Romapɩ esapɩ usã.

15 To cjẽna Jesu yequina pehe Romapɩ usã esatire tãhoye, Apio wame tiropɩ doeri cjẽne duaropɩ usãre piti cari. Apequina Jesu yequina ihtia wuhɩ wame tiropɩ usãre piti cari. Tiquina sa piti cagũ ihñano Pablo bucueye mehna Cohãcjũre “Quehnoare”, ni, quehnoano jeri sãa wahari.

16 Romapɩ usã esari bato peresu tiquina yeriquinare to cjãnore peresu cohteyequina pãhtoro yahuri. Sa yahuepegũta Pablo pehere ihcãquirola cũri to cjẽna pãhtoa. Sa yero tiquirore ihcãquirola surara cohteri.

Pablo Romapɩ buheahye

17 Ihtia deco bato Pablo judio masa pãhtoa mehna cahmecoano taro, tiquinare pijiri. Tiquina cahmecoari bato tiquiro tiquinare yahuri:

—Yuhɩ acaye, mari acayere, mari ñecɩsumua panopɩ cjẽna tiquina yee tirire, marine tiquina buheri gũhure yuhduɩcaera tii yuhɩ. Yuhɩ yuhduɩcaerapegũta Jerusalẽpɩ yuhure ñehedi apequina judio masa. Tiquina sa yeri bato Roma cjẽnare yuhure peresu ye dutiri tiquina.

18 Tiquina sa yegũ Roma cjẽna yahũre sinitu, yahũ ñano yerarigũ yahũ ijigũ yahũre “Buhiri tiriquireo ijire”, ni masiedari. “¿Ne yabe buhiri wejẽboagari mari tiquirore?” nidi yahũre tiquina. Sa ye yahũre sinituyequina pehe yahũre wio duamedi.

19 Judio masa pehe yahũre wio dutierari. Sa yegũ yahũ acayere judio masare yahũre tiquina yerire yahu duerapegũta “Ijipihtiyequina pũhtorore yahũ yerire potu yahu duaja yahũ”, ni sinii yahũ. Judio masa yahũre tiquina wio dueragũ ihũagũ “Romapũ yahuro cahmene yahũre”, nii yahũ.

20 Sa yegũ mũsare ahrire yahu duagũ pijii. Cristo marine yahũoatiquiro judio masa tiquina cohteriquiro yere yahũ yahuri buhiri yahũ peresupũ ijiaja. Sa yegũ tire mũsare yahugũ tũhũ pijii, nidi Pablo judio masa pũhtoare.

21 Tiquiro sa nigũ tũhoye tiquina pehe tiquirore yahuri:

—Judio masa mũhũre quitu yahuye pũrine usãre ne ohoerari. Sa ye topũ ahtariquina gũhũ usã acaye usãre mũhũ sa waharire yahuera tiri. Tiquina “Tiquiro ñano yeriquiro ijire” ni mũhũre yahuerari.

22 Tiquina sa yahuerapegũta mũhũ ya curuare ijipihtiropũ masa ñano tiquina yahuducugũ usã masiaja. Sa masina mũhũ buheyere mũhũ yahugũ

tũho duaja usã, nidi tiquina tiquirore.

23 Sa ni tuhasa, “Ape decopũ ijiihna”, nidi tiquina. Ape decopũ Pablo mehna cahmecoa mũhtariquina yahũdũoro masa peyequina tiquiro ijiropũ wihiri. Ñami cjũnogã Cohãcjũ tiquiro pũhtoro ijiyere quehnoañe buheyere tiquiro buhe dũca, tee ñamipũ buhe duhuri. Cohãcjũ dutiyere Moisepũre tiquiro cũrre, Cohãcjũ yere yahu mũhtariquina tiquina ojoari gũhũre buheri. Sa buhero, tiquinare Jesure masigũ ye duaro nimesi Pablo.

24 Ihquẽquina tiquiro buherire cahmedi. Sa cahmepegũta apequina pehe tũho duerari.

25 Sa ye tiquina basi pũa curua tu wa, wahaye tee nidi. Tiquina wahato pano Pablo Isaia tiquiro yahuducurire yahuri. Ohõ saha nidi tiquinare:

—Isaia Cohãcjũ yere yahu mũhtariquireo tiquiro yahuri ijirota ijire. Mari ñecũsumũa mũna iji turiayequinare yahuro taro Espĩritu Santo Isaiare ohõ saha ni yahu ojoa dutiahye:

26-27 Ahrire ahriquinare yahugũ wahaya: “Dapu paca bũtina ijire mũsa. Sa yena yeere tũho duerare mũsa. Cahmo coperi susueyequina yero saha tũho duerare mũsa. Sa yena yeere tũhoepenata tũhosi

musa. Musa sa ijierana quehnoano t̄hoboaya musa. Sa yena quehnoañe pehere comesaboaya musa. Sa yegu musare pecapu wahaborinare ȳhd̄oboaya ȳh̄h̄”, nidi Cohãcjũ, ni ojoahye Isaia, nidi Pablo tiquinare.

²⁸ Tiquiro sa nidi bato Pablo yahu nemori:

—Ahrire masiña musa. Cohãcjũ ye buheyere masare tiquiro quehnoano ȳhd̄oyere judio masa ijieyequinare buhenatja ̄sã. Tiquina pehe t̄hoeta, nidi Pablo judio masare.

²⁹ Tiquiro sa nigũ t̄hoye judio masa tire tiquina basi tutuaro cahme d̄use tini wia, wijiari.

³⁰ P̄h̄a c̄h̄ma waro Pablo apequina wasori w̄h̄p̄, tiquiro ijiye wapa wapa yeati w̄h̄p̄ ijiri. Top̄a ijiro, ijipihtiyequina ti w̄h̄p̄ wihiyequinare bucueye mehna piti cari tiquiro.

³¹ Sa yero tiquiro cuero marieno Cohãcjũ p̄h̄toro ijiyere, mari p̄h̄toro Jesucristo ye ḡh̄are buhee tiri. Tiquiro sa buhegũ ne apequina tiquirore “Buheracãhña”, nieda tiri.

Romanos

Pablo Roma cjēnare Jesu yequinare oja ohoahye

¹ Y^hh^u Pablo m^usare Roma cjānare oja ohoaja. Y^hh^u Cohācjū cahacjū ijiaja. Sa yero quehnoañe buheyere buhe dutiro y^hh^ure cūri tiqiro.

² Ti buheyere quehnoañe buheyere panop^u Cohācjū “Yahug^u t^u niaja”, nie tiahye. Tiquiro sa ni yahuriro sahata tiqiro yere yahu m^uhtariquinare panop^u cjēnare tiqiro yahuatire tiqiro ya pūp^u oja dutiahye.

³ Ti buheyeta tiqiro mac^unore yahuye ijire. Tiquiro mas^uno waro ijiro taro Davi m^unano panamino iji turitariqiro ijiahye tiqiro.

⁴ Jesucristo mari p^uhtoro Cohācjū mac^uno ñañe marieniqiro tiqiro ijiyere ohō saha ihñoahye Cohācjū. Tiquiro yariari bato Cohācjū tutuaye mehna tiqirore masa wijiagū yeahye. Sa yero Jesucristo potota Cohācjū mac^uno tiqiro ijiyere ihñoahye Cohācjū masare.

⁵ Tiquirota usāre paja ihñano usāre tiqiro yere buhe dutiro ohori ijipihtiyequina Jesucristore wacū tutua tiquina ño peotire.

⁶ Sa yero m^usa g^uh^ure Jesucristo yequina ijanare be-seahye tiqiro.

⁷ M^usare, Cohācjū cahñnare, Roma cjānare, tiqiro yequina ijanare yeri m^usare tiqiro. M^usare ijipihtinare ahri pūre oja ohoaja. Sa yeg^u Cohācjū mari Pac^u, mari p^uhtoro Jesucristo mehna m^usare quehnoa dutiaja. Tiquina yedohoye mehna quehnoano ijiya m^usa.

Pablo Romap^ure ihñano waha duaro nimahye

⁸ Ahrire yahu m^uhtautja m^usare: Ijipihtiye macari cjēna Jesucristore m^usa wacū tutuarire masa yahuri y^hh^ure. Tiquina sa ni yahugū tahog^u “Quehnoare”, niaja Cohācjūre. Jesucristo yedohoro mehna sa ni sini basaja. Cohācjūre sini basag^u m^usare sa sini basaducuaaja.

⁹ Y^hh^ure tiqiro dutigū tiqiro mac^uno ye buheyere quehnoañe buheyere tutuaro buheg^u tiqiro cahacjūta ijiaja y^hh^u. Sa yero m^usare Cohācjūre y^hh^u sa sini basaducugū tiqiro masine.

¹⁰ Sa sini basag^u Cohācjū cahmegū yojop^u pūritare m^usa cahap^u y^hh^u ihñan wahatore siniaja. Yoari pje m^usare ihña duag^u y^hh^u wahatire cohteie ye cāmaja y^hh^u.

¹¹ Cohācjū yere m^usare buhe duaja Jesure m^usa wacū tutua nemoatire. Sa yeg^u m^usare tutuaro ihña duaja y^hh^u.

¹² Jesure wacū tutuaja mari. Sa yeg^u m^usare ihña

duaja Jesure mari wacū tutu-
aye mehna p̄na peheri mari
cahme bucuēgū yeatore.

13 Ȳh̄h̄ acaye, ahrire
m̄sa masigū cahmeaja.
Quehnoañe buheyere ȳh̄h̄
buheri bato apequina m̄sa
acaye judio masa ijieyequina
Jesure wacū tutuari. Sa yegū
peye tahari m̄sa cahap̄
waha duami apequina Jesure
tiquina wacū tutuariro
sahata m̄sa mehna cjēna
gūh̄h̄ tiquina wacū tutuatire.
Sa waha duepegūta waha
masied̄h̄ ȳh̄h̄.

14 Ijipihtiyequinare
quehnoañe buheyere
buhero ijiro nine ȳh̄h̄re.
Pecasāre, pohteri cjē gūh̄h̄re,
masiñequinare, masieñequina
gūh̄h̄re buheac̄j̄h̄ ijiita niaja
ȳh̄h̄.

15 Sa buheac̄j̄h̄ ijigū m̄sare
Roma cjānare quehnoañe
buheyere tutuaro buhe
duaja.

*Quehnoañe buheyere
masa t̄hoye Jesure wacū
tutua d̄ncare*

16 Quehnoañe buheyere
t̄hoye Jesure wacū tutua
d̄ncare masa. Sa yero ijip-
ihtieyequinare Jesure wacū
tutuayequinare Cohācjū
tutuaye mehna pecap̄ wa-
haboriquinare ȳh̄d̄h̄ore.
Tiquina sa ȳh̄d̄gū masigū
ti buheyere quehnoañe
buheyere buhegū b̄oro
ȳh̄d̄h̄eraja. Ti buheyere
judio masa pehere buhe
m̄htari jiri Jesu gūh̄h̄.
Tiquina buheri bato judio

masa ijieyequina gūh̄h̄re usā
buhei.

17 Ti buheye ohō saha ni
yahure: Jesure wacū tutu-
ayequinare “Quehnoañequina
ijire”, ni, ihñare Cohācjū.
Tiquirore wacū tutua
d̄ncayequinare sata ni ihñare
Cohācjū. Tiquiro sa ni ihñari
bato tiquirore wacū tutuadu-
cure tiquina. Ahri panop̄
tiquina ni ojoariro sahata
ijire: “ ‘Quehnoañequina
ijire’, tiquiro ni ihñañequina
Cohācjūre wacū tutu-
ayequinata ijire. Sa wacū
tutuaye, ijipihtiye decori
Cohācjū mehna sa ijidu-
cueta”, ni, ojoahye.

*Masa tiquina ñañe yeri
buhire yahuahye Pablo*

18 Cohācjū ah̄m̄sēp̄
ijiriquirore masa tiquina
ȳh̄d̄d̄ncarire, tiquina
ñañe yeri gūh̄h̄re ihñano,
tiquina sa yeri buhiri usuare.
Tiquiro sa usarire masigū
yere tiquinare. Masa
tiquina ñañe yeye mehna
apequinare quehnoañe
buheyere t̄hoeragū yere
tiquina pehe.

19 Tiquiro basi tiquiro
ijieye tiyere masigū yeahye
Cohācjū. Tiquiro sa yegū
Cohācjūre masigū mijoedare
masare.

20 Cohācjū ah̄m̄se cjāno
tiquiro ijieye, tutuariquiro
tiquiro ijieye gūh̄h̄re mari
ihñedapegūta tiquiro basi
tiquiro ijieye marine masigū
yere tiquiro. Ahri yeh-
pare tiquiro bajumehnedi
bato ijipihtiye tiquiro
bajumehnedire ihñañe

“Cohãcjũ tiquiro yeri ijire ahri”, niñe, Cohãcjũ tiquiro ijiye tiyere masine masa. Sa ye masa Cohãcjũre masiepetata sa ñañene yeducuye, buhiri tire. “Mũhũre masiedũ. Sa yegũ ñañene yei”, ni masisi Cohãcjũre.

21 Sa ye Cohãcjũ tiquiro ijiye tiyere masiepetata tiquina tiquirore ño peoerare. Sa ye tiquinare tiquiro quehnoano yepegũta tiquina pehe “Quehnoare”, niedare tiquirore. Sa tuho masieñequina ijiye, ñañe dihitare tuhoture tiquina.

22 “Tuho masina ijiaja”, niepetata tuho masieñequina wahare tiquina.

23 Sa wahaye Cohãcjũre sa ijiducuriquirore tiquina ño peoerare. Sa ño peoeraye, “Cohãcjũ ijire”, tiquina niñe queoye pehere ño peore. Mari masa yarianaja dihita ijiaja. Mari sa ijina mari ijiepegũta Cohãcjũre ño peoeyequina pehe masa queoyere yere tiquina. Tiquina sa yeri bato ti queoye pehere ño peore tiquina. Sa ye tja minicjũa queoyere, pinoa queoyere, wahi tiquina queoye gũhũre “Cohãcjũ ijire”, ni ño peo maca cãhre tiquina.

24 Tiquina sa yegũ ihñano “Tiquina esa tuharo ñañene yecũnahdo”, nino Cohãcjũ cohã cãri tiquinare. Tiquiro sa cohãri bato tiquina ña yũhdũaro cahme yeducure tiquina basi.

25 Sa ye Cohãcjũ ye pehere cahmedaye, ni mehoñe

pehere quehnoano tuhare tiquina. Cohãcjũ ye pehere ni mehoñe yero saha ijigũ yere tiquina. Potota Cohãcjũ warore ijipihtiyere yeriquirore ño peoducuro cahmene. Sata ijiaho. Tiquina pehe tiquirore ño peoerare. Sa tiquirore ño peoeraye, Cohãcjũ yeri pehere ño peore tiquina. Sata ijiaho.

26 Tiquina sa yeducugũ ihñano “Tiquina esa tuharo ñañene yecũnahdo”, nino Cohãcjũ cohã cãri tiquinare. Sa ye tiquina mehna cjẽna numia manũ tiyequina numia yero saha ijierare. Sa ye tiquina numia, numia sehsaro ñano yere tiquina paguri mehna.

27 Tiquina yero saha ijiyequina umũa gũhũ tiquina esa tuharo ña yũhdũaro yere tiquina paguri mehna. Sa ye tiquina basita ñano yeri buhiri tiquina paguri pehe ñano yũhdũare.

28 Sa Cohãcjũre tiquina cahmedari buhiri, Cohãcjũ tiquinare cohãri. Tiquiro sa cohãgũ tiquina pehe ñano wacũducu, ñano yeducure.

29 Sa ye tiquina tutuaro ñano yeducure. Ñañene tutuaro cahmeducuyequina, apequina yere tutuaro cahmeñequina, apequinare ñano yeducuyequina, apequina apee boro tiquina cũogũ ihña cooducuyequina, masare wejẽñequina, cahme dũse tini wiayequina, ni mehoñequina, masare ihña tuhtiyequina,

ñañe quti dahreyequina,
 30 apequina tiquina yer-
 apegūta ñano ni yahu wa-
 jayequina, Cohācjüre ihña
 tuhtiyequina, apequinare
 purīno yuhtiyequina, “Ŭsā
 pehe masi yuhduducaja”, ni
 tuhotuyequina, apequinare
 sa ni yahuyequina, apeye
 ñañene ye ducayequina,
 tiquina pacusumare
 yuhtiyequina,

31 tuho masieñequina,
 tiquina nino sahata yeeye-
 quina, masare ne cahñeñequina,
 tiquina basi cahme pihopūri
 duhueyequina, ne paja
 ihñeñequina ijire tiquina.

32 Sa ñano yeducuye-
 quinare Cohācjū pecapu
 cohānota. Tiquiro sa cohātire
 masiepeta tiquina ti ñañene
 sa yeducure. Sa ye apequina
 tiquinare ihña cū tiquina
 yero saha ñano tiquina yegū
 ihñañe, “Ŭsā yero saha yere”,
 ni bucuere.

2

*Masare buhiri dahre du-
 tiro tire mehono marieno po-
 tota yerota Cohācjū*

1 “Tiquina ña yuhdūayequina
 ijire”, ni yahu wajaeracāhña
 apequinare. Mūsa gūhū
 tiquina yero saha yere.
 “Ñañene yeraja. Sa yena
 ñañe buhiri mariedaga”, ni
 masiedare mūsa. Sa yena
 ijina tiquinare yahu wajana
 ijina, mūsa basi buhiri dahre
 dutina niaga.

2 Sa yena ñañe yena ijiepe-
 nata mūsa yahu wajagū
 mūsa gūhūre Cohācjū buhiri
 dahrerota. Potota queoro

tiquiro buhiri dahregū masi-
 aja mari.

3 Apequinare “Buhiri
 tieta”, ni yahu wajana
 mūsa ijigū mūsa gūhūre
 buhiri dahrerota. Sa yena
 “Ŭsāre buhiri dahresi”, ni
 tuhotuboaga mūsa. Ijier-
 are. Mūsa gūhūre buhiri
 dahrerota tiquiro.

4 Mūsa ñano yepegūta
 Cohācjū mū sare paja ihñano
 duita buhiri dahrerare. Sa
 yena “Cohācjū yūhū mehna
 usuasi”, ni tuhotuboaga
 mūsa. Ijierare. Cohācjū
 mū sare paja ihñano, duita
 buhiri dahrerare mūsa
 ñañene bujua wutigū ihña
 duaro, tiquirore mūsa
 yuhtigū cahmeno.

5 Sa buhiri dahre duer-
 aperota mūsa Cohācjüre
 yuhti dueragū, mūsa ñañe
 yerire bujua witieragū,
 buhiri dahrerota mū sare.
 Buhiri dahrereri deco pano
 mū sare tiquiro buhiri dahre-
 boriro yuhdūoro ti deco
 waropūre ñano mū sare
 buhiri dahrerota Cohācjū.
 Ni mehono marieno buhiri
 dahrerota.

6 Sa yero ijipihtiyequinare
 tiquina ñano yeri buhiri
 buhiri dahrerota Cohācjū. Sa
 yero quehnoañene tiquina
 yeri wapa quehnoano yerota
 masare.

7 Ihquēquina quehnoañene
 yeducuyequina ijire. Tiquina
 quehnoañene ye duayequina,
 Cohācjüre quehnoano bu-
 cuegū ye duayequina, ijipi-
 htiye decori Cohācjū mehna
 iji duayequina ijire. Tiquina
 pūritare decoripe tiquiro

mehna ijigũ yerota Cohãcjũ.

⁸ Apequina pehe tiquina yero saha ijierare. Tiquina esa tuharo yeyequina ijire. Cohãcjũ yere cahmedare. Tiquina mehna Cohãcjũ tuhuaro usarota.

⁹ Ijipihtiyequina ñano yeriquina ñano yuhdueta. Judio masare sata waha muhtanota. Sa ye judio masa ijieyequina gũhare sata wahaarota.

¹⁰ Ijipihtiyequina quehnoañene yeyequina pehere Cohãcjũ “Quehnoare”, ninota. Sa ye masa tiquinare ño peoeta. Sa yero tiquinare quehnoano ijigũ yerota Cohãcjũ. Judio masare sata waha muhtanota. Sa ye judio masa ijieyequina gũhare sata wahaarota.

¹¹ Cohãcjũ mari yerire ihñano queoro besere ijiphtinare, ñana, quehnoana gũhare.

¹² Apequina Cohãcjũ Moiserere tiquiro dutirire masieñequina tiquina ijiepegũta ñañene tiquina yegũ, buhiri dahrerota Cohãcjũ tiquina gũhare. Sa yero ti dutiyere cuoyequina ñañene tiquina yegũ ti dutiyere tiquina yuhduhcari buhiri buhiri dahrerota Cohãcjũ.

¹³ Cohãcjũ dutiyere tuhoepeta yuhtieyequinare “Quehnoañequina ijire ahriquina”, niedare Cohãcjũ. Tiquiro ye dutiyere yeyequina pehere “Quehnoañequina ijire”, ni ihñare tiquinare Cohãcjũ.

¹⁴ Judio masa ijieyequina Cohãcjũ Moiserere tiquiro cũri dutiyere cuoerapeta, tiquina esa tuharo quehnoañene yeye, Cohãcjũ dutiyere yeye nine. Sa ye Moiserere tiquiro dutiyere ojoari pũre cuoerapeta tiquina tuhotuyepu tiquiro ye dutiyere cuore.

¹⁵ Sa ye tiquiro ye dutiyere tiquina tuhotuyepu potota cuore tiquina. Sa cuoye ñañene yeye, duita tiquina ñañene yerire masine tiquina. Sa yero ñañene yeriquiro “¿Duhse ijiro boro ñañene yeri yuhũ?” ni tuhoture tiquiro. Sa yero quehnoañene tiquiro basi yeri gũhare masine tiquiro.

¹⁶ Sa ye Cohãcjũ Jesucristo tiquiro ohoati decopu masa tiquina yahu duerarire Jesucristo masi pehoru, tiquiro tiquinare beserota quehnoañequina, ñañequina gũhare. Sata tiquina yerire masidiquiro ijiro, beserota tiquiro quehnoañene buheye ti nino sahata. Ti buheyeta ijire masare yuhũ buheri.

Cohãcjũ Moiserere tiquiro dutirire yahuahye Pablo

¹⁷ Musa pehe judio masa ijina, Cohãcjũ Moiserere tiquiro dutiyere ño peona ijina, “Cohãcjũ yequina ijiaja”, ni tuhotumene musa.

¹⁸ Sa yena Cohãcjũ dutiyere masina ijina, tiquiro cahmeñene masine musa. Sa masina ijina, “Quehnoañene usã yeatire bese masiaja usã”, ni tuhotumene musa.

19 Sa ni tūhotuna ohō saha ni tūhotu nemore mūsa: “Apequinare ne masieñequinare quehnoano masigū yeaja usā. Tiquinare usā buheragū ne Cohācjūre masiedaboaga tiquina. Sa ye ñañene duhueraboaga”, ni tūhotumene mūsa.

20 Sa yena “Tūho masieñequinare quehnoañene ye dutina, macanagā gūhure buhena ijiaja usā”, ni tūhotumene mūsa. Sa yena “Cohācjū dutiyere cūona, poto ijiyere masi pehoaja usā”, ni tūhotumene mūsa.

21 ¿Sa yena apequinare buhena ijiepenata, dūhse yena mūsa pehe mūsa buheriro saha yerajari? ¿Apequinare yaque dutierapenata dūhsena mūsa pehe yaqueajari?

22 ¿Apequiromo namono mehna ñano ye dutierapenata dūhsena mūsa pehe apequiromo namono mehna ñano yeajari? “Cohācjū ijire”, tiquina niñe queoyere ihña yabina ijire mūsa. Sa ihña yabina ijina Cohācjū waro pehere ño peona ijimene mūsa. ¿Sa ño peona ijiepenata dūhsena tiquirore quehnoano ño peerajari mūsa?

23 “Cohācjū Moiserere tiquiro dutiyere cūoaja usā”, nina ijiepenata ti dutiyere yūhdūdūcare mūsa. Sa yūhdūdūcana Cohācjūre ño peeragū yena niaga mūsa apequinare.

24 Sata nine Cohācjū yere tiquina ojoari pūpū: “Cohācjū

dutiyere mūsa yūhdūdūcari buhiri judio masa ijieyequina pehere Cohācjūre tiquina ñano yahuducugū yere mūsa judio masa”, ni ojoahye Cohācjū yere tiquina ojoari pūpū.

25 “Cohācjū yequina ijiaja”, ni tūhoture ihquēquina judio masa cuhnucunū sohtoa cahserogāre yūhre nenohriquina. Cohācjū yere tiquina yegū judio masa tiquina ijigū quehnoarñe. Tiquiro yere tiquina yeragū judio masa tiquina ijiye tiye dūhseati ijierare. Yūhre nenohriquina tiquina ijiye tiye gūhū dūhseati ijierare.

26 Sa yero judio masa ijieyequina cuhnucunū sohtoa cahserogāre yūhre nemehneñequina tiquina ijiepegūta, Cohācjū dutiyere tiquina yegū ihñano “Yeeyequina masata ijire”, ni ihñare Cohācjū tiquinare. Judio masa pehere tiquiro sa ni ihñaboriro sahata judio masa ijieyequina pehere sa ni ihñare.

27 Peyequina judio masa Cohācjū Moiserere tiquiro dutiyere cūoepeta tire yerare tiquina. Sa ye apequina judio masa ijieyequina pehe cuhnucunū sohtoa cahserogāre yūhremehneñequina ijiepetata tiquiro dutiyere yere. Sa yeeyequina ijiye judio masa tiquina ñano yerire masigū yeeye nine.

28 Yojoopūre judio masūno waro tiquiro ijiyere yahutja mū sare. Tiquiro cuhnucunū sohtoa cahserogāre yūhre

nenohriquiroy ijieperota Cohãcjãre ño peoeraro, potota judio masano waro ijierare.

²⁹ Cohãcjũ yaquiroy Espiritu Santore cãoriquiroy tiquiroyre yãhtiriquiroy tiquiroy tjire judio masano waro. Sa yero tiquiroy cuhnucunã sohtoa cahserogãre tiquiroy yãhre ne cohãriroy sahata tiquiroy ñãñe yerire duhure tiquiroy. Tiquiroy esa tuharo dutiyere yeriquiroy ijieraperota Espiritu Santo yedohoye mehna tiquiroy ñãñe yerire duhure. Sa ijiriquiroyre “Quehnoariquiroy ijire”, ni ihñare Cohãcjũ pehe. Masa pehe tiquiroyre tiquina sa niedapegũta, sa nine Cohãcjũ pehe.

3

¹ ¿Yũhũ sa nigũ judio masa ijiye tiye ihyo waro ijiajari, masa tãhotugũ? Ne ihyo waro ijiroy niedare. ¿Cohãcjũ judio masare tiquiroy dutiriroy sahata tiquina pagãriroy cuhnucunã sohtoa cahserogãre tiquina yãhre ne cohãñe ihyo waro ijiajari, masa tãhotugũ? Ne ihyo waro ijiroy niedare.

² Judio masa tiquina ijiye tiye ihyo waro ijierare. Cohãcjũ yere tiquina ojoari pũre judio masare cũ mãhtahye. Sa ye judio masa tiquina ijigũ quehnoarĩne tiquinare.

³ Sa ye ihquẽquina judio masa Cohãcjãre tiquina tãhoerapegũta tiquiroy nidi ijirota ijire. Sa yero tiquiroy ni cũriroy sahata yerota tiquiroy.

⁴ Sata ijire. Ijipihtiyequina masa ni mehoñequina tiquina ijiepegũta Cohãcjũ pehe ne ni mehoedare. Panopũ tiquiroy yere yahu mãhtariquiroy tiquiroy ni ojoariroy sahata ne ni mehoedare Cohãcjũ.

Poto nigũ ijire mãhũ Cohãcjũ. Sa ye mãhũre masa ne “Queoro yahuducuerare”, ni yahusã masiedare, ni ojoahye panopũre.

⁵ Ohõ saha ni tãhotuboaga masa: “Mari ñãñene yena Cohãcjũ quehnoañene tiquiroy yeriquiroy ijigũ masigũ yeaja. Sa yero ñãñene mari yegũ quehnoarĩne. ¿Ti sa quehnoañe ijiepegũta duhsero tiquiroy mari ñãñene yeri buhirire buhiri dahre maca cjãri?” ni tãhotuboaga masa. Masa tiquina tãhotuboriroy saha nigũ niaja yũhũ.

⁶ Sa ijierare. Mari ñãñe yeri pehe quehnoañe ijigũ Cohãcjũ mari ñãñene yeri buhirire buhiri dahre masiedaboaga.

⁷ Masa pehe ni mehoñequina ijire. Cohãcjũ pehe ne ni mehoedare. Sa yena masa tiquina ni mehogũ ihñana Cohãcjũ pehe ne ni mehoeniquiroy tiquiroy ijigũ quehnoano ihña masi-aja mari. Sa ye masa ni mehoñe, Cohãcjũ tiquiroy ni mehoeniquiroy tiquiroy ijiyere ihñoñe niboaga tiquina. Sata ni tãhotumene ihquẽquina. Sa ni tãhotuye ohõ saha ni tãhotu nemomene tiquina: “Ûsã ni mehoñe

mehna Cohãcjũ tiquiro ni mehoeniquiro ijiyere ihñona niája. Sa ihñona quehnoano yena niája. Sa ye usã ni mehoñe quehnoarĩne. ¿Usã ni mehoñe quehnoañe ijiepegũta dũhse ijiro boro usã ni mehoñe buhirire usãre buhiri dahre maca cãboari Cohãcjũ?” ni tãhotumene ihquẽquina masa.

8 Sa ye ohõ saha ni mehore ihquẽquina usãre: “Ñano yena Cohãcjũ tiquiro quehnoariquiro ijigũ ihñona niága. Sa yena ñano yeihna’, nidi Pablo gũhũ”, ni meho yahusãre usãre ihquẽquina. Tiquina sa nidi buhiri tiquinare Cohãcjũ buhiri dahrerota. Sata yero cahmene tiquinare.

Ijipihina buhiri tina ijiaja mari

9 ¿Sa ye dũhse ni tãhotuajari masa? ¿Mari judio masa apequina yãhdũoro quehnoana ijiajari mari? Ijieraja mari. Judio masa, judio masa ijiena gũhũ ijipihina buhiri tina ijiaja mari. Sata ijire ijipihitiyequinare yãhũ buheriro sahata.

10 Panopũ tiquiro ni ojoariro sahata ijire ti: Ohõ saha ni ojoahye:

Ne ihcãquiro masũno quehnoariquiro mariedare.

11 Ijipihitiyequina masa tãho dueyequina dihita ijire. Sa ye ijipihitiyequina masa ne Cohãcjũre wacũ peerare.

12 Sa ye tiquina Cohãcjũ yere cohãñe, ijipihitiyequina ñañene yeyequina wahari.

Ne ihcãquiro quehnoañene yeriquiro mariedare.

13 Tiquina dũseri masa coperi tiquina põo docoro yero saha ijire. Tiquina yahuducugã, masa coperi urĩ wijiario saha ni mehoñe dihita tiquina dũserire wijiare. Sa yahuducuye añã dũsero tiquiro nima purĩñe wijiario saha purĩno tiquina yahuducuye wijiare tiquina dũserire.

14 Sa ye tiquina apequinare ñano yahuducuyequina purĩno yahuducuyequina ijire.

15 Sa ye usua ñañequina duita masare wejẽñequina ijire.

16 Sa ye noho tiquina waharopũ tiquina masare ñano ye, ñano yahdũgũ yere tiquinare.

17 Sa ye apequina masa mehna tiquina quehnoano ijierare.

18 Sa ye Cohãcjũre ne ño peerare, ni ojoahye panopũre.

19-20 Cohãcjũ Moiserẽ tiquiro dutiyere marine judio masare ohoahye tiquiro dutiyere ijipihina mari ye pehoatire. Ti dutiyere cãoepeta, tire yeraye, “Ñañe buhiri mariedare usãre”, ni masiedare masa. Sa ye tiquina ijipihitiro cjẽna Cohãcjũ tiquiro buhiri dahrenohatiquina tiquina ijigũ, masieta tiquina basi. Sa ye ñañequina tiquina ijiyere masiñe, “Quehnoana ijiaja usã”, ni masiedare Cohãcjũre. Cohãcjũ tiquiro ye dutiye pehere ne masa yerare. Sa ye tiquina ñañequina ijiyere

tiquiro dutiye pehe masigũ yere tiquinare. Sa masiñe ohõ saha ni masiedare tiquina: “Cohãcjũ dutiyere ye pehou. Sa yero Cohãcjũ usãre ‘Quehnoañequina ijire’, ni ihñare”, ne ni masiedare masa.

Cohãcjũre quehnoano mari wacũ tutuana tiquiro yequina wahaja mari

²¹ Sa ye Cohãcjũ Moiserere tiquiro dutiye, tiquiro yere yahu mahtariquina tiquina ojoari gũhũ Cohãcjũ masare tiquina ñaÑe yerire tiquiro borire yahuahye. Tiquiro dutiye sa yahuepegũta yojopũta Moiserere tiquiro dutiri marieno masare tiquina ñaÑe yerire tiquiro borire yahure marine Cohãcjũ.

²² Ijipihtiyequina Jesucristore wacũ tutuayequinare, tiquirore tũhoyequinare “Quehnoañequina ijire”, ni ihñare Cohãcjũ. Cohãcjũ ijipihtiyequinare ihcãno saha yeriquiro ijire.

²³ Mari ijipihtina ñaÑene yerina ijiaja. Sa yena Cohãcjũ tiquiro cahmediro sahata ne yerũ.

²⁴ Mari sa yerapegũta mari Pacũ marine tiquiro paja ihñagũ mari ñaÑe yerire Jesucristo pehe bore. Tiquiro sa bogũ “Quehnoana ijire”, ni ihñare Cohãcjũ marine Jesure wacũ tutuanare. Mari esa tuharo ye dutiro marieno Jesu yedohoro mehna mari ñaÑe yerire bore.

²⁵ Panopũ cjẽna tiquina ñaÑe yerire ihñano Cohãcjũ duita buhiri dahrerahye

tiquinare. Sa buhiri dahreraro tiquina ñaÑe yerire ihyo warota sa tũhotu cãno niedahye. Came tiquiro Jesucristore ohori jiri mari ñaÑe buhiri yariatiquirore tiquiro diire cohãtiquirore. Jesucristore mari wacũ tutuagũ Cohãcjũ pehe mari ñaÑe yerire borota. Sa yero tiquiro nidiro sahata yeriquiro tiquiro ijiyere masigũ yero niahye.

²⁶ Sa yero yojopũre tiquiro nidiro saha yeriquiro tiquiro ijiyere masa tiquina masigũ cahmene tiquiro. Sa yero Jesure wacũ tutuayequinare quehnoañequina tiquiro yerire tiquina masigũ cahmene Cohãcjũ. Tiquiro sa yerire tiquina masiatire tiquiro macãnore mari ñaÑe buhirire yariatiquirore ohori jiri.

²⁷ ¿Yojopũre “Quehnoana ijiaja mari”, ni masiagari mari, mũsa tũhotugũ? Tire ne ni masiedaja mari. ¿Dũhsena tire ni masiedagari mari? ¿Cohãcjũ tiquiro dutiyere yena, “Quehnoana ijiaja”, ni masiboari mari? Ijierare. Ti gũhũre ni masiedaja mari. Mari sa ni masiedapegũta Jesure mari wacũ tutuagũ “Quehnoana ijire”, ni ihñanota marine Cohãcjũ.

²⁸ Ohõ saha masiaja mari: Jesure mari wacũ tutuagũ ihñano marine ihña coare Cohãcjũ. Sa yero marine “Quehnoana ijire”, ni ihñare tiquiro. Tiquiro ye dutiyere mari yeri wapa sa ni ihñedare.

Tiquirore mari wacũ tutuagũ sa ni ihñare.

²⁹ Cohãcjũ judio masa pũhtoro dihita ijierare. Judio masa ijieyequina pũhtoro gũhũ ijire tiquiro.

³⁰ Sa yero Cohãcjũ ihcãquirola ijiro, ijipihtiyequina pũhtoro ijire. Sa ijiriquiro ijiro judio masa Jesure tiquina wacũ tutuagũ tiquinare “Quehnoañequina ijire”, ni ihñanota. Sa yero judio masa ijieyequina gũhũ Jesure tiquina wacũ tutuagũ tiquina gũhare “Quehnoañequina ijire”, ni ihñanota Cohãcjũ.

³¹ ¿Sa yena Jesure wacũ tutuana Cohãcjũ Moisere tiquiro dutiyere cohãna ni-boari mari? Cohãedaja mari tire. Jesure wacũ tutuana, Cohãcjũ dutiyere yena niaja mari.

4

Abrahã Cohãcjũre tiquiro wacũ tutuarire yahuahye Pablo

¹ Mari ñecu mũnano iji mũhtariquiropũre Abrahã mũnanore Cohãcjũ ohõ saha yeahye:

² Abrahã quehnoano tiquiro yepegũta “Quehnoariquiropũre ijire”, ni ihñedarĩahye Cohãcjũ tiquirore. Sa yero quehnoano yeperota ñariquiropũre ijinino “Yũhũ pũrita quehnoagũ ijiaja”, ni masiedahye Abrahã, Cohãcjũ ihñagũ.

³ Cohãcjũ yere tiquina ojoari pũ ohõ saha nine: “Abrahã Cohãcjũ tiquiro

nidire quehnoano tũhogũ, Cohãcjũre tiquiro wacũ tutuagũ Cohãcjũ tiquirore ‘Potota quehnoariquiropũre ijire’, ni, ihñahye”, ni ojoahye tiquiro yere tiquina ojoari pũpũ.

⁴ Pũhtoro dahrayequinare wapa yero, ihyo waro tiquiro paja ihñañe mehna wapa yero niedare. Tiquina dahrari wapa tiquinare wapa yero nine.

⁵ Cohãcjũre wacũ tutu-ayequina pehere dahrayequinare tiquiro wapa yero saha yerare Cohãcjũ. Cohãcjũre wacũ tutuariquirore “Quehnoariquiropũre ijire”, ni ihñare Cohãcjũ. Tiquiro sa ni ihñagũ ti quehnoañe tiquiro yeri wapa ijierare. Cohãcjũ pehe tiquirore cahmeñequinare quehnoañequina wahagũ yere. Sa yero masũno Cohãcjũre tiquiro wacũ tutuagũ ihñano “Quehnoariquiropũre ijire”, ni ihñare Cohãcjũ tiquirore.

⁶ Sata niahye panopũ cjũno Davi mũnano. Masũno quehnoano tiquiro yepegũta Cohãcjũ pehe ihña coeranine. Cohãcjũre tiquiro wacũ tutuagũ ihñano Cohãcjũ ihña tiquirore. Sa yero tiquirore “Quehnoariquiropũre ijire”, ni ihñare. Tiquiro sa ni ihñanohriquiropũre masũno pehe tiquiro bucueyere yahuahye Davi mũnano. Ohõ saha niahye:

⁷ Tiquina ñañe yerire tiquiro bonohriquiropũre pehe tutuaro bucuere.

⁸ “Quehnoañequina ijire.

Tiquina ñaÑe yerire wacũsi yũhũ”, Cohãcjũ sa ninohriquina tutuaro bucuere, niahye Davi manano.

⁹ ¿Judio masa tiquina cuhnucunũ sohtoa cahserogãre yũhre nenohriquina dihitare tiquina ñaÑe yerire boyari Cohãcjũ? Ijierare. Judio masa ijieyequina yũhre nemehneÑequina gũhũre tiquina ñaÑe yerire bore tiquiro. Pari turi Abrahãre wacũña masa. Tiquiro Cohãcjũre wacũ tutuagũ ihñano “Quehnoariquiro ijire”, ni ihñahye Cohãcjũ.

¹⁰ ¿Dũhse ijigũ sa yeari Abrahã, masa tahotugũ? Tiquiro cuhnucunũ sohtoa cahserogãre tiquiro yũhre neato panoputa tiquirore “Quehnoariquiro ijire”, ni ihñahye Cohãcjũ. Sa yero yũhre nenohno, tiquiro ñaÑe yerire bo tuhasanohriquiropanũ yũhre nenohahye.

¹¹ Sa yero duita Cohãcjũre wacũ tutua mũhtahye Abrahã. Tiquiro sa wacũ tutuagũ ihñano “Quehnoariquiro ijire”, ni ihñahye Cohãcjũ tiquirore. Sa tiquiro wacũ tutuayere, Cohãcjũ yaquiro tiquiro ijiyere tiquiro ihñoatore Cohãcjũ tiquirore cuhnucunũ sohtoa cahserogãre yũhre ne dutiahye. Sa yero Abrahã tiquiro yũhreato pano Cohãcjũ pehe “Quehnoariquiro ijire”, ni ihña tuhasahye tiquirore. Tiquiro yũhre neato pano tiquiro sa ihñariro saha

ijipihtiyequina Cohãcjũre wacũ tutuayequinare judio masa ijieyequina yũhremehneÑequinare “Quehnoañequina ijire”, ni ihñare Cohãcjũ. Tiquiro sa ni ihñañequina tiquina ijigũ Abrahã tiquina ñecano manano waro ijiriro saha wahare.

¹² Tiquina yero sahata judio masa, yũhrenohriquina Cohãcjũre tiquina wacũ tutuagũ tiquina ñecano manano poto ijie tiahye Abrahã. Tiquiro yũhreato pano Cohãcjũre wacũ tutuayere. Sa ye tiquiro yero saha wacũ tutuayequina judio masa Abrahã panamena iji turiayequina ijire.

Cohãcjũ Abrahãre tiquiro ni cũrre “Poto tjire”, niahye Abrahã

¹³ Panopũ ohõ saha niahye Cohãcjũ Abrahãre. “Ahri yehpare mũhũre, mũhũ panamena iji turiayequinapanũ gũhũre ohoutja”, ni, cũahye Cohãcjũ Abrahãre. Ti dutiyere tiquiro quehnoano yeri wapa sa niedahye Cohãcjũ tiquirore. Abrahã Cohãcjũre tiquiro wacũ tutuari wapa pehere sa niahye Cohãcjũ tiquirore, “Quehnoariquiro ijire”, tiquirore tiquiro ni ihñari baõ.

¹⁴ “Cohãcjũ Moiserere tiquiro cũri dutiye dihitare yero cahmene”, nine judio masa. Sa niÑequina Cohãcjũre wacũ tutuaro marieno ahri yehpa ijipihtiore ne duare. Wacũ tutuaro marieno tiquina

negū mari pehe Cohācjūre mari wacū tutuaye dūhseati ijieraboaya. Sa yero Cohācjū marine tiquiro ni cūri dūhseati ijieraboaya.

15 Moisere tiquiro cūri dutiye pehere yerare masa. Sa ye ti dutiyere tiquina yerari buhiri ahri yehpare tiquinare neno basioerare. Sa yero ti dutiyere tiquina yūhdūdcari buhiri masare buhiri dahrerota Cohācjū. Sa ye ti dutiye mariedagū ti dutiyere yūhdūdcaro gūhū mariedaboaya.

16 Sa ye Cohācjūre wacū tutuayequina dihita tiquiro ohoatire neeta. Abrahā Cohācjūre wacū tutuahye. Sa yero ijipihtiyequina tiquiro yero saha Cohācjūre wacū tutuayequina tiquina ñecano poto yero saha tojoare Abrahā. Sa yero “Ahrire māsare ohoutja”, Cohācjū nino ijipihtiyequinare tiquirore wacū tutuayequinare nino niahye. Sa ye Cohācjū Moisere tiquiro dutirire yeyequina Cohācjūre wacū tutuayequina Cohācjū ohoatire neeta. Tiquina dihita nesi. Ijipihtiyequina Abrahā yero saha Cohācjūre wacū tutuayequina gūhū tiquinare tiquiro ohoatire neeta.

17 Tire Abrahāre tiquiro nidiro sahata ojoahye panopure: “‘Peye macari cjēna tiquina ñecano ijicjūre cūu mūhure’, ni cūahye Cohācjū Abrahāre”, ni ojoahye panopu. Sa yero tiquiro Cohācjūre wacū

tutuahye. Sa ye tiquiro yero saha mari wacū tutuagū mari ñecū ijigū yeahye Cohācjū tiquirore. Cohācjū pehe yariariquinare masoriquiro, ijipihtiyequinare bajumehnediquiro ijire. Sa yero ijipihtiye, yojopure mariedagū gūhure bajumehneatiquiro ijire.

18 “Peye macari cjēna mūhū panamena iji turiayequina ijietā”, Cohācjū tiquiro sa nigū Abrahā pehe pohna mariediquiro ijieperota, “Ijirota ijire”, ni tūhotuahye.

19 Sa yero cien cūhmari cūoriquiro ijieperota pohna dahre masieniquiro ijieperota Sara tiquiro namono ne pohna mariedicorotico ijiepegūta “Pohna ti masiedaja ūsā”, ni tūhotuerahye Abrahā. Sa yero Cohācjū tiquiro ni cūrire “Ijirota ijire”, niahye Abrahā.

20 “Tiquiro nidiro sahata yeraboaga”, ne ni tūhotuerahye Abrahā. Sa yero tiquiro Cohācjū cūrire quehnoano tūhoahye. Sa niñene tūhotjiāno “Cohācjū tutuariquiro ijire”, ni ño peoro niahye. Sa yero Cohācjūre wacū tutua nemoahye tiquiro.

21 “Cohācjū tiquiro nidiro sahata quehnoano ye masine”, ni tūhotu quehnoano masiahye Abrahā.

22 Tiquiro sa masigū Cohācjūre tiquiro wacū tutuagū Cohācjū pehe “Quehnoariquiro ijire”, ni ihñahye Abrahāre. Sata ni

ojoahye Cohãcjũ yere tiquina ojoari pũpũ.

²³ Sa ye Abrahã dihitare sa ni ojoerahye.

²⁴ Tire mari masiatire mari gãhũre sa ni ojoahye. Sa yero Cohãcjũre mari wacũ tutuagũ “Quehnoana ijire”, ni ihñanota mari gãhũre Cohãcjũ. Tiquiro pũrita mari pũhtoro Jesu tiquiro yariagũ masori jiri tiquirore.

²⁵ Jesu pehe mari ñaãe buhiri yariari jiri. Tiquiro yariari bato masa wijiari jiri tiquiro Cohãcjũ marine “Quehnoana ijire”, tiquiro ni ihñatire.

5

“Quehnoana ijire”, Cohãcjũ ni ihñagũ ohõ saha waharota marine

¹ Jesucristore mari wacũ tutuagũ ihñano “Quehnoana ijire”, ni ihñare marine Cohãcjũ. Tiquiro sa ni ihñagũ Cohãcjũ mehna cjãna marine ijigũ yere mari pũhtoro Jesucristo.

² Sa yena mari tiquirore wacũ tutuagũ ihñano Cohãcjũ marine cahĩno, pecapũ wahaborinare yũhdũori tiquiro mehna mari ijiato saha. Cohãcjũ pũrita quehnoa yũhdũariquiro ijire. Sa yero tiquiro yero saha ijigũ yerota marine tiquiro. Tiquiro sa yeatire quehnoano masiaja mari. Sa yena bucueaja.

³ Mari ñano yũhdũna gãhũ bucueaja mari. Ñano yũhdũna, tire dũca cjã mari. Sa dũca cãna, ñano yũhdũepenata quehnoano

Cohãcjũre wacũ tutuana wahaja mari. Sa yena Cohãcjũ yere duhueraja mari.

⁴ Mari sa yegũ ihñano “Quehnoare”, ninota Cohãcjũ marine. Tiquiro sa nigũ marine tiquiro yũhdũoatire quehnoano masiaja mari.

⁵ Sa yero Cohãcjũ marine tiquiro yaquiro Espiritu Santore ohori mari mehna ijiatiquirore. Sa yero Espiritu Santo pehe mari mehna ijiro Cohãcjũ marine tiquiro sa cahĩducuyere masigũ yere. Tiquiro sa masigũ yegũ marine tiquiro yũhdũoati quehnoano waro ijiro nine. Potota yũhdũnata mari.

⁶ Sa yero mari ñaãe yerire mari basi mari yũhdũo masiedagũ tiquiro queoriro esagũ mari ñaãe buhirire Cristo yariahye.

⁷ Quehnoaãe dihitare yeriquirore yũhdũoro taro apequiro yariaboaga ape taha yero.

⁸ Mari pehe ñana mari ijiniepegũta marine yũhdũoro taro Cristo yariahye. Tiquiro sa yegũ Cohãcjũ marine tiquiro tutuaro cahĩñene masiaja mari.

⁹ Mari ye buhirire tiquiro sa yariagũ tiquiro dii wi-jiagũ Cohãcjũ pehe marine “Quehnoana ijire”, ni ihñare. Tiquiro sa ni ihñari bato yojopũ pehere marine pecapũ wahaborinare yũhdũorota Jesu. “Quehnoana ijire”, tiquiro niato pano marine yũhdũoeranidi. Yojopũ pehere marine Cohãcjũ

yequina tiquiro yeri bato marine buhiri dahresi pecapꝰ Cohãcjũ.

¹⁰ Sa yena Cohãcjũre ihña tuhtina mari ijiniepegũta tiquiro macꝰno yariaro, mari ñañe yerire cohãri. Sa cohãno Cohãcjũre mari mehna usueragũ yeri tiquiro. Sa yena tiquiro yequina wahaja mari. Yojoꝰꝰ pũritare ti yũhdũo cjũno yerota marine. Tiquiro yequina mari ijigũ Jesu tiquiro masa mǎjari mehna, marine pecapꝰ wahaborinare quehnoano yũhdũorota tiquiro.

¹¹ Camerꝰ mari yũhdũatire bucueaja. Yojoꝰꝰre ahri gũhũre bucueaja. Mari pũhtoro Jesucristo mari ñañe buhirire tiquiro yariari bato Cohãcjũ yequina ijiaja mari. Sa yena bucueaja.

Adãre, Cristore yahuahye Pablo Roma cjẽnare

¹² Adán tiquiro ñañene yeri bato ahri yehpare ñañe iji dũcahye. Ñañe iji dũcagũ masa yaria dũcahye. Ijipihtina mari ñañene yeaja. Sa yena ijipihtina ñana mari ijiri buhiri variaja.

¹³ Cohãcjũ tiquiro dutiyere Moiserre tiquiro cũato pano potota ahri yehpa cjẽna ñañene yee tiahye. Tiquina sa yepegũta ti dutiye mariedagũ ti dutiyere tiquina yũhdũdũcari buhiri buhiri dahre masiedahye.

¹⁴ Tiquiro sa buhiri dahre masiedapegũta Adán gũhũ tiquiro bato ijiyequina gũhũ dutiye mariedapegũta yarie

tiahye. Moise tiquiro ijiato pano dutiye mariedapegũta masa yarie tiahye. Apequina ñañe yeye Adán tiquiro ñano yeriro saha waro yera timahye. Sa ijiepetata tiquina gũhũ yarie tiahye. Sa yero Adán ñañene tiquiro ye dũcariro saha yoari batopꝰ ahri yehpapꝰ ahtariquiro quehnoañene ye dũcari jiri.

¹⁵ Adán tiquiro yũhdũdũcari Cohãcjũ masare tiquiro paja ihñañe yero saha ijierare. Cohãcjũ tiquiro paja ihñañe pehe quehnoa yũhdũare. Adán ihcãquirolata ijieperota ñañene tiquiro ye dũcari buhiri peyequina masa yarie tiahye. Cohãcjũ pehe marine paja ihñano, Jesucristore ohori jiri. Sa yero tiquiro ihcãquirolata ijiriquiro pecapꝰ wahaboriquinare masare peyequinare yũhdũore.

¹⁶ Sa yero Cohãcjũ masare tiquiro paja ihñañe Adán tiquiro yũhdũdũcari yero saha ijierare. Adán pehe ihcãquirolata ijiriquiro ñañene tiquiro yeri buhiri ijipihtiyequina masa buhiri tiyequina ijire. Sa tiquina buhiri tiyequina ijiepegũta masa pajiro ñañene tiquina yepegũta yojoꝰꝰre masare paja ihñano Cohãcjũ tiquina ñañene bore. Sa boro "Quehnoañequina ijire", ni ihñare tiquiro tiquinare.

¹⁷ Adán ihcãquirolata ijiriquiro ñañene ye dũcagũ ijipihtiyequina masa yariaducure. Ti poto tjire. Sa ijiepegũta ahri pehere bucuenata mari. Yo-

jopare Cohãcjũ masare paja ihñano Jesucristo ihcãquirola ijiriquiro tiquiro yariari mehna tiquina ñañene boro, tiquinare “Quehnoañequina ijire”, ni ihñare. Sa ye ijipihtiequina tiquiro sa ni ihñañequina uhmusepu Cristo mehna puhtoia ijieta.

18 Ihcãquirola Adán ñañene ye ducagũ ijipihtiequina ñañene ye ducahye. Tiquina sa yegũ Cohãcjũ buhiri dahrerota tiquinare. Apequiro Jesu pehe quehnoañene tiquiro yegũ ijipihtiequina tiquina ñañene bonohriquina iji masine. Ñañene tiquiro bonohriquina tiquina ijigũ “Quehnoañequina ijire”, ni ihñanota tiquinare Cohãcjũ. Sa ye ijipihtie decori tiquiro mehna ijiducueta tiquina.

19 Ihcãquirola Adán Cohãcjũre yuhduducahye. Tiquiro sa yegũ peyequina masa ñano yevequina iji ducahye. Sa yero apequiro Jesu pehe Cohãcjũre yuhtiahye. Tiquiro sa yegũ peyequina masa tiquina ñañe yerire bonohriquina wahahye. Tiquina sa wahagũ “Quehnoañequina ijire”, ni ihñahye Cohãcjũ tiquinare.

20 Cohãcjũ dutiyere Moiserere cũahye ijipihtiequina masa tiquina ñañene tiquina quehnoano masiatire. Sa ye masa tiquina ñañene masiñe, ti yuhduoro Cohãcjũ tiquinare tutuaro tiquiro cahñene masieta. Tiquiro marine cahĩ yuhduare.

21 Tiquina ñañene tiquina yeri buhirire masa yariatiquina ijire. Sa ye pecapu wahaeta. Cohãcjũ mari Pacu pehe masare cahĩ yuhduare. Tiquiro sa tutuaro cahĩgũ mari puhtoro Jesucristore tiquiro ohogũ tiquiro pehe masare quehnoañequina wahagũ yere. Sa ye tiquinare “Quehnoañequina ijire”, Cohãcjũ tiquiro ni ihñagũ tiquina ijipihtie decori tiquiro mehna sa ijiducueta.

6

Yariariquina muna tiquina ñañene yerariro saha Cristo yequina gũhu ñañene yeducerare

1 ¿Duhse yenatari mari yojopare, masa tuhutugũ? ¿Cohãcjũre marine cahĩ nemo duti duana ñañene ye nemoboagari mari?

2 Ijierare. Ñañene yeracũhna mari. Yariariquina muna ñañene tiquina yerariro saha Cristo yequina ijina mari gũhare ñañene yeraro cahmene.

3 Sa ye Jesu yequina mari ijiyere masa tiquina masiatire aco mehna wame yeri marine apequina. Jesu mari ñañe yeri buhiri yariari jiri. Sa yena tiquiro yequina ijina, mari ñañe yerire ye dueru. Sa yena duhuu. Tiquiro mari ñañe buhiri yariari jiri.

4 Sa yena Cristo pagure masa copepu tiquina ya cohãriro sahata mari ñañe yerire duhuaaja. Sa yena mari Pacu tiquiro tutuaye mehna Cristo tiquiro masa mujariro

saha mari gũhũ tiquiro tutuaye mehna quehnoañe pehere comesaja. Sa yena quehnoana wahaja.

5 Sa yena Cristo yequina ijina Cristo yariaro ahri yehpa cjã pagure tiquiro cohãriro saha mari gũhũ yari-ariquina tiquina duhuriro saha mari ñañe yerire duhuu. Sa yena Cristo yequina ijina tiquiro masa m̃jariro sahata mari gũhũ quehnoana ijinata. Ti poto tjire.

6 Cristo yequina iji dũcana tiquiro mehna yariariquina yero saha wahaũ pari turi mari ñañene yerato saha. Sa waharina ijina ñañene yeducu nemosi mari. Tire mari masiaja.

7 Yariariquiro m̃nanopũ ñañene ye nemoedare.

8 Cristo mehna yariariquina yero saha ijina, tiquiro masa m̃jariro sahata mari gũhũ quehnoana ijinata. "Ti poto tjire", ni tũhotuaja mari.

9 Cristo tiquiro yaria masa m̃jari bato ne pari turi yariasi. Apequiro tiquirore pari turi yariagũ ye masiedare. Tire mari masiaja.

10 Sa yero Cristo ihcã taha yariaro, masa tiquina ñañe yerire cohãno taro yariahye. Tiquiro catiriquiro ijiro mari Pacũ tiquiro cahmeno sahata yeducuatiquiro ijire tiquiro.

11 Tiquiro yero sahata m̃sa gũhũ ohõ saha ni tũhotuya: "Yariariquina m̃na tiquina yeraro saha mari gũhũ ñañene yeraja.

Jesu yequina ijina mari Pacũ tiquiro cahmeno sahata yeanaja ijina niaja mari gũhũ", ni tũhotuya m̃sa.

12 Sa yena m̃sa yarianaja ijina ñañene yeducueracãhña. Sa yena m̃sa ñañe ye duayere tutuaro cahmepenata tire sa tũhotu cãhña.

13 Ñañene yeracãhña. Pecapũ wahaborina Jesu tiquiro yũhdũonohrina ijire m̃sa. Tiquiro sa yenohrina ijina Cohãcjũ cahmeñe dihitare yeya m̃sa. Sa yena quehnoañene yeya m̃sa.

14 Yojopũre Cohãcjũ Moiseretiquiro dutiye mehna marine dutierare. Cohãcjũ marine cahño tiquiro pehe marine dutire. Sa yena tiquiro yedohoro mehna ñañene ye duasi mari.

M̃sa ñañene yeducugũ ti ñañe m̃sa pũhtoro yero saha ijire

15 ¿Yũhũ sa nigũ dũhse ni tũhotuajari m̃sa? ¿Cohãcjũ pehere yũhtianaja ijina Moiseretiquiro dutiyere yũhtianaja ijierana, ñañene yeducuboagari mari? Ijierare. Yeducusi.

16 ¿Ahrire masiedajari m̃sa? M̃sa quehnoano yũhtiriquiro m̃sa pũhtoro ijire. Sa yena tiquiro cahacjãna ijire m̃sa. M̃sa sa yũhti m̃sa pũhtoro tiriro sahata ñañene yeducuna m̃sa ijigũ ti ñañe m̃sa pũhtoro yero saha ijire. Sa yena ñañene duhu masiedare m̃sa. Sa yena ijina pecapũ wahanaja ijire

musa. Cohãcjũre quehnoano ño peona ijina tiquiro cahacjãna ijire musa. Sa yena tiquiro yequina quehnoana ijire musa. ¿Tire masiedajari musa?

17 Panopũ ñañene yeducuna musa ijigũ ti ñañe musa pũhtoro yero saha ijimedi. Yojopũ pehere quehnoañe buheyere tuhona Jesure wacũ tutuana Cohãcjũre quehnoano ño peona wahari musa. Tire masigũ “Quehnoare”, niaja Cohãcjũre.

18 Sa wahana yojopũre ñañe ti dutiro saha yerare musa. Sa yena Cohãcjũ cahacjãna ijina quehnoañe pehere yere musa.

19 Cahacjẽna pũhtoare tiquina quehnoano ño peoyere masi pehore musa. Sa yegũ ti musa masidi mehna queoye mehna buhei musare “Ahri buheyere musa esa tuharo tuhoberaboaga”, nigũ. Panopũ ñañene yeducuna ijimedi musa. Musa sa yeducuriro sahata yojopũ pehere quehnoañene yeducuna ijiya musa. Sa yena Cohãcjũ cahmeñe dihitare yenata musa.

20 Panopũ ñañe dihitare yerina ijina, quehnoañe pehere yera tiri musa.

21 ¿Ti pjerũre ñañe dihitare yena yabere wapatarı musa? Ti musa ñañe yerire wacũna yojopũre bæ tiaga musa. Ti ñañene musa yeri buhiri pecapũ wahaboaya musa. Sa yena ñañene yena ne wapataerare musa.

22 Yojopũ pehere musa ñañe yerire duhuna Cohãcjũ cahacjãna wahari musa. Sa yena Cohãcjũ cahmeñe dihitare yena ijinata. Sa yena ijipihtiye decori Cohãcjũ mehna ijinata.

23 Ñañene mari yeri buhiri pecapũ wahanaja ijiaja ijipihtina mari. Mari sa ijiepegũta mari pũhtoro Jesucristore mari wacũ tutuagũ ihñano, ijipihtiye decori tiquiro mehna marine ijiducugũ yerota. Mari sa ijiducuatire sa oho cãnota.

7

Cohãcjũ Moisere tiquiro ohori dutiyere yahu nemoahye Pablo

1 Yũhũ acaye, Cohãcjũ Moisere tiquiro dutirire quehnoano masine musa. Masano tiquiro catinigũ ti dutiyere yũhdũdũca dutierare. Tiquiro yariari bato pũritare ti dutiyere yero basioerare. Ti gũhũre masine musa.

2 Ohõ saha ijire: Numinore ticoro manũno mehna dihita iji dutire Cohãcjũ Moisere tiquiro dutiri pehe. Tiquiro sa dutiepegũta ticoro manũno yariari bato ticoro pehe apequirore manũ ti masine. Ticoro ti dutiro mehna iji nemoedare. Ohõ saha ni yahure ti dutiye.

3 Sa yero ticoro manũno tiquiro catiepegũta ticoro apequirore manũ tiro, ñano yero nine ticoro. Sa ijieperota ticoro manũno yariari batopũ apequirore manũ tiro, Cohãcjũ dutiyere

yuhduɗcaerare ticoro sa yericoro. Sa yero ñano yericoro ijierare ticoro.

⁴ Mɗsa gũɗ yuhɗ acaye Jesu yequina wahana, dutiyere mɗsa yeri wapa tiqiro yequina wahaerare mɗsa. Sa yena yariariquina mɗna dutiye mehna tiquina ijieraro saha mɗsa gũɗ ti dutiye mehna ijierare. Mɗsa Cristo ya curua cjãna ijire. Sa yena yojopɗare tiqiro yequina ijire mɗsa. Tiquiro pehe yariari bato masa mɗjari jiri Cohãcjũ cahmeno saha mari yeatire.

⁵ Panopɗ ñañene mari esa tuharo yee timi. Sa yena Cohãcjũ Moiserere tiqiro dutirire mari masidi bato ti dutiyere yuhduɗca duami. Ti dutiye mariedagũ yuhduɗca dueraboya. Sa yena ti dutiyere mari masidi bato ñañene tutuaro yemi mari. Sa mari ñañene yena mari pecapɗ wahaborinata ijie timi.

⁶ Sa wahaborina ijiepenata Cristo yequina ijina yojopɗare ti dutiye mehna ijieraja mari. Sa yero Espiritu Santo mari mehna ijiriquiro marine quehnoañe pehere came-sagũ yere. Tiquiro sa yegũ panopɗ cjẽ dutiye tiqiro ojoari ti mehna ijieraja mari yojopɗare.

Tiquiro ñañe yerire yahuahye Pablo

⁷ ¿Sa yena Cohãcjũ Moiserere tiqiro dutirire dahse niboagari mari? ¿Ti dutiye ñañe ijiagari, mɗsa

tahotugũ? Ijierare. Ti dutiye mehna ñañene masii. Sa yegɗ ti dutiye mariedagũ ñañene masiedaboya yuhɗ. Ti dutiye ohõ saha ijire. “Apequina yepɗare tutuaro cahmedacãhña”, niahye ti dutiye. Sa niedagũ apequina yepɗare tutuaro cahmeñe ti ñañe ijigũ masiedaboya yuhɗ.

⁸ Sa yegɗ ti dutiyere yuhɗ masidi bato apequina yepɗare tutuaro cahmee timi yuhɗ. Ti dutiyere masiedagɗ apequina yepɗare tutuaro yuhɗ cahmeñe ti ñañe ijigũ masiedaboya yuhɗ.

⁹ Ti dutiyere yuhɗ quehnoano masiato pano sa tahotu cãhɗ. Sa yegɗ ti dutiyere yuhɗ masidi bato tutuaro ñañene ye duami. Sa yegɗ pecapɗ yuhɗ wahatire masie tii.

¹⁰ Sa ye Cohãcjũ dutiyere yuhduɗcaeraye, masa tiqiro mehna quehnoano ijiducuboya. Sa ye ti dutiye pehe quehnoano ijiducugũ yebori dutiye ijire. Sa ijieperota yuhɗ yuhduɗcari buhiri yuhɗare pecapɗ waha dutimedi.

¹¹ Sa yegɗ ñañene yegɗ Cohãcjũ Moiserere tiqiro dutiyere yuhduɗca duami. Ñañene tutuaro cahmegɗ yuhɗ ijigɗ quehnoañene masiedɗ. Ti ñañe pehe yuhɗare dojomehnedi. Sa yegɗ quehnoano masiedɗ. Sa masiedagɗ Cohãcjũ dutiyere yuhduɗcaɗ. Sa yegɗ ti dutiyere yuhɗ masidi bato yuhɗ ñañe buhirire pecapɗ yuhɗ wahaborirore masii. Ti

dutiye mehna sa masii.

12 Sa ye Moiserē tiquiro cūri dutiye quehnoañe ijire. Sa ye queoro ijirota nine ti dutiye.

13 ¿Sa ijieperota marine ti quehnoañe dutiye pehe pecarū wahagū yeajari? Ijierare. Topū wahagū yerare. Mari ñañe yeye pehe marine pecarū wahagū yere. Ti dutiye mari masidi bato ti dutiye yehduducana, ñañene yena mari ijiyere masiaja mari. Sa yena mari ñana mari ijiyere masina, mari pecarū wahati gūhure masiaja mari. Sa yena ti dutiye masina mari yehduducarire ti ña yehduaye ijigū masiaja mari.

14 Moiserē tiquiro dutiri Cohācjū pehe tiquiro cūri ti ijigū masiaja mari. Yūhū pehe apequina yero saha ñagū ijiaja. Sa yegū ñañene yeducugū ijiaja.

15 Sa yeducugū ijiepeguta yūhū yerire ne masiedū yūhū. Yūhū cahmeno saha yeraja yūhū. Sa yegū yūhū tutuaro ye dueramedireta yeaga yūhū. Sa yegū yūhū yerire ne masiedaga yūhū.

16 Sa yegū ñañene ye duerapeguta ñañene yeaja yūhū. Tire yegū Cohācjū dutiye quehnoañe ijigū masiaja yūhū.

17 Sa yegū yūhū waro ti ñañene yojopure yeraja. Yūhū tūhotuyepū ijiye ñañe ti pehe yūhure ñañene yegū yere.

18 Quehnoañene tutuaro ye duepeguta ne cūedaga. Ñañe pehe yūhure dojomehne

mujare. Ahri yehpa cjū yūhū ijigū yūhū tūhotuyepū ñañe dihita ijire. Ne quehnoañe mariēdabutiare.

19 Quehnoañe yūhū ye duaye pehere ne yeraja yūhū. Yūhū ñañene yūhū ye dueye pehere yeaja.

20 Sa yegū yūhū ye dueyere yegū yojopure yūhū waro tire yeraja. Yūhū tūhotuyepū ijiye ñañe ti pehe yūhure ñañene yegū yere.

21 Sa yero yūhure ohō saha wahare: Quehnoañene yūhū ye duepeguta yūhū tūhotuyepū ñañe ijire. Sa yegū quehnoañe pehere yeraja.

22 Cohācjū Moiserē tiquiro dutirire yūhū tūhotuye mehna tutuaro cahmeaja.

23 Sa yegū yūhū ahrire masiaja: Yūhū tūhotuye mehna quehnoañene ye duaja. Sa ye duepeguta yūhū basi ñañene tutuaro ye duaja. Sa yegū yūhū esa tuharo ñañene duhu masiedaga yūhū.

24 Sa ñañene duhu masiedagū pejecuogū ijiaja yūhū. Ñañene yegū pecarū wahaguta yūhū. Yohnah. ¿Yūhū ñañene yūhure pecarū waha dutiye ñañene noa yūhure cohā basaboagari?

25 Jesucristore yūhū wacū tutuagū tiquirota yūhū ñañene cohānota. Tiquiro sa yegū Cohācjūre “Quehnoare”, niaja yūhū. Sa yegū yojopure yūhū basi yūhū tūhotuye mehna Cohācjū dutiye yeaja. Sa yegū ijiepeguta yūhū esa tuharo ijigū ñañe pehe yūhure ñañene yegū yere.

8

Espíritu Santore c̄oyequina tiquina ijiye tiyere yahuahye Pablo

1 Yojoꝑ̄re Jesucristo yequinare tiquina buhiri tiato mariedare. [Tiquina ñañe tutuaro cahmeñene yerare. Sa ye Espiritu Santo tiquiro dutiro saha yeducure tiquina.]

2 Sa yero Jesucristo yaquiro yuh̄u ijigū Espiritu Santo ñañene duhugū yere yuh̄ure. Sa yero Espiritu Santo ijipihtiye decori Cohācjū mehna ijigū yere yuh̄ure. Ñañene yuh̄ure duhugū yero yuh̄ure pecar̄u wahaboriḡure yuh̄d̄ore tiquiro.

3 Cohācjū Moiserere tiquiro dutirire mari esa tuharo ne ye pehosí. Sa ye pehoerana yuh̄d̄ucana ijiaja mari. Sa yena mari ijigū Cohācjū marine yuh̄d̄oeranidí. Mari sa ijina ijiepegūta ohō saha Cohācjū marine yuh̄d̄orota. Tiquiro mari ñañe buhirire yariatiquirore, ti ñañene cohātiquirore tiquiro mac̄n̄ore ohoahye. Sa yero tiquiro mac̄no mari yero sahata paḡu tiahye. Sa yero mari tuh̄otuyep̄u ijiye ñañene tiquiro cohāri.

4 Marine sata yeri Cohācjū dutiyere tiquiro tutuaye mehna mari ye pehoatire. Ti dutiyere ye pehona ijina mari esa tuharo ijieraja. Sa ijina Espiritu Santo yedohoye mehna tiquiro dutiro sahata yeaja mari.

5 Ñañene ye duayequina, ti dihitare tutuaro cahmene. Espiritu Santo dutiro sahata yeducuyequina pehe ti dihitare ye duare tiquina.

6 Ñañene ye duayequina ti dihitare tutuaro cahmeñe, pecar̄u wahaeta. Espiritu Santo cahmeno sahata tutuaro ye duayequina pehe ijipihtiye decori Cohācjū mehna ijietā. Sa ye tiquina quehnoano iji cāeta.

7 Tiquina esa tuharo yeyequina Cohācjūre ihña tuhtire. Tiquina Cohācjū dutiyere ne yuh̄tierare. Tiquiro dutiyere yuh̄ti duerare. Yuh̄ti masiedare tiquina.

8 Sa ye tiquina esa tuharo yeyequina Cohācjūre bucugū ye masiedare.

9 M̄usa pehe m̄usa esa tuharo yerare. Espiritu Santo m̄usa mehna ijigū tiquiro cahmeno sahata yere m̄usa. Sa ye Espiritu Santore c̄oyequina pehe Cristo yequina ijierare.

10 M̄usa pehe tiquiro yequina ijire. M̄usa ñañe buhirita m̄usa paḡuri yariare. Sa m̄usa paḡuri yarianaja ijiepenata Cristo m̄usa mehna tiquiro ijigū tiquiro mehna sa ijiducunata m̄usa. Cohācjū m̄usare “Quehnoana ijire”, tiquiro ni ihñagū m̄usa tiquiro mehna sa ijiducunata.

11 Cohācjūta Jesure masori jiri. Sa masoriquiro ijero Espiritu Santo mari mehna tiquiro ijiducugū mari yariari bato Cohācjū mari ḡuh̄ure masonota. Sa masono mari

pagurire yariati pagurire catigũ yerota marine.

12 Yũhũ acaye, tiquiuro sa yegũ ihñana ñañe mari tutuaro cahmedire yeracũhna.

13 Mari ñañene yerina ijina, pecapũ wahaborina iji cãnata niaja. Espiritu Santo yedohoye mehna ñañe yeyere duhurina ijina, ijipihitiye decori Cohãcjũ mehna ijinata.

14 Ijipihitiyequina Espiritu Santore yũhtiyequina Cohãcjũ pohne ijire.

15 Espiritu Santo mari mehna tiquiuro iji dũcagũta Cohãcjũ pohna iji dũcaũ. Sa yena tutuaro mehna tiquiuro dutinohrina ijieraja mari. Sa yena panopũ mari cueriro saha yojopũ pehere mari cueraja. Tiquiuro pohna ijina, Espiritu Santo yedohoye mehna yojopũre “Yũhũ Pacũ”, niaja mari Cohãcjũre.

16 Sa yero Espiritu Santo mari wacũñepũ marine ohõ saha masigũ yere: Potota Cohãcjũ pohna ijiaja mari. Tire marine masigũ yere tiquiuro.

17 Sa yena tiquiuro pohna ijina, Cohãcjũ ijipihitiyere tiquiuro pohnene tiquiuro “Ohoutja”, tiquiuro nidire mari pehe cũonata. Jesucristo mehna mari cũonata tire. Cristo yere mari yeri buhiri ñano yũhdũrina ijina mari tiquiuro mehna uhmũsepũ quehnoano bucueye mehna iji cãnata. Sa yena Cohãcjũ tiquiuro pohnene “Ohoutja”, tiquiuro nidire cũonata mari.

18 Yojopũre ahri yehpapũ ñano yũhdũrĩaja mari. Camerũre mari uhmũsepũ quehnoano iji cãnata. Sa yena yojopũre ñano yũhdũna, pajiro bũjũa witi wacũ tũhotueracũhna. Ahri mari ñano yũhdũri sa iji cãno nine. Came quehnoano iji cãnata Cohãcjũ mehna. Sa yena tutuaro bucuenata. Ahri pũrita ihyo waro ijierare.

19 Cohãcjũ pohna ijina Cohãcjũ mehna quehnoano ijinata. Mari sa wahatire cohteducuro saha yero nine Cohãcjũ bajumehnedi.

20 Ijipihitiropũre tiquiuro bajumehnedi quehnoano ijiborire dojomehneahye masũno ñano ye dũcaro. Ti esa tuharo sa wahaerahye. Ñañe iji dũcari bato tiquiuro bajumehnedi sa wahahye. Sa yero Cohãcjũ tiquiuro bajumehnedire sata ñano iji dutiniahye. Came tiquiuro bajumehnedire quehnoañe wahagũ yerota tiquiuro.

21 Sa yero Cohãcjũ tiquiuro bajumehnedire ahba pihitborire quehnoañe wahagũ yerota tja. Cohãcjũ pohnene quehnoañequina tiquiuro wahagũ yeriro sahata, tiquinare quehnoano tiquiuro yũhdũoriro sahata quehnoañe wahagũ yerota Cohãcjũ tiquiuro bajumehnedire.

22 Ijipihitiye Cohãcjũ tiquiuro bajumehnedi ñano ti iji dũcari bato ñano yũhdũetiahye. Numino nijj wahcõno ticoro ñano yũhdũro sahata tiquiuro bajumehnedi gũhũ

decoripe ñano yuhduducure.
Tire mari masiaja.

²³ Mari pehe Espiritu Santore cnona ijiaja. Tiquiro yequina mari wahagũ Cohãcjũ tiquiro yaquiro Espiritu Santore duita ohori marine. Tiquiro bajumehnedi yero sahata mari gũhũ ñano yuhduaja. Sa yena quehnoañe pehere tiquiro comesatire tutuaro cohteaja. Sa yena tiquiro pohna mari tiquiro mehna mari quehnoano ijiato gũhũre tutuaro cohteaja mari. Wahma pagũre marine tiquiro ohoati gũhũre cohteaja.

²⁴ Mari sa cohtena ijigũ, tiquirota marine pecapũ wahaborinare yuhduore. Tiquiro cahapũ ijinina ijina tiquiro cahapũre mari wahatire cohteraboya mari. Marine tiquiro yuhduo tuhasari bato ijigũ tire cohte nemoedaboya.

²⁵ Sa yena tiquiro ohoatire ihñedapenata Cohãcjũ marine tiquiro yuhduoatire cohtena, sa cohteducuaja.

²⁶ Sa yena Cohãcjũre wacũ tutuera cjũna tiquiro cahmeñene quehnoano masiena mari ijigũ Espiritu Santo marine yedohore. Cohãcjũre mari quehnoano sini masiedaja. Espiritu Santo pehe marine Cohãcjũre tutuaro sini basare. Marine tutuaro paja ihñano marine tiquiro Cohãcjũre tutuaro sini basare.

²⁷ Cohãcjũ cahmeno sahata marine Jesu yequinare sini basare Espiritu Santo.

Tiquiro sa sini basagũ Cohãcjũ mari tũhotuyere masi pehoriquiro ijiro, Espiritu Santo tiquiro sini basarire masine.

*Cristo tiquiro tutu-
aye mehna ñañe yeyere
yuhducanata mari*

²⁸ Ahrire yuhũ yahuatire masiaja mari: Ijipihina Jesure cahña mari ijigũ tiquiro cahmeñene yeana-jare beseahye marine. Sa ijina mari ijigũ ihñano Cohãcjũ sa ihña ihboducure marine. Sa yena mari ñano yuhduepenata ñano yuhduducu dojoeraja. Cohãcjũ tiquiro yedohoro mehna quehnoano ijinata mari.

²⁹ Cohãcjũ marine tiquiro yequinare duitapũta masi tuhasahye. Sa masino tiquiro macũno Jesu tiquiro ijiro sahata marine iji dutiro, marine quehnoañe pehere comesa duti tuhasahye. Tiquiro macũno yero saha marine iji dutiahye tiquiro peyequina masa tiquiro macũnore mari wahmi tiatire.

³⁰ Panopũ tiquiro yequina tiquiro iji dutirina mari ijigũ, tiquiro pohna mari ijiatina gũhũre beseahye marine. Sa yero marine tiquiro beserinare tiquiro "Quehnoañequina ijire", ni ihñare. Marine tiquiro sa ninohrinare tiquiro mehna uhmũsepũ quehnoano ijigũ yerota marine Cohãcjũ.

³¹ Tire masina ohõ saha tũhotuaja mari: Cohãcjũ

marine tiqairo cahñonare ne apequina ihña tuhtiye cñedare.

³² Cohãcjũ mari ye buhirire yariatiquirore tiqairo macunore ohoahye. “Yũhũ macũre cahñaja. Sa yegũ tiqirore ohoeraja”, niedahye tiqairo. Marine sa tutuaro yedohoriquiro ijiro, ijipihtiye mari cahmeñe dũhsarire marine oho pehorota.

³³ Cohãcjũ beserina mari ijigũ, tiqairo marine “Quehnoana ijire”, ni ihñari. Mari sa ijina ijigũ apequina marine “Ñana ijire”, ne ni yahusã masiedare.

³⁴ Cristo mari ye buhirire yaria masa wijiahye. Sa yero Cohãcjũ poto pehepũ yojopũre tiqairo ijire dutiriquiro ijiro. Sa yero tiqairo marine potota sini basaro nine Cohãcjũre. Sa ye apequina pehe marine ne buhiri dahre duti masiedare.

³⁵ Cristo marine tiqairo tutuaro cahĩgũ apequina tiqirore “Cahĩedacãhña”, ne ni masiedare. Cahĩ duhusi tiqairo. Mari ñano yũhdũepegũta, mari cuepegũta, apequina marine tiquina ñano yepegũta, mari ujuã ahbaepegũta, suhti mariena mari ijiepegũta, cuaropũ mari ijiepegũta, marine tiquina wejẽpegũta Cristo marine sa cahĩducurota.

³⁶ Cohãcjũ yere tiquina ojoari pũpũ mari sa wahatire yahuro, ohõ saha nine:

Mũhũ yequina usã ijiri buhiri apequina usãre sa wejẽ

duaducure. Oveja tiquina wejõatiquina tiquina ijiriro saha usã gũhũre sa wahare, ni ojoahye Cohãcjũ yere tiquina ojoari pũpũ.

³⁷ Sa yena mari ñano yũhdũeppenata Cristo marine cahĩniquiro tiqairo yedohoro mehna tutuaro mehna ñañene duhu pehonata mari.

³⁸⁻³⁹ Jesucristo yequina mari ijigũ ihñano Cohãcjũ pehe marine tutuaro cahĩne. Sa yero tiqairo marine ne cahĩ duhusi. Mari yariagũ gũhũre, mari catigũ gũhũre, yojopũre, camerũ gũhũre, tiqairo marine cahĩ duhusi. Sa ye angele, watĩa pũhtoa, ahri yehpa cjẽna pũhtoa, uhmũse cjẽna, ñañequina bajueyequina gũhũ Cohãcjũre “Mũhũ yequinare cahĩedacãhña”, tiquina niepegũta marine ne cahĩ duhusi Cohãcjũ. Cohãcjũ tiqairo bajumehnedi mehna marine ne cahĩ duhugũ yeye mariedare. Marine ne tiqairo cahĩ duhusi.

9

Israe masa Cohãcjũ beseriquina ijire

¹⁻² Yũhũ acaye Israe masare wacũgũ, tutuaro bujuã witiãja yũhũ. Cristore cahmedare tiquina. Sa yegũ ñano bujuã witi jeripohna tiaja yũhũ. Ti yũhũ sa ni yahuye ijirota ijire. Yũhũ Cristo yaquiota ijiaja. Sa yegũ mũsare potota ñiaja. Sa yegũ Espiritu Santo yũhũ mehna tiqairo ijigũ yojopũre yũhũ acayere yũhũ ni yahuye

ti potota ijigũ quehnoano masiaja yũhũ. Tiquiro tire yũhũre quehnoano masigũ yere.

³ Israe masa yũhũ acaye ya maca cjẽna pecarũ wahaeta. Cohãcjũre tiquinare yũhdũo dutigũ ohõ saha niboã yũhũ pehe: “Tiquina ye buhirire yũhũ pehe pecarũ wahaũtja. Sa yero tiquina ye buhirire yũhũ pehere buhiri dahreahro Cristo”, niboã yũhũ.

⁴ Tiquina yũhũ acaye Israe mũnãno panamena iji turiayequina ijire. Sa yero Cohãcjũ pohne ijiatiquinare cũahye Cohãcjũ tiquinare. Sa yero Cohãcjũ tiquiro asi siteye mehna tiquina watoã ijie tiahye. Sa yero tiquina ijipihtiequinare tiquiro masare tiquiro yũhdũoatire yahue tiahye tiquinare. Sa yero Moiserẽ tiquiro dutirire duita cũ mũhtahye Israe masare. Sa ye Cohãcjũre ño peoati wãhũre ye mũhtae tiahye tiquina. Sa yero tiquinare tiquiro quehnoano yeatire yahue tiahye Cohãcjũ.

⁵ Hsã ye cururi waro doce cururi waro ijire. Sa yena usã ñecusũmũã iji mũhtariquina mũnapũ tiquina panamena iji turianapũ ijiaja usã Israe masa. Sa yero mari yero saha pagũ tiriquire ahtarõ, usã acayũro Israe masũno waro ijire Cristo. Tiquiro Cohãcjũta ijire. Sa yero tiquiro ijipihitiyequina pũhtoro ijire. Ijipihtieye decori tiquirore quehnoano ño peouhna mari. Sa ño peoducuuhna.

⁶ Apequina Israe mũnãno panamena iji turiayequina ijiepetã Cohãcjũ yequina waro ijierare. Sa yena tiquina tiquiro yequina ijieragũ ihũana ohõ saha ni tũhotuboa mũsa: “ ‘Israe masare yeequina ijigũ yeitja’, nieperota ihquẽquinare Cohãcjũ tiquiro nidiro sahata yerare”, ni tũhotuboa mũsa. Sa ni tũhotueracãhũ.

⁷ Ohõ saha ijire: Apequina Israe masa Abrahã panamena iji turiayequina tiquina ijiepegũta “Abrahã panamena iji turiayequina waro ijire”, ni ihũedare Cohãcjũ tiquinare. Sa yero ohõ saha niahye Cohãcjũ: “Mũhũ macũ Isaac panamena iji turiayequina tiquina pũrita potota mũhũ panamena iji turiayequina waro ijietã”, niahye Cohãcjũ Abrahãre.

⁸ Tiquiro sa ni yahugũ ahrire masinata mari: Abrahã panamena tiquina masa bajuari bato duita Cohãcjũ pohne waharĩedaga tiquina. Cohãcjũ tiquiro ni cũrire quehnoano tũhoyequina tiquirore wacũ tutuayequina pehe tiquinata ijiaja Cohãcjũ pohne. Sa ye tiquinata ijire Abrahã panamena iji turiayequina waro.

⁹ Ohõ saha niahye Cohãcjũ Abrahãre: “Ape cũhma ahri pje borota yũhũ majare tojoã tagũ mũhũ namono Sara nijinogãre cũorota mũhũ macũre”, niahye Cohãcjũ Abrahãre. Sa nino Cohãcjũ Abrahã macũno tiquiro masa

bajuatire yahuyuro niahye.

10 Came Isaac namono Rebeca wame tiricoro duita p̄aro pohna tiahye. Tiquina pac̄aro Isaac us̄ã ñes̄a m̄n̄ano iji turiariquiro ijiahye.

11-12 Sa ye tiquina pohne tiquina masa bajuato pano quehnoañene, ñañe ḡuh̄re tiquina yeato pano Cohãcjũ tiquina pacoro ijiaticorore ohõ saha nie tiahye: “Tiquiro bah̄ro pehe tiquiro wahminore dutirota. Sa yero tiquiro p̄ah̄toro ijirota”, nie tiahye ticorore. Cohãcjũ tiquiro cahmeno sahata besere tiquiro. Sa beseriquiro ijiro ihcãquiogãre besero ticorore sata ni yahue tiahye. Sa yero masa tiquina yeyere ihñedaperota tiquiro cahmeno sahata tiquiro yequina ijiatiquinare besere.

13 Sata ni ojoahye tiquiro yere tiquina ojoari p̄up̄u: “Jacob pehere cahñe tii. Sa yeḡu Esau pehere cahñeda tii’, niahye Cohãcjũ”, ni ojoahye panop̄u.

14 ¿Tire wac̄una d̄uhse ni t̄ahotuboari mari? ¿Tiquina yeyere ihñedaperota ihcãquiore sa besero Cohãcjũ queoro yeraboari, m̄usa t̄ahotugũ? Ijierare.

15 Ohõ saha nie tiahye Cohãcjũ Moiserere: “Ȳuh̄u cahmediquiro dihitaro paja ihñautja”, niahye tiquiro Moiserere. Sa yero ihcãquiore sa besero potota yero niahye Cohãcjũ.

16 Sa yena mari esa tuharo mari cahmeno saha

Cohãcjũre marine paja ihñagũ yeraja mari. Sa yero ne mari quehnoañene mari yeri wapa ḡuh̄re marine paja ihñedare tiquiro. Tiquiro esa tuharo tiquiro cahmeñequina pehere paja ihñare.

17 Sa yero sata tiquiro esa tuharo yeahye Egipto cjẽna p̄ah̄toro ḡuh̄re. Ohõ saha niahye Cohãcjũ tiquirore faraõre: “Egipto cjẽna p̄ah̄to ijiacjũre c̄uḡu nii m̄uh̄re ȳuh̄u tutuayere ijipihtiyequinare ȳuh̄u ihñoatire. Sa yeḡu ijipihtiyeyehpari cjẽna ȳuh̄re tiquina masiatire p̄ah̄to s̄ou nii ȳuh̄u m̄uh̄re”, niahye Cohãcjũ tiquirore. Ohõ sahata nine Cohãcjũ yere tiquina ojoari p̄up̄u.

18 Sa yero tiquiro cahmeñequinare tiquiro esa tuharo paja ihñare tiquiro. Sa yero tiquiro esa tuharo apequinare ȳuh̄tieragũ yere tiquiro. Sa yero Cohãcjũ tiquiro cahmediro sahata yere.

19 Tiquiro sa yeriquiro ijigũ ihñana ȳuh̄u pehere ohõ saha niboaga m̄usa: “Cohãcjũ marine tiquiro cahmediro sahata tiquiro yegũ mari pehe tiquirore ȳuh̄d̄ud̄uca masisi. ¿Mari sa ȳuh̄d̄ud̄uca masiedapegũta d̄uhse ijiro boro marine buhiri dahre duajari tiquiro?” ni pihop̄uri sinituboaga m̄usa ȳuh̄re.

20 Ohõ saha ni ȳuh̄tiaja m̄usare: “¿Masa ihyo ijina ijiepenata Cohãcjũre tuhtiajari m̄usa? Dihi sutu dahreriquirore ¿D̄uhseḡu ȳuh̄re ohõ saha ijiri sutu

yeri mahũ?” ti sutu ni sinitu-boriro saha nina niaga m̄sa Cohãcjãre. Sa ni masiedare m̄sa.

21 Dihi sutu dahreriquiro dihi mehna tiquiro cahmeno sahata yere. Sa yero quehnoañene pose yeati suture ye masine tiquiro. Tia dihi yubũ mehnata ihyo ijiyere pose yeati sutu gãhũre ye masine tiquiro. Tiquiro yero saha Cohãcjũ gãhũ tiquiro ye duaro sahata yere.

22 Sa yero Cohãcjũ pecapũ tiquiro cohãtiquinare tiquina ñañe yerire tiquiro ihña usuario tiquinare buhiri dahre duamahye. Sa buhiri dahre dueperota, yoari pje tiquina ñañe yeyere sa ihña cãriahye, ijipihtiyequinare tiquiro buhiri dahreatire, tiquiro tutuayere ihñono taro.

23 Sata yeahye Cohãcjũ tiquiro quehnoa butiariquiro tiquiro ijiyere, tiquiro tutuaye gãhũre mari masiatire. Panopũ marine tiquiro paja ihñanohanajare tiquiro beseahye, ijipihtiye tiquiro tutuayere tiquiro quehnoañene mari c̄oatire.

24 Sa yena mari pehe tiquiro beserina ijinata niaja. Sa ye tiquiro beseriquina pehe ihquẽquina judio masa dihita ijierare. Ihquẽquina judio masa ijieyequina gãhũ ijire tiquiro beseriquina.

25 Sata nine judio masa ijieyequinare Cohãcjũ yere Osea m̄nano tiquiro ojoariro sahata:

Yeequina ijieyequina gãhũre

camepũ tiquinare “Yeequina ijire”, ni-itja. Sa yegũ yũhũ cahĩeñequina gãhũre camepũ tiquinare “Yũhũ cahĩna ijire m̄sa”, niitja, niahye Cohãcjũ.

26 “Yeequina ijierare m̄sa”, Cohãcjũ tiquiro nimedi yehpari cjẽna tiquina Cohãcjũ catiriquiro pohmeta ijietta, ni ojoahye Osea panopũre.

27 Sa yero panopũ cjũno Isaia m̄nano Israe masare ohõ saha ni yahuahye: “Pajiri ma cjẽ padũ pjerigãre mari queona cũedaja. Israe masa ti padũ pjerigã yero saha ijiyequina peyequina ijiepegũta meheñequinagã Cohãcjũ yũhd̄oerota tiquinare.

28 Cohãcjũ ahri yehpa cjẽnare peyequina masare sojaro mehna potota buhiri dahre madoqueorota”, niahye Isaia.

29 Sa yero pari turita ohõ saha ni ojoahye Isaia:

Mari pũhtoro ijipihtiyequina pũhtoro meheñequinagã mari mehna cjẽnare yũhd̄oeraro, marine judio masare ijipihinare butigũ yeboya tiquiro. Sodoma cjẽnare, Gomorra cjẽna gãhũre tiquiro butigũ yeriro sahata mari gãhũre butigũ yeboya tiquiro, ni ojoahye Isaia yũhũ acaye Israe masare tiquiro yeato panopũ.

Judio masa quehnoañe buheyere cahmedahye

30 Sa tjire. Sa yena ahrire masi nemoña m_{usa}: Judio masa ijieyequina Cohãcjüre macaedapeta tiquiore bocare. Jesucristore tiquina wacũ tutuagã, “Quehnoañequina ijire”, ni ihñari tiquinare Cohãcjũ.

31 “Cohãcjũ dutiyere mari yegũ tiquiore marine yãhd_uorota”, niñe judio masa pehe Cohãcjũ Moiserere tiquiore dutiyere yepeta, cüedari. Sa yero ti dutiyere tiquina yepegũta Cohãcjũ “Quehnoañequina ijire”, ni ihñedari. Sa ye quehnoañequina iji duepeta cüedari.

32 Ohõ saha ye, tiquina cüedari: Tiquina Cohãcjüre wacũ tutuaro marieno tiquina esa tuhoro Moiserere tiquiore dutirire ye duamedi, tiquiore yequina iji duaye. Mari queoye mehna buhegũ Cristo utã yero saha ijiriquiro ijire. Omaperiquiro utãp_u doque wahã sa bora quehero, tiquiore esaborirore ne eserare. (Tiquiro yero saha tiquina Cristore utã yero saha ijiriquirore cahmeeñequina Cohãcjũ cahap_u ne esasi.)

33 Sata ni ojoahye Cohãcjũ yere tiquina ojoari pũp_u:

Jerusalẽ wame tiri macap_u utã yero saha ijiriquirore cũg_u niaja. Mari queoye mehna buhegũ ohõ saha ijire: Omaperiquiro utãp_u doque wahã sa bora quehero tiquiore

esaborirore eserare. (Tiquiro yero saha ti maca cjẽna utã yero saha ijiriquirore tiquina cahmedari buhiri Cohãcjũ cahap_u ne esasi. Tiquiro pehe tiquinare top_ure waha dutisi.) Sa ye tiquiore wacũ tutuayequina pehe quehnoano bucueeta, ni ojoahye.

10

1 Yũh_u acaye, Israe masare pecap_u wahaboriquinare Cohãcjũ tiquiore yãhd_uoatire, tutuaro yũh_u jeripohna mehna cahmesãja yũh_u. Sa yeg_u Cohãcjũ tiquinare tiquiore yãhd_uoatire sini basaja yũh_u.

2 Potota tiquina Cohãcjũ cahmeñene ye duamene. Sa ye duepeta tiquiore cahmeñene masiedare.

3 Sa ye tiquinare Cohãcjũ tiquiore quehnoañequina wahagũ yeborire tiquina masiedare. Sa masiedaye tiquina esa tuhoro quehnoañene yepeta, cüedari. Tiquina sa yegũ Cohãcjũ tiquiore wacũ tutua dutiriro sahata tiquina yeragũ ihñano, tiquiore pehe tiquinare “Quehnoañequina ijire”, ni ihñedari.

4 Ijipihtiyequinare Cristore wacũ tutuayequinare “Quehnoañequina ijire”, ni ihñare Cohãcjũ. Sa yena dutiye yeye mehna yãhd_u witieraja mari. Cristo mehna yãhd_uaja.

5 Moise munano panopu cjäno ohõ saha ni ojoahye: “Cohãcjũ dutirire mari duhuro marieno ye pehogũ Cohãcjũ yũhdũorota marine”, ni ojoahye tiquiro.

6-7 Tiquiro sa ni ojoaepẽgũta vojopure masa Cristore tiquina wacũ tutuagũ Cohãcjũ tiquinare “Quehnoañequina ijire”, ni ihñare. Ti buheye quehnoañequina wahagũ yeri buheye ohõ saha ni yahure: Cristo tiquiro basi ahri yehparũ wihi tuhasari jiri. Sa yero masa mũja tuhasari jiri. Sa yena ohõ saha ni tũhotueracãhña mũsa: “¿Diquiro pehe aũmũsepeũ Cristore ne cãhta basaro wahaboagari marine tiquiro yũhdũoato saha? ¿Diquiro pehe yariariquina cahapũ Cristore maso basaro ne cãhtaboagari? Tiquirore ne cãhtaboriquiro mariedare”, ni tũhotueracãhña mũsa.

8 Sa yero ohõ saha ni yahure Cohãcjũ yere tiquina ojoari pũpũ: “Cohãcjũ ye buheyere mari macagũ ti buheye ohõpũ ijire. Ti buheyere masi tuhasare mũsa. Sa yena ti buheyereta yahuducue tire mũsa”, ni ojoahye. Ti buheyere Cristore wacũ tutuaye buheyere masare yahuaja usã.

9 Ti buheye ohõ saha ni yahure: “Jesu mari pũhtoro ijire”, ni mari yahugũ, “Cohãcjũ Jesure yariariquirore potota masori”, ni mari tũhotugũ, Cohãcjũ marine pecapũ wahaborinare yũhdũorota.

10 Jesure mari wacũ tutuagũ Cohãcjũ pehe marine “Quehnoana ijire”, ni ihñanota. Sa yero Jesure mari wacũ tutuayere apequinare mari yahugũ tiquiro marine pecapũ wahaborinare yũhdũorota.

11 Ohõ saha nine Cohãcjũ yere tiquina ojoari pũpũ: “Cohãcjũre wacũ tutuayequina tiquirore tiquina wacũ tutuarire ne bũjũa wĩtisi”, niahye Cohãcjũ yere tiquina ojoari pũpũ.

12 Judio masare, judio masa ijieyequina gũhare Cohãcjũ ihcãno saha yedohore. Mari pũhtoro ijipihtiequina pũhtoro ijire tiquiro. Sa yero ijipihtiequinare tiquirore siniñequinare quehnoano pajiro ohorota tiquiro.

13 Ohõ saha ni ojoahye panopure: “Yũhũ ñañene cohãña. Sa yegũ yũhure yũhdũoya’, ni mari pũhtoro masa tiquina sinigũ tiquinare pecapũ wahaboriquinare mari pũhtoro yũhdũorota”, ni ojoahye Cohãcjũ yere.

14 Sa ye masa Cristore wacũ tutueraye tiquirore sini masiedare tiquina. Sa ye tiquiro buheyere tũhoeraye, tiquirore wacũ tutua masiedare. Sa ye tiquiro buheyere yahuriquiro mariedagũ tire tiquina ne masisi.

15 Sa ye tiquiro ye buheyere yahuatiquinare Cohãcjũ pehe tiquiro ohoeragũ tiquiro ye buheyere yahu masiedare. Tire ojoahye Cohãcjũ yere tiquina ojoari

pũpũ: “Quehnoañe buheyere yahuatiquina tiquina ahtagũ ihñana quehnoano bucueaja mari”, ni ojoahye panopũre.

16 Ti sa ijiepegũta masa peyequina quehnoañe buheyere tũho duerare. Sata ni ojoahye Isaia mũnano: “Pũhto, tiquinare mari yahurire tiquina ne tũho duerari”, ni yahuahye Isaia Cohãcjũre.

17 Sa ye masa quehnoañe buheyere tũhoye Cristore wacũ tutuari. Sa ye Cristo yequina tiquiro yere tiquina yahugũ, tiquiro ye buheyere tũhore masa.

18 Sa yegũ ahrire sinitu duaja mũsare: ¿Israe masa Cohãcjũ yere tũhoera tiari, mũsa tũhotugũ? Poto waro tiquina tũhomedĩ. Sata nine Cohãcjũ yere tiquina ojoari pũ gũhũ:

Cohãcjũ yere yahuyequina ijipihropũ yahu siteye wahari. Sa ye ijipihro cjẽnapũ tiquiro yere tũhori, ni ojoahye panopũ.

19 Pari turi mũsare sinitu duaja tja: ¿Israe masa tũhoepeta quehnoano masiedari tiquina, mũsa tũhotugũ? Masie timahye. Ahrire yahu nemogũ Moise nidire yahu mũhtaũtja. Ohõ saha ni ojoahye tiquiro:

Ohõ saha ni yahure Cohãcjũ Israe masare: “Tũho masieñequina, ñañequina, ihyo ijiyequina ijire”, ni mũsa ihñañequinare yeequina ijiatiquina

yeitja. Yũhũ sa yegũ mũsa pehe tiquinare ihña coonata. Sa yegũ mũsare usuagũ yeitja yũhũ, ni yahuri Cohãcjũ Israe masa ijieyequinare tiquiro yequina ijigũ yero taro, ni ojoahye Moise.

20 Ape pũpũre Isaia cuero marieno ohõ saha niahye:

Ohõ saha nine Cohãcjũ: Yũhũre macaedariquina pehe yũhũre bocari. Sa yegũ yũhũre cahmeeñequinare tiquinare yũhũre masigũ yei yũhũ, nidi Cohãcjũ, ni ojoahye Isaia judio masa ijieyequinare.

21 Israe masa pehere ohõ saha ni ojoahye Isaia: “Ohõ saha nine Cohãcjũ: Tiquina yũhũre yũhdũdcayequina, yũhũre cahmeeñequina ijire. Sa yegũ tiquinare tiquina ñañene bũjũa witi dutigũ ‘Yeequina ijiya’, sa niducumi tiquinare”, nidi Cohãcjũ, ni ojoahye Isaia.

11

Meheñequinagã Israe masare pecapũ waha-boriquinare yũhdũorota Cohãcjũ

1 ¿Sa yero Israe masare Cohãcjũ tiquiro beseriquinare yojopũre cohãyari tiquiro, mũsa tũhotugũ? Ijierare. Tiquinare cohãedari tiquiro. Yũhũ gũhũ Israe masũ, Abrahã panami iji turiagupũ

ijiaja. Sa yegu Benjami ya curua cjũ ijiaja yũhũ.

² Panopũ Israe masare Cohãcjũ beseetiahye. Tiquiro sa beseriquinare cohãedari. Cohãcjũ yere tiquina ojoari pũpũ Elia mũnano tiquiro yerire yahure. ¿Ti pũpũ Israe masare Elia Cohãcjũre tiquiro yahusãrire masiedajari mũsa? Ohõ saha ni yahusãhye tiquiro:

³ “Pũhto Cohãcjũ, tiquina Israe masa mũhũ yere yahu mũhtariquinare wejẽdi. Sa ye tiquina mũhũre wacũ usã ño peoye altarire cohãri. Sa yegu yũhũ dihita mũhũ yaquiro dũhsaja yojopũre. Yũhũ sa ijigũ tũhoye yũhũ gũhũre wejẽ duare tja, yojopũre”, niahye Elia Cohãcjũre.

⁴ Tiquiro sa nigũ tũhoro Cohãcjũ pehe ohõ saha ni yũhtiahye Eliare: “Siete mil amũa yeequina ijire yojopũre. Tiquinare ihbou yũhũ. Baal wame tiriquiro queoyere ne ño peera tiri tiquina, yeequina”, niahye Cohãcjũ Eliare panopũre cue dutieraro.

⁵ Ti pjere Elia tiquiro ijiri pjere tiquiro yequina masare beseriro sahata yojopũ gũhũre meheñequinagã Israe masare tiquiro yequina ijia-tiquinare beseri jiri Cohãcjũ. Cohãcjũ tiquinare paja ihñano beseri jiri.

⁶ Quehnoañene tiquina yeri wapa tiquinare beserari jiri. Tiquinare paja ihñano beseri jiri. “Quehnoañene mũsa yeri wapa mũsare beseitja”, nino, tiquiro tiquinare potota paja

ihñano niedaboya.

⁷ Sa ye ohõ saha ijire. Israe masa Cohãcjũ tiquinare “Quehnoañequina ijire”, tiquiro ni ihñagũ cahmepeta tiquina ihcãno sahaerari. Cohãcjũ tiquiro basi tiquiro beseriquina pehe quehnoañequina tiquiro yequina wahari jiri. Apequina pehe tiquirore ihcãno sahaeraye, tiquina pehe tiquiro yere tũho duerari.

⁸ Sata niahye Cohãcjũ yere tiquina ojoari pũpũ: “Cohãcjũ tiquirore cahmeeñequinare tiquiro yere tũhoeyequina ijigũ yeri. Sa yero potota ijiyere tiquina tũhoepegũta tiquinare quehnoano tũhogũ yerari Cohãcjũ. Sata ijiducure tiquina yojopũ gũhũre”, ni ojoahye panopũre.

⁹ Sa yero ohõ saha niahye Davi panopũ cjũno Cohãcjũre: Tiquina Israe masa tiquina borse decori tiquina bucueye decori yeye, ñano yere tiquina. Tiquina sa yegũ ihñagu buhiri dahreya mũhũ.

¹⁰ Tiquinare quehnoano tũhoeragũ yeya mũhũ. Sa ye sa buhiri tiducuyequina ijiahro tiquina. Sa ye sa bũjũa witiducuenta, niahye Davi Cohãcjũre.

Judio masa ijieyequinare pecapũ wahaboriquinare yũhdũorota Cohãcjũ

¹¹ ¿Judio masare Cristore tiquina cahmedagũ ihñano Cohãcjũ tiquinare cohãno, cohã bo cãno niboari, mũsa tũhotugũ? Cohã bosì

tiquinare. Sa cohãedaperota tiquina Cristore tiquina cahmedagũ yojopure judio masa ijieyequina pehere Cohãcjũ yãhdũorota. Yojopure tiquinare tiquiro yequina wahagũ yeri Cohãcjũ. Tiquiro sa yegũ ihñañe ihquẽquina judio masa pehe tiquinare ihña cooba.

¹² Judio masa tiquina yãhdũdcagũ tiquina quehnoano yeragũ apequina pehere ahri yehpa cjẽnare ihquẽquinare Cohãcjũ yãhdũori. Tiquiro sa yãhdũogũ tiquina pehere quehnoano wahari. Tiquiro sa yeriro yãhdũoro, came judio masa pehe Cristore tiquina quehnoano wacũ tutua dũcagũ pũritare ahri yehpa cjẽnare quehnoa yãhdũaro waharota.

¹³ Yojopure mũsare judio masa ijienare yahugũ tũn niaja. Cristo cũri yãhure judio masa ijieyequinare buheacjũre. Sa buhegũ ihyo waro yei niedaja.

¹⁴ Sa niaja yãhũ acayere judio masare mũsare tiquina ihña coogũ ye duagũ. Cohãcjũ yãhdũorina mũsa ijigũ ihñañe tiquina gũhũ Cristore cahme, tiquiro yãhdũoriquina wahaboa.

¹⁵ Judio masare mehenogã cohãbo curero, judio masa ijieyequina pehere quehnoañe buheyere Cohãcjũ yahu dutiri. Ti buheyere tiquina tũhori bato Jesure tiquina wacũ tutuari bato ihquẽquina ahri yehpa cjẽna Cohãcjũ yequina

wahari. Sa ye judio masare mehenogã tiquiro cohãbo curegũ quehnoano wahari ahri yehpa cjẽnare. Tiquiro sa yeriro yãhdũoro judio masare tiquiro yequina ijiatiquina tiquiro yegũ pũrita quehnoa yãhdũaro waharota ahri yehpa cjẽnare. Tiquiro yequina tiquina wahagũ peyequina masa Jesure wacũ tutuayequinare pecapũ wahaboriquinare yãhdũorota.

¹⁶ Ohõ saha ijire: Mehenogã trigo yãbũ Cohãcjũre ño peo tiquina duhu peori yãbũ quehnoari yãbũ Cohãcjũ tiquiro yegũ, dũhsari yãbũ gũhũ quehnoari yãbũta ijire. Sa yero yucũgũ nũhcori quehnoagũ, tũ dũpũri gũhũ quehnoañe dũpũri ijire. (Ohõ saha mari ni queoye mehna buhegũ Abrahã usã ñescu mũnano quehnoariquiro tiquiro ijiriro sahata tiquiro panamena iji turiayequinapũ gũhũ quehnoañequina ijieta Cristore wacũ tutuayequina ijiye.)

¹⁷ Ihquẽquina sa ijiatiquina tiquina ijiepegũta apequina tiquina acaye pehere judio masare Cohãcjũ mehenocohãbo cureri. Olivo wame tidũ dũpũrĩre ihquẽ dũpũrĩre tiquiro dũte cohãbori saha apequina judio masa pehere Cohãcjũ mehenocohãbo cureri. Sa yucũgũ dũpũrĩre cohãno tiquiro cohãri dũpũri ijirĩropũ apeye dũpũrĩre nũcũ cjãnũ olivogũ dũpũrĩre camesa doho ohõri. Sata Cohãcjũ mũsare judio masa ijienare Abrahã panamena iji

turianare comesari masare, masa gũhare yũdũoro taro.

18 Masare tiquiro sa cũgũ “Judio masa yũdũoro quehnoana ijiaja usã”, ni tũhotueracãhña. Ahrire yũhũ yahuatire wacũña masa: Judio masa pehere bese mũhtahye Cohãcjũ. Sa besero tiquina acayũro ijiatiquirore cũahye Cristore, marine yũdũoro taro. Sa yena “Judio masa yũdũoro quehnoana ijiaja”, ni tũhotueracãhña masa.

19 Masa judio masa ijiena pehe ohõ saha nıboa: “Ihquẽ ñaňe dũpũrĩre tiquiro cohãboriro saha Cohãcjũ judio masare cohãbo cureri ihquẽquinare. Sa cohãbo cureri tiquiro apeye dũpũrĩre comesa tiquiro doho ohõno saha tiquiro yequina marine cũno taro”, nıboa masa judio masare yũdũdũca duana.

20 Ti masa niňe ijırota ijire. Sa ijiepegũta tiquina Jesure tiquina wacũ tutuerari buhiri Cohãcjũ cohãbo cureri tiquinare. Sa yero masa gũhare Jesure masa wacũ tutueragũ tiquiro yequina ijianaja masare cũedaboaya. Sa yena “Judio masa yũdũoro quehnoana ijiaja usã”, niedacãhña masa. Sa niedana Cohãcjũre quehnoano ño peoya.

21 Æhmũ tãňe dũpũri yero saha judio masa pehe Cohãcjũ yequina ijı mũhtahye. Tiquiro comesari dũpũrĩre tiquiro doho ohõboriro saha camepũ Cohãcjũ tiquiro yequina

masa pehere cũahye. Sa yero tiquiro yequina ijı mũhtariquina judio masa tiquirore tiquina wacũ tutueragũ, tiquinare cohãbo cureri. Tiquinare tiquiro cohãriro saha masa gũhare cohãnota, tiquirore masa wacũ tutueragũ. Sa yena Cohãcjũre quehnoano ño peoya masa.

22 Cohãcjũ masare quehnoano yeriquiro tiquiro ijıgũ masiňa masa. Sa yena cua pesaro mehna buhiri dahreriquiro tiquiro ijıgũ gũhare masiňa masa. Tiquirore ño peoeyequinare tiquiro buhiri dahrerota. Sa masa tiquirore ño peoducugũ pũrita masare quehnoano yerota tiquiro. Ño peoerana ñaňe dũpũrĩre tiquiro cohãboriro saha masa gũhare cohãnota Cohãcjũ.

23 Sa yero judio masa tiquiro cohãbo cureriquina Cristore tiquina wacũ tua dũcagũ, yucũgũ dũpũrĩre masa tiquina doho ohõno saha Cohãcjũ tiquiro yequina ijıgũ yerota tiquinare. Cohãcjũ tiquiro sa yeati tutuayere cũori. Sa yero tiquiro tiquinare ihquẽquinare tiquiro yequina wahagũ yerota.

24 Masa judio masa ijiena ijina, nũcũ cãňũ olivogũ dũpũri yero saha ijire masa. Sa ijina masa ijiepegũ olivogũ otedũpũ nũcũ cãňũ dũpũrĩre masa tiquina ohõno saha Cohãcjũ masare tiquiro yequina ijıgũ yerota. Judio masa Cohãcjũ tiquiro bese mũhtariquina ijire. Sa yero

tiqairo bese m̄htarina m̄sa ijierapeḡta tiqairo yequina m̄sare ijiḡ yeri tiqairo. Judio masare tiqairo bese m̄htariquina pehere tiqairo yequina ijiḡ ye duare. Tire tiqairo yeḡ m̄sare yero ȳhd̄oro mijoeda cj̄re.

Came judio masare pecap̄ wahaboriquinare ȳhd̄orota Coh̄cj̄

25 Ȳh̄ acaye, ahrire masa tiquina masiedarire m̄sare yahutja. “Yojop̄re us̄a dihitare besere Coh̄cj̄. Us̄a pehe masi peho cj̄”, m̄sa ni t̄hotuerato saha ahrire yahutja. Oh̄ saha ijire: Yojop̄re peyequina judio masa Coh̄cj̄re t̄ho duasi. Sa ye peyequina judio masa ijieyequinare Coh̄cj̄ tiqairo queoriro puno tiqairo yequina tiqairo yeri bato judio masa pehe tiqairore cahmeeta.

26 Tiquina sa cahmeḡ ijipihtiequina tiqairore cahmeñequinare judio masa pecap̄ wahaboriquinare Coh̄cj̄ ȳhd̄orota. Coh̄cj̄ yere tiquina ojoari p̄p̄ sata ni ojoahye:

Jerusalē wame tiri macap̄ judio masa ya macap̄ tiquinare ȳhd̄oatiqairo ahtarota. Sa yero Jacob panamena iji turiayequinare tiquina ñañe yerire tiqairo coh̄nota.

27 Sa yeḡ tiquinare ȳhd̄oḡ panop̄ tiquinare ȳh̄ ni c̄riro sahata yei niaja, nidi

Coh̄cj̄, ni ojoahye Coh̄cj̄ yere tiquina ojoari p̄p̄.

28 Yojop̄re tiquina judio masa Cristo yere ño peoyequina Coh̄cj̄re ih̄na tuhtire. Tiquina sa yeḡ yojop̄re m̄sa pehe judio masa ijiena Cristore wac̄u tutua d̄cari. Judio masa pehere Coh̄cj̄ bese m̄htahye. Sa yero judio masa ñec̄sm̄na m̄na panop̄ cj̄ena tiqairo beseriquina tiquina ijiḡ yojop̄ ijieyequina judio masa ḡh̄re tiqairo cah̄ne.

29 Coh̄cj̄ tiqairo ni c̄riro sahata masare tiqairo beseriro sahata potota yerota tiqairo. Tiqairo nidire bosu tiqairo.

30 Panop̄re m̄sa ḡh̄ Coh̄cj̄re ȳhd̄d̄cari jiri. Yojop̄re judio masa Coh̄cj̄re tiquina ȳhd̄d̄caḡ ih̄nano tiqairo m̄sa pehere paja ih̄nano ȳhd̄ori.

31 Yojop̄re judio masa tiqairore ȳhd̄d̄cari. Tiquina sa yepeḡta Coh̄cj̄ m̄sare tiqairo paja ih̄nariro sahata tiquina ḡh̄re camep̄re paja ih̄nana.

32 Oh̄ saha ijire: Ijipihtiequina masare “Buhiri tiyequina ijire”, nine Coh̄cj̄. Sa yero ijipihtiequina buhiri tiyequina tiquina ijiḡ ih̄nano ijipihtiequinare paja ih̄na masine tiqairo.

33 Yohou. Coh̄cj̄ tutua ȳhd̄ariqairo ijiajari. Quehnoano masi pehoriquiro ijire tiqairo. Sa yero tiqairo t̄hotuyere, tiqairo yerire marine

quehnoano masino basioer-
are.

³⁴ Ohõ saha ni ojoahye Cohãcjũ yere: “Cohãcjũ mari pãhgoro tiqiro tãhotuyere ne masa quehnoano masiedare. Sa ye masa tiqirore ‘Ohõ saha yeya’, ni masiedare.

³⁵ Sa ye masa Cohãcjũre apee borore tiquina ohori bato ‘Tiqiro marine wapamore’, ni masiedare masa”, ni ojoahye panopure.

³⁶ Cohãcjũ ijipihiyere yeahye. Sa yero tiqiro tutuaye mehna ijipihiyere ijigũ yere tiqiro. Sa ye ijipihiyere tiqiro ye ijire. Tiqiro sa ijiriquiro ijigũ ijipihiyere decori tiqirore ño peuhna mari. Sata yeducuuhna.

12

Cohãcjũ cahmeñene marine yeducu dutiahye Pablo

¹ Cohãcjũ marine tutuaro paja ihñari. Tiqiro sa paja ihñariquiro ijigũ ihñana yuhũ acaye, m̃sa basita Cohãcjũ yere yeducuya. Sa yena quehnoañe pehere comesarina, ñaño mariena ijiya. M̃sa sa ijigũ tiqiro bucuero. Sata yero cahmene marine Cohãcjũre ño peona. Sa yegũ m̃sare tire tutuaro ye dutiaja.

² Ahri yehpa cjẽna ñañoquina tiquina yero saha ye nemoedacãhña m̃sa. Sa yena m̃sa tãhotuyepure quehnoañe pehere comesaya m̃sa. Sa yena quehnoañe pehere comesarina ijinata

m̃sa. Sa comesana Cohãcjũ m̃sare tiqiro ye dutirire masinata m̃sa. Sa yena quehnoañene, Cohãcjũ cahmeñene, ñaño marieñene masinata m̃sa.

³ Cohãcjũ yahure paja ihñano m̃sare buhe dutiro beseri yahure. Sa yegũ ijipihinare m̃sare ahrire ni dutieraja yuhũ. “Quehnoa yuhũana iji yuhũudũcaja usã”, ni tãhotueracãhña. Sa tãhotu cãhña. Jesure m̃sa wacũ tutuari bato Cohãcjũ m̃sare tiqiro yedohoro punota “To punota ye masiaja usã”, ni tãhotuya.

⁴ Ohõ saha ni yahu nemoutja yahũ: Mari omocari, mari dahpocãri, mari caperi, ijipihitiro mari pagupũ ijiye peye ijire. Mari pagupũ ijiye ihcã pagupũ ijiepetã sijoro saha ijiye dahraye dihitare cãore.

⁵ Mari queoye mehna buhegũ ahri yero saha ijire. Cristo pagũ yero saha ijina ihcã curuata ijiaja mari. Sa yena mari ijipihina peyequina ijiepenata ihcã curuaputa ijiaja mari.

⁶ Cohãcjũ marine tiqiro yedohoro punota tiqiro tutuaye mehna ye dutire. Sa yero maripe sijoro saha ijiye dahrayere cũre tiqiro. Tiqiro sa yegũ marine tiqiro cũrire mari quehnoano yeihna. Sa ye Jesu yequina ohõ saha yeahro. Ihquẽquinare Cohãcjũ tiqiro yere yahuatiquinare cũre. Sa ye tiquina Cristore tiquina masino puno tiqiro

yere quehnoano yahuahro.

⁷ Ihquẽquinare Cohãcjũ masare yedohoatiquinare cũre. Sa ye tiquina masare quehnoano mehna yedohoahro. Ihquẽquinare Cohãcjũ masare buheatiquinare cũre. Sa ye tiquina masare quehnoano buheahro.

⁸ Masare bucuegũ yea-tiquina ijiye, tire quehnoano yeahro. Sa ye apee borore ohoyequina quehnoano mehna jeripohna ti, pajiro ohoahro. Sa ye apequinare dutiyequina quehnoano mehna dutiahro. Sa ye pejecohoyequinare yedohoyequina bucueye mehna yedohoahro.

Jesuyequina ijina ohõ saha yena ijiya

⁹ Apequinare cahĩna, potota cahĩña tiquinare. Sa yena ñañene ihña yabina ijiya m̃sa. Sa yena quehnoañe pehere cahmeña.

¹⁰ M̃sa bahanare m̃sa cahĩno sahata Jesu yequinare m̃sa mehna cjẽnare cahĩña. Sa yena m̃sa mehna cjẽnare quehnoano cahme ño peoya.

¹¹ Cohãcjũ cahmeñene yena, ne caperacãhña. Sa yena mari p̃hutoro tiquiro dutiriro sahata quehnoano bucueye mehna yeya.

¹² Cohãcjũ m̃sare pecar̃wahaborinare tiquiro ỹhd̃horinar̃ ijiye m̃sa. Tire masina bucueya m̃sa. Sa yena ñano ỹhd̃na, ihcãno sahaya “Cristo yere duhuari”,

nina. Sa yena Cohãcjũre sa siniducuya.

¹³ Apee boro Jesu yequinare d̃hsagũ ohoya tiquinare. Sa yena m̃sa ye w̃h̃usep̃ masa tiquina esagũ quehnoano jeripohna ti, tiquinare piti caya.

¹⁴ M̃sare ñano yeyequina pehere quehnoa dutiya. Sa quehnoa dutina, tiquinare “Ñano ỹhd̃cũnahdo”, niedacãhña.

¹⁵ Apequina bucueyequina mehna ijina m̃sa gũh̃ bucueya. Sa yena utiyequinare ihñana, uti dohoya.

¹⁶ M̃sa mehna cjẽna mehna quehnoano ijiya m̃sa. Sa yena “Apequina ỹhd̃horo quehnoana ijiaja”, ni t̃hotueracãhña. Ohõ saha ni t̃hotuya. “Ihyo ijina ijiaja”, ni t̃hotu, ihyo ijiyequina mehna ijiya. Sa yena “Masi ỹhd̃d̃cana ijiaja usã”, ni t̃hotueracãhña.

¹⁷ Apequina m̃sare tiquina ñano yepegũta, tiquinare ñano ye cahmedacãhña. Sa yena quehnoañene yeya, quehnoana m̃sa ijiye tiyere ijipihtiyequina masa tiquina masiatire.

¹⁸ Tutuaro mehna quehnoañene yeya m̃sa, ijipihtiyequina mehna m̃sa quehnoano ijiatire.

¹⁹ M̃sa ỹh̃ cahĩna, ỹh̃ acaye apequina m̃sare tiquina ñano yepegũta tiquina yero saha ñano ye cahmedacãhña. Cohãcjũ pehe m̃sare tiquina ñano yeri buhiri buhiri dahreahro tiquinare. Cohãcjũ yere

tiquina ojoari p̄p̄ sata ni ojoahye: “Yuh̄u pehe masa tiquina ñano yeri buhiri buhiri dahreac̄j̄u ijiaja. Sa yeḡu potota buhiri dahre-it̄ja”, nine mari p̄h̄toro”, ni ojoahye panop̄ure.

²⁰ Sa yena oh̄o saha yeya m̄sa: “M̄sare ih̄ña tuhtiriquiro tiquiro ūj̄ua ah-baḡũ ih̄ñana nuña tiquirore. Tiquiro aco w̄hoḡũ ih̄ñana tiquirore sih̄õña. M̄sa sa yeḡũ ih̄ñano tiquiro b̄ue tirota”, nine mari p̄h̄toro.

²¹ Sa yena apequina m̄sare tiquina ñano yepeḡũta m̄sa pehe tiquinare ñano ye cahmedac̄ãh̄ñu ūh̄ure”, ni tahoturo mehna Sa yena tiquinare quehnoano yeya. Sa yena ñañene ye duerana ninata m̄sa.

13

¹ Ijipihtiyequina p̄h̄toare Coh̄ãc̄j̄ũ dihita c̄ũre. Sa yero m̄sa p̄h̄toa ḡũh̄ure Coh̄ãc̄j̄ũ bese c̄ũre. Tiquiro sa c̄ũriquina tiquina ijiḡũ ih̄ñana ijipih̄tina m̄sa tiquinare yuhtiya.

² Mari bui c̄j̄ena p̄h̄toare quehnoano yuhtierana Coh̄ãc̄j̄ũ tiquiro bese c̄ũriquinare yuht̄ducana ni-aga mari. Sa yuht̄ducariquinare Coh̄ãc̄j̄ũ pehe buhiri dahrerota.

³ Quehnoañequinare cueḡũ yeatiquina ijierare p̄h̄toa. Ñañene yeyequina pehere cueḡũ yeatiquina ijire tiquina. Quehnoañene yeya m̄sa p̄h̄toare m̄sa cuer- atire. Sa yena cuesi m̄sa. Quehnoañene m̄sa yeḡũ

p̄h̄toro pehe “Quehnoano yeri m̄sa”, m̄sare ninota.

⁴ M̄sa p̄h̄toa m̄sare yedohoatiquinata ijire m̄sa quehnoano ijiatire. Sa ye tiquina m̄sare buhiri dahreatiquinata ijire. Ijipihtiyequina ñañene yeriquinare buhiri dahre dutiro Coh̄ãc̄j̄ũ tiquinare beseri. Tiquina sa buhiri dahreatiquina ijiḡũ ñañene yena m̄sa p̄h̄toare cueya.

⁵ Sa yena mari p̄h̄toare yuhtina, tiquina buhiri dahreatire cuerac̄ũh̄na. Sa yena ño peoye mehna “Quehnoañene yero cahmene yuht̄ducana”, ni tahoturo mehna quehnoano yuht̄iuh̄na.

⁶ M̄sa p̄h̄toare tiquina dahrayere c̄ũri Coh̄ãc̄j̄ũ. Sa yena tiquina dahrayere tiquina yeḡũ ih̄ñana m̄sa p̄h̄toare wapa ne cohteyequinare wapa yere m̄sa.

⁷ Ijipihtiyequinare m̄sa p̄h̄toare quehnoano yuhtiya. Sa yena p̄h̄toare wapa ne cohteyequinare wapa yeya m̄sa. Sa yena p̄h̄toa pehe apeyere tiquina wapa ye dutiḡũ ḡũh̄ure wapa yeya. Sa yena ijipihtiyequina p̄h̄toare quehnoano ño peoya.

⁸ Apequina masare wapamoedac̄ãh̄ña. Tiquinare cah̄ño cahmene. Sa ye cah̄i nemono cahmene. Tiquiro cahap̄u ijiriquirore cah̄idiquiro Coh̄ãc̄j̄ũ dutiyere ye peho tuhasariquiro ijire. Sa yena m̄sa caha ijieyequina ḡũh̄ure cah̄iña.

⁹ Oh̄o saha nine Coh̄ãc̄j̄ũ

dutiye: “Apequiro namono mehna ñano yeracãhña. Masare wejêdacãhña. Yaqueracãhña. Apequina yere tutuaro cahmedacãhña”, ni yahure tiquiro dutiye. Apeye dutiye gũhũ ijire. Sa ijiepegũta ihcãno dutirore m̄hsare yahugũ tũhũ niaja. Ti dutiro ihcãno dutiro ijiepegũta ti dutirore yena, Cohãcjũ dutiyere ye pehona niaja mari. “Mũhũ basi mũhũ cahĩno saha mũhũ caha ijiequina gũhũre cahĩña”, nine ti dutiro. Ti dutirore yena Cohãcjũ dutiyere ye pehona ijina nine m̄hsa.

¹⁰ M̄hsa caha ijiriquire cahĩna, tiquirore ñano yesi. Sa yena tiquirore cahĩna, Cohãcjũ dutiyere ye pehona nine m̄hsa.

¹¹ Sa yena carĩñequina yero saha ijieracãhña m̄hsa. Quehnoano wacũ masiña. Jesure quehnoano wacũ cohteya. Jesu marine tiquiro tojoa ta, tiquiro neato mehenogã d̄hsatjiãre. Tiquirore mari coã masi d̄hcana, “Yoari batopũ marine yãhdũoro tarota Jesu”, ni tũhotumi. Mari sa ni tũhotuepegũta yojopũre mehenogã d̄hsare Jesu marine tiquiro yãhdũoro ahtato. Ahri yãhũ nidire masine m̄hsa.

¹² Yojopũre ñañene tiquina yeri deco ijire. Cristo tiquiro ahtagũ ahri deco pihtirota. Tiquiro ahtato mehenogã d̄hsare. Tiquiro ahtato mehenogã d̄hsagũ ihñana ñañene duhu pehocãhna mari. Sa yena Cohãcjũ cah-

meñe pehere yeihna mari. Sa Cohãcjũ yere yena, ñañene duhu pehocãhna mari.

¹³ Sa yena quehnoañe pehere yeihna. Sa yena bose decorire yena ñano yeracũhna. Sa yena queheracũhna. Sa yena w̄hana tina, apequina mehna ñano yena, cahme d̄use tini wiana, ihña coona ijieracũhna.

¹⁴ Sa yena mari puhtoro Jesucristo tiquiro yedohoye mehna quehnoano ijia m̄hsa. Sa yena ñañene m̄hsa tutuaro cahmeñene yeracãhña.

14

M̄hsa acayere Jesu yequinare “Ñano yee nine”, ni yahu wajaeracãhña
(1 Co 8.1-13)

¹ Jesure wacũ tutuariquire Jesu yere tiquiro quehnoano masiedarĩgũ tiquirore quehnoano yedohoya. Sa yena Jesu yere tiquiro quehnoano masiedarĩgũ ihñana “Ne masiedare mũhũ”, ni cahme d̄use tutueracãhña tiquiro mehna.

² “Ijipihtiyere ihya masiaja yãhũ”, ni tũhoture apequina. Sa ye apequina pehe Jesu yere quehnoano masiedarĩñe, wahiquinare ihyeraye, oteye d̄uca dihitare ihyare.

³ Ijipihtiyere ihyayequina pehe oteye d̄ucare ihyayequinare ihña tuhtieracãhdo. Sa ye oteye d̄uca dihitare ihyayequina pehe ijipihtiyere ihyayequinare “Ñano

yeye nine”, ni yahu wajaeracãhdo. Ijipihtiyere ihyayequina pehe Jesure wacũ tutuayequina tiquina ijigũ Cohãcjũ tiquinare tiquiro yequina ijigũ ye tuhasari. Tiquiro yequina tiquina ijigũ ihñañe wahiquinare ihyeyequina pehe tiquinare yahu wajaeracãhdo.

⁴ Jesure wacũ tutuayequina Cohãcjũ cahacjẽna ijire. Tiquina sa ijigũ ihñana m̄sa tiquinare yahu waja masiedare. Jesure wacũ tutuayequina Jesu cahmeno saha tiquina yeragũ ihñano tiquiro dihita tire yahu masine. Tiquina quehnoano yegũ gũhare tire yahu masine tiquiro tiquinare. Sa yero tiquiro pehe “Ñano yeri m̄hũ”, ni yahuatiquiro ijirota. Sa yero tiquiro cahacjẽnare quehnoañene yeducu masigũ yeriquiro ijire Cohãcjũ.

⁵ Ihquẽquina ihcã decore Cohãcjũre tiquina ño peoti deco yere. Sa ye apeye decorire “Dahraye decori ijire”, ni tãhoture. Apequina pehe decoripe Cohãcjũre ño peoducure. Tiquina ihcãno saha sa yerariquina ijiepetã ijipihtiyequina ohõ saha ni tãhotuahro: “Jesu tiquiro cahmeno sahata quehnoano yena niaja”, ni tãhotu masiãhdo.

⁶ Masũno ihcã deco tiquiro ño peoti deco yere Cohãcjũre ño peoro taro. Sa yero decoripe ño peoducuriquiro Cohãcjũre quehnoano ño

peore tiquiro gũhũ. Sa yero sijieriquiro gũhũ ihyaro, Cohãcjũre “Quehnoare”, ni sinine. Sa yero tiquiro gũhũ ihyariquiro ijiro Cohãcjũre ño peoriquiro ijire. Sa yero ihquẽ ihyayere sijiriquiro pehe tiquiro sijire Cohãcjũre ño peoro taro. Sa yero tiquiro gũhũ Cohãcjũre “Quehnoare”, ni sinine.

⁷ Mari cahmeñe dihitarẽ yena iji masiedaja mari. Cristo ijire mari pũhtoro. Sa yero mari catigũ mari yariagũ gũhare mari pũhtoro ijire.

⁸ Yojopũre mari catiro puno Cristo yere yeana ijiaja mari. Tiquiro yequina ijiaja. Mari yariari batopũ gũhare tiquiro yequina ijinata. Sa yero mari catigũ mari yariagũ gũhare Cristo mari pũhtoro ijire.

⁹ Sata ijire. Cristo yaria masa m̄jahye, catiyequina, yariariquina gũhũ tiquina pũhtoro ijiro taro.

¹⁰ ¿Dũhsena tana m̄sa acayũrore Jesu yaquirore “Ñano yero nine”, ni yahu waja duajari m̄sa? ¿Dũhsena tana m̄sa acayũrore cãhta diho cũ duajari m̄sa? Mari ijipihtina Cristo caha mari ducugũ tiquiro pehe mari yerire masi pehoro, marine beserota quehnoana, ñana gũhare. Tiquiro sa beseatiquiro ijigũ m̄sa acayũrore “Ñariquiro ijire” ni yahu wajaeracãhña.

¹¹ Cohãcjũ yere tiquina ojoari pũpũ ohõ saha ni ojoahye:

Ohõ saha nidi mari puhtoro: “Ahri potota ijire. Ijipihtiyequina yahu pototo dusepe curi mehna quehe saeta. Sa ye ijipihtiyequina ‘Quehnoagu, tutuagu ijire’, ni, yuhure ño peota”, nidi mari puhtoro, ni ojoahye.

12 Sa yena ijipihina mari yerire Cohãcjũ siniturota. “¿Duhse yena sa yeari?” ni siniturota. Tiquiro sa ni sinitugũ yuhtiro cahmene marine.

Musa acayurore ñano yegũ yeracãhña msa

13 Sa yena mari mehna cjẽna gũhure “Ñañequina ijire”, ni yahu wajaeracãhna. Sa yena mari acayurore Jesu yaquirore ñano yegũ yeracãhna.

14 Yuhu Jesucristo yaquiro ijiaja. Sa yegu ahri yahu niatire quehnoano masi-aja yahu: Yuhu pehe ijipihitiye ihyayere yuhu ihyagũ yuhu ihyari buhiri, buhiri mariedare. Apequiro pehe “Ahri ihyayere ihyagu ñano yei niaja”, ni tuhoturiquiro pehe ihyaro, potota buhiri tiriquire ijire.

15 Ti potota ijire. Musa apee borore msa ihyagũ msa acayuro msare ihña cũ ihyaro, “Yohou, ñano yei niaga yuhu”, ni pajiro tuhotuboaga tiquiro. Tiquirore sa ihña cũ ihyagũ yena, tiquirore cahiedare msa. Apee borore msa ihyagũ ihña cũ ihyaboaga

tiquiro. Sa ihyaro “Ñano yei niaja”, ni tuhoturo Cristore duhuboaga. Musa acayuro ye buhirire yariari Cristo. Sa yena “Cristore duhuari”, nina tiquirore ihña cũgũ yeracãhña.

16 Sa ye “Ahri usã yeri quehnoariaga”, msa ni tuhotugũ apequina msare yahu wajaboaga. Tiquina sa yahu wajagũ ihñana, msa sa yerire ye nemoedacãhña, “Yahu waja nemoari” nina.

17 Cohãcjũ pehe mari puhtoro ijire. Tiquiro sa ijigũ mari ihyaye, mari sihniñe gũhu sa iji cãno nine. Ihyo warota ijire. Sa ye mari puhtoro tiquiro dutiyere, quehnoañe gũhure mari yegũ ti waro ijiro nine. Sa ye apequina mehna mari quehnoano ijigũ gũhure quehnoañe waro ijiro nine. Sa ye Espiritu Santo yedohoye mehna mari bucuwegũ quehnoañe waro ijiro nine.

18 Sata Cristo yere yeriquirore ihñañe Cohãcjũ, masa gũhu “Quehnoano yeri mahu”, nieta.

19 Sata yeihna mari pũrita quehnoano mari ijiatire, mari basi mari cahme yedohoitire. Sa yena Jesure wacũ tutua nemonata.

20 Apequiro Jesu yaquiro tiquiro ihya dutierarire msa ihyagũ ihñano tire coeraro, Cohãcjũ yere cohãboaga. Sa yena tire ihyeracãhña. Potota ijipihitiye ihyaye quehnoañe ihyayeta ijire. Sa ijiepegãta apee borore mari ihyagũ apequiro “Ñañe ihyaye ijiaga

ahri”, nidiquiro ijieperota ihña cū ihyaboaga. Sa ihyaro ñano yero niaga tiquiro. Sa yena marine tiquiro ihña cū ihyagū, mari gūhū ñano yena niaja.

²¹ Wahiquina dihire mūsa ihyagū ihñano, vinore mūsa sihnigū ihñano, apequiro Jesu yaquiro “Tire ihyagū ñano yei niaga yūhū”, ni tūhoturiquiro ijieperota tiquiro gūhū ihña cū, ihya sihniboaga. Sa ni tūhoturiquiro pūrita ihya sihnino ñano yero nine. Sa yena tiquiro ñano yerato saha Jesure tiquiro wacū tutua duhuerato saha wahiquina dihire, vino gūhare mūsa pehe mūsa duhugū quehnoarīne.

²² “Ijipihtiyere ihya masi-aja”, ni tūhotuna, tire Cohācjū dihitare yahuya. Ñañene yerariquiro, “Quehnoano yei niaga yūhū”, ni tūhoturiquiro bucueriquiro ijire.

²³ Apequiro pehe “Ahri ihyayere ihyagū ñano yei niboaga yūhū”, ni tūhoturiquiro ijieperota ti ihyayere ihyaro, buhiri tiriquiro ijire tiquiro. “Ahrire ihyagū potota quehnoañene yei niaja”, ni tūhotuerare tiquiro. Sa ni tūhotueraro tire ihyaro, tiquiro ihyari buhiri buhiri tire tiquiro. “Quehnoañene yei niaja”, ni tūhotueraro tire yero, buhiri tire tiquiro.

15

Mari caha ijieyquinare quehnoano yeihna

¹ Mari Cohācjūre quehnoano wacū tutuana pehe wacū tutuera cjūñequinare yedohouhna. Sa yena mari ye dihitare yeducueracāhna.

² Sa yena mari caha ijieyquinare Jesu yequinare quehnoano yeihna tiquina quehnoano ijiatire, Cohācjūre tiquina quehnoano wacū tutua nemoatire.

³ Cristo pehe tiquiro ye dihitare yerahye. Sata nine Cohācjū yere tiquina ojoari pūpū. Ohō saha ni ojoahye: “Cristo ohō saha nidi Cohācjūre: ‘Mūhū pehere ñano yahuducuboriquina yūhū pehere ñano yahuducuri’, nidi Cristo Cohācjūre”, ni ojoahye panopūre. (Sa tiquina ñano yahuducunohriquiro ijiro Cristo tiquiro Pacūro ye pehere ye basaro niahye.)

⁴ Panopū Cohācjū yere tiquina ojoari pūpū tiquina ojoahye mari quehnoano buheatire. Sa yena ti pūre buhena bucueaja. Sa buhena mari ñano yūhdūna ihcāno sahanata.

⁵ Cohācjū mū sare tutuagū yeriquiro bucuēgū yeriquiro mū sare ijipihtinare ihcāno saha quehnoano ijigū yeahro, Cristo cahmediro sahata.

⁶ Sata yeahro tiquiro mūsa ijipihtina ihcāno mehna Cohācjūre mari pūhtoro Jesu-cristo Pacūrore “Quehnoagū, tutuagū ijire”, ni mūsa ño peoatore.

Judio masa ijieyquinare quehnoañe buheyere yahu

dūcahye

⁷ Cristo marine tiquiro yeriro sahata mūsa mehna cjēnare quehnoano cahme piti caya. Mūsa sa yegū ihñañe “Potota Cohācjū quehnoariquiro ijire”, ni ihñaeta masa pehe.

⁸ Mūsare ahrire niita niaja: Judio masare yedo-hoatiquiro ahtahye Cristo. Cohācjū tiquirore ohoro judio masa usā nēcūsumūa mūnapure panopū cjēnare tiquiro ni yahuriro sahata yero niahye. Tire tiquiro yerire masare masigū yea-tiquiro ahtahye Cristo.

⁹ Masare Cristo tiquiro yedohogū Cohācjū paja ihñano nine tiquinare. Tiquiro sa paja ihñagū judio masa ijieyequina gūhū Cohācjūre “Quehnoagu, tutuagu ijire”, ni, ño peore yojopure. Tiquina gūhūre tiquiro yequina ijigū yero ahtahye Cristo. Cohācjū yere tiquina ojoari pūpū sata ni ojoahye:

Cristo ohō saha niahye Cohācjūre:

Judio masa ijieyequina caha mūhūre “Cohācjū quehnoagu, tutuagu ijire”, ni ño peoutja. Sa yegu tiquina caha basagu mūhūre basatja, niahye Cristo Cohācjūre, ni ojoahye panopure.

¹⁰ Sa yero ohō saha ni ojoahye tja:

Cohācjū tiquiro beseriquina judio masa mehna cahme bucueya mūsa

gūhū judio masa ijiena, ni ojoahye panopure.

¹¹ Sa yero ohō saha ni ojoahye tja:

Judio masa ijieyequina ijip-ihitiyequina Cohācjūre ño peohro. Sa ye ijip-ihitiro cjēna tiquirore “Quehnoagu, tutuagu ijire”, ni ño peohro, ni ojoahye.

¹² Sa yero Isaia mūnano gūhū ohō saha ni ojoahye:

Isaī panamino iji turi-ariquiro ahtarota. Sa ahtarō judio masa ijieyequina pūhtoro ijirota tiquiro. Sa ye tiquina pehe tiquirore wacū tutua, tiquinare pecapū wahaboriquinare tiquiro yūhdūoatire masieta tiquina, ni ojoahye panopure.

¹³ Cohācjū marine yūhdūoro ahtatiquiro quehnoano mūsare bucuegū yeahro. Sa yero Jesure mūsa wacū tutuagū mūsare quehnoano ijigū yeahro tiquiro. Mūsare tiquiro sa yegū mūsare tiquiro yūhdūoatire Espiritu Santo tutuaye mehna bucueye mehna masi nemonata mūsa.

¹⁴ Ahrire mūsare yūhū yahuatire quehnoano masi-aja. Mūsa pehe quehnoana ijire. Sa yena Jesu yere quehnoano masine. Sa masina mūsa mehna cjēnare cahme quehnoano yahu, buhe masine mūsa.

¹⁵ Mūsa sa masina mūsa ijiepegūta ihquē tahari

ahri pūrpare mūsare cuero marieno quehnoano yahu peho ojoau mūsa wacūato saha. Cohācjū yuhure cahīno mūsare buhe dutiro cūri yuhure. Sa yegu tiquiro cūriro sahata yegu tagu mūsare wacūgū yei.

16 Yuhure tiquiro sa cūgū Jesucristo cahacjū ijigu tiquiro yere quehnoañe buheyere judio masa ijieyequinare buheaja yuhu. Yuhu sa buhegū tūhoye judio masa ijieyequina Jesure wacū tutuaeta. Tiquina sa wacū tutuagū ihñano tiquinare Cohācjū “Quehnoañequina ijire”, ni ihñanota. Sa yero tiquinare cahmenota. Sa yero Espíritu Santo pehe Cohācjū yequina ijigū yerota tiquinare. Pahia ujūa mūo Cohācjūre tiquina ohoriro sahata, tiquinare ñañe marieñequinare Cohācjūre oho duaja.

17 Sa yegu Jesucristore wacū tutuagu ijigu Cohācjū tiquiro buhe duti cūrigū ijigu bucueye mehna buheaja mūsare.

18-19 Apequina judio masa ijieyequinare Cristo yedohoye mehna tiquinare yuhu buhegū tūhoye, yuhu yerire ihñañe, Cohācjū tutuaye mehna ye ihñorire ihñañe, Espíritu Santo tiquiro tutuaye mehna tiquina Cristore wacū tutuari. Ahri pūrpare mūsare pototi yahu duaja. Apequinaru tiquina yerire yahueraja. Jerusalēru coā yuhu buhe dūcari bato ijipihtiye macaripū buhe dūcañ.

Tee Ilirico yehpapu gūhure Cristo ye buheye quehnoañe buheyere buhei esau.

20 Sa yegu Cristo yere masieñequina dihitare quehnoañe buheyere tutuaro buhe duañ, yuhu mehna cjēna tiquina buhenohriquinapure buhe dueragu.

21 Sata ni ojoahye Cohācjū yere tiquina ojoari pūrpu: Panopu tiquirore ne tūhoerariquina tiquirore masieta. Sa ye tiquirore ne tūhoerariquina tiquiro yere quehnoano tūhoeta, ni ojoahye Cohācjū yere tiquina ojoari pūrpu.

Pablo Romapu tiquiro wahatire yahuahye

22 Sa yegu ijipihtiro cjēnare buherigu ijigu peye tahari mūsa cahapu waha duepegata waha masiedahti.

23 YojoPURE ahri yehparipure yuhu dahraye pihtia wahari. Sa pihtigū ihñagū, peye cūhmari mūsa cahapu waha duarigu ijigu mūsa cahapu wahautja.

24 Sa ye EspañaRU wahagu mūsare topu ihña yuhdu cāutja. Sa yegu mūsa mehna bucueitja. Sa yegu mūsa mehna yuhu mehenogā ijiri bato yuhure mūsa yedohoye mehna EspañaRU wahautja.

25 YojoPURE JerusalēRU wahan tūñ niaja. To cjēnare Jesu yequinare yuhu acayere niñerure sogu wahan tūñ niaja.

26 Macedonia yehpa cjēna, Acaya yehpa cjēna gūhū quehnoano mehna Jesu yequinare Jerusalēpū ijiyequinare pejecoyequinare niñerure ohori tiquinare yedohoye. Sa yegū tiquinare tire oho basagū wahaū tūū niaja.

27 Ti niñerure ohoye, quehnoano mehna ohori tiquina. Tiquina sa yegū quehnoarīne, yūhū tūhotugū. Tiquinare judio masa ijieyequinare judio masa pehe Cohācjū yere buhe māhtari. Sa ye tiquinare tiquiō yūhdūoato gūhūre buhe māhtari judio masa. Tiquina sa buhegū ihñagū Macedonia cjēna, Acaya cjēna mehna tiquinare tiquina yedohogū quehnoarīne yūhūre. Tiquinare tiquina buheri wapa yero saha ijire ti, yūhū tūhotugū.

28 Sa yegū Jerusalē cjēnare ti niñerure oho tuhasagū Españapū wahaūtja. Topū wahagū mūsare ihña yūhdū cāūtja.

29 Sa yegū mūsa cahapū yūhū wahagū Cristo yere mūsare yūhū buhegū tiquiō mūsare quehnoano jeripohna tigū yerota.

30 Yūhū acaye, mari pūhtoro Jesucristore wacū tutuare mūsa. Sa yena Espīritu Santo tutuaye mehna apequinare cahīne mūsa. Sa yena yūhū gūhūre tutuaro sini basaya Cohācjūre.

31 Ohō saha ni sini basaya: Judea yehpa cjēna Jesure ño

peoyequina yūhūre tiquina ñano ye duagū Cohācjū yūhūre tiquiō yedohoato saha sini basaya. Sa yena Jerusalē cjēnare niñerure yūhū ohogū tiquina tire bucueye mehna tiquina ñeheato saha sini basaya.

32 Mūsa sa sinigū Cohācjū cahmegū bucueye mehna mūsa cahapū wahaūtja. Sa yegū mūsa mehna ijigū bucueye mehna soutja.

33 Cohācjū marine quehnoano ijigū yeriquiō mūsa mehna ijiducuahro. Sata ijiahro.

16

Pablo quehnoa dutiahye

1 Mari acayoro Febe wame tircoro mūsa cahapū wahaūro taro nine. Ticoro Cencrea wame tiri macapū Jesu yequinare cahme-coañequinare yedohoricoro ijire.

2 Sa yero peyequinare yedohoricoro yūhū gūhūre yedohoricoro ijiri ticoro. Sa yero mari pūhtoro Jesu yacoro ijire. Sa yena ticorore quehnoano mehna piti caya. Sata yero cahmene marine Jesu yequinare. Sa yena apee boro ticorore mariedagū ihñana ticorore ohoya mūsa.

3 Aquila, tiquiō namono Priscila gūhū quehnoahdo. Jesucristo yere yūhū buhegū tiquina gūhū yūhū mehna dahrari.

4 Tiquinare meheno wejēmedi, apequina yūhūre tiquina wejē duagū tiquina yedohori buhiri. Sa yegū tiquina mehna bucueaja

yuhũ. Sa ye judio masa ijieyequina Jesu yequina ijipihtiequina tiquina gũhũ tiquina mehna bucuere.

⁵ Sa ye Aquila ya wũhũpũ cahmecoañequina gũhũ Jesu yequina quehnoahdo. Yũhũ cahĩniquiro Epeneto gũhũ quehnoahdo. Tiquiro Asia yehpa cjũno topũ ijiro Cristore wacũ tutua mahtariquiro ijiri.

⁶ María gũhũ quehnoahdo. Ticoro mũsa mehna tutuaro dahrari.

⁷ Yũhũ acaye Andronico, Junia gũhũ quehnoahdo. Peresupũ yũhũ ijigũ tiquinata yũhũre piti tiyequina ijiri. Sa ye yũhũ pano Cristore wacũ tutua mahtari tiquina pehe. Apequina Jesu cũriquina pehe tiquinare “Potota quehnoañequina ijire”, ni yahuducure.

⁸ Amplia gũhũ yũhũ cahĩniquiro Jesu yaquiro ijire. Tiquiro quehnoahdo.

⁹ Sa yero Urbano gũhũ quehnoahdo. Tiquiro gũhũ mari mehna Cristo yere dahrari. Sa yero yũhũ cahĩniquiro Estaqui quehnoahdo.

¹⁰ Sa yero Apele gũhũ quehnoahdo. Tiquiro potota quehnoano Jesure wacũ tutuare. Tiquiro yerire ihñana tire masiaja mari. Sa ye Aristobulo ya wũhũ cjẽna ijipihtiequina tiquiro namono tiquiro pohne gũhũ quehnoahdo.

¹¹ Yũhũ acayũro Herodiõ quehnoahdo. Sa ye Narciso ya wũhũ cjẽna Jesu yequina

quehnoa pihti cãhdo.

¹² Sa ye Trifena, Trifosa gũhũ quehnoahdo. Ti numia mari pũhtoro Jesu ye dahrayere tutuaro yere. Mari cahĩnicoro Pẽrsida gũhũ quehnoahdo. Ticoro mari pũhtoro yere tutuaro dahrari.

¹³ Sa yero Rufo mari pũhtoro Jesure quehnoano wacũ tutuariquiro, tiquiro yere quehnoano yeriquiro quehnoahdo. Tiquiro pacoro gũhũ quehnoahdo. Ticoro yũhũ paco yero saha ijiricoro ijire.

¹⁴ Asincrito, Flegonte, Herma, Patroba, Herme, apequina Jesu yequina tiquina mehna cjẽna gũhũ quehnoahdo.

¹⁵ Sa ye Filologo, Julia, Nereo, tiquiro bahoro gũhũ, Olimpa, apequina tiquina mehna cjẽna gũhũ Jesu yequina quehnoahdo.

¹⁶ Sa yena mũsa mehna cjẽnare piti cana, quehnoano mehna piti caya. Ijipihtiequina Jesu yequina ijipihtiro cjẽna mũsare quehnoa dutire.

¹⁷ Yũhũ acaye, mũsa mehna cjẽna ihquẽquina mũsare cahme ihñna tuhtigũ yeyequina, cahme tu wagũ yeyequina ijiñohti. Sa ye mũsare Jesu ye buheyere dojomehnene. Sa yena sa yeyequinare ihñana quehnoano yeya, “Dojomehneari”, nina. Sa ijiyequinare piti tieracãhña.

¹⁸ Sa yeyequina mari pũhtoro Jesucristo yere yerare. Ñañene tiquina

tutuario cahmeñe dihitare yere. Sa ye quehnoano taho coaro dero majare doco ni meho buhere quehnoano masieñequinare. Tiquina sa ni mehogũ tiquinare quehnoano tãhore. Sa yena tiquinare piti tieracãhña m̄sa.

19 M̄sa pehe Jesure quehnoano yãhtina ijiñohti. Tire ijipihtiyequina masine. Sa quehnoano yãhtina m̄sa ijigũ bucueaja yũh. Sa yegu quehnoano m̄sa yeatire m̄sa masigũ cahmeaja yũh. Sa yegu ne ñañene m̄sa yeragũ gũhare cahmeaja yũh.

20 Sa yero Cohãcjũ marine quehnoano ijigũ yeriquiro mehenogã bato m̄sare yedohorota “Satanare yũhdũdũcaahro”, nino. Mari pãhtoro Jesucristo mehna m̄sare quehnoa dutiaja.

21 Timoteo yũh piti m̄sare quehnoa dutire. Yũh acaye judio masa gũh, Lucio, Jasõ, Sosipate m̄sare quehnoa dutire.

22 Yũh Tercio ahri pũre Pablore ojoa basagũ iji-aja. Yũh Jesu yaquiro ijigũ m̄sare Jesu yequinare quehnoa dutiaja.

23 Gayo ya wãhãpũ ijigũ niaja yũh Pablo. Tiquiro ya wãhãpũ Jesu yequina cahmecoare. Tiquiro gũh m̄sare quehnoa dutire. Sa yero Erasto ahri maca cjẽna pãhtoare niñeru ihbo cohteriquiro m̄sare quehnoa dutire. Mari acayũro Jesu

yaquiro Cuarto gũh m̄sare quehnoa dutire.

[
24 Mari pãhtoro Jesucristo mehna m̄sare ijipihtinare quehnoa dutiaja.]

Pablo Cohãcjũre ño peoro ojoa bato tiahye

25-27 Mari pãhtoro Jesucristo ye buheye mehna quehnoañe buheye mehna Cohãcjũ m̄sare tiquirore wacũ tutua nemogũ ye masine. Panopũre quehnoañe buheye ne masare yahuerari buheye ijimahye. Yojopũre Cohãcjũ yere yahu mãhtariquina mãna tiquina ojoari mehna ti buheyere yahuri jire. Yũh gũh tire buheaja. Ti buheyere ijipihtiro cjẽna yojopũre masine. Cohãcjũ sa ijiducuriquiro tiquiro dutiro sahata tiquina masine. Ti buheyere tiquirota yahu dutiahye masa tiquirore tiquina yãhtiatire, tiquirore tiquina wacũ tutuati gũhare. Sa yena tiquirore “Potota quehnoagũ, tutuagũ ijire”, ni ño peouhna. Tiquiro ihcãquirola Cohãcjũ dihita quehnoano masi pehoriquiro ijire. Jesucristo yedohoye mehna Cohãcjũre sa ño peoducuuhna mari. Sata ijiducuuhna.

1 Corintios

Pablo Cohãcjũ yequinare Corinto cjẽnare ojoa ohoahye

1-2 Yũũ Pablo, Jesucristo yere buhe duti tiquiro cũrigũ ijiaja. Cohãcjũ tiquiro cahmeno sahata Jesu tiquiro cũacjũre beseahye yũhũre tiquiro. Mũsare Cohãcjũ yequinare Corinto cjãnare ojoa ohoaja yũũ. Sostene mehna quehnoa dutiaja mũsare. Ahriquirũ gũũ mari acayũro Jesu yaquirũ ijire. Jesucristo mehna cjãna mũsa ijigũ Cohãcjũ yequina ijiana beseahye Jesu mũsare. Sa ye ijipihtiyequina apequina mari pũhtoro Jesucristore siniñequina ijiye, tiquina gũũ Cohãcjũ yequinata ijire. Tiquina sa ijigũ Jesucristo pehe mari ijipihina pũhtoro ijire. Sa yena mũsare ijipihinare ojoa ohoaja yũũ.

3 Sa yena Cohãcjũ mari Pacũ, mari pũhtoro Jesucristo mehna mũsare quehnoa dutiaja. Tiquina yedohoye mehna quehnoano ijiya mũsa.

Jesucristo pehe mũsare quehnoano ye basahye mari Pacũ tiquirore dutiro sahata

4 Jesucristo yequina mũsa ijiri bato tiquiro pehe mũsare quehnoano ye basare Cohãcjũre. Tiquiro sa yegũ ihñagũ, Cohãcjũre "Quehnoare", niducujaja yũũ decoripe.

5 Cristo yequina mũsa ijigũ ihñano Cohãcjũ pehe mũsare quehnoano ijigũ yere. Sa yero tiquiro yere mũsare apequinare quehnoano yahuanare yeri tiquiro. Sa yero tiquiro yere quehnoano masigũ yeri mũsare.

6 Cristo yere mũsare usã buheriro sahata sata wahari mũsare, Cristo yequina mũsa wahagũ.

7 Sa yero Cohãcjũ mũsare quehnoano yedoho peho cãnota. Mari pũhtoro Jesucristo ahri yehpapũ tiquiro tojoa tatire mũsa cohtero watoa Cohãcjũ pehe mũsare sa yedohoducurota.

8 Sa yero Jesucristo pehe mũsa ñañe yerire cohãriquirũ ijire. Tiquiro sa ijiriquiro ijigũ mũsa pehe decoripe, ahri deco pihtigũpũ gũhũre mũsa ñañe yerire tiquiro cohãnohrina ijiducunata. Sata tiquiro mũsare yedohorota. Sa yena Jesucristo mari pũhtoro tiquiro tojoa tagũpũre ñañe buhiri mariena ijinata mũsa.

9 Tire Cohãcjũ tiquiro nidiro sahata tiquiro yere. Tiquiro macũno mari pũhtoro Jesucristo yequina ijianare marine beseahye. Tiquiro sa besenohrinare Jesu yequina ijigũ yeri marine.

Jesu yequina Corinto cjẽna cahmecoañe cahme tuhtiahye

10 Yũũ acaye, mari pũhtoro Jesucristo tiquiro dutiro mehna mũsare tutuaro dutigũ tagũ niaja ahrire: Mũsa basi cahme

tuhtieracãhña. Sa yena mûsa basi cahme tu waeracãhña. Ihcã curuata ijiya mûsa. Sa yena sijoro saha ni yahuducueracãhña mûsa basi. Sa yena mûsa yeatire tãhotuna, ihcãno mehna yeya mûsa.

11 Yũhũ acaye, mûsa basi cahme tuhtina niñohti mûsa. Sa ni yahuri Cloe ya wãhũ cjẽna yũhũre.

12 Ihquẽquina mûsa mehna cjẽna ohõ saha ni cahme tuhtiñohti: “Pablo ya curua cjãna ijiaja usã”, ni cahme tuhtiñohti ihquẽquina mûsa. Sa ye apeqũna “Apolo ya curua cjãna ijiaja usã”, niñohti tiquina gũhũ. Sa ye apeqũna pehe “Pedro ya curua cjãna ijiaja usã”, niñohti tiquina gũhũ. Sa ye apeqũna pehe “Cristo ya curua cjãna ijiaja usã”, niñohti tiquina gũhũ.

13 Mûsa sa niepegũta Cristo yequina ihcã curuata ijiaja mari. Mari basi cahme tu wa doco masiedaja mari. Ihcã curuata ijiaja mari. Yũhũ Cristo ijieraja. Tiquiro yero saha mûsa ye buhirire curusapũ yariarigũ ijierũ. Tutuayere cõeraja. Sa yegũ ihyo ijigũ ijiaja. Sa yero mûsare apeqũro wame yero, Cristo ye tutuaye mehna wame yeri. Yee tutuaye mehna wame yerari.

14 Mûsare, mûsa mehna cjẽna gũhũre wame yerũ yũhũ. Crispore, Gayo gũhũre tiquina dihitarẽ wame yei. Apeqũna pehere wame yerarigũ yũhũ ijigũ quehnoare yũhũre.

15 Peyequina masare

wame yerigũ yũhũ ijigũ “Pablo ye tutuaye mehna tiquiro wame yeri usãre”, ni ihñaboaga mûsa yũhũre. Sa yegũ tire cahmedũ.

16 Estefana ya wãhũ cjẽna gũhũre wame yei yũhũ. Topequinata wame yei yũhũ. Apeqũnare yũhũ wame yeriquinare boaa wahãũ yũhũ.

17 Cristo yũhũre ohoro, wame yeacjũre cũedari tiquiro yũhũre. Quehnoañe buheyere buheacjũ pehere cũri yũhũre. Cristo curusapũ tiquiro yariarire yahuye buheye marine quehnoana wahagũ yere. Tiquiro sa yepegũta quehnoañe buheyere yũhũ esa tuharo yũhũ buhegũ yũhũ pehere ihña wahãboaga mûsa. Mûsa sa ihña wahãna quehnoañe buheye pehere ño peeraboaga mûsa. Sa yena quehnoana wahaeraboaga. Sa yegũ Jesu ye buheyere buhegũ yũhũ esa tuharo yũhũ masiñe mehna buheraja yũhũ.

Cohãcjũ tiquiro tutuayere tiquiro masiñe gũhũre cõoriquiro ijire Cristo

18 Pecapũ butiatiquina pehe Cristo curusapũ tiquiro yariarire yahuye buheyere “Tũho masieñequina ye buheye ijire ti”, nimene butiatiquina pehe. Mari pehe Cristo tiquiro yũhũnonohatina ijina ohõ saha niaja: “Curusapũ tiquiro yariarire yahuye buheye ti waro ijiro nine. Ti buheye Cohãcjũ

tiquiro tutuayere yahure marine”, niaja mari.

¹⁹ Cohãcjũ pehe tiquiro yere tiquina ojoari pũpũ ohõ saha nine:

Ahri yehpa cjẽnare “Quehnoano masiñequina ijire”, tiquina niñequinare tiquina masidire dũhseati ijieragũ masigũ yeitja yũhũ, niahye Cohãcjũ tiquiro yere tiquina ojoari pũpũ.

²⁰ Sa ye ahri yehpa cjẽna quehnoano masiñequina dũhseati tiquina ijierare. Ƨsã acaye judio masare buheyequina gũhũ dũhseati tiquina ijierare. Yojopũre yahuducu mihniñequina gũhũ dũhseati tiquina ijierare. Ahri yehpa cjẽna quehnoano masiñequina tiquina ijiepegũta masieñequina tiquina ijiyere masigũ yeri Cohãcjũ.

²¹ Cohãcjũ pũrita quehnoano masiniquiro ijire. Tiquiro sa ijigũ ahri yehpa cjẽna tiquina esa tuharo tiquina masiñe mehna Cohãcjũre ne masiedare tiquina. Cohãcjũ tiquiro masi dutiero sahata sa wahari tiquinare. Cohãcjũre cahmeeñequina pehe ohõ saha nine quehnoañe buheye warore: “Tũho masieñequina ye buheye ijire”, nimene. Sa yeye quehnoañe buheyere “Tũho masieñe buheye”, tiquina niñe buheyere tũhoye, Cristore masi dũcare masa. Tiquina sa masi dũcagũ Cristore tiquina wacũ tutuagũ ihñano tiquinare

tiquiro yequina wahagũ yere Cohãcjũ. Sa waha dutiri tiquiro.

²² Judio masa Cohãcjũ tutuaye mehna tiquiro ye ihñorire ihña duaye nine. Sa yeye griego masa pehe, judio masa ijieyequina pehe quehnoano tiquina masiatire macañe nine.

²³ Mari pehe Cristo curusapũ tiquiro yariarire yahuye buheyere buheaja mari. Ti buheyere judio masa pehe ihña tuhtire. Sa ye ti buheyere judio masa ijieyequina pehe “Tũho masieñequina ye buheye ijire”, ni tũhoture.

²⁴ Tiquina sa ni tũhotuepegũta Cohãcjũ yequina ijiatire tiquiro beseriquina pehe ti buheyere ohõ saha nine. “Cristo ye buheye Cohãcjũ tutuayere tiquiro quehnoano masiñene masigũ yere marine”, nine tiquina ahri buheyere. Tiquina judio masa, judio masa ijieyequina ijiepeteta, sa nine Jesu yequina.

²⁵ Cohãcjũ masi pehoriquiro ijire. “Tiquiro tũho masieniquiro ijire”, masa tiquina ni tũhotuepegũta ahri yehpa cjẽna yũhdũoro quehnoano masi pehoriquiro ijire tiquiro. Sa yero Cohãcjũre “Tutueriquiro ijire”, masa tiquina ni tũhotuepegũta tiquina bui tutua yũhdũdũcariquiro ijire tiquiro.

²⁶ Ti yũhũ nidi ijirota ijire. Yũhũ acaye, Cohãcjũ mũsare tiquiro yequina wahagũ tiquiro yegũ mũsa

peyequina ihyo ijina m̄sa ijirire wacũña m̄sa. Ahri yehpa cj̄nare “Quehnoano masiñequina”, tiquina niñequinare meheñequinagã Jesu yequina ijiatiquinare beseahye Cohãcjũ. Sa yero p̄h̄toa gũhare meheñequinagã Jesu yequina ijiatiquinare beseahye tiquiro. Sa yero p̄h̄toa pohne gũhare meheñequinagã Jesu yequina ijiatiquinare beseahye tiquiro.

27 “T̄ho masieñequina ijire”, tiquina niñequinare Cohãcjũ beseahye “Quehnoano masiñequina ijire”, tiquina niñequina tiquina b̄oro wahatire. Sa yero “Wacũ tutueyequina ijire”, tiquina niñequinare Cohãcjũ beseahye, “Wacũ tutuayequina ijire”, tiquina niñequina tiquina b̄oro wahatire.

28 Masa tiquina ihña tuhtieyequinare “D̄h̄seatiquina ijierare”, nine masa. Tiquina sa nidiquinare Cohãcjũ tiquiro yequina ijiatiquinare beseahye tiquinare. Sa besero “P̄h̄toa waro ijire”, tiquina niñequinare ihyo ijiyequina tiquina ijiyere masigũ yeahye Cohãcjũ tiquinare.

29 Tiquiro sa yegũ ahri yehpa cj̄na ne ihcãquiro “Tutuagũ, quehnoano masigũ ijiaja”, ne ni ȳhd̄d̄ca masiedare, Cohãcjũ ihñonop̄.

30 Cohãcjũ pehe marine Jesu yequina ijigũ yeri. Tiquiro yequina ijina marine tiquiro ȳhd̄d̄ori bato ijipihtiye decori Cohãcjũ mehna

ijinata mari. Jesucristo pehe Cohãcjũ yere quehnoano masigũ yere marine. Sa yero mari ñañe buhirire cohãre. Sa yero mari ñañe yerire cosero, marine “Quehnoañequina ijire”, Cohãcjũ ni ihñagũ yere Cristo Cohãcjũre. Sa yero marine pecap̄ wahaborinare ȳhd̄d̄ore.

31 Tiquiro sa yegũ Cohãcjũ yere tiquina ojoari p̄p̄ tiquiro ni ojoariro sahata sa wahare: “Ȳh̄h̄ esa tuhoro masi pehogũ ijiaja’, nidiquiro tire niedacãh̄do. Ohõ saha niahdo: ‘Mari p̄h̄toro Cristo pehe marine ȳhd̄d̄oriquiro ijire’, niahdo tiquiro”, nine Cohãcjũ yere tiquina ojoari p̄p̄.

2

Ahri buheye Cristo curusap̄ tiquiro yariarire yahure

1 Ȳh̄h̄ acaye, m̄sa cahap̄ esagũ “Quehnoano masi pehoaja”, m̄sare ni buherũ. Cohãcjũ yere m̄sare buhegũ, sa ni buhegũ niedũ.

2 “Ohõ saha ni buheitja”, nigũ m̄sa mehna ijigũ Jesucristo ye dihitare curusap̄ tiquiro yariari dihitare wacũgũ, ti buheyere buhei ȳh̄h̄.

3 Sa yegũ m̄sa mehna ijigũ ihyo ijigũ yero saha ijii ȳh̄h̄. Sa yegũ Cohãcjũ yere queoro buhe duagũ ijigũ cuegũ, nanaredigũ yero saha ijii ȳh̄h̄.

4 Sa yegũ Cohãcjũ yere buhegũ, “Masi pehoaja”, ni buherũ. Tiquiro yere

yahu buhegũ Espiritu Santo tutuaye mehna yahu buhegũ ihñari m̄sa.

⁵ Ohõ sahata ni buhei yahu m̄sare masa tiquina esa tuharo buheye pehere m̄sa cahmedatire. Cohãcjũ pehere m̄sa wacũ tuatire sa ni buhei yahu.

Espiritu Santo pehe Cohãcjũ ijiye tiyere buhere marine

⁶ Sa yena Cohãcjũ ye buheyere tiquiro masiñene m̄sare Jesure quehnoano wacũ tutuanap̄re yahuaja usã. Masa tiquina esa tuharo tiquina buheye yero saha ijierare ahri m̄sare usã buheye. Ti buheye p̄htoa ye buheye ḡhu ijierare. Tiquina p̄htoa pehe pihtia wahaeta.

⁷ Apequina tiquina masiedarire Cohãcjũ ye yahuducuyere yahuaja usã pehe. Panop̄ ahri buheyere Cohãcjũ yequina m̄na quehnoano masi pehoer-ahye. Ahri yehpa ijiato pano ahri buheye ti nidiro sahata “Sata wahaahro”, ni tuhasahye Cohãcjũ. Marine pecap̄ wahaborinare tiquiro yuhd̄oatire, tiquiro mehna mari ijiati ḡhure “Sata wahaahro”, ni tuhasae tiahye tiquiro.

⁸ Tiquiro sa nigũ Cohãcjũre cahmeeñequina p̄htoa ne tiquiro ye buheyere t̄ho dueraye, masiedare. Tire quehnoano masiñe, mari p̄hthorore Cohãcjũ mac̄no warore curusap̄ quẽ biha wejẽdaboaya tiquina.

⁹ Cohãcjũ yere tiquina ojoari p̄p̄ ohõ saha nine:

Ijipihtiyequina Cohãcjũre
cahñequina ye
ijiatire Cohãcjũ
quehnoano quehno
basa tuhasahye.
Quehnoa yuhd̄uyere
tiquiro quehno
basahye. Tire masa ne
ihñedari. Sa ye tire ne
t̄hoerari. Tire d̄ahse
masino basioerare
marine, nine Cohãcjũ
yere tiquina ojoari
p̄p̄.

¹⁰ Tiquiro sa niepegãta Espiritu Santo pehe Cohãcjũ yere masigũ yere marine. Ijipihtiye Cohãcjũ yere Espiritu Santo masi pehore. Sa masino tiquiro marine tire masigũ yere.

¹¹ Ne apequina pehe mas̄no tiquiro masiñene ne masiedare. Sa ijiepegãta mas̄no pehe tiquiro esa tuharo tiquiro wacũñep̄ tiquiro t̄hotuyere masine. Sata apequina Cohãcjũ tiquiro masiñene ne masiedare. Cohãcjũ yaquiro Espiritu Santo dihita tiquiro masiñene masine, mas̄no tiquiro esa tuharo tiquiro wacũñene tiquiro masino sahata.

¹² Sa yena mari pehe Jesu yequina ijina masa tiquina esa tuharo tiquina buheyere c̄oeraja. Cohãcjũ yaquiro Espiritu Santore ohori marine masigũ yero taro. Marine tiquiro quehnoano yeatire masigũ yere Espiritu Santo pehe.

13 Sa yena Cohãcjũ yere m̄sare buhena, masa ye masiñe mehna usã esa tuhara buheraja usã. Espiritu Santo tiquiro buheye pehere m̄sare buheaja. Sa buhena Espiritu Santore c̄oyequinare Cohãcjũ yere quehnoano buheaja usã.

14 Espiritu Santore c̄oyequina pehe Espiritu Santo yere ne cahmedare. “Tiquiro ye ihyo warota ijire”, nimene tiquina. Espiritu Santo tiquiro yedohoro marieno tiquiro yere masino basioerare masare. Sa ye tiquina tiquiro yere ne masiedare. Espiritu Santo yedohoro mehna tiquiro yere masiaja mari.

15 Espiritu Santore c̄oyequina pehe Cohãcjũ yere quehnoano masine. Apequina pehe tiquinare “Quehnoañequina ijire. Ñañequina ijire”, ni bese masiedare Espiritu Santore c̄oyequinare.

16 Ohõ saha nine Cohãcjũ yere tiquina ojoari p̄p̄h: “Mari p̄hutoro Cristo tiquiro t̄hotuyere masiñequina ne mariedare. Sa ye tiquirore masa duti masiedare”, nine tiquiro yere tiquina ojoari p̄p̄h. Mari pehe Cristo yequina ijina, Cristo yero sahata masiaja.

3

Jesu yequina ihcãno saha Cohãcjãre dahra cohteyequina ijire

1-2 Ȳh̄h̄ acaye, m̄sare buhegh̄ Espiritu Santore

quehnoano ȳhtiyequinare ȳh̄h̄ buheriro sahata buhe masied̄ m̄sa pehere. Cristo yequina ijiepenata, macanagã dihire tiquina ihya masieno saha Cohãcjũ yere quehnoano masiedare m̄sa. Yojop̄ ḡh̄h̄re quehnoano masiedañoh̄ti m̄sa. Ahri yehpa cj̄ena ñañequina yero saha t̄hotuñoh̄ti m̄sa. Sa yena macanagã ep̄core tiquina ap̄no saha miyoeda cj̄ũñe buheye dihitare t̄hoñoh̄ti m̄sa. Sa yeḡti yero saha ijiye buheye dihitare buhei m̄sare. Cristo yequina ijiepenata macanagã tiquina ihya masieno sahata Cristo yere quehnoano masiedañoh̄ti m̄sa.

3 M̄sa pehe m̄sa mehna cj̄enare cahme coona, cahmequena, m̄sa basi ihquẽ cururi tu wad̄ca sana, Espiritu Santore c̄oyequina yero saha yena niñoh̄ti m̄sa. Sa yena ahri yehpa cj̄ena Cristore cahmeeñequina yero saha yeñoh̄ti m̄sa.

4 Ohõ saha niñoh̄ti m̄sa: “Pablo ya curua cj̄ãna ijiaja usã”, niñoh̄ti m̄sa ihquẽquina. Sa yena apequina m̄sa mehna cj̄ãna pehe “Apolo ya curua cj̄ãna ijiaja usã”, niñoh̄ti. M̄sa sa ni yahuducuna Espiritu Santo marieñequina yero saha ni yahuducuñoh̄ti m̄sa.

5 ¿Ȳh̄h̄ Pablo, Apolo mehna d̄h̄seanaja ijiajari usã, m̄sa t̄hotugã? Ohõ saha yeana ja ijina niaja usã: Cohãcjũ tiquiro dutiriro

sahata tiquirore dahra cohtena ihyo ijina ijiaja usã. Sa yena musare usã buhegũ tuhona Jesucristore wacũ tutua dũcare musa.

6 Quehnoañe buheyere buheyequina wesepũ dahrayequina yero saha ijire, mari queoye mehna buhegũ. Wese upũro tiquiro ote mũhtariro saha yũhũ gũhũ musare buhe mũhtaũ. Sa yero apequiro wesere tiquiro cure nũnũ tãno saha Apolo pehe yũhũ bato musare buhe nũnũ tãri. Usã sa buhepegũta wese cjẽ oteyere bucua nemogũ tiquiro yeriro saha Cohãcjũ pehe musare tiquiro yere masi nemogũ yeri.

7 Sa yegũ yũhũ buhe mũhtarigũ ijiepegũta ihyo ijigũ ijiaja. Sa yero Apolo yũhũ bato buhe nemoriquiro gũhũ ihyo ijiriquirota ijire. Cohãcjũ pũrita oteyere tiquiro bucua nemogũ yeriro saha tiquiro yequinare tiquirore masi nemogũ yere. Sa yena Cohãcjũ pehere ño peoro cahmene musare.

8 Ote mũhtariquiro, came cure nũnũ tãriquiro ihcãno saha dahra cohteyequina ihyo ijieyequinata ijimene tiquina. Sa ye tiquina dahrariro punota wapatare tiquina. Sata ijiaja usã, Apolo mehna.

9 Sa yena usã Cohãcjũ yere dahra cohtena ijiaja. Sa yero Apolo yũhũ mehna cjãno ijire. Usã sa ijigũ musa pehe Cohãcjũ ya wese yero saha ijire. Musa sa ijigũ Cohãcjũ

ya wese cjẽ oteyere tiquiro bucua nemogũ yero saha musare tiquiro yere masi nemogũ yerota tiquiro.

Sa ye Cohãcjũ musare tiquiro yequinare quehnoari curua yero nine. Sa yena utã mehna tiquina yeri wũhũ yero saha ijire musa tiquiro ya curua cjãna, mari queoye mehna buhegũ.

10 Musa sa ijigũ Cohãcjũ yũhũre tiquiro dutiriro sahata yũhũ pehe wũhũ dahre mihnidiquiro utãre tiquiro cũ mũhtariro sahata Jesucristo yere musare buhe mũhtaũ. Sa yero ti utã paca bui apequiro tiquiro ye nemo mũjano sahata apequiro yũhũ bato buhe nemo nũnũ tãno nine. Sa buhe nemono quehnoano mehna buherota. Sa yero Cristo ye dihitare buherota tiquiro. Sata buheahro tiquiro.

11 Wũhũre tiquina dahre dũca tiquina cũ mũhtaria utã yero saha ijire Cristo. Sa yena ti utãre usã quehnoano cũ mũhtariro saha Cristo yere buhe tuhasaũ. Apequiro ye buheye pehere mari buhegũ quehnoaedaga.

12-15 Uru mehna, plata mehna, wapa bujũye utã paca mehna mari yeri wũhũre mari ujũa tuhugũ ujũedare. Sata Jesucristo yere mari quehnoano yeri bato pihtiri deco ijigũ Cohãcjũ mari yerire ujũa tuhuriro saha yerota mari yerire masino taro. Sa tiquiro yegũ quehnoano yeri wũhũ ujũedariro saha mari yerire ti quehnoañe

ijigũ masinota. Sa yero mari quehnoano yerina mari ijigũ masigũ yerota tiqiro. Quehnoano mari yeri wapa quehnoano yerota marine.

Sa yero yucari mehna, taa mehna, ñaidi pũri mehna mari yeri wuhure mari ujãa tuhugũ ujãa wahare. Sata Jesucristo yere mari quehnoano yerari bato pihtiri deco ijigũ, Cohãcjũ mari yerire ujãa tuhuro yero saha yerota mari yerire masino taro. Sata tiqiro yegũ ñano yeri wuhũ ti wuhũ ujãriro saha mari yerire ñaãe ijigũ masinota. Sa yero mari quehnoano yerari bato ijigũ marine masigũ yerota tiqiro. Sa yero quehnoano yerarina mari ijigũ ihãano quehnoañene mari yemedi wapare quehnoano yesi marine. Sa ijieyequinare Cohãcjũ yuhduorota. Sa ye sa quehnoano yerariquina mehenogã mehna yuhdueta.

16 Mũsa pehe Jesu yequina Cohãcjũ ya wuhũ yero saha ijire. Mũsa sa ijigũ ihãano ti wuhũpũ tiqiro ijiboro saha Espĩritu Santo pehe mũsa mehna ijire. ¿Tire masiedajari mũsa?

17 Cohãcjũ ya wuhũ ñaãe marieni wuhũ ijire. Sa yena mũsa gũhũ ti wuhũ yero saha ijina tiqiro yequina waro ijire. Sa yero Jesu yequinare ihcãquiro dojomehnegũ Cohãcjũ pecapũ cohãnota tiqiro pehere.

18 Ni mehoñene tuhotuercãhũ mũsa. “Yojopũ cjẽna ye

masiñene quehnoano masi-aja”, ni tuhoturiquiro mũsa mehna cjũno ijiro Jesu ye pehere quehnoano masi-ahdo. Tiquiro sa masigũ ihãaãe apequina tiqirore “Tũho masieniquiro ijire”, nieta. Sa yero Jesu yere masino, potota quehnoano masidiquiro waharota.

19 Masa esa tuharo tiquina basi tiquina masiñene “Ihyo warota ijire”, ni tuhature Cohãcjũ. Sata nine Cohãcjũ yere tiquina ojoari pũpũ: “Tiquina esa tuharo masiñequina tiquina masiñe duhseati ijierare, Cohãcjũ tiqiro ihãagũ. Sa yero tiquina cahmeno saha yeragũ yere tiquinare”, nine Cohãcjũ yere tiquina ojoari pũpũ.

20 Sa ye ape pũpũ ohõ saha nine: “Masa tiquina esa tuharo masi pehoyequina tiquina tuhutuye duhseati ijieragũ masine mari puhtoro Cohãcjũ pehe”, nine Cohãcjũ yere tiquina ojoari pũpũ.

21-22 Sa yena “Pablo ya curua cjãna ijiaja usã”, niedacãhã. “Apolo ya curua cjãna ijiaja usã”, niedacãhã. “Pedro ya curua cjãna ijiaja usã”, niedacãhã. Usã ijip-ihitina mũsa yequina dihita ijiaja. Ijipihtie mũsa ye ijire. Cohãcjũ tiqiro bajumehnedire, catie gũhure ohori mũsare. Sa yero pecapũ wahaeragũ yerota mũsare. Yojopũ ijieyere, camepũ ijiahi gũhure mũsare ohorota. Sa ye ijipihtie mũsa ye ijire.

23 Sa yena mũsa pehe Cristo

yequina ijire. Sa yero Cristo pehe Cohãcjũ yaquiro ijire.

4

Cristo tiquiro yere buhe duti tiquiro cûriquina tiquina dahrayere yahuahye Pablo

¹ Ohõ saha ni tãhotuya m̄sa yãhure Apolo gãhure: “Tiquina Cristore dahra cohteyequina ijire. Sa ye masa tiquina masiedarire Cohãcjũ yere buheyequina ijire”, ni, tãhotuya m̄sa usãre.

² Dahra cohteyequinare tiquina pãhoro tiquiro dutiriro saha ye cohtero cahmene tiquinare. Yãhũ gãhure sata yero cahmene Cristore.

³ Sa ijiepegũta yãhure m̄sa yahu wajaepẽgũta sa tãhotu cjã yãhũ. Apequina pãhoro yãhure tiquina yahu wajaepẽgũta sa tãhotu cjã yãhũ. Yãhũ yerire ihãana “Ahri quehnoañe ijire. Ahri ñañe ijire”, ni masiedare m̄sa. Yãhũ gãhũ masũta ijiaja. Sa yegũ yãhũ yerire quehnoano masi pehoeraja yãhũ gãhũ.

⁴ “Cristo yere yãhũ yãhdũdcari yãhure mariedare” ni tãhotumaja yãhũ. Yãhũ ohõ saha ni tãhotuepegũta buhiri tiboaga yãhũ. Mari pãhoro Cristo dihita yãhũ yerire ihãano, quehnoano masine.

⁵ Sa yena mari pãhoro tiquiro tojoa tato pano masare ñano ni yahu wajaeracãhã m̄sa. Tiquiro tojoa taro masa tiquina yerire,

panopã apequina tiquina masiedarire Cristo masigũ yerota. Sa yero mari ye duayere, mari tãhotuyere tiquiro masigũ yerota. Sa yero tiquiro yere yeriquinare “M̄sa quehnoano yeri”, ninota Cohãcjũ.

⁶ Yãhũ acaye, yãhũ Apolo mehna usã buherire yahu yãhũ, m̄sare buhegũ tagũ. Sa ni yahu yãhũ Cohãcjũ tiquiro yere tiquina ojoari pũpã tiquiro nidiro sahata m̄sa yeducuatire. Sa yena m̄sa mehna cjẽnare ihcãno saha cahme ño peoya. Ihcãquioreta ño peoeracãhã.

⁷ M̄sa pehe apequina yãhdũoro quehnoana ijierare. Masi yãhdũdcana ijierare m̄sa. Cohãcjũ m̄sare tiquiro ohori dihitare cõore m̄sa. Sa yena m̄sare tiquiro yahuri dihitare masine m̄sa. ¿M̄sa esa tuharo cõona, m̄sa esa tuharo masina ijierapenata, dũhse yena “Masi pehona ijiaja”, ñajari m̄sa? Sa nina “Cohãcjũ usãre ohoerari. Sa yero usãre yahuerari”, niboriro saha yere m̄sa.

⁸ M̄sa pehe “Cohãcjũ yere masi pehoaja usã. Usãre yabe boro dũhsaerare”, nimene m̄sa. Sa yena m̄sa cahapã usã ijieragũ m̄sa ohõ saha ni tãhotumene: “Pãhoro yero saha masina ijiaja usã”, ni tãhotumene m̄sa. Potota Cohãcjũre masi pehona pãhoro yero saha masina m̄sa ijigũ m̄sare quehnoa yãhdũaboaga. M̄sa sa ijigũ m̄sa mehna usã gãhũ

pũhtoa yero saha masina ijiboaga. “Masina ijiaja usã”, ni tũhotuna, quehnoa yũhdũaro ni tũhotumene masa.

⁹ Ohõ saha ni tũhotuaja yũhũ pũrita: Usãre Jesu tiquiro yere buhe dutiro cũno, ijipihtiyequina iji bato tiri cjã curua cũri usãre. Tiquina wejẽ dutinohriquina yero saha ijianare cũri usãre. Masa tiquina cahacjẽna yero saha ijiaja usã. Ahri yehpa cjẽna masa, angele gũhũ cahacjẽna yero saha ihñare usãre.

¹⁰ Cristo yere usã buhegũ ihñañe “Tũho masieñequina ijire”, nine masa usãre. Sa Cristo yere usã yegũ ihñañe, usãre ihña tuhtire. Mũsa pehe quehnoa yũhdũaro Cristo yere masina ijiajari masa. “Cohãcjãre wacũ tutueyequina ijire”, ni tũhotumene masa usãre. Mũsa pehe quehnoa yũhdũaro wacũ tutua yũhdũana ijiajari. Mũsa pehere masa ño peore. Usã pehere masa ne ño peoerare.

¹¹ Usã pehe yojopũre ñano yũhdũna, ɱjũa ahbana, aco wũona, ñano suhti mariena, wũhũse mariena ijiaja. Sa ye apequina usãre ño peoera, usãre ñano yere.

¹² Sa yena usã tutuaro dahraja. Sa yena apequina usãre tiquina ñano yahuducuepegũta usã pehe tiquinare “Quehnoano ijiya”, niaja usã. Sa yena apequina usãre ñano tiquina yepegũta sa tũhotu cjã usã.

¹³ Sa yena “Ñano yeyequina

ijire”, usãre tiquina niepegũta usã pehe quehnoano mehna tiquinare yũhtiaja. Sa ye panopũ, yojopũ gũhũre ñañe wete yero saha masape cururi iji bato tiri curua cjẽna yero saha ihñare masa usãre.

¹⁴⁻¹⁵ Mũsare quehnoañe buheyere buhe mũhtagũ masa pacũ yero saha wahaũ yũhũ. Peyequina mũsare Cristo yere buheyequina tiquina ijiepegũta mũsare buhe mũhtarigũ ihcũta ijiaja yũhũ. Sa ijigũ mũsare bue tigũ yegũ tagũ ahrire ojoagũ niedũ yũhũ. Yũhũ pohnare, yũhũ cahĩnare yũhũ dutiboriro saha mũsare quehnoano mehna dutigũ tagũ ahrire ojoagũ yũhũ.

¹⁶ Sa yegũ ahrire mũsare tutuaro mehna dutigũ tagũ niaja yũhũ. Yũhũre ihña cuña masa.

¹⁷ Ahrire ye dutigũ tagũ masa cahapũ Timoteore ohou. Tiquiro yũhũ macũ yero saha ijiriquiro yũhũ cahĩniquiro mari pũhtoro Jesu yaquiro ijire. Sa yero Cristo yere yeducure tiquiro. Cristo yere mari yeatire ijipihtiyequina Jesu yequina cahapũ buhei yũhũ. Timoteo tire mũsare wacũducugũ yerota. Sa yegũ Cristo yere yũhũ yeriro sahata masa ihña cũato saha Timoteore ohou yũhũ.

¹⁸ Timoteore yũhũ ohogũ ihquẽquina masa mehna cjẽna pũhtoa iji duayequina ohõ saha nine: “Pablo marine cuero, mari cahapũ ahtasi”, ni tũhotumene tiquina.

19 Cohãcjũ cahmegũ m̄sa cahap̄ mianogãta esautja. Sa esaḡ p̄htoa iji du-ayequinare m̄sa mehna cjẽnare Cohãcjũ ye tutuayere tiquina c̄ogũ masigatja ȳh̄. Sa yeḡ tiquina sa ni maca cãri ḡh̄are masigatja ȳh̄.

20 “Cohãcjũ usã p̄hthora ijire”, mari ni yahuepegũta tiquiore yere mari yeragũ ti mari niñe d̄hseati ijierare. Cohãcjũ tutuaye mehna tiquiore cahmeno saha ye masiaja. Ti ihyo waro ijierare.

21 ¿M̄sa cahap̄ m̄sare buhiri dahreac̄j̄ m̄sare tuh-tiac̄j̄ ȳh̄ wahagũ cahmeajari m̄sa ȳh̄are? ¿O m̄sare cahĩḡ m̄sare bucueḡ ȳh̄ wahagũ cahmeajari m̄sa ȳh̄are? ¿D̄hse ijiḡ ȳh̄ wahagũ cahmeajari m̄sa?

5

Corinto cjẽna tiquina w̄hana tirire yahuahye Pablo

1 Potota ohõ saha quititire usãre apequina: Ihcãquiro m̄sa mehna cjũno tiquiore m̄onore w̄hana tiñohti. Sa ni yahuri masa usãre. Apequina pehe Cohãcjũre cahmeeñequina ijiepetatiquina pehe sa yerare.

2 M̄sa mehna cjũno tiquiore sa yepegũta m̄sa pehe “Quehnoana ijiaja usã”, ni tuhutumene. ¿D̄hse yena tiquiore ñano yeyere masiepenata buj̄a witiarajari m̄sa? Sa yena sa ñano yeriquiore m̄sa mehna Jesu yequina mehna ijiriquiore cohãña m̄sa.

3-4 Ȳh̄ m̄sa mehna ijierapegũta ȳh̄ wacũñep̄ m̄sa mehnata ijiaja ȳh̄. Sa yeḡ m̄sa mehna ijiḡ ȳh̄ niboriro saha ñano yeriquiore tiquiore sa ñano yeri buhiri buhiri dahre duti tuhasaja ȳh̄. Jesu tiquiore duti mehnata sa ye dutiaja. Sa yena m̄sa cahmecoana ȳh̄ wacũñe mehnap̄ m̄sa mehna ȳh̄ ijigũ mari p̄hthora Jesu tiquiore tutuaye mehna tiquiore ñano yeriquiore cohãna, ohõ saha niña:

5 “Watĩno tiquiore cahmeno saha m̄h̄are yecũnahdo”, niña tiquiore. Sata niña tiquiore ñañene tiquiore tutuaro cahmeñene tiquiore duhuatire. M̄sa sa cohãgũ tiquiore ñano ȳh̄d̄rota. Mari p̄hthora Jesu tiquiore tojoa tati deco ñano yeriquiore Jesu mehna tiquiore quehnoano ȳh̄d̄atire yoj̄p̄are tiquiore sa niña.

6 “Quehnoana ijiaja usã”, niepenata ñano yena niaga m̄sa. Ñano yeriquiore m̄sa sa ih̄ña cãna, ti ñañene m̄sa ijipihtina piha pih-tia wahanata. Pãre pugũ yeye trigore ti quehnoano sehsharo saha ti ñañe m̄sare piharo quehnoano sehshaa waharota. ¿Tire masiedajari m̄sa?

7 Ȳh̄ acaye judio masa pascua ijigũ ovejare wejẽ, ujuã m̄o, Cohãcjũre ño peore. Sata oveja tiquiore yariariro saha Cristo mari ñañe buhirire yariaa wahahye. Tiquiore sa waharire masina

musa pehe ñano yeriquirore musa mehna cjånore cohãña ti ñañe musare “Pihari” nina. Musa ñañe yerire cohã tuhasari Cristo. Sa yena ñano yeriquirore cohãña “Pari turi ti ñañene pihari”, nina.

⁸ Pãre pugũ yeye trigore ti sehsariro saha panopũ ñañene ihña cũ, ye pihtirina ijimi mari. Sa yena pascua bose decopũ pãre pugũ yeye marieno pãre tiquina iyariro saha mari gũhũ ñañene cahmeno marieno ñano yero marieno ijihna mari. Panopũ mari ñañene yeriro saha yeracãhna. Sa yena potota quehnoano tãhotuye mehna, quehnoañene yeihna.

⁹ Musare yuhũ ojoari pũpũre Jesu yaquiro tiquiro ijiepegũta sa wũana tiducuriquirore ne piti ti dutierami.

¹⁰ Sa nigũ wũana tiyequinare, apequina yere tutuaro cahmeñequinare, yaqueyequinare, “Cohãcjũ ijire”, tiquina niñe queoyere ño peoyequinare Jesu yequina tiquina ijieragũ “Tiquina mehna ijieracãhña”, niedaja. Ahri yehpapũ sa ijieyequina marieno Jesure cahmeñequina marieno mari dihita iji masiedaja. Ijipihtiropũre ijire tiquina pehe.

¹¹ Sa yegũ musare ojoagu ohõ saha dutimi: Musa mehna cjãno “Jesu yaquiro ijiaja”, nidiquiro ijieperota numino mehna ñano yeriquiro, apee borore tutuaro cahmediquiro,

“Cohãcjũ ijire”, tiquina niñe queoyere ño peoriquiro, ñano quitu yeducuriquiro, queheriquiro, yaqueriquiro tiquiro ijigũ tiquirore piti tieracãhña. Sa yeriquiro “Jesu yaquiro ijiaja”, nidiquiro ijigũ tiquirore piti tieracãhña. Sa yena sa yeriquiro mehna ihyeracãhña.

¹² Sa yegũ Jesu yequina ijieyequinare tiquina ñañe yeri buhirire buhiri dahre dutirigũ ijieraja yuhũ. Sa yuhũre yeraro cahmene. Yuhũ sa niepegũta musa mehna cahmecoañequina Jesu yequina musa basi musa yerire ihñana, masino cahmene musare. Sa ihña cãedarõ cahmene. Sa yena tiquina ñano yegũ ihñana musare buhiri dahrero cahmene tiquinare.

¹³ Jesu yequina ijieyequina pehere Cohãcjũ pehe buhiri dahrerota. Sa yena musa pehe musa mehna cjånore ñano yeriquirore buhiri dahrena tiquirore cohãña.

6

Jesu yequinare yahusãrire yahuahye Pablo

¹ ¿Musa basi cahme ihña tuhti yahusã duana dahse ijiro boro Jesu yequina ijieyequina cahapũ musa acayere Jesu yequinare yahusãna wahajari? Jesu yequinare musa mehna cjẽnare yahusã duana apequina Jesu yequinare tire yahuro cahmene musare. Sa ye Jesu yequinapũ beseahro.

2 Pihtiri deco ijigū mari Jesu yequina pehe masa ijipihtiyequina tiquina yerire ihñana besenata mari tiquinare. ¿Tire masiedajari mūsa? Sa yena pihtiri deco ijigū masa ijipihtiyequinare beseatina ijina, yojopū gūhure bese masiaja mari. Sa yena yojopūre ihyo ijiyegā buhiri gūhure bese masiaja mari.

3 Angele tiquina yerire ihñana tiquina gūhure besenata mari. ¿Tire masiedajari mūsa? Mari sa beseatina ijina potota ti yūhdūoro yojopū gūhure Jesu yequina tiquina yerire ihñana bese masiaja mari.

4 ¿Sa yena dūhse yena mūsa mehna cjēnare yahusā duana Jesure cahmeeñequina cahapū ihyo ijiyegā buhirire yahusāna wahajari mūsa?

5 Ahrire nigū niaja mūsa queoro yerarire mūsa bujūa witiatire. ¿Mūsa mehna cjēnare mūsa cahme dūse tini wiagū mū sare yahua-tiquiro mūsa mehna cjāno quehnoano masiniquiro mariedajari? Ijire.

6 Sa ijiepegūta mūsa mehna cjāno Jesu yaquiro apequiro Jesu yaquirore yahusā duaro Jesu yequina ijieyequinare yahusāno wahare.

7 Masare beseyequina pūhtoa cahapū mūsa mehna cjēnare yahusāna Cohācjū ye pehere yūhdūdcana nine mūsa. Apequiro mūsa mehna cjāno mū sare ñano tiquiro yegū sa tūhotu cāboaga mūsa. Jesu yequina ijieyequinare

mūsa yahusāto pano mūsa acayūrore mūsa sa tūhotu cāgū quehnoa yūhdūaboaga. Jesu yaquiro mū sare tiquiro yaquegū tiquirore mūsa yahusāto pano tiquiro yaquerire mūsa sa tūhotu cāgū quehnoa yūhdūaboaga.

8 Mūsa gūhū sa ijinata ijire. Apequinare ñano yere mūsa. Sa yena yaquere mūsa. Sa yena apequina mūsa mehna cjēna Jesu yequina tiquina ijiepegūta tiquinare ñano yena, yaquere mūsa.

9 Sa yeyequina Cohācjū pūhtoro ijiropūre ūhmūsepūre waha masiedare. ¿Tire masiedajari mūsa? Ni mehoñene tūhotueracāhña mūsa. Mari pūhtoro ijiropū ne wahasi ohō saha yeyequina: Wūana tiyequina, “Cohācjū ijire”, tiquina niñe queoyere ño peoyequina, numia mehna ñano yeyequina, ūmūa mehna ñano yeyequina numia, ūmūa sehsaro tiquina paguri mehna ñano yeyequina, numia sehsaro tiquina paguri mehna ñano yeyequina numia,

10 ni meho ehmañequina, apequina yere tutuaro cahmeeñequina, queheyequina, masare ñano tuhtiyequina, yaqueyequina, ne Cohācjū pūhtoro ijiropūre ūhmūsepūre waha masiedare.

11 Panopūre mūsa gūhū sa yerina ijimedi. Sa yemedina mūsa ijiepegūta yojopūre mūsa ñano yerire cose tuhasari Jesucristo pehe. Sa tiquiro cosenohrina mūsa

ijigũ tiquiro yequina iji-
atinare yeri Cohãcjũ m̄sare.
Sa yero “Quehnoana ijire”, ni
ihñare m̄sare tiquiro. Sata
yere m̄sare mari p̄htoro
Jesucristo, Esp̄ritu Santo
gũhũ tiquina tutuaye mehna.

*Mari paguri Cristo ye
paguri ijire*

12 “Yh̄h̄h̄ cahmeno saha
ye masiaja yuhũ”, nine
ihquẽquina. Sata ijire. Yh̄h̄h̄
gũhũ sa nidigũ ijiepegũta tire
yegũ apequinare yedohorigũ
ijieraboaga yuhũ. Yh̄h̄h̄
cahmeno saha ye masiaja.
Sa ye masiepegũta ihquẽ
tahari sa yegũ ijigũ duhu
masiedaboaga yuhũ. Sa yegũ
tire pari turi yesi yuhũ, “Duhu
masiedaboaga”, nigũ.

13 Ohõ saha nine m̄sa:
“Ijipihtiye ihyaye mari paa
cjẽ ijiati ijire. Sa yero
mari paa ihyaye pose tiati
paa ijire”, nine m̄sa. Ti
ijirota ijire. Sa ijieperota
came Cohãcjũ pehe mari
ihyayere mari paa gũhare
pihtia wahagũ yerota. Sa ye
mari ihyaye ihyo warota ijiro
nine. Ihyaye mari paa cjẽ
ijiati ijire. Sa ijieperota mari
paguri numia mehna ñano
yeati paguri ijierare. Mari
paguri pehe mari p̄htoro
Cristo ye paguri ijiye nine.
Sa yero mari p̄htoro pehe
mari pagurire quehnoano
yeatiquiro ijire.

14 Sa yero Cohãcjũ tiquiro
tutuaye mehna mari p̄htoro
Cristore masoahye. Sa
tiquiro yeriro sahata mari
gũhare masonota tiquiro.

15 ¿Sa yena m̄sa paguri
Cristo ye paguri ijigũ
masiedajari m̄sa? ¿Ti sa
ijigũ Cristo ya pagũ mehna
whana tiricoro mehna mari
ñano yegũ quehnoajari?
Quehnoaedare.

16 Whana tiricorore
ñeheniquiro tiquiro pagũ pehe
ticoro ya pagũ mehna ijiro,
ihcã pagũ yero saha ijire.
¿Tire masiedajari m̄sa? Sata
ni ojoahye Cohãcjũ yere
tiquina ojoari p̄p̄h̄: “Tiquina
p̄h̄aro ijiepetata ihcã pagũ yero
saha wahare”, ni ojoahye.

17 Mari p̄htoro Jesu
tiquiro yaquiro masano
mehna ijiro nine. Sa yero
masano mari p̄htoro mehna
p̄h̄aro ijiepetata ihcã pagũ yero
saha ijire.

18 Sa yena whana tier-
acãhña. Tire m̄sa yabiro
saha tire yeracãhña. Apeye
ñañene mari yena mari
pagure dojomehnedaja.
Whana tiriquire pehe tiquiro
pagure ñano dojomehnene.

19 Esp̄ritu Santore marine
ohori Cohãcjũ. Sa yero mari
paguri mehna ijire Esp̄ritu
Santo. ¿Tire masiedajari
m̄sa? Sa ye m̄sa paguri,
m̄sa jeripohnari gũhũ m̄sa
ye waro ijierare.

20 M̄sa ñañe buhirire
buhiri dahre tuhasari Cri-
store. Sa yena tiquiro
yequina waro ijire m̄sa.
Tiquiro yequina ijina m̄sa
paguri mehna Cohãcjũ
tiquiro cahmeno sahata
yeya. Sa yena Cohãcjũre ño
peona nine m̄sa. Sa yena
apequina gũhare tiquirore ño

peogũ yena nine.

7

Namo tiyere yahuahye Pablo

¹ Yojopure yũhure m̄sa sinitu ojoarire yũhũ gũhũ yũhti cahmegũ tagũ ni-aja: Masano namo tieragũ quehnoare, yũhũ ihñagũ.

² Ti sa ijepegũta apequina um̄a pehe namo tiahro apequina numia mehna tiquina “Ñano yeari”, niñe. Sa ye ihquẽ numiata manũ tiahro apequina mehna tiquina “Ñano yeari”, niñe.

³⁻⁴ Manũ tiricoro pagũ ticoro ya pagũ dihita ijierare. Ticoro manũno ya pagũ gũhũ ijire. Ticoro manũno gũhũ tiquiro pagũ tiquiro ya pagũ dihita ijierare. Tiquiro namono ya pagũ gũhũ ijire. Sa yena m̄sa um̄a pehe m̄sa namosãnumiare quehnoano c̄oya. Sa yena m̄sa numia gũhũ m̄sa manũsum̄are “Yũhũ pagũre piheracãhña”, niedacãhña.

⁵ Sa ijepegũta Cohãcjũre p̄aro m̄sa sini duana “Meheñe decorigã yũhũ mehna ijieracãhña. Cohãcjũre sinihna”, ihcãno mehna sa nina, sa ye masine m̄sa. M̄sa sa nidi bato m̄sa iji m̄htariro saha ijiducuya tja, Satana m̄sare “Ñano ye dutiari”, nina. “Apequina mehna ñano yeboaga”, nina, m̄sa basi piti ti duhueracãhña. M̄sa iji m̄htariro saha ijiducuya tja.

⁶ Ahrire m̄sare yojopũ yũhũ nidire nigũ m̄sare dutiye waro mehna niedaja. Sa yahugũ niaja m̄sa yeatire m̄sa masiatire.

⁷ Ijipihtina m̄sa yũhũ yero saha namo tienã m̄sa ijigũ quehnoaboaga yũhũ. Sa iji duepenata mari ijipihhtina ihcãno saha ijieraja. Ihquẽquinare namo ti dutire Cohãcjũ. Sa yero tiquiro ihquẽquinare namo ti dutiare.

⁸ Sa yegũ namo marienare, manũ marienare, wape wiha numia gũhũ ohõ saha niaja m̄sare: Namõ mariena, manũ mariena iji masina, sata iji cãhña yũhũ yero saha.

⁹ Sa iji masiedana tutuaro ñañene cahmena, namo tiya. Sa yena manũ tiya. Ñañene m̄sa tutuaro cahmegũ quehnoaedare m̄sare. M̄sa sa tutuaro cahmegũ m̄sa namo tigũ pũrita quehnoarĩne. Sa yena m̄sa manũ tigũ gũhũ quehnoarĩne.

¹⁰ M̄sa namo tinare, manũ tina numiare ohõ saha dutiaja. Yũhũ sa niepegũta yee dutiye waro ijierare ahri. Mari p̄atoro Cristo ahrire dutire: M̄sa numia pehe m̄sa manũsum̄are cohãedacãhña.

¹¹ M̄sa manũsum̄are cohãna, manũ mariena numia tojoaya. Sa tojoerana pari turi m̄sa manũsum̄a mehna quehnoano ijiya tja. Sa yena m̄sa gũhũ um̄a m̄sa namosãnumiare cohãedacãhña.

¹² Sa yegũ m̄sa gũhũre apeqũnare ohõ saha ni-

aja yũhũ. Mari puhtoro tiquiro dutiye ijierare ahri. Yũhũ pehe ohõ saha ni-aja m̄sare: Ihquẽquina m̄sa mehna cjẽna Jesu yequina pehe Jesure cahmeeñequina numiare namo tiriquina ijire. Sa ye tiquina namosãnumia tiquina mehna tojoa duagũ tiquina numiare cohãedacãhdo tiquina.

13 Sa ye ihquẽquina m̄sa mehna cjẽna numia Jesu yequina numia Jesure cahmeeñequinare manũ tiriquina numia ijire. Sa ye tiquina manũsum̄na tiquina numia mehna tojoa duagũ tiquinare cohãedacãhdo.

14 M̄sa manũsum̄na Jesure cahmeeñequina ijiepegũta Jesu yequina numiare tiquina namo tigũ, Cohãcjũ quehnoañequina yero saha ihñare tiquinare. Sa yena m̄sa um̄na pehe Jesu yequina m̄sa ijigũ m̄sa namosãnumia Jesure cahmeeñequina numia ijiboaga. Tiquina sa ijiepegũta m̄sa mehna tiquina numia manũ tigũ Cohãcjũ quehnoañequina numia yero saha ihñare tiquina numiare. Tiquiro sa ihñedagũ m̄sa pohna Jesure cahmeeñequina pohne yero saha ihñaboaga Cohãcjũ. Sa yero tiquina pohne gãhure quehnoañequina yero saha ihñare Cohãcjũ.

15 Sa ye m̄sa um̄na pehere m̄sa namosãnumia Jesure cahmeeñequina numia m̄sare cohã duaye, sata yeahro. M̄sa manũsum̄na gãhũ sa cohã duaye, sata

yeahro. Quehnoano mari ijigũ cahmene Cohãcjũ. Sa yero tiquina numia Jesu yequina ijieye numia m̄sare cohã duagũ “Tiquina numia mehna ijiniña”, ni, dutierare Cohãcjũ.

16 Tiquina namosãnumia Jesu yequina numia pehe quehnoano yegũ ihñañe camerũ tiquina manũsum̄na Jesure cahmeboaga. Sa cahmegũ Cohãcjũ tiquinare pecarũ wahaboriquinare yũhdũorota. Sa ye tiquina manũsum̄na Jesu yequina pehe quehnoano yegũ ihñañe camerũ tiquina namosãnumia Jesure cahmeboaga. Sa cahmegũ Cohãcjũ tiquina numiare pecarũ wahaboriquina numiare yũhdũorota. Sa Jesure cahmeboriquina tiquina ijiepegũta potota Jesure tiquina cahmeatire masiyuro basioerare m̄sare.

17 Sa yena ijipihtina m̄sa mari puhtoro Cristo m̄sare tiquiro iji dutiro sahata yeya. Sa yena Cohãcjũ m̄sare tiquiro cũrire yeya m̄sa. Tire ijipihitiyequina Jesu yequinare sa ye dutiducujaja yũhũ.

18 Jesu yequina m̄sa ijia to pano cuhnucunũ sohtoa cahserogãre yũhre nena ijina, tire ihña yabieracãhña. Sa yena Jesu yequina m̄sa ijia to pano cuhnucunũ sohtoa cahserogãre yũhre nedarina ijina yojopũ gãhure sata ijiducuya.

19 Yojopũre ti cahserogãre yũhre nedina m̄sa ijigũ

duhseati ijierare. Tire yerarina m̄sa ijigū gūh̄are duhseati ijierare. Sa ijiepegūta Cohācjū dutiyere mari yegū ti pūrita ihyo waro ijierare.

20 Sa yena Cohācjū Jesu yequina m̄sare tiqiro cūri pje m̄sa ijiriro sahata tojoaya.

21 Jesu yaqiro m̄h̄u iji ducato pano apeqiro cahacjū m̄h̄u ijigū quehnoanota. Sata tojoaya. M̄h̄u p̄h̄toro m̄h̄are tiqiro wio duagū pehere wijiaya m̄h̄u. M̄h̄u wijiagū quehnoanota m̄h̄are.

22 Sa yero mari p̄h̄toro Jesu yaqiro ihcāqiro ijiro mas̄no cahacjūno ijieperota Jesu tiqiro yūhd̄oriquiro ijire. Sata apeqiro mari p̄h̄toro Jesu yaqiro ijiro, mas̄no cahacjūno ijierap-erota Jesu cahacjūno ijire tiqiro gūh̄u.

23 Mari ñañe buhirire buhiri ti tuhasahye Cristo. Sa yena tiqiro dihitare potota m̄sa p̄h̄toro waro t̄hotuya m̄sa. Apequina m̄sare tire tiquina ye dutieragū tiquinare t̄hoeracāh̄ña.

24 Sa yena yūh̄u acaye, Jesu yequina ijiatiquina Cohācjū m̄sare tiqiro cūri pje m̄sa ijiriro sahata tojoaya. Sa tojoana Cohācjū mehna cjāna ijiya.

25 Yojop̄are namo marien-are, man̄u mariena numia gūh̄are yahu duaja m̄sare. Mari p̄h̄toro ahr̄ire “Ohō saha niña”, niedare yūh̄are. Yūh̄are tiqiro paja ihñagū

yūh̄are tiqiro yedohogū tiqiro cahmeno sahata yeducurigū ijiaja yūh̄u. Sa ijirigū ijigū ahr̄ire quehnoano yahutja m̄sare.

26 Yojop̄are m̄sa ñano yūhd̄una niaga. Sa yena m̄sa namo mariena gūh̄u, man̄u mariena gūh̄u m̄sa tojoagū quehnoanota, yūh̄u t̄hotugū.

27 Namō mariena, man̄u mariena numia m̄sa ijina sata tojoaya. Sa yena m̄sa pehe namo tina, man̄u tina numia gūh̄u sata tojoaya.

28 Namō tina ñano yerare m̄sa. Sa yena m̄sa nuhm̄ia man̄u tina, ñano yerare m̄sa gūh̄u. Sa yena namo tina, man̄u tina numia m̄sare wape c̄oro tojoarota. Sa yegū m̄sare “Sa wape tiari”, nigū “Namō mariena, man̄u mariena numia tojoaya”, niaja yūh̄u.

29 Yūh̄u acaye, ahr̄ire m̄sare yahugū niaja. Cristo ahri yehpap̄u tiqiro tojoa tato mehenogā duhsare. Sa ye yojop̄are namo marieñequina Cohācjū cahmeno saha tiquina quehnoano ye masino sahata quehnoano yero cahmene namo tiyequina gūh̄are. Sa ye man̄u tiyequina numia gūh̄are sata Cohācjū tiqiro cahmeno saha quehnoano yero cahmene.

30-31 Ahri yehpa yojop̄u ijiro saha camerū ijisi. Camesa pihtia waharota. Sa pihtiat̄i yehpa ijigū yojop̄are mari ñehe quea utiye, mari bucueye, mari c̄oye pihtia waharota. Sa ye ti ihyo waro

ijire. Cohãcjã yere yeye pehe ihyo waro ijierare. Sa ye ahri yehpa cjẽne c̃oyequina, c̃oyequina yero saha iji-ahro. Ahri yehpa cjẽne pajiro t̃hotueraro cahmene. Ahri yehpa yojop̃ ijiri yehpa camesa pih̃tia waharota.

32 M̃sa ñano ỹhd̃ueragũ cahmeaja ỹh̃. Sa yeg̃ m̃sa pajiro m̃sa t̃hotueragũ g̃h̃ure cahmeaja. Namō mariediquiro Jesu yaquiro ijiro Jesu yere wac̃ducure. Sa wac̃ducuro Jesu cahmeñene tutuaro ye duare.

33 Namō tiriquire pehe tiquiro namono cahmeñe pehere tutuaro ye duare. Sa yero ahri yehpa cjẽne pajiro t̃hoture.

34 Sa yero tiquiro p̃arore ye duare. Jesu cahmeñene, tiquiro namono cahmeñe g̃h̃ure tiquiro ye duare. Sa yero b̃c̃oro mañ mariedicoro ijiro, ticoro mari p̃h̃toro Jesu cahmeñene tutuaro ye duare. Nuhmino g̃h̃ sata ye duare. Sa ye duaro ticoro tutuaro Cohãcjã yacoro iji duare. Mañ tiricoro pehe ahri yehpa cjẽ pehere ticoro mañno cahmeñe pehere tutuaro ye duare. Sa yero ahri yehpa cjẽne pajiro t̃hoture.

35 Ahrire m̃sare nii niaja m̃sare yedohog̃ tag̃. Tutuaro dutiyere m̃sare c̃ dueraja. Sa c̃ duerapeg̃ta quehnoano m̃sa yeg̃ cahmeaja. Sa yeg̃ Jesu mari p̃h̃toro yere m̃sa tutuaro ye duag̃ cahmeaja ỹh̃.

36 M̃sa mehna cjãno tiquiro cahmedicoro b̃c̃oro wahag̃ ih̃no ticorore namo tiahro. “Sata yero cahmene”, ni t̃hoturo, namo tiahro. Sa yero ticorore namo tiro ñano yero niedare.

37 Apequiro pehe tiquiro cahmedicorore “Ỹh̃ure namo tiro cahmene”, ni dueraro, tiquiro cahmediro sahata yeahro. Tiquiro namo ti duerag̃, quehnoanota. Quehnoano yero nine.

38 Sa yero tiquiro cahmedicorore namo tiriquire g̃h̃ quehnoano yere. Sa yero yojop̃re ticorore namo tieriquiro pehe apequiro ỹhd̃oro quehnoano yere.

39 Mañ tiricorore ticoro mañno cohã dutierare Cohãcjã. Tiquiro sa cohã dutierapeg̃ta ticoro mañno tiquiro yariari bato ticoro apequiro mehna ticoro cahmediquiro mehna mañ ti masine. Ticoro mañ tiriquire Jesu yaquiro ijiro cahmene tiquiro.

40 Ticoro mañ mariedicoro tojoaro, mañ tiricoro ỹhd̃oro quehnoano bucuericoro ijirota ticoro. Sata ni t̃hotuaja ỹh̃ pehe. Cohãcjã yaquiro Esp̃ritu Santore c̃og̃ ijaia. Ỹh̃ sa c̃og̃ ijig̃ masina, ahri ỹh̃ yahurire masiña m̃sa.

8

“Cohãcjã ijire”, tiquina niñe queoyere ño peo, ihyayere duhu peohye masa. Ti ihyayere yahuahye Pablo

1 Yojopure “Cohãcjũ ijire”, tiquina niñe queoyere ño peo, tiquina duhu peori ihyayere yahu duaja. Ijipihtina m̄sa ti borore “Masi-aja”, ni t̄hoture m̄sa. Sa ni t̄hotuna “Apequinare masi ȳhd̄d̄caja”, ni t̄hotumene m̄sa. Sa ni t̄hotuna apequinare yedohoerare m̄sa. Apequinare cah̄na tiquinare yedohore m̄sa. Sa ye masiñe ȳhd̄d̄oro apequinare cah̄ñe pehe ihyo waro ijierare.

2 “Masi peho cjã”, nina ijina, Cohãcjũ quehnoañene tiquiromo masi dutiyere masiedar̄aga m̄sa.

3 Sa ijiepegũta Cohãcjũre m̄sa cah̄gũ m̄sare masine tiquiromo. Sa yena tiquiromo yequina ijire m̄sa.

4 “Cohãcjũ ijire”, tiquina niñe queoyere ño peo, tiquina ihyayere duhu peore. Ti ihyayere m̄sare yahutja: Ti queoye ne d̄hseati ijierare. Potota ti queoye jeripohna mariedare. Cohãcjũ pehe ihcãquirola ijire. Apequina cohãmana mariedare. Ahrire masiaja mari.

5-6 “Peyequina cohãmana ijire. Tiquina mari p̄htoa ijire”, ni t̄hotumene masa. Sa yero ūhm̄sep̄, ahri yehpap̄ ḡh̄re “Cohãmana”, tiquina niñequina ijiepegũta mari pehere ihcãquirola ijire Cohãcjũ. Tiquiromo mari Pac̄ ijipihtiyere bajumehnediquiromo ijire. Sa yero tiquiromo yequina ijiatina yeahye tiquiromo marine. Sa yero mari p̄htoro Jesucristo

ihcãquirola ijire. Tiquiromo ijipihtiyere mari Pac̄re ye basariquiromo ijire. Tiquiromo yequina ijiatinare yeahye tiquiromo marine. Sa yena tiquiromo mehna sa ijiducunata mari.

7 Ȳh̄h̄ nidiromo saha ijiepegũta apequina Jesu yequina tire masiedare. Panop̄ tiquina “Cohãcjũ ijire”, tiquina niñe queoyere “Catiyequina ijire”, ni t̄hotuducumahye. Ti p̄ep̄re sa yeriquina ijiye yojop̄ ḡh̄re ti queoyere ño peo, tiquina duhu peo ihyayere “Cohãmana ye ihyaye ijire”, ni t̄hotumene. Sa ye ti ihyayere ihyaye, “Mari ñano yena niaja”, ni t̄hotumene. Tire tiquina yerire quehnoano masiedaye, sa ni t̄hotumene.

8 Ti ihyayere mari ihyagũ mari ihyeragũ ḡh̄re Cohãcjũ marine “Quehnoañequina ijire”, ni ihñedare. Sa ye ti ihyayere mari ihyagũ ihyo warota iji cãhno nine ti ihyaye. Mari tire ihyana ñano yeraja. Ti ihyayere mari ihyeragũ ḡh̄re ihyo warota iji cãhno nine. Mari ihyerana apequina ȳhd̄d̄oro quehnoana ijieraja mari ḡh̄.

9-10 Sa ijiepegũta quehnoano yeya m̄sa. Ti ihyayere ihyarina m̄sa ijigũ apequina m̄sare “Masiaja”, ninare ihña cũ ihyaboaga. Sa ihña cũ ihyaye tiquina yerire quehnoano masiedaye, “Ñano yena niaja mari”, ni t̄hotueta tiquina

gũhũ. Tiquina sa ni tãhotugũ tiquina pehere ñano yegũ yena niaga mũsa. Sa yena quehnoano yeya mũsa.

11 “Mari ti ihyayere mari ihyagũ quehnoanota marine”, mũsa ni tãhotuna ijina apequina quehnoano masieñequinare ñano yegũ yeboaga mũsa, mũsare tiquina ihña cũgũ. Sa yeriquina ye ijati gũhũre yariahye Cristo. Sa yena Cristo yequinare mũsa acayere ñano yegũ yena niboaga mũsa.

12 Quehnoano masieñequinare Cristo yequinare mũsa ñano yegũ yena, Cristo gũhũre ñano yena nine mũsa.

13 Sa yegũ ti queoyere ño peo, tiquina duhu peo ihyayere yũhũ ihyagũ Cristo yequinare ñano yegũ yegũ niboaga yũhũ. Jesu yequina ñano yegũ cahmedaja. Sa yegũ “Yũhũ tiquinare ñano yegũ yeari”, nigũ ti ihyayere ne pari turi ihyasi yũhũ.

9

Pablo Jesu cũriquiuro tiquiro ijiyere yahuahye

1 Jesu tiquiro yere buhe dutiro cũrigũ ijiaja. Sa yegũ apequina tiquiro cũriquina tiquina yero saha ye masiaja yũhũ gũhũ. Jesu cũrigũta ijiaja yũhũ gũhũ. Mari pũhtoro Jesure ihñarigũta ijiaja yũhũ. Sa yena Jesu yere yũhũ buhegũ mũsa pehe tire quehnoano tãhona tiquiro yequina wahare mũsa. Sa

yena Jesu cũrigũ yũhũ ijiyere masi tuhasare mũsa.

2 Apequina yũhũre yahu wajaye “Jesu cũriquiuro ijierare”, niboaga. Tiquina sa niepegũta mũsare yũhũ buheri bato Jesu yequina wahana, “Jesu cũriquiuro ijire”, ni, yũhũre masi tuhasare mũsa. Sa yena apequina yahu wajaeppegũta mũsa pehe tiquiro cũrigũ yũhũ ijiye tiyere masine.

3 Yũhũre yahu wajayequinare ohõ saha ni yũhtitja.

4 Mũsare yũhũ buheri bato yũhũ ihyatire yũhũ sihniati gũhũre yũhũre ohoro cahmene mũsare.

5 ¿Sa yegũ namo tigũ ijigũ yũhũ namono Jesu yacoro ticoro ijigũ ticoro mehna tini masiedaboagari yũhũ? Apequina Jesu cũriquina, Jesu bahana, Pedro gũhũ tiquina namosãnumia mehna tiquina tinidiro sahata yũhũ gũhũ tini masiboaga. Yũhũ sa tinigũ yũhũ namo tigũ ijigũ ticoro gũhũre ihyayere ohoboaga mũsa.

6 Yũhũ Bernabé mehna mũsare quehnoañe buheyere usã buhepegũta usãre ne apee borogã ohoerari mũsa. Sa yena usã basita usã ihyatire dahra wapataũ usã. ¿Usã dihitare wapataro marieno buhero cahmeajari, mũsa tãhotugũ? ¿Usã sa buhena apeye dahraye pehere duhu masiedaboagari usã?

7 Ahriquina yũhũ queoye mehna yahuatiquina pehe tiquina dahrari wapa wa-

patare. Ihcãquiro surara dahragã tiquiro pãtoa tiquirore wapa yere. Tiquiro basi wapa yerare. Ihyayere oteriquiro gãhũ tiquiro oteri dũca tigũ tireta ihya masine. Sa yero wapatare tiquiro. Sa yero ovejare ihña ihboriquiro tiquiro nuñequina epẽcore sihni masine tiquiro. Sa yero wapatare tiquiro gãhũ.

8 “Tiquina dahrari wapare wapa yero cahmene”, nigũ masa tiquina dutiye dihitare m̃sare yahueraja. Cohãcjũ dutiyepũ tiquiro nidi gãhũre m̃sare yahugũ niaja.

9 Tiquiro dutiyere tiquina ojoari pũpũ ohõ saha ni yahure: “Wecũ trigo pjerire tiquiro dahpocãri mehna suhti weriquiro ihya duagũ tiquiro dũserore cahmo-taeracãhña”, niahye Cohãcjũ dutiye. Sa dutiro wecũare nino niedahye.

10 Sa dutiro marine nino niahye marine buhero taro. Wesere seheriquiro gãhũ ti dũcare nediquina gãhũ tiquina dahrari bato dũca tiri pje ijigũ tiquina wapatare cohtere. Sa yena dahrayequinare tiquina dahrari wapare ohoro cahmene marine.

11 M̃sare Cohãcjũ yere quehnoañe buheyere buhei usã. ¿Usã sa buhegũ m̃sa pehe usãre ihyayere ohoreraro cahmeajari, m̃sa tũhotugũ? Ohoro cahmene. M̃sa ohogũ quehnoaboaga usãre. Sa ijiepegũta m̃sa ohoerari usãre.

12 Sa ohoerapenata apequina ihyayere m̃sare sinigũ tiquina pehere ohore m̃sa. Tiquina m̃sare ihyayere sinigũ tiquina yahũoro usã pehe oho dutiboaga m̃sare.

Sa oho dutiborina ijiepenata usã pehe “Usãre ohoya” ne niedũ. “Cristo ye buheyere m̃sapũ cahmedaboaga” nina, usãre mariedapegũta m̃sare ne siniedũ.

13 Cohãcjũ wũhũpũ dahrayequina ti wũhũpũta tiquina ihyayere nene. Sa ye Cohãcjũre tiquina ño peori altarpũ cohteyequina wahiquirore tiquina wjũa m̃oriquirore mehenogã ne, ihyari tiquina gãhũ. ¿Tire masiedari m̃sa?

14 Sa tiquina yeriro saha quehnoañe buheyere buheyequinare tiquina buheri wapare tiquina ihyatire tiquinare ohoro cahmene m̃sare. Sata ye dutiri mari pãtoro Jesu.

15 Sa yegũ m̃sare siniborigũ ijiepegũta yũhũ ne apee borore siniedũ m̃sare. Sa yegũ ahrire yojopũre ojoa ohogũ apee borore wapa cahmegũ tagũ ojoagũ niedaja. M̃sare ne wapa cahme dueraja. Yariacjũ ijiepegũta ne wapa cahmesi yũhũ m̃sare. Wapa marieno buhegũ tutuaro bucueaja. Sa yegũ m̃sare yũhũ buheri wapa ne wapata ihyasi.

16 Quehnoañe buheyere buhe dutiro yũhũre cũri Cohãcjũ. Tire buheacjũta ijigũ niaja yũhũ. Quehnoañe buheyere buheragũ pe-

jesuogũ ijiboaga yũhũ. Sa yegũ ti buheyere buhegũ “Apequinare masi yũhdũdũcaja”, niacjũ ijieraja yũhũ.

¹⁷ Quehnoañe buheyere yũhũ esa tuharo buhegũ yũhũ buheri wapa wapa neboaga yũhũ. Cohãcjũ yũhũre tiquiro yere buhe dutiro cũri yũhũre. Sa yegũ yũhũre tiquiro cũrire yegũ niaja. Sa buheacjũ ijiaja yũhũ.

¹⁸ ¿Tiquiro yere sa buhegũ yabe borore wapatajari yũhũ? Ohõ saha ijire yũhũ wapataye: Quehnoañe buheyere buhegũ musare ne apee borore siniedagũ wapa marieno ti buheyere buheaja musare. Yũhũ sa nidire masigũ bucueaja. Yũhũ bucueyeta ijire yũhũ wapataye.

¹⁹ Ne masa cahacjũ ijierapegũta ijipihtiyequina cahacjũ yero saha ijiaja yũhũ apequina masa Jesu yequina tiquina wahatire.

²⁰ Sa yegũ yũhũ acaye judio masa mehna ijigũ, tiquina yero saha yeaja yũhũ Jesu yequina tiquina wahatire. Cohãcjũ dutiyere Moiserere tiquiro cũrire ño peorigũ ijierapegũta, ti dutiye dihitare ño peoyequina mehna ijigũ ti dutiyere ño peoriquiro yero saha ijiaja yũhũ. Sata yeaja yũhũ tiquina Jesu yequina tiquina wahatire.

²¹ Sa yegũ Cristo yaquiro ijigũ Cohãcjũ dutiyere Moiserere tiquiro cũrire cohã dueraja. Ti dutiyere cohã duerapegũta ti dutiye

marieñequina mehna ijigũ ti dutiye marieniquiro yero saha ijiaja. Sata yeaja yũhũ Jesu yequina tiquina gũhũ wahatire.

²² Jesu yere quehnoano masieñequina mehna ijigũ tiquina yero saha ijiaja. “Masi pehogũ ijiaja”, niedaja yũhũ. Sata yeaja yũhũ Jesu yequina tiquina gũhũ wahatire. Sa yegũ ijipihtiyequina masa tiquina ijiro saha ijiaja yũhũ, ihquẽquina Jesu yequina tiquiro yũhdũoriquina tiquina wahatire.

²³ Ahrire yeaja quehnoañe buheyere ijipihtiyequina tiquina tũhoatire. Yũhũ sa yegũ ihñano Jesu tiquiro buheriro saha yũhũ gũhũre quehnoano yere. Sa yegũ masa tiquina ijie tiro saha ijiaja.

²⁴ Ohõ saha ijire mari queoye mehna buhegũ. Oma cohãpeyequina omañe tiquina ijipihtiyequina omare. Tiquina sa oma pihtiepegũta oma tutuariquiro pehe esa mũhtare. Sa esa mũhtariquiro wapatare. Sa yena tiquina omariro saha musa gũhũ Cohãcjũ cahmeñene yeya musa wapatatire.

²⁵ Ijipihtiyequina omañequina tiquina pagũre dojomehneñene duhu cã, quehnoano omapore tiquina oma tutuatire. Sa ye tiquina quehnoano omatire queoro ihyaye, queoro carĩne, quehnoano yere tiquina. Sata yere tiquina wapatato saha. Sa

ye tiquina wapataye pūri mehna tiquina yeri behto ijire. Ti behto pehe yoari pje ijierare. Duita ahbaa wahare. Mari pehe Cohācjū yere quehnoano buheaja tiquiro yere mari wapatato saha. Ti wapataye pūrita ne ahbaerare.

²⁶ Sa yegū yūhū ape siepū omariquiro yero saha yeraja. Sa yegū cahmequeperiquiro ape siepū dote maca cāriquiro yero saha yeraja. Sa yegū Cristo yere queoro ye duaja.

²⁷ Sa yegū omapeyequina, cahmequepeyequina gūhū tiquina pagūrire tiquina buheriro saha, quehnoano queoro tiquina yeriro saha yūhū gūhū yūhū pagū mehna quehnoañe dihitare yepoaja. Sa yeragū apequinare buherigū yūhū ijiepegūta dūhseacjū ijieraboaga yūhū pehe.

10

“Cohācjū ijire”, tiquina niñe queoyere ño peo dutierahye Pablo

¹ Sa yena yūhū acaye, ahrire masiña mūsa. Ūsā Israe masa ñecūsumūa mūna panopū cjēna ijipihtiyequina Cohācjū ya ehmeo curuare ihña nūnū tā cāa wahahye. Sa wahaye, aco sohāri mare aco pūa peheri tojoadūcari mahapū wūa queheri mahapū tiniñe, pehāa wahahye.

² Sa wahaye, tiquina ijip-
ihtiyequina ehmeo curua mehna aco sohāri ma cjē aco mehna Cohācjū ye ijiatire wame yenohriquina yero

saha wahahye. Wame yenoh-
rina wahana Cristo yequina mari ijiyere ihñona niaja. Sa tiquina aco sohāri mare wame yenohriquina yero saha wahaye, Moise yequina tiquina ijiyere ihñofne niahye.

³ Sa ye tiquina ijipihtiye-
quina ūhmūse cjē ihyayere ihyae tiahye Cohācjū tiquiro ohoyere.

⁴ Sa ihyaye tiquina ijip-
ihtiyequina Cohācjū ohori aco gūhūre sihnie tiahye. Ti pjepeure ti acore Cohācjū cūri ūtāpū wijiari acore sihnie tiahye tiquina. Tia ūtā yero saha ijiriquiro, tiquinare aco ohoriquiro Cristo ijiahye.

⁵ Tiquina sa wahariquina ijiepegūta apequina tiquina mehna cjēna ñano yegū ihñano Cohācjū pehe peye-
quina tiquina mehna bu-
cuerahye. Sa yero tiquinare masa marienopū yariagū yeahye Cohācjū.

⁶ Sata yeahye tiquinare Cohācjū marine buhero taro. Sa yero tiquinare ihña cū ñañene mari tutuaro cahme-
datire Cohācjū sa yeahye tiquinare.

⁷ Sa yena “Cohācjū ijire”, tiquina niñe queoyere tiquina ño peoriro saha yeracāhña mūsa. Ti queoyere tiquina ño peorire Cohācjū yere tiquina ojoari pūpū yahuro ohō saha niahye: “Tiquina ihya duji sihni tuhasa, wahcādūca, bose deco ye dūcahye wecū queoyere ño peoye tehe”, ni ojoahye panopūre.

⁸ Came apequina Israe

masa pehe numia mehna ñano yeahye. Tiquina yeriro saha yeraro cahmene marine. Tiquina ñano yeri bato ihcã decota tiquina veintitres mil masa variaa wahahye.

9 Apequina Israe masa Cohãcjüre tiquina mehna usuagũ yeahye. “Marine buhiri dahresi”, niñe Cohãcjüre tuhtiahye. Sa tuhtiyeh tiquirore usuagũ yeahye. Tiquina sa yeri buhiri Cohãcjũ añaa pari mehna bahque wejẽahye tiquinare tja. Sa yena tiquina yero saha Cristore yeracãhña masa.

10 Apequina Cohãcjüre unure tuhtigũ angel masare wejẽdiquiro tiquinare wejẽahye. Sa yena tiquina yero saha yeracãhña.

11 Sa wejẽ dutiahye tiquinare Cohãcjũ marine buhero taro. Mari pehe pihtiri deco panogã ijina ijiaja. Mari sa ijina ijigũ panopũ cjẽna tiquina sa waharire Cohãcjũ ojoa dutiahye marine quehnoano buhero taro.

12 Sa yena “Quehnoana ijiaja, Cohãcjũ tiquiro ihñagũ”, ni tuhutu, quehnoano yeya masa “Ñañene yeari”, nina.

13 Mari ijipihtina ihcãquiro duhsaro marieno ihquẽ tahari ñañene wacũaja. Sa wacũna ti ñañene ye duaja. Mari sa ye duepegũta Cohãcjũ marine yedohoducuriquiro ijire. Sa yero ti ñañe wacũñene mari bo masiedagũ tiquiro pehe marine yedohorota. Sa yero ti ñañene

mari ye duagũ ihñano Cohãcjũ ti ñañene marine ye dueragũ yerota. Tiquiro sa yegũ ti ñañene ye duasi mari.

14 Sa yena yũhũ cahĩna yũhũre tuhoya. “Cohãcjũ ijire”, tiquina niñe queoyere ne ño peoeracãhña.

15 Mũsa quehnoano masina ijigũ musare yahuaja. Sa yena yũhũ niato poto ijigũ masiña masa basi.

16 Cristore tiquina ñehedi ñamine vinore tiquiro sihniato pano Cohãcjüre “Quehnoare”, niahye. Tiquiro nidiro saha mari gũhũ ti vinore sihnina Cohãcjüre “Quehnoare”, nina, mari ye buhiri Cristo tiquiro yariarire masigũ yena niaja. Tiquiro dii wiiarire masigũ yena niaja. Sa yena tiquiro yequina mari ijieye gũhũre masigũ yena niaja mari. Sa yena pãre mari Cristo yequina nuhana mari ye ijiatire tiquiro pagu curusapũ tiquiro yariarire masigũ yena niaja. Sa yena tiquiro yequina mari ijieye tiye gũhũre masigũ yena niaja.

17 Sa yena peyequina masa ijiepenata ihcãria pãgãre ihyana, ijipihtina mari Cristo yequina ihcã curuata ijiaja. Sa yena peyequina ijiepenata ihcã curuata ijiaja.

18 Israe masa tiquina yerire wacũña masa: Tiquina wahiquirore wejẽñe, wjũa mũo, ohoye, Cohãcjüre ño peore. Sa tiquina ohori bato ihcã curuata tiquina ohoriquirore ihyare. Sa

ihyaye Cohãcjũ yequina tiquina ijiye tiyere masigũ yere tiquina.

19 Ohõ sahata nii niaja m̄sare: “Cohãcjũ ijire”, tiquina niñe queoye d̄hseati ijierare. Sa yero queoyere ño peo tiquina duhu peoye ihyaye pehe ihyo warota ijiro nine. Ti ihyaye marine sijoro saha wahagũ yerare.

20 Ti ihyaye sijoro saha wahagũ yerapegũta ti ihyayere ihyeraro cahmene. Ohõ saha ijire ti. Cohãcjũre cahmeeñequina wahiquirore wejẽ, ʉjũa m̄o, Cohãcjũre ño peoye niedare. Sa ye queoyere ño peoye watĩa pehere ño peore tiquina. Tiquina sa ño peoyequina ijigũ tiquina mehna ihyana watĩno yequina yero saha yena niaga m̄sa. M̄sa sa yegũ p̄ritare ne cahmedaja.

21 Santa cenare mari yeri deco mari p̄h̄toro Jesure wacũna tana sihniaja. Mari sa sihnina, watĩno ye pehere sihni masiedaja mari. Sa yena Jesure wacũna tana p̄re ihyaja. Mari sa ihyana, watĩa ye pehere ihya masiedaja mari.

22 ¿Jesure m̄sa mehna usuagũ ye duajari m̄sa? ¿Tiquiro ȳhd̄oro tutuana ijiajari m̄sa? Ijierare m̄sa. Sa yena quehnoano yeya m̄sa.

Cohãcjũ cahmeñe dihitare yeya

23 M̄sa yeri ñañe ijierapegũta tire yena apequinare yedohoeraboaga m̄sa. Sa yena tire yena Jesure wacũ

tutua nemogũ yeraboaga m̄sa apequinare.

24 M̄sa cahmeñe dihitare yeracãhña. Apequina pehere quehnoano yedohoya m̄sa.

25-26 Ihyaye duarop̄re ihyayere dũna “¿Ahri ihyaye cohãmana queoye cahap̄ tiquina duhu peori ihyaye ijiajari?” ni, sinitueracãhña. “Ñañene yeri”, nina, sinituboaaga m̄sa. Sa ni sinitueracãhña. Ahri yehpa, ahri yehpap̄ ijiye gũh̄ Cohãcjũ ye ijire. Sa yena ti ihyayere “¿Ñañe ihyaye ijiajari?” niedacãhña.

27 Jesure cahmeediquiro m̄sare ihya dutiro tiquiro pijiogũ waha duana wahaya. Sa wahana m̄sare tiquiro duhu peoyere ihyaya. “¿Ahri ihyaye Cohãcjũ queoye cahap̄ tiquina duhu peori ihyaye ijiajari?” ni, sinitueracãhña.

28 Sa yena apequiro Jesu yaquiro “Ahri ihyaye Cohãcjũ queoyere tiquina duhu peori ihyaye ijire”, m̄sare tiquiro ni yahugũ ti ihyaye p̄ritare ihyeracãhña. M̄sare sa ni yahuriquiro “Ñañe ihyayere ihyare ahriquina”, m̄sare tiquiro ni t̄hotueratire ihyeracãhña.

29 Sa ihya dutieraḡ m̄sa pehere yedohoḡ taḡ sa nied̄. M̄sare ahrire yahuriquiro pehere yedohoḡ taḡ sa ihya dutieraja. Tiquiro pehe m̄sare “Ñañe ihyayere ihyare ahriquina”, niboaga. “Sa niari”, nina ti ihyayere ihyeracãhña.

“Ihyeracāhña”, yuhū nigū ohō saha ni sinitu yuhtiboaga mūsa yuhure: “¿Duhse ijoro boro apequirore ‘Sijoro saha wacūari’ ”, nina ihyeraboagari usā?

30 “¿Ti queoyere ohori ihyayere usā ihyagū Cohācjū warore ‘Quehnoare’, usā niepegūta duhsero tire usā ihyari buhiri apequiro usāre yahu wajaboagari?” ni sinitu yuhtiboaga mūsa yuhure.

31 Ahri ijipihtiyere yahugū ohō saha nigū niaja mūsare: Decoripe Cohācjū tiquiro dutiro sahta bucueye mehna ihya, sihniaja, Cohācjūre masa tiquina ño peoatire. Sa yena ijipihtiyere quehnoano yeducuya Cohācjūre masa tiquina ño peoatire.

32 Ne judio masare, judio masa ijieyequinare, Cohācjū yequina gūhure ñano yegū yeracāhña mūsa tiquinare.

33 Ohō saha yeaja yuhū pehe. Masa ijipihtieyquinare yedoho duaja. Sa yegū yee ijati pehere pajiro tuhotueraja. Yuhū ñano yuhdugū quehnoanota. Masa pehere yedohoaja tiquinare pecarū wahaboriquinare Cohācjū tiquiro yuhduoatire.

11

1 Sa yena Cristore yuhū ihña cūriro sahta mūsa gūhū yuhure ihña cūña.

Corinto cjēna cahme-coanorū numia tiquina yeatire yahuahye

2 Mūsare yuhū buhe turiarire wacū pehoñhti mūsa.

Sa wacūna mūsare yuhū nidire yuhū ye dutiro saha yeñhti mūsa. Sa yena quehnoano yere mūsa.

3 Sa yena mūsa ijiepegūta ahri gūhure mūsa masigū cahmeaja: Ijipihtieyquina umūa tiquina pūhtoro, Cristo ijire. Sa yero tiquiro namono pūhtoro ijire ticoro manūno. Sa yero Cristo pūhtoro tiquiro Pacuro ijire.

4 Cohācjūre sinidiquiro tiquiro dapure mohariquiro sinino, tiquiro basi pūhtoro ijiyere wijiario nine. Cohācjū yere yahuriquiro gūhū tiquiro dapure mohano, sata yero nine tiquiro gūhū.

5 Sa yero ticoro dapure moheno Cohācjūre sinino, ticoro manūno pūhtoro ijiyere wijiagū yero nine. Cohācjū yere yahuricoro gūhū ticoro dapure moheno, sata yero nine ticoro gūhū. Sa yero ticoro poarire wūhari pjī mehna wūha pehoricoro yero saha yere ticoro.

6 Ticoro dapure moha dueraro ticoro poarire se peho cā dutiahro. Ticoro sa yeri bato ticoro dapure buē tiro, ticoro mohaahdo ticoro dapure.

7 Umūa pehe Cohācjū yero saha pūhtoa ijire. Sa ye Cohācjū quehnoariquiro, tutuariquiro tiquiro ijieye tiyere ihñore tiquina pehe. Sa ye tiquina dapure moheñequinata ijiahro. Numia pehe umūa tiquina pūhtoa ijieye tiyere ihñore. Sa yeye tiquina dapure mohaahdo.

⁸ Cohãcjũ amãnore yero, numino ya pagũ cjẽ mehna amãnore yerahye. Numino pehere yero, amãno ya pagũ cjẽ mehna yeahye ticorore.

⁹ Sa yero amãnore yero, numino yaquiro ijatiquirore yerahye. Numino pehere yero amãno yacoro ijaticorore yeahye Cohãcjũ ticorore.

¹⁰ Sa ye numia tiquina dapure mohaahdo angele gãhũ tiquina ihña bucueatire. Sa mohañe amãna tiquina pãhtoa tiquina ijiyere ihñoñe nine.

¹¹⁻¹² Cohãcjũ numinore yero, amãno pagũ cjẽ mehna yeahye. Sata yojopũre amãno masa bajuaro, numino pagũrũ masa bajuare. Sa yero ijipihtiyequinare Cohãcjũ pehe yeahye. Sa yero amãno tiquiro iji mãhtaedagũ numino mariedaboaga. Sa ye numino ticoro mariedagũ amãno gãhũ mariedaboaga. Sa ye tiquina amãna numia gãhũ tiquina basi cahme yedohore masa putiatire. Sa yero ijipihtiyequinare ijia-tiquinare bajumehnediquiro ijire Cohãcjũ.

¹³ ¿Musa basi dũhse ni tãhotuajari? ¿Numino ticoro dapu mohedico, Cohãcjũre ticoro sinigũ quehnoajari, musa tãhotugũ? Ne quehnoaedare.

¹⁴ Sa yero amãno poa nahmo cãoricuhiro tiquiro ijigũ ñarĩne. Ijipihtiyequina masa tire masine.

¹⁵ Sa yero numino ticoro poa nahmo ticoro dapure

mohari cahsero yero saha ijire. Sa yero ticoro poa nahmo cãoricoro ijiro quehnoaricoro bajure ticoro. Ti gãhũre ijipihtiyequina masine.

¹⁶ Musa mehna cjãno ahrire yũhũ yahurire tiquiro cahmedagũ, ohõ saha ni yahutja tiquirore: “Yũhũ ni yahuriro saha yeducuaja mari. Apequina Jesu yequina gãhũ sata yere tiquina gãhũ. Usã sa yerina ijigũ ihñagu yũhũ ni yahuriro saha yero cahmene mãhũ gãhũre”, ni yahutja yũhũ yahurire cahmeediquirore.

Santa cenare tiquina ihyari watoa dojomehneahye Corinto cjẽna

¹⁷ Yojopũre musare ahrire yahugũ tũhũ, “Quehnoano yena ijire”, niedaja yũhũ musare. Musa cahmecoana quehnoano yerare. Ñano yere musa.

¹⁸ Ohõ saha ni yahu mãhtaũtja musare: Musa cahmecoanopũ cahme dũse tutuana musa basi ihquẽ cururi tu wana niñohiti musa. Apequina tire yũhũre tiquina yahugũ “Potota ijiaga”, ni tãhotuaja yũhũ.

¹⁹ Sata yere musa. Sa yena ohõ saha ni tãhotumene musa. “Mari tu warina ijina, Jesu yequina waro ijiyequina pehere masinata mari. Sa yena marine tu waro cahmene”, ni tãhotumene musa.

²⁰ Musa basi sa cahme ihña tuhtina, musa ihcãnopũ cahmecoa ihyana quehnoano

yerare. Potota Santa cena waro yena niedare.

²¹ MUSA cahmecoana ihquẽquina mUSA sehsaro ihya mahtana, apequina pehere ujua ahbagũ yere. Sa ye sihni mahtana quehea wahare.

²² ¿MUSARE mUSA ihyaye wuhuse mariedajari? ¿MUSARE mUSA sihniñe wuhuse mariedajari? Ti wuhusepata ihya, sihniña. Yojopare Cohãcjũ yequina tiquina cahmecoanore dojomehnena niaga mUSA. Sa yena apequina Jesu yequina pejesoyequinare ihyaye marieñequina pehere mUSA pehe buoro yuhdugũ yere. ¿Duhse ni yahugutari yahu musare? “Quehnoano yerare mUSA”, niaja yahu.

Santa cenare ihyarire yahuahye Pablo

(Mt 26.26-29; Mr 14.22-25; Lc 22.14-20)

²³ Mari puhtoro Jesu tiquiro ihya bato tirire yahuri yuhure. Sa tiquiro yahuri bato yahu pehe musare tire yahuu. Ti ohõ saha ijire: Tiquirore ihña tuhtiyequinare Juda tiquiro ihñoati ñamine mari puhtoro Jesucristo pãre ne,

²⁴ Cohãcjũre “Quehnoare”, niñohti. Tiquiro sa nidi bato ti pãre nuha, tiquiro buheyequinare itiñohti. Sa itiro ohõ saha niñohti: “Ahrire ihyaya. Ahri yahu pagu ijire. MUSA ye ijiatire yariutja. Yuhure mUSA wacũatire ahrire ihyaya”, niñohti Jesu mari puhtoro.

²⁵ Sa tiquina ihyari bato tiquiro sihnidi pare neno ohõ saha niñohti: “MUSA ñañe yeyere cohãgu tagu yariutja. Sa yegu ye diire cohãgutja. Cohãcjũ ‘Musare yuhduoutja’ tiquiro nidiro esagũ yahu yariaro mehna tiquiro nidiro sahata sohtori tirota. Ahri papu pose tiyere sihnina, yahu dii wijiarire wacũnata. Ahrire sihnina, yuhure mUSA wacũatire sihniña”, niñohti Jesu.

²⁶ Sa yena Santa cena cje pãre mUSA ihyana, sihniñene sihnina, Jesu mari puhtoro mari ye buhirire tiquiro yariarire wacũ, ihñona nine mUSA. Sa ihñoducunata mUSA tee ahri yehpapu tiquiro tojoa tato pano.

“Santa cenare ihya sihnina ohõ saha yeya”, ni yahuahye Pablo

²⁷ Santa cenare ihya, sihnina, Jesure ño peoro marieno cua pesaro yerana, tiquiro pagure tiquiro dii cohãri gũhure bujupero saha yena niaja mari. Sa yena Jesure bujupena niaja mari. Sa yeyequina buhiri tiyequina ijire.

²⁸ Sa yena mari yerire, mari ijiye tiyere quehnoano wacũuhna. Sa wacũna Santa cenare ihya, sihni masiaja mari.

²⁹ Mari puhtoro mari ye ijiatire tiquiro pagu yariarire wacũno marieno Santa cenare ihya, sihnina mari buhiri tinata.

³⁰ Ohõ saha dihita yere peyequina mUSA mehna cjena. Sa ye tiquina

ihquẽquina tutueyequina, dohatiyequina wahare. Sa ye apequina tiquina sa yeri buhiri yariaa wahare.

³¹ Sa ijiepegãta tiquina ihya, sihniñe tiquina yerire, tiquina ijiye tiyere quehnoano wacũñe, tiquina ñañe yerire duhu, ti buhirire buhiri tieraboaga.

³² Mari puhtoro pehe marine tuhtire, tiquina ye buhirire marine buhiri ti dutieraro. Apequina ñañequina Jesure ño peoyequina buhiri tiatiquina dihita ijire. Tiquina yero saha marine buhiri tigã cahmedare mari puhtoro.

³³ Sa yena yũhũ acaye, Santa cenare ihyana tana cahmecoana, mũsa basi cohteniña.

³⁴ Sa ye mũsa mehna cjẽna ejũa ahba, tiquina ye wũhũsepũ ihyarĩahdo. Sa yena Santa cenare ihyana tana cahmecoana, cua pesaro yerariquina ye buhiri buhiri tisi mũsa. Apee borore yahu duami mũsare. Came yũhũ basi esagupũ mũsare yahutja tire.

12

Cohãcjũ yere mari yeatire cũno marine ye masigũ yere Espĩritu Santo

¹ Yũhũ acaye ahrire yahu duaja mũsare. Cohãcjũ yere mari yeatire cũno marine ijiphtinare ye masigũ yere Espĩritu Santo. Sa yegũ tire mũsa quehnoano masigũ cahmeaja.

² Jesu yequina ijieranina sijoro saha ijiye buheyere tũho nũnũna ijina, mũsa pehe “Cohãcjũ ijire”, tiquina niñe queoyere, yahuducueye queoyere ño peomedi. Tire masine mũsa.

³ Sa ijimedina mũsa ijigũ yojopũre ohõ saha ni yahutja mũsare. “Jesu ñano wahacũnahdo”, niñequina Cohãcjũ yaquiro Espĩritu Santo tutuaye mehna sa niñe niedare. Espĩritu Santo warore cuoerare tiquina. Sa ijiye “Jesu mari puhtoro ijire”, niñequina pehe Espĩritu Santo tutuaye mehna sa niñequina ijire tiquina.

⁴ Cohãcjũ yere ye masiñe peye ijire. Ti sa ijiepegãta marine ye masigũ yeriquiro pehe ihcãquirola ijire. Tiquiro Espĩritu Santo ijire.

⁵ Sa ye apequinare yedohoye gũhũ peye ijire. Ti sa ijiepegãta mari puhtoro Jesu pehe marine yedoho dutiriquiro ihcãquirola ijire.

⁶ Sa ye Cohãcjũ yere yeye gũhũ peye ijire. Ti sa ijiepegãta Cohãcjũ ijiphtina marine ye masigũ yeriquiro pehe ihcãquirola ijire.

⁷ Marine Jesu yequinare Espĩritu Santo yedohoro, Cohãcjũ tutuayere ihõno nine. Ohõ sahata yedohore tiquiro Jesu yequinare ijiphtiyequinare mari quehnoano yeatire.

⁸ Ihquẽquinare quehnoano masi yahugũ yere Espĩritu Santo. Sa yero apequinare Cohãcjũ yere quehnoano buhegũ yere tiquiro.

9 Sa yero apequinare Cohãcjãre quehnoano wacũ tutuagũ yere tiquiro. Sa yero apequinare Cohãcjũ tutuayere ohore tiquiro. Ti tutuaye mehna tiquina pehe dohatiyequinare yãhdũgũ yere. Cristore tiquina wacũ tutuagũ ihñano tiquirore tiquina sinidiro sahata yere tiquiro. Espíritu Santo ihcãquirola ijiriquiro ti tutuayere ohore.

10 Sa yero apequinare Cohãcjũ tutuaye mehna ihñoñene ye masigũ yere tiquiro. Sa yero apequinare Cohãcjũ yere quehnoano yahu masigũ yere tiquiro tiquinare. Sa yero apequina Jesu yequinare buheyere quehnoano bese masigũ yere tiquiro. Sa masiñe watĩno ye buheye ti ijigũ masine tiquina. Espíritu Santo waro ye buheye gũhare ti ijigũ masine tiquina. Sa yero apequinare tũhomehneñe yahuducuyere yahuducu masigũ yere tiquiro. Sa yero tũhomehneñe yahuducuyere yahuducuyequina tiquina nino sahata yahu yãhdũo masigũ yere tiquiro apequinare.

11 Espíritu Santo ihcãquirola ijiriquiro tiquiro cahmeno saha marine ijipihtinare yãhũ yahuriro saha ye masigũ yere. Ihquẽquinare sijoro saha ye masigũ yere. Apequina gũhare sijoro saha ye masigũ yere.

Cristo yequina ijina ihcã curuata ijiaja mari

12 Ohõ sahata ijire ahri mehna mari queoye mehna yahugũ: Mari pagũ ihcã pagũ ijiepegũta omocari, caperi, dahpocãri, cahmo ti pũrita peye ijire mari pagũpũ ijieye. Sata ijiaja mari Cristo yequina gũhũ. Cristo yequina tiquiro pagũ yero saha ihcã curuata ijiaja.

13 Sa yena Cristo yequina ijina, tiquiro pagũ yero saha ihcã curuata ijiaja mari. Judio masa, judio masa ijiena, cahacjãna, cahacjãna ijiena peye cururi mari ijiepenata ihcãquirola ijiriquiro tiquiro pagũ yero saha ihcã curuata ijiaja mari. Espíritu Santo ihcãquirola ijiriquiro tiquiro tutuaye mehna wame yenhõrina ijiaja mari ijipihtina. Sa yena ihcãquirola Espíritu Santore cãoaja mari, Cristo ya curua cjãna ijina.

14 Mari pagũ ihcã pagũ ijiepegũta omocari, caperi, dahpocãri, cahmo, ti mari pagũpũ ijieye peye ijire.

15 Mũhũ dahpocã yahuducuri dahpocã ijiro, ohõ saha niboaga mũhũre sijoro saha ni duaro: “Omoca ijieraja yãhũ. Sa yegũ pagũ cjã dahpocã ijieraja yãhũ”, niboaga. Mũhũ dahpocã sa nieperota pagũ cjã dahpocã ijirota nine.

16 Mũhũ cahmono yahuducuri cahmono ijiro, ohõ saha niboaga mũhũre sijoro saha ni duaro: “Capea ijieraja yãhũ. Sa yegũ pagũ cjã cahmono ijieraja yãhũ”, niboaga. Mũhũ cahmono sa nieperota pagũ cjã cahmono

ijirota nine.

17 ¿Mari pagu capea dihita ijigū dahse tuhoboagari mari? Basioerare. ¿Sa yena mari pagu cahmono dihita ijigū dahse wijiboagari mari? Basioerare.

18 Sa ijierare mari pagu. Ohō saha ijire. Mari paguru ijiyere Cohācjū tiquiro cahmeno saha cūahye mari pagure.

19 ¿Mari paguru ijije mariedagū dahse wahaboagari mari pagu? ¿Mari omocari dihita ijigū dahse wahaboagari mari pagu?

20 Mari pagu ohō saha ijire: Ihcā pagu ijiepegūta mari paguru ijije peye ijire.

21 “Mahu yedohogū cahmedaja”, mahu capea ni masiedare mahu omocare. Sa yero mahu dapu mahu dahpocārine “Masa yedohogū cahmedaja”, ni masiedare.

22 Apeye mari paguru ijiyere “Ihyo iji cjuñe ijire”, mari niñe pehere pototi cahmeaja mari apeye mari paguru ijije yuhduoro.

23 Sa yena mari paguru ijiyere “Ihyo ijije ijire”, mari ni tuhotuepenata tire mari paguru ijiyere cahmeaja mari, mari quehnoano ijiato saha. Sa yena apeye mari paguru ijiyere mari bue tiyere suhti mehna nūoaja mari.

24 Apeye mari paguru ijiyere nūoedaja mari. Ti pūritare ihñona, bue tieraja. Ohō saha iji dutiahye Cohācjū mari pagure. Mari ihñoeñene mari paguru ijiyere mari

quehnoano ño peoye mehna cūoaja. Sata ye dutiahye Cohācjū.

25 Sa ye mari paguru ijije ti basi cahme yedohore.

26 Sa ye mari caperi ñano yuhdugū apeye mari paguru ijije gūhu ñano yuhdure. Sa ye mari caperi quehnoañe wahagū mari paguru ijije gūhu quehnoano tuhature.

27 Sa yegu ohō saha nigu ni-aja masare: Mūsa pehe Cristo pagu yero saha ihcā curuata ijire. Sa yena ijipihtina masa tiquiro paguru ijije yero saha tiquiro yequina ijire.

28 Sa yero Jesu yequinare mari yedohoatire cūahye Cohācjū marine. Ohō saha cūahye tiquiro marine. Ihquēquinare marine buhe dutiro Jesu cū mūhtarinare cūahye tiquiro. Apequinare tiquiro yere yahu mūhartiquinare cūahye. Apequinare masare buheatiquinare, apequinare Cohācjū tutuaye mehna yeatiquinare, apequinare dohatiequinare yuhduoatiquinare, apequinare masare yedohoatiquinare, apequinare masa pūhtoa ijiatiquinare, apequinare tuhomehneñe yahuducuyere yahuducuatiquinare cūahye Cohācjū marine.

29 Sa tiquiro cūgū ijipihtina ihcāno saha tiquiro cūrina ijieraja mari. Apequina Cohācjū buhe dutiro tiquiro cūriquina ijierare. Sa yena apequina Cohācjū yere yahu mūhtarina ijieraja mari.

Sa yena apequina masare buhena ijieraja mari. Sa yena apequina Cohãcjũ tutuaye mehna yeatina ijieraja mari.

³⁰ Sa ye apequina dohatiye-quinare yãhdũoatiquina ijierare. Sa yena apequina tãhomehneñe yahuducuyere yahuducuna ijieraja mari. Sa yena apequina tãhomehneñe yahuducuyere yahu yãhdũoana ijieraja mari. Sa yero maripe mari yeatire cũahye tiquiro.

³¹ Sa yena Cohãcjũ yere ye masi duana quehnoa yãhdũye pehere tutuaro cahmeña m̃sa. Sa yegũ ijipihtiye yãhũ nidi yãhdũoro m̃sa cahmeatire yojop̃re yahutja m̃sare yãhũ.

13

Apequinare quehnoano tiquina cahĩatire yahuahye Pablo

¹ Masa ye yahuducuyere yahuducu masiepenata, angele ye yahuducuyere yahuducu masiepenata apequinare cahĩedana, dũhseanaja ijieraja mari. Sa ye mari yahuducuye gũhũ dũhseati ijierare. Sa yena apequinare cahĩedana mari yahuducuna, ihyo waro yahuducuna niaja.

² Cohãcjũ yere quehnoano yahu masiepenata, masa tiquina masiedarire Cohãcjũ yere tiquina buheri gũhare masi pehoepenata apequinare cahĩedana dũhseanaja ijieraja mari. “Ahdũ cũnũ ape siep̃re wahaahro”, mari

nigũ “Potota mari nidiro sahata Cohãcjũ yerota”, ni mari tãhotugũ sata yerota. Cohãcjũre sa ni tãhotuyequina ijiepenata apequinare cahĩedana ne dũhseanaja ijieraja mari.

³ Ijipihtiyere pejecũoyequinare mari ohoep̃gũta apequinare mari cahĩedagũ ti mari ohoi dũhseati ijierare. Sa yena Cohãcjũ yere yena tana mari pag̃re mari h̃jũa m̃o dutiep̃gũta apequinare mari cahĩedagũ ti mari sa yeye dũhseati ijierare.

⁴ Usueraja apequinare cahĩna. Tiquinare cahĩna quehnoano yeaja tiquinare. Sa yena apequinare cahĩna tiquinare coeraja. Sa yena mari cahĩniquiro mehna ijina “Mũhũ yãhdũoro ijigu ijiaja”, niedaja mari.

⁵ Apequinare cahĩna “M̃sare masi yãhdũdũcaja”, niedaja mari tiquinare. Sa yena apequinare cahĩna tiquinare ño peoro mehna yeaja mari. Apequinare cahĩna “Ƴsã cahmeno saha yeaja. M̃sa cahmeno saha yeraja”, niedaja mari. Sa yena tiquinare cahĩna duita usueraja mari tiquina mehna. Sa yena apequinare cahĩna marine ñano tiquina yegũ gũhare tiquina mehna sa usuaducueraja mari.

⁶ Apequinare cahĩna ñañene tiquina yegũ ihñana bucueraja mari. Quehnoañe pehere tiquina yegũ ihñana tutuaro bucueaja.

⁷ Apequinare cahĩna tiquina ye buhiri ñano

yuhdɛpenata tiquinare sa cahĩducujaja mari. Apequinare cahĩna apequina pehe mari cahĩnequinare tiquina yahu wajagũ tũhoepenata tire tũho dueraja. Mari cahĩnequinare apequina yahugũ quehnoañe dihitare tũho duaja mari. Apequinare cahĩna “Tiquina ñañene yesi”, ni tũhotuaja mari tiquinare. Apequinare cahĩna ñano yuhdɛpenata tiquinare cahĩ duhushi mari.

8 Ti cahme cahĩne ne pihtisi. Cohãcjũ yere yahuye pehe came pihtia waharota. Tũhomehneñe yahuducuye gũhũ came pihtia waharota. Cohãcjũ yere masa tiquina buheri gũhũ came pihtia waharota. Apequinare cahme cahĩne pehe ne pihtisi.

9 Yojopũre Cohãcjũ yere mari masi peho masiedaja. Sa yena tiquiro yere yahuna mari yahu peho masiedaja. Mari masi pehoati dũhsare.

10 Sa yena Cristo ñañe marieniquiro tiquiro tojoa wihiri bato mari masi pehonata. Sa yena ñañe mariena ijinata. Ti pjere masi pehonata. “Masiedaja”, ni nemosi.

11 Mari masi pehoati ohõ saha ijire: Nijigũ ijigũ nijinogã yero saha yahuducumi yuhũ. Sa yegũ nijinogã yero saha tũhotumi. Sa yegũ bũcũ wahagũ nijinogã tiquiro yeriro saha duhu cãũ. Sata mari yojopũre “Masi pehoeraja”, niepenata camepũre masi pehonata.

12 Eõno quehnoano wũhdoa bajuero saha yojopũre quehnoano masi pehoeraniaja mari. Came apequirore quehnoano mari ihña masino saha mari masi pehonata. Yojopũre mari masi pehoati marine dũhsare. Cohãcjũ marine tiquiro quehnoano masi pehoriro saha came mari gũhũ quehnoano masi pehonata.

13 Sa ye ihtiarore mari ye masiaja yojopũre. Cohãcjũre wacũ tutua masiaja. Sa yena marine tiquiro yuhdɛoatire masina, mari quehnoano cohte masiaja. Sa yena apequinare cahme cahĩ masiaja. Ahri ihtiaro ijire pototi mari yeati. Sa yena apequinare cahme cahĩna, ahri pũaro yuhdɛoro yena niaja. Wacũ tutuaye, tiquiro yuhdɛoatire cohteye yuhdɛoro ijire cahme cahĩne pehe.

14

Tũhomehneñe yahuducuyere yahuahye Pablo

1 Sa yena apequinare cahme cahĩna mũsa. Sa ye Cohãcjũ yere mũsa quehnoano ye masiatire cahmeña mũsa. Cohãcjũ yere mũsa yahuati pũritare tutuaro cahmeña mũsa.

2 Tũhomehneñe yahuducuyere yahuducuriquiro Cohãcjũ mehna dihitata yahuducure. Sa ni yahuducuro masa mehna yahuducuro niedare tiquiro. Tiquiro sa ni yahuducugũ tũhoye masa pehe ne tũhoerare tiquirore. Masa tiquina

masiedarire Espiritu Santo tutuaye mehna yahuducuro nine tiquiro.

³ Cohãcjũ yere yahuriquiro pehe masa pehere yahure. Sa yahuro tiquiro masare yedohoro nine. Sa yero tiquinare buhero nine tiquiro. Sa yero tiquina ñano yãhdugũ tiquinare bucegũ yere.

⁴ Tãhomehneñe yahuducuyere yahuducuriquiro ihcãquiota buhere. Apequinare buherare. Cohãcjũ yere yahuriquiro pehe apequinare Jesu yequinare buhero, yedohore tiquiro.

⁵ Tãhomehneñe yahuducuyere ijipihtina m̃sa yahuducugũ quehnoaboaga, yãhũ tãhotugũ. Sa ijiepegũta Cohãcjũ yere m̃sa yahugũ pũritare tutuaro cahmeaja. Cohãcjũ yere yahuriquiro pehe tãhomehneñe yahuducuyere yahuducuriquiro yãhdũoro apequinare yedohore. Sa ijiepegũta tãhomehneñene yahuducuriquiro tiquiro yahuducuyere apequiro yahu yãhdũogũ tiquina pehe pototĩ apequinare yedohore. Tiquiro yahuducuyere yahu yãhdũoriquiro ijiro tiquiro pehe apequinare Jesu yequinare buhero nine.

⁶ Tãhomehneñe yahuducuyere m̃sa mehna yãhũ yahuducugũ, apequiro m̃sare tiquiro yahu yãhdũoeragũ m̃sare yedohoeraboaga yãhũ. Sa yegũ Cohãcjũ yãhũre tiquiro yahurire yahugũ, tiquiro

yere yãhũ masiñene yahugũ, apeyere tiquiro yere yahugũ m̃sare yedohogũ niaja. Tire m̃sa tãhoatire m̃sare buhegũ m̃sare quehnoano yedohogũ niaja yãhũ.

⁷ Tãhomehneñene yahuducuriquiro tiquiro yahuducuyere basa wamoa yero saha ijire. Carisure putina, arpare b̃a putẽna tire mari queoro yeragũ ti basayere apequinare masino basioerare.

⁸ Sa yero cornetare putiriquiro surara ijiro tiquina cahme wejẽato panore queoro tiquiro putieragũ apequina surara pehe tiquina cahme wejẽatire masisi. Sa ye tiquina cahme wejẽato pano tiquina wejẽatire wamoare quehnoyuriquina ijisi tiquina.

⁹ Sata m̃sa gũhũ tãhomehneñe yahuducuyere m̃sa yahuducugũ tãhoye, yahu yãhdũoriquiro mariedagũ apequina tire ne masisi. Tiquina sa masiedagũ m̃sa yahuducuyere dũhseati ijierare.

¹⁰ Ahri yehpapũ peye yahuducuyere ijiaga. Sa ye tire yahuducuyequina tiquina basi sa yahuducuyere quehnoano tãhore.

¹¹ Ihcãquiroye yahuducuyere yãhũ tãhoeragũ ihñano tire yahuducuriquiro pehe “Ape dihta cjũno ijire”, ni tãhoturota yãhũre. Sa yegũ yãhũ gũhũ sata ni tãhotutja tiquirore.

¹² Sata ijiri m̃sa gũhũ tãhomehneñene yahuducuna. Espiritu Santo tiquiro

tutuaye mehna tutuaro ye duamene m̄sa. Tiquiro tutuaye mehna sa ye duana apequina Jesu yequinare m̄sa buheatire tiquinare m̄sa yedohoatire tutuaro cahmeña m̄sa.

13 Sa yero t̄homehneñene yahuducuriquiro tiquiro yahuducurire tiquiro quehnoano yahu ȳhd̄uoatire Cohãcjüre siniahdo tiquiro.

14 T̄homehneñe yahuducuye mehna Cohãcjüre siniḡu ȳh̄u t̄hotuye mehna siniḡu niaja. Sa siniḡu ȳh̄u t̄hotuyere apequinare quehnoano yahueraja. Sa yeḡu apequinare yedohoeraja ȳh̄u.

15 Ahrire masina, ohõ saha yenata mari: Espíritu Santo tutuaye mehna t̄homehneñe yahuducuye mehna Cohãcjüre sininata. Sa yena ape decop̄u quehnoano masi t̄hotu, apequina tiquina quehnoano t̄hoatire tiquina ye mehna Cohãcjüre sinina, ti ḡuh̄u sininata tja. Espíritu Santo tutuaye mehna t̄homehneñe yahuducuye mehna Cohãcjü yere basanata. Sa yena ape deco quehnoano masi t̄hotu, apequina tiquina quehnoano t̄hoatire tiquina ye mehna Cohãcjü yere basana, ti ḡuh̄u basanata tja.

16 Mari sa yeraḡu t̄homehneñe yahuducuye mehna Espíritu Santo tutuaye mehna Cohãcjüre “Quehnoariquiro, tuuariquiro ijire”, mari

niepeḡuta apequina pehe ne t̄hoerare. Sa t̄hoeraye “Poto ijire”, ni masiedare.

17 T̄homehneñe yahuducuye mehna Cohãcjüre “Quehnoare”, ni masi-aja mari. Mari sa niñe quehnoañe ijiepeḡuta tire yahu ȳhd̄uoerana apequinare buheraja mari. Sa yena tiquinare yedohoeraja mari.

18 Ijipihtina m̄sa ȳhd̄uoro ȳh̄u pehe t̄homehneñene yahuducujaja. Sa yeḡu Cohãcjü ȳh̄u sa yahuducu masiḡu tiquiro yeḡu tiquirore “Quehnoare”, niaja ȳh̄u.

19 Sa yahuducuḡu ȳh̄u ijiepeḡuta Jesu yequina cahmecoañequina watoa ȳh̄u ijiḡu, t̄homehneñe yahuducuye mehna peye ȳh̄u yahuepeḡuta d̄uh̄seati ijierare. Ti ȳhd̄uoro masa tiquina quehnoano t̄hoati pehe meheñeḡa ȳh̄u yahuepeḡuta quehnoar̄ine, ȳh̄u t̄hotuḡu.

20 Ȳh̄u acaye, macanaḡa t̄ho masieñequinaḡa tiquina ijiro saha ijierac̄h̄ña m̄sa. Sa yena coã bajuayequina ñañe yeyere tiquina masieno saha ijiya m̄sa ḡuh̄u. Sa yena buc̄na t̄ho masieñequina tiquina ijiro saha ijiya m̄sa.

21 Cohãcjü yere tiquina ojoari p̄p̄u ohõ saha nine: “T̄homehneñene yahuducuyequinare ahriquina masare yeere yahu dutiitja. Sa yeḡu ape dihta cj̄enare yeere yahu dutiitja ahriquina masare. Ȳh̄u sa yahu dutiepeḡuta ahriquina

yuhũ yahuyere tũhosi', nine Cohãcjũ mari pũhoro", nine Cohãcjũ yere tiquina ojoari pũpũ.

22 Sa ye tũhomehneñene yahuducuye Jesu yequinare Cohãcjũ tutuayere masigũ yeati ijierare. Ti yahuducuye Jesure cahmeeñequina pehere Cohãcjũ tutuayere masigũ yeati ijire. Sa yero Cohãcjũ yere yahuye Jesure cahmeeñequinare Cohãcjũ tutuayere masigũ yeati ijierare. Cohãcjũ yere yahuye Jesu yequina pehere Cohãcjũ tutuayere masigũ yeati ijire.

23 Sa ye ijipihtina mũsa Jesu yequina cahme-coagũ tũhomehneñene mũsa yahuducugũ tire masieñequina, apequina Jesure cahmeeñequina gũhũ sajã, tũhoboaga. Sa tũhoye "Tiquina tũho masieñequina ijire", niboaga mũsare tiquina.

24 Ijipihtina mũsa Cohãcjũ yere mũsa yahugũ pũrita tire masiedariquiro, Jesure cahmedariquiro sajã dũca tũhoro, tiquiro ñañe yerire masiboaga tiquiro. Sa yero tiquiro ñañe yerire bũjũa witiboaga tiquiro.

25 Sa yero poto tiquiro ijije tiyere tiquiro tũhotuye gũhũre masiboaga tiquiro. Sa yero Cohãcjũ poto dũsepe curi mehna quehe saro, tiquirore ño peorota. Sa yero "Cohãcjũ potota mũsa mehna ijire", ninota tiquiro mũsare.

Mũsa cahmecoana quehnoano yeya dojomehnenno

marieno

26 Sa yegũ yuhũ acaye, mũsare ahrire nigũ niaja: Cahmecoana ihquẽquina mũsa mehna cjẽna Cohãcjũ yere basa duare. Sa yena apequina buhe duare. Sa yena apequina Cohãcjũ mũsare tiquiro buherire yahu duare mũsa. Sa yena apequina tũhomehneñe mehna yahuducu duare mũsa. Sa yena mũsa apequina ti yahuducuyere yahu yũhdũo duare mũsa. Ti ijipihtiyere sa yena apequina mũsare tũhoyequina tiquina quehnoano masiatire tire yeya.

27 Sa yena tũhomehneñe mehna mũsa yahuducuna pũana, ihtiana topenata yahuducuya mũsa. Sa yena camesa yahuducuya. Mũsa sa yahuducugũ, ihcãquiro mũsa mehna cjẽno mũsa yahuducurire apequinare yahu yũhdũoahro.

28 Mũsa yahuducuyere yahu yũhdũoriquiro mariedagũ mũsa cahmecoana ijipihtina mũsa tũhomehneñene yahuducu duana yahuducueracãhña. Sa yena masa marienopũ Cohãcjũ mehna yahuducuya mũsa.

29 Sa yena Cohãcjũ yere yahu duana pũana, ihtiana topenata yahuya mũsa. Mũsa sa yahugũ apequina mũsare tũhoyequina mũsa yahurire quehnoano tũho nũnũahdo.

30 Sa yero Espĩritu Santo Cohãcjũ yere apequirore topũ dujiriquirore yahu dũcaboaga. Tiquiro yahu

ducagũ tiquirore tãhoriqũiro gũhũ Jesu yequinare yahu duaboaga. Sa yero tiquiro pano yahuriqũiro pehe dihta mariahdo.

³¹ Sa yena ijipihtina mũsa Cohãcjũ yere yahuna, camesa yahuya mũsa ijipihtiyequina apequina tiquina quehnoano tãhoatire, tiquina quehnoano bucueatire.

³² Sa yena Cohãcjũ yere yahuna ijina, quehnoano tãho masi, quehnoano tãhotu yahuducuya.

³³ Cohãcjũ tiquiro yequina tiquina cahmecoanopũ tiquina cahme yahuducugũ, suhrigũ cahmedare tiquiro. Dojomehnenno marieno tiquina quehnoano ijigũ cahmene tiquiro. Ijipihitropũ Jesu yequina cahme-coa, ohõ saha yere tiquina.

³⁴ Tiquina cahmecoanopũ numiare yahuducu dutierare. Tiquina numiare mari pehe yahuducu dutieraja. Cohãcjũ ojoari pũpũ tiquiro nidiro sahata numiare mũmare quehnoano yãhtiyequina numia ijiro cahmene. Sa ye cahme-coanopũ numia masare yahuducueracãhdo.

³⁵ Jesu yequina tiquina cahmecoanopũ numia tiquina yahuducugũ ñarĩne. Sa yero apee borore masi duaro numino ticoro ya wũhũpũta ticoro manũnore sinituahro.

³⁶ Ahri yũhũ yahuatire quehnoano masiña mũsa. Cohãcjũ yere yahu mũhtana

ijierare mũsa. Sa yena tiquiro yere tãhorina mũsa dihita ijierare. Apequina gũhũ tiquiro ye buheyere cũore.

³⁷ Mũsa mehna cjũno “Yũhũ Cohãcjũ yere yahugũ ijiaja”, ni tãhoturiqũiro ijiro ahri mũsare yũhũ ojoari Cohãcjũ dutiye ijigũ masiahdo tiquiro. Sa yero apequiro “Espĩritu Santo tutuaye mehna ye masiaja”, ni tãhoturiqũiro ijiro tiquiro gũhũ ahri yũhũ ojoari Cohãcjũ dutiye ijigũ masiahdo tiquiro.

³⁸ Tire tiquiro masi dueragũ yũhũ ojoarire “Poto ijierare”, tiquiro nigũ tiquirore duhu cãhña. Tũhoeracãhña tiquirore.

³⁹ Sa yena yũhũ acaye, Cohãcjũ yere yahuna mũsa ijiatire tutuaro cahmeña mũsa. Sa yena mũsa mehna cjẽna mũsa cahmecoanopũ tãhomehneñe yahuducuye mehna tiquina yahu duagũ “Sa yahuducueracãhña”, niedacãhña tiquinare.

⁴⁰ Sa cahmecoana quehnoano, cahme dojomehnenno marieno yeya mũsa.

15

Quehnoañe buheyere tiquiro yahurire yahuahye Pablo

¹ Yojopũre yũhũ acaye, quehnoañe buheyere mũsare yũhũ yahurire mũsare wacũgũ ye duaja. Ti buheyere quehnoano cahmene mũsa. Sa cahmena ti buheyere ne cohãedare mũsa.

2 MUSA sa cahmegũ tire mUSA cohãedagũ Cristo mUSARE pecapũ waha-borinare yũhdũo tuhasari. MUSA sa tũhori bato Cristo yere mUSA duhu cãgũ ti mUSA tũhori dũhseati ijierare.

3 Ohõ saha ni yahu mũhtaũtja mUSARE. Ahri ihyo waro ijierare. MUSARE buhegũ yũhũre Cristo tiquiro yahurire mUSARE ohõ saha ni yahuu: Cohãcjũ yere tiquina ojoariro sahata mari ñañe buhirire Cristo variahye.

4 Sa yero Cohãcjũ yere tiquina ojoariro sahata Cristo tiquiro yariari bato apequina tiquirore tiquina yagũ ihtia deco wahaboro tiquiro pehe masa wijiahye.

5 Tiquiro sa masa wijiari bato Pedrore bajuahye. Tiquiro sa bajuari bato apequinare tiquiro buheyequinare bajuahye tja.

6 Tiquiro sa bajuari bato ihcã tahata quinientos bui ijiyequinare tiquiro yequinare bajuahye tja. Ihquẽquina tiquirore ihñariquina mUNA yojopũre yariariquina mUNA ijire. Tiquina sa ijiepegũta peyequina tiquina mehna cjẽna yojopũre ijinine.

7 Came Cristo Santiagore bajuahye tja. Sa tiquiro bajuari bato ijipihtiyequina buhe duti tiquiro cũriquinare bajuahye tja.

8 Ijipihtiyequina apequinare tiquiro bajuari bato yũhũ gũhũre bajuari tja. Nijinogã queoro masa bajueriquirogã tiquiro masa bajua nũnũ tãriro saha yũhũ

gũhũ Jesure wacũ tutua nũnũ tãrigũ ijiaja. Yũhũ sa ijirigũ ijigũ tiquina batopũ bajuari Jesu yũhũ gũhũre tja. Yũhũreta tiquiro bajua bato tiri.

9 Panopũre Jesu yequinare ñano yemi. Sa yerigũ ijigũ apequina Jesu cũriquina ijipihtiyequina tiquina docapũ waro ijiaja yũhũ. Sa yegũ yojopũ gũhũre Jesu buhe duti tiquiro cũnohborigũ ijierami yũhũ.

10 Sa ijiepegũta Cohãcjũ yũhũre cahĩgũ yojopũre Jesu cũrigũ ijiaja yũhũ. Sa yegũ yũhũre tiquiro cahĩgũ yojopũre tiquiro cahmeñene ye pehoaja. Sa yegũ yũhũre cahĩgũ tiquiro yaquiro sa iji cãgũ niedaja. Ijipihtiyequina apequina tiquiro cũriquina yũhdũoro yũhũ pehe tutuaro buhei. Sa buhegũ yũhũ esa tuhoro buherũ. Cohãcjũ yũhũre cahĩno yũhũre yedohori.

11 Ûsã buheye pehe ihyo waro ijierare. Yũhũ mUSARE quehnoañe buheyere buherigũ yũhũ ijigũ apequina yũhdũoro yũhũre mUSA ño peogũ ihyo waro ijiro nine. Tiquina gũhũ mUSARE buheyequina ijigũ apequina yũhdũoro tiquina gũhũre mUSA ño peogũ ihyo waro ijiro nine. Ûsã pehe ahrire buhena ijiepenata ihyo ijina ijiaja. Ûsã buheye pehe ihyo waro ijierare. Sa yena mUSA pehe ahri buheyere quehnoano tũhore.

Yariariquina mUNA tiquina

masa wijiariŕe yahuahye Pabŕo

12 Cristo yariari bato tiqairo masa wijiariŕe usã buhepegãta “Yariariquina muna ne masa wijaerare”, nine muna mehna cãna ihquẽquina. ¿Dahse ijero boro sa niajari tiquina tire?

13 Sa yero yariariquina muna masa wijaeragũ Cristo gũhu ne masa wijaeraboya.

14 Sa ye Cristo masa wijaeragũ quehnoañe buheyere usã yahuri ne dahseati ijieraboya. Tiquiro masa wijaeragũ tiqairore muna wacũ tutuaye gũhu dahseati ijieraboya.

15 Masa wijiario mariedagũ usã pehe Cohãcjũ yere ni mehona niboya. Yariariquina muna tiquina masa wijaeragũ Cohãcjũ pehe Cristore masa wijiagũ yeraboya. Tiquiro sa yeragũ “Cohãcjũ Cristore masa wijiagũ yeahye”, nina ni mehona ijiŕoaga usã.

16 Yariariquina munare Cohãcjũ masoedaro, Cristo gũhure tiqairo masoedaboya.

17 Sa yero Cristo masa wijaeragũ tiqairore muna wacũ tutuaye dahseati ijieraboaga. Sa yena muna ñaãe buhiri, buhiri tiboaga muna.

18 Masa wijiario mariedagũ Cristo yequina muna yaria muhtariquina pecaru waha tuhasaboya.

19 Cristore mari wacũ tutuari bato mari yariana masa wija masiedana ijipihkiyequina apequina masa yuhduoro pejecuna ijiŕoaga

mari pehe. Sa yena tiqairore ihyo warota wacũ tutuana niboaga mari.

20 Potota Cohãcjũ Cristore masa wijiagũ yeahye. Cristo masa wijiario bato mari gũhu yarianaru masa wijanata iji-aja. Tiquiro sa masa wijiario, marine siho masa wija muhtariqairo ijire.

21 Ohõ saha ijire ahri: Adãn mehna masa yaria ducahye. Ohõ saha apeqairo mehna yariariquina muna masa wijaeta.

22 Adãn yequina iji nunu tanaru mari ijipihkina yarianata. Sata Cristo yequina mari ijigũ mari yariario bato marine masa wijiagũ yerota Cohãcjũ.

23 Ihquẽ cururi masare tiquina queori pje ijigũ masa wijaeta. Cristo marine iji muhtariqairo masa wija muhtahye. Came ahri yehparu tiqairo tojoa tagũ tiqairo yequina gũhu masa wijaeta.

24 Ti pjeta pihhiri deco ijirota. Sa yero ijipihkiyequina wafiare, wafia puhtoare, tutuayequinare cohãno, Cristo yuhducarota. Tiquiro sa yeri bato ijipihkiyequina puhtoro tiqairo ijirire Cristo wijiario, Cohãcjũre mari Pacure came-sarota.

25 Tiquiro wijiato pano mari Pacu Cristore ihña tuhtiyequinare tiqairo yuhduca pehoato pano Cristo purita ijipihkiyequina puhtoro ijirota. Sa ijiriquirota ijero cahmene

tiquireore.

²⁶ Tiquireore ihña tuhtiyequinare tiquireo yãhduducari bato, yariamedi gãhure cohã cãnota. Yariaye pihtia wãharota.

²⁷ Ijipihtiyequina bui dutiatiquiquire cũahye Cohãcjũ Cristore. Ijipihtiyere

cãoriquireo gãhure cũahye tiquireore. Sata nine Cohãcjũ yere tiquina ojoari pũpũ. Cohãcjũ pehe tiquireore cũriquireo ijire. Sa yero “Ijipihtiyequina bui dutiatiquiquire cũahye tiquireore”, nino, “Cohãcjũ bui dutiriquireo ijire tiquireo”, nino niedahye tiquireo yere tiquina ojoari pũpũ.

²⁸ Ijipihtiyequina bui dutiriquireo Cristo Cohãcjũ macano ijigũ Cohãcjũ tiquireore cũriquireo pehe tiquireo macano bui dutiriquireo ijirota. Sa yero Cohãcjũ pehe ijipihtiyequina pãhtoro waro ijire. Ijipihtiyere cãoriquireo gãhure ijire.

²⁹ ¿Masa wijiario mariedagũ dũhse ye apequina masa yariariquina muna ye ijiatire tiquina wame yenohriquina ijiajari? Yariariquina muna masa wijiaeragũ tiquina ye ijiatire apequina wame yegũ ihyo warota wame yenohriquina ijiboaya.

³⁰ Æsã pehe Æsã buheri buhiri decoripe apequina Æsãre tiquina ñano ye duagũ cuarĩne Æsã gãhure. Æsãre sa cuaepegũta masa wijiario ijigũ masina sa buheducujaja Æsã.

³¹ Mari pãhtoro Jesucristo yequina masa ijigũ tiquireore wacũ tutua nemonã masa wahagũ yãhã pehe tutuaro bucueaja yãhã masa mehna. Ti ijirota ijire. Sa yero “Dũhse ijiri decopũ yãhure yariario cuarĩne”, yãhã nigũ ti gãhure ijirota ijire.

³² Efeso cjẽna usuayequina quehnoañe buheyere yãhã buheri buhiri yãhure quẽdi. Masa wijiario mariedagũ Jesu yaquireo yãhã ijieragũ, yãhã sa ñano yãhduri dũhseati ijieraboya. Ihyo waro ñano yãhdugũ niboaya yãhã. Yariariquina muna tiquina masa wijiaeragũ ohõ saha niboaga mari: “Came cjũnogã yarianata. Dũhse wahasi mari. Sa yena ihya sihniihna. Mari esa tuharo yeihna”, niboaga mari.

³³ Ni mehoñene tãhotueracãhña masa. “Ñañequinare piti tina, quehnoañe masa yerire bonata masa”, nine masa. Ti ijirota ijire.

³⁴ Quehnoañene tãhotuna ijiya masa. Sa yena quehnoañene yena ijiya tja. Sa yena ñañene ye nemoedacãhña tja. Ihquẽquina masa mehna cjẽna ne Cohãcjũre masiedare. Masa buoro wahati pehere musare sa niaja.

Yariariquina muna tiquina masa wijiario yahu nemoahye Pablo

³⁵ Sa ye masa mehna cjũno ohõ saha ni sinituboaga yãhure: ¿Dũhse yariariquina muna masa wijiaetari?

¿Duhse ijiye paguri masa wijiaetari? ni sinituboaga.

³⁶ Sa sinituriquiro tũho masieniquiro ijire. Oteri pjere mari oteri bato ti pje ahbagũ waro pihnine. Ahbaeraro ne pihnisi. Tire masine mũsa.

³⁷ Bũjũye cjuũre oteraja mari. Ti pjeri dihitare oteaja mari. Ti pjeri trigo pjeri ijiro ijiuboaga. O apee boro pjeri ijiro ijiuboaga.

³⁸ Ti pjerire mari oteri bato Cohãcjũ tiquiro cahmediro saha ti pjerire bũcũa mũjagũ yere. Sa yero oteye pjerire bũjũye pihngũ yere tiquiro. Sata pihni dutire Cohãcjũ.

³⁹ Ijipihtiequina paguri ihcãno saha bajuerare. Masa paguri pehe ihcãno saha ijire. Wahiquina paguri gũhu sijoro saha bajure. Minicjũna paguri gũhu sijoro saha bajure. Sa yeye wahi gũhu sijoro saha pagu tire.

⁴⁰ Sa ye uhmũse cjẽ gũhu sijoro saha bajure. Sa yeye ahri yehpa cjẽna gũhu sijoro saha pagu tire. Sa yeye uhmũse cjẽna paguri gũhu sijoro saha bajure. Sa yeye ahri yehpa cjẽ uhmũse cjẽ yero saha ijierare.

⁴¹ Ohõ saha ijire. Asũ deco cjũno asi sitere. Sa ye ñami cjũno gũhu sijoro saha ijire tiquiro gũhu. Ihyo buhriore. Sa yeye ñahpicoha gũhu sijoro saha asi paare. Ñahpicoha pari gũhũre mari ihñagũ ihquẽ paca mehenogã asiye paca bajure. Sa yeye apee paca tutuaro asiye paca bajure.

⁴² Ohõ saha ijire yariariquina mũna tiquina masa wijiaagũ. Masũno tiquiro pagure mari yari bato tiquiro pagu ahbaa waharota. Sa yero apee pagu sijoro saha ijiri pagu ijipihtie decori catiati pagu masa wijiarota.

⁴³ Ti pagure mari yagũ yariariquiro mũnano pejecũno nine. Cohãcjũ tiquirore masogũ tiquiro pagu quehnoa yũhdũari pagu ijire. Sa yero tiquiro pagu mari yari pagu tutuaye mariedi pagu ijire. Sa yero Cohãcjũ tiquirore masogũ tiquiro pagu tutua yũhdũare.

⁴⁴ Ahri yehpa cjã pagure mari yagũ yariariquiro mũnano tiquiro masa wijiaagũ tiquiro pagu uhmũse cjã pagu ijirota. Ahri yehpa cjã pagure mari cũona, uhmũse cjã pagu gũhũre cũonata, masa wijiana.

⁴⁵ Sata ni yahure Cohãcjũ yere tiquina ojoari pũpu: “Ahri yehpapu iji mũhtariquiro Adãn wame tiriquiro catiriquiro wahahye”, ni ojoahye. Ti sa ijiepegũta Adãn yero saha ijiriquiro bato tiriquiro Cristo pehe catiyere ohoro ahtahye.

⁴⁶ Ahri yehpa cjã pagu iji mũhtari pagu ijire. Camepu uhmũse cjã pagu ijirota.

⁴⁷ Ohõ saha ijire: Iji mũhtariquiro Adãn pehe ahri yehpa cjũno dihta mehna tiquiro yeri pagure pagu tiahye. Tiquiro bato ahtariquiro, Cristo pehe uhmũsepũ ahtahye.

48 Dihta mehna tiqairo yeri pagure pagu ti mæhtariqairo tiqairo ijiriro saha ijipihina apequina dihta mehna tiqairo yeri pagure pagu tina ijiaja mari. Sa yena æhmæsepu ahtariqairo yero saha tiqairo yequina ijipihina tiqairo yero saha pagu tina ijinata mari.

49 Dihta mehna tiqairo yeri pagure pagu tiriqairo yero saha bajuaja mari. Tiqairo yero saha mari ijiriro saha æhmæse cjæno yero saha baju-nata mari.

50 Yuhu acaye, musare ahrire yahu duaja: Ahri yehpa cjæ pagu dii mehna, dihi mehna ijiri pagu Cohæcjæ puhtoro ijiropure æhmæsepure ne wahasi. Mari pagu ahbati pagu ijire. Sa ye æhmæsepu ijipihtiye decori mari ijiatopure ahri pagu wahasi.

51-52 Panopure masa tiquina masiedarire yojopure musare yahu duaja: Mari mehna cjæna ihquæquina yariasi. Sa ye duita, tiquina pagurire comesayequina ijjeta. Cornetare tiqairo puti, bato tiri decopu sata waharota marine. Ohõ saha waharota. Corneta bisiri bato yariariquina manare Cohæcjæ masonota ijipihtiye decori tiquina ijiatire. Sa yena pagurire comesarina ijinata mari gûhu.

53 Mari pagurire tiqairo comesagû to pano mari ahbati paguri ijiepegûta mari comesari bato ne ahbasi. Sa ye mari paguri comesagû

to pano mari yariati paguri ijiepegûta ne yariasi.

54 Mari ahbati paguri ne ahbaerati pagurire comesarota. Sa ye mari yariati paguri sa ijiducuati pagurire comesarota. Sa marine comesagû panopu tiqairo ojoariro sahata sa waharota: "Cohæcjæ yariayere cohæ cæri.

55 Yojopure ne pari turi mari yariasi. Sa yena yariaro mehna pari turi niæno yuhdæsi mari", ni ojoahye panopure.

56 Mari næne buhiri ijigû pûrita yariaro mehna næno yuhdænata. Sa ye Cohæcjæ dutiye Moiseretiqairo cûrre mari masidi bato, buhiri tiaja mari. Sa yero marine pecapu waha dutire Cohæcjæ dutiye.

57 Tiqairo sa dutiepegûta mari puhtoro Jesucristo pehe marine pecapu wahaeragû yere. Tiqairo sa yeriqairo ijigû masina Cohæcjæ mehna bucue, "Quehnoare", niaja mari.

58 Sa yena yuhu acaye, yuhu cahina, Cristore wacû tutua duhueracæhna. Sa yena apequina musare quehnoæne buheyere tiquina cohæ dutigû, ne cohædacæhna tire. Sa yena decoripe mari puhtoro Jesucristo tiqairo ye dutiyere quehnoano yeducuya musa. Mari puhtoro Jesucristo yere mari yegû, ahri ihyo waro ijierare. Ahrire masina tiqairo ye dutiyere quehnoano yeducuya musa.

16

Apequinare Jesu yequinare Corinto cjæna niæneru tiquina

ohoatire yahuahye Pablo

¹ Yojoꝛꝛe apequinare Jesu yequinare mꝛsa niñeru ohoatire yahu duaja mꝛsare. Galacia yehpa cĵenare Jesu yequinare yꝛꝛꝛ dutiriro sahata mꝛsa gũꝛꝛ yeya.

² Semanaripe domingo ijigũ ijipihtina mꝛsa Jesu yequinare ohoati niñerure mehenogã ohoya. Mehenogã cꝛona mehenogã ohoya. Sa yena paji cĵũnogã cꝛona paji cĵũnogã ohoya. Semanaripe mꝛsa sa yegũ mꝛsa caharꝛ yꝛꝛꝛ esagũ mꝛsa ohoati niñeru iji tuhasarota.

³ Mꝛsa ohoatire yahuye pũrine ojoaũtja. Sa yegũ yꝛꝛꝛ topꝛ esagũ ti pũrine topꝛ wahatiquinare mꝛsa beseriquinare ohoutja. Sa oho tuhasagũ Jesu yequinare mꝛsa ohori niñerure nea-tiquinare ohoutja Jerusalẽꝛꝛ.

⁴ Ti macarꝛe yꝛꝛꝛ yeati ijigũ yꝛꝛꝛ gũꝛꝛ wahagũtja. Yꝛꝛꝛ sa wahagũ yꝛꝛꝛ mehna tiquina wahaeta.

Tiquiro tiniatire yahuahye Pablo

⁵ Macedonia yehpa cĵenare ihña yũhdũtja yꝛꝛꝛ. Yũhdũ cã, mꝛsa caharꝛ Corintopꝛ esauũtja.

⁶ Topꝛ esagũ mꝛsa mehna meheñe decorigã ijiboaga yꝛꝛꝛ ape taha yegũ. Yoa cĵũri pje pohero ijiro puno mꝛsa mehna ijiboaga yꝛꝛꝛ. Sa yena ape sierꝛ yꝛꝛꝛ wahagũ mꝛsa gũꝛꝛ yꝛꝛꝛ yedoho masine.

⁷ Meheñe decorigã iji duer-aja yꝛꝛꝛ mꝛsa mehna. Sa yegũ Cohãcĵũ cahmegũ yoa

cĵũri pje mꝛsa mehna ijiitja yꝛꝛꝛ.

⁸ Sa iji duepegũta Pente-coste bose deco ijigũꝛꝛ Efesopꝛ ijiniitja yꝛꝛꝛ.

⁹ Ohõꝛꝛ Efesopꝛ yojoꝛꝛe mari pũhtoro Jesu yere tũho duayequina peyequina ijire. Tiquina sa ijigũ tiquinare yahuaja. Yꝛꝛꝛ sa yahugũ yꝛꝛꝛ ihña tuhtiequina peyequina ijire.

¹⁰ Timoteo yꝛꝛꝛ yero saha mari pũhtoro yere yere. Tiquiro sa yeriquiro ijigũ mꝛsa caharꝛ esagũ quehnoano mehna tiquirore piti ca, tiquiro mehna quehnoano bucueye mehna ijiya mꝛsa.

¹¹ Sa yena tiquirore yũhdũdũcaeracãhña mꝛsa. Sa yena tiquiro cohe tigũ quehnoano mehna tiquirore yedohoya yꝛꝛꝛ caharꝛ tiquiro tojoa tagũ. Apequina Jesu yequina mehna usã tiquirore cohtena niaja. Sa yena quehnoano yedohoye mehna tiquirore ohoya.

¹² Apolo mari acayũro Jesu yaquiro mꝛsare ihñano wahagũ tutuaro cahmemi. Sa yegũ tiquirore waha dutimi apequina Jesu yequina mehna tiquiro wahatire. Yꝛꝛꝛ sa waha dutiepegũta yojoꝛꝛe tiquiro waha duer-are. Sa yero came tiquiro yeye mariedagũ mꝛsa caharꝛ waharota.

Pablo quehnoa duti bato tiahye

¹³ Quehnoano wacũ masiña mꝛsa. Cristore wacũ

tutua duhueracãhña. Ne cuenata ijiducuya m̄sa. Sa yena Cohãcjũ tutuaye mehna tutuana ijiya m̄sa.

14 Apequinare sa cahĩducuya.

15 Yojoꝑure yũhũ acaye m̄sare ahrire yahu duaja: Estefana ya wũhũ cjẽna Acaya yehpa cjẽna quehnoañe buheyere tũho m̄htariquina, tiquina ya yehpaꝑũ Cristore wacũ tutua m̄htariquina ijire tiquina pehe. Sa ye apequinare mari acayere Jesu yequinare tiquina quehnoano yedohoducure. Tire m̄sa masine.

16 Tiquina yero saha ijiyequinare, apequina Cristo yere yedohoyequinare m̄sa quehnoano yũhtigũ cahmeaja yũhũ.

17 Estefana, Fortunato, Acaico gũhũ yũhũ cahapũ wihi tuhasare. Ohõꝑũ tiquina ijigũ quehnoano bucueaja yũhũ. M̄sare tiquina bucuegũ yeriro saha yũhũ gũhũre bucuegũ yere tiquina. M̄sa mariedagũ m̄sare tutuaro wacũmi yũhũ. Sa yegũ tiquina wihigũ bucueaja yũhũ.

18 Tiquina mehna ijigũ quehnoano jeripohna tigũ ijii yũhũ. M̄sa gũhũre sata bucuegũ yere tiquina, yũhũ tũhotugũ. Tiquinare quehnoano ño peoya m̄sa. Sa yena apequina tiquina yero saha ijiyequina gũhũre ño peoya.

19 Asia yehpa cjẽna Jesu yequina m̄sare quehnoa dutire. Sa ye Aquila, Priscila,

tiquina ya wũhũꝑũ cahme-coañequina mehna Cristo tiquiro cahĩñe mehna m̄sare tutuaro quehnoa dutire.

20 Ohõ cjẽna Jesu yequina ijipihtiequina m̄sare quehnoa dutire. M̄sa mehna cjẽnare quehnoano mehna piti caya.

21 Yũhũ, Pablo yũhũ basi ahri dihitare ojoaja. M̄sare quehnoa dutiaja.

22 Mari pũhtoro Jesu-cristore apequiro tiquiro cahĩedagũ, Cohãcjũ tiquirore buhiri dahreahro. Mari pũhtoro sojaro mehna tojoa taahro.

23 Mari pũhtoro tiquiro cahĩñe mehna m̄sare quehnoa dutiaja.

24 Mari ijipihtina Jesucristo yequina ijiaja. Sa yegũ m̄sare tutuaro cahĩaja.

2 Corintios

*Ohō saha ojoa ohoahye
Pablo Corinto cjēnare*

¹ Yuhū Pablo, Jesucristo yere buhe duti tiquiro cūrigū ijiaja. Mari Pacu tiquiro cahmediro saha cūri yuhure Jesu. Yuhū, mūsare Cohācjū yequinare, Corinto cjānare ojoa ohoaja. Ijipihtina Cohācjū yequinare Acaya cjānare mūsa gūhure ojoa ohoaja. Mari acayuro Timoteo mehna quehnoa dutiaja mūsare.

² Sa yena Cohācjū mari Pacu, mari pūhtoro Jesucristo mehna mūsare quehnoa dutiaja. Tiquina yedohoye mehna quehnoano ijiya mūsa.

*Pablo tiquiro ñano
yuhdurire ohō saha ni
yahuahye:*

³ Mari pūhtoro Jesucristo Pacuro Cohācjū marine paja ihñare. Sa yero tiquiro dihita marine yedohore. Quehnoa yuhduriquiro ijire tiquiro.

⁴ Mari ñano yuhdugū ihñano ijipihtinare marine tiquiro yequinare yedohore tiquiro apequinare mari yedohotire. Sa yena apequina tiquina ñano yuhdugū ihñana tiquina pehere yedohoro cahmene marine. Cohācjū marine tiquiro yedohoye mehna mari gūhū tiquina gūhure yedohonata.

⁵ Cristo yequina mari ijiri buhiri mari ñano yuhdugū

tiquiro tutuaro yedohorota marine.

⁶ Ūsā pehe mūsare yedohona ñano yuhduaja. Sa yena Cristo mehna mūsa yuhduatire mūsare usā yahuri buhiri ñano yuhduaja. Sa yena Cristo usāre tiquiro yedohogū usā pehe mūsa gūhure yedoho masiaja. Sa yena usā ñano yuhduriro sahata mūsa gūhū ñano yuhduna, quehnoano mehna ihcāno sahanata mūsa, yuhū tūhotugū.

⁷ Quehnoano mehna mūsa ihcāno sahatire usā masiaja. Ūsā ñano yuhduriro sahata ñano yuhduri mūsa gūhū. Sa yena Cohācjū tiquiro yedohoye mehna usā ihcāno sahariro sahata mūsa gūhū ihcāno sahanata, yuhū tūhotugū.

⁸ Ūsā acaye, yojopure ahri yuhū yahuatire mūsa quehnoano masigū usā cahmeaja. Asia yehpuru ña yuhduraro yuhdure tii usā. Ohō saha ni tūhotumi usā: “Ne yuhdusi mari. Sa yena mari yarianata”, ni tūhotumi usā.

⁹ Sa yena “Marine wejē cāeta”, ni tūhotumi usā. Sa ñano yuhduna Cohācjū dihitare usā wacū tutua nemou. Ūsāre tiquina ñano yegū cahmeahye Cohācjū tiquirore usā wacū tutua nemoatire. Tiquiro pehe yariariquinare masoriquiro ijire. Sa tiquirore wacū tutuana usā esa tuharo usā ihcāno sahaerare masiaja. Cohācjū marine yedohore.

¹⁰⁻¹¹ Ūsāre cuaro yepegūta tiquiro yedohoro mehna usā

yuhduu. Camepu gũhare pari turi usãre yuhduorota. Usãre Cohãcjũre mũsa sini basagũ tiquiro usãre yedohorota. Usãre tiquiro yedohoatire masiaja usã. Sa yena usãre tiquiro yedohogũ ihñana, tiquirore “Quehnoare”, ninata mũsa. Peye mũsa sini basarire tiquiro yuhtigũ ihñana bucue, “Quehnoare”, ninata mũsa Cohãcjũre. Peyequina apequina gũhu sata nieta.

Pablo Corintopu tiquiro waha duamedire yahuahye

12 Sa yena mũsa mehna usã ijirire wacũna bucueye mehna ohõ saha tuhutuaja usã: Ahri yehpapu Cohãcjũ tiquiro yedohoye mehna ñañe marieno quehnoano mehna masare piti ti buhei. Mũsa pũritare quehnoano piti ti buhei. Ohõ saha yena usã esa tuharo yeru. Cohãcjũ cahĩne mehna tiquiro tutuaye mehna sa yei.

13-14 Sa yena quehnoano yahu ojoau mũsare, quehnoano mũsa masiatire. Yojopu usãre quehnoano masiedare mũsa. Usã ijiye tiyere mũsa quehnoano masigũ tutuaro cahmeaja usã. Sa yena mari puhtoro Jesu tiquiro tojoa tagũ usã mehna bucuenata mũsa. Mũsa mehna usã bucuero sahata mũsa gũhu usã mehna bucuenata.

15-16 Ohõ saha nigũ Macedonia yehpapu waha duamaja yuhhu. Sa yegũ mũsare ihña yuhduu cã duamaja yuhhu. Sa yegũ topũre esarigũ tojoa tagũ pari turi mũsa

mehna meheñe decorigã ijiboaga yuhhu. Sa yena puu taha mũsa mehna yuhhu ijigũ ihñana pajiro yuhhu mehna mũsa bucueboaga. Mũsa cahapu ijirigũ Judea yehpapu yuhhu wahagũ ihñana yuhure yedohoboaga mũsa.

17 ¿“Wahautja”, yuhhu nigũ tuhorina ijina mũsa cahapu yuhhu eseragũ ihñana “Pablo ni mehono nine”, ni tuhutuajari mũsa? “Wahautja”, nigũ yuhhu esa tuharo sa nigũ niedaja yuhhu. ¿“Tiquiro nidiro saha yerare”, yuhure ni tuhutuajari mũsa?

18 Ohõ saha ni mehogu ijieraja yuhhu. Sa yegũ “Yeitja”, nigũ yuhhu nidiro saha yeaja yuhhu. Tire masine Cohãcjũ.

19 Yuhhu, Sila, Timoteo mehna Jesucristo Cohãcjũ macano yere mũsare yahuu usã. Cristo pehe “Yeitja”, nino, poto yeriquiro ijiro nine. Cohãcjũ tiquiro nidiro sahata Cristo yere.

20 Ijipihtiyere Cohãcjũ tiquiro yahurire Cristo ye pehoahye. Tiquiro sa yeriquiro ijigũ ihñana tiquiro yere usã apequinare yahuaja Cohãcjũre tiquina ño peoatire.

21 Cristo yequina marine iiducugũ yeriquiro Cohãcjũta ijire. Sa yero tiquiro yere yahuanajare marine sõri tiquiro.

22 Sa yero tiquiro yequina mari ijiyere ihñano tire marine masigũ yere tiquiro. Sa yero tiquiro yaquiro Espiritu Santore mari mehna iji dutiri tiquiro. Mari mehna ijiro

tiquirota marine Cohãcjũ yũhũoatore masigũ yere.

23 Yojoþure poto yahutja mũsare. Poto yũhũ yahueragũ Cohãcjũ pehe mũsare poto yahuahro. Tiquirota yũhũ tũhotuyere masine. Mũsare tuhti dueragũ mũsa cahapũ wahaeru. “Mũsare bujũa witigũ yeari”, nigũ mũsa cahapũre Corintopũre wahaeru.

24 Sa yena “Mũsare dutina ijiaja usã”, nina niedaja. Cristore quehnoano wacũ tutua tuhasari mũsa. Sa yena “Ohõ saha Cristore wacũ tutuaro cahmene mũsare”, nina niedaja usã. Mũsare quehnoano bucuegũ ye duaja usã.

2

1 Sa yegũ ohõ saha ni tũhotuu: “Pari turi tiquinare bujũa witigũ ye dueraja. Sa yegũ yojoþure wahaeraja”, ni tũhotuu.

2 Mũsare bujũa witigũ ye dueraja. Mũsa bujũa witigũ ihñagũ yũhũ pehe mũsare bucueraboaga. Sa yena yũhũre bucuegũ yeatina ijieraboaga mũsa pehe.

3 Sa yegũ mũsa cahapũ wahaeru. Sa wahaeragũ mũsare ihyo ojoau. Mũsa yũhũre bucuegũ yeatina ijiepenata yũhũre bujũa witigũ yeboaga mũsa, mũsa cahapũ yũhũ esagũ. Mũsa mehna yũhũ bucuegũ, mũsa gũhũ bucuenata. Tire masiaja yũhũ. Sa yegũ yojoþure mũsa mehna bujũa witi dueragũ wahaeru mũsa cahapũ.

4 Pajiro tũhotugũ, ñano jeripohna tigũ, tutuaro utigũ mũsare ojoaepegũta mũsare bujũa witigũ ye dueru. Mũsare tutuaro yũhũ cahĩñene mũsare masigũ ye duagũ mũsare ojoau.

Corinto cjẽna mehna cjãno tiquiro ñano yerire bo dutiahye Pablo Jesu yequinare

5 Ihcãquiro mũsa mehna cjãno yũhũre bujũa witigũ yeriquiro ijiri. Sa yeriquiro ijiepegũta mũsare tiquiro tutuaro bujũa witigũ yeriro saha yũhũ pehere pajiro bujũa witigũ yerari tiquiro. Tiquiro sa ñano yepegũta pajiro waro buhiri dahre duti dueraja.

6 Peyequina mũsa mehna cjẽna tiquirore buhiri dahre tuhasañohti. To punota buhiri dahre duhuro cahmene tiquirore.

7 Tiquirore mũsa buhiri dahreducugũ tutuaro bujũa witiboaga tiquiro. Sa yero Cristo yere duhuboaga. Sa yena tiquiro ñañe yerire boya mũsa. Tiquirore yedohoya tiquiro bucuegũ.

8 Sa yena tiquirore quehnoano yeya mũsa tiquirore mũsa cahĩñene tiquiro masigũ. Mũsa sa yegũ tutuaro cahmeaja yũhũ.

9 To pano mũsare ojoagũ “¿Potota yũhũre yũhtietari?” nigũ sa ni ojoau mũsare. Yũhũre mũsa yũhtigũ ihña duagũ mũsare sa ni ojoau.

10-11 Yojoþure tiquiro ñañe yerire mũsa bogũ ihñagũ yũhũ gũhũ tire boutja. Yũhũre

ñano yerahye tiquiro. Musa pehere ñano yeahye. Tiquiro sa ijiepegüta tiquiro ñañe yerire boaja yahu gühu. Musare quehnoano yedoho duagu Cristo ihñonopu tiquiro ñañe yerire boaja. Tire boaja Satana marine tiquiro yuhducaerature. Tiquiro marine ñañene yegü cahmene. Tire quehnoano masiaja mari. Sa yena Jesu yequina tiquina ñañe yerire wacüducueraja mari, "Tiquinapu Satana yere yeari", nina.

Troa wame tiri macapu ijiro Titore bocaeraro pajiro bujua witi tuhoutuahye Pablo

12 Sa yegu Troa wame tiri macapu esau Cristo yere buhegu wahagu. Topu yahu ijigü peyequina masa quehnoañe buheyere tuho duayequina ijiri. Mari puhtoro tiquiro yedohoye mehna tiquiro yere yahu buheatiquina peyequina masa ijiri.

13 Sa ijiepegüta mari acayurore Titore bocaeragu pajiro bujua witi tuhoutu. Sa yegu to cjênare cohe ti tuhasagu Macedonia yehrapu wahan.

Cristo yedohoye mehna ñañene yeducueraja mari

14 Sa ye Cohäcjü pehe marine ñañene yeragü yere. Cristo yequina mari ijigü ihñano marine ñañene yeragü yere. Sa yegu Cohäcjüre bucue, "Quehnoare", niaja. Sa yena Cohäcjü marine tiquiro dutigü masina ijiphtiropu

Cristore masare masigü yeaja mari. Sa tiquirore masiñe tiquina quehnoano tuhature.

15 Cristo yequina ijina, Cohäcjü pehere bucuegü yeaja mari, ehme sitiye mari bucuero saha. Sa ye Cristo yequina mari ijiyere ihña masine apequina Cohäcjü yuhduoatiquina. Apequina tiquina ñañe buhiri pecapu wahatiquina gühu Cristo yequina mari ijiyere ihña masine.

16 Cristo yequina mari ijigü ihñañe, tiquina ñañe buhiri pecapu wahatiquina pehe pecapu tiquina wahature masine. Cohäcjü yuhduoatiquina pehe marine Jesu yequinare ihñañe, ijiphtiye decori tiquiro mehna tiquina ijiatire masine. Sa ye Cristo ye ihyo ijiye buheye ijierare. Sa yero ahrire Cristo yere ihcäquiro esa tuharo buhe sohtori tiriquire ne mariedare. Cohäcjü yedohoro mehnata tiquiro yere mari buhe masiaja.

17 Peyequina apequina Cohäcjü yere buhemene niñerure wapata duaye. Usã pehe tiquina yero saha yeraja. Ni mehono marieno Cristo tutuaye mehna tiquiro yere buheaja usã. Cohäcjü usäre cügü tiquiro ihñonopu quehnoano buheaja usã.

3

"Ohõ saha yeitja", Cohäcjü ni cürire wahma buheyere yahuahye Pablo

1 ¿Pari turi usã ijiye tiyere musare yahuna nijari usã, musa tuhutugũ? Apequina musare tiquina buheato pano tiquina ijiye tiyere masi duana tiquina ojoari pũre cahme muhtari musa. Usãre masi tuhasari musa. ¿Usãre masiepenata ti pũ borore cahmeajari musa? ¿O apequina cahamu usã buhena wahana ti pũ borore usãre neno cahmeajari, musa tuhutugũ?

2 Ti pũ borore cahmedaja usã. Musa pehere ijipihitiyequina apequina ihñañe musare usã quehnoano buherire masieta. Musare usã buhegũ Cristo yequina iji ducari musa.

3 Cristo yequina musa ijigũ ihñañe masa musare Cohãcjũ ye buheye warore usã queoro buherire masi tuhasare. Musare buhena Cohãcjũ yaquiro Espiritu Santo tiquiro yedohoye mehna buhei. Tiquiro Cohãcjũ catiriquiro waro ijire. Usã sa buhegũ tuhona Cristore quehnoano cahmedi musa. Sa cahmena musa ijigũ apequina musare ihñañe Cristo yequina musa ijiyere quehnoano masine. Sa masiñe musare Cohãcjũ ye buheye warore usã queoro buherire masine masa.

4 Ahrire ijipihitiyere tuhutuaja usã Cohãcjũre quehnoano wacũ tutuana. Cristo tiquiro yedohoye mehna sa wacũ tutuaducujaja mari.

5-6 “Usã esa tuharo ahri dahrayere yeaja usã”, ni

masiedaja usã. Cohãcjũ tiquiro yedohoye mehna ye masiaja usã.

Yojopure tiquiro yahuyere quehnoañe buheyere Cohãcjũ pehe quehnoano usãre buhe masigũ yere. Ahri buheye panopu tiquiro dutiye tiquiro ojoari yero saha ijierare. Quehnoañe buheye pehere buheaja usã. Panopu tiquiro dutirire mari esa tuharo ne ye masiedaja. Sa mari ye masiedari buhiri pecapu wahaboya mari. Quehnoañe buheye pehere tuhona Cristore wacũ tutuaja. Sa yena ijipihitiye decori Cohãcjũ mehna ijinata mari.

7 Cohãcjũ tiquiro dutiyere utã pjnipu ojoaro Moisere cũahye. Tiquiro sa cũri bato tiquiro asi siteye bajuahye. Moise wuhdoa asi siteahye. Asi site yuhduahye. Came ti asi siteye pihtia wahahye. Came ti asi siteye pihtia wahati ijiepegũta coã warore tiquiro wuhdoare masa ne ihñadoque ohõ masiedahye. Ti dutiyere masa tiquina ye pehoerari buhiri pecapu wahatiquina ijiahye. Sa ye ti dutiye masare pecapu waha dutiepeta, tutuaro asi siteye mehna iji ducahye ti dutiye.

8 Ti dutiye yuhduoro quehnoañe buheye pehe quehnoa yuhduare. Ahri buheyere apequinare mari buhegũ tiquina quehnoano tuhogũ Espiritu Santo tiquina mehna ijirota. Sa ye panopu cjẽ dutiye yuhduoro Cristo ye pehe quehnoa yuhduare.

⁹ Cohãcjũ dutiye panopũ cjẽ masare pecapũ waha duti-ahye. Sa dutieperota Cohãcjũ tutuaye mehna tiquiro asi siteye mehna iji dũcahye. Ti yũhdũoro quehnoañe buheye pehe Cohãcjũ tutuaye mehna ijire. Ti buheye mehna quehnoañequina wahare masa, Cohãcjũ ihñagũ.

¹⁰ Panopũ Cohãcjũ tiquiro dutiri pehe ihyo ijiye dutiye yero saha tojoa cãhre yojopũre quehnoañe buheye mehna mari ihña piti cagũ. Quehnoañe buheye pehe quehnoa yũhdũare. Ti buheye mehna ahmũsepũ mari waha masiaja.

¹¹ Panopũre tiquiro ye dutiye yoa cjũri pje asi siteye ijiducume, pih-tia wahahye. Ti dutiye yũhdũoro quehnoañe buheye pehe quehnoa yũhdũare. Ti buheyere quehnoano tũhona, Cohãcjũ mehna sa ijiducunata.

¹²⁻¹³ Mari sa ijiducuatire masina, cuero marieno quehnoañe buheyere quehnoano yahu peho cjã usã. Moise pehe usã yero saha ijierahye. “ ‘Cohãcjũ asi siteye pihtiro nine’, Israe masa ni ihñari”, nino, tiquiro wãhdoare cahmotahye Moise. Bũe tiro sa cahmotahye. Tiquiro yee tiriro saha bũe tieraja usã pehe. Sa yena cuero marieno tiquiro yere quehnoañe buheyere buheaja.

¹⁴ Ti pjepũ cjẽna Israe masa pehe ne masieda tiahye. Yojopũ gãhũre

Cohãcjũ yere panopũ tiquiro ojoari pũrine tiquina buh-eye, ne masiedare. Moise tiquiro wãhdoare cahmotagũ Cohãcjũ asi siteyere tiquina ihñadoque ohõedariro saha tiquina quehnoañe buheyere quehnoano masiedare. Cristore cahmedaye, masisi tiquina. Tiquirore tiquina wacũ tutuari bato, tiquiro yere masieta.

¹⁵ Yojopũ gãhũre Israe masa Cohãcjũ dutiye Moise tiquiro cũrire buheye, tiquinare cahmotaro saha ne masiedare tiquina.

¹⁶ Mari pehe mari pũhtoro cahmegũ tiquirota marine masigũ yere. Moise tiquiro wãhdoa cahmotarirore tiquiro ne cãboriro saha mari pũhtoro marine tiquiro yere quehnoano masigũ yere.

¹⁷ “Mari pũhtoro”, nigũ Espĩritu Santore nigũ ni-aja. Cohãcjũ yaquiro Espĩritu mari mehna tiquiro ijigũ pecapũ wahaborinare tiquiro yũhdũorina ijiaja. Sa yena “Panopũ cjẽ dutiye mehna mari yũhdũnata”, niedaja mari. Sa yena ti dutiyere duhuna, Espĩritu Santo ye dutiye pehere yeaja mari.

¹⁸ Sa yena Jesu yequina ijina, Cohãcjũ yere masiaja mari. Tiquina wãhdoa pacare cahmotamehneñequina yero saha Cristo tutuayere ihñona niaja mari. Sa yero mari pũhtoro Espĩritu Santo marine quehnoañe pehere comesagũ yere. Tiquiro

sa yegū Cristo quehnoa yuhduariquiro tiquiro ijiro saha wahana niaja mari.

4

¹ Sa ye Cohācjū usāre paja ihñano, quehnoañe buheyere yahuanajare cūri usāre. Tiquiro sa cūgū masina, tiquiro yere buhena caributieraja usā.

² Tiquiro yere buhena ni meje cū buheraja. Sa yena usā tire comesaeraja. Sijoro saha cjūnogā buhena buoro yuhduboaga. Sa yena tire buhe dueraja. Cohācjū ihñonopu ijiaja usā. Sa yena quehnoañe buheyere quehnoano potō buheaja usā. Usā sa buhegū ihñañe tire quehnoano masine usāre ihñañequina waro.

³ Usā buheyere quehnoañe buheyere buheaja usā. Usā tire buhepegūta apequina ne taho duerare. Sa tahoeyequina pecapu waha-tiquina ijire.

⁴ Satana ñariquiro ahri yehpa cjēna puhtoro tiquinare masiedagū yere. Caperi bajueyequina tiquina ihña masiedaro saha masiedagū yere tiquinare. Quehnoañe buheyere Cristo tutuayere tiquinare masiedagū yere tiquiro. Cristo pehe Cohācjū ijiye tiyere marine masigū yere. Tiquiro Cristo Cohācjū waro ijire.

⁵ Usā buhena “Usā pehere ño peoya”, ni buheraja. Ohō saha ni buheaja usā: “Jesucristo pehe ijire mari

puhtoro”, ni buheaja usā. Usā pehe Jesure yahtina ijiaja usā. Sa yena musare yedohoaja usā.

⁶ Panopu ohō saha niahye Cohācjū: “Nahitianopure buhrioro ijiya”, ni, dutiahye tiquiro. Yojopure tiquirota ijire marine tiquiro tutuayere masigū yeriquiro. Buhrioro marine ti ihñagū yero saha, tiquiro tutuayere marine masigū yere. Cristo Cohācjū tutuayere marine masigū yere.

Cristo tutuaye mehna mari ijiaja

⁷ Sa masina ijina, tiquiro tutuayere apequinare masigū yeaja. Sa yena ijiepenata tutueraja usā. Dihi sutu duita wahtiro ti butiro saha usā gūhu tutueraja. Sa ijiepenata Cohācjū tutuayere apequinare buheaja usā. Usā sa tutuerapenata tire buheaja usā. Usā sa buhegū ihñañe usāre “Tiquina esa tuharo ahri buheyere masiedare. Cohācjū pehe tiquinare masigū yere”, ni masieta apequina usāre.

⁸ Ijipihtiequina apequina usāre ñano yepeta Cohācjū usāre tiquiro yedohogū tiquina usāre yuhducaerare. Sa yena usā caributiepenata, Cohācjū yere ne yahu duhueraja.

⁹ Usāre tiquina ñano yeduepegūta Cohācjū usāre sa yedohoducure. Usāre tiquina quēdoque cū mjaepēgūta tiquiro yedohoye mehna yarieraja usā.

10 Tiquina wejēatina ijinata niaja usā, Cristo ahri yeh-pap_u tiquiro ñano yuhd_uriro saha. Tiquina wejēatina ijiducuna niaja usā Cristo catiducugū yeriquiro tiquiro ijiyere masa tiquina masiato saha. Usā sa ñano yuhdugū ihñañe tire masieta masa.

11 Sa ye decoripe usāre apequina wejēno cuarīne Cristo yequina usā ijiri buhiri. Ohō sahata ñano yuhduaja usā Cristo catiducugū yeriquiro tiquiro ijiyere apequina tiquina masiato saha. Usā paguri came yariaa waharota. Usā sa wahatina ijeepenata Cristore catiducugū yeriquirore masigū yeaja usā apequinare.

12 Sa ye musare usā buheri buhiri usā pehere apequina wejēno cuarīne. Usā buheyere musa tuhori bato ijihiytiye decori Cohācjū mehna ijiatina ijire musa.

13 Cohācjū yere tiquina ojoari pūp_u ohō saha nine: “Cohācjūre wacū tutuag_u, tiquiro yere buhei”, ni ojoahye panop_u cjūno. Usā gūh_u sata yeaja. Cohācjūre wacū tutuana, tiquiro yere buheaja.

14 Ahri yuh_u niati gūhare quehnoano masiaja usā: Cristo yariari bato Cohācjū tiquirore masoahye. Sa yero Cristo yequina mari ijigū ihñano tiquiro mari gūhare masonota. Tiquiro sa masori bato tiquiro cahap_u neanota marine.

15 Sa yena musare yedoho duana, ñano yuhduaja usā.

Sa yena Cristo yequina musa peyequina wahana, peyequina musa Cohācjūre bucueye mehna ño peonata. Tiquirore “Quehnoare”, ninata.

16 Musa sa wahagū ihñana, usā ñano yuhd_uepenata bujua witieraja. Sa yena Cristo yere buhe duhueraja. Usā pag_u tutuaye decoripe pihti cāno nine. Usā tutuaye sa pihti cāpepegūta quehnoano jeri sajāja usā.

17 Yojopure ñano yuhd_uepenata ñano yuhdu_u dojoeraja. Ti mari ñano yuhduye pihtia waharota. Sa yena marine mehenogā ñano yuhduro cahmene. Sa mari ñano yuhdu_urina ijina, camep_ure tutuaro bucueye mehna ijiducunata Cohācjū mehna. Sa yena mari ñano yuhdu_uri yuhduoro pajiro bucueye mehna ijiducunata.

18 Mari ihñari ahba pihtia waharota. Mari ihñedari pehe sa ijiducurota. Sa yena mari ihñarire wacūducueraja. Mari ihñedari pehere Cohācjū yere sa wacūducuaja mari. Sa yena camep_u mari quehnoano ijiatire bucueaja.

5

1 Wuhare tiquiro cohāboriro saha came mari paguri pehe butia waharota. Sa yero wahma wuhare tiquiro yeboriro saha Cohācjū wahma pagurire yerota. Sa yero ti pagurire marine ohorota. Ti paguri masa tiquina yeri paguri ijierare. Sa yena uhm_usep_u sa ijiducunata ti

paguri mehna. Tire mari masiaja.

² Sa yena ti pagurire uhmuse cjē pagurire tutuaro cahmena, mari sa cohteducuna niaja.

³ Suhtirore tutuaro mari saña duaro saha ti pagurire tutuaro cahmeaja mari. Sata cohteaja mari paguri mariena iji duerana.

⁴ Yojopure ahri pagurire cohā duerapenata wahma paguri pehere tutuaro cohteaja mari. Yojopure mari pagurire cohā duerapenata ijipihtiye decori Cohācjū mehna mari ijiatire tutuaro cahmeaja mari. Sa yena ahri mari paguri yariati paguri ti ijigū masina, wahma paguri mehna Cohācjū mehna sa ijiducu duaja mari.

⁵ Mari sa ijiducuatire quehnoahye Cohācjū pehe. Sa quehnono tiquiro yaquiro Espiritu Santore ohori marine. Sa yero tiquiro yaquiro Espiritu Santo mari mehna ijiro, marine Cohācjū tiquiro yeatire “Poto tjire”, nino, marine masigū yere tiquiro.

⁶ Sa yena Cohācjūre wacū tutuaducujaja mari. Cuero marieno ijiaja mari. Ahri mari iji muhtari paguru ijina, mari puhtoro mehna ijieranijaja.

⁷ Uhmuse cjēne Cohācjū gūhure mari ihñedapenata “Ti potota ijire”, ni tuhotuaja mari. Sa yena tiquirore wacū tutuaja mari.

⁸ Sa yena mari cueraja. Mari pagurire ahri yehpuru cohāna mari puhtoro

mehna uhmusepu ijiducunata mari. Sa yero mari yariagū quehnoanota marine.

⁹ Sa yena Cristore bucuegū ye duaja mari. Ahri yehpa cjā pagu mehna ijinina tiquirore bucuegū ye duaja. Uhmusepu gūhure tiquirore bucuegū ye duaja.

¹⁰ Ijipihtina Cristo cahapu mari wahagū ihñano tiquiro mari yerire ihñano marine beserota. Ñano mari yerire masinota tiquiro. Sa masino marine tiquiro ohoborire marine ohosi tiquiro. Quehnoañene mari yeri gūhure masinota. Sa masino bucuero marine quehnoano yerota. Tiquiro sa masidiquiro ijigū ihñana tiquirore bucuegū ye duaja mari.

Cohācjūre mari ihña tuhtigū ihñano Cristo pehe marine bosare

¹¹ Sa yena cua pesaro mehna Cristore ño peoro cahmene marine. Tire masina, Cristo yere masigū yeaja usā masare. Tiquinare cuesāna, tiquirore wacū tuuagū ye duaja usā tiquinare. Quehnoano mehna tire usā buherire Cohācjū quehnoano masine. Usā sa buherire musa gūhure quehnoano masigū cahmeaja yuhu.

¹² Pari turi quehnoana usā ijiye tiyere musare yahuna niedaja. “Apequinare yuhducaja”, niñequinare musa yahuati pehere quehnoano mehna usā buherire yahuna niaja

usã musare. Tiquina pehe tiquina wacũñepu ñañequina ni mehoñequina ijiepetata masa tiquina ihñono dihita quehnoañequina yero saha ye ihñomene. Sa yena usã mehna musa bucueati pehere ahri ijipihtiyere musare yahu ojoana niaja. “Pablo gũhu usãre quehnoano mehna buhere”, usãre apequinare musa ni cahmotati pehere ahri ijipihtiyere musare yahu ojoana niaja.

13 ¿Usã ohõ saha ni yahuna tuho masiena ijiajari usã, musa tuhotugũ? Masa usãre ihñañe, tuho masieñequina yero saha ihñare usãre. Cohãcjũ yere usã yegũ ihñañe sa ihñaboaga usãre. Sa tiquina ihñanohrina ijiepenata sa ijina ijieraja musare yedoho nemonã tana.

14 Cristo marine tiquiro cahĩgũ ihñana musare sa yedohoaja. Tiquiro sa cahĩgũ ihñana tiquiro yere sa yahuducuaja usã. Ihcãquirola Cristo ijipihtina mari ñañe buhirire yariari jiri. Tiquiro sa yariari bato mari pehe ijipihtina mari ñañe buhirire yariariquina yero saha ijiaja. Tiquiro buhiri dahre tuhasariquina yero saha ijiaja. Cristo tiquiro yariari mehna marine tiquiro buhiri dahre tuhasariquina yero saha ihñanota Cohãcjũ.

15 Ijipihtina mari ñañe buhiri yariari jiri Cristo tiquiro ye dihitare mari yeato saha. Sa yero tiquiro cahmeñe pehere marine ye dutiro yariari jiri tiquiro.

Mari ye ijiatire yariaro, masa mujari jiri.

16 Sa yena yojopure usã esa tuharo masare “Quehnoañequina ijire. Ñañequina ijire”, ni ihñedaja usã. Panopu usã esa tuharo yee timi. Sa yena Cristore masiedu. Yojopure Espiritu Santo yedohoye mehna tiquirore quehnoano masi tuhasaja.

17 Sa yena Cristo yequina wahana quehnoañe pehere yena wahaja mari. Panopu mari esa tuharo mari yemedire duhu cjã mari. Yojopure quehnoañe pehere comesana tire yeaja mari.

18 Cohãcjũ pehe marine quehnoañe pehere comesagũ yeri. Cohãcjũre ihña tuhtina mari ijigũ ihñano Cristo pehe mari ñañene cohãri. Sa cohãno mari ihña tuhtiyere duhugũ yeri tiquiro. Sa yegũ yeri Cohãcjũ Cristore. Sa yero usãre tiquiro yere buhe dutiro cũri. Sa buhena, apequinare Cohãcjũ mehna tiquina ihña tuhtirire duhugũ yeaja usã gũhu.

19 Ohõ saha masare yahu dutiri Cohãcjũ usãre: “Cristore mari wacũ tutuagũ ihñano mari ñañe buhirire buhiri dahrerare Cohãcjũ marine. Sa yero marine ihña tuhtiriquiro ijieperota tiquiro marine tiquiro yequina ijigũ yere”, ni yahu dutiri Cohãcjũ usãre.

20 Sa yena Cristo yere buheanaja tiquiro cũrina ijiaja usã. Cohãcjũ musare tiquiro yahuboriro saha usã

pehe ohō saha ni musare yahuaaja: Cristore yahu basana niaja. Sa yena musare ihña tuhtieragū yeaja. Cohācjüre musa ihña tuhtiyere to punota duhuya.

²¹ Cristo tiquiro ñañene yerapegūta Cohācjū pehe tiquirore mari ñañe buhirire yaria dutiahye. Sa yero mari ñañe buhirire buhiri dahreahye Cohācjū tiquiro pehere. Sa yero Cristo yequina mari wahagū Cohācjū yero saha quehnoana marine ijigū yere tiquiro.

6

¹ Cohācjüre yedohona ijiaja usā. Sa yena ahrire tutuaro musare ye dutiaja usā. Cohācjū yere quehnoañe buheyere musa tuhoriro sahata yeya musa. Musa tuhoriro sahata musa yeragū ti musa tuhori dahseati ijierare.

² Ohō saha nine Cohācjū: Musare yuhū quehnoano yeati pjere musa siniñene tuho yuhtitja. Sa yegū musare yuhū yuhduoati decore musare yedohoutja, nine tiquiro.

Tuhoya musa. Yojopure Cohācjū musare tiquiro quehnoano yeati pje ijire. Yojopure Cohācjū musare tiquiro yuhduoati deco ijire.

³ Ne mehenogā apequinare ñano yeraja usā. Apequinare ne ñano ni yahuducueraja, “Quehnoañe buheye pehere cahmedari”, nina.

⁴ Sa yena Cohācjū cahacjāna usā ijiyere musare masigū ye duaja. Sa yena ohō saha ijiaja usā: Ñano yuhduana, apee borore cuoerana sa tuhota cjā. Usāre tiquina ñano yepegūta usuario marieno ijiaja.

⁵ Ohō saha ñano yuhduu usā: Masa usāre quēgū, peresu tiquina yegū, peyequina masa usāre wejē duagū tiquina sañuducugū ñano yuhduu usā. Usā tutuaro dahra wahyia yuhduana, wñjua purtepegūta cariedana, uñja ahbana ñano yuhduu.

⁶ Numia mehna ñano yeru. Sa yena Cohācjū yere quehnoano masiñe mehna buhei musare. Sa yena ne usueru usā. Sa yena quehnoano cahñe mehna yei usā musare. Sa yena Cohācjū cahacjāna usā ijiyere musare masigū yena nii usā. Espiritu Santo tiquiro yedohoye mehna Cohācjū cahacjāna usā ijiyere masigū yena nii musare. Sa yena poto musare usā cahīgū ihñana, tiquiro cahacjāna usā ijiyere masine musa.

⁷ Sa yena quehnoañe buheyere musare poto usā buhegū ihñana, Cohācjū tutu-aye mehna usā yegū ihñana tiquiro cahacjāna usā ijiyere masine musa. Quehnoañe pehe ijipihtiye usā yeri usā wamoa yero saha ijire quehnoano usā cahmotati pehe. Tire quehnoañene yena watinore usā cahmotana niaja. Sa yena ti quehnoañene usā yeri mehna

tiquirore usã yuhducaja.

⁸ Apequina usãre ño peore. Apequina pehe usãre ño peerare. Apequina ñano ni yahuducure usãre. Apequina pehe quehnoano ni yahuducure usãre. Poto usã buhepegũta “Ni mehoñequina ijire”, ni yahusãre apequina usãre.

⁹ Apequina usãre ihña masiñequina yero saha yere. Ihquẽ tahari usãre masieñequina yero saha yere. Usãre tiquina wejẽ duepegũta catiniaja usã. Ihñaña usãre. Ijirota ijire. Tiquina wejẽ dutinohrina ijiepenata, yari-eraniaja usã.

¹⁰ Usã ihquẽ tahari bujua witina ijiepenata, sa bucueducuaja. Pejecuona ijiepenata apequinare quehnoañe buheyere buhena tiquinare pajiro doeri cjẽne usã ohoboro saha yena niaja tiquinare. Apee boro cuoena ijiepenata, potota Cohãcjũ ye pehere cuo peho cjã usã.

¹¹ Ne Corinto cjãna yuhũ acaye, musare quehnoano mehna yahu peho ojoaũ usã musare. Musare tutuaro cahña, sa yahu musare.

¹² Usã pehe musare cahĩ duhueraja. Musa pehe usãre cahĩeda cjũre.

¹³ Sa yegu pohna tigu yuhũ pohñare yuhũ yahuboro saha musare yahutja: Musare usã tuhoturiro sahata musa gũhu sata quehnoano tuhutuya usãre. Sa yena usãre cahña musa.

Cristore cahmeeñequinare piti ti dutierahye Pablo

¹⁴ Sa yena Cristore cahmeeñequina mehna sa piti tiducueracãhña. Tiquina mehna cjãna ijieracãhña. Ihcãno saha ijierare musa. Quehnoañene yeriquiro ñañene yeriquiro mehna quehnoano iji masiedare. Cohãcjũre cahmeeñequina Cohãcjũre cahmeeñequina mehna quehnoano cahme piti ti masiedare.

¹⁵ Sa yero Cristo watño mehna ihcãno saha tuhoturare. Sa yero Cristo yaquiro, Cristore cahmeediquiro mehna quehnoano cahme piti ti masiedare.

¹⁶ Cohãcjũ wuhũpu “Cohãcjũ ijire”, tiquina niñe queoyere mari cuogũ ñarĩne. Ti wuhũpu ti queoyere mari cũgũ quehnoaedare. Ti yero sahata Cristo yequina Cristore cahmeeñequina mehna mari piti tiducugũ gũhure ñarĩne. Ti cururi pua curua ihcãno mehna iji masiedare. Cohãcjũ catiriquiro tiquiro ya wuhũ yero saha ijiaja mari. Ti wuhũpu tiquiro ijiro saha mari mehna ijire tiquiro. Ohõ saha nine Cohãcjũ:

Tiquina mehna ijigutja yuhũ.

Sa yegu tiquina watoa sa ijiducugutja. Yuhũ Cohãcjũ tiquina puhto ijigutja. Sa ye tiquina pehe yequina masa ijietta, nine tiquiro.

¹⁷ Sa yero ohõ saha ni nemore tiquiro mari puhtoro:

Ñañequina mehna tojoeracãhña. Sa yena

tiquinare piti tier-acãhña. Cristore cah-meeñequinare tiquina ñañene ne pihercacãhña. Sa yegu yahũ pehe m̄sare piti tigutja.

18 Sa yegu m̄sa Pacu ijigutja. M̄sa pehe yahũ pohna ijinata, nine Cohãcjũ mari p̄htoro tutua yahũd̄ariquiro.

7

1 Yũhũ acaye, yahũ cahña, m̄sare ahrire yahutja: Ahri ijipihiyere Cohãcjũ tiquiro sa ni yahugũ t̄hona ijipihiyere mari ñañene yeyere duhuuhna. Sa yena mari ñañene wacũñe gũhure duhuuhna. Sa yena Cohãcjũre quehnoano ño peoye mehna ñano yero marieno ijihna mari.

Pablo bucueye mehna yahuahye Corinto cjẽnare

2 Quehnoano mehna ijiya m̄sa usã mehna. Ne mehenogã mehna ñano yeru usã m̄sare. Sa yena usã buh-eye mehna m̄sare ñano yegũ yeru usã. Ne ihcãquiro m̄sa mehna cjũnore ni mehoñe mehna wapa cahmedũ.

3 Sa nigũ “Usãre wapa yerari. Sa yena buhiri tina ijire m̄sa”, nigũ niedaja m̄sare. M̄sare yahu tuhasau. M̄sare cahñaja usã. Catinina ihcã curuata ijijaja mari. Mari yariari batopũ gũhure ihcã curuata ijinata mari.

4 Quehnoano m̄sa yerire masiaja yahũ. Sa yegu

m̄sare wacũdoqueogu bu-cueaja. Sa yena usã ñano yahũd̄ari watoa m̄sa pehe yahũre pajiro bucuegũ yeri.

5 Sa ye Macedonia yehpapũ usã esari bato topũ ijina, ne soeru usã. Topũre ñano yahũd̄au usã. Apequina usã mehna cahmeque duari. Sa yena “Cristo yere duhuari”, nina Cristo yequina pehere cuesã nii usã.

6 Usã sa ñano yahũd̄epegũta Cohãcjũ usãre bucuegũ yeri. Tiquiro bujua witiyequinare bucuegũ yeriquiro ijire. Sa yero Tito usã cahapũ tiquiro wihiro mehna usãre bucuegũ yeri Cohãcjũ.

7 Tito wihigũ ihñana bucuei. Ahri gũhure bucuei. M̄sare tiquiro quti yahugũ gũhure tutuaro bucuei usã. Yũhure m̄sa ihña duarire yahuri usãre. Yũhure m̄sa wacũe ti bujua witihi gũhure yahuri tiquiro. Tiquiro sa ni yahugũ t̄hogũ tutuaro bucuei yahũ.

8 To pano yahũ ojoari pũ mehna m̄sare bujua witiigũ yemi. Sa yerigu ijiepegũta bujua witierraja yahũ pehe. Ti pũre m̄sa buheri bato bujua witiñohti m̄sa. Sa yena mehenogã bujua witi, duhuñohti m̄sa. Sa yegu coã oja m̄htagũ bujua witipegũta yojopũre bujua witierraja.

9 Yojopũ pũritare bucueaja yahũ. M̄sa bujua witiigũ t̄hogũ bucuerraja. Sa ijiepegũta sa bujua witi, quehnoañe pehere came-sañohti m̄sa. Sa yero m̄sa bujua witiigũ ihñano, Cohãcjũ

pehe musare quehnoañene comesagũ yere. Sa yena musare bujua wutigũ yena, ñano ye dojomehnena niedu usã musare.

¹⁰ Sa yena Cohãcjũ tiquiro cahmeno saha bujua witina, mari ñañene bujua witinata. Quehnoañe pehere comesanata. Sata mari bujua wutigũ ihñano marine pecapu wahaborinare yuhduore Cohãcjũ. Mari sa bujua wutigũ quehnoarĩne marine. Cristore cahmeeñequina pehe tiquina ñañene bujua witierapeta, sa bujua witi maca cã, pecapu wahatiquina ijinine.

¹¹ Musa pehe Cohãcjũ tiquiro cahmeno saha bujua witiñohti. Musa sa bujua witina ohõ saha yeñohti musa: YojoPURE ñañene yeyequinare sa ihña cãedañohti musa. Tiquinare duhu dutiñohti musa. Sa yena tiquina ñañe yeyere cueñohti musa “Tiquina yero saha yeari”, nina. Sa yena yahure ihña duañohti musa. Sa yena ñañene yeriquirore buhiri dahre duañohti musa. Ti ijipihtiyere musa yena yojoPURE poto yena musa ijiyere masigũ yeri musa usãre.

¹² Panopu ñano yeriquirore musare yahu ojoaepeguta tiquirore yedohogu tagu sa ni yahu ojoaeru. Tiquiro ñano yenhriquiro gũhare yedohogu tagu sa ni ojoaeru. Musa pehere yedohogu tagu ti pũre ojoau. Usãre quehnoano ño peore musa. Tire musa ño peorire quehnoano musa

masiatire ti pũre ojoau musare. Cohãcjũ tire musare masigũ cahmene.

¹³ Sa yena Tito musa yerire tiquiro quiti yahugũ tũhona tutuaro bucuei usã.

Tito gũhu tutuaro bucueri. Tiquirore musa quehnoano mehna musa piti cagũ tũhona, musa mehna tiquiro bucuerire tũhona usã gũhu quehnoano bucuei.

¹⁴ Coã waropu musa cahapu tiquiro wahato pano musa mehna yuhu bucuerire, quehnoana musa ijiyere yahuu tiquirore. Sa yena yuhu nidiro sahata quehnoano yeñohti musa tiquirore. Sa yegu tiquirore yuhu nidire bue tieraja. Musare poto sa yahuducujaja usã. Ohõ saha Tito gũhare poto usã yahuu musare tiquiro ihñariro saha.

¹⁵ Musa cahapu tiquiro esagũ ño peoye mehna tiquirore piti cañohti musa. Sa yena quehnoano yũhtina yuhduducaro mariena musa ijigũ ihñañohti tiquiro. Sa yero musare cahĩ nemore tiquiro.

¹⁶ YojoPURE quehnoano yũhtina, Cohãcjũ cahmeno saha musa quehnoano ye pehona musa ijigũ quehnoano masiaja yuhu. Sa masigu tutuaro bucueaja.

8

Cristo yequina ijina, pejecuoyequinare sa oho cãno cahmene marine

¹ Usã acaye, ahri yuhu yahuatire musare masigũ

cahmeaja usã. Cristo yequina Macedonia yehpa cjenã Cohãcjũ cahĩne mehna tiquiro paja ihñañe mehna tiquina yerire musare yahutja.

² Tiquina ñano yuhd̄epeta, niñeru marieñequina ijiepetã cahĩno marieno sa oho cãhri pejec̄oyequinare Jesu yequinare. Cristo mehna tutuaro bucueyequina ijiye, tiquina Judea yehpa cjenare quehnoano mehna tiquina c̄oyere sa oho cãhri.

³ Musare niita niaja. Tiquina c̄oro puno ohori. Ijierare. Bui cjunogã ohori. Usã sini basaerapegũta pejec̄oyequinare ohori tiquina.

⁴ Cohãcjũ yequinare pejec̄oyequinare tutuaro yedoho duaye, tiquinare tiquina ohoatire nea dutiri usãre.

⁵ “Ohõ puno ohoeta”, tiquinare usã ni t̄hoturiro bui cjunogã ohori tiquina. Ohõ saha yeri tiquina: Coã warore niñerure tiquina ohoato pano mari p̄htoro Cristo cahmeno saha ye pehori jiri tiquina. Sa ye Cohãcjũ cahmeno saha usã gũhure ño peoye mehna yuhtiri jiri. Sa yeyequina ijiye tiquina niñerure ohori.

⁶ Tiquina sa oho tuhasagũ ihñana Titore usã pehe ohõ saha nii: “Corinto cjenare m̄h̄u buhe d̄cariro sahata quehnoano mehna pejec̄oyequinare tiquina ohoatire buhe pehoya”, nii usã tiquirore. Musã gũh̄u

apequinare paja ihñana, musã yedohoatire sa nii tiquirore.

⁷ Sa yena musã pehe ijipihtiyere quehnoano yena iji tuhasare: Cristore potota quehnoano wacũ tutuare musã. Sa yena tiquiro yere quehnoano yahure musã. Sa yena Cohãcjũ yere quehnoano masine musã. Sa yena Cohãcjũ cahmeno saha tutuaro ye duare musã. Sa yena usãre cahĩne musã. Ohõ saha quehnoano yena iji tuhasare musã. Musã sa quehnoana ijiepegũta mehenogã d̄hsare musare. Pejec̄oyequina p̄ritare musã paja ihñagũ cahmeaja usã. Sa yena cahĩno marieno tiquinare quehnoano mehna musã pajiro ohogũ cahmeaja usã.

⁸ Sa nigũ musare dutigũ niedaja. Sa ni yahugũta niaja musare. Apequina pejec̄oyequinare tiquina tutuaro yedohorire musare yahugũ niaja. “¿Potota paja ihñana ijiajari musã?” ni, masi duagũ niaja.

⁹ Mari p̄htoro Jesu-cristo pehe marine tiquiro paja ihñarire masine musã. Ti ijirota ijire. Tiquiro uhm̄sepeũ pajiro c̄oriquiro ijieperota ahri yehpapũ ahtaro pejec̄oriquiro wahahye. Sa yero mari ye ijiatire yariaro pejec̄oriquiro wahahye. Ohõ saha wahahye tiquiro mari pehe tiquiro yere pajiro mari c̄oatire, tiquiro mehna mari sa ijiducuatire.

10 M̄sare sa yahugata niaja. Ohõ saha t̄hotuaja ȳh̄h̄ pehe: Ihcã cahma wahare m̄sa oho duagũ. M̄sa pehe pejec̄oyequinare oho dua m̄htamedi. Sa yena tiquinare oho m̄htaborina ijimedi m̄sa.

11 Sa yena m̄sa ye duariro saha yojop̄re sohtori tiya. M̄sa oho dua m̄htariro saha yojop̄re quehnoano oho pehoya. Sa yena pajiro c̄ona ijina pajiro ohoya. Mehenogã c̄ona ijina mehenogã ohoya.

12 Tutuaro m̄sa oho duagũ tire m̄sa ohorire Cohãcjũ bucuerota. Sa yena noho m̄sa c̄oro puno ohoya. M̄sa ohoro punota bucuerota Cohãcjũ. “Pejec̄oyequinare m̄sa c̄oye ȳh̄d̄oro ohoya”, m̄sare nino niedare Cohãcjũ.

13 “Pejec̄oyequinare ohoya”, niḡh̄ tiquinare pajiro c̄o dutiḡh̄ niedaja. Sa yeḡh̄ m̄sa pehere pejec̄oro ye dueraja.

14 M̄sare ihcãno saha c̄o dutiḡh̄ sa niḡh̄ niaja. Yojop̄re m̄sa pehe pajiro c̄ore. Sa c̄ona apee boro marieñequinare oho masine m̄sa. Came m̄sare apee boro mariedagũ tiquina ḡh̄h̄ oho masine m̄sare. M̄sa sa cahme ohona ihcãno saha c̄onata ijipih̄tina Cristo yequina.

15 Ohõ saha nine Cohãcjũ yere tiquina ojoari p̄p̄h̄: “Pajiro nediquiro ḡh̄h̄ apequina bui cjũnogã c̄oerari. Mehenogã nediquiro ḡh̄h̄re

ne mehenogã d̄hsaerari”, nine Cohãcjũ yere tiquina ojoari p̄p̄h̄.

Tito tiquiro mehna cjẽna mehna Corintop̄h̄ wahahye

16 Sa ye m̄sare ȳh̄h̄ yedohoriro sahata Tito ḡh̄h̄ m̄sare yedoho duare. Cohãcjũ pehe tiquiro yedoho duagũ yeri tiquirore. Tiquiro sa yeḡh̄ ih̄ñaḡh̄ “Quehnoare”, niaja Cohãcjũre.

17 Titore m̄sa cahap̄h̄ usã waha dutiḡh̄ tiquiro quehnoano mehna ȳh̄tiri. Sa yero tiquirore usã waha dutiato pano tiquiro basita m̄sa cahap̄h̄ tutuaro waha duariquiro iji tuhasari.

18 Tiquirore apequiro Jesu yaquiro mehna piti dahrei usã tiquirore. Tito mehna cjũnore ijipih̄tiyequina apequina Jesu yequina quehnoano ño peore. Quehnoañe buheyere tiquiro quehnoano yahuriquiro ijiḡh̄ ih̄ñañe tiquirore quehnoano ño peore.

19 Sa ye Jesu yequina tiquirore cahmene usã mehna tiquiro tinino wahagũ. Tiquina ye niñerure pejec̄oyequina cahap̄h̄ usã neagũ usã mehna wahatiquirore cahmene tiquirore. Sa ye ti niñerure usã ohogũ ih̄ñañe “Marine yedohoriquiro ijire”, nieta masa Cohãcjũre. Usã sa ohona, tiquinare tutuaro mari yedoho duarire masigũ yenata tiquinare.

20 Sa yena ahri niñerure, pajiro Jesu yequina tiquina

ohorire neana, quehnoano ihña ihbonata tiquina ohorire, “Usãre yahusãri”, nina.

²¹ Mari puhtoro tiquiro ihñonopu queoro, quehnoano ye duaja usã. Sa yena masa tiquina ihñono gũhare queoro ye duaja.

²² Sa yena tana apequirore mari acayurore ohonatja Tito gũh mehna. Usã piti dahreriquirore peye tahari apequinare tiquiro quehnoano yedohogũ ihñau usã. Sa yero yojopure msa pehe apequinare msa yedoho duagũ ihñano to pano tiquiro yeriro yuhdoro quehnoano msare yedoho duare.

²³ Tito pehere msare yahutja. Tiquiro yuh mehna cjãno ijire. Msare yuh yedohogũ tiquiro yuh mehna dahrariquiro ijire. Apequina tiquiro mehna wahatiquina Jesu yequina tiquina bese ohoriquina ijire. Cristo yere tiquina yere, apequina tiquirore ño peoatire.

²⁴ Sa yena cahño mehna quehnoano mehna tiquinare piti caya msa. Msa sa yegũ ihñañe apequina Jesu yequina quehnoañequina pehe msa cahñene masieta. “Quehnoano piti caeta Corinto cjëna”, ni yahu tuhasau apequinare. Msa sa quehnoano piti cagũ ihñañe tiquina usã yahuri poto ijigũ masieta apequina Jesu yequina.

9

Jesu yequinare pe-jecoyequinare tiquina ohoatire yahuahye Pablo

¹ Sa yena Cohãcjũ yequinare msa yedohoatire msa ohoatire masi tuhasare msa.

² Apequinare msa yedoho duagũ masiaja yuh. Sa masigu Macedonia yehpa cjënare ohõ saha ni yahu: “Corinto cjëna Jesu yequina pehe apequinare yedoho dua tuhasari. Ihcã cahma yuhdare tiquina yedoho duari”, ni yahu tuhasau tiquinare. Msa sa yedoho duagũ tãhoye peyequina tiquina gũh pejecoyequinare yedoho duari.

³ Msare sa ni yahugũ yojopure ahriquinare mari acayere msa cahapu ohogu tagu niaja, yuh yahuriro saha msa yeato. Sa yegu pejecoyequinare msa ohoatire msa cahmecoa cõoyuatire ahriquinare ohogu niaja.

⁴ Tiquinare ohoeragu Macedonia yehpa cjëna mehna msa cahapu esagu, msa ohoatire msa cõoeragũ ihñagu bue tisãboaga yuh msare. “Pejecoyequinare ohoeta”, msare yuh ni tãhoturi bato msa ohoeragũ ihñagu bue tisãboaga yuh. Msa gũh bõoro yuhdõboaga.

⁵ Sa yegu msa cahapure yuh esato pano tiquinare mari acayere oho mãhtagu niaja. “Pejecoyequinare

ohonatja”, to pano m̄sa nidire m̄sa c̄oyuatire tiquinare oho m̄htaḡu niaja. M̄sa ohoatire m̄sa cahme-coaḡu tiquina pehe m̄sare yahueta. M̄sa ohoatire m̄sa c̄oyu tuhasaḡu bucueye mehna m̄sa oho duari ijiḡu masiitja.

6 Sa yena ahrire wacũña m̄sa: Meheñe pjeriḡa oteriquiro meheñe pacaḡa nenota. Pe ye pjeri oteriquiro peye paca nenota. (Ohõ saha ijire pejec̄oyequinare mari ohoḡu. Mehenoḡa mari ohoḡu, Cohãcjũ mehenoḡa ohorota marine. Pajiro mari ohoḡu, pajiro marine ohorota.)

7 Sa yena ihquẽquina m̄sa “Ohõ puno ohonatja”, ni ohoya. Cahĩno marieno ohoya. “Marine oho dutiri”, nino marieno ohoya. Bucueye mehna ohoyequinare cahĩne Cohãcjũ.

8 Tiquiro pehe m̄sa cahmeno ȳhd̄oro m̄sare ohorota. Sa yena ijipihtiye m̄sa cahmemedire d̄hsaro marieno c̄o pehonata. Sa yero apequinare m̄sa ohoḡu ḡuh̄are quehnoano esa tuharota m̄sa c̄oye.

9 Sata nine Cohãcjũ yere tiquina ojoari p̄r̄u: Pejec̄oyequinare pajiro ohore tiquiro. Quehnoano mehna masare sa yeducure tiquiro, nine tiquiro yere tiquina ojoari p̄r̄u.

10 Sa yero oteye d̄ca tiri bato oteriquiro tiquiro oteati

capere ohore Cohãcjũ. Came tiquiro oterire d̄ca tiḡu yere tiquiro ihyatire. Pejec̄oyequinare m̄sa pajiro ohoḡu oteriquirore tiquiro ohoriro saha m̄sa ḡuh̄are pajiro ohorota Cohãcjũ. Sata m̄sare ohorota pejec̄oyequinare m̄sa oho nemoatire.

11 Sata ijire. Pajiro ohorota m̄sare apequinare pajiro m̄sa sa ohoducuatire. Sa ye m̄sa oho dutirire pejec̄oyequinare usã ohoḡu peyequina tiquina pehe Cohãcjũre bucueye mehna “Quehnoare”, nieta.

12 Sa yena pejec̄oyequinare Cohãcjũ yequinare ohona, tiquinare yedohore m̄sa. Sa yedohona bucueye mehna Cohãcjũre “Quehnoare”, tiquina niḡu yenata m̄sa.

13 Sa m̄sa apequinare yedohoḡu ihñañe, Cohãcjũre ño peoye mehna yahuducuenta masa. Sa ye tiquinare apequina ḡuh̄are pajiro m̄sa ohoḡu ihñañe Cohãcjũre “Quehnoa ȳhd̄uḡu ijire m̄h̄u”, nieta masa. Ohõ saha nieta Cristo buheye quehnoañe buheye ti nidiro sahata m̄sa yeḡu ihñañe, tiquinare m̄sa ohoḡu ihñañe.

14 Sa ye Cohãcjũ m̄sare tiquiro paja ihñano sahata m̄sa ḡuh̄u tiquinare m̄sa paja ihñaḡu tiquina pehe m̄sare cahmeeta. Sa cahmeñe m̄sare sini basaeta Cohãcjũre.

15 Cohãcjũ marine quehnoa ȳhd̄aro yerota. Tiquiro sa yeatire masina “Quehnoa

yuhduare”, niinna mari tiquiore.

10

Jesu cūriquiore tiquiore ijiyere yahuahye Pablo

1 Yojopure yuhu Pablo, musare yahutja. Ihquēquina musa mehna cjēna ohō saha nine yuhure: “Mari mehna ijiro apequinare yuhduca dueriquiro, ihyo ijiriquiro yero saha ijire. Sa ijieperota ape siepu ijiro marine cuero marieno tuhti ojodoqueore”, nine musa ihquēquina yuhure. Cristo pehe ne usueriquiro, masare quehnoano yeriquiro ijire. Tiquiro yero saha yuhu gāhu iji duaja.

2 Sa yegu musare ahrire tutuaro mehna yahutja: Musa cahapu yuhu esagū quehnoano yeya musa “Pablo usāre tuhtiarī”, nina. Ihquēquina yuhure ohō saha nine: “Tiquiro esa tuhoro, Cohācjū dutiro marieno yere”, nine yuhure ihquēquina. Sa niñequina pūritare tuhtiboaga yuhu.

3 Usā gāhu ahri yehpa cjānata ijina niaja. Sa ijiepenata ahri yehpa cjēna tiquina esa tuhoro tiquina yero saha yeraja usā.

4 Surara cahme wejē tiquina yuhducariro saha usā pehe ñañene yuhduca duaja. Ti ñañene ye dueraja. Usā sa yegū usā wamoa ahri yehpa cjēna tiquina wamoa yero saha ijierare. Surara tiquina wamoare tiquina curo saha usā pehe Cohācjū

tutuayere cūoaja. Ti tutuaye mehna Cohācjūre cahme dutieyequinare cohāja usā. Masa tiquina esa tuhoro tiquina masiñene ti dūhseati ti ijieragū masigū yeaja usā ti tutuaye mehna.

5 Sa yena ijipihtieyequina tiquina esa tuhoro tūhotueyequinare Cohācjūre tiquina masi dutierarire duhugū yeaja usā. Sa yena ti tutuaye mehna Cohācjūre cahmeeñequinare Cristore quehnoano yūhtieyequina tiquina ijigū yeaja usā. Cristo cahmeno saha tiquinare tūhotugū yeaja usā.

6 Sa yena apequina musa mehna cjēna Cristore tiquina yuhduccagū ihñana tiquinare buhiri dahrenatja usā. Musa pehe musa quehnoano yūhtiri bato Cristore yuhduccayequinare sa buhiri dahreatinata ijinata musa.

7 Yuhu pagu dihitare masine musa. Yuhu ijiye tiye pehere ne masiedare musa. “Cristo yequina ijiaja”, nina ijina, ohō saha masiña musa: Usā gāhu musa yero saha Cristo yequinata ijiaja.

8 “Mari puhtoro ye buheyere quehnoañe buheyere buhe dutiro, cūri usāre”, nigu peye tahari musare sa ni yahuepeguta bue tieraja yuhu. Usāre sa buhe dutiro musare yedohoanajare cūri usāre. Musare dojomehneanajare cūno niedari usāre.

9 Ohō saha poto ni yahuaja musare “Cueari”, nigu. Ahri

yuhũ ojoari pũre ihñana mũasa ihña mariagũ cahmedaja.

¹⁰ Ihquẽquina mũasa mehna cjẽna ohõ saha nine: “Pablo ojoaro dũsero purĩniquiro yero saha ojoa mujare marine. Sa ijiriquiro ijieperota mari mehna ijiro ne sa ijiaga niediquiro ijire. Pejechoriquiro yero saha ijire. Sa yero marine tiquiro yahuducuye dahseati ijierare”, nine ihquẽquina.

¹¹ Sa niñequinare ohõ saha ni yahutja: Mũsare usã ojoa ohoriro sahata yahumatja mũsare mũasa cahapũ ijina. Sa yena “Ohõ saha yenata”, usã ni ojoariro sahata yenatja usã, mũasa cahapũ ijina.

¹² Ihquẽquina mũasa mehna cjẽna “Quehnoano masi pehona ijiaja”, ni yahuducure tiquina basi. Yohou, quehnoa yuhduaro masiñequina ijiajari tiquina sa ni yahuducuye. Usã pehe tiquina yero saha ne sa nisi. Tiquina basi cahme ihña piti ca “Mari pehe quehnoa yuhduhcana ijiaja”, nine tiquina basi. Sa ni maca cãne nine tiquina basi.

¹³ Usã pehe tiquina yero saha yesi. Cohãcjũ usãre buhe duti tiquiro cũri dihitare yahuaja usã pehe mũsare. Apequina ye dahrayere “Yei”, nina niedaja. Cohãcjũ mũsare buhe dutiro usãre cũri.

¹⁴ Ohõ saha nina, ni mehona niedaja usã. Quehnoañe buheyere Cristo yere mũsare buhe mahtana esau usã.

¹⁵ Sa yena apequina ye

dahrayere “Usã pehe tire yei”, ne niedaja usã. Sa yena Cristore mũasa wacũ tutua nemogũ cahmeaja usã. Sa cahmena mũsare buhe nemo duaja usã. Sa buhena Cohãcjũ tiquiro cũriro punota buhe duaja mũsare.

¹⁶ Sa yena mũasa ya yehpa yuhduropũ quehnoañe buheyere yahuna wahanatja. Sa wahana apequina tiquina buheri bato esana, “Usã buhei”, nisi usã.

¹⁷ Mari yerire “Usãta yeaja”, niedaro cahmene. Mari pũhtoro Jesu tiquiro yeri pehere ihñana bucuero cahmene. Ti pehere apequinare yahuro cahmene.

¹⁸ Masa tiquina basi “Usã pehe yei”, tiquina nigũ bucuere Cohãcjũ. Mari pũhtoro Cristo “Ahriquina quehnoano yeri”, tiquiro ninohriquina pehere bucuere Cohãcjũ.

11

“Jesu cũrina ijiaja usã”, ni mehoñequinare yahuahye Pablo

¹ Yuhũ ijiye tiyere yahugũ tũho masiegũ yero saha yahugũ niaja. Yuhũ ijiye tiyere yahugũ mehenogã bue tiaja. Sa yahurigũ yuhũ ijiepegũta yuhũre tũhorĩña mũasa yojopũre.

² Cohãcjũ mũsare tiquiro cahño saha tutuaro cahñaja yuhũ gũhũ mũsare. Sa yegũ mũsare cuesãja yuhũ “Ñañene yeari”, nigũ. Nuhmino omoca dahteaticoro umũno mehna ijiericoro quehnoaricoro

ticoro ijiro saha quehnoana m̄sa ijigũ tutuaro cahmeaja, Cristo dihitare m̄sare cahme dutigũ. Sa yegũ Cristo cahapũ m̄sa wahagũ ñañe mariena m̄sa ijigũ cahmeaja.

3 Apequina ñañequina m̄sare ni mehoñe, sijoro saha ijiye buheyere cahmegũ yeboaga m̄sare. Pinono Evare ni mehono tiquiro masiñe mehna ticorore Cohãcjũre yũhdũdcagũ yeahye panopũre. Tiquiro sa yeriro sahata yojopũre ñañequina m̄sare ni mehoñe, Cristore m̄sare quehnoano ño peoragũ yeboaga. Sa yegũ m̄sare cuesãja.

4 “Ohõ saha ijiriquiro ijire Jesu”, tiquina esa tuharo sijoro saha ni meho buhepegũta tũhomene m̄sa. M̄sare usã buheriro saha ijierapegũta m̄sare ni meho buheyequinare tũhomene m̄sa. Sa yena “Ohõ saha ijiriquiro ijire Espĩritu Santo”, tiquina esa tuharo sijoro saha ni meho buhepegũta tũhomene m̄sa. Usã m̄sare buheriquiro Espĩritu Santo waro ijire. Tiquiro pehere queoro tiquina yahuerapegũta m̄sare ni meho buheyequinare tũhomene m̄sa. Tiquina sijoro saha ijiye buheyere tiquina ni meho buhegũ quehnoañe buheyere tiquina buherapegũta tire tũhomene m̄sa.

5 M̄sa mehna cjẽna “Jesu cĩrina ijiaja”, nimediquina yũhũre masi yũhdũdcaerare. Tiquinare docadũcaeraja

yũhũ.

6 Quehnoano yahu mihnigũ ijieraboaga yũhũ. Quehnoano yahu mihniedapegũta Cohãcjũ yere quehnoano masiaja. Yũhũ sa masiñene peye tahari m̄sare quehnoano masigũ yei.

7 Quehnoañe buheyere Cohãcjũ yere m̄sare buhegũ ne wapa cahmedũ. M̄sare yedoho duagũ wapa cahmedũ. Ihyo ijiriquiro yero saha ijii yũhũ. ¿Yũhũ sa wapa cahmedagũ quehnoaedajari, m̄sa tũhotugũ?

8 M̄sare yũhũ buhegũ apeye macari cjẽna Jesu yequina yũhũre niñerure ohori. Tiquina sa ohogũ ti niñerure ñehi sinino marieno m̄sare buhegũ tagũ. M̄sa pehe yũhũre m̄sa ohoborire tiquina pehe yũhũre ohori.

9 M̄sa mehna ijigũ apee boro yũhũre dũhsaeppegũta m̄sare niñerure ne siniedũ. Mari acaye Macedonia yehpa cjẽna Jesu yequina ijipihtiye yũhũ cahmedire ne wihiri yũhũre. Panopũre m̄sare ne cariboerũ yũhũ. Camerũ gũhũre m̄sare ne caribosi.

10 Cristo potota tiquiro yahuriro sahata yũhũ gũhũ yojopũre m̄sare potota yahugũ niaja. Ijipihtiro Acaya yehpapũ ijiyequinare ahri m̄sare yũhũ siniedarire sa yahuducugũtja.

11 ¿M̄sare yũhũ siniedarire apequinare yũhũ sa yahuducugũ tũhona, dũhse tũhotuajari m̄sa? ¿“Pablo sa yahuro

usāre cahēdaro niaga”, ni tūhotuboagari mūsa? Ijierare. Mūsare cahīaja. Mūsare yūhū cahīgū Cohācjū masine.

12 Wapa cahmeno marieno mūsare yūhū buhe dūcariro sahata sohtori tiitja. Yūhū buheri wapa yūhū wapa negū ihñañe tiquina “Jesu cūrīna ijīaja”, ni mehoñequina ohō saha niboaga: “Pablo quehnoañe buheyere buhero, wapa cahmene. Sa yena usā gūhū tiquiro yero sahata yematja”, niboaga tiquina wapa cahmeñe.

13 Tiquina potota Jesu cūrīquina waro ijierare. Tiquinare ne cūdari tiquiro. “Jesu cūrīna ijīaja”, ni mehoñe, usā yero saha ijimene.

14 Tiquina sa ni mehoñequina ijīgū masi tuhasaja yūhū. Satana gūhū quehnoariquiro yero saha comesa mājare. Tiquiro angel asi siteriquiro yero saha iji duaro came-samene.

15 Tiquiro sa yeriquiro ijīgū masigū, Satanare yedohoyequina “Jesu cūrīna ijīaja”, ni mehoñequina Cohācjūre yedohoyequina yero saha tiquina comesagū ihñagū, ni mehoñequina tiquina ijīgū masi tuhasaja yūhū. Yojopare tiquina sa comesaepēgūta pihtiri deco ijīgū ijipihtiye tiquina ñano yeri buhirire buhiri dahrerota Cohācjū tiquinare.

Tiquiro ñano yūhdurire yahuahye Pablo

16 Pari turi ahrīre mūsare yahutja. Ne “Tūho

masieniquiro ijire”, yūhūre niedacāhña. Yūhū sa ni dutierapēgūta yūhūre mūsa sa ni tūhotugū quehnoanota yūhūre. “Tūho masieniquiro ijire”, yūhūre ni tūhotuepenata tūhorīña mūsa yūhūre. Mehenogā yūhū ijiye tiyere yūhū yahugū tūhoya mūsa.

17 Mūsare sa yahugū tūho masiegū yero saha yei nīaja. Yūhū ijiye tiyere yahugū mehenogā bue tiaja. Mari pūhtoro Jesu yūhūre “Mūhū basi mūhū ijiye tiyere yahuya”, niedare yūhūre.

18 Tiquiro sa niedapēgūta ahrīre yahutja mūsare. Tiquina esa tuharo “Quehnoana ijīaja”, niñequina tiquina ijīgū ihñagū yūhū gūhū yūhū ijiye tiyere mūsare yahutja.

19 Mūsa pehe tūho masieñequinare tūhona bucueye mehna ihñare mūsa tiquinare. Quehnoa yūhdūaro masina ijīajari mūsa pehe sa tūhona.

20 Mūsare cahacjāna tiquina yegū, mūsa yere tiquina ehmagū, sa ihñā cāhre mūsa. Sa yena mūsare tiquina doca cūgū, mūsa wahsupurire tiquina quēgū sa tūhotu cāhre mūsa.

21 Quehnoa yūhdūaro yeajari mūsare tiquina. Usā pehe tiquina yero saha yūhdūdūcaeraja.

Sa yena tiquina yero saha yeraja. Tiquina yero saha ijierapēgūta tiquina “Ohō saha ijīna ijīaja”, tiquina nigū tūhogū yūhū gūhū sata ni yahuboaga. Pari turi bue

tiepeguta ohō saha ni yahutja musare tja.

22 Tiquina “Hebreo masa ijiaja”, nine apequinare masi yuhduca duaye. Hebreo masata ijiaja yuh gūh. “Israe masa mari Pacu tiquiro beserina ijiaja”, nine tiquina pehe. Tiquina yero saha tiquiro beserigū ijimaja yuh gūh. “Abrahā panamena iji turiana ijiaja”, nine tiquina tja apequinare masi yuhduca duaye. Tiquina yero saha Abrahā panami iji turiaguta ijimaja yuh gūh.

23 “Cristo cahacjāna ijiaja”, nine tiquina pehe. Yuh gūh Cristo cahacjūta ijiaja. Tiquina yuhduro Cristo yere quehnoano yeaja yuh. Yohou, sa nigū tūho masieniquiro yero saha yahuducugū niaja. Sa yahuducugū mehenogā bue tiaja yuh. Tiquina yuhduro tutuaro dahraū yuh Cristo yere yegū. Peye tahari tiquina yuhduro Cristo yaquiro yuh ijiri buhiri peresu yeri apequina yuhare. Tiquina yuhduro peye tahari tanari yuhare masa. Tiquina yuhduro Cristo yaquiro yuh ijiri buhiri masa yuhare wejē duamedī. Sa yegū mehenogā yuhdu yariaborigū.

24 Ihcā omope tahari judio masa yuhare ñehedi. Yuhare tiquina ñehepe tahari treinta y nueve tahari yuhare tanari.

25 Ihtia taha apequina yuhare ñehedi. Sa ñehēñe tiquina pūrita yuhare ñano

yucari mehna quēdi. Ape taha yuhare apequina utā paca mehna doqueri. Ihtia taha yucasa mehna utāpū doque quehe sa, minii. Sa yegū ihcā deco, ihcā ñami taboa pjī bui pajiri ma decorare ba pahsaū.

26 Peye tahari macaripūre buhe tinigū esau. Yuh sa buhe tinigū cua yuhduari yuhare. Yuhare minino cua yuhduari. Yuhare apequina yaquero cua yuhduari. Ya dihta cjēna judio masa, judio masa ijieyequina gūh yuhare ñano yero cua yuhduari. Macaripū, masa marienopū, pajiri mapū gūhare yuhare yariaro cua yuhduari. “Mūh mehna cjāna ijiaja”, ni mehoñequina gūh yuhare ñano yero cua yuhduari.

27 Cristo yere yegū tutuaro dahrae tii. Sa dahragū ñano wahyie tii. Peye tahari yuhare wūjūa ñano purīepēgūta sa dahraducue tii. Ñano ūjūa ahbae tii. Sa yegū ñano aco wūoe tirū. Peye tahari ihyaye bocaera tii. Yuh suhti sañaboye gūh ne marieda tiri yuhare. Sa yero yuhare yasūa yuhduē tirū.

28 Sa ñano yuhduēpegūta decoripe ijipihtiequina apequina Cristo yequinare, masa gūhare pajiro wacū tūhotuaja.

29 Sa yegū ihcāquiro Cristo yaquiro tiquiro sa iji cāriquiro ijigū ihñagū būjūa witiaja. Apequina Cristo yaquirore ñano ye dutiboaga.

Tiquina sa yegũ ihñagu Cristo yaquiore cuesãgu, tiquina ñañequina mehna usuaja.

³⁰ Yahu duerapeguta yuhu ijiye tiyere yahugu tagu, yuhu esa tuharo tutuegu yuhu ijiye tiyere musare bucueye mehna yahuaja.

³¹ Cohãcjũ mari puhtoro Jesu pacuro decoripe mari ño peoatiquiore tiquirota musare yuhu ni mehoedagũ masine. Ahrire musare yahutja.

³² Damasco wame tiri macapu yuhu ijigũ ihñano, ihcãquiore puhtoro yuhare ñehe duamedi. Ijipihtiyequina masa puhtoro Areta wame tiriquiore doca ijiriquiore puhtoro pũrita yuhare ñehe duamedi. Sa ñehe duaro ti maca cjã sahrĩno sopecaharipe surarare cohte dutimedi.

³³ Tiquina sa cohteri watoata yuhu mehna cjẽna pajiri puhdupu yuhare duhu sã, ti sahrĩno cjã sopecahagãpu yuhare duhu dijiori. Ti sahrĩno behero pehepu yuhare duhu dijiori. Tiquina sa duhu dijiori bato duhti cãa waha.

12

Pablo Cristo tiquiro ihñorire yahuahye

¹ Yuhu ijiye tiyere bucueye mehna yuhu yahugũ duhseati ijierare. Sa ni yahugu mehenogã bue tiepeguta yahu nemoutja musare. Mari puhtoro Jesu yuhare tiquiro ihñorire tiquiro masigũ yerire yahutja musare.

² Ohõ saha ihño ducari tiquiro yuhare: Catorce cãhmari waro wahare yuhare Cristo yaquiore ahmusepu tiquiro ne mujari bato. Hmusepu ñahpicoha buipu yuhare ne mujari. Yuhu jeripohna dihitare tiquiro negũ masiedaja yuhu. O yuhu pagu gũhure tiquiro negũ masiedaja. Cohãcjũ dihita tire masine.

³⁻⁴ Sa yero paraíso wame tiropu ne mujari yuhare. Yuhu jeripohna dihitare tiquiro negũ masiedaja yuhu. O yuhu pagu gũhure tiquiro negũ masiedaja. Cohãcjũ dihita tire masine. Tiquiro sa ne mujagũ esagu topure tiquiro yahurire tãhou. Ti yuhu tuhore masa ne masiedare. Tiquiro yahurire yahu dutierare.

⁵ Ohõ saha yuhare tiquiro ihñorire musare yahugu, “Yuhu ihcãta apequinare yuhducaja”, niboaga yuhu. Sa niedaja yuhu. Yuhu esa tuharo masiegũ yuhu ijiyere, yuhu tutuegu yuhu ijiyere bucuegu musare yahutja. Ti dihitare bucuegu musare yahutja.

⁶ “Apequinare yuhducaja”, musare ni yuhu yahu duagũ yuhu nidi potota ijiboaga. Sa yegu sa ni yahugu tãho masiegũ ijieraboaga yuhu. Sa ijierapeguta “Ohõ saha apequinare yuhducaja”, ni yahusi yuhu musare, “Cua pesa yuhduaro yuhare ihñari”, nigũ. Yuhare ihña masina ño peore musa. Musa ño peopeguta ti yuhduoro

yuhure m̄sa ño peogũ cahmedaja.

⁷Cristo quehnoa yuhduayere ahm̄sere yuhure tiquiro ihñogũ ihñarigu ijigu, “Apequinare yuhduhcaja”, ni boaga yuh pehe. Sa yuh niedatire Satana yuh pagure tiquiro duti dahregũ ihñano “Quehnoanota”, nidi Cohãcjũ. Yuhure duti dahreri Satana yuhure ñano wahagũ yero. Ahri dohatiye pota sajãno purĩno saha yuhure purĩne.

⁸ Ohõ yuh dohatiyere yuhure yuhduo dutigu sinie timi Cristore mari p̄htorore. Ihtia taha sinimi.

⁹ Ohõ saha ni yuh tie tiri yuhure tiquiro: “Ohõ m̄hu dohatiye p̄ritare m̄hure yuhduosi yuh. Sa m̄hure yuhduoerapeguta m̄hure cahãja. Yuh cahĩne mehna quehnoano ijiita m̄hu. Dohatigu tutuegu ijigu yuh tutuayere quehnoano ihñoguta m̄hu. Tutuayequina yuhduoro m̄hu pehe yuh tutuayere masare masigũ yeita m̄hu”, ni yuh tie tiri tiquiro yuhure. Tiquiro sa nigũ tuhogu tutuegu yuh ijirire masigu bucueaja. Sa yegu tutuegu yuh ijiyere m̄sare bucueye mehna yahutja. Ohõ saha ni yahutja Cristo tiquiro tutuaye pehere m̄sare yuh quehnoano masigũ yeatire.

¹⁰ Sa yegu Cristo yaquiro yuh ijiri buhiri yuhure purĩpegũta bucueaja. Apequina ñano yuhure tiquina yahu wajaepẽgũta, ña yuhduaro yuhdupegũta

bucueaja. Yuhure tiquina ñano yeducuepegũta yuhure bujua witigũ tiquina yepegũta bucueaja yuh. Sa ñano yuhdupegũta Cristo tutuaye mehna ihcãno sahaja, tiquirore wacũ tutuagu. Sa yegu bucueaja.

Corinto cjẽnare Cristo yequinare pajiro bujua witi tuhohuahye Pablo

¹¹ Yuh ijyie tiyere yahugu mehenogã bue tiaja yuh. Yuh sa yahuepegũta ti m̄sa ye buhiri ijire. M̄sa pehe yuh ijyie tiyere apequinare quehnoano yahuboaga. Yuh esa tuhoro ijigu dahseacju ijieraboaga yuh. Sa ijiborigu ijiepegũta “Jesu c̄rina, masi pehona ijiaja”, ni mehoñequinare docaducaeraja yuh.

¹² Potota ñano yuhdurigu ijiepegũta Cohãcjũ tutuaye mehna ye ihñomi m̄sare. Sa ihñogu Jesu c̄rigu yuh ijiyere ihñogu nimi m̄sare.

¹³ Apeye macari cjẽnare Jesu yequinare m̄sa gũhure ihcãno saha yee timi yuh. Sa yepegũta m̄sa pehere sijoro saha cjũnogã yemi. M̄sa dihitare cariboerami. M̄sa dihitare apee boro gũhure siniedami. ¿Yuh sa siniedagũ ñaniajari, m̄sa tuhohugũ? Ti ñaĩne ijigũ ti ñaĩne boya m̄sa yuhure.

¹⁴ Ahri yuh yahuatire tuhoya m̄sa. P̄na taha m̄sa caharu yuh esari bato pari turi waha duaja tja. Top̄ esagu m̄sare caribosi yuh. Apee borore

sinisi yuhũ musare. Musa yere cahmedaja. Cristo ye pehere musa yuhũtigũ cahmeaja yuhũ. Masa pohne pehe tiquina pacusumũare tiquina cahmeñene ohoerare. Tiquina pacusumũa pehe tiquina pohne cahmeñe pehere ohore. Ohõ saha musa yuhũ pohna yero saha ijina yuhũ cahmeñe pehere ohosi musa.

15 Sa yegũ yuhũ pũrita yuhũ cuoye pehere oho duaja musare yedohogũ tagũ. Musa cahacjãno yero saha iji duaja musare yedohogũ tagũ. Musa pehere yuhũ tutuaro cahĩpepegũta yuhũ pehere musa mehenogã cahĩne, yuhũ tuhhotugũ.

16 Sa yegũ musa mehna ijigu musare cariboeru. ¿Sata ijiyari yuhũ, musa tuhhotugũ? Yuhũ sa ijiepegũta ihquẽquina musa mehna cjẽna ohõ saha niboaga: “Pablo apee borore marine ne duaro ni mehorimarine”, niboaga.

17 ¿Musa sa nidiro saha yerigu ijigu, dahse tire yeari yuhũ, musa ihñagũ? ¿Musa caharu yuhũ ohoriquina yabe borore yuhũre ni meho ehma basari tiquina musare, musa ihñagũ? Ni meho ehmedari jiri.

18 Sohõ ijiri pjepũ musa caharu Titore waha duti tuhasũ tiquiore. Sa yegũ apeqirore Cristo yaquiore tiquiore mehna piti dahre ohou. ¿Tito apee borore musare ni meho ehmari, musa ihñagũ? Ni meho ehmedari jiri. Tiquiore yuhũ

yero saha Cohãcjũ cahmeno saha yeriquiro ijire. ¿Sa yero yuhũ yero saha yerari tiquiore, musa ihñagũ? Yuhũ yero saha yeri jiri.

19 “Ñano yeraja usã”, ni cahmotana niedaja usã. Cristo yequina ijiaja. Sa yena Cohãcjũ tiquiore ihñonopũ musare yahuna niaja. Yuhũ acaye, yuhũ cahĩna, musare yahuu musa pehere yedoho duana. Musare yahuna, usã pehere musare cahmegũ yena niedũ.

20 Topũ yuhũ esagũ yuhũ cahmeno saha yerapena ijiboaga musa. Sa yegũ musare tutuaro cuesãja. Sa yegũ musa cahmeno saha yerigu ijieraboaga yuhũ gũhũ, topũ esagũ. Sijoro saha musa yegũ ihñagũ yahutja musare. Topũ yuhũ esagũ musa pehe cahme duse tini wiana, apee boro tiquina cuogũ ihña coona, duita usuana, musa esa tuharo apequinare yuhũdũca duana, apequinare ñano yahuducuna, ñano quitu yena, “Apequinare masi yuhũdũcaja”, nina, musa cahmecoanore dojomehnena ijiboaga musa. “Tire yeari”, nigũ cuesãja yuhũ musare.

21 Topũ yuhũ esagũ yuhũre musare bue tisãgũ yeboaga Cohãcjũ. Sa yegũ ijipihitiyequinare panopũ ñano yeyequinare, tiquina ñañene bujũa witiyequinare ihñagũ, tutuaro bujũa witiitja yuhũ. Numia mehna ñano yeyequinare, umũa mehna ñano

yeye numiare, wɛana tiye-quinare, ñañene tutuaro cahmeñequinare ihñagu bɛjɛna witiitja yɛhɛ.

13

Pablo yahu bato tiahye

1 Yojopɛre mɛsa cahapɛ wahagu ihtia taha esagɛtja topɛre. Pɛa taha topɛre esa tuhasaɛ. Sa yegɛ mɛsare ahrire yahutja. Ohõ saha nine Cohãcjũ yere tiquina ojoari pũpɛ: “Ihcãquiore mari buhiri dahreato pano ihtiaro tiquiore yahusãno cahmene. Ihtiaro mariedagũ pɛaro tiquiore yahusãno cahmene. Tiquina sa yahusãri bato buhiri dahre masiaja mari”, nine Cohãcjũ yere tiquina ojoari pũpɛ.

2 Panopɛre ñano yerina mɛsa ijigũ mɛsare, ijipihtiye-quina apequina gũhɛre pari turi ahrire cuaro mehna yahutja. Ihcã taha mɛsa cahapɛ pari turi esagu mɛsare ahrire yahuu. Yojopɛre mɛsa mehna ijieragu pari turi mɛsare ahrire yahutja: Yojopɛre mɛsa cahapɛre esagu, ñano yeyequinare potota buhiri dahregɛtja yɛhɛ.

3 Sa yeitja Cristo yɛhɛ mehna tiquiuro buherire mɛsa ihño dutigũ. Cristo pehe mɛsare dutiriquiro tutua yɛhdɛariquiro ijire. Sa yero tiquiuro tutuayere ihñore mɛsare.

4 Mari yero saha pagɛ tiro, tiquiuro tutueriquiro ijiro, curusapɛ yariahye. Sa

yarieperota Cohãcjũ tutu-aye mehna catiriquiro ijire tiquiuro yojopɛre. Tiquiro curusapɛ ijiro tiquiuro tutuer-ariro saha usã gũhɛ tutuena ijiaja. Sa yena usã esa tuharo mɛsare yedoho masied-aboaga. Sa yena Cohãcjũ tutu-aye mehna ijinata mɛsare yedohona tana.

5 Sa ye mɛsa pehe mɛsa basi ohõ saha ni tɛhotuya. “¿Potota Cristore wacũ tutuajari yɛhɛ?” ni tɛhotuya mɛsa. ¿Potota Cristo mɛsa mehna cjũno ijiajari? Tiquiro ijieragũ tiquiuro yequina waro ijierare mɛsa. Tiquiro yequina ijierana ni mehona ijire mɛsa.

6 Usã pehe “Jesu yequina ijiaja”, ni mehona ijieraja. Tiquiro yequina waro ijiaja usã. Tire mɛsa masigũ cahmeaja yɛhɛ.

7 Sa yegɛ mɛsa ñano yer-atiire Cohãcjũre sini basaja mɛsare. Sata sini basaja usã mɛsa quehnoañene mɛsa yeatire. Mɛsa sa yegũ ihñana usã ohõ saha niboaga: “Usã pehe tiquinare quehnoañequina wahagũ yei usã”, niboaga usã apequinare usãre ño peo dutina. Sa ño peo dutieraja usã. Sa yena Cohãcjũre sini basana, mɛsa ye ijiatire sini basana niaja. Apequina usãre “Ni mehoñequina ijire”, tiquina niepegũta quehnoañene mɛsa yegũ pũritare cahme yɛhdɛaja usã.

8 Ijipihtiye mɛsa quehnoañene yegũ cahmeaja usã. Cohãcjũ

yere quehnoañene do-
jomehne masiedaja usã.

⁹ “Cristo cahmeñene yeaja usã”, ni ihño masiedana, tutueyequina yero saha ijiboaga usã, m̄sa ihñagũ. Quehnoanota. Quehnoañene yena m̄sa pehe tutuana ijire. M̄sa sa ijigũ ihñana tutueyequina yero saha usã ijiepenata bucueaja. Sa yena quehnoana m̄sa wahatire Cohãcjũre sini basana niaja usã m̄sare.

¹⁰ Sa yegũ m̄sa mehna ijieragũ m̄sare ahri pũre ojoayugũ niaja. M̄sa cahapũ esagũ, m̄sa ñano yerina ijigũ ihñagũ m̄sare buhiri dahreitja. Cristo yahũre tiquiro dutiriro sahata m̄sare buhiri dahreitja. Yahũ sa buhiri dahreratire ahri pũre m̄sare ojoayugũ niaja. Cristo yahũre tiquiro dutiriro sahata m̄sare yedohoacjũ ijiaja. M̄sare dojomehneacjũ ijieraja.

¹¹ Yojoꝑũre, yahũ acaye, m̄sare quehnoa dutiaja. Cristore wacũ tutua nemoña. Sa yena quehnoana ijiya. M̄sare yahũ yahurire quehnoano tũho nũnũña. M̄sa mehna cjẽna mehna ihcãno mehna ijiya. M̄sa basi quehnoano mehna ijiya. M̄sa sa ijigũ ihñano m̄sa mehna Cohãcjũ ijirota. Tiquiro marine cahme cahĩgũ yeriquiro, marine quehnoano mehna ijigũ yeriquiro ijire.

¹² Sa yena m̄sa mehna cjẽnare quehnoano bucueye mehna piti caya.

¹³ Ijipihtiyequina ohõ cjẽna Cohãcjũ yequina m̄sare quehnoa dutire.

¹⁴ Mari pũh̄toro Jesucristo mehna m̄sare ijipih̄tinare quehnoa dutiaja. Sa yegũ Cohãcjũ mari Pacũ tiquiro cahĩñe mehna ijipih̄tina m̄sare quehnoa dutiaja. Sa yero Espĩritu Santo ijipih̄tina m̄sa mehna quehnoano ijire.

Gálatas

Galacia wame tiri yehpa cjenare Jesu yequinare ojoa ohoahye Pablo

1 Yuhu Pablo, Cristo yere buhe duti tiquiro cūrigu ijiaja. Masa cūrigu ijieraja yuhu. Masa pehe yuhure buhe dutiye cūdari. Cohācjū mari Pacu pehe Jesure yariariquirore masoriquiro yuhure cūri tiquiro yere buheacjūre. Jesucristo gūhu yuhure cūri. Tiquina sa cūrigu ijigu ahrire ojoa ohoaja mūsare.

2 Yuhu mūsare Jesu yequinare Galacia yehpa cjanare quehnoa dutiaja. Yuhu mehna cjenā Jesu yequina gūhu mūsare quehnoa dutire.

3 Cohācjū mari Pacu, mari puhtoro Jesucristo mehna mūsare quehnoa dutiaja. Tiquina yedohoye mehna quehnoano ijiya mūsa.

4 Tiquiro Jesucristo pehe mari ñañene yeri buhirire yariahye. Yojopure masa tiquina ñañene yeri pje ijire. Sa yero tiquiro yariahye Cohācjū mari Pacu tiquiro cahmediro saha marine yuhduoro taro. Sa tiquiro yuhduogū yojopure ñañene tiquina yeriro saha ye duasi mari.

5 Sa ye ijipihtiye decoripe tiquirore mari Pacure ño peouhna. Sata yeihna.

Cohācjū masare tiquiro yuhduoati buheye ihcānota ijire. Apeye buheye mariedare

6 Cristo mūsare cahño tiquiro yequina ijanajare mūsare cūri. Sa yegu mūsare cūriquirō yere cohāna sijoro saha ijiye buheye pehere duita mūsa cahmegū ihña acūaa wahaja.

7 Apeye buheye quehnoañe buheye yero saha ijiye buheye waro ijierare. Ti sa ijierapegūta ihquēquina mūsa cahapu ijiyequina mūsare cariboye, sijoro saha ijiye buheyere buheye, quehnoañe buheyere dojomehne duare.

8 Sa yena mūsare usā buhe mūhtarire mari cohāgū sijoro saha ijiye buheyere mari buhegū Cohācjū marine buhiri dahreahro. Sa yero angel uhmuse cjūno sa tiquiro buhegū tiquiro gūhure buhiri dahreahro Cohācjū.

9 Mianogāta usā nidiro saha pari turi niitja: Ihcāquiro mūsare usā buherire cohāno, sijoro saha ijiye buheyere tiquiro buhegū Cohācjū tiquirore buhiri dahreahro.

10 Sa nigu yuhu “Pablo dihita quehnoano buheriquiro ijire”, yuhure ni dutigu niedaja. Cohācjū pehe yuhure “Quehnoano buheri mūhu”, tiquiro nigū cahmeaja. Masare bucuegū yegu tagu sijoro saha ijiye buheyere buheboaga yuhu. Masa dihitare bucuegū yegu ijigu ne Cristo cahacjū ijieraboaga yuhu.

*Pablo Cristo cūriqui
tiquiro iji dɥcarire yahuahye*

11 Yuhɥ acaye, ahrire mɥsa masigũ cahmeaja yuhɥ: Quehnoañe buheyere yuhɥ buheri masa ye buheye ijierare.

12 Ti buheye masare yuhɥ tɥhori ijierare. Sa ye apequina masa yuhɥre ti buheyere yahuerari. Jesucristo pehe yuhɥre ti buheyere masigũ yeri.

13 Panopɥ judio masɥ yuhɥ ijie tirire masine mɥsa. Ohõ saha yee tii yuhɥ: Jesu yequinare tutuaro ñano yegɥ tiquinare quehnoano wejẽ peho cã duami.

14 Mari ñecusumɥa mɥna iji turiayequina tiquina buherire tutua yuhɥaro ye duagɥ yuhɥ acaye yuhɥ ihcãno mehna masariquina yuhɥoro ye mɥhtarigɥ ijie timi yuhɥ.

15 Yuhɥ sa ijirigɥ ijiepegũta yuhɥ masa bajuato pano Cohãcũ yuhɥre bese tuhasari jiri. Sa yero yuhɥre cahño tiquiro yaquiro ijiasjɥ cūri yuhɥre.

16 Sa yero tiquiro cahmeno saha tiquiro macɥnore yuhɥre masigũ yeri. Tiquiro yere quehnoañe buheyere judio masa ijieyequinare buheacsjɥ yuhɥ ijiatire tiquiro macɥnore masigɥ yeri yuhɥre. Tiquiro sa yegɥ “¿Dɥhse ni buhero cahmeagari yuhɥre?” ni masare sinituerɥ yuhɥ.

17 Sa yegɥ Cristo cūriquina yuhɥ pano ijiriquina cahpɥre Jerusalẽpɥre sinitugɥ

wahaerɥ. Duita Arabia yehpapɥ wahaɥ. Sa yegɥ Damascopɥ majare tojoa wihii.

18 Ihtia cɥhma bato Pedrore ihñagũ wahaɥ Jerusalẽpɥ. Topɥre pɥa semana waro ijii.

19 Sa yegɥ apequinare Cristo cūriquinare ihñedɥ. Santiago dihitare mari pɥhtoro bahɥrore ihñaaɥ.

20 Ohõ saha ni ojoagɥ Cohãcũ mehna ne ni meho ojoaeraja.

21 Came Siria yehpapɥ, Cilia yehpapɥ gũhɥre wahaɥ.

22 Topɥre yuhɥ esagũ ti pjere Judea yehpapɥ ijieyequina Jesu yequina yuhɥre ihña masiedari.

23 Sa ye ahri dihitare yuhɥre masi dɥcari tiquina: “Panopɥre marine ñano yeriquiro yojopɥre quehnoañe buheyere tiquiro cohã duari buheyere buhero nine”, ni, masi dɥcari tiquina.

24 Yuhɥre sa masiñe Cohãcũre “Quehnoa yuhɥduagɥ ijire”, nidi tiquina.

2

*Apequina Cristo cūriquina
Pablöre piti ca, duita cahmene*

1 Catorce cɥhmari bato pari turi Jerusalẽpɥ wahagɥ Bernabé mehna wahaɥ. Tito gũhɥ wahari yuhɥ mehna.

2 Cohãcũ yuhɥre tiquiro waha dutigũ topɥre wahaɥ. Jerusalẽpɥ ijigɥ “Jesu yequina pɥhtoa”, masa niñequina tiquina sehsaro cahmecoagũ quehnoañe buheyere judio masa ijieyequinare yuhɥ

buherire yahuu tiquinare. “¿Judio masa ijieyequinare quehnoañe buheyere yahú buhegú quehnoajari, masa tãhotugú?” nigh, sa yahuu tiquinare. Sa yahuu tiquinare panopu yahú buherire, yojopure yahú buheri gũhure tiquina quehnoano masiatire, tire “Quehnoare”, tiquina niatire. Tiquina sa niedagú yahú buheri dahseati ijieraboaga.

3 Yahú mehna cjũno Tito judio masano ijieriquiro ijiri. Sa yero cuhnucunu sohtoa cahserogãre yahre nemehnediquiro ijire. Sa yahremehnediquiro tiquiro ijiepegúta Jesu yequina pãhtoa “Mahu gũhu ti cahserogãre yahre neña”, niedari tiquirore.

4 Tiquina sa niedapegúta ihquẽquina “Jesu yequina ijiaja”, ni mehoñequina wacũeno mehna usã mehna sajã, tiquirore ti cahserogãre yahre negú cahmemedi tiquina. Jesu yequina mari ijina “Panopu cjẽne tiquina dutiriro saha yena ti mehna yãhdusi”, ni tãhotuaja mari. Mari sa ni tãhotugú mari yeyere ihña duaye tiquina pehe usã mehna ni meho sajãri. Sa yeye usã ñecusumã mana iji turiayequina ye dutiyere ye duti duaye, ti dutiyere ño peoducugú ye duamedi usãre tiquina.

5 Tiquina sa ye duepegúta quehnoañe buheyere potu masa masiatire ne mehenogã mehna tãho dueru usã tiquinare.

6 Sa ye Jesu yequina pãhtoa quehnoañe buheyere yahú buherire tiquina tãhori bato “Ahri buheye mehna apeye buheyere buhe moreña”, ne niedari tiquina yahure. Jesu yequina pãhtoare ihyo ijieyequina yero saha tãhotuaja tiquinare. Cohãcjũ pehe ijipihtieyequinare ihcãno saha ihñare. Sa yegu sata tãhotuaja yahú gũhu pãhtoa gũhure, ihyo ijieyequina gũhure.

7 Sa ye yahú buheri mehna tiquina “Ahri buheye mehna apeye buheyere buhe moreña”, ne niedari. Sa ye judio masa ijieyequinare yahú buheatire Cohãcjũ yahure tiquiro cũrire tãhoye, “Tita ijire”, nidi tiquina. Judio masare buheyere Cohãcjũ Pedrore tiquiro cũriro sahata yahú gũhure cũri judio masa ijieyequinare yahú buheatire.

8 Judio masare Pedrore buhe dutiriquirota Cohãcjũ yahú gũhure tiquirota buhe dutiri judio masa ijieyequinare.

9 Sa ye Santiago, Pedro, Ñu mehna Jesu yequina pãhtoa waro quehnoañe buheyere buherire Cohãcjũ yahure tiquiro cũrire tãhoye “Tita ijire”, nidi tiquina. Sa nieta yahure Bernabé mehna quehnoano bucueye mehna omoca ñehedi usãre piti tiye tehe. Sa yena judio masa ijieyequinare buhena ijiaja usã. Santiago gũhu pehe judio masare buheyequina ijire. “Sata ijiahro”, nii usã basi.

10 Sa niepeta tiquina judio masare pejecuoyequinare yedoho dutiri usãre. Pejecuoyequinare yedohoacjũ ijiita niaja yũhũ.

Antioquíapũ Pablo Pedrore tuhtiahye

11 Sa ye Antioquíapũ yũhũ esari bato Pedro gũhũ esari. Sa yegũ quehnoano tiquiro yerari buhiri tuhtii tiquirore.

12 Ohõ saha yeri tiquiro: Santiago ohoriquina Antioquíapũ tiquina esato panogã, Pedro pehe judio masa ijieyequina mehna ihyaro nidi, judio masano ijieperota. Santiago ohoriquina judio masa ijieyequinare “Cuh-nucunũ sohtoa cahserogãre yũhre neña”, niñequina, usã judio masa panopũ cjẽna ye dutiyere ye dutiyequina ijiri. Pedro sa ihyari watoa Santiago ohoriquina esari. Sa ihyariquiro ijieperota tiquina tiquiro cahapũ esagũ ihñano, tiquinare cuero, Pedro judio masa ijieyequinare duhu cã, pari turi tiquina mehna ihyaro wahaerari. “Panopũ cjẽna mari judio masa yere yũhdũdũcagũ niaja. Sa yeye yojopũre wihiyequina yũhare tuhtiarĩ”, nino, judio masa ijieyequina mehna ihya nemoedari.

13 Tiquiro sa ye mehoriro saha tiquiro yegũ ihñañe, apequina judio masa gũhũ tiquiroreta ihña cũ, tiquina gũhũ tiquiro yero saha yeri. Sa yero Bernabé quehnoariquiro ijieperota

tiquina yero saha yeri tiquiro gũhũ.

14 Cristo ye buheye marine quehnoano, queoro ye dutire. Sa ye Pedro gũhũ ti buheye nidiro sahata yerari, judio masa ijieyequina mehna ihya duhuye. Tiquina sa yegũ ihñagũ, ijipihtiyequina Jesu yequina ihñonopũ Pedrore ohõ saha ni yahuu: “Mũhũ judio masũ ijiepegũta judio masa ye dutiyere, tiquina ijiye tiyere duhu cãri mũhũ, Jesu yere yegũ tũhũ. Sa yegũ judio masa ijieyequina dutiye marieñequina yero saha yee tiri mũhũ. Sa yerigũ ijiepegũta apequina judio masa wihigũ ihñagũ, judio masa ijieyequinare piti ti nemoedari mũhũ. ¿Judio masa dihitare mũhũ piti tigũ ihñañe, dũhse ni tũhotuetari judio masa ijieyequina pehe? ‘Judio masa yero saha ijiihna’, ni tũhotuboaga tiquina. ¿Tiquina gũhare judio masare ihña cũgũ cahmeajari mũhũ? To ijierare”, nii tiquirore.

Judio masare apequina masa yero saha Jesure wacũ tutua dutiahye Cohãcjũ

15 Usã pehe judio masa masa bajuana, apequina ñano yeyequina judio masa ijieyequina yero saha ijieraja usã.

16 Sa ijina ijiepenata Cohãcjũ dutiyere Moisere tiquiro cũrire usã yerina ijigũ “Quehnoana ijire”, ni ihñedare Cohãcjũ usãre. Tire

mari masiaja. Sa yero Jesu-
cristore mari wacũ tutuagũ
Cohãcjũ marine “Quehnoana
ijire”, ni ihñanota. Tire
masina, usã gũhũ Jesucristore
wacũ tutuaja tiquiore usã
wacũ tutuari mehna usãre
“Quehnoana ijire”, Cohãcjũ
tiquiro ni ihñatire. Sa yero
tiquiro dutiyere usã yerina
ijigũ “Quehnoana ijire”, ni
ihñedare Cohãcjũ usãre. Ne
masa ti dutiyere yeye mehna
“Quehnoañequina ijire”, ni
ihñedare Cohãcjũ tiquinare.

17 Cristore mari wacũ
tutuaye mehna quehnoana
Cohãcjũ yequina mari waha
duagũ, ñana mari ijiyere
masigũ yerota Cristo. ¿Cristo
mari ñañene marine masigũ
yero, ñana marine ijigũ yea-
jari tiquiore, m̄sa t̄hotugũ?
Ne mehenogã mehna sa
yerare.

18 Usã dutiyere yeye mehna
yuhdu duamedina ijiepe-
nata ti buheyere cohãhũ.
Sa cohãepenata pari turi ti
buheyere yena ti dutiyere usã
ye pehoerari buhiri potota
buhiri tinata usã.

19 Cohãcjũ dutiyere Moi-
sere tiquiore cũrire ihcãno
sahaeraja mari. Sa yena ti
dutiye mehna ne yuhdusi
mari. Sa yena Cohãcjũ tutu-
aye mehna tiquiore yequina
ijiaja mari.

20 Cristo mehna curusapũ
yariariquina yero saha ijiaja
mari. Sa yena yariariquiro
tiquiro esa tuharo tiquiore
yerariro saha mari esa
tuharo yeraja. Cristo ye tu-
tuaye mehna yeaja. Sa yena

yojopũre Cohãcjũ macunore
wacũ tutuaye mehna ijidu-
cuaja mari. Tiquiro Cohãcjũ
macuno marine cahĩne. Sa
yero mari ye buhirire yariari.

21 Ti dutiyere yeye mehna
quehnoana Cohãcjũ yequina
mari wahagũ Cristo yariari
pehe ne d̄hseati ijieraboaga.
Cohãcjũ marine tiquiore
cahĩdire, Cristo tiquiore yari-
arire ihyo ijiye waro yero
saha ijigũ ye dueraja yuhũ
pehe. Sa yegũ “Dutiye mehna
yuhdugũtja”, ne nisi yuhũ.

3

*Cohãcjũ dutiyere Moisere
tiquiro cũrire, wacũ tutuaye
gũhũre yahuahye Pablo*

1 Yuhũ acaye, m̄sa Gala-
cia cjãna t̄ho masiena
iji wame tire m̄sa. Je-
sucristo curusapũ tiquiore
yariarire buheyere ijipi-
htiyequina tiquina ihñonopũ
m̄sare yahuu. ¿Sa yena
yojopũre tiquiore yere
m̄sa yuhdud̄catire ni
mehoñequina m̄sare tiquina
dojomehnegũ d̄hse yena
tiquinare yuh̄tiri m̄sa?

2 Ahrireta yahu duaaja
m̄sare: Dutiyere m̄sa yeye
mehna Espĩritu Santore c̄no
d̄caerari m̄sa. Quehnoañe
buheye pehere t̄hona Cri-
store m̄sa wacũ tutuaye
mehna Espĩritu Santore c̄no
d̄cari m̄sa.

3 Espĩritu Santo tutuaye
mehna m̄sa Cristo yequina
iji d̄cagũ yojopũre m̄sa basi
dutiye m̄sa yeye mehna
Cohãcjũ cahapũ m̄sa waha

duagũ ñarĩne. Tũho masiena ijire m̄sa, sa yena.

4 ¿Quehnoañe buheyere m̄sa yeri buhiri peye tahari m̄sa ñano yũhd̄na ihyo warota ñano yũhd̄na niyari m̄sa, sa wahana? Ihyo waro ijierare m̄sa sa ñano yũhd̄ri. Dutiye yeye mehna Cohãcjũ caharũ m̄sa waha duana ihyo warota ñano yũhd̄na niboaga m̄sa.

5 ¿Dũhse m̄sa yeri wapa Espĩritu Santore m̄sare ohori Cohãcjũ, m̄sa tũhotugũ? Tiquiro dutiyere m̄sa yeri wapa ohoerari tiquiro. Tiquiro buheyere quehnoano m̄sa tũhogũ ihñano tiquirore m̄sa wacũ tutuari batopũ Espĩritu Santore ohori tiquiro. ¿Cohãcjũ m̄sa watoa tiquiro tutuaye mehna ye ihñono dũhse ijiro boro sa ye ihñojari tiquiro, m̄sa tũhotugũ? Tiquiro dutiyere m̄sa yeri wapa sa ye ihñoedari tiquiro. Tiquiro buheyere quehnoano m̄sa tũhogũ ihñano tiquirore m̄sa wacũ tutuagũ sa ye ihñori tiquiro.

6 Abrahã Cohãcjũre wacũ tutuahye. Tiquiro sa yegũ tiquirore Cohãcjũ “Quehnoariquiro ijire”, ni ihñahye.

7 Sa yena ahri yũhũ niatire masiña m̄sa: Cohãcjũre wacũ tutuayequinata potota Abrahã panamena iji turiayequina ape tjuro cjẽna yero saha ijire.

8 Panopũ Cohãcjũ yere tiquina ojoari pũpũ ohõ

saha ni yahuahye: Judio masa ijieyequina Cohãcjũre tiquina wacũ tutuagũ ihñano “Quehnoañequina ijire”, ni ihñare Cohãcjũ. Tiquiro sa ni ihñatire Cohãcjũ panopũ masiyuro, tiquiro quehnoañe buheyere Abrahãre yahu m̄hta tuhasahye. “Mũhũ mehna ahri yehpa cjẽnare ijipihtiyequinare quehnoano yeitja”, niahye Cohãcjũ Abrahãre.

9 Sa yero Abrahã Cohãcjũre quehnoano tũho wacũ tutuahye. Tiquiro sa wacũ tutuagũ ihñano Cohãcjũ tiquirore quehnoano yeahye. Sa ye apequina masa Cohãcjũre tiquina wacũ tutuagũ, tiquina gũhũre quehnoano yerota Cohãcjũ, Abrahãre tiquiro yeriro sahata.

10 “Ti dutiyere Moisere tiquiro cũri mehna Cohãcjũ yequina wahanata”, ni tũhotuyequina buhiri tiyequina ijire. Tiquiro ojoari pũpũ sata nine: “Cohãcjũ dutiyere tiquiro ya pũpũ tiquina ojoarire ye pehoeyequina buhiri tiyequina ijire tiquina ijipihtiyequina”, ni ojoahye.

11 Cohãcjũ yere tiquina ojoari pũpũ ohõ saha nine: “Cohãcjũre wacũ tutuayequinare ‘Quehnoañequina ijire’, ni ihñare Cohãcjũ. Sa wacũ tutuaye ijipihtiye decori Cohãcjũ mehna sa ijiducuenta”, nine Cohãcjũ yere tiquina ojoari pũpũ. Tiquiro sa nigũ ahri yũhũ niatire mari quehnoano masiaja: Ti dutiyere

tiquina yeye mehna masare quehnoañequina yero saha ihñedare Cohãcjũ.

12 Dutiye yeye mehna Cohãcjũ cahapũ waha du-ayequina Cohãcjũre wacũ tutuerare. Ohõ saha nine Cohãcjũ yere tiquina ojoari pũpũ: “Dutiye yeye mehna quehnoañequina waha du-ayequinare ti dutiye ye pehoru cahmene tiquinare”, nine Cohãcjũ yere tiquina ojoari pũpũ.

13 Sa ye ti dutiye marine buhiri tigũ yere. Mari buhiri tigũ ihñano Cristo pehe tiquiuro basi mari ye buhirire buhiri tiriquiuro waharo, mari buhiri tiborire buhiri ti basahye marine. Cristo tiquiuro buhiri tiatire yahuro ohõ saha ni ojoahye panopũre: “Ijipihtiyequina yucũripũ tiquina duhu ohõriquina buhiri tiriquina ijire”, ni, ojoahye panopũre.

14 Tiquiuro sa ni ojoariro sahata sa yeahye Cristore. Cohãcjũ Abrahãre “Ahri yehpa cjẽnare quehnoano yeitja”, tiquiuro nidiro sahata yero niahye masare. Sa yeahye Cristo mehna. Tiquiuro yariahye judio masa ijieyequinare Cohãcjũ quehnoano tiquiuro yeatire. Sa yero Jesucristo mehna sohtori tiahye Cohãcjũ Abrahãre tiquiuro nidiro sahata. Sa yeahye tiquiore mari wacũ tutuari bato Espĩritu Santore mari cũoatore.

Tiquiuro buherire quitu mehna yahu nemoahye Pablo

15 Yũhũ acaye, masa ye quitu mehna ti yũhũ nidire yahutja mũsare: Tiquina pacũro tiquiuro yariato pano tiquiuro pohne comesatire yahuri pũ ohõ saha ni ojoare. “Yeere yũhũ pohñare ohoutja”, ni ojoare. Tiquiuro sa ni ojoa cũri pũre tiquiuro yariato pano apequiuro pehe ti pũre sijoro saha ni ojoa nemo masiedare. Sa yero ti pũre “Poto ijierare”, ni masiedare.

16 Ti pũre tiquina pacũro tiquiuro pohñene tiquiuro cũriro saha “Mũsare quehnoano yeitja”, Cohãcjũ nino, Abrahãre tiquiuro panamino iji turiariquiuro gũhũre nino niahye. Sa nino apequina tiquiuro panamena iji turiayequinapũre nino niedahye. Ihcãquioreta tiquiuro panamino iji turiariquiuro dihitare nino niahye Cohãcjũ. Tiquiuro Abrahã panamino iji turiariquiuro Cristo ijire.

17 Yojoũpũre quehnoano yahutja mũsare: Abrahã gũhũre Cohãcjũ “Mũsare quehnoano yeitja”, tiquiuro ni cũri bato cuatro ciento treinta cahmari yahũdũri bato tiquiuro dutiye Moiserẽ cũahye. Sa cũno Abrahã gũhũre Cohãcjũ “Mũsare quehnoano yeitja”, tiquiuro nidire boro taro niedahye.

18 Cohãcjũ marine yahũdũoro dutiye mari yeye mehna marine yahũdũoerare. Dutiye yeye mehna mari yahũdũgũ Cohãcjũ “Mũsare quehnoano yeitja”, tiquiuro

nidi pehe duhseati ijier-
aboaga. Marine yuhduoro
taro Cohãcjũ Abrahãre
tiquiro ni cūri mehna sa yero
taro niahye.

19 ¿Sa yero duhse yeatire
tiquiro dutiyere cūri Cohãcjũ?
Tiquiro dutiyere cūahye ti
dutyere mari yuhducarire
mari quehnoano masiatire.
Sa yero panopure Cohãcjũ
“Mũhũ panamino iji turi-
ariquiro mehna masare
quehnoano yeitja”, Abrahãre
tiquiro nidiquiro tiquiro wi-
hiato pano Cohãcjũ dutiyere
cœomahye masa. Sa yero
Cohãcjũ dutiyere tiquiro cūgũ
tiquiro yequina angele pehe
tire duti turiahye. Sa ye
Moisere tiquina cūgũ, tiquiro
pehe masare cū turiahye tja.

20 Ti dutiyere Moise cū
turiagũ Cohãcjũ tiquiro ba-
sita masare cūedahye. Sa
cūedaperota Cohãcjũ “Mũhũre
quehnoano yeitja”, Abrahã
pehere ni cūno, tiquiro basita
sa ni cūahye.

21 Cohãcjũ Moiserere tiquiro
dutyere cūno, to pano
Abrahãre tiquiro nidire
“Abrahãre yuhũ nidiro saha
yesi yuhũ”, nino niedahye
tiquiro. Abrahãre tiquiro
nidiro sahata yero taro
niahye. Tiquiro dutye yeye
mehna Cohãcjũ yequina
wahana ti pje pũrita dutyere
mari yeye mehna quehnoana
wahaboaga mari.

22 Sa yero Cohãcjũ tiquiro
yere tiquina ojoari pũ pehe
ijipihtiyequina ñaňe buhiri
tiyequina tiquina ijiyere

yahuahye. Sa ni yahuahye
Cohãcjũ “Mũsare quehnoano
yeitja”, to pano tiquiro
nidiro sahata yero taro.
Sa yero Jesucristore wacũ
tutuayequinare quehnoano
yere to pano tiquiro nidiro
sahata.

23 Cohãcjũre wacũ tutuati
buheyere marine tiquiro
cũato pano tiquiro dutye
pehe mari ñaňe yerire ma-
rine masigũ ye tuhasari. Sa
ye marine yahuri ti dutye
pehe. Cohãcjũre wacũ tutuati
buheyere marine tiquiro
yahugũpũ tiquiro dutye
marine yahu duhuri.

24 Sa ye Cohãcjũ dutye
pehe Cristo wihiato pano
marine yahuri. Sa yahuri
marine Cristore mari wacũ
tutuaye mehna Cohãcjũ
“Quehnoana ijire”, marine
tiquiro ni ihñatire.

25 Yojopũ pũritare Cristore
mari wacũ tutuari pje ijire.
Ti sa ijigũ tiquiro dutye pehe
marine yahu nemoedare.
Marine duti nemoedare.

26 Sa yena Cristo Jesure
mũsa wacũ tutuaye mehna
Cohãcjũ pohna ijire mũsa.

27 Ijipihtina mũsa Cristo
wame mehna wame yenh-
rina ijina, Cristo Cohãcjũ
macũno tiquiro ijiro sahata
tiquiro pohnata ijire mũsa
gũhũ.

28 Yojopũre pũa curua ijier-
are mũsa. Judio masa ijiena,
judio masa mehna pũa curua
ijierare mũsa. Cahacjãna, ca-
hacjãna ijiena mehna pũa cu-
rua ijierare mũsa. Ũmũa, nu-
mia mehna pũa curua ijier-

are m̄sa. Sa yena ijipihina m̄sa Cristo yequina ijina, ihcā curuata ijire m̄sa.

²⁹ Sa yena Cristo yequina ijina, Abrahā panamena iji turiana yero saha ijire m̄sa. M̄sa sa ijina ijigū Cohācjū Abrahāre “M̄sare quehnoano yeitja”, tiqiro nidiro sahata m̄sa gūhure quehnoano yerota tiqiro. Cristo yequina m̄sa ijigū ihñano m̄sare quehnoano yerota.

4

¹ Ohō saha ijire ahri quitimehna yūhū yahu nemogū: Tiqiro pac̄ro came tiqiro yere neatiqiro wahm̄no iji cāhtariqiro ijirop̄ ijipihitiye tiqiro ye ijiepegūta cahacjāno yero saha ijire tiqiro.

² Sa ye tiqiro wahm̄no iji cāhtariqiro ijigū tiqirore ihña ihboyequina tiqiro yere ihña ihbore. Sa yero tiqiro pac̄ro queoriro esagūp̄ tiqiro pac̄ro yere cuorota.

³ Ohō saha wahm̄no iji cāhtariqiro yero saha ijimi mari gūhū. Sa ijina mari ijigū cahacjēnare tiquina dutiro saha ahri yehpa cjē dutiye masa ye dutiye marine dutinimedi.

⁴ Mari sa ijina ijiepegūta tiqiro queori pje esagū Cohācjū tiqiro mac̄nore ohoahye. Sa tiqiro ohogū tiqiro mac̄no ihcācoro nuhmino mehna masa bajuahye. Sa yero tiqiro judio mas̄no masa bajuagū Cohācjū dutiye

Moisere tiqiro cūri tiqirore dutinimahye.

⁵ Mari gūhure ti dutiyeta dutinimahye. Sa yero marine yūhd̄uoatiqirore ohoahye Cohācjū tiqiro mac̄nore, tiqiro pohna mari wahatire.

⁶ Sa yero tiqiro pohna mari ijigū Cohācjū mac̄no tiqiro yaqiro Espiritu Santore mari mehna ijia-tiqirore ohoahye Cohācjū. Tiqiro yaqiro Espiritu Santo pehe Cohācjūre “Mai”, niniquiro ijire.

⁷ Sa yena m̄sa Cohācjū yedohoye mehna cahacjāna ijierare m̄sa yojop̄re. Tiqiro pohna ijire m̄sa. Sa yena tiqiro pohna ijina, Cohācjū tiqiro ohoatire cuonata.

Pablo Galacia cjēnare Jesu yequinare cuesāhye

⁸ Panop̄ Cohācjūre m̄sa masiena ijina “Cohācjū ijire”, m̄sa niñe queoyere ño peona ti queoye cahacjāna ijimahye m̄sa. M̄sa sa ño peoyequina cohāmana waro ijierahye.

⁹ Sa ijirina ijiepenata yojop̄re Cohācjūre masine m̄sa. Ijierare. Tiqiro pūrita m̄sa pehere masine. ¿Tiqiro sa masiepegūta dūhse yena ahri yehpa cjēna ye buheye pehere cahmeajari m̄sa? Ti buheye dūhseati ijierare. ¿Dūhse yena panop̄ m̄sa yeriro sahata Cristo marieno ye duajari m̄sa? ¿Dūhse yena dutiyere m̄sa yeducuri mehnata Cohācjū cahap̄

waha duajari m̄sa? Wahasi m̄sa.

10 Ihquē decorire, ihquē asūrīne, ihquē pohecūrīre, ihquē c̄hmarīne bose decorire dahre dutire m̄sa. “Mari sa yeye mehna dutiye mehna ȳhd̄nata”, ni, t̄hotumene m̄sa.

11 M̄sa sa ni t̄hotugū m̄sare tutuaro ȳh̄ buheri d̄hseati ijieraboaya, ȳh̄ t̄hotugū. Sa yeḡ m̄sare cuesāja.

12 Ȳh̄ acaye ahrīre tutuaro dutiitja m̄sare: Cristore ȳh̄ t̄hoturīro sahata m̄sa ḡh̄ tiquīrore t̄hotuya. Panop̄ dutiye yeye mehna ȳhd̄ du-ayequina ijieramahye m̄sa judiō masa ijiena ijina. Yojop̄ pehere ȳh̄ ḡh̄ m̄sa yero saha wahā, dutiye yeye mehna ȳhd̄ dueraḡ. Sa yena Cristore ȳh̄ t̄hoturīro sahata m̄sa ḡh̄ sata tiquīrore t̄hotuya.

M̄sa mehna ȳh̄ ijigū quehnoano yeri m̄sa ȳh̄re.

13 Dohatiḡp̄ta m̄sare quehnoañe buheyere coã warore buhe d̄cā ȳh̄.

14 Ȳh̄ sa dohatiḡ ijiepegūta ȳh̄re yabierari m̄sa. Sa yena ȳh̄re cohã tojoerari m̄sa. Sa yena Cohãcjū yaquiro angelre, Jesucristo ḡh̄re m̄sa piti caboriro saha ȳh̄re quehnoano piti cari m̄sa.

15 ¿Yojop̄re d̄hse wahari m̄sa bucuēye? M̄sare ahrīre niitja: Purĩñene

d̄cana m̄sa caperire ore we ne ȳh̄re ohoboaya m̄sa.

16 ¿Ȳh̄ mehna cjãna ijiepenata yojop̄re queoro m̄sare ȳh̄ yahuri buhiri ihña tuhtiajari m̄sa ȳh̄re?

17 Sohō ijiriquina m̄sare tutuaro cahmesāre. Tiquina t̄hotuye sijoro saha ijire. Quehnoañe ijierare. Tiquina m̄sare ȳh̄re ȳhd̄d̄cagū cahmene, tiquina pehere ño peo dutiye.

18 Quehnoano mehna m̄sa quehnoano wahati pehe m̄sare tiquina cahmesāgū quehnoarĩboaga. Sa ye top̄re ȳh̄ mariedagū ḡh̄re tiquina sa cahmesāgū quehnoarĩboaga.

19 Ȳh̄ pohñagã, niji wahcōricoro ticoro ñano ȳhd̄ro saha m̄sare ñano wacū t̄hotuaja ȳh̄. Tee Cristo yero saha m̄sa ijiḡp̄ m̄sare wacū duhutja.

20 Mianogã m̄sa mehna ijiḡ tuhtiro marieno bucuēye mehna m̄sa mehna ȳh̄ yahugū quehnoaboaga ȳh̄re. M̄sare pajiro t̄hotuḡ niaja ȳh̄.

Agar Sara mehna tiquina ijirire yahuahye Pablo

21 T̄hoya m̄sa ȳh̄re. Cohãcjū dutiyere yeye mehna ȳhd̄ duana ijiepenata tiquiro dutiye pehere quehnoano masiedare m̄sa.

22 Ohō saha niahye Cohãcjū yere tiquina ojoari p̄p̄: Abrahã p̄aro pac̄ro ijiahye. Tiquiro cahacjōno Agar wame tiricoro mehna ihc̄quirore pohna tiahye. Sa

ye tiquiro namono poto Sara wame tiricoro mehna gūhare ihcāquiro pohna tiahye.

²³ Sa ijiepegūta tiquiro cahacjōno macno masa mari yero saha masa bajaahye tiquiro. Tiquiro namono poto macno pehe "Ihcāquirogā pohna tinata masa", Cohācjū ni yahuriro sahata masa bajaahye tiquiro pehe.

²⁴ Ahri quitu marine quehnoano queoye mehna yahure: Cohācjū pna taha masare "Masare yedohoutja", tiquiro niñe yero saha ijire ahriquina numia pnao numia. Ihcācoro Sinaí wame tidpna Cohācjū dutiyere ohori yero saha ijire. Ticoro Agar ijire. Ticoro mehna mari queoye mehna buhegū judio masa gūhu dutiyere yeducuye mehnata yahdu duayequina ticoro yero saha ijire. Tiquina cahacjēna yero saha ijire.

²⁵ Ticoro Sinaí wame tidu Arabiapna ijidna yero saha ijiricoro ijire. Yojopure Jerusalē cjēna judio masa dutiye yeye mehna yahdu duayequina dutiye cahacjēna yero saha ijire. Sa yeye mari queoye mehna buhegū tiquina ticoro yero saha ijire cahacjōno ticoro ijiro saha. Tiquina Cohācjū pohne ijierare.

²⁶ Mari pehe Cristo yequina ijina Cohācjū pohna ijiaja. Sa yena ahmuse cjāna ijiaja. Jerusalē ahmusepna ijiri maca cjāna ijiaja mari. Topure masa tiquina yahduatire

dutiyere yeye mariedare.

²⁷ Cohācjū yere tiquina ojoari pūpna ohō saha ni ojoahye Cohācjū pohne warore, Sara yero saha ijiricorore yahuro:

Pohna mariego, bucueya. Sa ijigo bucueye mehna sañuducuya, niji wahcōno purinore masiego ijigo. Mūhu pehe manna cohōrigo ijigo apecoro manna tiricoro yahduoro peyequina pohna tigota. Sa yego bucueya, ni ojoahye panopure ticoro pohna tiato pano Sara yero saha ijiricorore yahuro.

²⁸ Yūhu acaye, Cohācjū nidiro sahata Isaac masa bajaahye. Mari gūhu tiquiro yero saha Cohācjū nidiro sahata tiquiro pohna ijiaja mari.

²⁹ Sa ijiepegūta ti pjepure ihyo ijiriquiro yero saha masa bajuariquiro ñano yeahye apequirore Espiritu nidiro sahata masa bajuariquirore. Yojopna gūhare sata ijire Cohācjū yequinare masa ñano yegū.

³⁰ Sa yero ohō saha nine Cohācjū yere tiquina ojoari pūpna: "Cahacjōno macno tiquiro pacno yere cno masiedare. Tiquiro namono poto macno pehe tiquiro pacno yere cno masine. Sa ye tiquiro cahacjōnore ticoro macno mehnata cohācāhna", ni ojoahye.

³¹ Yūhu acaye, ne cahacjōno pohne yero saha ijieraja

mari. Sa yena Abrahã namono poto pohne yero saha ijiaja. (Sa yena Cohãcjũ mari Pacũ yere cũo masiaja.)

5

Cristo marine cahacjẽna yero saha ijiyere tiqũiro duhugũ yeri bato tutuana ijiro cahmene marine

¹ Sa yero mari cahacjẽna yero saha ijirire potota Cristo marine duhugũ yeri. Tiquiro sa duhugũ yeri bato tutuana ijiaja mũsa. Ti dutiye mehna yũhdũ duayequina cahacjẽna yero saha ijimedina pari turi cahacjãna sajãedacãhãna mũsa.

² Yojopũre yũhũ Pablo ahrire yahutja mũsare: "Cuhnucunũ sohtoa cahserogãre mari yũhre nedi mehna yũhdũnata", mũsa ni tãhotugũ Cristo mũsare tiqũiro yedohori dũhseati ijierare mũsare.

³ Ijipihtina ti cahserogãre mũsa yũhre nedi mehna yũhdũ duanare pari turi ohõ saha ni yahutja yũhũ. Ti cahserogãre mũsa yũhre nedi mehna yũhdũ duana, apeye Cohãcjũ dutiyere ye pehoerana, yũhdũsi mũsa.

⁴ Dutiyere yeye mehna yũhdũ duana Cristo pehere cohãri mũsa. Sa yena mũsare Cohãcjũ tiqũiro cahĩñene, tiqũiro yũhdũo duayere duhu cãri mũsa.

⁵ Sa ijiepegũta Espĩritu Santo tutuaye mehna Cohãcjũre mari pehe wacũ tutuaja. Mari sa wacũ tutuagũ "Quehnoana ijire", ni ihãre Cohãcjũ marine.

Tiquiro sa ni ihãgũ marine tiqũiro yũhdũoatire masiaja mari.

⁶ Cristo Jesu yequina ijina cuhnucunũ sohtoa cahserogãre mari yũhre negũ ne dũhseati ijierare. Ti cahserogãre mari yũhre nedagũ gũhũre ne dũhseati ijierare. Sa ijiepegũta Cristo pũritare wacũ tutuana apequinare cahĩnata mari. Ti wacũ tutuaye pehe ihyo waro ijiro niedare.

⁷ Mũsa Cristore quehnoano wacũ tutuamedi. ¿Quehnoañe buheyere mũsare yũhũ acaye judio masa tiquina yũhdũdũca dutigũ dũhse yena tiquinare yũhtiri mũsa?

⁸ Tiquina ye buheye Cohãcjũ mũsare cũriqũiro tiqũiro ye buheye ijierare.

⁹ Ahri yũhũ niatire wacũña mũsa: Mehenogã pã pugũ yeye trigo yũbũre quehnoano ti sehsharo saha yũhũ acaye judio masa ye buheye pehere peyequina mũsa mehna cjẽna cahmeboaga.

¹⁰ Mari pũhtoro Cristore wacũ tutuaja yũhũ. Sa yegũ ahri yũhũ niatire masiaja yũhũ. Cristo yedohoye mehna apeye buheyere camepũre cahmesi mũsa. Tire masiaja yũhũ. Mũsare dojomehne cohteyequina noho ijieyquina ijiaga. Tiquinare Cohãcjũpũ buhiri dahrerota.

¹¹ Yũhũ acaye, "Dutiye yeye mehna yũhdũnata", tiquina ni buheyere yũhũ buhegũ ijigũ judio masa yũhũre ñano yeraboaga. Cristo curusapũ

tiquiro yariarire yahuye buheyere yuhū buheri buhiri tiquina ñano yeri yuhūre. Cristo ye buheye mehna judio masa ye buheyere yuhū buhe moregū yuhūre ñano yeraboaga tiquina.

12 Mūsare dojomehne cohteyequina mūsa cuhnucunū sohtoa cahserogāre yuhre ne dutiyequina tiquina basi dihita yuhre neahdo.

13 Yuhū acaye, “Dutiye mehna yuhdūnata”, ni tūhotu dutierare Cohācjū mūsare. Ti dutiye mehna yuhdūerapenata ti dutiyere yuhdūcaeracāhña mūsa. Sa ye mūsa mehna cjēnare cahme cahña, tiquina cahacjēna yero saha yedohoya tiquinare.

14 Ihcā dutirore quehnoano yena, Cohācjū dutiyere ye pehona niaja mari. Ohō saha ijire ti dutiro: “Mūhū basi mūhū cahño saha mūhū cahapū ijiyequina gūhure cahña”, ni, dutiahye.

15 Sa yena wahiquina yero saha mūsa basi cahme dūse tutueracāhña. Sa yena cahmequedacāhña. Mūsa mehna cjēna “Cristo yere duhuari”, nina, quehnoano yeya mūsa.

Masa ñañene tiquina tutuaro cahmeñene, Espiritu Santo cahmeñe gūhure yahuahye Pablo

16 Espiritu Santo tiquiro cahmeno sahata ijiya mūsa. Sa yena mūsa ñañene mūsa tutuaro cahmeñene yeracāhña.

17 Ñañene mūsa tutuaro cahmegū Espiritu Santo ihña tuhtire. Tiquiro sa ihña

tuhtigū ti ñañene duhu duare mūsa. Sa yena ñañene mūsa tutuaro cahmena, Espiritu Santore ihña tuhtire mūsa. Sa ihña tuhtina tiquiro cahmeno saha yerare mūsa. Sa ye ñañene mūsa tutuaro cahmeñe Espiritu Santo tiquiro cahmeñe yero saha ijierare. Sa ye Espiritu Santo tiquiro cahmeñe ñañene mūsa tutuaro cahmeñe yero saha ijierare ti. Sa yena mūsa cahmeno saha yerare mūsa.

18 Sa yena Espiritu Santo tiquiro cahmeñene yena ijina “Dutiye mehna mari yuhdūnata”, ni, tūhotuerare mūsa.

19 Masa ñañene tiquina yeyere mari quehnoano masi tuhasaja. Ohō saha ijire ti: Numino mehna ñano yeye, amano mehna ñano yeye, wūana tiye, bue tiro marieno ñano yeye,

20-21 “Cohācjū ijire”, tiquina niñe queoyere ño peoye, masare ujuayequina yayia tiquina yeye, ihña tuhtiye, cahme dūse tini wiaye, doeye, usuaye, tiquiro basi dihita cūo duaye, ihña tuhti cahme tu waye, ihcā curua cjēna ape curua cjēnare ihña tuhtiye, apequina yere cooye, masare wejēñe, queheye, queheye bose decorire yeye, ohō saha ijiye ijire ñañene yeye. Panopū mūsare cuaro mehna yuhū nidiro sahata yojopū gūhure nitja: Ti borore yeriquina Cohācjū puhtoro ijiropure uhmūsepure ne esasi.

22 Espiritu Santo pehe ma-

rine ohō saha yena ijigū yere: Masare cahīna, bucuena, cueye mariena, usua mñēna, apequinare quehnoano yena, quehnoana, duhuro marieno Cohācjū cahmeñene yena,

²³ quehnoano mehna yena, tiquina ñaṇe ye duarire yerana ijigū yere marine tiquiro. Sa yeyequinare “Sa yeracāhña”, ne ihcāquiro niedare.

²⁴ Cristo Jesu yequina ijina tutuaro mari ñañene ye duarire cohā tuhasa.

²⁵ Espiritu Santo marine Cohācjū mehna sa ijiducugū yerota. Sa yena tiquiro cahmeno sahata yeducuna ijiihna mari.

²⁶ “Apequinare masi yuhdudcaja usā”, ni, tūhotuna ijieracūhna mari. Sa yena mari mehna cjēnare usuagū yeracūhna mari. Sa yena mari basi cahme coeracūhna.

6

Musa mehna cjēnare yedohoya

¹ Yuhū acaye, ihcāquiro msa mehna cjūno tiquiro ñañene yegū Cristore quehnoano wacū tutuana ijina cahīne mehna tiquirore yedohoya quehnoañene pari turi tiquiro yeatire. Sa yena msa gūhū “Ñañene tutuaro cahmeari”, nina quehnoano yeya.

² Msa mehna cjēna tiquina ñano yuhdugū gūhure yedohoya tiquinare. Msa sa yena

Cristo tiquiro dutiro saha yena ninata msa.

³ Ihcāquiro ihyo ijiriquiro ijieperota “Apequinare masi yuhdudcaja”, ni tūhoturo, tiquiro basi ni mehoñe dihitare tūhoturiquiro ijire.

⁴ Ihquēquina msa sehsaro msa yerire “Ahri quehnoañe ijire. Ahri ñañe ijire”, ni masiña. Sa masina msa yeri quehnoañe ijigū msa basi bucuenata. Sa yena “Apequinare masi yuhdudcaja”, nisi msa. Sa niedana apequinare msa yuhdudcari mehna bucesi msa.

⁵ Sa yero Jesu yaquiro Cohācjū yere tiquiro basi yere. Apequiro masano tiquirore tīre yedoho masiedare.

⁶ Sa yena quehnoañe buheyere buheriquirore apee boro msa cūoyere tiquirore ohoya msa tiquiro buhena.

⁷ Oteyere oteriquiro ñañe pjerire otero ñañe dūcare cūorota. Quehnoañe pjerire otero quehnoañe dūcare cūorota. Ohō saha mari gūhū ñañene yena ñañene cūonata. Sa yero mari ñari buhiri buhiri dahrerota. Quehnoañene yena quehnoañene cūonata. Sa yena quehnoano ijinata. Sa yena “Usā ñañene yegū Cohācjū usāre buhiri dahresi”, ni tūhotueracāhña. Ñañene yeyequina Cohācjūre bujūpeyequina ijire. Cohācjūre bujūpeyequinare buhiri dahrerota tiquiro.

⁸ Mari ñañene tutuaro cahmena, tire yena, ti mehnata yarianata. Sa yena pecapw wahanata. Espíritu Santo pehe tiquiro cahmeñene mari yegū tiquiro marine ijipihtiye decori uhmusepw ijiducugū yerota.

⁹ Sa yena quehnoañene yena tire caributieracūhna mari. Cohācjū tiquiro queori pje ijigū quehnoañene caonata mari caributierana.

¹⁰ Sa yena ijipihtiyequinare mari ihñañequinape quehnoano yeihna mari. Mari acaye Jesu yequina pūritare apequna yuhdoro quehnoano yeihna.

Pablo yahu bato tiro, quehnoa duti bato tiahye

¹¹ Bujm̄ye letra yuhū ojoari mehna ya omoca mehna m̄sare yuhū ojoarire ihñaña m̄sa.

¹² M̄sare cuhnucunū sohtoa cahserogāre yuhre ne dutiyequina masa tiquinare ño peogū cahmene. Cristo curusapw tiquiro yariarire yahuye buheyere mari buheri buhiri masa ñano yere marine. Tiquina sa yegū ihñañe ahriquina m̄sare cuhnucunū sohtoa cahserogāre yuhre ne dutire “Judio masa ye buheyere yeaja”, ñiñe. Sa tiquina ye dutigū judio masa tiquinare ñano yeraboaga. Sa ye ti cahserogāre yuhre ne dutire.

¹³ M̄sare ti cahserogāre yuhre ne dutiyequina pehe Cohācjū tiquiro dutirire ye pehoerare. Sa ye ti cahserogāre m̄sare tiquina

yuhre ne dutiri bato m̄sa yuhdigū ihñañe, judio masa pehe tiquinare m̄sare yuhre ne dutiyequinare ño peoboaga. Tiquina sa ño peotire m̄sare dutire tiquina.

¹⁴ Yuhū pehe masa yuhre tiquina ño peogū cahmeda yuhdūaja. Mari pūhtoro Jesucristo curusapw tiquiro yariari pehere masa tiquina ño peogū cahmesāja yuhū. Sa curusapw tiquiro yariagū ahri yehpa cjē ñañene watīno yuhre tiquiro ye dutigū yerū yuhū. Sa yariaro ti ñañene yuhre cahmedagū yeri tiquiro.

¹⁵ Tiquiro sa yegū Cristo Jesu yequina ijina ti cahserogāre mari yuhre negū ne dūhseati ijierare. Ti cahserogāre mari yuhre nedagū gūhure ne dūhseati ijierare marine. Sa ijiepegūta quehnoañe pehere mari comesagū pūritare quehnoare.

¹⁶ Ijipihtina ahri yuhū buherire yena, potota Cohācjū yequina ijina, cuero marieno quehnoano ijiya m̄sa. Sa yena Cohācjū tiquiro paja ihñano mehna ijiya m̄sa.

¹⁷ Mari pūhtoro Jesu cahacjū yuhū ijiri buhiri yuhū pagure camī tiaja yuhū. Yuhū sa ijirigū ijigū yojopure apequna yuhre cariboeracāhdo.

¹⁸ Yuhū acaye, mari pūhtoro Jesucristo mehna m̄sare ijipihtinare quehnoa dutiaja. Sata ijiahro.

Efesios

*Efeso cjenare ojoa ohoahye
Pablo*

¹ Y_{HH} Pablo m_{HS}are Efeso wame tiri maca cjanare ojoa ohoaja. Y_{HH} Jesucristo yere buhe duti tiquiro cūrig_u iji-aja. Cohācjū tiquiro cahmeno sahata Jesu y_{HH}re tiquiro yere buheacj_ure cūri. Sa yeg_u m_{HS}are Jesucristore sa wacū tutuaducunare ojoa ohoaja y_{HH}.

² Sa yeg_u Cohācjū mari Pac_u mehna, mari p_uhtoro Jesucristo mehna m_{HS}are quehnoa dutiaja. Tiquina yedohoye mehna quehnoano ijiya m_{HS}a.

*Cristo yequina mari ijigū
ihñano Cohācjū quehnoano
yere marine*

³ Cohācjū, mari p_uhtoro Jesucristo Pac_uro marine quehnoano yeducure. Ijipihtiye tiquiro ye _{HH}m_{HS}se cje quehnoañe mehna tiquiro marine quehnoano yeducure. Marine tiquirore quehnoano wacū tutuagū yeducure. Cristo yequina mari ijigū ihñano sa marine quehnoano yeducure. Tiquiro sa yeriquiro ijigū ihñana quehnoano ño peoye mehna tiquirore quehnoano yahuducuuhna.

⁴ Ohō saha yeahye tiquiro marine tiquiro yequinare: Ahri yehpa ijiato pano tiquiro yequina ijianajare

bese tuhasahye tiquiro marine. Sa beseahye marine ñañe mariena mari ijiatire. Sa yena ñañe mariena ijiaja mari, tiquiro ihñagū. Sa yero marine “Ñana ijire m_{HS}a”, nisi tiquiro.

⁵ Marine cahño, paja ihñano panop_u ohō saha niahye tiquiro marine: “Y_{HH} mac_u Cristo yedohoro mehna tiquina y_{HH} pohna ijieta”, ni cūahye marine panop_u. Tiquiro cahmediro sahata sa yeahye tiquiro marine.

⁶ Marine tiquiro sa quehnoano yegū ihñana ño peoye mehna tiquirore quehnoano yahuducuuhna. Tiquiro mac_uno tiquiro cahñiquiro yequina mari ijigū ihñano quehnoano yere marine. Sa yena tiquirore quehnoano yahuducuuhna.

⁷⁻⁸ Cristota ijire marine pecap_u wahaborinare y_{HH}d_uoriquiro. Mari ñañe yerire tiquiro cohāgū ihñano, Cohācjū pehe mari ñañene bore. Cristo mari ñañe buhirire yariaro tiquiro diire cohāhye. Marine tutuaro cahño, marine paja ihñano sa ye dutiahye Cohācjū. Tiquiro masi pehoye mehna sa ye dutiahye tiquiro.

⁹⁻¹⁰ Sa yero marine tiquiro yeatire marine masigū yeri. Panop_u apequinare tire masigū yerahye tiquiro. Ohō saha ijire marine tiquiro yeati: Tiquiro cahmediro sahata tiquiro t_uhoturiro sahata ijipihtiyequinare ihcā curuata Cristo yequina ijigū

yerota. Sa yero ijipihiyere tiqiro ye ijigū yerota. Tiqiro queori pje ijigū uhmuse cjēnare, ahri yehpa cjēna gūhare, ihcā curuata tiqiro yequina ijigū yerota. Sa yero uhmuse cjēne, ahri yehpa cjē gūhare tiqiro ye ijigū yerota. Sa yero Cristo pehe ijipihiyequina puhtoro ijirota. Sa ye ijipihiyere tiqiro ye dihita ijirota. Sa ijiatiqiro iji dutiahye Cohācjū tiqirore.

¹¹ Sa yero Cristo yequina mari ijiatire masino panopu Cohācjū marine bese tuhasahye tiqiro yequina mari ijiatire. Ahri ijipihiyere cūahye tiqiro tuhoturiro sahata, tiqiro cahmediro sahata yero taro.

¹² Sa yeahye tiqiro yere mari yeatire. Mari sa yegū ihñañe apequina tiqirore ño peoye, "Tutuagu ijire mahu", nine. Usā pehe judio masa Jesure cahme ducarina ijina tiqirore wacū tutua maharina iji.

¹³ MUSA gūhu poto yahuducuyereta quehnoañe buheyere tūhori. Ti buheye mehnata Cohācjū cahapu wahanata mUSA. Tire tūhona tiqirore wacū tutuari mUSA. Sa wacū tutuana tiqiro yequina wahari mUSA. Tiqiro yequinare ohō saha niahye Cristo: "MUSA Espiritu Santore ohoutja", ni yahu cūahye. Sa yero tiqirore mUSA wacū tutuagū ihñano Espiritu Santore ohori mUSA. Sa yero Espiritu Santo mUSA mehna ijiro

Cohācjū yequina mUSA ijiye tiyere masigū yere tiqiro pehe.

¹⁴ Cohācjū marine yūhdugū yere. Sa yero came tiqiro cahapu neanota marine. Marine tiqiro neato pano Espiritu Santo pehe Cohācjū yere mari cuoatire masigū yere marine. Cohācjū marine tiqiro sa yegū ihñana tiqirore ño peoye mehna "Quehnoagu ijire mahu", niaja mari.

Pablo Cohācjūre sini basahye Jesu yequinare

¹⁵⁻¹⁶ Cristore mUSA wacū tutuana ijigū ihñagu Cohācjūre sa sini basaducuaaja mUSA. Jesucristore mUSA wacū tutuarire, ijipihiyequina tiqiro yequinare mUSA cahidire tūhogu Cohācjūre "Quehnoare", niaja. Ohō saha tiqirore sini basaja mUSA:

¹⁷ Cohācjū uhmuse cjāno tiqiro yere mUSA quehnoano masiatire sini basaja. Sa yegu tiqirore mUSA quehnoano masiatire sini basaja mUSA. Tiqiro mari puhtoro Jesucristo Pacuro ijire.

¹⁸ Sa yegu mUSA quehnoano masiatire mUSA sini basaja Cohācjūre. Tiqiro mUSA ye yūhduro, tiqiro yequina ijigū yeri mUSA. Tiqiro sa yegū quehnoa yūhdure marine. Tire mUSA masiatire sini basaja mUSA Cohācjūre. Sa yegu marine tiqiro ohoatire quehnoa yūhdure ti ijigū gūhare mUSA masiatire sini basaja.

19 Ohō saha m̄usa masiatire sini basaja m̄sare Cohācj̄ure. Cohācj̄ure wacū tutuana mari ijigū ihñano tiquiro tutuaye mehna marine yedohore. Tutua ȳhd̄uariquiro ijire. Ti gūh̄ure m̄usa masiatire sini basaja Cohācj̄ure.

20 Ti tiquiro tutuaye mehna tiquiro Cristo yariariquirore masoahye. Sa yero ̄hm̄usep̄u tiquiro poto pehep̄u Cristore dujigū yeahye Cohācj̄ū, ijipihtiyequinare tiquiro dutiatio saha.

21 Top̄u dujiro ijipihtiyequina ̄hm̄use cjēna p̄htoa bui, ijipihtiyequina apequina bui ijire Cristo. Sa yero yojop̄are ijipihtiyequina ahri deco cjēna bui p̄htoro ijire. Camep̄u ijipihtiyequina ape deco cjēnap̄u gūh̄ure tiquina bui p̄htoro ijiatiquirota ijire tiquiro.

22 Sa yero ijipihtiyequina bui cūahye Cohācj̄ū Cristore. Sa yero ijipihtiyere c̄oriquiro yeahye tiquirore. Sa yero Cristo yequina ihcā curua ijiyequina bui p̄htoro sōahye tiquirore. Tiquina dapu ijire tiquiro pehe.

23 Cristo yequina ihcā curuata ijina, tiquiro paḡu yero saha ijiaja. Cristo ijipihitrop̄u sa ijiducure. Sa yero ijipihitye tiquiro bajumehnedi mehna sa ijiducure.

2

Cohācj̄ū marine cahño, paja ihñano ȳhd̄uoahye marine

1 Ñañe buhiri tina, pecap̄u butiborina m̄usa ijiepegūta Cohācj̄ū m̄sare ȳhd̄uori.

2 Panop̄are ahri yehpa cjēna Cohācj̄ure ȳhd̄ud̄ucayequina yero saha yemedi m̄usa. Sa yena wat̄ino tiquiro nidiro saha yemedi m̄usa. Tiquiro wat̄ino ahri yehpap̄u dutiriquiro Cohācj̄ure ȳhd̄ud̄ucayequina p̄htoro ijire.

3 Panop̄are ijipihitina mari ohō saha dihita yerina ijimi. Mari ñañe dihitare tutuaro cahmemi. Mari esa tuhoro, mari t̄hoturiro saha yemi. Sa yena ijina ijipihtiyequina apequina yero saha, mari gūh̄u ñana ijimi. Mari sa yena ijigū ihñano Cohācj̄ū mari mehna usuaro, buhiri dahre duamahye.

4 Sa ye duariquiro ijieperota marine tutuaro paja ihñano, quehnoano cahñi marine.

5 Sa cahñi ȳhd̄uaro, mari ñañe buhiri pecap̄u butiborina mari ijiepegūta marine tiquiro mehna sa ijiducuanaja ijigū yeri. Cristo yequina mari ijigū ihñano marine sa yeri. Marine paja ihñano, ȳhd̄uori tiquiro marine.

6 Sa yero Cristo yequina mari ijigū ihñano Cohācj̄ū marine came tiquiro masoatinare cūri. Cristo tiquiro masoatinare cūri marine. Sa yena tiquiro mehna masa m̄ujanata mari. Sa yero ̄hm̄usep̄u marine Cristo mehna ijigū yerota Cohācj̄ū.

7 Ohō saha yeri marine tiquiro paja ihñarire, camep̄u

ijiatiquinare masigū yero taro. Sa yeri tiquiro tutuaro cahĩnene tiquinare masigū yero taro. Cristo yequina mari ijigū ihñano sa yuhd̄ori tiquiro marine.

8 Cristore mari wacū tutuagū ihñano Cohācjū marine pecar̄u wahaborinare yuhd̄ori. Marine paja ihñano, marine cahĩno marine yuhd̄ori. Mari esa tuharo mari quehnoano yeye mehna Cohācjū cahar̄u waha masiedaja mari. Cohācjū pehe marine yuhd̄ore. Sa yero tiquiro mehna mari sa ijiducuatire ohore marine. Tiquiro sa ohogū mari esa tuharo quehnoañene mari yeri wapa ijierare ti.

9 “Ēsā esa tuharo pecar̄u wahaborina yuhd̄u’, ni-boaga”, nino ohō saha duti-ahye tiquiro: Mari esa tuharo yuhd̄u dutierare marine.

10 Cristo yequina ijigū yeri marine Cohācjū pehe quehnoañe dihitare yeanaja mari ijiatire. Panop̄u quehnoañene mari yeatire cū tuhasahye tiquiro marine.

Cristore c̄ona mari quehnoano ijaja

11 Sa yena panop̄u m̄usa ijie tirire yojop̄u gūhare wacūña m̄usa. Cristo yequina ijieranina judio masa ijiena ijina m̄usa acaye yero saha yerina ijimedi m̄usa. Cuhnucun̄u cahserogāre yahre nedari m̄usa. M̄usa sa yahre nedagū ihñana usā judio masa pehe cuhnucun̄u cahserogāre yahre nena pehe m̄usare

ihña tuhtina ohō saha nie tii. “Cuhnucun̄u cahserogāre yahre neeñequina ijie, Cohācjū yequina ijierare”, nie tii m̄usare.

12 Ti pjere Cristo yequina ijierari jimedi m̄usa. Ēsā judio masa pehe Cohācjū beserina ijie tii. Ēsā sa ijigū “M̄usare yuhd̄outja”, ni cūahye Cohācjū usāre. Sa yena m̄usa pehe tiquiro sa ni cūrina ijierari jimedi. Sa ye Cohācjū beseriquinare ihña tuhtina ijimedi m̄usa. M̄usa ñañe buhirire pecar̄u wahanaja ijiri jimedi m̄usa. Cohācjū mariena ijina pecar̄u waha, butiborina ijie tiri jimedi m̄usa.

13 Yojop̄u pehere Cristo Jesu yequina ijire m̄usa. Panop̄u Cohācjūre ihña tuhtirina ijiepenata, yojop̄ure tiquiro yequina ijire m̄usa. Cristo m̄usa ñañe buhiri curusap̄u tiquiro dii cohāri bato Cohācjū yequina ijigū yeri m̄usare.

14 Ēsāre judio masare ihña tuhtina m̄usa ijigū ihñano Cristo marine ihña tuhti dutierari. Masare sa ni yahuriquiro ijire tiquiro. Ēsā judio masa, judio masa ijiena mehna p̄na curua mari ijigū ihñano, tiquiro ihcā curuata ijigū yeri marine. Mari cahme ihña tuhtirire duhugū yeri tiquiro.

15-16 Ohō saha tire yeri tiquiro: Mari ñañe buhirire curusap̄u yariaro marine pecar̄u wahaborinare yuhd̄ori. Sa yuhd̄oro tiquiro yequina ijigū yeri marine. Sa yero p̄na curua

mari ijiepegūta ihcā curuata wahma curua ijigū yeri marine. Sa yero panopu mari cahme ihña tuhtirina mari ijiepegūta marine ihña tuhtieragū yeri. Sa yero judio masa usā dutiyere cohāri tiquiro. Ti dutiye marine puu curua iji dutiri jimedi. Yojoḡure ihcā curuata ijiaja mari. Sa yero Cristo Cohācjū yequina ijigū yeri marine.

17 Sa yero marine cahme ihña tuhtieragū yero taro Cristo quehnoañe buheyere yahuro ahtahye. Mḡsa judio masa ijiena Cohācjū yere cuoerari jimedi. Mḡsa sa cuoeragū ihñano mḡsare yahuro ahtahye. Usā judio masa pehe Cohācjū yere cuou. Usā gūhure yahuro ahtahye. Sa yero ijipihtinare marine cahme ihña tuhtieragū yero, bosaro ahtahye tiquiro.

18 Yojoḡure ijipihtina mari judio masa, judio masa ijiena gūhu mari Pacu mehna quehnoano iji masiaja mari. Espiritu Santo tiquiro yedohoye mehna mari Pacu mehna quehnoano iji masiaja mari. Cristo pehe marine sa ijigū yeri.

19 Sa yena yojoḡure ape dihta cjēna yero saha ijierare mḡsa. Yojoḡure Cohācjū yequinare ihña tuhtina ijierare mḡsa. Cohācjū yequina mehna cjāna ijire mḡsa. Tiquiro ya curua cjāna ijire mḡsa.

20 Cohācjū yere yahu mahtariquina panopu cjēna tiquiro ye yahuducuyere oja, mḡsare yahue tiahye.

Usā gūhu tiquiro yere yahu dutiro tiquiro cūrina gūhu Cristo yere yahue tii mḡsare. Usā ijipihtina sa yahugū tahona, Cristore wacū tutua ducari mḡsa. Quehnoa yuhduariquiro, ñañe marieniquiro ijiro, tiquiro yequina ijigū yeri tiquiro mḡsare. Tiquiro mariedagū mari ne yuhdueraboya.

21 Sa yero tiquiro masiñe mehna marine tiquiro yequinare ihcā curua ijigū yeri tiquiro. Sa yena tiquiro masiñe mehna quehnoana wahaja mari. Mari sa ijigū ihñano, tiquiro mari mehna ijire.

22 Sa yena Cristo yequina ijina ijipihtiyequina apequina tiquiro yequina mehna ihcā curua wahari mḡsa gūhu. Mḡsa sa wahagū Cohācjū yaquiro Espiritu Santo mḡsa mehna ijiro nine.

3

Judio masa ijieyequinare quehnoañe buheyere yahuriquiro ijiahye Pablo

1 Sa yegu yuhu Pablo, Cristo Jesu yere mḡsare ijipihtina judio masa ijienare yuhu yahuri buhiri peresupu ijiaja yuhu.

2 Cohācjū yuhure paja ihñano, yuhure cahño, quehnoañe buheyere mḡsare judio masa ijienare yuhure yahu dutiro, cūri. Tire taho tuhasari mḡsa.

3 Panopu mḡsare tiquiro yahuerarire Cohācjū yojoḡure yuhure masigū yeri.

Ahrire mehenogã yahu, musare ojoa tuhasa.

⁴ Y^hh sa ojoarire buhena Cristo yere y^hh^{re} tiqⁱro masigã yerire masinata m^usã.

⁵ Ti tiqⁱro yahurire panop^u cj^ênare tiqⁱro yahuerahye. Yojop^u pehere usãre Jesu c^urinare, Cohãcj^ũ yere yahu m^uhtariquina g^uh^ure tiqⁱro yahurire masigã yeri Cohãcj^ũ. Tiqⁱro yaqⁱro Esp^íritu Santo pehe usãre masigã ye basari tiqⁱrore.

⁶ Ohõ saha ijire tiqⁱro yahuri: Usã judio masa dihitare Cohãcj^ũ y^hh^uoerare. Judio masa ijieyequina g^uh^ure y^hh^uorota tiqⁱro. Quehnoañe buheyere tiquina quehnoano t^uhog^u y^hh^uorota tiqⁱro tiquinare. Sa yena usã judio masa, m^usa judio masa ijiena mehna ihcã pag^u yero saha ihcã curuata ijiaja mari. Sa yena mari ijipih^tina Cristo Jesu yequina ijina ihcãno saha Cohãcj^ũ “Musare y^hh^uoutja”, tiqⁱro ni c^uriro sahata tiqⁱro y^hh^uonohrina ijiaja mari.

⁷ Cohãcj^ũ y^hh^ure paja ih^ñano, y^hh^ure cah^ño ahri quehnoañe buheyere yahuacj^ure y^hh^ure c^uri. Tiqⁱro masi^ñe mehna sa c^uri y^hh^ure tiqⁱro.

⁸⁻¹⁰ Ijipih^tiequina apequina Jesu yequina docap^u ijieyequina tiquina docap^u waro ijiaja y^hh^u. Y^hh^u sa ijiepeg^uta judio masa ijieyequinare quehnoañe buheyere yahuacj^ure

c^uri Cohãcj^ũ y^hh^ure. Ti buheye Cristo quehnoa y^hh^uariqⁱro tiqⁱro ijiyere, quehnoa y^hh^uye tiqⁱro c^uoyere tiqⁱro ohoatire yahure marine. Y^hh^ure sa c^uno Cohãcj^ũ “Ohõ saha y^hh^uoutja masare pecap^u wahaboriqⁱnare”, nino tiqⁱro y^hh^uoatire quehnoano yahu pehoacj^ure c^uri tiqⁱro y^hh^ure. Sa yero panop^u cj^ênare ti buheyere ne yahu pehoeraniahye Cohãcj^ũ. Ijipih^tiyere bajumehnediqⁱro ijire tiqⁱro. Yojop^ure quehnoañe buheyere yahu dutiro c^uri tiqⁱro y^hh^ure, tiqⁱro quehnoano masi pehoyere masigã yero taro. Masi pehoriqⁱro tiqⁱro ijieye tiyere ^uhm^use cj^êna dutieyequinare, angele p^uhtoa g^uh^ure masigã ye duahye tiqⁱro. Sa yero taro quehnoañe buheyere buhe dutiri marine Jesu yequinare. Musare judio masa ijienare yahu dutiri y^hh^ure.

¹¹ Ahri yehpa ijia^to panop^uta “Masare pecap^u wahaboriqⁱnare y^hh^uoutja” niahye Cohãcj^ũ. Sa nidiqⁱro ijiro yojop^ure mari p^uhtoro Cristo Jesu tiqⁱro yariaro mehna tiqⁱro nidiro sahata marine y^hh^uori Cohãcj^ũ.

¹² Tiqⁱro sa y^hh^uog^u yo- jop^ure Cristore wac^u tutuana tiqⁱro yequina wahaja mari. Tiqⁱro yequina ijina cuero marieno Cohãcj^ũ mehna yahuducu masiaja mari.

¹³ Quehnoañe buheyere

m̄sare yāhū buheri buhiri
yojopare peresupū ijigū yāhū
ñano yāhdūgū ihñana b̄jūa
witieracāhñā. Quehnoañe
buheyere yāhū yahugū
tūhona Cohācjū yequina
wahari m̄sa. Yāhū sa yeri
buhiri peresupū ijiaja. Sa
yegū m̄sa ye ijiatire ñano
yāhdūgū niaja. Sa yena
bucueya m̄sa. Tire tutuaro
bucue dutiaja m̄sare.

*Cristo masare tutuaro
cahñe*

14 Sa yegū ahri ijipihtiye
mari Pacū tiquiro yerire
wacūgū tiquiro poto d̄usepe
curi mehna quehe sagū sini
basaja m̄sare.

15 Tiquiro ijipihtiye cu-
ruri cjēna, tiquiro yequina
ūhm̄seperū ijieyequina, ahri
yehparū ijiniñequina gūhū
tiquina Pacūro ijire. Ijipi-
htina mari Pacū ijire tiquiro.

16 Tiquirore ohō saha ni
sini basaja m̄sare: Tiquiro
masi pehoriquiro ijire. Tutua
yāhdūariquiro ijire. Sa
yero tiquiro masiñe mehna
m̄sare quehnoano tiquiro
wacū tutuagū yeatire sini
basaja. Espiritu Santo yedo-
horo mehna sa yerota.

17 Sa yegū Cristore m̄sa
wacū tutua nemoatire
tiquiro m̄sa mehna tiquiro
quehnoano ijiatire sini
basaja m̄sare. Sa yegū
apequinare quehnoano
cahñā m̄sa ijigū, Cristo
tiquiro tutuaro cahñene
m̄sa masiatire sini basaja
m̄sare.

18-19 Ijipihtiyequina ape-
quina Cohācjū yequina

gūhū Cristo tiquiro tutuaro
cahñene tiquina masiatire
sini basaja. Tiquiro ijip-
ihtieyequina masare cañi
yāhdūariquiro ijire. Sa
cahñiquiro tiquiro ijieye
tiyere m̄sa quehnoano
masiatire sini basaja
m̄sare. Sa yegū tiquiro
cahñene m̄sa masigū
cahmeaja m̄sa mehna
Cohācjū quehnoano ijiatire.
Quehnoa yāhdūariquiro,
ñañe marieniquiro tiquiro
ijiro saha m̄sa wahatire
tiquiro cahñene m̄sa
masigū cahmeaja. Sa yegū
tiquiro cahñene m̄sa masi-
atire sini basaja m̄sare
Cohācjūre.

20 Sa ye Cohācjūre ño peoye
mehna “Tiquiro tutuariquiro
ijire”, niñna mari. Tiquiro
masiñe mehna quehnoañe
pehere comesa masine
tiquiro marine. Marine
quehnoana ijigū ye masine.
Mari sinidi yāhdūoro ye ma-
sine tiquiro. Mari cahmeñene
mari tūhoturi yāhdūoro ye
masine tiquiro.

21 Cristo Jesu yequina
mari ijigū ihñañe, Cristo ijieye
tiye gūhare ihñañe, ijipi-
htiye decori ijipihtiyequina
Cohācjūre ño peohro. Sata
yeahro.

4

*Cristo yequina ijina ihcā
curuata ijiaja mari*

1 Sa yegū m̄sare tutuaro
yahuaja: Cohācjū tiquiro
yequina ijiatinare m̄sare
besee tiahye. Sa yena tiquiro

beserina ijina tiquiro iji dutiro saha quehnoana ijiya m̄sa. Tire m̄sare yahuaja ȳh̄u. Mari p̄h̄torore ȳh̄u yedohori buhiri peresup̄u ijiaja ȳh̄u. Sa ye m̄sare quehnoana iji dutiaja.

2 “Us̄a p̄r̄ita masi ȳh̄d̄uɔcaja”, ni t̄hotuna ijierac̄h̄ña. Apequinare quehnoano mehna yeya usuaro marieno. M̄sa mehna c̄j̄na m̄sare tiquina ñano yepeḡta tiquinare cah̄ñe mehna sa ih̄ña c̄h̄ña.

3 Sa yena Esp̄ritu Santo yedohoye mehna quehnoano mehna ihc̄ño mehna ijiduc̄ya m̄sa. Sa yena cahmequeno marieno ijinata m̄sa.

4 Ihc̄ paḡu yero saha ihc̄ curua ijiaja mari. Sa yero Esp̄ritu Santo ihc̄quirola ijire. Coh̄c̄j̄u tiquiro yequina ijianajare m̄sare besee tiahye m̄sare ȳh̄d̄oro taro. Sa yena tiquiro ȳh̄d̄oatire mas̄ine m̄sa. Ti m̄sa masidi ihc̄nota ijire.

5 Mari p̄h̄toro Cristo ihc̄quirola ijire. Tiquiro buheye ḡh̄u ihc̄nota ijire. Tiquiro yequinare wame yeye ḡh̄u ihc̄nota ijire.

6 Sa yero Coh̄c̄j̄u ihc̄quirola ijire. Tiquiro ijipihtiequina Pac̄ro ijire. Sa yero mari p̄h̄toro ijire. Sa yero ijipihtinare marine yedohore tiquiro. Ijipih̄tina mari mehna ijire tiquiro. Sa yero ijipihtirop̄u ijire tiquiro.

7 Ihc̄ curua mari ijiepeḡta ijipih̄tina marine mari ye masiatire c̄ri Cristo. Tiquiro c̄riro sahata ye masi-

aja mari. Tiquiro marine sa c̄no apee borore tiquiro sa oho c̄riro saha yero nidi tiquiro.

8 Sata nine Coh̄c̄j̄u yere tiquina ojoari p̄p̄u:

Coh̄c̄j̄ure ih̄ña tuhtieyequinare tiquiro ȳh̄d̄uɔcari bato tiquiro pari turi m̄jaa waharota. Sa m̄jano tiquiro peye sa oho c̄nota masare, ni ojoahye panop̄ure.

9 “Tiquiro pari turi m̄jaa waharota”, tiquiro niḡu cōa warore tiquiro dijia tari ḡh̄ure mari masiaja. Ahri yehpap̄ure tiquiro dijia tarire mari masiaja.

10 Sa yero oh̄p̄ure dijia tariquiro tiquirola ijire m̄jaa wahariquiro. Ijipih̄tiye bui m̄jaa wahari tiquiro, ijipihtirop̄u ijiro taro.

11 Tiquiro ijire “Masare peye sa oho c̄riquiro”, tiquina nidiquiro. Masare tiquiro sa oho c̄no saha tiquiro peye tiquina ye masiatire c̄ri masare.

Oh̄ saha c̄ri tiquiro: Ihqūequinare Cristo ye buheyere buheatiquinare c̄ri. Apequinare Coh̄c̄j̄u yere yahu m̄htatiquinare c̄ri. Quehnoañe buheyere buhe tiniatiquinare apequinare c̄ri. Cristo yequina cahmecoañequina p̄h̄toa ijiatiquinare, quehnoano buheatiquinare c̄ri apequinare.

12 Sa dihita c̄ri marine apequinare tiquiro

yequinare mari yedohoatire. Sa cūri marine tiquiro yequinare tiquirore mari wacū tutua nemoatire, tutuana mari wahatire.

¹³ Sa yena mari ijipihina quehnoano mehna ihcāno mehna ijinata. Sata ijiro cahmene marine Cristore wacū tutuana ijina. Sa yena mari ijipihina Cohācjū macanore quehnoano masinata. Sa yena Cristo tutuariquiro, quehnoano masiniquiro tiquiro ijiro saha mari gūhū quehnoano masina wahanata.

¹⁴ Mari sa wahana macanagā yero saha ijisi mari. Macanagā quehnoano tūho masiedarīaga. Apequina tiquina buhegū “Ahri poto ijire”, ni tiquina ni meho buhegū macanagā yero saha ijiequina apeye buheyere tūho, beseducure. Sa ye apequina tiquina sijoro saha buhegū ti buheyere pehere cahmene. Tiquina yero saha ijisi mari.

¹⁵ Ohō saha yematja mari: Mari mehna cjēnare cahme cahīna, poto quehnoañe buheyere yahumatja tiquinare. Sa yena macanagā tiquina bucua tūho masifnequina tiquina wahariro saha mari gūhū tutuana, Cohācjū yere quehnoano masina wahanatja. Cristo ijiro saha wahanata.

Tiquiro ijire mari dapu.

¹⁶ Tiquiro yequina ijina tiquiro pagū yero saha ihcā curuata ijiaja mari. Sa yena mari caperi, mari cahmo,

mari dahpocāri ihcā pagūpū ti quehnoano ijiro saha mari gūhū peyequina ijiepenata ihcāno mehna quehnoano ijiaja. Mari sa ihcāno mehna mari ijiatire Cristo yedohore. Mari omocari mari pagūre ti quehnoano yedohoro saha mari quehnoano yedohoaja apequinare Cristo yequinare. Sa yena mari mehna cjēnare Cristo yequinare quehnoano cahīna, tiquinare quehnoano yedohona, tutuana Cristore wacū tutua nemonā wahanata mari.

Cristo yequina wahana mari ñañe yeyere duhu, quehnoañe pehere comesaja mari

¹⁷ Sa ye mari puhtoro Cristo tiquiro dutiro mehna ohō saha niitja mūsare: Cohācjūre cahmeeñequina waro yero saha yeracāhña mūsa. Tiquina tūhotuye pehe ñañe dihita ijire. Sa ye tiquina tūhotuye dūhseati ijierare.

¹⁸ Sa yero Satana Cohācjū yere tiquinare tūhoeragū yere. Sa ye tiquiro yere ne tūhoerare. Tūho duerare tiquina. Sa ye Cohācjū tiquiro quehnoano iji dutiriro saha ijierare tiquina.

¹⁹ Sa ye tiquina ñano yeye ne bue tiera yūhdūare. Ne bujūa witierare. Ñañene tiquina tutuaro cahmeeñe dihitare yeducure. Ijipihtiye ti ñañene yeducuye duhu duerare.

²⁰⁻²¹ Mūsa pehe poto tiquiro yere tūhona mūsa ijigū, Jesu

yere quehnoano masina m̄sa ijigũ m̄sa pehere tiquina yero saha ye dutierare tiquiro.

22 Sa yena panop̄m̄ m̄sa yerire duhu cãhña. Ti pjere ñañene yeducuna m̄sa ijigũ ti ñañe pehe m̄sare dojomehnenonimedi. “Ñañene yena, quehnoano bucuenata”, ni tãhotuna ijiepenata ne bucuerari m̄sa.

23 Sa ye m̄sa tãhotuyere quehnoañe pehere comesaro cahmene m̄sare.

24 Panop̄m̄ m̄sa ñañe yerire duhu cãhña. Sa yena quehnoañe pehere comesarina ijiya m̄sa. Ohõ saha ijiyequina Cohãcjũ yero saha ijire. M̄sa sa ijina, quehnoañene yeducunata. Sa yena ñañene yabinata m̄sa.

25 Sa yena m̄sa ni mehorire duhu cãhña. M̄sa mehna cjẽnare poto yahuya, ni mehono marieno. Mari ihcã paḡm̄ yero saha ihcã curua cjãnata ijina niaja. Sa yena m̄sa basi ni mehoedacãhña.

26 Apequinare usuana, tiquinare ñano yeracãhña. Sa yena usuana, ne yoari pje usuaducueracãhña m̄sa.

27 Yoari pje usuana, watĩno tiquiro cahmeno saha yena niaga m̄sa. Sa yeracãhña.

28 Ihquẽquina m̄sa mehna cjãna Jesu yequina m̄sa ijiato pano yaquerina ijina pari turi yaqueracãhña. Sa yena yojop̄re quehnoano dahraya pejec̄oyequinare m̄sa ohoatire.

29 Ne ñano yahuducueracãhña. Quehnoañene yahuducuna apequinare yedohore m̄sa. Sa yena quehnoañe dihitare yahuducuya.

30 Ñañene yena Espĩritu Santore buj̄ma wutigũ yena niaga m̄sa. Sa yeracãhña. Yojop̄re pihtiri deco pano Cristo marine tiquiro neato pano Espĩritu Santo marine ihña ihbore marine ñañene ye dutieraro. Sa yero Cristo yequina mari ijiyere masigũ yere tiquiro marine. Sa yena tiquirore buj̄ma wutigũ yeracãhña.

31 Sa yena ne ñano ye nemoedacãhña. Usua, cahme duse tutua nemoedacãhña. Apequinare ñano ni sañuducu nemoedacãhña. Apequinare quti dahre nemoedacãhña. Ne apequinare ñano ni tãhotu nemoedacãhña.

32 Sa ye m̄sa mehna cjẽnare quehnoano mehna quehnoano yeya. Cristo yequina m̄sa ijigũ ihñano m̄sa ñañene bo cãhri Cohãcjũ. Ohõ saha apequina m̄sare tiquina ñano yegũ ihñana tiquina ñañene bo cãhña m̄sa gũh̄m̄.

5

“Cohãcjũ pohnene ohõ saha ijiro cahmene”, ni yahuahye Pablo

1 Sa ye Cohãcjũ pohna tiquiro cahñona ijina Cohãcjũre ihña cũña m̄sa.

2 Sa yena apequinare sa cahĩducuya. Cristo marine

cahño, mari ñañe buhiri yari-
ahye. Sa yariaro Cohãcjüre
bucuegũ yeahye tiqiro. Sa
yena marine tiqiro cahĩdiro
saha m̄sa gũh̄ apequinare
cahña.

3 Sa yena Cohãcjũ yequina
ijina ne numia mehna
ñano yeracãhña. Numia
gũh̄ ɯm̄a mehna ñano
yeracãhña. Apeye ñañene
ohõ saha ijiye ñañene yer-
acãhña. Apee borore cahme
yũhd̄eracãhña. Ne sa yeraro
cahmene m̄sare Cohãcjũ
yequina ijina.

4 Sa yena b̄oyere cahme
yahuducueraro cahmene
m̄sare. Tũho masieñequina
yero saha yahuducuer-
aro cahmene m̄sare. Sa
yena ñano ni b̄j̄uperaro
cahmene m̄sare. Ahri pe-
here yero cahmene m̄sare.
Cohãcjũ mehna yahudu-
curo cahmene m̄sare.
Sa yahuducuna tiqirore
“Quehnoano yeri m̄h̄
usãre”, nino cahmene.

5 Apee borore cahme
yũhd̄ana, “Cohãcjũ ijire”,
mari niñe queoyere mari
cahmeno saha yena niaja
mari tire. Doeri cjẽne ño
peoyequina yero saha yena
niaja mari. Sa ye w̄ana
tiyequina, ñañe dihitare
tũhotuyequina, apee borore
cahme yũhd̄ayequina
Cohãcjũ, Cristo mehna
tiquina p̄h̄toro ijirop̄
ne wahasi tiquina. Tire
quehnoano masiaja mari.

6 Ohõ saha yeyequina
tiquina yeri buhiri buhiri
dahrerota Cohãcjũ tiqirore

yũhd̄ucayequinare. Sa
yena apequina m̄sare “Ahri
ñañe ijierare”, tiquina ni
mehogũ tũhoeracãhña.

7 Sa yena ohõ saha ñano ye
yũhd̄ucayequinare ne piti
tieracãhña.

8 Cristo yequina m̄sa ijiato
pano sa ijirinata ijimedi
m̄sa gũh̄. Yojop̄ pe-
here tiqiro yequina ijina,
Cohãcjüre quehnoano ma-
sine m̄sa. Cohãcjũ yequina
quehnoañene yere. Sa yena
sa yero cahmene m̄sare.

9 Sa yena Cristo yequina
ijina quehnoañene, Cohãcjũ
cahmeñene, ni mehono
marieno yeducunata m̄sa.

10 Quehnoañene mari yegũ
ihñano mari p̄h̄toro Cristo
bucuer. Sa yena tire yeya.

11 Cristore cahmeeñequina
ñañe tiquina yeye ñañe waro
ijire. Sa yena tiquina yero
saha m̄sa pehe yeracãhña.
Quehnoañe buheyere Cristo
yere yahuya tiquinare. Sa
yena tiquina ñañe yeyere
tiquinare masigũ yeya.

12 Masa ihñenop̄ tiquina
ñano ye cohtere. Tiquina sa
yerire yahuducuna mari b̄e
tiboaga. Sa yeye ña yũhd̄aro
yere tiquina.

13 Sa yena tiquinare
quehnoañe buheyere mari
yahuna, ña yũhd̄ayequina
tiquina ijiyere masigũ yena
niaja mari tiquinare. Ijip-
ihtiyeyere mari yerire marine
masigũ yere quehnoañe
buheye, buhrioro marine ti
ihña masigũ yero sahata.

14 Ti ijirota ijire. Sa ye ohõ
saha ni yahure Cohãcjũ yere

yahuyequina:

Ne, yuhure tũho duena, tũhoya m̄sa. M̄sa ñāne yeyere bujma witi, tire duhuya. Cristo m̄sa ñāne yeyere masigũ yerota, ni yahure.

15 Sa yena decoripe quehnoano yeya m̄sa. Tũho masieñequina yero saha ijieracãhña. Tũho masina ijiya.

16 Yojoꝛũ cjēna masa ña yuhduaro yeducure. Sa yena m̄sa pehe quehnoañene, Cristo yere sa yeducuya m̄sa.

17 Sa yena tũho masiena ijieracãhña. Cohãcjũ cahmeñene quehnoano masiña. Sa yena tire yeya.

18 Sa ye pairure sihni queheracãhña. Queheyequinare ñano yuhduro cua yuhduare. Sa yena pairure tutuaro cahmedacãhña. Espĩritu Santo pehere tutuaro cahmeña m̄sa mehna tiquiro quehnoano ijiatire. Tiquirore quehnoano yuhtiya.

19 Sa yena m̄sa basi Cohãcjũre ño peo basayere cahme yahuducuya. Sa yena Salmore Cohãcjũ yere basayere, apeye tiquirore ño peo basaye gũhare tiquirore basa peoya m̄sa. Quehnoano wacũ ño peoye mehna basa peoya. Sa yena mari puhtoro Cristore ño peoya.

20 Cohãcjũ mari Pacu ijipihtiyere m̄sare tiquiro ohorire bucue “Quehnoare”,

sa niducuya m̄sa tiquirore. Mari puhtoro Jesucristo yequina ijina mari Pacure “Quehnoare”, sa niducuya m̄sa.

“M̄sa ihcã wuhũ cjēna Jesu yequina ijina, ohõ saha yeya”, ni yahuahye Pablo

21 Sa ye m̄sa mehna cjēnare cahme ño peoye mehna yuhtiya. Sa cahme ño peo yuhtina Cristo gũhare ño peona nine m̄sa.

22 M̄sa namosãnumiare yahutja yojoꝛũre. Mari puhtoro Cristore mari yuhtiro saha m̄sa manũsumũare quehnoano mehna yuhtina numia ijiya.

23 Jesucristo marine yuhduore tiquiro ya curua cjēna mari ijiatire. Sa yero mari tiquiro ya curua cjēna mari puhtoro tiquiro ijiro saha m̄sa manũsumũa m̄sa namosãnumia puhtoa ijire.

24 Sa yena Cristo yequina ijina tiquirore sa yuhtiducua ja mari. Sata m̄sa namosãnumia m̄sa manũsumũare quehnoano yuhtiducuna numia ijiya.

25 M̄sa manũsumũa pehere yahutja yojoꝛũre. Cristo marine tiquiro yequinare cahño, mari ye ijiatire yariahye. Sa yena marine tiquiro cahĩdiro saha m̄sa gũhu m̄sa namosãnumiare quehnoano cahĩducuya.

26 Cristo mari ye ijiatire yariahye mari ñāne yerire cosero taro. Tiquiro buheye quehnoañe buheye mehna mari ñāne yeyere cosere. Sa yero tiquiro yequina

mari ijigũ ihñano aco mehna marine wame yere.

²⁷ Sa cosere marine tiquiro yequina ijianare yero taro. Tiquiro sa cosegũ ne ñaño buhiri mariena ijinata, tiquiro ihñagũ. Sa yena quehnoana, Cristo yero saha ijinata.

²⁸ MUSA namosãnumiare cahña, MUSA basi MUSA pagurire MUSA cahño saha tiquina numiare cahña. Mari namonore cahña mari pagure cahña niaja.

²⁹⁻³⁰ Ne mari pagurire ñano wahagũ cahmedaja. Mari ihyayere ihyana quehnoano yena niaja mari pagurire. Cristo yequina ijina tiquiro pagu yero saha tiquiro ya curua cjãna ijiaja mari. Sa yero marine quehnoano yere tiquiro. Sa yena Cristo marine tiquiro quehnoano yeriro sahata mari gũhu mari pagure quehnoano yeaja. Mari namosãnumia gũhure sata quehnoano yero cahmene marine.

³¹ Sata nine Cohãcjũ yere tiquina ojoari pũpu: “Sa ye amano tiquiro pacusumhare wijiario tiquiro namono mehna ijirota. Sa ye tiquina puaro ijiepetahcãquiro yero saha ijietta”, ni ojoahye panopu.

³² Ahri tiquiro ojoarire apequna quehnoano tũhoerari jiri. Sa yegu tire ohõ saha ni yahutja musare. Ohõ saha ni yahuro niaga. “Cristo tiquiro yequina mehna ihcã pagu yero saha ihcã curuata ijire”, ni yahuro niaga.

³³ Sa yegu musare ohõ saha ni yahu nemoutja tja: MUSA pagurire MUSA cahño saha MUSA namosãnumiare cahña. Sa yena MUSA manusumhare quehnoano ño peoya MUSA.

6

¹ YojoPURE macanagãre yahutja. Mari puhtoro Cristo yequina ijina MUSA pacusumhare quehnoano yuhtiya. MUSA sa yegũ quehnoarĩne.

²⁻³ Ohõ saha niahye Cohãcjũ dutiye: “MUSA pacusumhare quehnoano ño peoya”, ni dutiahye tiquiro. Ahri dutiro mehna Cohãcjũ yahu nemoahye. Ohõ saha niahye: “MUSA pacusumhare ño peona, ahri yehpau yoari pje bucueye mehna ijinata MUSA”, ni yahuahye. Tiquiro sa ni yahugũ ahri dutiro ihyo ijiri dutiro ijierare. Sa yena tiquiro nidiro saha MUSA pacusumhare ño peoya.

⁴ YojoPURE tiquina pacusumhare yahutja: MUSA pohnare sa tuhtiducueracãhña, “Usuagũ yeari”, nina. Mari puhtoro Cristo tiquiro cahñe mehna tiquiro yedohoye mehna tiquinare quehnoano cohteya. Sa yena tiquinare quehnoano yahuya.

⁵ YojoPURE cahacjãnare musare yahutja: Cua pesaro mehna, ño peoye mehna ahri yehpa cjẽnare MUSA puhtoare quehnoano yuhtiya. Ni mehono marieno

quehnoano yahtiya. Cristore m̄sa yahtiro sahata tiquinare yahtiya m̄sa.

⁶ Tiquina ih̄noo dihitare yahtina ijierac̄h̄ña. Sa yeyequina masa dihitare tiquinare ih̄ña bucuēḡu cahmene. M̄sa pehe Cristo tiquiro cahacj̄ana m̄sa ijiro saha m̄sa p̄h̄toa ḡuh̄re sa yahtiducuya. Coh̄cj̄u tiquiro cahmeno sahata quehnoano bucuēye mehna yahtiya.

⁷ Sa yena Cristore yahtina m̄sa ijiro saha bucuēye mehna yahtiya m̄sa p̄h̄toa ḡuh̄re. “Masa dihitare yahtina niaja”, ni tuhotuerac̄h̄ña.

⁸ Sa yena ahrire wac̄ñ̄a: Ijipihtina quehnoañene mari yeḡu ih̄ñano Coh̄cj̄u quehnoano yerota marine. Cahacj̄enare, cahacj̄ena ijieyequina ḡuh̄re quehnoano yerota.

⁹ Yojop̄re p̄h̄toare yahutja: M̄sa cahacj̄enare quehnoano yeya. Tiquinare quehnoano yuh̄u ye dutiro sahata yeya m̄sa ḡuh̄u tiquinare. Tiquinare tuhtiperac̄h̄ña. Uhm̄se cj̄eno Coh̄cj̄u potota tiquina p̄h̄toro ijire. M̄sa yaquiro p̄h̄toro ijire tiquiro ḡuh̄u. Sa yena ijipihtina m̄sa tiquiro cahacj̄ana dihita ijire. Sa yero tiquiro ihc̄ño saha ih̄ñare m̄sare ijipihtinare. Sa yena m̄sa cahacj̄enare tuhtiperac̄h̄ña.

Cristo yequina wat̄nore tiquina cahmotarire yahuahye Pablo

¹⁰ Ahrire yahu bato tiitja m̄sare: Quehnoano wac̄ñ̄u tutuana ijiya m̄sa. Mari p̄h̄toro Cristo m̄sa mehna ijire. Sa yena tiquiro ye masiñe mehna wac̄ñ̄u tutuana ijiya.

¹¹ Wat̄no marine ni mehono, ñ̄ano ye dutire marine. Coh̄cj̄u marine cahmotare mari ñ̄añene yeborire. Marine tiquiro cahmotaye surara tiquiro cahmotari suhtiro, come suhtiro yero saha ijire. Sa yena ti suhtirore m̄sa sañano saha Coh̄cj̄u tiquiro cahmotayere quehnoano c̄uo pehoya.

¹² Jesu yequina mari ijiḡu, marine ih̄ña tuhtieyequina masa waro ijierare. Uhm̄se cj̄ena ijimediquina ñ̄añequina, tutuayequina, tiquina pehe ijire marine ih̄ña tuhtieyequina. Wat̄ia ahri yehpa cj̄ena p̄h̄toa ijire. Sa ye tiquina ḡuh̄u ijire marine Jesu yequinare ih̄ña tuhtieyequina.

¹³ Sa yena yojop̄re cahmotari suhtirore m̄sa sañano saha Coh̄cj̄u m̄sare tiquiro cahmotatire tiquiro yere quehnoano c̄uo pehoya. Sa yena wat̄no m̄sare tiquiro ñ̄ano ye dutiḡu, m̄sare tiquiro ñ̄ano ye duaḡu, tiquirore cahmotanata. Sa yena yuh̄d̄ucanata. Sa tiquirore yuh̄d̄ucana, tutuana tojoanata m̄sa.

¹⁴ Sa yena tutuana ijiya. Coh̄cj̄u m̄sare tiquiro cahmotatire oh̄ saha yeya m̄sa:

Surara tiquiro come suhtiro mehna tiquiro

jeripohnare cahmotariro saha poto yahuyere Cohãcjũ yere quehnoano tũhoya m̄sa watĩnore m̄sa cahmotatire. Sa yena Cristo yedohoye mehna quehnoana ijiya m̄sa, watĩnore m̄sa quehnoano cahmotatire.

15 Surara tiquiro dahpo suhti mehna tiquiro dahpocãrine tiquiro cahmotariro saha quehnoañe buheyere quehnoano masiña m̄sa, watĩnore m̄sa cahmotatire. Ti buheye marine quehnoano ijigũ yere.

16 Surara tiquiro tohoriro mehna tiquiro cahmotariro saha Cristore quehnoano wacũ tutuaducuya m̄sa watĩnore m̄sa cahmotatire. Bueye cjũ mehna tiquiro sihã m̄sare tiquiro buedoqueboro saha watĩno m̄sare ñano yegũ ye duare. Sa yena Cristore quehnoano wacũ tuana, cahmotanata m̄sa.

17 Surara tiquiro come sapea mehna tiquiro dapure cahmotariro saha m̄sare pecapũ wahaborinare Cristo yũhdũorina ijiya m̄sa, watĩnore m̄sa cahmotatire.

Surara tiquiro ñoseni pjĩ mehna tiquiro cahmotariro saha Cohãcjũ ye buheyere quehnoano masiña m̄sa, quehnoano m̄sa cahmotatire. Sa yena apeqũinare quehnoano yahuya tiquiro yere. Ti Cohãcjũ ye buheyere Espĩritu Santo marine yahure.

18 Sa m̄sa watĩnore cahmotana Cohãcjũre decoripe sa siniducuya. Espĩritu Santo

yedohoye mehna sa siniducuya. Sa yena quehnoano wacũ masiña. Sa sinina, caributieracãhña. Ijipihtiyequina Cohãcjũ yequinare sa sini basaducuya.

19 Sa yena yũhũ gũhũre sini basaya Cohãcjũre. Ohõ saha ni sini basaya: Quehnoañe buheyere, panopũ tiquina masiedarire quehnoano yũhũ yahuatire sini basaya yũhũre. Sa yena cuero marieno yũhũ yahuatire sini basaya yũhũre.

20 Cristo tiquiro yere yahu dutiro yũhũre ohori. Yũhũ sa yahuri buhiri peresupũ ijiaja yojopũre. Ohõpũ yũhũ ijiepegũta cuero marieno tiquiro yere yũhũ yahuatire sini basaya yũhũre. Tiquiro yere yahuacjũ ijigũta niaja yũhũ.

Pablo quehnoa duti bato tiahye

21 Yojopũre Tĩquico m̄sa cahapũ esaro yũhũ ijiye tiyere m̄sare yahu pehorota. Tiquiro mari acayũro mari cahĩniquiro ijire. Sa yero mari pũhtoro yere quehnoano yedohoriquiro sa ijiducure.

22 Uãã ijiye tiyere m̄sare yahu dutigũ tiquirore ohogũ niaja m̄sa quehnoano bucueatire.

23 Cohãcjũ mari Pacũ mari pũhtoro Jesucristo gũhũ tiquina mehna m̄sa ijipihĩnare usã acayere quehnoa dutiaja. Cristore m̄sa quehnoano wacũ tutuaye mehna m̄sa cahme cahĩatire Cohãcjũre sini basaja m̄sare.

24 Ijipihtiyequina mari
pũtorore Jesucristore sa
cahĩducuyequinare Cohãcjũ
mehna quehnoa dutiaja.

Filipenses

Peresupꝑ ijiriquiro ahri pũre oja ohoahye Pablo

¹ Yꝑꝑ Pablo, Timoteo mehna Jesucristo cahacjãna ijiaja ʘsã. Sa yena ijipihinare mꝑsare quehnoanare Jesucristo yequinare Filipino cjãnare quehnoa dutiaja ʘsã. Mꝑsare, mꝑsa pꝑhtoa gũhure, mꝑsare yedohoyequina gũhure oja ohoaja yꝑꝑ, Pablo.

² Sa yena Cohãcjũ mari Pacꝑ, mari pꝑhtoro Jesucristo mehna mꝑsare quehnoa dutiaja. Tiquina yedohoye mehna quehnoano ijiya mꝑsa.

Pablo Jesu yequinare Cohãcjũre sini basahye

³⁻⁶ Cohãcjũ mꝑsare quehnoañe pehere comesagũ yero nine. Sa yero mꝑsare tiquiro sa ye dꝑcariro sahata sohtori dahrerota tiquiro. Sa yena Jesucristo ahri yehpapꝑre tiquiro wihigũpꝑre ñañe mariena ijinata mꝑsa. Sa yena coã waropꝑre Jesu yequina mꝑsa ijiri bato, yojopꝑ gũhure yedohore mꝑsa yꝑꝑre quehnoañe buheyere yꝑꝑ buhegũ. Mꝑsa sa yegũ ihñagꝑ Cohãcjũre “Quehnoare”, niaja yꝑꝑ. Mꝑsare wacũgꝑ sa dihita niaja yꝑꝑ. Mꝑsare Cohãcjũre sini basagꝑ, bucueye mehna sini basaja.

⁷ Mꝑsare yꝑꝑ sa tꝑhotugũ quehnoarĩne. Quehnoañe

buheyere “Poto tjire”, pꝑhtoare yꝑꝑ tutuaro ni yahuducugũ mꝑsa yꝑꝑre yedohori. Poto ti buheyere ijigũ yꝑꝑ tiquinare yahugũ mꝑsa yꝑꝑre yedohori. Peresupꝑ yꝑꝑ ijigũ gũhure mꝑsa yꝑꝑre yedohori. Sa yero Cohãcjũ marine quehnoano yero, tiquiro ye buheyere cũri marine. Mꝑsa yꝑꝑre yedohori. Sa yena ti buheyere yꝑꝑ mehna mꝑsa buheboriro saha yena nine mꝑsa, yꝑꝑre yedohona. Sa yegꝑ yꝑꝑ jeripohna mehna tutuaro wacũaja yꝑꝑ mꝑsare.

⁸ Jesucristo cahĩñe mehna tutuaro mꝑsare wacũaja yꝑꝑ. Yꝑꝑ sa wacũgũ Cohãcjũ tire masine.

⁹ Mꝑsare ohõ saha ni sini basaja yꝑꝑ Cohãcjũre: Cohãcjũ yere quehnoano masiñe mehna, tꝑho masi pehoye mehna apequinare mꝑsa cahĩ nemoatire sini basaja yꝑꝑ mꝑsare Cohãcjũre.

¹⁰ Quehnoa yꝑꝑdꝑyere mꝑsa masiati gũhure sini basaja mꝑsare. Mꝑsa sa masina Cristo ahri yehpapꝑ tiquiro tojoa tagũ quehnoañene yena, ñañe buhiri mariena ijinata mꝑsa.

¹¹ Sa yena ijina Cohãcjũ cahmeñene yenata mꝑsa. Mꝑsare sa yegũ yerota Jesucristo pehe. Cohãcjũ quehnoa yꝑꝑdꝑariquiro, tutuariquiro tiquiro ijiyere ihñono taro, ijipihitiyequina tiquirore tiquina ño peoatire tiquiro cahmeñene mꝑsare yegũ

yerota.

Pablo Cristo yaquiro tiquiro ijye tiyere yahuahye

12 Yuhū acaye, ahri yuhū niatire mūsa quehnoano masigū cahmeaja yuhū. Yojopure peresupū yuhū ijiepegūta quehnoañe buheye pehe sa uhūmū tādūcuro nine.

13 Sa ye Cristo yaquiro yuhū ijiri buhiri peresupū yuhū ijirire masi pihtire pūhtoro ya wuhū cĵēna surara. Ijipihitiyequina apequina gūhū ohōpū ijieyehina tire masine.

14 Sa ye peresupū yuhū ijigū ihñañe, peyequina mari acaye Jesu yequina mari pūhtoro Jesure wacū tutua nemoñe nine. Sa wacū tutuaye, cuero marieno quehnoañe buheyere apequinare buhere tiquina.

15 Ihquēquina Cristo yere buheraboriquina ijiepetā yuhūre ihñā cooye, Cristo yere buhere apequinare tiquinare ihñā wahāgū cahmeñe. Apequina pehe quehnoano mehna Cristo yere buhere.

16-17 Quehnoañe buheyere yuhū tutuaro yahuatire Cohācĵū yuhūre tiquiro cūrire quehnoano masine ahriquina pehe. Sa masiñe tiquina cahñe mehna Cristo yere buhere. Apequina pehe yuhūre ihñā tuhtiyē, masare tiquina pehere tiquina ihñā wahāgū cahmeñe, Cristo yere buhere. Sa ye peresupū yuhū ijigū tiquina yuhūre bujūa witiĵū ye duare.

18 Quehnoanota. Cristo yereta buheye nine. Tiquina Cristore poto cahñedapeta Cristo yereta buhere. Apequina pehe quehnoano mehna buhere. Ijipihtiyehina tiquina tiquiro yere buhegū bucueaja.

19 Sa yegū sa bucueducugūta yuhū. Cohācĵūre mūsa sini basari mehna Jesucristo yaquiro Espiritu yedohoye mehna Cohācĵū yuhūre wiorota peresupū ijirigūre. Tire masiaja.

20 Ohō saha yeitja yuhū. Decoripe yuhū yeriro sahata yojopū gūhūre cuero marieno Cristo yere buheaja, masa tiquirore quehnoano tiquina ño peoato saha. Ohō saha ye duaja yuhū yerire yuhū buoro yuhdūerato saha. Catinigū waro ohō saha ye duaja. Tiquina yuhūre wejē duepegūta ohō saha ye duaja.

21 Catinigū Cristo yere yenigūta. Yariagupū pūrita ti yuhdūoro quehnoano tojoagūta yuhū.

22 Sa niepegūta catinigū Cristo yere yuhū ye nemoato saha cati nemo duaja. Sa niepegūta yariaye gūhūre cahmeaja. ¿Dise boro pehere yuhū cahmeboagari? Masiedaja yuhū.

23 Yuhū ohō saha ni yahuducugū mijorñe yuhūre. Cristo mehna tutuaro iji duaja. Sa yegū yojopure tiquiro cahapū waha duaja. Catiye yuhdūoro ahri pehe quehnoa yuhdūūcare.

24 Sa ijiepegūta mū sare yuhū yedohoato saha

catinino cahmene yuhare.

²⁵ Tire masigu ohõru mûsa mehna yuhu ijiniatire masiaja yuhu. Sa ijinigutja Cristore mûsa wacû tutua nemoatire, ti wacû tutuaye mehna mûsa bucueatire.

²⁶ Ahri yehrapu ijingu mûsa cahapu pari turi yuhu wahagû mûsa bucuenata. Cristo Jesu yuhare tiquiro yedohogû masina, "Tutuagu ijire mûhu", ni ño peonata mûsa tiquirore.

²⁷ Yojopure ahri dihitare yahutja mûsare. Cristo ye buheye ti nidiro sahata ijiducuya mûsa. Wacû tutuana ijiya. Sa yena cahme tu waro marieno quehnoañe buheyerere yahu tutuaya. Sata yuhu mariedagû gûhure yuhu ijigû gûhure mûsa yegû cahmeaja. Sa ijina mûsa ijigû tuhoo duaja yuhu.

²⁸ Mûsare ihña tuhtiyequinare cueracãhña. Mûsa sa cueragû ihñañe Cohãcjû yequina mûsa ijigû masieta tiquina. Sa masiñe pecapu tiquina wahati gûhure masieta. Sa ye Cohãcjû mûsare tiquiro yuhduoati gûhure masieta. Ohõ saha masigû yere Cohãcjû masare.

²⁹ Cristore mûsa wacû tutuatire Cohãcjû cûri. Ahri gûhure cûri. Cristo yere mûsa yeri buhiri mûsa ñano yuhduati gûhure cûri Cohãcjû.

³⁰ Sa ye Cristo yequina mûsa ijiri buhiri apequina mûsare ñano yere. Mûsare tiquina yeriro saha yuhu gûhure ñano yere tiquina. Mûsa mehna yuhu ijigû

yuhare tiquina sa yegû ihñari mûsa. Yojopu gûhure yuhare tiquina sa yegû tuhooore mûsa. Sa yena mari ihcãno saha ñano yuhduaja.

2

Cristo ihyo ijiriquiro sajãno, ijipihtiyequina pûhtoro ijiatiquiro ijiahye

¹⁻² Cristo mûsare quehnoano jeripohna tigû tiquiro yegû, Cristo tiquiro cahñe mehna mûsa bucuena, yuhare quehnoano bucuegû yeya mûsa. Sa yena Espiritu Santo ijiphtina mûsa mehna tiquiro ijigû apequinare cahña, paja ihñana ijina, yuhare quehnoano bucuegû yeya mûsa. Ahrire mûsa yegû bucueitja: Ihcãno mehna quehnoano jeripohna tiya mûsa. Sa yena mûsa basi cahme cahña. Quehnoano mehna ijiducuya. Sa yena ihcãno mehna quehnoano ijiya.

³ Apequinare yuhduaca dueracãhña. Sa yena sa tuhutu cãhña mûsa. Sa yena apequinare quehnoano ño peo, ohõ saha ni tuhutuya: "Tiquina pehe yuhu yuhduoro quehnoañequina ijire", ni tuhutuya.

⁴ Ihcãquiro apequinare yedoho dueraboaga. Tiquiro yero saha yeracãhña. Apequina gûhure yedohoya.

⁵ Cristo Jesu apequinare yuhduaca dueriquiro tiquiro ijiro saha mûsa gûhu apequinare yuhduaca dueracãhña.

6 Tiquiro pehe Cohãcjũ waro ijieperota “Cohãcjũ mehna ihcãno saha ijigũ wijiasi yũhũ”, ni tũhotuerahye tiquiro.

7 Sa yero tiquiro Cohãcjũ mehna ihcãno saha tiquiro ijiyere wijia, ohõpũ ahtaro masũnota masa bajuaro tiquiro cahacjũno yero saha iji dũcahye.

8 Sa yero tiquiro masũno ihcãno saha pagũ tiriquireo ijiro, ihyo ijiriquireo waro wahahye. Sa waharo “Curusapũ wejẽña tiquirore”, tiquina nigũ tiquiro yũhdũdũcaerahye. Curusapũ yariatiquiro ijieperota tiquiro yũhdũdũcaerahye.

9 Sa yero mari Pacũ ijipihtiyequina tiquina ño peoatiquirore cũahye Jesure. Sa yero ijipihtiyequina apequina pũhtoro sõahye Cohãcjũ tiquirore,

10 ijipihtiyequina ahmũse cjẽna, ahri yehpa cjẽna, yariariquina gãhũ Jesu wamene tũhoyequina tiquina dũsepe curi mehna quehe sa, tiquina ño peoato saha.

11 Sa pũhtoro sõahye tiquirore mari Pacũ, “Jesucristo mari pũhtoro ijire”, ijipihtiyequina tiquina niatiquirore. Sa niñe Cohãcjũre mari Pacũre ño peoye nine.

Cristo yequina buhrioro yero saha ijiye, quehnoano masare yahu, masigũ yere

12 Sa yena yũhũ cahĩna, mũsa mehna yũhũ ijigũ mũsa yũhtiducuriro saha, yojopũ yũhũ yoaropũ ijigũ gãhũre panopũ mũsa yũhtiriro

yũhdũoro yũhtiya yũhare. Sa yena ijipihtina mũsa quehnoana ijina tana Cristo yedohoro mehna ñañene yeracãhña. Sa yena ño peoye mehna apepero marieno Cohãcjũ yere yeya.

13 Cohãcjũ quehnoañe pehere mũsare cahmegũ yero nine tiquiro cahmeno saha mũsa yeato saha. Sa yero tire mũsa yeatire yedohorota Cohãcjũ. Tiquiro sa yedohogũ ti yũhũ nidiro saha yeya mũsa.

14 Ijipihtiyere yena tuhtiro marieno, mũsa basi unureno marieno yeya.

15 Sa yeya mũsa ñañe buhiri mariena, ñañene yerarina Cohãcjũ pohna mũsa ijiatire. Sa yeya mũsa masa ni mehoñequina, ñañequina watoapũ dojomehnenno marieno mũsa ijiato saha. Tiquina ñañequina watoapũ ijina, buhrioro ihña masigũ yero saha quehnoañe buheyere buhena, masigũ yere mũsa ahri yehpa cjẽnare.

16 Ti buheyere mũsa tũho ñehedi bato Cohãcjũ mehna sa ijiducwana wahari mũsa. Ti buheyere ahri yehpa cjẽna pehere mũsa sa buhegũ ihñagũ mũsa mehna bucueitja. Sa yegũ mũsare yũhũ buherire “Ihyo waro buherari ijii yũhũ”, niitja yũhũ. Sa yegũ Cristo ahri yehpapũ tiquiro tojoa tagũ mũsa mehna bucueitja. Sa yegũ bũoro yũhdũsi yũhũ.

17 Cristore mũsa wacũ tutuagũ Cohãcjũ mũsa mehna bucuero. Tiquiro sa

bucuegũ masigu musare Cristo yere yũhũ buheri buhiri yahũre tiquina wejẽ duepegũta bucueitja. Sa yena mari ijipihitina ihcãno saha bucuenata.

¹⁸ Sata musa gãhũre bucuero cahmene yũhũ mehna, came yũhũ sa yariagũ ihñana.

Timoteore, Epafrodito gãhũre yahuahye Pablo

¹⁹ Mari pũhoro Jesu tiquiro cahmegũ sojaro mehna Timoteore musa caharũ oho duaja yũhũ musa ijiye tiyere masigu tũhũ. Sa masigu bucueitja.

²⁰ Ijirota ijire. Timoteo musa quehnoano ijiatire pajiro tũhoture musare. Apequiro tiquiro yero saha ijiriquiro mariedare yũhũ mehna.

²¹ Apequina pehe ijipihitiyequina tiquina cahmeñe dihitare ye duaye, Cristo Jesu tiquiro cahmeñe pehere ye duerare.

²² Timoteo pehe quehnoano yeriquiro tiquiro ijiyere masine musa. Yũhũ macũ yero saha tiquiro yũhũ mehna quehnoañe buheyere yahue tiri. Sa yena usã ihcãno saha Cristo yere buhee tii.

²³ Sa yegũ pũhtoa yahũre tiquina dũhse yeatire masigu, Timoteore musa caharũ oho duaja.

²⁴ Sa yegũ mari pũhoro Jesu yedohoye mehna sojaro mehna yũhũ gãhũ musa caharũ wahaũtja.

²⁵⁻²⁶ Yũhũre yedoho dutina musa Epafroditore ohori yũhũ caharũ. Tiquiro

yũhũ acayaro yũhũ mehna dahrariquiro, yũhũ mehna cjãno, Cohãcjũ yere buhe tutuariquiro ijire. Tiquiro musare tutuaro wacũe tiri. Sa yero tiquiro dohatirire musa tũhogũ masino tiquiro pehe pajiro bũjũa witi tũhoturi. Sa pajiro tiquiro tũhotugũ ihñagũ “Tiquirore musa caharũ oho majare tojoro cahmene yahũre”, ni tũhotuaja yũhũ yojopare.

²⁷ Potota ijire. Tiquiro tutuaro dohatiri. Mehenoyariabo cure yũhdũri. Tiquiro sa tutuaro dohatiepegũta Cohãcjũ tiquirore paja ihñano, yũhdũgũ yeri. Tiquiro yariagũ yũhũ pehe tutuaro bũjũa witiboya. Sa yero Cohãcjũ yũhũ gãhũre paja ihñari tiquirore yũhdũgũ yero.

²⁸ Sa yegũ yojopũ pũritare sojaro mehna tiquirore musa caharũ oho duaja pari turi musa tiquirore ihña, musa jeri sajãno quehnoano. Musa sa bucuegũ ihñagũ yũhũ gãhũ bucueitja.

²⁹ Sa yena tiquirore Epafroditore mari pũhoro yaquirore mari acayarore quehnoano bucueye mehna piti caya. Sa yena apequinare tiquiro yero saha ijiyequinare ño peoya.

³⁰ Tiquiro Cristo yere yedohomehno yariamedi. Musa pehe yũhũ caharũ ijieragũ, yahũre yedoho masiedagũ tiquiro pehe yahũre yedohomedi. Sa yero yariamedi tiquiro.

3

Quehnoano yeye warore yahuahye Pablo

1 Yojoꝑu pūritare ahrire yahutja. Mari pūhtoro yequina ijina bucueya. Ahri buheyere to pano yūhū yahurire pari turi mūsare ni ojoagu bucueaja yūhū. Sa yegu mūsare ahrire yahugu yedohogu niaja mūsare.

2 Quehnoano yeya mūsa. Ñañene yeducueyehina, di-ayea yero saha ijiyequina ñañequina cuhnucunū cahserogāre yūhre ne dutiye, mūsa pagurire yūhre ne duare. Quehnoano yeya mūsa, “Sa ye dutiyequina sijoro saha ni buheari”, nina.

3 Tiquina cuhnucunū cahserogāre yūhre nepeta Cohācjū dutiyere quehnoano yerare. Mari pehe potota Cohācjū dutiyere quehnoano yena ijiaja mari. Espiritu Santo tiquiro yedohoye mehna Cohācjūre ño peoaja mari. Sa yena Jesu yequina mari ijiyere bucueye mehna apequinare mari yahuaja. “Ūsā esa tuharo Cohācjū dutiyere ye peho masiaja”, ne ni tūhotueraja.

4 Sa ni tūhotuerapeguta “Tiquinare doca cū cjā”, tiquina yero saha nidigu ijigu sa tjiboa yūhū gūhū. Apequiro ohō saha ni yūhdūca duare. Yūhū pehe tiquiro yūhdūoro sa niboaga yūhū.

5 Ohō saha yerigu ijimi yūhū: Ocho decori yūhū masa bajuari bato cuhnucunū cahserogāre yūhre nedi jiri

yūhūre. Israe masu ijigu Benjami ya curua cjū ijiaja yūhū. Yūhū pacusumua hebreo masa tiquina ijigū potota hebreo masu warota masa baju. Cohācjū dutiyere potota peho duagu fariseo curua mehna sajāmi yūhū.

6 “Cohācjū ye ijiri”, nigu quehnoano yemi. Sa yegu Jesu yequina pehere ñano yee timi yūhū. Potota Cohācjū dutiyere yegu tire yūhdūcaro marieno ye pehou.

7 Panopūre “Ti quehnoañe ijiri”, ni tūhotumi. “Ti yūhū sa ni tūhoturi panopū yūhū ijie tiri dūhseati ijierari”, ni tūhotuaja yojoꝑure. Sa ni tūhotu dūca yūhū Cristore wacū tutuagu tūhū.

8 Cristo Jesu yūhū pūhtorore yūhū masigū pūrita quehnoa yūhdūare. Sa yegu apeye pehere masa “Quehnoañe ijire”, tiquina nidire “Ti ijipihtiyere dūhseati ijierari”, ni tūhotuaja yūhū. Tire ijipihtiyere duhu cūhū Cristo ye pehere yegu tūhū. Sa yegu tire yūhū cohārire “Ñañe waro ijire”, ni tūhotuu Cristore quehnoano masigū tūhū, tiquiro mehna cjū ijigu tūhū.

9 Sa yero yūhū esa tuharo quehnoano yūhū yeri wapa “Quehnoagu ijire”, ni ihñedare Cohācjū yūhūre. Sa yero Cohācjū dutiye Moiserere tiquiro cūrire yūhū yeri wapa gūhūre “Quehnoagu ijire”, ni ihñedare. Cristore yūhū wacū tutuari bato “Quehnoagu ijire”, ni ihñare tiquiro

yuhure. Cohãcjũ pehe marine buhiri mariena ijigũ yere, tiquirote mari wacũ tutuagũ.

¹⁰ Sa yegũ to pano yũhũ ni tũhotu mũhtamedire duhu cjã Cristore quehnoano masigũ tũhũ. Cohãcjũ tutuaye mehna Cristo masa mũjahye. Ti tutuaye mehna iji duaja. Sa yegũ ti tutuaye mehna quehnoañene ye duaja. Cristo curusapũ yariahye mari ñañe yerire cohãno taro. Sa yegũ tiquiro yere yũhũ yeri buhiri tiquiro yero saha ñano yũhdũ duaja yũhũ gũhũ.

¹¹ Sa yegũ Cristo tiquiro masa mũjariro sahata masa mũjacjũ ijijta yũhũ gũhũ.

¹² Ahri ijipihtiyere sa nigũ, “Cristo yero saha ñañe mariegũ ijiaja”, ni tũhotueraja. Yũhũ sa ni tũhotuerapegũta Cristo tiquiro yaquiro ijigũ ye tuhasari yuhure. Sa yegũ tiquiro yere tiquiro gũhure quehnoano masi duagũ tutuaro mehna tiquiro yere yeaja yũhũ.

¹³ Yũhũ acaye, “Tiquirote quehnoano masi peho tuhasaja”, ni tũhotueraja. Sa ni tũhotuerapegũta ahri pũritare yeaja:

¹⁴ Omaperiquiro tiquiro wapata duariro saha tutuaro yeaja yũhũ, yũhũ wapatarire yũhũ ñeheatu saha. Cristo yaquiro yũhũ ijigũ ihãno Cohãcjũ ti yũhũ wapatarire yuhure ohoro taro ahmũsepũ pijiori yuhure.

¹⁵ Ohõ saha yũhũ tũhoturiro sahata tũhotuya mũsa gũhũ Cristore quehnoano masina.

Sa yero ahri mũsare yũhũ yahurire mũsa tũho dueragũ, sijoro saha mũsa tũhotugũ Cohãcjũ mũsare quehnoano masigũ yerota.

¹⁶ Sa yena tiquiro yere mari masidire quehnoano ye sohtori tiihna.

¹⁷ Yũhũ acaye, mũsa ijipihitina yuhure ihãna cũña. Sa yena apequina mũsã yero saha yeyequinare quehnoano ihãna diho cũña mũsa tiquinare mũsa ihãna cũato saha.

¹⁸ Peye tahari apequina tiquina ijiye tiyere yahuu yũhũ mũsare. Yojopũ gũhure tutuaro bujũna witigũ tiquinareta yahuaja mũsare. Tiquina Cristo curusapũ tiquiro yariari buheyere ihãna yabiyequina ijire.

¹⁹ Tiquina pecapũ waha-tiquina ijire. Tiquina ñañe tutuaro cahmeñe pehere tutuaro ye duare tiquina. Sa ye tiquina bũe tiboyere yeye, tire quehnoañe yero saha tũhoture tiquina. Ahri yehpa cjẽ dihitaro quehnoano tũhoture tiquina.

²⁰ Mari pehere mari ya maca ahmũsepũ ijire. Sa yero topũta marine yũhdũoatiquiro, mari pũhtoro Jesucristo ahtarota. Sa yena tiquiro ahtatire cohtena niaja mari.

²¹ Tiquiro ahtarota mari pagũre pejecũoye pagũre sijoro saha ijiye pagũri dihita comesarota tiquiro. Sa yero tiquiro ya pagũ yero saha quehnoari pagũre asi siteri pagũre ohorota marine

tiquiro tutuaye mehna. Ijip-
ihtiyequina pũhtoro sajãri
tiquiro, tiquiro tutuaye
mehna. Sa yero ijipihtiye
upũro ijire tiquiro ti tutuaye
mehna.

4

*Decoripe mari pũhtoro
mehna bucueya*

¹ Sa yena yũhũ acaye, yũhũ
cahĩna, tutuaro yũhũ wacũna,
yũhũre bucuegũ yena, yũhũ
buhegũ quehnoano tũhorina,
panopũ mũsa wacũ tutuariro
saha mari pũhtoro tutuaro
wacũ tutuaya mũsa.

² Ahrire yahutja mũsare
Evodiare, Síntique gũhũre:
Jesu yequina numia ijire
mũsa. Sa yena cahme dũse
tutuaro marieno quehnoano
mehna ijiducuya mũsa.

³ Mũhũ pehe potota yũhũ
mehna cjũ warota ijire. Mũhũ
gũhũre yahutja: Tiquina nu-
mia yũhũ mehna, Clemente
mehna, arequina yũhũ piti
tiyequina mehna dahrari
quehnoañe buheyere usã
buhegũ. Cohãcjũ tiquinare
ijipihtiyequina wamene ojoa
ohõahye tiquiro ya tjupũ.
Ijipihtiye decori catiyere
tiquiro ohoriquina wamene
tiquiro ojoa ohõri tjupũ ojoa
ohõahye. Sa yegũ tiquina
numiare bosaya mũhũ.

⁴ Decoripe mari pũhtoro
mehna bucueya. Pari turita
yahutja: Bucueya.

⁵ Quehnoano yeya ijipi-
htiyequinare. Mari pũhtoro
Cristo ahtato mehenogã
dũhsare.

⁶ Ne bujũa witi tũhotueracãhũ.
Cohãcjũre quehnoano yahu
pehoya. Sa yena tiquirore
siniña. Sa yena mũsa sini-
dire tiquiro yũhtigũ ihũana
“Quehnoare”, niña tiquirore.

⁷ Mũsa sa yegũ quehnoano
ijigũ yerota mũsare Cohãcjũ.
Tiquiro sa yegũ quehnoa
yũhdũare. Ahri mari
quehnoano ijiye quehnoa
yũhdũare. Sa yero Cristo
Jesu yequina mari ijigũ ma-
rine quehnoano ijigũ yero,
Cohãcjũ marine quehnoano
jeripohna tigũ yerota. Sa
yero bujũa witi tũhotueragũ
yerota marine.

Quehnoañene tũhotuya

⁸ Ahrire yahu bato tigũ
tũhũ niaja mũsare, yũhũ
acaye. Queoro ijiyere,
masa tiquina ño peoyere,
quehnoano yeyere, ñañe
marieñene, bucueyere,
masa “Quehnoañe ijire”,
tiquina niñene tũhotuya
mũsa. Quehnoa yũhdũye
ijigũ tireta tũhotuya. Masa
quehnoañene ihũañe tiquina
bucueye pehere mũsa gũhũ
bucue tũhotuya.

⁹ Mũsare yũhũ buheriro
sahata sa yeducuya mũsa. Sa
yena yũhũre ihũa cũña mũsa.
Mũsa sa yegũ Cohãcjũ mũsare
quehnoano ijigũ yeriquiro
mũsa mehna ijirota.

*Filipo cjẽna Pablora tiquina
ohorire yahuahye tiquiro*

¹⁰ Yojopũ pũrita yoari
pje bato mũsa pari turi
yũhũre wacũna, mũsa yedo-
hoyere bucueaja. Sa bu-
cuegũ mari pũhtoro Cristore

“Quehnoare”, niaja. “Yuhure boaa wahari musa”, niedaja yuhu. Panopure yuhure yedoho duepenata yedoho masiedari musa.

11 Yuhure musa yedohore yahugu yuhure duhsarire musare yahuu tuh niedaja. Musare apee borore cahmegu sa nigu niedaja. Yuhu cuoye mehna iji masiaja yuhu.

12 Apee boro cuoeragu guhu quehnoano iji masiaja yuhu. Sa yegu pajiro cuogu guhu quehnoano iji masiaja. Decoripe ujua ahbagu guhu ducapoa wahaja. Yapigu ijigu guhu ijipoa wahaja. Pajiro cuogu guhu ijipoa wahaja. Yuhure apee boro mariedagu guhure ijipoa wahaja.

13 Cristo yuhure tutuagu yeriquiro mehna ijipihtiyere Cohacju cahmeñene ye masi pehoaja yuhu.

14 Yuhu sa ijiporigu yuhu ijiepeguta yuhu ñano yuhdagu musa yedohona yuhure quehnoano yeri musa.

15 Quehnoañe buheyere yuhu buhe ducagu Macedonia yehparu musa ya yehparu ijirigu yuhu wahagu musa dihita yuhure yedohori. Sa yedohona, musare yuhu buheri wapa musa wapa yero saha yena nidi musa.

16 Sa yena Tesalonicapu yuhu ijiri watoa yuhure yedohona, ihquẽ tahari ohori musa.

17 Apee borore sinigu sa nigu niedaja. Apequinare musa yedohogu Cohacju musare quehnoano yerota. Tiquirore musa yedohori

wapa Cohacju musare tiquiro quehnoano yegu cahmeaja yuhu. Sa yegu yuhure musa yedohore wacugũ yeaja musare.

18 Yojobure yuhure quehnoano oho pehori musa. Yuhu cahmedi yuhduoro ohori musa yuhure. Yuhure Epafrodito mehna musa ohori bato apee boro ne duhsaerare yuhure. Cohacju wuhapu ehme sitiye bue mo, Cohacjũre tiquina quehnoano bucugũ yeriro saha yuhure musa ohori guhu Cohacjũre quehnoano bucugũ yeri.

19 Musa Cristore wacu tutuare. Sa yero ijipihtiyere musare duhsarire ohorota mari Pacu musare, quehnoa yuhduye tiquiro cuoyere.

20 Ijipihtiyere decori mari Pacure Cohacjũre ño peuhna. Sata yeihna.

Pablo quehnoa dutiahye

21 Ijipihtiyequina quehnoañequin Jesucristo yequina quehnoahdo. Mari acaye guhu Jesu yequina yuhu mehna cjenã musare quehnoa dutire.

22 Ijipihtiyequina ohõ cjenã quehnoañequina Jesu yequina quehnoa dutire. Roma cjenã puhtoro ya wahu cjenã purita tutuaro quehnoa dutire.

23 Mari puhtoro Jesucristo cahñe mehna quehnoano ijija.

Colosenses

Colosa cjēnare ojoa ohoahye Pablo gūh

¹⁻² Y^hh^h Pablo mari acay^hro Timoteo mehna m^hsare Colosa cjānare quehnoa duti-aja ^hsā. Y^hh^h Jesucristo yere buhe dutiro tiquiro cūrig^h ijiaja. Cohācjū cahmeno sahata Jesu y^hh^hare tiquiro yere buheacj^hre cūri. Sa yeg^h m^hsare ^hsā acaye Cristore wacū tutuaducunare ojoa ohoaja y^hh^h. Sa yena Cohācjū mari Pac^h mehna m^hsare quehnoa dutiaja. Sa yena tiquiro mehna quehnoano ijiya m^hsa.

Jesu yequinare Pablo sini basahye Cohācjūre

³⁻⁸ M^hsa ye ijiatire Cohācjūre sini basana “Quehnoare”, sa niducujaja ^hsā. Tiquiro pehe mari p^hh^htoro Jesucristo Pac^hro ijire. Ijipihtiye decori ^hhm^hsep^h m^hsare ijigū yerota Cristo pehe. Tiquiro sa yeatiquiro ijigū tire m^hsa sa cohteducu wame tire. Cristo Jesure wacū tutua wame tire m^hsa. Sa yena tiquiro yequinare cahī wame tire m^hsa. M^hsa sa iji wame tigū Cohācjū mehna bucue, tiquirore “Quehnoare”, niaja ^hsā. Ijipihtirop^hre Jesu yequina poto ijiye buheyere quehnoañe buheyere tiquina yahugū t^hhoye masa quehnoañe pehere came-sare. Ahrireta m^hsa gūh^hre Epafra quehnoañe buheyere

yahuri jiri. Tiquiro ^hsā tutuaro cahīniquiro ^hsā mehna Cristore dahra cohteriquiro ijire. Sa yero Cristo yere ne duhuerare tiquiro. M^hsare tiquiro sa yahugū t^hhona, duita quehnoano ye wame tire m^hsa. Sa yena Cohācjū m^hsare tiquiro cahīñene poto masina, duita quehnoano ye wame tire m^hsa. M^hsa sa yerire Epafra yahuri ^hsāre. Espiritu Santo yedohoye mehna Jesu yequinare m^hsa cahīñene yahuri tiquiro ^hsāre. Tiquiro sa yahugū t^hhona “Quehnoare”, niaja ^hsā Cohācjūre.

⁹ Sa yena m^hsare t^hhona m^hsare duita sa sini basadu-cujaja ^hsā Cohācjūre. Cohācjū cahmeñene m^hsa masi pehoatire tiquirore sini basaja ^hsā. Tiquiro yere quehnoano masina m^hsa ijiatire sini basaja ^hsā.

¹⁰ Sa sini basaja ^hsā mari p^hh^htoro Cristo cahmeno sahata quehnoano m^hsa yeatire. M^hsa sa yegū ihñano tiquiro bucuerota. Sa yena ijipihtiye quehnoañene m^hsa yeatire sini basaja. Cohācjūre m^hsa masi nemoatire sini basaja.

¹¹ Ahri y^hh^h yahuati gūh^hre sini basaja ^hsā. Cohācjū tutuaye mehna m^hsa tutuatire m^hsare sini basaja. Sa sini basaja ñano y^hh^hepenata m^hsa ihcāno sahatire. Ñano y^hh^hepenata m^hsa sa t^hhotu cātire, m^hsa bucueye mehna m^hsa sa ijiducuatigūh^hre sini basaja.

¹² Cohācjū tiquiro yequina

ijianare marine yere. Sa yero tiqiro ohoyere c̄oanajare yere marine tiqiro. Tiqiro ijirop̄a buhriorop̄a marine ohorota tiqiro. Tiqiro sa yegū ihñana tiqirore m̄usa “Quehnoare”, niatire sini basaja us̄a m̄usare.

13 Tiquirota marine pecap̄a wahaborinare ȳhdugū yere. Panop̄are ti ñañene ye duhu masiedami mari. Ñariqiro pehe marine dutiriquiro ijinimedi. Coh̄c̄jū pehe marine pecap̄a wahaborinare ȳhdugū yeri. Mac̄nore tiqiro cah̄niqirore p̄htoro s̄ono ūhm̄usep̄a marine ijigū yere. Sa yena tiqiro mac̄no mehna ijinata.

14 Tiquiro mac̄no mehna marine ȳhd̄ore Coh̄c̄jū. Tiquiro mac̄no yariari mehna mari ñañe yerire bori Coh̄c̄jū.

Masa Coh̄c̄jū mehna tiqina cahme ihña tuhtigū ihñano Cristo bosahye

15 Mari Pac̄ore ihñamehnedare. Tiquiro mac̄no pehe tiqiro Pac̄oro ijiye tiyere ihñore masare. Tiquiro mac̄no ijipih̄tiyequina pano, ijipih̄tiye pano iji tuhasari jiri. Sa yero p̄htoro ijire tiqiro.

16 Mari Pac̄a tiqiro dutigū tiqiro mac̄no pehe tiqiro Pac̄oro mehna ijipih̄tiyequinare, ijipih̄tiyere bajumehneahye. Ūhm̄usep̄a ijiyere, ahri yehpap̄a ijiye gūh̄ure bajumehneahye. Mari ihñarire, mari ihñedari gūh̄ure bajumehneahye. Ūhm̄use c̄jēna p̄htoare,

dutiyequinare ijipih̄tiyequinare bajumehneahye. Tiquiro ijipih̄tiyequina gūh̄ure ijipih̄tiye gūh̄ure bajumehneahye. Sa yeye ijipih̄tiyequina tiqiro yequina ijiatiquina ijimahye. Ijipih̄tiye gūh̄a tiqiro ye ijati ijimahye.

17 Ijipih̄tiyequina pano, ijipih̄tiye pano Cristo iji tuhasahye. Sa ye tiqiro tutuaye mehna ijipih̄tiye gūh̄a, ijipih̄tiyequina gūh̄a yojop̄are ijiye nine.

18 Mari tiqiro yequina ijipih̄tina tiqiro paḡa yero saha tiqiro ya curua c̄jāna ijiaja. Sa yero tiqiro mari dapu ijire. Tiquiro yariaro masa m̄aja m̄ah̄tariqiro ijire ijipih̄tiyequina p̄htoro, ijipih̄tiyere c̄oriquiro ijiro taro.

19 Cristo ihc̄āno sahata ijire mari Pac̄a tiqiro ijiro sahata. Tiquiro sa ijigūta cahmeahye mari Pac̄a pehe.

20 Ijipih̄tiyequina masa tiqiro Pac̄ore cahme ihña tuhtie tiahye. Sa tiqina cahme ihña tuhtigū ihñano Cristo bosa duahye. Ūhm̄use c̄jēnare, ahri yehpa c̄jēna gūh̄ure tiqiro Pac̄ore ihña tuhtieragū ye duahye Cristo. Sa yero ūhm̄use c̄jē, ahri yehpa c̄jē gūh̄a quehnoano ijigū cahmeahye tiqiro. Sa bosa duahye tiqiro curusap̄a yariaro, tiqiro diire coh̄āno. Tiquiro Pac̄oro cahmediro sahata yeahye Cristo.

21 M̄usa gūh̄ure sata yeri tiqiro. Tiquiro Pac̄ore

ihña tuhtina tiquiro mehna
cjãna ijieramahye m̄sa gũh̄u.
Ñañene yeri jimedi m̄sa.

22 Tiquiro yariari mehna
tiquiro Pac̄rore m̄sare ihña
tuhtieragũ yeri tiquiro. Sa
yeri tiquiro quehnoana, ñañe
mariena, buhiri mariena
m̄sare ijigũ yero taro.
M̄sa sa ijigũ m̄sare sa
buhiri marienap̄re tiquiro
Pac̄rore ohorota.

23 Sata ohorota, m̄sa
tiquirore wacũ tutuaducugũ.
Sa yerota tiquiro quehnoañe
buheyere m̄sa t̄horire
m̄sa boeragũ. Ti buheyere
quehnoañe buheyere ijipi-
htiyequina ahri yehpap̄re
ijiyequina t̄hori jire. Sa
yeḡu ȳh̄u gũh̄u Pablo ti
buheyereta yahuḡta ijiaja.

*Jesu yequinare yedo-
horiq̄iro ij̄iro, bucueahye
Pablo*

24 Cristo mari ñano yeri
buhirire ñano ȳhd̄uh̄ye. Sa
yeḡu ȳh̄u gũh̄u m̄sare ȳh̄u
buheri buhiri ñano ȳhd̄uḡu
bucueaja. Sa ñano ȳhd̄uḡu
Cristo marine tiquiro c̄r̄ire
ye sohtori tiḡu niaja. Sa
yeḡu bucueaja. Cristo yere
mari yeri buhiri mari ñano
ȳhd̄u nemoati d̄hsar̄ine.
Sa yeḡu tiquirore m̄sa
wacũ tutuatire ñano ȳhd̄uḡu
bucueaja ȳh̄u. Tiquiro paḡu
yero saha ijina tiquiro ya
curua cjãna ijire m̄sa.

25 Jesu yequinare yedo-
hoac̄j̄re c̄r̄i Coh̄ac̄j̄ ȳh̄ure.
M̄sa ye ijiatire yedohoac̄j̄re
ȳh̄ure c̄r̄i tiquiro. Tiquiro

yere masare yahu pe-
hoac̄j̄re c̄r̄i ȳh̄ure.

26 Tiquiro yere peye
c̄hm̄ari panop̄u cj̄enare
yahu pehoera tiahye mari
Pac̄u. Yojop̄u cj̄enare tiquiro
yequinare tire quehnoano
yahu peho c̄h̄re.

27 “Judio masa ijieye-
quinare ȳh̄u buhegũ yee
buheye quehnoa ȳhd̄uare”,
ni tiquiro yequinare tire
yahuri. Panop̄u tiquiro
yahuerarire yojop̄u yahuri.
Ohõ saha ijire tiquiro
ye: Cristo tiquiro yequina
mehna ijire. Tiquiro sa ijigũ
tiquiro yequina āhm̄sep̄u
quehnoa ȳhd̄uap̄u ij̄ieta.
Ti ijire panop̄u tiquina
masiedari mari Pac̄u ye.

28 Cristoreta yahuaja.
Ijipihtiyequinare cuesãḡu
tiquinare buheaja ȳh̄u.
Quehnoano masiñe mehna
buheaja ȳh̄u quehnoano
Cristore masare masigũ yeḡu
taḡu. Sa buheaja ȳh̄u tiquiro
yere tiquina quehnoano
yeyequina ijigũ yeḡu taḡu.

29 Ahri ijire ȳh̄u dahraye.
Mari Pac̄u tiquiro ye tutuaye
mehna ȳh̄ure tiquiro ohori
tutuaye mehna tutuaro
dahraja ȳh̄u, tiquiro yere
buheḡu.

2

1 Ahrire m̄sa masigũ
cahmeaja. M̄sa ye ijiatire,
Laodicea cj̄ena ye ijiatire,
ijipihtiyequina apequina ye
ijiat̄i gũh̄ure tutuaro dahraja
ȳh̄u. Ijipihtina m̄sa ȳh̄ure
ihñena ye ijiat̄i gũh̄ure tutu-
aro dahraja ȳh̄u.

2 Sa dahraja yuhū mūsa quehnoano jeripohna tiatire. Mūsa mehna cjēnare mūsa cahme cahīati gūhure sa dahraja yuhū. Cohācjū ye panopū tiquiro yahuerari Cristore masigū yeye ijire. Tiquiro yere masina tiquirore wacū tutuare mūsa. Tiquirore mūsa quehnoano masiatire, tiquiro mehna mūsa quehnoano ijiatire tutuaro yedohoaja mūsare.

3 Apequina tiquina masiedarire Cristo dihita quehnoano masi peho cāhre. Sa yero quehnoano masiniquiro ijire tiquiro.

4 Ahrire niaja mūsare “Apequina mūsare sijoro saha tūho coaye buheye mehna ni mehoari”, nigū.

5 Yuhū mūsa watoa ijierapegūta yuhū wacūno mehna mūsa watoa ijigū yero saha tūhotuaja. Sa yegū Cristore mūsa quehnoano wacū tutuaducurire, mūsa quehnoano yeri gūhure masigū bucueaja yuhū.

6 Sa yena Cristore mūsa wacū tutua dūcariro sahata sata tiquirore wacū tutuaye mehna decoripe quehnoano ijiducuya.

7 Tiquirore quehnoano masina ijiya mūsa. Sa yena decoripe tiquirore masi nemoña panopū mūsare apequina tiquina buheriro sahata. Sa yena Cristore bucue, “Quehnoare”, niducuna ijiya mūsa.

Cristo yequina ijina, quehnoañe pehere cahmeaja

mari

8-10 Quehnoano yeya mūsa. Masa tiquina esa tuharo tiquina buheye tiquina ni mehoñene tūhoeracāhña. Tiquina panopū cjēna tiquina esa tuharo niñene buhere. Tiquina sa niñe dūhseati ijierare. Ūhmūse cjēna pūhtoa yere, watīa ye gūhure sa buhe maca cāhre. Cristo ye pehere buherare. Cristo mari Pacū ijiro sahata ijiriquiro ijiro, Cohācjū warota ijirota nine. Tiquiro yequina ijina Cohācjū mehna quehnoano ijiaya mari. Tiquirota ijipihitiyequina pūhtoa bui, angele pūhtoa bui gūhure pūhtoro ijire. Tire masina ni mehoñene buheyequinare tūhoeracāhña.

11 Sa yena Cristo yequina ijina cuhnucunū cahserogāre yūhre nediquina yero saha ijire mūsa. Ti cahserogāre tiquina yūhre ne cohāriro sahata Cristo mūsa ñañene tutuaro cahmeñene cohāri.

12 Tiquiro yequina ijina wame yenohrina wahari jiri mūsa. Tiquiro wame yenohrina wahana ohō saha ni ihñona nidi jiri mūsa: Panopū cjē mūsa ñañe yerire mūsa duhurire ihñona nidi jiri mūsa. Ti mūsa ñañe yerire mūsa ya cūboro saha tire duhuri jiri mūsa. Cristo masa mūjano quehnoanopū wahahye. Tiquiro sa wahariro sahata Cohācjūre wacū tutuana “Tiquiro tutuariquiro ijire”, nina, quehnoañe pehere comesari jiri mūsa. Tiquiro Cohācjū pehe Cristore ma-

soriquiro ijire. Tiquiro wame yeno hrina ijina quehnoañe pehere m̄sa camesarire ih̄ña niaga m̄sa.

13 Panop̄re m̄sa ñana m̄sa ijiri buhiri pecap̄ wahaborina ijimahye m̄sa. Sa wahaborina ijimahye m̄sa Coh̄c̄jũ yequina ijierana. Tiquiro dutiye mariena ijimahye m̄sa. Yojop̄re mari Pac̄ marine tiquiro mehna sa ijiducuanare yeri. Cristo tiquiro yariari mehna sa yeri tiquiro marine. Sa yero ijipihtina mari ñañe yerire bo c̄hri jiri tiquiro.

14 Coh̄c̄jũ tiquiro dutiyere yuh̄d̄uca na mari ijiepeḡta tiquiro marine buhiri ti dutierari jiri. Ti dutiye marine buhiri dahre dutiepeḡta ti dutiyere sa ih̄ña c̄hno, marine buhiri ti dutierari jiri. Cristo curusap̄ tiquiro yariari mehna Coh̄c̄jũ pehe mari ñañe buhirire coh̄ c̄hre.

15 Masa tiquina ih̄ñonop̄ wat̄a p̄htoare Coh̄c̄jũ yuh̄d̄uca h̄ye. Ihyo ijieyequina tojoa c̄h̄ye tiquina pehe. Sa yero tiquinare buoro wahagũ yeahye. Curusap̄ yariaro Cristo ñañequina p̄htoare yuh̄d̄uca h̄ye.

Ғm̄use c̄j̄ne Coh̄c̄jũ yere cahmeña

16 Sa ye apequina m̄sa ihyayere, m̄sa sihniñe ḡh̄re ih̄ñañe m̄sare “Buhiri tina ijire”, ni ih̄ñaboaga. Tiquina sa ni ih̄ñagũ sa ih̄ña c̄h̄ña tiquinare. C̄h̄maripe

ijie decorire, as̄ripe ijie decorire, semanaripe ijie decorire bose decori m̄sa yeragũ ih̄ñañe m̄sare “Buhiri tina ijire”, niboaga tiquina. Tiquina sa nigũ sa ih̄ña c̄h̄ña tiquinare.

17 Panop̄ ti ihyo dutiyere, bose decorire ye dutiyere, apeye dutiye ḡh̄re c̄h̄ye Coh̄c̄jũ marine buhero taro. Ti dutiye mehna camep̄ tiquiro yeatire Coh̄c̄jũ ye ih̄ñono niahye. Cristo tiquiro ijie tiatire mehenoḡ ye ih̄ñono niahye masare. “Tiquiro oh̄ saha waharota”, nino sa ye ih̄ñono niahye. Sa yeati ijimahye ti dutiye.

18 Oh̄ saha nimene ti dutiyere ye dutieyequina. “Sijoro saha ijieye bajuagũ ih̄ñau us̄”, niñe, tiquina angelere Coh̄c̄jũre tiquina ño peoboro saha ño peomene. Apequina masa yero saha tiquina ñañene tutuaro cahmeñene t̄hotumene tiquina. Sa ijieyequina ijie “Masi peho c̄j̄ us̄”, ni t̄hotumene tiquina. Sa ye ye tiquina apequinare “Yuh̄d̄ucaeraja”, niñequina, sijoro saha yeeyequina yero saha ye ih̄ñomene m̄sare. Sa ye ye m̄sare tiquinare ih̄ña c̄ dutire. Tiquina sa dutigũ tiquinare sa ih̄ña c̄h̄ña.

19 Sa yepeta Cristo tiquiro dutiro saha ye ye niedare. Cristo pehe tiquiro yequinare dapu yero saha ijire tiquiro yequina p̄htoro ijiro. Tiquiro yequina pehe tiquiro paḡ yero saha

ijiyequina tiqiro ya curua cjēna ijire. Mari cohāri dohoye mari wa dari gāhū mari pagure ihcā pagū ijigū yere. Sata Cristo pehe tiqiro yequinare ihcāno mehna quehnoano mehna ijigū yere. Sa yero Cohācjū pehe tiqiro yequinare tiqirore masi nemogū yere.

²⁰ Sa ye Cristo yequina ijina ñañene ye duhurina ijire m̄sa. Sa yena ahri yehpa cjē ñañe buheyere cahmedacāhña. Ti buheye ʰhm̄sep̄m̄ ijimediquina ñañequina p̄h̄toa ye ijire. Sa yena ti buheyere cahmedacāhña. ¿D̄h̄se yena masa tiquina esa tuharo dutiyere ño peoajari m̄sa?

²¹ Ohō saha ni dutire tiquina esa tuharo dutiyequina: Ahri borore ihyeracāhña. Ahri borore ne ihya tuhueracāhña. Ahri borore piheracāhña. Sata ni, dutire tiquina.

²² Mari apee borore ihyagū duita pihtia wahare. Sa ijiye borore pihtiye borore t̄hotuye nine sa dutiyequina. Tiquina sa dutigū ahri yehpa cjē dutiye dihita ijire ti dutiye. Masa tiquina esa tuharo tiquina buheye dihita ijire ahri buheye. Sa ye d̄h̄seati ijierare.

²³ Ti dutiyere yeyequina Cohācjūre ño peoyequina yero saha ijimene. Sa ijiye apequinare ȳhd̄d̄caeyequina yero saha ye ihñomene. Tiquina pagurire ñano ȳhd̄gū yeye Cohācjūre ño peoyequina yero saha ye

ihñomene tiquina. Tiquina sa yegū tiquina ye dutiye pehe masi pehoyequina ye dutiye yero saha ijimene. Sa ijierare. Ti dutiyere yepeta tiquina ñañene tutuaro cahmeñene duhuerare. Sa ye tiquina ye dutiye pehe d̄h̄seati ijierare.

3

¹ Sa yena Cristo yequina ijire m̄sa. Panop̄m̄ m̄sa ñañe yerire duhu, quehnoañe pehere comesari jiri m̄sa. Sa comesana ijina ʰhm̄se cjēne Cristo yere cahmeña m̄sa. Top̄re mari Pac̄m̄ poto pehep̄m̄ dujire tiqiro.

²⁻³ ʰhm̄se cjē Cohācjū yere quehnoano t̄hotuya m̄sa. Ahri yehpa cjē ñañene wacū n̄n̄edacāhña m̄sa. Cristo yequina ijina ti ñañene wacū duerare m̄sa. Tiqiro pehe ti ñañene cahmotare. Sa yena tire wacū n̄n̄edaro cahmene m̄sare.

⁴ Sa yena Cristo ʰhm̄sep̄m̄ marine sa ijiducuatinare yeriqiro tiqiro ahtagū tiqiro mehna wahanata m̄sa. Sa wahana tiqiro mehna cjāna ijinata.

Cristo yequina mari ijiato panore ñañene yemi mari

⁵ Sa ye ñañene ye duhu cāhña m̄sa: Omoca d̄h̄terina gāhū, d̄h̄terarina gāhū w̄hana tiyere, ña ȳhd̄aro yeyere, apeqiro namonore tutuaro cahmeñene, apecoro man̄nore tutuaro cahmeñene, ñañene tutuaro cahmeñene duhu cāhña m̄sa. Apee borore tutuaro cahmedacāhña. Apee

borore tutuaro cahmena “Cohãcjũ ijire”, tiquina niñe queoyere mari cahmeno sahata yena niaja mari tire. Doeri cjêne ño peoyequina yero saha yena niaga m̄sa.

6 Ti ñañene yeyequina Cohãcjũre yuhduɗɗcayequina ijire. Tiquina sa ye yuhduɗɗcagũ ihñano tiquinare buhiri dahrerota.

7 Panopure m̄sa pehe ti ñañene yena ijina tiquina mehna ijirina ijimahye m̄sa.

8 Sa ijimedina ijiepenata yojopure ahri ñañene duhu peho cãhña m̄sa: Usuayere, apequinare ñano ni tãhotuyere, apequinare ñano quiti dahreyere, ñano yahuducuyere tire ijipihiyere duhu cãhña.

9-10 M̄sa pehe Jesu yequina wahana ti ñañe yeyere duhu tuhasari jiri. Sa yena quehnoañe pehere comesarina ijire m̄sa. M̄sare quehnoañe pehere cahmegũ yero nine Cohãcjũ tiquiroyero saha m̄sa ijiato saha. Sa yere tiquiroyero quehnoano tiquiroyero m̄sa masiato saha. Sa yena m̄sa mehna cjẽnare ni mehoedacãhña.

11 Cristo yequina ijina judio masa, judio masa ijiena gũhũ ihcãno saha ijire m̄sa, Cohãcjũ ihñagũ. Cuhnucunũ cahserogãre yahre nediquina, yahre nedariquina gũhũ Cristo yequina ijie ihcãno saha ijire, Cohãcjũ ihñagũ. Ape yehpa cjẽna, m̄sa masieñequina, m̄sa ya

yehpa cjẽna gũhũ Cristo yequina ijie ihcãno saha ijire, Cohãcjũ ihñagũ. Dahra cohteyequina, dahra cohteyequina ijieyequina gũhũ Cristo yequina ijie ihcãno saha ijire, Cohãcjũ ihñagũ. Jesu ijipihiyequina tiquiroyequina mehna ijire. Ihyo ijiriquiroyero ijierare, tiquiroyequina ihñagũ.

12-13 Sa ye Cohãcjũ bese-rina, quehnoana, tiquiroyequina cahña ijina ohõ saha ijia m̄sa: Apequinare paja ihñana, apequinare quehnoano yena, apequinare quehnoano mehna yena, “Apequinare masi yuhduɗɗcaja”, nienna, m̄sare tiquina ñano yepegũta sa tãhotu cãna ijia m̄sa. M̄sa mehna cjẽna mehna usuana, tiquinare quiti dahrena, m̄sa basi usua duhuya. Mari pãhtoro m̄sa ñañe yerire bori. Sa tiquiroyero bori saha m̄sa gũhũ m̄sa mehna cjẽna m̄sare tiquina ñañe yerire boya.

14 Ahri dutiye yuhduoro ohõ saha ni dutiaja m̄sare: Apequinare cahña. M̄sa sa yena quehnoano ijipihiyequina mehna ihcãno mehna ijinata.

15 Cristo marine quehnoano ijigũ yere unureno marieno mari ijiato saha. Tiquiroyero sa yegũ quehnoano ijia m̄sa basi. Sa yeatinare tiquiroyequina ijiatinare cũahye mari Pacũ m̄sare. Sa yena Cristo pagũ yero saha ihcã curuata ijire m̄sa. Sa ye

Cohãcjãre “Quehnoare”, ni bucuena ijiya m̃sa.

¹⁶ Cristo ye buheyere quehnoano wacũducuya m̃sa. Quehnoano masi buheya tiquiro yere. Cua pesaro mehna tire yahuya. Sa yena Salmore Cohãcjã yere basayere, apeye tiquirore ño peo basayere tiquirore basa peoya. Quehnoano wacũ ño peoye mehna basa peoya. Sa basana tiquiro yere quehnoano wacũña m̃sa. Sa yena Cohãcjãre “Quehnoare”, ni bucuena ijiya m̃sa.

¹⁷ Ijipihtiyere dahse ijiyere m̃sa yeyere quehnoano jeripohna ti yeya, mari p̃htoro Jesu tiquiro bucueto saha. Cristore ño peore m̃sa. Sa yena tiquirore ño peoye mehna quehnoañe dihitare yahuducuya. Sa yena Cristo yedohoye mehna Cohãcjã mari Pac̃re sinina “Quehnoare”, ni bucuena tiquirore.

Jesu yequinare ihcãno mehna iji dutiye ohõ saha ijire

¹⁸ M̃sa mañ tina numia, m̃sa mañsum̃are quehnoano ỹhtiya m̃sa. Sata yero cahmene m̃sare mari p̃htoro Cristo yequina numia ijina.

¹⁹ M̃sa namo tina, m̃sa namosãnumiare cahĩña. Sa yena tiquina numiare tuhtieracãhña.

²⁰ M̃sa tiquina pohna g̃h̃, m̃sa pac̃sum̃are ỹhd̃d̃caeracãhña. M̃sa sa yegũ ihñano mari p̃htoro quehnoano bucuere.

²¹ M̃sa tiquina pac̃sum̃are g̃h̃ m̃sa poh̃nare sa tuhtiducueracãhña “B̃j̃na witigũ yeari”, nina.

²² Cahacjãna, m̃sa p̃htoare ahri yehpa cj̃nare quehnoano ỹhtiducuya. Tiquinare bucue dutina tiquina ihñonop̃ dihitare ỹhtina ijieracãhña. Tiquina mariedagũ g̃h̃re ỹhtiya. Mari p̃htoro Cristore cua pesaro mehna m̃sa ihñano sahata quehnoano mehna ỹhtiya m̃sa p̃htoa g̃h̃re.

²³ Potota Cristo yequina ijina quehnoano ỹhtire m̃sa tiquirore. Sa yena m̃sa p̃htoare ahri yehpa cj̃nare ỹhtina, Cristore m̃sa ỹhtiro saha ỹhtinata nine m̃sa. Sa yena m̃sa p̃htoa tiquina dutiro sahata tutuaro mehna dahraya, Cristo ye dutiye ti ijiboriro saha.

²⁴ M̃sa sa yegũ Cristo m̃sare quehnoano yerota. “M̃sare ohoutja”, tiquiro niñene m̃sare ohorota mari p̃htoro. Tire masine m̃sa. Mari p̃htoro Cristo cahacjãna ijire m̃sa. Sa yero tiquiro pehe m̃sa p̃htoro waro ijire.

²⁵ Tiquina p̃htoare ỹhd̃d̃cayequinare buhiri dahrerota mari p̃htoro pehe. Sa ỹhd̃d̃cayequinare ihcãquiro dahsaro marieno ihcãno saha buhiri dahrerota tiquiro.

4

¹ M̃sa p̃htoa pehe, m̃sa cahacj̃nare poto queoro

quehnoano yeya tiquinare. M_{USA} g_{ĀH} p_{ĀHT}oro c_{ĀORE}. M_{USA} p_{ĀHT}oro m_{USA} c_{ĀOR}iquiro pehe a_Hm_{USE} c_{JĀNO} ijire.

² Decoripe Coh_{ĀC}j_{ĀRE} siniña m_{USA}. Quehnoano wacū t_{ĀHOTU} siniña. Sa yena “Quehnoare”, niña mari Pac_{ĀRE}.

³⁻⁴ Ūsā ye ijiati pehere sini basaya tja. Cristo yere apequina panop_Ā tiquina m_{ASIEDARIRE} buhena ni-aja ūsā. Tiquinare ūsā quehnoano masigū yeati pehere sini basaya mari Pac_{ĀRE}. Cristo yere y_{ĀH} buheri buhiri y_{ĀH} yojop_{ĀRE} peresup_Ā ijiaja. Sa yeg_Ā m_{USA} sa sini basagū cahmeaja tiquiro yere y_{ĀH} quehnoano yahuatire. Cristo dutiriro saha y_{ĀH} yahuati pehere sini basaya.

⁵ Jesu yequina ijieyequina mehna ijina quehnoano yeya m_{USA}. Cristo yere yahuya tiquinare. Tiquina mehna m_{USA} ijiro puno sata quehnoano yeya.

⁶ Tiquina mehna yahuducuna quehnoano buc_Āeye mehna yahuducuya. Quehnoañe dihitare yahuducuya. Apequina m_{USARE} tiquina sinitugū quehnoano masiña m_{USA} y_{ĀHTIATIRE}.

Quehnoa duti bato tiahye Pablo

⁷ Tiquico mari acay_{ĀRO} Jesu yaquiro ijire. Tiquiro y_{ĀH} ijiye tiyere m_{USARE} yahurota. Tiquiro mari cah_{ĪNI}quiro ijire. Cristo yere buhero, ūsā mehna dah_{ĀRI}quiro

ijire. Sa yero Cristo yere ne duhuerare tiquiro.

⁸ M_{USA} cahap_Ā tiquirore ohou y_{ĀH} ūsā ijiye tiyere m_{USA} masino quehnoano. Tiquirore ohou y_{ĀH} m_{USARE} bucuegū yeatiquirore.

⁹ Onésimore mari acay_{ĀRORE} m_{USA} cahap_Ā ohou. Tiquiro g_{ĀH} Cristo yere ne duhuerare. M_{USA} mehna c_{JĀNO} ijire. Tiquina p_{ĀARO} ūsā ohōre d_{ĀHSE} y_{ĀHDĀRIRE} yahueta m_{USARE}.

¹⁰ Aristarco peresup_Ā ijiriquiro y_{ĀH} mehna c_{JĀNO} m_{USARE} quehnoa dutire. Marco g_{ĀH} quehnoa dutire. Tiquiro Bernabé basuriro ijire. Tiquirore yahu tuhas_Ā m_{USARE}. M_{USA} cahap_Ā tiquiro esagū quehnoano mehna tiquirore piti caya.

¹¹ Jesu “Justo”, tiquina ni pisuriquiro quehnoa dutire tiquiro g_{ĀH}. Ahriquina ihtiarota y_{ĀH} mehna dahrayequina judio masa waro ijire. Judio masa waro tiquina dihita Coh_{ĀC}j_Ā yere y_{ĀH} mehna buhere. Sa buheaja ūsā Coh_{ĀC}j_Ā yequina masa wahatire, Coh_{ĀC}j_{ĀRE} tiquina p_{ĀHTORO} tiatire. Tiquina y_{ĀHĀRE} quehnoano yedohoriquina ijire.

¹² Epafra m_{USA} mehna ijiriquiro m_{USARE} quehnoa dutire. Tiquiro Cristore dahra cohteriquiro ijire. Coh_{ĀC}j_{ĀRE} sinino, m_{USA} ye ijiatire tutuaro sini basaducuro nine tiquiro. Coh_{ĀC}j_{ĀRE} quehnoano wacū tutuaducuatiquinare, tiquiro cahmeno saha yeatiquinare m_{USA}

ijiatire sa sini basaducuro
nine tiquiro Cohãcjũre.

¹³ Tiquiro m̄sa ye ijiatire
tuturo sini basare. Laodicea
cjẽna ye ijiatire, Hierapoli
cjẽna ye ijiasi gũhure tiquiro
tuturo sini basare. Tiquiro
sa yeriquiro ijigũ ihñagu
m̄sare yahugũ niaja.

¹⁴ Duturu Luca mari
cahñiquiro m̄sare quehnoa
dutare. Dema gũhũ quehnoa
dutare.

¹⁵ Quehnoahdo mari acaye
Jesu yequina Laodicea cjẽna.
Ninfa gũhũ quehnoahdo.
Jesu yequina ticoro ya
wũhũrũ cahmecoañequina
gũhũ quehnoahdo.

¹⁶ Ahri pũre yũhũ oja oho
pũre m̄sa mehna cjẽnare
m̄sa buhe tuhasari bato
Laodicea cjẽna gũhure ohoya.
Sa yena tiquinare Laodicea
cjẽnare yũhũ oja oho pũre
m̄sa gũhũ buheya.

¹⁷ Sa yena ohõ saha niña Ar-
quipore: “Mari puhtoro Jesu
yaquiro m̄hũ ijigũ tiquiro
yere buheacjũre cũri m̄hũre.
Tiquiro sa cũgũ quehnoano
buhe sohtori tiya m̄hũ”, niña
tiquirore.

¹⁸ Yũhũ Pablo, yũhũ
omoca mehna ahrire ojaaja.
M̄sare quehnoa dutiaja
yũhũ. Peresupũ yũhũ ijiyere
wacũ, sini basaya m̄sa
Cohãcjũre. Quehnoano ijiya
m̄sa. Cohãcjũ cahñe mehna
m̄sare quehnoa dutiaja.

1 Tesalonicenses

Pablo oja ohoahye Jesu yequinare Tesalónica cjēnare

¹ Y^hh^h Pablo, Silvano, Timoteo g^hh^h m^ssare quehnoa dutiaja. Sa yeg^h ahrire m^ssare oja ohoaja y^hh^h, Pablo. M^ssa pehe Tesalónica cjāna mari Pac^h Cohācjū yequina ijire. Mari p^hhtoro Jesucristo yequina g^hh^h ijire m^ssa. Sa yena Cohācjū mari Pac^h, mari p^hhtoro Jesucristo mehna m^ssare quehnoa dutiaja. Tiquina yedohoye mehna quehnoano ijia m^ssa.

Jesu yequina Tesalónica cjēna pehe Jesure quehnoano wacū tutuahye

² Cohācjūre sinina ijipih^htiyequina Jesure m^ssa wacū tutuayere wacūna, “Quehnoa y^hh^hare ^hsāre”, niducuaja ^hsā m^ssare. Cohācjūre sinina, m^ssa ye ijiatire sa sini basaducuna niaja ^hsā.

³ M^ssa pehe Jesucristore quehnoano wacū tutuañ^hohti. Sa wacū tutuana, Jesu yere yeñ^hohti m^ssa. Jesucristore, apequina g^hh^hare m^ssa cahñ^hohti. Sa cahñ^hna, Jesu yere tutuaro yena niaga m^ssa. Jesucristore mari p^hhtoro wacū tutuaduc^hñ^hohti m^ssa. Sa wacū tutuaducuna m^ssare tiquiro y^hh^hoatire masina, tire cohtena niñ^hohti m^ssa. Sa yena tiquirore wacū tutua duhuerañ^hohti m^ssa. Cohācjū

mari Pac^hre sinina, tire m^ssa sa yerire wacūaja ^hsā.

⁴⁻⁵ ^hsā acaye, Cohācjū cahñ^hona ijire m^ssa. M^ssare tiquiro beserire masi-aja ^hsā. Soh^h ijiri pje m^ssare quehnoañ^he buheyere buhena sa yahu cāna nied^h m^ssare. Espiritu Santo tiquiro tutuaye mehna quehnoañ^he buheyere buhena nii m^ssare. Sa buhena ti buheye poto ijigū quehnoano masii ^hsā. Sa yena m^ssa watoa ^hsā ijina, ^hsā yerire masine m^ssa. M^ssare yedohona sa yei ^hsā. M^ssare buherina ijina, Cohācjū beserina m^ssa ijigū masiaja ^hsā.

⁶ Soh^h ijiri pje^hre m^ssa ñano y^hh^hna, quehnoañ^he buheyere cahmedi m^ssa. M^ssa sa cahmegū, Espiritu Santo pehe m^ssare quehnoano bucuegū yeri. Tiquiro sa yegū m^ssa pehe ^hsāre ihñ^ha cū, ^hsā yeriro sahata yeri. Sa yena Jesu g^hh^hare ihñ^ha cūri m^ssa.

⁷ Sa ye Jesu yequina Macedonia yehpa cjēna, Acaya yehpa cjēna g^hh^h Jesu yere m^ssa yerire masidi. Sa masiñ^he tiquina g^hh^h m^ssare ihñ^ha cū, m^ssa yeriro sahata yeri.

⁸ Macedonia yehpa cjēna, Acaya yehpa cjēna g^hh^h mari p^hhtoro yere m^ssa buhegū t^hhooñ^hohti. Cohācjūre m^ssa wacū tutuarire t^hhoriquina pehe tiquina dihita ijierare. Ijipih^htiro cjēna m^ssa wacū tutuarire t^hhooñ^hohti. Sa ye ^hsā tiquinare yahuerapegūta tire

masi tuhasari tiqina.

⁹ Sa ye m̄sa cahap̄ us̄a tinidire, us̄are m̄sa quehnoano piti carire yahuri tiqina ijipih̄tiro c̄j̄nare. Sa yena Coh̄c̄j̄ pehere wac̄u tutuana, “Coh̄c̄j̄ ijire”, ni m̄sa ño peoye queoyere coh̄a c̄ari m̄sa Coh̄c̄j̄ ye pehere yena tana. Tiquiro Coh̄c̄j̄ pehe catiriquiro, Coh̄c̄j̄ waro ijire.

¹⁰ Sa ye “Coh̄c̄j̄ mac̄nore uhm̄sepeu ahtatiquirore Tesalónica c̄j̄na cohteye nine”, ni yahuri masa m̄sare. Tiquiro mac̄nore yariariquirore Coh̄c̄j̄ ma-soahye. Tiquiro sa ma-soḡu tiquiro mac̄no Jesu pehe marine ña yuh̄duaro tiquiro buhiri dahreborinare yuh̄duori jiri.

2

Tesalónica wame tiri macap̄u tiquiro dahrarire yahuahye Pablo

¹ M̄sa cahap̄u ijina us̄a sa iji c̄ana nieda tii. M̄sare quehnoano yedohorina ijie tii us̄a. Tire quehnoano masine m̄sa, us̄a acaye.

² Sa yena Filipop̄u ijina ñano us̄a yuh̄durire, us̄are ñano tiqina yerire quehnoano masine m̄sa. Us̄are tiqina sa yepeḡuta Coh̄c̄j̄ yedohoye mehna cuero marieno Coh̄c̄j̄ yere quehnoañe buheyere buhei us̄a m̄sa ḡuh̄are. Us̄are masa peyequina tiqina ih̄ña tuhtiepeḡuta quehnoañe buheyere buhei us̄a m̄sare.

³ M̄sare buhena quehnoano us̄a masidire buhei us̄a m̄sare. Sa buhena potota m̄sare yedohona nii. M̄sare buhena ni mehoedu.

⁴ Coh̄c̄j̄ cahmeno saha buheaja us̄a. Quehnoañe buheyere buheanare Coh̄c̄j̄ beseri us̄are. Tiquiro sa beserina us̄a ijiḡu tiquiro ye buheyere us̄a buheḡu quehnoar̄ine, Coh̄c̄j̄ ih̄ñaḡu. Sa yena oh̄o saha buheaja us̄a. Masa tiqina ih̄ña bu-cueatire buhena niedaja us̄a. Coh̄c̄j̄ pehe us̄are tiquiro ih̄ña bu-cueatire tiquiro yere buheaja us̄a. Tiquiro pehe mari tuh̄otuyere, mari ye duayere quehnoano masine.

⁵ Quehnoañe buheyere buhena tuh̄o bu-cueati yahuducuye mehna buhena niedu. Queoro quehnoano mehna buhei us̄a m̄sare. Ahrire masine m̄sa. Sa yena us̄a buhena, m̄sare apee borore wapa cahmena niedu us̄a. Ahrire Coh̄c̄j̄ masine. Potota niḡu niaja.

⁶ Sa buhena masa us̄are tiqina ño peoatire yena niedu us̄a. M̄sare apequina ḡuh̄are us̄are ño peo dutina tana niedu.

⁷ Sa ño peo dutierapenata Cristo c̄urina ijiaja. Sa tiquiro c̄urina ijina m̄sare wapa cahmeboya us̄a. Sa yena puhtoa yero saha m̄sare dutina ijiboya us̄a. Sa ijiepenata numino ticoro nijinoḡare ticoro quehnoano masoriro saha quehnoano mehna yei us̄a m̄sare.

⁸ Sa yena m̄sare quehnoano cahmena,

Cohãcjũ yere quehnoañe buheyere buhei usã musare. Sa yena ti dihitare yena niedu musare. Musare quehnoano yedohou, usã catinina. Usã cahĩna musa ijigũ musare sa yedohou usã.

⁹ Sa musare cahĩna tutuaro yedohou usã musare. Tire wacũre musa, usã acaye. Cohãcjũ yere quehnoañe buheyere buhena musa caoyere sini cariboeru musare. Sa yena decori, ñamini gũhure dahrau usã.

¹⁰ Quehnoano, potu, ni mehono marieno musare Jesu yequinare usã yerire masine musa. Cohãcjũ gũhu tire masine.

¹¹ Sa yena ihcãquiro masano tiquiro pohnene tiquiro quehnoano yahu bucuegũ yeriro saha musa gũhure yahuna bucuegũ yei. Tire masine musa.

¹² Cohãcjũ tiquiro puhtoro ijiropu, quehnoa yuhduaropu musare pijiori. Sa yena tiquiro yequina musa ijigũ Cohãcjũ cahmediro sahata musare iji dutii usã.

¹³ Cohãcjũ yere musare usã yahurire musa tuhona, ohõ saha ni tuhaturi musa: "Masa tiquina esa tuharo tiquina buheye ijierare. Cohãcjũ ye buheyeta ijire", ni tuhaturi musa. Tire musa tuhutugũ masina bucueaja usã. Sa yena Cohãcjũre sinina "Quehnoare", niaja usã tiquirore. Ijirota ijire. Musare usã buheye Cohãcjũ yahuducuye potu ijirota nine. Sa yero musa Jesure wacũ tutuana ijigũ Cohãcjũ

tiquiro ye buheye mehna musare quehnoañe pehere comesagũ yere.

¹⁴ Jesucristore wacũ tuuayequinare Judea yehpa cjẽnare tiquina yeriro saha musa gũhure yeri apequina. Judea yehpa cjẽna Jesu yequina pehere tiquina acaye ijiepetu ñano yuhdugũ yeri judio masa pehe. Musa gũhure musa ya dihta cjẽna ñano yuhdugũ yeri.

¹⁵⁻¹⁶ Judio masa pehe Cohãcjũ yere yahu muhtariquinare panopu cjẽnare wejẽ tiahye. Sa ye mari puhtoro Jesu gũhure wejẽahye tiquina. Sa yeye tiquina usãre cohãri. Cohãcjũre tiquina bujua witigũ yeri. Sa ye peyequina masare ihña tuhtiri tiquina. Judio masa ijieyequinare Cohãcjũ yere usã yahu duami tiquina gũhure pecapu wahaboriquinare "Cohãcjũ yuhduoahro", nina. Usã sa yahu duepegũta judio masa pehe usãre ne Cohãcjũ yere apequinare yahu dutierari. Sa yahu dutieraye pajiro buhiri ti nemoñe nine tiquina. Yojopure tiquinare tutuaro Cohãcjũ buhiri dahrerota.

Pablo Tesalónica cjẽna cahapu pari turi tini duamahye

¹⁷ Usã acaye, yojopure mehenogã musa cahapu ijierana musare wacũna niaja. Sa yena musare tutuaro ihña duana, musa cahapu waha duami.

¹⁸⁻¹⁹ Ihquẽ tahari yuhu Pablo musare ihñagu waha

duami. Yuhū sa waha duepegūta Satana pehe usā wahaborirore dojomehnedi. Sa yena wahaerū usā. Usāre bucuegū yena mūsa ijigū mū sare ihña duami. Usā buhegū quehnoano tūhorina ijire mūsa. Mari pūhtoro Jesu ahri yehpapū tiquiro tojoa tagū mūsa pehe usāre bucuegū yenata. Sa yena bucueye mehna mūsa mehna Jesu poto ducunata.

²⁰ Sata ijire. Mū sare ihñano Jesu pehe “Quehnoano buheri mūsa”, ninota usāre. Sa yena quehnoano bucueaja usā.

3

¹⁻² Sa ye mū sare yoari pje ihñedana mū sare tutuaro tūho duana tire wacūna, Timoteore mūsa cahapū ohou. Tiquiro mari acayūro Jesu yaquiro Cohācjū cahacjūno ijiro, usā mehna quehnoañe buheyere buheriquiro ijire. Sa yena tiquirore ohou Jesucristore quehnoano mūsa wacū tutuatire, mūsa bucueati gūhare. Tiquirore ohona usā sehsaro Atena wame tiri macapū tojoarī.

³ Mūsa ñano yūhdūepenata Jesu yere mūsa cohāedatire ohou usā Timoteore. Jesu yequina ijina ñano yūhdūanata mari. Tire masine mūsa.

⁴ Panopūre mūsa mehna usā ijinina, mari ñano yūhdūatireta yahu tuhasū mū sare. Sa yena usā nidiro sahata mari ñano yūhdū. Tire mūsa quehnoano masine.

⁵ Sa yegū mū sare yoari pje ihñedagū mū sare tutuaro tūho duam. Sa yegū Jesure mūsa wacū tutuarire masigū tagū Timoteore ohou yūhū. “Watīno mū sare ñano ye dutiari”, nigū, “Mū sare usā buherire mūsapū duhuari”, nigū, tiquirore ohou yūhū. Jesu ye buheyere mūsa duhugū mū sare usā buheri dūhseati ijieraboaga.

⁶ Sa yero yojopūre Timoteo mūsa cahapū ijiriquiro usā cahapū tojoa wihirī. Sa tojoa wihiro quehnoañe quitire usāre yahuri tiquiro. Jesure mūsa quehnoano wacū tutuayere, apequinare mūsa cahñe gūhare tiquiro yahuri usāre. Sa ni tuhasa usāre mūsa quehnoano wacūrire, mū sare usā ihña duariro sahata mūsa gūhū tutuaro usāre mūsa ihña duarire yahuri usāre tiquiro.

⁷ Sa yena usā acaye yojopūre ñano yūhdūepenata mūsa Jesure quehnoano wacū tutuagū tūhona usā bucueaja.

⁸ Jesure mūsa quehnoano wacū tutuarire tiquiro yere mūsa cohāedarire tūhona quehnoano jeri sajāja usā.

⁹ Sa ni tūhotuna, Cohācjū ihñonopū usā tutuaro bucueaja. Sa bucuenta Cohācjūre “Quehnoare”, niaja usā.

¹⁰ Deco gūhare, ñamipū gūhare Cohācjūre siniaja mū sare usā ihñatire. Jesu yere mūsa quehnoano masi pehogū ye duaja usā quehnoano mūsa tiquirore wacū tutua nemoatire.

11 Cohãcjũ mari Pacu tiquiro basi, mari pũhtoro Jesu gũhu usãre tiquina yedohogũ cahmeaja m̃sa cahapũ usã wahatire.

12 Sa yero mari pũhtoro Jesu ijipihtiyequina m̃sa mehna cjẽnare, ijipihtiyequina arequina gũhare cahĩ nemogũ yeahro m̃sare. M̃sare usã cahĩdiro sahata tutuaro cahĩ nemogũ yeahro m̃sare.

13 M̃sare quehnoano tiquiro yedohogũ, buhiri mariena, ñañe mariena ijinata m̃sa, Cohãcjũ mari Pacu ihñagũ. Mari pũhtoro Jesu ijipihtiyequina tiquiro yequina quehnoañequina mehna ahri yehpapũ tiquiro tojoa tagũ sata ijinata m̃sa.

4

“Cohãcjũre bucuegũ ye duana ohõ saha yeya”, ni yahuahye Pablo

1 Yojopũre Jesu mari pũhtoro tiquiro dutiro mehna m̃sare ohõ saha ni yahuaaja: “Cohãcjũre bucuegũ ye duana ohõ saha yeya”, ni buhei usã m̃sare. Usã sa buheri bato usã buheriro sahata yeñohti m̃sa. M̃sa sa yeriro sahata ye nemoña. Tire tutuaro ye dutiaja m̃sare.

2 Jesu mari pũhtoro tiquiro buhe dutiro mehna m̃sare usã buherire quehnoano masine m̃sa.

3 Ahrire m̃sare yahu nemoutja: M̃sa ohõ saha ijigũ cahmene Cohãcjũ: Ñañene yeracãhña. Cohãcjũ ye pehere yeya. Sa yena

numia mehna ñano yeracãhña. M̃sa numia gũhu um̃a mehna ñano yeracãhña.

4 Ñano yero marieno, ño peoye mehna m̃sa namosãnumiare c̃uoya. Cohãcjũ m̃sa tire masigũ cahmene.

5 Cohãcjũre cahmeeñequina Cohãcjũre masieñequina ñañene tutuaro cahmeñe, numia mehna ñano tiquina yeriro saha yeracãhña m̃sa pehe.

6 Tiquina yero saha m̃sa yeragũ cahmene Cohãcjũ, m̃sa acayũro namono mehna m̃sa ñano yeratire. M̃sa sa ñano yena m̃sa acayũrore yũhdũdcana niaga. Mari pũhtoro Cohãcjũ ti ñañene tiquina yegũ ihñano buhiri dahreatiquiro ijiro nine. Sa yena m̃sare cuesãna tire yahuaaja m̃sare.

7 Ñañene yeanare beserahye Cohãcjũ marine. Ñañene ye dutieraro beseahye marine.

8 Sa yena ijipihitina m̃sa ahri usã buherire yũhdũdcana, masa ye buheyere yũhdũdcana niedare m̃sa. Cohãcjũ ye pehere yũhdũdcana nine. Tiquiro m̃sare Espĩritu Santore ohoriquiro ijire.

9-10 M̃sa acayere Jesu yequinare cahme cahĩñene Cohãcjũ m̃sare buhe tuhasari. Tiquiro sa buhegũ potota Jesu yequinare Macedonia cjẽnare ijipihtiyequinare quehnoano cahĩne m̃sa. M̃sa sa cahĩgũ ihñana “M̃sa acayere

cahme cahĩña”, ni buheraja m̄sare. Tiquinare cahĩ tuhasare m̄sa. Sa ni buhe nemoedapenata ahri pehere m̄sare dutiaja. Yojoṗure apequinare m̄sa cahĩno sahata cahĩ nemoña m̄sa.

¹¹ Sa yena m̄sa basi cahme ihña tuhtiro marieno ijiya m̄sa. Apequinare sijoro saha ni yahuducueracãhña. Sa ihña cãhña tiquinare. Sa yena m̄sa ye dahraye pehere quehnoano dahraya. Panop̄ta m̄sare sa ye dutii.

¹² Sata yeya m̄sa, apequina m̄sare tiquina ño peoatire, apequina yere m̄sa cariboeratire.

Ahri yehpap̄re Jesu tojoa tatire yahuahye Pablo

¹³ Yojoṗure yariariquina m̄nare yahutja m̄sare: Jesure cahmedaye, masa Cohãcjũ cahap̄m̄ wahasi. Sa ye tiquina mehna cjẽna tiquina yariagũ ihñañe tutuaro b̄j̄m̄a witire. Yariariquina m̄na tiquina d̄hse wahatire potota quehnoano m̄sa masigũ cahmeaja usã, apequina tiquina b̄j̄m̄a witiro saha m̄sa b̄j̄m̄a witieratore.

¹⁴ Jesu yariari bato masa m̄jari jiri. “Ti potota ijire”, niaja mari. Sa yena ahri gũh̄re “Ijirota ijire”, ninata. Cohãcjũ pehe tiquiro yequina m̄nare yariariquina m̄nare masa m̄jagũ ye, neanota Jesu mehna. Ti gũh̄re “Ijirota ijire”, niaja mari.

¹⁵ Jesu tojoa tagũ tiquiro yequina yariariquina m̄na catiyequina pano masa m̄ja

m̄htaeta. Mari p̄htoro Cohãcjũ ye yahuyeta ijire ahri.

¹⁶ Ohõ saha ijirota Jesu tojoa tagũ: Mari p̄htoro tiquiro basi tutuaro sañuducu m̄htanota. Sa yero tiquiro yequina angele p̄htoro tutuaro pisurota. Sa tiquiro pisugũ Cohãcjũ ya corneta bisirota. Tiquina sa yegũ Jesu yequina yariariquina m̄na masa m̄ja m̄htaeta.

¹⁷ Came catiyequinare, yariariquina m̄na mehna Cohãcjũ ahm̄sep̄m̄ m̄jagũ yerota. Tiquiro sa yegũ mari p̄htoro Jesure piti canata mari. Sa piti cana ijipihtiye decori mari p̄htoro Jesu mehna ijinata mari.

¹⁸ Ahri ȳh̄m̄ yahurire m̄sa mehna cjẽnare yahuya. Sa ni yahuna, bucuenata m̄sa ijipih̄tina.

5

¹ Jesu tojoa tati decore “Ahri deco tojoa tarota”, ni, m̄sare yahu ojoasi.

² Yojoṗm̄ m̄sa masino saha tiquiro tojoa tati decore marine masino basioerare. Yaqueriquiro ñamip̄m̄ wacũeno mehna tiquiro yaquero ahtaro saha ahri yehpap̄re mari p̄htoro wacũeno mehna tojoa tarota. Ahrire m̄sa basita masine.

³ “Yojoṗure mari quehnoano ijiaja. Cuaro mariedare marine”, masa tiquina ni wacũgũ duita ñano waharota tiquinare. Sa wahagũ tiquina duhti masisi. Niji wahcõricoro wacũeno mehna

ticoro purĩno tũhoturo saha wacũeno mehna sa waharota masare.

⁴ Yũhũ acaye, mũsa pehere sa wahasi. Yaqueriquiro wũhũ cjũnore tiquiro cuegũ yeriro saha mũsa pehere sa wahasi. Jesu ahtaro mũsare cuegũ yesi. Nahitianopũ ijiyequina tiquina ihña masieno saha apequina Jesure ne masiedare. Mũsa pehe tiquina yero saha ijierare.

⁵ Mũsa ijipihtina Jesu yequina ijire. Sa yena buhrioropũ tiquina ihña masino saha Jesu ahtatire masine mũsa. Apequina tiquirore masieñequina yero saha ijieraja mari.

⁶ Sa yena Cohãcjũre tũho nũnũna ijiihna. Carĩñequina yero saha Cohãcjũre tũho nũnũena ijieracũhna mari. Apequina sata yere. Tiquina yero saha yeracũhna mari. Carĩñequina yero saha, queheyequina yero saha quehnoano wacũ masina ijiihna mari.

⁷ Carĩñequina ñamipũ carĩne. Sa ye queheyequina ñamipũ quehere.

⁸ Mari pehe buhrioropũ ijiyequina yero saha Jesure masina ijina, quehnoano wacũ masina ijiihna. Sa yena surara come suhtiro mehna tiquiro cutirore saña cahmotariro saha Cohãcjũre wacũ tutuaya mũsa, watĩnore tiquiro cahmotatire. Sa yena Cohãcjũre, apequina gũhũre cahĩña. Mũsa sa yegũ Cohãcjũ mũsare ihña ihborota. Sa yena mũsare

pecapũ wahaborinare Jesu tiquiro yũhdũoatire “Potota ijire”, niña mũsa. Mũsa sa nigũ surara tiquiro dature come sapea mehna tiquiro pesa cahmotariro saha watĩno mũsare ñano ye dutigũ Cohãcjũ tiquirore cahmotarota.

⁹ Tiquiro buhiri dahreatinare marine beserahye Cohãcjũ. Jesucristo mari pũhtoro pecapũ wahaborinare tiquiro yũhdũoatinare marine beseahye tiquiro.

¹⁰ Jesu mari ye ijiatireta yariahye tiquiro mehna mari ijiatire. Catiyequina, yariariquina gũhũ tiquiro mehnata ijietta. Sa yena ijipihtina tiquiro mehna ijinata mari tiquiro yequina ijina.

¹¹ Sa yena mũsa mehna cjẽnare yojopũ mũsa bucuegũ yeriro saha mũsa basita bucuegũ ye nemoña mũsa. Sa yena mũsa basita Cohãcjũre wacũ tutua nemogũ yeya mũsa mehna cjẽnare.

Jesu yequinare Pablo yahu bato tiahye

¹² Mũsare buheyequinare mari pũhtoro buhe dutiro beseri jiri. Tiquiro sa ni besenohriquinare quehnoano ño peoya mũsa. Mũsa sa ño peogũ cahmegũ mũsare tutuaro dutiaja.

¹³ Tiquina dahrayere yegũ tiquinare cahĩne mehna quehnoano ño peoya. Sa yena mũsa mehna cjẽna mehna cahmequeno marieno ijia.

14 Músare usã acayere, ahrire tutuaro dutiaja: Dahra dueyequinare dahra dutiya mûsa. Bujua witiyequinare bucuegũ yeya mûsa. Jesure wacũ tutuera cjũñequinare yedohoya. Tiquina ijipihtiyequina mehna quehnoano usuaro marieno bucueye mehna ijiya mûsa.

15 Ihcãquiro mûsare tiquiro ñano yegũ ihñana tiquirore ñano ye cahmedacãhña. Sa yena mûsa mehna cjênare, ijipihtiyequina apequina gũhure quehnoano yeya.

16 Sa yena decoripe sa bucueducuya mûsa.

17 Sa yena decoripe Cohãcjũre siniducuya.

18 Mûsa ñano yũhdũepenata Cohãcjũre bucue, "Quehnoare", niña. Mûsa quehnoano yũhdũri pje gũhure "Quehnoare", niña. Sa nina Cohãcjũ cahmeno sahata yena niaga mûsa. Cristo Jesu yequina mûsa ijigũ ihñano mûsa sa nigũ cahmene tiquiro.

19 Espíritu Santore yũhtiena ijieracãhña.

20 Espíritu Santo masiñe mehna apequina mûsare buhere. Tiquina sa buhegũ ti buheyere yũhtiena ijieracãhña.

21 Apequina mûsare sijoro saha tiquina ni buhegũ ti Cohãcjũ ye ijieragũ masiña mûsa. Sa yena Cohãcjũ ye buheye ti ijigũ gũhure masiña mûsa. Sa masina quehnoañe buheye dihitare cahmeña.

22 Sa yena ijipihtiye ñañene yeracãhña mûsa.

23 Cohãcjũ marine quehnoano ijigũ yeriquiro ijire. Tiquiro basi mûsare tiquiro yequinare quehnoana, ñañe mariena ijigũ ye nemoahdo mûsare. Mûsa paguri gũhure mûsa jeripohnari gũhure quehnoano ihña ihboahro. Mari puhtoro Jesucristo ahri yehpapure tiquiro tojoa tato pano mûsare Cohãcjũ quehnoano ihña ihboahro mûsare "Ñañene yeari", nino. Tiquiro sa yegũ Cristo ahtagũ ñañe mariena ijinata mûsa.

24 Sata ijigũ yerota Cohãcjũ. Tiquiro mûsare beseriquiro tiquiro nidiro sahata yere.

Pablo gũhũ quehnoa dutiahye

25 Usã ye ijiatire Cohãcjũre sini basaya mûsa, usã acaye.

26 Mûsa mehna cjênare quehnoano mehna piti caya.

27 Ijipihtiyequina Jesu yequinare ahri pũre buheya mûsa. Jesu mari puhtoro dutiye mehna ahrire mûsare dutiaja yũhũ.

28 Jesucristo mari puhtoro cahñe mehna mûsare tutuaro quehnoa dutiaja.

2 Tesalonicenses

Pablo oja ohoahye Jesu yequinare Tesalónica cjēnare

¹ Yuhū Pablo, Silvano, Timoteo gūhū mūsare quehnoa dutiaja. Sa yegū yuhū Pablo ahrire oja ohoaja. Mūsa pehe Tesalónica cjāna mari Pacū Cohācjū yequina ijire. Mari pūhtoro Jesucristo yequina gūhū ijire mūsa.

² Sa yena Cohācjū mari Pacū, mari pūhtoro Jesucristo mehna mūsare quehnoa dutiaja. Tiquina yedohoye mehna quehnoano ijiya mūsa.

Ahri yehpapure Cristo tojoa tagū buhiri dahrerota Cohācjū

³ Cohācjūre sinina, Jesure mūsa wacū tutuayere wacūna “Quehnoa yūhdūare ūsāre”, niducuaaja ūsā Cohācjūre. Ūsā sa nigū quehnoarīne. Decoripe Cohācjūre mūsa quehnoano wacū tutua nemonā niñohti. Sa yena decoripe mūsa mehna cjēnare cahī nemonā niñohti mūsa. Sa ye Cohācjūre “Quehnoa yūhdūare ūsāre”, ūsā űigū quehnoarīne.

⁴ Apequina mūsare űano tiquina yepegūta Jesure wacū tutuaducūñohti mūsa yojopū gūhūre. Sa yena tiquirore wacūna duhuerañohti. Mūsa sa yegū ihñana tire mūsa yerire apequinare Cohācjū yequinare bucueye mehna yahuaja ūsā.

⁵ Sa wacū tutuaducuna Cohācjū mari pūhtoro yequina mūsa ijiri buhiri űano yūhdūna niñohti mūsa. Sa yero Cohācjū tiquiro pūhtoro ijiropure waha dutiri jiri mūsare. Tiquiro sa dutigū queoro yeriquiro tiquiro ijigū masiaja mari.

⁶ Sa yero Cohācjū queoro yeriquiro ijire. Sa yero mūsare űano yūhdūgū yeyequina pehere űano yūhdūgū yerota tiquiro.

⁷ Sa yero mari űano yūhdūarina ijigū ihñano tiquiro marine quehnoano ijigū yerota. Mari pūhtoro Jesu tiquiro yequina angele tutuayequina mehna, peca mehna ūhmūsepu bajuaro quehnoano ijigū yerota marine, űano yūhdūarinare.

⁸ Sa yero Cohācjūre masieñequinare, mari pūhtoro Jesu ye buheyere quehnoañe buheyere yūhdūdcariquinare Cohācjū buhiri dahrerota.

⁹ Sa yero Cohācjū tiquinare ohō saha buhiri dahrerota: Pecapū tiquina űano yūhdūducueta. Sa ye tiquina tutuariquiro mari pūhtoro Jesu cahapū ne waha masiedare. Sa ye tutua yūhdūariquiro tiquiro ijiyere ihñasi tiquina.

¹⁰ Sata waharota ti decopū Jesu tiquiro tojoa tagū. Ti decopata tiquiro ahtarota tiquiro yequina “Quehnoariquiro, tutuariquiro ijire Jesu”, tiquina ni űo peotire. Sa ye tiquirore wacū tutuayequina űo

peoeta tiquiروه. Mۇsare ۇsā buherire mۇsa quehnoano tۇhori. Sa yena mۇsa pehe tiquiروه mehna ijinata.

¹¹ Sa yena Cohācjūre sa sini basaducuaaja ۇsā mۇsa ye ijiatire. Ohō saha ni Cohācjūre sini basaja ۇsā: Tiquiروه cahmeno sahata mۇsa yeatire, mۇsa mehna tiquiروه bucueatire sini basaducuaaja ۇsā mۇsare. Mۇsa quehnoana iji duanata niñohti. Sa yena Cohācjū tutuaye mehna quehnoana mۇsa iji duariroh sahata mۇsa ijiatire sini basaducuaaja ۇsā. Mۇsa Cohācjūre wacū tutuañohti. Sa wacū tutuana tiquiروه yere yeñohti mۇsa. Tire mۇsa quehnoano ye nemoatire Cohācjūre sini basaducuaaja ۇsā mۇsare.

¹² Sa yena mari pۇhtoro Jesucristore apequinare tiquina ño peogū yenata mۇsa. Mۇsa sa yegū Jesucristo yequina mۇsa ijigū ihñañe apequina ño peoeta mۇsare. Cohācjū cahñe mehna, mari pۇhtoro Jesucristo gūhū tiquiروه cahñe mehna sa waharota.

2

Ñano yeducuriquiروه yahuahye Pablo

¹ Yojoپure mari pۇhtoro Jesucristo ahri yehpapure tiquiروه tojoa tatire, tiquiروه mari cahmecoa mari piti catire yahu nemo duaja yۇhū. Ahrireh tutuaro yahu duaja mۇsare, ۇsā acaye.

² Apequina mۇsare ohō saha niboaga: “Mari pۇhtoro

tiquiروه tojoa tati deco, mi-anogā pihtiri decopū ijiroh nine”, ni mehoboaga mۇsare. Tiquina sa nigū tۇhona, tۇho mariedacāhña. Sa yena tۇho wisieracāhña. “Cohācjū yۇhūre sata nidi ijiri”, ni mehoboaga mۇsare apequiروه. Apequiروه gūhū mۇsare buhero, sata ni mehoboaga. Apequiروه gūhū sata ni ojoa ohoboaga, “Yۇhū Pablota ijiaja”, ni meho ojoaro. Tire mۇsare yahuriquiروه masiedaja yۇhū.

³ Apequina mۇsare tiquina ni mehogū tۇhoeracāhña mۇsa. Ti decopū ahri yehpa pihtiato panogā peyequina masa Cohācjūre duhueta. Sa yero ti decopū ñano yeducuriquiروه pecapū waha-tiquiروه ijirota.

⁴ Tiquiروه Cohācjū warore, “Cohācjū ijire”, tiquina niñe queoye gūhūre ijipihtiyequina masare ño peo dutisi ñano yeducuriquiروه. Tiquiروه ohō saha ni tۇhoturota. “Ahriquina ijipihtiyequina pۇhto tjiaja yۇhū”, ni tۇhoturota. Sa yero Cohācjū wۇhūpū dujiroh “Yۇhū pehe Cohācjū ijiaja”, ninota.

⁵ Mۇsa mehna ijinigū tireta yahuu mۇsare. ¿Tire wacūajari mۇsa?

⁶ Yojoپure apequiروه pehe ñano yeducuriquiروه ne iji dutieranine. Sa yena tiquiروه iji dutieriquiروه masine mۇsa. Sa yero tiquiروه dutigū tiquiروه queori deco ijigū ñano yeducuriquiروه ijirota.

⁷ Yojoپure masa ihñenopū

tiquiro yero saha apequina ñañene ye tuhasari. Tiquina sa yepegāta ñañene ye dutieriquiro tiquiro wahato pano ñano yeducuriquiro pehe ijisi.

8 Tiquiro wahari bato pūritare ñano yeducuriquirota ijirota. Sa yero came mari pūhtoro Jesucristo tiquirore yaria dutirota. Tiquiro asi siteye mehna ahri yehpapu tojoa taro, tiquiro putiye mehna tiquirore wejē borota.

9 Ñano yeducuriquiro pehe watino ye tutuaye mehna ahtaro, ti tutuaye mehna ni meho, peye ye ihñonota.

10 Tiquiro peye ñañe mehna ni mehogū pecapu wahatiquina pehe tiquirore tūhoeta. Tiquina pehe quehnoañe buheyere cahmedare. Tiquina sa cahmedagū Cohācjū tiquinare pecapu waha-tiquinare yūhdūosi. Sa ye tiquina ñano yeducuriquiro ni mehoriqiro tiquiro yerire “Ijirota ijire”, nieta.

11 Sa yero, quehnoañe buheyere tiquina cahmedari buhiri Cohācjū tiquinare wisiagū yerota. Sa wisiaye ni mehoñene cahmeeta tiquina.

12 Sa yero ijipihtiyequina quehnoañe buheyere tūho dueyequinare, ñañe ye coayequinare tiquirota buhiri dahrerota.

“Cohācjū mūsare beseahye tiquiro yequina ijigū yero taro”, ni yahuahye Pablo

13 Mūsa usā acaye, mari pūhtoro Jesu tiquiro cahñona ijire mūsa. Duita coā waropūreta mūsare pecapu wahaborinare tiquiro yūhdūoatinare Cohācjū beseahye mūsare. Mūsare beseahye Espiritu Santo tutuaye mehna tiquiro yequina ñañe mariena mūsare ijigū yero taro. Sa yero quehnoañe buheyere “Ijirota ijire”, nianaja mūsa ijigū ihñano mūsare bese neahye. Tiquiro sa besenohrina mūsa ijigū ihñana Cohācjūre bucuena, “Quehnoare”, niducuaja usā.

14 Quehnoañe buheyere mūsare usā buhegū Cohācjū mūsare beseahye mari pūhtoro Jesucristo tiquiro masa mūjariro sahata mūsa gūhu masa mūjatire.

15 Sa yena quehnoano wacū tutuana ijiya mūsa. Sa yena usā yahuducuye mehna usā ojoari pūri mehna mūsare usā buherire quehnoano wacūña mūsa. Sa yena ti buheyere yūhdūdūcaeracāhña.

16 Mari pūhtoro Jesucristo tiquiro basi, Cohācjū mari Pacu gūhu marine cahñe, ijipihtiyere decori marine bucuegū yere. Marine cahñe, marine pecapu wahaborinare yūhdūoeta. Sa yena Cohācjū tiquiro yūhdūoatire quehnoano masina, bucueaja mari.

17 Jesucristo, mari Pacu mehna mūsare quehnoa dutiaja quehnoano mūsa bucueatire. Sa ye ijipihtiyere quehnoañene mūsa yeatire,

musa quehnoano yahuducuatire Cohãcjüre musare sini basaja.

3

“Usã ye ijiatire Cohãcjüre sini basaya”, ni ojoahye Pablo gũhu

¹ Yojopu usã acaye, usã ye ijiatire Cohãcjüre sini basaya mari puhtoro Jesu ye buheyere peyequina masare usã buheatire. Sa yena tiquiro ye buheyere musa quehnoano cahmediro sahata apequina pehe ti buheyere ño peoye mehna tiquina cahmeatire sini basaya musa Cohãcjüre.

² Ihquëquinata Jesure wacũ tutuare. Apequina pehe tiquiro yere tuho dueraye, Jesure wacũ tutuerare. Sa yena ñaÑequina masa usãre tiquina ñano ye duagũ Cohãcjüre sini basaya musa usãre tiquiro yedohogũ.

³ Mari puhtoro Jesu tiquiro nidiro sahata yeriquiro ijire. Sa yero musare tiquirore wacũ tutuagũ yerota. Sa yero watino musare tiquiro ñano ye dutigũ Jesu musare yedohorota.

⁴ Cohãcjũ musare tiquiro yedohorire masiaja usã. Sa yena musare usã dutiro sahata musa yegũ gũhure masiaja usã. Sa yena sata yeducunata musa. Ti gũhure masiaja usã.

⁵ Cohãcjũ musare tiquiro cahñene musare masigũ yeahro. Sa yero Cristo yero saha musa ñano yuhdupepegũta ihcãno sahağũ

yeahro musare mari puhtoro. Sa ihña cãhña musare ñano yeyequinare.

Marine tutuaro dahraro cahmene

⁶ Jesucristo mari puhtoro tiquiro dutiro mehna ohõ saha ni dutinatja musare: Jesu yequinare dahra dueyequinare, usã dutiyere yeeyequinare, tiquinare piti ti duhuya.

⁷ Sohõ ijiri pje musa mehna usã ijigũ tutuaro usã dahragũ ihñari musa. Sa yena usã yeriro saha musa gũhure dahraro cahmene. Tire quehnoano masine musa.

⁸ Sa yena musa ihyayere wapa yero marieno ihyeru usã. Sa yena decopare, ñamipu gũhure tutuaro dahra usã “Musa ihyayere siniari”, nina.

⁹ Usã buheri wapa musare wapa ye dutiboaga usã. Sa wapa ye dutiborina ijiepenata wapa ye dutierana, tutuaro dahra usã, usãre musa ihña cũatire.

¹⁰⁻¹¹ Musa mehna ijina, ohõ saha ni buhei musare: “Dahraeyequina ihyeracãhdo”, ni buhei usã musare. Ihquëquina musa mehna cjëna ne dahra duerañohti. Sa ye apequinare ñano quiti yeye, caribo yuhduñañohti tiquina. Sa yeeyequina musa mehna tiquina ijigũ ihñana ohõ saha ni ojoaja musare: “Dahraeyequina ihyeracãhdo”, niaja usã.

¹² Mari puhtoro Jesucristo tiquiro dutiro mehna dahra dueyequinare ohõ

saha niaja: Quehnoano bucueye mehna dahraahro quehnoano tiquina ijiatire.

¹³ ʘsã acaye, mʘsa pehe quehnoañene yeducuna caributieracãhña.

¹⁴ Ihquẽquina to cjẽna ahrire ʘsã ojoarire yʘhdʘdʘcaboaga.

Tiquina sa yegũ tiquina yerire quehnoano ihñaña. Sa ihñana tiquinare piti ti duhuya tiquina bʘoro wahatire.

¹⁵ Sa piti ti duhuepenata tiquinare ihña tuhtieracãhña. Tiquina mʘsa acaye, Jesu yequinata ijire. Tiquina sa ijigũ tiquina yʘhdʘdʘcarire yahuya tiquinare tire tiquina duhugũ.

Pablo tiquinare quehnoa duti bato tiahye

¹⁶ Mari pʘhtoro Jesu marine quehnoano ijigũ yeriquiro mehna decoripe quehnoano ijiducuya mʘsa. Sa yegʘ “Mari pʘhtoro mʘsa mehna ijipihtina mehna ijiducuahro”, nigʘ mʘsare quehnoa dutiaja.

¹⁷ Yʘhʘ Pablo, yʘhʘ omoca mehnata yojopʘre yʘhʘ basita oja bato tiaja. Sa yegʘ mʘsare quehnoa dutiaja. Ijipihtiye yʘhʘ ojoari pʘrine ohõ saha dihita yʘhʘ omoca mehna oja bato tiaja yʘhʘ. Yʘhʘ ohõ saha dihita yʘhʘ ojoari pũ ijigũ masinata mʘsa.

¹⁸ Mari pʘhtoro Jesu-cristo cahñe mehna tutuaro quehnoa dutiaja mʘsare ijipihtinare.

1 Timoteo

Pablo Timoteore ojoa ohoahye

¹ Yuh̄u Pablo ahrire m̄uh̄ure Timoteore ojoa ohoaja. Coh̄ãcjũ marine pecap̄u wahaborinare yuh̄d̄uoriquiro ijire. Jesucristo yere buhe duti tiquiro c̄uriḡu ijiaja yuh̄u. Mari Pac̄u, Jesu mehnata tiquina dutiriro sahata tiquiro c̄uriḡu ijiaja yuh̄u. Jesuta marine yedohore. Sa yena marine tiquiro yuh̄d̄uoa-tire masina, tire cohteaja mari.

² M̄uh̄ure Timoteore Jesu yere buhei. Yuh̄u sa ni buheḡu t̄uhoḡu Jesure wac̄u tutua d̄ucari m̄uh̄u. Sa yeḡu m̄uh̄u potota yuh̄u mac̄u yero saha ijiḡuta nine. Sa yeḡu Coh̄ãcjũ mari Pac̄u mehna, mari p̄uhtoro Jesucristo mehna m̄uh̄ure quehnoa dutiaja. Sa yeḡu m̄uh̄ure paja ih̄ñañe tiquina yedohoye mehna quehnoano ijiya m̄uh̄u.

Pablo ni mehoñe buheyere buhe dutierahye

³ Soh̄o ijiri pjere Macedonia yehpap̄u wahaḡu m̄uh̄ure Efesop̄u c̄u yuh̄d̄u c̄ãu. Top̄u ihquẽquina tiquina ye buheyere ni mehoñe buheyere buheyequina ijiri. Ti buheyere buhe dutieracj̄ure m̄uh̄ure c̄u yuh̄u.

⁴ Tiquina esa tuharo sa buhe mac̄a c̄ãre. Sa ye tiquina acaye panop̄u cj̄ena tiquina

esa tuharo tiquina buherire sa buheducure. Ti buheye mehna apequina mehna cahme d̄use tutuaducure. Coh̄ãcjũ marine tiquiro dutirire quehnoano yeḡu yerare tiquina sa buheye. Coh̄ãcjũ ye pehere yena tiquirore wac̄u tutuaja. Sa yeḡu tiquina esa tuharo tiquina buherire buhe dutieracj̄ure c̄u m̄uh̄ure.

⁵ Sa c̄u m̄uh̄ure Jesu yequina apequinare “Cah̄iaho”, niḡu. Ñañe buhiri marieno mehna, quehnoañe wac̄ũñe mehna, poto Coh̄ãcj̄ure wac̄u tutuaye mehna apequinare tiquina cah̄iatire sa c̄u m̄uh̄ure.

⁶ Ihquẽquina ahri quehnoañe buheyere coh̄a tuhasa, apeye buheye pehere cahmene. Sa ye ti buheye pehere cahme d̄use tutuaye wisia wahare. Ti buheyere tiquina cahme d̄use tutuaye ti d̄uhseati ijierare.

⁷ Sa ye tiquina Coh̄ãcjũ dutiyere buheyequina iji duamene. Sa buhe duepeta ti buheyere tiquina basi quehnoano masiedare. Sa ye ti buheyere masiñequina yero saha buhepeta ti buheyere ne masiedare tiquina.

⁸ Coh̄ãcjũ dutiyere Moise marine tiquiro c̄urire queoro mari buheḡu quehnoañe dutiye ijire. Tire mari quehnoano masiaja.

⁹⁻¹⁰ Ti dutiyere buhena ahrire masino cahmene: Ti dutiye quehnoañequinare tiquina buheati ijierare. Ahriquina pehere

tiquina buheati ijire. Dutiyere yuhduhcayequinare, Cohācjäre yuhduhcayequinare tiquiro yequinare ñano yuhũ ñañe dihitaré yeyequinare, Cohācjäre cahmeeñequinare, tiquina pacusumhare wejñequinare, tiquina pacosānumia gāhare wejñequinare, apequina masare wejñequinare, wñana tiyequinare, cahme numia mehna tiquina ñano yeriro saha umua sehsaro o numia sehsaro ijiepetā tiquina paguri mehna ñano yeyequinare, masa tiquina ijiepegūta tiquinare duayequinare, ni mehoñequinare, Cohācjū dutiye Moise marine tiquiro cūri pehe tiquinare buheati ijire. Sa yero apequina ijipihtiyequinare quehnoañe buheyere yuhduhcayequinare buheati ijire Cohācjū dutiye.

11 Quehnoañe buheye pehe quehnoariquiro Cohācjū tiquiro ye buheyeta ijire. Ti buheye pehere yahure Cohācjū buhe dutiri.

Cohācjū paja ihñañene yahuahye Pablo

12 Sa yuhũ buhegū Jesucristo mari pahtoro yahure tutuayere ohoro, yahure yedohore. “Pablo buhero, yee buheyere quehnoano buherota”, ni tūhoturi Jesu yahure. Sa yero yahure besero tiquirore yedohoacjäre cūri yahure. Tiquiro sa yegū “Quehnoare”, niaja yuhũ tiquirore.

13 Panopure Cristore yuhũ ñano yahuducuepegūta, tiquiro yequinare ñano yuhũ yepegūta, tiquiro yahure beseri. Sa yegū tiquirore masiedarīgū tiquirore ñano yegū “Ñano yei niaga yuhũ”, ni tūhotueru. Yuhũ sa masiedagū ihñano tiquiro paja ihñari yahure.

14 Sa yero Cohācjū mari pahtoro yahure tutuaro cahño, quehnoano yeri yahure. Sa yero Cristo Jesure wacū tutuagū yeri yahure tiquiro. Sa yero apequinare cahīgū yeri yahure Cohācjū.

15 Yuhũ pehe apequina yuhduhoro ña yuhduhagu ijimi. Ñana mari ijiepegūta Jesucristo ahri yehpapu ahtari jiri ñañequinare pecapu waha-boriquinare yuhduoatiquiro. Ti ijirota ijire. Tiquiro sa ijiriquiro ijigū ijipihtiyequina tire masiaho.

16 Ña yuhduhagu yuhũ ijiepegūta tiquiro yahure paja ihñari. Sa paja ihñano Jesucristo usuaro marieno yahure tiquiro quehnoano yerire masigū yero nidi apequinare came tiquirore wacū tutuatiquinare masigū yero taro. Sa wacū tutuatiquina ummusepu sa ijiducuenta.

17 Cohācjū ijipihtiye decori masa pahtoro ijire. Tiquiro ne yarierare. Sa yero mari mehna tiquiro ijiepegūta tiquirore ihñedaja mari. Sa yero tiquiro dihita Cohācjū waro ijire. “Potota quehnoariquiro, tutu-ariquiro ijire tiquiro”, niinha

mari tiquire. Ijipihtiye decori tiquire ño peouhna. Sata yeihna.

¹⁸ Timoteo yuh macu yero saha ijire mahu. Sa yegu yojopure ahrire mahure dutiaja: Mari acaye Jesu yequina Cohacjü yere yahu mahariquina mahure tiquina ni mahariro sahata mahure dutiaja. Cristo yere quehnoano yahuducuya. Sa yegu ñano yuhdhepeguta tiquire wacü tutua duher-acãhña mahu.

¹⁹ Jesure sa wacü tuaducuya. Ñahe buhiri mariegu ijiya mahu. Sa yegu quehnoahe dihitare yeya. Ihquẽquina tire yeraye, Jesu yere cohãre. Sa cohãhe tiquire wacü tutua duhuri.

²⁰ Sata yeri Himeneo, Alejandro mehna. “Watño tiquire cahmeno sahata yecũnahdo musare”, ni cüu tiquinare, Cohacjüre tiquina ñano yahuducu nemoedatire.

2

Cohacjüre sini basayere yahuahye Pablo

¹ Yojopure ohõ saha ni duti mahata musare: Ijipihtiyequina ye ijiatire Cohacjüre sini basaya. Sa sini basana “Quehnoare. Bucueaja”, niña Cohacjüre.

² Puhto, apequna masa bui dutiyequina gahu tiquina ye ijiasi gahure Cohacjüre sini basaya, cahmequeno marieno Cohacjüre ño peona mari quehnoano ijiatire. Sa sini basana

mari quehnoahe yena quehnoano iji masiaja.

³⁻⁴ Sata apequna ye ijiatire mari sini basagü quehnoarhe. Tire mari yegü ihñano Cohacjü marine yuhduoatiquire pehe marine quehnoano ihña bucuere.

Ijipihtiyequina pecaru wahaboriquinare tiquire yuhdhoriquina ijigü cahmene Cohacjü. Sa yero quehnoahe buheyere tiquina masigü cahmene tiquire. Sa yero apequna ye ijiatire mari sini basagü bucuere tiquire.

⁵ Ihcãquiota ijire Cohacjü. Sa yero Cohacjüre mari ihña tuhtigü Cohacjü gahu marine tiquire ihña tuhtigü, marine bosariquire ihcãquiota ijire. Tiquire Jesucristota ijire. Jesucristo gahu masunota ijiri.

⁶ Sa yero wapamonore wapa ye basaro saha ijipihitina mari ñahe buhirire yariahye. Cohacjü tiquire queori pjepe tire masare masigü yeri.

⁷ Tire yahuacjüre, Jesu tiquire cüacjüre Cohacjüpe yuhure beseri. Sa yero judio masa ijieyequinare Jesure wacü tutuayere, quehnoahe buheyere buheacjüre beseri yuhure. Potota musare yahugu niaja yahu. Ni mehoedaja.

⁸ Cohacjü yere quehnoano yeyequina, ijipihitiro cjeña pehe Cohacjüre tiquina sinigü cahmeaja. Sa yegu tiquina usuaro marieno, unureno marieno tiquire mehna tiquina yahuducugü

cahmeaja.

⁹ Sa yegu numia pehere quehnoañequina numia ye suhti yero saha sañañequina numia ijigū cahmeaja. Sa ye sijoro saha bajuye poari tiquina poarire yeracāhdo. Uru dari busaye darire, perla dari gūhare busaeracāhdo, tiquina umare “Ihña ue pjeari”, niñe. Sa ye wapa bujaye suhtire sañaedacāhdo tiquina Jesu yequina numia. Umare tutuaro ue pjegū yeracāhdo.

¹⁰ Sa ye tiquina numia quehnoañe pehere yeahro. Sata yero cahmene “Cohācjū yequina numia ijiaja”, niñequina numiare.

¹¹ Dihta marieno ño peoye mehna buheyere tūhoahro tiquina numia.

¹²⁻¹⁴ Sa yeye numia umare buheracāhdo. Sa yeye umare dutieracāhdo. Tiquina numia pehe dihta marieno ijiahro. Adāre Cohācjū ye mūhtahye. Tiquiro bato Evare yeahye. Sa yero watīno ni mehogū tūhoriquire Adán ijierahye. Tiquiro ni mehogū tūhoricoro pehe Eva ijiahye. Sa tiquiro ni mehogū tūhoro, Cohācjūre yūhdūcaricoro wahahye ticoro. Sa yeye, numia pehe umare dutieracāhdo.

¹⁵ Numino iji mūhtaricoro ticoro yūhdūcaepēgūta numia tiquina pohna tigū ihñano tiquinare Cohācjū yedohorota. Tiquina numia pohna tiye numia pehe Cohācjūre tiquina

wacū tutuaducugū tiquiro yedohorota tiquinare. Sa yero masare, Cohācjū gūhare tiquina cahīducugū, quehnoañequina numia tiquina ijiducugū, ñañe marieñequina numia tiquina ijigū Cohācjū tiquinare yedohorota.

3

Jesu yequina pūhtoa tiquina yeatire yahuahye Pablo

¹ Masa Jesu yequina pūhtoa iji duaye, quehnoañene ye duaye niaga tiquina. Ti ijirota ijire.

² Jesu yequina pūhtoare besegu ohō saha ijiyequinare beseya: Buhiri marieñequinare beseya “Apequina tiquinare ñano ni yahusāri”, nigū. Sa yegu ihquēquina numiare namo tiyequinare, quehnoano tūho masiñequinare, cua pesayequinare, masare quehnoano mehna tiquina ya wūhare sajā ta dutiyequinare, apequinare quehnoano buhe mihniñequinare beseya mūhū.

³ Sa besegu queheye marieñequinare, cahmequeñe marieñequinare, masare quehnoano yeyequinare, cahme duse tutueyequinare, niñerure cahñeñequinare beseya mūhū.

⁴ Sa ye mūhū beseriquina tiquina pohnene, tiquina namosānumia gūhare ño peoye mehna yūhtigū yeyequina ijiahro.

5 Tiqinare yuhtigū ye masiedaye Jesu yequina gūhare yuhtigū ye masied-
aboaga tiquina.

6 Jesu yequina puhtoia iji duayequina Jesu yequina coā sajāñequina ijiye, tiquina puhtoia iji masiedare. Coā sajāñequinare Jesu yequina puhtoia mūsa cūgū tiquina “Quehnoa yuhdūana ijiaya”, ni tuhotuboaga. Tiquina sa ni tuhotugū Cohācjū tiqinare buhiri dahre dutirota watīnore tiqiro yeriro saha. Watīno gūhu sata ni tuhotumahye Cohācjūre yuhdūca duaro.

7 Sa ye Jesu yequina puhtoia ijiatiquina ohō sahata ijiro cahmene. Jesu yequina ijiyequina tiquina ño pe-onohñequina ijiro cahmene tiqinare. Quehnoano yeyequina tiquina ijiḡū ihñāñe apequina ño peoeta tiqinare. Sa quehnoano yeye, watīno cahmeñene wacūeno mehna tiqiro ye dutigū tiquina pehe watīno cahmeñene yesi. Sa ye masa tiqinare ñano quti dahresi.

*Jesu yequinare yedo-
hoatiquina tiquina yeatire
yahuahye Pablo*

8 Sa yegū Jesu yequinare yedohoatiquina pehere be-segū ohō saha ijiyequinare beseya: Tiquina cua pesaro ijiyequinare, quehnoano potota yahuducuyequinare, queheye marieñequinare, apequina yere ni meho ehmeñequinare beseya mūhu.

9 Sa yegū ñāñe buhiri marieno Cohācjū ye buheyere sa wacū tutuaducuyequinare beseya mūhu.

10 Sa yegū Jesu yequinare yedohoatiquina iji du-ayequinare tiquina yerire ihñāña mūhu. Tiqinare mūhu sa ihñari bato tiquina pehe buhiri marieñequina ijiye, Jesu yequinare yedo-
hoatiquina sajāhdo tiquina.

11 Sa yena tiquina namosānumia ohō saha tiquina ijiḡū cahmeaja mari. Cua pesayequina numia, ñāñe quti marieñequina numia, tuho masiñequina numia, ijiptiyere quehnoañene yeducuyequina numia tiquina ijiḡū cahmeaja mari.

12 Sa yegū Jesu yequinare yedohoatiquinare be-segū ihquēquina numiare namo tiyequinare, tiquina pohnene apequina tiquina ya wūhu cjēna gūhare quehnoano yuhtigū yeye-
quinare beseya.

13 Sa ye mūhu beseriquina Jesu yequinare tiquina yedo-
hogū apequina tiqinare quehnoano ihña bucueeta. Sa ye tiquina yedohoyequina pehe quehnoañe buheyere, Jesucristore tiquina wacū tu-
tuaye gūhare cuero marieno buheeta tiquina.

*Cohācjū ye buheyere
yahuahye Pablo*

14-15 Yojoḡure mūhu ca-
harū waha duagū niaja. Sa waha duepegūta yo-
joḡure wahaeranigū ahri
pūḡu yahu, mūhare oja

ohogũ niaja. Jesu yequina cahmecoañequina watoa m̄sa yeatire m̄h̄re yahu ojoa ohogũ niaja, “Mianore waharĩsi”, nigũ. Jesu yequina Cohãcjũ catiriquiro yequina ijire. Tiquiro yequina potu ijiye buheyere Cohãcjũ ye buheyere c̄ore. Sa c̄oye tire buheducure.

¹⁶ Ahri ijirota ijire. Marine Cohãcjũ tiquiro buheri, panopũ mari quehnoano masiedari quehnoa ȳhd̄aye buheye ijire. Ahri buheye ohõ saha ijire:

Tiquiro Cristo mari pagũ yero saha pagũ tiriquire masa bajuahye. Quehnoariquire, ñaÑe marieniquiro tiquiro ijigũ ihñori Espĩritu Santo pehe. Angele ḡh̄a tiquirore ihñari. Sa ye tiquiro buhe duti c̄uriquina pehe apeye yehpari cj̄enare tiquiro yere yahu buhere. Sa ye ahri yehpapũ masa peyequina tiquirore wacũ tutuari. Came h̄m̄sepũ Cohãcjũ neari tiquirore. Ti ijire quehnoañe buheye.

4

Quehnoañe buheyere cohãriquinare yahuahye Pablo Timoteore

¹ Espĩritu Santo ahrire quehnoano yahure: Pihtiri deco panogã ihquẽquina masa Jesu ye buheyere cohãeta. Sa ye ni meho

buheyere watĩno ye buheye pehere t̄ho n̄n̄eta tiquina.

² Ti buheyere ni mehoducuyequina yahueta masare. Tiquina ni mehoducuyequina pehe “ÑaÑe buhiri mariedare usãre”, ni t̄hotuyequina ijire. Sa ye tiquina ñaÑe yeyere “ÑaÑe ijire”, ni t̄hotuerare.

³ Ohõ saha ni buheeta tiquina: “Namo tieracãhña. Ahri ihyayere ihyeracãhña”, ni buheeta tiquina. Tiquina sa ihya dutieragũta Cohãcjũ ihyayere bajumehnenno mari ihyatire quehnoañene c̄ahye tiquiro. Mari Cristore wacũ tutuana ijigũ quehnoañe buheyere mari masina ijigũ, mari ye ijiatire ti ihyayere bajumehneahye tiquiro. Ti ihyayere c̄ona tiquirore “Quehnoare”, mari nigũ cahmene tiquiro.

⁴ Ijipihtiye Cohãcjũ tiquiro bajumehnedi quehnoañe ijire. Sa yena tiquiro bajumehnedi ihyayere nena, Cohãcjũre “Quehnoare”, nina, tire marine cohãedaro cahmene. Tire marine bucue ihyaro cahmene. Sa yegũ apequina tiquina ihya dutieragũ t̄hoeracãhña tiquinare.

⁵ Tiquiro bajumehnedi quehnoañe ti ijigũ yahu tuhasahye Cohãcjũ. Sa ye tiquirore “Quehnoare”, mari ni bucueri bato ti ihyaye tiquiro yeri ihyaye quehnoañe waro ijiro nine.

Jesucristo cahacj̄anore Timoteore quehnoariquire

yahuahye Pablo

6 Ahri y_hu yahurire Jesu yequinare mari acayere buheg_u Jesucristo cahacjū quehnoag_u ijire m_uh_u. Sa buheg_u quehnoañe buheyere, quehnoano m_uh_u t_uhorire quehnoano masi pehog_u ijire m_uh_u.

7 Sa yeg_u tiquina esa tuharo tiquina buherire, Cohācjū ye ijieyere t_uhoeracāhña. Sa yeg_u Cohācjū cahmeñe pehere yepog_u ijiya m_uh_u.

8 M_uh_u dahrapogū quehnoa cjūre. M_uh_u dahraporiro y_uhd_uoro Cohācjū cahmeñene m_uh_u yepogū quehnoa y_uhd_uare m_uh_ure. Cohācjū cahmeñene yepog_u yojopare quehnoano ijig_uta m_uh_u. Sa yeg_u m_uh_u yariari bator_u gūh_ure masa m_ujag_u quehnoano ijig_uta m_uh_u.

9 Ti ijirota ijire. Ijipih_utiyequina tire y_uh_u nidire masiñequinare “Ijirota ijire”, nino cahmene tiquinare.

10 Ijipih_utiyequina tire tiquina niatire Cohācjū cahmeñene tiquina yeatire mari tutuaro dahraja. Sa yena ñano y_uhd_uaja mari apequina marine ñano tiquina yegū. Cohācjū catiriquiro, ijipih_utiyequinare pecap_u waha- boriquinare y_uhd_uoriquiro ijire. Tiquirore wacū tu- tuayequina pūritare tiquiro y_uhd_uorota. Sa yena tiquiro y_uhd_uoatire masina, co- hteaja mari. Sa yena Cohācjū cahmeñe pehere masa tiquina yeatire tutuaro

buhe dahraja mari.

11 Ti ijipih_utiye y_uh_u nidire dutiya Jesu yequinare. Sa yeg_u tire buheya m_uh_u.

12 Wahm_u m_uh_u ijigū ihñañe apequina Jesu yequina m_uh_ure y_uhd_uuca duaboaga. Tiquina “Sa yeari”, nig_u, ohō saha ye ihñaña tiquinare. Masare cahña. Sa yeg_u Jesure wacū tutuaducuya. Sa yeg_u buhiri marieg_u ijiya. Wahm_u ijiepeg_uta m_uh_u sa yegū ihñañe m_uh_ure y_uhd_uucasi tiquina. Sa ye m_uh_u yahudu- curire t_uhoye, m_uh_u yerire ihñañe m_uh_ure ihña cūeta.

13 Sa yeg_u m_uh_u ca- har_u y_uh_u esato pano Jesu yequinare Cohācjū yere tiquina ojoari pūre buhe tuhasa tiquinare sa yahu quehnoducuya.

14 Jesu yequina p_uhtoare Cohācjū tiquiro dutigū tiquina pehe Cohācjū yere yahu tuhasa m_uh_u bui tiquina omocarine duhu peori. Tiquina sa duhu peogū Cohācjū ye ijiatire m_uh_u ye masiatire cūri m_uh_ure Cohācjū. Tiquiro sa cūrire ye duhueracāhña.

15 Ahri dutiyere sa yedu- cuya m_uh_u. Sa yeg_u ahri dutiyere quehnoano masiña. M_uh_u sa yeri bato quehnoañene m_uh_u ye nemogū ijipih_utiyequina ihñaeta.

16 M_uh_u pehe quehnoano yeya m_uh_u, “Sijoro saha yeari”, nig_u. Sa yeg_u quehnoano buheya m_uh_u, “Sijoro saha buheari”, nig_u.

Sa yegũ mũhũ basita pecapũ wahaborigũ yahdũguta mũhũ. Sa ye mũhũre tũhoriquina gũhũ pecapũ wahaboriquina yahdũeta.

5

“Apequina Jesu yequinare ohõ saha yeya mũhũ”, niahye Pablo Timoteore

¹ Ne bũcũrore tuhtier-acãhũa. Mũhũ pacũre mũhũ quehnoano yeriro sahata bũcũro gũhũre quehnoano mehna yahuya. Sa yegũ mũhũ bahanare mũhũ quehnoano yeriro sahata wahma pjia gũhũre quehnoano ño peoro mehna tiquinare yahuya.

² Sa yegũ mũhũ pacore mũhũ quehnoano yeriro sahata bũcũna numia gũhũre quehnoano ño peoye mehna yahuya. Sa yegũ mũhũ bahana numiare mũhũ quehnoano ño peoriro sahata nuhmia gũhũre ñano ñe pjero marieno, quehnoano ño peoye mehna yahuya tiquinare.

³ Sa yegũ wape wiha numiare potota acaye marieñequina numiare ño peoye mehna yedohoya tiquinare.

⁴ Wape wihoro pohna tiri-coro ijigũ, o panamena tiri-coro ticoro ijigũ gũhũre ticoro pohne, ticoro panamena gũhũ yedohoahro ticorore. Sa yedohoye Cohãcjũ masare tiquina acayere tiquiro ye dutiyere yeye nine tiquina. Sa yeye tiquina ticorore wapamonore wapa yeye

niaga. Tiquina sa yegũ ihñano Cohãcjũ quehnoano bucuere.

⁵ Pejecũoricoro, wape wihoro acaye marienico-ro ijiro, Cohãcjũ ticorore tiquiro yedohoatire cohtere ticoro. Sa yero ñaminipe, decoripe ticoro Cohãcjũre sa siniducure.

⁶ Apecoro pehe wape wihoro ñañe mehna bu-cue duaricoro ijiro ticoro catiricoro ijieperota pecapũ wahaticoro ijire.

⁷ Ahri ijipihtiye yahũ yahurire Jesu yequina gũhũre ye dutiya mũhũ, quehnoañe dihitare tiquina yeatire. Tiquina sa yegũ ihñañe apequina tiquinare “Ñano yeye nine”, ni masiedare.

⁸ Ihcãquiro tiquiro acayere ihña ihboeraro, tiquiro pohne tiquina pacoro gũhũre quehnoano ihña ihboeraro “Jesu yaquiro ijiaja”, ni masiedare. Sa yero Jesure cahmeeñequina yahdũoro ña yahdũariquiro ijire tiquiro.

⁹ Wape wiha numiare yedohonata mũsa. Ohõ saha beseya mũsa yedohoatiquina numiare. Tiquina wamene ojoa ohõati pũpũ ojoagũ tagũ ohõ saha beseya tiquina numiare: Sesenta cãmari cũoericorore ticoro wamene ojoa ohõedacãhũa. Sa yegũ wape wihoro ihcãquiroreta manũ timedicorore ticoro wamene ojoa ohõña.

¹⁰ Sa manũ timediquina numiare “Quehnoañene yeyequina numia ijire”, masa tiquina niñequina numiare, tiquina pohnene

quehnoano masori numiare beseya. Sa yegū tiquina ye wāhūsepū apequinare quehnoano sa jā ta dutiyequina numiare, cahacjēna yero saha Jesu yequinare yedohoye numiare, tiquina dahpocārīne coseri numiare, ñano yūhdūyequinare yedohoye numiare, quehnoañe dihitare yeye numiare beseya. Tiquina numiare mūsa yedohoati numiare bese tuhasagūpū, tiquina wamene ojoa ohōña māhū.

¹¹ Sa ye wape wiha numia nuhmia cjūno tiquina ijigū tiquina numia pehere beseracāhña. Sa yegū ti pūpū tiquina wamene ojoa ohōedacāhña. Came tiquina yere tutuaro ye duaye, Cristore cohā, pari turi manū tiboaga.

¹² Tiquina Cristore “Māhū yequinare yedohonatja”, nidiquina numia ijiepetā camepūre tiquina nidiro sahata yedohoeraboaga tiquina. Tiquina sa yedohorerari buhiri buhiri tieta.

¹³ Tiquina numia ohō saha yere: Dahraeye numia ijipore. Sa ye apequina ye wāhūsepū waha, ñañe quiti dahre, sijoro saha mari yegū marine sa yahuducure. Sa ye tiquina yahu dutierarire yahu wajare tiquina numia.

¹⁴ Sa yegū tiquina numia ohō saha yegū cahmeaja yāhū: Wape wiha numia nuhmia cjūnogā ijiye numia manū tiahro. Sa ye Jesu yequinare “Ūsāre yedohoya”, nino marieno ijiahro tiquina

numia. Sa ye tiquina pohna tiahro. Sa ye tiquina ye wāhūse cjēnare quehnoano ihña ihboahro. Mari ye numia wape wiha numia tiquina sa yegū marine ihña tuhtiyequina marine “Ñañene yeye nine”, ni tuhti masiedare.

¹⁵ Yojopū pūritare ihquē numia wape wiha numia Cristo yere duhu, watīno cahmeñe pehere ye tuhasare. Sa yegū sa ni yahuaja māhūre.

¹⁶ Jesu yequina tiquina acayoro wape wihoro ticoro ijigū tiquina ticoro acaye ticorore yedohoahro. Apequina Jesu yequina pehe ticorore yedohoeracāhdō. Sa ye Jesu yequina ticoro acaye cūoricorore yedohoeraye, apequina numia wape wiha numia acaye marieñe numia pehere yedoho masine.

¹⁷ Jesu yequina pūhtoā mā sare tiquina quehnoano buhegū tiquina dahrayere tiquina quehnoano yegū ihñana ño peoya tiquinare. Sa yena quehnoano wapa yeya tiquinare. Ihquēquina tiquina mehna cjēna Cohācjū yere yahuyequina mā sare buhēyequina gūhū ijire. Tiquina pūritare apequina yūhdūoro quehnoano ño peoya.

¹⁸ Cohācjū yere tiquina ojoari pūpū ohō saha nine, dahrarīquirore tiquina wapa yeatire yahuro: “Wecū trigo pjerire tiquiro dahpocārī mehna suhti wegū tiquiro dūserore cahmotaeracāhña. Tiquiro cahmeno

ihyaahro”, ni ojoahye. Sa yero ape pūpū ohō saha nine: “Dahrariquirore tiquiro dahrari wapare ohoro cahmene”, nine Cohācjū yere tiquina ojoari pūpū. Tiquiro sa nigū tahona Jesu yequina pūhtoare quehnoano ño peoya mūsa. Sa yena quehnoano wapa yeya tiquinare.

19 Jesu yequina pūhtorore tiquiro ñano yegū ihñano ihcāquirola yahusā masiedare. Pūhtorore ñañene yahusātiquina ihtiaro ijiye, tiquirore yahusā masine. Ihtiaro mariedagū pūaro yahusā masine.

20 Sa yena ñañene yeducuriquirore ijipihtina mūsa watoa tiquiro ijigū tiquirore tuhtiya, apequina cueatire, ñañene tiquina yeratire.

21 Sa yegū Cohācjū, Jesu-cristo, tiquiro beseriquina angele gūhū tiquina ihñonopū ahrire dutiaja mūhare: Yojopū mūhare yūhū dutirire ye pehoya. Sa yegū ijigū ijipihtiyequinare Jesu yequinare ihcāno saha yeya. Apequirore sijoro saha, apequirore sijoro saha yeracāhña.

22 Apequinare Cohācjū dahrayere mūhū cūatire tiquina bui mūhū omocarine mūhū duhu peoato pano sojaro marieno quehnoano tūho masiñe mehna tiquinare beseya. Tiquina ñañequina ijiyoaga. Sa ijiyequinare Cohācjū dahrayere cūedacāhña. Sa cūgū mūhū gūhū mūhū duhu

peoyequina tiquina ñañene yero sahata yegū niboaga mūhū. Sa yeracāhña. Sa yegū ñañe mariegū ijiya mūhū.

23 Ušuro waro paa purīnohgū ijire mūhū. Sa yegū yojopūre aco dihitare sihnimene mūhū. Sa yegū mehenogā vino gūhare sihniña mūhū. Paa purīne co ijire ti.

24 Ihquēquina tiquina ñañene yegū mari ihñaja. Sa yena Cohācjū tiquinare tiquiro buhiri dahreatire masiaja mari. Apequina pehere tiquina ñañe yerire mari masiedaja. Tiquina ñañe yerire came masinata.

25 Ti ijiro sahata ihquēquina quehnoañene tiquina yegū tire mari masiaja. Apeye tiquina quehnoañe yerire yojopūre masiedapenata camepū masinata mari. Ti quehnoañene nūono basioerare.

6

1 Cahacjēna Jesu yequina pehe tiquina pūhtoare quehnoano ño peoahro. Tiquina sa ño peogū ihñañe apequina Cohācjūre, mari buheye gūhare ñano yahuducu masiedare.

2 Tiquina pūhtoa Jesu yequina tiquina ijigū ihñañe tiquina cahacjēna pehe Jesu yequina ijiye, tiquinare ihñapoye ño peoeraboaga. Sa yeraro cahmene. Tiquina pūhtoa Jesu yequina tiquina ijigū pūritare tiquina cahacjēna quehnoano ño peoahro tiquinare. Sa ño

peoye tiquina cahacjēna pehe Jesu yequinare, tiquina cahñequinare yedohoye nine. Tiquina pũhtoare Jesu yequinare yedohoye, Jesure cahmeeñequinare tiquina ño peoriro yũhdũoro Jesu yequina pehere ño peohro tiquina cahñequina ijigũ. Ahri yũhũ yahurire buheya. Sa yegũ ahrire dutiya.

Cohãcjũre ño peoye gũhũre quehnoano ijiye gũhũre yahuahye Pablo

³ Sijoro saha ijiye buheyere buheriquiro mari pũhtoro Jesucristo ye buheyere quehnoañe buheyere "Ijirota ijire", ni tũho duerare. Sa yero mari ye buheyere Cohãcjũre ño peoye buheyere cahmedare.

⁴ Sa yero tiquiro "Masi pehogũ ijiaja", nieperota tire ne masiedare. Sa yero tũho masieniquiro yero saha tutuaro cahme dũse tutua duare tiquiro. Sa yero Cohãcjũ yere sa ni maca cãriquiro ijire. Masa tiquiro yero saha ijiyequina cahme dũse tutuaye, tiquina basi cahme ihña cooye, cahme ihña duerare. Sa ye apequinare ñano quitu dahreye, masiedapeta masare ñano ni tũhoture tiquina.

⁵ Sa ye tiquina ñañe dihitare tũhotuyequina, potu ijiyere ne masieñequina sa cahme dũse tutuaducure. Sa ye "Cohãcjũ yere buhena, niñerure wapatanata mari", ni tũhoture tiquina.

⁶ Mari ye mehenogã mari cũoye mehna bucuenta,

Cohãcjũre ño peona, potota quehnoano ijina niaja mari.

⁷ Ahri yehpapũre masa bajuana ne apee borore ne cãhtaerũ mari. Sa yena mari yariari bato wahana, ne apee borore nea masiedaja mari. Sa yena masa yere masa cũoye mehna to punota bucueya. Pajiro cahme nemoedacãhña.

⁸ Sa yena mari ihyayere mari suhti gũhũre cũona apeyere cahme nemoedacãhña. Masa cũoro punota bucueya masa.

⁹ Doeri cjẽ opana iji duayequinare watĩno ñañene tiquiro ye dutigũ tiquina pehe peye ñañene yeducuyequina ijiboaga. Sa ye tiquina peye tahari tũho masieñequina yero saha apee borore tutuaro cahmeñe, ñañe yeyere duhueraye, tiquina basita ñano yũhdũre. Sa duhueraye, pecarũ wahtaeta tiquina.

¹⁰ Niñerure tutuaro cahmeñe, peye ñañene ye dũcare masa. Ihquẽquina niñerure cahñe, tutuaro cahmeñe, Jesure wacũ tutua duhuye, peye tahari ñano jeripohna tire tiquina.

Cohãcjũ yere yena ñañene duhuya

¹¹ Mũhũ pũrita Cohãcjũ yaquiota ijire. Sa yegũ ahri ñañene yeracãhña. Sa yegũ quehnoañe pehere cahmeña. Cohãcjũ yere yeya. Sa yegũ Jesure wacũ tutuaya. Sa yegũ apequinare cahñña. Ñano yũhdũrepegũta ihcãno sahaya. Sa yegũ sa tũhotu cãhña.

12 Ʋhmusepu sa ijiducucjare Cohãcjũ beseri mũhare. Sa yegu Cohãcjũre mũhu wacũ tutuayere peyequina masare quehnoano yahuri mũhu. Sa yegu ñano yahdũepegũta tiquirore wacũ tutua duhueracãhña Ʋhmusepu mũhu sa ijiducutire.

13 Cohãcjũ ijipihtiyequinare catigũ yeriquiro ijire. Ijipihtiyere ijigũ yeriquiro ijire. Sa yero Jesucristo pehe Poncio Pilatore Cohãcjũ yere quehnoano yahuriquiro ijire. Sa yegu Cohãcjũ, Jesucristo gũhu tiquina ihñonopũ ahrire mũhare ye dutiitja:

14 Mũhare tiquiro dutirire ye peho cãhña. Jesucristo tiquiro tojoa tato pano masa mũhare ñañene tiquina “Yahusãri”, nigũ, tiquiro dutirireta yeducuya.

15 Tiquiro queoriro sahata Cohãcjũ Cristore tojoa tagũ yerota. Cohãcjũ quehnoariquiro, tiquiro dihita masare dutiriquiro ijire. Sa yero ijipihtiyequina apequina pũhtoa bui pũhtoro ijire tiquiro.

16 Sa yero tiquiro dihita ne yarieriquiro ijire. Tiquiro asi siteye mehna ijiriquiro ijire. Sa ye masa tiquiro asi siteye cahapũ waha masiedare. Sa yeye tiquirore masa ne ihñedari. Sa yeye yojopũ gũhare tiquirore ihñedare. Tiquiro pehere ño peuhna. Sa yena “Ijipihtiye decori tutuariquiro ijire tiquiro”, niuhna tiquirore. Sata niuhna.

17 Ahri yehpa cjẽna doeri cjẽ opanare ohõ saha ni dutiya mũhu: “Apequinare masi yahdũdũcaja”, ni tiquina basi tũhotueracãhdo. Tiquina doeri cjẽ tiquina cũoye pihtia waharota. Sa yeye tiquina cũoye dihitarẽ bucueracãhdo. Cohãcjũ pehere bucueahro. Ijipihtiye pototi mari cahmeñene ohoriquiro ijire tiquiro. Tiquiro pehere wacũ tutuahro tiquina doeri cjẽ opana.

18 Sa yeye tiquina quehnoañe pehere yeahro pajiro quehnoañene yeyequina tiquina ijiatire. Sa yeye tiquina cãorire apequinare ohoahro.

19 Tiquina sa yegũ Ʋhmusepu Cohãcjũ cahapũ tiquina ye ijirota. Topũ tiquina ye ijigũ ne butisi. Sa ye topũ sa ijiducuetã tiquina.

Pablo Timoteore duti bato tiahye

20 Timoteo, mũhare Cohãcjũ tiquiro cũrire tiquiro buhe dutirire quehnoano yeya. Boeracãhña mũhu. Ihquẽquina masa Cohãcjũre cahmeeñequina yero saha ni mehoñe, tũho masieñequina ye buheyere yahuducuducure. Sa yahuducuye “Quehnoano masieñequina ye buheye ijire”, nimene tiquina. Sa tiquina ni buheyere tũho nũnũedacãhña.

21 Ihquẽquina ti buheyere tũho nũnũñequina Cristo yere cohã cãhre. Cohãcjũ tiquiro cahñe mehna mũhare tutuaro quehnoa dutiaja.

2 Timoteo

Pablo Timoteore pari turi ojoa ohoahye

¹ Yũhũ Pablo, ahrire mũhũre Timoteore ojoa ohoaja. “Ijipihtiyequina Jesucristore wacũ tutu-ayequina uhmũsepu sa ijiducuenta”, ni, cũri marine Cohãcjũ. Tiquiro sa ni cũrire yahuacjũre yũhũre bese cũri Jesu. Sa cũno Cohãcjũ tiquiro cahmeno sahata yero nidi yũhũre.

² Mũhũ Timoteo yũhũ cahĩgũ ijire. Mũhũre Jesu yere yũhũ buhegũ tũhogu tiquirore quehnoano wacũ tutua dũcarĩ mũhũ. Sa yegũ yũhũ macũ yero saha ijire mũhũ. Sa yegũ Cohãcjũ mari Pacũ, mari puhtoro Jesucristo mehna mũhũre quehnoa dutiaja. Sa yeye mũhũre paja ihña, tiquina yedohoye mehna quehnoano ijiya mũhũ.

Masare Cristo yere tiquina yahurire yahuahye Pablo

³ Ñamipũ, decorũ gãhũre Cohãcjũ mehna yahuducugũ mũhũ ye ijiatire sini basagũ mũhũ mehna bucueaja. Sa bucuegũ Cohãcjũre “Quehnoare”, niaja yũhũ. Panopũ cjẽna yũhũ acaye ñaũe buhiri marieno Cohãcjũ yere tiquina yeriro sahata yũhũ gãhũ yojopũre tiquiro yere yeaja.

⁴ Sohõ ijiri pjere yũhũ wahagũ mũhũ utĩ nũnũ tãe

tirire wacũgũ mũhũre tutuaro ihña duaja, mũhũ mehna quehnoano bucue duagũ.

⁵ Sa yegũ Jesure potota mũhũ wacũ tutuarire wacũaja yũhũ. Mũhũ ñeco, Loida, mũhũ paco Eunice gãhũ mũhũ yero sahata Jesure wacũ tutua mũhtari mũhũ pano. Sa yegũ yojopũre mũhũ gãhũ tiquirore mũhũ wacũ tutuagũ quehnoano masiaja yũhũ.

⁶ Sa yegũ ahrire mũhũre wacũgũ ye duaja. Mũhũ bui yũhũ omocarine yũhũ duhu peogũ Cohãcjũ yere mũhũ yeatire tutuayere ohori mũhũre. Ti tutuaye mehna ye nemoña mũhũ.

⁷ Cohãcjũ marine tiquiro yaquiro Espĩritu Santore ohori. Sa yero masare marine cueragũ yere Espĩritu Santo. Sa yero tutuana, masare cahña, tũho masina marine ijigũ yere tiquiro.

⁸ Sa yegũ mari puhtoro ye ijiatire apequinare yahugũ, bue tieracãhña mũhũ. Yũhũ tiquiro yere yũhũ yeri buhiri peresupũ ijigũ niaja. Peresupũ yũhũ ijigũ yũhũre bue tisãedacãhña mũhũ. Sa yegũ quehnoañe buheyere mũhũ buheri buhiri ñano yũhdũgũ “Quehnoanota”, niña mũhũ gãhũ. Mũhũ sa ñano yũhdũgũ Cohãcjũ mũhũre yedohorota.

⁹ Cohãcjũ pehe marine pecapũ wahaborinare yũhdũori. Sa yero quehnoana, tiquiro yequina ijianare tiquiro beseahye marine. Mari quehnoano yeye mehna tiquirore marine be-

segũ yera. Tiquiro esa tuhara tiquiro cahmediro sahata yero ahri yehpare tiquiro bajumehneato pano marine cahno, tiquiro marine be-seahye. Marine sa cahno marine yuhduoatiquirore Jesucristore ohoahye Cohãcjũ.

10 Yojoꝑure Jesucristore marine yuhduoatiquirore ohoro, marine potota tiquiro cahñene masigũ yero ni-ahye Cohãcjũ. Jesu marine tiquiro yequinare pecarũ wahaeragũ yeri. Sa yero “Yuhure wacũ tutuana Cohãcjũ mehna sa ijiducunata”, nino, quehnoañe buheyere marine yahuro ahtahye tiquiro.

11 Ti buheyere quehnoañe buheyere yahuacjũre tiquiro cũacjũre beseri yuhure.

12 Sa tiquiro beserigũ ijigũ yojoꝑure ñano yuhduaja yuhũ. Ohõ saha ñano yuhduapegũta yuhũ bue tieraja. Yuhũ wacũ tutuariquirore Jesure masiaja yuhũ. Tutuariquiro ijire tiquiro. Sa yero yuhure tiquiro yere buhe duti cũno quehnoano yedohorota. Sa yero ahri yehparũ tiquiro tojoa tato pano, “Muhure yuhduogũtja”, tiquiro nidiro sahata sohtori tirota yuhure. Yuhure yuhduorota tiquiro. Tire quehnoano masiaja.

13 Muhure quehnoano yuhũ yahurire ye pehoya. Cristo Jesu yequina ijina tiquirore quehnoano wacũ tutuaja mari. Sa yena apequinare quehnoano cahñaja. Sa yegũ tiquirore sa wacũ tutuaducuya mũhũ. Apequinare

quehnoano cahñaducuya.

14 Sa yegũ Espiritu Santo mari mehna ijiriquiro tiquiro yedohoro mehna quehnoañe buheyere quehnoano yeya. Queoro buheya.

15 Ijipihtiyequina Asia yehpa cjẽna Jesu yequina yuhure yedoho dueraye, cohã cãa wahari. Tiquina mehna cjẽna pũaro Figelo, Hermógene sata yeri tiquina gũhũ. Tiquina sa cohã cãrire masi tuhasare mũhũ.

16-17 Tiquina sa cohãepegũta Onesiforo pehe peye tahari yuhure yedohoro quehnoano jeri sajãgũ yeri. Sa yero yuhũ peresupũ ijigũ tiquiro yuhure bue tisãedari. Sa yero yuhũ Romarũ ijigũ sa macaducuri jiri yuhure. Sa macaducuro yuhure bocari. Sa yero tiquiro pohne, tiquina pacoro gũhure paja ihñanota Jesu mari pũhtoro. Tiquirore sa paja ihña dutigũ tiquirore sini basaja.

18 Sa yero ahri yehparũ Jesu mari pũhtoro tiquiro tojoa tati deco tiquirore paja ihñanota. Tiquirore sa paja ihña dutigũ tiquirore sini basaja. Efesopũ marine Onesiforo tiquiro yedohorire quehnoano masine mũhũ.

2

Ñano yuhduepenata Jesu yequina ijina ihcãno saharo cahmene marine

1 Mũhũ pehe yuhũ macũ yero saha ijigũ, Jesucristo yedohoro mehna tiquirore wacũ tutuaducuya.

2 Sa yegũ peyequina masare yũhũ buherire mũhũ tũhorire apequina gũhũre buheya mũhũ. Tiquina mũhũ buheyequina Cohãcjũ yere yeducuyequina ijiahro. Sa ye apequinare buhe masiñequina ijiahro.

3 Surara ñano yũhdũeperota tiquiro ihcãno sahariro saha mũhũ gũhũ Jesu yaquiro ijigũ ñano yũhdũgũ, ihcãno sahaya mũhũ. Sa yegũ apequina Jesu yequina yero saha yegũ nine mũhũ.

4 Surara tiquiro pũhtoro dutiye pehere yere. Sa yero tiquiro surara ijieyequina yero saha ihyo ijiyere yerare tiquiro. Mũhũ gũhũ sata Cohãcjũ dutiye dihitaro yeya.

5 Omariquiro oma dutiyequina tiquina dutiyere queoro yeraro, tiquiro oma yũhdũdũcari wapare ne masiedare. (Sa yegũ omariquiro ti dutiyere queoro tiquiro yeriro saha Cohãcjũ dutiyere quehnoano ye pehoya mũhũ.)

6 Sa yero wese dahrariquiro quehnoano dahrariquiro pehe apequina pano quehnoano wapatare. (Sa yegũ mũhũ gũhũ tiquiro yero saha quehnoano dahraya mũhũ.)

7 Ijipihtiyere quehnoano masigũ yerota Jesu mari pũhtoro mũhũre. Sa yegũ yojopũre mũhũre yũhũ nidire quehnoano wacũ tũhotuya.

8 Sa yegũ Jesucristore wacũña. Tiquiro pũhtoro Davi mũnano panopũ cjãno

tiquiro panamino iji turiariquiro ijiahye. Sa yero yariaro masa mũjahye tiquiro. Quehnoañe buheyere buhegũ tiquiro sa waharireta buhegũ niaga.

9 Tiquiro yere buhegũ ñano yũhdũaja yũhũ. Sa yegũ tire yũhũ buheri buhiri ñañene yeriquiro yero saha peresupũ ijiaja yũhũ. Yũhũ sa ijiepegũta Cohãcjũ ye yahuducuyere buhe duhugũ ye masiedare masa yũhũre.

10 Sa yegũ Cohãcjũ beseriquinare buhegũ peye tahari ñano yũhdũaja yũhũ, tiquina gũhũ Jesucristo yequina tiquina ijiatire. Tiquiro yequina ijiye tiquina pecapũ wahaboriquina pehe tiquiro yũhdũoatiquina ijieta. Sa ye tiquina Cohãcjũ mehna sa ijiducueta.

11 Ahri yũhũ niati ijirota ijire. Cristo yere mari yeri buhiri apequina marine tiquina wejẽgũ tiquiro mehna uhmũsepe sa ijiducunata.

12 Sa yena tiquiro yere mari yeri buhiri ñano yũhdũepenata ihcãno sahana tiquiro pũhtoro ijiropũre tiquiro mehna pũhtoata ijinata mari gũhũ.

13 “Cristore usã masiedaja”, mari nigũ, tiquiro gũhũ marine sata ninota. Tiquirore mari yũhdũdũcagũ ihñano tiquiro nidiro sahata marine buhiri

dahrerota. Tiquiro ni-
diro sahata yeriquiro
ijire tiquiro. Ne ni
mehoedare. Ahri ijip-
ihtiyē tiquiro yahuri
ijirota ijire.

*Cohācjū tiquiro ihña
coayequinare, tiquiro yere
buheyequinare yahuahye
Pablo Timoteore*

14 Ahri yuhū yojopū yahu-
atire mūhū mehna cjēnare
wacūgū yeya. Tiquina esa
tuharo ihyo ijiyere tiquina
yahuducuye dūhseati ijier-
are. Sa yeye tiquinare
tūhoriquinare ñano yegū
yere. Sa yegū mari pūhtoro
ihñonopū ohō saha ni
yahuya tiquina esa tuharo
buheriquinare. “Mūsa
yahuducuro saha yahudu-
cueracāhña”, niña tiquinare.

15 Mūhū pehe Cohācjū yere
quehnoano buheya. Sa
yegū Cohācjū yere tutuaro
yeya. Mūhū sa yegū ihñano
“Quehnoano yeri mūhū”,
ninota Cohācjū mūhūre. Sa
yegū mūhū buherire tiquiro
ihñagū bue tisi mūhū. Sa
yegū tiquiro ye buheyere
quehnoano masiña. Sa yegū
tire queoro buheya.

16 Tiquina esa tuharo
yahuducuyequina ñañene sa
yeducure. Sa yegū tiquina sa
ni yahuducuyere tūho yabiya
mūhū.

17 Tiquina pehe tiquina
yahuducuye camino ahba
mūjano yero saha ijire.
Camino ahba mūjano saha
tiquina yahuducuye gūhū
apequina Jesu yequinare

ñañequina wahagū yeeta. Sa
yahuducuyequina mehna
cjēna Himeneo, Fileto gūhū
ijire.

18 Sa yeye tiquina
“Jesu yequina masa mūja
tuhasari”, ni buheye,
quehnoañe buheyere duhu
cāri tiquina. Sa sijoro saha
buheye, meheñequinagā Jesu
yequinare tiquirore wacū
tutua duhugū yeri tiquina.

19 Tiquina sa ñano
buhepegūta Cohācjū ye buh-
eye pehe ne comesaerare.
Ohō saha nine tiquiro ye
buheye: “Mari pūhtoro Jesu
tiquiro yequinare masine.
Sa ye, ijipihtiyequina ‘Jesu
yequina ijiaja’, niñequina
ñañene duhu cāhdo”, ni
yahure Cohācjū ye buheye.

20 Mari queoye mehna
buhegū masa sihniñe pari
yero saha ijire. Pajiri wūhūpū
uru, plata mehna tiquina
yeri pari ijire. Sa yero ti
wūhūpū apeye pari yucūgū
mehna, dihi mehna tiquina
yeri pari ijire. Uru, plata
mehna tiquina yeri pari
quehnoañene tiquina pose
yeati ijire. Apeye pari ihyo
ijiyere tiquina pose yeati
ijire.

21 Sa yero ñañene yer-
ariquiro uru pa quehnoari
pa yero saha ijirota. Sa yero
tiquiro pehe Jesu ye dihitare
yeducuriquiro ijirota. Sa
yero wūhū cjāno quehnoari
pa mehna quehnoañene
tiquiro yeriro saha, ñañene
yerariquiro Jesu ye ijiatire
quehnoañene yerota.

22 Wahmu ijire muhu. Sa yegu wahma pjia ñañene tiquina tutuaro ye duaro sahata yeracãhña muhu. Sa yegu quehnoañene yeya. Jesure wacũ tutuaducuya. Sa yegu tiquirote, masa gũhure cahña. Sa yegu muhu mehna cjëna Jesu yequina mehna ijigũ cahmequeno marieno quehnoano ijiya muhu. Sa yeya muhu Cohãcjüre yuhtiyequina tiquirote siniducuyequina mehna ijigũ.

23 Sa yegu tãhoturo marieno tiquina cahme yahuducuyere muhu gũhu tãho nãnedacãhña. Sa yegu muhu gũhu sa cahme yahuducueracãhña. Sa ni yahuducuye masa tiquina basi cahme tuhti, usuare.

24 Cohãcjũ cahacjũno ihcãquiro ijiro, cahme tuhtieraro cahmene tiquirote. Sa yero ijipihitiyequinare quehnoano yeriquiro, buhe mihnidiquiro, duita usueriquiro ijiro cahmene tiquirote.

25 Sa yero apequina tiquiro mehna tiquina cahme tuhtigũ tiquiro tiquinare yahuro, quehnoano mehna usuaro marieno yahuro cahmene tiquirote. Tiquiro sa yahugũ ihñañe Cohãcjũ yedohoye mehna tiquina pehe tiquina ñañe yerire bujua witiboaga. Sa ye quehnoañe buheyere masi ducaboaga.

26 Tiquinare watino cãomedi tiquiro cahmeñene yeatiquinare. Sa ye tiquina

ñañe yerire bujua witiri bato quehnoañe buheyere masiñe, watĩnore cohã cãeta.

3

Pihtiati deco ijiatire yahuahye Pablo Timoteore

1 Pihtiati deco panogãre ñano yũhdũeta masa. Tire quehnoano masiña muhu.

2 Ti pjere masa apequinare wacũ peoyequina, niñerure cahme yũhdũducayequina, “Apequinare masi yũhdũducaja”, ni tiquina basi tãhotuyequina, masare ñano tuhtiyequina, tiquina pacũsmũare yũhdũducayequina, tiquina ohoepegũta “Quehnoare”, nieñequina, Cohãcjüre ño peoyequina ijieta.

3-4 Sa ye masare cahñeñequina, paja ihñeñequina, ñañe quti dahreyequina, tiquina esa tuhoro ñano yeducuyequina, masare sa quẽducuyequina, quehnoañene yabiyequina, tiquina mehna cjëna ñano yeyequina, tãho masieñequina, “Masi pehoaja”, ni tãhotuyequina ijieta masa. Sa ye ñañene cahme yũhdũducayequina ijiye, Cohãcjũ pehere cahmeeñequina ijieta.

5 Sa ye tiquina masa ihñonopũ Cohãcjüre ño peoepeta “Cohãcjũ ihyo ijiriquiro ijire”, ni tãhotumene tiquina.

Sa niñequinare piti tieracãhña muhu.

6 Tiquina mehna cjëna tãho masieñequina numia ye

wuhasepa sajā, tiquina numiare ni mehoñene buhere. Tiquina numia pehe sa ñañene yeducuyequina numia, tutuaro ñañene ye duare.

⁷ Tiquina numia sa buheducuye ihyo ijiye buheyere, sijoro saha ijiye buheyere tuhoye numia ijiye, Cohācjū ye buheye pehere ne masiedare.

⁸ Panopa Jane, Jambre yayia muna Moiserere tiquina ihña tuhtiriro sahata pihtiatideco panogā ijiyequina masa quehnoañe buheye pehere ihña tuhtietia. Tiquina ñañe dihitare tuhoyequina ijieta. Sa ye Jesure wacū tutuayequina waro ijierare.

⁹ Sa yeyequina tiquina ni mehoñene tuho duasi apequina pehe. Came tiquina ni mehoñene, tuho masieñequina tiquina ijiye gūhure ijipihtiyequina masieta. Jane, Jambre mehna tiquina ni mehoñene panopa masa tiquina masidiro sahata sata masieta pihtiatideco panogā ni mehoñequina tiquina ijiyere.

Pablo Timoteore duti bato tiahye

¹⁰ Yūhu buheyere, yūhu yee tirire, yūhu ijiye tiyere, yūhu ye duayere, Jesure yūhu wacū tutuayere masine mūhu. Sa yegu usuaro marieno yūhu yerire, masare yūhu cahñene, ñano yūhduepeguta yūhu ihcāno saharire masine mūhu.

¹¹ Sa yegu yūhure tiquina ñano yerire, yūhu ñano yūhdurire masine mūhu. Sa

yegu Antioquíaru, Iconiopa, Listraru, yūhure ña yūhduro tiquina yerire masine mūhu. Yūhu sa wahagū ihñano mari puhtoro Jesu pehe yūhure yedohori.

¹² Ijipihtiyequina Jesu-cristo yequina tiquina iji duagū Cohācjū dutiriro sahata tiquina yeducu duagū apequina tiquinare ñano yeeta. Ti ijirota ijire.

¹³ Sa ye ñañequina pehe ni mehoñequina gūhu ña yūhdūayequina wahaeta. Apequinare ni mehoñe, tiquina basi ni mehoñene “Sa tjire”, niñe, ña yūhdūayequina wahaeta.

¹⁴ Mūhu pehe mūhure yūhu buherire, quehnoano mūhu tuhorire sa wacūducuya. Sa yegu yūhu buheriro sahata yeya. Mūhure buheriquinare masine mūhu.

¹⁵ Mūhu nijigu ijigupata Cohācjū yere tiquina ojoari pūre masi dūcahye mūhu. Tiqiro yere tiquina ojoari pūpu ohō saha ni yahure mūhure: Jesucristore wacū tutuayequina dihitare pecaru wahaboriquinare yūhdūore Cohācjū.

¹⁶ Cohācjū yere tiquina ojoari pūpu ijipihtiyere Cohācjū pehe oja dutiahye. Sa yena ti pūre buhena mari masi nemoaja. Ti pūre buhena Cohācjū dutiyere mari yeatire masiaja. Sa buhena mari ñañe yerire “Ahri ñañe ijire”, ni tuhoyequina mari. Sa yero ti pū marine quehnoañe pehere comesa dutire. Sa yero decoripe

quehnoañene mari yeducu-
atire yahure ti pũ.

¹⁷ Sa yero Cohãcjũ yaquiro
tiquiro ya pũre buhero,
masi pehorota. Sa masino
ijipihtiyere quehnoañene ye
masinota tiquiro.

4

¹ Jesucristo ijipihtiyequina
pũhtoro, tojoa tatiquiro,
catiyequinare, yariariquina
gũhure buhiri dahre duti-
atiquiro tiquiro ihñonopũ
mũhure ohõ saha ni yahutja.
Cohãcjũ ihñonopũ gũhure ohõ
saha ni yahutja mũhure:

² Decoripe masa tiquina
tũho duagũ tiquina tũho
dueragũ gũhure Cohãcjũ
yere yahuya. Sa yahugũ
masa tiquina ñaÑe yerire
masigũ yeya tiquinare. Sa
yegũ tiquina ñaÑe yerire “Ye
nemoedacãhña”, ni yahuya
tiquinare. Quehnoañe pe-
here ye dutiya. Sa buhegũ
ne usuegũ, caributieracãhña
mũhũ. Sa yegũ ne apequinare
buhe duhueracãhña.

³⁻⁴ Camepũ masa quehnoañe
buheyere tũho duasi. Sa
tũho dueraye, tiquina cah-
meno sahata yeye, tiquina
tũho coaye dihitare buheye-
quinare cahmeeta tiquina.
Sa ye ni mehoÑe buheyere
peyequina buheyequinare
cũoeta. Tiquina sa yeye
quehnoañe buheye pehere
cohã, tiquina sa buhe maca
cãrire tũho nũnũeta. Sa yegũ
quehnoañe buheyere buhe
duhueracãhña mũhũ.

⁵ Mũhũ gũhũ sa ijigũ
decoripe tũho masigũ ijiya.

Sa yegũ ñano yãhduepegũta
ihcãno sahaya. Sa yegũ
quehnoañe buheyere sa
buheducuya. Cohãcjũ
mũhure tiquiro ye dutirire ye
peho cãhña mũhũ.

⁶ Yũhũ Cohãcjũ yere yũhũ
yeri buhiri yũhũ yariato
mehenogã dũhsare. Sa yegũ
meheÑe decorigã catiniitja.

⁷ Yũhũ yariato panogã
ahrire yahutja: Jesu
quehnoañe buheyere yũhure
buhe dutiro tiquiro cũrire
quehnoano buhe sohtori
tii. Tiquiro ye dutiyere
quehnoano ye pehou. Sa
yegũ ñano yãhduepegũta
tiquiore ne wacũ tutua
duhuera.

⁸ Yojopũre quehnoañene
yũhũ yeri wapare umũsepũ
ihboro niaga. Sa yero
mari pũhtoro, ijipihtiy-
equinare masi pehoriquiro,
buhiri dahre dutiro queoro
yahuriquiro tiquiro tojoa
tati deco tiquiro yere yũhũ
yeri wapare ohorota yũhure.
Apequina gũhure tiquiro
tojoa tatire cohteyequinare
tiquiore cahĩÑequinare
tiquiro yere tiquina yeri
wapare ohorota Jesu.

*Pablo yahu nemoahye
Timoteore*

⁹ Yũhũ cahapũ umũÑano
ihñagũ ahtaya mũhũ.

¹⁰ Dema ahri yehpa cjẽ
ijipihtiyere tutuaro cahmeno
yũhure yedoho dueraro cohã
cãa wahari Tesalõnicapũ.
Crescente gũhũ Galacia yeh-
rapũ wahari. Sa yero Tito
gũhũ Dalmaciapũ wahari.

11 Luca dihita yāhū mehna ijire. Marco yāhūre quehnoano yedohoatiqairo ijire. Sa yegū tiquirore ne cāhtaya māhū.

12 Sa yegū Tíquicore Efesopū ohou.

13 Ohōpū ahtagū, yāhū bui sañari suhtirore, Troapū Carpo ya wāhūpū yāhū cūri suhtirore ne cāhtaya. Sa ye sohō ijiri tunuri ojoari tunuri gāhūre ne cāhtaya. Sohō ijiri cahseri ojoari cahseri pūritare tutuaro cahmeaja yāhū. Sa yegū ti cahseri gāhūre ne cāhtaya.

14 Alejandro comene dahrariqairo yāhūre ña yāhdūaro yeri. Sa yero tiquiro sa yeri buhiri Cohācjū buhiri dahrerota.

15 Tiquiro Alejandro mari ye buheyere tutuaro ihña tuhtiri. Sa yegū tiquiro māsare “Ñano yeari” nigū, tiquirore ihñagū, quehnoano wacū masiña.

16 Masare beseriquirore peresupū ye dutiriquirore yāhū yerire, yāhū buherire tiquirore yāhū coā yahugū ne ihcāquiro boro Jesu yaquiro yāhūre yedohoerari. Ijipihtiyequina yāhūre yedohoeraye, cohā cāa wahari. Tiquina sa cohāepēgūta yāhūre tiquina cohāri buhiri Cohācjū buhiri dahreracāhdo.

17 Yāhū sa wahaepēgūta Cohācjū yāhūre yedohori. Sa yero tiquiro ye buheyere yāhū quehnoano yahuatire tiquiro ye tutuayere ohori yāhūre, ijipihtiyequina judio masa ijieyequina ti buheyere

tiquina tūhoatire. Sa yero yāhūre tiquina ñano tiquina ye duepegūta yāhūre tiquina ñano yeborigūre yedohori mari pūhtoro.

18 Ijipihtiyequina yāhūre ñano yeyequinare yāhdūdūcaro, yāhūre yedohorota mari pūhtoro. Sa yero ahmūsepū tiquiro pūhtoro ijiropū yāhūre iji dutiro, yāhūre yāhdūhorota tiquiro. Sa yena “Tiquiro quehnoa yāhdūariqairo, tutua yāhdūariqairo ijire”, niihna mari ijipihtiye decori. Sata niihna.

Pablo quehnoa dutiahye Timoteo cahapū ijieyequinare

19 Prisca, Aquila, Onesíforo ya wāhū cjēna gāhū quehnoahdo.

20 Erasto Corintopū tojoari. Trófimo Miletopū dohatia wahari. Sa yegū tiquirore topū cūu yāhū.

21 Pohero pano umūñano ahtaya māhū. Eubulo, Pudente, Lino, Claudia gāhū, ijipihtiyequina Jesu yequina māhūre quehnoa dutire.

22 Mari pūhtoro Jesucristo māhū mehna ijirota. Sa yegū māsare ijipihtinare Cohācjū mehna pajiro quehnoa dutiaja.

Tito

Pablo Titore ojoa ohoahye

1 Y^hh^u Pablo Cohãcjũ cahacjã, Jesucristo yere tiquiro buhe duti cûrigu ijiaja. Cohãcjũ beseriquina Jesure tiquina wacũ tuatire quehnoañe buheyere tiquina masiatire Jesu buhe dutiro y^hh^ure cûri. Ti buheye Cohãcjũ dutiro saha mari yeatire yahure.

2 Sa yeg^u ijipihtiye decori Cohãcjũ yequina ^uhm^usep^u tiquina ijiducuati g^uh^ure buheaja tiquinare. Cohãcjũ ne ni mehoñe marieniquiro ahri yehpare tiquiro bajumehneato pano ohõ saha ni c^uahye marine: “^uhm^usep^u sa ijiducunata m^usa”, ni c^uahye marine.

3 Sa yero tiquiro queori pje Cohãcjũ tiquiro ni cûrire yahu dutiri masare. Sata y^hh^ure ni yahu dutiri tiquiro. Marine pecap^u wahaborinare y^hh^uhoriquiro ijire.

4 M^uh^ure Titore Jesu yere buhei. Y^hh^u sa buheg^u t^uhog^u Jesure wacũ tutua d^ucar^u m^uh^u. Sa yeg^u m^uh^u potota y^hh^u mac^u yero saha ijig^uta nine. M^uh^ure ahrire ojoag^u niaja. Sa yeg^u Cohãcjũ mari Pac^u mehna, Jesucristo marine y^hh^uhoriquiro mehna m^uh^ure quehnoa dutiaja. Sa ye paja ih^uñ^uñe, m^uh^ure tiquina yedohoye mehna quehnoano ijiya m^uh^u.

Creta wame tiri n^uc^uop^u
Tito tiquiro yeatire yahuahye
Pablo

5 Creta wame tiri n^uc^uop^u m^uh^ure y^hh^u c^ug^u Jesu yequina tiquina buheati d^uhsar^udi ti pjere. Sa yeg^u tiquina yeatire yahuyucj^ure c^ug^u nii y^hh^u m^uh^ure. Sa yeg^u macaripe cj^una Jesu yequina p^uh^utoa ijiatiquinare bese dutig^u c^ug^u nii m^uh^ure.

6-8 Tiquina p^uh^utoa Cohãcjũ cahacj^una ijire. Sa yeg^u tiquinare beseg^u quehnoañequinare beseya sijoro saha yeeyequinare. Sa yeg^u ih^uqu^uequina numiaretata namo tiyequinare, “Apequinare masi y^hh^ud^ud^ucaja”, ni t^uhotueyequinare, usueyequinare, queheye marieñequinare, cahmequeñe marieñequinare, apequina yere ni meho ehmeñequinare beseya. Sa beseg^u tiquina w^uh^usep^u sajã sayequinare quehnoano ih^uña ihboyequinare, quehnoañe pehere quehnoano bucueyequinare, t^uho masiñequinare, quehnoañene yeducuyequinare, ñañe marieñequinare, ñañene yeeyequinare, niji siaro marieno dahrayequinare, quehnoañene yeducuyequinare beseya. Sa ye m^uh^u beseatiquina pohnene ohõ saha ijiyequina ijiro cahmene: Jesure wacũ tutuayequina, quehnoano yeducuyequina, ijipihtiyequinare quehnoano y^hht^uyequina ijiro cahmene p^uh^utoa pohnene.

9-10 Sa ye quehnoañe buheyere queoro mari buheducuriro sahata ne duhueyequina ijiahro p̄ah̄toa m̄ah̄u beseatiquina. Sa ye tiquina quehnoañe buheyere yahueyequina ijietta. Sa ye quehnoañe buheyere ih̄ña tuhtiyequinare buheye, tiquina ye ni mehoñe ijigū masigū yeeta tiquina. Sa yegū quehnoano beseya Jesu yequina p̄ah̄toa ijiatiquinare.

Peyequina tiquina p̄ah̄toare yuh̄d̄ucayequina, quehnoano p̄ah̄toare pehe ñañe dihitare t̄ah̄oture. Tiquina t̄ah̄otuyep̄are ña yuh̄d̄are. Sa ye quehnoañe pehere bese masiedare.

11 Tiquina judio masa pehe niñerure wapata dua, buhere. Sa yeraro cahmene. Sa buheye ih̄quē w̄h̄use cjēnare ijipihtiyequinare Coh̄c̄jū ye pehere coh̄gū yeye niaga tiquinare. Tiquina sa yegū tiquinare sa ye dutieraro cahmene.

12 Tiquina yere panop̄u yahuriquiro ti n̄uc̄ho cj̄ño ijieperota oh̄o saha ni yahuahye: “Creta n̄uc̄ho cj̄ña sa ni mehoducuyequina ijire. Ti n̄uc̄ho cj̄ña wahiquina yero saha usuayequina ijire. Sa ye sa ihyaducuyequina ijiye ne dahra duerare”, niahye tiquiro, tiquiro ya n̄uc̄ho cj̄ñare.

13 Tiquiro sa niñe ijirota ijire. Tiquina sa ijigū ih̄ñagu tiquinare tutuaro tuhtiya Jesu ye buheye pehere

quehnoano tiquina masiatire.

14 Sa yegū judio masa panop̄u cj̄ña tiquina esa tuh̄aro tiquina ni maca c̄ārire, Jesu yere cahmeeñequina tiquina dutiye ḡh̄ure Creta cj̄ña tiquina t̄ah̄o n̄n̄ædatire tuhtiya tiquinare.

15 Buhiri marieñequina quehnoañe dihitare t̄ah̄oture. Ñañene yeducuyequina, Jesure wacū tutueyequina op̄ehe ñañe dihitare t̄ah̄oture. Tiquina t̄ah̄otuyep̄are ña yuh̄d̄are. Sa ye quehnoañe pehere bese masiedare.

16 Tiquina “Coh̄c̄jūre masiaja us̄ā”, niepeta, ñañene yere. Sa yeyequina tiquina ijigū ih̄ñana Coh̄c̄jūre masieñequina tiquina ijigū masiaja mari. Sa ye tiquina ña yuh̄d̄ayequina, Coh̄c̄jū yere yuh̄d̄ucayequina ijire. Sa ye tiquina quehnoañene ye masiedare.

2

Quehnoañe buheyere queoro yahu dutiahye Pablo Titore

1 M̄h̄u pehe buhegu, quehnoañe buheye ti nidiro sahata quehnoano buheya.

2 B̄uc̄n̄are oh̄o saha ni yahuya: Cua pesayequina, masa ño peonoh̄ñequina, t̄ah̄o masieñequina, Jesure quehnoano wacū tutuayequina, quehnoañe buheyere quehnoano yeyequina, Jesure masa ḡh̄ure cah̄ñequina, ñano yuh̄d̄epeta

ihcãno sahayequina ijiahro tiquina.

³ Bucuna numia gũhare sata ni yahuya: Cua pesaye numia, ñaÑe quti dahreraye numia, queheraye numia ijiahro tiquina numia gũhũ. Sa yeye numia ijiye, quehnoañene buheahro apequina numiare.

⁴ Apequina numiare ohõ saha ni buheahro bucuna numia: Tiquina manũsumhare, tiquina pohne gũhare cahãhdo.

⁵ Sa yeye tiquina tũho masiÑe numia, apequina mũna mehna ñano yeraye numia, ihcã wũhũ cjẽna ijiyequinare quehnoano ihña ihboye numia, masa quehnoañe numia, tiquina manũsumhare quehnoano yũhtiyẽ numia ijiahro tiquina, Cohãcjũ ye buheyere apequina “Ñano yahu wajari”, niÑe.

⁶ Sa yegũ wahma pjia gũhare ohõ saha ni yahuya: Tũho masiÑequina ijiahro tiquina.

⁷ Sa yegũ mũhũ pehe quehnoañe dihitare yeducua mũhare tiquina ihña cũatire. Buhegũ ne ni mehono marieno buheya. Sa buhegũ cua pesaro mehna buheya mũhũ.

⁸ Sa buhegũ tũho masiÑe mehna quehnoano buheya apequina mũhare “Yahu wajari”, nigũ. Mũhũ sa buhegũ ihñaÑe marine ihña tuhtiyequina ijiepetã marine ihyo warota yahu waja masiedare. Marine sa yahu

waja maca cãÑe, buoro wahaeta tiquina.

⁹ Sa yegũ cahacjẽnare ohõ saha ni yahuya: Tiquina pũhtoare quehnoano yũhtiahro. Sa yeye tiquina pũhtoare quehnoano bucuẽgũ yeahro. Sa dihita yeahro. Sa ye tiquina pũhtoare purĩno yũhtieracãhdo.

¹⁰ Sa ye tiquina pũhtoa yere yaquercãhdo. Sa ye quehnoañequina ijiahro. Tiquina pũhtoa dutiyere queoro yeducuahro. Tiquina sa quehnoano yũhtiyequina ijigũ ihñaÑe, Cohãcjũ marine yũhdũoriquiro ye buheyere tũho bucueeta apequina.

¹¹ Masare tiquiro cahĩÑene Cohãcjũ ihño tuhasari. Sa cahĩno ijipihtiyequina pecarũ wahaboriquinare Cohãcjũ tutuaro yũhdũo duare.

¹²⁻¹³ Masare sa cahĩno Cohãcjũ marine ohõ saha ni buhere: Cohãcjũre ihña tuhtiyere, ñaÑe tutuaro cahmeÑene duhu cã dutire marine. Cohãcjũ tutuoriquiro, Jesucristo marine yũhdũoriquiro tiquiro asi siteyere mari ihñati decore, quehnoari decore mari cohtena niaja. Sa yero mari cohteri deco pano tũho masina, quehnoañene yeducuna, Cohãcjũre ño peoducuna marine iji dutire Cohãcjũ.

¹⁴ Tiquiro Jesucristo mari ye ijiatire yariahye ijipihtiyẽ mari ñaÑe yerire duhugũ yero taro, marine tiquiro

yequina wahagū yero taro. Mari ñañene tiquiro sa cohāgū mari ñañe buhiri mariena ijinata. Sa yena tutuaro quehnoañene ye duana ijinata.

¹⁵ Ahri ijipihiyere ti nũcũo cjēnare Jesu yequinare buhaya mũhũ. Tiquina pũhtoro ijigũta nine mũhũ. Sa yegũ tiquinare yahuya. Sa yegũ tiquina ñañene yegū ihñagũ tuhtiya tiquinare. Sa ye ijipihiyequina apequina mũhũre doca cũedacāhdo.

3

Jesu yequina tiquina yeatire yahuahye Pablo

¹ Ohō saha ni yahuya to cjēnare Jesu yequinare: Tiquina pũhtoare quehnoano yũhtiyequina ijiahro. Ijipihiyere quehnoañene yeatiquina ijiahro.

² Sa ye apequinare ne ñañe quti dahreracāhdo. Cahme tuhtieracāhdo. Sa ye masa quehnoañequina, ijipihiyequinare ño peoyequina ijiahro.

³ Panopũre mari gũhũ tũho masiena, yũhdũdũcana, ni mehoñene tũho nũnũna, ñañene ye duana, ñañene tutuaro cahme duhu masiena, decoripe ñañene yeducuna, apequinare ihña coona ijie timi mari gũhũ. Sa ye marine apequina ihña tuhtiri. Sa yena mari gũhũ tiquinare ihña tuhtimi.

⁴⁻⁵ Sa ijirina mari ijiepegũta Cohācjũ marine pecapũ wahaborinare yũhdũori. Sa yũhdũoro tiquiro

quehnoariquiro ijiyere, masare tiquiro cahñe gũhũre marine ihñono nidi. Quehnoano mari yeri mehna yũhdũoerare marine. Marine paja ihñano mari ñañe yerire cohāno Espĩritu Santo mehna marine yũhdũori. Sa yero marine tiquiro pohna wahagū yeri. Espĩritu Santo pehe quehnoana mari ijiatire comesagū yeri marine.

⁶ Jesucristo marine yũhdũoriquiro tiquiro yaria masa mũjañe mehna Cohācjũ yaquiro Espĩritu Santore ohori marine pajiro tiquiro tutuayere mari cũoatire.

⁷ Marine cahñno, marine quehnoano ye duari. Sa yero tiquiro yaquiro Espĩritu Santore marine ohori ñañe buhiri mariena mari ijiatire, mũmũsepũ mari sa ijiducuatire. Mari sa ijiducuatire masina, tire cohtena niaja.

⁸ Ti yũhũ nidi ijirota ijire. Sa yegũ tire yũhũ ni ojoariro sahata masare buhegũ, ti dutiyere ye peho dutiya mũhũ. Sa yegũ Cohācjũre wacũ tutuayequinare tire buhaya quehnoañene tiquina quehnoano yeatire. Ahri yũhũ ni buheri quehnoañe buheye ijire. Sa ye masa ahri buheyere tiquina tũho nũnũgũ ihyo waro ijierare.

⁹ Apequina tiquina yahuducuye pehe dũhseati ijierare. Sa ye masiedapeta tiquina yahuducu yũhdũdũcayere mũhũ tũho nũnũgũ ihyo waro tũho nũnũgũ nine mũhũ. Sa ye tiquina acaye panopũ cjēna tiquina ijie tirire yahuducu

yuhduɔcayere, Cohãcjũ Moiserere tiqiuo dutirire tiquina yahuducu yuhduɔcayere ti ijipihtiyere quehnoano mũhũ tũho nũnũgũ ihyo waro tũho nũnũgũ nine mũhũ. Sa yegũ tire tũho nũnũedacãhña. Mũhũ gãhũ tiquina yero saha yahuducu yuhduɔcaeracãhña.

¹⁰ Mũsa mehna cjãno sa ni yuhduɔcariquiro mũsare cahme tu wagũ tiquiro yegũ ihñagũ “Yeracãhña”, niña tiquirore. Pũa taha tire tiquirore mũhũ ye dutierari bato tiquiro yũhtieragũ ihñagũ tiquirore piti ti duhuya.

¹¹ Ohõ saha yeriquiro ñañe dihitare tutuaro cahmeducuriquiro ijire. Tiquiro sa ijigũ ihñana tiquiro ñariquiro ijigũ masiaja mari.

Pablo duti bato tiahye

¹² Nicopolipũ pohecũ ijiro puno ijigũ tagũ niaja. Sa yegũ Artemare o Tiquicore mũhũ cahapũ yũhũ oho mũhtagũ topũre yũhũre piti caya mũhũ.

¹³ Sa yegũ dutiyere quehnoano mihnidiquirore Zena wame tiriquirore, Apolo gãhũre quehnoano yedohoya tiquina wahatire. Sa yegũ apee boro tiquina cahmeñene ijipihtiyere tiquinare ohoya tiquinare tiquina cahmeno puno.

¹⁴ Sa ye Jesu yequina mari mehna cjẽna quehnoañene yepoahro apee borore dũhsayequinare tiquina yedohoatire, quehnoañene

yeducuyequina tiquina ijiatire.

Pablo quehnoa dutiahye Jesu yequinare

¹⁵ Ijipihtiyequina yũhũ mehna cjẽna mũhũre quehnoa dutire. Topũ ijiyequina Jesu yequina usãre cahñequina quehnoahdo. Ijipihtinare mũsare Cohãcjũ mehna pajiro quehnoa duti-
aja.

Filemón

Pablo Filemo wame tiriquirore ojoa dahahye

¹ Yuhuh Pablo, Jesucristo yaquiro yuhuh ijiri buhiri peresupuh ijiaja. Yuhuh, mari acayuro Jesu yaquiro Timoteo mehna mahure Filemore quehnoa dutiaja usã. Sa yeguh mahure ojoa ohoaja yuhuh, Pablo. Mhuh usã cahiguh Cristo yere usã mehna dahradohoguh ijire mhuh.

² Sa yena Jesu yequina mhuh ya wuhuhuh cahme-coañequina gãhure ojoa ohoaja yuhuh. Mari acayoro Jesu yacoro Apia gãhure ojoa ohoaja yuhuh. Mari cahñiquiro Arquipo gãhure ojoa ohoaja yuhuh. Arquipo pehe usã yero saha Cristo yere yahuriquiro ijire.

³ Sa yena Cohãcjũ mari Pacuh, mari pahoro Jesucristo mehna mhuhare quehnoa dutiaja. Tiquina yedohoye mehna quehnoano ijiya mhuh.

Filemo apequinare tiquiro cahñene, Cristore tiquiro wacũ tutuayere yahuahye Pablo

⁴⁻⁵ Yuhuh acayuh Filemo, Cohãcjũre mahure sini basaguh mahure wacũguh “Quehnoare”, niaja tiquirore. Cristore mhuh cahigũ tiquirore mhuh wacũ tutuagũ, apequina Cohãcjũ yequinare mhuh cahigũ tuhohu yuhuh. Sa yeguh

Cohãcjũre “Quehnoare”, ni bucueaja.

⁶ Mari ihcãno mehna Cristore wacũ tutuana ijiaja. Sa wacũ tutuaguh mahuh ijigũ ohõ saha ni sini basaja Cohãcjũre. Jesucristo yequina ijina, pajiro quehnoañene chonata mari. Tire quehnoano mahure masi peho dutiguh sini basaguh niaja Cohãcjũre.

⁷ Yuhuh acayuh, yojopure apequinare mhuh cahigũ tuhoguh bucueaja yuhuh. Ijipihtiyequina Cohãcjũ yequinare quehnoano bucuegũ yeñohi mhuh. Mhuh sa yegũ tuhoguh bucueaja yuhuh.

Pablo Onésimore sini basahye Filemore

⁸⁻¹⁰ Sa yeguh yojopure Onésimore mhuh cahacjũnore mhuh quehnoano yeatire mahure sini basa duaja. Peresupuh yuhuh mehna tiquiro ijigũ Cristo yere yahuh yuhuh tiquirore. Tire tuhoro Cristore cahmedi tiquiro. Sa yero tiquiro Cohãcjũ yaquiro wahari. Sa waharo yuhuh macuh yero saha ijire. Sa yeguh yuhuh Pablo buchuh ijiguh Cristo yere yuhuh buheri buhiri peresupuh ijiguh mahure yahutja Onésimore mhuh yeatire. Cristo buhe dutiro tiquiro cãriguh ijiaja yuhuh. Sa tiquiro cãriguh ijiguh Onésimore mhuh yeatire dutioboriguh ijiaja yuhuh. Sa niepeguta mahure dutisi yuhuh. Cahñe mehna mahure yahutja, to punota.

¹¹ Cristo yaquiro tiquiro ijiato pano Onésimo mhuh cahacjũno ijiro dahseatiquiro

ijierari jiri. Mähare quehnoano yedoho masiedari jiri. Yojopu pūritare tiquiro mähare, yahu gähare quehnoano yedohoriquiro ijirota. Yojopare Cristo yaquiro ijiro ihyo ijiriquiro waro ijierare.

12 Sa yegu yojopare tiquirore mähare wia tojogu niaja. Sa yegu tiquirore quehnoano piti caya mähü. Tiquirore tutuaro cahñaja.

13 Quehnoañe buheyere yahu buheri buhiri peresupu yahu ijiri watoa tiquirore yähare yedoho dutiboaya yahu tiquirore ohoeragu. Sa yegu yahu mehna tojoa dutiboaya yahu. Mähü pehe yähare mähü yedohoro basioeragü tiquiro pehe mähare comesariquiro ijiboaya.

14 Yähare yedohoriquiro tiquiro ijiepegüta tiquirore mähare oho tojoaja. Mähü pehe tiquirore “Pablo mehna tojoarñña”, mähü nigü masigu yahu mehna tiquirore tojoa dutiboaya yahu. Yahu pehe “Yahu mehna cñña tiquirore”, ni dueraja mähare. Sa yegu tiquirore oho tojorñaja.

15 Tiquiro Onésimo meheñe decorigã mähare tiquiro duhti cãri bato pari turi mähü mehna ijire. Cohãcjü tiquiro cahmediro sahata mähare duhti cãri jiri tiquiro Cohãcjü yaquiro tiquiro wahato saha, yahu tãhotugü. Sa yero pari turi mähü mehna ijiro, sa ijiducurota mähü mehna.

16 Sa yero tiquiro yojopare cahacjüno ijierare.

Cahacjëna tiquina bui cjüno ijiriquiro ijire tiquiro, yahu ihñagü. Yojopare tiquiro mähü acayuro Jesu yaquiro ijire. Sa yegu tiquirore tutuaro cahñaja. Mähü pehe yahu yãhdhoro tiquirore cahñgata. Mähü sa cahñdiquiro ijiro, cahacjüno ijieperota yojopare cahacjüno tiquiro ijiriro saha ijierare tiquiro. Tiquiro mähü acayuro Jesu-cristo yaquiro ijire.

17 Sa yegu yähare mähü piti caboriro sahata Onésimo gähare quehnoano piti caya. Mähü mehna cjü yahu ijigü tãhotugu tiquiro gähare quehnoano piti caya mähü.

18 Sa yegu mähare sijoro saha tiquiro yeriquiro ijigü mähare tiquiro wapamoriquiro ijigü yahu pehe tire wapa yeitja.

19 Yahu Pablo, yahu basi ahrire mähare yahu ojoautja: Yahu pehe wapa yeitja mähare. Mähare yahu buheri bato Cristo yaquiro wahagu ijipihtiye decori Cohãcjü mehna ijiascjü ijire mähü. Mähare yahu sa buheri bato mähü gähü yähare pajiro wapamorigu ijiboaya. Mähü sa ijiepegüta mähare wapa yeitja tiquiro wapamoñene.

20 Sa yegu yahu acayü, yahu cahñgu, mari puhtoro Cristo yaquiro ijire mähü. Sa yegu Onésimore quehnoano piti caya. Cristo yaquiro ijigu yahu acayü ijire mähü. Sa yegu yähare quehnoano bucuegü yeya.

21 Ahri yahu yahurire

quehnoano yeguta m̄h̄h̄. Sa yeḡu ȳh̄h̄ yahuri ȳh̄d̄h̄oro yeguta m̄h̄h̄. Tire masiḡu m̄h̄h̄are ojoa ohoḡu niaja.

²² Ahri ḡh̄h̄are yahuḡtja m̄h̄h̄are. M̄sa cahap̄u ȳh̄h̄ wahatire Coh̄c̄j̄re sini basañohti m̄sa ȳh̄h̄are. M̄sa sa sini basarire tiquiro ȳh̄tiboaga. “Au”, tiquiro niḡu cahmeaja ȳh̄h̄. Sa yeḡu m̄sa cahap̄u ȳh̄h̄ esati tuc̄re quehnoyuya m̄h̄h̄.

Pablo quehnoa duti bato tiah̄ye Filemore

²³ Epafr̄a m̄h̄h̄are quehnoa dutire. Tiquiro pehe Cristo yere tiquiro yeri buhiri ȳh̄h̄ mehna peresup̄u ijire.

²⁴ Sa ye Marco, Aristarco, Dema, Luca mehna m̄h̄h̄are quehnoa dutire. Cristo yere ȳh̄h̄ buheḡu tiquina pehe ȳh̄h̄are yedohoyequina ijire.

²⁵ Mari p̄h̄toro Jesucristo mehna quehnoa dutiaja m̄sare. Tiquiro m̄sare quehnoano yerota.

Hebreos

¹ Panopu Cohãcjũ ijiahye. Tiquiro peye tahari mari acayere panopu cjênare tiquiro yere yahuahye. Apequinare tiquiro bajuaro yahuahye. Apequinare quehẽnopu yahuahye. Apequinare tiquiro piti caro yahuahye. Tiquiro yere yahu mæhtariquinare yahu dutiro, sa yahuahye tiquiro mari acayere.

² Yojopure pihtiri deco panogã ijiye decorire tiquiro macunore tiquiro yere yahu dutigũ tiquiro pehe marine yahue tiri. Tiquiro Pacuro ye dutiro mehna ahri yehpare, umuse gãhure yeriquiro ijire. Tiquiro Pacuro pehe pihtiri deco ijigũ ijipihtiyere cnoatiquirore cūahye tiquiro macunore.

³ Sa yero tiquiro macuno pehe tiquiro Pacuro ye asi siteyere cnoariquiro ijiro, tiquiro tutuayere marine ihñore. Sa yero ihcãno saha tiquiro Pacuro yero sahata ijiro, tiquiro Pacuro ijiye tiyere marine ihñore tiquiro macuno. Sa yero tiquiro macuno tiquiro tutuaye mehna dutigũ ahri yehpa, umuse gãhu sa ijiducure. Sa yero mari ñano yerire tiquiro coseri bato umusepu tiquiro Pacuro tutua yuhduriquiro pototo pehe dujiahye, puhtoro tiquiro ijiyere ihñono.

Cohãcjũ macuno angele yuhdũoro ijire

⁴ Tiquiro “Cohãcjũ macuno”, wame tire. Ti wamene Cohãcjũ cūahye tiquirore. Sa wame tiro apequina puhtoro ijire. Sa yero tiquiro angele yuhdũoro ijire.

⁵ Tiquiro yequina angele pehere Cohãcjũ ne ohõ saha ni yahuera tiahye:

Yuhu macu ijire mahu. Miare mahare bajuagũ yei, niahye Cohãcjũ tiquiro macunore.

Angele pehere ne sa ni yahuera tiahye. Sa yero tiquinare ahri gãhure ne yahuera tiahye:

Tiquiro Pacuro ijiitja yahu. Sa yero tiquiro yuhu macu ijirota, niahye Cohãcjũ tiquiro macunore.

Angele pehere ne sa ni yahuera tiahye. Sa yero tiquiro macuno tiquina yuhdũoro ijire.

⁶ Sa yero ape taha tiquiro macunore coã masa bajuariquirore ahri yehpapu cūno ohõ saha niahye Cohãcjũ tiquirore:

Ijipihtiyequina yeequina angele dusepe curi mehna quehe sa, ño peota tiquina yuhu macure, niahye tiquiro.

⁷ Sa yero tiquiro yequina angele pehere yahuro taro ohõ saha niahye tiquiro:

Yeequina angelere wihnono yero saha pagu tigũ yeaja yahu. Tiquina yuhu cahacjẽna ijire. Sa yegu tiquinare peca pohna yero saha pagu

tigū yeaja yuhū, ni
yahuahye Cohācjū.

8 Tiquinare sa nieperota
tiqairo macano pehere ohō
saha niahye:

Muhū Cohācjū ijipihtiyequina
pūhto sa ijiducugūta.
Queoro dutigūta muhū,
muhū yequinare.

9 Ni mehono marieno yeyere,
quehnoano yeyere tutuaro
cahmene muhū. Sa yegū ñañe
yeyere ihña yabire muhū.
Muhū sa ijigū ihñagū yuhū
muhū Pacū ijipihtiyequina
apequina yuhūoro muhūre
bucuegū yei, niahye Cohācjū
mari Pacū.

10 Ahri gūhūre niahye tiqairo,
tiqairo macanore “Pūhto” ni
pisuro:

Pūhto, coā waropare ahri
yehpare, umūse
gūhūre bajumehnedi
muhū.

11 Ti ijipihtiye comesa pih-
tia waharota. Muhū pehe
ne comesasi. Sa ijiducugūta
muhū. Ti ijipihtiye suhtiro
ahba bora dijiaro saha pih-
tia waharota.

12 Ti ijipihtiye umūsere, ahri
yehpa gūhūre comesagū yeita
muhū. Mūnano suhtirore
muhū cohāboro saha ti ijip-
ihtiyere comesagū yeita
muhū. Sa yero suhtiro ahba
bora dijiaro saha ti ijipihtiye
comesarota. Muhū pehe ne
comesasi. Sa ijiducugūta
muhū, niahye Cohācjū tiqairo
macanore.

13 Ne angele pehere ahrire
yahuera tiahye mari Pacū:

Yuhū poto pehe dujiya
muhū. Pūhto ijire
muhū. Sa yegū muhūre

ihña tuhtiyequinare
yuhūduca basagūta.
Sa yegū tiquina pūhto
ijigūta muhū, ni-
ahye Cohācjū tiqairo
macanore.

14 Ijipihtiyequina angele
pehe Cohācjū cahacjēna ijire.
Sa yero mari Pacū ohore
tiqairo yequina angelere
Cristo yuhūoatiquinare
yedoho dutiro.

2

*Cohācjū yere quehnoañe
buheyere marine sa tūhotu
cāhno cahmedare*

1 Sa yena Cohācjū macano
waro marine yahuriqairo
tiqairo ijigū masina tiqairo
yahuyere mari tūhorire
quehnoano wacūno cahmene
marine, “Tire boari”, nina.

2-3 Angele yahurire masa
pehe yuhūducaagū ihñano
Cohācjū tiquinare buhiri
dahreahe. Sa buhiri
dahrero angele tiquina
yahuri poto ijigū ihñono
niahye. Sa yena angele
yahuri poto ijigū masina, tire
marine yūhtiro cahmene.
Ti yuhūoro Cristo pehere
yūhtiro cahmene. Tiqairo
mari pūhtoro marine tiqairo
yuhūoatire yahu mūhtahye.
Sa ye tiqairore tūhoriquina
pehe tiqairo yahurire ma-
rine yahu turiari, marine
quehnoano masigū yee tehe.
Sa yero ti buheyere marine
tiqairo yuhūoati buheyere
mari sa tūhotu cāgū Cohācjū
marine buhiri dahrerota.
Tire duhti masiedaja mari.

4 Ti buheyere tuho mahtariquina tiquina buheri watoa Cohãcjũ pehe ti buh-eye poto ijigũ ihñono nidi. Tiquiro tutuaye mehna ihñono nidi. Sa yero peye tahari tiquiro tutuaye mehna ye ihñono ti buheyere poto ijigũ ihñono nidi. Sa yero tiquiro yequinare tiquina ye masiatire tiquiro cahmeno sahata cũahye. Espiritu Santo pehe ijire marine ye masigũ yeriquiro.

Jesucristo mari yero sahata pagũ tiriquiro masa bajuahye

5 Pihitiri deco bato ijiyequina Cohãcjũ caha ijiyequina puhtoahia ijisi angele pehe. Tiquinare puhtoahia sõi mari Pacũ.

6 Sa yero ihcãquiro mari Pacũre tiquiro yahuducurire ohõ saha ni ojoahye panopũ:

Masa ihyo ijiyequina tiquina ijepegũta tiquinare wacũre mũhũ. Masare quehnoano yere mũhũ.

7 Meheñe decorigã angele docapũ masare cũahye mũhũ. Sa cũepẽgũta yojopũre tiquinare tutuayere ohogũ, puhtoahia sõahye mũhũ.

8 Mũhũ sa sõgũ ahri yehpapũ ijiyequina wahiquina gũhũ bui dũhsaro marieno masare cũahye mũhũ, ñahye panopũ cjãno mari Pacũre.

Sa sõno ahri yehpapũ ijiyequina wahiquina gũhũ bui dũhsaro marieno masare cũahye. Masare tiquiro sa

puhtoahia sõepẽgũta ijihiytiyequina ahri yehpapũ ijiyequina wahiquina masare ihña wahãedarĩaga, usã tuhotugũ. Ahri yehpapũ ijiyequina wahiquinare ihña wahãgũ yeraniaga masa. Ijihiytiye bui ijieraniaga masa.

9 Sa tiquinare ihña wahãgũ yerapenata Jesu pehere wacũ tutuaja mari. Meheñe decorigã angele docapũ mari Pacũ tiquiro macũno gũhũre cũahye, mari ñañe buhiri yariatiquirore. Mari Pacũ marine cahño mari yariaborirore Jesure yariagũ cahmeahye. Sa yero tiquiro sa yariagũ ihñano tiquirore tutuayere ohoro, puhtoro sõahye tiquirore.

10 Cohãcjũ ijihiytiyere bajumehnediquiro ijire. Sa ye ijihiytiye tiquiro ye dihita ijire. Sa yero Jesure yaria dutiro ñañene cohãgũ yeahye tiquirore. Sa yeahye tiquiro masa peyequina tiquiro yequina ijiatiquinare umũsepũ neano taro. Jesu sa yero, ñañe marieniquiro, quehnoa yũhdũariquiro tiquiro ijiyere ihñono ñahye. Sa yero Jesu pehe marine yũhdũoriquiro, mari puhtorota ijire.

11 Ijihiytiyequina masare tiquina ñañe yerire cose were tiquiro. Sa yero Jesu mari tiquiro cose wenohrina mehna Pacũ tire Cohãcjũre. Mari Pacũ ihcãquirota ijire. Mari Pacũ tiquiro ijigũ Jesu marine tiquiro yequinare tiquiro cose wenohrinare

“Yuhũ acaye ijire”, ni pisuro ne bue tierare. Tiquiro sa ni pisurire musare yahutja.

12 Ohõ saha nino niahye tiquiro:

Cohãcjũ, mũhũ ijiye tiyere yahutja yuhũ acayerũre. Ijipihtiyequina yeequina ihũonopũ mũhũre ño peogũ “Tutuariquiro ijire”, ni yahutja yuhũ tiquinare, niahye tiquiro Pacũrore.

13 Ahri gũhũre niahye tiquiro:

Cohãcjũre wacũ tutuahtja yuhũ, niahye tiquiro.

Ahri gũhũre niahye tiquiro:

Ohõ ijiaja yuhũ. Cohãcjũ pohne mehna ohõ ijiaja. Yuhũre tiquiro cũriquina yuhũ acaye mehna ohõ ijiaja, niahye tiquiro yequinare “Yuhũ acaye” ni pisuro.

14 “Tiquiro pohne” tiquiro niñequina pagũ tiyequina mari ijigũ ihũano, Jesu pehe mari ya pagũ saha pagũ tiriquiro ahtahye. Sa ijiriquiro ahtahye tiquiro curusapũ yariaro taro, watĩnore butigũ yero taro. Tiquiro watĩno pehe yaria dutiriquiro ijire.

15 Sa ye watĩnore butigũ yero, marine yuhũore. Mari pehe decoripe mari yariatire cuemi. Sa cuerina ijina pecapũ wahaborina ijimi mari. Sa ijina mari ijigũ ihũano tiquiro marine yuhũore.

16 Sa yuhũoro angele pehere yedohoro ahtaerahye tiquiro. Abrahã panamena iji turianare Cohãcjũ yequinare mari pehere yedohoro ahtahye.

17 Sa yero tiquiro mari acayũro warota ahtahye. Ihcãno saha mari yero saha pagũ tiriquiro ahtahye. Sa ahtaro mari yuhũatire mari ñañe yerire mari Pacũre cohã dutiro ahtaro niahye. Sa yero mari yequina pahia pũhtoa tiquina yeriro saha yero ahtaro niahye. Mari yero saha ijiro marine quehnoano paja ihũare. Sa yero Cohãcjũ cahmeno saha sa yeducuriquiro ijire. Sa yero tiquiro mari yaquiro pahia pũhoro ijiro nine.

18 Tiquiro ñano yuhũahye. Sa yero watĩno tiquirore ñano ye dutimahye. Yerahye tiquiro. Sa ñañene yerariquiro ijiro, tiquiro pehe mari gũhũre ñañene yeragũ ye masine. Watĩno ñañene tiquiro ye dutigũ ihũano marine ñañene yeragũ ye masine Jesu.

3

Jesu Moise yuhũoro ijiriquiro ijire

1 Jesu tiquiro sa ijiriquiro ijigũ ihũana tiquirore quehnoano wacũña musa. Yuhũ acaye Jesu yequina, Cohãcjũ besenohrina ijire musa. Tiquiro Jesu pehe Cohãcjũ cũriquiro ijiro mari yaquiro pahia pũhoro ijire. Tiquiro ye buheyere

quehnoañe buheyere mari quehnoano ño peoaja. Tiquiro pehere quehnoano wacũña m̄usa.

² Cohãcjũ tiquirore marine yuhduoatiqirore tiquiro cũgũ tiquiro pehe Cohãcjũ cũriro saha yeahye. Ne yuhducaerahye. Moise gũh̄ Cohãcjũ yequina Israe masare yedohoro ne yuhducaerahye. Sata yeahye Jesu gũh̄.

³ Sa yero Moisere tiquina ño peoriro yuhduoro Jesu pehere ño peoro cahmene marine. Ohõ saha ijire ti mari queoye mehna buhegũ. Wuh̄re mari ño peoriro yuhduoro wuh̄ dahreriquiro pehere ño peoro cahmene marine. Sa yero Jesu pehe wuh̄ dahreriquiro yero saha ijiriquiro tiquiro ijigũ Moisere mari ño peoriro yuhduoro tiquiro pehere ño peoro cahmene marine.

⁴⁻⁶ Ohõ saha ijire ti. Mari Cristo yequina Cohãcjũ ya curua cjãna ijiaja. Cristo pehe wuh̄re tiquiro cũboriro saha marine tiquiro ya curua cjãna ijiatinare cũno nine. Masa pehe wuh̄se yeyequina ijire. Cohãcjũ pehe ijipihtiyere yeriquiro ijire. Moise pehe Cohãcjũ ya curua cjẽnare yedohoducuriquiro ijiro, camerũ Cohãcjũ yahuatire yahue tiahye masare. Cristo pehe Cohãcjũ macũno ijiro, Cohãcjũ yere yeducuriquiro ijiro, Cohãcjũ ya curua cjẽna pũhtoro ijire. Sa ijiriquiro ijigũ ihñana Moisere mari ño peoriro yuhduoro Cristo

pehere ño peoro cahmene marine. Sa yena mari pehe Cristore wacũ tutua duhuerana, marine tiquiro yuhduoatire sa bucueducuna, tiquiro ya curua cjãna ijiaja mari.

Cohãcjũ tiquiro yequinare tiquiro mehna quehnoano sogũ cahmene

⁷ Sa yena Cristore mari wacũ tutua duhueratire ohõ saha yero cahmene marine. Ohõ saha nine Espĩritu Santo: Miare yuh̄, Cohãcjũ, m̄sare yuh̄ yahugũ, yuh̄ti dueyequina yero saha ijieracãhña.

⁸ Quehnoano yuh̄tiya m̄usa yuh̄re. Panopũ Israe masa masa marienopũ ijieye, sa yuhducaeri yuh̄re. Sa ye yuh̄re ne bucueragũ yeri tiquina. Sa yena tiquina yero saha yeracãhña m̄usa yuh̄re.

⁹ Topũre cuarenta cahmari waro tiquinare yuh̄ tutuaye mehna ye ihñomi. Yuh̄ sa ye ihñoepegũta tiquina pehe ohõ saha ni tãhotue timedi: “¿Ñañene mari yegũ ihñano Cohãcjũ marine buhiri dahreboagari?” ni tãhotue timedi. Sa ni tãhotuye ñano ye tuhue tiri.

¹⁰ Tiquina sa yegũ ihñagu tiquina mehna usuah̄. Sa usuagu ohõ saha nii: “Tiquina yuh̄ yahuducuyere tãho dueraye, sijoro saha ijieye buheyere sa wacũducuye nine. Yee pehere ne yuh̄ti duerare”, nii tiquinare.

¹¹ Sa yegũ tiquina mehna usuagu ohõ saha ni yahuu: “

‘Tiquina yahū mehna cjēna ne ijisi. Sa ye wape tiro marieno ijisi tiquina’, ni yahuu yahū”, ni yahuahye Cohācjū, niahye Espiritu Santo pehe.

12 Sa yena yahū acaye, quehnoano yeya mūsa, “Cohācjūre cohāri”, nina. Mūsa ñañene tūhotuna, Cohācjūre catiriquirore wacū tutuerana, tiquirore cohāboaga mūsa. Ne ihcāquiro mūsa mehna cjāno sa yeracāhdo.

13 Sa yena ahri pehere yero cahmene: Mūsa mehna cjēnare decoripe Cohācjū yere mūsa basi cahme yahuducuya “Ñañene yeari”, nina. Ñañene yena, “Ti mehna bucueaja”, nina ni mehoñene tūhotuna niaja mari. Sa ni tūhotueracāhña. Ñañene yeducuna Cohācjū ye pehere cahmedaja mari. Sa yena ñañene duhu dueraja. “Sa yeari”, nina, mūsa mehna cjēnare Cohācjū yere mūsa basi cahme yahuducuya. Cristo tiquiro ahtato pano decoripe tire sa cahme yahuducuya.

14 Sa yena coā waropū Cristore mari wacū tutua dūcariro saha mari wacū tutuaducuna, mari catiro puno tiquiro yere duhuerana, tiquiro mehna cjāna ijiaja.

15 Ohō saha nine Cohācjū yere tiquina ojoari pūrū:

Miare yahū Cohācjū mūsare yahū dutigū quehnoano yahūtiya mūsa yahūre. Panopū cjēna Israe masa yahū

yahuepegāta ño peo dueraye, yahūre yahūti duerari. Sa yena tiquina yero saha yeracāhña mūsa, niahye Cohācjū, ni ojoahye panopūre.

16 Sa ye Cohācjū tiquiro yahurire tūhomediquina ijiepetā tiquina tiquirore yahūtierahye. Tiquina ijipihūtiyequina Egiptopū ijiyequina Cohācjū wioriquina ijiepetā tiquirore ne yahūtierahye.

17 Sa ñāno yeye cuarenta cūhmari waro Cohācjūre usuagū yee tiahye. Tiquina sa yeri buhiri masa marienopū yariahye tiquina.

18 Tiquirore tiquina sa yahūti dueragū ihñāno ohō saha cua pesaro mehna niahye tiquiro: “Tiquina yahū mehna cjēna ne ijisi. Sa ye wape tiro marieno ne ijisi tiquina”, niahye tiquiro.

19 Tiquiro sa nigū tūhona ahri pehere masinata mari: Cohācjūre tiquina wacū tutuerari buhiri tiquiro mehna cjēna iji masiedahye. Sa ye tiquiro mehna quehnoano so, iji masiedahye.

4

1 Sa yero panopū cjēnare tiquiro mehna tiquina quehnoano soatire cahmeno, tiquinare “Yahū mehna wape tiro marieno sonata”, ni cūahye Cohācjū. Mari gūhūre sata ni cūahye tiquiro. Sa yena cua pesaro mehna Cohācjūre quehnoano

yũhtiihna mari, “Wiheari”, nina. Sa wihena tiquiro mehna quehnoano sosi mari.

² Panopũ cjẽna Cohãcjũ yere tiquina tũhoriro saha mari gãhũ quehnoañe buheyere tũhou. Tiquina tũho mũhtariquina pehe tũhoye, “Cohãcjũ ye waro ijire”, ni tũhotuerahye. Sa ye tiquina tũhori dũhseati ijierahye.

³ Mari pehe tiquiore wacũ tutuana Cohãcjũ mehna cjãna ijinata. Sa yena tiquiro mehna quehnoano iji, sonata. Wape tiro marieno ijinata. Cohãcjũ tiquiro nidiro sahata ijire ti. Ohõ saha niahye tiquiro tiquiore yũhtierariquinare:

Tiquina mehna usuagũ
cua pesaro mehna
ohõ saha ni yahuu:
“Tiquina yũhũ mehna
cjẽna ne ijisi. Sa ye
wape tiro marieno ne
ijisi”, ni yahuu, niahye
Cohãcjũ yere tiquina
ojoari pũpũ.

Ahri yehpare tiquiro yeri bato dahra duhurĩahye tiquiro.

⁴ Ahrire mari masiaja. Seis decori ahri yehpare tiquiro yeri bato tiquiro dahra duhurire yahuro ohõ saha niahye Cohãcjũ ye yahuducuyere tiquina ojoari pũpũ:

Seis decori bato ijipihtiyere tiquiro dahrarire pehoro, Cohãcjũ dahra duhuahye, niahye tiquiro yere tiquina ojoari pũpũ.

⁵ Sa yero Cohãcjũ yere tiquina ojoari pũpũ ohõ saha ni yahure tiquiro mehna quehnoano ijieyequinare:

“Tiquina yũhũ mehna cjẽna ne ijisi. Sa ye wape tiro marieno ne ijisi”, niahye Cohãcjũ, nine tiquiro yere tiquina ojoari pũpũ.

⁶ Sa ye quehnoañe buheyere tũho mũhtariquina tiquiore tiquina yũhdũdũcari buhiri tiquiro mehna cjẽna ijisi tiquina. Sa ye tiquiro mehna wape tiro marieno ijisi tiquina. Apequina pehe tiquiro mehna cjẽna ijietã. Sa ye tiquiro mehna wape tiro marieno soyequina ijietã.

⁷ Sa yero masare tiquiro yũhdũhoati deco ihcã deco cũahye pari turi Cohãcjũ. Ti decota yojopũre ijire. Peye cũhmari bato Israe masa Cohãcjũre tiquina tũho mũhtari bato ti decore yahuahye Davi pehe. Cohãcjũ tiquiore yahu dutigũ yahuahye. Cohãcjũ ye yahuducuyere tiquina ojoarire mũsare yũhũ yahuri decore ohõ saha ni ojoahye Davi:

Ahri decore yũhũ Cohãcjũ mũsare yũhũ yahugũ yũhdũdũcaro marieno quehnoano yũhtiya mũsa yũhũre, ni ojoahye panopũre.

⁸ Coã waropũre Josuẽ Israe masare Cohãcjũ ohori yehpapũ ne sahye. “Yũhũ mehna wape tiro marieno soyequina ijietã”, nino, ti yehpapũ tiquina soatire nino niedahye Cohãcjũ. Ti

yehpapu so dutiro, ape deco tiquiro yuhduoti decore cuedaboaga tiquiro.

⁹ Seis decori bato ahri yehpapure tiquiro yeri bato Cohãcjũ tiquiro dahra duhuriro saha mari tiquiro yequina gũhu tiquiro mehna wape tiro marieno mari soati ijirota. Tiquiro mehna mari quehnoano ijiato ijirota.

¹⁰ Sa yero Cohãcjũ tiquiro dahrarire duhu cãriahye. Sa yena mari gũhu mari wape tirire duhu cãnata.

¹¹ Sa yena mari tiquiro yequina quehnoano yeihna. Cohãcjũ yere quehnoano yuhtiuhna tiquiro mehna mari quehnoano soato saha. Panopu cjẽna mari acaye tiquina yuhduhcari bato Cohãcjũ mehna cjẽna iji masiedahye tiquina. Tiquina yero saha yeracũhna mari.

¹² Cohãcjũ ye yahuducuye marine catigũ yere. Quehnoañe pehere marine comesagũ yere. Sa ye tiquiro ye yahuducuye ihyo ijiye ijierare. Sa ye ñoseni pjĩ puã peheri siori pjĩ mehna dihirore tiquina yahre ihña tiquina masino saha tiquiro ye yahuducuye gũhu mari ijiye tiyere quehnoano masigũ yere. Tiquiro ye yahuducuyere mari tuhogũ, tire mari buhegũ mari ijiye tiyere quehnoano masi pehogũ yere marine.

¹³ Ne Cohãcjũre mari ijiye tiyere mari yerire nũo masiedaja mari. Ijipihtiyere tiquiro bajumehnedire, tiquiro bajumehnediquina

gũhure ihñare tiquiro. Sa yena mari yerire tiquirore yahu yuhduro cahmene marine.

Jesu tutuariquiro mari yaquiro pahia puhtoro ijire

¹⁴ Jesu Cohãcjũ macũno tiquiro Pacuro cahapu tojoariquiro ijire. Tiquiro tutuariquiro mari yaquiro pahia puhtoro ijire. Sa yero marine Cohãcjũre sini basare. Tiquiro sa ijiriquiro ijigũ ihñana mari pehe tiquiro yere quehnoano yuhtiuhna. Tiquirore quehnoano wacũ tutuaducuhna.

¹⁵ Tiquiro mari yaquiro pahi mari ñano yuhdugũ ihñano quehnoano paja ihñariquiro ijire. Mari ñañene tutuaro cahmeñene masine tiquiro. Watĩno ijipihtiyere ñañene marine tiquiro ye dutiriro sahata tiquiro gũhure ñañene ye dutiepegũta tiquiro ñañene yerahye. Sa ñañene tiquiro ye dutinohriquiro ijiro, marine paja ihñano tiquiro yedoho masine marine.

¹⁶ Sa yena cuero marieno Cohãcjũre siniuhna. Tiquiro marine cahĩne. Sa yero tiquirore mari sinigũ tiquiro pehe paja ihñano, marine yedohorota. Watĩno marine tiquiro ñañene ye dutigũ, mari ñano yuhdugũ gũhure tiquiro marine yedohorota.

5

¹ Ijipihtiyequinare pahia puhtoare besero, masare besere Cohãcjũ. Sa tiquiro

beseri bato pahia pũtoa pehe tiquina mehna cjẽnare yedohoye tehe Cohãcjũ cahacjẽna ijire. Sa ye ñañene tiquina yeri buhiri Cohãcjũre sini basare tiquina mehna cjẽnare. Wahiquirore wejẽ ujãa m̃oñe, Cohãcjũre sini basare.

2 Pahia pũtoa apequina masa yero saha quehnoano masi pehoeyequina ijire. Sa masieñequina ijiye, apequina masieñequinare yedoho masine. Sa ye quehnoano yeriariquina gũhare quehnoano yedoho masine.

3 Sa ye pahia quehnoano ye pehoeyequina ijiye ñañe buhiri tiyequina ijire. Sa ye tiquina basi ñañene tiquina yeri buhiri wahiquirore wejẽ ujãa m̃o, Cohãcjũre sinine. Apequina masare yedohoye tehe, tiquina ñañe buhiri tiquina sini basariro sahata tiquina basi tiquina ñañe buhiri gũhare sinine Cohãcjũre.

4 Sa yero tiquiroyesa tuharo pahia pũtoro sajãedare. Cohãcjũ pehe tiquiroye besero, pahia pũtoro sõre. Panopũ cjãno Aaron m̃nanore tiquiroye cũriro sahata apequina pahia pũtoa gũhare cũre tiquiroye.

5 Sata Cristo gũhũ tiquiroye basi tiquiroyesa tuharo pahia pũtoro sajãedahye. Cohãcjũ pehe tiquiroye pũtoro sõno, ohõ saha niahye:

Yũhũ macũ ijire m̃hũ. Miare m̃hũre bajuagũ yei, niahye Cohãcjũ.

6 Ape taha ohõ saha niahye Cohãcjũ Cristore:

Ijipihtiye decori pahi ijiducugũta m̃hũ. Melquisede tiquiroye ijiriro saha pahi ijiducugũta m̃hũ, niahye tiquiroye macũnore.

7 Cristo ahri yehpapũ ijiro sañuducuyey mehna, utiye mehna mari Pacũre tutuaro siniyahye tiquiroye “Yũhũre masoña”, nino. Mari Pacũ pehe tiquiroye yariariquiroye maso masiniquiroye ijire. Tiquiroye sa sinigũ mari Pacũ tũhoahye tiquiroye. Mari Pacũ cahmeñe dihitare tiquiroye ye duagũ ihñano mari Pacũ pehe tiquiroye sinidire tũhoro, tiquiroye yũhtiahye.

8 Sa yero Cristo Cohãcjũ macũno ijieperota ñano yũhdũahye tiquiroye. Sa ñano yũhdũro yũhtiahye mari Pacũre. Sa yũhtiroye quehnoano yũhti masiahye.

9 Sa ñano yũhdũro, curusapũ yariaro ijipihtiyequina tiquiroye yũhtiatiquinare yũhdũoatiquiroye wahahye.

10 Sa yero mari Pacũ pehe tiquiroye pahia pũtoro cũahye. Sa yero Melquisede pahia pũtoro tiquiroye ijiriro saha ijire Cristo.

Cristo yequina tiquiroye wacũ tutua duhugũ cuarĩne

11 Peyey ohõ saha ijiyere m̃sare yahu nemo duaja usã. Usã sa yahu nemo duepegũta m̃sa pehe dapu bũtina ijire. Sa yena m̃sare yahuro basioerare usãre.

¹² Yoari pje Cristo yequina ijimene m̄sa. Sa yena yo-jop̄re apequinare buhenap̄ ij̄i tuhasaboya m̄sa. M̄sa sa ijiborina ijiepeḡta ape-quina m̄sa pehere buheeta. Cohācj̄ yere mijoeda cj̄ñe buheye dihitare t̄hore m̄sa. Macanaḡ ep̄eco dihitare tiquina ap̄ū masino saha m̄sa ḡh̄ mijoeda cj̄ñe dihitare quehnoano t̄hore. Coã buhe d̄cayequina yero saha ijire m̄sa.

¹³ Ep̄ecore ap̄ñequina macanaḡ ijinine. Tiquina yero saha m̄sa ḡh̄ ijire. “Ahri ñañe ijire. Ahri quehnoañe ijire”, ni ih̄ña masiedare m̄sa.

¹⁴ Ihyayere ihyayequina pehe b̄c̄na ijire. Tiquina yero saha ijieyequina quehnoano t̄ho masiñequina quehnoano buheriquina ijire. “Ahri ñañe ijire. Ahri quehnoañe ijire”, ni ih̄ña masine tiquina pehe.

6

¹⁻² Sa yena Cohācj̄ yere quehnoano masina, quehnoano ȳhtina ijiihna. Cristo yere coã warore mari buhe d̄c̄na oh̄o saha masi d̄c̄ca: Mari ñañene yerire b̄j̄na witi, duhuro cahmene. Mari ñañene yeri buhiri pecap̄ wahanata. Sa yena Cohācj̄re wac̄ū tutuaro cahmene marine. Ahrire coã warop̄re marine buhe d̄c̄ari. Sa ye wame yeyere, omocarine marine tiquina duhu peoyere, yariariquina tiquina masa m̄j̄añene, ahri

deco pihtiri bato Cohācj̄ buhiri dahreatire, tiquiuro buhiri dahreatiquina tiquina ñano ȳhd̄aducuoato ḡh̄re ahri ḡh̄re coã warop̄re marine buhe d̄c̄are. Sa ijieye buheyere masi tuhasana, quehnoano buhe nemouhna t̄ja.

³ Sa yena Cohācj̄re, tiquiuro ye ḡh̄re masi nemouhna. Cohācj̄ cahmeḡ sa yenata mari.

⁴ Mari sa yerana Cohācj̄ yere duhuboaga mari. Cohācj̄ yere duhuriquinare ne pari turi tiquina ñañe yerire tiquinare b̄j̄na witiḡ ye masiedare. Sa ijieyequina Cristo tiquiuro ȳhd̄omediquina ijieye, Esp̄ritu Santore c̄omedi.

⁵ Sa ye Cohācj̄ ye yahuducuyere t̄hoye quehnoañe ti yahuducuye ijiḡ masimedi. Sa ye pihtiri deco batop̄ Cohācj̄ tutuaye mehna mari sa ijiducuatire, masare tiquiuro buhiri dahreato ḡh̄re tiquina masimedi.

⁶ Sa ijiriquinap̄re Cristo yere tiquina duhuḡ pari turi tiquina ñañe yerire tiquinare b̄j̄na witiḡ ye masiedare. Sa duhuriquina Cohācj̄ mac̄nore pari turi curusap̄ tiquina qūe bihaboriro saha tiquiore yeye nine. Tiquina sa yeḡ ih̄ñañe apequina masa Cristore b̄j̄p̄ere. Sa ye tiquina ñañe yerire tiquinare b̄j̄na witiḡ ye masiedare.

⁷ Oh̄o saha ijire ti mari queoye mehna buheḡ: Quehnoari yehpare pa-jiro acoro ahtaḡ ti oteye

quehnoano буса, дуса tire. Sa yero ti wese upuro дусаре сәоре тiquiro ihyatire. Ti yehpa Cohācjū quehnoano тiquiro yeri yehpa ijire. Sa quehnoano yere тiquiro yequina gūhure.

⁸ Sa ijiepegūta pota mehna, taa mehna ti yehpa diaro дүһseati ijierare. Sa ijiri yehpare Cohācjū ұяа cohānota. Sata yere тiquiro тiquirore duhuyequinare.

Cristore sa ño peoducuyequinare yūhdūore Cohācjū

⁹ Yūhū cahīna, mūsare sa ni yahuepegūta mūsā pehere “Cristore duhuna ijire”, nigū niedaja. Mūsā pehe Cristo yūhdūonohrina ijire. Sa yena quehnoañene yena niaga mūsā. Ahrire masiaja yūhū.

¹⁰ Quehnoano mari yeri wapa queoro marine quehnoano yeriquiro ijire mari Пас. Sa yero тiquiro yere mūsā tutuaro dahrari wapare bosі тiquiro. Тiquirore cahīna quehnoano yedohore mūsā тiquirore. Apequina Cristo yequina gūhure yedohore mūsā. Sa yena тiquinare yedohona niaga mūsā. Sa yerina mūsā ijigū ihñano bosі тiquiro.

¹¹ Mūsā catiro puno apequinare mūsā cahīducugū, mūsā yedohoducugū gūhure cahmeaja usā. Mūsā sa yeri wapa queoro quehnoano yerota mari Пас mūsare.

¹² Sa yena mūsā cape бұяна mūsā ijigū cahmedaja usā. Apequina Cristo yequina ñano yūhdūepeta тiquiro

yere ne duhuerare. Tiquina sa yegū ihñano mari Пас “Mūsare ohoutja”, тiquiro nidire тiquinare oho pehorota. Sa yena mūsā gūhū тiquina yero saha yeducuya.

¹³⁻¹⁴ Panopū Cohācjū Abrahāre ohō saha ni cūahye. “Yūhū wame mehna ahrire poto nii niaja mūhure. Mūhure quehnoano yeitja. Sa yegū mūhū panamena iji turiayequinare peyequina masa ijigū yeitja”, ni yahu cūahye Cohācjū. Sa ni yahu cūno тiquiro ye wame mehna wame peo yahuro niahye. Apequiro тiquiro bui ijiriquiro ne mariedagū тiquiro ye wame mehna тiquiro basita sa wame peo yahuahye.

¹⁵ “Mūhure quehnoano yeitja”, Cohācjū тiquiro ni cūrire Abrahā pehere quehnoano тiquiro cohtegū ihñano тiquiro nidiro sahata тiquirore quehnoano yeahye.

¹⁶ “Cohācjū mehna poto nina niaja”, masa pehe niñe, тiquina bui ijiriquiro wame mehna wame peo yahuye nine. “Cohācjū mehna poto nii niaja”, ihcāquiro nigū tūhoro apequiro pehe тiquiro mehna cahme duse tutuariquiro pehe “Ijirota ijire”, ninota. Sa ye cahme duse tutua duhueta тiquina.

¹⁷ Sa yero Cohācjū Abrahāre “Mūhure quehnoano yeitja”, ni cūno wame peo yahuahye. Тiquiro sa wame peorire tūhona “Ijirota ijire ti. Тiquiro sa nidi ne comesasi”, ni, masiaja mari. Tire mari

masiato saha tiquiro ni cūri mehna wame peo yahuahye.

¹⁸ Sa yero p̄h̄aro tiquiro ni yahuducuri mehna tiquiro nidi poto ijigū masigū yeahye Cohācjū marine: Tiquiro ni cūri gāh̄u tiquiro wame peori gāh̄u ti p̄h̄aro mehna tiquiro ni yahuducurire yahuahye tiquiro. Sa ye tiquiro ni cūri gāh̄u, tiquiro wame peori gāh̄u ne comesaerare. Sa yero Cohācjū ne ni mehoedare. Tiquiro sa ijiriquiro ijigū masina, mari tiquirore quehnoano wacū tutuana, bucueye mehna marine tiquiro ȳhd̄uotire cohtenatja mari.

¹⁹⁻²⁰ Sa tiquiro ȳhd̄uotire cohtena, wacū tutuana ijiaja mari. Sa yena cueraja. Pahia p̄h̄atoro Cohācjū ijiri tucū warop̄u sajāno, cahmotari suhtirore ȳhd̄u sajāre. Sa sajāno masa ye ijiatire sini basare Cohācjūre. Tiquiro sa yeriro sahata Jesu gāh̄u came mari wahato sahata ̄hm̄usep̄u Cohācjū cahap̄u waharo, mari ye ijiatire sini basare Cohācjūre. Top̄u mari wahato pano tiquiro pehe wahahye. Sa yero ijipihtiye decori pahia p̄h̄atoro ijire tiquiro. Melquisede pahi tiquiro ijiriro saha pahia p̄h̄atoro ijire tiquiro gāh̄u.

7

Melquisede pahi tiquiro ijiriro saha Jesu pahia p̄h̄atoro ijire

¹ Melquisede Salē wame tiri maca cjēna p̄h̄atoro

ijiahye. Sa yero pahi ijiro Cohācjū tutuariquirore, ̄hm̄use cjānore sini basariquiro ijiahye. Sa yero apequina p̄h̄toare Abrahā wejē tuhasa, tiquiro tojoa tagū waro Melquisede tiquiro ya macap̄u ijiriquiro Abrahāre piti caro esahye. Sa piti caro tiquirore sini basahye Cohācjūre. “Quehnoano yeya ahriquirore”, ni sini basahye Abrahāre Cohācjūre.

² Tiquiro sa piti cato pano Abrahā pehe tiquirore ihña tuhtiyequinare wejē tuhasa tiquiro wejēdiquina p̄h̄toa yere neahye. Tiquiro sa nedire mehenogā ohoahye Melquisedere. Melquisede tiquiro wame pehe “P̄h̄atoro quehnoano yeriquiro ijire”, nino nine. Sa yero tiquiro Salē wame tiri maca cjēna p̄h̄atoro ijigū tiquiro wame ohō saha nino nine: “P̄h̄atoro quehnoano ijigū yeriquiro”, nino nine. “Salē” nino, “Quehnoano ijire”, nino nine.

³ Ne Melquisede pac̄us̄m̄are, tiquiro pano iji m̄h̄tariquinare, tiquiro acayere tiquina yahu ojoa ohōri mariedare. Tiquiro masa bajarire, tiquiro yariari gāh̄ure yahu ojoa ohōri mariedare. Sa yero sa ijiducuriquiro yero saha ijire tiquiro. Tiquiro sa ijiriquiro ijigū Cohācjū tiquiro mehna marine queoye mehna buhere. Cohācjū mac̄ano tiquiro pahi ijirire marine buhere. Melquisede pahi sa ijidu-

curiquiro yero saha ijire. Tiquiro yero saha Cristo gũhũ pahi sa ijiducuriquiro ijire.

4 Sa yero Melquisede ne ihyo ijiriquiro ijierahye. Abrahã mari ñecũ manano pũhoro waro ijieperota mehenogã tiquiro nedire Melquisede pehere ohoahye.

5 Sa yero Cohãcjũ dutiye Moisere tiquiro cũri ijipihtiyequina apequina Israe masare to puñota wapa ye dutire. Sa dutiro Leví panamena iji turiayequinare tiquina acaye wapa yerire ñehe dutiro, cũahye. Leví panamena pahia wahae tiahye. Sa ye Israe masa Abrahã panamena iji turiayequina ijiepetata tiquina pahiare wapa yee tiahye.

6 Melquisede pehe Leví panamino iji turiariquiro ijieraperota wapa neahye Abrahãre. Sa yero Cohãcjũ “Mũhare quehnoano yeitja”, tiquiro ni cũriquiri ijieperota Abrahã pehe Melquisedere wapa yeahye. Sa yero Melquisede pehe Cohãcjũre Abrahãre sini basaro quehnoano ye dutiahye.

7 Quehnoano ye dutiriquiro Melquisede pehe tiquiro quehnoano ye dutinohriquiri Abrahã bui ijire. Tire mari quehnoano masi-aja.

8 Mari mehna cjẽna pahia marine mehenogã wapa neñequina mari yero saha masa ijire. Sa ye yariatiquinata ijire tiquina gũhũ. Ahriquiri Melquisede pehe Abrahãre mehenogã wapa

nediquiro sa catiducuriquiro yero saha ijire. Tiquiro yariarire yahueraro, sata nino niahye Cohãcjũ yere tiquina ojoari pũrũ.

9 Yojoꝛũ cjẽna Leví panamena iji turiayequina pahia ijiye, mehenogã wapa nene. Sa ijiyequina tiquina ijiepegãta Abrahã Melquisedere mehenogã wapa yero, ijipihtiyequina Leví panamena ye ijiatigũhũre oho basaro saha yero niahye. Sa ye tiquina gũhũ Melquisedere mehenogã ohoyequina yero saha ijire.

10 Melquisedere Abrahã tiquiro wapa yeri pjere Leví pehe masa bajueraniahye. Sa ijieperota tiquiro ñecũno manano Abrahã pagũrũ tiquiro ijiboriro saha Leví pehe iji tuhasaro niahye. Sa yero Melquisede Abrahãre tiquiro piti cagũ Leví gũhũ tiquiro ñecũno manano mehna ijiro saha ijiro niahye. Sa ye Leví, tiquiro panamena mehna Melquisedere mehenogã wapa yeyequina yero saha ijiye, tiquina tiquiro docapũ ijiye niahye.

11 Tiquiro dutiyere cũno Cohãcjũ Levíre tiquiro acaye gũhũre pahia iji dutiahye. Sa ye tiquiro dutiye nidiro sahata tiquina pahia wahiquinare wejẽ ujuã mũo, Cohãcjũre sini basahye masare. Tiquina sa yeri mehna mari yũhdũna, apeqũiro pahi sijoro saha ijiriquiro pahire cahme nemoedaboya mari. Sa yena

apequiro pahire cahmeaja mari yojopure, Melquisede yero saha ijiriquirore. Leví ya curua cjēno Aaron m̄n̄n̄ano yero saha ijiyequina pahiare yojopure mari cahmedaja.

12 Sa yena pahiare came-sana niaja mari. Mari sa comesana, marine dutiye gūhure comesaro cahmene marine.

13 Aaron, Leví gūhū tiquina ya curua cjēna dihitare pahia sajā duti m̄htamahye Cohācjū, tiquiro dutiyere cūno. Tiquiro sa dutiepegūta yojopure mari p̄htoro pahi s̄oriquiro ape curua cjēno ijire. Sa ye ti curua cjēna ne pahia sajāedahye.

14 Tiquiro Cristo Judá ya curua cjēno masa bajuahye. Tire mari quehnoano masiaja. Sa yero, Moise pahia s̄ono, Judá ya curua cjēnare ne pahia s̄oda tiahye.

15 Ahrire masina, ohō saha mari quehnoano masiaja: Yojopure wahma tiquiro s̄oriquiro pahi Cristo Melquisede yero saha ijiriquiro ijire.

16 Panop̄m̄ cjē dutiye ti nidiro sahata Leví ya curua cjēna dihita pahia sajāhye. Yojopure tiquiro s̄oriquiro pahia tiquina yero saha pahi sajāedare. Tiquiro Cohācjū tutuaye mehna ijipihtiye decori ijiriquiro ijire. Sa yero ti tutuaye mehna pahi sajāhye tiquiro.

17 Ohō saha nine Cohācjū yere tiquina ojoari p̄p̄m̄: Ijipihtiye decori pahi

ijiducugūta m̄h̄h̄. Melquisede pahi tiquiro ijiriro saha pahi ijiducugūta m̄h̄h̄, niahye Cohācjū tiquiro mac̄n̄ore, ni ojoahye panop̄m̄.

18 Ti dutiye tiquiro cū m̄htari dutiye d̄h̄seati ijierahye. Sa yero ti dutiyere duhu cāhye Cohācjū.

19 Moisere tiquiro cūri dutiye mehna ne yūhd̄uerare masa. Sa yero yojop̄m̄ pehere Cohācjū marine tiquiro yūhd̄uoatire marine cūre. Tiquiro sa yegū yojopure tiquiro mehna yahuducu masiaja.

20 Sa yero Cristore pahi s̄ono, wame peoro mehna tiquirore s̄oh̄hye. Apequina pahiare tiquiro yero saha wame peo s̄edahye.

21 Cristo pehe Cohācjū wame peoro mehna pahi sajāhye. Ohō saha niahye tiquiro Pac̄uro Cristore:

Yūh̄h̄ m̄h̄h̄ p̄htō yūh̄h̄ wame mehna m̄h̄h̄re poto yahutja. Sa yegū ahrire ne duhu cūno marieno yahuaja m̄h̄h̄re. Pahi sa ijiducugūta m̄h̄h̄, ni cūahye Cohācjū tiquiro mac̄n̄ore.

22 Sa wame peo cūno, wahma buheyere quehnoañe buheyere marine cūno, marine tiquiro yūhd̄uoatire cūno niahye. Panop̄m̄ cjē dutiye yūhd̄uoro mari quehnoano ijiatire cūno niahye. Sa yero Cohācjū “M̄hsare yūhd̄uoutja”, tiquiro

nidiro sahata yero taro, Jesure ohoahye marine yuhduoatiqirore.

²³ Iji m̄htariquina pahia tiquina yariagū ihñañe apequina camesa sajāre tja. Sa ye tiquina peyequina pahia wahare.

²⁴ Jesu pehe sa ijiducure. Sa ye tiqirore camesayequina mariedare pahia.

²⁵ Sa yero tiqiro sa ijiducuro, Cohācjūre sa sini basaducure tiqiro yequina ye ijiatire. Sa yero Cohācjū mehna tiquina sa ijiducurato saha masare yuhduo masine tiqiro. Ijipihtiequina tiqirore wacū tutuayequina Cohācjū cahap̄ wahaeta. Sa yero Jesu ijire potota tiquinare yuhduoriqiro.

²⁶ Sa yero Jesu ijire mari yaqiro pahia p̄htoro. Tiqiro p̄ritare tutuaro cahmeaja mari. Ne ñañe buhiri marieniqiro ijire tiqiro. Sa yero masa yero saha ne ñañene yerare. Sa yero Cohācjū tiqirore ñañequina cahap̄ ijiriquirore neano, ūhm̄sep̄ cū, ijipihtiequina apequina bui p̄htoro sōahye.

²⁷ Apequina pahia yero saha ijierare tiqiro. Tiquina pehe decoripe wahiquinare wejē, ūjūa m̄o, Cohācjūre sinie tiri. Tiquina basi tiquina ñañe buhirire sini m̄htae tiri. Came apequina masa tiquina ñañe buhiri gūhure sini basae tiri tiquina. Sa ye peye tahari tiquina Cohācjūre sinie tiri. Jesu pehe pahi ijiro, ihcā tahata tiqiro yariari mehna siniahye

Cohācjūre masa tiquina ñañe buhirire yuhduoro taro. Sa yariaro tiqiro basi tiqiro pagure tiqiro jeripohna gūhure tiqiro ohoboriro saha yero niahye.

²⁸ Cohācjū dutiye Moisere tiqiro cūri pahia p̄htoare sajā dutire. Sa sajāepeta ñañe marieñequina ijierare sa pahia sajāñe. Ti dutiye bato ijiye buheye mehna Cohācjū wame peoro mehna tiqiro yahuri buheye mehna tiqiro mac̄no pahia p̄htoro sajāhye. Tiqiro pehe ñañe marieniqiro sa ijiducure.

8

Cohācjū “M̄sare yuhduoutja”, ni cūahye tja Moisere tiqiro cūrire camesaro. Tire yahu basariqiro ijire Jesu

¹ Ti ijipihtiyere yahuna, ahri p̄ritare m̄sare yahuna tana niaja: M̄sare ūsā yahuriqiro pahia p̄htoro tiqiro p̄rita mari yaqiro waro ijire. Ūhm̄sep̄ Cohācjū tutua yuhduariqiro tiqiro p̄htoro dujiro poto pehe dujire Cristo mari yaqiro pahia p̄htoro.

² Sa yero ahri yehpa cjā wuh̄p̄, masa tiquina yeri wuh̄p̄ pahia dahrayere yerare tiqiro. Ūhm̄sep̄ ijiri wuh̄p̄re mari p̄htoro tiqiro yeri wuh̄p̄re pahia dahrayere yere tiqiro. Ti wuh̄ p̄rita Cohācjū waro ya wuh̄ ijire.

³ Ijipihtiequina ahri yehpa cjēna pahia p̄htoa

wahiquinare wejē ujāa m̄uo, ohore Cohācjüre ño peoye. Sa ye dutie tiahye tiquinare. Mari yaquiro pahi gūhare Cohācjüre oho dutiahye. Mari ñañe buhirire tiquirore oho dutiahye. Sa yero Cristo mari ñañe buhiri yariaro bucuegū yeahye Cohācjüre, pahia pūtoa Cohācjüre ohoye tiquina bucuegū yeriro saha.

⁴ Mari judio masa mari dutiye ti nidiro sahata ahri yehpapū pahia masa tiquina ñañe buhirire ohore Cohācjüre siniñe. Sa ye ahri yehpapū pahia iji tuhasare. Sa yero Jesu pehe mari yaquiro pahi ahri yehpapū ijinino, pahi ijieraboa tiquiro pehe.

⁵ Ahri yehpa cjēna pahia tiquina dahrayere ahri yehpa cjā wūhapūta dahrare. Ti wūhapū Cohācjüre tiquina ño peorire ihñana ūhmūse cjā wūhapūre tiquirore mari ño peotire masi cjūna niaja. “Ti wūhū yero saha ijire”, nino niahye Cohācjū cūnūpū Moiserere tiquiro ya wūhare dahre dutiro. Tiquiro sa dahreato panogā Cohācjū ohō saha niahye tiquirore. “Cūnūpū mūhare yūhū ihñoriro sahata ti wūhū ijiriro sahata ya wūhare queoro dahreya”, niahye Cohācjū tiquirore.

⁶ Sa yero yojopū pehere Jesu pahi ijiro, tiquiro dahraye apequina pahia ye dahraye yūhdūoro ijire. Ihyo waro ijierare. Cohācjū marine “Mūsare yūhdūoutja”, tiquiro ni yahuri panopū

cjē dutiye Moiserere tiquiro cūri dutiye yūhdūoro ijire. Marine tiquiro yahuri ti dutiye yūhdūoro marine quehnoano ijigū yeeta. Sa yero marine yūhdūo basariquiro ijiro, Cristo pehe apequina pahia yūhdūoro ijire.

⁷ Coā waropūre tiquiro dutiri mehna mari yūhdūeraja. Ti dutiye mehna mari yūhdūgū, apeye buheyere cūedaboya Cohācjū.

⁸ Sa yero ti dutiyere tiquina ihcāno sahaerarire yahuro ohō saha niahye tiquiro yeequinare Israe masare:

Ohō saha nine mari pūtoro: “Quehnoano tūhoya. Camepū apeye buheyere yahutja yequinare Israe masare, Judá ya curua cjēna gūhare.

⁹ Ti buheye tiquina ñecūsumūa mūna iji turiayequinare yūhū yahu cūri yero saha ne ijisi. Yūhū basi tiquinare Egipto yehpapū ijieyequinare wioḡū tiquinare yahu cūmi. Yūhū sa ni yahu cūrire yūhdūdcare tiquina. Tiquina sa yegū ihñagū wahmanore tiquinare yūhū yahumedire duhu cūhū.

¹⁰ Sa yegū camepū Israe masare ohō saha ni yahutja: Yūhū dutiyere tiquinare wacūgū yeitja. Sa ye yūhū dutiyere yūhtieta. Sa yegū yūhū Cohācjū tiquina pūto, tiquinare ihña ihbogū ijigūtja. Sa ye tiquina

pehe yeequina masa
ijieta.

11 Sa ye ti pjere tiquina mehna cjēnare ne tiquina ohō saha cahme nisi: 'Mari pūhtorore Cohācjāre masiña mūsa', ne ni cahme buhesi. Tiquina ijipihtiequina yūhure masi tuhasaeta. Macanagā, bācāna gūhū yūhure masiñequina dihita ijietā.

12 Sa yegū tiquina ñañe yerire boutja yūhū. Sa yegū tiquinare buhiri dahresi yūhū. Tiquina ñañe yerire pari turi wacūsi yūhū", niahye mari pūhtoro, nine Cohācjū yere tiquina ojoari pūpū.

13 Yojoṗare marine tiquiro ye buheyere cūno, panopū cjē dutiyere duhuro nidi. Sa yero māna dutiyere tiquiro duhuri bato ti dutiye came-saa wahare.

9

*Ahri yehpa cǎa tucūre
ūhmūse cǎa tucū gūhure
Cohācjāre ño peori tucūre
yahuahye*

1 Coā waropūre Cohācjū tiquiro dutiyere Moiserē cūno, masa tiquirore tiquina ño peoato gūhure cūahye. Sa yero Cohācjāre tiquina ño peoati wūhū gūhure ye dutiro cūahye.

2 Ti wūhū wahiquina cahseri wūhū ijiahye. Pūa tucū cūoahye. Paji cjūri tucū tiquina saǎ sa māhtari tucū "Cohācjū ya tucū", wame tiahye. Ti tucūpū tiquina sihō docodū ijiahye. Sa yero mesa

gūhū ijiahye. Ti mesa bui Cohācjāre tiquina ohori pā pesahye.

3 Ape tucū suhti cahseri mehna tiquina cahmotari tucū ijiahye. Ti tucū "Cohācjū ijiri tucū waro", wame tiahye.

4 Ti tucūpū uru mehna tiquina yeri altar, ehmeo bueyere tiquina ūjūari altar ijiahye. Sa yero uru quehnoañe mehna tiquina duhu ohōri acaro topū cuñahye. Ti acaro puhiapū uru pa maná wame tiye ihyaye pose tiri pa ijiahye. Sa yero ti acaro puhiapū Aaron yadū tuadū pūri tidū ijiahye. Sa yero pūa pǎi ūtā pǎini Cohācjū dutiyere tiquiro ojoari pǎini gūhū ti acaro puhiapū sañahye.

5 Ti acaro bui pūaro angele queoye ijiahye. Ti queoye Cohācjū asi siteyere, ti tucūpū tiquiro ijiyere ihñōñe niahye. Ti acaro mohano bui tiquina wūye dūpūri mehna mohahye. Ti acaro mohano bui masa ñañe buhirire tiquina ohorire wejē site peoe tiahye pahia pūhtoro. To punota yahutja ahri wūhū cjēne yojoṗare.

6 Sa ye ti wūhure tiquina quehnoano quehñori bato pahia decoripe tiquina saǎ sa māhtari tucūpū saǎ sa, tiquina dahrayere yee tiahye.

7 Sa yero pahia pūhtoro dihita ape tucūpū saǎhaye. Cūhmaripe ihcā tahata tiquiro saǎri deco boropūta saǎe tiahye tiquiro. Sa

sajāno tiquina wejēdiquiro wahiquiro tiquina ohoriquiro diire ne sajāno, Cohācjüre ño peoe tiahye. Dii marieno ne sajāedahye. Tiquiro basi tiquiro ñañe yeri buhirire diire ne sajāe tiahye. Sa yero ijipihtiyequina apequina Israe masa “Ñañe ijiaga”, nino marieno tiquina ñañe yeri buhiri gūhare diire ne sajāe tiahye tiquiro Cohācjüre sinino taro.

⁸ Ijipihtiye ahri mehna Espiritu Santo ohō saha ni marine buhero nine: Ti wuhapū Moiserere tiquiro cūri wuhapū mari ño peorīna, tiquiro cūri dutiyere yeatina ijinina, ihyo ijina Cohācjüre ño peona wahaeraboya mari. Pahia pūhtoro dihita Cohācjū ijiri tucū waropū sajā masine. Sa yena ihyo ijiyequina tiquina ño peoye wahaeraro saha sa ijiboya mari Moiserere tiquiro cūri dutiyere yena.

⁹ Ahri ijipihtiyere Cohācjüre ño peori wuhapū ijiyere marine cūno, marine yojopū cjēnare buhero niahye Cohācjū. Wahiquinare wejē ujāa mūo, masa Cohācjüre tiquina ño peori mehna ne Cohācjū cahapū wahasi. Tiquina sa yeri mehna tiquina ñañe yerire cose werahye.

¹⁰ Sa wahiquinare ohoye, tiquina ihyaye, tiquina sihniñe, tiquina pagū cosine, tiquina ohō saha yeye mehna Cohācjüre ño peoe timahye. Ahri tiquina sa yeri ihyo warota ijire yojopūre. Sa yeye ti dutiye Moiserere

tiquiro cūri dutiye marine quehnoana wahagū yerahye. Sa ye wahma buheyere Cohācjū tiquiro cūri bato mana dutiye pehe dahseati ijierare.

¹¹ Cristo pehe mari pahia pūhtoro ijiro ahta tuhasari jiri. Sa ijiro marine quehnoañene cū tuhasari jiri. Cohācjüre ño peori wuhū uhmūsepū pahia pūhtoro tiquiro dahrari wuhū apequina pahia tiquina dahraye wuhūse yuhūoro quehnoari wuhū ijire. Uhmūse cjā wuhū ijire. Ti wuhū ahri yehpa cjā wuhū ijierare. Sa yero masa tiquina yeri wuhū ijierare.

¹² Sa yero Cristo uhmūsepū Cohācjū ijiro waropū ihcā taha sajāhye mari ñañene yeri buhirire Cohācjüre ohoro saha yero taro. Topū uhmūsepū ohōpū tiquiro ijiri tucū waro yero saha ijire mari queoye mehna buhegū. Sa yero chivoa diire, wecūagā diire ne sajā, ohoerahye tiquiro. Tiquiro pehe tiquiro ye dii warore Cohācjüre tiquiro ohoro saha yero niahye yariaro. Ijipihtiye decori Cohācjū mehna mari ijiducuo saha tiquiro ye diire cohāhye. Mari ñañe buhirire yariahye.

¹³ “Yariariquinare dahra peona mūsa pagū wete tina ijire”, ni cūahye Cohācjū Moiserere. Sa ijiye ñañene wete tiyere cose wee tiahye chivoa diire tiquina ohori mehna. Wecūa diire tiquina ohori mehna, wecūagāre tiquina

ujääri nitine tiquina ohoi mehna sa ijiye ñañene cose wee tiahye.

¹⁴ Sa ijiye ñañene wahiquina diire tiquina ohoi mehna, nitine tiquina ohoi mehna tiquina cose weriro saha ti yuhduoro Cristo pehe tiquiro diire cohãno mehna mari ñañe yerire quehnoano cose we peho cãre. Tiquiro ñañe marieniquiro ijiro, curusapũ yariaro tiquiro basita tiquiro pagũ, tiquiro jeripohna mehna Cohãcjũre ohoro saha yeahye. Espiritu Santo sa ijiducuriquiro yedohoye mehna sa yeahye tiquiro. Sa ye mari ñañe yerire tiquiro cose wegũ ihñano mari ñañe buhirire Cohãcjũ bo cãhye. Ti ñañe buhirire cõona pecapũ wahaborina ijimi mari. Tiquiro cose wenohrina ijina, Cohãcjũ catiriquiro tiquiro cahmeñene ye masi-aja mari.

¹⁵ Sa yero “Ohõ saha mäsare yuhduoutja”, masare pari turi Cohãcjũ ni yahu cũgũ Cristo pehe tiquiro yahuyere yahu basariquiro ijire. Sa yahu basare tiquiro Cohãcjũ beseriquinare yuhduoro taro. Tiquiro sa yuhduogũ ijipihtiye decori tiquiro mehna ijinata mari tiquiro yequina. Sa yena mari tiquiro yequinare Cohãcjũ marine ohoatire cõonata mari. Moisere tiquiro cõri dutiye dihita ijigũ masa tiquina ñañe buhiri ijiniyahye. Sa yero curusapũ yariaro ti pjeta tiquina ñañe yeri buhirire yuhduoahye tiquiro

yequinare.

¹⁶⁻¹⁷ Masuno came tiquiro acayere tiquiro ohoatire ojoa ohõyure papera pũpũ. Tiquiro ohoatire yahuro taro ojoa ohõyure. Ti pũre ojoa ohõyuriquiro tiquiro yari-eranigũ ti pũ dũhseati ijier-are. Tiquiro acaye tiquiro cõorire nea masiedare. Sa ye tiquiro yariagũ ihñañe ti pũpũ tiquiro ni ojoariro sahata tiquiro yere neañeta tiquina.

¹⁸ Tiquiro yariato pano ti pũ dũhseati ijieraro sahata yariaro marieno dii wijiaro marieno Cohãcjũ Moisere tiquiro cõri dutiye gũhũ ne dũhseati ijieraboya. Sa yero wahiquiro diire tiquiro wejẽ siteri bato ti dutiyere potota yero niahye.

¹⁹ Sa yero ohõ saha ye mahtahye Moise: Cohãcjũ tiquiro cõri dutiyere masare yahu pehoahye. Came wecũagã diire, chivoa diire aco mehna moreahye. Sa yero hisopo wame tidũ dũpũ mehna oveja poari sohãñe mehna tiquina ñimiori poarire torẽahye. Ti dũpũ mehna diire sohoro, Cohãcjũ dutiyere tiquiro ojoari pũ bui wejẽ site peoahye. Ijipihtiye-quina masa bui gũhũre wejẽ site peoahye.

²⁰ Sa yero ohõ saha niahye tiquiro: “Cohãcjũ marine tiquiro yahuri tiquiro dutiri ahri dii mehna poto ijigũ masiaja mari. Ahri diire ihñana tiquiro nidiro sahata marine tiquiro yeatire masi-aja mari. Ti dutiyere yahti

dutiahye tiqiro marine”, ni-
ahye Moise.

²¹ Sa yero masare tiqiro
yeriro saha Cohãcjüre tiquina
ño peori wuhũ wahiquina
cahseri wuhũre, ijipihtiye
ti wuhũpũ ijiye gãhũre wejẽ
siteahye.

²² Sa tjire. Ti dutiye ti
nidiro sahata peye ñañene
dii cohãno mehna cose
wero cahmene. Mehenogã
dũhsaye ñañene apee
boro mehna cose wegũ
quehnoare. Sa yero Cohãcjũ
mari ñañe yerire ne bosì dii
cohãedagũ.

*Cristo tiqiro diire cohãno,
yariaro, tiqiro yequina ñañe
yerire cose weahye*

²³ Ti ijipihtiye Cohãcjüre
tiquina ño peori wuhũ, ti
wuhũpũ ijiye gãhũ uhmũse
cjã wuhũpũ ijiye yero saha
ijiahye mari queoye mehna
buhegũ. Uhmũse cjã wuhũ
pehe potota Cohãcjũ ya wuhũ
waro ijire. Sa yero ahri
yehpa cjã wuhũre, ti wuhũpũ
ijiye gãhũre wahiquina diire
tiqiro wejẽ siteri mehna
cose wero cahmeahye. Sa
ye ti yuhdũoro uhmũsepũ
wahatiquinare tiquina ñañe
buhiri tiyequinare cose wero
cahmene. Sa yero wahiquina
yuhdũoro ijiriquiro ye
dii tiqiro cohãno mehna
tiquina ñañe yerire cose wero
cahmene.

²⁴ Sa yero Cohãcjüre
tiquina ño peori wuhũ masa
yeri wuhũ ijire. Uhmũse cjã
wuhũ yero saha ijire ti wuhũ
gũhũ, mari queoye mehna

buhegũ. Sa yero Cristo pahi
ijiro, marine sini basaro
taro ahri yehpa cjã wuhũre
sajãedahye. Potota uhmũsepũ
wahahye tiqiro Cohãcjũ
caha marine sini basaro taro.

²⁵ Mari judio masa mari
pahia pũhtoro cũhmaripe
Cohãcjũ ijiri tucũ waropũ
sajãe tiahye wahiquina diire
ohoro taro. Cristo pehe
tiqiro diire Cohãcjüre ohoro
saha yero taro, yariaro, peye
tahari sajãedahye.

²⁶ Peye tahari yariariquiro
ijiro, ahri yehpa iji dũcari
bato peye tahari yariaboya
tiqiro. Peye tahari tiqiro
mari ñañe buhirire yaria-
ducuriquiro ijiboya. Sa
ijiboriquiro ijieperota pihtiri
deco panogã yojopũre ma-
rine ijipihtinare yuhdũoro
taro ihcã taha bajuahye
tiqiro ahri yehpũ. Sa
bajuahye yariaro taro, mari
ñañe buhirire cohãno taro.

²⁷ Ijipihtiyequina masa
ihcã tahata yarieta. Tiquina
sa yariari bato masa
quehnoañequinare, ñañequina
gũhũre beserota Cohãcjũ.

²⁸ Ihcã tahata mari yari-
aro saha Cristo gãhũ ihcã
tahata yariahye peyequina
masa tiquina ñañe yerire
cohãno taro. Came pari turi
ahtarota. Mari ñañe yerire
cohã tuhasariquipũ ijirota.
Sa yero pari turi mari ñañe
yerire cohãno taro ahtasi.
Sa ahtaro tiqirore cohteye-
quinare, bucueye mehna
tiqirore ihña duayequinare
yuhdũoro ahtarota.

10

1 Cohãcjũ dutiye Moiserē tiquiro cūri quehnoañe buh-eye yero saha ijiepetā, ihcāno saha ijierare. Ti dutiye ti ye dutiriro saha cūhmaripe wahiquinare wejē, ʌjūa m̄uo, Cohãcjūre ño peoducure. Tiquina sa yeye mehna masa tiquina ñañe yerire boerare Cohãcjũ.

2 Ti mehna tiquina ñañe yerire Cohãcjũ bogū, ihcā tahata Cohãcjūre tiquina ño peori bato “Yojopure buhiri mariedare ʌsāre”, ni tūhotuboya masa. Sa ye pari turi wahiquinare wejē ʌjūa m̄uo, Cohãcjūre ño peo ohoeraboya. Duhu cāboya.

3 Cūhmaripe wahiquinare wejē ʌjūa m̄uo, Cohãcjūre tiquina ño peogū tiquinare ñañe buhirire wacūgū yere. To punogāta yedoho duare ti tiquinare.

4 Wecūa dii mehna mari ño peori mehna, chivoa dii mehna mari ño peori mehna ne mari ñañe buhirire cohāedare.

5 Ti ijirota ijire. Ti sa ijigū ihñano Cristo ahri yehpapure tiquiro ahtato pano ohō saha niahye Cohãcjūre:

Wahiquinare ʌjūa m̄uo
 tiquina ohogū, trigore
 tiquina ohogū gūhure
 m̄uh̄u ihñagu bucuere-
 are m̄uh̄u. Sa yegu
 yuh̄u pagure yeri m̄uh̄u
 ya pagu ijiatire.

6 Ñañene tiquina cohātore wahiquinare wejē, tiquina ʌjūa m̄uogū ihñagu bucuere m̄uh̄u.

7 M̄uh̄u sa bucueregū ihñagu ohō saha nii m̄uh̄ure: “M̄uh̄u cahmeno sahata yegu wahagutja. Sata ni yahure m̄uh̄u ya pūpū”, nii yuh̄u, niahye Cristo tiquiro Pacurore.

8 “Wahiquinare ʌjūa m̄uo tiquina ohogū, trigore tiquina ohogū gūhure ihñagu bucuere m̄uh̄u”, ni yahu m̄uh̄tahye tiquiro. Coā waropure tiquiro ye dutiye wahiquinare, trigo gūhure tiquina ohoye mehna ti ño peo dutiepegūta sa niahye tiquiro.

9 Sa ni tuhasa ohō saha ni nemoahye: “M̄uh̄u cahmeno sahata yegu wahagutja”, niahye. Tiquiro sa nigū ohō saha masiaja mari. Panopu wahiquinare wejē ʌjūa m̄uoñe mehna tiquina ño peorire duhugū yero, apeye buheye pehere cūno niahye Cohãcjũ. (Sa cūno yojopure Cristo tiquiro yariari mehna masare yuh̄d̄uorota Cohãcjũ.)

10 Jesucristo tiquiro pagure ohoro, yariaro, ijipihtina marine mari ñano yerire cohāre. Ihcā tahata tiquiro pagure ohore mari ñañene cohāno taro. Sa yero Cohãcjũ cahmeno sahata yero niahye.

11 Ijipihtina mari judio masa mari yequina pahia decoripe Cohãcjūre ño peori w̄uh̄up̄u dahraducure. Sa dahraducuye decoripe m̄nanota wahiquinare wejē, ʌjūa m̄uo, Cohãcjūre siniducure. Tiquina sa wejē ʌjūa m̄uoepēgūta ti ʌjūa m̄uori mari ñano yerire ne cohāedare.

12 Cristo pehe ihcã tahata mari ñaÑe buhirire yariahye, mari ñaÑe yerire quehnoano cohã pehoru taro. Tire cohã tuhasa, wahaa wahahye tiqiuo Pacuro cahapũ tiqiuo poto pehe dujiro waharo. Pũhtoro ijiro, topũ dujire.

13 Topũ dujiro, cohtero nine. Tiquiuro ihña tuhtiyequinare Cohãcjũ pehe tiqiuo yũhdũdũca basatore cohtero nine.

14 Sa yero ihcã tahata tiqiuo yariari mehna tiquina ñaÑene cohãnohriquinare ñaÑe marieÑequina sa ijiducugũ yere tiquinare.

15 Ti ijirota ijire. Sata ni yahure Espĩritu Santo marine. Ohõ saha ni yahure tiqiuo:

16 Ohõ saha nine Cohãcjũ: “Camepũre ohõ saha ni yahutja Israe masare. ‘Yũhũ dutiyere tiquina wacũÑepũ cũtja’, ni yahutja”, nine tiqiuo.

17 Ohõ saha ni nemore Cohãcjũ:

“Tiquina ñaÑe yerire pari turi wacũ nemosĩ yũhũ”, nine tiqiuo, ni yahure Espĩritu Santo.

18 Mari ñaÑe yerire tiqiuo sa bogũ pari turi mari ñaÑe buhiri yariatiquiuro cahmedaja mari.

Cohãcjũ cahapũ esana, cuero marieno tiqiuo mehna mari yahuducuboriro saha tiqiuo mehna yahuducu masiaja yojopũre

(Mt 27.51; Mr 15.38; Lc 23.45)

19 Sa yena yũhũ acaye, Cristo tiqiuo yariaro mehna tiqiuo dii cohãno mehna yojopũre mari gũhũ cuero marieno Cohãcjũ mehna yahuducu masiaja. Sa yena tiqiuore sini masiaja.

20 Ahri yehpa cjũno pahia pũhtoro Cohãcjũ ijiri tucũ waropũ tiqiuo yemedi yojopũre marine dũhseati ijierare. Ti mehna Cohãcjũ mehna yahuducu masiedaja mari. Cristo pehe mari ñaÑene yeri buhirire yariaro tiqiuo dii cohãri mehna Cohãcjũ mehna yahuducu masiaja mari. Pahia pũhtoro ti tucũpũ tiqiuo sajãriro sahata Cristo pehe Cohãcjũ cahapũ esahye mari ñaÑe yerire bo dutiro waharo. Ti tucũ cjã cahserore cahmotari cahserore tiqiuo tũhrẽ cohãriro saha Cristo tiqiuo pagũre cohãhye Cohãcjũ mehna marine iji dutiro.

21 Sa yero Cohãcjũ ya wũhũpũ dahrariqiuo mari yaqiuo pahi tutua yũhdũariqiuo ijire tiqiuo.

22 Sa yena Cohãcjũre sinihna poto ni mehono marieno. Tiquiuro quehnoano wacũ tutua, cuero marieno tiqiuore sinihna. Cristo mari ñaÑe yerire tiqiuo cose wenohrinapũ ijiaja. Sa yena “Buhiri tina ijiaja mari”, ni tũhotuna ijieraja mari. Sa yena wete marieÑe aco mehna mari cose wero saha Espĩritu Santo tiqiuo cose wenohrinapũ ijiaja. Sa yena Cohãcjũre sinihna.

23 “Musare yuhduoutja”, tiquiro nidiro sahata yerota. Sa yena marine tiquiro yuhduoatore quehnoano masiaja mari. Tire masina, ne boeracāhna. Cohācjüre sa wacū tutuaducuhna. Sa wacū tutuana tire apequinare yahuaja.

24 Mari mehna cjēnare cahīna, tiquinare yedohouhna mari, ijipihtina mari ihcāno saha mari cahme cahī yedohoato saha.

25 Sa yena quehnoano cahmecoaducuhna Cohācjū yere yena tana. Apequina pehe tiquina cahmecoamedirore duhuye nine. Tiquina yero saha yeracāhna. Mari mehna cjēnare bucuegū yeihna. Ahri yehparure mari pūhtoro ahtato mehenogā duhsare. Tire masina tutuaro bucuegū yeihna mari mehna cjēnare Jesu yequinare.

26 Poto ijiye buheyere quehnoañe buheyere mari masiepenata ñañene mari pari turi sa yeducugū mari ñañene cose we nemoato ne mariedare.

27 Sa yero sa yeyequinare cuarīne. Ijipihtiequina tiquirore ihña tuhtieyequinare buhiri dahrero, tutuaro ujānopu cohānota Cohācjū tiquinare. Sa ye tiquiro buhiri dahreatire cueyequina dihita ijimene tiquirore duhuyequina.

28 Cohācjū dutiye Moiserere tiquiro cūrire yuhduucayequinarē¹ Cohācjū catiriquiro marine tiquiro buhiri dahreye, mari acaye judio masa wejēne tiquinare.

Ne paja ihñano marieno wejēne tiquinare. Ihtiaro tiquina yahusāgū tūhoro beseriquiro tiquina yuhduucarire masino tiquinare buhiri dahre dutire. Ihtiaro mariedagū pūaro tiquina yahusāgū tiquinare buhiri dahre dutire. Sa dutigū tiquinare wejēne.

29 Ti bui cjūno Cohācjū macunore ihña yabiyequina tiquiro buhiri dahreatiquina ijietā. Cristo dii cohāri mehna mari ñañe yerire cohāre Cohācjū. Sa cohātore yahuahye tiquiro marine. Sa yeye tiquina ñañe yerire cohānohriquina ijiepetā pari turi ñañene yeye, tiquina ñañe yerire tiquiro cohārire tiquiro dii gūhure “Ihyo waro ijire”, niñe nieta. Sa niñequina tiquiro buhiri dahreatiquina waro ijiye nieta. Sa niñequina Espiritu Santore ñano ni yahuducuyequina ijire. Tiquiro tiquinare cahīniquiro ijire. Tiquina sa ñano yahuducugū ihñano tutuaro buhiri dahrerota Cohācjū tiquinare.

30 Ahrire mari quehnoano masiaja. Cohācjū tiquiro basita ohō saha niahye: “Yuhū ijiaja buhiri dahreacjū. Tiquina ñañene yeri buhiri buhiri dahreitja yuhū”, niahye tiquiro. Ohō saha ni nemoahye: “Yeequina ijimediquinare ñano yeyequinare buhiri dahreitja yuhū”, niahye tiquiro.

Cohācjū catiriquiro marine tiquiro buhiri dahregū cua yuhduare.

32 Panopu musa ijirire wacũña musa. Ti pjere Cohãcjũ yere coã masi ducana peye tahari ñano yuhdnerenata tiquiro yere cohãedari musa.

33 Ihquẽ tahari masa tiquina ihñonopu apequina musare ñano ni, ñano yeperi musare. Sa yena apequina Jesu yequinare tiquina ñano yegũ ihñana, tiquinare paja ihñari musa.

34 Peresupu ijিয়েequinare paja ihñari musa. Sa yena musa yere tiquina ehmaepegũta bucueye mehna, "Quehnoanota", nidi musa. Ahri yehpa cjẽ yuhdũoro quehnoañene cœore musa uhmũsepu. Ti quehnoañe sa iiducuenta. Tire masina, musa cœoyere tiquina ehmagũ bajũa witiere musa.

35 Sa yena cueracãhña. Cohãcjũre sa wacũ tutuaducuya. Musa sa yeri wapa tiquiro quehnoano yerota musare.

36 Cohãcjũ "Musare ohõ saha yedohoutja", tiquiro ni cũrire quehnoano cohteya musa tiquirore wacũ duhuro marieno. Sa cohtena tiquiro cahmeñene yenata musa. Sa yena tiquiro ni cũrire cœonata.

37 Ohõ saha nine Cohãcjũ yere tiquina ojoari pũpu:

Mehenogã dũhsare Cristo wihiato. Sa ahtaro duita wihi madoqueorota.

38 Yeequina quehnoañequina pehe yuhũre wacũ tutuaducuenta. Sa ye yeequina yuhũ mehna sa iiducuenta. Yeere

cohãñequina pehere ihña yabiaja yuhũ, niahye tiquiro ye yahuducuye tiquina ojoari pũpu.

39 Mari pehe Cohãcjũ yere cohãrina ijieraja mari. Sa yena pecapu wahatina ijieraja mari. Cohãcjũre wacũ tutuaja mari. Sa yena tiquiro yuhdũorina ijiaja.

11

Wacũ tutuayere yahuahye

1 Ohõ saha ijire wacũ tutuaye: Cohãcjũre wacũ tutuana, marine tiquiro quehnoano yeatire quehnoano masiaja mari. Cohãcjũ tiquiro nidiro sahata yeraniepegũta tiquiro yahuyere "Ijirota ijire", ni tãhotuaja mari tiquirore wacũ tutuana. Tiquirore ihñedapenata, wacũ tutuana, "Ijirota ijire", ni tãhotuaja mari tiquiro yahuyere tãhona.

2 Panopu cjẽna Cohãcjũre tiquina wacũ tutuagũ ihñano bucueahye tiquiro pehe.

3 Cohãcjũ tiquiro yahuducuye mehna ijipihtiyere bajumehnee tiahye. Sa yero tiquiro mari ihñedari mehna ijipihtiyere mari yojopu ihñañene bajumehnee tiahye. Tire mari quehnoano masiaja Cohãcjũre wacũ tutuana pũrita.

4 Cohãcjũre wacũ tutuaro Abe pehe corderore wejẽ, ujũa mũo, Cohãcjũre ño peo "Quehnoare", niahye. Tiquiro wahmino Caĩ yuhdũoro quehnoanore ohoro, ño peoahye tiquiro Cohãcjũre. Sa yero Cohãcjũ

tiquiro ohorire bucueahye. Sa bucuero “Quehnoariquiro ijire”, ni ihñahye tiquiro Abere. Sa Cohãcjüre tiquiro wacũ tutuagũ ihñana mari tiquirore ihña cñaja. Sa yena tiquiro yariari bato ijiepegũta tiquiro wacũ tutuarire ihña cñaja mari.

5 Enoco Cohãcjüre tiquiro wacũ tutuagũ ihñano bucueahye Cohãcjũ. Sa bucuero tiquirore tiquiro cahapũ ne mœoahye. Sata nine Cohãcjũ yere tiquina ojoari pũpũ. Tiquiro ne mœori bato masa tiquirore ne bocaerahye. Tiquiro ne mœonohriquiro ijiro ne yarierahye.

6 Cohãcjüre wacũ tutuerana tiquirore bucuegũ ye masiedaja mari. Cohãcjüre wacũ tutuerana, tiquirore ño peo masiedaja mari. “Potota tiquiro Cohãcjũ warota ijire. Sa yero tiquirore mari ño peogũ marine quehnoano yere tiquiro”, mari ni tũhotuerana mari tiquirore sini masiedaja.

7 Noé Cohãcjüre wacũ tutuaro, tiquirore Cohãcjũ yahurire quehnoano yũhtiahye. Camerpũ tiquina ñano wahatore tiquiro yahugũ tũhoro quehnoano yũhtiahye tiquiro. Sa yũhtiro, pajiria yucũsare yeahye. Sa yeye tia yucũsa mehna tiquiro acaye mehna dia minimore yũhdũahye. Sa wacũ tutuariquiro ijiro ahri yehpa cjẽna ñañequina tiquina wacũ tutuerarire tiquina pecapũ wahato

gũhure ihñono niahye. Sa yero tiquiro wacũ tutuagũ ihñano “Quehnoariquiro ijire”, ni ihñahye Cohãcjũ tiquirore.

8 Abrahã gũhũ Cohãcjüre wacũ tutuaro tiquirore yũhtiahye. Ape dihtapũre tiquirore ohoati dihtapũre Cohãcjũ waha dutigũ tũhoro Abrahã yũhtiahye. Tiquiro ya dihtapũ ijiriquiro wijiaa waharo, tiquiro masiedi dihtapũ esahye.

9 “Ahri dihtare mũhure ohoutja”, Cohãcjũ nigũ tũhoro tiquirore wacũ tutuaro ti dihtapũta tojoahye tiquiro. Topũ ijiro ape dihta cjãno ijieperota topũta tojoa cãhye. Tiquirore, tiquiro macũno Isaac gũhure, tiquiro panamino Jacob gũhure tiquinare “Ahri dihtare mũsare ohoutja”, ni Cohãcjũ yahue tiahye tiquinape. Tiquina tũhoe tiahye. Sa yeye tiquina ti dihtapũ ijiye, wahiquina cahseri wahũsepũ ijie tiahye mũnano ijieyequina ijiye.

10 Topũ ijinie tiahye Abrahã Cohãcjũ mehna tiquiro ijiatore cohtero. Ape macapũ Cohãcjũ ijiri macapũ uhmũsepũ tiquiro wahatore cohtero niahye. Ti macare dahreahye Cohãcjũ. Sa yero ti maca ne pihtisi.

11 Cohãcjüre wacũ tutuaro, bucũro waro ijieperota, tiquiro namono Sara bucũoro waro ticoro ijiepegũta, Abrahã pohna tiahye. “Tiquiro nidiro sahata

yerota”, Cohãcjüre nino sa pohna tiahye.

12 Sa yero Abrahã bucuro waro ijieperota pohna tiahye. Sa yeye tiqairo panamena iji turiayequinapũ peyequina waha cãhye. Ñahpicoha parire, padũ pjeri gãhũre mari queona ihcãno sahaeraro sahata tiqairo panamena iji turiayequina gãhũre queona ihcãno sahaeraja mari.

13 Ijipihtiyequina ahriquina yũhũ yahuriquina Cohãcjüre wacũ tutua tuhasayequinapũ yariahye. Cohãcjũ tiquinare “Mũsare ohõ saha yeitja”, tiqairo ni cũrirore eserapeta yariaa wahahye. Tire ñehedapeta Cohãcjũ tiqairo nidiro sahata camepũ tiquina cõotire masiahye. Sa masiñe bucueahye. Sa yeye ohõ saha niahye tiquina: “Ahri yehpã tinina ijiaja. Ape yehpa cjãna ijiaja”, niahye tiquina.

14 Sa niñequina ape yehpare tiquina ya yehpa ijiatore cohtey nine. Tire mari quehnoano masiaja.

15 “Ape yehpa cjẽna ijire”, nigũ panopũ tiquina cohãri yehpare nigũ niedaja. Ape yehpã tiquina iji mãhtari yehpã waha dua, wahaa wahaboya.

16 Quehnoa yũhdũari yehpa pehere cahmeñe niahye. Ti yehpa ahmũsepũ ijire. Tiquina sa cahmegũ ihñano “Cohãcjũ usã pũhtoro ijire”, tiquina nigũ tũhoro bue tisi Cohãcjũ. Tiquina

ya maca ijiatore dahre basa tuhasahye tiqairo.

17-18 Cohãcjũ Abrahãre tiqairo macũnore Isaare wejẽ ujũa mũo dutiahye. Tiquirore ihña duaro sa dutiahye, “¿Ijirota yũhũre wacũ tutuajari?” nino. Cohãcjüre wacũ tutuaro tiqairo nidiro sahata yemahye Abrahã. “Mũhũ macũ Isaac mehna panamena iji turiayequinare peyequinare cõogũta mũhũ”, Cohãcjũ tiqairo nidiqairo ijiepegũta tiqairo macũnore wejẽno taro nimahye Cohãcjüre ño peoro taro.

19 “Yũhũ macũ Isaare yũhũ wejẽgũ Cohãcjũ tiquirore masonota”, ni tũhoturo, tiquirore wejẽno taro nimahye. Sa nidiqairo ijieperota Cohãcjũ tiquirore cahmota, wejẽ dutierahye. Tiquiro pacuro tiqairo sa wejẽboriqairo ijiro yaria masariqairo yero saha ijiahye Isaac, Abrahã ihñagũ. Sa yero Abrahã tiquirore catiriquirore pari turi cõoahye.

20 Isaac Cohãcjüre wacũ tutuaro, tiqairo pohnene Jacore, Esaú gãhũre “Camepũ Cohãcjũ mũsare pajiro quehnoano yerota”, niahye.

21 Cohãcjüre wacũ tutuaro Jacob tiqairo yariato panogã José pohnene, mũhũre “Cohãcjũ mũsare pajiro quehnoano yerota”, niahye Jacob. Dũsepe curi mehna quehe sa, tiqairo tuadũ mehna tua ñehe cuña, Cohãcjüre ño peoro “Cohãcjũ

masare quehnoano yerota”, ni cūahye.

22 Cohācjüre wacū tutuaro José tiquiro yariato panogā Israe masa Egiptopu ijyeyquina tiquina wijiatire yahuyuahye. Sa tiquina wijiatire masiyuro tiquiro yariari bato tiquiro pagure nea dutiahye tiquiro pohnene.

23 Cohācjüre wacū tutuaye, Moisegāre ihtia asū waro nūo cūoahye tiquiro pacusumua, tiquiro masa bajuari bato. Quehnoariquirogā tiquiro ijigū ihñañe tiquirogāre nūoahye. Ti yehpa cjēna puhtoro tiquina pohnene tiquiro wejē dutirore yuhduca cāhye tiquina. Tiquirore cuerahye.

24 Moiserē masoricoro Egipto yehpa cjēna puhtoro macono ijiahye. Sa ticoro masonohriquiuro ijiro, Cohācjüre wacū tutuaro “Ticoro macūno ijire”, ni pisugū cahmedahye Moise.

25 Cohācjüre yuhducariquiro ijiro tiquirore masoricoro cahapu meheñe decorigā quehnoano ijiboya. Sa ijiboriquiro ijieperota ti yuhduro tiquiro Cohācjū yequina mehna ñano yuhdu duahye.

26 Sa ñano yuhduro Cristore tiquina bujipeato sahata tiquina bujuperiquiro ijiahye. Camerū tiquiro quehnoano yeri wapa Cohācjū tiquirore tiquiro quehnoano yeatire masino ñano yuhdu duahye, Cristo tiquiro ñano yuhduato sahata. Ijipihtiyequina Egipto

cjēna quehnoañene tiquina cūoro yuhduoro tiquiro Cohācjū pehere tutuaro cahmeahye. Ñano yuhduerperota, Cohācjüre cahmeahye.

27 Cohācjüre wacū tutuaro, Egipto cjēna puhtoro tiquiro mehna usuagū cuerahye. Sa cueraro ti yehpapu ijiriquiro ti yehpare cohā cāa wahahye. Sa yero Cohācjüre bajueriquirore tiquiro ihñaboriro saha cuerariquiro ijiahye. Cohācjū tiquirore ye dutirire ne cohēdahye Moise.

28 Cohācjüre wacū tutuaro Moise Israe masare Cohācjū yuhduoatire masiahye. Sa masino Cohācjū dutiriro sahata Israe masa tiquina sopecaharire ohōñe pjīnine dii mehna wejē site dutiahye tiquiro. Tiquina sa yegū ihñano angel masare wejēdiquiro tiquina wahmisumūare wejēboriquiro Israe masa pohne wahmisumūare wejēdahye.

29 Cohācjüre wacū tutuaye, Israe masa “Sohāri ma”, tiquina nidi mapu aco watoa ijiri mahapu aco marieni mahapu pehāa wahahye. Tiquina sa pehāgū ihñañe Egipto cjēna gūhu tiquinare ihña cū, nūnu tā pehāmehe, mini yariaa wahahye.

30 Cohācjüre wacū tutuaye, Israe masa Jericó wame tiri maca cjā sahrīno pajiri sahrīno behero pehe majare sotoahye. Siete decori waro ti macare majare sotoa tiniahye. Tope decori tiquina

majare sotoa tinidi bato ti sahrīno sehte bora dijia pihtia wahahye.

³¹ Cohācjüre wacū tutuaro мѣна mehna ñano yeducumedicoro Rahab wame tiricoro, ti maca cjoño Israe masare yedohoahye. Ti macare tiquina cohāto pano meheñequinagā Israe masa topu sajā tiquina duhti ihñagū, ticoro tiquinare yedohoahye. Ticoro sa yedohogū ihñañe Israe masa wejēdahye ticorore. Sa yeye ti maca cjenare Cohācjüre yuhduɰcayequinare wejēpeta ticoro pehere wejēdahye.

³² Apequinare Cohācjüre wacū tutuayequinare yahu nemoboa yahu. Sa yahu duepegūta peyequinare sa Cohācjüre wacū tutuayequinare yahu ojoa peho masiedaga yahu. Peyequina ijire tiquina. Gedeō, Barac, Sansō, Jefte, Davi, Samuel, Cohācjū yere yahu mah тариquina gūhu ahriquina ijipihtiyequina yahu yahuboriquina ijire.

³³ Cohācjüre wacū tutuayequina ihquēquina apeye yehparipū ijiye macari cjenare cahme wejē yuhduɰcahye. Sa yeye apequina quehnoano dutiyequina ijiahye. Cohācjū tiquinare “Musare yedohoutja”, tiquiro nidiro sahata tiquinare yedohoahye. Tiquirore tiquina wacū tutuagū ihñano sa tiquinare yedohoahye. Sa wacū tutuaye, yayia tiquinare ihyā duagū tiquina duserire

bihagū yeahye tiquina.

³⁴ Tutuaro мјѣри pecapu ijiepetā мјѣedahye tiquina Cohācjüre wacū tutuaye. Apequina tiquinare ñose wejē duagū duhti cāa wahahye Cohācjüre wacū tutuaye. Tutuayequina ijiepetā Cohācjüre wacū tutuaye tutuayequina wahahye. Cohācjüre wacū tutuayequina ijiye, cahme wejēñe tutuayequina ijiahye. Sa ye apeye yehpari cjenā surara tiquinare wejēñe ahtayequina ne ihcāno sahaerahye tiquinare.

³⁵ Ihquēquina numia Cohācjüre wacū tutuagū ihñano tiquina acaye yariagū ihñano Cohācjū pehe tiquinare maso basahye.

Apequina “Cohācjüre cahmedacāhña”, tiquina ni peresu yenhriquina ijiepetā Cohācjüre duhu duerahye. “Cohācjüre masa duhugū musare wionata”, nimahye tiquinare peresupū yenhriquina Cohācjū yequinare. Tiquina sa niepegūta tiquinare yahrtierahye, Cohācjū cahapu tutuaro waha duaye. Sa yeye tiquinare ña yuhduaro tiquina yepegū yariaa wahahye.

³⁶ Apequinare Cohācjüre wacū tutuayequinare ñano ni bujape tiquinare tana mujae tiahye. Sa yeye apequinare dahpocārīne, omocarīne dūhte cāa, peresu yeahye.

³⁷ Cohācjüre wacū tutuayequinare ñañequina utā

12

mehna doque wejēahye. Apequinare tiquina pagurire seroti mehna yuhre sure mājahye. Apequinare ñoseñe pjiñi mehna ñose wejēahye tiquina. Sa yeye tiquina sa ñano yepenohñequina oveja cahseri mehna, cabra cahseri mehna suhti tiyequina pejesoyequina ijiahye. Sa ye aequina tiquinare ñano yepeahye.

38 Tiquina quehnoa yuhduayequina ijigū ahri yehpa cjēna ñañequina tiquina mehna ijiboriquina ijierare. Ahriquina Cohācjāre wacū tutu-ayequina wuhuse marieñequina ijiye, masa marienopu, canu cjapu iji soto tae tiahye. Sa iji soto tae, canupu ijiye coperipu, yehrapu ijiye coperipu gūhure carī soto tae tiahye.

39 Ahriquina ijipihtiyequina Cohācjāre tiquina wacū tutuagū ihñano bucueahye tiquiuro. Tiquina sa wacū tutuepegūta Cohācjū tiquinare “Musare yuhduoutja”, tiquiuro nidiro eseraniahye.

40 Tiquiuro yuhduoeranidire yahuro ohō saha ni tūhotuahye Cohācjū. “Ahriquina yeequina camepūre ijia-tiquina mehna ihcāno saha ihcā curuapūta yuhduoutja”, ni tūhotuahye. Sa ni tūhoturo tiquiuro nidiro sahata yerota. Tiquiuro sa yegū quehnoa yuhduare panopu tiquiuro yeriro yuhduoro.

Jesure sa wacūducuhna mari

1 Sa yena ahriquina yuhū yahuriquinare peye-quina Cohācjāre wacū tutu-ayequinare ñañene yeeye-quinare masina, ijipihtiyē ñañe yeyere duhu cāuhna mari gūhū. Ohō saha ijire mari queoye mehna buhegū: Omaperiquiurore oma tutuagū cahmotaye ijire apeye. Tiquiuro dahpo suhti nūcūñe suhti tiquiurore oma tutueragū yeboaga. Ti yero saha Cohācjū cahmeñene mari ye duagū cahmotaye gūhū ijire. Ti gūhūre duhuuhna mari. Sa yena omapeyequina tiquina oma tutuaro saha mari gūhū tutuaro Cohācjū cahmeno saha yehna.

2 Sa yena Jesure sa wacūducuhna mari. Tiquiurota ijire marine wacū tutua ducagū yeriquiuro. Sa yero marine wacū tutua nemogū gūhūre yere tiquiuro. Curusapu yariaro wacū tutuahye. Came tiquiuro bucueatore masino curusapu yariahye. Sa yariaro buetiboriquiuro ijieperota buetierahye tiquiuro. Sa yero vojopūre Cohācjū tiquiuro pūhtoro dujiro pototo pehe dujitjiñano tiquiuro dutiriquiuro ijire.

3 Ñañequina masa tiquiurore tiquina ña yuhduaro yegū ihcāno saha hye tiquiuro. Tire wacūña mūsa, mūsa gūhū ñano yuhduana, “Ihcāno

sahaeraboa”, nina. Tire wacũña m̄sa “Tiquirore wacũ tutua duhuari”, nina.

4 Ñano ȳhd̄epenata ñañene yerare m̄sa. Sa ñano ȳhd̄epenata ña ȳhd̄uaro waro ȳhd̄ueraniaga m̄sa. Ñañequina m̄sare wejēdarīaga.

5 ¿Cohācj̄ū m̄sare tiquiro pohñare tiquiro yahurire bo cjāri m̄sa? M̄sa ñano ȳhd̄uatire tiquiro yahurire wacũña m̄sa. Ohō saha niahye tiquiro:

Ȳh̄u m̄ac̄u, m̄ah̄ure ȳh̄u yahugū usueracāh̄ña ñano ȳhd̄epegeta. M̄ah̄ure ȳh̄u tuhtigū t̄h̄oḡu b̄j̄ua witier-acāh̄ña.

6 Ijipihtiyequina ȳh̄u cahñequinare yahuaja. Sa yeḡu ijipihtiyequina “Ȳh̄u pohña ijire m̄sa”, ȳh̄u ni ihñañequinare ȳhd̄ud̄uca dutieraja. Sa yeḡu tiquina ȳhd̄ud̄ucagū ihñaḡu tiquinare buhiri dahreja, niahye Cohācj̄ū.

7 Ñano ȳhd̄uana Cohācj̄ū yere duhueracāh̄ña. Cohācj̄ū m̄sare tiquiro pohñare buhiri dahrero nine. Tiquina pac̄sum̄ña tiquina pohñene sa yahuducure. Sa yeye tiquinare buhiri dahreducure. Sata yere Cohācj̄ū ḡh̄u marine tiquiro pohñare.

8 Ijipihtiyequina tiquiro pohñene yahure Cohācj̄ū. Cohācj̄ū m̄sare yahueragū tiquiro pohña waro ijierare m̄sa. Pac̄sum̄ña marieñequina yero saha ijire m̄sa tiquiro yahumehñena

ijina. Sa ijina “Ūs̄a pac̄u waro ijire”, ni masiedare m̄sa Cohācj̄ūre, m̄sare tiquiro yahueragū.

9 Mari pac̄sum̄ña marine tiquina yahugū t̄h̄ona tiquinare ño peoaja mari. Mari pac̄sum̄ñare mari ño peoro ȳhd̄uoro ño peoro cahmene mari Pac̄ure Cohācj̄ūre tiquiro yahugū. Sa yena tiquirore ȳhtiro cahmene marine. Sa ȳhtina ijina ijipihtiye decori tiquiro mehna ijinata.

10 Meheñe decorigā ahri yehpap̄u mari ijinigū mari pac̄sum̄ña marine yahuye, buhiri dahrere. Tiquina esa tuharo tiquina masino punota marine yahuye, buhiri dahrere. Cohācj̄ū pehe marine quehnoano yahure. Sa yero tiquiro masiñe mehna marine buhiri dahrere, marine quehnoana buc̄ua dutiro. Sata yere marine tiquiro yero saha quehnoana marine iji dutiro.

11 Marine tiquiro buhiri dahregū bucueraja mari. Mari ihyo b̄j̄ua witiāja. Sa b̄j̄ua witiēpenata tiquiro sa buhiri dahreri bato quehnoana wahanata mari. Sa yena ñañene yero marieno quehnoano ijinata.

Cohācj̄ū marine tiquiro dutiyere mari ȳhtieragū cuarīne marine

12 Sa yena wacũ tutuera cjūna ijiepenata Cohācj̄ūre wacũ tutuana ijiya. Tiquirore duhueracāh̄ña.

13 Quehnoano potori mahare m̄sa waharo saha

quehnoano poto yeya m̄sa. M̄sa sa yegū ihña cūñe apequina Jesu yequina ñañene yesi. M̄sa quehnoano yegū ihña cūñe quehnoano wacū tutuera cññequina gūh̄ wacū tutuayequina wahaeta.

14 Ijipihtiyequina masa mehna quehnoano ijiya, cahmequeno marieno. Sa yena ñano yeracāhña. Ñañe marieñequina dihita mari p̄h̄toro Cristore ihñaeta.

15 Quehnoano yeya m̄sa. Cohācjū m̄sare tiquiro yedohogū quehnoano yahtiya. Ñañe taa diaye tiquina oteyere ti dojomehnenno saha m̄sa gūh̄ Cristo yere duhueracāhña, “Apequinare dojomehnenari”, nina.

16 Ne w̄hana tieracāhña. Sa yena Cohācjū yere cahmeena ijieracāhña. Cohācjūre cahmeediquiro ijiahye Esaú. Tiquiro wahmino ijimahye. Sa yero tiquiro pacuro yariari bato tiquiro pacuro yere c̄oatiquiro ijimahye. Cohācjū tiquiro pacurore tiquiro ni cūri gūh̄re c̄oatiquiro ijimahye. Sa yero ihcā deco ihcā pa ihyaye pose tiri pare cahmeno, ti pa mehna tiquiro bahuro pehere tiquiro wahmino wahagū yero taro comesahye.

17 Tiquiro sa yeri bato tiquiro d̄h̄se wahaire masine m̄sa. Tiquiro pacuro tiquirore ohoatire tutuaro cahmemahye Esaú. Tiquiro sa cahmepegūta tiquiro bahurore wahmino wahagū yeri buhiri, came tiquiro

c̄ooborire ohoerahye tiquiro pacuro. Tire utiye mehna tiquiro siniepegūta tiquirore ohoerahye.

18 Cohācjū dutiyere Moiseretiquiro cūgū mari acaye Israe masa m̄na Cohācjū mehna ijie tiahye. Tiquina tiquiro mehna ijiriro saha m̄sa pehe ijierare. Ohō saha yeahye tiquina pehe. C̄n̄p̄ Cohācjū mehna ijiye taye, esahye. Ti c̄n̄ pehe Sinaí wame tid̄ ijiahye. Ti c̄n̄re dahra tuhu masiahye masa. Ti c̄n̄p̄ tiquina esagū tutuaro peca h̄j̄ahye. Sa yero nahitiano, bueri, tutuaro wihnono mehna ijiahye ti c̄n̄p̄re.

19-20 Ti c̄n̄p̄ tiquina esagū corneta bisiro ca tahye. Sa yero yahuducuye bisiro ca tahye. Ti sa yahuducuye bisigū t̄h̄oye, masa ihcāno sahaerahye. Cohācjū cuaro mehna ohō saha ni, dutiahye tiquinare: “Ijipihtiyequina ah̄d̄ c̄n̄re dahra tuhuyequinare utā mehna doque wejēña tiquinare. Ah̄d̄re dahra tuhuriquiro wahiquire waro tiquiro ijiepegūta tiquiro gūh̄re utā mehna doque wejēña tiquirore. O ñosen̄ mehna ñose wejēña tiquirore”, niahye Cohācjū. Tiquiro sa nigū t̄h̄oye ihcāno sahaerahye tiquina.

21 Sa yero ijipihtiyet̄ c̄n̄p̄ ijiro tiquiro ihñarire ihña cuero, ohō saha niahye Moise: “Cuegū nanaregū niaja”, niahye tiquiro.

22 Sa Cohācjū mehna

tiquina iji ducariro sahata ijierare m̄sa pehe. Cohācjū mehna ijina wahana, Siō wame tid̄p̄m̄ ḡhm̄se cjād̄p̄m̄ m̄sa esaboro saha potota Cohācjū mehna yahuducure m̄sa. Cohācjū catiriquiro ya macap̄m̄ m̄sa esaboro saha potota tiquiro mehna yahuducure m̄sa. Ti maca ape maca wahma maca Jerusalē ḡhm̄se cjā maca ijire. Top̄re peyequina angele pari ijire.

23 Tiquina Cohācjū mehna bucueye tehe cahme-coañequina ijire. Sa yena m̄sa pehe tiquiro ya maca cjāna ijina, top̄m̄ Cohācjū pohne iji m̄htañequina mehna m̄sa cahmecoaboriro saha ijire. Tiquina tiquiro pohne wamene tiquiro ojoa ohōri t̄p̄m̄ ḡhm̄sep̄m̄ tiquina wamene tiquiro ojoa ohōnohriquina ijire tiquiro pohne. Tiquiro pehe mari Pac̄m̄ pehe ijipih̄tiyequinare beseatiquiro ijire. Tiquiro mehna cjāna ijire m̄sa pehe. Sa yena tiquina quehnoañequina Cohācjū yequina mehna cahmecoano saha ijire m̄sa ḡh̄m̄. Tiquinare iji m̄htariquinare ñañe marieñequina ye tuhasahye Cohācjū.

24 Sa yena Jesu mehna cjāna ijire m̄sa pehe. Wahmanop̄m̄ Moiserere tiquiro duti cūrire comesaro “M̄sare yāhd̄out̄ja yāh̄m̄”, ni cūahye Cohācjū marine. Tiquiro sa ni cūriro sahata yeriquiro ijire Jesu. Tiquiro di-

ire cohā, tiquiro yariari mehna marine sa yāhd̄ore. Abe m̄n̄ano tiquiro dii cohāḡū ih̄n̄ano Cohācjū Aberere wejēd̄iquirore buhiri dahreahye. Jesu pehe tiquiro diire cohāḡū, tiquiro yariari mehna quehnoano yāhd̄aja mari. Sa yero Abe tiquiro dii cohāri ihyo warota ijiahye. Cristo pehe tiquiro dii cohāri bato quehnoa yāhd̄aro yeahye Cohācjū marine. Sa ye tiquiro dii cohāri ihyo warota ijierare.

25 Sa yena quehnoano yeya m̄sa. Cohācjū yere m̄sare yahuriquirore quehnoano yāhtina ijiya. Panop̄m̄ ahri yehp̄m̄ ijiriquiro Moise Cohācjū yere tiquiro yahuḡū t̄hoye, peyequina tire t̄ho duerahye. Sa tiquina t̄hoerari buhiri buhiri dahreahye Cohācjū tiquinare. Tiquina yāhd̄oro buhiri dahrerota Cristore cohāñequinare. Cristo pehe ḡhm̄sep̄m̄ ijiriquiro Cohācjū yere yahuriquiro ijire.

26 Ti pjere Moiserere tiquiro dutiyere cūri pjere Cohācjū tiquiro yahuducuro mehna yehpa ñuhmiḡū yeahye. Yojop̄m̄ pehere ohō saha ni yahuahye tiquiro: “Ihcā tahata ahri yehpa ñuhmiḡū ye nemoutja. Ahri yehpa dihitare ñuhmiḡū yesi yāh̄m̄. ḡhm̄sep̄m̄ ḡh̄ure ñuhmiḡū yeitja”, ni yahuahye tiquiro.

27 “Ahri yehpa ñuhmiḡū ihcā tahata ye nemoutja”, nino, ijipih̄tiyere tiquiro bājumehnedire tiquiro cohātire masiḡū yero niahye. Cohācjū

pũhtoro ijiropare cohãno basioerare. Sa yero tiquiro bajumehnedire cohãgũ tiquiro pũhtoro ijiro dihita tojoarota.

²⁸ Tiquiro pũhtoro ijiropũ wahanata mari. Sa yena tiquiro pũhtoro ijirore tiquiro cohãedagũ ihñana, Cohãcjũre “Quehnoare”, ni ihna mari. Sa yena tiquirore ño peoye mehna, cua pesaro mehna tiquiro yere yeihna mari tiquirore bucuegũ yena tana.

²⁹ Peca ẽjũno cuaro saha Cohãcjũ gũhũ cuaro mehna buhiri dahreriquiro ijire.

13

Ohõ saha Cohãcjũre bucuegũ yeya

¹ Mũsa mehna cjẽnare cahĩ duhueracãhña.

² Masa mũsa ihña masieñequina tiquina ijipegũta tiquinare mũsa wũhũsepũ quehnoano mehna sajã ta dutiya. Apequina sa yeye, masiedapeta angelere tiquina ye wũhũsepũ sajã ta dutiahye. Sa yena tiquina yero saha yeya mũsa gũhũ.

³ Peresupũ ijiyequinare paja ihñaña. Mũsa pehe tiquina mehna peresupũ ijina mũsa ijiboro saha tiquinare paja ihñaña. Apequina tiquina ñano yenhriquina gũhare paja ihñaña. Tiquina yero saha mũsa gũhũ ñano yũhdũboro saha tiquinare paja ihñaña.

⁴ Omoca dũhterina ijipihntina mũsa basi quehnoano cahme ño peoya. Sa yena

apequina mehna ñano yeracãhña. Ijipihtiyequina numia mehna ñano yeyequinare, ẽmũa mehna ñano yeye numia gũhare buhiri dahrerota Cohãcjũ.

⁵ Niñerure ne cahĩedacãhña. Ohõ saha niahye Cohãcjũ: “Mũsare ne cohãsi yũhũ. Mũsare sa yedohoducugũtja”, niahye tiquiro. Sa yena noho puno mũsa cũoye mehna to punota bucueya. Pajiro cahme nemoedacãhña.

⁶ Sa yena cuero marieno ohõ saha ni tũhotunata mari: Mari pũhtoro Cohãcjũ marine yedohoriquiro ijire. Ne cuesi mari. Masa marine tiquina ñano yeatire cuesi mari, ni tũhotunata.

⁷ Cohãcjũ yere mũsare yahuriquinare mũsare dutiriquinare wacũña mũsa. Sa yena quehnoano tiquina ijie tirire quehnoano tiquina yee tirire wacũña. Sa wacũna, Cristore tiquina wacũ tutuaro saha yeya mũsa gũhũ.

⁸ Jesucristo ne comesaerare. Panopũ, yojopũ gũhare, camepũ gũhare tiquiro ijiriro sahata ijiducurota tiquiro.

⁹ Peye buheyere sijoro saha ijiye buheyere tũhoeracãhña mũsa “Quehnoañe buheyere ẽsãpũ cohãri”, nina. “Ahrire ihyaya. Ahrire ihyeracãhña”, ni buhere ihquẽquina. Sa tiquina ni buheyere mari yũhtigũ ti marine yedohoerare. Sa yero sa ijiye buheyere mari yegũ ihyo warota ijire. Tĩ marine wacũ tutuana ijigũ yerare. Cohãcjũ pehe marine wacũ tutuana ijigũ

yere. Sa yena tiqiro ye tutuaye mehna tiqirore wacũ tutuana ijiya m̄sa ḡh̄u.

10 Cristo mari ñañe buhirire yariahye mari ñañene cohãno taro. Pahia pehe ohõ saha niñequina ijire: “Wahiquina mari wejẽ uj̄a m̄u, mari ohoyequina mehna yuhd̄nata”, niñequina ijire pahia. Sa niñequina tiquina ñañe yerire cohãnohriquina iji masiedare.

11 Mari judio masa mari pahia p̄h̄toro Cohãcj̄u ijiri tucũ warop̄u diire ne sajãno wejẽ siteahye, masa tiquina ñañe yerire cose wero taro. Sa yero tiqiro wejẽdiquiro wahiquiro paḡure ti maca d̄ht̄u cahap̄u uj̄a cohã cãre.

12 Tiquiro yeriro saha Jesu ḡh̄u maca d̄ht̄u cahap̄u yariahye, masa tiquina ñañene tiqiro dii cohãno mehna cose wero taro.

13 Maca d̄ht̄u cahap̄u tiqiro yariagũ ihñañe, tiquina ye buheyere tiqiro cohãgũ ihñañe judio masa p̄h̄toa tiqirore ihña tuhtiahye. Sa yena mari ḡh̄u tiqiro mehna cjãna ijiihna. Mari sa ijigũ ihñañe, masa mari ḡh̄ure ihña tuhtieta.

14 Ahri yehpap̄u mari iji dojoati maca ne mariedare. Mari camer̄u ijiati macare cohtena niaja mari.

15 Sa yena Jesu yedohoro mehna mari Pac̄u mehna yahuducujaja mari. Sa yena tiqirore quehnoano siniihna. “M̄h̄u usã Pac̄u quehnoaḡu, tutuaḡu ijire”,

ni, ño peoducuuhna. “Jesu yequina ijiaja”, ni, sa niña mari Pac̄ure. Mari sa nigũ tiqiro bucuerota.

16 M̄sa mehna cjẽnare quehnoano yeya. Sa yena tiquinare yedohoya. Tire boeracãhña. M̄sa sa quehnoano yena Cohãcj̄ure ño peona niaga m̄sa. Sa yena tiqirore bucuẽgũ yena niaga.

17 M̄sa p̄h̄toare quehnoano yuhtiya. Tiquina dutiro sahata yeya. Cohãcj̄u ihña ihbo, buhe dutiro c̄ure m̄sare tiquinare. Sa c̄unohriquina ijiye m̄sare sa ihña ihboducuye nine “Cohãcj̄ure yuhd̄d̄cari”, niñe. Camer̄u m̄sare tiquina dutirire, tiquina yerire Cohãcj̄ure yahueta. Sa yena tiquinare quehnoano yuhtiya m̄sa. M̄sa sa yuhtigũ ihñañe bucuẽye mehna m̄sare yedohoeta tiquina. M̄sa yuhtieragũ ihñañe tiquina b̄j̄ua witieta. Sa yuhtierana quehnoano ijisi m̄sa.

18 Usãre sini basaducuya Cohãcj̄ure. Decoripe quehnoañe dihitare ye duaja usã. Sa yena “Ñañene yena niaja”, ni tuh̄otueraja usã.

19 Ahri p̄uritare tutuaro sini basaya Cohãcj̄ure yuh̄ure: Sojaro mehna m̄sa cahap̄u yuh̄u wahatire tiqirore sini basaya.

Ahri p̄ure ojoariquiro quehnoa duti bato tiahye

20 Cohãcj̄u mari p̄h̄toro Jesure yariariquirore ma-soahye. Marine quehnoano

ijigũ yeriquire ijire. Tiquiro “Mũsare yahũoutja”, ni cũahye Cohãcjũ marine. Tiquiro sa ni cũrire yeriquire marine yahũoriquire Jesu pehe ijire. Mari ñaÑe buhirire yariahye tiquiro. Sa yero tutuariquire ovejare ihña ihboriquire yero saha ijiro, marine tiquiro yequinare quehnoano ihña ihbore.

²¹ Sa yero Cohãcjũ tiquirore masoriquire mũasa gũhũre yedohoahro ijipihtiyehne quehnoañene tiquiro cahmeñene mũasa yeatire. Sa yero Jesucristo yedohoro mehna Cohãcjũ cahmeno saha ijipihtinare marine quehnoañe pehere comesagũ yeahro. Sa yena ijipihtiyehne decori Cristore ño peouhna. Sata yeihna.

²² Yũhũ acaye, ahrire tutuaro mũsare dutiitja: Ahri pũpũ yahũ yahurire quehnoano mehna tũhoya mũasa. Ahri mũsare yũhũ ojoari pũ pajiro ijierare. Sa yena ahrire quehnoano tũhoya.

²³ Ahri gũhũre mũsare yahutja: Mari acayũrore Timoteore peresu ijiriquire wioñohti. Sojaro mehna tiquiro wihigũ mũsare ihñagũ wahagũ tiquirore neagutja. Yũhũ mehna waharota.

²⁴ Mũasa pũhtoare, ijipihtiyequina apequinare Cohãcjũ yequinare topũ ijiyequinare quehnoa dutiaja. Italia cjẽna Jesu yequina gũhũ mũsare quehnoa dutire.

²⁵ Ijipihtinare mũsare Cohãcjũ mehna quehnoa dutiaja.

Santiago

Santiago Israe masare macari wahariquinare ojoa ohoahye

¹ Yuhū, Santiago ahri pūpū mūsare quehnoa duti ojoa ohogū niája. Mari Pacū, mari pūhtoro Jesucristo gūhū cahacjūta ijiaja yuhū. Sa yegū Israe masa ye cururi cjānare doce cururi cjānare Jesu yequinare macari waharinare yuhū acaye mūsare ojoa ohogū niája.

Cohācjū pehe quehnoano masigū yere

² Yuhū acaye, peye ijietta mūsa űano yūhdūati. Sa űano yūhdūepenata quehnoano bucueye mehna tūhotuya.

³ Sa űano yūhdūna, potota Jesure mūsa wacū tutuarire ihūona ninata mūsa. Sa yena űano yūhdūepenata Jesure mūsa quehnoano wacū tutuana ijina, tiquiore wacū tutua nemona wahanata. Sa wahanata mūsa űano yūhdūyere ihcāno sahanata.

⁴ Sa yena duhuro marieno sa ihcāno sahana ijiducuya mūsa quehnoano tūho masina mūsa ijiatire.

⁵ Mūsa masiati dūhsagū tūhotuna Cohācjūre siniña. Tiquiro dūhsaro marieno ijipihtiyequinare ohore. Sa ohoro tiquiore siniñequinare sijoro saha nino marieno ohore tiquiore. Tiquiro sa ijiriquiro ijigū masina, mūsa masiati dūhsagū tūhotuna,

tiquiore siniña. Mūsa sa sinigū mūsare masi nemogū yerota tiquiore.

⁶ Sa sinina Cohācjūre quehnoano wacū tutuatjiāna siniña mūsa. “Ūsā sinigū Cohācjū ohoeraboaga ūsāre,” ni tūhotueracāhña. Sa ni tūhotuyequina pajiri ma cjē pahcōri yero saha ijire. Pahcōri ti ūsuro comesaro saha tiquina gūhū tiquina wacūñepūre ūsuro comesare. Ihcāno saha yerare tiquina. Sa ye Cohācjūre wacū tutuerare.

⁷ Sa ni tūhotuyequinare tiquina sinipegūta ne mehenogā tiquina siniñene tiquinare ohosi mari pūhtoro, Cohācjū.

⁸ Miare ahrire cahmediquiro ijieperota űamiare sijoro saha tūhoture tja. Sa yeriquiro queoro yerare.

⁹ Jesu yequinare ihyo ijiyequinare Cohācjū pehe pūhtoa sōnota. Sa ijiatiquina ijiye bucueahro tiquina.

¹⁰ Sa ye Jesu yequina doeri cjē opana ijiye tiquina ye doeri cjē pihtiatire masiñe bucueahro. Ti doeri cjē ihyo warota ijire, Cohācjū ihñagū. Cohori ti duita ahba bora dijiaa waharo saha ti doeri cjē pihtia waharota. Sa ijiye tiquina gūhū bucueahro.

¹¹ Asū mūja taro tiquiore tutuaro asigū taa pehe űaia wahare. Sa ye cohoru gūhū űai bora dijiaa waha, quehnoañe cohoru ti ijiye pihtia wahare. Sata waharota doeri cjē opanare doeri cjēne tiquina ne cahmecoano watoa.

Tiquina, ti doeri cjě mehnata butia wahaeta.

Ñano ye dutiyere yerariquiro bucueriquiro ijire

12 Ñano yuhduriquiro ihcāno saharo, ñano ye dutiyere yeraro bucueriquiro ijirota. Tiquiro sa ihcāno sahagū, tiquiro ñañene yeragū ijipihtiye decori ahmusepu ijiducugū yerota Cohācjū tiquirore. “Sa ahmusepu ijiducugū yeitja”, ni cūahye Cohācjū ijipihtiyequina tiquirore cahñequinare.

13 Mūsare apequina ñano ye dutigū “Cohācjū yahure ñano ye dutiro nine,” ni tūhotueracāhña. Ñano yeyere tūhoturiquiro ijierare Cohācjū. Sa yero tiquiro pehe masare ñano ye dutiriquiro ijierare.

14 Masa ñañene tiquina tutuaro cahmeñeta tita tiquinare ñano yegū yere.

15 Sa ye ñañene tutuaro cahmene masa. Sa ye ti pehere tūhoture. Sa tūhotuye, ti ñañene yeducure tiquina. Tiquina sa yeducuri buhiri Cohācjū tiquinare pecapu cohānota.

16 Sa yena yahu acaye yahu cahña, “Cohācjū yahure dutigū ñano yei,” ni tūhotueracāhña. Poto ijierare ti.

17 Mari Pacu ahmuse cjāno marine quehnoañe dihítare ohore. Tiquiro pūrita asū deco cjānore, ñami cjānore, ñahpicoha paca gūhare bajumehnediquiro ijiro, tiquiro pehe tiquiro ijiriro sahata sa ijiducu cāre.

18 Tiquiro cahmediro sahata quehnoañe buheye mehna marine tiquiro pohna wahagū yeri. Sa yeri tiquiro, tiquiro pohna iji mahtana marine iji dutiro.

Potota Cohācjüre ño peoye ohō saha ijire

19 Yahu cahña, yahu acaye, ahrire quehnoano tūhoya mūsa. Cohācjū yere quehnoano tūhoya mūsa. Sa tūhona, tūhoturo marieno yahuducueracāhña. Sa yena usueracāhña.

20 Ihcāquiro usuariquiro ijigū tiquiro yerire bucuere Cohācjū.

21 Sa yena ijipihtiye mūsa ñañe yeyere, mūsa ñañene tutuaro cahmedire duhuya mūsa. Sa yena Cohācjüre quehnoano yahtina ijina tiquiro buheyere tūho, cahmeña mūsa. Tiquiro ye buheyere mūsa tūho cahmegū Cohācjū pehe mūsare pecapu wahaborinare yuhduorota.

22 Tiquiro yere tūhoepenata yahtierana ni mehoñene tūhotuna nine mūsa. “Yahtieragū quehnoanota,” ni tūhotuna ni mehoñene tūhotuna nine mūsa. Sa yena tiquiro yere tūhona ti pehere yeya.

23 Cohācjū yere tūhoepenata, yahtierana, tiquiro wūhdoare eōno mehna ihñariquiro yero saha ijire mūsa.

24 Tiquiro wūhdoare tiquiro ihñari bato waha, tiquiro ihñarire boaa wahare.

25 Sa yero apequiro pehe tiquiro ihñarire boero saha

Cristo ye dutirire tãhoro tire yero, bucueriquiro ijirota. Ti dutiye Cristo cahñe mehna masare tiquiro yũhdũoati buheye ijire. Ti buheyere ne cohãediquiro bucueriquiro ijirota. Tiquiro pũrita tiquiro tãhorire yeriquiro ijire. Sa yeriquirore quehnoano yerota Cohãcjũ.

²⁶ Ihcãquiro sa ni maca cãriquiro ijiro, potota Cohãcjũre ño peoerare. "Cohãcjũre quehnoano ño peoaja," ni tãhoturiquiro ijieperota ni mehoñene tãhoture tiquiro. "Cohãcjũre ño peoaja," nidiquiro ijiepegũta tiquiro ño peoye ne dũhseati ijierare.

²⁷ Ijirota Cohãcjũre mari Pacũre mari ño peona, tiquiro cahmeno saha ño peona, ohõ saha yeaja mari: Pacũsũmũa marieñequinare, wape wiha numia gãhũre tiquina ñano yũhdũgũ ihñana, tiquinare yedohoaja mari. Sa yena ahri yehpa cjẽna ñañene tiquina yerire ne ye dueraja mari. Sa yena potota Cohãcjũre ño peonata ijiaja mari.

2

Masare ihcãno saha quehnoano yero cahmene marine

¹ Yũhũ acaye, quehnoa yũhdũariquirore Jesucristore mari pũhtoro tãhona, tiquirore wacũ tutuana ijire mũsa. Sa wacũ tutuana masare ihcãno saha quehnoano yero cahmene mũsare.

²⁻³ Sa ye uru behtorire, omoca sañañe behtorire cũoriquiro, wapa bũjũye suhtire sañariquiro mũsa Jesu yequina cahmecoano cahapũ tiquiro ahtagũ ihñana tiquirore quehnoano mehna piti caboaga. "Ohõpũ dujiro ijire," niboaga mũsa tiquirore. Sa niepenata ti pjeta pejecũoriquiro gãhũ ñano suhti tiriquiro mũsa cahapũ tiquiro ahtagũ ihñana tiquiro pehere quehnoano piti caeraboaga. "Ohõpũ ducuya. O yehpapũ dujiya," niboaga mũsa tiquirore.

⁴ Mũsa sa yena masare ihcãno saha yena niedaga mũsa. Sa yena ñañene tãhotuyequina masare beseyequina yero saha ijina niaga mũsa. "Ahriquiro pehe quehnoariquiro ijire. Ahriquiro ñariquiro ijire," ni besemene mũsa.

⁵ Yũhũ acaye, yũhũ cahña, yũhũre tãhoya. Peyequina pejecũoyequina pehere Cohãcjũ beseahye. Tiquirore quehnoano wacũ tutuatiquinare, tiquiro pũhtoro ijiropũre ijiatiquinare beseahye tiquinare. "Topũre wahanata mũsa," ni cũahye Cohãcjũ tiquirore cahñeñequinare.

⁶ Tiquinare tiquiro sa besepegũta mũsa pehe pejecũoyequinare quehnoano ño peoerare. Doeri cjẽ opana pehe mũsare ñano yere. Sa ye tiquina masare beseriquiro cahapũ mũsare neare mũsare yahusãñe tehe.

⁷ Mũsa pehe "Cristo

yequina,” masa tiquina ninohna ijire. Peyequina doeri cjē opana pehe Cristore ñano ni yahuducyequina ijire. Sa ye pejesoyequinare m̄sa ño peoriro yuhduoro doeri cjē opanare m̄sa ño peogū ñar̄ne.

8 Cohācjū dutiye mehna cjā dutirore apeye dutiye bui cjūnogā ijiri dutirore ohō saha ni ojoahye: “M̄h̄u basi m̄h̄u cah̄no saha m̄h̄u cahap̄u ijyequina ḡh̄ure cah̄ña,” nine Cohācjū dutiro. Ahri dutirore yena, quehnoañene yere m̄sa.

9 Masare ihcāno saha yerana ñano yena nine m̄sa. Sa yena Cohācjū dutiyere yuhduhcana ijire m̄sa. Sata nine Cohācjū yere tiquina ojoari p̄p̄u.

10 Cohācjū dutiyere yena ijiepenata ihcāno dutirogāre m̄sa yeragū apeye dutiyere m̄sa yepegūta d̄h̄seati ijierare. Sa yena ñañe buhiri tina ijinine m̄sa.

11 “Apequiro namono mehna ñano yerac̄h̄ña,” ni, m̄sare dutiriquiro Cohācjūta ijire. “Masare wejēdac̄h̄ña,” nidiquiro tiquirota ijire Cohācjū. Apequiro namono mehna ñano yerapenata mas̄nore wejēna Cohācjū dutiyere yuhduhcana ijire m̄sa.

12 Cristo marine tutuaro cah̄no, marine dutire marine yuhduoro taro. Tiquiro dutiyere mari yerire, mari yerari ḡh̄ure ih̄ño marine besero ahtarota. Tiquiro sa besenohanaja ijina tiquiro

dutiyere quehnoano yeihna. Sa yena tiquiro cahmeno sahata yahuducuhna mari.

13 Yojop̄re mari apequinare paja ih̄nedagū Cohācjū pehe masare tiquiro beseri pje ijigū marine paja ih̄ñasi. Sa yena apequinare mari paja ih̄ñagū Cohācjū pehe marine paja ih̄ño, marine buhiri dahresi.

*Cristore wacū tutu-
ayequina pehe quehnoañene
yere*

14 Ȳh̄u acaye, tuhoya m̄sa. “Cristore wacū tutuaja ȳh̄u,” ihcāquiro tiquiro ni tuh̄otuepegūta tiquiro quehnoañene yeragū tiquiro sa nimeri pehe ne d̄h̄seati ijierare. Sa ni wacū tutua maca c̄ariquirore Cohācjū yuhduosi.

15-16 Jesu yaquiro, Jesu yacoro ñañe suhti dihita tiquina c̄ogū ih̄ña, tiquina ihyati mariedagū ih̄ña, d̄h̄se yeajari m̄sa tiquinare apee boro c̄ona ijina? “Quehnoano ijiya m̄sa. Sa yena quehnoano suhti sañaña. Sa yena quehnoano ihya yapi iji c̄h̄ña,” niepenata tiquina cahmeñene m̄sa ohoeragū m̄sa sa nimeri ne d̄h̄seati ijierare.

17 Sa yena “Cristore wacū tutuaja,” m̄sa niepegūta quehnoañene m̄sa yeragū Cristore m̄sa wacū tutuaye ne d̄h̄seati ijierare.

18 M̄sa mehna cjāno ahri ȳh̄u buherire t̄ho dueraro ohō saha masiahdo. Quehnoañene yeraperota

“Cristore wacũ tutuaja,” ni boaga tiquiro. Quehnoañene yeraro Cristore tiquiro wacũ tutuayere apequinare masigũ ye masiedare. Quehnoañene yeriquiro pũrita quehnoañene tiquiro yeye mehna Cristore tiquiro wacũ tutuayere masigũ ye masine.

¹⁹ “Cohãcjũ ihcãquirola ijire,” ni tãhoture m̃sa. M̃sa sa ni tãhotugũ quehnoarĩne. Sa ijiepegũta to punota Cohãcjũre yãhtiro marieno tiquirore m̃sa masigũ ti duhseati ijierare. Watĩa gũhu m̃sa tãhoturo sahata tãhotuñohiti. Sa ijiye Cohãcjũ tiquiro ijiye tiyere masiñohiti tiquina. Sa masiñe, cue, nanareñohiti.

²⁰ Ihcãquirola quehnoañene yeraperota “Cristore wacũ tutuaja,” ni tãhoturiquiro ijiro tãho masieniquiro ijire. Cristore wacũ tutuamediquiro quehnoañene yeraro potota Cristore wacũ tutuerare.

Ohõ saha ni yahutja m̃sare ahrire:

²¹ Abrahã mari ñecu m̃ñano tiquiro mac̃no Isaac wame tiriquirore wejẽ basamahye Cohãcjũre. Sa yero tiquirore utã paca mehna tiquina yeri buhu bui duhu peomahye. Sa duhu peoro Cohãcjũ dutiriro sahata tiquiro mac̃nore wejẽno taro nimahye Cohãcjũre ño peoro taro. Tiquiro sa yegũ ihñano “Potota quehnoariquiro ijire,” ni ihñahye Cohãcjũ tiquirore.

²² Tiquiro sa ni ihñagũ

ahrire masine m̃sa: Abrahã Cohãcjũre wacũ tutuaro tiquirore yãhtiahye. Sa yãhtiro Cohãcjũre tiquiro wacũ tutuayere ihñono ni-ahye.

²³ Sa yero Cohãcjũ yere tiquina ojoari pũpũ tiquiro nidiro sahata sa wahahye: “Abrahã Cohãcjũre wacũ tutuahye. Tiquiro sa yegũ ihñano ‘Quehnoariquiro ijire tiquiro’, ni ihñahye Cohãcjũ tiquirore”, ni ojoahye Cohãcjũ yere tiquina ojoari pũpũ. Tiquiro sa ni ihñagũ masiñe “Abrahã Cohãcjũ mehna cjãno ijire”, nine masa tiquirore.

²⁴ Sa yena ahri yũhu yahuatire masine m̃sa: “Cohãcjũre wacũ tutuaja,” nidiquiro, tiquiro quehnoañene yeragũ ihñano Cohãcjũ pehe tiquirore “Quehnoariquiro ijire,” ni ihñedare. Cohãcjũre wacũ tutuariquiro pehere potota tiquiro quehnoañene yegũ ihñano “Quehnoariquiro ijire,” ni ihñare Cohãcjũ tiquiro pehere.

²⁵ Sata ni ihñahye Cohãcjũ Rahab wame tiricorore um̃na mehna ñano yeducumedicorore. Josué m̃ñano tiquiro ohoriquinare quehnoano piti ca, “Quehnoano sajã taya,” niahye ticoro. Sa yero tiquina tojoa duagũ ticoro pehe ape maha pehere ihñeahye tiquinare “Tiquinare ihña tuhtiyequina wejẽari,” nino. Ticoro sa yegũ ihñano “Quehnoaricoro

ijire,” ni ihñahye Cohãcjũ titorore.

²⁶ Sata ijire. Mari pagu_{pare} jeripohna mariedagũ catieraja mari. Sa yero jeripohna mariedagũ mari pagu_{duhseati} ijierare. Sata “Cohãcjũre wacũ tutuaja,” mari niepegũta mari quehnoañene yeragũ queoro ijierare mari wacũ tutuaye. Sa yero mari quehnoañene yeye mariedagũ mari wacũ tutuaye duhseati ijierare, jeripohna marieni pagu_{yero} saha.

3

Mari du_{seropu} wijiayere mari yahuducuyere yahuahye

¹ Cohãcjũ yere masare buheyequina tiquiro yere tiquina quehnoano yeragũ ihñano tiquina pũritare masare buheeyequina yuhduoro Cohãcjũ buhiri dahrerota. Tire mas_a masine. Sa yena mas_a mehna cjẽna masare buheyequina peyequina ijieracãhdo.

² Ijipihtiyequina peye tahari mari ñañene yeaja. Ihcãquiro ñañene yahuducueriquiro Cohãcjũ cahmeñene quehnoano yeriquiro ijire tiquiro. Sa yero apeye ñañe gũhare yerare.

³ Ohõ saha ijire ahri mari queoye mehna buhegũ: Caballo du_{seropu} come pjĩ tiquiro ñehmenore ña dihori pjĩne mari cũaja, tiquirore mari majareducagũ yena tana. Sa yena ti pjĩ come pjĩ

mehna tiquirore tiquiro wathatopu mari weje majare docoaja. Ti pjĩgã meheni pjĩgã ijiepegũta ti pjĩgã mehna tiquirore wahagũ yeaja mari. Sata mari du_{sero} mehenogã ijiepegũta ti du_{sero} mehna pajiro yeaja mari.

⁴ Yucusa quiti mehna queoye mehna yahu nemoutja masare: Yucusa pajiria ijiepegũta tiare wihnono tutuaro wẽdoqueoepegũta ohoturiquiro pehe meheni pjĩgã mehna tiare noho tiquiro waha duaropu ohoture.

⁵ Sata ijire mari du_{seropu} wijiaye. Mari du_{sero} mehenogã ijiepegũta ti du_{sero} mehna pajiro yeaja mari. Meheni pecagã pajiro ti peca ujũ cãno saha mari du_{sero} mehna mari yahuducuye mehna pajiro ñañene yeaja.

⁶ Sa yero mari du_{sero} ujũri peca yero saha ijire. Mari du_{seropu} wijiaye ijipihtiye ñañene yegũ yere marine. Peca ujũ du_{caro} saha mari du_{seropu} wijiaye mehna mari quehnoano ijiborire ña yuhduaro yeaja mari. Ñañene yahuducuna watĩno tiquiro dutiro saha mari yena niaja.

⁷ Ijipihtiyequinare nu_{cu} cjẽnare wahiquinare, minicjũare, sihcõ cãhñequinare, wahire mari ihña wahãgũ ye masiaja. Sa yena mari peyequina tiquina borore ihña wahãgũ ye tuhasa. Sa ye tiquina quehnoano taho masine.

8 Tiquinare mari yuhtigũ yepegũta mari dusero pehe ñañene yahuducuro ne duhuera yuhduare. Sa yero nuñequinare mari yuhtigũ yero saha mari dusero pehere ne yuhtigũ ye masiedaja mari. Mari duseropu wijiaye ña yuhduaye ijire. Sa yero aña apequnare tiquiro wejẽno saha marine apequna gũhure ña yuhduaro wahagũ yere mari dusero.

9 Mari dusero mehna Cohãcjũ mari puhtoro mehna mari quehnoano yahuducuaaja. Sa yahuducuepenata masa Cohãcjũ yero saha ijiyequinare tiquiro bajumehnediquina tiquina ijepegũta tiquinare ña yuhduaro ni yahuducuaaja mari.

10 Ihcã duseroputa quehnoañene yahuducuye gũhu, ñañene yahuducuye gũhu wijiare. Yuhu acaye, sa ni yahuducueracãhña.

11 Mágã pohtepu aco wijiari copepu quehnoañe aco, ñañe aco gũhu ne wijaerare.

12 Yuhu acaye, higeragu olivo pacare duca tierare. Sa yero uhse da higuera pacare duca tierare. Sa ye moreno mehna pue paca duca tierare. Sa ye mágã pohtepu aco wijiari copepu moa yuaye co wijiagũ moa marieñe co wijaerare. Sata mari duseropu quehnoañe yahuducuye, ñañe yahuducuye mehna wijaeracãhdo.

Quehnoano masiñe waro ohõ saha ijire

13 Ihquẽquina musa mehna cjẽna quehnoano masiñequina ijire. Sa yena “Apequna yuhduoro quehnoano masiaja usã,” niedacãhña. Sa niedana quehnoañene yeya musa. Sa quehnoano yena potota quehnoano masina ijire musa.

14 Sa yena apeqiro apee borore tiquiro cuogũ ihñana cahme ihña coona, apequna mehna usuaducuna, apequnare yuhduca duana, “Cohãcjũ yere quehnoano masiaja usã,” niedacãhña musa. Musa sa nina ni mehona ijire musa.

15 Sa yeyequina tiquina wacũñe Cohãcjũ ye wacũñe ijierare. Tiquina wacũñe ahri yehpa cjẽna tiquina ñañe wacũñe ijire. Tiquina wacũñe pehe watino ye ijire.

16 Masare cahme ihña cooyequina, apequnare yedoho dueyequina sa cahme tuhtiducure. Sa ye ijipihtiye ñañene yeducure.

17 Apequna pehe Cohãcjũ yere quehnoano masiñequina pehe tiquina pũrita sa ye maca quẽhe niedare. Sa ye tiquina ne cahme tuhtierare. Sa ye masa quehnoañequina, dutiyere quehnoano yuhtiyequina, paja ihñañequina, masare yedohoyequina, masare ihcãno saha yeyequina ijire tiquina. Tire yeye, ni mehono marieno yere tiquina.

18 Sa yena cahmequeno marieno ijina, apequnare

“Cahmequedacãhña,” mari ni yahuna quehnoañequina wahagũ yena niaja mari masare.

4

Ahri yehpa cjẽ ñañene cahmena, Cohãcjũre ihña tuhtina ijire m̄sa

¹ ¿Duhse ijiro boro m̄sa cahme tuhtiajari? ¿Sa yena duhse ijiro boro cahmequeajari m̄sa? Ñañene tutuaro cahmena, cahmeque duare m̄sa. Quehnoañene ye duepenata ñañene yere m̄sa.

² Apee borore m̄sa cahmene. Sa cahmena masare wejẽne m̄sa tiquina yere nena tana. Sa yena apequiro apee borore tiquiro c̄ogũ ihñana tire m̄sa tutuaro cahmene. Sa cahmepenata tire nea masiedare m̄sa. Sa yena tire cahme sehña soducure m̄sa. Cohãcjũre siniedana, m̄sa cahmeñene ne bocaerare.

³ Sa yena Cohãcjũre sinina, m̄sa ye ijiati dihitare sinimene m̄sa, m̄sa cahmeno sahata yeducuna tana. Apequina ye ijiati pehere sini basaerare. Sa m̄sa sinigũ Cohãcjũ m̄sa siniñene ohoerare.

⁴ Cohãcjũre duhurina ijire m̄sa. Ahri yehpa cjẽ ñañene cahmena, Cohãcjũre ihña tuhtire m̄sa. ¿Tire masiedajari m̄sa? Sa yero ahri yehpa cjẽ ñañene cahmediquiro Cohãcjũre ihña tuhtiriquiro iji tuhasare.

⁵ Ohõ saha niahye Cohãcjũ yere tiquina ojoari p̄p̄: “Cohãcjũ yaquiro Espiritu

Santore mari mehna iji-atiquirore c̄uri. Sa yero Espiritu Santo pehe marine cahño, ñañene mari tutuaro cahmepegãta cahmesãedare tiquiro. Ihcãquiro namonore tiquiro cahĩ doero saha marine tutuaro cahĩne Espiritu Santo”, ni ojoahye panop̄. Tiquiro sa ni ojoari ihyo warota ijierare. Poto ijirota nine.

⁶ Sa yero Cohãcjũ marine quehnoano yedohore tiquirore mari quehnoano yuhtiatire. Ohõ saha nine Cohãcjũ yere tiquina ojoari p̄p̄: “ ‘Yuh̄ p̄rita apequinare masi yuh̄ducaja,’ nidiquirore, Cohãcjũ ihña tuhtire. Apequiro pehere ‘Ñagũ, ihyo ijigũ ijiaya,’ nidiquiro pehere Cohãcjũ yedohore, tiquirore quehnoano yuhti dutiro”, nine tiquiro yere tiquina ojoari p̄p̄.

⁷ Sa yena Cohãcjũre quehnoano yuhtina ijiya m̄sa. Sa yena watĩnore yuhtieracãhña. Sa m̄sa yuhtieragũ ihñano tiquiro pehe m̄sare duhti oma cãa wahaarota.

⁸ Cohãcjũre quehnoano yuhtiya m̄sa. M̄sa sa yegũ tiquiro pehe m̄sare yedohorota.

Ñana ijire m̄sa. Sa yena ñañene ye nemoedacãhña. Ñañe gũh̄re cahmena, quehnoañe gũh̄re cahmena ijire m̄sa. Sa yena m̄sa ñañe yerire buj̄na witiya. M̄sa sa yegũ ihñano Cohãcjũ m̄sa ñañe yerire cohãnota.

9 MUSA ñañene yerire tutuaro bujua witiya. Sa yena mUSA ñañe yeri buhirire utiya. Bucueye mehna bujuna ijieracãhña. Sa yena mUSA ñañe yerire ñano jeripohna tina, tire bue tina ijia.

10 “Ñagu ihyo ijigu ijiaja yuhu”, nina, Cohãcjüre ño peoya. MUSA sa yegũ tiquiro pehe mUSA ñañe yerire cohãno, quehnoano yerota masare.

Tiquina acayere Jesu yequinare tiquina basi ñano quti ye dutierahye

11 Yuhu acaye, Jesu yequina ijina, mUSA basi ñano quti yeracãhña. MUSA acayurore ñano quti yena tiquirore buhiri dahre duti duana niaga mUSA. Cristo ye dutiye pehe masare buhiri dahre dutiye iji tuhasare. Sa yena masare ñano quti yena Cristo ye dutiyere ohõ saha nina niaga mUSA: “Marine quehnoano dutierare Cristo ye. Sa yena mari esa tuharo buhiri dahre dutihna”, nina niaga mUSA masare ñano quti yena. Sa nina Cristo ye dutiyere ñano ni yahuducuna tojoare mUSA. Sa yena ti dutiyere yerana tojoare.

12 Masare dutiyere ohoriquiro, masare beseriquiro Cohãcjũta ijire. Sa yero masare pecapũ wahaboriquinare tiquirota yuhũo masine. Sa yero tiquirota masare pecapũ cohã masine. Sa yena mari pehe masare “Ñañequina

ijire”, ni masiedaja. Cohãcjũ dihita mari acayere besea-tiquiro ijire.

Ñamiare dũhse mari ijiatire masiedaja mari

13 Yojoapũre yuhũre tuhoya mUSA. Ohõ saha nina tuhoya yuhũre: “Miare, ñamiare ape macapũ ijina wahanata. Topũre ihcã cahma ijina, apee boro dua, dũnata. Sa yena wapatanata mari”, nine ihquẽquina mUSA mehna cjẽna Cohãcjüre wacũno marieno. Sa nina ijina, yuhu pehere tuhoya mUSA. Sa niñequinare ahrire yahugũ tagũ niaja.

14 Ñamiapũ dũhse mUSA ijiatire masiedare mUSA. Ehmeo iji, duita pihti mũjano saha ijire mari ijiye tiye. Ehmeo mehenogã iji, pihtia wahare. Ohõ saha mari gũhũ mehenogã ijina, yariaa wahanata.

15 Sa yena ohõ saha ni tuhutuya mUSA: “Cohãcjũ cahmegũ ijinata mari. Sa yena tiquiro cahmegũ ohõ saha yenata mari”, ni tuhutuya mUSA.

16 Yuhu sa niepegũta yojoapũre “Mari esa tuharo ohõ saha yenata”, niducumene mUSA pehe Cohãcjüre wacũno marieno. Sa niducuna ñañene yere mUSA.

17 Quehnoañene mari yeatire masiepenata tire yerana, ñañene yena niaja mari.

5

Doeri cjẽ opanare yahuahye Santiago

1 Doeri cjē opana m̄sa yojop̄are t̄hoya ȳh̄re. Camep̄are m̄sa ñano ȳhd̄nata. Sa yena uti sañuducuya m̄sa.

2 M̄sa doeri cjē ahba pihtia waharota. Sa ye m̄sa suhtire casia ḡh̄ ihya pehoeta.

3 M̄sa niñerure m̄sa pajiro ihbogū ne ti dahseati ijierare. Pihtiri deco panogã m̄sa sa ihbogū ihñano niñerure m̄sa cahĩgū masine Cohãcjū. Sa yena niñerure m̄sa cahĩdi buhiri pihtiri deco ijigū ñano ȳhd̄nata pecap̄ m̄sa ʉjūgū m̄sa pagure ʉjū pjero saha.

4 M̄sa weserire dahra cohteyequinare wapa yerari m̄sa. Sa yena m̄sa tiquinare ni mehorì. Sa yero tiquinare m̄sa wapa yerari niñerure ihñano, m̄sa ni mehorire masine Cohãcjū. M̄sare dahra cohteyequina wapa ye dutiye, sañuducure tiquina. Tiquina sa ni sañuducugū mari p̄htoro Cohãcjū tutua ȳhd̄ariquiro tiquinare t̄hore.

5 Ahri yehpap̄are peye doeri cjē mehna ijie tiri m̄sa. Sa yena m̄sa bucueye dihitare yee tiri m̄sa. Sa yena pajiriquiro wec̄ tiquina quehnoano nuriquiro yero saha ijire m̄sa. Sa ye pajiriquiro wec̄ pajiro tiquiro ihyari bato tiquirore tiquina wejēati cuhtup̄ ne cãre. Sata m̄sa ḡh̄re pajiro m̄sa c̄ori bato m̄sare tiquiro buhiri dahreatop̄ ne cãnota Cohãcjū.

6 Quehnoañequinare peresu

ye, wejē dutiri m̄sa tiquinare. M̄sa sa yegū tiquina pehe duhti wijia masiedare.

Cristo tiquiro tojoa tatire quehnoano cohte dutiahye marine Santiago

7 Sa yena ȳh̄ acaye, mari p̄htoro Cristo ahri yehpap̄are tiquiro tojoa tatire quehnoano cohteya. Wese up̄aro tiquiro oteye d̄ca tiati pjere quehnoano tiquiro cohtero saha quehnoano cohteya. Tiquiro oteyep̄are “Acoro ahtaahro” nino tiquiro ya wesere ti quehnoano pihniatire quehnoano cohtere tiquiro.

8 Sata m̄sa ḡh̄ quehnoano cohteya. Mari p̄htoro tiquiro tojoa tato mehenogã d̄hsare. Sa yena Cohãcjūre sa wacū tutuaducuya m̄sa. Sa yena tiquiro ahtatire sa cohteducuya m̄sa.

9 Ȳh̄ acaye, m̄sa basi ñano quti yeracãhña Cohãcjū m̄sare “Buhiri dahreari”, nina. Sa yena ahrire wacũña m̄sa. Buhiri dahreatiquiro tiquiro ahtato mehenogã d̄hsare.

10 Ȳh̄ acaye, ñano ȳhd̄epenata mari p̄htorore quehnoano cohteya Cohãcjū yere yahu m̄htariquina tiquina yeriro sahata. Tiquina ihcãno sahariro sahata ihcãno sahaya, tiquinare ihña cūna.

11 Sa yena ahri ȳh̄ yahuatire wacũña m̄sa. Ñano ȳhd̄epeta Cohãcjūre duhueyequina bucueyequina ijire. Panop̄ cjūnore

Job wame tiriquire tūhori mūsa. Tiquiro ñano yūhdūeperota Cohācjūre duhuerahye. Sa yero tiquiro ñano yūhdūari bato Cohācjū tiquirore quehnoano yeahye. Cohācjū mari pūhtoro quehnoano paja ihñariquire ijiro, sata yeahye tiquiro. Ti ijipihiyere masine mūsa.

¹² Yūhū acaye, ahrire tūhoya. Ohō saha ni wame peore masa: “Ūhmūse cjūno mehna poto nina niaja”, nine masare tūho dutiye. Tiquina yero saha sa ni wame peoeracāhña. Ūhmūse mehna, ahri yehpa mehna, apee boro mehna sa ni wame peoeracāhña. Ahrire mū sare tutuaro dutiaja. Mūsa apequinare yahuna, quehnoano potota yahuya tiquinare. Ni wame peo yahu nemoedacāhña. Sa mūsa poto yahugū ihñano Cohācjū sijoro saha mūsa nidi buhirire buhiri dahresi.

¹³ Mūsa mehna cjūno ñano yūhdūariquire ijiro, Cohācjūre siniahdo tiquiro. Apequire bucueriquiro ijiro Cohācjūre bucueye mehna basaahro.

¹⁴ Mūsa dohatina, Jesu yequina pūhtoare pijioya mūsa. Mūsa sa pijiogū tiquina pehe mū sare ūhse mehna wisōeta. Sa yeye mari pūhtoro Cohācjūre mū sare sini basaeta tiquina.

¹⁵ Sa tiquina sini basagū “Mari sinino sahata tiquiro yerota”, tiquina ni tūhotugū Cohācjū mū sare dohatinare yūhdūorota. Sa yero mū sare quehnoana wahagū yerota

mari pūhtoro. Sa ye mūsa ñañe yeri buhiri mūsa dohatina ijigū ihñañe mū sare sini basaeta. Tiquina sa sini basagū ihñano mūsa ñañe yerire borota Cohācjū.

¹⁶ Sa yena mūsa mehna cjēnare mūsa ñañe yerire cahme pūa peheri yahu yūhdūya. Sa yena mūsa basi Cohācjūre cahme sini basaya. Mūsa sa sini basagū mūsa sini basariquinare Cohācjū yūhdūorota. Quehnoañene yena mūsa ijigū Cohācjūre tutuaro mūsa sini basariro sahata yerota Cohācjū. Sa ye mūsa sini basaye tutuarāga. Ihyo ijiye ijierare.

¹⁷ Cohācjū yere yahu māhtariquire mūnano Elia wame tiriquire mari yero sahata masūno ijie tiahye. Sa yero “Acoro ahtaeracāhdo” ni tutuaro siniahye Cohācjūre. Tiquiro sa ni sinigū ihtia cūhma quehnoano ape cūhma deco ahri yehpapūre ne acoro ahtaerahye.

¹⁸ Sa yero pari turi tja Cohācjūre acorore tiquiro sinigū acoro ahtahye. Sa yero pari turi ahri yehpapū yucūri pihni, bucuā, dūca tiahye. Sa ye Cohācjūre mari siniñe ihyo ijiye ijierare.

¹⁹ Yūhū acaye, mūsa mehna cjūno Cohācjū yere cohāriquire Cohācjū yere pari turi tiquiro cahmeatire tiquirore yahuna, quehnoano yena nine mūsa.

²⁰ Sa yena ahrire masiña mūsa: Cohācjūre duhuriquire Cohācjūre pari turi cahmegū yena, pecapū waha-

boriquirote yəhdəgã yena
niaga mɯsa. Sa yero tiqiro
ñañe yerire Cohãcjũ borota.

1 San Pedro

Jesu yequinare macari wahariquinare ojoa ohoahye Pedro

¹ Уһһ, Pedro, Jesucristo tiqiro buhe duti cūrigta ijiāja. Sa yegһ мһsare yoaro cјē macaripһ waharinare Ponto yehparһ, Galacia yehparһ, Capadocia yehparһ, Asia yehparһ, Bitinia yehparһ ti yehparipһ waharinare мһsare ijiphtinare ojoa ohoaja уһһ. Мһsare quehnoa duti ojoaja уһһ.

² Coā waropһre Cohācjū mari Рачһ “Ohō saha yeitja”, tiqiro ni wacūyuriro sahata мһsare beseahye. Tiqiro sa beseri bato tiqiro yaqiro Espiritu Santo мһsare Cohācjū yequina ijigū yeahye. Sa yeahye tiqiro Jesucristore quehnoano уһhtiana мһsa ijiatire, tiqiro dii cohāno mehna мһsa ñañene cosenohrina мһsa ijiatire. Cohācjū cahñe mehna tutuaro quehnoa dutiaja мһsare.

Jesu yequina ijina marine uhmһsepһ tiqiro neatire cohtena niaja mari

³⁻⁵ Cohācjū marine tutuaro paja ihñano, Jesucristo yaria masa мһjari mehna marine pecarһ wahaborinare уһdһgū yere tiqiro. Sa marine уһdһgū tiqiro yegū pari turi mari masa bajuariro saha Cohācjū pohnata wahaja mari. Sa wahana tiqiro mehna mari sa ijiducuatire

quehnoano masiaja mari. Sa yero мһsare quehnoano yero taro мһsare cohtero nine. Tiqiro mehna мһsa sa ijiducuatire cūnota tiqiro. Sa yena sa ijiducunata мһsa. Sa yero tiqirore мһsa wacū tutuagū, Cohācjū tiqiro tutuaye mehna мһsare ihña ihboro, уһdһgū yerota. Pihtiri deco ijigū мһsare tiqiro уһdһorire masigū yerota tiqiro. Marine tiqiro sa paja ihñagū ihñana, tiqirore Cohācjūre mari рһhtoro Jesucristo pacurore ño peouhna.

⁶ Sa tiqiro уһdһoana ijina, mehenogā ahri yehparһ мһsa ijiro puno peye tahari мһsa ñano уһdһepenata bucuere мһsa.

⁷ Sa ñano уһdһepenata Cohācjūre cohādana мһsa tiqirore wacū tutuaye potota ti ijigū tire masigū yena niaga мһsa. Uru ahri yehpa cјē pūrita pihtia waharota. Uru уһdһoro мһsa wacū tutuaye pehe ihyo waro ijierare. Sa ye masa uru ti ijiyere masi duaye doha tuhu ihñare. Urure tiquina doha tuhu ihñano saha мһsa wacū tutuayere Cohācjū ihña duaro “Ñano уһdһahro”, niboaga мһsare. Мһsa sa ñano уһdһari bato potota tiqirore мһsa quehnoano wacū tutuaducugū ihñano, Cristo ño peoye mehna мһsare “Quehnoano yeri мһsa”, ninota. Ahri yehparһ tojoa taro sa ninota.

⁸ Tiqirore Jesucristore мһsa ihñedapenata cahñe

musa. Sa yena yojopure tiqirore ihñedapenata tiqirore wacū tutuare. Sa wacū tutuana, tutuaro bucuere musa. Cohācjū tiqiro sa musare bucuēgū yegū tutuaro bucuere musa. Ti bucuēye quehnoa yūhdūare.

⁹ Sa yero Cohācjū musare pecarū wahaborinare yūhdūgū yerota, musa tiqirore quehnoano wacū tutuagū.

¹⁰ Cohācjū musare tiqiro sa yūhdūotire panopū cjēna Cohācjū yere yahu mūhtariquina tire masi duaye, sinitue tiahye.

¹¹ Cristo tiqiro ñano yūhdūatire, tiqiro masa mūjatire, ijipihtiyequina pūhtoro tiqiro ijiatire tiqiro masa bajuato panopūta tire yahuyu tuhasae tiahye tiquina. Jesucristo yaqiro Espiritu Santo tiqiro yedohoye mehna sa yahuyuahye tiquina. Sa ye tiquina Cohācjū yere yahu mūhtariquina tiquina yahurire quehnoano masi duaye sinitue tiahye tiquina Cohācjūre. “Cristo wihirota”, Espiritu Santo tiqiro nidire “¿Noa boro pehe ijiirotari?” ni sinitue tiahye tiquina. Tiqiro wihiati pje gūhure sinitue tiahye.

¹² Tiquina yahuyuri tiquinare masi pehogū yeati ijierahye. Maripure masi pehogū yeatire sa ni yahue tiahye. Tire tiquinare masigū yeahye Cohācjū. Ūhmūsepu ahtariqiro Espiritu Santo yedohoye mehna yojopure

quehnoañe buheyere musare usā yahuaaja. Panopū musa masiatire tiquina yahuyuri tita ijire yojopure musare usā yahuye. Ti buheyere angele gūhū tutuaro masi duae tiahye.

Cohācjū marine ñañe mariena iji dutire

¹³ Sa yena quehnoano wacū masitjiāna ijiyuya musa. Sa yena tūho masina ijiya. Cristo tiqiro tojoa tagū Cohācjū musare quehnoano tiqiro yeatire wacūña. Sa yena tire quehnoano cohteya.

¹⁴ Panopū Cohācjūre masiedarīna ñañene tutuaro cahmena ijimedi musa. Yojopure tire yeracāhña. Sa yena tiquina pohne tiquina pacūsumūare quehnoano tiquina yūhtiro saha yeya musa.

¹⁵ Sa yena tiqiro yequina ijiatire musare beseriqiro ñañe marieniqiro tiqiro ijiro sahata musa gūhū ñañe mariedacāhña. Sa yena quehnoañe dihitare yeya.

¹⁶ Sata ni ojoahye Cohācjū yere tiquina ojoari pūpu: “Ñañe mariegū ijiaja yūhū. Yūhū sa ijigū musa gūhū ñañe mariena ijiya”, ni, ojoahye.

¹⁷ Tiqiro Cohācjū ijipihtiyequinare tiquina yerire ihñano ihcāno saha besere tiquinare. Ñañequinare, quehnoañequinare besere. Tiqiro sa yeriqiro ijigū tiqirore “Yūhū Pacū” ni duana quehnoano yeya. Ahri yehrapū musa ijiro puno cua

pesaro mehna quehnoano ijiducuya m̄sa.

18 M̄sa ḡec̄s̄um̄ma m̄na panop̄m̄ cj̄ena tiquina yeri ne d̄ahseati ijierahye. M̄sa ḡ̄h̄m̄ tiquina yeriro saha yena m̄sa ijiepeḡuta Cristo m̄sare tiquiro yequina ijiḡu yeri. Wapamoñequinare tiquina wapamorire tiquina boriro sahata tiquiro pehe m̄sa ñañe yerire potota bo c̄ahri. Tire quehnoano masine m̄sa. M̄sare sa yero plata mehna, uru mehna wapa ye wioerare tiquiro m̄sare sa yero. Plata, uru butia waharota.

19 Tiquiro pehe oveja quehnoariquiro, wete marieniquiro yero sahata ijiriquiro Cristo tiquiro dii mehna tiquiro yariari mehna m̄sa ñañe yerire coh̄a, m̄sare ȳhd̄orota. Tiquiro dii mehna marine sa yero quehnoano waro yero nidi.

20 Panop̄m̄re ahri yehpare tiquiro bajumehneato pano Cristo tiquiro sa wah̄atire masi tuhasahye mari Pac̄m̄. Yojop̄m̄ pehere pihtiatideco panoḡa ijiḡu, Cristore quehnoano masiḡu yeri mari Pac̄m̄ m̄sare.

21 Cristo yedohoro mehna mari Pac̄m̄re wac̄u tutuare m̄sa. Mari Pac̄m̄ pehe Cristore yariariquirore masori jiri. Sa yero tiquirore āhm̄sepēm̄ c̄ūno ijipihtiyequinare tiquirore ño peoḡu yeahye mari Pac̄m̄. Tiquiro sa yeḡu mari Pac̄m̄re wac̄u tutuare m̄sa. Sa yena m̄sare tiquiro ȳhd̄oatire

quehnoano masine m̄sa.

22 Quehnoañe buheyere tiquiro nidiro sahata yena ijina, m̄sa ñañe yerire coh̄anohrina ijire m̄sa. Sa yena potota mari acayere Jesu yequinare cah̄i masine m̄sa. Sa yena m̄sa mehna cj̄enare m̄sa jeripohnari mehna tutuaro cah̄iña.

23 Sa yena cōa bajuayequina yero saha ijina Coh̄ac̄j̄u pohna wahari m̄sa. Mari pac̄s̄um̄ma mehna masa bajarina ijina came yarianata. Ti yero saha ijierare Coh̄ac̄j̄u pohna m̄sa wahaḡu. Coh̄ac̄j̄u buheye mehna tiquiro catiḡu yeye buheye mehna tiquiro pohna wahari m̄sa. Ti buheye mehna Coh̄ac̄j̄u mehna sa ijiducunata mari.

24 Oh̄o saha nine Coh̄ac̄j̄u yere tiquina ojoari p̄p̄m̄:

Ijipihtiyequina masa taa yero saha ijire. Sa ye quehnoañe tiquina c̄oye, taa cohor̄i yero saha ijire. Taa ñaia wahare. Coh̄ori ḡ̄h̄m̄ buru dijia, ahbaa wahare. Ti yero saha yariare masa ḡ̄h̄m̄.

25 Mari p̄h̄toro ye buheye pehe ne pihtisi. Tiquiro nidiro sahata sa waharota, ni ojoahye.

Ti buheye m̄sare tiquina yahuri quehnoañe buheyeta ijire.

2

1 Sa yena ijipihtiye ñañe yeyere, ni mehoñene, masa ih̄ono dihita quehnoano

iji mehoñene, apee borore tiquina cꝯogũ cooyere, apeqũinare ñano quti yeyere tire duhuya mꝯsa.

² Sa yena coã masa bajuayequina epẽcore tiquina cahmeno saha mꝯsa gũhꝯ quehnoañe buheyere Cohãcjũ yere tutuaro cahme nemoña. Sa cahme nemoña mꝯsa tiquiore mꝯsa wacũ tutua nemoatire, tiquiuro yũhdꝯonohatina mꝯsa ijiatire.

³ Sata ijinata mꝯsa. Mari pũhoro mꝯsare tiquiuro quehnoano yeyere mehenogã masi tuhasare mꝯsa.

Cristo catigũ yeriquiro utã yero saha ijire

⁴ Cristo catigũ yeriquiro utã yero saha ijire. Wũhꝯ dahreyequina ihcãria utãre tiquina cahmedaro saha masa tiquiore cahmedare. Cohãcjũ pehe tiquiore ihñagũ tiquiuro beseriquiro quehnoa yũhdꝯariquiuro ijire. Tiquiuro sa ijiriquiro ijigũ tiquiore wacũ tutuaya.

⁵ Sa yena mꝯsa gũhꝯ wũhꝯ cjẽ utã paca yero saha ijire. Mꝯsa sa ijina Cohãcjũ ya wũhꝯ cjẽ utãre ihcãno saha tiquina cũriro saha mꝯsa tiquiuro yequina gũhꝯ ihcãno saha quehnoano ijinata. Sa yena Cohãcjũ ya wũhꝯ cjãna quehnoana pahia ijinata mꝯsa. Sa yena Jesucristo yedohoye mehna Cohãcjũ yere quehnoano yenata mꝯsa. Mꝯsa sa yegũ ihña bucueroa Cohãcjũ.

⁶ Ohõ saha nine Cohãcjũ yere tiquina ojoari pũpũ:

Utã wũhꝯpũ tiquina cũ mũhtaria mariedagũ wũhare ye dũca masiedare. Sata Cristo marieno yeequina waha masiedare masa. Sa yero tiquiuro ihyo ijiriquiro ijierare. Sa yegũ tiquiore Jerusalẽpũ yojopũre cũgũ ni-aja. Tiquiuro yũhꝯ beseriquiro quehnoa yũhdꝯariquiuro ijire. Sa ye tiquiore wacũ tutuayequina bucueta, ni ojoahye.

⁷ Tiquiore wacũ tutuayequina pehe quehnoa yũhdꝯaro wahaeta. Sa yero ihyo ijiriquiro ijierare tiquiuro. Tiquiore wacũ tutueyequina pehe sijoro saha wahaeta. Tiquinare ohõ saha nine Cohãcjũ yere tiquina ojoari pũpũ.

Ahriquiuro Cristo utã yero saha ijire. Utãre wũhꝯ dahreyequina tiquina bese cohãno saha masa tiquiore cohãeta. Tiquina sa yepegũta yojopũre wũhꝯ dahreyequina wũhare yeye, tiquina cũ mũhtaria utãre tiquina cũno saha Cohãcjũ tiquiore pũhoro cũri, ni, ojoahye.

⁸ Ahri gũhare nine Cohãcjũ yere tiquina ojoari pũpũ:

Omariquiro utãre doque wahã saro tiquiuro esa-

borirore ne eserare. Sata utā yero saha ijiriquireore Cristore cahmedana, tiquireore yuhduhcana, Cohācjū cahapū esasi mari, ni ojoahye panopū.

Tiquina Cohācjū ye buheyere yuhtierare. Sa yeye panopū tiquireo ni ojoariro sahata Cristore cahmedare. Cohācjū panopū “Sa waharota”, tiquireo nidiro sahata Cristore cahmedare tiquina. Sa yeatiquireare cūahye Cohācjū tiquireare.

Ohō saha ijire Cohācjū yequina

⁹ Mūsa pehe Cohācjū beserina ijire. Tiquireo mari puhtoro tiquireo yequina pahia, tiquireo yere ye basana ijire mūsa. Sa yena tiquireo ya curua cjāna ñaṇe mariedana, Cohācjū yequinata ijire mūsa. Sata ijire mūsa. Cohācjū tiquireo quehnoa yuhduhayere tiquireo yerire apequireare yahuatina ijire mūsa. Mūsare beseahye tiquireo mūsare ñaṇene ye dutieraro. Sa besero quehnoañe pehere yeanañare cūri mūsare.

¹⁰ Panopūre duhseatina ijierari jiri mūsa. Yojopū pūritare Cohācjū yequina ijire mūsa. Panopūre mūsare paja ihñariquireo mūsare mariedahye. Yojopū pūritare mūsare Cohācjū paja ihñari.

Cohācjū yere yena ijiya mūsa

¹¹ Yuhū cahīna, ahri yehpapū iji dojoatina ijierare mūsa. Cohācjū yequina

ijire mūsa. Mūsa sa ijina ijigū ahrire tutuaro yahuaja mūsare; Mūsa ñaṇe tutuaro cahmeñene yeracāhña. Ti ñaṇene tutuaro cahmena, ñana wahana niaga mūsa.

¹² Cohācjūre cahmeeñequina watoa ijina quehnoano yena ijiya mūsa, mūsare “Yahusāri”, nina. Mūsa sa yegū tiquina yojopūre mūsare ñano yahusā duepeta, mūsa quehnoano yeyere masieta tiquina. Sa masiñe, tiquina Cohācjūre “Quehnoagu, tutuagu ijire”, nieta. Sata nieta Cristo ahri yehpapū tiquireo tojoa tagū.

¹³ Mari puhtoro yuhti duana ahri yehpa cjēna puhtoā gūhure yuhtiya mūsa. Roma cjūnore mūsa ijipihtina puhtoro tiquireo gūhure yuhtiya.

¹⁴ Puhtoare yuhduhcayequireare buhiri dahre dutiro, ohori puhtoro tiquireore yedohoyequinare. Sa yero quehnoano yeyequinare “Quehnoano yeri mūsa”, ni dutiro ohori tiquireo tiquireare. Tiquireo sa ohogū, tiquireare yuhtiya mūsa.

¹⁵ Mūsa quehnoano yegū ihñañe tūho masieñequina tiquina esa tuharo mūsare quitu dahre duepeta quitu dahre masiedare. Mūsa sa yegū cahmene Cohācjū. Sa yena mūsa puhtoare yuhtiya.

¹⁶ Cohācjū mūsa puhtoro ijire. Apequina cahacjāna ijierare mūsa. Sa ijepe-nata “Usāre dutiriquireo mariedare. Sa yena ñaṇene yenatja”, ni tūhotueracāhña,

“Ñañene yeari”, nina. Cohãcjũ cahacjãna ijire m̄sa. Sa yena tiqirore quehnoano yuhtina ijiya m̄sa.

17 Ijipihtiyequina masare ño peoya. Mari acaye Jesu yequinare cahĩña. Cohãcjũre ño peoye mehna ihñaña. Ahri yehpa cjẽna puhtoro gũhure ño peoya.

Cristo ñano yuhdũro tiqiro ihcãno saharo sahata ihcãno sahaya m̄sa gũhu

18 Cahacjãna, m̄sa cua pe-saro mehna m̄sa puhtoare yuhtiya. Quehnoañequina, m̄sare quehnoano yeye-quina dihitare yuhtina ijieracãhña. M̄sa mehna usuayequina gũhure yuhtiya m̄sa.

19 M̄sa ñano yerapegũta m̄sare tiquina buhiri dahregũ “Cohãcjũ cahmeno sahata ye duaja”, m̄sa ni tuhotugũ tire m̄sa ihcãno saha gũ “Quehnoano yeri m̄sa”, ninota Cohãcjũ m̄sare.

20 M̄sa ñano yeri buhiri tiquina m̄sare buhiri dahregũ tire m̄sa ihcãno saha gũ ti duhseati ijierare. Sa yena m̄sa quehnoano m̄sa yeri buhirire tiquina buhiri dahregũ tire m̄sa quehnoano mehna ihcãno saha gũ Cohãcjũ “Quehnoano yeri m̄sa”, ninota m̄sare.

21 Sa ñano yuhdũanajare m̄sare tiqiro yequina iji dutiri jiri Cohãcjũ. Cristo m̄sa ye ijiatire ñano yuhdũri tiqirore m̄sa ihña cũatire.

22 Tiqiro ne ñano yerari. Sa yero ne ni mehoedari.

23 Tiquirore tiquina tuhtigũ, tiqiro pehe tiquinare tuhti cahmedari. Tiquirore tiquina ñano yepegũta “Quẽitja m̄sare”, ne niedari. Tiquina sa yepegũta tiquinare Cohãcjũ tiqiro buhiri dahreatire potota tiqiro yeatire masino, “Yuhũ Pacũũ tiquinare buhiri dahrerota”, ni tuhoturi.

24 Tiqiro basi curusapũ mari ñañe buhirire yari-ari. Sa waha yariari pari turi mari ñañene yeratire, Cohãcjũ cahmeñe pehere mari yeatire. Tiqiro ñano cami tire, marine pecapũ wahaborinare yuhdũoro taro.

25 Oveja wisiaye tiquina butiro sahata mari gũhu pecapũ butiatina ijimi. Yojopũ pehere Cristore, ovejare ihña ihboriquiro yero saha ijiriquirore, marine ihña ihboriquirore wacũ tutuaja mari. Sa wacũ tutuana, tiqiro yequina wahaũ mari.

3

Omoca duhteriquinare ohõ saha yero cahmene tiquinare

1 Sa yegũ cahacjẽnare yuhũ dutiro sahata m̄sa namosãnumiare duti-itja. M̄sa manũsumũare yuhdũdũcaeracãhña tiquina Cohãcjũ buheyere tiquina cahmeatire. Ihuẽquina tiquina Cohãcjũ buheyere cahmeeñequina ijiye, tiquinare m̄sa yuhdũdũcaeragũ ihñañe

Cohãcjũ ye buheyere cahmeboaga tiquina. Ti buheyere m̄sa yahuerapegũta tiquiro yere cahmeboaga tiquina.

² Sata cahmeboaga tiquinare m̄sa quehnoano yeyere, m̄sa ño peoye gũhure ihñañe.

³ M̄sa numia, cariboyequina numia yero saha yeracãhña. Sa yena m̄sa poarire w̄hapo sepahtana numia, uru darire b̄sana numia, wapa b̄j̄ye suhtire sañana numia ijieracãhña, m̄m̄a m̄sare “Ûe p̄jegũ yeari”, nina. M̄sa pagũrire masa tiquina ñe p̄jegũ yeracãhña.

⁴ Sa yena m̄sa cua pesaro mehna apequinare tutuaro cahñe mehna yena, cua pesaro mehna yahuna, ti pehere ihña bucuegũ yeya. Ti pehere m̄sa yegũ ihyo waro ijierare, Cohãcjũ ihñagũ.

⁵ Sata yee tiahye panopũ cjẽna numia Cohãcjũ yequina numia. Tiquina numia Cohãcjũre wacũ tutuaye numia ijiye, tiquina man̄sam̄are ȳhd̄d̄caera tiahye.

⁶ Sata Sara ticoro man̄no Abrahãre quehnoano mehna yũhtie tiahye. Sa yero tiquirore “Pũhto”, ni pisuahye. Sa yena m̄sa quehnoano yena numia ijina, cuero marieno ijina numia ijina, Sara yero saha ijire m̄sa gũhũ.

⁷ Sata m̄sa m̄m̄a gũhũ m̄sa namosãnumiare quehnoano yeya. Tiquina numia mari m̄m̄a yero saha tutuayequina numia ijierare.

Sa yena ño peoye mehna quehnoano yeya tiquina numiare. Cohãcjũ ijipihtiye decori tiquiro mehna mari ijiatire tiquiro ohoriro sahata tiquina numia gũhure ohorota tiquiro. Tiquina sa ijiyequina ijigũ tiquina numiare quehnoano yeya. Cohãcjũre m̄sa siniñene m̄sa dojomehnedatire tiquina numiare quehnoano yeya.

Quehnoano tiquina yepegũta apequina tiquinare ñano yeyere yahuahye Pedro

⁸ Ahri mehna m̄sare yahu bato tiitja: M̄sa ijipihina ihcãno saha quehnoano mehna ijiya. Sa yena m̄sa mehna cjẽnare quehnoano paja ihñañe. M̄sa acaye Jesu yequinare p̄a peheri cahme cahña. Sa yena quehnoano yeya tiquinare. Sa ye “Ihyo ijina ijiaja”, ni t̄hotuya.

⁹ Apequina m̄sare tiquina ñano yegũ tiquinare ñano ye cahmedacãhña. M̄sare tiquina tuhtigũ tiquinare tuhti cahmedacãhña. M̄sare tiquina sa yepegũta quehnoano yeya tiquinare. Sa yena “Quehnoano ijiya”, niña tiquinare. Tire yeatinare tiquiro yequinare cũri m̄sare Cohãcjũ pehe m̄sare quehnoano yero taro.

¹⁰ Sata nine Cohãcjũ yere tiquina ojoari pũpũ:

M̄sa quehnoano bucueye mehna iji duana ne ñano ni yahuducueracãhña.

11 Ñañe yeyere duhu cãhña. Quehnoañe pehere yeya. Cahme m̄sa basi ihña tuhtiro marieno ijiya. Tire tutuaro yeya.

12 Quehnoañequinare mari puhtoro sa ihña ihbo-ducuro nine. Sa yero tiquirote tiquina siniñene sa tuhoducuro nine. Ñano yeyequina pehere tiquiro ihña tuhtire, ni ojoahye.

13 Quehnoañene m̄sa tutuaro ye duagũ apequina pehe m̄sare ñano yuhdũgũ ye duaye, ye masisi tiquina.

14 Quehnoano m̄sa yepegũta m̄sare tiquina ñano yuhdũgũ yegũ ihñano Cohãcjũ m̄sare quehnoano yerota. Tiquiro sa yegũ m̄sare ñano ye duayequinare cueracãhña. Sa yena bujua witieracãhña.

15 M̄sa Cristore “Ûsã puhtoro ijire”, ni tuhotuna, ño peoya tiquirote. Sa yena Cristore m̄sa wacũ tutuayere, Cohãcjũ mehna m̄sa ijiatire apequina sinituboaga. Tiquina sa sinituato pano tiquinare m̄sa yuhtiatire quehnoano masiyuya. Sa yuhtina cahño mehna, quehnoano ño peoye mehna yahuya tiquinare.

16 Quehnoana ijiya. Sa yena “Ñañene yeaja”, ni tuhotusi m̄sa. Sa ye Cristo yere quehnoano yena m̄sa ijigũ apequina m̄sare ñano quiti yeye, buoro wahaeta tiquina.

17 Ñañene m̄sa yeri buhiri m̄sa ñano yuhdũgũ quehnoaedare. Sa yero

Cohãcjũ cahmegũ quehnoañene m̄sa yeri buhiri m̄sa ñano yuhdũgũ quehnoañene ti pũrita.

18 Sata ñano yuhdũri Cristo. Ihcã tahata ijipihtiyequina tiquina ñañe buhirire yariari tiquiro. Quehnoariquiro ijiri. Sa yero mari ñañe buhiri ñano yuhdũri tiquiro. Ñano yuhdũri tiquiro marine Cohãcjũ yequina wahagũ yero taro. Tiquiro pagu yariaa wahari. Yariari bato tiquiro masari jiri.

19 Sa masariquiro ijiro tiquina buhiri dahreatire cohteyequina m̄na yariariquina m̄na jeripohnarine buheahye tiquiro.

20 Sa cohteyequina panopu Cohãcjũre yuhtierariquina m̄na ijiahye. Ti pjepeare Noé tiquiro ijiri pjepeare, pajiria yuc̄sare dohoro niahye. Tiare tiquiro dohori watoa Cohãcjũre yuhtierariquina m̄nare tiquina yuhtigũ cahmeno, tiquina yuhtiatire yoari pje cohtemahye Cohãcjũ. Sa ye meheñequinagã ocho masa dia minidi pjere yuhdũahye.

21 Minigũ tiquina yuhdũriro saha wame yeye mehna yuhdũre masa. Mari pagure mari wete tu cosero saha ijierare wame yeye. Si-joro saha ijire wame yeye. Ñañe mariena mari ijiatire Cohãcjũre mari siniñe ijire ahri wame yeye. Sa yena Jesucristo tiquiro masa m̄jari mehna yuhdũaja mari.

22 Tiquiro Jesucristo

uħmusepu wahahye poto pehepu dujiro taro, Cohãcjũ mehna dutiro taro. Sa yero tiquiro angele bui, uħmuse cjëna pũhtoa bui, dutiyequina bui tiquina pũhtoro ijire.

4

Cristo yequina ijina quehnoañe pehere camesarina ijinata

1 Mari ñano yũhdũna ñañe yeyere duhu cjã mari. Sa yena Cristo ñano yũhdũro tiquiro cuerariro sahata tiquiro usuerariro sahata mũsa gũhu tiquiro yero sahata yeya.

2 Sa yeya mũsa ñañene mũsa ñe pjerire mũsa duhuro quehnoano, Cohãcjũ cahmeñe pehere mũsa yero quehnoano.

3 Panopũ Cohãcjũre cahmeeñequina ñañene tiquina ñe pjerire tiquina yeriro sahata yeducumahye mũsa gũhu. Bũe tiro marieno ñano yena, ñañene tutuaro mũsa ñe pjerire yena, quehena, queheye bose decorire yena, "Cohãcjũ ijire", mũsa niñe queoyere ño peona ti pehere yee timahye mũsa. Ti queoyere ihña yabire Cohãcjũ. Sa yena to punota ye bato tiya.

4 Sa ye ti ña yũhdũayere yeyequina mehna mũsa ijigũ yojopũre mũsa tire yeragũ ihñañe tiquina pehe ihña maria wahari. Sa ye tiquina mũsare quti dojomehnedi.

5 Tiquina sa yegũ ihñano tiquina ñañe yerire Cohãcjũ pehe sinituro, yahu yũhdũ dutirota tiquinare. Tiquiro catiyequinare, yariariquina gũhũre beseatiquiro buhiri dahreatiquiro ijire.

6 Tiquiro sa beseatiquiro ijigũ Jesu yequina pehe yojopũre yariariquina mũnare quehnoañe buheyere yahuri tiquina yariato pano. Sa ni yahuri tiquina pagũrire Cohãcjũ tiquiro yaria dutiepegũta. Sa yahuri tiquinare Cohãcjũ ijipihtiye decori tiquiro ijiro saha tiquiro mehna tiquina ijiducuatire.

7 Pihtiati deco mehenogã dũhsare. Sa yena quehnoano wacũ masina ijiya, yojopũre Cohãcjũ mehna mũsa quehnoano yahuducuatire.

8 Apequinare cahña, peye tahari tiquina ñañene tiquina yepegũta sa ihña cjã mari. Sa yena mũsa mehna cjënaire sa cahĩducuya. Apeye dutiye yũhdũoro ahrireta yeya.

9 Mũsa mehna cjënaire unureno marieno mũsa ye wũhũsepu sajã ta dutiya.

10 Cohãcjũ mũsare ijipihinare mũsa yeatire cũri. Tiquiro sa cũgũ, mũsa ye masino sahata mũsa mehna cjënaire tire quehnoano yeya. Cohãcjũ mũsape cũri mũsa yeatire. Tiquiro cũriro sahata apequinare quehnoano yedohona, Cohãcjũ cũriro saha quehnoano yena niaga mũsa.

11 Mũsa quehnoano yahuna, Cohãcjũ tiquiro

yahuboriro saha quehnoano yahuya m̄sa ḡh̄u. Masare yedohona Cohãcjũ tiquiro c̄uri tutuaye mehna apequinare yedohoya. Ti ijipihiyere yena Cohãcjũre masa tiquina ño peotire sa yeducuya. Jesucristo pehe tire m̄sa yegũ yedohorota. Tiquirore ijipihiyere decori ño peo, “Tutuagu ijire”, nino cahmene ijipihiyequinare. Sata niahdo.

Jesu yequina tiquina ijiri buhiri tiquina ñano yuhduyere yahuahye Pedro

12 Yuh̄u cah̄na, yojop̄re ña yuh̄uaro yuh̄una, “Yohou, sijoro saha ijiro wahaga yuh̄re”, ni, wacũedacãh̄na.

13 Cristo tiquiro ñano yuh̄ariro saha m̄sa ḡh̄u tiquiro yero saha sa wahana, bucueya m̄sa. Sa bucuenta Cristo asi siteye mehna tiquiro tojoa tagũ m̄sa quehnoano bucuenata.

14 Cristo yequina m̄sa ijiri buhiri apequina m̄sare tiquina tuhtigũ Cohãcjũ yaquiro Esp̄ritu Santo asi siteriquiro m̄sa mehna ijiro nine. Sa yena bucueya m̄sa.

15 Sa yena masare wejẽdacãh̄na m̄sa. Apee borore yaqueracãh̄na. Ñano yeracãh̄na. Sa yena apequina tiquina yerire ih̄nana tiquinare sijoro saha ni dojomehnedacãh̄na. Ti buhiri m̄sa ñano yuh̄ugũ ñar̄ne.

16 Sa yena Cristo yequina m̄sa ijiri buhiri ñano yuh̄una, b̄e tieracãh̄na. Ñano yuh̄nepenata Cristo

yequina m̄sa ijiye mehna bucuenta, Cohãcjũre “Quehnoare”, ni, ño peoya m̄sa.

17 Cohãcjũ tiquiro yequina yerire ih̄nana tiquiro beseati pje ijiro nine yojop̄re. Ijipihitina mari tiquiro yequina mari yerire ih̄nana bese m̄htanota, “Ahri ñañe ijire. Ahri quehnoañe ijire”, nino. ¿Sa bese m̄htano dahse yerotari tiquiro yequina ijieyequina pehere? Tiquirore yuh̄tieyequina pehere tutuaro buhiri dahrerota.

18 Sa ye quehnoañequina yuh̄ueta. Tiquina sa yuh̄uati mijo cjũre. Ti sa mijo cjũgũ Cohãcjũre cahmeeñequina, ñañequina pehe ne yuh̄usi. Basioerare tiquinare.

19 Sa yena Cohãcjũ cahmegũ m̄sa ñano yuh̄una, quehnoañene m̄sa yerire duhueracãh̄na. Sa yena m̄sare bajumehnediquirore, m̄sare ne duhueriquirore tiquirore wacũ tutuaya m̄sa.

5

Jesu yequina tiquina yeatire yahuahye Pedro

1 Yojop̄re Jesu yequina p̄htoare yahutja. Yuh̄u Jesu yequina p̄hto ijaia. M̄sa ḡh̄u tiquina p̄htoata ijire. M̄sare yuh̄u yero saha p̄htoa ijinare ahrire yahugũ tagũ niaja yuh̄u. Cristo tiquiro ñano yuh̄arire ih̄narigũ ijigũ, uh̄m̄sepe Cristo mehna yuh̄uacjũ ijigũ ahrire m̄sare yahutja:

² Cohãcjũ yequina oveja yero saha ijire. Mũsa pehe ovejare ihña ihboyequina yero saha ijire. Tiquinare Cohãcjũ mũsare tiquiro cūriquinare tiquiro yequinare quehnoano ihña ihboya. Sa yena Cohãcjũ tiquiro cahmediro sahata quehnoano jeripohna tiye mehna tiquinare ihña ihboya. Sa yena tiquinare ihña ihbona, “Usã ihña ihbori wapa niñerure wapatanata”, niedacãhña mũsa. Cohãcjũ cahmeno sahata yeducuna ijiya.

³ Sa ihña ihbona tiquinare ñano dutiperacãhña. Sa yena quehnoano yeya mũsa Jesu yequina mũsare tiquina ihña cūatore.

⁴ Mũsa sa yena Cristo ijipihtinare marine ihña ihboriquiro tojoa tagũ tiquiro mũsare quehnoañene ohoatire mũsa yũhdũatire cõonata. Ti mũsa cõoati ne pihtisi.

⁵ Tiquinare yũhũ dutiriro sahata mũsa wahma pjia gũhũ mũsa pũhtoare yũhtiya. Sa yena mũsa mehna cjẽnare ijipihtiequinare ño peoya.

“Masi yũhdũdũcaja”, niñequina pehere Cohãcjũ ihña tuhtire. Apequinare ño peoyequina pehere “Thyo ijina ijiaja”, ni tũhotuyequina pehere quehnoano yere tiquiro.

⁶ Sa yena Cohãcjũ tutuariquiro mũsare tiquiro dutigũ tiquirore ño peoya. Mũsa sa yegũ tiquiro queori

pje ijigũ mũsare apequina ño peoeta tiquiro dutiro mehna.

⁷ Tiquiro mũsare pajiro tũhotu ihña ihbore. Sa yena tiquirore wacũ tutuana, ne pajiro tũhotueracãhña mũsa pehe.

⁸ Sa yena wacũ masi ijiya. Mũsare ihña tuhtiriquiro watĩno yairo usuariquiro tiquiro maca ihya duaro saha mũsare ñano yũhdũgũ ye duare. Sa yero mũsare ñano ye dutire.

⁹ Ijipihtiorpũ ahri yehpapũre apequina Jesu yequinare ñano yũhdũgũ yere watĩno. Tire masina, tiquirore yũhtieracãhña. Sa yena Cristore tutuaro wacũ tutuaya mũsa.

¹⁰ Sa yena mehenogã mũsa ñano yũhdũri bato Cohãcjũ mũsare yedohorota. Mũsare quehnoana ijigũ yerota. Sa yero tiquirore mũsa wacũ tutua nemogũ, tiquirore mũsa ne duhueragũ yerota mũsare. Tiquiro ijipihtieye decori ãhmũsepũ Cristo mehna mũsa ijiatire mũsare cūriquiro ijire. Tiquiro Cohãcjũ ijire ijipihtiequinare paja ihñariquiro.

¹¹ “Ijipihtieye decori tiquiro tutuariquiro ijire”, ni ño peouhna tiquirore. Sata yeihna.

Quehnoa duti bato tiahye Pedro

¹² Ahri pũ meheni pũgãre mũsare yũhũ oho duagũ Silvano pehe yũhũre ojoa basari. Tiquiro Jesu yaquiro yũhũ acayũro

Jesure duhueriquiro ijire, yuh_u tuh_uhotugã. M_usare quehnoano yahu duaja. Sa yeg_u “Ahri buheye potota Cohãcjã marine tiquiro cahĩñene yahuri buheye ijire”, ni yahug_u m_usare ahri pũre ojoaja. Sa yena ahri buheyere ne duhueracãhña m_usa.

¹³ M_usare tiquiro yequina ijiatınare tiquiro beseriro sahata Jesu yequina Babilonia cjẽna gũh_ure beseahye Cohãcjã. Tiquina pehe m_usare quehnoa dutire. Marco gũh_u yuh_u mac_u yero saha ijiriquiro m_usare quehnoa dutire.

¹⁴ M_usa mehna cjẽnare quehnoano mehna piti caya.

Ijipihtina Jesucristo yequinare quehnoa dutiaja m_usare.

2 San Pedro

Jesu yequinare ojoa ohoahye Pedro

¹ Yũhũ Simo Pedro, Jesucristo buhe duti tiquiro cũrigũ ijiaja. Sa yegũ tiquiro cahacjũta ijiaja. Sa yegũ m̄sare ojoa ohoaja yũhũ. Cohãcjũ marine yũhdũhoriqiro Jesucristo pehe ñañe marieniquiro ijire. Sa yero tiquirore m̄sa wacũ tutuagã, tiquiro yequina wahagũ yeri jiri m̄sare. Sa wahana m̄sa gũhũ usã yero saha tiquiro yequina ijire. Mari ihcãno saha tiquiro yequina ijiaja. Sa yegũ m̄sare ojoa ohoaja.

² Sa yena Cohãcjũ gũhũre, mari pũhoro Jesu gũhũre masi nemona tiquina cahĩñe mehna quehnoano ijiducunata m̄sa. Sa quehnoano m̄sa ijiatire m̄sare sini basaja. Sa yegũ m̄sare quehnoa dutiaja.

Ohõ saha ijire Cristo yequina

³⁻⁴ Tiquiro yequina ijiatinare Cristo marine pijiri. Tiquiro sa pijigũ tuhona, tiquirore yũhtii mari. Sa yũhtina Cohãcjũre masi nemona, tiquiro tutuaye mehna tiquiro cahmeno sahata quehnoana ijinata mari. Tiquiro ijire tiquiro yequina ijiatinare marine pijiriqiro. Quehnoariqiro, masi pehoriqiro tiquiro ijiro sahata ijiatinare marine pijiriqiro

ijire. Sata tiquiro tutuaye mehna marine quehnoa yũhdũaro yeri. “Ohõ sahata m̄sare quehnoano yeitja”, tiquiro nidiro sahata marine quehnoa yũhdũaro yeri. Marine tiquiro sa yegũ ahri yehpa cjẽ ñañene, ñañene mari ñe pjeje pehere mari duhu cjã. Ti ñañe pehe marine ñano wahagũ yemedi. Sa yena tiquirore yũhtina, Cohãcjũ ijiro saha ijinata mari.

⁵ Sa yena Cristore wacũ tutuana iji tuhasare m̄sa. Sa yena ohõ saha ye nemoña tja: Quehnoana ijiaja m̄sa. Quehnoano wacũ masina ijiaja m̄sa.

⁶ Ñano ye duepenata Cohãcjũ cahmeñe pehere yeducuya m̄sa. Sa yena Cristo yequina m̄sa ijiri buhiri ñano yũhdũepenata sa ihcãno sahaducuya m̄sa. Sa yena Cohãcjũre ño peona, tiquiro cahmeñene yeya m̄sa.

⁷ Sa yena m̄sa mehna cjẽnare cahme cahĩna, tiquinare quehnoano yedohoya m̄sa. Sa yena ijipihitiyequina apeqina gũhũre cahĩña m̄sa.

⁸ M̄sa sa ye nemogũta quehnoa yũhdũare. M̄sa sa ye nemona, quehnoañene yena ijiducunata. Sa yena Cristo tiquiro cahmeñene quehnoano yeducuna ijinata m̄sa. Ihyo ijina ijisi m̄sa. Sa ye Cristore m̄sa wacũ tutuari ihyo warota ijisi. Yũhũ nidiro sahata m̄sa ye nemogũ quehnoa yũhdũare.

9 MUSA sa ye nemoedana Cohãcjũ yere ne masiedabutiare mUSA. Sa ye nemoedana Cristo mUSA ñano yerire tiqairo cohãrire ne wacũedare mUSA. Sata bo cã duare mUSA.

10 Sa yena, yũhũ acaye, Cohãcjũ yequina ijiatigare mUSARE tiqairo iji dutigũ yãhtiri mUSA. Sa yãhtirina ijina, tiqairo yere wacũeducu duana, tiqairo cahmeñene tutuaro sa yeducuya. MUSA sa yena potota Cohãcjũ mehna ijinata mUSA. Sa yena potota tiqairo beserina ijinata mUSA. Sa yena ñañene yeducusi mUSA.

11 MUSA sa tiqairo cahmeno saha yerina ijina mari pãhtoro marine yãhdũoriquiro Jesucristo tiqairo ijiropũ quehnoano wahanata mUSA. Potota tiqairo yequina waro mUSA ijigũ ihñano “Quehnoano mehna yũhũ mehna ijiya mUSA”, ninota Jesu mUSARE.

12 Sa yegũ ahrire mUSARE sa wacũgũ yeducuutja. Ahri mUSARE yũhũ yahurire masi tuhasari mUSA. Sa masina Cohãcjũ yere mUSA tãhoriro sahata quehnoano yena nine mUSA. Sa yerina mUSA ijiepegũta ahri mUSARE yũhũ yahurire sa wacũgũ yeducuutja mUSARE.

13-14 Mehenogã dãhsare yũhũ yariato. Tire quehnoano yahuri mari pãhtoro Jesucristo yãhũre. Sa yegũ catinigũ waro ahri yũhũ yahurire mUSARE sa wacũgũ yeducuutja. Yũhũ sa yegũ quehnoarĩne.

15 Sa yegũ ahri yũhũ yahu ojoarire mUSARE ojoa cũ pehogũtja, yũhũ yariari bato mUSA quehnoano masiatire. Sa yena ahri yũhũ yahurire sa wacũducunata mUSA.

Cristo tutuariquiro tiqairo ijie tiyere ihñahye Pedro gũhũ

16 Sa yena Cristo tiqairo tutuaye gũhũre tiqairo ahtati gũhũre mUSARE yahuna, usã esa tuharo yahuna niedaja. Tutuariquiro tiqairo ijieyere usã basita ihñahũ.

17 Cristo tutua yãhdũariquiro tiqairo ijieyere usãre ihñori Cohãcjũ mari PACũ. Tiqairo sa ihñogũ tiqairo pehe quehnoano asi siteriquiro ijiri. Tiqairo sa asi sitegũ ohõ saha nino ca tari ti asi siteropũ: “Ahriquiro yũhũ macũ, yũhũ cahĩniquiro ijire. Tiqairo mehna quehnoano bucueaja”, nino ca tari usã tãhogũ.

18 Ñmũsepũ tiqairo sa nigũ tãhou usã. Cãnũ buipũ Cohãcjũ tiqairo ijiri cãnũpũ Cristo mehna ijie usã.

19 Tire ihñarina ijina, Cohãcjũ yere yahu mũhtariquina panopũ cãña tiquina ojoari potota ijigũ quehnoano masiaja usã. Tiquina ojoarire quehnoano buheducuna quehnoano yena nine mUSA. Ti tiquina ojoari Cohãcjũ yere marine quehnoano masigũ yere. Ahri yehpapũ ñano tiquina yeri yehpapũ mari ijigũ quehnoano masigũ yere marine. Sa yena Cohãcjũ yere tiquina ojoarire sa buheducuya. Sa buheducuna Cristo tiqairo tojoa

tagāpū buhe duhunata. Sa tojoa taro tiquiro yere mari masiedarire marine quehnoano masi pehogū yerota.

²⁰ Ijipihtiye ti yahu yahuri yahduoro ahri pehere quehnoano masiña masa: Cohācjū yere panopū tiquina ojoarire buhena mari esa tuharo tire buhena, “Ohō saha nino niaga”, ni masiedaja mari. Espiritu Santo yedohoro mehna masiaja mari.

²¹ Ne masa tiquina esa tuharo Cohācjū yere ojoerahye. Panopū cjēna Cohācjū yere tiquina ojoagū Espiritu Santo pehe tiquina ojoatire tiquinare masigū yeahye.

2

“Cohācjū ye buheye ijire”, ni meho buheyequinare yahuahye Pedro (Jud 1.4-12)

¹ Panopū mari acaye judio masa mehna cjēna “Cohācjū yere yahu mahtarina ijaia”, ni mehoñequina ijie tiahye. Tiquina yero sahata yojopū gūhure masa mehna cjēna sa ni mehoñequina ijieta. Potota tiquina buheboro sahata ni mehoñe pehere buheeta. Sa buheye Cristo ye buheye pehere dojomehneeta. Sa ye “Cristo yahduonohrina ijaia”, niepeta Cristo dutiyere ne yahtierare tiquina. Sa ye tiquirore “Usā puhtoro ijire”, ni tahotuerare. Ti ijipihtiyere tiquina sa yeri buhiri duita tiquinare Cohācjū pecapū waha dutirota.

² Sa ni meho tiquina buhegū tahoye tiquina ñañene tutuaro cahmediro sahata peyequina masa tiquinare ihña cū ñano yeeta. Tiquina sa ñano yegū ihñañe apequina masa gūhu quehnoañe buheyere ñano quti dahreeta.

³ Sa ye tiquina ni mehoñequina niñerure wapa cahmeñe, ni mehoñe buheyere buheeta masare. Tiquina sa buheri buhiri Cohācjū tiquinare pecapū waha dutirota. Panopūre sa yeyequinare buhiri dahre duti tuhasahye tiquiro.

⁴ Sata panopū buhiri dahre dutiahye ñañequina angele gūhure. Tiquinare pecapū peresu yeahye. Sa yero pihtiri deco bato tiquinare buhiri dahrerota.

⁵ Sata panopū cjēnare Cohācjūre cahmeeñequinare buhiri dahreahye. Sa yero ijipihtiro ahri yehpare miono, ijipihtiyequina ñañequina masare mio wejēahye. Sa yero Noéne tiquiro mehna cjēna gūhure yahduoahye. Tiquina ijipihtiyequina tiquiro yahduoriquina ocho masa ijaahye. Noé pehe quehnoañene ye dutiro ti pje cjēnare buhee timahye.

⁶ Sata Sodoma wame tiri maca cjēnare, Gomorra wame tiri maca cjēna gūhure Cohācjū buhiri dahreahye. Ti macarine peca mehna quehnoano ujā peho cāhye. Sa yero camerū ijiatiquinare tiquirore cahmedatiquinare

ihñono niahye. Ñañequinare tiquiuro buhiri dahreatire ihñono niahye tiquinare.

7 Sa yero Lote wame tiriquiore yuhduoahye. Lote pehe quehnoariquiuro ijiahye. Sa quehnoariquiuro ijiro Sodoma cjēna Cohācjū dutiyere yuhducayequina ña yuhduaro tiquina yegū ihñano caributia wahahye tiquiuro Lote. Sa yero umua tiquina basi tiquina paguri mehna tiquina ñano yegū ihñano caributia wahahye tiquiuro.

8 Tiquiuro quehnoariquiuro ñañequina watoa ijiahye. Sa yero decoripe ña yuhduaro tiquina yegū ihñano, ñano tiquina yahuducugū tūhoro ñano jeripohna tiahye.

9 Tiquiore Cohācjū yuhduogū ihñana ahri yahu yahuatire masiaja mari. Cohācjū mari puhtoro tiquiore cahmeñequinare tiquina ñano yuhdugū ihñano tiquinare yuhduorota. Sa yero ñañequina pehere peresu yero, tiquinare core pihtiri deco ijigū tiquiuro buhiri dahreatiquinare.

10 Ñañene tutuaro ue pjeyequina Cohācjūre yuhducayequina tiquina pūritare ñano buhiri dahrerota tiquiuro. Tiquina musa mehna cjēna ni meho buheyequina ñañene yeye, ne cuerare. Sa ye bue tierare tiquina. “Apequinare masi yuhducaja”, ni tūhotuyequina ijire tiquina. Sa ijiyequina ijiye umuse cjēna tutuayequinare ne ño peera, ñano ni

bujapere tiquinare.

11 Angele pehe ne tiquina yero saha yerare. Tiquina pehe ni meho buheyequina yuhduoro tutuayequina ijire. Sa ijiepetā tiquina ne bujapeye mehna ni meho buheyequinare ñano yahusāedare Cohācjūre, yuhducaeyequina ijiye.

12 Sa ye ahriquina ni meho buheyequina pehe nucū cjēna wahiquina yero saha tūho masieñequina ijire. Nucuru boca sa tiquina wejēatiquina yero saha ijire tiquina. Tiquina basi cahmeno saha yere tiquina. Sa ye tiquina masieñequinare bujape, ñano ni yahuducu cohtere. Sa yeyequina ijigū wahiquinare mari wejēdiro saha Cohācjū tiquinare pecaru cohānota.

13 Sa yero tiquina ñano yeri buhiri buhiri dahrerota Cohācjū. Tiquina ñañene tutuaro cahmene. Sa ye ñano yeducure. Musa mehna bose deco yeye, ti bose deco ijigū tiquina ñañene ye yuhduare. Sa yeye musa bose decore tiquina wete ohōno saha tiquina ñañene pihore musare.

14 Sa ye numiare ihñañe, ñehe duare tiquina. Sa ye ñañene sa yeducu duare. Cohācjūre wacū tutuera cjūñequinare ñañene ye dutiye, sa ijiyequinare tiquinare ihña cūgū yere. Sa ijiye tiquina sehsaro apee borore, niñeru gūhare ni meho ehma mihniñequina ijire. Tiquina Cohācjū tiquiuro buhiri dahreatiquina ijire.

15 Tiquina Cohãcjũ yere buheraye, sijoro saha ijiye buheye pehere buhere. Sa ye Balãa yero saha yeye nine. Balãa, Beor macuno ijiahye. Tiquiro pehe panopũ tiquiro ñañe yeri mehna niñerure wapata duamahye.

16 Tiquiro sa yegũ ihñano tiquiro yacoro burro tuhtiahye ticoro upũrore. Tiquiro yacoro burro yahuducuericoro ijepegũta Cohãcjũ ticoro upũrore tuhti dutiahye ticorore. Ticoro sa tuhtigũ tũhoro Balãa tutuaro tiquiro ñañene ye duamedire duhu cãhye.

17 Ahriquina ni mehoñequina mări pohteripũ aco marieno yero saha ijire. Aco marieñe pohteri ti dũhseati ijieraro saha tiquina ni mehoñequina ne dũhseati ijierare. Sa ye ehmeo cururi wiñnono ti wẽdoqueoye cururi ti sa came-saducuro sahata, tiquina ni mehoñequina gũhũ ihcãno saha yahuducuera, sa came-saducure. Sa yero nahitiano warore quehno tuhasahye Cohãcjũ topũ tiquinare buhiri dahrero taro.

18 Tiquina ni mehoñequina tiquina yahuducuye dũhseati ijierare. Masiñequina yero saha masare sa buhe macã cãhre. Ohõ saha ni buhere tiquina: “Mari cahmeno sahata mari yegũ quehnoarĩne”, ni buhemene tiquina. Tiquina sa ni buhegũ masa tũhoye ñañene Ʃe pjeje, tiquina ye buheyere cahmene. Apequina masa Cohãcjũre potota

coã cahme dũcayequina mehenogãta wahare tiquina ñañene tiquina duhuri bato. Tiquinare ni mehoñequina buhegũ tũhoye ñañene cahmene tja Cohãcjũ yequina ijiboriquina ijiepetã.

19 Tiquinare ohõ saha ni buhere ni mehoñequina: “Mari cahmeno sahata mari yegũ quehnoarĩne”, ni buhemene tiquina. Tiquina sa ni buhepegũta tiquina nidiro saha wahaerare tiquinare. Ñañene duhu dueraye, tire duhu masied-abutiare. Tiquina sa ñano yeye, “Queoro ijire Ʃsã yeri”, ni tũhotumene tiquina. Sa ye tiquina ti ñañene ne duhu masiedare. Ti ñañe tiquina pũhtoro yero saha ijire.

20 Mari pũhtoro Jesucristore marine yũhdũoriquirore coã cahme dũcayequina pehe ahri yehpa cjẽ ñañene duhu cãmedi. Tiquina sa duhuri bato pari turi ñañene yeye, ña yũhdũaro tojoare tiquina. Cristore tiquina masiato pano tiquina iji mũhtariro yũhdũoro ña yũhdũaro tojoare, pari turi ñañene yeye.

21 Sa ña yũhdũaro tojoaye quehnoañe buheye pehere tiquina ne masi mũhtaedagũ quehnoa yũhdũboya tiquinare.

22 Sa ye pari turi ñañene yeye, masape tiquina ni yahuducue tiro saha yee nine tiquina. Ohõ saha ni yahuducure masa: “Diero etoa tuhasa pari turi tiquiro etoa cũrire ihyare. Sa yero yesere tiquina coseri

bato pari turi tiquiro ñari sahbapꝰ cuhsare tja. Sata yere quehnoañene cahmemediquina gũhꝰ pari turi ñañene cahmeñe tja”, ni yahuducue tire masa.

3

Cristo ahriyehpapꝰ tiquiro tojoa tatire yahuahye Pedro

¹ Yũhꝰ cahĩna, mꝰsare ihcã pũ ojoa oho tuhasa. Sa yegꝰ ahri pũre tja yojopꝰre mꝰsare ojoa ohogꝰ niaja. Sa yegꝰ pꝰa taha ojoagꝰ ahri ijipihitiyere mꝰsare wacũgũ ye duagꝰ niaja quehnoañe dihitare mꝰsare tũhotu dutigꝰ.

² Ahri yũhꝰ yahuatire wacũña mꝰsa: Panopꝰ cjẽna quehnoañequina Cohãcjũ yere yahu mũhtariquina mꝰna tiquina yahu ojoarire wacũña. Sa yena mari pũhtoro marine yũhdũoriquiro Cristo tiquiro dutiye gũhꝰre wacũña. Ti dutiyere usã tiquiro cũrina mꝰsare buhei.

³ Sa yena ahrire wacũ mũhtaña: Pihtiati deco panogã Cohãcjũ yere bũjũpeyequina ijietta. Tiquina ñañene tutuaro cahmeducuyequina ijiye, ti ñañene yeducueta. Ohõ saha ni bũjũpeeta:

⁴ “Cristo ‘Tojoa taũtja’, nieperota ne tojoa tasi. ¿Tojoa ta dueperota dahsero ne bajuerajari tiquiro? Ahri yehpa iji dũcarĩ bato mari ñecusũmũna mꝰna iji turiayequina tiquina yariari bato ijipihitiro sijoro saha waharo marieno sa ijiducure. Mũnanota sa

ijiducu cãre. Sa yero ahri yehpare ahtatiquiro uhmũsepeure mariedare”, ni bũjũpeyequina ijietta.

⁵ Sa ni bũjũpeye ahri pehere ne wacũ duerare tiquina: Panopꝰre Cohãcjũ tiquiro dutiro mehna ahri yehpare, uhmũse gũhꝰre bajumehneahye. Sa yero ahri yehpapꝰ aco dihita ijirirore dihta ijigũ yeahye tiquiro. Sa yero aco mehna ahri yehpa yojopꝰre ti ijiro sahata ahri yehpare yeahye tiquiro.

⁶ Sa yero camerꝰ ahri yehpare miono, cohã pehoahye ahri yehpa cjẽne. Sa yero ahri yehpare ihcã tahata sijoro saha wahagũ ye tuhasahye Cohãcjũ.

⁷ Sa sijoro saha wahagũ yeperota yojopꝰre uhmũsere, ahri yehpa gũhꝰre pari turi comesagũ yerari tiquiro. Tiquiro dutiro mehna ahri yehpare, uhmũse gũhꝰre yojopꝰre ti ijiro sahata ijiducu nemogũ yero nine. Sa yero cohtero nine came ijipihitropꝰre ujuano taro. Sa cohtero nine Cohãcjũ tiquirore cahmeeñequinare buhiri dahrero taro. Sa buhiri dahrero tiquinare pecapꝰ cohãnota.

⁸ Yũhꝰ cahĩna, ahrire wacũña mꝰsa: Mil cũhmarine “Yoa yũhdũari pje ijire”, mari ni tũhotuepegũta ihcã decota ijire, Cohãcjũ ihñagũ.

⁹ “Cohãcjũ tiquiro nidiro saha uũũñano yerabutiare”, nine masa. Sa ijierare. Masare quehnoano ye duaro

cohtenino nine. Ne ihcãquiro masunore pecapũ cohã duerare tiquiro. Sa yero ijipihitiyequina tiquina ñañene bujũna witigũ, ñañene duhugũ cahmeno nine tiquiro.

10 Ñamipũre yaque bucuro tiquiro wacũeno mehna yaquero sajãriro saha Cristo ahri yehpapũre wacũeno mehna ahtarota. Tiquiro ahtagũta to tutuaro bisigũta umũse cjẽ pihtia waharota. Ujũ pihtia waharota. Sa yero ahri yehpa gũhu, ahri yehpa cjẽ gũhu ujũ pihtia waharota.

11 “Ahri ijipihitiye pihtia waharota”, Cohãcjũ nigũ tuhona ñañene duhuna, Cohãcjũ cahmeñene yero cahmene marine.

12 Mari pũhtoro ahri yehpapũ tiquiro ahtatire cohtena, sojaro mehna tiquiro ahtagũ yeya mũa. Ti deco umũse cjẽ ujũ pihtia waharota.

13 Ti sa cuaro wahati ijiepegũta mari pehe Cohãcjũ ni cũriro sahata ijipihitiyere tiquiro comesagũ yeatire cohteaja mari. Ijipihitiye ti ujũ pihtiaro bato ohõ saha ijirota. Umũsepu gũhu ahri yehpapũ gũhu wahma ijirota. Sa ye ti pjepũre quehnoañe dihitare yeeta ijipihitiyequina. Tireta cohteaja mari.

14 Sa yena yũhu cahĩna, mari pũhtoro tiquiro ahtatire cohtena, Cohãcjũ ihñonopũ quehnoano yena ijiya mũa. Sa quehnoano yena ijiya mũa Cohãcjũ mũa mehna tiquiro bucueatire.

15 Sa yena yoa cjũri pje tiquiro bajueragũ ihñana ahrire masiña mũa. Masa tiquirore cahmeñequina tiquiro yũhdũoatiquina duhsarĩne yojopũ. Sa yero tiquinare cohtenino nine Cohãcjũ. Sata ni mũsare ojoa ohori jiri mari acayuro mari cahĩniquiro Pablo. Cohãcjũ masiñe mehna tire ojoari jiri tiquiro.

16 Sa dihita ni ojoari jiri Pablo tiquiro ojoaripe. Cristo tiquiro ahtatire, ñañene yeeyequina mari ijiati gũhure yahuro ohõ saha dihita ni ojoari jiri tiquiro. Ihquẽ tahari mijo cjũñene tiquiro yahu ojoari jiri. Apequina ne masieñequina, tãho masieñequina ni mehoñe mehna tiquiro sa nidire camesa mũjare. Sa ye tiquiro sa nidi ijiepegũta sijoro saha ni camesa yahure tiquina. Apeye Cohãcjũ yere tiquina ojoari pũri gũhure sata yeri tiquina. Tiquina sa yegũ ihñano Cohãcjũ tiquinare buhiri dahrero, pecapũ cohãnota.

17 Yũhu acaye, yũhu cahĩna ahri ijipihitiyere ti sa wahato pano yahuu mũsare. Sa yena ahrire masina, quehnoano yeya mũa. Ñañequina mũsare sijoro saha ni tiquina buhegũ tuhøeracãhña tiquinare, “Cristo yere duhuari”, nina.

18 Sa yena mari pũhtorore marine yũhdũoriquirore Cristore quehnoano wacũ tutua nemoña mũa. Tiquirore quehnoano masi nemoña

masa. Yojopare, ijip-
ihtiye decori tiquirore
quehnoano ño peuhna
mari. “Quehnoariquiro,
tutuariquiro ijire”, niinha
mari tiquirore. Sata niinha.

1 San Juan

*Jesucristo catiyere
ohoriquiro ijire*

¹ Jesu Cohãcjũ mari Pacu ye yahuducuyere yahuriquiro ijire. Duita coã waroputa ijiriquiro tiquiro mari Pacu mehna masare sa ijuducugũ yeriquiro ijiahye. Yojopure usã tiquiro yere, tiquiro ijiye tiyere yahu ojoana niaja. Tiquirore tũhona, tiquiro waroreta ihñau usã. Sata ijire. Tiquirore ihñana, usã omocari mehna tiquirore dahra tuhuu.

² Ahriquiro mari Pacu mehna sa ijuducugũ yeriquiro ahri yehpau tiquiro masa bajuari bato tiquirore usã ihñau. Sa yena tiquirore yahuaja usã musare. Ijipihitiye decori mari Pacu mehna tiquiro ijuducuriquiro ijigũ, yojopure mari Pacu tiquirore ihñori usãre. Tire yahuaja usã musare.

³ Mari Pacu mehna cjãna ijiaja usã. Tiquiro macno mehna cjãna gũhu ijiaja usã. Sa yena musa gũhu usã mehna cjãna, mari Pacu mehna cjãna, tiquiro macno mehna cjãna musa ijiatire usã ihñarire, usã tũhorire musa gũhure usã yahuaja.

⁴ Ahrireta usã ojoaja quehnoano mari bucueatire.

Buhrioro to wete marieno saha Cohãcjũre ñaÑe ne mariedare

⁵ Ahri buheye Cohãcjũ macno usãre tiquiro

yahuri ijiye nine. Yojoputa ahrire yahunatja usã musare: Cohãcjũ buhrioro yero saha ijire. Buhrioro to wete marieno saha tiquirore ne ñaÑe mariedare. ÑaÑe nahitiano yero saha ijire. Cohãcjũre ne ñaÑe mariedare. Tiquiro sa ijiye tiyere yahuaja musare.

⁶ Sa yena nahitianopu ijina yero saha mari ñaÑene yena ijiepenata “Cohãcjũ mehna cjãna ijiaja”, nina, mari ni mehona niaja. Sa yena Cohãcjũ yere queoro yeraja.

⁷ Sa yena buhrioropu ijina yero saha Cohãcjũ tiquiro yeriro sahata mari quehnoañe pehere yena, apequna Jesu yequina mehna quehnoano ijina niaja. Mari sa yegũ Cohãcjũ macno Jesu tiquiro dii cohãno mehna, curusapu tiquiro yariari mehna ijipihitiye mari ñaÑe yerire bore.

⁸ “Yũhu pũrita ne ñaÑene yeraja”, ni wacũna, mari ni mehoÑene tũhotuna niaja. Mari sa ni tũhotuna Cristo yere ne masiedaja.

⁹ Sa yena Cohãcjũre mari ñaÑene mari yahu yũhdugũ tiquiro poto yeriquiro mari ñaÑene borota. Sa yero ijipihitiye mari ñaÑe yeri gũhure, mari ñano tũhotuye gũhure cose werota tiquiro. Tiquiro nidiro sahata yeriquiro ijire.

¹⁰ “ÑaÑene yeraja”, nina, “Cohãcjũ ni mehoriquiro ijire”, nina niaja mari. Sa niÑequina tiquiro buheyere cahmedare.

2

Cristo marine yedohore

1 Yuhū pohna, mūsare “Ñañene yeari”, nigū ahrire ojoagu niaja. Yuhū sa ni ojoapegūta ñañene yeboaga mūsa. Mūsa sa yegū ihñano Jesucristo quehnoariquiro mūsa ye ijiatire tiquiro Pacurore ohō saha ni sini basarota: “Ahriquina tiquina ñañene yeri buhirire buhiri dahreracāhña”, ni sini basarota tiquiro Pacurore.

2 Cristo mari ñañene cohāriquiro ijire. Mari ñañene mari dihitare cohāedare. Ijip-ihitiro cjēna gūhure tiquina ñañene cohā masine tiquiro.

3 Cohācjū dutiyere yena, tiquirore potota quehnoano masiaja mari.

4 Ihcāquiro Cohācjū dutiyere yeraperota “Yuhū Cohācjūre masiaja”, nino, tiquiro ni mehoriquiro ijire. Sa yero Cristo yere ne masiedare.

5 Apequiro pehe Cohācjū dutiyere yeriquiro Cohācjūre tutuaro cahñiquiro ijire. “¿Cohācjū mehna cjāna ijiajari mari?” ni masi duana, ohō saha mari masinata:

6 Cohācjū mehna cjūno Jesucristo quehnoañene tiquiro yeriro sahata yeriquiro ijire. Sata yeducuuhna mari.

Wahma dutiروهore yahuahye

7 Yuhū cahña, ahri dutiro yojopure mūsare yuhū yahuati wahma dutiro ijierare. Ahri dutiro mūsa coā waropure curoiro māna dutirota ijire. Ti dutiروهore mūsa tuho tuhasari.

8 Yojopu pehere mūsare yuhū yahuati māna dutiro ijieperota wahma dutiro gūhū ijire. Cristo gūhū, mūsa gūhū ti dutiروهore yere. Yojopu nahitiano pihti cā mari ihña masino saha mari masiedarire masi dūca cāna niaja mari. Sa yero buhrirohore mehna mari ihña masino saha Cristo mūsare poto ijiyere masigū yero ahta tuhasari.

9 “Yuhū buhrirohore ijiriquiro yero saha Cohācjū dutiyere yegu ijiaja”, ihcāquiro nieperota, apequinare ihña tuhtiro, tiquiro Cohācjū dutiyere yerare.

10 Sa yero apequirore cahñiquiro pūrita buhrirohore ijiriquiro yero saha Cohācjū dutiyere yeriquiro ijire tiquiro. Sa yero ñañene pari turi ye duerare.

11 Masare ihña tuhtiriquiro pehe nahitianopu ijiriquiro yero saha ijiro nine. Tiquiro caperi bajueriquiro yero saha ijire. Tiquiro wahatore ihña masiedare tiquiro.

12 Yuhū pohna, Cristo tiquiro yariari mehna mūsa ñañe yerire cohāri jiri. Sa yegu mūsare yahu ojoagu niaja.

13 Mūsa pacusumua gūhū, mūsa Cristore coā waropu ijiriquirore masine mūsa. Mūsa sa masigū ihñagu mūsa gūhure yahu ojoagu niaja. Mūsa wahma pja ñariquiro wafinore yahduducari mūsa. Mūsa sa yahduducana ijigū mūsa gūhure yahu ojoagu niaja.

Yuhũ pohna, mari Pacure m̄sa masine. M̄sa sa masigũ ihñagũ m̄sare yojopure yahu ojoagũ niaja.

¹⁴ M̄sa pacusum̄a, m̄sa Cristore coã waropũ ijiriquirote masine m̄sa. M̄sa sa masigũ ihñagũ m̄sare yahu ojoagũ niaja. M̄sa wahma pjia potota m̄sa Cohãcjũre wacũ tutuana ijire. Sa yena m̄sa Cohãcjũ yere yena niaga. Sa yena, m̄sa ñariquiro watĩnore yuhdũdũcari. Sa yegũ m̄sare yahu ojoagũ niaja.

¹⁵ Ahri yehpa cjẽ ñañene cahmedacãhña. Ahri yehpa cjẽ ñañene cahmena mari Pacũ pehere cahmedare m̄sa.

¹⁶ Ñañequina tiquina basi ñañene tiquina tutuaro cahmedi, ñañene tiquina ihña duari mari Pacũ Cohãcjũ ye ijierare. “Ijipihtiye c̄o pehogũ, masi pehogũ ijiaja yuhũ. Ne ihcãquiro masũno yuhũre yuhdũdũcaerare”, masa tiquina ni tuhutuye mari Pacũ ye ijierare. Ti ijipihtiye ahri yehpa cjẽ ijire.

¹⁷ Ahri yehpa, ahri yehpa cjẽ gũhũ masa tiquina cahmeñe pihtia waharota. Sa yero Cohãcjũ cahmeñene yeriquiro ijipihtiye decori Cohãcjũ mehna ijirota.

Cristore ihña tuhtiriquiro pehere yahuahye Ñu

¹⁸ Yuhũ pohna, ahri yehpa pihtiatu deco mehenogã dũhsare. “Cristore ihña tuhtiriquiro ahtarota”, ni, Jesu yequina m̄sare yahu tuhasari. Yojopure Cristore

ihña tuhtiyequina peyequina iji tuhasare. Tiquina sa ijigũ ihñana yojopure pihtiatu deco mehenogã dũhsagũ masiaja mari.

¹⁹ Ahriquina Cristore ihña tuhtiyequina pehe mari caha ijiepetu potota mari mehna cjẽna ijierare. Sa ye tiquina marine cohã cãri. Tiquina mari mehna cjẽna ijiye, mari mehna ijiboaga. Marine cohã cãri. Tiquina sa cohãgũ mari mehna cjẽna tiquina ijieragũ masiaja mari.

²⁰ Cristo Espĩritu Santore m̄sa pehere ohori. Sa yero Espĩritu Santo m̄sa mehna ijire. Sa yena m̄sa ijipihtina Cristo yere masi tuhasare.

²¹ M̄sare yahugũ “Cristo yere masiedare m̄sa”, ni tuhutueraja yuhũ. M̄sa Cristo yere masigũ ihñagũ m̄sare yahua. Cristo ye ne ni mehoñe mariedare. Ti gũhũre masina m̄sa ijigũ masiaja yuhũ.

²² Ahriquiro ijire ni mehoriquiro: “Jesu Cohãcjũ macũno ijierare”, nidiquiro pehe ni mehoriquiro ijire. Potota Cristore ihña tuhtiriquiro ijire tiquiro. Mari Pacure, tiquiro macũno gũhũre cahmedariquiro ijire Cristore ihña tuhtiriquiro.

²³ Ohõ saha ijire: Jesure cahmeediquiro pehe mari Pacũ gũhũre cahmeediquirota ijire. Jesure cahmediquiro pehe mari Pacũ gũhũre cahmediquiro ijire.

²⁴ Coã waropũ Cohãcjũ yere m̄sa tuhõrre quehnoano

wacũña. Tire m̄sa wacũna, Jesu mehna cjãna ijinata. Sa yena mari Pac̄ mehna cjãna ijinata.

²⁵ Tireta Jesu marine yahuri. Ohõ saha ijire tiquiro yahuri: “M̄sa ijipih̄tiye decori Cohãcjũ mehna ijiducunata”, ni cũri Jesu marine.

²⁶ Apequina m̄sare ni mehoñe nine. Tiquina sa ni mehogũ masiḡ m̄sare yahu ojoaḡ niaja.

²⁷ Tiquina sa ni mehonohrina m̄sa ijiepegũta m̄sa pehere Cristo tiquiro yaquiro Esp̄ritu Santore oho tuhasari. Esp̄ritu Santo m̄sa mehna ijire. M̄sa mehna ijiro m̄sare buheriquiro ijire. Tiquiro ijipih̄tiyere m̄sare yahure. Tiquiro yahuye ijirota ijire. Ni mehoñene yahuerare tiquiro. Esp̄ritu Santo nidiro sahata yeya m̄sa yojop̄re. Sa yena m̄sa Cristo yere t̄hona, tiquiro mehna quehnoano ijia.

²⁸ Sata ijire. Ȳh̄h̄ pohna, m̄sa Cristo mehna cjãna ijia. Sa yena Cristo ahtati decore cuesi m̄sa. Sa yena tiquiro ahtati decore b̄e tiye mehna duhtisi m̄sa.

²⁹ Cristo quehnoañene yeriquiro tiquiro ijigũ m̄sa masine. Tire masina ahri gũh̄re masiña m̄sa. Ijipih̄tiyequina quehnoañene yeyequina Cohãcjũ pohneta ijire. Ti gũh̄re masiña m̄sa.

3

M̄sata Cohãcjũ pohna ijire

¹ “M̄sa ȳh̄h̄ pohna ijire”, nino, tutuaro cahĩ ȳh̄d̄d̄c̄aro nine marine mari Pac̄. Tiquiro sa cahñona ijina tiquiro pohna ijiaja mari. Ahri yehpa cjẽna ñañequina Cohãcjũre masiedare. Sa yeye Cohãcjũ pohna mari ijigũ ihñañe tiquina mari gũh̄re masiedare.

² Ȳh̄h̄ cahña, yojop̄re Cohãcjũ pohna ijiaja mari. Sa ijiepenata came mari ijiatire mari quehnoano masiedaja. Sa masiedapenata ahri pehere masiaja. Cristo tojoa tagũ mari ihñana, tiquiro ijiriro sahata tiquirore mari ihñanata. Sa yena Cristo marine bajuagũ ihñana tiquiro yero saha mari comesanata.

³ Ijipih̄tiyequina ahrire masiñequina Cristore ihña cũñe, ñañene ye duerare.

⁴ Ñañene yena dutiyere ȳh̄d̄d̄c̄ana niaja. Sa ye ijipih̄tiyequina ñañene yeyequina Cohãcjũ dutiyere ȳh̄d̄d̄c̄ayequina ijire.

⁵ Cristo masare tiquina ñañene cohãtiquiro bajuahye. Tiquiro ne ñañene yerare. Tire masine m̄sa.

⁶ Sa ye ijipih̄tiyequina Cristo yequina ñañene yeducuerare. Apequiro pehe ñañene sa yeducuriquiro Cristore ne masiedare. Sa yero Cristo yaquiro ijierare.

⁷ Ȳh̄h̄ pohna, m̄sare ni mehoñequinare t̄hoeracãhña. Ijipih̄tiyequina quehnoañene yeyequina Cristo yero saha quehnoañequina ijire.

⁸ Apequiro pehe ñañene

sa yeducuriquiwo watĩno yaquiwo ijire. Watĩno pũrita duita ñañene yeriquiwo ijiahye. Sa yero watĩno tiquiwo ñañene ye dutiyere cohãtiquiwo Cohãcjũ macno masa bajaahye.

9 Cohãcjũ pohna ijina Cohãcjũ yero saha ijina ijiaja. Sa yena ñañene yeducueraja. Cohãcjũ mari Pacu tiquiwo ijigũ mari pehe ñañene yeducu masiedaja.

10 Ohõ saha ijiyequina Cohãcjũ pohne tiquina ijigũ masinata: Cohãcjũ pohne watĩno pohne yero saha ijierare. Ñañene yeducuyequina, apequinare cahĩñequina Cohãcjũ pohne ijierare.

Musa mehna cjẽnare cahĩña

11 “Mari mehna cjẽnare cahĩhna”, ni buheyere coã waropare tuho tuhasari musa.

12 Mari Caĩ tiquiwo ñano yeriro sahata yeracũhna. Tiquiwo watĩno yaquiwo ijiro, tiquiwo bahurore wejẽahye. ¿Dũhse yero tiquiwo wejẽyari, musa tuhotugũ? Tire yahutja musare: Caĩ tiquiwo yeri ñañe ijiahye. Tiquiwo bahuro pehe quehnoañene yeriquiwo ijigũ ihñano tiquiwo wahmino pehe tiquiwo wejẽahye.

13 Sa yena yũhũ acaye, ahri yehpa cjẽna musare tiquina ihña tuhtigũ “¿Dũhse ijiro boro yũhũre ihña tuhtiajari tiquina?” ni, tuhotueracãhña.

14 Mari pecapũ waha-borina ijimi. Yojoopũre uhmũsepũ sa ijiducuatina

comesarina ijiaja mari. Jesu yequinare cahĩna, Cohãcjũ marine tiquiwo comesagũ yerire masiaja mari. Masare cahĩniquiwo pecapũ waha-tiquiwo ijire.

15 Tiquiwo acayurore ihña tuhtiriquiwo masare wejẽdiquiwo ijire, Cohãcjũ ihñagũ. Masare wejẽñequina uhmũsepũ ijiducusi. Tire quehnoano masine musa.

16 Masare cahĩñene ohõ saha masinata. Ijipihtiye decori Cohãcjũ mehna mari ijiatire Cristo yariaro marine tutuaro cahĩdi. Sa yariaro marine tiquiwo sa cahĩducurre masigũ yero nidi. Sa yena mari gũhũre Jesu yequina ye ijiatire yariaro cahmeboaga.

17 Peye cõriquiwo Jesu yaquiwo pejecõriquiwo ihñaeperota tiquiwo paja ihñedaro, Cohãcjũre cahĩedare tiquiwo.

18 Yũhũ pohna, masare mari cahĩne pehe mari dũsero dihita wijiaer-acãhdo. Masare mari cahĩna, tiquinare yedohoro cahmene marine.

Cuero marieno Cohãcjũ cahapũ iji masiaja mari

19-20 Sa cahĩna mari potota Cohãcjũ yequina mari ijiye gũhũre masinata. Sa yena Cohãcjũ cahapũ cuero marieno mari iji masiaja. Sa yena “Ñañe buhiri ijiaga yũhũre”, mari ni tuhotuepegũta, Cohãcjũ cahapũ cuero marieno iji masiaja. Tiquiwo pehe mari

yuhduoro tutuariquiro ijiro
ijipihtiyere masine.

²¹ Yuhuh cahĩna, quehnoañene
yena, “Quehnoañe pehere
yena niaja”, ni tãhotuna,
Cohãcjũ cahapũ mari cuero
marieno iji masiaja.

²² Cohãcjũ dutiyere, tiquiro
cahmeñe gãhure mari yegũ,
tiquiore mari sinino punota
tiquiro ohorota.

²³ Ohõ saha dutire tiquiro
marine: “Cohãcjũ macũnore
Jesucristore wacũ tutuaya.
Sa yena Cristo marine tiquiro
dutiriore sahata mũsa mehna
cjẽnare cahĩna mũsa”, nino, ye
dutire marine.

²⁴ Cohãcjũ dutiyere
yeriquiro Cohãcjũ mehna
cjãno ijiro nine. Sa yero
Cohãcjũ tiquiro mehna cjãno
ijire. Cohãcjũ mari mehna
cjãno tiquiro ijiyere mari
masi duagũ marine tiquiro
ohoriquiro Espĩritu marine
masigũ yerota.

4

*Ni mehoñe buheye gãhure,
Cohãcjũ ye buheye gãhure
quehnoano ihña masi duti-
ahye*

¹ Yuhuh cahĩna, apequina
“Cohãcjũ yaquiro Espĩriture
cũoaja”, niñequina tiquina
ijiepegũta tiquina ye bu-
heye ni mehoñe ijire. Sa
ye apequina pehe Espĩritu
Santo warore cũoyequina
ni mehono marieno buhere
tiquina. Peyequina “Cohãcjũ
yere yahu mũhtarina ijiaja”,
niepeta ni mehoñequina ijire
yojopũre. Ijipihtiropũre ijire
tiquina. Sa yena apequina

mũsare tiquina buheye ni
mehoñe buheye ijigũ ihña
masiña mũsa. Cohãcjũ ye
ti ijigũ gãhure ihña masiña
mũsa.

² Cohãcjũ yaquiro Espĩriture
cũoyequinare mũsa ihña
masi duana, ohõ saha
masinata: “Jesucristo ahri
yehpapũ masũno pagũ
waro cũoriquiro ahtari
jiri”, ni, buheyequina
Cohãcjũ yaquiro Espĩriture
cũoyequina ijire tiquina. Sa
yena sa ni buheyequinare
ihña masinata mũsa.

³ Apequina pehe “Jesu
ahri yehpapũ masũno pagũ
waro cũoriquiro ahtaer-
ari jiri”, ni buheyequina
Cohãcjũ yaquiro Espĩriture
cũoyequina ijire. Tiquina
ye tãhotuye Cristore ihña
tuhtiriquiro tiquiro tãhoturo
saha ijire. “Cristore ihña
tuhtiriquiro ahtarota”,
tiquina nidire tãho tuhasari
mũsa. Sa ye tiquiro ye
buheye ahri yehpapũre wihi
tuhasari.

⁴ Mũsa pehe yuhuh pohna,
Cohãcjũ yequina ijire mũsa.
Sa yena “Cohãcjũ yere yahu
mũhtarina ijiaja usã”, ni,
mehoñequinare yuhduũca
tuhasari mũsa. Mũsa mehna
ijiriquiro Espĩritu Santo pehe
tutua yuhduũcare. Sa yero
ahri yehpa cjẽna yaquiro
watĩno yuhduoro tutuare.
Sa yena ni mehoñequinare
yuhduũcari mũsa. Sa yena
ti buheyere cahmedari mũsa.

⁵ Ni mehoñequina pehe
ahri yehpa cjẽna ijire. Sa
ye tiquina ahri yehpa cjẽ

ñañene tiquina buhegũ ahri yehpa cjëna ñañequina pehe tiquinare quehnoano tũhore.

⁶ Mari pehe Cohãcjũ yequina ijiaja. Sa ye Cohãcjũre masiñequina marine quehnoano tũhore. Apequina pehe Cohãcjũ yequina ijieraye, marine ne tũho duerare. Tiquina sa tũho dueragũ ihñana tiquina ye buheye Cohãcjũ ye buheye ti ijieragũ masinata mari. Sa yena apequina pehe marine tiquina tũhogũ tiquina ye buheye quehnoañe buheye ti ijigũ gũhũre masiaja mari.

Cohãcjũ masare tutuaro cahĩducuriquiuro ijire

⁷ Yũhũ cahĩna, Cohãcjũ marine apequinare cahĩgũ yeriquiuro ijire. Tiquiuro sa yeriquiuro ijigũ ihñana mari mehna cjënare cahĩihna mari. Masare quehnoano cahĩñequina pehe Cohãcjũ pohne ijire. Sa ye tiquina Cohãcjũre quehnoano masine.

⁸ Cohãcjũ masa ijip-ihitiyequinare tutuaro cahĩducuriquiuro ijire. Tiquiuro sa cahĩducuriquiuro ijigũ masare cahĩñequina pehe Cohãcjũre masiedare.

⁹ Cohãcjũ marine tiquiuro cahĩñene mari masi duana, ohõ saha masinata: Cohãcjũ pehe tiquiuro macũnore ihcãquiota ijiriquiurore marine yũhdũoatiquiurore ahri yehpũre ohoahye. Sa ohoro marine tiquiuro cahĩñene marine masigũ yero niahye.

¹⁰ Apequinare cahĩñe waro ohõ saha ijire: Cohãcjũre mari cahĩñe pehe poto cahĩñe waro ijierare. Marine Cohãcjũ tiquiuro cahĩñe pũrita potota cahĩñe waro ijire. Sa yero tiquiuro macũnore mari ñañene cohãtiquiurore ohoro marine tutuaro cahĩne tiquiuro.

¹¹ Yũhũ acaye, Cohãcjũ marine tiquiuro sa tutuaro cahĩgũ ihñana mari gũhũ mari mehna cjënare cahĩihna.

¹² Masa pehe ne Cohãcjũre ihñedari. Tiquiurore mari ihñedapegũta mari mehna cjënare mari cahĩgũ, Cohãcjũ pehe mari mehna sa ijiducuro nine. Sa yero potota marine cahĩ nemoeducugũ yere tiquiuro.

¹³ Cohãcjũ pehe marine tiquiuro yaquiuro Espĩriture ohori. Sa yena Espĩriture cũona, Cohãcjũ mehna mari quehnoano ijiyere masiaja mari.

¹⁴ Sa yena mari Pacũ tiquiuro macũnore ahri yehpa cjënare yũhdũoatiquiurore tiquiuro ohorire usã ihñau. Tire ihñana apequinapũre tire yahuaja usã.

¹⁵ Cohãcjũ mehna cjũno ohõ saha nidiquiuro ijire: “Jesu Cohãcjũ macũno ijire”, nidiquiuro tiquiuro pũrita Cohãcjũ mehna cjũno ijiro nine. Sa yero Cohãcjũ gũhũ tiquiuro mehna cjũno ijiro nine.

¹⁶ Sa yena marine Cohãcjũ tiquiuro cahĩñene mari masiaja. Sa yena marine potota cahĩniquiuro tiquiuro ijigũ masiaja mari. Cohãcjũ

masa ijipihtiyequinare tu-
tuaro cahĩducuriquiroy iji-
re. Sa yero apequiroy masare
cahĩducuriquiroy Cohãcjũ
mehna cjãno iji-
re. Sa yero
Cohãcjũ gãhũ tiquiroy mehna
cjãno iji-
re.

17 Sa yena mari quehnoano
cahĩnemoducuaia Cohãcjũre,
apequina gãhũre, buhiri
dahreri deco ijigũ mari cuero
marieno mari ijiatire. Sa
yena cuesi mari ahri yehpapũ
Cristo yero saha ijina.

18 Apequinare mari cahĩgũ
cuero mariedare. Cohãcjũ
marine tiquiroy cahĩñene
masina mari ne cueraja.
Masa cueye tiquinare buhiri
dahreatire cue nine. Sa
cueye ñano yũhdũre. Sa
yero cueriquiroy pehe Cohãcjũ
cahĩñene masieniquiroy iji-
re.

19 Marine Cohãcjũ cahĩ
mũhtahye. Sa yena mari gãhũ
tiquiroy cahĩaja.

20 Ihcãquiroy “Cohãcjũre
cahĩaja”, nidiquiroy iji-
eperota apequiroy ihña
tuhtiroy ni mehoriquiroy
ijire tiquiroy. Tiquiroy
ihñariquiroy cahĩedaroy,
Cohãcjũre tiquiroy
ihñeniquiroy gãhũre
cahĩ masiedare tiquiroy.

21 Sa yero ahri iji-
re marine Cristo tiquiroy
dutiriroy: Cohãcjũre
cahĩna, mũsa cahapũ
ijiyequina gãhũre
cahĩña.

5

*Cohãcjũ pohne ahri yehpa
cjẽ ñañene ye duerare*

1 Ijipihtiyequina Jesure
“Cristo iji-
re. Cohãcjũ
ohoriquiroy iji-
re”, niñequina,

Cohãcjũ pohne iji-
re. Ape-
quina pacũrore cahĩna,
tiquiroy pohne gãhũre
cahĩaja mari. Sata
Cohãcjũre cahĩna,
tiquiroy pohne gãhũre
cahĩaja mari.

2 Cohãcjũre cahĩna,
tiquiroy dutiyere
quehnoano yena,
tiquiroy pohne gãhũre
mari cahĩna niaja.

3-4 Tiquiroy dutiyere
yena Cohãcjũre
cahĩna niaja. Ma-
rine Cohãcjũ dutiyere
yegũ mijoedare. Mari
ijipihitina Cohãcjũ
pohna ijina, ñañene
cahmedaja mari. Sa
ye marine tiquiroy
dutyere yegũ mijoedare.
Cohãcjũre wacũ tu-
tuana ñañene cahmedaja.
Sa yena tiquiroy mari
wacũ tu-
tuari bato ñano ye
dueraja.

5 Ñañene cahmedana
ohõ saha nina iji-
aja mari: “Jesu
Cohãcjũ macũno
ijire”, nina ñañene
cahmedaja mari.

*Cohãcjũ macũnore
yahuahye Ñu*

6 Jesucristo ahri yehpapũ
tiquiroy ahtagũ tiquiroy
Ñu aco mehna wame
yerire masina, curusapũ
tiquiroy dii cohãri
gãhũre masina,
Cohãcjũ macũno
tiquiroy ijiyere
masiaja mari. Tiquiroy
wame yeri dihita
Cohãcjũ macũno
tiquiroy ijiyere ma-
rine masigũ yerare.
Tiquiroy dii cohãri
gãhũ marine tire
masigũ yere. Espĩritu
Santo “Ahri iji-
rota iji-
re”, ni yahure
marine. Tiquiroy
poto ni yahuriquiroy
ijire. [

7 Sa ye Jesu Cohãcjũ
macũno tiquiroy
ijiyere uhmũse
cjẽna yahuyequina
ihtiaro

ijire: Mari Pacu, tiqiro macano Jesu, Espiritu Santo mehna “Jesu potota Cohãcjũ macano ijire”, niñequina ijire tiquina. Tiquina ihtiaro ijiepetata ihcãno mehna yahure tiquina Jesure.]

8 Jesu Cohãcjũ macano tiqiro ijyere ahri yehpapure ihtiaro yahure: Cohãcjũ macano tiqiro ijyere Espiritu Santo pehe marine yahure. Sa yena Jesure aco mehna tiqiro wame yeri gũhure masina, Cohãcjũ macano tiqiro ijyere masiaja mari. Sa yena mari ye ijiatire tiqiro yariarire tiqiro dii cohãrire masina, Cohãcjũ macano tiqiro ijyere masiaja mari. Sa ye ti ihtiaro ihcãno mehna marine masigũ yere Cohãcjũ macano Jesu ijyere.

9 Masa tiquina yahuyere tũhona “Ijirota ijire”, niaja mari. Sa niepenata mari Pacu tiqiro macanore yahugũ masa tiquina yahuye yũhũoro tiqiro pehere tũhoro cahmene marine. Cohãcjũ waro tiqiro ijigũ tiqiro yahuyere tũhoro cahmene marine.

10 Sa ye ijipihtiequina Cohãcjũ macanore wacũ tutuayequina Jesure yahuri buheyere quehnoano tũhore. “Queorota ijire”, ni tũhoture tiquina Jesure yahuri buheyere. Cohãcjũ macanore tiqiro yahurire tũhoeriquiro “Cohãcjũ ni mehoriquiro ijire”, nidiquiro ijire tiqiro.

11 Cohãcjũ marine ijipihtie

decori tiqiro mehna sa ijiducugũ yerota. Cohãcjũ macano yequina mari ijigũ tiqiro mehna sa ijiducugũ yerota marine. Ahri ijire Cohãcjũ marine tiqiro yahuye.

12 Cohãcjũ macano yequina ijyere tiqiro mehna sa ijiducuetata. Sa ye apequina pehe tiqirore cahmeeñequina tiqiro mehna sa ijiducusi.

Ñu yahu oja bato tiahye

13 Mũsa Cohãcjũ macanore wacũ tutuana Cohãcjũ mehna sa ijiducunata. Tire mũsa masiatire mũsare yahu ojoagu niaja.

14 Cohãcjũ tiqiro cahmediro sahata mari tiqirore dũhse ijyere mari sinigũ tiqiro marine quehnoano tũhorota. Sa mari sinina “Potota quehnoano tũhore tiqiro”, ni masiaja mari.

15 Tiquirore mari sinigũ, marine tũhore. Tiquiro sa tũhorire masina, tiqirore mari sinino punota tiqiro ohoati gũhure masiaja mari.

16 Mũsa acayũro tiqiro ñañene yegũ ihñana, ti ñañe Cohãcjũ pecapũ tiqiro waha dutiye ñañe ijieragũ, tiqirore sini basaya Cohãcjũre. Sa yero Cohãcjũ tiqirore yedohoro tiqiro mehna sa ijiducugũ yerota tiqirore. Cohãcjũ pecapũ tiqiro waha dutieyequina dihitare sini basaya mũsa. Apeye ñañe pehe Cohãcjũ pecapũ tiqiro waha dutiye ñañe waro ijire. Ihcãquiro ti ñañe warore tiqiro yegũ

“Tiquirore sini basaya masa”,
niedaja yuhũ.

¹⁷ Ijipihtiye ñaÑe yeye ñaÑe
warota ijire, Cohãcjũ ihñagũ.
Ti sa ijiepegũta apeye ñaÑe
Cohãcjũ pecapũ tiquiro waha
dutiye ñaÑe ijierare.

¹⁸ Cohãcjũ macũno Jesu
pehe Cohãcjũ pohnene
quehnoano ihña ihbore.
Tiquiro sa ihña ihbogũ watĩno
pehe Cohãcjũ pohnene ñano
ye masiedare. Sa ye Cohãcjũ
pohne pehe ne ñaÑene sa
yeducuerare. Ahrire mari
masiaja.

¹⁹ Mari pehe Cohãcjũ
yequina ijiaja. Watĩno pehe
ahri yehpa cjẽna pũhtoro
ijire. Ahri gũhũre mari
masiaja.

²⁰ Cohãcjũ macũno ahri
yehpapũre ahtaro marine
quehnoano masigũ yeri
tiquiro. Tiquiro sa yegũ
potota Cohãcjũ waroreta
mari quehnoano masiaja.
Ahri gũhũre mari masiaja.
Cohãcjũ macũno Jesucristo
yequina ijiaja mari. Sa
yena potota Cohãcjũ waro
mehna cjãna ijina niaja mari.
Ahriquiro yuhũ nidiquiro
potota Cohãcjũ waro ijire.
Sa yero tiquiro uhmũsepũ sa
ijiducugũ yeriquiro ijire.

²¹ Yuhũ pohna, “Cohãcjũ
ijire”, tiquina niÑe queoyere
ño peoeracãhña.

2 San Juan

Jesucristo yere, potota apeqinare cahĩne gũhare yahuahye Ñu

1-2 Yũhũ bucu musare Cohãcjũ beserinare ahri pũre ojoa ohoaja. Jesucristo yere yuhtina ijiaja mari. Sa ye tiqiro buheye gũhũ mari mehna ijipihtiye decori sa ijiducurota. Sa yegu potota musare cahĩaja yũhũ. Yũhũ dihita cahĩgu niedaja musare. Apeqina Jesu yere masĩnequina tiquina gũhũ potota cahĩne musare.

3 Cohãcjũ mari Pacũ, Jesucristo tiqiro macũno gũhũ poto tiquina cahĩne mehna marine quehnoano yeeta. Sa ye marine paja ihñaeta. Sa yeye marine quehnoano ijigũ yeeta tiquina. Sata yeahro marine. Sa nigũ musare quehnoa dutiaja.

4 Mari Pacũ marine tiqiro dutiro sahata ihquẽquina mũsa mehna cjẽna tiqiro yere yuhtiyequina tiquina ijigũ masigu bucueaja yũhũ.

5 Yojobũre musare yũhũ dutiati wahma dutiro ijierare. Coã waropũre ahri dutiro marine duita ijiahye. Ohõ saha dutire marine. Mari mehna cjẽnare cahĩhna.

6 Tiqiro ye dutiyere ye pehona mari tiqirore cahĩaja. Sa yero coã waropũre mũsa tuhõriro sahata yojopũ gũhare ohõ saha dutire

musare. Apeqinare sa cahĩducuya.

Peyequina ni mehoñequina ijire

7 Peyequina ni mehoñequina “Potota Jesucristo ahri yehpau masũno paguta cuoriquiro ahtaerari jiri”, niñequina gũhũ ahri yehpa cjẽnare buheye wahari. Cristore ihña tuhtiriquiro ni mehoriqiro tiquina yero sahata ijire.

8 Quehnoano yeya mũsa. Cohãcjũ ye wapare mũsa quehnoano yeri wapare boeracãhña. Mũsa sa boeragũ Cohãcjũ quehnoa yuhduaro yerota musare.

9 Ijipihtiyequina Cristo yere yuhduucayequina, Cristo yere cohãñequina mari Pacũ yequina ijierare. Sa ye Cristo yere ne duhueyequina Cohãcjũ mari Pacũre, tiqiro macũno gũhare masine tiquina.

10 Cristo ye buheyere cahmedariquiro, apeye buheyere buheriquiro mũsa cahapũ ahtagũ, tiqirore mũsa ya wuhũpũ sajã ta dutieracãhña. Tiqirore piti caeracãhña.

11 Apeye buheyere buheriquiro Cristo yere cahmedariquiro ñano yere. Sa yero tiqirore piti cariquiro pehe ñano yeriquirore yedohoro nine. Sa yena tiqirore piti caeracãhña.

Ñu yahu ojoa bato tiahye

12 Pe ye m̄sare yahu
duepeguta tire ojoa duer-
aja. M̄sare ihñagu waha
duaja. M̄sare ihñagu m̄sa
mehna yahuducutja, mari
quehnoano bucueatire.

13 Cohãcjã beseriquina
ohõp̄ cahmecoañequina,
m̄sa mehna cjẽna m̄sare
quehnoa dutire.

3 San Juan

*Ñu Gayo wame tiriquire
"Quehnoariquire ijire", ni-
ahye*

¹ Yuhũ bucu mũhũre Gay-
ore potota yuhũ cahĩgũre ahri
pũre ojoa ohoaja.

² Yuhũ cahĩgũ, Cohãcjũ
mehna cjũ mũhũ ijigũ masi-
aja yuhũ. Tiquiro mehna
mũhũ quehnoano ijiriro
sahata mũhũ quehnoano
yuhũatire, mũhũ pagũ
dohatiro marieno mũhũ
ijiatire Cohãcjũre sini basaja
mũhũre.

³ Ihquẽquina Jesu yequina
yuhũ cahapũ wihiye mũhũ
ijiyere iyere yahuri yuhũre.
"Cristo cahmeno sahata
potota yere Gayo", ni yahuri
tiquina yuhũre. Tiquina sa
ni yahugũ tũhogũ tutuaro
bucuei yuhũ.

⁴ Mũsa Jesu yere yuhũ buhe-
rina tiquiro cahmeno sahata
mũsa yegũ tũhogũ tutuaro bu-
cueaja.

⁵ Yuhũ cahĩgũ, Jesu
yequinare yedohogũ quehnoano
yeri mũhũ. Sa yegũ Jesu
yequinare mũhũ ihña
masieñequina pehere yedo-
hogũ quehnoa yuhũaro yeri
mũhũ.

⁶ Tiquina panopũ mũhũ
ihña masieñequina pehe
Jesu yequina ohõpũ cah-
mecoañequinare usãre ohõ
saha ni yahuri: "Gayo
usãre quehnoano cahĩne",
ni yahuri panopũ mũhũ
ihña masieñequina pehe.

Came mũhũ ya macare
tiquina yuhũ cãgũ ihñagũ
tiquinare quehnoano yedo-
hoya Cohãcjũ tiquiro bu-
cuetire.

⁷ Tiquina Jesu yere buhe
tiniñe wahaye, Cohãcjũre
cahmeñequinare yedohogũ
cahmedari.

⁸ Sa yena tiquinare Jesu
yere buhe tiniñequinare yedo-
houhna mari. Tiquinare sa
yedohona, tiquina yero saha
mari gũhũ Cohãcjũre yedo-
hona niaja.

*Diotrefe tiquiro ñañe yerire
yahuahye Ñu*

⁹ To cjẽnare Jesu yequinare
ojoami. Yuhũ sa ojoaepẽgũta
Diotrefe tiquiro basi tiquina
pũtoro yero saha iji duaro,
yuhũre tũho duerari.

¹⁰ Mũsa cahapũ yuhũ esari
bato tiquiro yerire mũsare
yahu pehoutja. Usãre ñano
yahuducure tiquiro. Sa
yero ni mehoñe peyariquire
ijire tiquiro. Sa yero apeye
ñañe gũhũre yere tiquiro.
Jesu yequinare tiquiro yere
buhe tiniñequinare tiquiro
ya wũhũre sajã dutier-
are. Sa yero apequina to
cjẽna Jesu yequina pehe
buhe tiniñequinare tiquina
sajã dutigũ ihñano tiquiro
pehe "Buhe tiniñequinare
sajã dutieracãhña mũsa ye
wũhũsepare", ni yahusãre
tiquinare. "Mũsa ye
wũhũsepare buhe tiniñequinare
mũsa sajã dutiri buhiri
mari Jesu yequina mari ya
wũhũpũre mari cahmecoari
wũhũpũre sajãedacãhña mũsa

pehe”, nine Diotrefe to
cjēnare Jesu yequinare.

¹¹ Yuhū cahīgū, ñañequinare
ihña cūedacāhña. Quehnoano
yeyequina pehere ihña
cūña. Quehnoañene yeye-
quina Cohācjū yequina ijire.
Ñañene yeyequina Cohācjūre
masiedare.

*Demetrio quehnoañene
tiquiro yerire yahuahye Ñu*

¹² Ijipihtiequina quehnoano
yahuducuri Demetriere. Sa
ye tiquiro yerire ihñañe
quehnoano tiquiro yeriquiro
ijigū masine masa. Usā gūhū
tiquirore sata ni yahujaja.
Sa yena usā yahuye pehere
potota ijigū masine masa.

Yahu bato tiahye Ñu

¹³ Mūhure peye yahu du-
ami. Sa yahu duepeguta tire
ojoaeraja.

¹⁴ Mehenogā batota
mūhure ihña duaja. Sa yena
mari basi cahme yahuducu-
nata.

¹⁵ Quehnoa dutiaja
mūhure. Mari mehna cjēna
ohō cjēna Jesu yequina
mūhure quehnoa dutire.
To cjēna mari mehna cjēna
ijipihtiequina quehnoahdo.

San Judas

Juda Jesu yequinare ojoa ohoahye

¹ Yuhh Juda Santiago bahh, Jesucristo cahacjũ m̄sare Jesu yequinare ahri pũre ojoa ohoaja. M̄sare mari Pacu Cohãcjũ beseahye. Sa yena tiquiro cahĩne mehna quehnoano ijire m̄sa. Sa yero Jesucristo yedohore m̄sare “Ñañene yeari”, nino.

² Quehnoa dutiaja m̄sare. Cohãcjũ yedohoro mehna quehnoano ijiya m̄sa. Sa yegu Cohãcjũre paja ihña dutigu, m̄sare cahĩ dutigu sini basaja Cohãcjũre yuhh.

Ni mehoñequina tiquina ye buheyere yahu dũcahye Juda

³ Cohãcjũ marine pecapũ wahaborinare tiquiro yuhdũoye pehere tutuaro ojoa duami m̄sare, yuhh cahĩnare. Sa ojoa duepegũta m̄sare yojopũre ni mehoñe buheyere cahme dutieragu m̄sare ojoaja. Sa yena Jesucristo ye buheye pehere tutuaro buheya m̄sa. Ahri buheye pehe Jesu yequinare Cohãcjũ cũri buheye sa ijiducurota comesaro marieno.

⁴ Ihquẽquina masa ñañequina wacũeno mehna m̄sa cahapũ esari. M̄sa mehna ijiye tiquina ohõ saha ni buhemene m̄sare: “Cohãcjũ yequina m̄sa ijigũ, tiquiro cahĩne m̄sare. Sa yero numia mehna m̄sa ñano yegũ tiquiro m̄sare

ne buhiri dahresi”, ni buhemene tiquina. Sa ye mari puhtorore ihcãquirola ijiriquirore Jesucristore “Cohãcjũ macũno ijierare”, ni buhemene tiquina. Ohõ saha ni buheyequinare Cohãcjũ tiquiro buhiri dahreatire yahuahye panopũre. Tiquiro yere tiquina ojoari pũpũ sata ni yahuahye.

⁵ Yojopũre m̄sare apeyere wacũgũ ye duaja. Ahrire m̄sa masiepegũta pari turi ahrire m̄sare wacũgũ ye duaja. Cohãcjũ judio masare Egiptopũ ijiyequinare tiquiro wiori bato tiquina mehna cjẽnare tiquirore wacũ tutueyequinare tiquiro wejẽahye.

⁶ Sa yena m̄sa apequina gũhũre wacũña. Apequina angele pehe Cohãcjũ dutiyere ye duerahye. Sa ye tiquinare tiquiro iji duti cũrĩrore tiquina iji duerahye. Sa ye tiquina ijimedirore duhu cãhye tiquina. Tiquina sa duhugũ ihñano Cohãcjũ nahitianopũ tiquinare peresu yeahye. Sa ye tiquina pihtiatĩ deco pano come dari mehna dũhteriquina yero saha ijiducueta. Sa yero pihtiatĩ deco ijigũ tiquinare buhiri dahrerota Cohãcjũ.

⁷ Sata yeahye apequina gũhũ. Tiquina gũhũre wacũña m̄sa. Tiquina Sodoma wame tiri maca cjẽna, Gomorra wame tiri maca cjẽna ti macari cahapũ ijiye macari cjẽna gũhũ numia mehna ñano yeahye. Sa ye sijoro saha

yeye gūhare ye, ʼmna pehe tiquina basita tiquina paguri mehna ñano yeahye. Numia gūhu sata yeahye. Tiquina sa yeri buhiri Cohācjū tiquinare ʼjūa peho cāhye. Tiquinare ʼjūano Cohācjū ijipihtiyequina tiquirore yūhdūcariquinare tiquiro buhiri dahreatire masare ihñono niahye. Tiquinare tiquiro buhiri dahleri peca ne yatisi.

⁸ Tiquina Cohācjū buhiri dahrenohriquina mna yero saha yojopu gūhare sata yeducure ni mehoñene buheyequina. Tiquina quehñequina yero saha ijiye, tiquina paguri mehna ñano yere. Sa yeye Cohācjū dutiyere cahmedare tiquina. Sa ye tiquina yūhdūoro tutuayequinare tiquina pehe ñano yahuducu cohtere.

⁹ Quehnoañequina angele pehe tutuayequina ijiepetata sa ni yahuducuerare. Miguel wame tiquiro angele puhtoro pehe Moise pagure cahmeno, watño mehna cahme sehña soahye. Tutua yūhdūariquiro ijieperota tiquiro “Watño yūhdūoro yūhu pūrita tutuaja”, ni tuhotuerahye. Sa yero tiquiro esa tuharo watñore ñano yahuducuera, tiquirore tuhtierahye. Sa yero ohō saha niahye watñore. “Cohācjūpu mūhare tuhtiahro”, niahye Miguel watñore.

¹⁰ Sa ye ahriquina ni mehoñequina pehe tiquina masieñequinare

ñano yahuducu cohtere. Sa ye wahiquina taho masieñequina tiquina esa tuharo tiquina yero saha ni mehoñequina pehe yere. Sa yeyequina ijiye, pecapu wahaeta.

¹¹ Tiquinata ñano yūhdūeta. Cañ yeriro saha ñano yeri tiquina. Sa ye Balāa tiquiro yeriro saha tiquina niñerure cahñ wapata duaye, ni mehoñene buhere. Sa ye niñeru neati dihitare tuhotu, ti dihitare yere. Sa ye Coré tiquiro puhtoro cohā duariro saha tiquina gūhu tiquiro yero saha yere. Sa ye tiquiro yero saha tiquina gūhu pecapu wahaeta.

¹² Tiquina ni mehoñequina pehe msa cahme cahñati bose decorire ihyaye, ño peoro marieno tiquina cahmeno saha apere. Sa ye tiquina sehsharota ihyayere bore apequinare ohoro marieno. Wete yero saha tiquina msa bose decorire quehnoañequina decori ijiborirore dojomehne cohtere.

Ehmeo cururi acoro marieñe cururi ti dūhseati ijieraro saha tiquina ni mehoñequina ne dūhseatiquina ijierare. Sa ye ehmeo cururi wihnono wēdoqueoye cururi ti sa comesaducuro saha tiquina ni mehoñequina gūhu ihcāno saha yahuducueraye, sa comesaducure.

Sa ye, dūca tiri pje ijigū dūca marieñe cju yero saha ijire tiquina. Ti cju puā tahapu yariaa wahare. Ihcā taha dūca tieye cju, yari-

aye cju yero saha waha tuhasare. Ti cjure tiquina duhari bato pari turi yariaa wahare tja. Ti cju yero saha ijiye duhseatiquina ijierare tiquina ni mehoñequina.

13 Sa ye pajiri ma cjē pahcōri bujuye pahcōri yero saha ijire tiquina. Ti pahcōri quē ohōgū, wete bujuye sahpori wahare. Duhse ijiyere tiquina ni mehoñequina tiquina yegū pahcōri cjē sahpori wete bujuye sahpori ti waharo saha ni mehoñequina tiquina ñano yeye ijire.

Sa ye asi maa cāe paca ñahpicoha paca yero saha ijire tiquina. Sa yeye ñahpicoha paca nahitianopu ti waharo saha tiquina gūhu ñanopu wahaeta. Sa ye topure sa ijiducuenta tiquina ni mehoñequina.

14-15 Enoco panopu cjāno Adán panamino iji turiariquiro seis cururi bato masa bajuariquiro ohō saha niahye. Tiquinare ni mehoñequinare ohō saha niahye: “Tuhoya yuhure. Cohācjū peyequina tiquiro yequina angele quehnoañequina mehna ijipihtiequina ñañequinare tiquina ñañe buhiri buhiri dahrero ahtarota. Sa yero ijipihtiequina Cohācjüre ihña tuhtiequinare tiquina ñañe yeri buhiri tiquinare buhiri dahre dutiro ahtarota Cohācjū. Sa yero Cohācjüre ñano tiquina yahuducuri buhiri gūhure tiquinare buhiri dahre dutiro ahtarota”, niahye Enoco.

16 Tiquina ni mehoñequina unureducuyequina, apequinare yahu wajayequina tiquina ñano wacūñe dihitare yere tiquina. Sa ye “Apequinare masi yuhduhcaja usā”, niducure tiquina. Sa ye tiquina cahmeno saha ye duaye, apee borore ehma duaye, tuhoro quehnoanoputa yahuducure masare.

Jesu yequinare yahu nemoahye Juda

17 Mari puhtoro Jesucristo buhe duti tiquiro cūriquina tiquina buherire wacūña mūsa, yahu cahña.

18 Ohō saha nidi tiquina mū sare. “Ahri yehpa pih-tiato panogā Cohācjüre ñano yahuducu bujupyequina ijietā. Sa ye tiquina Cohācjüre cahmedaye, ñañene tiquina tutuaro cahmeñene yeeta tiquina”, ni yahuri Jesu cūriquina mū sare.

19 Jesu yequinare tiquina basi tiquina cahme ihña tuhtigū yere tiquina ni mehoñequina pehe. Sa ye tiquina ñañequina ahri yehpa cjēna ijiye, Espiritu Santore ne cuoerare tiquina. Sa ye tiquina ñañene tutuaro cahmeñe dihitare yere tiquina.

20 Mūsa pehe yahu cahña, Jesucristo ye buheyere quehnoano tuho nemoña, quehnoano wacū tutuana mūsa ijiro quehnoano. Ti buheye pehe quehnoa yuhduhare. Espiritu Santo yedohoye mehna Cohācjū mehna yahuducuya mūsa.

21 Quehnoañene yeya m̄sa Cohãcjũ m̄sare tiquiro cahĩñene m̄sa masino quehnoano. Sa yena Jesucristo mehna m̄sa sa ijiducuatire cohteya. Tiquiro marine paja ihñano ʘhm̄sep̄ sa ijiducugũ yerota.

22 Cristo yere t̄ho duera cjũñequinare paja ihñaña. Sa yena tiquinare buhe, masigũ yeya.

23 Tiquinare pecap̄ waboriquinare Cohãcjũre ȳhd̄ogũ yeya m̄sa. Sa yena apequinare paja ihñaña m̄sa. Tiquinare yedohona m̄sa ḡh̄u tiquina ñaño yeyere ihña c̄edacãhña. Wete tiri suhtirore m̄sa yabiro saha, apequina tiquina ñaño yeyere yabiya, “Tiquina ñaño yeyere pihari”, nina.

Juda Cohãcjũre tiquiro ño peoye ijire

24-25 Cohãcjũ mari p̄htoro marine ihña ihbo masine “Ñañene yeari”, nino. Sa yero tiquiro marine ñaño buhiri marienare ʘhm̄sep̄ tiquiro cahap̄ c̄u masine. Sa marine top̄ tiquiro c̄gũ mari bucuenata. Tiquiro Cohãcjũ ihcãquiota ijire. Apequiro mariedare. Sa yero marine pecap̄ waborinare ȳhd̄oriquiro ijire tiquiro. Tiquiro pehe panop̄, yojop̄re, ijipihtiye decori ḡh̄ure quehnoa ȳhd̄ariquiro, mari p̄htoro, tutua ȳhd̄ariquiro, ijipihtiyequinare dutiriquiro ijire. Tiquiro sa ijigũ mari p̄htoro

Jesucristo yedohoro mehna tiquirore ño peouhna. Sata yeihna.

Apocalipsis

*Camep̄are ahri deco d̄uhse
wahatire marine masigū
yeahye Jesucristo*

1 Ahri p̄p̄u Jesucristo marine tiquiro masigū yerire yahu ojoagū niaja. Mari Pacu pehe tire yahu dutiro cūahye tiquirore, tiquiro yequinare tiquiro cahacjēnare masigū ye dutiro. Sa yero mianota d̄uhse wahatire masigū yeri tiquiro. Mehenogā d̄uhsatjiāno nine sa wahato. Jesucristore tiquiro sa cūgū tiquiro pehe angelre tire yuh̄ure Ńure yahu dutiro ohori.

2 Sa yegū yuh̄u Ńu ijipih̄iyere yuh̄u ih̄narire yahu ojoagū niaja. Cohācjū ye yahuducuyere Jesucristo ye buheyere yahu ojoagū niaja.

3 Ahri p̄p̄u camep̄are d̄uhse wahatire yahu ojoagū niaja. Mehenogā d̄uhsatjiāno nine ahri ijipih̄iye sa wahato. Sa ye ijipih̄iyequina ahri p̄ure buheyequina, yuh̄u yahurire quehnoano t̄ahoyequina ahri p̄u nidiro saha yeyequina bucueyequina ijieta.

*Siete cururi cjēnare Jesu
yequina cahmecoañequinare
ojoa ohoahye Ńu*

4 Yuh̄u, Ńu m̄sare siete cururi cjānare Jesu yequinare Asia yehpa cjānare ojoa ohoaja: Cohācjū tiquiro cahñe mehna m̄sare quehnoa dutiaja. Sa yena

tiquiro yedohoye mehna quehnoano ijiya m̄sa. Tiquiro panop̄ta sa ijiducuri tiquiro ijie tiahye. Yojop̄u ḡuh̄ure sa ijiducure. Camep̄u ahtarota. Tiquiro p̄h̄toro dujiro poto ijieyequina siete pagū bajueyequina ijire. Tiquina cahñe mehna m̄sare quehnoa dutiaja tja.

5 Cristo tiquiro cahñe mehna m̄sare quehnoa dutiaja tja. Cohācjū yere ni mehono marieno yahuriquiro ijire tiquiro. Sa yero tiquiro yariari bato tiquiro masa m̄jari bato ne pari turi yariasi tiquiro. Sa yero ijipih̄iyequina ahri yehpa cjēna p̄h̄toa tiquina bui p̄h̄toro ijire tiquiro. Marine cahño tiquiro dii coh̄ari mehna mari ñañene coseri tiquiro.

6 Sa cosero marine p̄h̄toa s̄ori tiquiro. Marine pahia wahagū yeri tja. Cohācjū mari Pacu tiquiro yere yeatiquinare marine sa s̄ori tiquiro. Ijipih̄iye decori “Tutuagū ijire m̄uh̄u”, ni ño peoducueta ijipih̄iyequina tiquirore. Ijipih̄iyequina p̄h̄toro sa ijiducure tiquiro. Sata ijiahro.

7 Quehnoano wacū masi cohteya m̄sa. Ehmeo cururi watoa dijia tarota Cristo. Tiquiro sa ahtagū ih̄ñaeta ijipih̄iyequina. Tiquirore quē biha wejēdiquina ḡuh̄u tiquirore ih̄ñaeta. Sa ye tiquiro ahtagū ih̄ñañe ahri yehpa cjēna ijipih̄iye cururi cjēna tutuaro utieta. Sata utiahro.

⁸ Ohō saha nine mari pũhoro Cohãcjũ: “Yũhũ ijipihiyere bajumehnedigũ ijiaja. Sa yegũ ijipihiyere pihdigũ yeacjũ ijiaja. Tutua yũhdũcagũ ijiaja yũhũ. Panopũ gãhũre sa ijiducue ti. Yojoꝛũ gãhũre sa ijiducujã. Came ahtaũtja”, nine Cohãcjũ.

Cristore asi siteriquirore tiquiro ihñarire yahuahye Ñu

⁹ Yũhũ Ñu mũsa acayũ Jesu yaquiro ijiaja. Sa yegũ mũsa yero saha yũhũ gãhũ Jesu yere yũhũ yeri buhiri ñano yũhdũhũ. Sa yegũ mũsa yero saha yũhũre tiquina sa ñano yepegũta Jesu yedohoye mehna Jesure cohãedũ. Mari ihcãno saha tiquiro pũhoro ijiro cjãna ijiana ijiaja mari. Ya dihta cjẽna tiquina cohãrigũ ijigũ Patmo wame tiri nũcũopũ ijiaja. Cohãcjũ yere, Jesucristo tiquiro buheri gãhũre apeqũinare yũhũ buheri buhiri ohõꝛũ tiquina cohãrigũ ijiaja.

¹⁰ Ohõꝛũ yũhũ ijigũ ihcã deco domingo ijigũ Espĩritu Santo yũhũre quehẽnopũ ihñono nidi. Tiquiro sa ihñogũ yũhũ behero pehepũ tutuaro yahuducuro ca tari. Corneta tutuaro bisiro saha tutuaro bisiro ca tari tiquiro yahuducuye.

¹¹ Ohō saha nino ca tari yũhũ tũhogũ:

—Yũhũ ijipihiyere bajumehnedigũ ijiaja. Sa yegũ ijipihiyere pihdigũ yeacjũ ijiaja. Yojoꝛũ mũhũ ihñatire ojoati pũꝛũ ojoa ohõña. Mũhũ sa ojoa ohõri bato

siete cururi cjẽnare Cohãcjũ yequinare ohoya ti pũre. Tiquina siete cururi Asia dihtapũ ijiye macari cjẽna ijire. Efeso cjẽnare, Esmirna cjẽnare, Pérgamo cjẽnare, Tiatira cjẽnare, Sardis cjẽnare, Filadelfia cjẽnare, Laodicea cjẽnare mũhũ ihñatire ojoa ohoya, nino ca tari yũhũre.

¹² Tiquiro sa nigũ tũhogũ majaredũcagũ yũhũre yahuducuriquirore ihñagũ tũhũ. Sa majaredũcagũ siete sihãñe pacare tiquina duhu peoye cjũre uru mehna tiquina yeri cjũre ihñãũ.

¹³ Ti cjũ watoa ducuriquirore masãno yero saha bajuriquirore ihñãũ. Tiquiro yoari suhtiro dahpocãripũ esari suhtirore sañariquiro ijiri. Sa yero uru mehna tiquina yeri cahsero mehna tiquiro cutiro bui tũã dihoriquiro ijiri.

¹⁴ Sa ye tiquiro poari buhsa cohoꝛi yero saha yehseri. Sa ye tiquiro caperi peca pohna yero saha asiri.

¹⁵ Sa ye tiquiro dahpocãri bronco wame tiye come asiye come yero saha asi siteri. Broncoꝛe peca mehna tiquina quehnoano wjũa weri bato tire wahtere quehnoano asi paha dutiye. Ti quehnoano wahtenohriro yero saha tiquiro dahpocãri quehnoano asi siteri. Sa yero tiquiro yahuducuye peo tutuaro cuari peo yero saha tutuaro bisiro ca tari.

¹⁶ Tiquiro omoca poto pehe siete ñahpicoha pacare cũori. Sa yero tiquiro dũseropũ

ñoseni pĩ pua peheri siori pĩne cuhñuri. Sa yero asũ deco cjãno tiquiro tutuaro asi sitero saha tiquiro wuhdoa tutuaro asi siteri.

¹⁷ Sa yegu tiquirore ihñagu tiquiro dahpocãri cahapu doque quehe sam yariariquiro yero saha. Yuhu sa doque quehe sagũ ihñano tiquiro poto pehe cjã omoca mehna yuhure duhu peo ohõ saha nidi:

—Cueracãhña. Yuhu ijipihiyere bajumehnedigu iji-aja. Sa yegu ijipihiyere pihigũ yeacju ijiaja.

¹⁸ Catigu ijiaja yuhu. Yariarigu ijimi. Yojobure ihñaña. Ijipihiyere decori sa catiducugu ijiaja yuhu. Pari turi masagu masare pari turi yariaragũ ye masiaja yuhu. Sa yegu masare yariariquina tiquina ijiropu wahaeragũ ye masiaja yuhu.

¹⁹ Sa yegu yojobu wahatire ihñagu, oja ohõña. Cameru dahse wahati gũhure ihñagu oja ohõña mahu.

²⁰ Ahri siete ñahpicoha pacare yuhu poto pehe yuhu cuoye pacare yahutja mahure. Sa yegu siete sihãne pacare tiquina duhu peoye cju uru cju gũhure yahutja. Ohõ saha ijiye yahuyere panopu cjẽna masare ne yahuera tii. Ohõ saha ijire ti: Siete ñahpicoha paca siete cururi cjẽna yeequina pahtoa ijiye nine, mari queoye mehna buhegũ. Sa ye siete sihãne pacare tiquina duhu peoye cju siete cururi cjẽna yeequina ijiye nine, mari

queoye mehna buhegũ, nidi yuhure.

2

Efeso cjẽnare Jesu yequinare oja oho basa dũca dutiahye Ñure

¹ Sa ni tuhasa ohõ saha ni nemori yuhure oja dutiri- quiro:

—Efeso cjẽna yeequina, tiquina pahoro gũhure ohõ saha ni oja oho basaya mahu: “Yuhu omoca poto pehe siete ñahpicoha pacare cuogũ ijiaja. Sa yegu siete sihã docoye cju watoa tinigu ijiaja. Sa tinigu ijigu masare ohõ saha ni yahuaja:

² Ijipihiyere masa yerire masi pehoaja. Yee ijiatire masa tutuaro dahrarire, yuhure masa wacũ tutua duhuerari gũhure quehnoano masiaja. Ñañene yeriquinare masa ihña yabigũ gũhure masiaja. Sa yena ‘Jesu buhe dutiro tiquiro cũrina ijiaja’, nimediquinare queoro tiquina buheragũ ihñana, ni mehoñequina tiquina ijigũ masidi masa.

³ Yeere masa yeri buhiri masa ñano yuhdũepenata ihcãno sahari masa Efeso cjãna. Sa yena yuhure ne duhuerari masa.

⁴ Sa quehnoano yena ijiepenata ihcãnore queoro yerari masa. Ahri ijire ti: Yuhure masa quehnoano cahĩ mahitariro saha yojobure yerare masa.

⁵ Yuhure masa cahĩ mahitarire wacũña masa

tja. Yojoꝑure yuhure m̄sa cah̄eda c̄jũre wacũña. Sa yena m̄sa ñañe yerire b̄j̄ma witiya. Tire duhuya. Sa duhuna, yeere m̄sa ye mahtariro sahata yeya tja. M̄sa ñañe yerire m̄sa duhueragũ sojaro mehna sihãriare yuh̄u duhu peodu m̄sa ya d̄ure yuh̄u dapodure ne cohãutja. (Sa nigũ ohõ saha ni yahugũ niaja m̄sare. M̄sa to c̄jãna yuhure cohãboaga. Sa cohãna to punota pihtinata m̄sa ñañe yeyere duhuerana.)

⁶ Yuhure cah̄eda c̄jũna ijiepenata ahrire quehnoano yerĩ m̄sa: Nicolaita wame tiyequinare ñañequinare ihña yabire m̄sa. Yuh̄u gũhu tiquinare ihña yabiaja.

⁷ Cahmo tina ijire m̄sa. Sa yena m̄sa ye cururi c̄jẽnare yeequinare Espĩritu Santo tiquiĩro yahurire t̄hoya m̄sa. Ohõ saha nine tiquiĩro: 'Ijipihtiyequinare Jesure wacũ tutua duhueyequinare Cohãc̄jũ ya wese paraĩso wame tiro c̄jãdu d̄ucare ihya dutiitja. T̄u d̄uca catigũ yeye ijire', nine Espĩritu Santo", ni yahu ojoa oho basaya Efeso c̄jẽna yeequinare, tiquina p̄htoro gũhare.

Esmirna c̄jẽnare Jesu yequinare ojoa oho basa dutiahye Ñure

⁸ 'Esmirna c̄jẽna yeequinare, tiquina p̄htoro gũhare ohõ saha ni ojoa oho basaya m̄h̄u: "Yuh̄u ijipihtiyere bajumehnedigũ ijiaja. Sa yegũ ijipihtiyere

pihtigũ yeac̄ju ijiaja. Yariaa wahau. Pari turi catiaja tja. Sa yegũ ohõ saha ni yahuaia m̄sare:

⁹ M̄sa ñano yuh̄d̄urire masiaja. Pejec̄uona m̄sa ijigũ gũhare masiaja. Sa ijiepenata Cohãc̄jũ yere quehnoañene pajiro c̄uore m̄sa. Apequina pehe 'Judio masa ijiaja', nimediquina ni mehonẽquina ijire. Tiquina m̄sare ñano quitĩ yerire masiaja. Tiquina Satana yequina ijire.

¹⁰ Yojoꝑure m̄sa ñano yuh̄d̄uatiire cueracãhña. T̄uhoya m̄sa. Watĩno m̄sare Cohãc̄jũre duhu dutiro ihquẽquina m̄sa mehna c̄jẽnare peresu ye dutirota. P̄ua omope decori waro ñano yuh̄d̄unata m̄sa. Tiquina sa ñano yegũ m̄sare tiquina sa wejẽ duepegũta yuhure, yee gũhare cohãedacãhña. M̄sa sa yuhure cohãedagũ ihñagu ijipihtiyere decori Cohãc̄jũ cahap̄u m̄sare sa ijiducugũ yeitja.

¹¹ Cahmo tina ijire m̄sa. Sa yena m̄sa ye cururi c̄jẽnare yeequinare Espĩritu Santo yahurire t̄hoya m̄sa. Ohõ saha nine tiquiĩro: 'Ijipihtiyequina Jesure wacũ tutua duhueyequina pecap̄u wahasi. Tiquina yariari bato pecap̄u wahasi', nine Espĩritu Santo", ni ojoa oho basaya Esmirna c̄jẽna yeequinare, tiquina p̄htoro gũhare.

Pérgamo c̄jẽnare Jesu yequinare ojoa oho basa dutiahye Ñure

12 'Pérgamo cjēna yeequinare, tiquina pūhtoro gūhure ohō saha ni ojoa oho basaya mūhū: “Yūhū ñoseni pji pūa peheri siori pjiñe cūogū ijiaja. Mūsare ohō saha ni yahutja:

13 Mūsa yerire, mūsa ya maca cjēna tiquina yeri gūhure masiaja. To cjēna pūhtoro Satana ijire. To cjēna Satanare ño peoyequina Antipare yeere quehnoano yahuriquire wejēdi. Tiquirore tiquina sa wejēgū ihñāepenata yūhure ne wacū tutua duhuerari mūsa.

14 Mūsa sa wacū tutua duhuerapenata mehenogā yūhure yūhdūdcari mūsa. Ihquēquina mūsa mehna cjēna Balāa ye buheyere cahmene. Panopū Balac wame tiriquire pūhtorore ohō saha ni buhee tiri Balāa pehe: ‘Israe masare yūhdūdcā duana “Cohācjū ijire”, mūsa niñe queoyere ño peo mūsa duhu peo ihyayere ihyā dutiya tiquinare. Sa yena numia mehna ñano yegū yeya tiquinare’, ni buhee tiri Balāa mūnāno. Panopū tiquiro yeriro saha yojopū gūhure ñano yegū yere ihquēquina mūsa mehna cjēna apequinare.

15 Sa ye tiquina yero saha apequina mūsa mehna cjēna Nicolaita wame tiyequina ye buheye pehere cahmene.

16 Sa yena mūsa ñañe yerire duhuya mūsa. Mūsa sa duhueragū ihñāgū sojaro mehna mūsa cahapū wahagū, sa ñano yeyequina mehna

cahmequitja yūhū dūseropū ijiri pji ñoseni pji mehna.

17 Cahmo tina ijire mūsa. Sa yena mūsa ye cururi cjēnare yeequinare Espiritu Santo tiquiro yahurire tūhoya mūsa. Ohō saha nine tiquiro: ‘Ijipihtiyequinare Jesure wacū tutua duhueyequinare maná wame tiye ihyayere ūhmūse cjē ihyayere ohoutja. Yehseye utā paca gūhure ohoutja tiquinare. Ti utā pacapūre wahma wamene yūhū ojoa ohōati utā paca ijirota. Apequina ti wamene ne masisi. Ti utā pacare neñequina dihita ti wamene masieta’, nine Espiritu Santo”, ni ojoa oho basaya Pérgamo cjēna yeequinare, tiquina pūhtoro gūhure.

Tiatira cjēnare Jesu yequinare ojoa oho basa dutiahye Ñure

18 Tiatira cjēna yeequinare, tiquina pūhtoro gūhure ohō saha ni ojoa oho basaya mūhū: “Yūhū Cohācjū macū yūhū caperi peca pohna yero saha asire. Sa ye yūhū dahpocāri bronce wame tiye come tiquina wahteri come yero saha asi sitere. Mūsare ohō saha ni yahuaaja.

19 Mūsa yerire masiaja yūhū. Cohācjūre, apequina gūhure mūsa cahīdire, yūhure mūsa cohāedarire, apequinare mūsa yedohorire, ñano yūhdūepenata yūhure mūsa duhuerarire masiaja. Coā waropū mūsa yeriro yūhdūoro yojopū pehere quehnoano ye nemona nine

musa. Ti gũhure masiaja yũhũ.

²⁰ Mũsa sa quehnoano yena ijiepenata ohõ saha yũhure yũhdũdũcari musa: Jezabe wame tiricoro 'Cohãcjũ yere yahugo ijiaja', ni mehoricoro musare ticoro ñano buhegũ tũhona ticorore tuhtierari musa. Ni meho buhero yeequinare yũhũ cahacjẽnare numia mehna ñano yegũ yere. Sa yero 'Cohãcjũ ijire', tiquina niñe queoyere apequina ño peo, tiquina duhu peoe tiri ihyayere. Ti ihyayere yeequinare ihya dutire ticoro.

²¹ Ticoro ñañene bujua witiatire cohtenimi. Yũhũ sa cohtepegãta umua mehna ticoro ñano yeyere duhu duerari.

²² Yũhure tũhoya musa. Ticorore dohatigũ yeitja. Ticoro mehna ñano yeriquina gũhure dohatigũ yeitja. Sa ye tiquina tutuaro ñano yũhdũeta. Sata yeitja tiquinare ticoro mehna tiquina ñano yerire tiquina bujua witieregũ, tire tiquina duhueragũ.

²³ Sa yegũ ticoro pohnene wejẽitja. Yũhũ sa yegũ ihñañe ijipihtiyequina yeequina yũhũ quehnoano masigũ ijigũ masieta. Masa tũhotuyere tiquina tutuaro cahmeñe gũhure masiaja. Yũhũ sa masiñene masieta tiquina ticorore yũhũ buhiri dahregũ ihñañe. Ijipihina musa ñañene yeri buhirire buhiri dahreitja musare. Sa yegũ musa quehnoañene yeri

wapa pehere quehnoano yeitja musare.

²⁴ Apequina musa mehna cjẽna Tiatira cjẽna ticoro ye buheyere cahmedari. Mũsa pehe Satana ye buheyere 'Panopũ tiquiro yahuerari jiri', tiquina niñe buheyere cahmedari musa. Sa yegũ musa pehere duti nemosi yũhũ.

²⁵ Ahri dihitare ye duti nemoutja musare: Mũsa cahapũ yũhũ tojoa tato pano yũhũ buheyere musa masidire ne mehenogã duhueracãhña.

²⁶⁻²⁷ Ijipihtiyequina ñañene duhuyequinare, yeere sa yeducuyequinare pũhtoa sõtja. Yũhũ Pacũ yũhure tiquiro pũhthora sõriro sahata musa gũhure pũhtoa sõtja. Ijipihtiye yehpari cjẽna bui pũhtoa sõtja musare. Sa pũhtoa sajãna, musa docapũ ijieyquinare ijipihtiye yehpari cjẽnare tutuaro dutinata musa. Dihi suturire mari yucũgũ mehna pohagũ duita wahtiro saha tiquina duita pihtia wahaeta.

²⁸ Sa yegũ musare yeere ne duhuyequinare ñahpicoha bohrea mũja tariare ohoutja musare. Sa yegũ musa mehna ijitja yũhũ.

²⁹ Cahmo tina ijire musa. Sa yena musa ye cururi cjẽnare yeequinare Espiritu Santo tiquiro yahurire tũhoya musa", ni ojoa oho basaya Tiatira cjẽna yeequinare, tiquina pũhthora gũhure.

3

*Sardis cjēnare Jesu
yequinare ojoa oho basa
dutihye Ñure*

¹ Sardis cjēna yeequinare, tiquina p̄htoro gūhare ohō saha ni ojoa oho basaya m̄h̄h̄: “Ȳh̄h̄ siete paḡu bajueyequinare Cohācjū yequinare c̄uoḡu ijiaja. Sa yeḡu siete ñahpicoha pacare c̄uoḡu ijiaja. M̄sare ohō saha ni yahuaja:

M̄sa yerire masiaja. Ohō saha ni t̄hotumene apeq̄uina m̄sare: ‘Tiquina Cohācjū yere quehnoano ye pehoyequina ijire’, ni t̄hotumene m̄sare apeq̄uina. Tiquina sa ni t̄hotuepeḡta Cohācjū yere quehnoano yerare m̄sa.

² Sa yena quehnoano yeya m̄sa ‘Ñañene yeari’, nina. Cohācjū yere m̄sa masidire quehnoano wacūña, ‘Tiquiro yere duhuari’, nina. Cohācjū ihñaḡu quehnoano ye pehorare m̄sa.

³ Sa yena yeere m̄sa t̄ho m̄htarire quehnoano wacūña m̄sa. Sa wacūña yeere yeya. M̄sa ñañe yerire duhuya. Ȳh̄h̄ nino saha m̄sa yeraḡu wacūeno mehna m̄sare buhiri dahreitja. Yaqueriquiro wacūeno mehna tiquiro yaquero sajāriro saha m̄sare wacūeno mehna buhiri dahreitja.

⁴ Ihquēquina m̄sa mehna cjēna Sardis cjēna ñañene yeducerare. Wete marieni suhtirore m̄sa sañaboriro saha ti ñañe yeyere piha duerare m̄sa. Sa quehnoana

ijina, yehseri suhtiro sañana ȳh̄h̄ mehna ijinata m̄sa pehe.

⁵ Ijipihtiyequina yeere duhuyequina sata yehseye suhti sañaducuyequina ijietta. Sa yeere ȳh̄h̄ mehna sa ijiducuatiquina wamene tiquiro ojoa ohōri t̄jup̄u tiquina gūh̄u tiquina wamene ojoa ohōnohriquina ijietta. Tiquina wamene tiquiro ojoa ohōrire cosesi ȳh̄h̄. Ȳh̄h̄ Pac̄u ihñonop̄u, angele gūh̄u tiquina ihñonop̄u yeequina m̄sa ijirire yahutja tiquinare.

⁶ Cahmo tina ijire m̄sa. Sa yena m̄sa ye cururi cjēnare yeequinare Esp̄ritu Santo tiquiro yahurire t̄hoya m̄sa”, ni ojoa oho basaya Sardis cjēna yeequinare, tiquina p̄htoro gūhare.

*Filadelfia cjēnare Jesu
yequinare ojoa oho basa
dutihye Ñure*

⁷ ‘Filadelfia cjēna yeequinare, tiquina p̄htoro gūhare ohō saha ni ojoa oho basaya m̄h̄h̄: “Ȳh̄h̄ ñañe marieḡu ijiaja. Poto yeḡu ijiaja. Davi m̄n̄ano panop̄u cjūno sawire tiquiro c̄uoboriro saha, masare tiquiro p̄htoro ijirop̄u tiquiro p̄oboriro saha yeitja ȳh̄h̄. Sa yeḡu Cohācjū tiquiro p̄htoro ijirop̄u sajātore ȳh̄h̄ p̄oḡu ne apeq̄uina tire biha masiedare. Ȳh̄h̄ bihaḡu ne apeq̄uina p̄o masiedare.

⁸ Ijipihtiyē m̄sa yeyere masiaja ȳh̄h̄. Wacū tutuera cjūna ijiepenata ȳh̄h̄

buheyere quehnoano t̄hori m̄sa. Sa yena ȳh̄ure, yee ḡh̄ure duhuerari m̄sa. Sa yeḡu yeere c̄u m̄sare. Sa ye apeq̄uina ‘Tire yerac̄h̄ña’, ni cahmota masiedare m̄sare.

⁹ Sa yeḡu oh̄o saha yeitja: Apeq̄uina m̄sa caha ijiyequin̄a Satana yequin̄a ijire. ‘Judio masa ijiaja’, niepeta judio masa waro ijierare. Tiquinare m̄sa caha d̄usepe curi mehna quehe sa, m̄sare ño peoḡu yeitja tiquinare. Ȳh̄u sa yeḡu ih̄ñañe m̄sare ȳh̄u cah̄ñene masieta tiquina.

¹⁰ M̄sare yeere ȳh̄u duhu dutieraḡu t̄hona quehnoano ȳhtiri m̄sa. M̄sa sa yeḡu ih̄ñaḡu ahri yehpa c̄j̄ena ijipihtiyequina tiquina ñano ȳhd̄uati pje ijiḡu m̄sare cahmotat̄ja. Ti pje ijipihtiyequina tiquina ñano ȳhd̄uati pje ijirota.

¹¹ Mehenoḡa d̄hsare ahri yehpap̄u ȳh̄u tojoa tato. Yeere m̄sa masidire boerac̄h̄ña. Sa yena ȳh̄ure sa ȳhtiducuya, m̄sa quehnoano yeri wapare ‘Boari’, nina.

¹² Sa yeḡu yeere sa yeducyeyequinare ȳh̄u Pac̄u ya w̄h̄u c̄j̄ena ijiatiquinare c̄t̄ja tiquinare. Tiquiro ya w̄h̄u c̄j̄e botari ti yoari pje ijiducuro saha Coh̄ac̄j̄u mehna ijiducuḡu yeitja tiquinare. Sa ye tiquina mehna c̄j̄ena sa ijiducuenta. Sa yeḡu Coh̄ac̄j̄u w̄h̄u c̄j̄e botarip̄u ȳh̄u ojoa oh̄ono saha tiquinare tiquina paḡurip̄u oh̄o saha ni ojoa oh̄outja: Coh̄ac̄j̄u ȳh̄u Pac̄u

wamene, tiquiro ya maca wame ḡh̄ure ojoa oh̄outja. Tiquiro ya maca wahma maca Jerusal̄e ijirota. Ti maca h̄hm̄sep̄u Coh̄ac̄j̄u cahap̄u ahtari maca ijirota. Ȳh̄u wahma wame c̄houtja. Ti wame ḡh̄ure ojoa oh̄outja tiquina paḡurip̄u.

¹³ Cahmo tina ijire m̄sa. Sa yena m̄sa ye cururi c̄j̄enare yeequinare Esp̄ritu Santo yahurire t̄hoya m̄sa”, ni ojoa oho basaya Filadelfia c̄j̄ena yeequinare, tiquina p̄htoro ḡh̄ure.

Laodicea c̄j̄enare Jesu yequinare ojoa oho basa dutiah̄ye Ñure

¹⁴ ‘Laodicea c̄j̄ena yeequinare, tiquina p̄htoro ḡh̄ure oh̄o saha ni ojoa oho basaya m̄h̄u: “Ȳh̄u poto yeḡu ijiaja. Sa yeḡu ni mehono marieno ȳh̄u ih̄ñarire, ȳh̄u t̄horire sa yahuducuḡu ijiaja. Ijipihtiyere mari Pac̄u tiquiro yerire ye basaḡu ijiaja ȳh̄u.

¹⁵ Ijipihtiyere m̄sa yerire masiaja ȳh̄u. Ȳh̄ure wac̄u tutuana ijiepenata mehenoḡa wac̄u tutuana ijire m̄sa. Oh̄o saha ijire ti: Aco ȳs̄ueye aco as̄u mehna asi busuye aco yero saha ijire m̄sa. Sata ijiye acore mari coaero saha ȳh̄ure wac̄u tutuera c̄j̄una m̄sa ijiḡu ȳh̄u ḡh̄u m̄sare coaeraja. Ȳh̄ure m̄sa quehnoano wac̄u tutuaḡu quehnoaboaga ȳh̄ure. Ȳh̄ure m̄sa wac̄u tutueraḡu ñar̄iboaga ȳh̄ure.

Ti yuhduoro mehenogã wacũ tuana m̄sa ijigũ ña yuhduare.

¹⁶ M̄sa sa ijigũ ihñagu yabi yuhduaja yuhũ. Ñañe acore yuhũ sihco puti cohãno saha yuhũre mehenogã wacũ tutuayequinare yabi yuhduaja yuhũ.

¹⁷ Sa yena ohõ saha ni tuhutumene m̄sa: 'Ijipihtiyere c̄hoaja. Ne yabe d̄hsaerare marine', ni tuhutumene m̄sa. Sa niepenata pejec̄oyequina yero saha ijire m̄sa. Sa yena suhti marieñequina b̄ue tiro saha Cohãcjũ ihñonop̄m̄ m̄sa ñañe yerire b̄ue tiana ijire m̄sa. Sa yena caperi bajueyequina tiquina ihña duayere tiquina masieno saha Cohãcjũ yere ne masiedare m̄sa.

¹⁸ M̄sa sa yena ijigũ ihñagu ohõ saha ni yahutja m̄sare: Uru warore m̄sa dúro saha quehnoañene yuhũ c̄oyere neña m̄sa. M̄sare yuhũre wacũ tutuagũ yeitja. Sa yena potota Cohãcjũ ye mehna pajiro c̄onata. Sa yena yehseri suhtirore m̄sa dú m̄sa sañano saha yuhũ dii cohãri mehna yuhũ yariari mehna m̄sa ñañe yerire cosenohrina ijiya. Sa yena quehnoañe suhti sañañequina tiquina b̄ue tiero saha m̄sa ñañene cosenohrina ijina ne b̄ue tisi m̄sa gũhũ. Sa yena m̄sa caperire m̄sa aco tiri bato quehnoano m̄sare caperi bajuro saha Cohãcjũ yere quehnoano tuhoya, m̄sa masino quehnoano.

¹⁹ Ijipihtiyequina yuhũ cahñequinare yahuaja. Sa

yegu yuhũ cahñequina tiquina ijigũ ihñagu, tiquina yuh̄tieragũ tiquinare buhiri dahreaja, tiquinare yedohogũ tuhũ. Sa yena yee pehere tutuaro cahmeña. Sa yena ñañene duhuya.

²⁰ Tuhoya yuhũre. M̄sa wuhũre bihari wuhũre yuhũ esaduca yuhũ sajã duaboriro saha m̄sa mehna cjũ iji duagu niaja. Yuhũ sa ye duagũ tuhona yuhũre m̄sa mehna iji dutiya. Yeequina ijiya. M̄sa sa ye dutigũ m̄sa mehna ijiitja. Sa yegu mari siho ihyaro saha m̄sa mehna quehnoano ijiitja. Sa yena yuhũ mehna cjãna ijinata m̄sa.

²¹ Ñañene yuhũ cohãri bato yuhũ Pacu p̄h̄toro tiquiro dujiro cahap̄m̄ dujiaja yuhũ gũhũ dutigu tuhũ. Sata m̄sa gũhũ ñañene m̄sa duhuri bato yuhũ p̄h̄toro dujiro cahap̄m̄ dujinata m̄sa dutina tana. M̄sare yuhũ cahap̄m̄ dujigũ yeitja.

²² Cahmo tina ijire m̄sa. Sa yena m̄sa ye cururi cj̄enare yeequinare Esp̄ritu Santo tiquiro yahurire tuhoya m̄sa", ni ojoa oho basaya Laodicea cj̄ena yeequinare, tiquina p̄h̄toro gũhũre, nidi yuhũre ojoa dutiriquiro.

4

Ҫһм̄сеп̄м̄ Cohãcjũ cahap̄m̄ d̄usepe curi mehna quehe sa tiquina ño peoyere ihñahye Ñu

¹ Yuhũre tiquiro sa ni yahuri bato Ҫһм̄сеп̄м̄ p̄oori sopecahare ihñam̄. Parĩ turi

corneta tutuaro bisiro saha tutuaro yahuducuye bisiro ca tari, yuhū tūhogū. Ohō saha nidi yuhū tūhogū.

—Ohōpū mąja taya. Ahri yuhū yahuati camepūre sijoro saha waharota. Sa wahatire mūhure ihñoutja. Yuhū nidiro sahata waharota, nino ca tari ūhmūsepū.

2 Tiquiro sa ni yahugāta topū mąja esagū Espiritu Santo tutuaye mehna ihñagu nii. Sa yegū pūhtoro dujirore ūhmūsepū ihñau. Topū ihcāquiro dujiri.

3 Sa yero quehnoano asi siteriquiro dujiri. Jaspe wame tiri utā yero saha, cornalina wame tiri utā yero saha quehnoano asi siteriquiro dujiri tiquiro. Sa yero buheni da esmeralda yero saha asi siteri da docapū dujiri tiquiro.

4 Sa yero tiquiro dujiro cahapū veinticuatro dujiyere ihñau. Ti dujiye pūhtoa ye dujiye yuhū ihñā mūhtariquirore duji behtoari. Ti dujiyepū veinticuatro Jesu yequina pūhtoa dujiri. Yehseye suhti sañañequina ijiri. Sa ye pūhtoa pesaye behtori uru behtorire pesariquina ijiri tiquina.

5 Yuhū ihñā mūhtariquiro dujiropū miadoqueori. Sa yero sijoro saha ijiro bisiro ca tari. Upo gūhū bisiro ca tari. Ti dujiro poto siete sihāñe paca ijiri. Siete sihāñe paca mehna tiquiro queoye mehna buhegū Cohācjū

yequina siete pagū bajueyequina ijiri.

6 Sa yero tiquiro dujiro poto pajiri ma yero saha vidrio yero saha, quehnoano aco sitiri ma yero saha ijiri.

Ti dujiro cahapū pititiaro sijoro saha bajuequina ijiri. Tiquina pagūri paa pehe gūhure tiquina behero pehe pehe gūhure peye caperi tiyequina ijiri tiquina.

7 Yuhū ihñā mūhtariquiro sijoro saha bajuriquiro yairo sohāriquiro yero saha bajuri. Tiquiro bato ijiriquiro wecū yero saha bajuri. Tiquina bato ijiriquiro masano wūhdoa saha wūhdoa tiriquiro ijiri. Tiquina ihtiaro bato ijiriquiro cacū wūye dūpūrire seō dujiriquiro yero saha bajuri.

8 Tiquiro seis dūpūri wūye dūpūri tiriquiro ijiri. Tiquiro mehna cjēna gūhū sa dihita wūye dūpūri tiri. Sa ye tiquina wūye dūpūri pūa peheripūta peye caperi tiye dūpūri ijiri. Sa ye decoripe, flaminipe sa basaducuye nidi. Ne basa duhuerari. Ohō saha ni basari:

Quehnoariquiro, quehnoariquiro, quehnoariquiro,
Cohācjū mari pūhtoro tutua yūhdūriquiro ijire. Tiquiro panopūta sa ijiducuahye. Yojopū gūhure sa ijiducure. Camepū ahtarota, ni basaducuye nidi.

9 Sa basaye tiquina pititiaro sijoro saha bajuequina tiquiro tutuayere basa peoye

nidi. Sa ye tiquirore ijipihitiye decori ijiducuriquirore ño peoye “Quehnoare”, niñe nidi.

¹⁰ Tiquina sa ye peogã ihñañe veinticuatro Jesu yequina pãtoa pehe pãthoro dujiropã dujiriquiro potodãsepe curi mehna quehe sa, tiquirore ño peori. Tiquiro ijipihitiye decori ijiducuriquiro ijire. Sa ño peoye tiquina pãtoa pesaye behtorire tiquiro dujiro caha doque peori. Sa doque peoye ohõ saha nidi tiquina:

¹¹ Mũhũ Cohãcjũ usã pãtho waro ijire. Tutuagũ, quehnoagũ ijire mãhũ. Mũhũ usã ño peogãta ijigũ nine. Mũhũre sa ño peoducuro cahmene usãre. Ijipihitiyere bajumehnedigũ ijire mãhũ. Mũhũ cahmediro sahata ti ijipihitiyere bajumehneahye mãhũ, nidi tiquina Cohãcjũre, topã dujiriquirore.

5

Ojoari pũre torẽdi tunure cordero gãhũre yahuahye Ñu

¹ Came topã dujiriquiro tiquiro omoca potopehe tiquiro cãori pũre ojoari pũre ihñaũ. Ti pũ pãa peheri ojoari pũ tiquiro torẽdi tunu ijiri. Sa yero siete piha ñeheñe mehna tiquiro piha ñehedi tunu ijiri.

² Sa yegũ tutuariquiro angelre ihñaũ. Tiquiro tutuaro yahuducuye mehna ohõ saha ni yahuri:

—Ahri tunure piha ñeheñene quehnoariquiro dihita tãhrẽ masine. ¿Diquiro pehe ijajari tãhrẽatiquiro? nidi tiquiro angel.

³ Sa nieperota tiquina ti tunure tãhrẽatiquirore bocaerari. Ti tunure tãhrẽatiquirore, quehnoariquirore bocaerari. Æhmũsepũ, ahri yehpãpũ, catiyequina watoapũ, yaria tuhasariquina watoapũ ne ti tunure ñeheñene tãhrẽatiquiro mariedari. Sa yero ti tunure buheatiquiro mariedari.

⁴ Sa yegũ tãhrẽatiquirore, ti pũre buheatiquirore tiquina bocaeragũ ihñaagũ tutuaro utii yũhũ.

⁵ Yũhũ sa utigũ ihñano ihcãquiro Jesu yequina pãtoa mehna cjãno ohõ saha nidi yãhũre:

—Utieracãhña. Ti tunure ñeheñene ihcãquiro tãhrẽ masine. Tiquiro Judã ya curua cjãno tutuariquiro ijire. Tutuariquiro ijiro “Yairo sohãriquiro”, tiquina ni pisuriquiro ijire. Tiquiro pãthoro Davi panamino ijituriariquiro ijire. Watĩnore yãhdũdũcariquiro ijire tiquiro. Sa yero tiquiro ti tunure siete ñeheñene tãhrẽ masidiquiro ijire, nidi tiquiro yãhũre.

⁶ Tiquiro sa nigũ tãhogũ pãthoro dujiro potocordero ducugũ ihñaũ. Pititiaro sijoro saha bajuyequina, Jesu yequina pãtoa gãhũ tiquina watoa ducuri cordero. Tiquiro tiquina wejẽdiquiro mãnano saha bajuri. Siete

sahari tiriquiro, siete caperi tiriquiro ijiri. Ti siete caperi mehna tiquiro queoye mehna buhegũ Cohãcjũ yequina pagũ bajueyequina siete bajueyequina yero saha ijire. Tiquina tiquiro yequina pagũ bajueyequina ijipih tiro ahri yehpapũ Cohãcjũ ohoriquina ijiri.

7 Sa yero cordero pehe puhtoro dujiro cahapũ esaro, tiquiro pototo pehe cuori tunure tãã we nedi tiquirore.

8 Tiquiro sa tãã we negũ ihñañe cuatro sijoro bajueyequina, veinticuatro puhtoã gãhũ cordero pototo dusepe curi mehna quehe sa, tiquirore ño peori. Tiquina puhtoã ijipihtiyequina arpa wame tiye bũã patẽñene, uru pari gãhũre cuori. Ti pari bueye ehme sitiye quehnoano wahpaye pose tiye pari ijiri. Ti ehme sitiye mehna tiquiro queoye mehna buhegũ Cohãcjũ yequina tiquirore tiquina sini basari yero saha ijiri.

9-10 Sa tiquirore ño peoye ohõ saha ni wahma basayere tiquina basa peori tiquirore:

Mũhũ tiquina wejẽdigũ ijire. Sa yegũ mũhũ dii cohãri mehna usã ñaña yerire coseri mũhũ Cohãcjũ yequina usãre iji dutigũ. Sa yegũ usãre ijipihtiye cururi cjãnare, ijipih tiye yahuducuyere yahuducunare, ijipih tiye yehpari cjãnare usãpe usãre ijipihtinare mũhũre cahmena

dihitare usã ñaña yerire mũhũ dii cohãri mehna cosere mũhũ Cohãcjũ yequina usãre iji dutigũ. Usãre ijipihtinare Cohãcjũ yequina ijiatinare cãri mũhũ. Sa yegũ pahia cãri mũhũ usãre Cohãcjũ cahacjãna usãre iji dutigũ. Sa yegũ peye yehpari cjẽna bui puhtoã sõri mũhũ usãre. Sa yerigũ ijigũ mũhũ ti tunure piha ñeheñene tãhrẽacjũ ijire mũhũ, ni basa peori tiquina corderore.

11 Pari turi ihñagũ millones angele parire ihñãũ. Puhtoro dujirore pititiaro sijoro saha bajueyequinare, veinticuatro puhtoãre angele pehe tiquinare wahme dũca sari. Tiquina angele pari tutuaro tiquina sañuducu peogũ ihñãũ.

12 Ohõ saha ni tutuaro yahuducu peori tiquina:

Cordero tiquina wejẽdigũ mũhũ ijipihtiyequinare dutigũ, ijipih tiyere cuogũ, masi pehogũ, tutua yãhdũgũ ijire mũhũ. Masa tiquina ñaña buhiri tiquina wejẽdigũ mũhũ ijigũ ihñana sa ni ño peoaja mũhũre. "Quehnoa yãhdũgũ ijire", ninatja mũhũre. Mũhũre quehnoano yahuducunatja, ni yahuducu peori angele pari.

13 Sa yegũ apequina gãhũre

tiquina yahuducu peoye ca tagū tūhou. Ijipihtiye-quina aħmāse cĵēna, ahri yehpa cĵēna, catiyequina, yariariquina gūh, pajiri ma cĵēna, ijipihitropu ijiyequina ohō saha ni yahuducu peoye ca tari:

Cohācĵāre mūh dujiropu dujigare, Cordero gūhare mūsare pūanare quehnoano yahuducunatja. Mūsare ño peonatja. “Quehnoa yūhdūna ijire. Tutua yūhdūna ijire”, nina, ijipihtiye decori sa niducunatja mūsare, ni yahuducu peoye ca tari.

¹⁴ Sa ye tiquina pititiaro sijoro saha bajuyequina tiquina sa yahuducu peogū tūhoye “Sata ni yahuducu peoahro”, nidi. Sa ye Jesu yequina pūhtoa pehe dūsepe curi mehna quehe sa Cohācĵāre, Cordero gūhare ño peori.

6

Papera tunure tiquiro nedi tunure piha ñehēñene tūhrēne Cordero

¹ Came papera tunure tiquiro nedi tunure Cordero piha ñehē māhtarirore tūhrēdi. Tiquiro sa tūhrēgū ihñau. Tiquiro sa tūhrēdi bato ihcāquiro sijoro saha bajuyequina mehna cĵāno, “Ihñana ahtaya”, nidi. Sa nino upo yero saha bisiri tiquiro.

² Tiquiro sa nidi bato ihñau yūh. Yehseriquiro caballore ihñau. Tiquiro bui

pesariquiro būedare cūori. Tiquirore pūhtoro pesari behtore ohori apequiro pehe. Tiquiro sa ohori bato tiquiro pehe tiquirore ihñana tuhtiyequinare yūhdūncaro wahari.

³ Came ihcāno ñehenore tūhrē tuhasa Cordero apero ñehenore tūhrēdi tja. Tiquiro sa tūhrēdi bato apequiro sijoro saha bajuyequina mehna cĵāno “Ihñana ahtaya”, tiquiro nigū tūhou tja.

⁴ Sa yegu apequiro caballore sohāriquirore ihñau tja. Tiquiro bui pesariquirore tutuayere ohori apequiro pehe. Ahri yehpa cĵēnare cahme wejē dutiatiquirore cūri tiquirore. Sa ye ijipihitiro cĵēna cahme wejēeta ahri yehpapu. Sa yero pajiri pĵi ñoseni pĵine ohori tiquirore.

⁵ Came pūarore tūhrē tuhasa Cordero apero ñehenore tūhrēdi tja. Tiquiro sa yegū pūaro tiquina yahuducuri bato apequiro sijoro saha bajuyequina mehna cĵāno “Ihñana ahtaya”, tiquiro nigū tūhou.

Tiquiro sa nidi bato ñiniquiro caballore ihñau. Tiquiro bui pesariquiro balanza nūcūñe queorore cūori.

⁶ Tiquirore yūh ihñari bato sijoro saha bajuyequina watoapu ohō saha bisiro ca tari:

—Ihcā deco dahrari wapa mehna trigore ihcā kilota dūeta masa. Ihcā deco dahrari wapa mehna cebada wame tiye pjerire ihtia kilota dūeta masa.

Trigo, cebada gũhu pihtia waharota. Sa ye ti wapa bujninota. Sa ijiepegũta ihyaye dahreye ahse, vino gũhu peye ijininota, nino ca tari.

⁷ Came ihtiarore tãhrẽ tuhasa Cordero apero ñehenore tãhrẽdi tja. Tiquiro sa tãhrẽdi bato apequiro sijoro saha bajuyequina mehna cjãno iji bato tiriqiuo "Ihñana ahtaya", nidi tja.

⁸ Tiquiro sa nigũ tuhogu opoariquiro caballore ihñau. Tiquiro bui pesariquiro "Yariagũ yeriquiro", wame tiri. Sa yero tiquiro bato ahtariquiro "Peca", wame tiri. Sa yero tiquinare tutuayere ohori apequiro pehe. Ahri yehpapure deco mehna ijiyequina docapũ peyequina masare wejẽ dutiri. Cahme wejẽne mehna, ahũa ahbaye mehna, dohatiye mehna, wahiquina nũcũri cjẽna usuayequina mehna peyequina masare tiquina wejẽatire cũri tiquinare.

⁹ Came pititiaro ñehedire tãhrẽ tuhasa Cordero apero ñehenore tãhrẽdi tja. Tiquiro sa tãhrẽgũ altar docapũ Jesu yequinare tiquina wejẽdiquina jeripohnarine ihñau. Cohãcjũ yere tiquina yahuri buhiri, "Jesu yequina ijiaja", tiquina ni yahuri buhiri tiquinare wejẽdi jiri.

¹⁰ Tiquina sañuducuye ohõ saha nidi Cohãcjũre:

—Mũhu usã pũhto, ñaũe mariegũ, ni mehoũe mariegũ, mũhu nidiro sahata yegũ ijire mũhu. ¿Ahri yehpa

cjẽnare, usãre wejẽdiquinare dũhse ijigũ buhiri dahreitjari mũhu? ni sañuducuri tiquina.

¹¹ Sa yero tiquinare yehseye suhti yoaye suhtire ohori. Tiquinare sa ohoro ohõ saha nidi tiquinare:

—Sorĩña. Apequina mũsa acaye Jesu yequina mũsa yeriro sahata yojopũ gũhũre quehnoañe buheyere buheniũe nine. Mũsare tiquina wejẽdiro sahata tiquina gũhũre tiquina wejẽ pehoato dũhsarĩne. Sa yena tiquinare ijipihtiyequinare tiquina wejẽato pano mehenogã sorĩña mũsa, nidi tiquinare.

¹² Came ihcã omope ñehedire tãhrẽ tuhasa Cordero apero ñehenore tãhrẽdi tja. Tore tiquiro sa tãhrẽgũta tutuaro yehpa ñuhmidi. Sa yero asũ deco cjãno ñiniquiro wahari. Ñini suhtiro yero saha ñiniquiro wahari. Sa yero asũ ñami cjãno dii yero saha sohãriquiro wahari.

¹³ Sa ye ñahpicoha paca yehpapũ bora dijiaa wahari. Yucũ dũca yahsayere wihnono wẽ bure dijioro saha ñahpicoha paca bora dijiaa wahari.

¹⁴ Sa yero ahmũse butia wahari. Papera tunure mari torẽgũ bajuero saha bajuerari ahmũse. Sa ye ijipihtiye cũhu cjũ gũhu, nũcũpo gũhu ape sierũ esadũcari.

¹⁵ Sa wahagũ ihñañe, ahri yehpa cjẽna pũhto cũhu cjũ cjẽ utã wũhũserũ duhtiri. Apequina pũhto, surara

pũhtoa, doeri cjẽ opana, tu-tuayequina, ijipihtiyequina tiquina cahacjẽna, cahacjẽna ijieyequina gũhũ topũta duhtimedi.

¹⁶ Sa duhtiyẽ, canũ cjũre, utã wũhũse gũhũre ohõ saha nidi:

—Usã bui bora pjeya. Usãre nũoña. Siquiro pũhtorore, dujiropũ dujiriquireore cue yũhdũaja. Cordero usãre ñano buhiri dahrerota. Sa yena nũoña usãre.

¹⁷ Ijipihtiyequinare tutuaro buhiri dahreati deco iji tuhasare. Sa ye ti buhiri dahreatire ne ihcãquiro duhtiriquireo ihcãno sahasi, nidi tiquina ijipihtiyequina.

7

Israe masa pagũrire Cohãcjũ tiquiro wame ña ohõatire yahuahye Ñũ

¹ Came pititiaro angelere ihñau. Tiquina ijipihitropũ wahari. Ihcãquiro nortepũ waharo topũ ahtari wi-hnonore ahtaeragũ yeri. Apequiro surpũ, apequiro asũ mũja taropũ, apequiro asũ sajãnopũ wahaye, nortepũ wahariquireo yero saha yeri tiquina gũhũ. Sa yero ahri yehparũ, pajiri mapũ gũhũre ne wiñnono ahtaerari. Ne ihcãdũ yucũgũre wiñnono ñuhmigũ yerari.

² Sa yegũ apequiro angelre ihñau tja. Asũ mũja taropũ ahtaro nidi tiquiro. Cohãcjũ catiriquireo tiquiro wame ña ohõnore ne cãhtaro nidi tiquiro. Sa ne cãhtaro apequina pititiaro angelere

tiquiro sañuducuri. Tiquina angele pehe ahri yehpare, pajiri ma gũhũre Cohãcjũ tiquiro ñano wahagũ ye dutinohriquinapũ ijiri.

³ Tiquinare sañuducuro ohõ saha nidi angel:

—Cohteniña. Cohãcjũ cahacjẽna tiquina wãhdoa pacare tiquiro wamene ohõna tana niaja. Usã sa ohõato pano ahri yehpare, pajiri mare, yucũri gũhũre ñano wahagũ yeracãhña mũsa, nidi tiquiro apequina pititiaro angelere.

⁴ Sa yero Cohãcjũ tiquiro wame mehna tiquina wãhdoa pacare tiquina ohõatiquinare “Ohõpequina ijire”, ni yahuri yãhũre ihcãquiro. Israe masa doce cururi cjẽna ciento cuarenta y cuatro mil masa tiquina ohõatiquina ijiñõhti.

⁵ Ahriquina ijiñõhti tiquina ohõatiquina: Doce mil masa Judá panamena iji turi-ayequina tiquina ohõatiquina ijiri. Apequina doce mil masa Rubẽ panamena iji turi-ayequina tiquina ohõatiquina ijiri. Apequina doce mil masa Gad panamena iji turi-ayequina tiquina ohõatiquina ijiri.

⁶ Apequina doce mil masa Aser panamena iji turi-ayequina, apequina doce mil masa Neftalí panamena iji turiayequina, apequina doce mil masa Manase panamena iji turiayequina tiquina ohõatiquina ijiri.

⁷ Apequina doce mil masa

Simeo panamena iji turi-
ayequina, apequna doce
mil masa Leví panamena iji
turiayequina, apequna doce
mil masa Isacár panamena
iji turiayequina tiquina
ohōatiquina ijiri.

⁸ Apequna doce mil masa
Zabulón panamena iji turi-
ayequina, apequna doce
mil masa José panamena
iji turiayequina, apequna
doce mil masa Benjami
panamena iji turiayequina
tiquina ohōatiquina ijiri.
Topequinata ijipihtiyequina
masa ciento cuarenta y
cuatro mil tiquiwo wame
mehna tiquiwo ohōatiquina
ijiri.

*Peyequina yehseye suhti
sañañequinare yahuahye Ñu
marine*

⁹ Came peyequina masare
ihñau. Ijipihtiye yehpari
cjēnare, ijipihtiye cururi
cjēnare, ijipihtiye yahudu-
cuyere yahuducuyequinare,
ijipihtiye macari cjēnare
peyequinare Cristore cah-
meñequina dihitare topu
ducuyequinare ihñau.
Pūhtoro dujiwo poto, Cordero
caha ducuri tiquina masa.
Peyequina masa ijiri. Sa ye
queo pehoyequina ijierari.
Yehseye suhti sañañequina
ijiri tiquina. Sa ye iqui
pohnarine cāori.

¹⁰ Sa ye tiquina ijipihtiye-
quina ohō saha ni tutuaro
sañuducuri:

Cohācjū ijire usāre yāhdūoriquiwo. —Ahriquina ña yāhdūaro
Tiquiwo dujiropu yāhdūari deco ijigū ihcāno
dujiriquiwo ijire.

Cordero gūhu usāre
yāhdūoriquiwo ijire, ni
sañuducuri tiquina.

¹¹ Sa ye ijipihtiyequina
angele, Jesu yequina pūhtoa
gūhu, sijoro saha bajuye-
quina mehna pūhtoro du-
jiwo cahapu ducuri. Sa
ducuye tiquiwo dujiwo poto
dūsepe curi mehna quehe sa,
Cohācjūre ño peori.

¹² Ohō saha ni ño peori
tiquina:

Sa tjire. Cohācjū usā
pūhto, mūhure
quehnoano yahudu-
cujaja. Quehnoa
yāhdūagu ijire mūhu.
Masi pehogu ijire
mūhu. Mūhure
“Quehnoare”, niaja.
Mūhure ño peoja.
Tutua yāhdūagu ijire
mūhu. Mūhu tutuaye
mehna yerigu ijire
mūhu. Sa ijiducugu
ijire mūhu ijipihtiye
decori. Sa tjire, ni ño
peori tiquina.

¹³ Sa yero ihcāquiwo Jesu
yequina pūhtoa mehna cjāno
yāhure sinituri:

—¿Ahriquina yehseye suhti
sañañequinare masiajari
mūhu? ¿Tiquina ahtariroro
masiajari mūhu? ni sinituri
yāhure.

¹⁴ Tiquiwo sa nigū tūhogu,
—Masiedaja, ni yāhtii.

—¿Noa ijiajari tiquina? ni
sinituu tiquiwo.

Yāhu sa nigū tūhoro ohō
saha nidi yāhure:

Yāhu sa nigū tūhoro ohō saha nidi yāhure:
Yāhu sa nigū tūhoro ohō saha nidi yāhure:
Yāhu sa nigū tūhoro ohō saha nidi yāhure:
Yāhu sa nigū tūhoro ohō saha nidi yāhure:

suhti cosenohriquina tiquina ijiro saha Cordero tiquiore dii cohãno mehna tiquina ñañene cosenohriquina ijire. Sa ye quehnoano yehseye suhti sañañequina ijire.

¹⁵ Sa tiquiore cosenohriquina ijiye Cohãcjũ dujiro poto tiquiore sa ño peoducure. Decoripe, ñaminipe tiquiore sa ño peoducure, pahia Cohãcjũ wuhapũ tiquina yeriro saha. Sa yero tiquina mehna sa ijiducuro, tiquinare yedohorota Cohãcjũ “Sijoro saha wahari”, nino.

¹⁶ Ne pari turi ujua ahbasi tiquina. Sa ye ne aco wãosi tiquina. Ne asũ deco cjãno asiye tiquina asiye posi. Tutuaro asiye tiquinare ñano yuhdugũ yesi.

¹⁷ Pãhoro dujiro poto ducuriquiore Cordero tiquinare ihña ihborota. Ovejare ihña ihboriquiro yero saha tiquinare ihña ihborota. Sa yero mári pohteripũ catigũ yeye mári pohteripũ tiquinare umũ tã cãnota, ovejare ihña ihboriquiro tiquiore umũ tã cãno saha. Sa yero sa bucueducugũ yerota tiquinare. Sa ye ne pari turi utisi tiquina, nidi Jesu yequina pãhota mehna cjãno yuhure.

8

Seis papera tunurine tiquina piha ñehedire tãhrẽ tuhasaro aperore tãhrẽahye tja Cordero

¹ Seis papera tunurine tiquina piha ñehedire tãhrẽ tuhasaro aperore tãhrẽdi tja Cordero. Tiquiore sa tãhrẽ tuhasagũ hora deco topũ umũsepũ quehnoano dihta mariaa wahari.

² Sa yegũ siete angelere Cohãcjũ poto ducuyequinare ihña. Sa yero tiquinare siete cornetarire ohori apequiore.

³ Apequiore angel uru pare bueye ehme sitiye pose yeati pare cãoriquiro altar cahapũ esa, ducuri. Topũ tiquiore ducugũ peye ehme sitiye tiquiore ohori ijipihtiyequina Cohãcjũ yequina tiquiore tiquina sinidi mehna moreatire. Sa yero uru altarpũ Cohãcjũ dujiro caha ijiri altarpũ ti ehme sitiye bueri Cohãcjãre.

⁴ Sa ye angel tiquiore cãori pa cjẽ ehme sitiye altarpũ tiquiore poho siteri bato ti ehme sitiye cjẽ ohmeo Cohãcjũ yequina tiquiore tiquina sinidi mehna mũjaa wahari.

⁵ Sa wahari bato altar cjẽ nitine ti papũ wehe sãa tuhasa, yehpapũ doque cãri. Tiquiore sa doque cãgãta mia sitedoqueo, tutuaro upo pari. Sa yero sijoro saha ijiro bisi maa, yehpa ñuhmi maari.

Cornetarire yahuahye Ñu

⁶ Came siete angele tiquinape tiquina cornetarire putie tee nidi.

⁷ Ihcãquiore angel tiquiore yariare puti mãtari. Tiquiore sa putigũ aco paca yusãaye paca, peca mehna, dii mehna

moreñe paca yehpapu doque dijiori. Sa doque dijioğuta yehpa ujuu wahari. Ohõ puno ujuri: Ahri yehpa deco esaro taro yemehno ujua wahari. Sa yero to puno poseta yucari guhu, taa guhu ujua wahari.

⁸ Angel ihcãquiro tiquiro sa puti muhtari bato apequiro angel tiquiro yaria cornetare putiri tja. Tiquiro sa putigũ pajidu canu yero saha bajudu quehnoano ujũducudu pajiri mapure waha maa ñojoaa wahari. Sa yero yehpa ujũriro puno to punota pajiri ma dii ma dojoa wahari.

⁹ Sa ye pajiri ma cjenã wahi deco mehna meheno esaboro yariaa wahari. Sa ye tope yucusari guhu minia wahari pajiri mapure.

¹⁰ Pũaro angele tiquina putiri bato apequiro angel guhu tiquiro yaria cornetare putiri tja. Tiquiro sa putigũ pajiria ñahpicoha, sihãria yero saha asiria yehpapu bora sa quehea wahari. Ahri yehpa cje mări deco mehna meheno esaboro tope mări bui bora sa quehea wahari ñahpicoha. Tope mări pohteri bui bora sa quehea wahari.

¹¹ Tope mărita suẽne mări wahari. Sa wahagũ peyequina masa ti mări cje acore sihnime, yariaa wahari. Tia ñahpicoha "Suẽnia", wame tiri.

¹² Ihtiaro angele tiquina putiri bato apequiro angel guhu tiquiro yaria cornetare putiri tja. Tiquiro sa putigũ asũ deco cjuño, ñami cjuño guhu deco mehna meheno esaboro dojoa wahari.

Ñahpicoha pari guhu deco mehna meheno esaboro tope pacata dojoa wahari. Tope paca umuse cje paca quehnoano buhrioerari. Decopu pititia hora waro asũ deco cjuño ne buhrioerari. Ñamine pititia hora waro asũ ñami cjuño, ñahpicoha pari guhu ne buhrioerari.

¹³ Came ihñadoque mhou tja. Umusepu wariquirore cacure ihñau. Sa yegu tiquiro sañuducugũ tãhou. Ohõ saha nidi tiquiro:

—Ñã yuhduare. Ñã yuhduare. Ihtiaro angele duhsari yojoru putiatiquina. Tiquina putiri bato ñã yuhduaro waharota. Sa wahagũ ahri yehpapu ijiyequina ñã yuhduaro yuhdueta, nidi tiquiro.

9

¹ Came pititiaro angele tiquina putiri bato apequiro angel tiquiro yaria cornetare putiri tja. Tiquiro sa putigũ ñahpicoha yero saha ijiriquiro angel umusepu bora dijia tariquirore ihñau. Sa yero tiquirore uhcuari cope cja sawire ohori.

² Sa yero tiquiro ti copere tiquiro pũogũ peca ohmeo wijiari. Pajiri peca cje ohmeo yero saha pajiro ohmeo wijiari ti copere. Sa wijiario ti ohmeo duita asũ deco cjuñore, umuse guhare butia wahagũ yeri.

³ Sa ye ti ohmeo puhiapu ijiyequina poreroa yehpapu ahtari. Sa ye cutipa tiquina

tutuario purĩno saha tiquina gũhũ tutuario purĩdi.

4 Sa yero taare, yucarire, apeye oteyere ñano ye dutierari tiquinare. Masa dihitare ñano ye dutiri tiquinare. Cohãcjũ wamene tiquina wũhdoa pacare ohõmehneñequina dihitare ñano ye dutiri tiquinare poreroare.

5 Sa ñano ye dutieperota tiquinare wejẽ dutierari. Tiquinare wejẽ dutieraperota ihcã omope asũri waro tiquinare ñano purĩgũ ye dutiri. Cutipa toaye tiquina purĩno saha purĩgũ yeyequina ijiri poreroa gũhũ.

6 Tiquinare tiquina sa purĩgũ yegũ masa yariaa duaeta. Tiquina sa yaria duepegũta tiquinare yaria dutisi.

7 Poreroa pehe caballoa yero saha bajuri. Tiquina cahme wejẽato pano caballoare tiquina suhti sãariro saha sa bajuyequina ijiri tiquina poreroa gũhũ. Tiquina dapu paca bui pũhtoa pesaye behtori uru behtori yero saha bajuri. Tiquina wũhdoa paca masa yero saha bajuri.

8 Tiquina poari numia poari yero saha ijiri. Sa ye tiquina upiri yayia upiri yero saha ijiri.

9 Jeripohna cahmotari cahsero come cahsero yero saha bajuri tiquina cutiro. Sa ye tiquina wũgũ peyequina caballoa omañequina tiquina omano saha tiquina wũgũ bisiri. Caballoa tunuñe paca

wejeyequina tiquina cahme wejẽnopũ wahaye, tiquina bisiro saha bisiri poreroa wũgũ.

10 Sa ye cutipa picõno tiro saha, toaria tiquiro cõoro saha ijiri tiquina poreroa. Sa ye tiquina toaye paca mehna toaye, ihcã omope asũri waro masare purĩgũ yeri.

11 Sa ye tiquina pũhtoro tiyequina ijiri. Ʋhcũãri cope upũro ijiri tiquina pũhtoro. Tiquiro angel ijiri. Hebreo ye mehna Abadón wame tiri tiquiro. Griego ye mehna Apolión wame tiri. (Apolión “Dojomehneniquiro” nino nine.)

12 Poreroa masare ñano tiquina purĩgũ yeri bato ahri tiquina ñano yũhdũ mãhtariro pihtia wahari. To bato pũa taha pari turi ñano yũhdũeta masa.

13 Came ihcã omopequina angele tiquina putiri bato apequiro angel tiquiro yaria cornetare putiri tja. Tiquiro sa putigũ Cohãcjũ caha ducuri altarpũ uru altarpũ yahuducuye bisi wijiario ca tari. Ti altar cjẽ sahari pititia saharopũ yahuducuye bisi wijiario ca tari.

14 Sa yahuducuro cornetare putiriquiro angelre yahuri:

—Eufrates wame tiri ma pajiri mapũ peresupũ ijiyequinare angelere wioya. Tiquina pititiaro angele ijire, nino ca tari.

15 Sa nigũ tũhoro angel pehe tiquinare pititiarore wiori, peyequina masare

wejëatiquinare. Ahri cãhmare, ahri asãre, ahri decore, ahri horare queoro coht-eye nidi tiquina pitiario angele. Tiquina cohteriro esa tuhasare. Sa ye wejëne tee nine. Ijipihitiyequina deco esaboro caha masare wejëatiquina ijire.

16 Sa yegũ tiquina yequina surarare "Ohõpequina ijire", tiquina nigũ tãhou. Tiquina caballoa bui pesayequina ijiri. Doscientos millones surara ijiri.

17 Sa yegũ caballoare tiquina bui pesayequina gãhãre ihñã. Sa ye caballoa bui pesayequina tiquina jeripohnarine cahmotaye suhti come suhti sohãne suhti, yahsaye suhti, bojoye suhti ijiri. Sa ye caballoa tiquina dapu paca yayia sohãnequina yero saha bajuri. Tiquina duseripũ peca, ohmeo, azufre wame tiye ohmeo gãhũ wijiari.

18 Sa ye caballoa duseripũ wijiaye masare wejëdi. Ijipihitiyequina deco mehna meheno esaboro waro topequina masare wejëdi. Sa ye peca mehna, ohmeo mehna, azufre mehna peyequina masare wejëdi.

19 Tiquinare caballoa duseri mehna wejëdi. Sa ye caballoa picõri mehna wejëdi tja. Tiquina picõri sohtoapũ añaa dapu paca yero saha bajuri. Sa ye tiquina picõri mehna ñano yeri tiquina masare.

20 Peyequina masa yarieyequina tiquina wejë

duhariquina pehe tiquina ñaãe yerire ne duhuerari. Watãare ño peo duhuerari. "Cohãcjũ ijire", tiquina niãe queoye gãhãre ño peo duhuerari. Ti queoye uru mehna, plata mehna, bronce wame tiye come mehna, utã mehna, yucãri mehna tiquina yeri queoye ijiri. Sa ye ti queoye pehe ihñedari. Tũhoerari. Tiniedari.

21 Peye ñaãe gãhãre tiquina ne bujãa witierari. Masare tiquina wejëdire, tiquina numia mehna tiquina ñano yerire, tiquina yaqueri gãhãre ne bujãa witierari tiquina. Sa ye masare ujuayequina yayia tiquina yero saha yeye, ti gãhãre ne bujãa witierari tiquina.

10

Meheni tunugãre papera tunugãre ne cãhtahye angel

1 Came apequiro tutu-ariquiro angel ahmãsepũ tiquiro dijia tagũ ihñã. Ehmeo curua watoapũ ahtari. Sa yero buheni da tiquiro dapu bui pesari. Tiquiro wãhdoã asũ deco cãno yero saha asi siteri. Tiquiro ñecari uãri peca yero saha bajuri.

2 Sa yero meheni tunugã papera tunugãre tiquiro pãri tunugãre cãori tiquiro. Tiquiro dahpocã poto pehe cã dahpocã mehna pajiri mapũ cãhta cãri. Tiquiro dahpocã cũ pehe pehe mehna dihtapũ cãhta cãri.

³ Sa ducuro yayia tiquina sañuducuro saha tiquiro tutuaro sañuducuri. Tiquiro sa sañuducuri bato siete upoa yahuye ca tamedi.

⁴ Tiquina sa yahugã tãhogũ ojoa ducami. Yũhũ sa ojoa ducagũta uhmũsepũ yahũre yahuducuro ca tari.

—Siete upoa tiquina nidire apequinare yahueracãhña. Sa yegũ tire ojoa nedacãhña, nino ca tari yahũre.

⁵ Tiquiro sa nidi bato pajiri mapũre cãhta cũ, dihtapũre cãhta cũriquiro angel tiquiro omoca poto pehe siõdoque mũori uhmũsepũ.

⁶ Sa siõdoque mũono Cohãcjũ sa catiducuriquiro wame mehna wame peori. Tiquiro Cohãcjũ pehe ijipihitiyere uhmũsere, uhmũse cjẽne, ahri yehpare, ahri yehpa cjẽne, pajiri mare, pajiri ma cjẽne yeriquiro ijire. Sa yero ohõ saha nidi angel:

—Cohãcjũ mehna poto nii niaja. To punota cohtenatja.

⁷ Seis angele cornetarire tiquina putiri bato apequiro angel putigã Cohãcjũ panopũ tiquiro “Ohõ saha yeitja” nidiro sahata yerota. Panopũ masare tire quehnoano yahuerahye. Came tiquiro cahacjẽnare, tiquiro yere yahu mũhtariquina pehere quehnoano yahu pehoahye tiquiro. Ti tiquiro yahu cũrيره yojobũre yerota tiquiro, nidi angel.

⁸ Tiquiro sa nidi bato uhmũsepũ yahũre yahudu-

curiquiro pari turi yahuducuro ca tari tja. Ohõ saha nino ca tari yahũre:

—Pajiri mapũ cãhta cũriquiro dihtapũ cãhta cũriquiro siquiro angel cahapũ wahaya. Sa wahagũ papera tunugãre tiquiro cãori tunugãre neña, nino ca tari yahũre.

⁹ Tiquiro sa nigũ tãhogũ angel cahapũ wahau. Tiquirore papera tunugãre yahũ sinigũ tãhoro ohõ saha ni yãhtiri yahũre:

—Neña. Sa yegũ ahri tunu papera tunugãre ihyaya. Mũhũ coã ihyagũ umi yero saha quehnoano bisirota. Mũhũ paapũ mũhũ ihya sõri bato sũẽne waharota, nidi yahũre.

¹⁰ Tiquiro sa nigũ tãhogũ ti tunugãre angelre yahũ nedi bato ihyau. Yũhũ coã ihyagũ umi yero saha bisiri. Yũhũ ihya sõri bato yahũ paapũ sũẽno wahadu.

¹¹ Yũhũ sa ihyari bato ohõ saha nidi yahũre:

—Pari turi ijipihitiye macari cjẽna, ijipihitiye yehpari cjẽna, peye yahuducuyere yahuducuyequina, tiquina pũhtoa gũhũ came tiquina dũhse wahatire yahuyuya mũhũ, nidi yahũre.

11

Pũaro Cohãcjũ yere yahuatiquinare yahu ojoahye Ñu marine

¹ Came yahũre queodũre ohori Cohãcjũ. Tuadũ puno yoadũ ijiri tã. Tũre ohoro ohõ saha nidi yahũre:

—Ya wuhure queogu wa-haya. Ti wuhu cjã altar gũhure queoya. Sa yegu ti wuhuru yuhure ño peoyequinare queoya.

² Sopecaha wijia saducari paare quehnoari paare queoeracãhña. Ti paa yuhure cahmeeñequinare tiquina cūri paa ijire. Tiquina cuarenta y dos asūri waro Cohãcjũ ya macare, ti maca cjēna gũhure ñano yeeta. Sa yegu queoeracãhña tiquina ya paare quehnoari paare.

³ Sa yegu yeere yahua-tiquinare puarore ohoutja. Mil doscientos sesenta decori waro yeere yahueta. Masa dija suhtire sañañequina ijieta tiquina yuhu yahu dutiyequina, ni yahuri yuhure.

⁴ Ahri yehpa cjēna puhtoro poto puadu Olivo wame tiye cju ducure. Puadu sihã peoye cju gũhu ti cju caharu ducure. Ti cju mehna queoye mehna yuhu buhegũ ahriquina puaro mari puhtoro yere yahuyequina ti cju yero saha ijire.

⁵ Sa ye tiquinare ihña tuhtiyequina tiquinare ñano ye duagũ tiquina pehe duseri cjẽ peca mehna ujũa pehoeta tiquinare ihña tuhtiyequinare. Sata tiquinare ñano yeyequinare wejēeta tiquina puaro mari puhtoro yere yahuyequina pehe.

⁶ Sa ye tiquina puaro acoro ahta dutieragũ acoro ahtasi. Sa yero mari puhtoro yere tiquina yahuro puno acoro ahtasi. Sa ye mārine dii mārī wahagũ yeeta tiquina.

Sa ye ahri yehpare ñano wahagũ yeeta. Ijipihtiyē dũhse ijiyere, ijipihtiyequina dũhse ijiyequinare masare ñano wahagũ yeeta. Tiquina cahmeno sahata sa ñano wahagũ yeeta ahri yehpare.

⁷ Tiquina sa ye pehogũ uhcuãri coperu ijiriquiro ñariquiro nucũ cjãno wiji-rotata. Sa wijiaro Cohãcjũ yere yahuyequina mehna cahmequenota. Sa cahmequeno tutua yuhducaro tiquinare wejēnota.

⁸ Tiquiro sa wejēdi bato tiquina paguri pajiri maca cjã maharu cuñaeta. Yahuyequina puhtoro tiquina quẽ biha wejēdi maca ijire ti maca. Ti maca cjēna ñañequina ijiye Sodoma cjēna, Egipto cjēna yero saha ijire.

⁹ Sa cuñañe ihtia deco quehnoano cuña, ape deco deco mehna tiquina paguri maharu cuñaeta. Sa ye ijipihtiyē yehpari cjēna, ijipihtiyē cururi cjēna, ijipihtiyē yahuducuyere yahuducuyequina tope decori waro tiquina pagurire ihñaducuenta. Sa ye tope decori waro tiquina pagurire ya dutisi.

¹⁰ Tiquina sa yariariquina ijigũ ihñañe ahri yehpa cjēna bucueeta. Sa bucueye bose decore yeye, tiquina basi apee borore sa oho quẽeta. Tiquina puaro Cohãcjũ yere yahuyequina masare ñano yuhdugũ yeriquina ijahye. Sa ye tiquina sa yariagũ ihñañe bucue yuhdueta ahri yehpa cjēna.

¹¹ Sa yero ihtia deco

ape deco deco mehna bato Cohãcjũ tiquina pagũrire masonota. Tiquiro sa masogũ tiquina pari turi wahcãdũcaeta. Tiquina sa wahcãdũcagũ ihñañe ijip-
ihtiyequina cue yahdũeta tiquinare.

12 Came tiquina pũaro ãhmũsepũ tutuaro yahuducugũ tũhoeta. Ohõ saha ninota tiquinare.

—Ohõpũ mũja taya mũsa, ninota.

Tiquiro sa nigũ tũhoeye ehmeo curua watoa mũjaa wahaeta. Tiquina yabiriquinare mũjagũ ihñaeta masa.

13 Tiquina sa mũjagũta yehpa tutuaro ñuhminota. Sa ñuhmigũ ti maca cjẽ wũhũse peye bora dijiaa waharota. Sa ye yehpa ñuhmino mehna siete mil masa yariaa wahaeta. Apequina dũhsariquina pehe acũaa wahaeta. Sa ye Cohãcjũre ãhmũse cjãnore “Tutuagũ ijire” ni ño peoeta tiquiore.

14 Ahri ijipihtiye tiquina sa wahari bato pũa taha masa ñano yahdũ tuhasariquina ijietã. Tiquina sa yahdũri batogãta pari turi duita masa ñano yahdũeta tja.

Seis cornetarire tiquina putiri bato apequiro putiahye

15 Came seis cornetarire tiquina putiri bato apequiro angel tiquiro yariare putiri. Tiquiro sa putigũ ãhmũsepũ tutuaro yahuducuye ca tari. Ohõ saha nino ca tari:

Yojobũ mari Pacũ, Cristo mehna ahri yehpa cjẽna pũhtoã ijietã. Sa yero pũhtoro sa ijiducurota Cohãcjũ, nino ca tari.

16 Sa ye Cohãcjũ poto pũhtoã dujiyepũ dujiyequina veinticuatro Jesu yequina pũhtoã Cohãcjũ poto quehe sa, tiquiore ño peori.

17 Sa ño peoye ohõ saha nidi:

Ûsã pũhto Cohãcjũ, tutua yahdũagũ ijire mũhũ. Mũhũ panopũ sa ijiducuahye. Sa yegũ yojopũ gũhũre sa ijiducure. Camepũ ahtaũta mũhũ. Mũhũ tutuaye mehna masa tiquina pũhto mũhũ ijidũcagũ “Quehnoare” niaja mũhũre.

18 Ijipihtiyequina ahri yehpa cjẽna mũhũre cahmedariquina mũhũ mehna usuamedì. Yojopũre tiquinare mũhũ buhiri dahreati pje ijire. Yariariquina gũhũre mũhũ buhiri dahreati pje ijire. Sa yero mũhũ yequina pehere quehnoañene tiquina yeri wapare mũhũ ohoati pje ijire. Ihquẽquina tiquina mũhũ cahacjẽna mũhũ yere yahu mũhtariquina ijire. Sa ye tiquina, apequina mũhũ yequina mehna ijipihtiyequina mũhũre ño peoyequina ijire. Sa yegũ pũhtoãre, ihyo ijiyequina gũhũre mũhũ yequina tiquina ijiri wapa quehnoano yeita mũhũ. Sa yero ahri yehpa cjẽnare dojomehne cohteriquinare

mahu cohāti pje ijire yojopare, ni ño peori pautoa Cohācjāre.

¹⁹ Tiquina sa yeri bato uhmuse cjā wahu Cohācjū ya wahu tiquiro pōori wahu ijiri. Sa yena ti wahu puhiarpu ijiri acarore ihñau. Ti acaro puhiarpu Cohācjū masare tiquiro yedohoatire yahuri pū sañari. Yuhu sa ihñagūta mia sitedoqueo, upo pa maari. Sa yero sijoro saha ijiro bisi maa, yehpa ñuhmi maa, aco paca yusūaye paca uhmusepu peye bora dijia tari.

12

Numino gūhure pinono gūhure yahuahye Ñu

¹ Came ahri yehpa dahse wahatire uhmusepu ihñori. Tiquiro sa ihñori ihyo waro ijierari. Ohō saha ihña mūhtau: Uhmusepu numinore ihñau. Ticoro suhtiro asū deco cjūno yero saha asi siteri. Sa yero asū ñami cjūno bui ducuri. Pautoo pesari behto borore doce ñahpicoha paca cūori behtore pesaricoro ducuri.

² Sa yero mehenogā dūhsari ticoro pohna tiato. Sa yero ticoro sañuducuri.

³ Came pari turi ihñau uhmusepu tja: Pajiriquiro pinonore sohāriquirore ihñau. Siete dapu paca tiriquiro ijiri. Ijipihtiye tiquiro dapu paca pautoa pesaye behtori borore pesaye dapu paca ijiri. Sa yero diez waro sahari tiriquiro ijiri tiquiro.

⁴ Tiquiro picōno mehna ñahpicoha pacare wahba sitedoque dijiori yehpapu. Ijipihtiye ñahpicohare deco esaboro caha wahba sitedoque dijiori. Sa yero numino pohna tiaticoro poto ducuri pinono. Ticoro macunogā bajuagū tiquirogāre ihyaro taro nimesi.

⁵ Camegāta cūo tuhasari nijinogāre. Ijipihtiye yehpari cjēna pautoo ijiatiquiro ijiri tiquirogā. Tiquiro sa pautoo tutuariquiro ijigā, masa tiquirore yūhdūdcaye ihcāno sahasi. Tiquiro sa masa bajuagūta Cohācjū tiquiro dujiro cahapu tiquirogāre ne cāa wahari.

⁶ Tiquiro sa yegū numino pehe masa marienopu duhti cāa wahari. Cohācjū tiquiro quehnoyuriropu duhti cāa wahari ticoro. Topare mil doscientos sesenta decori waro Cohācjū ticorore ihña ihburi.

⁷ Coā waropare uhmusepu cahme wejē dcachye. Miguel wame tiriquiro angel tiquiro yequina angele gūhu pinono mehna cahmequeahye. Tiquina sa cahmequegū pinono tiquiro yequina angele mehna Miguel gūhu mehna cahmequeahye.

⁸ Sa ye Miguel gūhu pinonore yūhdūdcachye. Sa yero pinono yequina angele gūhure uhmusepu iji nemo dutierahye.

⁹ Sa yero pajiriquiro pinonore cohā cāhye Cohācjū. Tiquiro pinono watīnota ijiro

nidi. Satana wame tiriquiro ijiri. Panopu tiquiro pinono pagu saha bajuriquiro ijiahye. Sa yero ijipihitiri yehpa cjênare ni mehoriquire ijire. Tiquirore tiquiro yequina angele mehna yehpapu cohã dijioahye.

10 Came uhmusepu sañuducuro ca tagu tãhou:

Yojopare mari Pacu masare yuhduori. Yojopu pũritare mari Pacu mari puhtoro ijiro ahtari tiquiro tutuayere ihõono taro. Sa yero tiquiro ohoriquire Cristo guhu tiquiro puhtoro ijiyere tiquiro tutuayere ihõori ijipihitiyequinare. Watĩnore uhmusepu ijiriquirore yehpapu cohã dijiori. Sa yero tiquiro tutuayere ihõori mari Pacu. Tiquiro watĩno pehe decoripe, ñaminipe Jesu yequinare "Ahriquina ñañequina ijire", ni yahusãno niahye mari Pacure. Sa yero mari acayere Jesu yequinare yahusãriquire ijiahye.

11 Cristo Cordero wame tiriquiro tiquiro dii cohãri mehna mari acaye Jesu yequina tiquirore wacũ tutuayequina tiquina ñano yerire tiquiro cohãnohriquina ijire. Sa wacũ tutuayequina ijiye, watĩnore yuhduucari. Sa ye quehnoañe buheyere buheye, watĩnore yuhduucari. Tiquiro yere buheye ape-

quina tiquinare wejẽ duepegãta, Cristo yere duhuerari.

12 Sa yena musa uhmuse cjãna bucueya. Watĩnore yehpapu tiquiro cohã dijiogu ihñana bucueya. Sa yepegãta ahri yehpa cjãna, pajiri ma cjãna guhu pejecuona wahanata musa pehe. Musa cahapu dijiri watĩno. Tiquirore buhiri dahreato mehenogã duhsare. Sa yero usua yuhduare tiquiro. Musa cahapu tiquiro esagu pejecuona musare tojoagu yerota tiquiro, ni sañuducugu tãhou.

13 Sa yero pinono tiquiro cohã dijioriquiro numinore, nijinogã pacorore nãnu tã cãri.

14 Sa yero ticorore pajiriquiro cacu tiquiro wãye dupurire ohori Cohãcjã, masa marienopu ticoro wu duhti cãtore. Topu ticoro esari bato ihtia cuhma quehnoano ape cuhma deco waro ticorore ihña ihburi Cohãcjã. Tiquiro sa ihña ihbogũ pinono ticorore ñano ye masiedari.

15 Topu ticoro ijigũ ihñano pinono acore pajiro puti sitedoqueori ticorore miono taro.

16 Tiquiro sa yegu yehpa pehe ticorore yedohori. Pinono duseropu wijiaye acore yehpa pehe aco ihmi peho cãri.

17 Sa wahagu ihñano pinono numino mehna usua yuhduari. Sa usuario ihquẽquina ticoro panamena iji turiayequina mehna cahmequeno wahari. Tiquina

pehe Cohãcjũ dutiyere yeye-
quina ijiye, Jesu ye buheyere
quehnoañe buheyere ne
duhweyequina ijiri.

¹⁸ Sa yero pinono pajiri ma
duhtu cahapu ducuri.

13

*Puaro nucu cjẽnare
yahuahye Ñu*

¹ Pajiri ma duhtu cahapu
ducugu, nucu cjũnore ti mapu
ijiriquireore wahcã pahagũ
ihña. Tiquiro pehe siete
dapu paca, diez sahari waro
cãoriquireo ijiri. Tiquiro
sahari puhtoa pesaye behtori
borore pesari. Sa yero
tiquiro dapu pacare tiquiro
wamene ojoa ohõri dapu
paca ijiri. Ti wame tiquiro
ñano wame tigũ ihña yabiri
Cohãcjũ.

² Sa yero tiquiro nucu cjũno
yairo dohroriquireo yero saha
bajuri. Sa yero mie yero
saha dahpocãri tiriquireo ijiri.
Sa yero yairo sohãriquireo
pajiriquireodu yero saha
dũsero tiriquireo ijiri. Sa
yero pinono pehe tiquiro
tutuayere ohori nucu cjũnore.
Sa ohoro tiquirore puhtoro
dujiropu cũno tiquiro yero
saha peyequina masare
dutigũ yeri pinono nucu
cjũnore.

³ Ihcã dapu nucu cjũno
dapu tiquina wejẽbo
cureriquireo dapu yero saha
bajuri. Sa bajuepegũta
tiquiro camino pehe yatia
wahari. Ti dapu catigũ
ihñañe, ihña maria wahari
ijipihtiyequina ahri yehpa

cjẽna. Sa ihña maria wahaye,
nucu cjũnore ño peori. Sa
ye tiquiro yequina wahari
masa.

⁴ Sa ye nucu cjũnore pinono
tiquiro tutuayere tiquiro
ohogũ ihñañe masa pehe
tiquirore pinonore dũsepe
curi mehna quehe sa, ño
peori. Sa ye nucu cjũno
gũhare dũsepe curi mehna
quehe sa, tiquirore ño peori.
Sa ño peoye ohõ saha nidi:

—Ne apequireo mahũ
yero saha tutuariquireo
mariedare. Apequireo
mahũre ne yũhdũdũca
masiedare, ni ño peori masa
nucu cjũnore.

⁵ Sa yero tiquiro nucu
cjũno “Tutua yũhdũdũcagu
ijiaja”, tiquiro niepegũta
Cohãcjũre tiquiro ñano
yahuducuepegũta sa tuhotu
cãrĩdi Cohãcjũ pehe. Sa yero
cuarenta y dos asãri waro
tiquiro nucu cjũno masare
dutinimedi. To punota
tiquiro puhtoro ijigũ cahmedi
Cohãcjũ.

⁶ Sa yero tiquiro Cohãcjũre
ñano yahuducuri. Tiquiro
wamene, tiquiro ya wũhare,
ũhmũsepu tiquiro ijiro cjẽna
gũhare ñano yahuducuri nucu
cjũno.

⁷ Sa yero Cohãcjũ
yequinare cahme wejẽno
tiquinare yũhdũdũcari.
Tiquiro sa yepegũta sa ihña
cãrĩdi Cohãcjũ. Cohãcjũ
tiquiro sa ye dutieragũ
yeraboya. Sa yero ijipi-
htiyequina ahri yehpa cjẽna
bui puhtoro ijinimedi nucu
cjũno. Ijipihtiyeye cururi

cjēna bui, ijipihtiyequina macari cjēna bui, yehpari cjēna bui, ijipihtiye yahuducuyere yahuducuyequina bui p̄h̄toro ijinimedi tiquiro.

8 Sa ye ijipihtiyequina ahri yehpa cjēna tiquiro n̄c̄c̄ cjāno poto d̄usepe curi mehna quehe sa tiquirore ño peori. Ahri yehpare Coh̄c̄j̄u tiquiro bajumehneato pano tiquiro yequina ijiatiquinare, sa ijiducuatiquinare tiquina wamene ojoa oh̄o tuhasahye. Ti tju tiquiro sa ojoa oh̄ori tju Cordero tiquina wejēdiquiro ya tju ijire. Ti tju p̄u tiquina wamene ojoa oh̄onohedariquina dihita n̄c̄c̄ cjānore ño peori.

9 Cahmo tina ijire m̄sa. Sa yena t̄h̄oya.

10 Ijipihtiyequina masare peresu yenohatiquinare came tiquinare peresu yeeta. Ijipihtiyequina masa ñose wejēnohatiquinare tiquinare ñose wejēeta. Tire masina mari Coh̄c̄j̄u yequina ñano ȳh̄d̄ep̄enata tiquirore coh̄edac̄h̄na. Sa yena tiquirore wac̄u tutūh̄na.

11 Came apequiro n̄c̄c̄ cjānore ih̄ñ̄āu tja. Yehpa puhiap̄u ijiriquiro wijiaḡu ih̄ñ̄āu. P̄u saharo oveja sahari yero saha bajuye sahari sahari tiriquiro ijiri. Sa yero pinono yero saha yahuducuri.

12 Sa yero n̄c̄c̄ cjāno iji m̄htariquiro pehe came ijiriquiro pehere p̄h̄toro s̄ori. Tiquiro sa p̄h̄toro s̄onohriquiro pehe ijipi-

htiye yehpari cjēnare iji m̄htariquirore ño peoḡu yeri. Iji m̄htariquiro n̄c̄c̄ cjāno tiquina wejēbo cureriquiro camino yatiriquiro ijiri.

13 Sa yero came ijiriquiro n̄c̄c̄ cjāno tutuaye mehna ye ih̄ñ̄ori masa tiquina ih̄ña mariatore. Sa yero masa tiquina ih̄ñ̄onop̄u p̄ca pajiri p̄ca h̄m̄s̄ep̄u bora dijia taḡu yeri.

14 Sa yero iji m̄htariquiro ih̄ñ̄onop̄u apequiro n̄c̄c̄ cjāno pehe tutuaye mehna masare mehori “Ahriquiro m̄sa ño peoatiquiro ijire”, nino. Sa yero tiquiro masare mehono, iji m̄htariquiro queoyere masare ye dutiri. Tiquiro iji m̄htariquiro ñoseni p̄j̄i mehna tiquina ñosediquiro ijieperota catiriquiro ijiri. Tiquiro yero saha bajuye queoye ye dutiri apequiro n̄c̄c̄ cjāno masare. Tiquina sa yeḡu Coh̄c̄j̄u yabieperota sa ih̄ña c̄r̄ñ̄ahye.

15 Sa yero came ijiriquiro n̄c̄c̄ cjāno pehe iji m̄htariquiro queoyere catiḡu yeri masare ti queoye dutiato saha. Sa yero ti queoyere ño peoeyequinare wejē dutiri masare queoye pehe.

16 Sa yero ijipihtiyequinare tiquina omocari poto pehe, tiquina w̄h̄doa paca ḡuh̄re ojoa oh̄o dutiri n̄c̄c̄ cjāno came ijiriquiro. Ihyo ijiyequinare, p̄h̄toare, doeri c̄j̄e opanare, pejec̄oyequinare, tiquina cahac̄j̄nare, ca-

hacjēna ijieyequinare, ijip-
ihtieyequinare tiquina omo-
carine tiquina w̄hdoa paca
ḡh̄ure ojoa oh̄o dutiri.

¹⁷ Tiquiro iji m̄htariquiro
n̄c̄u cj̄no tiquiro wamene,
tiquiro ya numerore ojoa
oh̄oñequinare ne dú dutier-
ari. Sa yero tiquinare dua
dutierari.

¹⁸ Tire quehnoano wac̄ū
masiña m̄sa. T̄ho masina
ijina n̄c̄u cj̄no tiquiro ya
numerore quehnoano ih̄ña
masiña. Ti numero am̄no
wame yero saha ijire. Ti nu-
mero seis cientos sesenta y
seis ijire.

14

*Coh̄c̄j̄ tiquiro ȳhd̄oriquina
wahma basayere basahye*

¹ Came Siō wame tid̄u c̄h̄n̄
bui ducuriquirore Corderore
ih̄ñau. Tiquiro mehna ciento
cuarenta y cuatro mil masa
ijiri. Tiquina tiquiro ye
wamene, tiquiro Pac̄ro
ye wame ḡh̄ure tiquina
w̄hdoa pacare tiquina ojoa
oh̄nohriquina ijiri.

² Tiquinare ȳh̄u ih̄ñaḡta
m̄m̄sep̄u yahuducuro ca
tari. Pajiri peo bisiro saha
m̄po tutuaro bisiro saha bisiro
ca tari tiquiro yahuducuye.
Sa yero arpa wame tiyere
tiquina b̄na p̄t̄no saha
bisiro ca tari tiquiro yahudu-
cuye.

³ Top̄u p̄htoro dujiro
cahap̄u pititiaro sijoro
saha bajuyequina, Jesu
yequina p̄h̄toa ḡh̄u ijiri.
Sa ye tiquina poto ciento
cuarenta y cuatro mil masa

ducuri. Top̄u ducuye, wahma
basayere basaye nidi. Ti
basayere tiquina dihita ma-
sidi. Cristo ȳhd̄oriquina
dihita ti basayere ma-
sidi. Tiquina ahri yehpap̄u
ijimediquina tiquiro ne
m̄oriquina ijiri.

⁴ Ne tiquina ihc̄ā tahaḡā
numino mehna ñano yer-
ari. Sa ye Corderore ih̄ña
c̄ñequina ijiye, tiquiro
yere sa yeducuyequina
ijiri. Sa yero ñañequina
mehna ijiyequinare tiquiro
ȳhd̄oatiquinare nedi
Coh̄c̄j̄u pehe. Sa tiquiro
ȳhd̄oriquina ijiye, Coh̄c̄j̄u
yequina ijiatiquina, Cordero
yequina ijiatiquina ḡh̄u iji
m̄htariquina ijiri.

⁵ Sa ye tiquina mehna cj̄na
ne ihc̄āquiro ni mehoriquiro
mariedare. Sa ye Coh̄c̄j̄u
tiquiro t̄hotuḡā ñañe
marieñequina ijiri tiquina.

*Ihtiaro angele yahuducu
dijioahye*

⁶ Came m̄m̄sep̄u w̄riquiroro
angelre ih̄ñau. Tiquiro ahri
yehpa cj̄nare, ijipihtieye
cururi cj̄nare, ijipihtieye
yahuducuyere yahuducuye-
quinare, ijipihtieye yehpari
cj̄nare, quehnoañe buheyere
yahuatiquiro ijiri. Ti buheye
ne comesaeraye, sa ijiducure.

⁷ Sa yero angel sañuducuro
oh̄o saha ni yahuducu dijiori:
—Coh̄c̄j̄ure cueya. “Tu-
tua ȳhd̄aḡu, quehnoa
ȳhd̄aḡu ijire”, niña
tiquirore. Yojōp̄are masare
tiquiro buhiri dahreati
pje ijiro nine. Tiquiro

uħmũsere, ahri yehpare, pajiri mare, mări pohteri gũhũre yeriquiro ijire. Sa yena tiquirore dũsepe curi mehna quehe sa, ño peoya, ni sañuducuri angel.

⁸ Tiquiro sa nidi bato apequiro angel uħmũsepũ wũriquiro ohõ saha ni yahuducu dijiori:

—Tiquinare cohã cãhri. Pajiri maca Babilonia wame tiri maca cjẽnare cohã cãhri Cohãcjũ. Tiquina tiquiro cohãriquina pehe ijipihtiyequina apequinare ñano yegũ yeri. Queheyequina vinore tiquina tutuaro cahmeno saha tiquina ñañene tutuaro cahmeñe, Babilonia cjẽnare ihña cũri. Sa yero Cohãcjũ tiquinare tutuaro buhiri dahreri, ni yahuducu dijiori apequiro angel.

⁹⁻¹⁰ Tiquina pũaro angele tiquina sa nidi bato apequiro angel tiquina bato wũriquiro ohõ saha ni yahuducu dijiori:

—Ijipihtiyequina nũcu cjãnore ño peoyequinare, tiquiro queoyere ño peoyequinare, tiquina wũhdoa pacare, tiquina omocarine tiquiro wamene ojoa ohõnohriquina gũhũre buhiri dahrerota Cohãcjũ. Tiquina mehna usuaro, tiquina pũritare tutuaro waro buhiri dahreducurota Cohãcjũ. Nũcu cjãnore ño peoyequina ijipihtiyequina pecapũ wahaeta. Topũ tutuaro purĩnota tiquinare peca mehna, azufre wame tiye mehna tiquina wijiãri peca mehna. Quehnoañequina

angele, Cordero gũhũ tiquina ihñonopũ ñano yũhdũeta tiquina.

¹¹ Ti peca sa ohmeo tiducurota. Ne yatisi. Tiquinare sa purĩducugũ yere. Ijipihtiyequina nũcu cjãno poto dũsepe curi mehna quehe sa, ño peoyequinare sa purĩducurota.

Decoripe, ñaminipe sa purĩducu cãhnota. Tiquiro queoyere ño peoyequina, tiquiro wamene ojoa ohõnohriquina gũhũ sata ñano yũhdũeta, ni yahuducu dijiori angel.

¹² Sa tiquina ñano yũhdũgũ ihñana Cohãcjũ yequina tiquiro dutiyere yena, Jesure cohãedarina ijina, tiquiro yere duhueracãhña. Ñano yũhdũepenata Cohãcjũ yere cohãedacãhña.

¹³ Came uħmũsepũ yũhũre yahuducuro ca tagũ tũhou. Ohõ saha nidi yũhũre:

—Ahrire ojoaya mũhũ. Cohãcjũ yequina tiquirore cohãedarina ijina yojopũre mũsa yariari bato gũhũre bucuena ijire mũsa, ni yahuducu dijiori yũhũre.

Tiquiro sa nidi bato Espĩritu Santo pehe ohõ saha ni nemori tja:

—Sa tjire. Poto tjire. Tiquina tutuaro tiquina dahrayere duhu, soeta. Uħmũsepũ tiquina wahagũ quehnoano tiquina yerire wacũnota Cohãcjũ. Sa yero tiquina sa yeri wapa tiquinare quehnoano yerota. Sa ye tiquina bucueyequina ijire, ni nemori Espĩritu Santo.

Wese cjē oteye ducare mari bese neno saha Cohācjū tiquiro yequinare bese nenota. Ñañequina pehere sijoro bese docorota

14 Came ehmeo curua yehseri curuare ihñau. Ti curua bui masano yero saha bajuriquiro dujiri. Tiquiro uru behto pūtoro pesari behto borore pesari. Sa yero dihi pjī siori pjīne cūori tiquiro.

15 Came apequiro angel Cohācjū wūhupū ijiriquiro wijia tari. Sa wijia taro tutuaro sañuducuri ehmeo curua bui dujiriquirore:

—Mūhū dihi pjī mehna wese cjē ducare ahri yehpa cjē ducare date ne pehoya. Yojopure tiquiro queori pje esare. Yojopure dūca neni pje esare, nidi angel.

16 Tiquiro sa nigū tūhoro tiquiro dihi pjī mehna ahri yehpa cjē ducare ne ducari ehmeo curua bui dujiriquiro.

17 Came apequiro angel gūhū Cohācjū wūhupū ijiriquiro wijia tari. Tiquiro gūhū dihi pjī siori pjīne cūori.

18 Sa yero apequiro angel altar cahapū ijiriquiro wijia tari. Tiquiro pehe altar cjā pecare ihñā ihboriquiro ijiri. Sa wijia taro dihi pjī siori pjīne cūoriquirore sañuducuri:

—Mūhū dihi pjī mehna ahri yehpapū ijiri wese, uhse wese cjē ducare neña. Ushse pehe ñi tūhasari, ni sañuducuri.

19 Tiquiro sa nigū tūhoro angel tiquiro ya pjī dihi pjī mehna ahri yehpa cjē uhse tōhorine yūhre nedi.

Tiquiro sa yeri bato ti tōhorine uhse tōhorine tiquiro ñatihātopū cohāri. Tiquiro sa cohāriro saha Cohācjū tiquirore cahmeeñequinare tutuaro usuaro, cohānota.

20 Ti maca dūhtū cahapū tiquina ñatihātopū ti uhse tōhorine ñatihāri. Topū tiquina ñatihāgū dii wijiari. Diī ma yero saha ijiri. Tres cientos kilómetro yoari ma, ihcā metro quehnoano ape metro deco uhcūāri ma ijiri.

15

Masa tiquina ñano yūhdūatire angele cū bato tiahye masare

1 Came ūhmūsepū sijoro saha ijirore ihñau. Tire ihñañe masa ihñā maria wahaga. Ahri yehpapure dūhse wahatore marine ihñori. Sa yero ti ihyo waro ijierare. Ohō saha ihñau: Siete angele ijiri. Cohācjū usuaro, siete tahari masare buhiri dahre bato tiro taro nidi. Sa ye tiquina siete angele pehe buhiri dahre dutiro tiquiro cūatiquina ijiri.

2 Angelere yūhū ihñari bato pajiri mare quehnoano aco sitiri ma yero saha ijiri mare ihñau. Ti ma peca mehna ijiri ma ijiri. Sa yegū nūcū cjānore tiquiro queoye gūhūre yūhdūducayequinare ihñau. Tiquina tiquiro wamene tiquiro ya numerore cūoeyequina ijiri. Tiquina yūhū ihñagū pajiri ma aco sitiri ma dūhtū cahapū ducuri. Topū ducuyequina arpa wame tiyere būa

putēñene c̄uori. Ti bua putēñe Cohācjū tiquiro ohori ijiri.

³ Sa ye Cohācjū cahacjūno, Moise ye basayere basaye nidi. Cordero ye basaye gūhure basaye nidi. Ohō saha ni basari:

Usā puhto m̄h̄u Cohācjū tutua yūhd̄uaḡu ijire. M̄h̄u yerire ihñana ihña maria wahaja usā. M̄h̄u yeri quehnoa yūhd̄uare. M̄h̄u ijipihtiye yehpari cjēna puhto ijire. Quehnoano ni mehono marieno yeducure m̄h̄u. Ijipihtiyequina m̄h̄ure cueeta.

⁴ Ijipihtiyequina m̄h̄ure “Tutuaḡu ijire”, nieta. M̄h̄u dihita ñañe marieḡu ijire. Ijipihtiye yehpari cjēna m̄h̄u cahap̄u esaye, d̄asepe curi mehna quehe sa, m̄h̄ure ño peoeta. Sata yeeta tiquina ijipihtiyequina queoro m̄h̄u yerire ihñañe, ni basaye nidi tiquina.

⁵ Came uhm̄usep̄u ihña m̄noḡu, Cohācjū w̄h̄u p̄ōori w̄h̄ure ihñan. Top̄u Cohācjū ijiri tucū warop̄u Cohācjū dutiye tiquiro ojoari p̄j̄ni utā p̄j̄ni tiquina ihbori p̄j̄ni ijiri.

⁶ Ti w̄h̄ure yūh̄u ihñagūta siete angele ti w̄h̄u puhiap̄u ijiriquina wijia tari. Tiquina Cohācjū buhiri dahre dutiro tiquiro cūatiquina ijiri. Tiquinape tiquina buhiri dahreatire c̄uori tiquina angele. Quehnoañe suhti, yehseye suhti sañañequina ijiri. Sa ye tiquina cutiro

bui uru cahsero mehna tuā dihoriquina ijiri.

⁷ Ti w̄h̄up̄u ijiriquina tiquina wijia tagū pititiaro sijoro saha bajuyequina mehna cjāno tiquinare siete angelere siete uru parire ohori. Ti pari Cohācjū usua tiquiro buhiri dahreati mehna quehnoano wahpari ti pari. Tiquiro Cohācjū sa ijiducuriquiro ijire.

⁸ Tiquiro sa ohogū Cohācjū w̄h̄u puhiap̄u tiquiro asi siteye mehna tiquiro tutuaye mehna ohmeo ti sehsaa wahari. Sata ohmeo w̄h̄u wahagū ne masa ti w̄h̄ure sajā masiedari. Siete angelere Cohācjū buhiri dahre dutiro tiquiro cūriro saha masare tiquina buhiri dahre tuhasari bato pari turi ti w̄h̄up̄u sajā masine tja. Tiquiro buhiri dahreato pano sajā masiedari.

Cohācjū masare tiquiro buhiri dahreatore yahuahye

16

¹ Came Cohācjū w̄h̄up̄u tutuaro yahuducuro ca tari. Siete angelere yahuro nidi:

—Siete parip̄u pose tiyere yehpap̄u pio sitedoque dijiona wahaya. Yehpa cjēnare Cohācjū tiquiro nidiro sahata buhiri dahreya yojop̄are, ni yahuducuro ca tari.

² Tiquiro sa nigū t̄uhoro iji mahtariquiro angel tiquiro c̄uori pap̄u pose tiyere yehpap̄u pio sitedoque dijiori. Tiquiro sa pio sitedoque dijioḡū n̄c̄u cjāno wamene ojoa ohōnohriquina, tiquiro

queoyere ño peoriquina ñano cami tiri. Ti cami tutuaro purĩdi tiquinare.

³ Tiquiro sa pio siteri bato apequiro angel tja tiquiro c̄ori pap̄u pose tiyere pio sitedoque dijiori tja pajiri map̄u. Tiquiro sa pio sitedoque dijioḡuta ti ma dii ma wahari. Yariariquiro dii yero saha ijiri ti dii. Sa wahaḡu ti ma puhiap̄u ijiyequina yaria pihtia wahari.

⁴ P̄uaro tiquina sa pio siteri bato apequiro angel tja tiquiro c̄ori pap̄u pose tiyere pio sitedoque dijiori tja m̄arip̄u, ti m̄ari pohterip̄u ḡuh̄are. Tiquiro sa pio sitedoque dijioḡu m̄ari dii m̄ari dihita wahari.

⁵ Sa wahaḡu ih̄ñano apequiro angel m̄arine cohteriquiro oh̄o saha nidi:

Coh̄ãcj̄u m̄uh̄u ñañe marieḡu ijire. Yojop̄u ḡuh̄are sa ijiducuḡu ijire m̄uh̄u. Panop̄u ḡuh̄are sa ijiducue tiri m̄uh̄u. Sa yeḡu masa tiquina ñano yeḡu ih̄ñaḡu queoro buhiri dahrereri m̄uh̄u tiquinare. Dii m̄arine yeḡu quehnoano yeri m̄uh̄u.

⁶ Nuc̄u cj̄ano yequina pehe m̄uh̄u yequinare wejẽñe, dii coh̄ãḡu yeri. M̄uh̄u yere yahuyequina ḡuh̄are wejẽñe, dii coh̄ãḡu yeri. Tiquina sa wejẽdi buhiri m̄ari dii m̄ari wahari. Sa ye tiquinare diire m̄uh̄u sa sihniḡu yeḡu quehnoarĩne. Sata m̄uh̄u buhiri dahreḡu tiquina ye

buhiri ijire, nidi m̄arine cohteriquiro angel.

⁷ Tiquiro sa nidi bato altarp̄u yahuducuro ca tari:

—Sa tjire. Coh̄ãcj̄u us̄ã p̄uhto tutua yahduaḡu ijire m̄uh̄u. Ni mehono marieno, queoro masare bese, buhiri dahrereri m̄uh̄u, ni yahuducuro ca tari.

⁸ Ihtiaro angele tiquina pio siteri bato apequiro angel tiquiro c̄ori pap̄u pose tiyere pio sitedoque dijiori tja as̄u deco cj̄ano bui. Tiquiro sa pio sitedoque dijioḡuta as̄ure masare tutuaro asiḡu yeri Coh̄ãcj̄u.

⁹ Sa yero as̄u deco cj̄ano masare tutuaro asiri. Sa ye Coh̄ãcj̄u tiquinare tiquiro buhiri dahre dutiḡu masiñe, tiquirore ñano yahuducuri masa. Sa ñano yahdūepeta tiquina ñañe yerire ne buj̄ua witierari. Sa ye duhuerari. Coh̄ãcj̄ure “Tutuaḡu ijire”, ni ño peo duerari.

¹⁰ Pititiaro angele tiquina pio siteri bato apequiro angel tja tiquiro c̄ori pap̄u pose tiyere pio sitedoque dijiori tja nuc̄u cj̄ano tiquiro dujiro bui. P̄uhtoro dujiro ijiri tiquiro dujiro. Tiquiro sa pio siteri bato tiquiro yequina tiquina ijiri yehpap̄u nahitiaa wahari. Sa ye tiquiro yequina masa ñano purĩḡu bahque dihori.

¹¹ Tiquinare ñano purĩpep̄ḡuta ñano cami tiepeta, ne tiquina ñañe yerire buj̄ua witierari. Sa ye tire duhuerari. Sa ye Coh̄ãcj̄u tiquinare tiquiro cami dahreḡu masiñe

tiquirore uhmuse cjānore ñano yahuducuri.

12 Ihcā omopequina anegele tiquina pio siteri bato apequiro angel tja tiquiro cūori papu pose tiyere pio sitedoque dijiori tja Eufrates wame tiri ma pajiri mapu. Tiquiro sa pio sitedoque dijigūta ti ma sihbi quehea wahari. Asū maja taro cjēna puhtoare yequina masa mehna ti mare tiquina pehā tatore sa yeri.

13 Came ihtiaro watīare taharocua yero saha bajuyequinare ihñau. Ihcāquiro pinono puhiapu ijiriquiro tiquiro duseropu wijia tari. Apequiro watīno nucū cjāno duseropu wijia tari. Apequiro watīno “Cohācjū yere yahu mūhtagu ijiaga”, ni mehoriquiro duseropu wijia tari.

14 Sa ye tiquina ihtiaro watīa tutuaye mehna yeyequina ijiri. Ijipihtiro cjēna puhtoare cahmecoagū yeri tiquina cahme wejē dutiye tehe. Tiquina sa cahme wejēati deco Cohācjū tutua yuhduariquiro ijipihtiyequinare tiquiro dutiati deco, pihtiatu deco ijire.

15 Ohō saha nidi Jesu: “Ihñaña masa. Yaque-riquiro wacūeno mehna tiquiro yaquero ahtaro saha yahu gāhu wacūeno mehna ahtautja. Yuhu ahtatore quehnoano cohteriquiro bucueriquiro ijirota. Tiquiro ye suhtire quehnoano quehnoyuriquiro yero saha yeere quehnoano yeriquiro

ijire bucueriquiro. Sa yeriquiro ijiro yahu ahtagū suhti marieniquiro tiquiro bue taboriro saha bue tisi tiquiro”, nidi Jesu.

16 Came ihtiaro watīa yehpari cjēna puhtoare cahmecoagū yeri tiquinare. Tiquina cahmecoano Hebreo ye mehna “Armagedon”, wame tiri.

17 Seis angele tiquina pio siteri bato apequiro angel tja tiquiro cūori papu pose tiyere ehmeo cururi cahapu pio sitedoque dijiori tja. Tiquiro sa pio sitedoque dijiori bato puhtoro dujiropu Cohācjū wuhapu tiquiro dujiropu tutuaro yahuducuro ca tari:

—To punota ijiaga, nino ca tari.

18 Tiquiro sa nigūta mia sitedoqueo, upo pa maa, si-joro saha ijiro bisi maa, cuaro yehpa ñuhmidi. Ahri yehpapu masa tiquina iji ducari bato ne sa ñano yehpa ñuhmieda tiri. Apeye ñuhmiñe yuhduoro cuaro yehpa ñuhmidi.

19 Sa ñuhmigū pajiri macare ihtia maha yihti maa wahari. Sa ye bujuye macari ahri yehpapu ijiye macari sehte dijiaa wahari. Sa yero Babilonia wame tiri maca pajiri maca cjēnare wacūri Cohācjū tiquinare buhiri dahrero taro. Tiquina ñañene yeri buhiri tiquina mehna tutuaro usuari. Sa usuaro tiquinare tutuaro buhiri dahreri.

20 Tiquiro sa yegū ijipihtiyequinare nucupo, canu cju gāhu cohō pihtia wahari. Sa ye ne mariedare.

²¹ Sa ye bujaye paca aco paca yuswaye paca yehpapu masa bui bora dijia tari. Ijipihtiye paca aco paca cuarenta kilo nucñe paca ijiri. Tiquina bui ti paca sa bora dijia tagū Cohācjū masare tiquiro tutuaro buhiri dahregū masiñe ñano yahuducuri masa Cohācjüre.

17

Umua mehna ñano yeducuricorore ña yuhduaro yericorore buhiri dahre dutirota

¹ Came siete pari cwoyequina angele mehna cjāno yuhu cahapu wihiro ohō saha nidi yuhure:

—Ihñagu ahtaya. Peye mări bui dujiricorore umua mehna ñano yeducuricorore ña yuhduaro yericorore Cohācjū tiquiro buhiri dahreatire ihñagu ahtaya muhu.

² Ahri yehpa cjēna puhtoa ticoro mehna tiquina ñano yeboro saha ticoro yero saha yeri. Cohācjū ye pehere cahmedari. Ahri yehpa cjēnare ticoro quehegū yeboro saha tiquina mehna ticoro ñano yeboro saha ticoro masare ñañene tutuaro cahmegū yeri. Sa yero ñañene yegū yeri masare, ni yahuri angel yuhure.

³ Tiquiro sa nidi bato Espíritu Santo pehe yuhure ihñori: Angel pehe masa marienopu neari yuhure. Topu numinore ihñan. Ticoro nucñu cjāno sohāriquiroy bui pesaricoro ijiri. Nucñu cjāno pehe tiquiro pagapu

peye wame tiquina ojoa ohōnohriquiroy ijiri. Ti wame ñañe wame Cohācjū tiquiro ihña yabiye wame ijiri. Sa yero siete dapu paca tiquiro, diez sahari tiquiro ijiri nucñu cjāno.

⁴ Sa yero numino pehe quehnoano yahsaye suhti puhtoa tiquina sañañe suhti saha ijiyere sañaricoro ijiri. Sohñe suhti gūhure sañaricoro ijiri. Peye urure, wapa tiye utāre, perla pjeri gūhure ohōri suhtire sañaricoro ijiri ticoro. Sa yero uru pare cwori ticoro. Ti papu pose tiye ñañe ticoro yeri ijiri. Umua mehna ñano yero, pajiro ñano yeri ticoro. Ti ñañene ihña yabire Cohācjū.

⁵ Ticoro wuhdoapu ticoro wame tiquina ojoa ohōnohricoro ijiri. Ti wamene quehnoano masiedaja mari. Ti wame queoye mehna buheri wame ijire. Ahri ijire ti wame: “Pajiri maca Babilonia wame tiri maca ijire. Ijipihtiye wñana tiye dahpoto cjōno, ña yuhduayere yericoro ijire”, ni, ticoro wuhdoapu tiquina ojoa ohōnohricoro ijiri.

⁶ Sa yero ticoro peyequina Cohācjū yequinare wejēdicoro ticoro ijigū masii. Queheyere ticoro bucuero saha tiquinare wejēno, tiquina dii cohāgū bucuery ticoro. Jesure tiquina cohāedari buhiri ticoro wejēdi tiquinare. Ticorore ihñagu, ihña maria wahan.

⁷ —¿Duhsegu muhu ihña maria wahajari? nidi angel

yuhure.

Sa nino yuhure ohō saha ni nemori:

—Muhū masiedarire mahure yahutja. Numinore mahure yahutja. Ticoro pesariquiro gāhure yahutja. Tiquiro nuch cjäno ijiri. Sa yero siete dapu paca tiriquiro, diez sahari tiriquiro ijiri.

⁸ Tiquiro panopū ijiriquiro ijiri. Yojopure mariedare tiquiro. Came tiquiro uhchāri copere ijiriquiro wijia tarota. Tiquiro sa wijia tari bato pecapū wahaota. Ahri yehpa cjäna tiquirore ihña maria, ño peori tiquirore. Ahri yehpa ijato pano Cohācjä tiquiro yequina ijiatiquinare sa ijiducuatiquinare tiquina wamene ojoa ohōahye. Tiquiro ojoa ohōnohedariquina ijiri nuch cjäno ño peoyequina. Tiquiro pehe panopū ijiri. Yojopū pehere mariedare. Camerū pari turi bajarota. Sa ye tiquiro bajuagū ihñañe masa tiquirore ihña maria wahaeta.

⁹ Yojopure yuhū yahuatire masi duana, quehnoano tūhonata masa. Sa yena tūho masina ijiya. Nuch cjäno dapu paca siete dapu paca siete cūnū cju ijire, mari queoye mehna buhegū. Ti cūnū cju buipū pesare ticoro umūa mehna ñano yeducuricoro.

¹⁰ Ti dapu paca siete pūhtoa yero saha ijire, mari queoye mehna buhegū. Peyequina masa pūhtoa ijire. Ihcā

omopequina pūhtoare cohā tuhasari. Apequiro tiquina bato ijiriquiro pūhtoro ijire yojopure. Apequiro pehe came pūhtoro sajānota. Sa sajāno mehenogā pūhtoro ijirota tiquiro.

¹¹ Sa yero nuch cjäno sohāriquiro panopū iji mahariquiro, yojopure marieniquiro tiquina siete pūhtoa bato pūhtoro ijirota. Siete pūhtoa mehna cjäno ijire. Came pecapū wahaota.

¹² Nuch cjäno sahari diez sahari diez pūhtoa yero saha ijire, mari queoye mehna buhegū. Peyequina masa pūhtoa ijire. Tiquina pūhtoa sajāedare yojopū. Camerū pūhtoa sajāñe mehenogā pūhtoa ijietā. Yoari pje iji dutisi tiquinare. Sa pūhtoa ijiye nuch cjäno mehna pūhtoa ijietā.

¹³ Tiquina diez pūhtoa ihcāno saha tūhotuyequina ijire. Sa ijiye tiquina nuch cjäno tiquina ye yehpari cjäna pūhtoro sōeta.

¹⁴ Sa ye Cordero mehna cahme wejēeta. Tiquina sa cahme wejēpegūta Cordero tiquiro beseriquina mehna tiquirore ne cohāñequina mehna tiquinare yuhdūcaeta. Tiquiro ijipihtiyequina apequina pūhtoa bui pūhtoro ijire. Sa yero tiquinare yuhdūcarota, nidi angel yuhure.

¹⁵ Ahrire yuhure yahu nemori angel:

—Umūa mehna ñano yeducuricoro māri bui dujiri. Ti

mári ahri yero saha ijire mari queoye mehna buhegū: Ijipihtiye yehpari cjēna, peye cururi cjēna, peye yahuducuyere yahuducuyequina yero saha ijire ti mári.

¹⁶ NUCU cjāno, diez pūtoa gūhu umua mehna ñano yeducuricorore ihña yabieta. Tiquina diez pūtoa nucu cjāno mehna ticoro yere ehma peho, suhti mariedicoro cohāeta ticorore. Sa ye ticoro pagure ihyaeta. Tiquina sa yeri bato ticorore ujāa pehoeta.

¹⁷ Tiquina diez pūtoa ihcāno saha tūhotuye, nucu cjānore tiquina ye yehpari cjēna pūhtoro sōeta. Tiquinare sa yegū yeri Cohācjū, tiquiro cahmeno saha yero taro. Sa yero nucu cjāno pehe pūhtoro ijirota. Ijipihtiye Cohācjū panopu tiquiro yahuriro sahata tiquiro yeri bato nucu cjānore cohānota.

¹⁸ Ticoro mūhu ihñaricoro mehna ohō saha ni queoye mehna buhere: Ticoro pajiri maca Babilonia wame tiri maca yero saha ijire. Ijipihtiyequina apequina pūtoa bui ijire ti maca cjēna, nidi angel yūhure.

18

Babilonia wame tiri maca tiquiro cohāri maca ijire

¹ Came apequiro angel umūsepu dijia tariquirore ihñau. Tiquiro pūhtoro waro ijiri. Sa yero tiquiro asi siteye ijipihtiropu quehnoano buhrio sehśaa wahari.

² Tiquiro sa dijiari bato tutuaro sañuducu yahuri:

—Cohāri jiri. Babilonia wame tiri maca pajiri maca cjēnare cohāri jiri. Yojoṗure watīa, peyequina ñañequina pagu bajueyequina gūhu ti macapu ijiye nine. Ñañequina boro minicjua pari gūhu ti macapu ijiye nine. Tiquina minicjua masa tiquina ihña yabiyequina ijiri.

³ Ijipihtiye yehpari cjēna ti maca cjēnare ñañequinare ihña cūñe, tiquina gūhu ñano yeri. Sa ye ahri yehpari cjēna pūtoa ti maca cjēna numia mehna ñano yeri. Ticoro sa umua mehna ñano yeducuricoro ijiro wapa tiyere dúe tiri. Pajiro ticoro sa dúgū ahri yehpa cjēna doeri cjē duayequina pajiro wapatarī, ni yahuri angel.

⁴ Came pari turi umūsepu yahuducuro ca tari. Ohō saha nidi:

—Yeequina, ahricoro umua mehna ñano yeducuricoro mehna ijieracāhña mūsa. Ticoro mehna mūsa ijigū mūsa gūhare buhiri dahrerota. Sa yena ticoro ñano yeyere ihña cūedacāhña.

⁵ Ticoro ñano yeri peye ijire. Ticoro ñano yerire pari tju mari duhu peo mūogū ti tju pehe umūsepu wahā sa cāboaga. Sa ye ticoro ñano yeri peye ijire. Sa yero ticoro ñano yerire wacūre Cohācjū. Sa wacūno ticorore buhiri dahre dutirota.

⁶ Ticoro tutuaro tiquiro buhiri dahrenohaticoro ijiahro. Masare ticoro

ñano yegū yeriro saha ticoro gūhure ñano yūhdugū yeahro. Masare ticoro sa ñano wahagū yeriro saha ti yūhduro ticorore ñano buhiri dahreahro.

⁷ Ticoro “Quehnoago iji-aja”, ni tūhotumedi. Sa ni tūhoturo, wapa būjūyere pajiro cūori ticoro. Ti wapa būjūyere pajiro ticoro cūoro punota ticorore pajiro ñano yūhdugū yeahro. To punota ticorore būjūa witiġū yeahro. Ticoro basi ohō saha ni tūhotumene. “Ohōpū dutigo dujiaja. Wape wiho ijieraja. Sa yego ne ñano yūhdūsi yūhū”, ni tūhotumene ticoro.

⁸ Sa ni tūhoturicoro ijigū wacūeno mehna ticorore buhiri dahrerota. Ticoro dohati, yariariquinare yahco uti, ūjūa ahbarota. Sa yero ticorore ūjūa borota. Mūsa pūhoro Cohācġū ticorore buhiri dahre dutiriquiro tutua yūhdūariquiro ijire. Sa yero sa yūhū nidiro saha ticorore buhiri dahre dutirota, nino ca tari ūhmūsepū.

⁹ Sa ye ticoro yero saha ijiri macare Cohācġū tiquiro buhiri dahrereri bato ahri yehpa cġēna pūhtoa tutuaro būjūa witi, utieta. Ti maca cġēna mehna ñano yeyequina ijiri. Ti maca ūjūgū ihñāñe utieta tiquina.

¹⁰ Sa ūjūgū ihñāñe tiquina pūhtoa yoaropū ihñadoqueoducuetā, “Ūsā gūhure buhiri dahreari”, niñe. Topū ihñadoqueoducuye ohō saha nieta:

—Yohou, pejecūori maca ijire, Babilonia. Si maca

pajiri maca tutuari maca ijimedi. Wacūeno mehna si macare buhiri dahrereri, nieta tiquina.

¹¹ Ijipihtiro cġēna doeri cġē duayequina ti macare ihñāñe tutuaro būjūa witi utieta. Ti maca pihtigū ihñāñe, tiquina ye doeri cġēne dūyequina mariedagū ihñāñe būjūa witieta tiquina. Sa ye utieta.

¹² Tiquina ne cāhtarire urure, platare, wapa būjūye ūtāre, perla wame tiye paca gūhure dūyequina marisi. Sa ye apeye tiquina ne cāhtarire suhti quehnoañe suhtire, yahsaye suhti pūhtoa tiquina sañāñe suhti saha ijiye suhtire, seda wame tiye suhtire, sohāñe suhtire dūyequina marisi. Sa ye apeye tiquina ne cāhtarire yucūri ehme sitiye yucūri dūyequina marisi. Sa ye apeye tiquina ne cāhtarire marfil wame tiye mehna tiquina yerire, wapa būjūye cġū mehna tiquina yerire, bronze wame tiye come mehna tiquina yerire, come būtiye mehna tiquina yerire, marmol wame tiye mehna tiquina yerire dūyequina ne marisi.

¹³ Sa ye apeye tiquina ne cāhtarire canela wame tiyere tiquina ihyayere ocagū yeyere, apeye tiquina ihyayere ocagū yeyere, bueyere, mirra wame tiye ehme sitiye, apeye ehme sitiye dūyequina marisi. Sa ye apeye tiquina ne cāhtarire vinore, ūhse ihyaye

moreñene, trigore, trigo pjerire, wecure, corderoare, caballoare, tunuñe cohrori caballoa tiquina wejeye cohrore dúyequina marisi. Cahacjēnare dú tiquinare cnoyequina gūhū marisi. Masa tiquina ijiepegūta tiquinare dúyequina ijimedi. Yojoṗure marisi. Sa ye bujūa witieta doeri cjēne duayequina.

¹⁴ Sa ye ohō saha nieta tiquina ti maca cjēna ijiriquinare:

—Adei, ñabutiario wahayari. Ijipihtiye mūsa cahīmedi pih-tia wahari. Sa ye ijipihtiye quehnoañe mūsa cnoyedi pih-tia wahari. Sa yena tire pari turi bocasi mūsa, nieta doeri cjēne duayequina.

¹⁵ Tiquina ti macare doeri cjēne duaye, pajiro wapatamedi. Sa ye tiquina ti macare yoaropū ihñadoqueoducueta, “Ŭsā gūhure buhiri dahreari”, niñe. Sa ihñadoqueoducuye ti macare tutuaro bujūa witieta.

¹⁶ Ohō saha nieta ti macare:

—Adei, pejecnoyequina ijire si maca pajiri maca quehnoari maca cjēna mūna. Si maca numino yero saha quehnoañene cnoyori. Numino pehe quehnoañe suhtire, yahsaye suhti pūhtoa tiquina sañañe saha ijiye suhtire, sohāñe suhti gūhure sañari. Sa yero uru, wapa bujūye ũtā, perla wame tiye paca ohōri suhtire sañari. Sa yeri si maca cjēna.

¹⁷ Sa ye wacūeno mehna si maca buti pihtia wahari, nieta ti macare.

Sa ye ijipihtiyequina yucūsari mehna tiniñequina, ti yucūsari opana, tiquina ũmūa, apequina pajiri mapū dahra wapatayequina gūhū ti macare yoaropū ihñadoqueoducueta.

¹⁸ Topū ihñadoqueoducuye ti macare to ũjūgū ihñañe ohō saha ni sañuducueta:

—Quehnoañe macari si maca yero saha ijiye macari ne apeye macari mariedare, ni sañuducueta tiquina.

¹⁹ Sa bujūa witiyequina ijiye tiquina dapu paca bui dihtare orē peoeta. Sa ye tutuaro yahco utiye ohō saha nieta:

—Adei, pejecnoyequina ijire si maca cjēna mūna. Quehnoari maca ijimedi. Ijipihtina yucūsarire cnoyona pajiri mapū tinina ijina si maca cjē doeri cjē mehna quehnoano wapatami mari. Sa ye duita si maca cjē buti pihtia wahari, nieta yucūsari cjēna.

²⁰ Ti macare tiquiro cohāgū ihñana bucueya mūsa ũhmūse cjāna. Cohācjū yequina, Jesu tiquiro cūrina, tiquiro yere yahu mūhtarina ijipihtina mūsa bucueya. Ti maca cjēna mū sare ñano yūhdūgū yeri. Tiquina sa yeri buhiri buhiri dahreari Cohācjū. Sa yena bucueya mūsa.

²¹ Sa yero tutuariquiro angel pajiria ũtāre ne wahcō, pajiri mapū doque ñori. Sa doque ñono ohō saha nidi:

—Ahria utã bora ñojoariro saha pajiri maca Babilonia wame tiri maca boraro tutuaro bisirota. Sa borari bato ti macare pari turi ihñasi masa.

22 Ti macare butia wahagũ yerota. Sa ye ti macapũ basayere m̄sa basaducuriro saha ne acaro tisi. Arpa wame tiyere m̄sa bua putẽducuriro saha, flauta wame tiye pacare, corneta gãhũre m̄sa putiducuriro saha pari turi ti macapũ acaro tisi. Sa ye ti maca mariedagũ pari turi ti macapũ dahrayequina dahrasì. Sa ye utã mehna trigore m̄sa ña m̄toñe gãhũre tũhonohsi.

23 Ne ti maca buhrio cuñariro saha ne ijisi. Sa ye omoca dah̄tena m̄sa bucue yahuducuriro saha pari turi ne acaro tisi. Ti maca cjãna m̄sa doeri cjẽne duana, dúna gãhũ apequina yãhdũoro c̄omedi m̄sa. Sa yena yayia masare ujuayequina yero saha yena ijipihtiro cjẽnare mehori m̄sa. M̄sa sa yerire ihña mariañe, Cohãcjũ pehere cahmedari masa, nidi tutuariquiro angel.

24 Ti maca cjẽna Cohãcjũ yere yahu m̄htariquinare apequina tiquiro yequina gãhũre ijipihtiro cjẽnare wejẽdi jiri. Tiquina sa wejẽdi buhiri buhiri dahreri Cohãcjũ Babilonia cjẽnare.

19

1 Babilonia dah̄se wahatire yũhũ ihñari bato uhm̄sepũ peyequina masa sañuducue

ca tari yũhũ tũhogã. Ohõ saha ni sañuducuri:

Aleluya. Cohãcjũre quehnoano yahuducuhna. Cohãcjũ marine yãhdũoriquiro ijire. Tiquirore quehnoano ño peuhna. Tutua yãhdũariquiro ijire tiquiro.

2 Mehono marieno queoro masare buhiri dahrere tiquiro. Ñañe buhiri marieñequinare tiquinare buhiri dahrerare. Ñaricorore am̄a mehna ñano yeducuricorore ihña cũñe ijipihtiro cjẽna, ahri yehpa cjẽna ñano yeri. Ticoro pehere buhiri dahreri Cohãcjũ. Sa yero tiquiro cahacjẽnare ticoro wejẽdi buhirire buhiri dahreri tiquiro, ni sañuducue ca tari.

3 Pari turi sañuducue ca tari tja:

Aleluya. Cohãcjũre quehnoano yahuducuhna. Ti maca ñari maca tiquiro ujuari maca sa ohmeo tiducurota, ni sañuducue ca tari.

4 Sa yeye veinticuatro Jesu yequina pũtoa, pititiro sijoro saha bajuyequina mehna dũsepe curi mehna quehe sa, mari Pacure tiquiro dujiropũ dujiriquire ño peori. Ohõ saha ni ño peori tiquina: “Aleluya. Sata yeihna. Mari Pacure quehnoano yahuducuhna,” nidi tiquina.

5 Came pũthoro dujiropũ ohõ saha nino ca tari:

Mari p̄htoro Cohācj̄re ño peoya. Tiquiro cahacj̄ana, tiquirore ño peona, ihyo ijina, p̄htoa ḡh̄u ijipih̄tina m̄sa tiquirore quehnoano yahuducuya, nino ca tari.

Cordero tiquiro omoca d̄hteati deco bose decore yahuahye Ñu

⁶ Came peyequina masa tiquina yahuducuḡa t̄hou. Sa ye pajiri peo, upo mehna tutuaro bisiro saha yahuducue ca tari ȳh̄u t̄hoḡa:

Aleluya. Cohācj̄re quehnoano yahuducuhna. Tiquiro mari p̄htoro pehe p̄htoro saj̄a tuhasari. Tutua ȳhd̄ariquiro ijire tiquiro.

⁷⁻⁸ Cordero tiquiro omoca d̄hteati p̄je ijire yojop̄are. Tiquiro omoca d̄hteaticoro quehnoano tiquina quehno tuhasari-corop̄u ijire. Ticorore quehnoari suhtiro wetemarieni suhtirore ohori. Ti suhtiro Cohācj̄u yequina quehnoañene tiquina yeri yero saha ijire, mari queoye mehna buheḡu. Sa yena ti omoca d̄hteati p̄je ijiḡu bucueihna mari. Cohācj̄re “Tutua ȳhd̄ariquiro ijire”, nihna, ni yahuducue ca tari.

⁹ Tiquina sa nidi bato angel ohō saha nidi ȳh̄are:

—Ahr̄ire ojoa neña: “Cordero tiquiro omoca d̄hteri deco bose decore

tiquiro pijioriquina bucueyequina ijire”, ni ojoa neña, nidi angel ȳh̄are.

Sa ninota ohō saha ni nemori:

—Ijirota ijire ahri ȳh̄u yahuri. Cohācj̄u ye yahuducue ijire, ni nemori ȳh̄are.

¹⁰ Tiquiro sa niḡu t̄hoḡata tiquiro caha d̄sepe curi mehna quehe sa, tiquirore ño peou t̄u nimi. Ȳh̄u sa yeḡu waro ohō saha nidi tiquiro ȳh̄are:

—Tire yerac̄h̄ña. M̄h̄u yero saha ȳh̄u ḡh̄u Cohācj̄u cahacj̄ata ijiaja. M̄h̄u acaye Jesu yequina ijipih̄tiyequina tiquiro ye buheyere duh̄eyequina yero saha ȳh̄u ḡh̄u Cohācj̄u cahacj̄ata ijiaja. Sa yeḡu Cohācj̄u pehere d̄sepe curi mehna quehe sa, tiquirore ño peoya, nidi angel ȳh̄are.

Cohācj̄u yere yahu m̄htariquina m̄na panop̄u cj̄ena Esp̄iritu Santo yedohoro mehna ti buheyere Jesu ye buheyere yahuyuahye.

Caballo yehseriquiro bui pesariquirore yahuahye Ñu

¹¹ Came uhm̄se par̄i maa wahaḡu ih̄ña. Top̄u caballo yehseriquiro ijiri. Tiquiro bui pesariquiro ohō saha wame tiri: Tiquiro nidiro sahata yeriquiro poto yeriquiro wame tiri tiquiro. Queoro masare dutiriquiro ijiro, tiquirore ih̄ña tuhtiyequina mehna cahme wej̄ene.

¹² Tiquiro caperi peca pohna yero saha ijiri. Sa yero tiquiro dapup̄u peye

pũtoa pesaye behtori ijiri. Sa yero tiquiro pagapũ wame ojoa ohõnohriquiuro ijiri. Ti wamene tiquiro dihita masidi. Apequina masiedari.

13 Tiquiro sañari suhtiro yoari suhtiro dii wahñari suhtiro ijiri. Tiquiro ohõ saha wame tiri: Cohãcjũ ye yahuducuyere yahuriquiuro wame tiri tiquiro.

14 Sa ye tiquiro yequina surara uhmũse cjẽna tiquirore nanũ tãri. Yehseyequina caballoa bui pesayequina quehnoañe yehseye suhtire, wete marieñe suhtire sañariquina ijiri.

15 Tiquiro dũseropũ ñoseni pjĩne siori pjĩne cuhñuri. Ti pjĩ ijipihtiye yehpari cjẽnare tiquiro yũhdũdũcati pjĩ ijiri. Sa yero tiquiro tutuaye mehna tiquiro dutigũ ne ihcãquiuro tiquirore yũhdũdũcaro cũsi. Cohãcjũ ijipihtiye yehpari cjẽna mehna usuare. Tiquiro sa usuagũ caballo bui pesariquiuro tiquinare tutuaro buhiri dahrerota.

16 Tiquiro suhtiropũ, tiquiro ñecũ gãhũre ahri wamene ojoa ohõri jiri: "Ijipihtiyequina apequina pũtoa bui pũtoro", ni ojoa ohõri jiri.

17 Came asũ asiropũ ducuriquiurore angelre ihñañ. Ijipihtiyequina uhmũsepũ wũyequina yucaa parire sañuducu mũori tiquiro. Ohõ saha ni tutuaro sañuducu mũori:

—Cahmecoana ahtaya. Cohãcjũ tiquiro bose decopũ

ihyana ahtaya.

18 Peye yehpari cjẽna pũtoare, surara pũtoare, surara parire, caballoare, tiquina bui pesayequinare, ijipihtiyequina apequina masare, cahacjẽnare, cahacjẽna ijieyequinare, apequina pũtoare, ihyo ijieyequinare tiquina ijipihtiyequina tiquina pagari ijirire ihyana ahtaya, nidi angel yucaare.

19 Came nũcu cjãnore, ahri yehpa cjẽna pũtoa tiquina yequina surara pari gãhũre ihñañ. Caballo bui pesariquiuro mehna tiquiro yequina surara pari mehna cahme wejẽñe tehe cahme-coari tiquina.

20 Tiquina sa cahme wejẽgũ caballo bui pesariquiuro nũcu cjãnore peresu yeri. Apequiuro "Cohãcjũ yere yahu mũhtagũ ijiaja", ni mehoriquiuro gãhũre peresu yeri. Tiquiro ni mehoriquiuro pehe nũcu cjãno tiquiro ihñonopũ tutuaye mehna ye ihñoriquiuro ijiri. Tiquiro sa ye ihñori mehna nũcu cjãno wamene wahñañequinare tiquiro queoyere ño peoyequinare ni mehori "Ahri Cohãcjũ ye ijire", nino. Tiquina pũarore tiquiro peresu yeri bato tiquinare catieyquinareta pecapũ cohãri. Ti peca pajiri ma yero saha pajiri peca azufre mehna uñari peca ijiri.

21 Sa yero dũhsariquinare tiquina yequina surara parire ñoseni pjĩ mehna tiquiro dũseropũ ijiri pjĩ

mehna wejēdi caballo bui pesariquiro pehe. Sa tiquiro wejēdi bato yucaa pari tiquina paguri ijrيره ihyaye, yari yuhna wahari.

20

Mil cahmari waro Cristo tiquiro yequina mehna masare dutirota

¹ Came apequiro angel ahmusepu tiquiro dijia tagū ihñau. Uhcāri cope cĵa sawire, pajiri da, come da gūhare cūori tiquiro.

² Sa dijia wihiro pinonore ñehedi tiquiro. Tiquiro pinono panopu pinono saha pagu tiriquiro ijiro, watino Satana wame tiriquiro ijiri. Tiquirore ñeheno tiquirore dūhteri mil cahmari waro peresu yero taro.

³ Sa dūhte tuhasa, uhcāri copere cohāri tiquirore ahri yehpari cĵenare mil cahmari waro tiquiro "Mehoari", nino. Sa cohā tuhasaro ti copere biha, piha ñehe cāri. Sa yero mil cahmari bato pari turi meheñe decorigā tiquirore wiorīnota.

⁴ Came puhtoa dujiyere ihñau. Ti dujiyepu dujiyequina gūhare ihñau. Tiquinare masare tiquina be-seatore ñañene yeyequinare tiquina buhiri dahreatore cūri Cristo. Apequina gūhare ihñau. Tiquina pehe Jesu yere Cohācĵū yere tiquina yahuri buhiri tiquina dapu pacare date cohānohriquina ijiri. Nucū cĵānore tiquiro queoye gūhare dūsepe curi mehna quehe sa ño peoerari.

Sa ye tiquina wūhdoa pacare tiquina omocari gūhare tiquiro wamene ojoa ohō dutierari tiquina. Sa ye apequina tiquinare wejēdi bato masaa wahari tja. Masari tiquina mil cahmari waro Cristo mehna puhtoa ijiye tehe.

⁵ Apequina Cristo yequina yariariquina mana masaedarīdi. Tiquina wejēdiquina tiquina masari bato mil cahmari puhtoa tiquina ijiri bato apequina gūhu masaa wahaeta. Sa ye tiquina wejēdiquina mana Cristo yequina tiquiro bato masa mūhtañequina ijiri.

⁶ Tiquiro maso mūhtariquina pehe tutuaro bucueyequina ijieta. Ñañe marieñequina ijieta tiquina. Sa ye pecapu wahasi tiquina. Masa pecapu wahaye, pari turi tiquina yariaro saha wahare. Sa ye tiquina pecapu wahaerare. Masa mūhtariquina Cohācĵū, Cristo yequina pahia ijieta tiquina. Sa ye mil cahmari waro Cristo mehna masa puhtoa ijieta.

⁷ Mil cahmari bato Satanare peresupu ijiriquirore wiorota.

⁸ Tiquirore sa wiori bato ahri yehpa cĵenare mehono waharota tiquiro. Gog wame tiyequinare, Magog wame tiyequina gūhare mehono waharota. Sa ye tiquina tiquiro mehoñene tūhoye, tiquina yequina surara parire cahmecoeta cahme wejēñe tehe. Surara pari peyequina ijieta. Pajiri ma cĵē padu pjeri peye ti ijiro

saha peyequina surara ijietā.

⁹ Sa ye ahri yehpapure waha siteye, Cohācjū yequina tiquina ijiri macare Cohācjū tiquiō cahīdi macare majare behtoa cahmotaeta. Tiquina sa cahmotari bato Cohācjū tiquinare ahmuse cjā peca mehna ahjūadoque dijiorota.

¹⁰ Sa wahari bato watīnore tiquinare mehoriquiore pecapure cohānota. Ti peca pajiri ma yero saha ijiri peca azufre mehna ahjūri peca ijiri. Topure nuse cjūnore, “Cohācjū yere yahu mahtagū ijiaja”, ni mehoriquiō gūhure cohā tuhasari. Topure tiquina ijigū deco, űamipure gūhure sa űano purīducurota tiquinare.

Cohācjū masare buhiri dahre bato tire

¹¹ Came pajiro dujiore quehnoano yehserore pūhtoro dujiore ihñau. Ti dujiro bui dujiriquiō gūhure ihñau. Ahri yehpa cjēna gūhure ahmuse cjēna gūhure tiquiore cueye, duhti oma cāa wahari. Sa duhtiepeta tiquiore duhtie cūedari.

¹² Sa yegū pūhtoro poto yariariquina mūna tiquina ducugū ihñau. Tiquina ihyo ijiyequina, pūhtoa ijiriquina gūhure ijiri. Topure tiquina ducugū ojoa ohōñe tjurire pōori. Ti tjuri masa tiquina yerire tiquina ojoa ohōñe tjuri ijiri. Sa yero beseriquiō ti tjurire ihñā tuhasa tiquina yerire masidi. Tire masino yariariquinare beseri űañequina, quehnoañequina gūhure.

Came ape tju gūhure pōori. Ti tju Cohācjū mehna sa ijiducuatiquinare tiquina wamene ojoa ohōri tju ijiri.

¹³ Came pajiri mapure, diapure gūhure yaria dijariquina wahcā mūjaa wahari. Sa ye yehpa puhiapure ijiyequina, yariariquina tiquina ijiropure ijiyequina gūhure mūjaa wahari. Tiquina sa mūja sagū topure dujiriquiō tiquina yerire masi pehorō, tiquinare beseri űañequina, quehnoañequina gūhure.

¹⁴ Came yariarore, yariariquina tiquina ijiro gūhure cohā cāhri Cohācjū pari turi mari yariaratore. Pecapure cohā cāhri. Ti peca pajiri ma yero saha ijiri peca pajiri peca ijiri. Pecapure wahayequina pehe pari turi yariaro saha wahare.

¹⁵ Sa yero sa ijiducuatiquina tiquina wamene Cohācjū tiquiō ojoa ohōri tjupure ijiপিতিyequina tiquina wamene ojoa ohōmehneñequina pehere pecapure cohāri tiquiō.

21

Ūhmusepū, ahri yehpa gūhure wahmare comesarota Cohācjū

¹ Came ahmusepū, ahri yehpa gūhure wahmare tiquiō comesarire ihñau. Ūhmusepū iji mahtari, yehpapure iji mahtari, pajiri mapure iji mahtari gūhure pihtia wahari. Mariedari.

² Sa yegū yūhū űū quehnoari macare, wahma

macare Jerusalēne ihñau. Ti maca uhmusepu Cohācjū cahapu dijia tagū ihñau. Omoca duhteaticorore quehnoañe suhti mehna wahma sūore omoca duhteatiquirore bucuegū yero taro. Sata ti macare quehnoyuri jiri Cohācjū, tiquiro yequinare bucuegū yero taro.

³ Tire yuhu ihñari bato puhtoro dujiropu tiquiro sañuducugū tūhou:

—Ihñaña. Yojobure masa watoapu ijiro nine Cohācjū. Tiquina mehna ijirota tiquiro. Sa ye tiquiro yequina ijietā tiquina. Sa yero Cohācjū tiquiro basi tiquina mehna cjāno ijiro, tiquina yaquiro Cohācjū ijirota.

⁴ Sa yero sa bucueducugū yerota tiquiro tiquinare. Sa ye pari turi bujua wītisi tiquina. Sa ye ne pari turi yariasi tiquina. Ne ñano jeripohna tiye, utiye, puriñe gūhu marisi tiquinare. Ahri ijipihyere panopu cjē ijiri pihia waharota, ni sañuducuro ca tari.

⁵ Came puhtoro dujiropu dujiriquiro ohō saha nidi:

—Ihñaña. Ijipihyere wahma comesagū yeitja, nidi.

Tiquiro sa nidi bato yuhare ohō saha nidi tja:

—Ahri yuhu niñene ojoa neña. Yuhu niñe ijirota ijire. Sa yero yuhu nidiro sahata sa waharota. Sa yegu yuhu niñene ojoa neña, nidi yuhare.

⁶ Came ohō saha nidi tja yuhare:

—To punota ijiaga. Yuhu ijipihyere bajumehnedigu

ijiaja. Sa yegu ijipihyere pihtigū yeacju ijiaja. Aco wūoyequina tutuaro tiquina acore cahmeno saha yuhu cahapu ahta duayequina yuhare cahmeeta. Sa ye yuhare yuhtieta. Yuhu catigū yeye aco yero saha ijigu ijiaja. Yuhare cahmeñequinare yuhu mehna sa ijiducugū yeitja tiquinare. Tiquina esa tuharo ye dutiro marieno, yuhu tutuaye mehna yuhu mehna sa ijiducugū yeitja.

⁷ Ijipihyequina yuhare wacū tutua duhuyequinare ohō saha yeitja: Tiquina yaquiro Cohācjū ijietā. Sa ye tiquina pehe yuhu pohna ijietā.

⁸ Sa ijiepetā cueye, yeere duhuyequina, yuhare cahmeñequina, ña yuhduyere yeyequina, masare wejēñequina, wūana tiyequina, masare ujuayequina yero saha yeyequina yayia, “Cohācjū ijire”, tiquina niñe queoyere ño peoyequina, ijipihyequina ni mehoñequina pecapu wahāeta. Topu pajiri ma yero saha ijiri peca pajiri peca azufre mehna uñāno nine. Topu wahayequina pari turi tiquina yariaro saha wahaye nine, nidi yuhare.

Wahma maca Jerusalēne yahuahye

⁹ Came ihcāquiro angel yuhu cahapu wihiri. Tiquiro siete pari cūoyequina, tiquiro buhiri dahre duti cūriquina angele mehna cjāno ijiri. Sa wihiro, ohō saha nidi yuhare:

—Ihñagu ahtaya. Cordero tiquiro omoca d̄ahtericorore ihñoutja m̄ah̄ure, nidi angel yuh̄ure.

10 Sa yero Esp̄iritu Santo yuh̄ure Coh̄ācj̄u ya macare ihñori. Oh̄o saha bajuro ihñori yuh̄ure: Ʋhm̄uanu canu buip̄u yuh̄ure ne m̄ajari. T̄up̄u us̄ā ijiḡu Jerusal̄ēne Coh̄ācj̄u ya macare quehnoari macare ihñori yuh̄ure. Coh̄ācj̄u cahap̄u Ʋhm̄usep̄u ijiri maca dijia taro nidi ahri yehpap̄u.

11 Coh̄ācj̄u tiquiro asi siteye mehna asi siteri maca ijiri ti maca. Wapa tiye ut̄ā yero saha asi siteri. Jaspe wame tiye ut̄ā yero saha asi siteri. Sa yero vidrio yero saha quehnoano aco sitiri maca ijiri ti maca.

12 Sa yero pajiri sahr̄ino Ʋhm̄uari sahr̄ino tiquina sahr̄i s̄ari maca ijiri ti maca. Doce sopecahari tiri ti sahr̄ino. Ti sopecaharipe cohteri angele. Ti maca cj̄e sope pahmarip̄u Israe masa cururi doce cururipe tiquina wame wahñari.

13 As̄u m̄aja taro pehe ti sahr̄ino c̄ori ihtia sopecaha. Sur c̄u pehe pehe ihtia sopecaha ijiri. Norte poto pehe ihtia sopecaha ijiri. As̄u saj̄ano pehe ḡuh̄ure ihtia sopecaha ijiri. Ijipihtiro doce sopecahari waro c̄ori ti sahr̄ino.

14 Ti sahr̄ino doce ut̄ā paca bui pesari. Ti ut̄ā pacape Cordero c̄urina doce tiquiro c̄urina us̄ape wame wahñari.

15 Sa yero angel yuh̄ure yahuriquiro queodu uru

mehna tiquina yed̄ure c̄ori. Ti macare, ti maca cj̄e sopecaharire, sahr̄ino ḡuh̄ure queoro taro nidi.

16 Ti maca yoaro punota ehsaro ḡuh̄u to punota ehsari. Ʋhm̄uano ḡuh̄u to punota Ʋhm̄uari. Sa yero angel queodu mehna ti macare queori. Ti maca dos mil do- cientos kilómetro yoari maca ijiri. To punota ehsari maca ijiri. To punota Ʋhm̄uari maca ijiri.

17 Sa yero ti maca cj̄ā sahr̄inore queori angel. Sesenta y cinco metro Ʋhm̄uari sahr̄ino ijiri. Masa mari queoro sahata queoro nidi tiquiro angel.

18 Ti sahr̄ino jaspe wame tiye ut̄ā paca mehna tiquiro yeri sahr̄ino ijiri. Sa yero ti maca pehe uru mehna tiquiro yeri maca ijiri. Ti uru wete marieñe ijiro quehnoano asi siteri.

19 Ti sahr̄ino docap̄u ijije ut̄ā pacap̄ure peye sijoro saha ijije wapa tiye paca wahñari. Ti ut̄ā paca sahr̄inop̄u pesaye paca doce paca ijiri. Iji m̄ah̄taria ut̄āre jaspe wame tiye ut̄ā wahñari. Ti paca bato ijiria ut̄āre zafiro wame tiye ut̄ā wahñari. P̄uaria bato ijiria ut̄āre ágata wame tiye ut̄ā wahñari. Ihtiaría bato ijiria ut̄āre esmeralda wame tiye ut̄ā wahñari.

20 Pititiaría bato ijiria ut̄āre ónice wame tiye ut̄ā wahñari. Ihc̄a omope paca bato ijiria ut̄āre cornalina wame tiye ut̄ā wahñari. Seis paca bato ijiria ut̄āre crisólito wame tiye ut̄ā

wahñari. Siete paca bato ijiria utāre berilo wame tiye utā wahñari. Ocho paca bato ijiria utāre topacio wame tiye utā wahñari. Nueve paca bato ijiria utāre crisoprasa wame tiye utā wahñari. Diez paca bato ijiria utāre jacinto wame tiye utā wahñari. Once paca bato ijiria utāre amatista wame tiye utā wahña bato tiri.

²¹ Sa ye doce sope pahmari doce perla mehna tiquiro yeri pahmari ijiri. Ti pahmaripe ihcā pje perla pje mehna tiquiro yeri pahmari ijiri. Sa yero ti maca cjā maha uru mehna tiquiro yeri maha ijiri. Ti uru wete marieñe uru ijiri. Sa yero quehnoano aco sitiri maha ijiri ti maha.

²² Ti macapꝰ Cohācjū wuhure ihñedꝰ. Mariedari. Ti macapꝰ ijipihtiropꝰ mari pꝰhtorore Cohācjū tutua yuhdꝰhariquirore, Cordero gūhꝰre ño peore masa. Sa yero ti maca ijipihtiro Cohācjū wuhꝰ yero saha ijiri.

²³ Sa yero ti macapꝰ Cohācjū tiquiro asi sit-eye quehnoano buhriori. Cordero gūhꝰre sihāria yero saha buhriori. Sa ye asū deco cjāno gūhꝰre ñami cjāno gūhꝰre topꝰ tiquina buhriogū cahmedari.

²⁴ Sa ye ahri yehpapꝰ ti buhrioye mehna ijietā ijipihtiro cjēna. Sa ye ijipihtiye yehpari cjēna pꝰhtoa ti macapꝰ quehnoa yuhdꝰayere tiquina cꝰoyere ne wihietā.

²⁵ Sa ye decore ti maca cjē

sopecahari pꝰori sopecahari ijietā. Topꝰre ne ñami marisi. Sa ye ti sopecaharire ne bihasi. Sa susuducurota.

²⁶ Sa ye ahri yehpari cjēna quehnoañene tiquina cꝰoyere ti macapꝰ ne wihietā.

²⁷ Ñañe pehere ti macapꝰ ne ne wihisi. Bue tigū yeyequina, ñañene yeyequina gūhꝰ ti macapꝰ ne wahasi. Mehoñequina gūhꝰ ne wahasi. Cordero tiquiro ojoari tjupꝰ tiquina wame wahñañequina dihita ti macapꝰ wahaeta. Ti tju tiquiro yuhdꝰoriquina tiquina wamene tiquiro ojoa ohōri tju ijire. Ti tjupꝰ tiquina wame wahñañequina sa ijiducueta.

22

¹ Came quehnoari mare catigū yeri mare ihñori yuhure angel. Ti ma quehnoano aco sitiri ma Cohācjū, Cordero gūhꝰ tiquina dujiropꝰ ahtari ma ijiri.

² Sa yero ti maca cjā maha deco buhꝰari ti ma. Ti ma pꝰa peheri dꝰhtꝰ cahapꝰ catigū yeye cjꝰ ducuri. Ti cjꝰ asūripe dꝰca tiri. Ihcā cꝰhmare doce tahari dꝰca tiri. Sa ye ti cjꝰ cjē pūri mehna quehnoano aco tieta ahri yehpa cjēna.

³ Ti macare ne ñañe buhiri dahreati marisi. Ti macapꝰ Cohācjū dujiro ijirota. Cordero dujiro gūhꝰ ijirota topꝰ. Sa ye ijipihtiyequina masa topꝰ ijiiyequina tiquina cahacjēna tiquina poto dꝰsepe curi mehna quehe sa, tiquinare

ño peoeta. Sa yero topu ñañe ne marisi.

⁴ Tiquina Cohãcjüre ihña piti ca dujieta. Sa ye tiquina wuhdoa pacapu tiquiro wame wahñañequina ijieta.

⁵ Topure ñami ne marisi. Sa ye sihãne paca gãhure cahmesi topu ijiyequina. Asũ buhriogũ gãhure cahmesi. Mari puhtoro Cohãcjũ buhri-
orota. Sa ye ti macapu ijiyequina ape sie cjëna puhtoa ijiducueta.

Jesucristo ahri yehpapu tiquiro tojoa tato mehenogã dũhsare

⁶ Came angel yuhure ohõ saha nidi:

—Ijipihtiyere ahri tiquina yahuri ijirota ijire. Sa ye tiquina nidiro sahata waharota. Mari puhtoro Cohãcjũ tiquiro yere yahu mũhtariquinare masigũ yeriquiro ijire. Tiquiro pehe yojopure tiquiro yaquiro angelre ohori tiquiro cahacjënare masigũ yero taro. Came cjũnogã dũhse wahatire masigũ yero taro tiquiro yaquiro angelre ohori, nidi angel yuhure.

⁷ Jesu pehe ohõ saha nidi:

—Tũhoya mũsa. Mehenogã dũhsare yuhũ tojoa tato. Ahri pũ cjë yahuyere yuhũdũcaeyequina bu-
cuyequina ijieta, nidi Jesu.

⁸ Yuhũ Ñu ahri ijipihtiyere yuhũ ojoa nedire tũhou. Sa yegu tire ihña. Sa yegu yuhũ tũhori bato, yuhũ ihñari bato yuhure ihñoriquiro an-
gel poto dũsepe curi mehna

quehe sami. Tiquirore ño peogu tũu nimi.

⁹ Yuhũ sa yegũ ihñano ohõ saha nidi yuhure:

—Sa yeracãhña. Mũhu yero saha yuhũ gãhũ Cohãcjũ cahacjũta ijiaja. Mũhu acaye Cohãcjũ yere yahu mũhtariquina, ijipihtiyequina ahri pũ cjë dutiyere yeyequina gãhũ tiquina ijiro saha yuhũ gãhũ Cohãcjũ cahacjũta ijiaja. Sa yegu Cohãcjũ poto dũsepe curi mehna quehe sa, tiquiro pehere ño peoya, nidi angel yuhure.

¹⁰ Sa yero ohõ saha ni yahu nemori yuhure:

—Ahri pũpu came dũhse wahatire yahure. Sa wahato mehenogã dũhsare. Sa mehenogã dũhsagũ ahri pũpu yahurire nũoedacãhña mũhu.

¹¹ Ti pje yuhũ yahuri pjere ñañequina pehe sa yeducucũnahdo ñañene. Ñabutiayequina gãhũ ña yuhũaro yeducucũnahdo. Quehnoañequina pehe quehnoano yeducuahro. Sa ye ñañe marieñequina gãhũ ñañe marieñequina sa ijiducuahro ti pjere, nidi angel yuhure.

¹² Ohõ saha nidi Jesu:

—Tũhoya mũsa. Mehenogã dũhsare yuhũ tojoa tato. Mũsare yeequinare yuhũ ohoatire ne cãhtagu tũu niaja. Sa yegu quehnoañene mũsa yeri wapa mũsare quehnoano yeitja.

¹³ Yuhũ ijipihtiyere bajumehnedigu ijiaja. Sa yegu

ijipihtiyere pihtigū yeacjū ijiaja.

14 'Ijipihtiequina wete marieñe suhtire sañañequina tiquina ijiro saha tiquina ñañe yerire cosenohriquina ti macapm esaeta. Sa ye ti maca cjē cjm catiyere ohoye cjm dñcare ihyaeta. Sa ye bucueyequina ijieta tiquina, nidi Jesu.

15 Ti macapm eseyequina pehe ahriquina ijire: Ña yuhdñayequina, masare ujuayequina yero saha yeyequina yayia, wñana tiyequina, masare wejñequina, "Cohācjū ijire", tiquina niñe queoyere ño peoyequina, ni meho peyayequina gūhm ijire ti macapm eseyequina.

16 Sa yero ohō saha ni yahu nemori Jesu:

—Yuhm, Jesu, yaquiro angelre ohou mñsare yeequinare ahri pū cjēne yahugm tñhm. Pñhtoro Davi panami iji turiagm ijiaja yuhm. Yuhm bohrearia yero saha ijigm ijiaja, ni yahu nemori Jesu.

17 Espíritu Santo Jesure "Tojoa taya", nine. Jesu yequina tiquiro omoca dñhteaticoro yero saha ijieyequina gūhm "Tojoa taya", nine. Ijipihtiequina tiquina "Tojoa taya", nidire tñhoyequina gūhm "Tojoa taya", niahdo Jesure.

Aco wñoyequina acore tutuaro tiquina cahmeno saha Cohācjū cahapm waha

duana Jesure tutuaro cahmeña. Tiquiro catigū yeye aco yero saha ijire. Tiquirore cahmeñequinare uhmñsepñ sa ijiducugū yerota Cohācjū. Tiquina esa tuharo ye dutiro marieno Jesu yedohoro mehna sa ijiducugū yerota.

18 Yuhm Ñu, ijipihtina ahri pū cjē Cohācjū yere tñhorinare mñsare ohō saha ni cua pesaro mehna yahutja. Ahri buheye mehna apeye buheye mehna more yahu nemoñequina Cohācjūre yuhdñdñcaye nine. Tiquina sa yuhdñdñcagū ihñano ijipihtiyere ahri pūpñ tiquiro buhiri dahreatire tiquiro yahuriro sahata cūnota tiquina gūhmre. Sa yero sata tiquina gūhmre buhiri dahrerota.

19 Sa ye ahri pū cjē yahuyere yahu dñhayequina Cohācjūre yuhdñdñcayequina ijire. Tiquina sa yuhdñdñcagū ihñano catigū yeye cjm dñcare tiquinare ihya dutisi. Sa ye sa ijiducusi tiquina. Sa yero tiquiro ya macapm quehnoari macapm waha dutisi. Ti cjm, ti maca gūhm ahri pūpñ tiquina yahuripñ ijire.

20 Ijipihtiyere ahri pū cjēne yahuriquiro ohō saha nine:

—Sa tjire. Mehenogā dñhsare ahri yehpapm yuhm tojoa tato, nine tiquiro.

Sa tjiya. Ūsā pñhto Jesu, tojoa taya.

21 Mari pñhtoro Jesu tiquiro yedohoro mehna ijipihtina mñsa quehnoano ijiya.